



LVII. G. 15.

BIBLIOTECA NAZ
Vittorio Emanuele II

LVII

G


15

NAPOLI











JOANNIS DE LAET

AMERICAЕ

UTRIUSQUE

DESCRIPTIO.


AMERICA

UNITED STATES

DESCRIPTIVE



12







CAROLO I.

MAGNÆ BRITANNIÆ,
FRANCIÆ, atque HIBERNIÆ.

REGI,

FIDEI DEFENSORI, &c.



Varta hujus universi pars, quam vulgo Americam vocamus, SERENISS. DOMINE; uti primum proavorum nostrorum ætate ab Europæis adiri cæpit, ita hætenus minima sui parte, si Mediterranea spectes, fuit perlustrata; ea autem, quæ jam ab iisdem habitantur aut crebro adeuntur, ita perfunctorie & per partes, quædam etiam satis negligenter fuerunt descripta; ut crediderim me aliquid operæ pretii, in hac parte universim & accuratius describenda, posse præstare; &, si non plenam, saltem pleniorē, quam hætenus visa fuerit, universæ Americæ geographicam descriptionem





C A R O L O I.

M A G N Æ B R I T A N N I Æ,
F R A N C I Æ, atque H I B E R N I Æ.

R E G I,

F I D E I D E F E N S O R I, &c.



Varta hujus universi pars,
quam vulgo Americam vo-
camus, SERENISS. DOMINE;
uti primum proavorum no-
strorum ætate ab Europæis
adiri cæpit, ita hætenus mi-
nima sui parte, si Mediterranea spectes, fuit
perlustrata; ea autem, quæ jam ab iisdem habi-
tantur aut crebro adeuntur, ita perfunctorie &
per partes, quædam etiam satis negligenter fue-
runt descripta; ut crediderim me aliquid operæ
pretii, in hac parte universim & accuratius de-
scribenda, posse præstare; &, si non plenam,
saltem pleniorẽ, quam hætenus visa fuerit,
universæ Americæ geographicam descriptio-
nem

nem exhibere. Hic labor noster non poterat sine
 piaculo alium Patronum sibi asciscere, quam
 T. M^{tem}, tum quia subditi Tui jam aliquot hujus
 partes coloniis deductis occuparunt, quarum
 indigenę coram universo Orbe grati agnoscunt,
 se & ad urbanio rem cultum, & ad Christianam
 Religionem, quod longe maximum beneficium
 est, jam traductos esse, & quotidie traduci; tum
 quia hoc opus tantam lucem à subditorū T. M.
 accuratissimis observationibus accepit, & tam
 multa fortia ipsorum facta in eo commemoran-
 tur. Patere ergo, SERENISS. DOMINE, novum
 hoc, & uti speramus Christiano orbi non inutile
 opus, sub Illustris. Majestatis Tuę Patrocinio
 lucem aspicere; quod si impetravero, satis ma-
 gnum me laborum præmium opinabor conse-
 quutum, & alacrior sum futurus, quandiu vita
 suppetet, ad Hanc atq; alias Orbis partes magis
 magisque illustrandas. Quod superest, Deum
 optimum maximum supplex veneror, ut T. M^{ti}
 plures & bene fortunatos Vitę & Regni annos
 largiatur, ad Nominis sui gloriam & verę Fidei
 defensionem, atque adeo utriusque; per Barba-
 rorum Provincias propagationem.

Tuę Maj^{ties}

Lugduni Batavorum. Nonis Martij
 Anno clō. l3 c xxxiii.

Humillimus cliens


JOANNES de LAET, Antwerp.




IN DESCRIPTIONEM INDIAE OCCIDENTALIS
CLARISSIMI VIRI JOHANNIS DE LAET,
REBUS EJVSDEM INDIAE PRAELECTI.

EXtremum primumque diem, qua surgit ab undis
Quaque fatigatis in mare fertur equis,
Emeno Batavi post tergum liquimus orbe,
Et quas Sol metas, navita noster habet.
Subsequitur, quacunque viam fecere carinae,
Et quantum nauta, mens sibi sumit iter.
Latius extremi positum sibi vindicat Indi,
Et curam terrae deficientis agit.
Par patriae cuius, par libertatis amore,
Hic quoque, quo patriam demereatur, habet.
Nec tantum distincta locis miracula reddit,
Quaecunque in Batavos panda carina tulit:
Cedentis revocat sinemque intercipit orbis,
Vltiusque ipso nobile surgit opus.
Interior tanto jam stat Natura labore,
Et famae accessu continuatur humus:
Excipit exhaustum par mundo gloria mundum,
Quantus in immensa posteritate patet.
Qui varios terrarum habitus, tractusque, situsque,
Et descripta suo nomine regna legis,
Cum frutices, herbasque novas, ignotaque nobis
Nec quondam terris cognita monstra, legis,
Plus monstribus quaecunque legis, mirare docentem,
Per quem, ut nata domi, tam peregrina legis.

S E R I E S
T A B V L A R V M
Geographicarum.

- I.  Mericæ five Indiæ Occidentalis Tabula Generalis, huic paginæ subjungenda, ante Præfat.
- II. Majores minoresque Insulæ, Hispaniola, Cuba, Lucaiæ & Caribes, ante paginam 1. five lib. 1.
- III. Nova Francia & Regiones adjacentes, ante pag. 31. seu lib. II.
- IV. Nova Anglia, Novum Belgium & Virginia, ante pag. 63. seu lib. III.
- V. Florida & Regiones vicinæ, ante pag. 95. seu lib. IV.
- VI. Nova Hispania, Nova Galicia, Guatimala, ante pag. 221. seu lib. V.
- VII. Terra Firma, item Nuevo Reyno de Granada atque Popayan, ante pag. 347. five lib. VIII.
- VIII. Peru, ante pag. 397. five lib. X.
- IX. Chili, ante pag. 481. five lib. XII.
- X. Provinciæ sitæ ad Fretum Magallanicum, itemque Fretum Le Maire, ante pag. 501. seu lib. XIII.
- XI. Paraguay ô Provinc. de Rio delaPlata cum adjacentibus Provinciis quas vocant Tucuman & S. Cruz de la Sierra, ante pag. 521. five lib. XIV.
- XII. Provincia de Brasil cum adjacentibus Provinciis. ante pag. 541. lib. XV.
- XIII. Gujana five Provinciæ intra Rio de las Amazonas atq; Rio de Yviapari seu Orenog;, ante p. 625. LXVII.
- XIV. Venezuela atque Occidentalis pars Novæ Andaliuziæ, ante pag. 667. lib. XVIII.



Septentrionalis America



AMERICA
live
INDIE OCCIDENTALIS
Tabula Generalis





GENERALIS INTRODUCTIO

AD

Libros sequentes.



PROPOSITVM nobis hic describere universam Indiam Occidentalem, quæ vulgo *America* dicitur, seu Quartam & longe maximam habitati orbis partem, à *Christophoro Columbo* Genevensi, auspiciis Catholicorum Regum *Ferdinandi & Isabella* primùm inventam & aditam anno cło cccc xcii. licet ab *Americo Vesputio* nomen meruerit, qui aliquot annis tardius Continentem adnavigavit. Nihil dicemus hic de causis quæ Columbum moverunt ut hanc expeditionem susceperet, neque quomodo barbari incolæ, & unde, primùm in has regiones commigrarint, sicuti nec alia quæ huc spectant, quæ ab aliis & præsertim à *Iosepho de Acosta*, diligenter fuerunt pertractata: sed tantum pauca præfabimur de universæ hujus partis limitibus, & coheræntia particularium provinciarum, & methodo, quam in illas describendo, sequuti sumus.

America itaque pene in latitudinem pertinet ab vno polo ad alterum; objectamq; habet ad Orientem quidem Europam atq; Africam; à quibus dividitur patentissimo oceano Germanico atq; Atlantico; nunc plurium, nunc pauciorum leucarum intervallo; Africa tamen propior, quam Europæ; (ab Hesperidibus enim seu insulis de *Cabo Verde*, ut vocant, brevissimus ad Continentem illius creditur esse trajectus); ad Occidentem autem Asiam & Terram Australem adhuc maxima sui parte incognitam; quanto freto ab Asia divisa sit, nondum satis est exploratum, quanquam communis opinio est, non nisi angusto, quod vulgo vocant *Anian*; verum non observavi hæcenus quemquam applicuisse ad hanc Continentem ultra promontorium Californiæ *Mendocinum*, quod adhuc longe à Continente Asiæ oportet abesse, si itinerum rationes bene subductæ fuerint.

Forma illius valde anomala est; nam primum ad Arctum latissimè se deducit; potissimum inter Insulam *Terram novam*, (quæ multum prominet versus Europam) & extremos *Californiæ* fines, (quibus ad Asiam accedit:) ab his veluti cornubus, sensim utrimque subducunt se illius oræ,

★ ★

donec

donec tandem juxta *Novæ Hispaniæ* portum quem vocant *S. Ioannem de Ullua* veluti in obtusum conum rursus pene coeant, (neque enim terra hic admodum lata est, si cætera spectes;) quumque hæcenus ab Arcto descenderit versus Æquatorem; hinc jam recta pene tendit versus ortum & properat tanquam vinculo quodam se connectere cum altera Americæ parte; id modo latius, modo angustius, in ipso nexu haud supra octo in latitudinem patet leucas, ita ut altera illa pars pene Insula videri possit.

Partem hanc alteram vocamus Meridionalem, quia longe maxima sui parte ab Æquatore divergit versus Austrum, sicuti prior illa tota pertendit ad Arctum, & propterea recte Septentrionalis dicitur.

Porro Meridionalis hæc pars, pene triangularis est formæ, basi quidem latissimâ qua Arcto obvertitur, sed subductis utrimque lateribus, ad Fretum Magallanicum in obtusum conum desinens, ubi vix octuaginta aut nonaginta leucas lata est; nam quæ ultra hoc jacent terræ, tantum insulas esse, jam satis constat, licet majores nostri aliter crediderint.

Sicuti autem Septentrionalis illa pars versus Europam prominet Insulâ illâ quam diximus *Terra Nova*, ita Meridionalis hæc promontorio Brasiliæ celeberrimo, quod vocant *S. Augustini*, versus Africam. Vtraque autem pars ab hisce extremitatibus suas itidem reducit oras, Septentrionalis quidem versus Africum, Meridionalis autem versus eorum, donec ad Novam Hispaniam demum coeant; & recipiunt intermedio spacio longe plurimas insulas, quæ arcuato ductu, ab una parte pertendunt ad alteram, & ab Oceano Septentrionali dividunt veluti Mediterraneum quoddam fretum, quod in intimo recessu vocatur Fretum Novæ Hispaniæ vel etiam Mexicanum.

Quum ergo hæc partes ad hunc modum se haberent, non fuit nobis anxie de commoda methodo laborandum, qua in illis describendis uteremur. Consultissimum enim nobis visum Insulas illas, quas diximus, primum absolvere, quæ & primum inventæ fuerunt & veluti ostium aperiunt ad præcipuas Americæ utriusque partes: Deinde utriusque partis provincias persequi ordine quo jacent. Itaque Insularum illarum descriptione primo libro absoluta; Continentem adii Americæ Septentrionalis, & partibus illis quæ ad polum Arcticum vergunt, (utpote nondum satis cognitæ, & nihil memorabile fortitis, præter glaciem & pene perennes nives,) prætermisissis, descriptionem orsus sum ab Insula *Terra Nova*, & *Nova* ut vocant *Francia*, cui illa objacet; eæ secundi nostri libri argumentum fuerunt: atque ita secundum oram incesse, & Libro Tertio assignavi *Novam Angliam*, *Novum Belgium*, & *Virginiam*: Quarto libro prosecutus sum *Floridam*: Quæ nos deduxit ad *Novam Hispaniam* nobilissimam utique Americæ hujus Septentrionalis partem, quam (cum vicinis aliquot provinciis quæ ab Hispanis ipsi annectuntur, versus occasum quidem *Mechuacana*, versus Arctum *Panuco*; versus ortum *Tabasco* & *Tucutana* versus Austrum *Guaxaca* & aliis,) libro quinto diligentissime & copiose illustrare sum conatus: Atque hic nobis ab oceano nostro paulum discedendum fuit, ad provincias illas, quæ à tergo *Novæ Hispaniæ* & procul intra Continentem jacent, nimirum

nimirum *Novam Galeciam; Novam Cantabriam; Californiam, Novam Albion,* & *Novam Mexicanam;* quas omnes libro sexto absolvimus. His absolutis reversus sum ad extremos Novæ Hispaniæ limites, jam ante descriptos, & septimo libro suscepi describendas provincias illas omnes quæ angustum illum terrarum tractum occupant, qui utramque Americæ partem connectit, quem quidem à nobilissima parte & conventus juridici sede *Guatemalam* denominavi; in eo tamen ordine suo describuntur provinciæ, *Chiapa* Mediterranea, *Soconusco* & *Suchitepec* ad mare Australe; *Verapaz* Mediterranea; *Guatemala* proprie dicta, *Tzalcos*, *San Salvador*, *San Miguel*, *Chulutecca* ad mare rursus Australe; *Hondura* ad mare Septentrionale, *Nicaragua*, *Costa Rica*, & *Veragua* ad utrumque. Atque ita pervenimus ad Isthmum; & libro octavo primum descripsimus *Panamensem* provinciam, quæ tum illum, tum aliquam partem utriusque Continentis occupat: huic adjunximus *Cartagenam* celeberrimum Hispanorum emporium & famosam Americæ Meridionalis ad mare Septentrionale provinciam; atque ita porro præfecturas alias duas *S. Martham* & *Rio de la Hacha* ad idem mare sitas.

Atque hic nonnihil hæsitavi, dubius an oras hujus partis porro prosequeretur versus orientem, & per *Fretum Magallanicum* me referrem ad eundem Isthmum quem jam absolveram; verum tandem consultius visum ad mare Australe accedere & progredi versus Austrum, atque ita per *Fretum Magallanicum* vastissimo ambitu regredi ad *Rio de la Hacha*.

Nono itaque libro penetravi intra Continentem & perlustrato *Novo Regno Granatensi*, quod utrumque mare nusquam attingit, per *Popajanam* reversus sum ad *Mare Pacificum*, à quo post Panamensem provinciam explicatam recesseram. Hinc porro descripsi *Peruviam* universam, quæ longissimo terrarum spacio illi mari adjacet, libris duobus decimo & undecimo. Atque ita deinceps *Chilen* libro duodecimo: *Magallanicam* decimo tertio; cujus nobilissimum Fretum me reduxit in Oceanum Atlanticum, & oræ quæ ortum aspiciunt, deduxerunt ad vastum æstuarium Magni Fluminis *de la Plata*. Decimo quarto subiens memorabile illud flumen, Provinciam omnem, quæ ab illo nomen meruit, perlustravi, & illi ad occasum vicinam *Tucumanam*, usque ad extremos Peruviæ atque Chilens fines; neque enim alio loco Continens Americæ Meridionalis ab uno mari ad alterum hætenus penetratur. Orâque hujus Provinciæ secundum mare Atlanticum lectâ, promovi ad *Brasiliam*, quam Portugalli incolunt; (cætera enim sibi vindicant Castellani.) Hanc duobus quoque libris decimo quinto & sexto obivimus, & descriptionem nostram produximus ad famosissimum *Amazonum* flumen; quod decimo septimo libro illustravimus, & post illud cætera flumina, & oram fere, (nam interiora maximam partem incognita sunt) atque inter ea maxime nobile flumen *Orenoquen*. Decimo octavo denique & ultimo *Cumanam* quidem radentes, *Venezuelam* autem ingredientes, ambitum nostrum absolvimus. Atque hæc quidem de Methodo nostra in univsum; quid autem in singulis libris explicuerimus, ex Indice quem statim subjiciam melius elucescet.

Quantum autem præ aliis, qui hanc operam ante nos susceperunt præstitimus, aliorum iudicium erit, qui facile animadvertent quantum laboris à nobis hic fuerit exhaustum, & quantopere nobis annitendum fuerit, ut in tanta scriptorum varietate atque adeo diversitate, veritatem eliceremus: Quam tamen non ausim promittere me in singulis adhuc plene assequutum; quomodo enim possem; quum plurimæ hujus Continentis partes, tantum ab uno aliquo, neque satis diligenter, invenerim descriptas; in iis autem, quæ jam ab aliquot annis à variis nationibus, præsertim Gallis, Anglis & nostris fuerunt accuratius lustratæ atque descriptæ, proclivius fuit veritatem eruere; quorum sane observationes diligenter contuli cum iis quæ superiori seculo ab Hispanis fuerant tradita, & iudicio usus, quæ vera, aut saltem vero quam simillima videbantur, Lectores minime celavi, ita tamen ut ne aliorum quidem iudicia prætermitterem, & suum nicuique iudicium relinquerem.

Licet autem jam à multis annis ingens controversia fuerit inter Hispanum, & alios Europæ nostræ Principes, de dominio & proprietate harum Terrarum; Hispano ex donatione Pontificis Romani universam hanc Americam sibi vindicante, aliis contra obnitentibus & hanc vel illam partem sibi adscribentibus atque occupantibus: non putavi tamen aut instituti mei aut officii esse, ullum arbitrium mihi inter partes assumere, sed simpliciter & bona fide commemorare, quid à singulis nationibus, in singulis partibus gestum fuerit; de jure disceptabunt ipsæ: Quanquam fatear mihi maxime semper probatam fuisse Serenissimæ *Elizabethæ* Anglorum Reginæ sententiam; quæ, quum Hispaniarum Rex *Philippus* Secundus per Legatum suum *Bernardinum Mendozam*, 'apud ipsam magna contentione urgeret, universam Americam quæ patet suum peculium esse, & inique fecisse Anglos quod nonnullas Americæ partes adnavigassent ipso invito; respondit (uti apud *Camdenum* in Reginæ hujus vita legimus ad annum cId Io lxxxi) non intelligere se, cur sui aut aliorum Principum subditi ab Indiis prohiberentur, quas Hispanici juris esse sibi persuadere non posset, ex Romani Pontificis donatione, in quo prærogativam in ejusmodi causis agnoscat nullam, nedum auctoritatem ut Principes obligaret, qui nullam ei obedientiam debent, aut Hispanum novo illo orbe veluti infeudaret & possessione investiret. Nec alio quopiam jure, quam quod Hispani hic illic appulerint, casulas posuerint, flumen aut promontorium denominaverint, quæ proprietatem acquirere non possunt. Ut hæc rei alienæ donatio quæ ex jure nihili est & imaginaria proprietas obstare non debeat, quo minus cæteri Principes commercia in illis regionibus exercent, & colonias ubi Hispani non incolunt, jure gentium nequaquam violato deducant, quum præscriptio sine possessione non valeat; necnon Oceanum illum vastum navigent, quum maris & aëris usus omnibus sit communis. Nec jus in Oceanum populo aut privato cuiquam possit competere, quum nec natura nec usus publici ratio, occupationem permittat.

Operæ pretium vero fuerit, hic obiter attexere, quo jure Hispaniarum
Rex,

Rex universas has terras sibi soli nifus fuerit vindicare, in quem finem hic producā ex ejusdem Regis Historiographo Antonio de Herrera, quo pacto Hispani veros terrarum illarum dominos fuerint allocuti, & occasionem ceperint eos evertendi, & tot myriadas miserorum barbarorū exscindendi.

Ego N. N. minister summorum & potentissimorum Regum Castellæ & Legionis, barbararum gentium domitorum, corundem Legatus & Capitaneus, notum vobis facio, quibus possum modis, unum & æternum Deum, Dominum nostrum creavisse Cælum & Terram, item marem & foeminam, è quibus nos juxta atque vos, atq; adeo omnes homines nati sunt, & porro nascentur; præ multitudinem autem hominum qui jam quinque millibus & aliquanto pluribus annis, propagati fuerunt, necessarium fuit, ut alii hic, alii alibi sedes sortirentur, & in varias provincias & regna dividerentur, quia impossibile erat una regione omnes contineri. Harum omnium nationum & populorum Deus curam & sollicitudinem habere voluit unum virum, qui dicitur Petrus, ita ut dominus & supremus arbiter esset omnium & singulorum hominum hujus Universi, ut ipsis imperaret, & veluti caput esset universi generis humani, ubicunq; tandem degerent, & quamcunque legem, fidem aut sectam sequerentur: mancavitque illi universum orbem; & licet ipsi mandaret thronum suum figere Romæ, loco opportunissimo ad orbem gubernandum, tamen liberum ipsi reliquit in alia quavis orbis parte illum stabilire, ad judicandum & regendum populos, Christianos, Mahumetanos, Judæos, Gentiles, & cujuscunque tandem fidei aut superstitionis. Hic dicebatur Papa, id est, admirabilis Primas, Pater & defensor, quia Pater est & Pastor omnium hominum. Huic Sancto Patri obediverunt, & ultro subjecerunt se uti supremo Domino, Reges & Principes omnes universi Orbis qui illius ætate vivebant, & post illum, omnibus qui provec̃ti fuerunt ad Papalem dignitatem, singuli suis ætatibus, usque ad hodiernum diem, & porro sunt facturi usque ad finem. Unus horum supremorum Sacerdotum, ut Dominus orbis, donavit has insulas & continentem in & ad Oceanum sitas, Catholicis Regibus Castellæ & Legionis, qui tum erant Ferdinandus & Isabella laudatissimæ memoriæ, & ipsorum hæredibus Dominis nostris, cum omnibus quæ continent; quemadmodum plenius continetur in diplomate descripto, quod vobis licet inspicere, si libet: ita ut S. M^{tes} Rex sit & Dominus harum Insularum & Continentis ex virtute hujus donationis: & aliquot Insulæ, & fere omnes, ad quas hujus donationis fama pervenit, M^{tes} S. jam pro Rege & Domino agnoverunt, paruerunt & serviverunt illi; hodieque obediunt & serviunt, ut subditos decet, spontaneâ obedientiâ & sine constrictione aut repugnantia: quin etiam post illa sine mora, præcedentiæ edocti, aurem præbuerunt, & paruerunt Religiosis, quos ad illos miserat, ut ab ipsis fidem nostram edocerentur, & quicunque libera voluntate, incoacti, sine muneribus, aut aliis conditionibus Christianam fidem amplexi sunt & servant, eos M. S. clementer & gratanter suscepit, & voluit, ut haud secus quam alii ipsius subditi haberentur & tractarentur: tenemini ergo & vos eodem modo facere. Obscuro itaque,

& quibus possum modis contendo, ut animum advertatis ad ea quæ dixi, utque melius percipiat, idoneam vobis temporis moram, uti par est, sumatis ad consultandum, & ut Sanctam Ecclesiam agnoscatis Heram & Dominam universi orbis, & summum Sacerdotem, qui dicitur Papa, ipsius nomine, atque M. S. illius loco in supremum Dominum & Regem Insularum & Continentis, ex virtute dictæ donationis; & permittatis Religiosos hosce patres prædicta plenius vobis explicare. Si ita feceritis, bene utique vobis consuletis, & præstabis M. S. quod ipsi debetis obsequium: Ego autem ipsius nominè, omni benevolentia vos complectar, & relinquam vobis uxores & liberos, neque ulli servituti vos mancipabo, ita ut vobis integrum sit statuere de illis pro libitu, quemadmodum & plerique insulares fecerunt: Majest. Sua præterea vobis liberaliter impartietur plurimas immunitates, & mercedes. Sin vero contra feceritis, aut mala fide moras necetatis, denuntio vobis, me, Deo auxiliante, cum copiis terras vestras ingressurum, & bello vos undiquaque & omnibus modis infestaturum, & sub jugum & obsequium Ecclesiæ & M. S. coacturum, uxores vestras & liberos abducturum & mancipaturum, venditurum, & porro ita cum illis acturum uti M. S. imperabit: Eripiam vobis bona vestra, & multabo quantiscunque potero calamitatibus, uti vassallos, qui detrectant Dominum suum agnoscere, eique parere, verum ipsi obloquuntur atque resistunt. Et protestor, homicidia & damna quæ sequutura sunt, vestræ culpæ imputatum iri, & nequaquam M. S. aut hisce fortibus viris qui me sequuti sunt. Et requiro, ut præsens Notarius sigillatas literas mihi tradat, ad fidem faciendam, me hæc omnia vobis significasse & rogasse. Hactenus ex Herrera.

Porro ut ad institutum meum revertar, præter accuratam geographicam & hydrographicam harum regionum descriptionem, quam potissimum mihi proposueram; publicæ utilitatis interesse existimavi, etiam alia quædam adjungere; qualia sunt indigenarum mores & instituta; Regnorum quorundam origines, & Principum Series; maxime autem Animalium, Arborum, Herbarum, Frugum & Fructuum icones & descriptiones. Icones quidem, partim ab aliis, & potissimum à Clar. V. Carolo Clusio, accepimus; partim (& quidem non paucas) ipsi ad vivum depingi, & ab accuratissimo artifice tabellis exprimi fecimus, ut non dubitemus singularem voluptatem & utilitatem Lectoribus allaturas. Descriptiones autem ex probatissimis quibusque authoribus sumpsimus, in quibus multa deprehendet Lector, Latinis auribus hactenus inaudita.

Quod superest, obtestor omnes, ne, (quæ nostri ævi labes est & prava consuetudo) si usquam aberravero, uti humanum est errare, odiose errata traducant aut vellicent, sed humaniter admonèant, & doceant meliora; paratus enim sum futurus recte monentes sequi, & quæ aut perperam exciderunt, aut in quibus ab aliis falsus sum, corrigere.

Ut autem fidem meam liberem, & gratum me præstem iis, à quibus ea, quæ sparsim in hisce libris continentur, accepi; Authorum nomina, quorum laboribus adjutum me fuisse lubens agnosco, hic subjicio.

Primera Parte de la Chronica del Peru; Hecha por Piedro de Cieca de Leon.
 Descripcion de las Indias occidentales por Antonio de Herrera.
 Historia general de los Hechos de los Castellanos en las Islas y Terra Firme del mar
 Oceano, escrita por Antonio de Herrera.
 Historia del descubriemento y conquista de la provincia de Peru, &c. Augustin
 de Zarate.
 Diego Fernandez Historia del Peru.
 Historia natural y moral de las Indias por el Padre Joseph de Acosta.
 Relacam Annal das cousas que sezeram os Padres da Companhia de Jesus nas partes
 da India oriental & no Brasil, &c.
 Conquista de las Moluccas por Leonardo de Argenfola.
 Argentina por Martin del Barco.
 Araucana de Don Alonzo de Ercilla y Cuniga.
 Primera Parte de los Commentarios Reales que tratan del origen de los Incas, Reyes
 que fueron del Peru, &c. Escritos por el Tnca Garcilasso de la Vega, natural del
 Cuzco y Capitan de su Magestad.
 Viage del mundo Hecho y compuesto por el Licenciado Petro ordonnez de ceualllos,
 natural de la insigne ciudad de laen.
 Delle Navigazioni & Viaggi raccolte da M. Gio Battista Ramusio volume terzo,
 nel quale si contiene le Navigazioni al Mundo Nuovo.
 Iarriici Thesaurus rerum Indicarum.
 Decades Oceanicae Petri Martyris.
 Descriptionis Ptolemaicae augmentum Cornelii Wyssliet.
 La Historia de las Indias por Francisco Lopez de Gomara Clerigo.
 Popillimere des trois Mondes.
 Themet France Antartique.
 Histoire de Brasil par Jean Lery.
 Les voyages du Sieur Champlain.
 Histoire de la Nouvelle France par Marc Lescarbot.
 Histoire de la mission des Peres Capuchins en l'Isle de Maragnan & terres circonvoi-
 sines, par le R. P. Claude d'Abbeville.
 Traicté de la Navigation & des voyages de decouverte & conqueste modernes, &
 principalement des Francois. par Bergeron.
 Tertium volumen itinerum & navigationum Anglice nationis per M. Richardum
 Hackluytium. Anglicè.
 Samuelis Purchasii laboriosum opus, continens plurima itinera Anglorum &
 aliarum nationum. Anglicè.
 Virginie descriptio per Joannem Smithum. Anglicè.
 Novæ Angliæ descriptio per eundem Smithum. Anglicè.
 Relatio eorum que ab Anglis gesta sunt in Nova Angliæ. Anglicè.
 Richardi Whitbournii Angli commentarius de Terra Nova. Anglicè.
 Guianæ descriptio per Robertum Harcourtium. Anglicè.
 Relationes Anglorum de Bermudis insulis. Anglicè.
 Hugonis Linschotani brevis descriptio America.
 Laurentii Bickeri navigatio ad flumen de la Plata. Belgicè.

Itinerarium Admiraliū Mahu per fretum Magallanicum, per Bernardum Ianſonium Chirurgum. Belgicè.

Itinerarium Olverii de Noord. Belgicè.

Itinerarium Spilbergii per fretum Magallanicum. Belgicè.

Itinerarium Lemairii & Wilhelmi Schouteni per novum fretum Lemarium. Belgicè.

Itinerarium Classis Naſſavica Duce L'Hermita. Belgicè.

Roteiros de Portugal pera o Braſil, Rio de la Plata, Indias de Portugal & Caſtella, Compoſtos por Manoel de Figueredo.

Theodori Reuteri Belga, Fax navigationum. Belgicè.

Caroli Cluſſii Atrebatii Exoticorum libri decem: cum Garzia ab Horto & Chriſtophoro à Coſta.

Quatro libros de la Naturaleza y Virtudes de las plantas y animales que eſtan recevidos en el uſo de Medicina en la Nueva Eſpanna, por Fr: Franciſco Ximenez: En Mexico.

Atque hi fere ſunt libri omnes impreſſi, quos conſuluimus; uſi ſumus præterea plurimis itinerariis, & relationibus manuſcriptis diverſarum nationum, præcipue autem Belgarum noſtrorum, qui poſterioribus hiſce annis, varias partes utriuſque Americæ adierunt, auſpiciis potiſſimum Societatis Indicæ Occidentalis; quorum accuratas obſervationes inter ſe contuli, & ea quæ magno conſenſu produnt, ſequens, multa utiliter correxì, in quibus ab Hiſpanis & aliis fuerat aberratum.


Obſervavi quoque Authores qui ante me ſcripſerunt, atque inter eos Antonium de Herrera, diligentiffimum alioquin ſcriptorem, interdum aliter atque aliter, & nonnunquam diverſa de una atque eadem provincia aut re ſcripſiſſe; quod difficulter in magnis operibus & tanta ſcriptorum copia vitari poteſt: licet autem ſtudioſe caverim, ne in eundem lapidem impingerem, tamen vereor, ne alicubi haud ſatis attento, & gravibus negotiis nonnunquam impedito, ſimile quid acciderit; quare eandem veniam, quam aliis dedi, viciffim ab æquis Lectoribus ſlagito.

Denique dum libri hi imprimerentur, aut jam bonam partem abſoluti eſſent, pauca inveni à noſtris atque aliis naucleis obſervata, in quibus à me fuit erratum; quæ corrigenda erunt: pauca itidem omiſſa, quæ addenda: ut autem utrumque compendioſius & utilius à Lectore fieret, corrigenda aut addenda in ſequentem Indicem capitum quæ ſingulis libris continentur, conjeci, ut ſtatim in oculos poſſent incurrere, & ſingula facilius ad ſua loca referri.

INDEX CAPITVM

Quæ singulis Libris continentur.

Liber Primus, De Insulis Oceanicis.

- CAP. I.  *Insula S. Ioannis situs, magnitudo, cæli solique qualitates.*
 II. *Urbes Hispanorum in hac Insula, quarum Metropolis Porto Rico.*
 III. *Portus & ora maritima Insule S. Ioannis: & de Mona.*
 IV. *Insula HISPANIOLÆ situs, magnitudo, animalia, fructus, &c.*
 V. *Provincia & flumina hujus Insule præcipua.*
 IV. *Oppida olim Hispanis habitata; metropolis S. Domingo.*
 VII. *Reliqua hujus Insule oppida hodieque Hispanis habitata.*
 VIII. *Descriptio ora maritima, sinuum, promontoriorum, portuum Insula Hispaniola.*
 IX. *CVBÆ Insule situs, cæli solique qualitates, arbores, animalia.*
 X. *Provincia hujus Insule atque præcipui amnes.*
 XI. *Oppida qua hodie ab Hispanis in hac insula habitantur.*
 XII. *Habana principale hujus Insule oppidum & portus.*
 XIII. *Portus & ora maritima Insula Cuba, quâ Austrum adspicit.*
 XIV. *Ora maritima & portus Insula Cuba, quâ Septentriones respicit.*
 XV. *JAMAICÆ Insule situs, urbes, littora, portus, alia.*
 XVI. *LVCAIARVM Insularum situs & qualitates.*

Amana vel *Amaguana*; manifestus error est, quem serius è nostrorum observationibus animadvertimus, sunt enim duæ insulæ diversæ, itaque corrige.

Amana est insula omnium Lucayarum maxime aquilonaris, adhærens vadis insularum *Caycos* versus ortum, viginti & duobus gradibus & aliquot scrupulis ab *Æquatore* versus *Arctum*, undique scopulis septa, ita ut vix scaphæ ad illam pateat aditus; modice edita versus ortum, & in varias partes secta versus occidentem ubi ingenti vado tegitur: ad ortum altissimo oceano pullatur: vix quicquam viride sortita, sed tota aspera, & inamana, infœcundaque.

Amaguana distat à *Caycos* versus *Corum* undecim aut duodecim milliariibus (forte eadem cum *Manegua*, nam hanc in Tabulis non invenio, & illa fere *Maiguana* hodie appellatur à plerisque) ab *Æquatore* duobus & viginti gradibus & alibi viginti alibi quadraginta scrupulis: patet in longitudinem inter ortum & occasum septem aut octo milliaria, vix usquam in latitudinem plus quam tria: multis cautibus obsita & difficilis aditu: solum quod *Arctum* aspiciat depressum & virenti fruticeto obsitum, quod suavem odorem de se fundit, ceterum saxosum & impatiens culturæ: nullæ potabiles limphæ: à nostris in illa inventæ, sed stagna quædam subamara; plurimos tamen alit cuniculos, quales passim reperiuntur in *Americæ meridionalis* continenti.

Curateo distat ab *Æquatore* (ut nostri nuper observarunt) sex & viginti grad. & sex scrupulis. Caput in ambitu circiter undecim aut duodecim milliaria: stationem habet non incommodam haud longe ab angulo illius qui *Eurum* adspicit: licet insula sit saxoso solo, tamen alit procerissimas pinus, & alias arbores; etiam *Ebeni* spurium genus. abundat volucribus, & limphis potari idoneis: mareque ambiens valde est piscosum.

Mimbres insulam (vel scopulum) inveni à nostris *Belgis* observatam ad altitudinem sex & viginti graduum & triginta scrupulorum versus *Arctum*.

- XVII. *CANIBALVM Insularum situs & qualitates.*
 XVIII. *Reliqua Canibales Insule, earum situs & qualitates.*
 XIX. *BERMYDEZ insularum situs, cæli solique qualitates.*
 XX. *Colonia Anglorum in Insulis Bermudez.*

I N D E X

Liber Secundus, NOVA FRANCIA.

- CAP. I. **T**ERRÆ NOVÆ Insula situs, cæli solique qualitates, animantes.
- I. Incole Terræ NOVÆ, eorum habitus & mores.
 - II. Portus & Stationes hujus Insula; oraque omnis maritima.
 - IV. Magni Banci, ut vulgo vocatur, qui Terræ NOVÆ pratenditur, & Insula de Sable descriptio.
 - V. Insula BRITONVM situs, cæli solique qualitates, Indigena.
 - VI. Minores aliquot insule per fretum S. Laurentii sparsæ.
 - VII. Insula Natiscotec, hodie Assuncion vel Ascension, & fluvius Chesedec, aliq, amnes.
 - VIII. Portus Tadoufac & flumen Saguenay.
 - IX. Magnum flumen Canadense; regionum itidem adjacentium designatio usque ad Quebecq.
 - X. Interiora fluminis Canadensis, & de urbe Hochelaga à Iacobo Quarterio quondam visa & descripta.
 - XI. Descriptio magni Fluminis Canadensis circa Quebecq & supra, secundum observationes recentiorum.
 - XII. Barbarorum qui has NOVÆ FRANCIA regiones incolunt, habitus, mores, religio, idioma.
 - XIII. De Attigovantorum moribus & institutis à Champlany commentario.
 - XIV. NOVA FRANCIA partes quæ Austrum respiciunt, quas Galli CADIE sive ACADIE vocant.
 - XV. Descriptio ora Accadie quæ ad Aquilonem descendit & de Portu Regali.
 - XVI. Sorriquosiorum, qui hic incolunt, mores, instituta, idioma.
 - XVII. Continens NOVA FRANCIA usque ad Flumen Pemtegoüet.
 - XVIII. De Flumine Pemtegoüet, quod multi Norumbegum opinantur; veterum errores notati.
 - XIX. Flumen Chovacöet, habitus & mores Almouchiquosiorum.
 - XX. Colonia Gallorum ad magnum Flumen Canadense.
 - XXI. Colonia Gallorum in Australem NOVA FRANCIA partem deducta.
 - XXII. Narratio eorum quæ à Gallis in septentrionalibus NOVA FRANCIA regionibus gesta sunt.
 - XXIII. De NOVA SCOTIA à Diplomate Regis Magnæ Britannia, Wilhelmo Alexandro Equiti indulto.

Liber Tertius, VIRGINIA.

- CAP. I. **N**avigatio Joannis Verazzani ad Continentem America Septentrionalis.
- II. Descriptio Continentis America Septentrionalis quæ hodie NOVA ANGLIA dicitur, à commentario Joannis Smithi.
 - III. Particularior ejusdem Continentis descriptio ex eodem.
 - IV. Res ab Anglis in hisce partibus gesta ab anno 1606.
 - V. NOVA ANGLIA cæli solique qualitates; ex commentariis anno 1606 ab ipsa Societate editis.
 - VI. Nova Plymouth, Colonia ab Anglis huc deducta.
 - VII. NOVUM BELGIUM; descriptio Continentis America Septentrionalis à Belgis nostris primum penitus lustrata & habitata.
 - VIII. Particularis Novi Belgii descriptio secundum ora illius ductum.
 - IX. De Magno seu Septentrionali Novi Belgii flumine & variis populis qui illud accolunt.
 - X. Novi Belgii, cæli solique natura, fruges, planta, alia.
 - XI. Indigenarum Novi Belgii mores & instituta, & Sankikanorum lingua.
 - XII. Ora maritima descriptio ad alterum usque Flumen & gradum trigessimum octavum latitudinis Septentrionalis.
 - XIII. VIRGINIÆ, quam Angli hodie incolunt, situs, cæli solique qualitates.
 - XIV. Flumina Virginia, & populi qui ea accolunt, à Commentario Joannis Smithi.
 - XV. De Terra fructibus qui sponte in hac Virginia parte particulariter proveniunt.
 - XVI. De sativæ fructibus & modo quo barbari illos colunt atque usurpant.

C A P I T V M.

- XVII. De variis animantibus Virginia, terrestribus, aëriis & aquatilibus.
- XVIII. Mores atque ingenium, habitus & instituta Indigenarum.
- XIX. Res ab Anglis in hac Virginia parte gestæ.
- XX. Sinus Chesapeak à Ioanne Smitho lustratus.
- XXI. Quæ porro ab Anglis in hac Virginia parte gestæ.
- XXII. Virginia à Walthero Raleigho primum detecta: Terra fructus & animalia.
- XXIII. De iis quæ hac Virginia pars fert commerciis apta & de moribus Gentis.
- XXIV. De primis Anglorum expeditionibus in hanc Continentis partem ad annum usque c1o 1o LXXXVI.
- XXV. Reliqua gestorum ad annum c1o 1o xc.

Liber Quartus, FLORIDA.

- CAP. I. FLORIDÆ provinciarum prima inventio, seu expeditio Ioannis Poncii Le-glonensis.
- II. Navigatio secunda Hispanorum in Floridam.
 - III. Tertia Hispanorum in Floridam expeditio anno c1o 1o xxviii Duce Pamphilo Narvæcio.
 - IV. Quarta & maxime memorabilis Expeditio Hispanorum in Floridam, duce Hernando à Soto, anno c1o 1o xxxix inchoata.
 - V. Expeditionis Hernandi à Soto progressus & annus secundus.
 - VI. Hernandi à Soto in interiores Floridæ provincias progressus.
 - VII. Expeditionis Hernandi à Soto progressus usque ad illius obitum.
 - VIII. Expeditionis quarta in Floridam reliqua, duce Ludovico Moscoso de Alvarado, post excessum Hernandi à Soto.
 - IX. Gallorum prima expeditio in Floridam, Ioanne Ribaldo duce.
 - X. Secunda Gallorum expeditio in Floridam duce Renato Laudonero.
 - XI. Tertia Gallorum expeditio in Floridam duce Ioanne Ribaldo.
 - XII. Quarta expeditio Gallorum in Floridam duce Dominico Gurgio.
 - XIII. Floridæ situs atque limites secundum Hispanos.
 - XIV. Cæli solique natura & mores Indigenarum in illa Floridæ parte quam Galli lustrarunt, è Commentariis Laudonarii.
 - XV. De Arboribus quibusdam & Herbis Floridæ familiaribus, aliisque.

Ad descriptionem Sassafras, adijunge: accepimus à quodam nostrorum ex Novo Belgio redeunte, fructus arboris hujus, uti ferebat, qui forma non multum differunt à baccis Lauri, sed longe sunt minores, cortice tenero & pene nigro & exterius rugato, qui continet intus nucem albam, sapore subamaro in duas partes divisam.

- XVI. Regimen politicum Floridanorum ex eodem Laudonero.
- XVII. Descriptio oppidorum & arcium quæ hodie ab Hispanis in Floridâ possidentur.
- XVIII. Descriptio oræ maritimæ provincia Florida, tam quæ magno Oceano pulsatur, quam quæ sinum Mexicanum admittit.

Liber Quintus, NOVA HISPANIA.

- CAP. I. NOVÆ HISPANIÆ limites, cæli solique qualitates & descriptio generalis.
- II. Resinarum & liquorum aromaticorum descriptio, quorum magna copia in Nova Hispania invenitur.
 - III. De fructiferis aliquot arboribus, plantisque Novæ Hispaniæ peculiaribus.
 - IV. De floribus quibusdam & herbis, animalibus & gemmis Novæ Hispaniæ.
 - V. Provincia Mexicanæ sive Archiepiscopatus limites & partes sive provincia minores.
 - VI. Lacus Mexicani & Metropoleos descriptio.
 - VII. Loca maxime illustria circa Lacum & urbem Mexicanam, Chulula, Tezcucuo, Quitlavaca, Yztacpalapa, aliaque.
 - VIII. Acapulco oppidum & portus ad mare Australe.
 - IX. Digressio de antiquis Mexicanorum institutis.

x. Mexi.

INDEX

- x. Mexicanorum idioma, numerandi & scribendi ratio, menses, anni, seculam & modus rerum gestarum memoriam conservandi.
- xi. Origines Mexicanorum, eorumque Principes secundum Gomaram.
- xii. Duces & Reges Mexicanorum secundum Acostam.
- xiii. Regum Mexicanorum series secundum Annales ipsorum pictos.
- xiv. Panucensis provincia & oppidorum qua ab Hispanis hodie in illa incoluntur descriptio.
- xv. TLASCALA. Generalis provincia Tlascalensis descriptio.
- xvi. Episcopus Tlascalensis limites, Metropolis Puebla de los Angeles; vetus Indigenarum Civitas Tlascala, locaque vicina.
- xvii. Tepeaca provincia, & oppidum Hispanorum Segura.
- xviii. Oppidum Verae Crucis & precipuus Nova Hispania portus S. Ioan de Uillua.
- xix. Reliqua ora maritima Episcopatus Tlascalensis.
- xx. GUAXACA. Episcopus Guaxacensis limites, vallus Guaxaca descripta.
- xxi. Misteca provincia, Tutepeque, Zapoteca, Guazacoalco.
- xxii. Civitates Hispanorum in Diocesi Guaxacensi, Antequera, alie; ora item maritima.
- xxiii. MECHOACANA. Provincia limites, celi solique qualitates, arbores varia atque planta.
- xxiv. De animantibus hujus provincia & moribus Indigenarum.
- xxv. Particulares provincia qua sub hac Diocesi comprehenduntur & oppida qua in singulis, ab Hispanis habitantur.
- xxvi. YUCATANA. provincia limites, celi solique qualitates.
- xxvii. Particulares aliquos hujus Peninsula provincia, & quomodo primum fuerit inventa.
- xxviii. Oppida Hispanorum in Yucatanæ, Merida, Valladolid, Campeche.
- xxix. Ora maritima Yucatanæ, portus, insula adjacentes.
- xxx. TABASCO; provincia limites, celi solique qualitates, Indigenæ, oppidum, aliaque.

Liber Sextus, NOVA GALÆCIA.

- CAP. I. NOVA GALÆCIÆ limites, provincia, celi solique qualitates, fructus.
- II. Indigenarum ingenia, mores, instituta; Hispani incola.
- III. GVADALAJARA provincia, & oppida qua Hispani in illa colant.
- IV. XALISCO & CHIAMETLA provincia, oppidaque in eisdem ab Hispanis habitata.
- V. Provincia CULVACAN descriptio, & quomodo primum à Nonnio Guzmano fuerit illustrata.
- VI. Nonnii Guzmanii expeditio in CINALOAM, ejusque provincia descriptio.
- VII. Provincia quam UXITIPAM vocant descriptio.
- VIII. Provincia DE LOS ZACATECAS, illius metalla, oppidaque.
- IX. Provincia qua hodie NOVA VIZCAYA dicitur, & metallorum qua in illa reperiuntur descriptio.
- X. Ora maritima Novæ Galæcia, promontoria, sinus, flumina atque portus.
- XI. CALIFORNIAE limites, Cortesique navales expeditiones in mari Australi.
- XII. Francisci de Ulloa Navigatio in Freto Californiano.
- XIII. Navigatio ejusdem Francisci de Ulloa secundum California latus, quod ab Australi Oceano pulsatur.
- XIV. Fratris Marci de Niza iter ad Cibolam provinciam.
- XV. Francisci Vasquii de Cornado expeditio in Cibolam & vicinas provincias.
- XVI. Cibolæ provincia situs, celi solique qualitates à Francisco Vasquio de Cornado observata.
- XVII. Quiviræ provincia situs, indigenæ, animalia, aliaque à Gomara.
- XVIII. Hernandi de Alarcon navigatio in Freto Californiano.
- XIX. Expeditio navalis Joannis Roderici Cabrilli secus latus australe California in mari Pacifico.
- XX. NOVA ALBION ex commentariis Francisci Draci descripta & California reliqua.

C A P I T V M.

- XXI. *Provinciarum quas hodie NOVO MEXICO vocant prima inventio.*
- XXII. *Expeditionis Antonii de Espeio in Novam Mexicanam progressus.*
- XXIII. *Provincia de los Tiguas, de los Quires, Cumanes, Amceys, Acoma, Zunii, quorum provincia ab Hispanis Cibola dicitur, lustrata.*
- XXIV. *Antonii de Espeio itineris reliqua; Zaguato municipium, Hubatum provincia, atque Tamorum.*
- XXV. *Expeditio D. Joannis de Onnate; Acoma capta & diruta, oppidum S. Joannis conditum, Lacus Conibas obiter lustratus.*
- XXVI. *Recentissima Novæ Mexicanæ descriptio, è commentariis Alfonfi de Benavides Franciscani.*

Liber Septimus, GUATIMALA.

- CAP. I. **D**escriptio hujus provincie sive Conventus Iuridici in communi, & quando & à quibus singula provincia primum fuerint inventæ.
- II. *De Cacao fructu hisce provinciis pene peculiari, & de Chocolate.*
 - III. *Digressio de Mayzio & illius facultatibus & multiplici usu.*
 - IV. *Descriptio provincie CHIAPÆ in communi.*
 - V. *Particularis provincie Chiapæ descriptio, urbs Ciudad Real; indigenarum ingenia, mores, alia.*
 - VI. *Provinciarum SOCONUSCO & SUCHITEPEC descriptio, cæli solique qualitates, oppidum, reliqua.*
 - VII. *Provincie VERAPAZ descriptio & locorum que hodie ab Hispanis in illa habitantur.*
 - VIII. *Reliqua hujus provincie & Freti quod vocant Golfo Dolce descriptio.*
 - IX. *Descriptio Provincie que proprie GUATIMALA appellatur.*
 - X. *Provincia Yzalcos, uti hodie ab Hispanis appellatur, particularis descriptio.*
 - XI. *Specialis descriptio S. Salvador, San Miguel & Chuluteçæ & eorum que habent peculioria.*
 - XII. *Oppidum S. Jacobi de Guatemala harum provinciarum principale.*
 - XIII. *Oppidum San Salvador, municipiaque la Trinidad, S. Miguel & Xerez de la Frontera.*
 - XIV. *Portus & stationes hujus Præfecturæ, totaque ora maritima ad mare Australe.*
 - XV. *Præfectura Hondurensis limites, cæli solique qualitates.*
 - XVI. *Hondurensis præfectura oppida, Vallodolid, Gratias à Dios, & S. Pedro.*
 - XVII. *Reliqua oppida, Præfectura Hondurensis, Portus de Cavallos, Truxillo & S. Iorge.*
 - XVIII. *Ora maritima, portus, Insulaque Præfectura Hondurensis.*

Adde pag. 341. l. 9. Oræ autem hujus præfecturæ quæ ad Austrum reflectit, atque Orientem adspicit, objacent duæ insulæ, licet satis longo intervallo; *S. Catalina* distans ab Æquatore versus arcum tredecim gradibus & octodecim scrupulis: undique pene vadis & scopulis incindæ; hanc tamen jam Angli ad culturam Tabacci & gossypii jam sibi elegerunt. Et *S. Andreas* septem aut octo leucis ab altera versus Africum; patens in longitudinem circiter tria milliaria; distat ab Æquatore duodecim gradibus & triginta octo scrupulis, ut à nostratibus nuperrime fuit observatum.

- XIX. *NICARAGUÆ provincia limites, soli cælique natura, fruges, lacus, alia.*
- XX. *Oppida Hispanorum in Præfectura Nicaraguz.*
- XXI. *Orarum ductus, stationes, portusque Nicaraguz.*
- XXII. *Costæ Ricæ limites, oppida, cætera: itemque Nicoya provincia.*
- XXIII. *VERAGUÆ Præfectura limites, cæli solique qualitates, Columbi navigationes ad eandem.*
- XXIV. *Oppida & municipia Hispanorum in Veragua, ora maritima, insula objacentes.*

I N D E X

Liber Octavus, TERRA FIRMA.

- CAP. I. **C**onventus Iuridicus & præfectura PANAMENSIS: illius limites, cæli solique natura, particulares provincia.
- II. Oppidum Panama, illius situs & qualitates.
 - III. Exactissima urbis Panamæ descriptio à Joanne Baptista Antonelli ad Regem Hispaniarum missa, quemadmodum illam è libris M. Richardi Hackluyti hausimus.
 - IV. Oppidum Nombre de Dios & locorum adjacentium situs & qualitates.
 - V. Portus Bli descriptio secundum Ioann. Baptistam Antonellum.
 - VI. Oppidum S. Philippi ad Portum Belum; atque municipium Nata.
 - VII. Flumina & littora hujus Præfecturæ Panamensis & præsertim fluvius Chagre.
 - VIII. Flumen Darien & provincia ejusdem nominis.
 - IX. Oppida quæ Hispani quondam habuerunt in provincia Darienæ.
 - X. Ora maritima, promontoria, sinus, flumina, portus præfecturæ Panamensis.
 - XI. Insule aliquot quæ Præfecturæ Panamensi adjacent & præsertim illa quæ ab unionibus nomen & famam meruerunt.
 - XII. Expeditio Ioannis Oxenhami Angli in mare Meridionale per provinciam Panamensem, imprimis memorabilis.
 - XIII. Præfecturæ Cartaginensis limites, cæli solique qualitates, variæ provinciæ.
 - XIV. Metropolis hujus præfecturæ Cartago, vulgo Cartagena Hispanis.
 - XV. Plenior Cartaginensis oppidi, portusque descriptio per Ioan. Baptistam Antonellum.
 - XVI. Reliquæ urbes & municipia hujus Præfecturæ.
 - XVII. Flumina, portus, promontoria, omnisque ora Præfecturæ Cartaginensis.
 - XVIII. Provincia S. Marthæ limites, cæli solique qualitates.
 - XIX. Oppidum principale hujus præfecturæ S. Martha.
 - XX. Reliqua oppida Præfecturæ hujus, Teneriffæ, Villa de Palmas, Ciudad de los Reyes, Ocanna atque Ramada.
 - XXI. Flumina, promontoria, portus & ora hujus Præfecturæ.
 - XXII. Oppidum & præfectura quam Hispani vocant Rio de la Hacha.

Liber Nonus, NOVUM REGNUM GRANATÆ.

- CAP. I. **N**ovi Regni Granatenfis prima inventio anno cIdo Id xxxvi duce Gon-
salvo Ximenez de Quesada Licentiatio.
- II. Novi Regni Granatenfis termini, cæli solique qualitates, provinciæ variæ, populorum ingenia & mores.
 - III. Metropolis S. Fe: municipium S. Michaëlis & oppidum Tocayma.
 - IV. Provincia Musorum & Colymarum, cæli solique qualitates, populorum ingenia & mores.
 - V. De oppido la Trinidad & municipio la Palma, ex Herrera lib. IV. cap. V. decadis octava.
 - VI. Descriptio reliquarum hujus Provinciæ urbium, Tunix, Pamplonæ, S. Christophori, Meridæ, Belez, Marequite, &c.
 - VII. Provinciæ POPAYANÆ generalis descriptio, uti & particularium Provinciæ-
rum, quæ sub illa continentur.

Petrus Ordonez de Cevallos. Præfectura Popajan præter metropolim complectitur, Pasto, Almaguer, Neyvam, Calocoto, Cali, Bugam, Toro, Cartaginem, Ancermam, Armam, Caramantam, Mocoam: in omnibus hisce oppidis plurimum auri colligitur; sed pauci hic reperiuntur barbari qui operam impendant: ita ut operæpretium foret aliquot millia Nigritarum huc traducere. Episcopatus autem Popajan pariet altera præfectura S. Fidei de Antiochia, quæ fines jungit cum Popajana & cum Marequita & Cartagena. Præter Antiochiam, tenet oppida Rhodas & S. Ioannem. Regio est montensis; abundans auro, sed incolarum inops.

C A P I T V M.

- VIII. *Urbis Popayan & vicinarum provinciarum descriptio.*
- IX. *Descriptio Fluminis Magdalenæ, ejus origo & per varias provincias decursus.*
- X. *Antiochiæ urbis descriptio, regionumque adjacentium: iter ab hac urbe ad Anzermam, Caramantæ oppidum.*
- XI. *Iter quod ab Antiochia Anzermam ducit & urbis S. Annæ de Anzerma descriptio.*
- XII. *Iter ab Antiochia ad urbem Armam; provinciarum qua interjacent situm atque condicio: Urbis Armæ descriptio.*
- XIII. *De Provincia Carrapa, Quimbaya atque urbe Cartagine.*
- XIV. *Oppidi Cali descriptio & vicinarum provinciarum; & de portu ad mare Australe, qui Bonaventura dicitur.*
- XV. *Iter ab oppido Cali ad metropolim Popayan & regionum interjacentium qualitates.*
- XVI. *Iter quod ab oppido Popayan ad oppidum Pasto ducit, Provinciarum intermediarum qualitates; populorum mores: oppidum Pasto.*
- XVII. *Reliqua oppida & municipia hujus præfecturæ.*
- XVIII. *Portus, Stationes, Flumina, Promontoria, omnisque ora hujus Præfecturæ, Insulaeque eidem objectæ.*

Liber Decimus, PERUVIA.

- CAP. I. **G**eneralis Regni Peruviani descriptio, cæli solique qualitates. Indigenarum ingenia & mores.
- II. *Planta, fruges, fructusque Peruvixæ peculiare, præsertim Coca.*
 - III. *De Arboribus fructiferis & præsertim Cachoç & Molle.*
 - IV. *Animalia quedam Peruvixæ peculiaria.*
 - V. *Alia animalia que cum aliis regionibus communia habent, serpentes, aves.*
 - VI. *Peruvixæ divisio in provincias principales: QUITENSIS provincia limites, cæli solique qualitates.*
 - VII. *Via que ab oppido Pasto ad civitatem S. Francisci ducit & loca intermedia.*
 - VIII. *Metropolis Provincia Quitensis S. Francisco sacra, & regionum adjacentium qualitates.*
 - IX. *Iter ab urbe Quitensi ad Rhiobambam, regionum qualitas & Indigenarum ingenia atque mores.*
 - X. *De magnifico Palatio Thomebamba, deque Provincia & moribus populorum quos vocant Cannares.*
 - XI. *Iter quod à Provincia Quitensi ducit ad mare Australe & regionum adjacentium qualitates.*
 - XII. *Descriptio oppidi Puerto Vejo atque S. Jacobi de Guayaquil, nec non oppidi Castro in Provincia Bunigando.*
 - XIII. *Itineris ratio à Palatio Thomebamba ad oppidum Loxam; ejusdemque & Cuençæ descriptio.*
 - XIV. *Zamora atque Jacn oppida & Chuquimayo provincia descripta.*
 - XV. *Plana Peruvixæ, vallis Tumbez, S. Michaëlis oppidum & portus Païta.*

Olmos] Didici nuper admodum à quodam qui superioribus annis iter egerat per Peruviam; ab urbe *Loxa* descendentibus versus plana Peruvixæ iter esse ad municipium *Frias*, distans à *Loxa* circiter sexaginta aut septuaginta milliaria, per varios pagos; relicta ad dextram *Piura*, sive *S. Michaële*, quod oppidum hodie vix nomen suum tueretur: *Frias* autem intra Continentem distare à *Payra* milliaria viginti quinque. A *Frias* iter agi ad *Olmos*; idque à mari pacifico distare milliaria septem; ita ut metuum, distantiam inter *Olmos* & *Payram* tantam esse non posse, quantam fide cujusdam Portugalli prodidimus. Ab *Olmos* iter ducitur ad *Zanam*, distantia est milliarium undecim aut duodecim. In *Zana* autem habitat *Corregidor* ut vocant, qui vicarium suum habet in *Olnos*.

xvi. *Provincia de los Quixos, ejus limites, qualitates, oppida; itemque Provincia quam vocant Canelam.*

VIdi demum postquam Liber ille jam esset excusus Commentarium Licenciarii Petri Ordonez de Cevallos qui hanc provinciam lustravit, is de illa ita scribit.

Provincia de los *Quixos* montana est, & altis nivibus obnoxia, ad hæc infalubris; carens pane & carne, præterquam ferina; pluit hic fere omnibus anni mensibus: magni permeant amnes & periculosi: multæ hic sunt feroces ferae, leones, tigres, ursi, alia: angues quoque quibus tintinnabulum est in cauda, imprimis venenosi: Viperæ quoque & scorpiones, Niguæ. præterea muscæ ceruleæ, quæ in stramentis, quibus hic indormitur, generant vermes quosdam, qui cutem hominibus penetrant, & intra carnem excresecunt in digiti molem, & cum summa molestia eximuntur: Denique insectorum infinitus est hic numerus, quorum alia occidunt, alia gravissimos afferunt dolores: barbari autem ferocissimi sunt, præsertim *Ancaes*, qui nullis mediis ad fidem possunt tradi, sed mortaliter oderunt eos qui illos conantur instituire. Oppidum illius principale *Baeza* distat à *Quito* quidem viginti leucis, difficillimo itinere, propter montes & paludes; medio autem gradu ab *Æquatore* versus *Austrum*: habitat à quinquaginta duobus civibus, quibus barbari sunt vestigales circiter bis mille ostingenti. Secundum oppidum est *Avila*; tertium *Archidona* quæ numero civium haud multum differunt à primo. Distant à se invicem sedecim leucis veluti in triangulo positæ. Quartum appellatur *Sevilla del Oro*, distat ab aliis quadraginta leucis difficillimo & fragoso itinere, superatque cætera amplitudine. Provincia (inquit) de los *Cofanes*, distat à valle *Coca*, viginti leucis, quarum duodecim occupant montes, arboribus *Canelæ* vestiti; reliquas occupant arbores quæ ferunt fructus quos vocant *Lucmos*, mole capitis humani, optimi saporis & nutrimenti. Incolæ sunt dociles; robusto corpore; ita ut difficillime ab Hispanis potuerint domari. Provincia de *Tutos* jungit fines cum præcedente: quam versus mare Septentrionale excipit provincia de los *Pues*, præcedentibus longe major & populosior, habet oppidum longe amplissimum quod à sexaginta millibus barbarorum habitari ferunt. Provincia *Nuxarum* jacet à provincia *Cofanum* trans maximum fluvium & versus provinciam *Omaguarum*, hic mons cernitur cujus arenis aurum permixtum est. Cum hac jungit fines provincia barbarorum quos vocant *Coronados*, quia tonsi sunt in modum clericorum, contra consuetudinem aliorum Americanorum: hi non faciunt sementem, sed vivunt rapto & latrociniiis. Omnes hæ provincie ambiunt provinciam *Quixorum*.

Narrat porro, barbaros advenarum pertractos, postquam jam viginti annis Hispanis paruisent, conspirasse inter se & in *Avila* quidem mactasse xciij Hispanos & in *Archidona* pene totidem: à *Baeza* vero cui *Quitenses* subsidio venerant cum maximis copiis fuisse repullos, cum maxima clade. Deinde se, jam presbyterum factum, missum fuisse ut eos ad pacem componeret; à *Baeza* autem fuisse profectum cum duobus tantum ad vallem *Cocam*, quæ dividitur à *Baezæ* territorio magno fluvio, qui distat à *Baeza* undecim leucis: & primum certis condicionibus barbaros ad pacem pellexisse.

Idem describit municipium *Pimampro*, distans ab oppido *Quito* viginti leucis, in regione temperata pene sub ipso *Æquatore*, ita ut potissimum hic caleat, & omnibus anni mensibus arbores fructus ferant, tam domesticos quam Hispanienses: *Coca* hic abundantissime nascitur; plurimæque alia herbæ magni in medicina usus. Præterea arbusculæ quædam, quarum folia sunt exigua & blanda, sapore suavi; quarum singula purgant una vice. Uti & alteræ, quas vocant de *Mosquera*, quarum radices corticem habent, qui valide purgat: Abundat tritico Europeo, & omni genere commeatus.

xvii. *Provincia populorum quos vocant Bracomores, colonia Hispanorum in eadem, & de auri venis pauca.*

xviii. *Ora maritima Quitensis Provincia, promontoria, sinus, portus, flumina & insula continenti objectæ, præsertim Puna.*

xix. *Con-*

- XIX. *Conventus Iuridici LIMANI limites descripti, oppida enumerata, viaque Regia per plana ab oppido S. Michaëlis ad urbem Truxillo.*
 XX. *Municipium Miraflores, oppidum Truxillo, Parilla, Arnedo.*
 XXI. *Via, quæ per plana ab oppido Truxillo ad Limam ducit, reliqua.*
 XXII. *LIMA sive Civitas Regum, Peruvia hodie Metropolis.*
 XXIII. *Portus Civitatis Lima qui dicitur Callao.*
 XXIV. *Pachacama vallis, ceteraque usque ad Guarcensem, & de municipio Cannete.*
 XXV. *Via per plana Peruvia secundum oram maris à Guarco ad Ycam, municipium Valuerde & Castro Virreyna oppidum.*
 XXVI. *Cocolococha sive Castro Virreyna & reliquæ valles ab Yca ad Tarapacam & oppida aut municipia in eisdem sita.*

A Requipa. Alii affirmant hoc oppidum tantum septem leucis distare à mari Australi: & indies opulentius fieri ob insignes argentifodinas superioribus annis inventas in loco quem vocant *Calliema*, sub ipsis Andibus sibi Cordillera ut vocat, ubi jam plurimum valde absoluti argenti eruitur; distant autem fodinæ hæ ab Arequipa quatuordecim milliariibus, secus viam quæ ducit ad Metropolim Cusco; ea enim ab Arequipa ducit primum ad has fodinas, deinde per provincias Aymeraum, Chanchium & Canarum ad Chicuito.

- XXVII. *Provincia mediterranea, via regia per montana Peruvia à Guancabamba: provincia Chachapoja & Moyobamba:*
 XXVIII. *Via regia per montana à Caxamalca ad Guanucum.*
 XXIX. *Via regia per montana, & provincia à Guanuco ad Guamangam, itemque à Lima ad Xauxam.*
 XXX. *Reliqua mediterranea provincia ab oppido Guamanga ad Cusco: Guancabelica fodina, & Chocolococha sive Castro Virreyna.*
 XXXI. *Cusco Peruvia quondam metropolis: Regionum adjacentium situs & qualitates: oppidum S. Francisci de la Vittoria & S. Iuan del Oro in Caravaya.*
 XXXII. *Itinera trans Andes ad varias provincias quæ nondum satis sunt cognita & expeditiones aliquot Hispanorum.*
 XXXIII. *Promontoria, sinus, portus, flumina, atque ora omnis maritima Conventus Iuridici LIMANI.*

Liber Vndecimus, PERUVIA sive CHARCÆ.

CAP. I. *Harcentis Conventus Iuridici limites, cæli solique qualitates.*

- II. *Via Regia ab oppido Cusco ad urbem de la Paz: provincia quæ adjacent & imprimis Collao.*
 III. *Provincia Collao particularior descriptio.*

Iter à Cusco ad oppidum de la Paz, & porro ad Potosiam, ita descriptum accepi à quodam qui nuper fecerat. A Cusco ad pagum *S. Sebastiani*, circiter tria milliaria per *Angusturam* ad pagum insignem, quem vocant *Oropefam*, quatuor milliariibus à Cusco. Ad Vicos perpulchrum Indorum pagum tria milliaria. ad *Quiquisam* diversorium decem milliaria à Cusco. Ad *Tyntam* egregium municipium quod suum habet Corregidorem xviii milliaria à Cusco. Ad *S. Pablo* egregium pagum haud longe à Tynta; ad *Nicasio Tambo* dimidii diei itinere à S. Pablo; ad *Chuncaram Tambo* unius diei iter: ad *Pucaram* pagum & corregiementum, ut vocant, tantundem: ad *Ayaviren* ingentem pagum, paulo longius iter; ad *Nicasio* pagum, unius diei iter; ad *Paucarcollan* pagum, tantundem: ad *Punam* exiguum pagum haud longe ab ora lacus Titicacæ. Hinc relicto lacu ad sinistram; ad *Chiquiso* modicum tantum hodie oppidum, quamquam superiori seculo floruerit; ad *Acoram* grandem pagum haud longe à Lacu; ad *Chilanen* primum pagum provinciae Aymeraum, iter unius diei. Ad *Xuli* maximum pagum totius Peruviae, ubi Patres Societatis Jesu quatuor collegia & summas opes possident; ad *Pomatom* tria quatuorve milliaria; ad *Copauacanam* insignem pagum,

I N D E X

pagum, haud longe à Lacu, diei iter; ad *Cepitam* grandem pagum septem milliaria, ad *Emissarium* Lacus cujus utraque ripas pagi duo occupant; ad pagum *Guaki* unius diei iter. *Notandum autem errore quodam hunc pagum in Tabula Peruviae citra emissarium collocatum, cum ultra locandus fuisset.* Ad *Tiaguanaco* pulchrum Indorum municipium; diei iter. Ad oppidum *la Paz.* ad *Hayo Hayo* grandem pagum loco frigidissimo situm bidui iter. ad *Sicacama* pagum argenti venis nobilem, septem milliaria: ad *Pandouro* diverforium, magni diei iter; ad *Oruro* insigne municipium & argentifodinis nobile; tribus aut quatuor milliariis, ab illo labitur amniculus, qui in Lacum illabitur. Hinc diei itinere venit ad diverforium *Venta di Medio*: & alterius diei ad diverforium *las Pinnas*; & tertii ad *Punam* tambo: & quarti ad *Totoram* tambo; à quo novem milliaria aut bidui iter restat ad *Potosiam*.

- IV. *Maximi Lacus Titicacae descriptio.*
- V. *Reliqua provincia Collao secundum regiam viam quae ducit à Cusco ad oppidum de la Paz*: *Chiquito* provincia; & *Nuestra Señora de la Paz* in *Chuquabo*.
- VI. *Via regia Collasuyo progressus usque ad oppidum la Plata.*
- VII. *Urbs la Plata sive Chuquisaca descriptio; nec non minorum aliquot oppidorum.*

Accepi & itineris rationes à *la Plata*, ad *Oruro*; quod ita se habet. Ad *Piochellam* Indorum pagum unius diei iter: ad *Cocham* pagum, tantundem: ad *S. Franciscum* pagum, tantundem: ad *Micousac* pagum, idem: ad *S. Pedro de Buena Vista*, pagum, tantundem: (*Moremoro* hinc conspici potest) ad *Colcham* pagum argentifodina nobilem; tantundem: ad *Pajiam* pagum, idem: ad *Oruro*, unius item diei iter.

- VIII. *Urbs Potosia & opulentissima illius Argentifodina.*
- IX. *Alia observata digna de Argentifodinis Potosia.*

Sub finem. *Petrus Ordonez de Cevallos*: In provincia *Charcarum* jacet oppidum *S. Philippi de Auitria*, cum argentifodinis, inde à temporibus *Yncarum* notis, è quibus nuper industria *Emanuelis de Castro*, multum argenti fuisse erutum; verum *hydrargyri* inopia aliquandiu jam cessatum: licet quidam putent de industria id factum à regis praefectis ne *Potosianis* officeret.

- X. *Provincia Charcensis litus, promontoria, sinus, portus atque stationes.*
- XI. *SANCTA CRUX de la Sierra & aliquot aliae vicinae provinciae.*
- XII. *Peruvianorum monarcharum origo & series usque ad decimum Tncam Tupanqui.*
- XIII. *Reliqui Peruvianorum monarchae usque ad Atahualpam & ceteri descendentes ab Tncis.*
- XIV. *Peruvianorum Regum series & familia ex Iosepho de Acofta.*
- XV. *De Regimine politico Peruvianorum, ex Commentariis Tncae.*
- XVI. *De Regalibus aedificiis quae passim in Peruvia viscebantur & de Religione Peruvianorum.*
- XVII. *De Peruvianorum festo principali, quod vocant Tncip Raymi.*
- XVIII. *De Peruvianorum idiomate atque Poesi.*
- XIX. *Scientia quorum Peruvianorum philosophi gnari fuerunt, & quo pauciorum gestarum memoriam conservaverint & illorum Arithmetica.*
- XX. *De moribus & institutis eorum domesticis pauca.*

Liber Duodecimus, CHILE.

- CAP. I. **C**hilensis Praefectura limites, caeli solique qualitates.
- II. *Animalia, fruges, plantae hujus praefecturae, indigenarum mores.*
- III. *Atacama desertum, & itinera à Peruvia ad Chile, primaque Almagri expeditio in has provincias.*
- IV. *Primum vallium Chilensis Praefecturae, Copiapo, Guasco & Chili descriptio.*

C A P I T V M.

- V. *La Serena & S. Iago oppida descripta.*
- VI. *Oppidum Concepcionis & Insula S. Mariae descripta.*
- VII. *Provinciae Arauco, Tucapel & Puren descriptae, & clades ab Hispanis in hac parte Chiles acceptae.*
- VIII. *Mocha insula descripta, indigenarum ingenia & mores & variorum ad eam navigatio nes.*
- IX. *Insularum Ioannis Fernandæ descriptio.*
- X. *Oppidorum de los Confines vel etiam de los Infantes & Imperialis descriptio.*
- XI. *Urbes Villa Rica & Valdivia & regiones adjacentes.*
- XII. *Oppida Osorno & Chilue sive Castro, provinciae vicina & praesertim Chucuito.*
- XIII. *Ora omnis maritima Chilensis, portuum, stationum, sinuum & promontiorum descriptio ad trigessimum tertium gradum Australis latitudinis.*
- XIV. *Ora Chilensis reliqua à Valparaiso ad quadragesimum secundum gradum latitudinis Australis aut paulum ultra.*
- XV. *Excidium urbis Valdiviae & aliorum oppidorum Chilensis praefectura quemadmodum narrantur ab Inca Garcilasso.*

Liber Decimus tertius, MAGALLANICA.

- CAP. I. **M**agallanica provincia limites & generalis descriptio.
- II. *Petri Sarmienti navigatio secundum oram Magallanicam ad Mare Australe sitam, & commentarius Leonardi de Argensola.*
 - III. *Ora huius omnis à Chilensis praefectura finibus ad Fretum Magallanicum descriptio ex Herrera.*
 - IV. *Ipsius Freti Magallanici descriptio secundum Hispanos qui primi illud penetrarunt.*
 - V. *Anglorum navigationes per Fretum Magallanicum & quidem primum Franc. Draci.*
 - VI. *Thomae Candishii navigatio per Fretum Magallanicum, itemque Richardi Hawkinsi Equitis.*
 - VII. *Belgarum navigationes per Fretum Magallanicum & quidem prima Duce Simone de Cordes.*
 - VIII. *Sebaldi de Weerts longi in Freto errores, Penguinum descriptio.*
 - IX. *Secunda & tertia Belgarum navigatio per Fretum Magallanicum.*
 - X. *Expeditio Didaci Flores de Valdes & dua colonia ab Hispanis in Freto Magallanico collocata.*
 - XI. *NOVI Freti LEMARII prima inventio.*
 - XII. *Hispanorum navigatio per Novum hoc Fretum.*
 - XIII. *Expeditio Classis Nassavica per Fretum Lemarium in Oceanum Meridionalem.*
 - XIV. *Terra Australis & barbarorum hanc incolentium descriptio.*
 - XV. *Magallanica ora quae ad mare Atlanticum jacet, descripta secundum Hispanos.*
 - XVI. *Eiusdem ora descriptio secundum Anglos & Belgas.*

Liber Decimus quartus, RIO DE LA PLATA.

- CAP. I. **P**raefectura sive Provincia Rio de la Plata generalis descriptio, caeli solique qualitates.
- II. *Fluminis de la Plata prima inventio, & variae Hispanorum intra flumen hoc expeditiones.*
 - III. *Fluminis de la Plata descriptio secundum Herreram & Martinum del Barco.*
 - IV. *Eiusdem fluminis descriptio secundum varia Hispanorum itineraria nautica & unum Nostrorum.*
 - V. *Barbari qui Flumen Argenteum accolunt, eorum ingenia & mores.*
 - VI. *Descriptio oppidi Nostrae Sennora de Buenos Ayres.*
 - VII. *Metropolis huius provinciae, cum agro ipsius descripta, itemque alterum oppidum Ciudad Real.*
 - VIII. *Oppida S. Fidei, S. Salvatoris & reliqua huius Provinciae.*

I N D E X

- IX. TUCUMANÆ Provincia descriptio, ejusque principalis oppidi S. Iago del Estero.
- X. De oppidis S. Michaëlis, Talavera & Corduba.
- XI. De aliis aliquot oppidū hujus præfecturæ & provinciarum in quibus jacent qualitatibus.
- XII. Iter Belgæ cujusdam à Buenos Ayres ad Argentisfodinas Potosianas per provinciam hanc Tucumanam.
- XXIII. Ratio ejusdem itineris secundum alios.
- XIV. Ora maritima Præfecturæ Fluminis de la Plata, inde à Promontorio Septentrionali magni illius Aëstuarii ad Brasiliam usque.

Liber Decimus quintus, BRASILIA.

- CAP. I. **B**RASILIÆ limites, ejus prima inventio, cæli solique qualitates.
- II. De Religione, ingenio & moribus Brasiliensium in communi.
- III. Diverſa Nationes Brasilienses & earum ingenia & mores è commentariis nuper scriptoris Portugalli.
- IV. Varia Brasiliensium nationes, secundum relationes Antonii Knivetti Angli, qui dudum in Brasilia oberravit.
- V. Quadrupes Brasilia, secundum authorem Lusitanum, Ioannem Lerium atque Thevetum.
- VI. Angues serpentesque terrestres ex iisdem scriptoribus, ut supra.
- VII. Volucres quadam Brasilia descriptæ ex iisdem Authoribus.
- VIII. Arbores fructifera Brasilia, aliæque è variis Authoribus descriptæ.
- IX. Plures arbores Brasilia familiares, è Lerii atque Theveti commentariis.
- X. Herba, planta, radiceque edules Brasilia ex iisdem Authoribus.
- XI. Aliæ aliquot Planta Brasilienses è Lerio, Theveto, Clusioque & Phalangii monstruosa species.
- XII. Pisces marini Brasiliensium ex auctore Lusitano & aliis.
- XIII. Cruſtacei Testaceique pisces, item arbores litorales & marina, nec non Aves marina.
- XIV. Pisces aliquot fluviales, item angues aliæque animantia quæ in fluminibus degunt ex iisdem Authoribus.
- XV. Animalia, arbores herbaque quas Lusitani primum intulerunt, è quibus tamen hodie maximum quantum faciunt: itemque divisio Brasilia in suas præfecturas.
- XVI. Prima Præfectura quæ appellatur S. Vincente descriptio.
- XVII. Particularior hujus præfectura descriptio & de oppido S. Pauli & insulis adjacentibus.
- XXVIII. Præfectura Fluminis Ianuarii vulgo Rio de Ianero.
- XIX. Tertia Brasilia Præfectura, Spiritu Santo, ut Portugalli vulgo vocant.
- XX. Quarta Brasilia Præfectura quæ à Portugallis appellatur Porto Seguro.
- XXI. Quinta Brasilia Præfectura, quam Portugalli vocant Ilheos.
- XXII. Sexta Brasilia Præfectura sive sinus omnium Sanctorum: ipsius sinus accurata descriptio, & memorabile facinus Petri Heynii nostri.
- XXIII. Urbis S. Salvatoris descriptio & locorum adjacentium. Itemque Serëgippe.
- XXIV. Præfectura septima Brasilia quæ dicitur Pernambuco.
- XXV. De urbe Olinda, itemque de Garafu.
- XXVI. Quo pacto Olinda à Belgis fuerit capta; hodieque possideatur.
- XXVII. Præfectura Tamaracensis & ora maritima Brasilia ad hunc locum.

C A P I T V M.

Liber Decimus sextus, BRASILIA SEPTENTRIONALIS.

CAP. I. **D**E Communi Brasiliensium lingua.

II. *Præfectura Nona Brasilia qua dicitur Paraiba.*

INter portum Francicum & promontorium Blancum, notatur aliud terræ cornu, quod vocant *Punta de Piedra Furada*, pone quod versus austrum, & septem gradibus & xxiv scrupulis ab Æquatore versus Austrum: Amnis exit satis latus, sed ostio, à vadis quæ ab arctoo cornu descendunt, pene obturato, ita ut difficulter aditus navigiis pateat, præterquam minoribus.

Fluvius *Atongiangape*, distat ab Æquatore, prout à nostris video observatum, sex gradibus & triginta scrupulis; ostio quidem angusto sed satis alto; hic difficulter subiri potest, nisi quum ventus directe perflat ab Aquilone.

Invenio quoque à nostratibus accurate observatum, ostium fluminis *Paraiba* distare ab Æquatore versus Austrum sex gradibus & quinquaginta sex scrupulis.

III. *Insula Ferdinandi de Noronha vulgo dicta.*

IV. *Ora Continentis Brasilia Septentrionalis à flumine Mongiangape ad Rio Grande.*

V. *Decima Brasilia præfectura Rio Grande.*

VI. *Ora Brasilia Septentrionalis à Rio Grande ad Siaram, secundum Figueredum & alios.*

VII. *Præfectura Brasilia Septentrionalis quam vocant Siaram & reliqua ora usque ad MARANNON.*

VIII. *Generalis descriptio hujus Provincia & quedam necessario observanda.*

IX. *Descriptio Maragnana secundum Claudium Abbavillanum.*

X. *Insule Maragnana cæli solique qualitates.*

XI. *Arbores fructiferae quæ in hac Insula reperiuntur.*

XII. *Herba aliquot atque planta hujus Insule Maragnana.*

XIII. *Varia volucres quæ in hac Insula & vicina Continente reperiuntur.*

XIV. *Pisces marini & fluviatiles qui in hisce partibus reperiuntur.*

XV. *Quadrupes hujus Insule & vicine Continentis.*

XVI. *Incolarum origines, mores & instituta, aliæque quæ huc pertinent.*

XVII. *Provinciarum Taporytaeres & Comme ad Continentem sitarum descriptio.*

XVIII. *Gesta Gallorum in Insula Maragnana & quæ ab ipsis observata de monte Ybo-vapap.*

XIX. *Situs Maranhon & loca quæ à Portugallia hic tenentur.*

XX. *Reliqua ora continentis à Maranhon usque ad Param.*

Liber Decimus septimus, GUAIANI

AD Introductionem. Anxiè quæsi qui essent *Omaque* illi populi quos *Herrera* nominat; & inveni jam apud *Petrum Ordonez de Cevallos*: Provincia (inquit) *Omaguarum* distat ab *Avila* & *Archidona* (oppidis in provincia *Quixorum*) centum & triginta leucis, & sunt plures populi qui uno & communi nomine appellantur *Omaqua*, & singulæ provinciæ suæ obtinent nomina. incedunt autem nudi, nisi quod in quibusdam provinciis feminae arborum libris pudenda tegant. ambit provincia circiter quingentas leucas. Multi Hispani tentarunt illam ingredi, sed nihil profecerunt.

CAP. I. **F**LU MEN AMAZONUM vel ORELLANÆ. *Expositio Francisci de Orellana qui hoc flumen putatur primus invenisse & lustrasse.*

II. *Secunda expositio Francisci Orellanæ ad magnum hoc flumen.*

III. *Magni fluminis Amazonum descriptio secundum Anglorum & Belgarum observationes.*

IV. *Continentis hujus & Insularum, cæli solique qualitates & fructus atque incolæ.*

V. *Brevis*

I N D E X

- v. Brevis narratio eorum qua à Belgis in hisce partibus fuerunt gesta.
- vi. Ora hujus Continentis & flumina quæ ex illa egrediuntur, à magno flumine Amazonum ad flumen Wiapoco.
- vii. Descriptio fluminis WIAPOCO & aliorum vicinorum, provinciarumque quæ illis adjacent.
- viii. Plura de hoc flumine à Nostratis observata & de vicinis aliquot minoribus amnis, præsertim Apurwaka.
- ix. Annium Cawo & Wia descriptio cum adjacentibus provinciis.
- x. Fluminis CAIANÆ descriptio & Continentis illi vicinæ, populorumque mores qui hic habitant.
- xi. De cæli solique qualitatibus in hisce partibus Continentis & de Incolarum ingenis, moribus atque institutis.
- xii. De barbarorum horum Idiomate, præsertim Yaiorum.
- xiii. De annona barbarorum, animalibus, piscibus, plantis.
- xiv. De aliis quibusdam plantis, resinis & lignis, quæ commercii apta sunt & singularem habent usum in medicina.
- xv. Aliorum fluviorum qui ex eadem ora in Oceanum exeunt & imprimis MARWINIS descriptio.
- xvi. Aliorum aliquot fluviorum qui ex Continenti egrediuntur descriptio, videlicet Sarnames, Sorames, Corretines, Berbices, Demararis.
- xvii. ESSEQUEBES fluvii & aliquot vicinorum descriptio.
- xviii. Descriptio fluminis ORENOQUES in communi secundum ea quæ ab Hispanis sunt prodita.
- xix. Narratio eorum quæ porro ab Hispanis in hoc flumine lustrando fuerunt gesta & imprimis ab Ortalio.
- xx. Quæ porro ab Hispanis hic gesta fuerunt & præsertim à Gundifalvo Ximenes de Quesada & Antonio de Berreo.
- xxi. Prima expeditio Equitis Waltheri Raleghi ad flumen Orenoquen, quæ incidit in annum 1615.
- xxii. Annium qui in Orenoquen insuunt Catalogus, & expeditionis Ralegiana reliqua.
- xxiii. Secunda Anglorum expeditio in Guianam duce Laurentio Keymis anno 1615.
- xxiv. Tertia duce Thoma Mashamo eodem anno & sequenti.
- xxv. Postrema Waltheri Raleghi expeditio in Guianam annis 1616, 1617 & illius supplicium.
- xxvi. Fluminis Orenoques descriptio secundum Belgarum nostrorum observationes.
- xxvii. Descriptio Insule quam vocant la Trinidad.
- xxviii. De Insula Tabago vulgo dicta, quam nostri jam vocant Novam Walachriam.

Liber Decimus octavus, NOVA ANDALUZIA.

- CAP. I. Descriptio nobilissime Insule MARGARITÆ.
- II. Insula Cubagua & Coche descriptæ.
- III. Descriptio promontorii quod vocant Araya & famosarum salinarum quæ illi adjacent.
- IV. CUMANÆ provincie descriptio, cæli solique qualitates, animalia, Indigenarum denique mores.
- V. Eorum quæ superiori seculo ab Hispanis crudeliter in hac Continentis parte gesta fuerunt & municipii Cumanæ descriptio.
- VI. Narratio eorum quæ ab Hieronymo de Ortal & Antonio Sedenni in hisce provinciis fuerunt gesta.
- VII. Expeditionis Antonii Sedenni in hanc partem Continentis reliqua.
- VIII. Descriptio generalis provincie VENEZUELÆ & partitio in varias partes.
- IX. Venezuelæ prima lustratio per Germanos & quæ aliquot annis ab iisdem ibidem fuerunt gesta.

C A P I T V M.

- x. *De Metropoli hujus Præfecturæ Coro, ut vocant.*
- xi. *Alia oppida hujus Præfecturæ Nostra Sennora de Carvalleda, S. Jago de Leon, Nova Valentia & Xeres.*
- xii. *Vrbs Nova Segovia & regionum vicinarum situs & cæli solique qualitates.*
- xiii. *Cætera hujus Præfecturæ oppida, Tucuyo, Truxillo, Laguna & provinciarum quæ hisce adjacent qualitates.*
- xiv. *Magni Lacus Maracaybo descriptio, itemque Maracapanæ ad extremos hujus Præfecturæ limites versus orientem.*
- xv. *Descriptio Insularum quæ huic præfecturæ objacent, Insule Blanca, Tortuga, Orchilla, Rocca, Avium.*
- xvi. *Descriptio Insularum Bonaire, Caracao atque Arubæ:*
- xvii. *Oræ universæ descriptio, utriusque Præfecturæ Cumanæ atque Venezuelæ.*



I N D I.

INDICVLVS

Animalium, Arborum atque Plantarum quas particulatim
descripsimus atque Icones adjunximus.

MAnati piscis. Lib. I. Cap. IV.
Iguanæ Lacerti, lib. I. cap. IX.
VValrus belluæ marinæ. lib. II. c. VI.
Aranei marini sive Siguenoc. lib. II.
cap. XIX.

Herbæ singularis Novi Belgii. lib. III. cap. X.
Macoquer fructus Virginie, lib. III. cap. XXII.
Lobi è VVingandecau. lib. III. cap. XXII.
Sassafras arboris. lib. IV. cap. XV.
Fabarum purgatricum veterum. lib. V. cap. III.
Pinnonum de Brasíl purgatricum. ibid.
Guajabi ramuli cum fructu, ibid.
Yecotil sive Palmæ Montensis fructus. ibid.
Tlixochitl fructus. ibid. cap. IV.
Mecaxuchitl fructus, ibid.
Piperis longi seu Buyobuyo, ibid.
Huizitzil seu Tomineci aviculæ. ibid. c. XVII.
Vaccarum gibbosarum Quiviræ. lib. VI. cap. XVII.
Cacao fructus & Ramuli cum fructu, lib. VII.
cap. II.

Anil herbæ folii. Ibid. cap. IX.
Amygdalarum Novi Regni, lib. IX. cap. IV.
Molles ramuli cum fructu. lib. X. cap. III.
Penguin avis. lib. XIII. cap. VII.
Armadillo animalis. lib. XV. cap. V.
Haythi animalis. ibid.
Acayous fructus. ibid. cap. VIII.
Ayri arboris. ibid. cap. IX.
Aouay fructuum, ibidem.

Bachioves fructuum, ibid.
Mamoetæ arboris. ibidem.
Ananas fructus. ibid. cap. X.
Pacobæ fructus. ibid.
Loborum Brasiliensium. ibid.
Manobi Tuberum. ibidem cap. XI.
Fabarum Brasiliensium. ibid.
Phaseoli Brasiliensis. ibidem.
Phalangii grandis & monstrosi. ibidem.
Doradæ Piscis Icon. ibid. cap. XII.
Arawaapebbe piscis. ibid.
Vbiræ piscis. ibid.
Awah-kattoe piscis. ibid.
Pita-vtoevah piscis. ibid.
Zygænæ sive libellæ piscis. ibid. cap. XIII.
Junipap fructus. lib. XVI. cap. XI.
Palmæ cujusdam fructus. ibid.
Karovatæ nostris Slijp-tongh fructus. ibidem
cap. XII.
Ignavi Animalis. lib. XVI. cap. XV.
Totoeque fructus. lib. XVII. cap. IV.
Fructus insignis anonymi. ibid.
Papay arboris cum fructu. lib. XVII. cap. XXVIII.
Cucurbitiferæ arboris cum foliis & fructu. ibid.
Resiniferæ arboris in Tabago Insula. ibid.
Foliorum & fructuum Icon è Tabago. ibid.
Cassia Silvestris ramuli & fructus. ibid.
Aloes cujusdam cum caule & fructibus. ibid.

DESSCRIPTIO-







DESCRIPTIONIS INDIÆ OCCIDENTALIS

LIBER PRIMVS.

De Insulis Oceanicis.

INSULA S. IOANNIS DE PORTU RICO.

CAP. I.

Insulæ S. IOANNIS situs, magnitudo, cæli solique natura.



NSVLAM quam olim incolæ atque accolæ *Boriquen* appellabant, Christophorus Columbus secundæ suæ navigatione anno clc cccc xciii primum adiit & S. Ioannis Baptiste nomini dedicavit. Distat ab Insula Hispaniola versus ortum quindecim aut sedecim milliaria Hispanica (leucas siue leguas vulgo, quarum septemdecim cum semisse in gradum computant) ab Americæ Australis Continente & Paria promontorio versus Arctum (uti ab aliquibus observatum) centum triginta sex, paulo autem pauciora à *Coquibocos* altero ejusdem Continentis angulo. Australe illius latus ultra decimum octavum, Septentrionale paulum intra decimum nonum gradum

Her. d. l.
l. 7. c. 13.

Her. d. l.
l. 10. c. 16.

latitudinis Septentrionalis jacet: Patet triginta (aut ut aliis placet triginta quinque) leucas in longitudine, ortum atque occasum inter, viginti autem in latitudine; formæ pene quadratæ, altera tamen parte longior. Cæli temperies per jucunda; (præterquam Decembri & Ianuario) neque nimis aestibus torretur, nec immodicis imbribus humectatur, nisi forte æstivis mensibus ab exitu nimirum Maji ad Septembrem; Mense quoque Augusto & Septembri gravibus interdum tempestatibus & subitis procellis vexatur, *Huracanes* vocant, & ab infesto Aquilone hic sara nonnunquam adveniunt. Solum dives & pascuis lætū, nisi à Guajabis arboribus plurimum detrimenti acciperet: hæc arbor in aliis quoque insulis atque Continente frequens, fructus fert instar pomorum, cortice sub fusco, carne rubente & plurimis granulis repleta, quæ delapsa in solum, abundantia fimi & glebæ uberitate, statim succrescunt tantumque sensim incrementum capiunt, ut planiciem pene omnem sylvarum densitate occupent & graminis incrementum sua opacitate impedian. Quanquam alias hæc arbor & illius fructus non sit inutilis, ut alibi dicemus. Huic malo accedit alterum longe gravius, quod armenta cæteraque animalia natura sua domestica, ita efferentur ut domari amplius nequeant. Terra maxima sui parte modicis collibus intumescit, media autem pene regione in altissimos montes assurgit (*la Sierra del Loquillo* vulgo vocatur Hispanis) qui ab orientiori Insulæ cornu, decem supra primariam urbem leucis versus Euronotum, incipientes, uno & continuo ductu per ipsam Insulæ dorsum, ad latus usque occidentale sese exporrigunt, & haud procul ab urbe S. Germani terminantur.

Fluvii hic frequentes, & præcipuus (ut Oviedo placet, *Caraban* : ei proximi *Bayamon* qui versus Boream descendit, & è regione Arcis quæ portui præcipuæ urbis imminet, sinui maris misceatur: *Lusfa* deinde atque *Tos* ab uno fonte, qui ad radices *Guayano* montis featuriens (quindecim aut sedecim leuc. ab urbe versus ortum) uno primum alveo versus Arcum descendit, multos utrimque amniculos recipiens, ad *Carevas* montem usque; ibidemque se dividens, uno alveo *Lusfam* municipium præterlabitur; altero versus Corum se flexens, & jam *Tos* (nam supra divortium incerti est nominis) in portum ejusdem urbis sese exonerat. Denique *Guane*, *Arzibo*, *Guabibos*, alique; quorum nonnulli haud incommodos portus minoribus majoribusque navigiis aperiunt: præter innumeros torrentes; quorum quidam etiam sunt auri-
feri; omnium autem opulentissimi & maxime celebres fuerunt *Manatubon* & *Cebuca*. Non defuerunt olim ditissima argenti atque metalla, quæ hodie atre sunt exhausta aut operarum inopia negliguntur.

Præter arbores quas cum cæteris insulis communes haber, quædam hic primum observatæ, inter quas excellit *Tabernaculo* vel *Tabornu*, candidi cuiusdem bicuminis ferax, ad navigia impicanda peridonei, pictoribus utilis, & ad vulnera, artuumque vitia, quæ è frigore nata, sananda pene singularis. Secundas fert *Maga* ligno durissimo, & cariei quam minimum obnoxio, quo ad fabrilis opera urantur: nisi forte utraque hæc potior censenda est arbor, quam Lignum sanctum vocant, à *Guianam* non multum diversa (eandem quippe negat *Oviedus*) & eisdem facultatibus pollens ad-
versus lucem veneream, si decoctum illius rite sumatur. Accedunt frutices duo: *Higillo pintado*, cujus foliorum succus vulnera potenter conglutinat: & frutex *S. Maritz*, superiori medendi facultate haud quaquam inferior. Inter noxias herbas eminet *Ongbei*, foliis aculeatis, flore violarum æmulo, sed oblongiori, quæ à feris devorata præsentissimum adfert exitium. Fruticeta item multa juxta littora nascuntur, quæ poma quædam ferunt piscibus exitiosa si in aquam decidunt: quin & umbra illius fruticis admodum nocet hominibus, si sub illo obdormiverint, à *Macanillo* vocant; sunt autem arbores modicæ, quæ ramos humi spargunt, foliis pene pyri nostratis; ferunt plurimos flores quibus succedunt exigua poma, sed rotunda & producta atque paucilla rubedine distincta, quæ illa grata aspectu reddit; ad-
 hæc odore tam suavi, ut vix ulla res illis comparari possit, cæterum perniciosissima & lethalia: ipsaque arboris umbra adeo noxia est, ut si quis forte sub illa obdormiscat, toto corpore infletur horrendum in modum; & si forte roris è ramis decidentis gutta cutem tangat, eam instar aquæ erodentis excoriat: ex fructu venenum immedicabile conficiunt Barbari.

Reperitur hic & alia arbor, quam Insulares vocant *Guaio*, & Mexicani, quibus & familiaris est *Hietlarian*; fert folia rubra, villosa & quæ numquam decidunt, crassaque cum mulsis venulis ignei coloris: fructus illius viridis, forma & mole similis fructui Arbuti. Succus hujus arboris est causticus, ideoque omnia animalia quæ sese huic affricant, amittunt pilos; hominesque juxta ac bestię, si sub illa somnum ca-
piunt, eandem jacturam patiuntur, & si forte succus aliquod membrum contigerit, exulcerat illud, tanta est vis pestifera hujus plantæ. Materiem illius inferunt Eutopa, ob peregrinum illius colorem, qui virorem calchatri æmularur, solentque lectorum sulcata ex illa facere, quia cimicibus putatur inimica, verum fabrorum manus & ora ita instantur, dum illam contrectant, ut multis diebus non decumescant.

Præcipuæ hujus Insulæ divitiæ largus cannatum sacchari, gingiberis, cassiæ solutivæ proveniunt; & maxima tergorum taurinorum copia: tantum enim incrementum tauri vacæque fecerunt, ut tergorum solummodo causa necentur, carnibus sub dio canibus & volucris relictis; hæc Hispani incolæ mercibus Europæis ditissimo commercio mutant: nam de indigenis hujus Insulæ qui quondam innumeri
fuerunt, aut nullos aut perpaucos Hispanorum sævitia fecit reliquos; unde suppetvacaneum foret, de illorum ingeniis, moribus aut religione quicquam nunc dicere.

Urbes Hispanorum in hac Insula, quarum Metropolis Porto Rico.

HÆc insula anno c1510 x ab Hispanis, primum habitari cepit, sub præfecto *Ioanne Ponce Legion.* qui ab insularis & principalisporum Regulo *Agueybana* humaniter acceptus & multis muneribus auctus, locum coloniz ad plagam septentrionalem cepit, unam à mari & præcipuo portu (quem divitem dicunt) leu-
 10 cam, vocavitque illam *Caparram*: sed ob incommodiorem situm & difficiles aditus, post annos decem aut duodecim municipium hoc desertum fuit, & coloni traducti *Guanicam* haud procul à loco ubi hodie *S. Germani* municipium cernitur: qua rursus relicta, haud procul *Aguads*, municipium *Sotomajoris* condiderunt, & demum apud *S. Germanum* conqueverunt. Anno autem c1510 x1v Regis Hispan. mandato exigua insula, quæ portum præcipuum concludit, jactis in alveum qui interluit molibus, & aggregere perducto, cum majori conjuncta, initium dedit primariæ urbi, quam à portu cuiadjacer, *Porto rico* hodieque appellant. Sita est hæc urbs ad septentrionalem hujus insula: plagam, octodecim gradibus & aliquot scrupulis ab æquatore versus Arctum; nullo quidem muro vallove septa, cæterum egregie structa, plateis latis,
 20 & domiciliis ad Hispaniæ normam, raris fenestris, sed late patentibus ostiis, quibus auram admittunt, quæ ab octava matutina ad quartam pomeridianam æstum temperat arque refrigerat, quum ab hora illa quarta ad mediam usque noctem hic supra modum ferueat. Templum habet cathedrale elegantis structura, duplici columnarum ordine, sed minoribus fenestris, quibus ob vitreorum defectum tenuissima tela cannabina obducta est: & duas minores capellas (ut vocant;) versus boream haud procul ab urbe, Dominicæ sanctorum ænobium. Portus illius amplus, tutusque adversus incerta ventorum, etiam hostiles incursus; angustis enim faucibus oceanum admittit, quibus validum castellum imminet, novis operibus anno c1510 xc mandato
 30 Regis Hispan. auctum & firmatum, machinis omniq; bellico apparatu egregie instructum. Eidem, sed interius, ad eam urbis partem quæ Africum adspicit, aliud castellum addidit, (*Fortalezam* vulgo vocant;) in quo regii thesauri & apparatus bellici reconduntur: Reliquum hujus minoris insula: denso luco pene invium est, præter aream unam, & semitas quæ ad aggerem ducunt: huic autem duo minora castella adjacene, ad hostem si ab hac parte versus urbem iter molitur, arcendum.

Tentavit hanc urbem fortissimus Eques *Franciscus Dracon* anno c1510 xc v sed frustra, nam portum cum pluribus celocibus & scaphis ingressus, naves quidem hostiles in anchotis stantes exussit, urbem autem capere non potuit, sed quadraginta aut
 40 quinquaginta suorum desideratis, alio discessit. Illustris autem Cumbriæ Comes anno c1510 xcvi militibus suis in majoris insula: litus expositis, difficillimo itinere ad aggerem progressus, primo impetu castella quæ aditum muniunt expugnavit, deinde urbem pene vacuum levi discrimine ingressus, arcem quoq; quæ portus faucibus imminet, post octo dierum obsidionem deditione accepit. Statuerat quidem hic pedem figere & coloniam Anglorum deducere, verum quadringentis militibus brevi tempore variis morbis extinctis, mutato consilio discessit, urbemque pene integram relinquens, opima spolia & machinas bellicas majores ad minimum septuaginta (ut Angli narrant) abduxit.

Anno denique c1510 cxxv *Balduinus Henricides* Edamensis exconsul, & classis quam societas Indiz Occidentalis è Confederato Belgio sub finem superioris anni suis in Brasilia laborantibus subsidio miserat, Generalis præfectus, cum septem & decem navibus, numero licet militum & classiariorum variis morbis & diuturniore
 50 atque pernolesca navigatione multum imminuto, ausu plane heroico, intret faucium angustias & castelli imminentiæ fulgura, (quod nullus hætenus cum majoribus navigiis tentare ausus fuerat) eluctatus, sua tantum navi nonnihil conquassata, & perexiguuo reliquarum damno, in interiori portu anchoras jecit & cum ducentis quinquaginta militibus, & quadringentis navalibus sociis in terram exscendens, statim urbe est potitus, civibus noctu dilapsis, quorum ii qui arma ferre poterant in arcem, reliqui

in majorem insulam se subdlexerant: Inde & castellis minoribus captis, ne hostem à tergo expectare cogereetur, aggerem rescidit & arcem principalem ducto vallo, & machinis bellicis dispositis oppugnavit. Verum quum praefidiarii fortiter se tuerentur, & noster cum tam parva militum manu (nam unam & praecipuis navibus cum cxxx militibus & multo apparatu bellico desiderabat) urbi ceterisque munimentis & tot aditibus custodiendis nequaquam sufficeret, seque arci tam valida vi expugnandae, multo minus inopia commearum ad deditionem cogenda imparem videret, (praesertim quum jam subvectiones è majore insula impedire non posset,) de receptu licet multum invitatus cogitare cepit, & machinis omnibus, quae ipse exposuerat, quaeque in urbe invenerat, in staves impositis, spoliis lectis & urbe pene deleta, 10 septem item hostilibus navibus quas in portu deprehenderat exultis, militari ordine se recepit & ventum commodum praestolatus per easdem angustias, unica tantum navi, quae vado impingens cursum tenere non potuerat, in ipsis portus faucibus, natarum potius desidia, quam hostium virtute amissa, ovans discessit.

Her. d. 4.
l. 3, c. 3.

Secundum locum obtinet municipium *S. Germani*, olim *nova Salamanca*, in quod ut jam dixi *Guanica* incolae commigrarunt; distat à littore Occidentali leuc. iv, à Metropoli versus Africum xxx: exiguum oppidum & parum munitum, ideoque aliquoties à Gallis direptum; ad mare stationem tantum habet, eamque incommodam & malefidam, ubi *Guaorabo* annis effluit.

Tertium oppidulum *Arrexi* dicitur, xxx circiter leuc. à Metropoli situm versus 20 Occidentem.

Sunt praeterea in hac insula nonnulli pagi & varia praedia (*Espanias* Hispani vocant) & incolae, prout res Americanae se habent, satis frequentes, siquidem anno c1510 referente illius praefecto *Didaco Menesio de Valdes* in hac insula mille quingenti censabantur, qui arma ferre poterant & inter eos octuaginta equites; praeter milites quos Rex suis praediis aiebat, pene ducentos. Alij minorem longe numerum produunt & vix mille quingentas animas in tota insula reperiri autumant.

C A P. III.

Portus & ora maritima insulae S. IOANNIS; & de MONA.

30

PAVCOS pro sua magnitudine habet portus, rarasque & infidas stationes: quia mare quod septentrionale latus cingit vorticosum est, & tota illa plaga aquilonibus exposita; ne tamen quicquam temere praeternisisse videar, oram maritimam à Portu Rico legam & portus stationesque prosequar, ordine quo jacent: ad orientem ergo illius primus portus appellatur *Luisa*, sive à fluvio qui ibi exit nomen acceperit, sive ipsi dederit: alter *Canoba*; tertius *la Cabeza* ad orientalem angulum qui septentriones adspicit, cui eminentissima juga montium *del Loquillo* imminet. Hinc litus versus austrum flectitur, in ora autem hac quae orientem adspicit, duo tantum portus occurrunt *S. Jacobi* & *Tabuco* trium circiter leuc. intervallo discreti. Obja- 40 cent huic orientali insulae plagae variae insulae, quas communi nomine *Virgines* appellant, de quibus suo loco postea dicturus sum: capiti porro australi hujus lateris insula exigua *Boyque*. Hinc jam ora versus occidentem retrocedit, austro exposita, primoque aperit portum *Gnayama*; sequuntur deinde fluvii *Neabon* & *Xavia*; & sex à posteriore hoc leuc. *Gnadianilla* portus, eique magis versus Occidentem leuc. annis quem vulgo *de Mesquites* vocant, & paulo ulterius *Guanica*; & sex ab hoc leuc. Occidentale insulae promontorium *Cabo Roxo*, australem hanc plagam terminans: juxta quod salinae aliquot ab Anglis observatae: huic australi plagae etiam insulae aliquot obversantur, exiguae admodum, *Santana*, *Habesiana* atque *Bomba del inferno*. A promontorio 50 *Roxo* ora ab austro ad arcum revertitur & littoribus paulatim recedentibus, sinus in modum inturatur, & primo portum *de Pinor*, deinde *de Mayaguez* & paulo ulterius sinum *S. Germani* veteris pandit, qui navigantibus per opportunum est ob vicinam vallem optimorum Auranciorum, limonum & similium teracissimam: sequitur ad eandem plagam *Guanabo* fluminis ostium, quod ab aquandi opportunitate *Aguadam* vulgo nominant & dein & *Guabasaca* portus haud longe ab altero Occidentali promontorio,

cap. 12.

montorio, quod septentriones respicit. Occidentali huic insula lateri objacet *Mona* Mona.
 modica insula ad altitudinem xviii grad. aut paulo minus, & altera hac minor vulgo
Monico. *Mona* æquali pene intervallo inter insulam hanc S. Ioannis & Hispaniolam
 interjacet, illi tamen propior; tres leucas aut paulo plures ambitu suo complecti-
 tur, plano atque humili solo, & (uti à nostris observatum invenio) falso & maxima
 sui parte petroso; versus Septentriones tamen non nihil assurgit: non habitatur, licet
 arboribus frugiferis referta sit & optimos fructus ferat, præsertim aurantia mala mo-
 le & bonitate præstantia. Objacet huic plage altera insula vel potius scopulus, *Zaccheo*, Zaccheo.
 pene è regione Guahatacæ, volucrum tantum statio. Ab occidentali promontorio
 10 quod arcum respicit, redit ora versus ortum, in qua sunt fluminum aliquot ostia &
 nominatim *Camay*, *Cibuco*, *Bayamon* atque *Toa*, quæ duo posteriora in sinum atque
 portum Metropoleos influunt, à qua hanc ora maritimæ descriptionem inchoavi.

HISPANIOLA.

CAP. IV.

Insula Hispanioliæ situs, magnitudo, animalia, fructus, &c.

- 20 **I**NSULA olim indigenis atque accolis *Ayri* & *Quisqueia* dicta, quam *Columbus* pri- Her. d. i.
l. 3. c. 3.
 ma sua expeditione adivit, jacet intra decimum octavum & vigesimum gradum
 altitudinis septentrionalis: forma est fere triangulari, orientalis quippe illius pars
 in obtusum angulum fastigiatur, occidentalis autem in duo veluti cornua divaricata
 sinum amplum in se admittit. xv aut ut alijs placet xviii leuc. declinat ab insula
 S. Ioannis, quam modo descripsimus versus Occidentem, qua brevissimus est tra-
 jectus. Amplissima insula & quæ ad cccc leuc. ambitu suo complectitur; centum
 & quinquaginta ut constans est opinio, longa; ubi angustior xxx, ubi latissima pene
 lx leuc. (uti ab Hispanis, licet nequaquam verisimile sit, proditur) patens. Aëris tem-
 peries hic calidior est & vehemens æstus matutinus, qui statim à meridie ab aura ma-
 30 ritima (*virasen* peculiari nomine vocant Hispani) sufflaminatur, à quâ & vapores à
 sole sollevati discutiuntur. Solo gaudet admodum fecundo, lætissimiq; pascuis, quo
 fit ut incredibilis hodie hic equorum, taurorum, vaccarumq; porcorum, aliorum ani-
 malium sit copia, quæ passim per campestria silvasq; vagantur, incerti dominij; ab iis
 qui ea venantur & tergorum tantum causa ut plurimum necant, occupantur; carnes
 sub dio volucris relinquant & canibus, qui carniū esu ita efferrantur, ut instar lu-
 porum jam hominibus terrori esse cæperint, & non leve damnum animalibus inferant;
 præsertim porcis, qui hic optimi habentur, propter fructuum quibus vescuntur abun-
 dantiam & bonitatem. Atque hæc animalia ab Hispanis huc traducta, nam olim In-
 40 sula paucas tantum quadrupedum species alebat, *Hutias* nimirum, animalculum
 nostris cuniculis non multum dissimile, sed paulo minus, & brevioribus auriculis,
 cauda talpæ; Dein *Chemis* eiusdem pene formæ, sed paulo majores: & *Mohuis* animalcu-
 lum hutjis paulo minus; & *Cori* cuniculis magnitudine par, ore talpam referens, sine
 cauda, cruribus brevibus & valde delicatis, colore interdum albo, aliquando nigro, sed
 quam plurimum ex utroq; mixto; domesticum animal & valde cicur; habebant præ-
 terea canum quandam speciem satis elegantem, sed plane muram, quibus in venatio-
 nibus utebantur. paucissima horum animalium hodie supersunt, quum aliunde inve-
 cta tantum incrementum ceperint. Licet non desint angues varique serpentes in hac
 insula, tamen constans opinio est, nullos aut perpaucos esse venenatos aut noxios. Sed
 vermiculorum quoddam genus tum hic tum alibi quoque reperitur, hominibus valde
 50 infestum, (*Niguas* vocant) quod in pulvere degens & pulicem instar saliens, ijs qui nu-
 dis pedibus incedunt, maxime est molestum, quippe digitis pedum se insinuans, in-
 ter cutem & carnem semina sua jacit, tanta fecunditate, ut ubi semel se intruferit
 vix evelli possit & sæpe non nisi cauteriis aut artuum detractione superetur. Fidem
 prope superant quæ ab Oviedo atq; alijs narrantur de *Cucuyo* è Scarabeorum genere,
 cujus ocelli atque latera, ubi alas suas deducit, tantum lumen emittunt ut noctis te-
 nebras haud secus quam candelæ illustrent & hominibus legendi scribendique co-

Her. d. i.
l. 5. c. 11.

piam faciant; Indigenæ olim hoc animalculo non modo ad tenebras illuminandas sed & ad *Nighas* fugandas utebantur.

Inter pisces edules excellunt *Manati*, qui non tantum in mari sed & in amnibus atque paludibus reperiuntur; piscis est utri similis, duobus duntaxat pedibus ad humeros præditus, rotundis instar elephantinorum, quibus non tantum natat sed & in terra



10

repat; unguibus quatuor; capite taurino aut vitulino (unde nostrates vaccam mari- 20
nam vocant) parvis oculis, quos claudit atque diducit, cute spissiore & quibusdam
pilis fuscis aut subcinereis interstinctâ; ab umbelico ad caudam gracilescit, varia mole
corporis pro ætate, nam interdum viginti & plures pedes longi reperiuntur: femellæ
vaccarum more pariunt, binaque habent ubera quibus sætus suos lactant: caro illius
magis terrestres animantis quam aquatilis esse videtur, & recens non male refert vitu-
linam; sale autem condita Thynnorum, nisi quod gratioris sit saporis & diutius serve-
tur; etiam fumo cam indurant aut ad solem exsiccant: pinguedo illius optima est ne-
que rancedini obnoxia, atque ad varios usus etiam mechanicos adhibetur: in capite
illius lapilli reperiuntur, qui adversus calculum renum summopere commendantur.
Leonem illius è Clusij Exoticis exhibemus.

30

Oviedus occasione hujus *Manati* & alterum piscem describit oræ hujus insulæ
perfamiliarem: palmum longum, aspectu sædum; squamas quippe habet graduum
instar dispositas, tenuissimis quidem sed validis & acutis spinis præditas, quæ per to-
tum superius corpus sparguntur, præsertim à capite per dorsum ad medium corporis
partem, ventre glabro: & quia dorso se aliis piscibus affigit dum illos venatur, *Rever-
sum* sive *Inversum* vocant: boni est saporis, & inter optimos qui in hoc mari capiun-
tur, sicca & firma carne præditus, minimeque viscosâ. Scribit porro Insulanos solitos
fuisse hujus generis pisces seponere atque nutrire, eisque ad alios pisces capiendos uti
in hunc modum: *Inversum* tenuis sed valido funiculo alligatum è cymba in manatos
aut alios pisces opportune emittunt, ille summa celeritate in pisces, quantumvis se 40
longe majores, facit impetum, eorumque ventri aut lateri ita se affigit, ut una cum
ipso sensim in siccum attrahantur. *Vlysses Aldrovandus* lib. III de piscibus, iconem
hujus piscis exhibet, sed quæ cum Oviedi descriptione parum conveniat. Meminit
& *Rondeletius* lib. XV. cap. XYIII & Clusius in Exoticis.

Arborum varias species producit hæc Insula, quarum quasdam commemorabo.

Ovied.
l. 8. c. 12.

Anzuba, vasta pulchraque arbor, materiæ firma atque utili; fructum fert suavissimum,
pyris apianis sive muscatellinis parem, verum succo lacteo atque viscido instar sicus
immutatur, itaque fructus vrescentibus ingrator, nisi prius aqua maceratus, succum
hunc exsudarit. Nascuntur item hic uti & in variis Americæ insulis & provinciis
fructus, quos à quadam pinæ nucis similitudine vulgo *Pinnas* vocant: nam licet 50
squamas non habeant, aut corticem ligneum, tamen exterius cortex earum in eun-
dem modum videtur distinctus: uti autem succi bonitate & suavitate reliquos fru-
ctus antecellunt, ita & color illis pulcherrimus est è luteo virescens, viriditate pau-
latim per maturitatem evanescente: odor quoque jucundissimus, qualis fere in eo
malorum Persicorum genere, quod Itali & Hispani Melocotone appellant; magni-
tudo illi vulgaris melonis, Nascuntur hi fructus singuli ex cardui genere aspero &
spinoso,

Idem lib.
9. c. 12.

spinoso, oblongis foliis, è quorum medio profilit caulis rotundus unicum ferens fructum, qui post decimum aut duodecimum mensem demum maturefcit: eo sublato nullum præterea fert fructum, plantaque tanquam inutilis abjicitur. In extremo fructu interdum & extremo caule sub fructu, enascuntur germina quædam quæ fructui decorem addunt, & sunt veluti semen illius, panguntur enim tres subter terram digitos ita ut media pars extet, atque ita & radices agunt & fructus ferunt suo tempore. Tres hujus plantæ species numerant: quarum prior ab incolis *Iaiama*: altera *Boniama*: tertia *Iaiagua* vocatur. Posterior carne est candida, sapore vinoso verum acidiore: *Boniama* dulci & quodammodo fatuo: *Iaiama* reliquis oblongior carne
 10 fulva, sapore suavi & cæteris longe præstans. Per omnium carnes sparsæ sunt quædam fibræ tenuissimæ, quæ licet inter edendum palatum non offendant, gingivas tamen lædunt si quis crebrius illis vescatur. Marurus fructus tantum quindecim aut ad summum viginti dies durat. Descriptio hujus plantæ quadrat ad amussim cum descriptione Ananas: sed quem in Peruvia pinnam vocant, longe alius est fructus, ut suo loco dicetur. Sunt & aliæ quamplurimæ hic arbores, sed cum cæteris & continenti pene communes, nisi quod quædam hic delicatiores quam alibi fructus ferant, uti *Plantani*, quos propterea *Dominicos* vocant. Reperitur & hic *Quauhconex* arbor mediocris, crasso trunco, materie solida ac dura, odorata, quæque diu incorrupta manet; foliis mali granatensis; flore minuto albo; fructu simili pene bac-
 20 cæ lauri. Corticem hujus arboris minutim concidunt, & quattriduo macerant in aqua, dein exemtum soli exponunt, & ubi incaluerit prælo exprimunt liquorem Balsamo admodum similem & ad varia utilem. Porro Piperis Americani vel Siliquastri quod hic & alibi *Axi* vocant & in Nova Hispania Chilli, plures species hic inveniuntur; quarum una dicitur *Carive* sive *Axi-montense*, cujus siliqua omnium quidem minima est, sed semen calidissimum & pene causticum: altera *Huarahuac* cujus siliqua viridior est; tertia *Axi blanco*: quarta *Acafran axi*, quia croceum colorem addit condimentis, siliquâ oblongâ: quinta *Axi coral*, ob coloris elegantiam, oblonga itidem siliqua; & similes species; quarum icones videre est apud Cl. V. Carolum Clusium in curis posterioribus. *Tuca* autem (cujus radicibus pro farre utuntur Americani) hic omnium lætissime nascitur; nam Maizium non minus quam triticum raris
 30 etiamnum hujus insulæ locis colitur, & maxime frigidioribus. Pascua hic quoque à Guaiabis arboribus corrumpuntur. Duæ vero plantæ exoticæ maximum hodie incolis emolumentum adferunt; Sacchari Cannæ & Gingiberis radices: nisi quod hæ præ nimia copia pene viluerint; nam anno cIdo Lxxxvii supra viginti duo millia quintalium (ponderis genus est apud Hispanos cxxv aut plures nostrates libras æquans) Hispanim advecta testatur *Acosta*: eodemque anno ad nongentas Sacchari cistas traductas, ut hujus quoque proventus inde æstimari possit.

Fodinæ plurimæ in hac Insula, auri quidem celeberrimæ in provincia *Cibao*, his proximæ S. Christophori nomine notæ; aliæ; argenti quoque, æris, ferri; verum fors-
 40 forum inopia omnes jam dudum neglectæ ita ut æneis nummis incolæ jam utantur.

Multa millia Indigenarum alebat Insula, quum primum Hispani hic adpellerent, statura corporis breviori, colore fusco, comâ capitis nigrâ, reliquo corpore depili; viri pariter arque feminae nudi incedebant aut pudenda leviter velati: sed omnes jam à multis annis, Hispanorum sævitia, inedia variisque morbis penitus consumiti sunt. Hispanicæ quoque originis incolæ, pro magnitudine Insulæ pauci; pars magna in Continentem aut alias Insulas majoris lucris spe commigravit; licet hæc æris salubritate, soli fecunditate, omnium fructuum abundantia & præstantia, cæteris & maximæ parti Continentis longe præcellat.

C A P. V.

Provincia & flumina hujus Insulæ præcipua.

HISPANIOLA superioribus seculis in plurimas provincias divisa erat, quæ peculiaribus regulis parebant; quarundam nomina jam obsoleta, quædam etiamnum perennant. Ad orientalem angulum, qui S. Ioannis insulam adspicit, *Hygney* provincia sita est, fere tota montensis, planis in edito jugis, ascensu
 A 4 perdiffi-

Her.d.1.
l.6.c.8. perdifficilis & aspera ob creberrimas rupes quæ planiciem illam occupant, inter quas tamen gleba quædam rubra per intervalla se ostentat, Yucæ aliarumque frugum, & præsertim melonum feracissima. *Iacnagua* huic contermina erat & magis versus boream *Samana* sinum ejusdem nominis admitteſſis; & ad eandem plagam *Ciguay*. Secundum australe insulæ latus, latè patet *Yaquimo* octuaginta pene milliaria ab oppido S. Dominici, ligni Brasiliæ ferax, unde nomen ipsi quondam à Columbo inditum.

Her.d.5.
l.2.c.6. *Puerto de Brasl.* Hanc sequitur *Baoruco* asperrima provincia, & accessu perdifficilis præsertim jumentis, ob altissimos & præruptos montes, pabulique inopiam: Indigenarum, qui Insulano quodam duce (Heuricum nominaverant Hispani) jugum Hispanorum excusserant, quondam turissimus receptus, ita ut non nisi æquissimis conditionibus inde deduci & ad quietem componi potuerint. Ad extremum pene angulum occidentalem *Hanigwaga* jacet, plana & amœna provincia, præsertim qua Mare attingit. Sinui autem interiori, quem ad hanc plagam insula recipit, inter duo notissima promontoria Tuberonis & S. Nicolai, *Xaragua* prætenditur, gossypii feracissima, cui Columbi temporibus Bohæcius imperabat. In hac provincia, Lacus ab Oviedo celebratur, duas leucas à mari remotus, haud longe ab oppido *Iaguana*; xviii leuc. Orientem versus in longitudinem excurrent, tres primum, mox duas leucas latus, & sensim se angustans; salus instar maris, à quo per occultos terræ meatus oriri creditur, & eisdem cum mari pisces nutriendi: haud procul ab illius ripa mons Salis se erigit, optimi atque pellucidi instar crystalli, quare ab Oviedo summopere commendatur, & catalaunico comparatur. Huic provinciæ ad æquilonem contigua est *Guahaba*, ad Occidentem *Cahaya*, cujus indigenas inter omnes insulanos forma atque industria excelluisse ferunt. Hic proxima erat ad Septentrionale Insulæ latus provincia *Mavrien*, in quam Columbus primum descendit, & Navidad oppidum condidit, Brevis xvi. Mediterranearum provinciarum potissima erat *Cibao*, aurifodinis dives, rupibus & montibus aspera, multisque arboribus, præsertim excellis pinis oblita, multis torrentibus & rivulis rigua, ære denique supra modum salubri. Huic proxima est campestris illa, pascuisque lætissima provincia quæ ipsis *la Vega Real* dicitur, cui Columbi tempore, Guarinoex imperabat, leucas ut plerique tradunt lxx longa, xx & amplius lata, montibus undiquaque clausa, è quibus limpidiſſimi torrentes sese in campos effundunt. Hanc ad occidentem attingit *Maguana*, pene in medietate Insulæ sita, inter duo maxima flumina Neybam atque Yaqen: huic præter Caonabo omnium Insulanorum potentissimus. Inter flumina principem locum sibi vindicat *Ozama*, urbem S. Dominici præterfluens, maximarum navium patiens, quæ ostium illius subeuntes ad ipsam urbem appellant & ibidem onera sua exponunt: aquæ tamen illius non nisi supra urbem dulces & potui aptæ, & optimorum piscium fecundæ sunt. Huic proximus loco & dignitate *Neyba*, qui ad australem insulæ plagam in mare sese exonerat, alveo sub exitum satis profundo, sed tibi paulum ascenderis vadoso. Succedit *Nizao* alveo nec admodum lato nec profundo, verum amœnitate foli, quod interluit, & pascuorum, quæ rigat, abundantia nobilis, cannarum denique sacchari altura dives. Neque prætereundus est *Nigua* exiguus quidem amnis, sed terrarum ubertate & villarum adjacentium frequentia nulli secundus. Atque horum quidem amnium *Nigua* quatuor, *Nizao* novem aut decem, *Neyba* pene triginta leuc. ab urbe S. Dominici versus occasum Oceano se miscet. Versus eandem cœli plagam in eodẽ Insulæ latere *Yaquimo* fluvius in mare evolvitur è *Boaruco* provinciâ descendens. Ad orientem vero ab eadem urbe, in hoc latere *Hayna* effluit, lento quidem decursu, sed aquarum salubritate & prædiorum frequentia cæteris præstans; eique vicinus *Tuna* è Bonao territorio proluens. Ad Occidentale Insulæ latus *Haitibonico* celebratur, optimos pisces nutriendi, pascua atque arva fecundissima rigans, pluresq; minores amnes admittens. In Septentrionali latere sese exonerat *Yaqui* sive *Ische* haud procul à Monte Christi, insignis fluvius, qui magnum terrarum spaciũ permenſus, multos rivos atque torrentes devehit in Oceanum. Atque hi quidem præcipui hujus Insulæ fluvii, nam omnes commemorare longum esset: auriferos tantum addo, inter quos primus est *Nicayagua* qui *Cibao* provinciam interfecat, alios tres minores *Buenicum*, *Coatenucum*, & *Cibum* admittens: Secundus *Xanig*, ejusdem provinciæ, cui olim arx S. Thomæ erat imposita, dum auri copia suppetebat, culta, nunc penitus deserta.

Oppida olim Hispanis habitata; Metropolis S. Domingo.

- C**HRISTOPHORVS COLUMBVVS prima sua expeditione ad hanc Insulam delatus in provincia *Marien*, cui tum Guacanagry regulus præerat, è navis suæ, in ipso portu nautarum incuria fractæ, tabulis exiguum munimentum struxerat, *Navidad* nomine, & triginta novem suorum sub præfecto Didaco de Arana ibidem relictis in Hispaniam redierat: verum secundâ ad eundem portum
- 10 reversus, quum suos mortuos, & castellum ab Insulanis existum reperisset, abibi sedem figere constituit, & orientem versus navigans, aliquot leuc. supra Montem Christi, urbem *Isabellam* condidit, ad ripam fluminis & non incommodum portum, licet ad-
- versus Gori violentiam haud satis tutum, in fertili solo & cælo valde salubri, xx circiter leuc. ab aurifera illa provincia Cibao, nec procul à campestri illa regione quam
- supra la Vega Real appellari monuimus. Sed neq; hæc urbs diu duravit incolis illius ad urbem S. Dominici paulo post traductis, sicuti nec complures aliæ urbes, primis
- illis temporibus tum ab ipso Columbo, tum ab aliis præfectis conditæ. Nicolaus enim
- de Obando in Xaragua provincia urbem condidit *Vera Paz*, postquam Regulum illius
- provinciæ & Anacoanam illius Germanam, præcipuamque nobilitatem, exquisitis
- 20 suppliciis, inaudita crudelitate è medio sustulisset: quod facinus licet *Isabella* Hispan. Regina ægerime ferret, Obandus tamen impune tulit. Idem & aliam urbem in Haniaguaga condidit, *Salva terra de la Zabana* nomine, xii circiter leuc. à promontorio Tuberonis. Item tertiam in Maguana, inter duos amnes Neybam & Yaquin, *S. Ioannis de la Maguana* titulo: Quartam portò in Yaquini provincia prope portum de Brasil, quam *Villam novam de Yaquimo* appellavit, & castello munivit: Quintam deniq;
- Bonam* haud procul ab eo loco ubi nunc Cortuy jacet. Quæ omnes intra paucos annos defecerunt, nisi quod templum S. Ioannis de la Maguana adhuc supersit, & ruinæ castelli villæ Novæ de Yaquimo hodieque videntur. Sed de his brevis ævi oppidis plus
- satis.
- 30 Metropolis hujus Insulæ *San Domingo* quum anno c1500cccciv à Bartholomæo Columbo primum conderetur, novæ *Isabellæ* nomen tulit, *Isabellæ* veteris civibus, uti diximus, eo traductis: ædificata autem erat ad Orientalem Ozamæ ripam, qui insigmem illi portum largitur; Verum quum anno c1511 pleraque hujus urbis ædificia horrenda tempestas & terræmotus subvertissent, Nicolaus de Obando qui tum Insulæ præerat, illam ad oppositam ripam transfudit, consilio, ut quibusdam visum, haud satis provido, nam quum Sol exortiens, vapores noctû è flumine elâtos, in oppidum impellat, insalubrior effecta est: & quum fontibus destitueret, aquam potabilem trans flumen petere coguntur oppidani, magno sæpe discrimine, quum flumen vi ventorum aut refuso æstu intumescit. Urbs alioquin plano loco sita, elegantissimis
- 40 ædificiis quæ fere è lapidibus sunt structa, ornata, muroque cincta est: nec non latis campis & latis pascuis circumdata, una è melioribus civitatibus totius Novi orbis judicatur. In ea præter Gubernatorem totius Insulæ, Cancellaræ regis Auditores, æarii Præfectes, alique regii ministri commorantur. Cathedrale habet Templum (cui præsidet Archiepiscopus, Suffraganeos habens Episcopum Conceptionis de la Vega in hac Insula; Episcopum S. Ioannis de Portu Rico; Episcopum Cubæ insulæ; Episcopum Venezuelæ è regione in continente sitæ; atque Abbatem lamaicæ) monasteria aliquot Dominicanorum, Franciscanorum, & de la Mercede, & duo Nonnarum claustra: Scholam quoque in qua Grammatica docetur, quatuor millium, & Xenodochium viginti millium ducatorum, reditu annuo dotatum: Monetam regiam: Castellum denique ad occidentalem portus angulum pro conditione illarum regionum satis mun-
- 50 rum. Superiori sæculo valde floruit, commerciorum opportunitate & navium appellentium frequentia, sed postquam Nova Hispania & haud multo post Peruvia Hispanis innotuerunt, sensim splendorem suum amisit, numero civium & commercii multum imminutis, ita ut farentibus Hispanis haud supra sexcentas familias Hispaniensium complectatur: longe autem plures Nigritæ tam in ipsa urbe quam suburbis habitant, & mulati (ut vocant) non pauci, denique è Canariis insulis advenæ,

Hispanis numero pene pares; nec tamen omnium civium numerus duo millia capitum multum superare creditur.

Anno Domini 1510 LXXXVI hæc civitas à fortissimo Equite Anglo Francisco Draco vi capta, & bona illius pars solo æquata fuit in hunc modum: Novem aut decem milliaria Anglicæ ab urbe versus Occidentem, milites circiter mille ducentos exposuerat Dracus, qui uno agmine ab hora octava matutina ad primam post meridiem, in conspectum usque oppidi progressi, equitatum Hispanum hic obvium facile fuderunt; hinc diviso agmine duas urbis portas petierunt, easque, majorum tormentorum quidem dispendio impetiti, sed levi damno accepto, tanta festinatione irruerunt, ut Hispani se recipere, & ex adversa porta se ejicere egerentur: Spolia 10 pro fama atque opulencia civitatis minus opima fuerunt, suppellex tantum splendida & vasa aliquot argentea à militibus direpta, parum auri aut argenti cusi reperiunt, ancorum nummorum abunde. Angli statim in majori urbis area se communi-verunt, cæteris magnæ urbis spaciis custodiendis haud quaquam pares; intercep-to mox Castello, Hispanis ad primum impetum dilapsis, torius urbis compotes, men-ses integrum illam tenuerunt, & postquam magnam illius partem prostravissent, re-demptione pro reliquis domibus accepta, discesserunt. Inter ea quæ ab Anglis hic notata, observatu dignum est Emblemata in pariete aulae Gubernatoris depictum, nobilissimum ambitionis & arrogantia Hispanicæ monumentum. Globus quippe Terræ hic depictus erat, è cuius diametro equus subsiliebat, bona parte corporis extra pe- 20 ripheriam projecta, addita hac sententia, *Non sufficit Orbis.*

C A P. VII.

Reliqua hujus Insulae oppida hodieque Hispanis habitata.

RELIQUA hujus Insulae oppida haud ita magni sunt momenti; quæ hic ordine commemorabimus. Primo *Salpaleon* oppidulum in provincia *Hyguay* 30 LXXXIII circiter leucis ab urbe S. Dominici versus ortum, aliquot machinis ad saccharum molendum in ambitu instructum, & latis pascuis gaudens, quæ magnam taurorum vaccarumque copiam alunt.

Deinde *Zeybo* oppidulum in australi Insulae plaga XX circiter leucis ab urbe S. Dominici, ortum atque insulam Saonam versus.

lib. 6. c. 8. Tercio *Cosuy* LX pene leucis (teste Oviedo) à Metropoli versus Aquilonem ad ripam amniculi ejusdem nominis, olim autifodinis celebre oppidulum & fossorum fere domicilium, qui magnam auri vim hic quondam eruerunt, nunc auri venis & operis deficientibus obscuræ tantum famæ.

Quarto *Ayua* ad eandem plagam XXIV mill. à Metropoli versus occidentem, Sacchari proventu dives oppidum, quod nunc vulgo *Compostella* dicitur, & Indorum Nigritarumque pagus illi subjacens *Ayua*.

Quinto *Jaguana*, alio quoque nomine *Santa Maria del porto*, oppidum ad occiden- 40 talem plagam I aut IX leucis à Metropoli, una tantum à littore maris, ubi portum satis commodum obtinet ad sinum illum de quo supra diximus; superioribus annis Galli, Belgæque hic mercaturæ gratia appellere solebant, & cassiam solutivam (quæ hic abunde nascitur) tergora, aliæque Europæis mercibus commutare, sed postea edicto regio peregrinis omnibus commercio interdictum fuit. Oppidum haud magnum est, tribus plateis & centum quinquaginta ad summum ædibus constans. Ab Anglis duce Christophoro Neoportio anno 1510 XCI interceptum & pepitum vastatum atque incendio deformatum, an postea reedificatum fuerit, mihi non constat.

lib. 3. c. 10. Sexto *Concepcion de la Vega* ab ipso Christophoro Columbo condita urbs XX (aut XXX secundum Oviedum) à Metropoli leucis versus boream; Cathedrale habet 50 Templum cum suo Episcopo, itemque monasterium fratrum minorum.

Her. d. 1. Septimo oppidum *Sant Iago de los Cavallos* X leuc. à præcedenti oppido recte 17. c. 10. versus boream, lato admodum cælo atque solo, adeo ut inter amœnissima totius Insulae oppida numeretur.

lib. 4. c. 8. Octavo *Puerto de la Plata* ad septentrionalem insulae plagam positum oppidum; XI leuc. (aut ut Oviedo placet XLV) à Metropoli distitum, XX grad. aut paulo amplius 5 ab

ab Æquatore; anno c. l. s. 11 auspiciis Nicolai Obandii præfecti conditum. Commodissimum habet portum & castello prope litus munitum; ipsum oppidum lateri altissimi montis adhaerens, commerciorum frequentia & situs opportunitate facile secundum locum inter oppida insula postulat; quippe à tampestri illa regione leuc. Hec. d. 1.
circiter x ab oppido Conception xvi à Cibao provincia xii, à Sancto Iacobo xx abesse l. s. c. 4.
traditur.

Postremo oppidulum quod vocant *Monte Christo*, ad eandem plagam, xiv leuc. à præcedenti oppido versus occidentem, cum portu satis commodo & Salinis: haud longe ab illo fluvius *Taqui* descendit in Mare; hic quoque nostrates, antequam edicto Ovid. l. 6. c. 6.
regio vetarentur, cum minoribus navigiis solebant appellere & taurina tergora alia-
que merces commutare. Atque hæc quidem Insula hujus oppida omnino deceni, Ovid. l. 6. c. 6.
paucæ certe pro tanta amplitudine Insulæ, quæ olim ita floruit (inquit *Herrera*) ut incolarum Hispanorum numeraret supra xiv millia, magnam partem nobilium; verum Continentis ditioribus provinciis inventis, magna commigratio facta est & non modo hujus, sed & Cubæ, aliarumque insularum incolæ ad summam sunt redacti paucitatem.

C A P. VIII.

*Descriptio oræ maritimæ, sinuum, promonteriorum, portuum
Insulæ Hispaniolæ.*

DE LINEATIONEM oræ maritimæ à Metropoleos portu ordiemur: Decem ergo leucarum intervallo versus occidentem *Nixæo* promontorium eminet, à quo ora hætenus humilis & fere plana, attolli & in colles atque altiores montes incipit assurgere; pone promontorium sinus se aperit, tribus portubus insignis: *Portu Formoso* (ut Hispani vocant) xvi à Metropoli leucis, juxta quem jacent salinæ copia & bonitate salis præstantes: *Zetepin*: *Ocoa* denique xviii à Metropoli leucis. In hisce portubus, præsertim *Ocoa*, classis Hispanorum Novam Hispaniam
petens anchoras haud raro jacere solet, aquandi & annonam comparandi gratia; 30
nam vix milliare unum à litore municipium situm est, quadraginta aut quinquaginta adium, omni comæatus genere abundans, & juxta se machinam sacchari habens; quod Angli anno c. l. s. xci duce Christophoro Neoportio diriperunt, magna vi sacchari inde abducta. Sequitur ad eandem plagam *Azuæ* portus xxv leuc. à Metropoli versus occidentem. Hinc terræ quidam angulus prominet *la Calongia* vulgo dictus, è regione Insularum *Beata* & *Altovelo*, atque ora sese subducens versus Corum, amplissimum admittit sinum ita ut angulum istum prætervecti nullas terras ante se conspiciant.

Triginta quatuor hinc leucis versus occasum (aut ut alibi *Herrera* testatur l. x. x. x. d. 1. l. 5.
à Metropoli licet ratio haud satis constet) *Taquimo* portus occurrit, ubi quondam c. 5.
oppidum fuit, & Castellî rudera adhuc visuntur; x perporro leuc. magis ad occidentem provectus *Zabane* portus excipit, & promontorium *Bacea* vasto octo pene leucarum collo in altum se projiciens, cui insula Abaque objacet, de qua mox dicam. Sunt & alii quidam sinus & portus, stationesque ab Hispanis notatæ, atque à nostratibus observatæ, quas consulo omitto. Australe hoc insulæ latus claudit celebre promontorium Tuburonis, sub quo statio navibus satis commoda, *Aliqato* Hispanis dicta, Anglis & nostratibus nota, quum Hispanicis navibus insidiari volunt. Hætenus ora ad occidentem pertinet; xii autem à promontorio Tuburonis ut Hispanis, vel potius viii ut nostris placet, versus arcum aliud promontorium occurrit vulgo
de *Donna Maria*, à quo litus in orientem retroflectitur *Xaragham* usque, indeque rursus versus Corum magno ambitu excurrit ad promontorium *S. Nicolai* magnum illum sinum admittens, in quo minores aliquot insulæ sparguntur, & quidem haud procul à litore quod ingredientibus dextrum est, *Caymito* (nam minutiores prætereo) distans à promontorio Maris xii aut xiii leuc. à quo ad occidentalem angulum *Guánabo* insulæ oblongioris & partim editæ, quæ in interiorem sinum procurrat, viii aut ix sunt leucæ; & ab hoc angulo pene totidem ad promontorium S. Nicolai:
id

id alterum hujus Insulae promontorium versus occidentem, distans ab æquatore grad. xix & scrupul. xl aut l. declive versus mare, & sinum intra se concludit, qui tutissimam & commodissimam stationem navibus præbet, & insignem aquandi opportunitatem. Haud longius xii leuc. intervallo ab orientali Cubæ promontorio abesse constanter affirmant nostri, licet Hispani octodecim prodant. Ab hoc portu littus quod septentriones adspiciunt versus ortum legentibus, portus *Valparaiso* occurrit, insulae *Tortuga* occidentali cornui oppositus; hic fluvius exit aquationi valde idoneus. xxi ii dein milliaria ad orientem profectis (ut à nostris observatum) obvia fit *Manzanilla*, amplissimus sinus & longo laroque ambitu intra terras se recipiens, & ob aliquot annuum exitum aquationi peropportunos: Columbus ex dignitate loci *Portum Regalem* appellaverat, quod nomen adhuc circa sinus initium obtinet: angulum illius sinistrum *Mons Christi* claudit, humili littore veluti aggere Continenti connexus, ita ut è longinquo intuentibus insula videatur. xii ab hoc versus ortum leuc. olim urbs *Isabella* iterit, nunc suo nomine modicum portum signans; & totidem vel quod magis verisimile ix ab hoc, *Porto de Plata*. Hactenus litus recta orientem petit, hinc jam versus Eorum sensim se incurvat, & inter duo promontoria *el Frances* & *del Cabron* sinum admittit, qui initio sui latior, mox angustior in acutum angulum desinit, septentrionibus è directo expositus, ideoque intus; nisi quod ad orientalem plagam minorem sinum pandat (Scotorum vulgo) ab aquilonibus satis defensus. Supra promontorium *del Cabron* longe amplior sinus pater, sed minus profundus, à provincia quam alluit *Golfo de Samana* nunc, Columbo olim *de las Flechas* vocatus, quia Hispani hic primum hostilia ab Indigenis passi, si non ipsi fecerunt. Sequitur eodem tractu promontorium *del Enganno* orientale hujus Insulae caput, à quo ora leniter versus Africum recedit ad angulum provinciae Higuey, & deinceps recto ductu ad occidentem tendens, aliquot modicis promontoriis & sinibus intersecta ad portum S. Dominici revertitur.

- Saona.* Hispaniola præterea aliquot minoribus insulis cincta est, quarum orientior *Saona* distans ab æquatore xvii grad. & xl scrupul. freto haud supra duas leucas lato & paulo plures longo à majori insula dirimitur; urbis S. Dominici olim quasi horreum ob abundantiam Cazabi, quo farris loco utuntur insulares: verum indigenis omnibus *Her. d. i. l. 6. c. 9.* deletis anno clō lō ii ab Hispanis, postilla penitus deserta jacuit: carerem solo est humili & densis sylvis obstituto, ita ut è mari prospicientibus arbores prius quam terra conspiciantur: mare tamen satis altum nullisque brevibus aut rupibus contaminatum, stationem satis tutam, & ipsa insula ob pabuli copiam & fructuum bonitatem multorum animalium alitrix, navigantibus large commercium subministrat. Huic haud longo intervallo proxima est Insula *S. Cataline*, arboribus nuda, parva atque humilis, multisque cautibus aspera, tamque angusto freto à majori insula divisa, ut non nisi à prope accedentibus percipiatur. Atque hæc quidem ad orientem à portu *Beata.* S. Dominici: ad occidentem primo obvia est *Beata* xxxv leuc. à dicto portu, duas à majori insula separata, ad altitudinem graduum xvii & paulo amplius, humili solo & denso luto opaca, quem optimum lignum Guajacan gignere testatur Oviedus. *Altove-* Huic ad austrum alia minor obtenditur, *Alto Velo* vulgo, orbicularis fere & parte sua orientali paulum assurgens, cætera depressior, nigro solo. Nec procul inde tres non *Altove-* tam insulae quam scopuli *los Frailes* vulgo, navigantibus cavendi. Ad eandem insulae *Abaque.* plagam *Abaque* aut *Baque* jacet (nostri vulgo insulam vaccarum vocant) xliiii leuc. à *Beata*, parva, humilisque, sed arboribus plena, nec animalium inops, ideoque navigantibus gratior. Sita est ad altitudinem octodecim graduum & quadraginta quinque scrupulorum, uti à nostris accurate fuit observatum; unum milliarc longa inter ortum & occasum, & tertiam partem milliarc. lata. *Navaza* denique per parva insula & rupibus aspera, humili tantum fruticeto virefcens; x pene leuc. ultra extremum hujus *Navaza.* insulae cornu vergit in occidentem, xviii grad. ab æquatore versus arcum: Inter novi orbis mirabilia recensetur fons, qui media ab hac leuca in ipso pelago xvi ad minimum pedes alto, tam valide scaturit, ut latices illius dulces è mediis fluctibus hauriantur. Septentrionali plagæ præteritur *Tortuga*, modico freto à majori insula directra, oblonga situ & media sui parte gibbosa: plurimi in hac insula porci reperiuntur, unde & apud nostros nomen invenit, qui vulgo Insulam porcorum vocant.

C U B A.

C A P. XI.

Cuba Insula situs, cæli solique qualitates, Arbores, Animalia.

C V B A Hispaniolæ ad occidentem proxima, ab Hispanis quidem primum Iuana in Regina gratiam, dein & Fernandina fuit dicta, hodie tantum Cuba audit, cæteris nominibus obliteratis. Ad septentriones primum aliquot insulas obiectas habet, & inturum vadis atque brevibus mare, deinde Florida continentem, 10 ad occasum satis lato freto à Nova Hispania dividitur: ad austrum 2. circiter leuc. intervallo ab America continente, qua Yucatan peninsula procurrit, alibi autem plurium: ab Insula lamaica haud pluribus quam viginti leucis distat: ab Hispaniola, ut supra diximus, multo paucioribus. Parec in longitudinem à promontorio *Mayzi* quod illius extrimum ad ortum, ad *S. Antonii* extremum ad occasum, leucas, ut volunt, ducentas & triginta; in latitudinem autem vix quadraginta ubi latissima est, ubi angustior, tantum quindecim: nam ab orientali illius angulo secundum latus quidem australe ad promontorium *Santa Crucis*, secundum septentrionalem vero ad Cubanam sensum sese dilatat, dein sinu admissio rursus coarctatur & deinceps aequali pene latitudine ad extremum angulum procurrit. Soli ubertate cum Hispaniola contendit, cæli temperie longe superat. Tertia magnam partem in vastos montes attollitur præsertim in parte orientali; in occidentali continuis jugis velut in duas partes secatur, à quibus utrumque multi torrentes, varique amnes defluunt, & in utrumque mare descendunt, optimis piscibus ferti, inter quos capitones (Hispan. *Lizas*) & aloæ (Hispan. *Sabalos*) nominatim ab authoribus celebrantur. Densæ ubique sylvæ variatum arborum, quæ iter agentes à solis radiis egregie defendunt, inter 20 quas cedri procetitate & crassitie eminent, indigenis olim maximo usui ad Canoas (lintres uniligneos ita vocant Americani) fabricandas; quippe ingentes truncos, ardentibus prunis primum inustos, lapidum aut testarum attritu excavabant, atque ita deducebant ut quinquaginta & plures homines caperent quales non paucas ab 30 Hispanis hic repertas memotant. Deinde arbores quæ resinam quandam odoriferam & Sytracis æmulam fundunt. *Xagua* deniq; quæ (ut Herr. scribit) fructus ferunt renis vitulini formæ atque mole, qui licet imminuti ab arboribus avellantur, tamen in aqua tribus quatuorve diebus macerari, præ abundantia succi sponte dehiscunt, grati & melliti saporis, neque insalubres. Verum hic observandum, *Xaguan* arborem & illius fructum longe aliter describi ab Oviedo; *Xagua* quippe tribuit materiam duram & proceritatem fraxini, fructum autem similem capitello papaveris, nisi quod non sit coronatus; ejus succus recenter expressus candidus & gratissimi saporis, verum curi illitus sensim nigrescit, adeo ut noxæ vix post vigesimum diem evanescant, nam nullo modo ablui possunt. Descriptio hæc plane convenit cum Xa- 40 huali descriptione, de qua arbore alibi dicitur. Vitium sylvestrium ingens hic copia, quæ acidas uvas ferunt utpote incultæ.

dec. l. 9.
c. 4.

lib. viii.
c. v.

Reperitur & in montanis hujus Insulæ *Caninga*, grandis arbor & vasto trunco, ejus folia sunt similia foliis arboris Canellæ, sed majora & crassiora; truncus juxta radicem nigricat: detrahitur cortex instar Canellæ, sed crassior illa, licet ad eadem valens; quippe calidus est & siccus pene in quarto gradu, sapore acri & caryophyllis non absimili, verum qui cito evanescat; dat cibis optimum gustum, & mundat sanguinem haud secus quam cassia solutiva, estque præclarum alexipharmacum. Cortex illius ficior est etiam trunco adhærens, non autem glutinosus uti Canellæ.

Avium infinita pene multitudo, psittacorum, palumbium, turturum & perdicum (licet minorum quam sunt Hispaniæ) quæ in aliis America insulis haud facile 50 inveniuntur. Peculiaris huic insulæ avis est, quam Hispani *Flamenco* vocant, grui forma non absimilis, junioribus plumæ candidæ, ubi adoleverint, elegantissimorum colorum mira varietate distinctæ, haud alte subvolant, gregatim degunt & juxta littora, atque in ipsius marinis fluctibus victum quaerunt, salis undis ita assuetæ, ut quum ab Indis domi aluntur (nam & cicurantur) sal potui ipsarum necessario admisceatur. Est & aliud genus avium hic valde frequens, *Bambayas* vocant, quæ paulum

supra solum feruntur magis quam volant, ita ut incolæ instar ferarum illas venentur; carnes illarum coctæ jus croceo colore inficiunt, saporis alioquin pergrati & phasianarum avium æmuli. Quadrupedum, puta taurorum, vaccarum, porcorumque non minor hic quam in Hispaniola copia, propter pabuli copiam & insignem suavitatem; idemque omnino usus: nam tauros atque vaccas tergorum causa necant, ex quibus ingens incolis questus: nec minor è sagina porcorum, quorum carnes in oblongas lacinias dissectas, ad solem indurant atque exsiccant, quibus naves Hispaniæ è continente Americæ redeuntibus in Hispaniam pro cōmēatu potissimum utuntur.

Mare quod hanc insulam ambit, valde piscosum, nam præter *Agnias*, *Mananras* (Hispanica sunt nomina) aliosque quamplures, Europæis littoribus notos, plurimi 10 ibidem capiuntur, nostro mari penitus ignoti. Ad australe autem insulæ latus, ubi exiguae insulæ magno numero objacent (*Sardin de la Reyna* vocant Hispani) ingens numerus marinarum testudinum reperitur; quæ non raro in tantant molem excre-
scent, ut quinque viros testa sua sustineant, & cum eisdem prorepant.



Nec minor *Iguanayum* in insula copia est, de quibus nihil necesse esset hic potissi-
mum dicere, quia in plerisque partibus Americæ reperiuntur, nisi semel de ipsis di-
cendum foret; iconem itaque hic exprimendam curavimus. Amphibium est ani-
mal, lacerti forma, cute partim cinerei, partim fusci coloris, quæ squamulis quibus-
dam testæ est, circa caput quidem majoribus, in tergo autem & sub ventre minori-
bus: cauda oblonga; quam similes squamulæ, quibusdam ordinibus, ab initio ad fi-
nem ambiunt, ita ut quartus quisque ordo è majoribus constet, eleganti varietate: 30
à cervice ad extremam pene caudam per dorsi medium, spinæ quædam mucronatæ,
instar ferræ, descendunt: rictus satis amplus, in utraque mandibula plures dentes,
breves & peracuti, oculi grandes & depressiores; binas habet nares in extrema pene
superioris rostri parte; pone caput foramina duo, piscium branchias referentia; sub
cervice ingluviem ad pectus usque pendulam; crura quatuor, quorum duo anteriora
minus crassa, brevioraque quam posteriora, singula autem quinque digitis distincta,
quorum quidam binis, alii ternis, alii quinis articulationibus constant, omnes nigri-
cantibus & acutissimis unguibus armati: taciturnum est animal & inedia patien-
tissimum; ova parit quadraginta aut quinquaginta rotunda, testa admodum tenui &
fragili, nucum magnitudine, albumen & vitellum continentia; non minus grati sa-
poris, quam caro animalis; utrisque enim tam barbari quam Hispani vescuntur &
inprimis laudant: in terra juxta flumina & lacus ova sua excludunt. Hujus animalis
carnes rerum Americanarum scriptores meminerunt; Ovidius autem observat,
omnes hujus animalis noxias esse illis, qui aliquando huc venera laborarunt, recru-
descere enim malum, licet dudum sanati fuerint. Franciscus Ximenes scribit, in ca-
pite hujus animalis interdum reperiri lapillos, qui præsentissimo remedio lapides re-
num comminuunt & dejiciunt, drachmæ pondere è liquore idoneo hausti, aut etiam
corpori alligati. 40

Her. d. l.
l. 10. c. 18.

Dives censetur hæc insula metallis, plures enim amnes auriferi sunt, quorum ii
qui Xagux portum influunt, auri perfectissimi granula subministrant. Aeris autem
fodinæ perelebres haud longe ab oppido S. Jacobi, hodieque operas fatigant. Felici-
sima denique insula, nisi rarioribus incolis habitaretur, indigenas enim omnes
jam dudum Hispanorum crudelitas delevit; Hispanos autem complures auri argen-
tique sitis aliò traduxit. 50

CAP. X.

Provincia hujus Insulae atque praecipui amnes.

IN varias provincias haec Insula olim divisa erat, quae suis quaeque Regulis quum primum Hispani hic appellerent, parebant: Hispaniolae proxima & ad orientalem hujus cornu pertingens *Mayri* dicebatur, à qua promontorio nomen habet, montana regio & densis sylvis, lucisque obrita: Huic *Didaci Velasqui* temporibus, qui primus Hispanorum hanc insulam subjugare aggressus est, *Hatney* regulus praerat ex Hispaniola profugus, ideoque saevitiae Hispanicae gnarus, quam tamen effugere non potuit, à Velasquio vivus concrematus: memorabile est quod de ipso tradit Herrera. Hispanorum adventum propediem metuens, suos ad concionem vocatos monuit, Hispanorum Deum esse aurum atque argentum, itaque quantocius illa ab se abicerent atque submergerent, nam si se aliter celaturos existiment frustra futuros, Hispanos enim vel è visceribus ipsorum hunc suum Deum extracturos. *Mayri* ad occidentem contermina erat *Bayamo* (urbis adhuc hodie nomen provinciae servat) planior regio & praerapens, uberrimo solo & caelo perquam salubri. Ad australem dein Insulae plagam *Cueyba* provincia sita erat xxx circiter leuc. à Bayamo. Huic vicina xx, nec amplius, leuc. intervallo *Camaguey*, amplissima regio & indigenarum multitudine ante Hispanorum adventum celebris: molarium lapidum copiam hic reperiri tradunt. *Macacam* è regione lamaica collocant. Quam ad eandem plagam sequitur *Xagua*, à qua sinui & celeberrimo portui nomen. Denique ad occidentale cornu, quod indigenae Haniguanica appellabant, *Vhima* vastis montibus aspera.

dec. l. 9. c. 3.

Herr. d. 1. l. 9. c. 15.

Inter flumina hujus Insulae primum locum meretur *Cante*, qui è montibus, quos hanc dividere diximus, effluens, & per planiciem, amoenissimaeque utrimque ripas & uberrimum solum progrediens, ad australe Insulae latus, per latum sinum in oceanum prorpat: tanta crocodilorum copia in hoc nascitur (animal aliis fere insulis ignotum & ceteris quoque hujus Insulae amnibus) ut periculosum sit juxta ripas illius sub dio somnum capere; non raro enim incautos opprimunt, & è terra abreptos & in undis suffocatos devorant. Huic proximus ad eandem plagam *Tanne*, olim minoribus navigiis à nostris commerciorum causa aditi fuerat. Inde & plures alii minores. Iustè autem magnitudinis amnis & egregie piscosus *Camaguey* provinciam secat, cujus nomen non proditur. *Arimao* denique haud longe à portu *Xagua* in mare exit, alveo quidem satis lato, sed minus alto. Atque hi quidem praecipui amnes ad australem partem. Ad septentrionalem autem, atque adeo in ipso littoris ab occidentali promontorio ad aquilonem flexu, amniculus egreditur Hispanis *Rio de Porcos*, ob brevia atque obiectas rupes aditu difficilior: sequitur dein ad eandem plagam *Marien* amnis, à quo & portui nomen: interque Habanam & portum de Matanzas *Rio escondido*. In ipsum portum de Matanzas aliquot amnes descendunt, quorum nomina non produntur, pluresque in oceanum septentrionalem exitum inveniunt, verum propter importiosum hoc tractu litus penitus ignoti, praeter paucissimos, inter quos praecipuus *Mares*, qui haud longe à Baracoa portu se evolvit. Si qui praeter hos in hac insula amnes, ii à nobis vel cum urbibus quas lambunt, vel cum sinibus in quos labuntur, describentur.

Indigenae hujus Insulae, habitu corporis, moribus atque institutis, à ceteris Insularibus nihil differebant, & è Floridae continenti huc commigrasse creduntur: nulla ipsis erant templa, nulla sacrificia, nulla denique religio; levis tantum (ut Hispani produnt) creationis mundi atque diluvii apud ipsos recordatio manserat: Arioli ipsis erant sacerdotum loco (*Behiques* vocabant) medicae pariter atque magicæ artis gnari; qui miseras haec gentes infatuabant, & cum demonibus familiariter, ut credi volebant, loquuti, de variis rebus dabant responsa: sed plura non addam, quum omnes hi populi jam dudum saevitia Hispanorum defecerint.

Oppida quæ hodie ab Hispanis in hac Insula habitantur.

OPPIDA pro magnitudine Insulæ rara: Primum locum antiquitatis & dignitatis nomine sibi vendicat urbs *S. Iacobi*, à Didaco Velasquio anno c. 1513 condita ad australem Insulæ plagam, viginti circiter gradibus ab æquatore vetus arcum, è regione Hispaniolæ duabus pene leucis à Mari ad intimum gremium portus, inter maximos & tutissimos Novi Orbis facile primus, angusto quippe ore admissum mare patentissimo sinu excipit, instar freti, & inter minores aliquot insulas dispargit, stationem navibus præbens adeo securam, ut anchoras ligere nihil sit necesse: Floruit quondam urbs magno incolarum numero, qui jam ad summam paucitatem reductus dicitur: Templum habet Cathedrale & Episcopum, Sancti Domini Archiepiscopo iussraganeum; monasteriumque fratrum minorum, regitur à Vicario Gubernatoris Insulæ: Merces quæ hinc peti solent, sunt bubula tergora atque Saccharum. Tribus autem ab urbe leuc. distans æris metalla è præcis montibus hodieque eruuntur, quos Hispani ob hanc causam *Sierras de Cobre* appellant.

Ovied.
l. 17. c. 4.

Her. d. 1.
l. c. 14.

d. 1. 9.
c. 4.

l. 17. c. 1.

Her. d. 4.
l. 5. c. 4.

Huic ad orientem proximum est, xxx circiter leuc. intervallo, oppidum *Baracoa* ab eodem Velasquio extructum, ad septentrionale Insulæ latus, x aut ad summum xii leuc. ab orientaliore Insulæ angulo versus occidentem: haud procul ab oppido flumen *Mares* decurrit, in ipso ostio vi aut viii orgyas altum, interius v. ripæ illius orientali duo montes imminet, occidentali claudit promontorium quoddam plano vertice, quod brevi spacio in altum projectum sinum faciens oppidi huius est portus, sed non nisi minorum navium capax, & Traiciæ Coroque expositus, ideoque incommodus: Sylvæ huic oppido vicina laudatissimum Ebenum ferunt, & ut nostri produnt etiam Brasiliium lignum.

Tertia urbs *San Salvador*, aut à provincie nomine *Bajamo* ab eodem Velasquio structa, xxx leuc. (ut Oviedus testatur) ab urbe S. Iacobi versus Corum, salubritate aëris, soluberrate, & planicie agri peramena, cæteris huius Insulæ urbibus longe anteflans: mediterranea quidem est, sed merces ipsi à mari adverso fluvio *Cante* subvehuntur. Inter mirabilia Insulæ celebrantur silices, variz quidem molis, sed omnes egregiz rotunditatis, ita ut globorum usum supplere possint; hos juxta fluvium huic oppido cognominem tanta multitudine reperiri tradunt, ut ibi lapides pluvie haud immerito videri possint: Oviedus in irrigua valle reperiri scribit, medio fere itinere inter hanc urbem, & S. Iacobum.

Quartum locum sibi vendicat *Porto del Principe*, oppidum cum suo portu, (qui à navigantibus laudatur,) ad septentrionale Insulæ latus, xi leuc. à S. Jacobo versus Trasciam. Haud procul hinc fontes illi bituminis visuntur, de quibus *Monardes* cap. v. In Cuba (inquit) inveniuntur fontes juxta litus maris, bitumen nigrum picis instar emittentes, gravis odoris, quo Indi in morbis frigidis utuntur; Hispanis servit picandis navibus, (quia picæ navali similis est,) sed sebo admisto, ut melius induci possit. Veterum Naphtam esse puto, cujus duos fontes Babylone reperiri Posidonius refert, albæ & nigre. Nos hoc bitumine utimur in uteri morbis, quod eum suffocatione liberet, naribus admodum aut vulvæ inditum. Calidum est in secundo gradu, & humidum in primo. Oviedus item illius meminit lib. xvii cap. viii. & licet non neget interdum fluere, tamen ut plurimum per frustra effodi tradit.

Her. d. 1.
l. 10. c. 8.

In australi porto Insulæ latere, *Sancti Spiritus* xl aut l. domorum vicus verius quam oppidum, l. & amplius leucis ab urbe S. Iacobi versus occidentem, aliquot leuc. à litore, in agro fecundissimo & ameno, ad ripam amnis haud admodum laci, quem *Sans* aut *Sasse* ab incolis vocari audio, non nisi minoribus navigiis navigabilem: qui à S. Jacobo, Bayamo & portu Principis, Habanam petunt, hic transire consueverunt.

Ad eandem plagam, olim *Triantatis* oppidum floruit, ab eodem Velasquio conditum, ix aut x leuc. à portu *Xagua* versus ortum, indorum pagis tum toto illo tractu frequentissimis, sed propter portus incommoda & crebra naufragia, locum pene desertus est, & hodie solo portus nomine notus.

CAP. XII.

HABANA principale hujus Insule oppidum & Portus.

Superest ut de *Habana* dicamus, quod oppidum situm est ad septentrionalem Insule plagam ex adverso Florida, *xxiii* (ut pericillimi naucleri tradunt) aut circiter gradibus ab *Æquatore* versus septentriones. Portus maxime memorabilis, natura pariter atque industria ita factus atque munitus, ut insuperabilis à multis judicetur. Quippe angustissimis faucibus, sed satis alto alveo, nec ita brevi, oceanum admittens, intus se in amplissimum sinum deducit, lateribus utrimque sensim recedentibus & ¹⁰ cubito-rursus coeuntibus, nulle & plurium navium capax, & adversus incerta ventorum subitaque procellas, à montibus qui ambiunt ita defensus, ut sine funium aut anchorarum subsidio, tanquam in gremio tutissime conquiescant. Faucibus autem bina promontoria utrimque incumbunt, totidem validissimis castellis ita munita, ut quantavis grandis classis facile aditum impediant, magna insidis & nearum machinarum bellicarum vis, & præsidium militare satis validum; in Orientali autem latere infra castellum turris eminet, in qua perpetuo excubitores agunt, qui naves ex alto advenientes facile dignoscunt, & notis indicii, numerum illarum prædiciariis atque oppidanis veluti è specula annunciant. Ipsum quoque oppidum firmissimo castello defenditur, nullis præterea mœnibus cinctum. Tercium autem hoc castellum longe maximum est, & navibus ingredientibus per angustas fauces è directo ita oppositum, uti ²⁰ præfata (quem admodum bina illa ipsarum latera) valide concutere possit. Omnes Hispanorum classes, quæ è continenti America australi, Nova Hispania, atque insulis, variis mercibus & opulenta auti argenti que gaza onustæ revertuntur, huc se solent recipere, & aquandî, cômmeatuique necessariis comparandi gratia tantisper hic subsistere, donec omnes aut saltem pleræque convenerint; dein mense Septembri (neque facile tardius) aut conjunctæ aut in duas classes divisæ, per *Bahama* fretum in oceanum septentrionalem penetrant & Hispaniam petunt. Urbem præter prædiciarios (quorum numerus incertus est, licet Rex mille militibus ut plurimum stipendia ³⁰ submittat) circiter trecentæ familiæ Hispanorum incolunt, multique Lusitani, & ingens servitiorum numerus. Gubernator totius Insulæ, ceterique regii ministri hic perpetuo fere agunt. Quid multa? non modo cæteris hujus insulæ, sed & omnibus pene America oppidis, tum portus amplitudine & securitate, tum divitiis & commerciorum frequentia facile antecellit. Vicinæ silvæ magnam optimorum lignorum copiam subministrant, quibus ad naves fabricandas utuntur, utili compendio, nisi cætera quæ ad naves armandas requiruntur, fere omnia aliunde petenda essent, atque adeo ex ipsa Europa. Metalla denique æris haud procul ab hoc oppido tenentur, sed frustra; aut saltem vena, aut operarum inscitia, aut denique impensa fructum longe excedente.

CAP. XIII.

40

Portus & ora maritima Insule Cubæ qua Austrum adspicit.

ORA maris ab australi latere & portus Jacobi ordiemur, & quidem qua vergit in occidentem recto ductu ad promontorium S. Crucis. Ad hanc plagam aliquot stationes sunt, & portus minime prætereundi, quorum primus *Guama* *Sevilla* nautis appellatur, ad radices montium quos supra *Sierras de Cobre* appellari diximus; huc olim nostrates se recipere solebant, antequam Hispani se vero admodum edito cum nō olis aut aliis peregrinis negotiari vetarentur; hic piscatores S. Jacobi testudines captas subducere, exenterare, & ad solem siccare consueverunt; denique aptissimus est locus piraticæ stationi. Sequitur ad eandem plagam porto *Portillo* sinus haud magnus, inque ipsis faucibus atque gremio tres ad minimum orgyas altus: & haud longè ⁵⁰ ab hoc mons præ alto vertice conspiciendus, vulgo *el gran Tarquino*; à quo ad promont. S. Crucis *xxx*, & alter mons paulo submissior, præ cæteris tamen à lōginquo conspicuus (minor *Tarquino*) à quo ad idem promont. *xii* leucæ numerantur: utrumque montem interiacet portus S. spiritus *xx* leucæ à portu S. Jacobi versus Favonium, ut Herr. numerat. Ipsum promont. æquali & gracili collo productum in altum, humilique luco virens facillime dignoscitur; ab illo breviter quædam descendunt in mare, navigantibus caute vitanda: quem grad. latitudinis attingat, inter auctores controversitur, alii ad gr. *xix*.

& triginta aut ad summum x. l. scrupul. alii ad vigesimum gradum referunt, inter quos est Herrera & nautica aliquot itineraria, quod in tabula nostra secuti sumus. Superato hoc promontorio, ora se versus boream subducens ingentem facit sinum, variis quidem portubus & stationibus opportunum navigantibus & frequentibus commerciis olim à nostratibus usitatum, sed ob crebra vadorum brevia, & innumera- biles pene scopulos & non paucas insulas, infidum: Insulas has vocant *Casos* cum singulis agnominibus, quæ hic enumerare longum foret. Porro hic littoribus versus boream flexus, præter ignobiles aliquot portus, stationes, recessus & minora promontoria: ad ipsum ora sese rursus versus occasum sinuantis cubitum, stationem habet celebrem, quam *Manzanilla* vocant, ubi naves objectu minoris insulæ ab austru tutæ in anchoris consistunt.

Ad annum c. l. o. c. v. i. commercia satis tuto à nostris hic exercita fuerant, tum tandem armata manu & non levi damno inde pulsi sunt, egregio tamen prius virtutis Belgicæ specimine edito: nec Hispanis incruenta victoria fuit, quippe nostratum prætoris, quam *Abrahamus de Verne* ducebat, cum Hispanorum subprætoris tam acre & pertinax certamen fuit, donec ambæ pulveris tormentarii vi rumpererentur atque dehiscerent. Plures in eodem sinus Baiaensis gremio stationes sunt, & inter alias *Iquereo*, tenuis amnis & minorum tantum navigiorum capax, bubulorum tergorum commercio dives: & *Boye* in exiguo maris recessu: non procul inde Cauro fluvijs exit, alique minores amnes.

Her. d. i.
l. 9. c. 4.

Hinc jam ora rectè in occidentem tendit, cui ingens insularum numerus præten- ditur, & mare ipsum est vadofum, multis canalibus & alveis veluti fibris interciūm, *Iardin de la Reyna* vocant Hispani, ad altitudinem graduum unius & viginti: Ad portum Trinitatis hæ insulæ & scopuli pertingunt. Decem aut paulo plures leucas versus occidentem profectis *Xagua* occurrit, mirabilis, ut ajunt, portus, angustis etenim faucibus, amplissimus intro sinus, mare admittit, ad decem fere leucas in longitudi- nem patens, latitudo minor est, altis montium jugis undiqueque vallatus, ideoque adversus incerta ventorum egregie à natura munitus, tutissimam navibus stationem præbet, neque anchoras figere necesse est, funibus alligantur. Esset plane singula- ris hic portus, nisi magno periculo adiretur. Hunc portum prætervectis duæ insulæ parvæ obvix sunt, quas duas *Germanas* vocant, ad caput insidi, ob vadorum, insula- rum, cautumque multitudinem freti, quod *Camarco* vulgo dicitur, & ab insula *de Pinos* concluditur ad austrum: promontorium autem occidentale ejusdem insulæ alium sinum aperit, ora se leviter inflectente, & juxta promontorium *de Corrientes* rursus emergente: promontorium porro hoc *de Corrientes* modice elevatur, albis are- nis & viridi luco conspicuum, ad altitudinem unius & viginti graduum & x. l. scrupul. Hinc ad celeberrimum S. Antonii promontorium x. l. leucæ iter est, littore versus Co- rum inclinante.

C A P. XIV.

Ora maritima & Portus Insulæ Cubæ, qua Septentriones respicit.

PROMONTORIUM S. Antonii hujus Insulæ exitum versus occasum ab omnibus qui hoc mare navigant, quam maxime observatur. Nam & ii qui Novam Hispaniam petunt, qui quæ ab ea revertuntur, illud adire & secundum illud ratio- nem cursuum suorum instituire consueverunt; Idem è continenti Australis Americæ redeuntes requirunt; denique omnes qui *Habana* portum petunt, illud è propinquo salutarum. Est autem humile cornu & mari pene æquale, nec nisi densa arbutorum sylvula conspicuum; pone illud statio satis commoda, supra aquæ potabilis stagnum jaceret, aquationi, ubi necessitas urget, peridoneum. Ab hoc promontorio litus se primo leviter versus boream subducit, importuosum & propter objecta vada & rupes, quas à similitudine *los Organos* nautæ vocant, navigantibus caute vitandum, velificatione paulo magis versus Corum instituta. Post illa litus versus orientem longo ductu porrigitur, multis promontoriis & sinibus incisum, quorum aliquot tu- tos portus aut stationes subministrant; inter quos alicujus nominis, quem vocant *de Cabannas*, novem milliar. ab Habana versus occidentem, tres ad minimum in recessu

orgyas

orgyas altus; & de Mariem sex milliar. ab Habana versus occidentem, cujus index mons supra verticem æqualis & mensæ in modum stratus, unde & illi nomen: alique ad occasum Habanæ portus, de quo supra diximus.

Triginta autem vel ut rectius à nostratibus observatum, sedecim aut ad summum viginti ab Habana leucæ versus ortum, alius spatiosus portus occurrit, quem *de Matanzas*, id est, cædibus vulgo agnominant, ob causam quæ me adhuc lætet, cum Habanæ portu neutiquam comparandus, sed tamen cæteris melioribus hujus Insulæ portubus non inferior, sinu satis profundo, & qui mare patulo ore admittit, amnem unum atque alterum in se recipiens, ideoque ob aëuationis opportunitatem & com-
 10 meatuum abundantiam crebro aditur. Mons præaltus & panis in modum fastigiatus, in plano alioquin solo, (unde *El pan de Matanzas* à naucleris appellatur) haud longe ab hoc portu ad occidentem juxta lictus eminus, navigantibus viam ad ipsum demonstrat. Hactenus satis tuta omnia, sed ultra versus orientem tendentibus, mare vadosum & fervens, ora importuosa, & infinitis pene insulis, rupibus, arenarum pulvillis oblitum (*Lerdin del Rey* Hispanis) quorundam agmen claudit Insula *Obobava*. In alto brevia & dorsa pelagi objacent: inter utraque canalis modicæ altitudinis permeat, non nisi interdiu & magna cum caurela etiam à gnatis enavigandus.

Quinquaginta circiter leucæ à Matanza versus ortum, portum de *Lucansea* constituit *Herrera*, juxta ejusdem nominis cornu, duobus & viginti gradibus & triginta
 20 scrupul. ab æquatore versus arctum, ut observat *Oviedus*. d. 1. 9.
c. 4.

Octo ab hoc leucæ versus eandem plagam distat (*Herrera* auctore) portus *Principis*, à quo lictus se leviter inflectit versus Eurum, & mare nunc in sinus admittens, cursuque promontorii leniter in altum projectis excludens, porrigitur ad portum *Baracoæ*. Multæ insulæ toto hoc tractu jacent, quas consulo prætereo, quia earum nomina, situs, intervalla, haud satis accurate à scriptoribus produntur, neque satis bene convenit inter illos, qui cursuum, rationes & itinerum ductus exposuerunt.

A portu *Baracoæ* ad promontorium *Mayzi*, ultimum hujus Insulæ versus ortum x aut xii leucæ numerantur. Hoc superato lictus ad occidentem converitur, & aliquot promontorii & sinubus effectis, ad portum *S. Jacobi*, unde initio digressi sumus, nos re-
 30 ducit. Atque hactenus de portubus atque ora maritima diximus, nunc & minores quædam Insulæ quæ *Cubæ* objacent aut adjacent, explicande.

A promontorio *S. Crisci* versus Scaphyronotum navigantibus, Insulæ *Caymanes* (ita
 crocodylos vocant barbari) obvia fiunt tres numero. Harum prior & minima distat à
 dicto promontorio circiter viginti septem leucæ, ab æquatore, uti à nostratibus notatur
 gradus novendecim, & quadraginta quinque scrupul. ab hac ad mediam sunt sex
 leucæ, ea etiam proprio nomine *Braccas* appellatur, humilis & pæto pene æqualis,
 quinque milliaria ambiens, plurimæ testudines marinæ solent ad hanc annatare à
 Kal. April. ad exitum Septemb. distat circiter triginta milliar. à lamaicæ promontorio
 quod vocant *Negrillo*. Ab hac ad maximam (*el Gran Cayman* vulgo) sunt duodecim
 40 leucæ, distat illa ab æquatote (ut à nostris observatum) novendecim gradus & trigin-
 ta quinque scrupul. humili solo, & spinetis aspero; nulla hic animantia reperiuntur
 præter yguanas & peregrinum quoddam animalculum vulpeculæ non ab simile, testu-
 dinum ovis victians; quæ ad hanc Insulam immenso numero solent annatare à mense
 Maio ad Octobrem, ut fetus suos in arido excludant. facilis aditu, mari quod am-
 bit satis alto, nec ullis rupibus brevibusve contaminato; sub australi latere juxta
 arenosum sinum commodam navibus stationem præbet. Porro hæ Insulæ incultæ pe-
 nitus atque inhabitatæ sunt, & fere dulcium aquarum inopes; (nisi quod in majori
 alicubi reperiri aquam haud impossibilem à nonnullis traditur) paludibus salis &
 alta uligine maxima sui parte squallent.

50 Insula *de Pinos* australi Cubæ lateri objecta, & nonnisi vadoso freto ab ipsa divisa,
 x leucæ in longitudinem, vi aut vii in latitudinem patet; xliiii leucæ à majore Cayma-
 ne versus Argesten duodecim à promontorio de *Corrientes* versus ortum. In media
 Insulæ aliquot montes sese offerunt, ceterum plana & nemorosa & dulcium aquarum
 compos: inenclæ quidem & inhabitata, sed armentorum gregibus quæ pabuli uberta-
 tem abundans, quorum causa Hispani statis temporibus illam solent invisere: distat
 ab æquatore unum & viginti gradus versus Arctum.

Cayma-
nes Insu-
la.

L. de Pi-
nos.

J A M A I C A.

C A P. XV.

*Jamaica Insula situs, Urbes, Litora, Portus, alia.*dit. l. 6.
c. 3.

AB Hispaniola ad Occasum, à Cuba ad Austrum jacet, quam Christophorus Columbus olim Sainct Jacobi Insulam nominaverat, nunc autem *Jamaica* nomine notior est: Medium illius decimus octavus latitudinis septentrionalis gradus intersecat, licet *Herrera* & *Oviedus* de latitudine illius aliter scribant & inter decimum septimum & octavum gradus includant. Viginti leucarum intervallo à Cuba disiungitur, totidemque ab *Hispaniola*, licet *Herrera* in Historia sua viginti quinque leucarum distantiam ab Hispaniola prodar, quam Hispani primis illis temporibus, quum Columbus à continenti Australis Americae rediens navem ad hanc insulam fregisset, duobus linitibus monoxulis, ausu quidem temerario, sed felici successu superarunt. Centum & quinquaginta leucas ambitu suo complecti creditur, quinquaginta leucas inter ortum & occasum producta, viginti aut paulo plures lata. Insula hæc præter cæteras cœli solique bonitatē excellit, maxima sui parte plana atque campestris, quæcunque ad vitam humanam necessaria sunt, læta ubertate profundens: Equorum, taurorum, vaccarumque & porcorum benigna genitrix atque alitrix; frumentum quidem nullum aut parce admodum fert, sed illius loco Yucam, è qua Cassavi conficitur tanta fecunditate, ut hæc cæterarum insularum horreum merito censeri possit. Gossypium hic largissima copia passim crescit (unde & textura pannorum hic potissimum viget) uti & alii fructus, quos aut naturæ conditor ab origine huic benigne admodum tribuit, aut hominum industria & diligentia aliunde importavit. Quum primum Hispani hic appellerent, à multis barbarorum millibus colebatur, qui jam diu & crudelitate dominorum & sua ignavia defecerunt.

Pauca in hac insula sunt oppida pro tanta claritate, neque admodum frequentia: Omnino tria hodie numerantur, eorumque præcipuum *Sevilla* ad septentrionalem Insulæ plagam, ab exordio illius versus occidentem, laud longe à mari: hic Cathedralis Ecclesia, Abbatia titulo insignis, & vel potissimum Abbatissæ sui Petri Martyris Angley, non indiligentis rerum Indicarum scriptoris nomine nobilitata. Proximum illi ad orientem nec amplius undecim leucarum itinere à priori distans, oppidulum *Melilla*, naufragio Columbi insignitum, quum è *Veragua* insausta navigatione hic appelleret. Tertium oppidum *Oristan* ad australem Insulæ plagam, laud longe ab occidentali illius capite jacet, quatuordecim ab oppido *Sevilla* leucis. Urbis autem de *la Vega*, à qua olim Columbi ducum nomen sortiti, aut aliarum coloniarum, quarum adhuc hodie nomina nonnullæ tabulæ geographicæ servant, vix ullæ hodie memoria superat.

Angli anno c1512 Antonio Sherleto Equite ductore, principali urbe intercepta maximam Insulæ partem subegerant, sed haud ita dudum obtinuerunt, sponte sua illam deserentes.

Littus hujus Insulæ qua maxime in orientem vergit, promontorium in altum producit, *Morantz* nomine, à quo littus paulatim recedit versus Libonotum & aliquot sinibus mare admittit: Deinde directe progreditur in occasum, ad promontorium usque de *Falcon*, à quo rursus ad Corum convertitur, usque ad promontorium del *Negrillo*, quod extremum jacet ad occidentem: hinc rursus littus ad Orientem revertitur, atque in hac septentrionali plaga varias habet stationes & portus, quorum præcipuus *Sevillæ* adjacet, proximus autem *Melillæ*, decem à priori leuc. versus Ortum: tertius decem item leucarum intervallo *Santa*, totidemque à promontorio *Morantz* versus occasum, ut *Herrera* annotavit: *Oviedus* his addit *Anton* & *Quagata* portus, incertis intervallis.

l. 18. c. 1.

Porro hæc Insula quum soli ubertate, sylvarum amœnitate, & omnium rerum copia facile cum cæteris cœtet, tamen propter portuum paucitatem, stationumque incerta difficilis aditu judicatur: quamplurimi enim scopuli, & insulæ propter crebra vadorum brevia naufragiis infames, aut adjacent aut obiacent: vicinissimæ nec ultra quin-

quinque leucas versus meridiem ab ea disjuncta *Hormiga* insidiosae cautes: deinde *Evora*, insulae aliquot parvulae, caecis rupibus & vadis circumdatae, septem à lamaica leucis versus austrum: Longius distat *Serrana* ad altitudinem quindecim graduum, tribus quatuorve insulae constants, vadoso & scopuloso in circuitu mari, nec nisi cum perniciosa navigatione aditu delinc *Serranilla* à *Serrana* versus *Argesten*, aliquot alveis interiecta, & ab *Euro* in *Corum* extensa ad altitudinem quindecim graduum & triginta scopulorum, non minus quam prior frequentibus vadis & cautibus undique vallata: Longinquiora discrimina non commemoro, & Continenti propiora, licet non minus quam jam dicta, hoc mare sulcantis meruenda sunt. Ad oram autem borealem, nequa pars periculo vacet, scopulus objaçet, quem haud vana nomenes naucleri *Abre-Oio* appellant.

Hormi-
ga.
Vivora.
Serrana
la.
Abre
Ojo.

Atque hæc de lamaica dicta sunto, qua, nisi tam difficilis aditu judicaretur, quum loco pene medio inter Majores Insulas & America australis continentem posita sit, nulla alia navigantibus opportunior esse posset.

LVCAYÆ INSVLÆ.

CAP. XVI.

Lucayarum Insularum situs & qualitates.

10

MINORVM Insularum ingens, sed incertus est numerus, quarum illar, quæ Hispaniola atque Cuba ad septentriones prætenduntur, uno nomine vulgo *Lucayæ* appellantur, ab illarum maxima atque extrema versus Arcum: alii easdem in tres classes distinguunt, quarum priori comprehendunt eas, quæ ab Insula *Bahama* atque illius celebri freto versus Orientem exportiguntur; secundâ illas, quas vulgo *Organa*, *Martyres* & *Caios* communi vocabulo appellant, quæ quum fere scopuli sint aut arenosæ insulae, pelago ut plurimum æquales, navigantes facile decipiunt, & isdem non raro perniciem adferunt: Tercia deniq; *Tortugas*. Nos de iis secundum literarum ordinem dicemus, seriem illarum atque connexionem Tabula geographica ostendit.

30

Abacoa in medio vadorum atque brevium, quibus ab insula *Bimini* nomen inditum, duodecim leucæ, longa, dimidio minus lata.

Het.d.1.
l.9.c.12.

Acheamby præcedenti proxima ad orientem, incertæ magnitudinis, nec Antonio *Herrera* non nisi semel in historia commemorata.

Amagnato à Linne *Poncio de Leon* inventa juxta *Yagunam*.

d.1.l.9.
c.10.

Amanæ vel *Amagnata* ab insulis *Caycos* pene ad *Corum* sita, cujus magnitudo à scriptoribus non proditur.

40

Bahama tredecim leucæ, longa & octo lata, ut *Herrera* testatur, à qua freto nomen, omnium quæ in novo orbe reperiuntur, rapidissimo: quippe fluctus tam pernicii cursu inter Floridae continentem & objecta vada atque insulas versus arcum sese evolvit, ut ventos & navigia plenis velis frustretur. Viginti octo gradus ab æquatore insulam distare volunt. Fretum autem Bahamense patet in latitudinem quidem sedecim leucæ, in longitudinem autem à promontorio Floridae versus arcum quinque aut sex supra quadraginta.

d.1.l.9.
c.11.

Bimini in medio vadorum & brevium, quibus nomen dedit, quinque leucas longa, à *Joanne Poncio* olim studiose quaesita, egregio crediticatis Hispanicæ argumento, nam ab Indis sibi persuaderi passus erat, in ea fontem reperiri, cujus haustu lenes juvenem postliminio recuperarent: Insula alioquin, si *Poncio* credimus, & sylvarum opacitate amena, & dulcium laticum scaturigine irrigua.

50

Caycos insularum aliquot veluti orbis, crebris intercurrentibus alveis & vadoso versus arcum longe lateque mari: quarum una, quæ reliquis magnitudine superat, per excellentiam *Caios* appellatur: Belgæ nostri qui anno c1015 cxxiii hic in anchoris constitunt sub latere quod aquilones spectat, stationem satis laudant: mare haud longe à lictore x aut xii orgyas altum, ubi paulum recesseris ita profundum, ut nullæ anchoræ sidant. Salis abunde hic reperiri à Lusitanis traditum fuit, id ante paucos annos Anglos & nuper Nostros decepit, nam studiose investigantes, tam in majori quam

quam vicinis aliquot minoribus insulis, ne micam quidem salis invenerunt, licet lacunas quidem & areas salis coagulando idoneas, quamplurimas offendissent: harum insularum maxime orientalis distat ab æquatore unum & viginti grad. & viginti sex scrupul. occidentior autem scrupul. quinque & quadraginta

Ciguateo ab Insula Lucayoneque ad orientem, & altitudinem septem & viginti graduum (ut Herrera tradit) viginti quinque leucas ambitu suo complecti dicitur.

Conceiva parva insula, haud longe à Gaycis, & haud dubio illarum una, ad ortum ab Amana.

Curateo, haud multo major, australi Ciguateo lateri objecta ad altitudinem sex & viginti graduum, ut Herrera tradidit: ut nostri nupèr observarunt, distat à Gua- 10
nima circiter octo milliaria versus Corum, ab æquatore sex & viginti gradus & decem scrupul. hic dulces aquæ in stagnis reperiuntur.

Guanabani omnium insularum novi orbis primò à Christophoro Columbo inventa, & *S. Salvatoris* nomine signata, ad altitudinem viginti quinque graduum & quadraginta scrupul. arboribus opaca, nec dulcium scaturiginum inops gossypii, prout & alia multæ, ferax: habet & portum commodum sub latere septentrionali, qua vergit ad occasum. Nostrates qui nuper adierunt, restantur, abesse à Triangulo versus Corum milliaria sedecim, ab æquatore gradus quatuor & viginti, scrupul. quinquaginta, nihilque jam ferè præter Palmitos & fruticeta.

Guanima præcedenti versus Corum proxima, & non nisi septem leucarum interval- 20
lo distita, Columbo quem primum illam adierit *S. Maria de la Concepcion* nominata: abest (ut à nostris observatum) ab æquatore quinque & viginti gradus, & quadraginta scrupul. patetque in longitudinem inter Eurum & Corum milliaria duodecim, undique rupibus & vadis cincta: solo interius fertili & amæno, nec dulcium aquarum inope.

Gnatao distat à Curateo decem milliaria versus Aquilonem, orientalis illius pars abest ab æquatore viginti sex gradus & quadraginta quinque scrupul. occidentalis viginti septem grad. & pauca scrupul. qua pater in longitudinem inter ortum & occasum minutis insulis, rupibus, & vadis incincta.

Lucasione quæ sive *Tucayone*que (utroque enim nomine noratur) harum insularum maxima & extrema; inter vigesimum septimum & octavum latitudinis septentrionalis 30
gradus, in longitudinem producta, nec hæcenus nisi solo nomine satis nota.

Macarey ad altitudinem viginti graduum prodit Herrera (in quo tamen ipsum falli non est dubium) vadoso ambitur mari & frequentibus brevibus infido.

Manegua ad altitudinem viginti quatuor graduum & triginta scrup. juxta Amaguayo, uti ab Herrera collocatur. Nostrates observarunt illam à Tortuga, quæ Hispaniolæ objacet, versus arcum distare octodecim leuc. editamque esse & montosam.

S. Martha ad Floridæ continentem sita, unam tantum leucam longa, & dulcium 40
augarum scaturigine, ut ferunt, rigua.

Martyres non tam insulæ quam scopuli, australi Floridæ promontorio objecti, ad altitudinem quinque & viginti graduum: occasum inter atque ortum seriatiim collocati; nomen ab imagine inditum, quam ex alto prospicientibus ostendunt, quasi homines palis suffixos: infausi nominis omni haud male eventus respondit, crebris enim naufragiis & multorum exitiis infames sunt facti: horum scopulorum extimos ad orientem, nautæ *Cabeça de los Martyres*, id est Caput Martyrum, vocant, & ex eorum positu de progressu suo judicant: certissimum enim indicium est, rectum freti Bahamensis alveum ingressos, ubi caput hoc ad levam versus africanum reliquerint: sunt autem tres tumuli arenæ albicantis, pleni arbutis, eorumque medius ceteros duos magnitudine & convexitate præcellit.

Mayaguana distat ab æquatore viginti duos gradus & viginti quinque scrup. ab occidentali Insula Caicos versus Corum duodecim milliaria; inter Corum atque vultur- 50
num projecta, & circiter octo aut novem leucas longa, uti nuper à nostris observatum fuit.

Nimbes exigua insula (vel potius rupes) ad extremitatem brevium Bimini, nautis qui fretum Bahamense transeunt, inprimis cavenda.

Mirapoprios, id est caue tibi, nomine à re ipsa quæsito, tres sunt insulæ: trianguli in modum, inter vada & rupes dispositi, haud longe à Yumero.

Palam insulam ad Floridæ orientalem oram & altitudinem sex & viginti graduum & 30. scrupul. Ponci navigatio aperuit, cætera ignobilem.

Samana haud longe à Guanahani versus Euruin, triquetra forma, ad altitudinem viginti quatuor graduum, ut primis illis temporibus observatum, uti autem à nostratibus, distat à Mayaguana versus Corum duodecim milliaria, ab æquatore gradus viginti tres & viginti scrupul. patet in longitud. 14 in latitud. unum milliaria.

Samoto quarto loco à Columbo inventa & Isabella dicta, nunc incognita.

Tortuga in primis memorabiles nautarum observationibus, septem aut octo sunt parvæ insulæ ab extimo Floridæ cornu versus occidentem, veluti in orbem dispositæ, ad altitudinem, quinque & viginti graduum & paulo amplius. Habanæ portui triginta sex leucarum intervallo è directo oppositæ.

Triangulo insula distat à Samana versus Corum septendecim aut octodecim milliaria, ab æquatore paulum supra quatuor & viginti gradus, edito est solo, sed stationes habet valde intus, & difficulter admodum potest adiri.

Væis minores aliquot insulæ inter vada & brevias (sive *Baixos de Babueca* vocant Hispani) consistit ad altitudinem octo & viginti graduum versus arcum, nisi forte hic fallatur Hertera, ut interdum alibi.

d. i. l. 9.
c. 11.

Tabaque haud longe à Maguana versus Corum ad altitudinem viginti duorum graduum & triginta scrupulorum, eodem Authore.

Tuaga decem leucas ampla, ad altitudinem unius & viginti graduum & aliquot scrupul. (ut à nostratibus observatum) ab insula Tortuga, quæ septentrionali Hispaniolæ lateri adjacet, versus Corum, nautis observanda, quæ portu S. Ioannis de porto Rico, versus Habanam navigant, secus septentrionale Cubæ latus, per veterem, ut vocant, Canalem, qui jam rarissime navigatur.

Tuma viginti leucas longa, octo lata, ad altitudinem viginti graduum & triginta scrupul. haud procul à Guamima versus africanum.

Tumeto à precedenti ad Austrum sub ipso Cancræ Tropico, quinddecim, ut Hispani produnt, leucas in longitudinem porrecta.

Longe plures hic jacent Insulæ, sed tam incerti nominis & varii situs, ut referro pigeat: omnes autem hæc insulas aut certe plerasque, incolis refertas fuisse, quum primum Hispani duce Columbo illas adirent, scriptores rerum Indicarum uno consensu tradunt, nunc penitus sunt desertæ, indigenis omnibus ab Hispanis aliò ti aductis & ibidem laborum intolerantia, inedia & exquisitis suppliciis, extinctis; unde jam raro hæc insulæ, nisi præter propositum, adveniunt.

CANIBALES INSVLÆ.

C A P. XVII.

Canibalum Insularum situs & proprietates.

40

AB Orientali latere Insulæ S. Ioannis de porto Rico, ad Americæ australis continentem usque, quamplurimæ minores insulæ arcuato ductu interius mare veluti claudunt, quæ ab indigenarum ingenitis Caribes & Canibales, id est Anthropophagæ vulgo appellantur; in quibus describendis eodem, quo supra compendio & ordine utemur.

Anegada ab Insula S. Ioannis versus ortum, à Saba duodecim milliaria versus Corum sita, ad altitudinem octodecim graduum, & triginta scrupulorum; patet in longitudinem circiter septem leucas: nomen à re inditum, æqualis enim freto est & vadoso undiqueque mari, navigantibus fallax.

Anquilla oblonga insula, sed angustissima, unde & nomen: sita est ad orientem Insulæ S. Ioannis, decem & octo gradibus & viginti quatuor scrupul. ab æquatore versus arcum: sterili solo & dulcium laticum experts, salinas tamen habet satis opportunas, sed modicas.

Antigua quæ & S. Maria del Antigua ad altitudinem sedecim graduum & triginta vel quinquaginta scrupul. inter Barbadam atque Desseadam medio veluti intervallo: sex septemve leucas longa & lata: accessu difficilis propter incerta vadorum, nostratibus

tes qui casu ad hanc delati, hic anchoras fixerant anno cdo 15^o cxxiii & in terram descenderant, nihil se hic præter silvas & paludes & profundas uligines reperisse testantur; inculta quippe est & dulcium aquarum inops.

Avium insula, harum omnium pene intima & maxime occidentalis, sita est ad altitudinem quindecim graduum & quadraginta quinque scrupul. ponto pene æqualis, ideoque navigantibus infida.

Barbada ad altitudinem septendecim graduum & triginta scrup. à Monserrate versus aquilonem duodecim aut tredecim mill. ab Antigua versus ædum; & ipsa humilis, & vadoso in ambitu mari navigantibus insidiosa, à nostris tamen ut supra sine discrimine adita, sinu satis commodam stationem navibus præbente, sed nihil ab ipsis inven- 10 tum, quo operæ pretium foret illam adire, humili enim est solo atque effæto, circiter quatuor milliar. longa.

Barbados vel *Barbudos* omnium harum insularum pene extrema versus orientem, ad altitudinem tredecim graduum & viginti aut paulo plurium scrupulorum, inter aquilonem atque atricum in longitudinem exposita, forma ovali, & uti à nostris nuper observatum, circiter sedecim aut octodecim milliaria ambitu suo complexa, longæque major quam hætenus in Tabulis geographicis fuit expressa: solo admodum alto & Angliæ non absimili, septentrionali tamen parte altior, arboribus amene virentibus ubique obsita. Littus orientale crebris recessibus, & procurrentibus vadorum brevibus intercisum: australe autem latus magnum maris sinum admittit, stationem navibus per commodam præbens, ubi & modicus amnis in mare descendit. Solum nihil magni promittit, nisi quod abunde hic crescit arbor, cujus cortex 20 *Gingiber* æmulatur, acrimonia insigni, (nostrates vocant *Costis*); folia illius obscure virent, anteriori parte rotunda, flores fert minores & *Sambuci* instar in umbellam collectos, qui foliis constant quinis, exteriori parte purpureis, intus aureis: Cortex lævis, & materies dura, interiori subnigra, amat ripas & uliginosa loca. Plurimos portos alit insula. Angli ab anno cdo 15^o cxxvii coloniam ad hanc deduxerunt, & lucos eradicarunt ad Tabacci sementem faciendam; multas quoque arbores fructiferas, aurantias malos & similes aliunde importarunt.

S. Bartholomæi insula sita est ad altitudinem pene septendecim graduum: ab Insula 30 *S. Martini* versus Eurum, *Barbada* versus occasum, *S. Christophori* versus ortum: ambitu est satis spatiofo & solo editiori, sed accessu difficilis, ob vada & brevia quæ ipsam cingunt.

Beke vel *Bekia* cujus Hispani in suis commentariis non meminerunt, & quam à nostratis primum aditam credo, tribus vel ut alii volunt, quinque leucis distat ab Insula *S. Vincentii*, decem pene milliaria ambiens, sinum habet unicum, insigne ad- 40 versus incerta ventorum latibulum; ipsa insula crebris arboribus opaca est & fertilibus campis, habitationi hominum non incommoda esset, nisi dulcibus aquis destitueretur: distat ab æquatore duodecim gradus & viginti quatuor scrupul. versus Aedum, ab Insula *S. Vincentii* versus Eurum.

S. Christophori Insula, inter *Nieues* & *S. Eustatii* insulas media, ad altitudinem septendecim graduum & viginti aut triginta scrupulorum; parit in longitudinem inter Eurum & Corum milliaria circiter sex: latitudinis inæqualis, nam qua Corum adspicit, supra duo milliaria lata, ubi circiter quatuor mill. descendit versus Eurum magno sinu mare accipit & definit in angustias. Solum montibus editum, sed maxime versus Corum, versus Eurum varias salinas habet. Superioribus annis Galli juxta atque Angli hic sedes fixerant, Tobacci colendi gratia (quod hic natum plurimum commendatur) & incolas anthropophagos omnes aut deleverant aut alio compulerant commigrare, insidiarum in advenas, ut ajunt, manifestos: quum à Toletano qui cum maxima Hispanorum classe hic appulerat, hanc deferere fuerunt coacti; sed utroque 50 ad illam jam postliminio rediisse testantur nostri, rursusque colendis agris & Tobacco serendo operam dare.

Desfada ad altitudinem sedecim graduum & decem scrupulorum versus ædum, uti à nostratis nuper accuratè est observatum: decem leucis à Guadalupe versus boream: sex aut septem à Marigalaute: hæc insula *Christophoro Colombo* secundo ad has partes naviganti primo occurrit: ad hanc Hispani inde à Canariis insulis cur- 55 sus

sus suos solent dirigere: jacet inter Caxiam & zephyronotum, nuda arboribus & primo aspectu tritemi similis, aquilonari sui parte depressiori à septentrionali in conum videtur assurgere: solumque nigricans, lineamentis quibusdam albis acque subrubentibus interstinctu apparere; mare ab hac parte vadusum & crebris rupibus vorticolum.

Dominica duodecim (ut Hispani tradunt) leucas longa, pauciores lata, ad altitudinem quindecim graduum & triginta scrupulorum, tribus circiter leucis à Martinino versus Corum inter quem atque Eurum jacet, versus Corum elatior, & emius conspicientibus bipartita videtur, propius accedentibus una: sinus commodas aliquot stationes præbent. Hanc insulam hodieque multi *Caribes* (ut vocant) incolunt: nudi agunt, totum corpus rubrica quadam tincti: humanis carnibus vescuntur, Hispanis maxime insensi, neque cuiquam satis fidi, nisi quum nocere non audent aut non possunt: comam tam viri quam feminæ alunt; Regulum suum habent, cui parent, cultu corporis nonnihil à cæteris distinctum. Tobacci feracissimum est solum, hanc herbam unice colunt & Europæis pro cultris, securibus, aliisque ferramentis vendunt. Fontes duo calidi hic celebrantur, quorum alter juxta fauces amplissimi sinus qui Corum spectat, haud longe à mari ad ripam aninis erumpit. Occidentale latus portum habet satis commodum & aqutioni è fluviolo, viginti passulo, qui ibidem exit, peropportunum; *Agnadam* vulgo vocant Hispani.

Quied.
l. 6. c. 23.

S. Eustatii insula exigua est (licet Herrera ipsi decem leucarum apibitum falso tribuat) ab insula S. Christophori versus Corum; à Saba versus Eurum: ad altitudinem septendecim graduum & quadraginta scrupulorum, uti à nostris nuper accurate est observatum: asurgit in conum & è longinquo conspicientibus Sacchari panis videtur.

Granada continenti Americæ australis proxima, ad altitudinem duodecim graduum & quindecim scrupul. octodecim milliar. ab insula S. Vincentii versus Africum, quo intervallo minores aliquot insule sparsæ sunt, quas vulgo *Beges* vocant. Forma est semicirculari & ad lux renascentis modum: patetque in longitudinem inter arcum & austrum circiter sex milliar. ad utrumque cornu vix unum lata: cornu illius quod versus africanum protenditur, sinum concludit aquandi opportunitate inprimis commendatum: tota insula densis lucis obsita est: solo nihilominus pingui & fecundo, sed cancris quibusdam terrestribus obnoxio, qui sata & radices atrodunt: quanquam quidam malum hoc non ultra vicina littori loca serpere opinentur: plurimi quoque Armadilli (quod animal alibi describam) hic reperiuntur: à mense autem Junio ad Octobrem multæ testudines marinæ & non pauci Manati hic capiuntur. Incolunt Caribes, à cæteris insularis neque moribus neque feritate diversi, qui tamen apellentibus quum nocere non possunt, varios fructus vendunt, cautius vitandi quum maxime blandiuntur, uti nostrates jam aliquoties cum suorum exitio sunt experti.

Guadalupe barbaris olim *Carnueira* dicta uti Martyr prodidit, jacet ad altitudinem sedecim graduum & quindecim scrupul ut nostri satis accurate observarunt: à Desleca versus occidentem; octo circiter milliar. inter aquilonem & africanum longa. latus quo africanum aspicit, in juga erigitur, quo vero orientem haud minus erectum, in fastigio planicie quadam sternitur; ab Austro ad septentriones, tenui alveo & non nisi cymbis & monoxylis linteribus pervio, veluti in duas insulas dispescitur. ad australem plagam alto mari & anchoris figendis peridoneo cingitur: Incolunt Barbari eisdem quibus cæteri insulares, Caribes moribus. Hic classes ex Hispania venientes hodie aquari solent atque in diversa discedere.

C A P. XVIII.

Reliquæ Canibales Insule, earum situs, & qualitates.

S. Lucia insula sita est tredecim gradibus & quadraginta scrupulis ab æquatore versus arcum, uti à nostris accurate observatum: ab insulis Dominica & Martinino versus austrum: valde montosa est: ad latus quo africanum aspicit, bini montes exiguo intervallo à se invicem discreti, incisus undiquaque rupibus in summam altitudinem surgunt, qui supra reliquam insulam è longinquo conspiciuntur. Incole nudi agunt, totumque corpus rubrica illinunt, faciem autem quibusdam lineamentis

ab auribus ad oculos usque induunt, crinibus nigri, moribus ut ceteri immanes. Solum fertile esse quidam observarunt, sed alii infœcundum asserunt & ideo ab incolis nuper hanc insulam desertam.

Marigalante quinque à Desfœda leucis versus austrum, & totidem pene à Dominica versus boream; ad altitudinem quindecim graduum & quadraginta scrupulorum, plana fere & nemorosa, ita ut è longinquo intuitibus arbores mari innatae videantur, à barbaris, quales sunt ceteri insulares, crebro visitatur, an etiam habitetur, incertum est.

S. Martini insula ad altitudinem octodecim graduum & quindecim scrupulorum, ab insula S. Ioannis de Portorico ad orientem; octo aut novem milliaria ab insula S. Christophori versus Corum, ab Anguilla versus Eurum; ad arcum multis minoribus insulis, & ponto pene aequalibus obrita. Paret in longitudinem uti à nostris est observatum, quinque aut sex miliar. in latitudinem quatuor. Dulcium aquarum indiga, à nullis barbaris incolitur. Accessu haud ita difficilis, stationes habet ad occidentale latus satis opportunas, & aliquot salinas, præsertim unam grandem quæ duo milliaria ambire dicitur, absolutissimi salis feracem.

Matinino live *Matlino* (ab indigenis *Madaninam* olim dictam & à solis fœminis habitaram Martyr testatur) ad altitudinem quatuordecim graduum & triginta scrupulorum, tribus circiter milliariibus ab Insula Dominica versus vorturnum: tota confurgit in juga, in medio autem tres colles præ ceteris eminent, quorum altissimus rotundior apice pilei formam repræsentat, & à quacunque parte advenientibus primum conspicitur. Incolitur ab aspera atque inhumana gente, & præ ceteris harum insularum barbaris belliciosior: sed quam nostros, quum superiori anno hanc lustrarent, sibi visam negant, an alio nigraverint incertum.

Montserrat sita est ad altitudinem graduum pene septemdecim versus arcum, uti à nostratibus nuper observatum; à Guadalupe versus zephyrum miliar. undecim; à Rotunda versus Eurum quinque: forma est fere orbiculari, tria milliaria longa & pene totidem lata. duos habet arenosos sinus, qui stationes satis commodas navigantibus præbent; eorum alter etiam aquationem, ob fluviolum qui de montibus in sinum descendit, licet nonnumquam ab æstu marino oblimetur. Solo est clato, pingui & nemoroso ideoque & culturæ haud inepto.

Nieves quinque leucas ambitu complectitur, ad altitudinem septemdecim graduum & viginti scrupulorum versus Arcum: tribus circiter leucis à Rotunda versus Corum, septem à Montserrat; à S. Christophori insula unam versus Eurum: duobus milliaria longa, media sui parte edita; densa arborum luco opaca, & dulcium aquarum torrentibus rigua: Dominicæ incolæ huc venandi causa ventitare solent. Fontes calidos hic reperiri ab Anglis acceptissimus, qui coloniam deduxisse ad hanc insulam antio 1609 CXXXIII, dicuntur.

Rotunda vulgo *Redonda* ab insula Nieves versus Eurum, à Montserrat versus Corum sita, ad altitudinem septemdecim graduum & decem scrupul. & ipsa parva, orbicularis & media sui parte fastigiata, pene panis in modum: accessu facilis, mari circumquaque alto minimeque insidiato.

Saba ab insula S. Eustachii versus Corum, illaque paulo minor, sed rotundior, circa medium in conum confurgens, panis Sacchari æmulum: mari haud satis alto cingitur, nec tamen navigantibus metuendo, quum nihil discriminis occultet, sita est ad altitudinem septemdecim graduum & triginta quinque scrupul.

Sancta Crux, indigenis olim *Ayay*, ad altitudinem septemdecim graduum & viginti quinque scrupulorum uti à nostratibus accurate observatum, duodecim aut quindecim leucis ab Insula Ioannis de portorico versus Eurum. circiter octo milliaria longa; montes habet editos, & minus videtur divisa, occidentali sui parte editissima; quæ quæ & commodam navibus stationem præbet. nemorosa est, sed dulcium laticum haud satis compos: inter arbores fructiferas sunt quædam, quæ fructum ferunt instar pomi viridis, quo manso, lingua hominibus ita inflatur, ut viginti quatuor horarum spacio omnis illius usus impediatur, nulla in posterum noxa, sponte enim rumor remittit. *Macanillo* esse credo, quem fruticem jam ante descripsimus, aqua palustri, quæ hic abundat, non ante solis exortum lavare, cautio est, nam ita intumesceret ut visum

visum impediret; sole jam exorto, minus noxie est. Hæc Angli, utrumque suo damno edocti, nos monuerunt.

Santos tres quatuorve minutissimæ insulæ, exiguo intervallo disjunctæ; ab Insula Guadalupe versus Nothum, & inter hanc & Dominicam mediæ.

Sombrero à pilei figura sedita, parvula insula, ab Anegada versus Furum ad altitudinem octodecim graduum & triginta scrupulorum in medio vadorum sita.

5. *Vincentii* insula, à S. Lucia versus austrum; à Barbados sedecim aut paulo plura milliaria versus Favonium; ad altitudinem tredecim graduum, ut postremo accuratè à nostris observatur. Figura est pene rotunda & insulæ Petro, è Canariis uni, non ab-
 10 similis, sex milliaria longa inter ortum & occasum. Solum est admodum fertile, ita ut etiam cannas Sacchari sua sponte producat, multis torrentibus & amniculis riguum. Secundum oram quæ occasum & africanum spectat, plures habet sinus & in iis stationes peropportunas; ubi & aquatio facilis & excensius commodus. Incolis idem quod vicini ingenium. iidem mores; statura sunt modica, focordes & de solo victu solliciti: & tamen, quod mirum, littribus suis unilignis ad Continentem, quæ nusquam minus triginta quinque milliariis abest, trajiciunt & ad insulam suam remeant sine ulla
 15 nauticæ pixidis ope. Ab hac ad Granadam non nisi duodecim aut circiter leucarum iter esse à nostratibus superioribus annis est observatum, aliquot minoribus insulis interjectis (*Begos* vocant) de quibus nihil necesse est dicere.

6. *Virgo Gorda* ab insula Saba versus Corum, alta atque rotunda, in fronte minorum Virginum locata, quæ decem aut duodecim numero, versus insulam S. Ioannis de Portorico atque in occidentem exporriguntur, altæ atque arboribus vacuæ; ad altitudinem octodecim graduum versus æquum, periculosæ dudum creditæ propter vada atque brevia, sed immerito, ut Angli testantur, quum alvei satis alti intercurrant & vel mille navibus stationem præbere valeant: piscium hic magna copia, neque minor volucrum. Nonnullæ ex his aut saltem succedancis peculiaria nomina à navigantibus meruerunt, de quibus itineraria nautica sunt consulenda. Atque hæc de Canibalum insulis dicta sunt, quarum pleræque deserta; paucæ ad hunc diem ab Anthrophagis incoluntur, quædam denique ab Europæis coli cæperunt.
 30 Monendi autem sunt qui hæc maria navigant, aut circa has insulas in anchoris hærent, ut studiosè sibi caveant à pisce quodam hic familiari, ne se ipsos in summum periculum coniciant: Piscis est congruo forma & mole similis, cute intensè viridi & elegantissime variegata, rictu patenti & dentibus acutissimis; caro detracta cute candidissima est & non ingrati saporis, verum qualitatè adeo virulenta ut in summum discrimen atque adeo mortem coniciat eos qui illam gustaverint; ut non modo Angli sed & nostrates suo periculo & damno nuper fuerunt experti.

40

BERMVDEZ INSVLÆ.

CAP. XIX.

Bermudez insularum situs, cæli solique qualitates.

- A BSOLUTIS maioribus, minoribusque insulis, quas hoc libro describere proposueram, ad continentem Americæ septentrionalis jam transeundum erat, nisi *Bermudez* insula retineret, quæ licet longissimo intervallo à præcedentibus distet, nec proprie ad hanc classem pertineat, tamen vix alibi commodius de illa agi posse video. Hæc insula jam à multis annis *Bermudez* nomine innotuit
 50 à primi nimirum inventoris agnomine, & *Garze* quoque à navis titulo qua ille vehebatur; quod nomen tamen jam exolevit. Ea ad trigessimum tertium gradum latitudinis septentrionalis collocatur ab Herrera, ab Anglis autem qui altitudinem illius accuratius observaverunt, ad trigessimum secundum & triginta scrupula. Mille fere leucis ab Hispaniæ littore versus occidentem abesse ab Herrera traditur, ab Anglis autem, accurata uti profuerunt itineraria ratione inita, à Londino primaria Angliæ civitate tria millia & trecenta milliaria Anglica versus zephyro-
 2 nom,

tum, à *Rasonack* denique Virginiae insula (de qua suo loco agetur) quingenta versus Eucum. Dudum Hispanorum aliorumque periculis & naufragis infamis, anno quidem 1510 1511 leviter; sed 1515 1516 plenius Anglorum opera Europaeis capiti innoscere, sed casu, uti mox dicetur.

Hispaniarum Rex jam ab anno 1510 1511 consilium ceperat, coloniam huc deducendi; suadebat enim situs opportunitas, nam ægrè à classibus per fretum Bahamense in Hispaniam revertentibus, vitari potest: amplissima in hunc finem privilegia *Ferdinando Camelo* Lusitano eo tempore indulta, sed res successu caruit.

Obsecurior itaque diu post hæc insula mansit, & non nisi tempestatibus & naufragiis in annalibus signata; donec anno 1513 1514 simili infortunio *Barbotoerius* 10 navarchus Gallus hic navem frangeret, imprudentia naucleri sui eo deductus: viginti sex viri scaphæ & tabularum aliquot beneficio servati, ad insulæ hujus latus quod Corum spectat, evaserunt & inter illos *Henricus Majus* Anglus, qui hujus naufragii historiam cum qualicunque insulæ delineatione in lucem prodidit, postquam minori nave ibidem structa, inde cum cæteris evasisset.

Denique quum anno 1515 1516, (navigatione ad continentem Virginiae tum apud Anglos imprimis fervente) Georgius Sommerius Eques cum navis fluctuum impulsu & ventorum violentia ad hanc delatus, navi scopulis illisa, cum suis in terram enataisset, non modo clarius innoscere, sed & magni fieri ab Anglis cepit: quam plurimi enim ex hisce in Angliam reduces, singulares hujus insulæ dotes inmodice 20 prædicabant; à quibus hanc descriptionem accepimus.

Insula Bermudez in multas partes dividitur, oceano influente in varios sinus & pluribus alveis terram dissecante in multas insulas, quarum una cæteras magnitudine superat, omnes autem ita in cubitum flectuntur, ut semilunam forma referant: portus quidem varii, sanisque idonei ab ipsis observati; aditus vero tantum unus, neque ille omni discrimine vacans, propter angustias canalıs inter scopulos utrimque imminentes eluctantis; mare in ipsis faucibus tres orgyas, ubi sinum intravit ad octo altum, rutilissimam stationem, & adversus omnium ventorum injurias munitam præbet, ita ut anchoras figere vix opus sit, rudentibus ad arbores alligantur. Vorticolum in ambitu mare, optimiorum tamen piscium secundum. Porcorum aliquot gre- 30 ges hic inventi, quos jam olim ab Hispanis propagandi gratia fuisse relictos, dubium non est. Testudinum marinarum ingens numerus, inter prima edulia, quæ hæc insula per se hominibus præbet, numerantur: Avium variarum magna copia, præsertim litorali & aquaticarum; inter eas quæ terram amant, prædicantur ardeæ & infinita minorum avicularum varietas; inter maritimas autem illæ, quæ in subterraneis cavernis, cuniculorum instar, nidulantur & ova sua ponunt, magnitudine & colore gallinarum ovīs paria; ipsæ carne obæsa gratique nutrimenti. Inter arbores silvestres, ingentes Cedros; inter fructiferas imprimis laudant palmitos, moros & quæ fructum quandam ferunt pyro haud ablimilem eleganti colorum varietate distinctum, & veluti maculis sparsum, à quo ipsi nomen ab Anglis impositum: inter divi- 40 vitias, unionum copiam celebrant, quas tamen videre nondum contigit, & ambar griseum. Cetera ingentia à Ianuario mense ad Majum usque vicina maria frequentant, quorum captura levi impendio & magno emolumento tentari posset. Atque hæc quidem ab istis, postquam navi è cedrinis tabulis compacta, in patriam rediissent; in vulgus disseminata; quæ cæteros Anglos facile permoverunt, ut colonias eo deducerent; sed antequam de illis agam; reliqua insulæ persequar.

Hæc insulæ cautibus & rupibus, partim cæcis, partim æstu relabente extantibus longe lateque in altum projectis, circumdatæ sunt, versus singulas pene mundi plagas; neque supra duos accessus habent, eosque aditu perdifficiles, præterquam iis quibus penitissime noti sunt, quos Angli jam adversus hostiles incursum communiverunt: ipsum quoque litus cautibus oblitum, solis ardore & ventorum suffamine ita induratis, ut undarum illidentium violentiæ minime cedant, aut à fluctibus deterantur.

Solum diversi est coloris, & substantiæ inter arenam & argillam mediæ; rosçidum deterius, subalbicans & nigricans mediocrius secundatis; subfuscum maxime fertile judicatur, nam ubi duos aut tres pedes suffoderis, albicans & petrosa humus subjacet, durior

durior quidem calce, sed mollior saxo, spongiosa & multis foraminibus, instar pumicum. pervia, aquarumque capax, huic radices arborum innexæ nutrimentum & incrementum debent; roscido solo durior & solidior humus subjacet, ideoque & infecundior est. Dulces latices subministrant putei passim effossi: nam nulli hic fontes, nulli annes aut torrentes reperiuntur.

Cælum ut plurimum hic serenum; aër temperatus, modice humidus & calidus, adeoque salubris: fruges & arbores aliunde huc translatæ facile succrescunt; licet fructus omnes non æque semper maturecant, propter majoris caloris defectum. Maizium bis quotannis feritur, semel mense Martio, quod Iulio colligitur: iterum-
 10 que Augusto, quod sub ingressum Decembris. Nives hyeme hic admodum raræ, uti & glacies, nec minus æstate infrequentes immodici æstus, altanis ventis aërem refrigerantibus: crebra tantum fulgura atque tonitrua ingruunt, nec tamen hominibus aut animantibus damnoſa. Venenata animantia nulla hic hæcenus deprehensa, ne araneæ quidem noxiæ quas hic admodum pulchras & variis coloribus eleganter distinctas reperiri scribunt, quæ æstate ita validas telas nent, ut minores aviculæ illis irretiantur. Culices & muscæ hic satis molestæ; nec minus formicæ, etiam fructiferis arboribus. Inter herbas uni tantum, quæ instar hederæ arbores complectitur, aliquid venenatæ qualitatæ inesse, sed admodum debilis, adhuc compertum. Inter saxa & scopulos haud longe à mari abunde crescit planta, quam Nuchti
 20 & Tunam ad continentem novi orbis appellant, de qua preciosa illa Cochinilla in nova Hispania & alibi colligitur; hic præter fructus agreſtes nihil fert: sed de hac planta alibi plura dicentur.

C A P. XX.

Coloniæ Anglorum in Insulis Bermudez.

ANNO demum c10 lxxii, quum certa nobilium & mercatorum societas speciale privilegium à Jacobo magnæ Britannię Rege impetrasset, coloni in has insulas deduci cæperunt, numero primum sexaginta sub præfecto *Richardo Moro*, & paulo post plures. Huic præfecto prima cura fuit, aditus adversus hostiles incurſus munire, octo aut novem munimenta variis locis excitata & majoribus tormentis instructa, ubicunq; hostium accessus ullo modo timeri poterat. Triennium in hisce operibus insumtum: sed toto illo tempore coloni gravissimum damnum passi sunt ab immanis glirum multitudine, quæ è navibus in terram delatæ, tantum subito incrementum cæperant, ut fata omnia vastarent; neque ulla hominum industria huic malo obviam iri potuit, tandem uti succreverant, subito interierunt.

Moro successor datus *Daniel Tuckerus*, qui anno c10 lxxvi ad Insulam appellens, summam diligentiam nec minorem industriam in agris colendis, arboribusque (quas
 40 plures ex novi orbis insulis advexerat) disponendis adhibuit. Agri ab ipso dimensæ & colonis pro familiarum amplitudine distributi, ut jam proclive ipsæ esset & victum sibi parare & merces cum appellentibus commutare. De Tabacco colendo præcipua cura fuit, cuius herbæ, non dicam usus, sed abusus, non modo in Anglia, sed & in Belgio nostro & alibi insanum in modum jam adolevit.

Tuckero anno c10 lxxix successit *Baſilerm*, qui supra quingentos colonos quatuor navibus traduxit, nec pauciores in Insula invenit, quibus adhuc plures postea accesserunt. Insulæ in certas tribus & municipia divisæ, omniaque ad Reipublicæ Anglicanæ formam composita, quæ hic minutim referre nimis longum foret.

Buſlero discedente ex insulis, jam decem munimenta structa erant & duabus supra quinquaginta bellicis machinis instructa; coloni numerati mille quingenti. Successit *Johannes Bernardus* anno c10 lxxxii, qui intra quadraginta dies postquam appulerat, vita functus, magnum sui desiderium apud colonos reliquit. *Woodhussius* huic
 50 submissus, quid rerum gesserit mihi non constat; jam ab anno c10 lxxx xiii has insulas tribus Anglorum millibus habitatas fuisse, ab authoribus constanter proditur. Quod sane cuivis qui Angliæ dotes noverit, mirum videri poterit, quum hæc insulæ nec cæli nec soli bonitate cum illa ullo modo sint comparandæ.

Antequam huic descriptioni finem imponam, memorabile aliquot Anglorum facinus hic nequaquam est prætereundum: Anno quippe c^lo l^o cxvi, quinque Angli, cymba vix trium doliorum (horum enim numero navium magnitudo vulgo æstimatur) vasto illi & fluctuoso oceano, temerario certe ausu, sese committentes, quadraginta duobus diebus, ingens illud mare trajecerunt, & ad Hyberniam incolumes appulerunt: quod licet indubitabili testimonio ab Anglis scriptoribus confirmetur, ab iis tamen, qui fluctuosi hujus oceani discrimina, & itineris longitudinem ad animum revocabunt, difficulter admodum credetur; nos ea qua accepimus fide, referimus.

Hæ insulæ denique ob frequentia vadorum brevia, & rupes, sævasque tempestates quæ plerumque circa eas solent ingruere, studiose non modo ab Hispanis, qui per fratrum Bahamense redeunt, sed & ab Anglis & à nostratibus, quum illud mare navigant, vitari solent; ideoque naucleri cursus suos sollicitè instituunt, donec certâ computatione deprehenderint, se citra vel ultra illas jam provectos esse: nam si secus faxint, aut in calculo suo fallantur, vel ingens discrimen vel certam perniciem incurrunt.

Atque hæc de insulis oceanicis dicta sunt, nam cæteras, quæ breviori trajectu à continente absunt, una cum provinciis quibus objacent aut adjacent, describam; nunc ad Continentem me accingo.





NORD

NOVA FRANGIA
et
REGIONES ADIACENTES



RANCIA .
et
ADIACENTES.





DESCRIPTIONIS
INDIÆ OCCIDENTALIS,
LIBER SECUNDUS.
NOVA FRANCIA.

10

INTRODUCTIO.



Absolutis superiori libro majoribus minoribusque Insulis, quæ sinui illi ingenti aut objacent aut injacent, ad Continentem nos convertimus, cuius descriptionem à septentrionali illius parte inchoabimus, quæ plurimas regiones, amplissimaque provincias complectitur; paucis exceptis, hæcenus fere ignotas, aut leviter & juxta litora tantum cognitæ: nam Hispaniâ Novâ, & provinciis quæ illam ad sinum Californiæ usque contingunt, exceptis, exigua tantum caterarum quæ mediterraneæ sunt, notitia ad nos pervenit; ideoque ignotiores leviter attingemus, in notioribus paulo diligentius immorabimur. Neque tamen hujus partis descriptionem ab extremis illius finibus, qui arcto ipsi subjacent, exordiemur, sed regionibus illis incultis (quæ glaciæ atque perennibus nivibus horrent, & non nisi obiter lustratæ sunt ab iis, qui per varios recessus, sinus atq; freta ad Tartariam & Sinarum regnum, aditum frustra hæcenus quæsi verunt,) prætermisiss, ab iis initium capiemus, quæ cultum aliquem humanum jam receperunt, & quinquagesimum quartum aut quintum septentrionalis altitudinis gradum attingunt, & NOVÆ FRANCIAE nomine hodie appellantur: Non quod hæc regiones à Francis primum lustratæ aut inventæ fuerint, nam ante Britannorum & Normannorum à Gallia navigationes ad hæc terras, magna pars oræ maritimæ à Ioanne & Sebastiano Cabotis Venetiis, Henrici VII Angl. Regis auspiciis, non modo lustratæ, sed & delineatæ fuit, ut Tabula geographicæ ab iisdem editæ faciunt fidem (quarum non pauca hodieque in Angliâ superant) in quibus hæc leguntur: Anno „ Domini MDCCCXCVII Ioannes Cabotus Venetus & Sebastianus illius filius eam „ terram fecerunt perviam, quam nullus prius aërè ausus fuit, die XXIV Iulii circiter bo- „ ram quintam bene mane. Hanc autem appellavit Terram primum visam, credo „ quod ex mari in eam partem primum oculos iniecerat: nam quæ ex adverso sita est In- „ sula, eam appellavit Insulam Divi Ioannis, hæc opinor ratione quod inventa fuit eo „ die, qui sacer est S. Ioanni Baptista. Hujus incolæ pelles animalium, exuviasque fera- „ rum pro indumentis habent, easque tanti faciunt, quanti nos vestes preciosissimas. Cum „ bellum gerunt, utuntur arcu, sagittis, hastis, spiculis, clavibus ligneis & fundis. Tellus „ sterilis est, neque ullos fructus adfert, ex quo fit, ut ursi albo colore, & cervi inus- „ tate apud nos magnitudinis referta sit: piscibus abundat, iisque sæpe magnis, quales „ sunt lupi marini & quos Salmones vulgus appellat; solæ autem reperiuntur tam lon- „ ge, ut ulnæ mensuram excedant. In primis autem magna copia eorum piscium, quos „ vulgari sermone vocant Baccalaos. Gignuntur in ea Insula accipitres ita nigri, ut cor- „ porum similitudinem mirum in modum exprimant, perdices autem & aquile sunt „ nigri coloris. Hæc ibi. Nec multo post Cabotos, anno nimirum MDIO Gaspar Corte- „

realis

realis Lusitanus easdem terras visitavit Regis Lusitaniae jussu, easque ulterius detexit. Verū tamen Novæ Franciæ nomen hisce regionibus impositum, quia Franci omnium primi in interiora penetrarunt, & coloniis aliquot auctoritate Regia deductis, occuparunt ut suam. Nova itaque Francia, ut plerisque Gallicis scriptoribus placet, intra quadragesimum & quinquagesimum quintum septentrionalis altitudinis gradus continetur, alii angustioribus limitibus includunt: quidam & ad sexagesimum gradum extendunt: Longitudo harum regionum versus occidentem incerta: quousque autem Franci navigationibus suis & itineribus terrestribus penetrarint, in sequentibus explicabitur. Descriptionem porro hujus continentis, ab Insula Terra Nova, ut jam vulgo appellatur, inchoabimus, quia illi prætenditur, atque aditum ad illam aperit.

TERRA NOVA.

CAP. I.

Insula situs, cæli solique qualitates, animantes.



INSULA Terra Nova ad arcum quidem angusto frecto à Continente Septentrionalis America dividitur, sinui sive mediterraneo mari, quod vulgo S. Laurentii vocant ad ortum objecta, inter quadragesimum sextum & quinquagesimum tertium latitudinis septentrionalis gradus: & si Gallicus scriptor anonymus apud Ramusium recte observavit, ad quadragesimum longitudinis occidentalis gradum; (mensura longitudinis ab Insulis promontorio viridis productâ) ita ut promontorium illius orientalius, *Cap de Raz* vulgo, à Diepa Gallicæ urbe maritima septingentis & sexaginta leucis

recta pene linea distet. Ad orientem & meridiem à vasto oceano septentrionali pulsatur.

De Cæli solique qualitatibus & condicione varii varia & diversa tradiderunt. Stephanus Parmenius Budæus, cum nobilissimo Equite Anglo Humfredo Gilberti ad hanc insulam profectus, in Epistola sua ad Richardum Hackluytum in hunc modum de illa scribit. Terra universa montana & sylvestris; arbores ut plurimum pinus, & partim consenuere, partim nunc adolescunt: magna pars vetustate collapsa & aspectum terræ & iter euntium ita impedit, ut nusquam progredi liceat: Herbarum omnes proceræ, sed raro à nostris diversæ. Natura videtur velle niti etiam ad generandum frumentum: inveni enim gramina & spicas in similitudinem secales; & facile cultura & fatione in usum humanum assuescere posse videntur. Rubi in sylvis vel potius fraga arborescentia magna suavitate. Vrsi circa tuguria nonnumquam apparent & conficiuntur; sed albi sunt, ut mihi ex pellibus conjicere licuit, & minores quam nostri. Populus an ullus sit in hac regione, incertum est, nec ullum vidi qui testari posset. Et quis quæso posset, cum ad longum progredi non liceat? nec minus ignotum est, an aliquid metalli subsit montibus; causa eadem est, etsi ad spectus eorum mineras latentes præ se ferat. Nos Admiratio auctores fuimus sylvas incendere quo ad inspicendam regionem spatium pateret: nec displicebat illi consilium, si non magnum incommodum allaturum videretur. Confirmatum est enim ab idoneis hominibus, cum casu quopiam, in alia nescio qua statione, id accidisset, septennium eorum pisces non comparuisse, exacerbata maris unda, ex terebinthina quæ conflabat, grantibus arboribus per rivulos diffuebat. Cælum hoc anni tempore (scribebat autem mense Augusto) ita fervidum est, ut nisi pisces, qui arescunt ad solem, assiduo invertantur, ab adustione defendi non possint. Hyeme quam frigidum sit, magnæ moles

moles glaciæ in medio mari nos docuerunt. Relatum est à comitibus, mense Majo sexdecim totos dies se inter tantam glaciem hæsisse, ut sexaginta orgyas altæ essent insulæ; quarum latera soli apposita quum liquecerent, libratione quadam totam molem ita inversam, ut quod ante pronum erat, supinum evaderet magno præsentium discrimine ut consentaneum est. Aër in terra medioeriter clarus est: ad orientem supra mare perpetuæ nebulæ; & in ipso mari circa Bancum (sic vocant locum ubi quadraginta leucis à terra fundus attingitur & pisces capi incipiunt) nullus ferme dies absque pluvia. Hæc ille. Verum *Richardus Whitburnus* Anglus, libello de hac insula edito, testatur: Aërem hujus insulæ saluberrimum esse, non modo æstivis mensibus, sed etiam hybernis: solum fertile in imis convallibus & ad montium radices, ita ut æstate sponte sua non modo lætissima gramina, sed & varias fruges progeneret, pisca nimirum viridia & vicias, quæ magnitudine & salubritate cum Anglicanis certent: fraga autem rubra atque alba, uvæ crispas & consimiles fructes maxima copia nutriat; nec fructiferarum arborum inopem esse quum pira, cerasa & avellanæ multis locis reperiantur. Herbatum insuper salubrium perfectundam esse, petroselinum, majoris minorisque acetosæ & similitum olerum. Florum item elegantissimorum feracem, rosarum præsertim mira colorum vicissitudine & singulari odorum suavitate; denique & medicinales herbas atque radices gignere experientia comprobatur; quæ omnia perfectundi & feracissimi soli indicia sunt. Frumentum ab illis qui hic hybernantur satum, non modo lætissime adolevit, sed & uberes fruges tulit. Inter sylvestria animalia, lepores, vulpeculæ, castores, ursi, lupi, sciuri ab ipso nominantur, & similia ad usum & emolumentum hominum nata.

Maxima hic omnis generis avium abundantia, tam aquatiliū quam sylvicolarum; Anseres, anates & pinguini Europæis penitus ignoti (de quibus alibi dicemus) columbæ, perdices, lusciniæ, majores minoresque accipitres, aliæque. Aquarum dulcium seaturigines innumera: tota denique Insula multis amnibus, torrentibus, rivulis est intersecta, qui optimos pisces nutriunt, inter quos Salmones, anguillæ & imprimis Trutæ excellunt: mare item quod circumluit mire piscosum: Sinus, portus, stationesque optimos caneros, musculos & alios crustaceos & testaceos pisces subministrant. Sylvestrium arborum magna varietas, celsissimæ piceæ; pinusque betula, pluresque aliz per immanes saltus & opacos lucos sparsæ; & ignium pabulo & navibus, ædificiis, cæterisque humanis usibus idonea materies.

Hyberna frigora supra clymatis modum intensiora, duabus potissimum causis à Withburno imputantur, immensis glaciæ molibus quæ ab Arcto in hæc littora hybernis mensibus propelluntur; & sylvarum densitati, quæ solum non modo ita opacant ut solis radii ad illud pertingere & reflecti haud quaquam possint, sed etiam multos vapores & nebulas generant, quibus hæc insula supra modum obnoxia est: atque hisce incommodis quum obviari iri posse existimet, si sylvæ cadantur & solaribus radiis ad solum liber aditus aperiatur, vero consentanea videretur sentire. Sed nec frigus omnibus annis æquale, nam qui anno cło lо ex i hic hybernarunt, testantur se Octobri & Novembri & bona parte Decembris vix ullum frigus sensisse, reliquis hybernis mensibus usque ad medium Martii modicum gelu; & ventos ab occidentali plaga crebrius, rarius ab aquilonari spirantes observasse. Hæc Insula ab Anglis, uti apparet, primum inventa: à Gallis è Britannia & Normannia anno cło lо iv capta adiri, primum quidem ea parte, qua Austrum spectat, inter duo promontoria de *Raz* & *Britonum*: mox etiam qua boream adspicit ultra promontorium de *Bona viña* ad fretum usque quod vulgo *Golfo de Chateaux* appellant: Orientale latus Lusitanum primum, mox etiam cæteræ Europæ gentes frequentarunt.

Portus & stationes Insulæ omnibus nationibus æqualiter hæctenus patuerunt, quæ statim anni tempestatibus huc se solent recipere, ut pisces haud longe à littore captos ad solem indurent & exsiccant: certis autem quibusdam legibus & institutis, quæ & consentaneæ sunt firmata, & ut plurimum ultro ab omnibus servantur; inter se congruunt: quorum potissimum est, ut quem quisque locum præceperit, illum teneat ibidem inventis tuguriolis aliisque machinis illo anno utatur ut suis: sunt & alia quæ consulto prætereo. Tentatum quidem aliquoties ab Anglis hanc Insulam proprii juris facere; imposito cæteris gentibus vectigali & latis quibusdam legibus de Religione,

gione, & obsequio Regibus Angliæ præstando, præsertim anno c15 l3 lxxxiii, quo *Humphredus Gilbertus* eques, hanc in suam & Regum Angliæ possessionem vindicavit, & colonias eo deducere proposuit: verum quum ipse in reditu una cum celoce sua ab oceano esset absorptus, nihil tum ultra actum & piscatoribus pristina libertas mansit. Denuo anno c15 l3 c viii Angli, Ioanne Gujo Bristolensi ductore, statas sedes in hac insula fixerunt, ad sinum Conceptionis, quæ aliquot annis ibidem perstiterunt.

CAP. II.

Incole Terræ Novæ, eorum habitus & Mores.

10

QUICUNQUE nuper de hac insula scripserunt, magno consensu testantur, orientalem & meridionalem illius plagam nullis hominibus habitari, sed omnes incolas barbaros ad occidentalem & borealem partes incertis sedibus vagari. Asperi atque inculti, nulla penitus religione in Deum, nullo politico regimine inter se, ferarum magis, quam hominum more agunt: barbaris qui in continente versus septentriones degunt, habitu atque victu ita per omnia similes, ut minime dubium sit, ex illis ortos huc aliquando commigrasse. Cæterum Galli atque Hispani qui quotannis fretum S. Laurentii ingrediuntur balænarum capiendarum gratia & ad oram occidentalem hujus insulæ se applicant, testantur hos barbaros ad ministeria Europæis præstanda satis promotos esse, pertenui enim victu & exigua admodum mercede conductos, utrique in balænis concidendis, eviscerandis, coquendis indefesso labore singularem operam præstare. Statura corporis sunt mediocri, capillis nigris, lata facie, simis naribus, grandibus oculis; mares omnes sunt imberbes: uterque sexus non modo cutem sed & vestimenta rubrica quadam tingit, quæ ex pellibus marinorum luporum barbara industria consuunt. Mapalia quædam atque humiles casæ incolunt & lignis in orbem dispositis & in fastigio conjunctis, quæ ferarum tergoribus aut piscium exuviis circumquaque adversus aëris injurias & pluvias contegunt: focum in medio tuguriorum struunt, cui noctu atque interdiu, quum lubet, humi posstrati accubant. Cymbæ ipsis ex corticibus arborum compositæ, viginti ut plurimum pedes longæ, quinque aut circiter latæ & semilunæ in modum, ad proram atque puppim erectæ atque incurvæ; quinque ad summum vectorum capaces; illis utpote levissimis undas summa velocitate secant, eandem quum opus fuerit humeris gestant; nam ne statim quidem sedibus se continent, sed vagi Nomadum instar sæpius habitationes mutant, prout illos aut necessitas cogit, aut commoditas invitat. Arma ipsis sunt arcus & sagittæ lapillis quibusdam præacutis aut ossiculis asperatæ. Olim quoque ad australem plagam, ubi multo amœnior & opportunior habitatio est, haud multum dissimilis gens sedes fixerat, verum Europæorum, ut verisimile est, consuetudinem abhorrens aut pertæsa, ad interiora & ulteriora se recepit: Etenim Anonymus Gallicus scriptor, cujus antememinimus, qui scripsit anno 1539, cap. i. testatur, oram australem hujus Insulæ isto tempore tenuisse gentes barbaras omnis cultus atque humanitatis expertes, atque aliorum congressum affatusque penitus aspernantes, cæterum habitu corporis & amictu superioribus omnino similes, nisi quod faciem notis quibusdam inuterebant & veluti lineis persignarent. Idem testatur, & orientalem plagam tum a paulo cultioribus & humanioribus populis, sed infrequentioribus fuisse habitatam: quæ utraque ora jam penitus deserta & cultoribus vacua deprehenditur, certissimo indicio, gentes hæc Europæorum consortia fugere quantum possunt, & ab iis deprehensas non nisi ingratis obsequium præstare.

CAP. III.

50

Portus & stationes hujus Insulæ, oraque omnis maritima.

NILLA Insula in toto terrarum Orbe, quæ quidem pari sit magnitudine, plures aut opportuniore stationes atque portus obtinet: quos ut particulatim recensamus, ora universa nobis legenda est, quam a promontorio *Raze* primo versus septentriones, deinde & versus occidentem stringemus. Promontorium

tium ipsum quod vulgo *Cabo de São Paulo*, exitum hujus insule versus austrum, distans ab æquatore versus arctum sex nris quadraginta gradus & viginti quinque aut triginta scrupulis, summi est solo, nec multum prominens, scopulo autem quod mediam circiter leucam a litore in alto ipso obstat, diguolcitur. Sex ab hoc promontorio leuca versus Septentriones portus occidit, *Renoué* vel *Raignense* vulgo, in cuius recessu insula jacet tota petrosa: ad hunc portum singulis annis multe naves appellant & ibidem pisces in alto capros aut sale condiunt aut ad solem indurant. Hinc leuca aut trium miliar. Anglorum intervallo proximus est *Portus Formosus*, maximarum navium capax & continenti supra quatuor miliaria versus occidentem se insinuans, quadraginta sex gradibus & quadraginta quinque scrupulis ab æquatore. Haud longe ab hoc ad eandem plagam sequitur *Aqua forte* portus, angustiore aditu & præruptis undique ipe. Itinerarium nauticum Lusitanorum, duabus ab hoc leucis, terra costui collocat, vulgo *Ponta de Farilhan*, quadraginta & septem grad. ab æquatore, & paulo ultra varios terre recessus & sinus quos *Abras* vulgus nauticum vocat. Tres deinde minores insule litori obiacent, suis nominibus distinctæ, quarum prima *Ilheo de Ferro*, proxima *Columbrina*, tertia denique *Ilheo de Galeotas* appellatur, duarum circiter leucarum intervallo à promontorio de *Esfheira* vel ut Galli indigetant de *Saint Fréjus*. Ab hoc promontorio ad celeberrim *S. Joannis* portum, quadraginta septem gradibus & quadraginta scrupulis ab æquatore, duæ numerantur leucæ. A quo quinque leucas versus Arctum provectis promontorium *S. Francisæ* occurrit, ad altitudinem octo & quadraginta graduum, magnum ad austrum sinum aperiens, quem Lusitani *Enfledam grandem*, Angli *Thornbaye* appellant; in latitudine annotanda nomihil variant, nos Lusitanos hic sequimur. Ultra promontorium *S. Francisæ* ora in eundem modum recedens, ingentem sinum & varios in illo recessus facit: Sinum ipsum Lusitani *Bahia de la Concepcion*, Angli *the Baye off Trinite* vocant, ad altitudinem pene novem & quadraginta graduum. Amplissimus hic est sinus & ubi angustissimus ad quinque miliaria patens, qui longe lateque tam versus Africum, quam occidentem terræ se insinuat, multosque habet recessus, peculiaribus nominibus insignis, quæ hic commemorare longum foret.

Tres in hunc sinum amnes exeunt, nullæque in illo insule sparæ, fertili admodum solo, unde hic portus inter præstantissimos hujus insule merito recensetur. Duorum autem miliarium à continente majoris insule intervallo, minor insula obijcitur, quam de piscium qui hic capiuntur nomine *Bacalaos* vocant. Sinum vero prædictum ad septentriones claudit promontorium de *bona vista* cum portu ejusdem nominis, ad altitudinem novem & quadraginta graduum & quindecim scrupulorum secundum Lusitanorum computum. Ab hoc promontorio ad alterum quod vulgo vocant *Punta des Ilheos de Fray Louis* & ad ipsas insulas de *Fray Louis* decem sunt leucæ, ad altitudinem novem & quadraginta graduum & semissis; ab his insulis ad Insulam Avium ut Lusitani vocant, ad altitudinem quinquaginta graduum & quindecim scrupulorum, iidem sunt decem leucæ, atque hinc ora maritima se restitit versus Trafalgar, multaque hic vada & brevía, perpetuæ sives & summum frigus & piscium inopia. Juxta Promontorium de *bona vista* versus austrum ab aliis punctis sinus, quem alii *Freley* alii *Foriland* & *Farilhan* appellant. Ab hoc promontorio terra nunc mare admittens, nunc excludens varios sinus & recessus variæque promontoria facit, usque ad promontorium de *Grat* quod hujus insule extremum est versus Septentriones. Angli minoris ejusdam insule promontorium ad altitudinem novem & quadraginta graduum & quadraginta scrupulorum, ipsam Penguitorum insulam dicunt, ab earumdem avium ibidem nidulantium capta, quæ barbari *Aparash* nominant, cum penguinis forma optime convenientes, quos alibi describam.

Quartarius Gallus, qui hæc maria inter primos lustravit, hanc insulam ob eandem causam *île des Oiseaux* appellaverat & Lutrani *ilha das aves*. Hactenus litora hujus insule ad septentriones pertinent, nunc ad australe latus redibo.

A promontorio de *Raz* ad australem hujus insule plagam, versus occidentem progrediendo, duarum leucarum iter est ad portum *Trepassez*, *Abram Trepessam* Lusitanis ad altitudinem sex & quadraginta graduum, secundum Anglorum computationem, peropportunos hic est portus & mare quod alluit altum, nullisque vadis

S. Petri
Insulæ.

aut scopulis impeditum: ab hoc ad fluvium, *Chincheram* Portugallis, dux numeratur leuca: ab isto autem ad sinum *S. Mariae*: hic sinus ingenti ostio & ad quatuor leucas parulo se pandens, insulam gremio suo concludit, quam vulgo *Culunetam* appellant. Sequitur ad eandem oræ plagam promontorium *S. Mariae*, novemdecim leucis à promontorio *Raze* versus occidentem, ut quidam numerant. Ultra hoc alius sinus se aperit, quem *Placentiam* vel *Prasenciam* vulgo vocant ad altitudinem sex & quadraginta graduum & quadraginta quinque scrupulorum; nec procul hinc parvula aliquot insulæ vel potius scopuli oræ maritimæ obiacent, quæ vulgo *Martyres* audiunt. Et quinque minores insulæ *S. Petri* nomine insignes, quæ & per commodum portum navigantibus præbent, & arborum sylvestrium copia cum majori insula certant: hæ ipsi faucibus freti, quod Terræ Novæ & *S. Laurentii* vel Britonum insulas interluit, prætenduntur. Ex adverso australem majoris Insulæ oram, portum Cantabrorum, vulgo *Port aux Basques*, commemorat *Champlainius*. Ultimam ad occidentem promontorium vocant *Cap. de Raye*, quod distat ab insulis *S. Petri* millaria quadraginta duo uti Angli testantur. Ab hoc ora se reflectit ad septentriones vel potius Trasciam, duodecim leucarum itinere, usque ad promontorium *Anguille*; à quo ad boream se subducit leuc. octodecim, ad sinum *S. Georgii* crebris Cantabrorum navigationibus notissimum; patet novem aut decem leucas, accoliturque à barbaris illis quos supra descripsimus: Quæ ab hoc versus boream superfluit, haud satis cognita sunt hæcenus, rarissime enim & fere ab invitis adeuntur.

C A P. IV.

*Magni Banci, ut vulgo vocatur, qui Terræ Novæ prætenditur
& Insule de Sable, descriptio.*

IN S V I Æ Terræ Novæ, quam jam descripsimus, ingens maris dorsum prætendit, quod vulgari nomine *Magnum Bancum* pleræque Europæ nationes solent appellare: inter Oceani mirabilia jure referendum: nam quum ingens Oceanus septentrionalis altissimus sit, ita ut paulo longius à continente hunc ducentarum organarum fundum attingere neutiquam possis, hic se veluti in jugum aut dorsum attollit, & modo triginta, mox quadraginta orgyas altum, ad aliquot centena millaria in longitudinem extenditur, à quadragesimo & uno nimirum gradu ad quinquagesimum secundum versus æquum. Patet autem in latitudinem ad summum viginti quatuor leucas, & ubi paulum angustatur, sedecim atque etiam pauciores: & utrinque definit in conum: Quo magis ad septentriones vergit, eo profundius fit mare, contra ad austrum ita ut & cautes quedam hic extare videantur; quas Galli vocant *les Nacquelets*. A Promontorio *Raze*, ad hunc Bancum, viginti quinque leucarum tractus est, altissimo inter utrumque mari; aliis locis paulo major aut minor distantia est ab Insula *Terræ Novæ*. Porro incredibilis pene piscium copia quocannis hic capitur, à Gallis, Hispanis, Lusitanis, & aliis nonnumquam nationibus; *Bacalaos* Cantabris, *Molus* aut *Morues* vocant Galli, notissimos toti Europæ pisces.

A medio Aprilis ad exitum Julii hic pisces capiunt, captos exenterant & congiunt sale, ita conliti *Morne verte* Gallis dicuntur. Toto hoc tempore tanta avium multitudo supervolat, quæ visceribus piscum in mare obiectis vescuntur, (ut vix alio indicio navigantibus opus sit:) & hamis haud focus capiuntur quam pisces, summa cum voluptate inter illos nominatim celebrant Galli *Fauquets*.

Præter hunc ingentem Bancum, plures alii minores circa Terram Novam observantur, & præsertim duo, quorum unus australi hujus insulæ lateri obiacet, & ad Insulas *S. Petri* usque producit, *Banc au Vert* Gallis dictus; alter autem Insulæ *de Sable* ad septentriones obiectus, versus Boream deflectit, alios commemorare longum esset neque necessarium.

Insula de
Sable.

Porro Insula *de Sable*, (ita ab arenis Galli vocant) ad altitudinem quatuor & quadraginta graduum lata est, triginta circiter leucis ab Insula Britonum sive *Sant Laurentii* versus austrum, ambie pene quindecim leucas, longior multo quam lata, vadoso

vadoso & importuoso in circuitu mari & naufragiis quorundam infami. Jam anno c10 15 xviii. Galli opportunitate loci allecti, auspiciis Baronis de Lery coloniam hic collocare in animum induxerant, sed serius hic appellentes, annonæ & imprimis dulcium aquarum inopia, re infecta discedere coacti sunt, & tantum armenta & porcos quos advexerant, hic reliquerunt; quæ animalia pabuli inopia (nam magna parte sterilis est insula & meræ arenæ) exiguum incrementum ceperunt: Post illa & à Lusitanis tentatam invenio, sed pari eventu. Denique jam diu à Lusitanis cæterisque nationibus neglectam, Marchio de la Roche Gallus rursus coloniis aliquot occupare est aggressus anno à C. N. c10 15 xcviii: Relicti tantum pauci in insula, qui ægre
 10 vitam ibidem tolerantur, piscibus & prædictis animalibus se sustentantes; & pellibus nigrarum vulpium atque marinorum luporum exuviis sese afficientes: post quinquennium denum inde sunt abducti. Parvum in hac insula est stagnum, nullæ scaturigines: fruticeta multa, paucissimæ arbores, humus fere nuda aut leviter herbida; nec adiri facile propter vadorum brevitas potest, neque sane, ut opinor, meretur.

INSULA S. LAURENTII sive BRITONUM.

C A P. V.

Insule Britonum situs, calis solique qualitates, Indigenæ.

20 **T**ERRÆ NOVÆ alia ad occidentem insula adjacet, inter ipsam & Novæ Franciæ Continentem media; S. Laurentii quidem à sinu quem claudit, Britonum autem, ab orientali suo promontorio (quod vulgo *Cap Briton* vocant) nomine signata. Australe illius latus patet inter ortum & occalum viginti quinque leucas, distatque ab æquatore quinque & quadraginta gradus & totidem scrup. occidentale illius cornu abest à *Campseau* (ad extimum & orientalem N. Franciæ angulum sito) octo leucas: ab orientali autem illius promontorio (vulgo *Cab Briton*) ad promontorium Raze (TERRÆ NOVÆ extrinum ad orientem) numerant septem supra octuaginta leucas. Dirimitur à Continente N. Franciæ freto novem aut decem leuc. longo; quod licet in mediterraneum S. Laurentii æquor penetrer, profundo
 30 satis alveo, tamen rarissime navigatur, propter angustias canalıs & pernecem undarum lapsum, à quo & nomen apud Gallos invenit, vulgo *le Passage courant*.

Insula hæc forma triangulari; ambitu suo pene octuaginta leucas complectitur, maxima sui parte in colles, montesque assurgens, supra modum amena & delectabilis: mare per varios alveos in intima usque admittit; & ab illis in multas partes veluti minores insulas dividitur: in medio lacus est & parvæ aliquot insulæ in illo sparæ, in quibus magna ferarum copia reperitur; alvei imprimis testaciis piscibus fœti, inter quos ostrea numerantur, sed ingrati saporis. Ingentes ubique saltus, in quibus proceræ quereus, piceæ & similes arbores etiam Europæis familiares visuntur; multæ adhæc peregrinæ & nostro orbi ignotæ: solum egregia ubertate, fraga
 40 optima & similes fructus sponte profundit; gramina ramen licet procera ob gracilitatem minus laudantur. Sylvæ cervos, nigras vulpes, lustras & similes feras alunt; neque minor hic avium copia, inter quas & Penguini numerantur.

In plerisque partibus à barbaris incolitur, qui habitu & moribus, cum incolis *Terræ Novæ* optime conveniunt, capillis nigris, quos infra humeros promittunt; ferinis exuviis pudenda tegit vulgus, cætera nudum, procures etiam palliolo à ferinis pellibus humeros & pectus: cines habent nigros, quos magna cura educant ad ventionem. Lusitani huc olim coloniam deduxerant, sed inclementiam hiberni cœli & frigus, crebrioresque tempestates pertæsi, statim mutarunt.

Portus pro magnitudine insulæ pauci numerantur: ad australem insulæ plagam
 50 duabus aut tribus leucis à *Cap. Breton*, promontorio illius orientali, portus Anglo-rum, (*Gallis port aux Anglois*) quod huc crebro solent commovere piscandi gratia: & paulo ultra versus occidentem, *Newport* Anglis, quasi novum portum dicas, quem parvula insula majori objecta circumscribit: octo dein ab hoc leucis aliis, quem barbari sua lingua *Cibo* vocant, ubi tanta Cammarorum & Astacorum copia reperitur, ut fere fidem superet: Atque hi portus ad australem plagam: ad latus autem quod aquiloni obvertitur, octodecim aut viginti leucis à promontorio Britonum versus

corum, portus *Ninganis* à Lusitanis memoratur, ad quem olim sedes fixerant, quas postea deleverunt. Septentrionale hujus Insulae promontorium vulgo *Cap Sant Laurentis* appellatur, huic insula *S. Pauli* objacet; ab hoc promontorio ad Terram Novā & promontorium *S. Mariae* octuaginta trium milliariū iter à Gallis designatur. Denique ab hoc littus versus Africum se subducit & multos sinus & stationes aperit, ignobiles fere & solis nominibus notas, hæc hic recensere supervacuū puto, ne lectori tædium adferant.

CAP. VI.

Minores aliquot insulae per Fretum S. Laurentii sparsæ.

DUÆ insulae, de quibus jam diximus, objectu suo veluti concludunt mediterraneum æquor sive sinum quem *S. Laurentii* nomine celebrant: in quem Oceanus per tres diversas fauces irumpit, quarum mediæ satis latæ, inter duo promontoria *S. Laurentii* & *de Raye*, extremæ angustiores sunt; quibus dictæ insulae utrinque à Continenti separantur. Æquor hoc triquetra est formæ, illiusque basis, ut ita dicam, ab uno Novæ Franciæ cornu ad altitudinem sex & quadraginta graduum, ad alterum cornu vel angustiores fauces ad altitudinem quinquaginta duorum graduum, utriusque insulae prætenditur, hac enim parte longissimus est sinus: reliqua duo latera usque ad magni fluminis Canadensis ostia in conum fastigiantur; dextrum quidem recta pene linea, sinistrum vero sinuoso anfractu & cubiti in modum, gremio suo aliquot insulas complectitur. Quarum una ab illis qui fretum hoc primi lustrarunt *Menege* dicitur, & ob Asellorum majorum uberem capturam multum celebratur, in recentioribus tamen tabulis geographicis non designatur, nomine illo obsoleto. Viginti trium ab hac leucarum intervallo, tres minores insulae memorantur, quas ab avium copia nunc *Isles des Oiseaux*, nunc *i. des Margaux*, Champianius autem in tabula sua *Isles aux Tangeaux* appellat. Harum duæ rupibus abruptæ & ascensu perdifficiles tanta multitudine avium obsidentur ut fidem pene superet: ad altitudinem quadraginta novem graduum & x. scrupul. ab Anglis fuerunt observatæ: ad tertiam Phocarum quoddam genus, maximo numero adnatæ solet, ignotum, ut epinor, veteribus animal, quod nostrates *Walrus*, Angli à Russis mutato nomine, *Morsh* vulgo nominant: Monstruosum est animal & amphibium; bobus nostratibus, ubi adolevit, interdum majus, cute cani marino, buccæ vaccæ simile (unde & vaccæ marinae nomen apud quosdam meruit) nisi quod duos dentes, prominentes & ante recurvos habeat, cubiti nonnumquam longitudine, quorum usus & precium ebori comparatur: factum supra unum aut alterum vix enititur; robustum & ferox imprimis animal, ideoque difficulter capitur & sæpius in terra, rarissime in mari. Iconem hic subijcimus ad vivum accurate expressam.

Menege
Insula.

Avium
Insulae.



Nam hic ejusmodi bellua visa fuit anno 1611, quam Cl. Vir Ælius Everhardus Vorstius Medic. D. & Professor p. m. ita descripsit. Belluam (inquit) hanc marinam vidi, magnitudine vituli, aut canis Britannici majoris, Phocæ non dissimilem;

lem; capite rotundo, oculis bovis, naribus depreffis ac patulis, quos modo contrahēbat, modo diducebat, aurum loco utrimque foramina: rictu oris rotundo nec ita vasto, superiori parte aut labro mystica gestabat setis cartilagineis, crassis ac rigidis constantem. Inferior maxilla trigona erat, lingua crassa brevique, atque os interioris dentibus planis utrimque munitum. pedibus anterioribus posterioribusque laetis, atque extrema corporis parte Phocam nostratē plane referebat. Pedes anteriores antrosum, posteriores retrorsum spectabant cum ingrederetur. Digni quinque membrana interserpente distincti, eaque crassa. posterioribus digitis ungues impositi, non prioribus. caudā plane carebat. Postica parte repebat magis quam incedebat. Cute
 10 crassa, coreacea, pilisq; brevibus ac tenuibus obsita vestiebatur, colore cinerco. Grunniunt apri instar edebat, seu crocibat voce gravi & valida. Repebat per aream extra aquam, quod die per semihoram aut amplius dolio aqua pleno immittebant, ut se ibi oblectaret. Catulus erat, ut ferebant qui attulerant ex nova Zembla, decem hebdomadarum, dentes seu cornua exerta, ut adultiores, nondum habens, tubercula tamen in superiori labro percipiebantur, unde brevi proditura facile apparebat. Ferum & validum animal calebat ad tactum, valideq; per nates spirabat. Pulmentarium ex avena miliove comedeat lente & suctu magis, quam deglutiendo, herumque gestantem cibum ac offerentem magno nisu ac grunniū accedebat, sequebaturque, nidore ejus allectus. Lardum ejus gustantibus haud insuave visum est. Conspiciebantur ibidem
 20 duo majorum capita, dentibus duobus exertis Elephantorum instar, longis ac crassis & albicantibus munita, qui deorsum versus pectus spectabant. Eorum coria cecce aut 15 pondo pondisse ferebant Angli qui attulerant. Hisce dentibus rupes ascendere seque sustinere aiebant. & prodeunt in continentem seu terram ut somnum ibi capiant gregatim. Pabulum aiebant illis esse folia oblonga ac magna, herbe cujusdam ex fundo maris nascentis. Nec piscibus vivere aut carnivorum esse. Vidi ibidem penem ejusdem animalis osseum, rotundum, cubitum & amplius longum, crassum, ponderosum ac solidum, in fine prope glandem longe crassiores ac rotundiores. Hujus pulvere ad calculum pellendum Moscovitæ utuntur.

Ab hisce insulis ad insulam *Brion* v. leucæ numerantur, in situ autem & magnitudine
 30 hujus insulæ prodenda ab autoribus variatur. *Quarterius* Gallus qui primus has partes lustravit, atq; huic nomen imposuit, duas in longitudinem totidemque in latitudinem leucas patere tradit, alii longe minorem ambitum designant: piscosum esse mare quod hanc insulam circumluit, uno consensu tradunt; solum etiam ab ubertate pariter laudant, quippe & piscis lætum & satis opportunum; de arboribus haud itidem conveniunt; *Quarterius* enim proceras arbores, alii tantum humiles & mera fruticeta se hic invenisse testantur, nisi forte nōmina insulatum mutata sint, atque hinc differentia inter scriptores orta. *Quarterius* inter soli dotes, fraga, rosas, vineas & plures herbas, etiam
 pisca optima passim in campis sponte nascentia, enumerat. Adjacet huic alia minor, quam *Isle Blanche* appellat, eadem soli fecunditate.

Brion Insula.

Isle Blanche. Ramez.

40 Imprimis autem hodie celebrantur *Ramez* insulæ (*Isles Ramees* Champlanio) à civibus S. Malo anno c1515. primum aditæ, Walrusorum capiendorum gratia, qui maximo numero ad has quotannis scitificandi causa solent adnatare: mox etiam ab Anglis. Verum in situ harum designando, in ambitu definiendo, tantopere itineraria utriusque gentis inter se & cum iis qui harum ante meminerunt, differunt, ut certi aliquid definire perdifficile sit. Galli ad altitudinem 47 graduum collocant & 20 miliar. ambitum tribuunt, quam barbaris *Menguth* dici produnt. alteram huic proximam, *Hap* appellari, 20 miliaria longam, solo ærenoso & neque arborum neque graminis feraci. *Duoron* quoq; insulam, trium leucarum intervallo à *Ramez* divisam, alveo septem octavo orgyas alto, intercurrente. Nos insulas *Rameas* & *Brion* prout invenimus
 50 in tabulis hydrographicis Gallorum maxime recentibus, ita exprimi in nostra curavimus, donec diligentia navigantium majorem lucem adferat.

Méquith. Hup. Duoron.

Obscurum omnino est dextrum freti S. Laurentii latus; nam licet à *Quarterio*, qui primus per angustas fauces, quæ inter septentrionale *Terra novæ* cornu & Americæ Septentrionalis continentem in fretum hoc mediterraneum exeunt, navigavit, multæ insulæ, varii sinus, stationes, portus, amnesq; nominentur, incerta hodie sunt omnia, & nuda nomina atque indigesta, magno molimine lectoribus objicere, hoc vero

esset ipsorum patientia abuti. Itaq; monuisse contentus, fauces has à Gallis *Golfo de Chateaux* dici & aliquot leucarum spacio angustas, ubi se pandere incipiunt, littoribus utrimque recedentibus, magnum primo sinum, vulgo *Grand Baye*, efficere, deinde ubi se latissime explicant, *Golfo de S. Laurens* nominari, cætera intacta præteribo.

C A P. VII.

Insula Natiscotec, hodie Assumption vel Ascension; & fluvius Cheschedec, aliique amnes.

ANTEQUAM descriptionem magni fluminis Canadensis aggrediar, nequam prætereunda est Insula satis ampla quæ ostio illius objacet, illudque in duas veluti fauces dividit. Ea barbarorum lingua *Natiscotec*, Quarterio qui primus illam detexit *Ise de l'Assumption*, Ioanni autem Alfonsi de l'*Assencion* appellatur: circiter 35 leucas in longitudinem, septem aut octo in latitudinem patet, & à gradu 48 & semisse ad gradum usq; 50, Eurum & Corum inter, porrigitur. A majori hujus Freti aditu circa promontorium *S. Laurentij*, ad orientale hujus insulae cornu, 50 leuc. numerantur: à sinu vero *S. Georgij* ad occidentalem *Terra nova* oram sito, ut ab Anglis observatur, leucæ tres & quadraginta.

Peramena est insula, nullis montibus aspera, plano & fecundo solo, variis arboribus ad oram usque littorum vestita, inter quas piceæ excellenti ideoq; ferarum in illa ubique magna copia, ursorum, lyncium, herinaceorum & similium: Avium autem infinitus numerus, tam silvestrium, quam littoralium & aquaticarum. Piscosum in ambitu mare, etiam cete in freto & juxta occidentale litus Terræ novæ sauciata, hic in littora non raro propelli experientia testatur. Stationes habet aliquot satis commodas, sed raros portus; nec ab ullis mortalibus insulam hanc habitari à quoquam hæcenus traditum inveni. E regione occidentalis cornu hujus Insulae, ad australe Americæ septentrionalis plagam, flumen exit, à *Iacobo Quarterio* secunda expeditione aditum, cui nomen *Cheschedec* etiamnum manet: invenerat jam ante septem Insulas, continentesq; cui illæ objacent, humilem, planâ & plurimis proceris arboribus vestitam, sed crebris vadis & arenosis pulvillis obfessam, quæ ad leucam & supra, in altum sese projiciunt & relabente æstu extant, magnoque discrimine à navigantibus adeuntur: hæc vadosa ora creiter decem leucas occupat & ad orientalem hujus fluvij ripam definit. Flumen ipsum tanta pernecitate erumpit, ut discussis maris fluctibus, diu qualem emisit undam agat, suumque inter falsas undas alveum fervet, & ultra milliæ ab ipsius exitu dulcium aquarum haustus sit: in ipso ostio octodecim pedes altum est: intus innumeros *Hippopotamos* nutrire affirmatur; amphibium id animal, noctu superatis ripis egreditur in aridum, interdiu altum repetit.

A flumine *Cheschedec* versus occidentem sinus est, insidâ navibus statio propter brevità & scopulos: ultra tendentibus flumen occurrit *S. Margareta*, in ipso ore octodecim pedes altum minuente æstu, ubi fluctus implevit, tres orgyæ: sed objectu vadi navigantibus insidiosum: oritur longè à mari è mediterraneis versus ortum, ubi ex altris jugis se præcipitat: hinc potissimū augescit. Haud procul ab ostio promontorium modice eminer ad dexteram adjacet exigua insula. Omnis hæc ora distat ab æquatore gradus 55; multis arboribus & præsertim piceis vestita, & in modica juga se attollens.

Tribus à flumine *S. Margareta* leucis, alius amnis effluit, cujus magnitudo & altitudo ignota est, quia ostium illius crebris vadis & rupibus veluti obturatur, ab hoc ora in varia promontoria & sinus lancinatur, ipsa maximam partem humilis & arenosa. Sedecim porro leuc. magis ad occidentem sinus se pandit, in quem fluvius descendit, multarum navium capax, qui optimus est hujus oræ portus, nisi quod ora ob vadorem brevia, ad unam atque alteram leucam in altum egredienda non sine magno discrimine propius aditur. Atque porro ora nunc prominet nunc in sinus retrocedit, & aliorum insulas objectas habet usque ad notissimum portum *Lesquemini*, qui tamen & ipse male fidus est, crebris rupibus circumdatus, ore angusto, & quod unam tantum navem simul admittat, nihilo secius Cantabri hunc cete capiendi gratia solent adire. Tota hæc regio juxta litus humilis est & plana, mediterranea in colles montesq; assurgunt & silvis atque saltibus horrescunt; neque soli bonitate neque cæli temperie cum adversa Novæ Franciæ regione comparanda est, licet multo depressior sit.

CAP. VIII:

Portus Tadoussac & Flumen Saguenay.

HAUD longe à portu Lesquemin, portus *Tadoussac* occurrit, creberrimis Gallorum & aliorum navigationibus inprimis celebratus, juxta ostium magni fluminis *Saguenay*, de quo statim dicitur. Exiguus est hic portus, & haud supra viginti navium capax, jacet in recessu quodam juxta ipsas magni fluminis fauces; exterius quidem à parva insula vel potius scopulo, quem marini fluctus fere exederunt, interius autem & in ambitu altissimis montium jugis clauditur, qui paucilla terra testi, cætera saxa & cautes, altissimis piceis vestiuntur: haud procul à portu palus est collibus arboriferis circumdata. Mare in ipso portu satis altum, vicinitate rapidissimi fluminis, mirabili æstuum varietate agitur, ventis vehementioribus & intensis frigoribus valde obnoxium. Portus ad Eurum maxime pater, sed hic minus metuendus est, à ventis qui flumen descendunt omne discrimen, utrumque illius cornu æstu relabente vada aperit; in ipso decem & nonnullis locis viginti orgyrum altitudo est: in ipsum sinus gremium palus prædicta per exilem canalem sese exonerat, sicuti & per alterum emissarium in ipsum flumen, duoque hi canales insulam quandam à continente præcidunt, in qua barbari quotannis quum ad hunc portum veniunt, ut merces suas (quæ fere è pellibus ferarum constant) cum Europæis commutent, tuguriola sua struere consueverunt.

Flumen indigenis *Saguenay* dictum, vastum est & multis locis ad ducentas orgyas (mirabile dictu) altum: à Coro descendit, adeo pernix, ut maris æstum accedentem dudum frustretur, & decursum ad ipsum pene ostium servet: ostium quidem tantum quartam leucæ partem pater, sed quo magis ascenderis, eo latior fit alveus, multoque ab utraque parte receptos amnes secum devehit in mare, quorum quidam etiam navigabiles sunt: ad quinquaginta leucas ascendi potest versus Corum, ubi tum de modicis jugis præceps ruit, nonnumquam & in lacus spargitur, aut ab illis aquas fœneratur; multasque insulas vel potius rupes alveo suo lambit, omnes arboriferas. Ripæ dextra lævaque abruptæ in altissima montium & petrarum juga exsurgunt, arborum lucis densa & aspectu horrida. Regio soli cœlique inamœnissimi, & humano cultui ob continua frigora ineptissima, vera solitudo, nam nec sylvæ aves nutriunt præter paucas minutiores, nec lacus nisi statis quibusdam anni tempestatibus aliquot fluviatiles. Barbari qui huc commerciorum gratia è remotioribus Continentis regionibus descendunt, mira de hoc flumine narrant, atque adeo longo multorum dierum itinere, superatis variis cataraetis; de quibus præceps unda volvitur, enavigatisque aliquot lacubus, tandem in conspectum magni maris Septentrionalis perveniri, magna asseveratione nostris persuadere conantur: sed vanitatem barbarorum & mentendi libidinem non raro expertis (interdum non sine periculo) in ambiguo fides vacillat, neque quisquam hætenus, quod quidem sciam, paulo altius hoc flumen ascendit, neque ullum operæ pretium foret contra rapiditatem fluminis, in tam incultis & horridis regionibus luctari.

A sinistra hujus fluminis ripa, provinciæ barbarorum (quos vulgo Canadenses vocant) sumunt initium, itaque jam tempus est ut de principe harum regionum flumine porro agamus. Unum admonebimus, à portu *Gaspé*, qui jacet ad oppositam oram, è regione *Natiscotee* Insulæ, ad *Tadoussac*, octuaginta aut nonaginta leucarum intervallum præscribi ab itinere hujus gnaris.

*Magnum flumen Canadense; regionum item adjacentium designatio
usque ad Quebeca.*

INTER illustria Septentrionalis Americae flumina facile principem locum tucur hoc, quod olim *Quarterium* qui primus lustravit, *Hochelaga* (ob causam quam mox indicabimus) posteriores *S. Laurentii* dixerunt, nunc vulgo ab accolarum nomine Canadense appellatur. Id in Interioribus hujus Continentis provinciis ortum, interdum in lacus spargitur, rursusque contractis ripis per angustas fauces enititur, nonnumquam & praecipitur, multos magnosque amnes recipit & deducit, alibi latius, alibi angustius, multis anfractibus & sinuosis flexibus descendens, donec ad occidentale insulae *Nasicotec* sive *Assumcionis* caput sese stretto *S. Laurentii* miscet, ingenti ore & inter utramque Continentis oram triginta aut quadraginta leucas lato, & supra centum & quinquaginta orgyas alto, maxime prope australem ripam. Pene supra fidem piscorum est; nam statis anni tempestatibus, pro cuiusque piscis genio, ab ipso ore ad fontes usque, non modo fluviales, sed & marini pisces, (qui quidem amnes ingredi haud aspernantur) maximo numero capiuntur. Inter quos unus à *Quarterio* memoratur, peregrinae admodum formae, magnitudine orae, colore plane candido, capite leporino, barbari sua lingua *Adhorhues* appellabant: magna horum copia reperitur paululum supra ostium *Saguenay*, ubi aqua dulcescere incipit.

Utraque fluminis ripa peramena est, sed maxime ascendentibus sinistra, solo leniter versus ripas declivi & sensim sese in colles & montes attollente: ubique autem arboribus & silvestribus vineis vestiuntur, gratissimo aspectu, de jugis multi rivi, torrentes, & modici amnes descendunt & à magno flumine absorbentur. Multas insuper alveus complectitur insulas, plurimos facit sinus & recessus, de quibus ut eo ordine dicamus, quo jacent, à *Saguenay* redordiemur, hactenus enim superiori capite dextram ripam produximus.

Ile aux
Lievres.

Sex itaque ab ostio illius leuc. versus oceanum, parvula insula Continenti praeextitit, quam à piscibus illis, quos modo descripsimus, *Leporariam* vocant; distat à dextra quidem ripa duas, à sinistra vero quatuor leuc. sub hac anchorae tuto figi possunt. è Contineute fluvius exit, resurgente aestu vadofus, *Champlanio Riviere aux Saulmons*, quia *Salmones* hic capiuntur. Tribus ab hoc leucis distat promontorium *Delphini*, quod amplissimum & circiter viii leuc. latum aperit, in cuius gremium amniculus exit, minente aestu vadofus; clauditurque à promontorio *Aquilino*. Unius leuca: intervallo objacet Insula *Avellanarum*, à multitudine illarum arborum, quibus tota scatur. dicta: tres leuc. in longitudinem patere, binas in latitudinem, *Quarterius* prodidit; *Champlanus* dimidia parte minorem facit: ad utrumque cornu fastigiatur, versus occidentem pascua: circa litus quod *Africum* adspicit scopuli extant, & hic fluctus admodum fervet: Ceterum peramena est insula, & arborum lucis vernans; haud supra mediam leucam à ripa diremta; è regione illius, modicus amnis è continenti prodit, *Riviere du Goufre* *Champlanio*, non ab altitudine ipsius amnis, vadofus enim est & ob rupes ostio illius obiectas, navigari difficilis, sed ab altitudine freti quod insulam & continentem interluit, & magnis aestibus concitatur, etiam quum venti silent. Ob eandem causam & promontorium, quod quinque leucas hinc abest versus occidentem *Cap de Tourmente* Gallis dicitur. Hinc jam unda magni fluminis magis magisque dulcescit.

Cap Dau-
phin
I. aux
Coudres.

I. d'Or-
leans.

Succedit duarum leucarum intervallo Insula, *Quarterio* quidem *Bacchi* ob virum silvestrium multitudinem, hodie *d'Orleans*, à dextra quidem ripa mediam, à sinistra scsquileucam dirimitur; patet in longitudinem sex, in latitudinem haud multum supra unam leuc. australe illius latus abundat sylvis & pascuis delectabili varietate. Ad austrum aliquot minores insulae adjacent, planae & aequales, laeta pascuorum & lucorum varietate delectabiles, nec ferarum inopes, sed inter ipsas & conti-

continentem multi scopuli interfunt, qui difficilem navibus ea parte accessum faciunt.

A flumine *Saguenay* ad dictam insulam, ripæ fluminis Canadensis magno flexu versus Africum incurvantur, solum utriusque continentis, altis montibus asperum est & infsecundius, multis piceis & similibus arboribus ubique obfessum: ripæ scopulis hac illac sparsis aditu difficiles, ipsæque fluvius haud facilis navigari nisi cum summa cura.

Porro ab Insula Aurelianensi ad *Quebec* (de quo paulo post) unius leucæ iter est: Totum autem illud Continentis Septentrionalis spatium, quod *Tadoussac* & *Quebec* interjacet, à Gallis *Novelle Bisaye* appellatur: finitur autem torrente rapidissimo, Nova
Cantra-
bria. qui è lacu, decem circiter leucis à ripa fluminis, in altis montibus ortus, ab iisdem in abyssum supra viginti cubitos altum se præcipitat, & ex adverso Insulæ hujus in magnum alveum devolvitur; Caracten vocant Galli *le grand Saul de Momoranci*.

Hactenus dextram ripam secuti sumus, antequam autem ad ulteriora pergamus, etiam oppositam obiter lustrabimus. E regione occidentalis Anguli Natiscotæ Insulæ, versus austrum promontorium vulgo de *Bontonieres*, in altum egreditur, & paulo ulterius versus Corum promontorium Episcopi, & in ipso littorum flexu versus occidentem promont. de *Chat*, supra quod altissima montium juga sese ostentant, Cap de
l'Évef-
que.
Mantane
fluv. vulgò *Monts de Reître dame*. Nec procul hinc *Mantane* in magnum alveum decurrit, Cap de
l'Évef-
que.
Mantane
fluv. exilis amnis & ad octodecim leucas tantum parvis cymbis navigabilis: Barbari qui amnem hunc accolunt, ubi ad fontes illius ascenderunt, cymbas suas leucæ circiter spatio humeris portant ad alterius amnis originem, qui in magnum sinum se exonerat, atque ita merces suas facili commercio permutant. Viginti à *Mantane* leucis, *Le Pic* occurrit, mons de se consurgens & quod magis exurgit eò exilior; ab hoc ad portum *Tadoussac* in opposita ripa quindecim leucarum trajectus est. Medio autem inter *Mantane* & hunc montem insula *s. Barnabæ* occurrit, ripæ huic Insula S.
Barnabæ. propior: cætera hujus ripæ tantum leviter cognita sunt.

C A P. X.

30

Interiora Fluminis Canadensis, & de urbe Hochelaga à Jacobo Quarterio quondam visa & descripta.

ANTEQUAM descriptionem Fluminis Canadensis & riparum illius secundum recentiorum designationes prosequamur, non abs re fuerit priorum ante meminisse, & quæ à Jacobo Quarterio sunt observata in medium adferre. Is igitur quum ad Insulam *Bacchi*, hodie *d'Orleans*, cum navibus suis ascendisset, paulum versus occasum provectus, idoneumque portum nactus, ibidem anchoras jecit, portuique *S. Crucis* nomen imposuit (*Champlanius* quibusdam argumentis evincere conatur, hunc locum hodie *Quebecq* dici, alii aliter sentiunt:) ubi tum barbari fixa domicilia habebant & municipium *Stadsam* live *Stadaconam*: Quumque jam autumnus appropinquaret, domum ædificandam curavit, hibernationi aptam, in quadam fabriles operæ occupantur, ipse cum aliquot sociis xix Septemb. anni cIo lxxxv interiora fluminis lustrare aggreditur: Ripæ autem utrimque supra modum amœnæ vixæ, ingentes arborum luci & saltus & innumeræ vites, sed minorum atque acidiorum uvarum feraces, utpote incultæ: Ipse fluvius amœno blandus alveo, multis dextra lævaque barbarorum pagis & domiciliis cultus, qui piscibus potissimum victitabant. Viginti quinque milliar. supra portum *S. Crucis*, fluminis alveus veluti constringitur & per angustas fauces super rupes & saxa sub undis latentia, Stadaco-
na. rapido fluxu eluctatur, ideoque & navigantibus infidus: hæ angustix barbaris *Achelaci* live *Hochelag* dicebantur.

Novem deinceps dierum itinere subvectus, magnum lacum intravit, in quem flumen spargitur: duodecim hic in longitudinem, quinque aut sex leucas in latitudinem patebat, duas plerisque in locis orgyas altus, sub initium unam & semissem, quatuor aut quinque fluviorum influxu nutritur, qui aliquot minores insulas intersecant: hinc deinceps flumen certo suoque alveo labitur & alterum rursus lacum

pandit, à quo ad *Hochelagam* quadraginta quinque leucarum iter est; flumine toto illo spacio vadoso & nonnisi minoribus cymbis navigabili.

Hochelaga.

Ipsa urbs *Hochelaga* sex aut septem leuc. à ripa fluminis distita erat, in amœno & bene culto agro; abietum & pulcherrimarum quercuum ingens hic erat copia, & spatiosissima arva. Maizyque sacra, quo indigenæ pro farre utuntur. Urbs ligneo vallo in orbem munita erat, trabibus transversis & tignis singulari industria inter se compactis, fastigiato & asseribus extus & intus superinductis clauso: additum erat, circa fastigium, tabularum, ad quod scalis ascendebarur & in quo silices & saxa magno numero erant congesta, quo propugnatores si vis hostilis ingrueret & tuto possent consistere & subeuntes à vallo saxorum ejaculatione summovere. Domus 10 in urbe paulo pauciores quinquaginta, itidem è materie structæ & corticibus arborum tectæ, quindecim passus latæ: quinquaginta ut plurimum longæ, in varia cubicula & conclavia eleganter distributæ, unico pene in medio ædium foco. Populo annona, aliaque inter se communia erant; panis è Mayzio, quod Caracomy appellabant; fabarum, pisorum, melonum, atque cucumerum assatim; pisces ad solem & ventum siccatos aut fumo induratos in hibernum tempus seponebant; vestes è ferinis pellibus componebant, ex iisdem & strata super tabulata, paulum supra solem edita struebant. Gens divitiarum contemtrix, quas neque apperunt, neque norant, unicâ de victu & amictu curâ. Neque commerciorum causa, ut plerique barbari, peregrinationes suscipiebant, sed limitibus suis contenti, operam omnem 20 & industriam in colendis agris, in venationibus & piscationibus collocabant. In pretio solum habebant *Esfurny*, candidum instar nivis, quod in fluminibus reperiri scribit *Quarterius* in *Cornibots* (quid hæc vox sibi velit, indagare nondum potui, nisi forte conchyly quoddam genus sit, aut pro *Cornibot* scriptum fuerit *Caramot*, quo nomine squilla Gallis designatur): in hunc modum: Cadavera hostium suorum, aut etiam civium ob gravius aliquot delictum morte multatorum, oblongis vulneribus in partibus maxime musculosis incisa, in flumen demergebant, & duodecim aut plurius horarum spacio in fundo relicta, denuo extrahebant atque ita in incisuris illis, preciosum illud suum *Esfurny* inventum, in monilium usum efformabant. Regulum suum qui *Agouhanna* illis vocabatur, summopere venerabantur, & ferarum 30 pellibus insidentem, in humeros sublatum circumgestabant. Beata procul dubio gens, nisi verum Deum, illiusque cultum penitus ignoraret.

Hæc à Iacobo *Quarterio* proluxe commemorata, præterire nolui, quamvis à Champlanio, aliisque Gallis, licet longinquioribus multo itineribus susceptis, nihil hodie de hac urbe aut gente compertum fuerit; sicuti neque de aliis multis quæ *Quarterius* aut visa sibi, aut ex barbarorum relatu accepta memoriæ prodidit, quæ ut incerta & dubiæ fidei, hic operose recensere nequaquam necessarium existimaui.

C A P. XI.

Descriptio magni fluminis Canadensis circa Quebec & supra, secundum observationes recentiorum.

CAPITE nono utramque magni fluminis ripam profecti sumus usque ad *Quebecq*, ita posteriores Galli & Champlanius, vocant angulum quandam continentis, ad altitudinem sex & quadraginta graduum & viginti scrupul.: Colonia Gallorum de qua mox dicetur, illustratum, & tum quum Galli primum hic appellerent, densò nucum luco amœnum. Vicina regio uberrimo est solo & ad quævis sata reddenda peridoneo, sed fere ingentes sylvæ occupant variarum arborum, nec nostris dissimilium, etiam fructiferarum, puta nucum, prunorum, cerasorum, quæ ob culturæ defectum, fructuum bonitate plurimû à nostratibus superantur: vites innumeræ: rubi, 50 fraga & similes fructus: herbæ & radices ad usum humanum utiles passim multæ: vicinus fluvius, (qui hic tantum quartam leucæ partem latus) large pisces, sylvæ feras subministrant. Cælum salubre ab exitu Aprilis ad medium Decemb.: hiberni autem menses morbi, scorbuti & similes affectus afferunt: Hyems enim hic admodum longa, ita ut sæpe nives usq. ad initium May solum operiant, quod mirû videtur ratione clymatis. Corus hic omnium frigidissimus, hibernis mensibus nives, æstivis serenos soles adducit.

Quo

Quo altius ab hoc loco flumen ascenditur, eo magis delectabiles ripæ apparentes sed alveus fluminis nunc unam nunc duas leucas latus, sentim fit exilior & propter crebra vada & rupes difficulter & cum discrimine navigatur.

Quindecim à Quebec leucis versus occidentem ad oppositam ripam, alter angulus prominet, cui *S. Crucis* nomen etiamnum hæret, ab Iubetis Quarterii ut vulgo creditur: licet totus sit arenosus & Cori violentiæ expoliis, pascuaque quæ adjacent, ubi fluctus implevit, aquis operiantur; & difficulter adiri possit ob breviam, cautesque & fluvii rapiditatem. Novem ab hoc leuc. è dextra ripa effluit modicus amnis, *Sankla Maria*, vulgò, & paulo ultra jacet insula, (*S. Eloy Gallis*), à qua quinque leucarum iter est ad fluvium, Gallis *les trois Rivières*; hujus ostio aliquot minores insule obiacent arenissimo prospectu; & statim occurrit Lacus *S. Petri* ad altitudinem sex & quadraginta graduum; octo leucas in longitudinem, quatuor in latitudinem patens, & tres quatuorve orgyas altus: ad dextram ripam *S. Susanne* modicus fluvius, ad lavam duo exiles quidem amnes, sed amenissimos campos permeantes, *du Pont* & *de Genes* vulgo, in lacum se condunt, ejus unda tam tarde movetur, ut fere stare videatur. Ad caput hujus lacus aliquot minores insule faciunt, multis arboribus vestitæ, & vinearum lato proventus & ferarum multitudine insignes. Ad lavam amplissimus fluvius exit, ab æcolarum nomine *Fleuve des Iroquois* Gallis dictus, quinque & quadraginta grad. ab æquatore: ostium quadringentos aut quingentos passus patet, alveus ab Africo in aquilonem divergens, utrimque amenissimas & multis arboribus opacas lambit ripas: novemque aut decem insulas circumgyrat: multis locis ultra dimidiam leucam latus, neque minus quam quatuor pedes, ubi maxime exilis, altus, per plana inde à novissimo cataracte descendit per quindecim leucarum spatium; ipse cataractes lacus instar sparsus & vadofus, præcipiti lapsu tam citus devolvitur, ut nullis cymbis superari possit; barbari tantum monoxulis suis lintribus, summo labore & magno discrimine enituntur: hoc cataracte & item altero superato, deinceps in magnum lacum intratur, qui octuaginta aut centum leucas ambit, multasque insulas complectitur, quantum quædam decem & plures leucas in longitudinem patent, castorum copia opulente: lacum ambiunt sylvæ, castaneæ, quæ cæteris Novæ Franciæ regionibus insolentes, feraces: lacus varios pisces nutrit, & inter illos unum alibi ignotum, quem barbari *Choufarou* vocant; hic ad decem pedum longitudinem non raro exerefcit, longus & ceres instar Lucii, durissimis cinericei coloris squamis, & quæ ferri aciem hebetent, totus, veluti Accipenser, armatus; rostro oblongo, magno rictu & duplici acutissimiorum dentium ordine ad utramque maxillam præditus; non modo cæteris hujus lacus piscibus infestus est, sed & aves singulari industria venatur: inter arundines quippe & juncos ad ripam lacus latitans, rostrumque erigens & rictum supra undas deducens, tamdiu immotus præstolatur, donec aves doli ignaræ, in rostrum illius tanquam stipitem incumbant, præfenti suo exitio. Barbari caput hujus piscis maximi faciunt, & quum capitis doloribus tentantur, utuntur dentibus ad venam secandam, illa parte, quæ laborat, præfenti ut ipsi testantur levamine. Supra ripas lacus utrimque altissimi montes visuntur; quorum juga ad orientem verâ perpetuis nivibus cædunt: Juxta hos *Iroquois* amenas & Maizii feraces incolunt valles; quemadmodum & ad austrum, juxta minorem lacum, qui ad Norumbegam defleat; quo & montes se exporrigunt altis quidem jugis sed haud ita nivalibus. Huic à se primum adito, Champlanius nomen de suo inposuit. Sed ad magnum flumen regrediamur.

Ab ostio fluvii Iroquosiorum aliquot leucas provectis, ingens occurrit cataractes *S. Ludovici*: ubi flumen se veluti in lacum dispargit & inter rupes & minutas insulas crebris vorticibus tam pernix ruit, ut navigiis superari nequeat, itaque barbari linternas suos monoxulos in terram subductos humeris gestant ad caput cataractæ. Porro duabus supra hunc leucis alius lacus jacet, duodecim leucas ambiens & tres mediocres amnes excipiens, quorum unus ab Occidente descendit & ab *Ochataguinis* accolitur, qui longa riparum spacia inde ab ostio hujus amnis occupant; alter ab Austro ex Iroquosiorum provinciis; tertius denique à Septentrione cujus ripæ ab *Algaumequinis* & *Nebicerinis* habitantur. Lacus autem complectitur pulcherrimas insulas, ripæque omnes & vicinæ terræ vastis reguntur nemoribus; quinque

Saulc S.
Louis.

quinque & quadraginta grad. ac octodecim scrupul. ab æquatore, ut *Champlanus* observat: Qui quum ex uno suorum, quem jam ante in interiores provincias lustrandi gratia ablegaverat, intellexisset, mare arcticum per tertium hoc flumen adiri posse (nam se eousque pervasisse & navis Anglicanæ tabulas fractas in littore vidisse mentiebatur) minore cymba iter est aggressus: sed postquam longa terrarum spacia summa cum difficultate esset cimensus, plurimos lacus, multos catartas & cæcos scopulos superasset; varias gentes, *Quenongebinos*, *Oue-scharinos*, *Algoingequinos* & *Marou-scherinos* adiisset, denique jam septem supra quadraginta gradus ab Æquatore abesset, tandem incolarum indicio, & conductoris sui confessione se deceptum cognovit, & voti irritus, alio itinere reineavit ad *Quebecq.*

Porro Champlanus supra catartem S. Ludovici collocat Lacum *Algommequinorum* in quem fluvius descendit, cujus ripas utrimque claudit solum inferiundum, & habitatoribus infrequens, qui *Otaguottovemini* appellantur ex gente Algommequina, & ferina atque piscibus victitant.

Proximus huic sed longo intervallo jacet Lacus *Xipiserinorum* sex & quadraginta gradibus & xv scrupul. ab æquatore; hi barbari parce admodum sementem faciunt: pater in longitudinem viginti quinque, in latitudinem octo leuc. gallicas. Succedit lacus *Artigovautanorum*, qui patet in longitudinem pene quadringentas leuc. gallic. in latitudinem quinquaginta; unde à Gallis Mare dulce appellatur. Supra fidem piscosus est, nutritque inter alios pisces, grandissimas Trutas. Maxima pars accolitur ab Artigovautanis, qui hic octodecim pagos habitant, quorum sex ligneo vallo muniti sunt, pene ad modum Hochelagæ, de qua supra.

cap. 2.

CAP. XII.

Barbarorum qui has Novæ Franciæ regiones incolunt, habitus, mores, religio, idioma.

PRIMUM ad descriptionem reliquarum N. Franciæ regionum transeamus, de ingenio, moribus, atque institutis barbarorum qui ripas magni fluminis accolunt, quique vicinas regiones inhabitant, pauca sunt dicenda: Galli qui hæc regiones crebrius adierunt, uno pene ore testantur, indigenas licet temperamento corporis Melancholico videantur, hilariiores tamen esse & ad risum admodum pronos: Lente fermocinantur & planè, ut qui se intelligi velint, sæpiusq; meditabundi sermonem suspendunt & per intervalla repetunt. Qui haud longè à *Quebecq.* degunt, à medio Septembre ad mediū Octobrem anguillarum capturæ dant operam, (quarū circa hoc tempus maxima in fluminibus est copia,) easque recentes in cibum adhibent, & siccatas in hybernū penu recondunt; hyeme autem quum nives altissimæ sunt (ita ut solum interdū ad trium pedum altitudinem operiant) venationibus Castorum indulgent, pedesque craticulis quibusdam suffulciunt, ut tutius vestigia super nives possint figere; iconem è *Commentario Champlanii* acceptam hic adjunximus, Anguillis absumtis, venatu Alcium & aliarum ferarum se sustentant; sed his quoque deficientibus, admodum inopem vitā degunt & non raro misere cum fame colluctantur; limaces tum studiose investigant, denique & canes suos mactant, neque a pellibus quibus vestiuntur abstinēt, aut interdum ab impuris & putridis cadaveribus; uti à Champlanio notatum. Duobus vitis vel maxime obnoxii sunt; nam primo



primo vindictæ cupidissimi sunt atque in hostes suos aperto Marte aut ex insidiis captos, immani & plane belluina crudelitate sæviunt, tam vivos quam mortuos: secundo mendacissimi sunt & cum primis dolosi perfidique; ita ut neque ipsorum verbis, neque promissis temere fides sit habenda.

¶ Vt plurimum nullis legibus, nullis institutis politicis, ferarum in modum agunt, tantum abest ut aut Deum noverint aut numen aliquod ulla specie religionis, cultu ve veneratione. *Quartium* quidem prodidit, Barbaros apud quos juxta S. Crucem hibernarat, unum Deum agnoscere & sub nomine *Cudruagnii*, superstitione timere potius, quam colere; mira que fabulari de omnium rerum conditore, & hominum
10 creatione, verum tamen has divinæ cognitionis veluti scintillas, tam supina & crassa ignorantia obrui, ut penitus extinctæ videantur: verum hujus cognitionis hodie ne vestigia quidem apparent,

Habent autem suos vates atque harios, *Pillotos* vocant, quos familiariter cum cacodemone sermones serere & rerum gerendarum momenta exquirere, eventusque prænoscerere credunt; ideoque hiis non ante consultis, nihil temere aggredi, obnuntiantibus autem omittere aut differre solent. Quin & suis quique insomniis miram fidem adhibent, & ex iisdem insequentis diei auspicia præcipiunt. Et, quoniam supra modum meticulosi sunt, iisdem ita terrentur, ut è stratis suis sæpissime exsiliant & tanquam ab hostibus suis inopinato deprehensi, reliquam noctem insomnes agant.
20

Corporis statura sunt mediocri, bene compositis membris, sine ulla insigni deformitate; tam feminæ quam mares colore subfusco aut illo qui in maturis olivis cernitur, idque non à nativitate, sed à certis unguentis & coloribus, quibus corpora sua à teneris illinere consueverunt: quidam & notis quibusdam & puncturis cutem pingunt ut formosiores appareant.

Æstate quidem seminudi agunt, hyeme vero totum corpus, pellibus alcium, vrsorum, castorum & similium ferarum tegunt. Arma ipsis sunt arcus & sagittæ lignæ clavæ & palmæ corio testæ. Icones à Champlanio expressas hic adjungere visum, in quibus habitus marium & arma ipsorum videre est.



50 Adolescentulæ postquam decimum & quartum aut quintum ætatis annum attigerunt, omnibus promiscue sui copiam faciunt, dein post quinquennium aut sexennium, tam vagæ libidinis pertæse, unum sibi virum deligunt, cum quo reliquam vitam pudice agant, & pleræque haud facile fallunt nisi forte viro conscio. Si tamen steriles esse comperiantur, viris illas dimittere & alias sumere licet: mariti ut plurimum valde zelotypi sunt & conjuges suas curiose observant. Cæterum haud alios matrimoniorû ritus norunt, quam parentibus munera mittere quorum filias ambiunt
aut

aut sumunt. Vti autem & faminarum atque adolefcentularum amictus, itemque cultus & ornamenta, quibus in festivitatibus & publicis choreis magis se onerant quam ornant, plenius cognosci possint, ex eodem Champlanio icones unius adolefcentulae, & duarum utrimque faminarum, hic subjecimus.



10

20

Mortuorum cadavera scrobe effossa in visceribus terræ condunt, vestesque, lebetes, secures, arcum, sagittas & quicquid vivi possederunt juxta collocant, & terra aggeris in modum aggesta operiunt, tignis superincitis & aslere quem rubrica quadam tingunt, hic tumuli apud illos honos: animarum autem immortalitatem proficentur, easque à corpore separatas in longinquis regionibus & amenissimis locis cum amicis ante defunctis, delitiose vivere opinantur.

Atque hi quidem omnium pene illorum barbarorum mores, sed victus inopia & misera ista vivendi ratio non omnibus æqualiter accidit: qui enim ab ostio fluminis ad Cataracten S. Ludovici utramque ripam accolunt, *Montagneta*, *Canadenses*, *Souriquosii* & similes, quia terram non colunt, inopem vitam & nonnumquam gravem esuriem tolerant: qui vero supra cataracten & in mediterraneis degunt, *Algoumequini*, *Ochastaguini*, *Yroquosii* aliique complures, agros colere & fruges in horrea cogere sueti, raro hanc inopiam patiuntur, nisi quum aut messis festellit, aut ipsi non bene rationes suas subduxerunt. nam omnibus hisce barbaris familiare (ea est gentis segnitie) non longius quàm in unam hyemem, idque satis parcè, prospicere: ex quo fit ut & ipsi interdum egeant, & numquam aut raro admodum vicinis aut advenis quicquam possint impartiri.

De barbarorum lingua quædam à *Quarterio* atque aliis observata, hic adjungere operæ precium visum. Ex barbarorum lingua qui Hochelagam incolebant, numerorum nomina hæc annotata: I. *Secada*: II. *Tignem*: III. *Hafche*: IV. *Hannaion*: V. *Oviscon*: VI. *Indahir*: VII. *Ajaga*: VIII. *Adigue*: IX. *Madellon*: X. *Assen*. Quæ Canadenses hodie (ut à *Lescarboto* Gallo observatum) in hunc modum efferunt. I. *Begou*: II. *Nichou*: III. *Nichroa*: IV. *Rau*: V. *Apateta*: VI. *Contourvachin*: VII. *Neovachin*: VIII. *Nestovachin*: IX. *Pescovadet*: X. *Metren*.

Partium humani corporis nomina apud Hochelagenfes *Quarterius* observavit ista.

Caput	<i>Aggonzi</i> .	Genua	<i>Agochinegodascon</i> .	Os	<i>Esahe</i> .
Aures	<i>Aventacon</i> .	Manus	<i>Aignoascon</i> .	Barba	<i>Hebelin</i> .
Lingua	<i>Osnache</i> .	Viri pudenda	<i>Ainoascon</i> .	Collum	<i>Agonhon</i> .
Capilli	<i>Agoniscon</i> .	Vir	<i>Aguehum</i> .	Venter	<i>Efchebenda</i> .
Stomachus	<i>Aggruscon</i> .	Frons	<i>Hergeniascon</i> .	Tibiæ	<i>Aganguenchonde</i> .

Digiti

Hiela	Accens.	Femine pudenda	Castaque.	Femina	Appulse.
Oculi	Hipata.	Dentes	Eligant.	Facies	Hegonaton.
Brachia	Aggrem.	Femora	Heinegradian.	Pubes	Ophidifcon.
Ungues	Aggradifcon.				

Atque hæc quidem de Veteri lingua intellexerint. recentioribus autem post mentionem Græcorum ceterorum hi haberi ut sepe sonum ita & linguam mutant, quemadmodum ex comparatione lingue h. denique qui tunc Europæi commercia exerceant, multa vicalia Cantabrigiæ & Gallici jam in usum repperunt licet ob pronunciationis difficultatem in parte deformata.

C A P. XIII.

De Attyvancanarum moribus & institutis i. Champlani Commentario.

CHAMPLANIVS Accurate admodum nolens delictum Attyvancanarum mores, qui ad quid regnum quatuor grad. vicius Arctum degunt, & quibus & reliquorum barbarorum ællimari possunt. Tuguria spicorum ad modum firenorum facta sunt de cortice arborum recta, viginti quinque aut triginta de semipedibus longæ, & sex libris armque etbulata supra solium autior pedes erecta, super quæ ællaro colunt, ut pulices vident, & quibus mure infestantur, semita decem aut duodecim pedes lata figurantur hyeme humi super illicreas iuxta focos cubant, qui in fine, ut tuguria plures præ munem familiarum inam interdum viginti & plures familia in una tugurio habitant unde cum graviter & humo vexantur, ut plerique ubi euerant, viam præventur.

Antiaque ætatem maxime communis est Maizium & phalephi: Maizium autem leviter etbulatum in lignis mortuæ frangunt, frædique adunt phalecolas, aut alios fructus ad solem ficatos, interdum & adipe cervinam & mixta tepida coquit in phacena quæ scilicet inibus coquunt & coctus tepida abluunt. Idem consuevit, quantitate daturum aut inam pugnum, aqua mæcent & in olla coquunt, continuo agitant, dein addunt pulum parvillum, & centum sic ad solem induratum: hunc cibum, vocant *Atigan*, & variis modis condunt, sed quovis modo conditus male olet, pessime autem hyeme. Canes in delictis habent & in festivitibus mensis infertur, quemadmodum & ferinam. Vepulurum quoque Maizium cum spica luceno aut quæ immergunt, & tantisper relinquunt donec putuerit, dein exentum cum iucibus aut catibus ebulliant: licet autem gravissimum odorem de se fundat Maizium putridum, tamen vel maxime id faciunt, & vidillime. etiam in coctum lapine & coquunt. Viri denique ætatem ab quoque annis, & in totius festivitibus utuntur.

Valis & pellibus variorum ferarum componunt, aut cum modum quem supra in leombo excellunt. Plerique tamen pinguius nigro aut rubro colore, minus tunc, arboris visum aut pinguius aliorum ferarum: vestes naturæ & extrinsecus parum differant, nisi quod hæc etiam ornari gestunt plurimum conchyliis molle inter se coniectis: hæc adolecentulis ut imprensus onerant ut prope phacena.

Mares fecerunt venationibus & piscaturæ interueniuntque sunt operam, Tuguria frangunt, & an bellum prægrediuntur: feminarum autem iniquissima conditio est, nam non tantum ignis colunt, & ligna congerunt, & melleis coquit omniaque domesticia munia obeunt, veram etiam maritus ad bellum egredientes comitantur, & necessaria omnia mulierum instat præstant. Matrimonium pene ad eundem modum se habent quem superiori capite de disciplinis, nisi quod feminæ etiam carissæ, postquam unum elegerunt, fidem seruent, vepulurum impone, & omnia hæc ignaro. Politicum aut civile regunt ipsi nullum, nullæ leges, omnia iniquitate, nisi quod privati interdum per vias illas libidine crudelissime mutantur, unde non raro domesticæ & civiles discordiæ, seditiones & bella inter ipsos exoriantur: singuli tamen pari consilium quoddam & sanandus coeque consueverunt, in quibus deliberant de illis quæ facienda sunt:

nec tamen uni alicui parent, sed varios duces pro te nata constituunt, quibus libere obediunt & prout libet.

Religionis forma ipsis nulla, nullum numen agnoscunt, diabolum tamen superstitiose venerantur sub nomine *Ogni*; quamquam & ambiguum est, an eo nomine daemones designent, siquidem omnia quae communem rationem excedunt, aut quae admirantur, eodem nomine appellent: Eodem & divinatores suos & hariolos atque magos appellant (qui apud Algommequinos & Montagnetas *Manitones* appellantur) ii & Medicinam & chirurgicam exercent, futura praedicunt, & miris illusionibus miseros infatuant: methodus medendi plane ridicula est, nam fere choreis & cantillationibus aegros delectant, & comotationibus tempus terunt.

Hymen, (quae hic ab initio Decembris durat ad finem Martii) ut plurimum genio indulgent, & vicinos pagos advocant ad choreas & cantationes, (*Tabagos* vocant haec festa,) ita ut interdum quingenti barbari conveniant cum conjugibus & filiabus, quae tum potissimum dant operam ut bene ornatae prodeant: eodem tempore multi personati vagantur, qui ostiatim saltant & canunt & à singulis familiis nominatim petunt ea quibus maxime capiuntur, quae petentibus denegare inurbanum putant.

CADIA sive ACADIA.

CAP. XIV.

Nova Franciae partes quae austrum respiciunt, quas Galli CADIE sive ACADIE vocant.

HActenus illas N. Franciae regiones profecti sumus quae magni flumen Canadense attingunt, nunc ad eas transcendimus quae Oceano alluvuntur & austrum aspiciunt sed antequam eo descendamus, pauca dicenda sunt de ora quae orientem spectat & freto S. Laurentii pulsatur. In huius orae Septentrionali parte est regione Insulae Assumptionis, octo & quadraginta gradibus & XLV scrup. ab Aequatore, Gaspe sive Cachepe portus jacet, Gallorum navigationibus jam notissimus, sinum aperiens quatuor leucas in ipso aditu latum, & septem octove intra continen-
tem se recipientem in quem fluvius exit in mediterraneis ortus & circiter xxx mill. per planam descendens. A promontorio S. Laurentii ad hunc portum LXX aut LXXV mill. numerant. Haud longe ab hoc portu versus austrum angusta cervice promontorium se exferit, statimque retractum, alterum pandit sinum, tria milliaria latum, & pene totidem profundum, vulgo *Baye de Mornes*: hinc obijcet versus austrum *Insula Perforata*, instar scopuli utrimque erecta & per medium divisa, exili alveo, qui nonnisi scaphis, ubi aestus implevit, navigatur: haec insula tam vadosa freto & tantum quingentos passus lato à continente dividitur, ut aestu minuentur pene sicci pedibus transiri possit.

Hinc continens magis versus Africum, inflexo littore grandem sinum admittit (*Quaetertio Golfo de Chaleur*) cuius os ad quindecim leucas patet, freto in quibuldam locis quinquaginta & plures orgyas alto: dextrum latus assurgit in nemorosa juga, laevum planum est & raris arboribus vestitum: medium sinus abest à Aequatore septem & quadraginta gradus & xxx scrupul. Sinum claudit ad austrum Promontorium *spei Quatterio*: iuxta quod fretum S. *Lunarii*, sicile aperit. Reliqua ora ad fretum quod Insulam S. *Laurentii* à continente dividit tantum obiter cognita, & ob breviam aditu difficilior est.

Cadix pars continentis, triangularis est formae, basis illius, quae longissima, adspicit austrum, & inter portum *Campseu* & promontorium *Furcata*, ab ortu exorrigitur in oceanum: reliqua duo latera post varios anfractus & recessus sensim se adducunt, donec ad oceanum quidem circa interiora sinus Francici, ad ortum vero Freti S. *Lunarii*, pene conant, qui duo sinus exigui terrae spacio diuini hanc provinciam pene Insulam efficiunt. Orientale latus obiter jam ante attingimus; ad cornu basis, juxta *Campseu*, celebris portus, a duabus insulis veluti ocellus, & propter brevia & cautes, altitque & ferventem mare difficilior aditu: distat ab Insula S. *Laurentii* fretum octo milliis, ab aequatore quoque & quadraginta grad. & xx scrupul.

Ad hoc portum versus oceanum ad portum *de Savahste* numerantur sex milliis.

à Sana.

à Sanalette ad Insulas, quæ magno numero continenti ordine objacent, & exilibus canalibus separantur, milliar. quatuor: ab his ad viridem insulam sex aut septem: è regione hujus exit modicus amnis cui ab insula viridi agnomen datum: ab illa porro ad sinum omnium Insularum, sex mill. Toto hoc spacio litus omne pluribus scopulis, qui fere integrum milliari in altum descendunt, obsidetur, & mare supra modum fervet. Quatuordecim ab hoc sinu milliari. portus *S. Helene* aditur qui distat ab æquatore quadraginta & quatuor grad. & xl. scrupul. huic parva insula objacet exili admodum freto & quod æstu resluente vado transitur, à continente dirempta. Ab hac ad *Sesambren* insulam sunt octo milliari. interest amplissimus sinus qui à salubritate æ-

Isles Ranges.

Sesambre

10 ris Gallis dicitur *Baye Saine*.

A *Sesambre* ad fluvium *S. Margareta*, qui distat ab Æquatore quatuor & quadraginta gradus & viginti quinque scrupul. seseque exonerat in mare ex adverso martyrum insularum; septem milliari. Octo ab his milliari. Promontorium *de la Heve* exit in altum, pone quod portus jacet eodem nomine, quatuor & quadraginta gradibus & quinque scrupul. ab Æquatore, ubi tuto anchoræ figuntur. adjacet parva Insula, longa quidem sed angusta, arboribus vestita: à qua versus ortum sinus irrum-
pit in continentem, minores aliquot insulas nemorosas gremio suo comprehen-

Port au Mouton.

Port Ne-gré.

20 dens. Proximus jacet portus *Rosignol*, ab insula objecta pene oclusus, in quem modicus amnis descendit à media inter occidentem & arcum plaga, viginti, quinque circiter milliarium iter ab ortu suo emensus. Hinc ad portum *Ovinum* ad altitudinem quatuor & quadraginta graduum septem milliaria numerantur: circularis hic est formæ, parvæque insula ori illius objecta clausus, duabus faucibus mare admittens, quarum primæ quæ versus septentriones vergunt tantum duas orgyas, alteræ quæ ad austrum spectant tres quatuorve, ipse sinus septem aut octo altus: in medio sex minores insulæ sparæ; duos exiles amniculos recipit: ora quæ ambit tota nemorosa est & propter vicinas paludes magna hic cervorum aliarumque ferarum copia. Hinc ad portum *Nigritarum*, à vicino promontorio *Cap Negre*, decem milliari. objacet enim promontorio rupes, quæ eminus conspiciat, caput nigritæ haud male refert. Hactenus ora maritima humilior est & pumulis arboretis
30 atque fruticetis obsita; insulæque innumeræ vel potius rupes passim objectæ, omni ferarum genere re-fertæ.

Haud longe hinc jacet sinus arenosus, peroportuna statio: duoque versus occalum milliaria Promontorium arenarum, ob vada & rupes, quæ ultra milliari in altum se projiciunt, imprimis vitandum. Hinc ad Insulam corvorum marinorum, ob insignem illarum avium copiam, unius leucæ tractus; & è regione jacet sinus, duo aut tria milliaria in continentem irrumpens, vulgo *la Baye courante*; à quo ad extremum hujus oræ promontorium, quod vocant *Furcatum* duo sunt milliaria. Multæ hic insulæ vastè in altum projectæ & quatuor quinqueve milliarium intervallo à continente disjunctæ, multæ itidem rupes, ipseque oceanus flu-
40 tuosus atque fervens: harum insularum aliz ab avium earumdem multitudine *Isles aux Tangueux*; aliz à piscibus illis, quos veteres Phocas vocabant secundum Bellonium, *Isles aux Loups marins*: Gallis dicuntur, ad altitudinem trium & quadraginta graduum & triginta scrupul. Hactenus littora australia ad occidentem pertinent.

Baye de Sable.

I. des Cormorans.
C. Fourchu.

CAP. XV.

*Descriptio ora Accadiæ quæ ad Aquilonem deflectitur
& de Portu Regali.*

50 **I**N Vixta Promontorium Furcatum, portus est qui à promontorio nomen mutuatur, in ipso quidem aditu satis altus & navium stationi opportunus, sed in interiori gremio relabente æstu siccus, præter elicem modici amnis, qui per latissimam pascua descendens hic exit. Hinc jam ora leniter versus septentriones flectitur, ad novem aut decem milliaria: nulli hic portus majorum navigiorum patientes: sed aliquot recessus & littora multis insulis aut scopulis, vadisque impedita, usque ad Insulam longam, inter Africum & Boream in longum exportectam, ad ipsos magni
sinus

sinus Francici, ut vocant, fauces sex milliaria in longitudinem, vix unum in latitudinem patet, tota nemorosa & ob vada & rupes aditu perdifficilis: ætus hic admodum fervet, præsertim in alveo qui insulam à continente dividit, unde *le passage Courant* à Gallis appellatur. E regione Insulæ continens mari in semet admissio, sinum & tutissimum navibus receptum aperit, tria milliaria in ipso aditu patentem, *S. Maria* nomine hodie notum: ingredientibus ad dexteram portus est *S. Margarite*, quatuor & quadraginta gradibus & x x x scrupulis ab æquatore versus arctum; in ipsis faucibus tantum octodecim pedes altus, in interiori recessu tres orgyæ: solo cingitur plano & fertili qua Eurum spectat: ad lævam sinus est exiguus, juxta quem argenti venas deprehensas nonnulli affirmant: paululum interius amnis *Boulay* effluit, itemque alius in intimo sinus gremio, quod angusto terræ spatio à Portu Regali dirimitur: uterque amnis ferri fodinis celebris & pascuis juxta ripas dives; solum sanguineo pene colore rubet.

Port
Royal.

Ab Insula longa littus magis versus Boream retrocedit usque ad *Portum Regalem*, nulli sive amplitudinem sive bonitatem spectes facile secundum, unde & nomen meruit; distat ab æquatore quinque & quadraginta gradus. Fauces illius patent octingentos passus, ipse portus bina in longitudinem, unum in latitudinem milliari; vel millium navium capax & adversus incerta ventorum egregie tutus: tres amnes in illum effluunt, quorum unus satis amplus & vulgo *de l'Equille*, à pisciculis qui ibidem capiuntur copia ita dictus; ab oriente descendens longa terratum spacia emetitur: ab ipso ostio, quod quadrantem milliariis patet & in duas veluti fauces, ab objecta insula arborifera & amœnissima, dividitur, modicis navigiis ad sedecim milliaria ascenditur, ubi alveus adhuc sexaginta passus latus & octodecim pedes altus; ripa utraque arborifera insignes fagos & fraxinos nutrit.

Alter *S. Antonii* nomine notus, portum subeuntibus ad dexteram, exilior est & ab insula objecta clauditur; imminet ripis nemus, densitate sua commercium inter hunc portum & sinum *S. Mariae* impediens. Tertius ad idem latus, quia ob vada & rupes orti illius obversantes, navigiis adiri nequit, vocant *Ruisseau de la Roche*. Galli hic anno c1610 cv sedes fixerant, uti paulo post dicemus.

A Portu Regali littus adhuc magis versus boream declinat, ad promontorium *Poutrincourtii* & altitudinem quinque & quadraginta graduum & x l scrupul. ubi mare in sinum sese infundit, qui viginti milliaria ambitu suo complectitur, longior multo, quam latior, in intimo recessu amnem exilem & aliquot torrentes excipiens: E regione Promontorii & ad lævum sinus jam dicti latus, portus jacet, *Port aux mines* vulgo, ab æris metallis dictus, quæ bis quotidie à fluctibus operiuntur. Atque hic Continens longo atque angusto tramite inter duos sinus producit & promontorium, vulgo *Cap de deux Bayes*, à re dictum, facit: ulterior autem sinus, vulgo *Baye de Gennes*, mare per fauces quinque milliaria latas, admissum, interius amplissimo ambitu deducit: duoque flumina recipit, unum ab ortu solis, alterum ab Arcto descendens, & haud longe à freto *S. Lunarii* cum dextero Peninsulæ latere penecoit, & Cadix limites in conum fastigiat.

C A P. XVI.

Souriquosorum, qui hic incolunt, mores, instituta, idioma.

CAdix sive Acadix indigenæ, maxime qui circa Portum Regalem degunt, Souriquosii appellantur: statura corporis sunt mediocri, membris bene compositis, sine ulla deformitate. colore ut cæteri fere barbari subfusco, ob causas alibi commemoratas: quodque barbaris qui sub Tortida zona degunt formæ decus, simis naribus hic admodum rari; capillo ut plurimum nigro, rarissime alterius coloris, nisi forte interdum rufo aut qui castaneis est; barbam non nisi primores alunt, cæteri radicibus evellunt: cæterum cultu corporum, vestitu atque victu, à cæteris barbaris de quibus jam egimus nihil discrepant. ætate piscibus, hyeme ferina victitant: panis usum quum neque serant neque metant, penitus ignorabant, donec à Gallis edocti, triticum, farinam & legumina in cibum adhibere cæperunt, quæ pellium commercio jam

jam commutant. Parent suis Regulis, quos *Sagamos* vocant; eadem ipsis veri Dei ignorantia quæ cæteris, nullaquæ veneratio aut religionis usquam forma. Magos suos habent atque divinatores quos *Autmeins* appellant, tanta dignatione, ut ipsi Reguli plerumque id muneris obeant: dæmonis oraculum hi consulunt & ipso præeunte futura prænuntiant, ambiguis plerumque responsis, interdum & veris: hunc consulunt, scrobem effodunt & in illastipitem figunt & fune alligato se prosternunt & ore in scrobem verso, mirabiles gestulationes, evocationes & conjurationes adhibent, tanto corporis motu ut largum sudorem eliciant, his persundi & dæmonem advenisse & se illum fune constrictum tenere misero popello persuadent, atque illius indicio varicinantur. Iidem & medicorum & chirurgorum munia obeunt: ad ægros vocati, invocato prius dæmonio, partes affectas tentant, halitu suo humectant, interdum & venam secant & sanguinem exsugunt: eadem pene methodo in vulneribus curandis utuntur; & postquam sanguinem exsuxerint, pellicula genitalibus Castorum detracta, obligant; neutrum gratis, serina aut pellibus ab ægris ubi convalescunt donantur.

Hæc gens idiomate multum discrepat à Canadensibus & reliquis barbaris qui continentem N. Franciæ incolunt, cujus pauca vocabula è multis, hic inferere haud abs re fuerit. Numeros usque ad decem ita efferunt. 1. *Negout*. 2. *Tabo*. 3. *Chicht*. 4. *Neou*. 5. *Nan*. 6. *Kamachin*. 7. *Eroguenick*. 8. *Meguemorchin*. 9. *Eghkonadeck*. 10. *Metren*. Annos per Soles numerant *Cach' metren* *Achtek* centum anni: menses per Lunas, *Metren Kitch Kaminnan*, decem lunæ. Diverſas anni tempeſtates ab effectis aut proprietatibus circumscribunt. *Nibir betour*, id est ubi frondes pullularint, pro verno tempore: ita & in cæteris. Partibus humani corporis hæc apud illos nomina sunt:

Caput	<i>Menongi</i> .	Capilli	<i>Monzabon</i> .	Aures	<i>Seekdoagan</i> .
Frons	<i>Tegoey</i> .	Oculi	<i>Nepiguigour</i> .	Supercilia	<i>Nitkou</i> .
Nasus	<i>Chichkon</i> .	Os	<i>Aleson</i> .	Labia	<i>Nekovi</i> .
Dens	<i>Nebidie</i> .	Lingua	<i>Nirnon</i> .	Barba	<i>Migidion</i> .
Gula	<i>Chidon</i> .	Collum	<i>Chitigan</i> .	Brachium	<i>Pisguechan</i> .
Manus	<i>Nepeden</i> .	Digiti	<i>Troeguen</i> .	Venter	<i>Migedi</i> .
Umbilicus	<i>Niri</i> .	Pudenda viri	<i>Carcaria aut Iray</i> .	Fæmina	<i>Match</i> .
Testes	<i>Nererow</i> aut <i>Marios</i> .	Anus	<i>Menogoy</i> .	Genua	<i>Cagiguen</i> .
Crura	<i>Mecat</i> .	Pedes	<i>Nechit</i> .		

Sexum & cognationes ita distinguunt.

Vir	<i>Merabovion</i> aut <i>Kessona</i> .	Fæmina	<i>Mebovion</i> .	Pater	<i>Nouchick</i> .
Mater	<i>Nekich</i> .	Frater	<i>Skimesch</i> .	Soror	<i>Nekicht</i> .
Filius	<i>Nekovis</i> .	Filia	<i>Netouch</i> aut <i>Pecenemouch</i> .	Nepos	<i>Neroux</i> .

Elementa & quæ ex illis composita, ita nominant:

Ignis	<i>Bucktoun</i> .	Terra	<i>Megamingo</i> .	Lapis	<i>Knoudou</i> .
Pulvis	<i>Pechan</i> .	Mons	<i>Pamdemour</i> .	Aqua	<i>Chabawan</i> aut <i>Orenpeoc</i> .
Cælum	<i>Oiajeck</i> .	Sol	<i>Achteck</i> .	Luna	<i>Knichkaminau</i> .
Stella	<i>Kerkooeth</i> .	Lignum	<i>Remouch</i> aut <i>Makia</i> .	Cortex	<i>Bovouac</i> .
Folium	<i>Nibir</i> .	Sylva	<i>Nimbeck</i> .		

Armorum nomina: Arcus *Tabi*. Sagitta *Pomio*. Culter *Hoïagan*.

Mechanicarum artium haud plane sunt rudes, nam & imagines quasdam barbarico ritu sculpunt, non tamen ut idola venerantur. Canticenas quasdam in festivitibus suis, quæ *Tabagia* vocant, ut & aliàs adhibent & ad modulos earundem aut terram pede feriunt aut subsiliunt, iisdem & magi ipsorum utuntur. *Escarbotus* Gallus illarum aliquot enim suis modulis exhibet, nos hic unam apponemus.



Tameja alle luya tameja douvem hau hau hé hé.

Canticena autem absoluta præsentem omnes accinunt aut acclamant Hé é é é. Mirum autem unde his vox Alleluya, quam tamen aliquoties perfecte à se auditam *Escarbotus* testatur, penes quem fides sit. Atque hæc de Barbaris, nunc reliquum continentis persequamur.

Continens Noſe Franciæ uſque ad flumen Pemtegoët.

E Regione Promontorii duorum Sinuum, ad Australem Continentis plagam, notat Champlanius in Tabula ſua Geographica, flumen S. Ludovici, cujus tamen ſub hoc nomine nuſquam in ſcriptis ſuis meminit; licet circa hæc loca exte-
lem amnem & cymbarum tantum patientem memoret, juxta quem ferri metalla re-
periantur: quatuor ab hoc milliariis verſus Zephyronotum (ad hanc enim plagam
littora declinant) angulus terræ prominet, objectis cautibus & ferventi æſtu, na-
vigij fallax; & juxta illum modicus ſinus jacet ferri venis notus: nec procul alius
ſinus & inſulæ aliquot continenti objectæ, uſque ad Promontorium Rubrum,
pone quod, pulcherrimus amnis effluit; quinque & quadraginta gradibus & qua-
draginta ſcrupulis ab æquatore; barbari vocant *Ouygondy*, Galli *Sancti Joannis*, non
ſine discrimine tamen hic aditur, propter vada & cautes, anguloſque prominentes:
ore eſt anguſto, licet ſedecim nonnuſquam orgyas alto, ſenſim deducit ripas, rur-
ſuſque adducit, juxta cornu quoddam terræ, ubi inter duarum rupium anguſtias
cito curſu cataraſtæ in modum eluctatur, nec facile niſi quum æſtus implevit na-
vigijſ ſuperatur; dein ruruſ in latitudinem unius milliariſ ſe pandit, quam dudum
ſervat: barbari hæc via ad Tadouſac ſe penetrare narrant, lintres brevi terræ ſpacio
in humeros ſublatoſ transferendo. Salmonum captura celebratur hic fluviuſ, &
ferri metallis. Oſtio fluminis verſus occidentem adjacet Inſula, quam Galli à forma,
la Neſ, id eſt navem appellant; & oram legentibuſ aliæ atque aliæ inſulæ occurrunt,
quarum una, quæ ſex milliaria ambit, *Manthane* à barbariſ nominatur. Hic Inſula-
rum veluti chorus in ſinus gremio diſperſuſ & crebris alveis intercifuſ, varioſ portuſ
& ſtationeſ navigijſ ſubminiſtrat; hæc quoque adituſ ad flumen *Eſtecheminorum* patet
& ad parvam inſulam cui S. Crucis nomen indiderunt, quatuor & quadraginta
gradibuſ & viginti ſcrupuliſ ab æquatore. Hic Galli ſedeſ fixerant; quas poſt prima
hiberna deſeruerunt, uti mox dicemus. Præter flumen ab accolaruſ nomine
Eſtechemin dictuſ, quod ab occidente deſcendit & inſulam hanc utrimque lam-
bit, alii duo exiliores amneſ hic exeunt. Maio & Junio hic magna hæcūm copia
ſubit: ſolum aurem denſiſ arboruſ & fruticuſ nemoribuſ undiquaque impedi-
tuſ ideoque ſementi faciendæ inidoneuſ, niſi ſylvæ priuſ exdantur, tamen uber-
tatem quandam videtur promittere, ſi humanâ induſtriâ cultuſ accederet. Culiceſ
hic ſupra moduſ moleſti ſunt, quos ab humiditate ſoliſ gigni & lucoruſ denſitate
nutriti haud dubiuſ eſt.

Cap. Rou-
5c.

Barbari qui hic degunt *Eſtechemineſ* appellantur; habitu corporiſ, moribuſ atque
inſtitutiſ Souriquoſiſ plane ſimileſ, lingua diſcrepant, quod eſt numeroruſ nomi-
nibuſ, quæ hic aſcribere viſum, planuſ fiet. 1. *Bechkon*. 2. *Nich*. 3. *Nach*. 4. *Iau*.
5. *Prenchit*. 6. *Chachit*. 7. *Contachit*. 8. *Eroviguen*. 9. *Pechcoquem*. 10. *Peroch*. Ne-
que dubiuſ eſt in cæteriſ ad eundem moduſ diſcrepare.

Ab hoc ſinu verſuſ Norumbeguam per varioſ canaleſ, inter innumeraſ inſulaſ
navigatur, quarum una cæteriſ paulo major, barbariſ *Menane* dicitur, tria milliaria à
Continenti diviſa: cæteræ quæ viginti quinque milliariuſ ſpacio ſecunduſ littuſ
ſparguntur, communi quidem nomine *Iſleſ Rangeeſ*, ſed & peculiariſ nominibuſ à
Galliſ inſigniuſunt, quæ hic recenſere longuſ eſſet. Haruſ extrema & ad oſtiuſ flu-
miniſ Pemtegoët ſita, patet in longitudinem quatuor aut quinque milliaria & divi-
ditur à continenti anguſto freto; ad altitudinem quatuor & quadraginta graduuſ
& xxx ſcrupul. tota conſurgit in jуга, quæ inter ſe diviſa ſeprem aut octo montiuſ
ſpeciem eminuſ oſtentant, circa verticem nuda & meræ cauteſ; unde Galliſ *Iſle deſ*
montſ deſertſ dicitur. Littuſ omne à variiſ ſinuſibuſ & promontoriſ laceratur.

I. Men-
ne.

*De flumine Pemtegoüet, quod multi Norumbegum opinantur;
veterum errores notati.*

QVI superioribus annis de hisce regionibus scripserunt, multa fabulati sunt de celebri oppido & flumine *Norumbegua*, barbaris *Agguncia*; quæ hodie longè secus deprehenduntur, neque verisimile est hic umquam tale quid fuisse: interea, si altitudinis quam designant & aliarum circumstantiarum ratio inear, haud dubium est, illos de hoc flumine locutos, quod barbaris, ut Gallis quidem placet, *Pemtegoes* dicitur, ut Anglis autem *Pennobscot*. Ostio autem illius variz insulæ obiacent, decem aut duodecim milliaria à continente in altum projectæ, ad altitudinem quatuor & quadraginta graduum: ipsum octo novemve milliaria in latitudinem patet: dextroque illius angulo Insula montium desertorum prætexitur; lævus in planiciem stratus à barbaris vulgò appellatur *Bedabedec*: intermedium spaciū multæ occupant insulæ, quarum extrema vasse sese attollens Gallis *Isle Haute* dicitur, flumén subituris vel maxime observanda. Flumen haud supra viginti milliaria nãvigis ascendi potest, propter catartem de quo unda præcepit. Haud procul ab ostio ad lævam fluminis ripam, solum in immania juga erigitur, cætera planum & fertile, multis arboribus & præsertim abietibus utrimque vestitum: nulla hic oppida, raris tantum barbarorum mapalibus aecolitur, quæ è tignis contexta & arborum corticibus tecta sunt. Barbari qui hic degebant quum Champlanius flumen lustraret, de gente Estechemina se esse profitebantur: neque tamen statas sedes habere videntur, sed crebro prout aut venatio aut piscatura invitat, mutare. duobus rum Regulis parebant, quorum uni *Bessabez*, alteri *Cabahû* nomen erat, qui Champlanium satis benigne barbarico ritu exceperunt. Porro usitatum videtur hisce gentibus, non modo locum crebro mutare, sed & nomen, secundum Regulorum mutationem, à quibus ut plurimum nomen genti mutare solent: Atque hinc fit, scriptores pro temporum discrepantia in gentium nominibus prodendis plurimùm inter se dissentire: Anglorum enim præfatus *Joannes Smithus*, in huius fluminis descriptione, Bessabeos nominat (à Reguli Bessabez haud dubio nomine) & Tarantinos de quibus apud Gallos altum silentium. Cæterum hujus flu. accolæ, habitu corporis, cæterisque moribus & institutis, nihil ab aliis barbaris, de quibus jam egimus, differunt: ut mirum videri possit unde superioris seculi scriptoribus in mentem venerit tam magnifica de urbe Norumbegua referre.

A *Pemtegoes* ad *Quinnibequin* numerantur versus occasum milliaria quinque & viginti: toto hoc intervallo multæ insulæ obiacent continenti, & medio fere amplissimus se pandit linus, in multos canales & insulas divisus: è regione autem ostii fluminis *Quinnibequi*, jacet insula leniter convexa, atque ob id Gallis *la Torree* id est *Testudo*: inter hanc & Continentem cæcæ rupes & vada intersunt, ubi fluctus mirum in modum fervent. In ipso ostio flu. binæ utrimque insulæ, plures in interiori alveo ripis adjacent, non sine discrimine propter frequentia vada & cautes, rapidum. que eursum, nãvigis ascenditur: solum quod utrimque lambit effætum & crebris rupibus asperum, non nisi pumilas quercus fert, rara habet pascua, aut arva sementi faciendæ idonea.

Barbari qui hoc flumen accolunt, habitu & moribus à cæteris nihil differunt, piscibus, quos flumen abunde subministrat, & ferina vitam tolerant, terram se colere & sementem facere, sicuti alii qui magis ad austrum degunt, jam olim desuevisse narant, ob hostium vastationes, qui segetes illorum corrumpabant: descendit autem flumen è mediterraneis & ab aquilone, primo exile, mox aliis rivulis & amnis acceptis auctius, per varios anfractus, interque insulas modo placidum, modo pernix devolvitur. Angli alio nomine *Sagadahoc* appellant, ut sequenti libro dicemus; hic nobis propositum N. Franciæ descriptionem ex Francorum potissimum observationibus contexere.

B. S. Luc.

Fl. Quinnibequi

Sagadahoc.

Flumen Chouacoët, habitus & mores Almouchiquosorum.

A Flumine Quinnibequi quatuor milliar. versus austrum (hæc enim se ora in hunc modum) litus legentibus obuius fit Sinus, qui permultas insulas suo complectitur gremio, & ad continentem altissima montium conspiciuntur juga: hinc octo milliar. procectis, flumen *Chouacoët* sese aperit, tribus & quadraginta gradibus & x. v. scrupul. ab *Æquatore*, cum aliquot insulis in ipsis faucibus, quarum unam à vinearum multitudine, Galli quidem insulam *Bacchi*, nostrates vero *Wijn- 10* gaerden Eylandt vocant. Hæc duorum milliarum intervallo à continenti dirimitur, pulcherrimis quercubus & nucibus peramicena, arvisq; & satis valde opportuna. Flumen quâ exit, satis exile est, neque supra duas orgyas, ubi mare vel maxime implevit, altum, interius vero tres quatuorve; piscosum admodum: Solum secundum illius ripas uberrimum, pascuis latum & ingentibus abjetibus, fagis, ulnis peramicene ve- litum.

Barbari qui hic degunt ab aliis N. Franciæ indigenis, lingua & moribus multum discrepantes, *Almouchiquosy*, ut Champlanius scribit, appellantur. Capitis cæsiarum à fronte ad summum verticem abradunt, in occipitio eandem alunt & in nodos ad- 20 strictam variis plumis ornant; faciem rubrica aut nigro colore illinunt; bene compositis membris sine ulla deformitate: arma ipsis sunt lanceæ, clavæ, arcus sagittæque quas ferri inopia, monstrosi piscis *Signoc* crustacea cauda asperant. Hi agros colunt, secus quam reliqui barbari qui adorientem ab ipsis degunt, & maizii sementem faciunt, & phaleolorum variis & elegantissimis coloribus distinctorum, quos eo ordine terræ mandant ut mayzii culmi pro perticis ipsi sint: Sata sua & vepretis circumsepiunt & studiose purgant: serunt Majo, metunt Septembri. Iuglandes hic multæ, sed nostri minores; vites infinitæ, è quarum uvis mense Julio se optimum omphacium expressit testantur Galli. Etiam cucurbitas & similes fructus serunt, Tabacum denique. Fixas sedes habent nec facile locum ut ceteri barbari, mutant, tuguria sua quercinis corticibus regunt & crassis tignis in orbem communiunt adversus hostiles 30 impetus.

Quoniam jam monstrosi huius piscis mentio incidit, qui toti huic mari persamiliaris & frequens est, non abs re fuerit illum hic describere: & primum iconem illius convexa & concava parte satis accurate expressam apponere.



Piscis ergo hic *Signoc* vel *Signenoc* barbaris, nostratibus *Aranem Marinus* è Testaceorum est genere, duabus durissimis testis desuper reclus, quarum anterior patellæ instar convexa, admodum crassa, si non duplicata, circa frontem orbicularis & elegantissime conformata, qua alteri conjungitur semilunæ in modum excisa: exteriori latere tuberculis quibusdam seu brevibus & obtusis aculeis, distinctis ordinibus, aspe- 50 ratur: posterior testa alterâ exilior, rumbiformis & utrimque dentata, adhuc foraminulis quibusdam pulchro ordine variegatur: canda item testacea oblonga & reliquum corpus pene longitudine excedens, trigona & à sui medio ad cuspidem usque aculeis veluti ferrata & aspera. In convexa prioris patellæ parte fere circa medium duo illi sunt oculi, satis conspicui dum vita fungitur, ubi expiravit contractiores & cornea membrana obducti; plura erura habet instar Cancris & quidem primo octo breviora,

breviora, deinde bina oblongiora, & alia rursus bina breviscula repanda, neque chelis armata, sed officulo obtuso veluti remigio instructa quibus natare creditur; duas præterea circa os exiguas admodum chelas, quibus mandit: sub posteriore crusta vesiculæ aliquot sibi invicem super impositæ, quæ haud secus inflantur quam ranarum buccæ solent. Littora & vada amant & in æstuariis potissimum capiuntur, varia moles sunt enim non pauci quorum cauda palmum excedat: minor autem erat quem hic expressimus, unde factum ut omnes notæ quas descripsimus hic non tam evidenter appareant.

Fluminis ostio adjacet exigua insula arcu extruendæ opportuna, ad quasvis naves
10 aditu fluminis arcendas. Porro duo aut tria milliar. ab hoc flumine versus Eurum Promontorium jacet, & pone illud in recessu portus inter aliquot insulas, à quibus & nomen meruit: distat ab æquatore tres & quadraginta gradus & xxv. scrupul. Inde rursus prominens ora *Cap aux Isles* Gallis, id est promontorium Insularum facit: huic quippe aliquot nemorosæ insulæ adjacent, angusto freto à continente divisæ. Solum continentis frumenti & pabuli ferax; multa ibi arva barbarâ industriâ culta & arboribus grata varietate distincta. Barbari qui hic incolunt monoxulis lembis utuntur; cæterum habitu & moribus ab *Almouchiquois* nihil aut parum differunt, idioma ipsorum variat.

Ultra hoc promontorium pulcherrimus sinus se aperit, peridoneum navibus por-
20 tum præbens, unde & formosus Gallis appellatur; distat ab æquatore tres & quadraginta gradus. multi barbari juxta agunt & uberrima arva colunt: præterea torrentes aliquot, arva irrigantes, descendunt in hunc sinum. Ostio à promontorio Insularum milliar. versus austrum, declive S. Ludovici promontorium in altum educitur, ad altitudinem duorum & quadraginta grad. & xlv scrupul. à quo versus septentriones sinus jacet, multis barbarorum tuguriis & arvis undiquaque cinctus, in quem mediocris amnis, è mediterraneis descendens, egreditur, quem Galli *Riviere du Gaz*, nostri ab arenis de *Sand Riviere* appellant: *Champlainius* ad lacum Yroquoiorum pertingere suspicatur & fortassis ex illo effluere. Ab hoc promontorio ora paulum retrocedit & cubiti instar (multis sinibus & recessibus prius factis) reflectitur ad Promon-
30 torium quod Galli *Cap Blanc*, Angli *Cab Cod*, nostrates Staeten-hoeck, id est, D. D. lib. III. Ordinum cornu vocant: de quo plura suo loco dicentur. In ipso littorum reflexu importuosus sinus est, ideoque à Gallis *Malebarre* dictus, in amplissimo recessu qui tria quatuorve milliaria patet, multis barbarorum mapalibus undiquaque cinctus, cum pulcherrimis arvis & satiss, atque exili quidem amne sed potari pulcherrimo: ipse recessus ob frequentia passim vada mirum in modum æstuat ac fervet: ambiunt præterea sylvæ & luci proceris quercubus & benevolentibus cedris opacæ: Tabacum diligenter colunt accolæ: mapalia ipsorum rotunda sunt & storeis in ambitu operata, in medio focus, & circa fastigium foramen ad fumum emittendum. Hactenus ora N. Franciæ à Gallis anno c1010 cv accuratè lustrata pertinet.

40

C A P. XX.

Coloniæ Gallorum ad magnum flumen Canadense.

D ESCRIPTIONE regionum N. Franciæ absoluta, de Coloniis Gallorum & illorum gestis in hac septentrionalis Americæ parte, pauca adjungenda. *Jacobus Quarterius* anno c1010 xxxiv à Francisco I. Franc. R. cum duabus navibus ad has terras missus, quum mense Aprili è Gallia solvisset, lustrato primum littore *Terre Nova*, in Fretum S. Laurentii penetravit, illoque in gyrum circumnavigato, insulaque *Assumptionis* & magni fluminis ostio, inventis, in Galliam sub exitum
50 Septembris rediit.

Secundam deinde expeditionem, mense Majo anni c1010 xxxv suscipiens, magnum flumen Canadense ascendit & minoribus navigiis ad *Hochelagam* penetravit, & Gallorum coloniam apud portum S. Crucis collocans, ibidem hibernavit. Atque hic incognitus quidem tunc, nunc autem notissimus scorbuti morbus, colonos tantopere afflixit, ut multi misere perirent, reliqui autem decocto frondium arboris cujusdam quam barbari *Anneddan* appellabant, sanitati restituti: interim variæ inter ipsum & barbaros

1535.

- barbaros similitates eo usque exarserunt, ut Regulum ipsorum Donaconam ex insidiis captum & in naves impositum, secum in Galliam cum aliis nonnullis captivum abducere consultum judicaret: Quare erecta prius lignea cruce, & Regni Galliarum insignibus appensis cum hac inscriptione, FRANCISCVS PRIMVS DEI GRATIA FRANCORVM REX REGNAT, sub initium Iulij anno c1510 xxxvi in Galliam est reversus. Intermissam de hinc navigationem, anno demum c1510 xl, majore molimine Rex redintegravit, & plerisque barbarorum illorum jam defunctis, Ioannem quidem Franciscum D. de Roberval cum amplissima vice regentis potestate, Quarterium autem supremum Nauclerum ad provincias Canadæ & Hochelagæ ablegavit, Quarterius mense Maio cum quinque navibus à Gallia solvens, Augusto demum appulit ad portum S. Crucis, quem quoni superioribus annis satis incommodum esset expertus, duabus navibus in Galliam remisit, cum reliquis tribus flumen quatuor miliar. ascendit & idoneum locum nactus, castellum communivit Charlesbourg Royal, ubi cum suis hibernavit. Verum quum Robervallius non ante annum c1510 xlii cum tribus navibus soluisset, Quarterium jam redeuntem cum suis navibus, juxta sinum Conceptionis ad orientalem Terræ novæ plagam obvium habuit: quem quum à reditu in Galliam dimovere non posset (negabat quippe Quarterius barbarorum insolentiam à tam paucis compesci posse) progredi certus, & flumen Canadense invectus, quatuor supra Insulam Aurelianensem leucas ascendit mense Julio: ubi Castellum France Roy condidit, septem & quadraginta gradibus ab Æquatore versus Arctum, ut Ioannes Alfonso illius nauclerus prodidit. Atque ita aliquot annis hic perstitit, variasque expeditiones suscepit, fluviumque Saguenay lustrare est aggressus. Quo anno in Galliam redierit, non traditur: sed à Rege, sumtum sine ullo aut ad modum levi emolumento, petaso, esse revocatum scribit Escarbotus.

cap. iv. Tentatum dein simile quid, anno c1510 xcviij, à Marchione de la Roche, sed infelici eventu, nam quum aliquot suorum in Insula de la sable pene destituisset (quos postea inde reductos supra monuimus) nihil præterea memoria dignum gessit.

C A P. XXI.

Colonie Gallorum in Australem Novæ Franciæ partem deductæ.

- POST Colonias jam aliquoties in septentrionales N. Franciæ regiones frustra deductas, nihil amplius succedentibus annis à Gallis in illis partibus tentatum fuit, donec demum anno c1510 ciii Petrus de Gua Dominus de Monts, titulum viceregentis à Rege impetravit, in omnibus N. Franciæ provinciis, quæ inter quadragesimum & quadragesimum sextum gradum latitudinis septentrionalis continentur: & amplissimo diplomate ipsi soli concessum fuit Castorum & aliarum ferarum, pelles commutare, in provincia Cadie, insula Britonum, sinibus Sante Clara & de chaleur, Isle Percee, Gachepe, Chichedec, Mesamichi, Lesquemin, Tadousac & utramque fluminis Canadensis ripam. Quibus impetratis & centum virginum agricolis conductis, soluit è Gallia v11 Aprilis anno c1510 civ, & prospera navigatione usus, ad portum Ovium provinciæ Cadiz, primum applicuit & suos in continentem exposuit: verum consilio mox mutato, ad Insulam S. Crucis se contulit in faucibus flu. Eschechinorum. Hic quum prima hyeme, è septuaginta novem colonis, triginta quinque variis morbis interissent, & locus ob intemum frigus Gallicis corporibus incommodior videretur, anno c1510 cv, mense Junio, novo supplemento è Gallia accepto (quum varia ante loca, atque omnem omnino oram usque ad portum Malebarre lustrasset) consultus ipsi visum coloniam ad portum Regalem traducere, & quum triginta suorum cum idoneo commeatu hic collocasset, in Galliam transfretavit.

1605. Delhinc anno c1510 cvi, Dominus de Poutrincourt eodem cursum instituens, & australe Cadiz littus legens, colonos à Montano in portu Regali destitutos, obvios habuit reditum in Galliam meditantes, & haud invitos ad Coloniam reduxit. Hyems illo anno multo clementior fuit quam superioribus, minusque quam ante scorbuto laboratum. Primo vere omnis ora ad portum usque Malebarre & ultra studiosè ab ipsis observata, sub hyemem ad Coloniam redierunt. In gallia interim anno c1510 cvii, diplo-

diplomate antiquata, & commercio pellium omnibus permiscue proflutato, *Montanus* impensis ferendis inquit suos & Colonia Regali in Galliam reducere sinit coactus.

- Poutrincourtius* vero quum majori molimine, anno c1517 ex, novos colonos ad 1610.
portum Regalem deduxisset & aedificia omnia integra reperisset, totis solummodo
collapsis, ad agros cultivos & sementem faciendam primo animum adjecit: deinde
multos barbarorum, licet leviter admodum principia religionis Christianae edo-
ctos baptizari curat; & inter primos principem illorum *Menbertonum* jam centesimum
ut ferebant, annum ætatis egressum quem Regis Galliarum nomine *Henricum* nomi-
navit. His actis, *Poutrincourtius* filium suum sub initium autumnus in Franciam remi-
10 *sir*, Qui quum Regina vidua (nam Rex paulo ante inmani scelere trucidatus erat)
singula prout in N. Franciam gesta essent, ordine edideruisset, Jesuitæ qui in aula de-
gebant, inque illa plurimum poterant, obnixè à Regina contenderunt, ut quidam è
suo ordine in N. Franciam ablegarentur, cum pensione annua duarum millium li-
brarum, ad sibi à Rege paulo ante promissum arguentes; & quum illud facile impe-
trassent, duos è suis elegerunt Petrum Byardum & Edmundum Massium, qui illa
legatione fungerentur: eosque Diepam miserrunt, ubi navis à duobus mercatoribus,
qui cum *Poutrincourtio* societatem inierant, parata in anchoris stabat: verum quum
huc mercatoribus innotuisset, Jesuitas hosce ad hoc venisse ut navem suam con-
15 scenderent, acriter se opponere ceperunt, causati patricidium Regis nimis alte ad-
huc animis suis inhaerere, neque se induci posse ut fortunas suas periclitarentur in co-
lonia alenda: quæ in Hispani potestate quodammodo futura esset; se cuiusvis alte-
20 rius ordinis religiosos lubenter vecturos; Jesuitas vero nequaquam, nisi forte Regi-
næ placeret omnem sentinam simul exhaustire & universum ordinem simul in N. Fran-
ciam amandare: denique petere se, si Jesuitas hosce mittere omnino constituisset,
sumtus in navem factos refunderet: Quum autem nullis rationibus ab hac sententia
dimoverentur, consultum Regina: visum ut duobus coronatorum milibus navem à
mercatoribus redimerent: Jesuitæ itaque magna pecunia summa in hunc usum ab
amicis & obnoxio impetrata, mercatores absolverunt, & cum *Poutrincourtio* filio
societatem certis conditionibus iniverunt: Et Januarii demum anni c1517 exi 1611.
30 ventes, ipso Pentecostes festo ad Portum Regalem applicuerunt. Hic jam Jesuitæ
ingenio suo usi, omnibus negotiis sese immiscere, etiam extra vocationis & muneris
sui limites, & in barbarorum præsertim conversione tam imprudenter agere cape-
runt, ut non levis discordia inter *Poutrincourtium* atque ipsos oriretur: quo in Gal-
liam remeante ut Reginam omnia plenius coram edoceret, filius in illius præfatu-
ram successit, cui longe pejus cum Jesuitis convenit. Pater in Galliam reversus,
quum antecessentibus damnis pene exhaustus, ad novos sumtus faciendos minime
sufficeret, à Jesuitis persuadetur ut Marchionisiam de *Guereville* potentem fortunam
& societati supra modum additam in partem dimitteret: societate facta, *Gilbertus*
40 *du Thet* ejusdem ordinis, ab illa quantocius in N. Franciam mittitur, *Poutrincourtio*
in Gallia remanente. Hic quum ad coloniam applicuisset cum sodalibus suis, tunc-
tam similitatem cum præfecto suscepit, ut ipsum excommunicaret, totique colo-
niarum sacrorum usum interdiceret; rediit tamen paulo post in gratiam & *Gilbertus*
in Franciam remissus, ille prospera navigatione usus, nihil non movit, *Guereville*
præsertim opera, ut *Poutrincourtium* plane excluderet, adeoque res illius contur-
bavit ut subsidium coloniarum submitti tempestive non posset & coloni illam hyemem
in summa commearum inopia misere traducerent. Jesuitæ autem, impetratis à
Regina quidem quatuor tentoriis regalibus, largoque belli apparatus, à privatis vero
variis donis, mense Martio anni c1517 exi novam expeditionem in N. Franciam
50 susceperunt. Quumque in colonia portus Regalis neminem præter suos socios &
duos alios offendissent, illis assumtis, cursum ad fluvium *Pentagouet*, ubi sedem si-
gere destinaverant, flexerunt: Commodum ibi applicuerant, quum acriter cum ac-
colis contendere ceperunt, quod ipsis in exitum vertit. Angli tum forte cum una
navi, sub præfecto *Argalla*, ex Virginia ad hanc oram lustrandam venerant, id barbari
fieri opportunum rati, præfectum per nuntios de Jesuitarum in sua terras adventu
certiorum faciunt, qui nihil cunctati illam cum suis advolat: *Gilbertus du Thet*
inopinato illius adventu territus, suos ad arma vocat & majorum tormentorum telibus
Anglos

Angli subinvocare conantur, verum illi tanto impetu in Galliam navem invadunt, ut facile illa possiderent, Gilberto & aliis tribus in ipso consilio commotis & paucis graviter laceratis; reliqui duo Jesuitæ cum multis alii capsi, pauci scapiche-
 ne hieio se obdixerunt, Angliis primo navem cum captivis ut Virginiam adduxerit
 denuo ad suum hunc reversis, munimentum à Gallis instructum firmius everit,
 & cruci quam erexerant, columnam cum insignibus Angliæ substituit. In insula in-
 dem S. Crucis Gallorum opera subvertit & ad Portum regalem delatis, quoniam co-
 loniam vacuum reperisset, Pourtincourtio juniore tum absente, omnia adhibita de-
 molitur, & locum in solitudinem redegit. Quod quoniam Pourtincourtio anno
 1614. cło 15 exiv ad hunc portum appellens deprehendisset, vocatos & damna ali
 Anglis accepta temeritati Jesuitarum imputans, in Galliam revertitur, ubi paulo post
 Regi suo militans occubuit. Atque hæc quidem à Gallis in Australi N. Franciæ
 parte gesta.

C A P. XXII.

*Narratio eorum quæ à Gallis in Septentrionalibus N. Franciæ
 regionibus gesta sunt.*

MONTANUS marchio cujus superiore capite meminimus, omnia australi
 N. Franciæ parte jam ab anno cło 15 cviii ad Septentrionalium animam
 converterat, itaque impetrato à Rege privilegio Champlainem cum vicaria
 potestate ad magnum flumen Canadense mittit, hic quini primo portum Tadoussa
 adisset, & S. Malensium navibus ibidem inventis omni cum barbaris commercio in-
 terdixisset, adverso flumine ad promontorium *Quebec* attendit, & locum habitatio-
 ni commodum nactus, castellum fossa valloque circumdedit, ad altitudinem sex &
 quadraginta graduum & quadraginta scrupulorum. Tristitiam initio Octobris, fecale
 medio satum, vires sub exitum disposuit. Scorbti lucis mense Februario decem &
 octo colonos afflixit, quorum decem interierunt, uti alii quinque è dysenteria: Solum
 altis nivibus rectum fuit ad Calend. Apriles, nivibus tum primum liquefactibus.
 Quumque jam de vincti octo, qui hic hyemaverant, tantum octo, eique fere ægri,
 superessent, mense Junio anni cło 15 cix è Gallia opportuno supervenit supplemen-
 tum. Champlainis hoc accepto, cum Ochtaguiriis atque Algoemiquis, expe-
 ditionem suscepit in Yroquios, & superato caratele penetrat in eorundem Lacum,
 multosque barbarorum cæcis & paucis capsis inclutus cum suis Quicicum rever-
 titur, & relicto ibidem Chavino, qui ipso absente colonia præficeret, in Galliam.
 1610. Anno dein cło 15 cx rediens, quum colonos omnes incolunt & suos reperisset,
 denuo cum barbaris confederari in Yroquios movet, & magna strage edita, mul-
 tisque in miseram captivitatem, ab inhumanis barbaris, abusus ad, ad coloniam pri-
 mo, & mox, tantum septendecim ibidem relidis, in Galliam remeant. At anno
 1611. cło 15 cxi jam tertio in hanc N. Franciæ partem rediit, loco coloniam collocandæ
 idoneo juxta magnum S. Ludovici cataracten designato, nondum tamen colonia en-
 deductis, redditum in Galliam maturavit. Nam quum ex viciis Gallie portibus na-
 ves promiscue, commutandarum pellium causa, magnum dumerò auxilium non modo
 ipse nullum emolumentum ex hujus commutatis percipere poterat, sed & singuli
 grave damnum patebantur. Champlainis dispensatio præventivum ratus, Regem
 permovit ut Comitatem Suellonensem jura sua & Principem Canadæ hujus ex-
 peditionibus Patronum daret, ipsum vero illis vicarium constitueret. Quo dispo-
 nate auctus quartum navigationem in novam Franciam suscepit mense Aprilis anno
 1613. cło 15 cxiii, & prospera navigavit, cum vii. Maii Quebecum venit, & colonos
 suos incolunt, reperitque ab ipso portu refocillantes palmonem in medietate
 nea suscepit, montemque oppositum *Mont de la Croix* hunc tenere hatum insubere,
 quæ in montem à barbaris ad compelluntur, hancque leditum constantiter
 ab invicem, donec à barbaris & reliquis montem circumgesserit, à qua cum intrat ad
 continentem, nunc è in Galliam paulo post eni re-vertitur. Sed hoc quoque quantum expe-
 ditionem suscepit anno cło 15 cxv, ducentos & triginta & reliquos ex audire Recol-
 lectorum, de barbaris ad religionem Christianam convertendum periculis
 1615. May

xxv May ventum Tadoufac, atque inde Quebecum & denique ad magnum Caracten S. Ludovici, ubi multi barbari à variis provinciis convenerant. Eodem anno & expeditio in Yroquoios suscepta, cujus hic exitus fuit, ut uno hostium pago aliquandiu frustra expugnato, Champlanius duo vulnera acciperet & re infecta non sine magno discrimine ad suos reverteretur demum anno clō 15 cxxvi. mense 1616.
Junio jam exeunte: & in Galliam mense Septembri. Postilla jam sexto è Gallia soluit mense Mayo, & Tadoufacum tenuit mense Junio, & sub finem Augusti rediit in Galliam. Hactenus res à Gallis in septentrionalibus N. Franciæ regionibus gestas, ex commentariis Champlanii retuli: quid porro ibidem actum, aut quid colonia hac factum sit, nondum potui indagare: nisi quod satis constet, hodieque illa loca à Gallis commerciorum gratia frequentari.

CAP. XXIII.

*De Nova Scotia è Diplomate Regis Magnæ Britanniæ
VWilhelmo Alexandro Equiti indulto.*

A Necquam huic libro finem imponam, nequaquam silentio præterire possum, bonam Novæ Franciæ partem, quam supra *Cadiam* nominavimus, anno clō 15 cxxi: à Jacobo Magnæ Britannæ Rege, titulo *Novæ Scotiæ*, singulari diplomate D. Wilhelmo Alexandro Equiti concessam, quod post præfationem ita se habet.


Dedimus, concessimus & disposuimus, tenoreque præsentis chartæ, damus, concedimus & disponimus præfato D. Wilhelmo Alexandro, hæreditibus suis vel assignatis quibuscunque, hæreditario omnes & singulas terras Continentis acinfulas situatas acjacentes in America intra caput seu Promontorium communiter *Cap de Sable* appellatum, iacens prope latitudinem quadraginta trium graduum aut circa ab Æquinoctiali linea versus septentrionem: à quo promontorio secus littus maris tendentis ad Occidentem, ad stationem navium S. Mariæ (vulgo *Sainte Marges Baye*) & deinceps versus septentrionem per directam lineam, introitum sive ostium magnæ illius stationis navium trajicientem, quæ excurrit in terræ Orientem plagam inter regiones Suriguorum & Echeminorum (vulgo *Souriquois & Etechemins*) ad fluvium vulgo *Sainte Crucis* appellatum: & ad scaturiginem remotissimam sive fontem ex Occidentali parte ejusdem, qui se primum prædicto flumini immiscet; unde per imaginariam directam lineam, quæ pergere per terram seu currere versus septentrionem concipietur, ad proximam navium stationem, fluvium vel scaturiginem in magno fluvio de Canada sese exonerantem: Et ab eo pergendo versus Orientem per maris oras littorales ejusdem fluvii de Canada, ad fluvium, stationem navium, portum aut litus communiter nomine de *Gachepe & Gasse* notum & appellatum, & deinceps versus Euronotum ad insulas *Baculaos* vel *Cap Breton* vocatas, relinquendo easdem insulas à dextra & voraginem dicti magni fluvii de Canada sive magnæ stationis navium, & terras de *Nouveau-land* cum insulis ad easdem terras pertinentibus à sinistra, & deinceps ad Caput seu Promontorium de *Cap Breton* prædictum, iacens prope latitudinem quadraginta quinque graduum aut eo circa: & à dicto promontorio de *Cap Breton* versus meridiem & Occidentem ad prædictum *Cap de Sable*, ubi incipit perambulatio includenda & comprehendenda intra prædictas maris oras littorales & earum circumferentias à mari ad omnes terras Continentis, cum fluminibus, torrentibus, sinibus, litoribus, insulis & maribus adjacentibus prope infra sex leucas ad aliquam earundem partem, ex Occidentali, boreali vel orientali partibus orarum littoralium & præcinctum earundem: Et ab Euronoto (ut jacet *Cap Breton*) & ex australi parte ejusdem ubi est *Cap de Sable* omnia maria ac insulas versus meridiem intra quadraginta leucas dictarum orarum littoralium earundem, magnam insulam vulgariter appellatam *Isle de Sable vel Sablon* includendo, jacentem versus Carban vulgo *Saint Southeast* circa triginta leucas à dicto *Cap Breton* in mari, & existentem in latitudine quadraginta quatuor graduum aut eo

circa. Quæ quidem terræ prædictæ omni tempore affuturo nomine *Nova Scotia* in America gaudebunt. Quas etiam præfatæ D. Wilhelmus in partes & portiones sicut ei visum fuerit, dividet, eisdemque nomina pro beneplacito imponet. Una cum omnibus fodinis tam regalibus auri & argenti, quam aliis fodinis ferri, plumbi, cupri, stanni, æris, &c.

1622. Hæcenus ipsius diplomatis verba, prout concepta erant, fideliter expressimus, quibus limites *Novæ Scotiæ* in America comprehenduntur. D. Wilhelmus Alexander statim anno 1605 c. xxii navem misit cum aliquot colonis ad locum habitari idoneum pervestigandum; qui paulo serius profecti, in Terræ novæ portu vulgo *S. Iehans port*, hybernarunt & anno demum 1605 c. cxxiii, australe hujus insulæ la- 10
1623. tus prætervecti primo portum subierunt, Gallis jam ante *Port au Mouton* appellatum, ipsi *S. Lukes baye* dixerunt; deinde duas leucas profecti alterum, quem *Solly port* appellarunt; denique ad portum nigrum, duodecim ab hoc leucis, profecti, vela verterunt & primum ad Terram novam, deinde in Angliam remearunt. Quid post illa in illis partibus gestum sit, mihi non constat: nisi quod nomina harum provinciarum à Wilhelmo Alexandro mutata inveni, in tabula Geographica nuper in Anglia excussa, in qua Península Cadia, *Nova Calidonia*, septentrionalis pars, qua *Gassé* spectat, *Nova Alexandria* nominatur, atque alia loca ad eundem modum novis nominibus insigniuntur. Hæcenus de Nova Francia.







ZUYD

NOVA • FRANCIAE PARS







DESCRIPTIONIS
INDIÆ OCCIDENTALIS,
LIBER TERTIUS.
VIRGINIA.

INTRODUCTIO.

- N**OVA FRANCIAE quam superiori libro absolvimus, contermina est America Septentrionalis pars, intra trigessimum quartum & quadragesimum quartum gradum Septentrionalis latitudinis conclusa: versus ortum Magno Oceano, versus Austrum Floride provinciis, versus Arctum Nova Francia terminata, longis & incertis spaciis in occidentem patens & adhuc leviter intra continentem cognita; quam Angli vulgo communi nomine Virginiam appellant: Superiori autem seculo
- 10 Virginia longe angustioribus terminis continebatur, quippe illam tantum regionem complectens, quæ Floride proxima eamque immediate contingens, à fortissimo Equite Walthero Raleigh, anno clō Io lxxxiv & aliquot subsequenter primū adiri & ab Angliis, aliquot coloniis eo deductis, colicæpit, & paulo post iterum fuit deserta: Verum quum anno clō Io cvi post privilegium à Magnæ Britannia Rege certæ Nobilium & mercatorum Societati, indulto; novæ expeditiones in Septentrionalis huius Continentis partem fuissent susceptæ, ad latitudinem nempe septem & triginta graduum & paulum ultra, tota hæc regio quæ à trigesimo tertio
- 20 aut quarto gradu ad trigessimum octavum secus mare porrigitur, Virginie quoque nomine capit celebrari. Reliquum Continentis ad limites Novæ Franciæ usque, Primum quæ Virginia huic contigua est & jam ab aliquot annis à Belgis nostris lustratum fuit & sub auspiciis Illustr. & Præpotentum D. D. Ordinum confederati Belgii etiam habitatum, Novum Belgium jam vocamus; Dein quæ Novam Franciam propius contingit & ab una atque altera Anglorum colonia fuit occupatum, Nova Anglia admodum nuper capit appellari. Hisce itaque nominibus in hac nostra descriptione utemur; initium autem faciemus à Nova Anglia, utpote
- 30 Novæ Franciæ ad Arctum proxima; de hac quidem jam multa superiori libro de Gallorum (qui non exiguam illius partem sui juris esse autumant) observationibus commemoravimus; sed hic jam Anglorum ductum sequemur & præsertim Joannis Smithi, qui ante paucos annos commentarium suum de Nova Anglia suo idiomate dedit in lucem; verum ne quicquam hic consulto præterisse videamur; in ipso limine Ioannis Verazzani Florentini navigationem præmittimus, qui auspiciis atque impensis Francorum Regis, inter primos aut forte primus has oras lustravit.

*Navigatio Joannis Verazzani ad Continentem Americæ
Septentrionalis.*



FRANCISCUS I Franc. Rex, prosperis Hispano-
rum ad Insulas & Americæ continentem expeditioni-
bus, permotus, Joannem Verazzanum Florenti-
num, cum una navi, qua quinquaginta navales socii
vehebantur, ad Septentrionalis Americæ partes lu-
strandas ablegat. Is anno c^{ho} l^o xxiv mense la-
nuario ab Insulis Canariis solvens & primo cursum
recta in occidentem dirigens, aura ab oriente pro-
sperè afflante, viginti quinque dierum spacio, circi-
ter quingentas leucas enavigavit; horrenda dein
tempestas illum supra modum afflixit; qua remitten-
te, cursum nonnihil versus Septentrionem flexit &
post totidem dierum navigationem, novas conspexit terras, ad latitudinem triginta
quatuor graduum ab æquatore versus Arctum, littoribus inter Austrum & Septen-
trionem productis. Solum juxta littora planum erat & pelago pene æquale: itaque
nullum portum & ipsam oram ventis expositam conspicat, aliquot leucas primò
versus Austrum, deinde & versus Arctum littora legit, ut portum investigaret; quum-
que in eo frustra fuisset, in patenti mari anchoras figere & scapham exponere jussit:
Interim barbari, rei novitate percussi, magno numero ad litus accurrere, & Gallis
appropinquantibus, nunc fuga se subducere, nunc admirabundi retrospicere, tan-
dem securitate promissa, paulum confirmati gradum sistunt & advenas humaniter
excipiunt. Pudenda exigua pelle tecti, cætera nudi agebant, colore subfusco, nigris
capillis, artubus bene compositis & sine ulla insigni deformitate. Littus arenosum in
modicos tumulos assurgebat, regio ipsa medioeriter alta & proceris arboribus undi-
quaque vestita erat: venti æstate potissimum ab occidente aut Coro flantes: sudum
cælum; raræ admodum pluviz. Sublatis deinde anchoris, oræ ductum securus, pri-
mo ad ortum cursum dirigit, mox littoribus retrocedentibus, versus Septentrionem:
atque hic rursus exfensione facta, solum longe amœnius deprehendit, vitæque pas-
sim ad fastigia arborum scandentes, & haud dubio frugiferas, si cultura accederet:
barbaros prioribus omnino similes.

Centum circiter milliaria (ut ipsi visum) ab hoc loco pulcherrimus amnis in ocea-
num effluebat, à quo rursus ora quinquaginta milliaria versus ortum converterebatur,
donec ad Insulam quandam perventum esset, triangulari formâ, quæ decem millia-
ria à continenti videbatur disjuncta, & in nemorosa juga consurgebat, quam *Claudiam*
appellarunt. Porro quindecim ab hac milliaria provecti portum subierunt ad
altitudinem unius & quadraginta graduum & xl scrupul. cujus fauces austro expo-
sitæ, medium milliare patebant, intus lateribus utrimque recedentibus in modum
freti, pene viginti milliaria ambitu suo capit & versus boream ad duodecim milliaria
in longitudinem porrigitur, aliquot minores insulas arboriferas & mire delectabiles
interfluens. Ab accolis satis humaniter hic sunt accepti: Regulus illorum cervina
pelle induebatur, æs ipsis notum erat & in precio.

Hinc ora, edictior multo, ad orientem fledebatur pene quinquaginta milliaria:
rursusque versus Arctum recedebat, sed hic populus vere barbarus & immanis mori-
bus, nullis rationibus ad mutuum congressum aut colloquium adduci poterat: Urso-
rum, lutrarum & phocarum pellibus tecti, vitam piscibus & ferina tolerare visi, nulla
frumenti notitia, nulla ferendi cura: ipsumque solum illorum quæ feruntur maligne
patiens, immanes ubique saltus & montes, & æris aliorumque metallorum haud obs-
cura indicia.

De hinc cursum versus Aquilonem dirigentes, supra triginta insulas, multa pro-
montoria, plures recessus, amplissimos sinus, portusque prætervecti, ad terram jam
ante à Briconibus lustratam & quinquagesimum latitudinis Septentrionalis gradum
perve-

dum pervenerunt, & velis versis in Galliam mense Julio incolumes redierunt. Atque hæc ex ipsius *Verazzani* ad Regem litteris compendio à nobis excerpta ab hodierna littorum descriptione & gentium moribus parum discrepant: nunc ad ea quæ nuper ab Anglis, nostrisque observata sunt, veniamus.

NOVA ANGLIA.

C A P. II.

Descriptio Continentis America septentrionalis quæ hodie NOVA AN-

10

GLIA dicitur, è commentario Ioannis Smithi.

Septentrionalis quidem America pars (inquit) quam hodie *Novam Angliam* vocamus, intra quadragesimum primum & quintum latitudinis gradum inter-
 jacet; verum de qua nunc proposui dicere, à flumine *Pennobscot* ad promonto-
 rium *Cod*, recta fere linea, septuaginta milliaria patet & ad minimum quadraginta
 barbarorum pagis juxta littus incolitur: viginti quinque hic portus à me lustrati,
 quorum nonnullos quingentorum, quosdam etiam aliquot millium navigiorum
 capaces puto: ducentæ aut plures insulæ Continenti objectæ sunt, quæ plures por-
 tus faciunt, quam brevi tempore à me commode lustrari potuerint. Præcipua
 20 quidem barbarorum habitatio est juxta *Pennobscot* versus septentrionem: ad austrum
 vero, oram secus, *Macadacut*, *Segecket*, *Pemmaguid*, *Nusconcus*, *Kenabec*, *Sagadahoc*,
Aumoughcangen: hic populi *Segetago*, *Pahiantanuck*, *Pocopassum*, *Taughtanakagnes*,
Wabiggan, *Nassaque*, *Mashecosqueck*, *Wadrigweck*, *Moshoquen*, *Wackcogo*, *Passaranack*, de-
 gunt, & illorum confæderati *Aucocisco*, *Accominticus*, *Passataquac*, *Aggowan* & *Naemkek*:
 qui omnes perparum dialecto & moribus inter se differunt: & licet in varias provin-
 cias & peculiaria Dominia distinguantur, tamen *Bessabees* qui ad ripas fluminis *Pen-*
nobscot degunt, ultro primas deferunt. *Mattahuntii* duas insulas incolunt, haud ul-
 tra milliare à Continenti disjunctas, & variis hortis, arvisque supra modum amœnas.

supra
 Pente-
 gourt.

Massachusettsorum gens longe populosior, linguâ, moribus & merciorum
 30 usu, multum à cæteris barbaris diversa; pagos supra viginti cum suis pascuis & arvis
 possident; multos amnes accolunt, variisque in mediterraneis lacus, juxta quos
 potissimum castores & lutras venantur.

Ora quæ à *Pennobscot* ad *Sagadahoc* pertinet, in juga attollitur, multæ hic insulæ
 atque scopuli objacent; sylvæ frequentes largam materiem ad domorum & navium
 structuram subministrant; mare valde piscosum; solum uberrimum, & multis fructi-
 bus ad usum hominum comparatis, per se særum.

Massachusettsorum autem provincia soli ubertate cæteris longe præcellens, nunc in
 modicos colles astringit, nunc in amœnas valles subsideat; solum arenosum nonnum-
 quam, ubere interdum gleba & saxorum venis intercurrentibus, humano cultui mi-
 40 rum in modum apta, nec Devonix nostræ dissimilis: promittit & metalla præsertim
 ferri & chalybis: ausum asserere, decem aut quatuordecim milliari. spacio, quæcunq;
 ad naves fabricandas & easdem commeatu & mercibus onendas necessaria sunt,
 abunde posse comparari. Nam qui soli ubertatem, tot arva, tot hortos; tam proceras
 arbores & imprimis salubre cæli temperamentum, indigenarum robur, agilitatem, &
 sanitatem ad animum revocaverit, haud aliter poterit judicare, quam hanc regionem
 cæli solique bonitate cum laudatissimis Europæ merito posse comparari. Licet enim
 hic & ætas minus ferveat & hyems magis algeat, quam vulgo in Europa sub eodem
 clymate, non minus tamen semina & feliciter pullulant & cito adolescunt. Piscium
 captura hic imprimis dives, atque ex hac prima emolumenta capienda forent. Mense
 50 Martio, Aprili, Maio & parte Junii, maxima asellorum majorum copia, Maio au-
 tem, Junio, Julio ac Augusto accipenserum, quin & halecum incredibilis multitudo
 juxta hæc littora capitur: quid multa; omnibus anni tempestatibus piscosum est mare.
 Neq; dubium est quin salina commode & utiliter hic fieri possent; Et è certis baccis,
 quas *Alkermes* vocant, præsens emolumentum à mercatoribus percipi: Earum enim
 libra aliquando in Anglia triginta atque etiam quadraginta solidis sterlingensibus
 venit, licet nunc multo viliores sint: Castorum præterea, lutrarum, martium sive

mustelarum Scythicarum, nigrarum vulpium & similibus ferarum pelles, magno numero & vili à barbaris redimi: (Gallos quidem anno cIo lO cxvi supra viginti quinque millia ejusmodi pellium è N. Francia Europæ intulisse satis constat.) Et ut harum regionum dotes semel absolvamus, aquæ fluminum limpidissimæ & potari pulcherrimæ, ut pote quæ ex petrosis montibus descendant. Solum abunde & sua sponte varias arbores, variosque fructus producit, moros imprimis, juglandes, avellanas, prunos, vites, rubos idæos, uvas crispas, fraga: è seminibus autem pecpones, phascolos, pisa & Maizium: lini quoque speciem, è quo indigenæ retia sua necunt. Nulla denique regio plures aves aut majorem variorum quadrupedum copiam nutrit.

10

C A P. III.

Particularior ejusdem Continentis descriptio ex eodem.

Pennob-
scot.

Sinus *Pennobscot*, in quem fluvius ejusdem nominis descendit, decem milliaribus ab ortu in occasum, totidem ab Austro in Arctum patet: multis insulis divisus, quarum quædam decem milliaribus longæ, varios sinus & portus aperiunt. versus ortum *Tarentini* incolunt, Gallorum confæderati, quibus juges inimicitia & bella cum *Bessabeis*, qui ex adverso degunt. Ad lævam *Meccadacut* jacet ad radices montium, quos æquor lambit, quique tam altis jugis assurgunt ut sedecim aut xviii milliarius intervallo eminus à navigantibus conspiciantur. Sinui objacet insula *Sorisco*, præalta situ, ideoque Gallis *Ile Haute* dicta. Huic proximus est locus *Segochet*, deinde *Nusconcus*, *Pemmakið* & denique ad eandem oram amnis *Sagadahoc*; ad quem olim colonia Anglorum fuit deducta: juxta hunc *Aumukiaðgeni*, *Kinnebeky* & alii barbari sedes suas atque arva habent. Fluvius hic quadraginta aut quinquaginta milliaribus è Continenti descendit, ripæ utrimque arenosis tumulis & nemorosis rupibus obsessæ, præterquam ubi barbari accolunt, ibi enim solum est satis fertile & pinguis gleba.

Meccadacut.

Sorisco
Insula
Segochet

Sagadahoc.

Aucocisco.

Sowocotuck.

Ab hoc versus occasum provincia. *Aucocisco* amplissimi sinus gremio prærenditur, multæque insulæ cum suis portubus per sinum sunt sparsæ. Haud longe hinc *Sowocotuck* ad angulum Continentis, qui latum sinum aperit, arenoso quidem littore, sed crebris insulis & cautibus illi objectis, aditu difficilem & non nisi minoribus navigiis. Quid multa? tota hæc ora à *Pennobscot* huc usque & longius à *Pennobscot* versus ortum, ejusmodi rupibus & saxosis insulis scatet ut mirum sit tam procerarum arborum feracem esse, neque quicquam hic est quod inuentes non magis deterreat, quam afficiat: tamen mare hic, si usquam, mire piscosum, & hæc insulæ tot arboribus amœnæ, tot fontibus riguæ, tam variis fructibus dives, tantaque hic avium copia, ut non careat fide, licet littora tam aspera sint, tamen convalles & interiora Continentis fecundissimo esse solo.

Accominticus.

Angoam.

Littus versus occasum sequentibus *Accominticus* & *Passataquak* occurrunt, modici portus & minoribus navigiis opportuni, & juxta littus fertile solum. His proxima est *Angoam*, provincia satis amœna, sed portus illius propter breviam navigantibus infidus est, & sinus ab alto mari remotior: tamen hic colles modice confurgunt, qui à barbaris coluntur. Versus ortum insula objacet, duo aut tria milliaribus in longitudinem patens, media sui parte pascua & latissimi graminis ferax, reliqua nemorosa & pulcherrimis moris opaca, coloniarum deducendæ valde idonea, præsertim propter eutissimum portum. *Nainkeck* solo licet petrosiore, tamen *Angoam* non multum est inferior, incolæ deteriores.

Tragabigzanda.

Paulo ulterius insigne Promontorium *Tragabigzanda* vaste in altum se projicit (Champlanio s. *Ludovici*, nostris Wyngaerds hoeck), cui tres insulæ objacent quas vulgo Turcarum capita appellant, versus septentrionem latum sinum pandens, juxtaque multi barbarorum pagi jacent, cum suis arvis, qui cum Gallis commercia exercent: ad occasum autem insulæ adjacent *Mattahuntiorum* cum suis stationibus.

Hoc promontorium prætervectis *Massachusettsorum* provincia occurrit, quam hujus tractus Paradisum haud immerito dixeris, arva hic frugum feracia pene innumera, & littora

20

40

50

littora stringentibus, vix aliud sese offert amœnius aut fructundius: barbari frequentes & cum Gallis commercia exercere fueri; ingenio satis placido, sed si irritentur, etiam fero & indomito. Hinc ad *Accomack* navigatur, egregium portum & fertile solum, segnitie tamen gentis obscurum.

Hunc prætervectos Promontorium *Cod* accipit (Gall. *Cap Blanc*), terræ tantum veluti cornu, in præaltos arenarum tumulos & humilibus pinorum fruticetis vestitos, assurgens; & pone ipsum portus, adversus incerta ventorum egregie tutus: Promontorium ipsum ab uno latere patenti sinu, ab altero vasto oceano cingitur, falcis messoriæ formâ: *Pawmetti* barbari promontorii cervicem, sinus gremium *Chawuni* accolunt: ora quæ grandem sinum cingit, nullis quidem brevibus aut rupibus impedita est, vadusior tamen quam ut majoribus navigiis propius adiri possit. *Champlanus* hic portum à se observatum in commentarios retulit, quem *port aux Huïstres* ab ostrea-
 10 abundancia vocat, quinque milliaria ab hoc promontorio versus Africum. In interiori sinu *Nauise* Insula jacet; ad continentem provincia *Capawack*, late patens & frumenti feracissima, habitatoribus frequens, & si barbaris fides, in mediterraneis æris aliorumque metallorum venis scatens.

C. Cod.

Nauise
Insula.

C A P. IV.

Res ab Anglis in hisce partibus gesta ab anno cId Id c vi.

20 **A**Nno demum cId Id c vi hæc regio quam modo descripsimus, ab Anglis publica autoritate adiri capit: privilegio à Iacobo magnæ Britannæ Rege certis Nobilium & mercatorum societatibus indulto, colonias in utramque continentis partem deducendi: quibus diserte cautum erat, ut centum milliaria inter utriusque societatis limites vacua relinquerentur, neque propius se mutuo con-
 1606 tingent.

Ad septentrionaliores partes primo missus *Henricus Chalonius*, ab Hispanis fuit interceptus: & eodem pene tempore sumtu Joannis Pophami summi totius Angliæ Justitiarii, *Thomas Hamanus*; qui Chalonio subsidio missus ad flumen *Sagadahoc*, quum ipsum non invenisset, oram lustrasse contentus in Angliam rediit. Deinde anno cId
 30 Id c vi ejusdem Pophami auspiciis centum agricolæ in coloniam ad *Sagadahoc* traducti, in Peninsula quæ ostio hujus fluminis adjacet sedes fixerunt & munimentum excitarunt ad hostiles insultus sustinendos, *S. Georgii* nomine: Colonia præerat *Georgius Pophamus*, rei nauticæ *Ralegus Gilberti*. Flumen ipsum lustrare aggressi, catartactes, juxta insulam quandam amnicam occurrit, quem tamen haud difficulter superarunt; & mox alter, ubi aqua cum tanta violentia ruit, ut ulterius ascendere neutiquam potuerint; distabat hic locus ab *Æquatore* quinque & quadraginta gradus & aliquot scrupul. quum ostium ipsius fluminis tantum absit tres & quadraginta gradus, & xxx scrupul. ripæ utrimque in arenosos tumulos modice assurgunt:
 40 solum non est admodum fertile, nemorosum tamen & quercubus egregie vestitum. Indigenæ ceterorum barbarorum moribus agunt & singulis pene mensibus à maligno spiritu miserum in modum vexantur, quem *Tanto* vocant, magisque metuunt quam venerantur; dum Angli hic degerent, visi sunt Christianorum ritibus & religione non nihil affici, nam Regem Iacobum, illiusque Deum, bonum, suum vero *Tanto*
 1607 malum profitebantur. Verum quum Præses colonix mense Februario anni cId Id c vii paulo post summus Justitiarius (qui summus hæcenus præcipue sustinuerat) diem suum obiissent, coloni cum navibus, quæ ipsis subsidio missæ fuerant, colonia deserta, in Angliam redierunt; quorum inopinatum reditum Patroni tam inique tulerunt, ut incepto aliquandiu desisterent. Galli interim, (hac occasione usi, an sponte
 50 sua,) variis locis coloniarum fundamenta jecerant, quum *Argallus* è Virginia superveniens opera illorum disturbavit, colonias evertit, & quos comprehendere potuit, captivos abduxit, ut libro superiore à nobis narratum. Angli dein majore conatu *Hobsonum* & alios mittunt, unaque duos barbaros, qui in Anglia aliquandiu hæserant, ut gentem sibi devincerent & hisce interpretibus uterentur: verum quum paulo ante eorum adventum, Anglus quidam nomine *Huntus*, vigintiquatuor barbaros, post commercia cum ipsis exercita, in navem suam specie amicitix illectos, perfide ab-

duxisset, & Hispanis in freto Gaditano (ut postea apparuit) vendidisset, barbari tanto odio in Anglos exarserant, ut Hobsonus voti irritus reverteri fuerit coactus.

1614. Deinceps anno cIo Io cxiv missus *Ioannes Smithus* (ut balænas caperet & auri atque argenti metalla scrutaretur) ad Insulam *Monnabiggan*, quadraginta tribus grad. & semisse ab æquatore, applicuit; cete quidem repperit, sed non ejus generis è quorum aruina oleum utiliter excoquitur: metalla autem nulla; itaque & hic frustra fuit. Anno vero cIo Io cxv jam secundo hic missus, in Gallicos piratas incidit, qui illum aliquandiu captivum detinuerunt. Interea quum forte fortuna unus eorum, quos *Huntus*, (ut supra) vendiderat, in Anglorum potestatem rediisset, nova spes affulgere visa, novoque diplomate à Rege, licet ægre, impetrato, alia colonia paulo post deducta, de qua statim dicemus. 10

C A P. V.

Nova Angliæ Cæli solique qualitates ex commentariis anno cIo Io cxxii ab ipsa societate editis.

ANtequam prosequar ea quæ post novum diploma à Rege impetratum Angli in hisce partibus gesserunt, non abs re fuerit hic præmittere, quæ ab illis prodita de Novæ Angliæ dotibus, quæque in communi de Coloniarum colloca- 20

In loco, coloniarum ad partes transmarinas deducendæ, idoneo seligendo (inquiunt) trium potissimum rationem habere oportet: primo Cæli, ut colonorum valetudini consularur: deinde soli, ut eorum quæ ad victum necessaria sunt, copia facile haberi possit: denique Maris, ut navigiis, ad commercia exercenda, facilis aditus pateat. Cæli autem qualitas aut ratione Clymatis in communi aut peculiariter ex ipsius loci situ atque habitu variat. Porro hæc in Nova Anglia ad hunc modum se habent. Hanc quum sita sit in medio pene temperatæ zonæ & æquali intervallo ab Arctico Circulo & Tropico Canceri, eandem aëris temperiem experiri oportebat, qua Gallia gaudet atque adeo qua bona pars Italiæ: verum contra accidit, nam qua mare contingit, aër multo frigidior est, idque partim ob oceanum (uti videtur) vicinitatem, cujus jugis & 30 inconstans motus radiorum solarium reflexum frangit: partim ob vaporum ascendentium copiam qui æstum mitigant: mediterraneæ autem regiones medioeriter calenti; certique experimentis comprobatum est, easdem regiones longe frigidiores esse qua ascendentem solem spectant, quam qua descendentem; aurasque vespertinas multo repidiores quam matutinas experiri. Quæ quum ita se habeant, temperies cæli in hisce regionibus nostrorum hominum corporibus supra modum videtur apta, quæ temperato admodum Clymati sueta neque intensum frigus ferre possunt, neque immodicum æstum.

Solum porro imprimis est fertile, & non modo illius frumenti, quod barbari ferere consueverunt, sed & quod nostri intulerunt, egregie ferax. Portuosum autem est 40 litus & quamplurimis insulis ubique oblitum, quæ habitationi peridoneæ, nemorosa & quercubus, cedris, piceis, pinis, juglandibus, castaneis, salisfris, prunis, ealamis aromaticis, aliisque grata varietate amœne vestita sunt. Indigenæ moribus utcumque compositis, & si bene cum ipsis agatur, humani & hospitales. Mare ad ipsa littora piscibus fæctum & salinis peropportunum. Avium in mediterraneis ingens copia & varietas: Pavones indici, perdices, cygni, grues, anseres, anates, columbæ, præsertim quum fraga maturefcere incipiunt. Cervorum & similium ferarum ingens numerus, quæ nonnumquam tres quatuorve sætus gignunt, insigni indicio cæli solique bonitatis.

Peculiaris autem quadrupedum species hisce regionibus frequens est, barbari *Mosse* 50 appellant, tauri magnitudine, capite damæ & latis cornubus, quæ quotannis mutant, cervicæ cervina, brevibus júbis & à collo per dorsum descendentibus, pilis prolixis instar alcis, cum ingluvie pendula sub ipso jugulo, longis cruribus, magnis pedibus instar vaccarum, cauda longiore quam sit, damarum: caro ejus admodum grata est saporis, quam ad ventum siccitam barbari diu servant: cutis haud minus crassa quam bubalorum nec minus ad varia utilis. Magna horum animalium copia reperitur in Insula haud

haud longe à Continente dissita (*Mount Mansel* vocant Angli) ubi barbari illa venantur in hunc modum: postquam diversis locis pyras accendunt, saltus indagine ciungunt & feras in mare, ad quod & naturæ instinctu feruntur, propellunt; dein cymbulis suis adnavigantes, in ipsis fluctibus obruunt & mactant: haud dubium autem est feram hanc ad ministeria humana cicurari posse, si industria & diligentia adhibeatur. Porro è quibus utilitas & lucrum per commercia hauriri possit, hæc fere sunt: pisces varii generis: preciosæ pelles castorum, lutrarum, nigrarum vulpium, mustelarum scythicarum & similibus: canabis, linum, ferri metalla: asseres, trabes, omnisque generis materies: quibus addi potest vitium, quæ hic variæ & frequentes, cultura; & picem duram atque liquidam conficiendi summa opportunitas: denique nihil sive è Gallia sive è Germania per fretum Danicum ad nos deferretur, quod non hic industria & levi labore parari possit. Quibus accedit haud levis unionum invenendarum spes; & Ambar griseum nonnumquam circa hæc littora deprehensum. Denique facilis & compendiosa est ad has regiones navigatio & Angliæ maxime opportuna. Atque hæc quidem illi in commentario anno 1610 cxxi edito.

C A P. VI.

Nova Plymoutha, colonia ab Anglis huc deducta.

²⁰ **A**Nno 1620 cxx Colonii aliquot in Angliâ conscripti, qui è Plymoutha nobilissimo Angliæ portu serius atque adeo initio Septembris solventes, & nono demum Novembris Promontorium *Cod* prætervecti, quum, vento adversante, portum quem periebant, decem milliaria à promontorio distitum, tenere non possent, in amplissimo sinu, quem promontorii flexus claudit, anchoras fixerunt. Hic in terram exscentes & locum habitationi commodum circumspicientes primum tuguria aliquot deserta invenerunt; dein ulterius progressi, à barbaris inopinato fuerunt oppugnati, quos nulla opera fugarunt. Verum quum loca hæc haud satis placerent, xvi Decembris alium portum ex adverso Promontorii versus occidentem perierunt. Est autem sinus præcedenti longe amplior, amenissimo solo undiqueque ³⁰ cinctus, duas insulas nemorosas, cætera incultas & desertas suo gremio complectens, piscosus admodum, & variis aquatiliū avium generibus pro tempestatum ratione scatens. Nulli hic incolæ ab ipsis inventi, licet arva olim culta & sata fuisse apparet; nulli navigabiles amnes visi, sed plures rivi & torrentes limpidæ aquæ & potari pulcherrimæ. Solum hic mire fecundum est multis in locis, nonnullis etiam arenosum; sicuti & fuliginæ operæ idonea gleba; peramæni passim luci ac nemora & herbida rursus pascua & campi.

Juxta hunc sinum in ipsâ Continente *Nova Plymoutha* ab ipsis designata, in acclivi solo & jam olim à barbaris culto: in una convalle torrens labitur, scapharum & cymbarum tantum patiens: multæque scaturigines & fontes passim rigant solum. ⁴⁰ Familix omnino novemdecim huc primum deductæ; ædesque ita structæ ut duplici ordine ex adverso sibi responderent, quo securius agerent & sibi mutuo opitulari possent. Hyeme janî pene exacta, mense Martio, venit ad illos barbarus quidam *Samoset* nomine, & consuetudine Anglorum, qui piscandi gratia insulam *Monahiggan* accedunt, Anglici idiomatis nonnihil gnarus, à quo tum primum didicerunt, regionem ubi sedes fixerant *Patuxet* barbaris appellari, jamque quadriennium esse ex quo incolæ ad unum omnes inuistrata quadam plaga interierint: huic territorio proximos agere *Massasitos*, qui haud supra sexaginta viros ad bellum mittere possint: ad Eurum autem *Nansitos* habitare, qui circiter centum censeantur, atque hos quidem Anglis valde inferos esse ob *Hunti* illius facinus, de quo supra. Nec multo post ad ⁵⁰ *Massasitus* vicinarum provinciarum Regulus (*Sagamos* barbaris) cum fratre suo Quadequina & plurimis aliis barbaris, qui sædus cum ipsis sanxit.

Atque hæc quidem *Nova Plymouthæ* prima fundamenta fuerunt, quæ post illa novorum Colonorum accessu incrementum cepit: quæ ab Anglicis scriptoribus peculiaribus commentariis narrata, hic compendio retuli, cætera iis quorum interest relinquens. Hoc tantum addam, primos hosce colonos, uti & illos qui postea accesserunt, potissimum aut omnino fuisse ex eorum hominum sectâ, quos in Angliâ vulgo

Brounistas & Puritanos vocant, quales non pauci & in Belgium superioribus annis se receperunt, & hinc ad focos sunt profecti.

NOVUM BELGIUM

CAP. VII.

*Descriptio Continentis America septentrionalis à Belgis nostris
primum penitus lustrata & habitata.*

HActenus absolvimus eam septentrionalis Americae partem, quam Galli qui-
dem primum lustrarunt & coloniis deductis aliquandiu possederunt; 10
Angli autem nuper novis nominibus *Scotia* atque *Anglia* insignitam occu-
pare & sui juris facere sunt aggressi: atque hanc quidem præcedenti libro secundum
oram maris legimus ad promontorium usque, quod Galli *cap. Malebarre* vocant, su-
perioribus vero capitibus ob nuperas Anglorum observationes, telegimus ad pro-
montorium Cod usque. A Promontorio ergo *Malebarre* (ut inde ordiamur) conti-
nens magno flexu se versus occasum subducit, & veluti sinum facit, in cuius intimum
recessum, vastum flumen sese exonerat in mare, à cuius æstuario rursus litus versus
Africum cubito curvatur: hanc autem partem Continentis & plures insulas eidem
objectas, inde à trigésimo octavo gradu & xxx scrupulis (ubi alterum iterum flumen 20
exit) ad quadragesimum quattuor gradum & ultra in mediterraneis, *Novum Belgium*
hodie appellamus, quia primum auspiciis & sumtibus nostrorum hæc terra penitus
lustrari cepit, deinde continuis navigationibus frequentata & auctoritate Illustriss.
& præpotentum D. D. Ordinum generalium Confæderati Belgii, colonia deducta
& castello in barbarorum solo, ipsis ultro concedentibus, exstructo, primum à Belgis
cultum accepit. Iam ante quidem litorum flexus ab aliis nationibus fuerat obser-
vatus, ora etiam maritima ex alto visa & haud procul à promontorio Malebarre adita
fuerat, sed nulli, quod quidem constat, in intimo hujus cubiti flexu, vastum & mag-
norum navigiorum ferax flumen sese evolueret & à tam multis & diversis populis
habitari, observaverant; antequam anno 1609 id à Belgis nostris deprehende- 30
retur. Societas quippe Indiarum orientalis, *Henricum Hudsonum* Anglum cum celoce
miserat versus aequilonares Americae regiones, ut aditum ad Tartariam & Sineses
aperiret; quod quum frustra tentasset, mutato cursu novam Franciam primum ad-
vivit ad altitudinem quatuor & quadraginta graduum & quindecim scrupul. Deinde
versus Africum flectens ad altitudinem quadraginta & unius grad. & xlii scrupul.
terram conspexit, & Insulam opinatus, *Novam Hollandiam* nominavit, verum partem
esse Continentis, atque adeo promontorium *Blancum* sive *Cod*, paulo post patuit, &
subducta cursuum ratione ab ipsis iudicatum, promontorium hoc circiter septuagin-
ta & quinque milliaria magis ad occasum remotum esse ab Europæis regionibus, quam
vulgo in hydrographicis tabulis describatur. Porro postquam oram maritimam variis 40
locis conspexissent, inde à trigésimo septimo gradu (hucusque enim ad Austrum
inviti an sponte declinaverant) ad quadragesimum usque litorum ductum secuti,
sinum amplum adierunt & pone humile & arenosum cornu anchoras fixerunt: duo
hic barbari alcium pellibus amicti illos visitarunt & satis humaniter exceperunt:
aditæque Continenti, pruna carulea jam matura ab illis lecta; pulcherrimæque quer-
cus, populi, aliæque arbores passim ab ipsis conspectæ. Dein sublatis anchoris flumen
ipsum subierunt & ad quadragesimum tertium gradum latitudinis septentrionalis
ascenderunt, ubi alveus jam angustior & vadisior majora navigia haud amplius susti-
net, indubiis signis paruit nunquam ante illum diem Europæos aut flumen ingressos
aut hucusque ascendisse. Quare quum Hudsonus cum celoce sua Amstelodamum 50
sub finem Autumni rediisset, & quæ de hoc flumine compererat (quod à barbaro-
rum, qui fauces illius accolunt, nomine *Manhattes* appellaverat) edisseruisset, statim
anno 1609 ex mercatores quidam Amstelodamenses, eonam cum variis merci-
bus destinarent & diplomate ab Illustr. D. Ordinibus confæderati Belgii impetraro,
quo ipsis solis hoc flumen & vicinas regiones commerciorum gratia adire permitte-
batur, sequentibus annis hic cum barbaris commercia exercita fuerunt & à nostris
quoque

quoque hibernatum: demumque anno c1510cxv munimentum auspiciis eorumdem D. D. Ordinum hic structum & praesidio militum aliquandiu servatum, uti paulo post dicemus. Hicce initiis huius Continentis septentrionalis parti No v r BELGII nomen quaesitum, hodieque perennat.

1615.

C A P. VIII.

Particularis Novi Belgii descriptio secundum ora illius ductum.

10 **O**RA Continentis, uti jam diximus, à promontorio *Malebarre* sese flectit versus occasum, multis insulis passim objectis, ipsoque continentis littore tot recessibus sinibusque inciso, ut ambiguum pene sit, utrum Insulae an continentis nomen mereatur & in eo autores varient. Superato hoc Promontorio statim ad ipsum littoris flexum insula parvula objacet, duo milliaria à continēte, nec supra milliare longa, quā *Petockenock* appellari volunt. Illi ad occasum vicina est Insula oblonga & ampla quam nostrates ob similitudinem quandam *Texeliam* dixerunt: huic vero versus Africum, non nisi unius aut alterius milliariis intervallo alia minor adjacet, quam nostri à primo inventore *Henrici Christiani* Insulam appellant: Angli autem *Vincam Marthe* videntur appellare, ad latitudinem unius & quadraginta graduum & xv scrupulorum. Quinque
20 nulliaria ambitu complecti produnt, arboribus passim vestitam, avium copia amœnam & piscationi peropportunam. Continentem versus modico intervallo sequitur parva insula, quam à re ipsa *Douera* scopulum dixere, & unius milliariis interapedine Insula *Elisabetha* ad latitudinem unius & quadraginta graduum & x scrupul. in media stagnum jacet aquae potabilis, inque eo extans scopulus, quem Angli munire aliquando aggressi, rursus deseruerunt. Exrema Insularum est quam Navarchus *Adri-*
nus Block de suo nomine appellavit.

Sed ad Continentem revertamur: hic primum se pandit sinus (quem nonnulli etiam fluvium vocant) *Nassovio* nomine clarus, duo milliaria nostratia in ipso aditu patens, & variis insulis interjectis, octo circiter continenti sese insinuans, subinde angustior & in conum desinens, alveo quatuor, quinque & interdum novem orgyas alto, præterquam in intimo gremio, ubi vadiosior est. Solo amœno & fertili ambitu, quod à
30 validis barbaris habitatur, qui aditu difficiliore sunt, urpote commerciis advenarum nondum assuefacti. Ab Occidentali hujus sinus ostio septem milliaria littus legentibus versus Occidentem, alter sinus occurrit, ab Insula in ipsis faucibus divisus, ideoque binominis, nam fauces quæ ortum spectant ab Anchoris, quæ occasum, à Cymbis nomen meruerunt: barbari qui hunc sinum circumscindunt *Wapenokes* dicuntur: licet ab aliis, *Nalucanos* occidentale sinus latus tenere, proditum sit. Hunc octo milliaria aut circiter prætervectos amplissimus sinus excipit, quem longus terrarum ductus seu potius Insulae multis alveis intercisæ & ad ostium usque magni fluminis in longum extensæ, claudunt: multæ quoque Insulae minores per sinum sparsæ, necdum
40 peculiaribus nominibus notæ, quæ navigantes pro arbitrio mutant. Hunc sinum ingressos ad dextram Angulus continentis accipit incurvus instar falcis, pone quem sinus exiguus amniculum recipit tenuem, qui ab Oriente descendit, à quo & nomen apud nostrates hausit. Sequitur ad eandem plagam alter fluviolus, quem à barbarorum Reguli nomine *Siccanamos* indigitarunt: statio hic percommoda; pone promontoriolum alveus fluvioli tenuis, haud supra quinque aut sex milliaria ascendi potest; Salmones hic capiuntur; barbari *Pequatoes* accollunt, quibus juges cum *Wapenokis* inimicitiae. Hinc ora paulum versus Africum reflectitur, eamque legentibus obvis fit amnis *Frisius* à nostris nominatus, ubi commercia cum barbaris *Morhicanis* exercentur. Huic ad eandem oram proximus est amnis, quem nostri dulcem, De Ver-
50 sche Rievieri, vocant, vadiosus in ipsis faucibus & alveo ipso exilis, ita ut ægre minoribus navigiis ascendi possit; raris barbaris juxta mare accolitur, in mediterraneis primo *Sequini* degunt, quindecim milliaria à littore. deinde *Navassij* qui terram colunt & Maizium serunt, panesque ex illo coctos suo idiomate *Leganick* vocant, ii Anno c1510cxiv se palis, castrum in modum, adversus hostiles incursum muniverant, ad altitudinem unius & quadraginta graduum & xlviii scrupul. uti à nostratibus observatum inveni: ulterius *Horikani* degunt, qui hunc fluvium, cymbulis è cor-
cibus

cibus arborum barbaro artificio confutis, solent descendere. Ab hoc fluviolo ad occasum tendentibus octo milliaria, alius occurrit, cui à rubro monte nomen hæsit, hunc Querepees accolunt; multi hic Castores capiuntur, postquam barbaros natura sua desides, nostrarum mercium desiderium excitavit. Quatuor ab hoc milliaria versus occasum, oram sequentibus, insula occurrit, & mox aliz complures, unde nostrates Archipelagum Insularum dixerunt, hic sinus ad quatuor milliaria patet in latitudinem: Continentem habitant Suwanoës, cæteris barbaris habitu & moribus similes.

Porro magnum sinum à variis insulis, per modicos alveos tantum à se invicem divisus, claudi supra diximus: has natio quædam barbara incolit, piscationi imprimis 10 intenta, eaque vitam tolerans (*Maton Wax* vocantur) unde orientali harum insularum promontorio, piscatorum nomen à nostratibus impositum, quod nonnulli etiam sinus caput vocant. In interiori hunc sinum majoris fluvii ramus aut utalii volunt, alius amnis exit, quem nostri inferni os, vulgo het Helle-gat, appellant, refluxus autem maris ab oriente in Occidentem tendens, majoris fluvii refluxui obviam ite juxta insulam, quam à juglandum copia, nostrates *Nucum* Insulam vocant.

CAP. IX.

De Magno seu septentrionali Novi Belgii flumine, & variis populis qui illud accolunt.

20

Magnum Novi Belgii flumen, ab aliis *Manhattes*, à populis nimirum qui juxta æstuarium illius degunt, ab aliis *de Montaigne*, à nonnullis & *Nassovium*, sæpius autem à nostris grande & septentrionale appellatur, ad differentiam alterius quod magis versus Austrum, in eundem Oceanum erumpit.

Juxta æstuarium hujus fluminis, continens Oceanum modico sinu admittit, quem nostrates vulgo *May* portum vocant à Navarchi Cornelii *May* nomine: clauditur Insularum aliquot objectu & Promontorio arenoso quod Orientem spectat, rupibus & vadis navigantibus infido, pone ipsum tamen statio navibus satis opportuna. Sinum in ambitu accolunt *Aquamachugues*. Ab hoc promontorio flumen ingressuris, milliare aut paulo amplius intra æstuarium, insula occurrit, quam à nucibus appellari jam diximus: è regione illius ad lavam seu Occidentalem ripam tres quatuorve insulæ Continenti adjacent. Fauces ipsæ fluminis distant ab æquatore quadraginta gradus & xxxviii aut xxxc erup. versus arctum. Alveus in ipso ostio quatuordecim aut quindecim orgyas est altus, quam altitudinem fere in progressu servat & modo latior modo angustior, variisq; meandris inter aquilonem & eorum sese inflectens ascendit.

Dextram sive Orientalem fluminis ripam, ab ipsis faucibus accolunt *Manhatta* sive *Manathanes* ferox natio & nostratibus iniquior; à quibus tamen nostri redemerunt Insulam seu terræ Angulum, quem inferni os (de quo supra) à reliqua continente dirimit. ibidemque arcis & oppidi fundamenta jecerunt Novi Amstelodami nomine. 40

Sinistram sive occidentalem accolunt *Sanhikani* infensissimi superiorum hostes, cultior gens & melior, hi secus oras sinus & in mediterraneis degunt. Ex adverso autem *Manhattarum* degunt *Machkentidomi*; & intra primum fluminis flexum ad eandem oram *Tappaanes*. Flumen hic in medio alveo vadusum, secus ripas vero utrimque altitudinem suam servat, & sinum facit, qui circiter sex milliaria ambitu suo completur & naves adversus incerta ventorum, ubi opus est, egregie defendit: fluxus atque refluxus maris hic satis validus, verum propter aquarum quæ desuper descendunt copiam, non ultra pedes quatuor flumen decrescit, & plerumque vernis mensibus inundat humiliores ripas. Secundus fluminis flexus eorum versus sinuatur ad angustias usque, quas nostrates *Haverstroo* nominant; atque ita variis flexibus ascendit ad locum quem nostri *Visschers Rack*, id est piscatorum flexum appellant. Atq; hic orientalem ripam obtinent *Pachami*; paulo ulterius arenosum promontorium se projicit & ripæ accedunt, *Ejopus* vulgo dicitur, ubi *Waaraneck*, alia barbarorum natio, sedes habent: his modico intervallo succedunt ad oppositâ ripam *Waranavancouzy*. Hinc porro per varios flexus atq; reflexus, quos nostrates peculiaribus nominibus insigniunt, ad aliud promontoriolum ascendit, altitudine alvei paulatim decre-

scente,

seente, & hinc namd sup̄ tres quatuorve nuyavatos, crebris valis & brevibus passim spatis, nullorū arborumq̄ cultorū, ipsi p̄nuolo: deinceps uriorum insula alear & pone illam exiguis sinus, veterem fluvium appellunt. Eregione ad dextram illam aut ripam habuere *Manlikanis*: eadem autem ripa præceditur insula oblonga, variis arboribus celsa, vñ plures insula videri possunt, donec ad aliam insulam perveniatur, ubi nostri jam olim parvum Castellum habuerunt: atque hactenus fluxus maris reciprocis æstibus ascendit & flumen nuyatorum navigiorum est terax: deinceps minus minusque altum, vix minores cymbis patitur: conspiciuntur autem et montes altissimi, de quibus maxima pars aquarum, quibus flumen hoc infatur, se præcipitat: fontes autem haud longe a magno flumine Canadensi habet, vel hoc argumento opinantur, quod non raro ad Castellum nostrorum barbari inde a *Tadousac* atque adeo *Tadousac* ventitare solent. Castellum autem hoc, quod *Auracum* vocant, insula insidet, quæ sinistræ ripæ adjacet, ubi natio quædam barbarorum habitat, quos *Manikakis* vocant, Manlikanis qui dextram ripam è regione tenent insensibilissimi. Nam pene omnes barbari qui Occidentalem ripam accoliunt, graves, cum is qui Orientalem tenent, exercent inimicitias: huic castello primus illis annis machinæ aliquot bellicæ impositæ erant & præsidium aliquot milium, sub auspiciis Illustris D. D. Ordinum confederati Belgii, quibus præerat *Henricus Christianus* & postea *Jacobus Elkens*: atque ita nostri ab anno 1635 xiv ad aliquot
 10 succedentes tenuerunt: Donec à societate Indiarum Occidentalis, novo & amplius eo eorumdum præpotentum Dominorum diplomate ipsis concessio, porro ab ipsis hoc flumen adiri & colonis deductis amplius habitari cepit.


C A P. X.

Novi Belgii Celsi folique natura, frugis, plantæ, aliæ.

Belgi nostrum qui primi hoc nomen subjerunt, tū qui postea crebris navigationibus frequentante, mira varietate de proceritate arborum (egregio soli luxuriantia argumentum) ad ædificia & naves etiam maximas, idonearum. Vitum
 30 sylvestrum copia. Nucum summa abundantia, quarum fructus à nostratibus nonnihil abluunt, nam & minores sunt, & duriores atque adeo leviori cortice tecti: atque in eundem modum de aliis arboribus, plantis, herbis, quas terra sponte sua producit: ubi autem industria humana atque labore colitur, Maizium præstantissimum incredibili fœnore reddit, legumina quoque varia, phaseolos præsertim mira & iucunda colorum varietate, peponum elegantissimas species, itemque anguras & similes fructus usibus aptissimos: ut nihil hic nisi sedula hominum industria desideretur. Nostri autem jam variis locis triticum atque alia faris genera, item linum & Cannabim, atque Europææ semina serere ceperunt, quæ solum benigne admodum
 40 paritur. Herbarum omnium generis hic passim magna est copia, quarum quædam & elegantissimi flores ferunt, quædam & ad medicinam faciendam utiles judicantur, non possum omittere quin hic unam atque alteram describam, licet usus illarum adhuc ignotus sit.

Mixta fuerant ad nos è Novo Belgio duæ plantæ, quæ anno superiori, in Horto Medico hujus urbis feliciter succreverant: quarum unam ultra exprimendam curavimus, altera ingentia hyemis extincta fuit: utqueam pingi posset. congeneres utriusque vidæ, licet nonnihil forma & mole foliorum atque caulium differrent: conveniebant in eo, quod folia omnino similia essent terro quo Africani atque Indi specula sua asperant, quodque caules teneri essent & forte volubiles, quadrangulæ aut quinquangulæ, exiguis sentibus asperi, cum certis internodiis, à quibus
 50 folia erumpunt & è foliorum exordiis rufus alii cauliculi. In hisce vero distulerunt primo quod prioris folia latiora & ab utraque parte lævia: posterioris angustiora postius parte sunt aspera & magis dilute vireant: secundo quod prioris folia longis pediculis caribus alligantur, posterioris longe brevioribus. Tertio quod prioris caules & viridi rubescant, posterioris minime: quarto quod prior nullo flores videatur ferre, posteriori vero inter singula internodia & in tumiditate pene apiculi caulis enascantur sticuli minuti, è candido rubentes, forma & modo pene columbinæ
 cum

cum floribus Piperis Aquatici, nisi quod paulo elegantiores sint & magis in orbem conglobati. Vnde fortasse quis non absurde harum plantarum alteram marem, alteram fixaminam dixerit. Perit utraque superiore hyeme, quare cetera observare non potuimus. Ejus autem plantæ quæ flosculos fert, Iconem hic subijcimus.



In sylvis magna passim est ferarum copia, imprimis cervorum, & reliquorum quadrupedum quos pars hæc Americæ Septentrionalis nutrit.

Aves quoque hic innumeræ reperiuntur, tam majores quam minores, sylvicolæ pariter & quæ flumina & stagna amant; mira quoque plumarum elegancia & varietate: Hyeme quoque hic capiuntur præstantes Gallopavi, præpingues & optimis carnibus. Flumina denique optimos pisces nutriunt, Salmones, Sturiones & alios quamplures.

Cæli temperies à nostro clymate non multum abjudit, nam licet multis gradibus propius ad Æquatorem accedit, quam nostrum, tamen hic non minus hibernis mensibus friget, quam in Belgio, & gelu satis intensum est, crebræque altæ nives decidunt & operiunt diu terram, eadem qua apud nos annorum varietate: similis ventorum inconstantia; & æstate crebra tonitrua, fulgura & validi nimbi. Ideoque vix ullam Americæ regionem, colonis è nostro cælo deducendis aptiorem esse existimo: præferim quum nihil hic desit, quod ad vitam humanam sustentandam necessarium

rium iudicatur, & uberius labore & industria parari possit. Sola armenta atque iumenta hic desiderantur, quæ levi negotio huc transportari, & ob pabuli penæ ubi- que copiam commodissime ali possunt. Vites autem si cultura accederet, & vini ube- rem proventum videntur polliceri.

C A P. XI.

Indigenarum Novi Belgij mores & instituta; & Sankikanorum lingua.

BARBARI in multas nationes & populos divisi, idiome multum inter se, moribus vero perparum differunt, eadem corporum constitutione, qua illi qui bonam N. Franciæ partem incolunt. Vestitus è ferarum exuviis, castorum præsertim, vulpium & similium, barbarorum in modum consutus, quo se totos hyeme, neglectim æstate tegunt. Præcipuum illorum alimentum Maizium, è quo liba quædam panum instar coquunt, pisces, aves atque ferina. Arma arcus & sagittæ acutis silicibus aut piscium ossibus asperatæ. Lintres ipsi uni lignei, è vastis arborum truncis igne excavati. Quidam incertis sedibus vagi sub dio, humi strati aut super storeas junceas, somnum pariter atque cibum capiunt, idque æstate, quum propius ad mare piscandi gratia accedunt. Alii fixas sedes habent, domiciliaque & tignis turni effigie, corticibus arborum desuper contexta, adeo capacia, ut pluribus familiis sufficiant. Suppellex illis tenuis & rara, storeæ & disci lignei, secures barbara industria factæ & duris silicibus, rubuli quoque in quibus Tabacci fumum hauriunt, ex eisdem silicibus hæud inconcinne cavati, ut mirum sit quo pacto in tanta ferramentorum inopia tales ab ipsis sculpi possint; divitias neque appetunt neque norunt.

Cæterum nullis ipsis religionis sensus, nulla Dei veneratio: diabolum quidem colunt sed non tam solemniter neque certis ceremoniis, ut Africani faciunt; hunc suo idiome vocant *Menitto* vel *Menetto*; & quicquid mirabile est & captum humanum videtur superare, id similiter vocant *Menetto*; ad eundem plane modum, quem supra Canadenses *Oqui* voce uti monuimus.

Nulla ipsis Politicæ forma, præterquam quod præfectos suos habeant, quos *Sack-*
mos & *Sagamos* vocant, qui fere sunt familiarum principes, nam raro cognationis unius limites excedunt: sunt autem ut plerique barbari, suspiciosi & meticulosi: imprimis autem vindictæ cupidissimi; mutabiles: verum si humanius tractentur, hospitaes & ad obsequium prompti, exiguaque mercede operam suam addiunt & longissima quoque itinera brevi tempore absoluunt, majori fide quam à tam barbaris hominibus jure quis expectet: neque dubium est consuetudine Christianorum & urbanis moribus & religione imbuti posse, præsertim si coloniz huc deducerentur hominum bene moratorum, qui & obsequiis illorum uterentur absque violentia aut contumelia, & vicissim illos ad veri Dei cultum & civilem conversationem sensim assuec- cerent.

Non possum committere, quin uti in antecedentibus, qualemcunque gustum dem Dialecti horum Barbarorum; & præsertim Sankikanorum, quæ natio supra Australe flumen degit, ut statim dicemus.

Numerorum nomina hæc illis sunt:

1. Cotté.	2. Nyssé.	3. Nacha.	4. Wyre.	5. Parenagh.
6. Cottash.	7. Nyssas.	8. Gethas.	9. Peston.	10. Terren.
20. Myssynach.	30. Nachynagh.	40. Weywynagh.	50. Parashgynah.	60. Costegynagh.
70. Nyssstigen.	80. Gabashynagh.	90. Pestongynach.	100. Cottapach.	

Partes corporis humani ita nominant.

Caput	Wyer.	Capillus	Mytrach.	Frons	Nachkaronck.
50 Oculus	Schinquoy.	Nasus	Akywan.	Auris	Hyttirwack.
Os	Toonne.	Labrum	Chettoen.	Dens	Wypyt.
Lingua	Wyeranou.	Mentum	Hochquoy.	Collum	Xequoykangan.
Humerus	Duchke.	Pectus	Toorsay.	Vbera	Noenackan.
Brachia	Nachk.	Digiti	Rinskan.	Pollex	Rideren.
Vngues	Hyckaes.	Nervus	Cheet.	Sanguis	Mohocht.
Ventriculus	Thefe.	Venter	Nathey.	Femur	Promine.
Pedes	Syt.				

Sexuum nomina ita efferunt, Mas		<i>Renaes.</i>	Fæmina		<i>Orquoyne.</i>			
Elementa autem; & quæ ex illis composita.								
Ignis	<i>Tinteywe.</i>	Aqua	<i>Empeye.</i>	Arbor	<i>Histeocke.</i>			
Pluvia	<i>Soukeree.</i>	Gelu	<i>Kepassen.</i>	Nives	<i>T'Ynyovvree.</i>			
Grando	<i>Tassjckii.</i>							
Animalium nomina hæc fere agnoscunt.								
Cervus	<i>Atto.</i>	Lupus	<i>Metumnu.</i>	Canis	<i>Aram.</i>			
Vrsus	<i>Machquoyvo.</i>	Leo	<i>Synquoy Mackyrggh.</i>	Vulpes	<i>F'Voncons.</i>			
Castor	<i>Temaquoy.</i>	Lutra	<i>Counamoch.</i>					
Avium item.								
Cygnus	<i>VVynkyckfo.</i>	Gallopavus	<i>Sickenum.</i>	Grus	<i>Tarecka.</i> Anser	<i>Ciaback.</i>		
Anas	<i>Comconcke.</i>	Perdix	<i>Ourikinck.</i>	Turtur	<i>Mymy.</i>			
Pisces hic noti.								
Lucius	<i>Caopyte.</i>	Anguilla	<i>Syackameck.</i>	Perca	<i>Cawycakanesse.</i>	Truta	<i>Cackykane.</i>	
Qualitates ita distinguunt. Bonus						<i>Ouref.</i>	Malus	<i>Maser.</i>

CAP. XII.

Ora maritima descriptio ad alterum usque Flumen & gradum Trigesimum Ostævum latitudinis septentrionalis.

INter Promontorium Arenosum, quod modo sinum veluti claudere diximus, qui flumen Septentrionale accipit, & extremum litus insularum quas Mattou-wacky incolunt, viginti quinque milliaria numerantur secundum exactissimas nostrorum observationes, inter Mezen & Zephyronotum, servatque Mare medio pene intervallo alveum satis altum.

Hunc autem sinum egressis & Austrum versus littora legentibus, primum terra edita & duplex sese ostendit, reflectens versus Libonothum, dein paulo amplius ad austrum curvatur, absque brevibus aut vadis; juxta litus in ipsa continente arenosi tumuli videntur, verum paululum provectis, solum sensim declinat atque humilius sit, littore ab ipsa continente fluctibus mediterraneis diviso & Æquori pene æquali, nisi quod rari arenosi colles hic illic extent, & ora incisâ fluctus marinos per certos canales, variis locis intromittat: præsertim ad altitudinem novem & triginta graduum & xv Scrup. Ovorum vel etiam sinuum portum vocant nostrates. Hic enim ora à marinis fluctibus incisâ, æquor patenti sinu admittit, in quo minores aliquot insulæ sparsæ. Hunc portum prætervectis sylva ad oram maris conspicitur, & mox colles aliquot arenosi, & humile litus & saltus, & nonnunquam tumulus unus atque alter, tota hac plaga ad zephyronothum inclinante, usque ad fauces alterius satis ampli sinus, qui duobus promontoriis utrimque in altum egredientibus, & aliquot milliarium intervallo disjunctis, mare vasto ambitu admittit; septentrionali May, Australi promontorio Cornelii cognomen à primo inventore datum. Est autem hic sinus crebris vadorum brevibus, navigantibus supra modum infidus, ita ut non nisi cum summo discrimine absque peritissimo Nauclero adiri possit; inter brevia tamen alvei satis alti discurrunt.

In intimum autem gremium hujus sinus, magnum itidem flumen egreditur, ex interiori continenti descendens, quod ad alterius de quo supra diximus discrimen, Australe appellatur, jam aliquot navigationibus à nostratibus lustratum; præter minores aliquot amnes qui in hunc sinum sese evolvunt. Verum quum plenior hujus fluminis noticia ad nos nondum pervenerit, plura de illo dicere superseco. Hoc unum addo, varias nationes Barbarorum ripas illius accollere & interiores regiones possidere. Ad minorem amnem qui in sinum egreditur paulum infra majoris fluvii fauces degunt *Servvapsii*; statim intra majoris fauces ad dextram quidem *Siconessii*, ad sinistram autem *Mingquasi*; ulterius ascendentibus obuii sunt *Naratscong*, *Mantses*, *Armevvamexy*, qui omnes ad dextram ripam juxta minores amnes qui in majus flumen influunt, accollunt eo ordine, quem expressimus; remotiores à ripa sunt *Maroahkongy*, *Amakarsongky*, *Remkokes*, *Mingquasi* sive *Macheeretini*; *Asisongky*: omnium remotissimi *Mastikengy* & *Sankikanes*.

*kane*s qui quadragesimum gradum latitudinis septentrionalis attingunt, absintque ab ostio fluminis circiter octodecim milliaria: quibus quidam addunt *Sawanos, Capitanasses, Gacheos*, alios, qui vitæ institutis & moribus ab iis quos modo descripsimus nihil aut parum discrepant, colunt agros, & Mayzio leguminibusque victitant.

Porro promontorium *Cornelii* ut vocant, distat ab æquatore octo & triginta gradus & LV scrupul. Hinc digressos, sequentesque litus quod ad Zephyronothum convertitur, quatuor milliarium intervallo, aliud promontorium sit obvium quod nostri *Hinlopianum* vocant, à quo deinceps ora primum versus austrum revertitur, rursusque ad Africum retrocedit ad trigésimum octavum usque gradum, in quo hic finem facinus.

VIRGINIA.

CAP. XIII.

Virginie, quam Angli hodie incolunt, situs, cæli solique qualitates.

NOVIO Belgio contermina est *Virginia*, Anglis colonis hodie habitata, quam Joannes Smithus in hunc modum describit. VIRGINIA (inquit) in quam Angli nostri anno 1607 colonias deduxerunt à trigésimo septimo ad trigésimum nonum septentrionalis latitudinis gradum secundum litus exportigitur. Ætas hic calida uti in Hispania, hyems frigida, qualis in Gallia aut Anglia: Mense Junio, Julio & Augusto hic potissimum æstuat, qui tamen æstus ab orientalibus auris quas *brisas* vulgo vocant Hispani, & à maritimis ventis plerumque corrigitur & egre-
gie mitigatur: à Decembri ad Martium usque friget, acerrimo quidem frigore, sed minus diuturno. Anno 1607 cum plerisque Europæ regionibus intensissimum frigus incumberet, etiam Virginia longam hyemem & diuturnam glaciem fuit experta, sed anno proximo pro octo aut novem nivalibus aut glacialibus diebus, plures tepidos & pene vernos ipsa hyeme sensit. Venti multum hic variant: crebra fulgura & tonitrua, gravioraque quam in Europa. Africanus hio maxime pluvius & imbrum pariter atque æstuum fecundus: Corus vero æstus corrigit & plerumque serenat: frigus & gelu ab arcto, nebulæ & pluvix ab Oriente atque Euro descendunt. Aer licet interdum siccior, nonnunquam & humidior est, neuter tamen damnosus, neque quicquam impedit, quo minus omnimodæ fruges, haud secus quam in Europa, labore & industria humana hic utiliter excoli possint.

Vnicus ad hanc regionem aditus est per late parentem sinum & à duobus promontoriis dextra levæque clausum, quorum australe, quod ab Henrico Wallæ Principe nomen accepit, arenosis tumulis & modicis collibus conspicuum, piceis & pinis juxta oram late viret: septentrionale à Carolo Eboracensi tum duce, nunc Magnæ Britannix Rege nomen invenit.

Interior regio nulli Europæ, Asiæ aut Africæ regioni secunda est, sive multitudinem pulcherrimorum & navigabilium fluviorum species, sive cæli solique bonitatem. Hic montes vaste se attollunt, alibi colles modice assurgunt, illic in convalles subidet tellus, istic rursus in laram planiciem sternitur: crebra stagna, varii lacus, frequentes amnes interluunt, qui omnes in amplissimum & pulcherrimum illum Sinum sese exonerant: In quo uti & in fluminibus variæ insulæ sparæ sunt, quarum quædam arboribus vestitæ, quædam nudæ, omnes autem humiles & hætenus incultæ videntur.

Sinus hic inter Austrum & Septentriones porrigitur & æstus maris ad ducenta pene milliaria anglica sentit, alveo ad centum & quinquaginta milliaria navigabili & septem & non raro quatuordecim orgyas alto, & ut plurimum decem aut quindecim milliaria lato. Solum in Interiori Sinus gremio in altissima montium juga assurgit, quæ versus Africum sese perpetuo ductu & veluti recta linea expandunt, & quo magis ad austrum processerint, eo longius ab ora Sinus recedunt: ab his varii rivuli & torrentes descendunt, qui alii in alios illabentes, tandem quinq; insignes & navigabiles amnes in Sinum educunt, hi potissimum à Coro versus Eurum labuntur, & di-

vident occidentalem oram, ostiis nunc viginti, nunc viginti quinque milliarium intervallo à se invicem distetis.

Montes porro diversæ naturæ sunt atque soli, nam qui Sinus gremio prætenduntur, caucibus asperantur ac saxis, quæ à molaribus haud multum differunt; quidam etiam marmor ferunt: nonnumquam & Crystallum ad radices montium reperitur, quod nivibus, quæ jugiter vertices hibernis mensibus operiunt, ab æstu Solis solutis, & torrentibus in imas valles sese præcipitantibus, una devolvitur: Eadem undæ, ramenta quædam soli abradunt & secum deferunt adeo splendentia, ut facile quis credat, metallorum venas intra montium viscera abscondi. Ipsa quoque soli natura multum variat, est quod bolum Armeniæ colore æmuletur, nonnullibi & quod 10 Lemniam quam vocant tetram, sive sigillatam referat: non raro & fullonia reperitur & marga stercoreandis agris apta, & similes tertarum species. Vt plurimum autem solum aut nigro aut arenoso pulvere aut pingui gleba constat, rarius vero infecunda glareæ: fecunditatem arguunt, proceræ quæ ubique fere nascuntur arbores, & herbæ, lætaque gramina. Cæterum neque acclive nimium neque declive solum, colliculis & modicis convallibus ita temperatum est atque distinctum, tam limpidis fontibus tiguum, tot amenis rivulis pervium, ut nihil pulchrius aut amænus natura moliri potuissè videatur: nisi quod sylvis pene in via pleraque sunt omnia, præterquam ubi Indigenarum industria, semientis gratia, jam ab aliquot annis, illæ excisæ atque eradicatæ fuerunt.

20

CAP. XIV.

Flumina Virginia & Populi qui ea accolunt, è Commentario Joannis Smithi.

Pavtha-
cao.

QUINQUE pulchra & navigabilia flumina in magnum sinum (qui vulgo *Chesapeake* appellatur) & quidem ad lævum seu occidentale illius latus, descendere supra diximus. Eorum primum & fere è regione faucium situm quibus sinus æquor admittit, ab occidente descendens & in montibus *Monacanorum* oriens, vulgo *Pawhatan* dicitur à Reguli nomine, cujus ditionem præterlabitur; 30 jamque centum & forte plura milliaria permensus & toto illo tractu navigatorum patiens, ore tria milliaria lato in sinum exit, alveo tamen propter vadosas utrinque ripas satis angusto: quo minus superius navigetur crebri cataractæ & rupium lætorumque breviam faciunt: multos rivulos accipit è jugibus fontibus, præterea & aliis amnibus augetur; ab austro quidem primum amne *Apamatus*, dein paulo inferius aliis duobus, qui ambo *Quiyoughcohanock* dicuntur, sub quibus sinus jacet, (in quem tres quatuorve modici torrentes confluunt) qui à *Waraskoyakis* mediâ parte accollitur: tertio *Nandsamund* fluvio; & postremo stagni emissatio, *Chesapeake* barbaris, à quo magno sinui nomen: Ab arcto vero supra Iacobipolim Anglorum coloniam primo fluvio *Chikahamania*, deinde alio qui insulam Cedrorum lambit, postremo 40 & à sinu & portu *Kecoughtan* aquas accipit, qui variis flexibus in canales & peninsulas veluti fibræ incisus, stationem cymbis præbet. Hujus fluminis, amniumque quos devehit, ripæ à variis populis vel potius cognationibus habitantur, sub Regulis suis, quos ipsi *Weroances* vocant. Ad dextram ripam, juxta fluminis ostium habitant *Kecoughtani* qui præter sæminas & infantes vix viginti viros bello idoneos numerant: his proximi *Paspahagenes* quadraginta milliaria supra ostium, qui vix quadraginta habent: (in horum territorio sita est Anglorum colonia) deinceps *Chicahimanenses*, pene ducenti numero: *Weanaki* centum; *Arrowharocky*, triginta: *Panbatani* quadraginta. Ad lævam autem *Apamatus*, qui viros bello aptos sexaginta numerant: *Quiyoughcohanokij* qui viginti quinque: *Waraskoyacky* qui quadraginta; *Nandsamundy* 50 qui ducentos, *Chesapeacky* qui vix centum. Omnes hi barbari peculiare suos *Weroances* habent, quibus parent, præter *Chicahimanenses* qui à sacerdotibus suis reguntur, quos è senioribus eligunt & *Cawcawdassonghes* appellant. In hoc flumine denique æstivis mensibus ingens accipenserum copia capitur (mense quidem Junio minorum, Septembris autem longe maximorum) hybernis aviis: omnes præterea amnes & torrentes qui in istud influunt valde piscosi sunt.

Quatuor-

Quatuordecim milliaria ab hoc flumine versus arctum, alterum egreditur, *Pamaunke* vulgo dictum, quod ab occidente è mediterraneis montibus labitur, primo exilius, ubi *Tonghranound* nominatur ab accolarum nomine qui sexaginta viros bello idoneos numerant: deinde variis meandris per longa terrarum spacia devolutum, alium amnem *Matta paminum* ab septentrione accipit & deinceps latiore alveo descendens *Pamaunke* appellatur, & juxta confluentem à trecentis pene barbaris accolitur: Infra hunc viginti quinque circiter milliaria ad dextram seu septentrionalem ripam *Vverawocomoco* jacet, maximi horum populorum Reguli quondam regia, quam tamen jam reliquit & se ad *Orapakensum* solitudines ad *Youchtra-*
 10 mundi ripas recepit: decem aut duodecim milliaria infra *Wera wocomoco* ad sinistram sive australem ripam *Chisbiackorum* pagus jacet, qui quadraginta aut quinquaginta bellatores possunt emittere: exiguo ab hoc flumine intervallo, effluit è continenti, minor amnis, *Payan ksnik* ab indigenis appellatus, cujus accolæ ad quadraginta accedunt.

Tertium flumen *Toppahanock* dicitur, quod è *Mannahoachorum* jugis descendit & ad centum & triginta milliaria navigari potest: haud procul ab ostio habitant *Custawomeni*, qui haud supra triginta viros habent bello idoneos: & supra hos ad septentrionalem ripam *Moraugetandij*, qui pene octuaginta; & his proximi *Toppahanockij* (à quibus flumini nomen indicum fuit) qui centum: & rursus *Custawomeni* longe in-
 20 frequentiores. Ad australem ripam procul ab ostio degunt *Nantauchacundij*, centum quinquaginta viri: & propius ad ostium *Opiscopankij*.

Quartum flumen *Patawomeke* appellatur, quod in ipso exitu sex aut septem milliaria patens, ad centum & quadraginta milliaria navigia patitur: quo intervallo multos rivos & amniculos accipit è vicinis collibus & montibus profuentes; qui colles non minus fructiferarum & silvestrium arborum opacitate conspiciuntur, quam ipse alveus mirum in modum piscosus. Frequentes ad utramque ripam jacent pagi, & quidem ad sinistram haud longe ab æstuario *VVigcomoco* centum triginta bellatores alens: ei proximus *Sekacowone* triginta: & *Onawmanient* centum, frequentissimus autem *Patanomeke* centum sexaginta; juxta hunc excipit fluvium *Quiyough*, qui è
 30 montibus oritur qui ad occasum vergunt; deinde alveum cubito ad boream reflectens, *Tauxenentum* quadraginta virorum pagum lambit: rursusque ascendit versus Corum: hic ad dextram ripam jacet *Secowocomoco* quadraginta virorum pagus, & *Potapoco* triginta: & ad ipsum prioris cubiti flexum *Pamacacak* hexaginta; & paulum superius *Meyowana* centum; denique ad alterius cubiti flexum *Nacochtanche*, octuaginta: atque ibi flumen per amœnissimam convallem, decem milliaria longam, decurrit, arborum lucis opacam, multisque torrentibus & rivulis irriguam.

Quintum flumen dicitur *Pawtuxent* præcedentibus longe minus, alveo tamen ad sedecim aut octodecim orgyas alto, & longe piscosiore: Hujus ripas accolunt *Acquintanufaci*, *Pautuxentij* & *Atarrapanientii* qui haud supra ducentos viros ad bellum valent emittere: attramen magis conjunctas sedes habent quam cæteri barbari, illisque multo cultiores & hospitaliores judicantur.

Triginta ab hoc milliaria, alius insuper amnis in sinum egreditur, quem à soli colore Angli vulgo *Bolum* vocant: alveo quidem navigabili, sed ripis inculcis atque desertis.

In ipsum Sinus gremium quatuor præterea fluvii se exonerant, quorum interior bidui itinere in mediterraneis ortus, haud longe supra fauces de cataraacte satis alto præcipitatur ideoque navigiis inaccessible: hujus ripas in interiori Continente, accolunt *Sasquesahanoxi* proceræ gens & præ Anglis atque barbaris gigantes visû, cæterum simplices & præcipua erga advenas veneratione; lingua & amictu à reliquis
 40 barbaris multum diversi, quippe pro mole corporis raucum boatum veluti è spectu edunt; uterumque & luporum pellibus amiciuntur, peregrinum in modum: integram uris pellem circumjiciunt corpori, ita ut caput pro monili pectori ipsorum incumbat; alii lupi caput, alii ungulas pro ornamento appendunt: arma ipsis arcus, sagittæ & clavæ è durissima materie: pagos suos palis communiunt adversus *Massawomekios* cum quibus jugiter bellum gerunt. Leonem unius barbari Joannes Smithus in tabula sua Geographica nobis expressit, quam hic adjungere operæ præcium putavi.



Hujus crura juxta furas tres quartas partes ulnae anglicae crassa erant, è quibus reliqua corporis moles aestimari potest: ceterum membris bene compositis & decorus aspectu, coma capitis supra dextrum humerum promissa, leva capitis parte rasâ, & à fronte ad occipitium per medium verticem instar cristae erectâ: sagittas ulnam & semissem longas, & acuto saxo, ferri inopia, asperitas in lupi exuviis post tergum revinctas, arcum una, clavam altera manu gestabat.

Porro ad dextrum sive orientale magni sinus latus etiam aliquot amnes egrediuntur, & quidem primo *Togbawogh*, barbaris frequens, qui septem ab ostio milliaria pagum palis undique septum incolunt. His vicini sunt ad eandem oram *Oxini*. Deinde paulo magis versus Austrum fluvius *Raphabanoek*. Tertio illi vicinus *Kuskawaraok*, quem populus ejusdem nominis frequentissimo pago accolit, ducentos viros bello idoneos numerans. Quartus huic modico intervallo proximus *Tansuicocomo* amnis, cum pago centum virorum: pusilla admodum hæc gens & idiomate à cæteris longe diverso, moribus valde incultis atque asperis: denique ad exitum cornu modici amnes *Acabanock* & *Accomack* cum suis accolis, qui *Panhatani* parent, eisdem moribus & dialecto cum reliquis illius subditis.

C A P. XV.

De Terra fructibus qui sponte in hac Virginia parte particulariter proveniunt.

LICET Virginia hæc multorum animalium fecunda sit generatrix, tamen graminis laborat inopia, præterquam in paucissimis humilibus & campestribus convallibus; non tam soli vitio, quam ob lucorum & sylvarum densitatem, ita ut facile labore atque industria, succis arboribus, huic inopie succurri possit. Inter arbores sylvestres, frequentissimæ sunt quercus & juglandes, quarum illæ longe pulcherrimæ & procerissimæ, in varias species divisæ: nonnullæ ferunt glandes dulces & candidas, ex quibus indigenæ oleum excoquunt, quo ævus suos oblinunt, & in pollinem contulis panes aliaque edulia conficiunt. Habent & ulmos atque fraxinos, è quibus saponarius cinis exurit, quo majores fuerint arbores, eo laudabilior. Præterea arbores quas Angli à similitudine frondium, trunci atque fructuum Cupressos nominant, quarum quædam in summam proceritatem excresecunt, trunco ad quinquaginta, sexaginta & interdum octuaginta pedes alto, & crassissimo, præsertim juxta radicem. Mori quoque satis vastæ juxta barbarorum euguria & alibi passim reperiuntur: avellanae item nuces Europæis nequaquam inferiores. Prunorum species hic tres observatæ, quarum dux quæ rubra atque alba Pruna ferunt, arbutis similes: tertiæ vero fructus appellant barbari *Putchamins*, hæc in Palmæ altitudinem adolescit, & fructum fert mespilo non absimilem primo viridem, deinde subnigrum, ubi plene maturuerit, rubicundum: immaturus auterior est & si masticetur, os cum exquisito dolore astringit, maturus gratissimi est saporis & præcocibus omnino similis. Cerafa hic reperiuntur grandia, poma perpaucâ,

pauci, parva atque acerbiora: vites frequentissimæ, quæ ad procerissimarum arborum fastigia scandunt, sed inter lucos raras uvas, prope barbarorum tuguria, ubi cælo fruuntur liberiores, licet incultæ, magnam uvarum copiam ferunt: sed succo sunt minus laudabili: habent & uvarum speciem grandiusculam & instar cerasorum, *Meßamines* vocant, carne pingui, & succo minus liquido & insipido si exprimatur, In deliciis habent *Chechinquamins*, fructus exiguos, glandibus haud absumiles, nisi quod calicibus contineantur instar avellanarum. Acinorum quoque species hic abunde crescit, nostris uvis crispis forma, colore & sapore plane similis; *Rawocomenes* vocant, iisque tam crudis quam coctis vescuntur. Hisce fructibus ple-

10 risque anni tempestatibus victitant, atque utuntur in hunc modum: Juglandes avellanas, glandes atque *Chechinquamins* siccatas recondunt, deinde ubi opus est, duorum saxorum attritu comminuunt, comminutas super ciatrem torrent, & tostas ligneo pastillo redigunt in pollinem, atque aqua macerant, & utuntur lacteo illarum succo, quem *Pawehisforam* vocant. *Putchamins* prunorum instar servant. Ex avellanis quoque *Chechinquamins* quatuor horis in aqua coctis, potum quandam atque panes conficiunt, hisce primates ipsorum festivis diebus deliciantur. Præter fructiferas hæc arbores habent & populos albas, aliasque quæ gummi odoriferum exsulant instar balsami; cedros item & sassafras.

In riguis convallibus acini crescunt instar capparum, *Oconchtanamins* ipsis, quos

20 æstate ad solem siccant & aliquot horis coctos in cibis adhibent, nam incocti malignæ atque adeo venenatæ sunt qualitatibus. *Mattowme* in pascuis provenit, panici graminis effigie, semen ferens filigini simile, sed minus, panes ex illo coctos in deliciis habent & condiunt adipe ferina. Æstivi menses aut fraga subministrant quæ mense Aprili; aut mora quæ Julio maturescunt, aut denique fructus admodum salubres, qui limones referunt, & *Maracoc* ab ipsis appellantur (Angurias esse deprehendimus.) Multæ præterea herbæ edules, violæ, porcellana, acetosa & similes passim in pratis & silvis late crescunt.

Inter edules radices excellit *Tockawonge*, canosis locis proveniens maxima copia, magnitudine & sapore *Patatis* æmula: hæc radices in scrobem conjectas, quernis

30 foliis & filice operiunt, deinde igne utrimque appposito, viginti quatuor horis torrent, nam crude venenosæ judicantur: quin & coctæ nisi dudum refrigerentur, comminuantur & exsiccentur, gulam acrimonia sua pungunt; æstate tamen admista acetosa panum loco ab ipsis usurpantur. *Wichsacan* paulo minor est radix, quæ contusa & vulneribus impolita, eadem consolidat. *Porones* autem maximi faciunt exiles radices, quæ in montanis crescunt & siccatae atque contusæ, fundunt rubrum quandam colorem, quo tumores discutiunt, artus suos illinunt & facies suas atque vestes inficiunt. *Musquas penne* radícula est, digiti magnitudinem raro excedens, rubore plane sanguineo; unde succo illius storeas, clypeos, aliaque utensilia tingunt. Pyrethrum denique, Saxifraga, & plura simplicia hic colliguntur: cepe quoque licet minora passim paludosis locis sponte nascuntur.

40

CAP. XVI.

De Sativis fructibus & modo quo barbari illos colunt
atque usurpant.

VIRGINIENSES barbari annum suum dividunt in quinque partes; hyemem vocant *Popanau*; vel *Castapenck*, æstatem *Cohatrayough*, quum frumentum illorum aristas suas protulit *Nepinough*, autumnum denique & quum arbores frondes excutiant *Taquitock*. Ab initio Septembris ad medium Novembrem

50 feriantur & indulgent genio, nam tum maxime omnigenis fructibus, piscibus, avibus & præsertim ferina abundant. In frumento serendo præcipue laborant, nam primum arboribus, quibus solum passim vestitum est, corticem juxta radicem detrahunt, radicesque ipsas adurunt ut emoriantur: dein proximo anno ubi arbores emortuæ fuerint, radicibus evellunt; & in vacua arca demum semen faciunt hac methodo: Mares primum palo ligneo foramina terebrant, quatuor pedum intervallo, in ea Mayzy quatuor, fabarum duo semina injiciunt: semina autem & pueri, ubi jam

jam adoleſcunt, auferunt Zizania & aggerunt terram. Sementem inchoant Aprili, & repetitis operis producunt ad medium Junium: Aprili ſata, menſe Auguſto, atque ita ſucceſſive ad Octobrem uſque exeuntem metunt. Culmi plerumque duas treſve ariſtas, raro plures, (interdum & nullas) ferunt, quæ è ducentis, aut quum maxime luxuriant, quingentis granis conſtant: culmiſ antequam aruerint ſuccus eſt ſua- viſ, pene qualis ſacchari canniſ, ideoque barbari farra ſua viridia atque immatura colligunt, ut culmoſ poſſint exſurgere atque ita collecta magis laudant, quam quæ perfecte matuerint.

Piſa præterea ſerunt, quæ *Aſſentemens* appellant; & phaſculos imptimis amant. Frumentum adhuc viride in ariſtiſ ſiſis torrent, inque mortario frangunt, & ſoliſ plantæ involutum coquunt in aqua, atque hæ præcipuè ipſorum deliciz. Serius autem ſatum, ita ut ad maturitatem pervenire non poſſit, ad eundem modum ſub cineribus toſtum, in hyemem recondunt, & tunc coquunt cum fabiſ; hunc cibum vocant *Panſcrovhenam*. Maturas vero fruges, primum aqua nonnihil macerant, dein piſtillo contundunt, & pollinem barbaro artiſcio per ſportulam inſtar cribri excutiant; è polline aut panes ſubcinericeoſ conſciunt, aut admixta aqua puliculam, quæ *Ponapiſiſ* dicitur. Furfures & reliqua farris retrimenta aliquandiu ventilata, aliquot horiſ ebulliunt, qui uſitatiliſimſ ipſiſ cibſ, *Vilarahamen* nominant. Quidam & vacuaſ ariſtaſ urunt & pulverem quem *Pungnonck* dicunt, admiſcent farinæ, ſed male, ſiquidem non modo panum ſed & juſculorum gratiam minuit. 10 20

Menſe Mayo inter fruges ſerunt Pepones, & fructum meloniſ haud diſſimilem, ſed minorem & multo inferiorem, quem vocant *Marock*, cito adoleſcit hic fructuſ & initio Iulii incipit matureſcere, duratque in Septembrem. Plantam præterea ſylveſtrem fructumque *Maracock* limoniſ, ut ſupra diximus, forma, qui ſubito incrementum ſumit & menſe demum Septembri maturatur. Præter hoſce fructuſ, raroſ admodum colunt, atque hoſ ipſoſ, quæ gentiſ ſegnitiſ eſt, ſatiſ parce: maxima quippe anni parte ex quæ terra ſponte producit, quæque amneſ, ſaltuſque ſubminiſtrant in cibis uſurpant; præſentibuſ contenti, futuri minus providi.

Ut ea quæ author noſter ſcribit de *Maracock* paulum illuſtreſ, ſuperiori anno ad noſ miſſa fuerant è Novo Belgio ſemina, cucurbitarum ſeminibuſ pene æqualia, ſub aquaticarum Limonum nomine, quæ quum hac ætate terræ mandaviſſem, ex forma ſoliorum & reliqua plantæ conſtitutione (nam fructuſ nulloſ tulit/deprehendi Anguriam eſſe ſive cucumerem citrulum. Pepones autem nobiſ è ſeminibuſ provenerunt minutioreſ quidem, ſed elegantiſ formarum & colorum varietate. 30

C A P. XVII.

De Variiſ animantibuſ Virginia, terreſtribuſ æriſ & aquatilibuſ.

INTER animalia ipſorum Cervi agmen ducunt, ab Europæiſ perparum diverſi, quorum plurimi per ſylvaſ & ſolitudineſ vagantur & juxta fluviorum fonteſ in inter flumina & in campeſtribuſ raro viſuntur. 40

Animal autem quod barbari vocant *Arongbeun*, caſtori eſt ſimile, niſi quod inter arborum ramoſ degat quemadmodum ſciuruſ. Ipſorum ſciuriſ magnitudine corporiſ ad noſtrateſ cuniculoſ quam proxime accedunt, nigro colore, aut ex albo nigroque mixto, ut plurimum tamen cinereo. Animalculum alterum, quod ipſiſ *Aſſapanick*, Angli ſciurum volatilenſ appellant, divaricatiſ cruribuſ & pelle diſtenta, veluti alarum remigio, nonnumquam ad triginta aut quadraginta decem-pedaſ volare videtur.

Opaffam capite porcellum, cauda glirem referent, mole modicum ſelem, ſaccum ſub ventre habet, in quo caruloſ ſuoſ circumgeſtat & alit. 50

Muſſaſeu forma atque ingenio murem aquaticum æmulatur & muſcum redolet. Leporeſ hic rarioreſ, nec cuniculoſ noſtroſ multum ſuperant magnitudine. Viſi hic quoque parvi ſi cum ſeptentrionalioribuſ conſerantur. Caſtores moſoſſorum mole, brevibuſ cruribuſ, anterioribuſ pedibuſ caniniſ, poſterioribuſ cygneiſ, cauda ipſiſ lata reticulo ſimiliſ, nuda atque depiliſ, carneſ barbariſ maximi faciunt. Plurimæ hic Lutræ, quaſ barbari caſſibuſ intercipiunt & exuviis earum ſe ornant.

Habent

Habent & animal cato silvestri non abſimile, quod *Fetchanquoy* appellant. Vulpecula hic parvula, nec tam graveolens quam anglicana, colore è cinericeo nigricante. Canes illorum lupis pene ſunt ſimiles, nec latrant ut noſtri, ſed ululant. Lupi vulpecularum magnitudinem raro excedunt. Muſtelas quoque & Martes hic eſſe, pelles arguunt, licet ipſa animalcula raro hæcenus ab Anglis viſa fuerint. Mirum autem quod ejuſmodi animantia hæc gallinis aut pullis nocere hæcenus non fuerit obſervatum; uti & illud, quod ipſorum ſerpentes veneni expertes eſſe credantur, quum in australibus Americæ regionibus eorum morſus tam noxii & fere lethales eſſe deprehendantur.

10 In volatiliu cenſum referuntur Aquilæ, variique Accipitres: perdicæ noſtris coturnicibus haud multo majores: ſylvetres gallopau, cicuribus noſtris pares: Merulæ atque Turdi remigibus alarum late rubentibus; varizque minorum avium ſpecies elegantiffimis plumis rubris, cæruleis atque viridibus. Hibernis autem menſibus, magna copia cygnorum hic reperitur, gruum item cinereorum atque alborum; nigris alis: atdearum, anſerum, anatum, columbarum, aliarumque avium, quarum nomina & forma Europæis ignota: pauciſſimæ autem harum ætate hic conſpiciuntur.

E piſcium numero hic referuntur Accipenſeres, phocæ, vituli marini, Paſtinæ, quarum aculeus valde eſt venenatus; aſelli minores, ſalmones candida carne, 10 Trutæ, ſoleæ, paſſeres, haleces, anguillæ, murænæ, percæ trium generum, cancri, aſtaci, oſtreæ atque mytili. Inter monſtroſos autem piſces merito referendus, parvulus piſciculus qui draconem, qui S. Georgio vulgo appingitur, egregie reſert, niſi quod alis & cruribus careat. Alioquæ buſoni non abſimilis, unde & illi nomen inventum, qui extra aquam tantopere inflatur, ut dehiſcat.

Barbari autem carnes atque piſces aut aqua ebulliunt, aut ſuper crates torrent, aut denique verubus affixas Hiſpanorum more tantisper ad ignem allant, donec penitus ſiccentur quemadmodum in Inſulis & Continente Americæ carnes ad ſolem ſiccare mos eſt, ita ut ad menſes aliquot conſervari poſſint.

C A P. XVIII

30

Mores atque ingenium, habitus, & inſtituta Indigenarum.

INDIGENÆ pauci pro magnitudine regionis, & quidem pauciſſimi viri, longe plures fœminæ atque pueri. In ambitu ſexaginta milliarii circa *Jacobopolim*, haud ſupra quinque millia hominum & inter illos vix mille quingenti viri numerantur, qui arma ferrè poſſint. Segnitie illorum in cauſa eſt, qua fit ut licet ſolum fertiliffimum ſit, tamen plates incolæ alere vix poſſit. Multum autem inter ſe diſſerunt, ſtatura corporis & dialectis; alii enim vaſto ſunt corpore ut *Saſqueshameky*, alii pumilo ut *Mycocomoci*: plerique autem proceri & graciles, bene compoſitis membris, colore ſuſco ubi adoleverint, nam candidi naſcuntur, crinibus nigri & fere imberbes. Mares dimidiam capillitii partem ſibi à fœminis conchis quibuſdam abradi curant, alteram autem promittunt: Fœminæ pro ætatis diſcrimine varie tondentur, ſemper tamen vitras quam longiſſimas ab alterutro latere relinquunt. Barbari robuſto ſunt corpore atque agiles, frigus tolerare aſſueti, hyeme in ſylvis humi juxta focum ſtrati cubant, æſtate in gramine. Mutabili ingenio, vaſti, timidi, & pro barbarorum capru ſatis induſtrii atque ingeniouſi: itacundi & vindictæ cupidiffimi; furari metunt, quia furta ſua à ſortelegis ſuis deprehendi poſſe ſuſpiciantur. Fœminæ raro impudicæ niſi viris ſuſcitiſ. Unaquæque familia vel cognatio ſuos campos, ſuosque horros & ærva ſuis.

50 Amiciuntur ferarum pellibus, hyeme quidem villoſis, ætate autem depilatis: potentiores etiam pallia ex iſdem pellibus conſuta circumamiciunt: ſed tenuiores ſe ſolus arborum, gramine atque arborum muſco tegunt: non pauci etiam pallia geſtiant è gallo pavorum plumis tanto artificio conſuta, ut non niſi plumæ appareant, ſingulari adverſus æctis frigus remedio. Fœminæ ſemper ventrem & pudenda veſtant, atque aliter forte conſpectæ erubeſcunt; crura, manus, ubera atque ipſam faciem nigris notis, variſque ferarum & ſerpentum figuris diſpungunt: auriculus plerumque

plerumque tribus locis habent perforatas, quibus variis quiescunt ornamenti gratia appendent: quidam viri viridem croceumque anguicula, sequipedem longum, qui & collum circumserpit, & nonnumquam os illorum allambendo veluti osculatur, alii murem alii glirem mortuum, cauda suspensum: in capite, alii alas avium, alii plumarum fasciculum cum crepitaculo, quod caput manubrium emulatur, ab anguis cuiusdam cauda mutuum: alii accipitrum aut aliter avium exuvias; diutiores quidam laminam zincam, nonnulli denique, quod maxime gloriosum putant, manus hostibus præcitas & liceatas. Caput atque humeros rubrica inficiunt, è radicibus herbarum *Pacones* expressa & oleo mixta, id & hyeme adversus frigus & æstate adversus æstum ipsos munire credunt. Quid multa? quo quisque magis terribilis apparet, eo pulchrius pictus & ornatus sibi videtur.

Domicilia ut plurimum secus fontes aut amnes habent, quæ ex furculis arborum inflexis & arte colligatis constructa, stercis aut corticibus arborum circumcirca contegunt, uti frigus & pluvias, ventosque commodissime excludant; sumosa tamen sunt, licet in fastigio aperta. In hisce mapalibus circum focum super crates cubant, palmum aut amplius à solo erectas, stercis desuper recti, sex, decem, nonnumquam & viginti in singulis: Ea denique ut plurimum in medio suorum horrorum collocant, quos modicos habent: talesque plerumque viginti nonnumquam & centum conjunctim cernuntur, sepimento arborum divisi: juxta ædes aut arbuta cernere est aut veteres & deciduos arborum truncos, largam pyris materiam.

Parentes liberis suis varia nomina, prout allibuerit, imponunt; Fœminæ illorum facile admodum parere dicuntur; soboles autem mire diligunt: in flumine primum, quod & veteribus Germanis observatum, frigida lavant, perungunt deinde pinguntque ut cutem adversus frigus pariter atque æstum indurent.

Viri piscando, venando, belligandoque aut similibus virilibus exercitiis se occupant, atque alia agere erubescunt, plerumque desidiosi & otiosi: fœminæ atque pueri cetera peragunt, stercas texunt, vimineos corbes, ollas, mortaria conficiunt, fruges comminunt, panes coquunt, quin & maizium atque legumina serunt atque metunt, nisi quod hic & mares levem operam præstent, denique onera bajulant. Ignem stipitem attritu eliciunt, quem foliis atque aliis siccis fomentis excipiunt: arcus concharum fragmentis expoliunt, sagittas è novellis arborum furculis aut canis confectas, piscium ossiculis, aut acutis silicibus asperant, nonnumquam & gallinæ pavorum unguibus, aut avium rostris, quæ nervis ferarum alligant: E cervinorum autem cornuum extremitatibus gluten quoddam decoquunt, adeo tenax, ut frigida aqua numquam dissolvatur: in bello quoque rotundis parmis utuntur, è corticibus arborum compactis, & ligneis gladiis. Lembi illorum piscatorii, unilignei sunt, è truncis arborum, macræ in modum excavati, triginta, quadraginta & nonnumquam quinquaginta palmos longi, duos autem aut plures profundi, ita ut interdum quadraginta homines iis vehantur; sed ut plurimum minores sunt: hos tam velociter contis atque asserculis impellunt, quam nos scaphas nostras remigio.

Fœminæ membranas arborum, nervosque animalium in fila ducere solent, & præsertim sparti quoddam genus, quod *Pemmenan* vocant, in tam tenuia fila, ut ad plurimos usus commodissime adhibeantur; ex illis autem fere retia sua noctunt.

Unica horum barbarorum religio est (si religionis nomen tanta impietas ferre potest) adorare omnia, à quibus inevitabile damnum metuunt, ut ignem, aquam, tonitruum, fulmen, tormenta bellica, equos, &c. præcipue autem *Cacadamonem* quem *Oke* vocant, magis ex timore quam amore venerantur: hujus terribiles admodum imagines in sacris suis habent, & sacerdotes tali numini convenientes: altaria sua, quæ *Pawcorances* appellant, in agris disponunt, atque ibidem sanguinem & adipem ferarum immolant, tabacumque offerunt è bello aut à venatione reduces. Sed de hisce fortasse plus satis.

Res ab Anglis in hac Virginia parte gesta.

PRIMVS hunc Virginiz tractum, quem modo descripsimus, incolere aggressus est *Bartholomæus Gosnoldus*, multis Nobilium & mercatorum in societatem adscitis & amplissimo diplomate à Jacobo magnæ Britanniz Rege impetrato: quo permittebatur senatum non modo in Anglia, sed & in Virginia hac constituere, rebus omnibus constituendis atque ordinandis. Prima expeditio tribus navibus suscepta, duce *Christophoro Neoportio*; is anno clō lōc vi. xix. Decemb. Londino 1606. solvit & sex pene septimanas cum adversis ventis sub ipsa Anglia colluctatus, ubi altum tenuit, primum ad *Canarias* insulas aquatione facta, deinde cum barbaris *Dominica* insulæ commercio instituto, ibidem aliquantisper commoratus, versus Virginiam iter flexit, eamque jam pene reverti certus, præter spem adnavigavit: Promontorium quod primum sese obtulit, Henrici principis Walliz nomine illustratum: hinc coloniz idoneus locus quæsitus, senatores inaugurati & eorum præses electus: atque impigre pro se quisque, domos construere, arva designare, vallum moliri: missi aliquot ad regionem lustrandam, qui adverso flumine (quod supra priori loco descripsimus) subvecti, post sex dictum iter, pagum invenerunt modicum, amenissimo colli superstructum, & tres insulas & aliquot agros jam à barbaris cultos; *Pawhatan* hisce regionibus præerat, unde incolæ, confucto hisce gentibus more quem jam alibi notavimus, *Pawhatan* dicebantur; flumen hætenus navigabile, ulterius tendentibus ob breviam & confragosa atque cataraclas, etiam minoribus cymbis inaccessum. Hi humaniter atque amice ubique à barbaris accepti fuerunt, verum coloni qui *Henricopolim* moliebantur, tantum jam odium indigenarum sibi conciverant, ut merito sibi metuerent; itaque & oppidulum communiaverunt & bellica tormenta disposuerunt. Neque satis bene inter ipsos colonos conveniebat, sed mature à verbi divini ministris reconciliati sunt: Centum coloni ea vice deducti: naves autem xv Junii anni clō lōc vii in Angliam remeantur. Post navium discessum ingens calamitas novellam coloniam afflixit ob annonæ penuriam, ita ut vix decem illorum præ imbecillitate, pedibus consistere valerent, & dimidia omnino pars ante exitum Septembris defungeretur, reliqui piscoibus & astrictis marinis ægre vitam sustentarent; quibus malis accedebat civilis discordia & denique (barbaris nonnumquam nimis parce de suo penu impartiētibz) dira fames, quam tamen *Joannes Smithius*, postquam præfecturam inierat, nonnihil profligavit, commercii cum barbaris restituit; & primo *Recouchtanum*, deinde *Weraskoykum* profectus, cymbam frumento onustam reduxit: Interim illi qui in colonia remanserant, indigenas suis mercibus ita expleverant, ut illas jam fastidirent: & dum ille alteram ad *Chichamenenses* expeditionem parat, maleferiati quidam cymbam illius pene subduxissent: exinde & ipse à barbaris interceptus, & cymba suorum negligentia fuit amissa: sed mox dimissus fuit, & commcatus coloniz inVectus. Post hæc novum supplementum ex Anglia, eodem *Neoportio* duce advenit, virorum centum & viginti: *Neoportius* autem *Smitho* adhortante *Pawhatanum* regulum in pago suo *Wicocomoco* invisit, qui illos comiter, prout est barbarorum consuetudo, excepit: lecto suo storeis strato insidens, & pulvinari coriaco, margaritis & conchiliis, gentili indultria, adornato innixus, & pellibus vestitus; supra caput & ad pedes illius duæ puellæ accumbebant, dexterum lævumque parietem tegebant viginti concubinz, faciem atque humeros rubrica pictæ: *Neoportius* Regulo adolescente anglo, ille vicissim *Neoportium* uno ex intimis familiaribus (cui *Namontack* nomen erat) donavit: hisce gestis & magna frumenti copia vilissimo precio comparato, ad coloniam reditum.

Ex inde nova calamitas coloniam afflixit, plerisque ædificiis & bona annonæ parte, fortuito incendio absumtis: Sed ædificia mox pari diligentia restituta: *Pawhatanus* autem jam advenarum pertæsus, id unum agebat ut ipsorum arma clam ad se traheret, quo facilius ex insidiis illos posset opprimere: *Smitho* dolos barbari gnavigiter odorante & pro vinili contra satagente.

Sinus Chesapeake à Joanne Smitho illustratus.

SMITHVS interea otii impatiens, Sinum *Chesapeake* qui continentem recto in arcum tramite irumpit, initio Junii anni cło 1608 viii lustrare aggreditur, & flumen in exigua & aperta cymba cum quatuordecim comitibus descendit ad Promontorium ulque *Henrici*; inde velis in orientem versis insulas adnavigat promontorio *Caroli* objectas & jam *Smithi* agnomine insignes: & mox promontorio illo superato, dextram sinus oram legens, *Acowmacke* regulum invisit, virum satis humanum: solum hoc tractu fertile est, & incolæ Pawhatanorum dialecto utuntur. Hinc egressus & primum insulas aliquot in medio sinus sitas conspiciat, flumen *Wigomoco* subit, turbidum & cœnosum; hoc prætervectum Promontorium exceperit, ubi stagnum dulcium aquarum repperit, verum ita calidum, ut balneum videretur: inde cursu inflexo insulas adit desertas, quibus *Limbi* nomen indidit: rursumque ad dextram oram reversus *Kuskaranoek* invisit, insignem amnem: hic à variis populis accolitur, *Soraphanigû*, *Nausis*, *Arsecû*, *Nautaquakû*; qui quum mira ipsi narrassent de gente *Massanomekarum*, subit ipsum cupido hanc gentem investigandi: quumque hanc oram vadiosorem offendifset, ad sinistram trajicere visum; parer autem hic in tantum sinus, ut à dextra ora præaltæ rupes quæ sinistræ incumbunt conspici nequequam possint. Deinceps sinistram oram ad triginta milliaria Aquilonem versus sequens, nullos ibidem incolas invenit: tota hæc ora dulcium aquarum scaturiginibus abundat, montes asperi & steriles sunt, valles autem amœnæ & fecundæ, nemora densa & lupis, ursis, aliisque feris referta. Proximo sinui *Boli* nomen inditum, ob soli argillam bolum Armeniæ referentem; sinus etiamnum hic decem in latitudinem patet milliaria novem decemve orgyas altus. Adversis ventis hinc rejectus XVI Junii *Patanomekum* fluv. intravit, decem milliaria in ipso ostio latum: quem triginta circiter milliaria subvectus, quum nullos incolas inveniret, à duobus barbaris postremo *Onawmamentum* est deductus, ubi aliquot centuriæ barbarorum ex insidiis in illum eruperunt, qui diabolicum in modum erant deformati, verum sclopetorum metu, à noxa temperarunt, à Pawhatano oppidanis infesto, se in Anglorum perniciem concitatos confessi. Lustrarunt porro hoc flumen, ut metallum quoddam perquirerent, quo non exiguam argenti portionem contineri, à barbaris Neoportio persuasum fuerat; verum quum ad locum esset ventum, spe sua falsi recesserunt. Quum autem ad *Toppahanock* fluv. ostium pervenissent, duplex calamitas illos oppressit, nam & cymba in vada quæ faucibus objacent impingens hæsit, & *Smithus* pastinacæ venenato aculeo: ictus magnum vitæ discrimen adiit, olei cujusdam auxilio, quod fortuito secum duxerant, ægre servatus. Denique *Payanakatakam* & *Pumaunken* flumina prætervectus, *Kecouchranum* & mox *Jacobipolim* XXI Julii rediit.

In oppido non modo variis morbis, sed & gravibus discordiis laborabatur, Præsidis morositate atque imprudentia, adeo ut illum magistratu movere & *Smithum* in illius locum surrogare necesse fuerit. Ille rebus compositis & vicario confuturo, secundam expeditionem ad sinum penitus lustrandum susceperit & *Kecouchitano* solvens, summa celeritate ad Bolum fluv. sinistram oram stringendo pervenit: à quo paululum provectus, sinum sese in quatuor veluti ramos spargere observat: quos lustrare aggessus & in primo atque secundo nullos incolas offendens, ad oppositum latus flectit, ubi septem octove lembos *Massanomekiorum* obvios habuit, qui Anglos cum summa admiratione contemplati, sese protinus in terram proecerunt, verum amice invitati ad cymbam illorum accesserunt & *Smithum* ferina, arcubus, sagittis & ursina pelle donarunt; & noctu se subdixerunt. Hinc ad *Tecovogiorum* flumen perventum, quibus quum persuasissent arcus & sagittas illas *Massanomekii* vi ereptas: nam hi duo populi juges inimicitias exercent, humanissime ab iis fuerunt excepti. Hic securcs, cultellos & ferri atque æris ramenta reppererunt, quæ se à *Saquehahanokis* (summis *Massanomekiorum* hostibus) accepisse profitebantur. Ea gens quartum magni sinus ramum accolit, verum propter brevitas & cataraclas nullus cymbis ad ipsos patet aditus, itaque per nuntium acciti, venerunt sexaginta numero, ferinam,

feriam, tabaccum, parmas, arcus, sagittas. vimineosque corbes, aliaque munera ferentes & Anglorum auxilium contra hostes suos implorantes. Mira autem narrabant de *Atquanabuckiis*, aliisque populis his vicinis, seque secures suas à Gallis redemisse testabantur. Atque hinc denuo, Pawtunxunto & Tappahanoko fluv. leviter in transcurso lustratis, v 11 Septembris Jacobipolin reiecerunt.

CAP. XXI.

Que porro ab Anglis in hac Virginie parte gesta.

¹⁰ **V**EREOR ne limites, quos primum in scribendo mihi proposueram, nimium egredi videar, itaque cæteras res gestas leviter perstringam. Anno proximo ^{1609.} novum supplementum eodem Neoportio duce advenit, & regia dona Pawhatanò destinata; quem & coronarunt, barbaro ad indumenta peregrina stupente, & ejusmodi ceremoniarum insueto; quibus rebus tamen magis efferatus est. Hinc studiosè in metallorum venas inquisitum, sed frustra. Interea jam annonæ penuria in oppido laborabatur, quæ nimis parce pro multitudine, quæ jam ad ducentorum virorum numerum excreverat, ex Anglia erat subvecta, & insuper nautarum prodigalitate & negligentia multum imminuta: itaque ab indigenis nunc precario, nunc violenter commeatum petere & sumere aggressi, graves primum hospites, mox & ²⁰ hostes à barbaris sunt judicati. Pawhatanus interea omnibus modis satagens ipsorum arma ad se trahere, Germanos quosdam atque Polonos (qui nuper advenerant ut Anglos picis excoquenda, & saponarium cincrem exurendi rationes edocerent) ita pellexit, ut multos gladios aliaque arma furtim subducerent, & ad domum illius comportarent: sed quum dolus patuisset, insidiæ Regi frustra structæ, Anglique in apertum bellum cum barbaris eruperunt.

Veruntamen pace paulo post redintegrata, quum colonia jam respirasse atque adeo florescere videretur, nova calamitas accessit, maxima parte frugum à gliribus adefa; neque ullum in barbaris præsidium erat, simili annonæ penuria laborantibus: itaque hac illac se dispartgere, alii ostreis, alii glandibus, alii aliis fructibus ægre vitam tolerare; tanta & tam obstinata quorundam in hac necessitate desidia, ut non ³⁰ nisi à præside coacti vitæ adminicula conquirerent; pauci tamen interierunt.

Quum autem jam in Angliæ Senatui innovissêt, tam male inter colonos convenire, Baronem *de la Ware* cum summa potestate eo destinarunt: hic anno 1610 cix duos Equites *Thomam Gates* & *Georgium Sommerum* vice sua misit, donec ipse sublequeretur; verum hoc salutare consilium fors in contrarium vertit; navis enim quæ illos vehebat apud *Bermuden* fracta, ipsique ægre natando servati; cæteræ naves feliciter portum Virginie renuerunt. Hic jam quidam ante Smitho infensi, Equitibus, penes quos summa rei erat, absentibus, omnia perturbare cœperunt, nec præsidii obsequi, neque quicquam recte per se agere, unde nonnulli in Angliam ab ⁴⁰ ipso remissi; alii cum colonis aliquot novas sedes quærere & duo oppidula condere aggressi; multi à barbaris cæsi, fruges corruptæ, aliaque damna accepta, supina dum ignorantia, qui incommoda loca oppidis ceperant & ne quidem à fluminis inundatione tuta: ad extremum accessit Smithi infortunium, qui casu à pulvere tormentario misere ambustus, sanitatis recuperandæ gratia Angliam repetere coactus fuit.

Reliquerat Smithus in Virginia quadringentos & nonaginta colonos, annonæ abunde ad decem septimanas, naves majorestres, cymbas septem, viginti quatuor majora tormenta, trecentas bombardas, cæterumque apparatus bellicum: Sed anno ⁵⁰ jam pene absumpta, dum subsidium à barbaris petunt, coloni aliquot à Pawhatani subditis occisi: & indigenæ in universum tantopere in Anglos exarserunt, ut ubicunque facultas daretur, aut clam aut palam illos trucidarent: venerunt interea Equites qui ad Bermudâ enatarant, & populi calamitatibus permoti, universos in Angliam reducere parabant, quum Baro *de la Ware* cum tribus navibus advenit: atque ita Jacobipolim 1x Junii anno 1610 xc reditum. Ipse autem adversa valetudine tentatus, proximo anno in Angliam redire maturavit. Appulerat ante illius discessum ^{1610.} *Thomas Dalus* eques cum colonis aliquot, armentis, cæterisque necessariis: & non

multo post illum *Thomas Garius* cum trecentis colonis & pecore. Status oppidi compositus, & arx juxta *Henrici* promontorium ædificata: aliud præterea oppidum supra *Jacobipolin* octuaginta circiter milliaria loco edito & opportuno, quod *Henricopolin* appellarunt, & municipium infra oppidum quinque milliaria, *Bermuda* nomine.

Rebus in Virginia ita compositis, pluribusque subinde colonis missis & rerum summa in Angliam ad Comitem *Suyth Hamtoniæ* delata, absolutam Reipublicæ formam Virginia tandem accepit. Verum odia barbarorum in advenas jam sibi graves magis magisque accensa, in summam crudelitatem tandem eruperunt: quippe anno 1631 ex insidiis Anglos hac illac sparsos, nihilque tale metuentes, adorti, supra trecentos & quadraginta, quæ viros quæ fœminas & pueros immaniter trucidarunt: *Jacobipolin* ipsam aggressuri, nisi ipsorum conatus mature à barbaro quodam, qui Christiana sacra susceperat, præfecto fuissent revelati: Insigni documento barbarorum ingeniis parum fidendum esse etiam quum maxime blandiuntur. Atque hæc obiter, quæ Anglorum historiæ copiosius loquentur; jam ad reliqua Virginiam transeamus.

CAP. XXII.

Virginia à Valthero Ralegho primum detecta: Terræ fructus & animalia.

20

RESTAT jam altera & maxime Australis Virginiam pars, unde nomen ad cæteras partes fluxit: hæc primum à fortissimo Equite *Walthero Ralegho* anno 1585 detecta & in honorem Serenissimæ Reginæ Virginis *Elisabethæ Virginia* nuncupata, à trigésimo Austrum versus sexto gradu porrigitur. Aëris temperie & cœli solique bonitate cæteris par; nisi quod solis periodo vicinior ideoque & calidior. Hujus regionis situs, variorumque dotes copiose à *Thoma Herioto* Anglo fuerunt descriptæ, & ejus commentariis peculiaria quædam breviter referemus. Inter quæ primum locum flagitant quæ ad vitæ humanæ usum sunt comparata. 30

Maizium indicum, quod Virginienfes *Pagatoor* vocant, hic uberrime nascitur, & grana modo rubra modo flava, modo mixti coloris & elegantissime variegata producit, in sex septemve interdum & decem pedum altitudinem assurgens & spicas tres quatuorve, nonnumquam tamen & unam tantum, ferens, quingentis, sexcentis & quum uberrima messis est septingentis granis onustas, singulari soli luxuriantis indicio. Phascoli deinde mira colorum varietate, quos suo idiomate *Okindgier* vocant, forma à nostratibus minime diversos, caulibus & folia nonnihil variant; saporis suavitate nostrates fere superant. His accedunt pisces, illis *VVickonjour*, nostratibus quidem minora, sed longe gratiore sapore.

Macocquer ipsorum nostris peponibus, melonibus aut cucurbitis fere similes sunt, gratissimi saporis & magna formarum varietate. Clariss. vir *Carolus Clusius* descriptionem & iconem dedit lib. 11. Exoticorum cap. 11. fructus è Virginia allati, quem ipsorum *Macocquer* existimat, quam hic inferere operæ precium visum. Erat (inquit) prorsus orbiculari forma, quatuor unciarum diametro, cortice duro præditus, foris lævi & subfusco, interne nigra membranâ inducto, per quam sparsæ quædam fibræ à pediculo ad summum: continebat vero pulpam nigram (quia non recens sed siccus & vetustus) acidique & quodammodo salis saporis, in qua plurima grana involuta, subfusi coloris plana & cordis (ut vulgo pingitur) formam referentia, medulla albicante prædita. Quum porro hic fructus ex Virginia allatus esse dicatur, facile mihi persuaderi sinam illum esse, quem ejus regionis incolæ *Macocquer* appellant & (magno aliquo periculo liberati, vel bello defuncti, in lætitiæ signum, strueto igni assidentes) pulpa seminibusque exemptis, implent lapillis aut crassioribus quibusdam granis, ut majorem strepitum agitant & commotus edat, bacilloque aprantes manu tenent, perinde ac *Brasiliani* suum *Tamaraca*, sed nullis pennis ornant. Integrum autem fructum & per medium sectum, in hac tabella exprimentum curabam. Hæc ille.

Vereor



Vereor autem ne Clariss. vir opinione sua hic falsus fuerit, & ipsorum Maco-
 quer potius sit pepo, varia formarum varietate in illis regionibus ludens, uti è se-
 minibus ad nos allatis & hic enatis jam à multis annis videre fuit. Idem Clariss.
 vir & alterius fructus iconem exhibet, quem *Lobum e Wingandecaw* vocat & ex lib. 1. c. 3.
 hac Virginiz parte allatum fuisse testatur; cujus similes quum aliquot è novo
 Belgio nostro accepsissem, iconem unius insignioris hic exprimendam curavi ea
 forma & mole qua erat (licet interdum duplo & triplo majores ibidem & in vicinis
 provinciis nascantur.)



Eratautem hic Lobus sex uncias longus & supra tres latus, crasso validoque &
 pene ligneo cortice, foris quidem coloris qualis est castaneorum aut paulo obscu-
 rioris, interiori cinericei, exteriori superficie maximam partem valde scabra: con-
 tinens fungosam quandam pulpam cinericei coloris, pinguem, & tam acidi atque
 adeo ingrati odoris ut nares offenderet; in qua latebant septem phascoli (sic ita di-
 cam) ea mole & forma, qua unum illorum juxta ipsum Lobum exprimendum cu-
 ravimus, duro itidem cortice & obscuro rubente, recti & album nucleum conti-
 nentes amygdalæ vel avellanæ sapore. Horum phascolorum aliquot quum anno
 cło lcc xxxi sub veris ingressum terræ mandallēm, tres omnino ex iis prodie-
 runt plantæ ea forma quam infra expressimus; an autem herba tantum sit, an vero
 frutex qui tandem veluti arboreseat: mihi nondum constat, cerre fructus aliqui l
 arborei præ se fert, & cauliculus hujus plantæ licet adhuc teneræ & nuper natæ
 jam lignescere videtur, sed vereor ne hyemem nostram ferre possit.



Præter has & alias herbas, etiam radices edules sponte hic proveniunt, imprimis quas indigenæ *Openank* vocant, rotundæ, juglandi nuci magnitudine pares, interdum & multo majores; nascuntur humidis & paludosis locis, plures inter se coherentes & veluti funiculo colligatæ; in aqua coctæ, aut igne tostæ, boni sunt alimentu. Diver- 30
sæ ob hisce sunt *Okeepenauck*, quæ siccis locis gaudent, orbiculari forma, & capitis
interdum humani mole, recentes & uti è terra eruuntur manducant, propter sic-
citatem quippe assari aut elixari nequeunt; saporis suavitate prioribus haud quaquam
pares, quare non nisi in summa necessitate illas in cibos adhibent, aut interdum va-
rietatis gratia; concoctu alioquin non minus faciles, quam panes siliginæ.

Kastucpenauck radix candida, ovi gallinæ forma & magnitudine, sed ingratoris
saporis, licet indigenæ etiam hac vescantur.

Sunt & radices hic non multum dissimiles illis, quas officinæ radices Chinæ ap-
pellant & forte ejusdem speciei, plures simul connexæ, caules molientur Cynosbato
similes, (sed folia plurimum discrepant) qui arboribus contigui, eas arcte comple- 40
cti, & ad summum usque fastigium eniti solent; *Tsinaw* nomen ab Anglis ob similitu-
dinem illis radicibus impositum; ex recentibus in frustra concisis & contusis, & suc-
co una cum aqua expresso, fit panis: ex ebullitis vero jusculum haud ingrati saporis,
præsertim si oleum admisceatur.

Coseshaw indigenis, Anglis ob similitudinem *Tuca*, humidis & cænosis locis de-
lectatur: ex hac barbari suo more panem conficiunt & pultem grati admodum &
suavis saporis, qua plurimum utuntur. Recentium succus venenosus, ideoque se-
dulo exprimendus, antequam pulpa in usum adhibeatur; ad solem itaque aut ignem,
detracta cute, prius exsiccantur, dein in farinam rediguntur, è qua panes coquun-
tur. aut etiam recentes & vires purgantur, in frustra conciduntur, contunduntur-
que & pastilli exillis fiunt, qui tantisper ad ignem torrentur, donec arefiant; quibus 50
rursus in pollinem redactis, ad panes & pulmenta utuntur.

Habscon radix est calida, pastinacæ forma & magnitudine, per se sola quidem
minime edulis, cum aliis vero cibis cocta haud inutilis.

Quin etiam alia multis locis sponte nascuntur, Europæis haud multum dissimi-
lia, sed indigenæ illis minime utuntur, Angli vero se crebro ea usurpasse testantur.
Hactenus de radicibus, nunc & de arborum fructibus dicendum.

Castanearum hic variis locis ingens copia: nec non nucum integræ sylvæ, quarum alix fructus ferunt nostratibus sapore & magnitudine æquales, putaminum duritie & crassitie superantes: alix longe majores, lignosissimo putamine & scabro, nucleo vero grandi, dulci & valde oleoso. Sunt & alix arbores quæ fructus ferunt, quos Angli à similitudine mespyla vocant, nam & amplo latoque sunt umbelico, minime edules antequam mollescant, colore tamen magis ad cerasa accedunt, uti & sapore, licet ita suavi ut fere insipidus videatur. Ficus indica, quæ Tuna in Nova Hispania dicitur, hic ab Indigenis *Muttaquesunauk* appellatur. Mori, mala sylvestria, pluresque arbores Europæis similes. Quinque denique glandium species ab Anglis observatæ; quarum primam *Sagatemener*, secundam *Osamener*, tertiam *Punninckoner*, quartam *Sapummener*, quintam denique *Mangummenauk* suo idiomate appellant barbari: harum tres priores craticulis arundineis impositas lento igne siccant, ut melius serventur; deinde ubi illis uti libet, aqua macerant & ebulliunt: ex iisdem & oleum admodum dulce exprimunt. Tertia vero cocta in aqua, dein expressa, castænearum saporem æmulatur, unde & panes nonnumquam ex illa conficiunt; quartam speciem inter ignobiles cibos deputant, isque fere mancipia sua nutriunt.

Quadrupedum variorum ingens hic copia, præsertim Cervorum; quorum si qui juxta littora vagantur, pabuli inopia, minores sunt Europæis; in interioribus provinciis, longe majores; cæterum nostris plane similes, nisi quod caudas habeant longiores & cornua versus cervicem magis incurvantur. Cuniculorum itidem, qui ut plurimum cinerei sunt coloris instar leporem, ingens numerus, ita ut incolæ in plerisque provinciis, è pellibus illorum sibi chlamydes confuant. *Saquenuckot* & *Maquowoc* cuniculis haud multum dissimiles, sed majores & gratissimi nutrimenti. Sciuri colore fere sunt cinereo; ursi nigro, quos captos indigenæ comedunt uti & leones & similes feras.

Avium præter notissimas, gallopavos nimirum, palumbes, perdices, grues, ardeas, cygnos & anseres, supra octuaginta diversas species, quæ sylvas; & septuaginta quæ littora, stagna atque paludes accolunt, à se observatas, testatur *Heriatus*. Neque minor piscium abundantia, puta accipenserum, Febuario, Martio & Aprili: Halccum qui magnitudine nostrates longe superant, interdum duos palmos longi; quibus accedunt Trutæ, Turfiones, Rajæ, mugiles, passeret alii que plurimum humanis usibus apti: Cancræ quinetiam & ostrea multiformia, musculi, astaci, cochleæ marinæ. Denique crustacei generis pisces qui ab indigenis *Seeckanauk* vocantur & toto hoc litore ad fines usque *Nova Franciæ* frequentes visuntur: præsertim juxta brevæ & vada; formam jam exhibuimus.

C A P. XXIII.

De iis quæ hæc Virginie pars fert commerciis apta & de moribus Gentis.

PRÆTER ea quæ ad victum necessaria sunt, solum hoc etiam sponte producit, aut occultat multa, quæ utilitatem in commerciis adferre possunt. Inter ea primo loco ab Anglis recensetur graminis species, longis foliis & angustis, quorum superficies membranula quadam tenui & splendenti inducta est, qua demta, pro serico se usos testantur, unde & serici nomen graminis indiderunt. De his quæ hic feri aut coli possent, non necesse est dicere, nam quum plumeum admodum fertile sit, non est dubium quin satis ingenti fœnore sit redditurum, si rite coleretur. Vena autem terræ, haud longe à litore, quadraginta aut quinquaginta milliæ in longitudinem porrigitur, è qua optimum alumen confici posset, uti à peritis illius artis observatum volumus: Eadem vena & calchantum, nitrum, alumen plumeum (ita vocat author) forte scissile, subministrat, verum non tanta copia, quanta alumen, nec tantæ utilitatis: variis in locis reperitur gleba quædam terræ, quam vulgo sigillatam vocant, omnino similis, noræque virtutis, tum apud ipsos indigenas, qui illam *Wapergh* vocant atque ad vulnera juxta atque ulcera sananda adhibent, tum etiam apud Anglos qui illius experimentum ceperunt. Arbores quæ picem, resinam, terebinthinam & similes succos fundunt, quum hic infinitæ pene sint, non dubium est quin labore

atque industria colonorum ingens harum mercium copia parari posset. Sub frasin-
digenis *Winauck*, hic passim reperitur. Ingenia nemora, cedrina ligna optimi odo-
ris & ad fabrilia opera aptissima subministrant: vites quæ hic innumerae, largam vin-
demiam promittunt si cultura accederet: denique ad oleum maxima copia è juglan-
dibus exprimendum non nisi opera humana desideratur.

Præfens etiam emolumentum sperari potest è pellibus lutearum, quæ juxta lit-
tora præfent magno numero: neque vero ab simile etiam lyncæ hic reperiri aliaque
animalia quæ laudatiores pelles ferunt. Cervina autem tergora tum cruda, tum ru-
picaprarum pellium in modum præparata maximo numero abindigenis vilium mer-
cium commutatione quotannis redimunt possunt. Hyænam veteribus (ut vult Bello-
nius) recentioribus *Civetam*, Africæ perfamilie animal, etiam hic à se observa-
tam Angli testantur, penes quos fides sit.

Metallorum haud levia indicia deprehensa: Ferri quidem duobus in locis,
octuaginta aut centum miliar. ab eo loco quem Angli coloniz sue elegerant; nec
procul à littore rupes multæ quæ venas ferri magnis indicis promittunt; è quibus,
ut magni emolumentum sperari possit, facit lignorum copia & operarum vilitas.
Æris autem & argenti metalla in mediterraneis reperiri constans fama est, nec ob-
scura indicia, licet certa in hunc diem fides vacillet. Margaritæ seu uniones penes
indigenas repetitur, verum an hic natæ, dubium est. Tincturæ variz, præter Rhus
coriorum Europæis notissimum, ex herba enim quam *Wasebur* vocant; & tenui-
bus radicibus *Chappacor*, & cortice arboris *Tangomorqueuminge*, indigenæ diversos
colores rubros excoquant.

Barbari harum regionum indigenæ, satis eleganti sunt forma, comam alunt tam
viri quam femine: mares autem & maxime procetes, à fronte per medium verti-
cem ad cervicem usque capillos cristæ in modum attondent: pelle cervina aut alte-
rius feræ exuviis ab umbelico ad genua demissis, pudenda velant; cætera nudi agunt,
aut levi chlamyde ex pellibus ferarum humeris circumjecta, pallia nostratium æmu-
lantur & varias corporis partes punctilis & notulis quibusdam persignant ut formi-
osiores videantur. Arma ipsorum sunt arcus è corylo, sagittæ ex arundinibus, & pali
lignei plani duos cubitos longi: Scutis è corricibus aut bacillis barbara industria con-
fictis se tegunt, nulla ferri notitia.

Pagi ipsorum exigui & pauci juxta litus: decem, duodecim, etiam viginti; &
qui amplissimi triginta domiciliis constant, nec nisi palis ligneis in orbem terræ infi-
xis adversus hostium incursum septi. Aedes suas ex ramis & peticis in fornicem flexis
& in fastigio colligatis, pergularum in modum factas, aut arborum corticibus aut
storeis quibusdam artificiose contextis à summo ad imum tegunt: longitudo pletum-
que latitudine duplo maior nunc duodecim, nunc sedecim interdum & viginti de-
cempedarum spatium complectitur.

Satrapas suos sive regulos vocant *Weroani*, ii interdum unum interdum plures pa-
gos regunt: qui tum quum Angli hic appellerent, inter illos potentissimus judicaba-
tur, decem & octo pagis imperabat. Suum cuique præfeturæ idioma, & quo ma-
jori intervallo à se invicem discretæ, eo magis variant idiomata ipsorum.

Bella inter se magis ex insidiis quam aperto Marte gerunt, & hostes suos plerum-
que sub crepusculum aut noctu splendente luna inopinantes conantur opprimere.
Disciplina magis & vario instrumentorum apparatus: quam ingenio aut industria de-
stituuntur.

Multos quidem Deos, certis gradibus & ordinibus distinctos, quos *Mentosc* ap-
pellant, superstitione colunt, ita tamen ut unius summi atque æterni Dei licet ad mo-
dum levis cognitio haud plane ex animis illorum deleta videatur: à quo per minores
atque ab ipso creatos Deos atque semideos, & mundum hunc creatum & hætenus
gubernari fateantur. Aquam inter elementa, feminam inter mortales primo crea-
tam, & ex divino semine propagasse totum humanum genus. Quot secula à mundi
creatione fluxerint non magis norunt, quam litteras aut alias notas quibus horum
memoria conservatur: omnis rerum memoria traditione parentum ad liberos propa-
gatur. Numina sua uti humanis corporibus prædita credunt, ita simulacris quibus-
dam quæ *Kensowack* vocant venerantur. Sactaria quædam templa tum in modum
illis

illis consecrant, quæ *Machicomuck* nominant, in iis precantur, canunt & varia dona offerunt: habent & sacerdotes suos, magicarum artium haud imperitos, qui in rebus dubiis dæmones consulunt, & fœdis gestulationibus artuumque præter naturæ modum contorsione misero popello metum incutiunt & venerationem sui extorqueant. Animarum immortalitatem agnoscunt, easque à corpore solutas aut ad beatas divorum sedes, aut ad ardentem puteum in extremis terræ versus occidentem oris (*popogusso* vocant ipsi) deserti opinantur. In furta adulteriaque & similia criminalia verberibus, interdum etiam mortis supplicio animadvertunt.

C A P. XXIV.

10

De primis Anglorum expeditionibus in hanc continentis partem ad annum usque c15 l5 lxxxvi.

PRIMA (quod quidem constat) in hanc Americæ partem, navigatio suscepta fuit anno c15 l5 lxxxiv, auspiciis Reginæ Angliæ & impensis *VValtheri Raleighi*, 1584. cum duabus celocibus sub præfecto *Philippo Amadaso*: Qui xxvii Aprilis ab occidentali Angliæ ora solvens, primum decimo May Canarias insulas tenuit, & deinceps decimo Junii Insulas Americanas, à quibus cursu versus Corum reflexo, quarto Julii terram conspexit, ejusque oram legit circiter milliar. cxx antequam portum ullum deprehenderet: sed illo denique invento, anchoræ jactæ, haud longe à terra; quam exfensione facta, Coronæ Angliæ habendam & possidendam consuebis cærimonis vindicarunt. Erat autem humilis & arenosa juxta littus vitibus passim vestita, quæ ad fastigia arborum enitebantur: interius in colles modicos consurgens, è quorum jugis mare undiquaque ambiens conspicati, insulam esse didicerunt, barbaris *VVokokon* dictam: viginti milliar. Angl. in longitudinem patet, vix septem in latitudinem; pulcherrimo cedrorum luco opaca, in quo infinita alborum gruum & aliarum avium copia viscebatur, nec minor ferarum. Tertio demum die, tres barbari qui juxta degebant, ad illos venerunt, pisces dono afferentes: postero item mane plurimi alii cum *Grangimino* Reguli *VVingina* germano: Provinciam universam vocari asserebant *VVingando* 30 *coam*, Angli ad honorem Reginæ suæ Virginis, *Virginiam* dixerunt. Atque hic ab indigenis pelles rupicaprarum, alcium, cervorum, permutatione acceperunt. Reguli frater haud multo post ad illos rediit, & naves quoque adiit cum uxore & liberis: ipsa quidem decenter barbarum in modum erat ornata, ferto alborum corallorum capillos redimita; ab auriculis funiculi, vilium margaritarum ad umbelicum usque debebant, ille autem incomitior æneam tantum lamellam supra verticem gestabat.

Woko-
kon. In-
sula.

Erant hi barbari colore fusco, nigris crinibus, quos forminx quidem utrimque, mares vero ab uno tantum latere promittunt. Lintres illorum unilignei è truncis arborum excavati, ad cæterorum Americanorum modum.

Septem ab hac statione milliar. altera insula continenti objacet, *Raonoack* barbaris, quem *Granginimem* habitabat; ex adverso fluvius *Occam* elabitur, procul è continenti ut ferunt descendens, cujus ripis adsidet pagus *Pomeiock*: sex autem dierum itinere adverso flumine, maximum oppidum *Skicoack* jacere, barbari à majoribus se accepisse narrabant, nullo tum superflite qui illud vidisset. In hoc flumen amnis *Cipo* descendit, margaritarum, ut produnt, ferax: itemque *Nompno* cujus ripæ vicus *Chanaock* adsidet, *Poneno* parens: huic vicinus est regulus *Menatonon*: Erantque eo tempore tres reguli isti *Wingina*, *Menatonon* & *Poneno* confœderati. Quatridui itinere versus Africum *Sequoran* pagus jacebat australis *Wingandocoæ* limes. Illi contermina erat *Pomonick* aut *Pananvico* sub regulo *Piamoco*, & ad favonium *Neusock* secundum ripas pulcherrimi amnis *Néis*. Citra *Raonoack* plures insulæ cum suis pagis continenti adjacent. Tota enim ora crebris insulis adducenta & plura mill. angl. obsidetur, quæ fiæto mediterraneo, nonnisi quâ quadraginta milliaria lato, à Continente dividuntur. Septēbri denique Angli cum duobus barbaris *VVanchete* & *Manleo* in patriam redierunt.

Raono-
ack In-
sula.

Anno c15 l5 lxxxv mense Aprili secunda expeditio fuit suscepta, cum septem 1585. navigiis præfecto *Richardo Greenville*; qui nono ejusdem *Pleymutha* discedens, decimo quarto Canarias, septimo May *Dominicam*, decimo *Cotesam* parvam sub portu *Rico* insulam attingit: & duodecimo sinum Mosquitorum ad insulam S. Joannis intravit: Deinde Hispaniola obiter adita & xx demum Junii Florida eminens conspecta: xxi ancho-

anchoræ jactæ pone promontorium, quod ob discrimen ibidem aditum, *Timoris cornu* dixerunt: inde xxvi *VVokokon* delatis, negligentia nautarum Ammiralii navis fracta perit: hic *VVingina* è *Roanock* ad se vocato, Continentem petierunt, ibidemque lustrarunt *Pomejock*, *Aquasfogoc* & *Sequotan* pagos & *Paquipe* lacum: Denique *Sequotanorum* pago, quia argenteum calicem furto ablatum reddere abnuebant, flammis absunto. & multis barbarorum cæsis ad naves remearunt. Porro ad *Roanock* cvii colonos sub *Radulpho Lanio* exposuerunt; qui hic ad xviii Junii, anni clō lō lxxxvi incoluerunt & à *Francisco Draco* in patriam sunt reducti. *VVingina* ante, qui jam advenarum uti videtur pertæsus clam in exitium illorum conspirasse compertus erat, cum plurimis suorum cæso.

Lustraverant autem hi versus austrum quidem ad *Sequotan* usque, lxxx circiter mill. à *Roanock*, per fretum admodum latum, sed vadis impeditum. Versus Septentriones vero ad *Cheapeanorum* terras, imprimis amenas; (sunt autem hi divisi in *Mandagios*, *Tripanigos*, atque *Opassianos*;) versus Corum denique ad *Chawanoock* cxxx milliat. ab insula, per latum fretum & satis altum.

C A P. XXV.

Reliqua gestorum ad annum clō lō xc.

R *Alegus* eorum quæ in Virginia gesta erant ignarus, navem submiserat cum 20 supplemento colonorum & annonæ; quæ quum portum quidem tenuisset, sed colonos jam in Angliam decessisse intelligeret, re infecta rediit: Similis & *Greenvilli* fortuna fuit, nisi quod quindecim suorum apud *Roanock* exposuit, ut provinciam possessionem continuarent.

1587. Anno dein clō lō lxxxvii *Ioannes VVishus*, à *Ralegho* missus ad novam coloniam deducendam, cum cl qua viris qua fœminis. Hic quum xxvii Julii *Hatoraskum* appulisset, quindecim illos superiori anno in *Roanock* relictos statim quæsit; verum nullum ne vestigium quidem ipsorum deprehendit; sed ipsum munimentum quod *Lanius* ad septentrionale insulæ latus construxerat, plane desertum, vallo disjecto & solo æquato; tuguria squallida & jam herbis fruticibusque operta: quæ statim 30 repurgavit & nova aliquot adjecit. Deinde *Croatoan* petiit & jam de cæde illorum xv certior, dum vindictam in *Dacamonquepukios* qui cædis auctores habebantur, molitur, plures fociorum atque innocentes occidit. Gravi autem discordia inter colonos levem ob causam ortâ, *VVishus* in Angliam rediit, xci viris, xvi fœminis & xi pueris ibidem relictis.

Non invenio aliquam horum rationem habitam ante annum clō lō xc, quo demum *Raleghus* pro ea qua in aula pollebat autoritate, perfecit, ut Classis alio destinata, *Wichum* ad colonos suos reduceret: verum hæc diutius inter insulas Americæ vagata, mense demum Augusto *VVokokon* artigit, xxxiv gradus (ut tum observatum) ab Æquatore: exinde & *Croatoan* boreale latus quinque & triginta gradib. 40 & semisse ab æquatore: denique xv Augusti *Hatoraskum* insulam xxxvi gradib. & xx scrupulis ab æquatore. Verum quum *Wichum* non sine discrimine & unius cymbæ jactura in insulam exposuissent: Illa quæqua parer diligenter lustrata, nullus colonorum superstes fuit inventus: Convenerat inter ipsum & colonos quum ab ipsis discederet, ut si ipso absente sedes mutare cogerentur, nomen loci quem peterent, in cortice arboris notarent, cruce addita si forte periclitarentur: quare quum in arbore quadam *CRO* elegantibus Romanis literis incisum absque Cruce offendisset *VVishus*, suspicari capit, colonos in *Croatoan* ultro commigrasse: verumtamen & hic oppiduli vallum quidem integrum sed ædes disjectæ, ferri aliquot frusta, multaque alia ponderosa hac illac dispersa, cistæ denique è larebris productæ, & à 50 barbaris spoliatæ, triste colonorum excidium aut præproperam fugam certo arguebant. Itaque *VVishus*, licet obnixè id contenderet, à classariis neutiquam obtinere potuit, ut tantisper ibidem hærerent, donec & *Croatoan* perlustrasset. Ab eo tempore non reperio Colonos hosce ab alio quoquam quæsitos, antequam novæ coloniz in alteram Virginiz partem, deductæ fuerunt: nec quid illis factum sit in hunc diem, quod quidem sciam, constat.



NOORD

37

36

35

34

33

32

31

30

29

28

27

26

25

24

23

GOLFO

DE

NOVA ESPANA

TROPICUS CANCRI

Millaria Germanica



ZUYDT





95

DESCRIPTIONIS
INDIÆ OCCIDENTALIS,
LIBER QVARTUS.
FLORIDA.

10

CAP. I.

Florida provinciæ prima inventio, seu expeditio
Joannis Poncii Legionensis.



10

IRGINIÆ quam superiori libro absoluimus, con-
tigua est Florida, vastissima provincia, in qua quidem
lustranda atque colenda primum Hispanorum, deinde
& Gallorum labor atque industria enituit; ve-
rum utrique tam levem nobis, præterquam juxta
littora, & tam confusam maxime in mediterraneis,
cognitionem reliquerunt, ut præter institutum hic
historiam rerum gestarum & itineraria præmittere
satis existimaverim: in quibus, quantum ad Hispanos
attinet, Antonii Herreræ potissimum decadas
sequar.

30

40

Ioannes Poncius Legionensis novas terras aperire

fatagens, cum tribus navibus, quas viris, commeatu, atque omnibus necessariis
abunde instruxerat, tertio Martii anni 1515 solvit e portu *S. Germani* in insula
S. Ioannis de porto rico, & *Aguadam* primo stringens, inde in altum provectus est, iter
flectendo versus Corum, & octavo demum ejusdem mensis, vada quæ *los baixos de*
Babueca vocant declinans, Insulam *de Vejo*, duobus & viginti gradibus & triginta
scrupulis ab æquatore versus Arctum sitam tenuit, proximoque die sub *Lucayarum*
insularum una, quam dicunt *Chaicos*, anchoras fixit, & paulo post sub *Tagune*, vigin-
ti & quatuor gradibus ab æquatore, (ut ab ipsius nauticis tum notatum invenio)
deinceps *Amaguayam* & *Manegam* prætervectus, attigit *Gnanihanem* (quam insulam
Columbus primum visam *S. Salvatoris* nomine insigniverat) & vigesimo septimo ejus-
dem mensis, insula hætenus incognita post tergum relicta; tertio Aprilis rursus ter-
ram est conspicatus, triginta gradibus & octo scrupulis ab Æquatore versus Arctum,
& oram illius deinceps legit, portum idoneum pervestigans. Porro hanc terram
Insulam esse suspicatus, FLORIDÆ nomen illi imposuit, vel à vernanti & amœna
terræ facie, vel ut alii prodiderunt, à die quo hanc primum viderat, qui Hispani &
Gallis Pasca floridum, Romanis Dominica in Ramis palmarum vulgo appellatur.
Atque hic jactis sub littore anchoris in terram descenderunt, partim ut incolas inve-
stigarent, potissimum autem ut illam sibi habendam possidendamque consuetis cere-
moniis vendicarent.

50

Octavo deinde ejusdem mensis, velis explicatis versus Africam navigarunt, &
littora radentes, quum barbaros & illorum tuguriola (quæ *Bobios* vocant,) conspicia-
rentur, rursus anchoras jecerunt; postero vero die paulum à littore in altum prove-
cti, tantum pelagi resluentis æstunt sunt experti, ut navigia plenis velis & secundo
vento impulsas remoraretur, atque aggre in anchoris consistere pateretur. Quum-
que Hispani ab indigenis invitati, in terram exscendissent, barbari primò cymbam
subducere, remos atque armamenta rapere cæperunt, Hispanis nihil contra molien-
tibus, ne ultro gentem irritarent; verum quum illi unum è militibus clava lignea ita
afflixissent, ut pro mortuo haberetur, ad arma utrinque ventum, duoque Hispani
vulnerati, prælium nox superveniens diremit. Hinc ad vicinum flumen aquandi
atque lignandi gratia profecti, è sexaginta barbaris qui illos aliquandiu prohibere ni-
tebantur

rebantur, unum interceperunt ut illo ductore atque interprete deinceps uterentur; Hic crucem lapideam cum inscriptione ad ripam fluminis posuerunt, à qua nomen eidem hactenus mansit *Rio de la Cruz*. Octavo autem May, promontorium Floridæ, quod de *Corrientes* vocatur, octo & viginti gradibus & quindecim scrupulis ab Æquatore versus Arctum, prætervecti, pone illud anchoras jecerunt, haud procul ab *Abiaia* pago: Atque inde rursus moventes versus Austrum, primo duas insulas obvias habuerunt, (quarum uni *S. Marthe* nomen impositum, ubi & aquarum) mox etiam plures: & longam veluti seriem scopulorum potius quam insularum præternavigantes, sub una illarum constiterunt, quam appellaverunt *Polam*, sex & viginti gradibus & triginta scrupulis ab Æquatore versus Arctum. Inter hanc scopulorum insularumve seriem & Continentem, pelagus freti in modum vastis fluctibus perripit: Omnibus autem hisce scopulis tum *Martyrum* nomen inditum, quod rupes passim extantes, eminus homines palis suffixi viderentur; sed mali ominis nomen, multorum postea naufragia atque exitium, jure meritoque inditum comprobaverunt. Poncius deinceps nunc recta versus arctum, nunc versus boream provectus, & incolarum ingenia leviter periclitatus, nihilque minus quam Continentem suspicatus, per medias *Lucayas*, ad insulam *S. Joannis* unde venerat est reversus.

Ferunt illum imprimis motum fuisse, ut hanc navigationem susceperet, vanis multorum barbarorum narrationibus, de fonte Insulæ *Bimini*, & flumine quodam continentis, quorum aquæ senibus pristinas vires atque adeo juventam postliminio restituerent; quare & studiose neque sine discrimine illam insulam adit, & sero animadvertit se à barbaris delusum esse.

C A P. II.

Navigatio secunda Hispanorum in Floridam.

FLORIDA ad hunc modum inventa: Anno demum c1510 xx altera expeditio fuit suscepta à *Luca Vasquio de Ayllon* Licenciario, qui cum consortibus suis, duas naves instruxit ut barbaros è vicinis insulis ad metalla egerenda raperent & invitos manciparent. Ex è portu de *Plata* ad septentrionalem Hispaniolæ oram profecto, versus arctum navigantes (casu an ex instituto incertum) velificatione ab extremis insulis *Lucajarum* continuata, tandem ad Continentem Floridæ applicuerunt, triginta & duobus gradibus ab Æquatore versus septentriones, tum quidem *Cithora* & *Gualdapa*, nunc vero Promontorii *S. Helena* & fluminis *Jordanii* nominibus notam. Barbari indigenæ, rem insolitam, naves onerarias expansis velis allabentes conspiciati, magno numero ad litus accurrerunt, monstrosos esse pisces opinantes, postquam autem viros barbaros & vestitos exscendere viderunt, trepidi fuga se subdixerunt. Hispani vero duos eorum è fuga retractos, secum in naves abduxerunt & cibo potuque refartos, vestibusque Hispaniensibus induros ad suos remiserrunt. Regulus provinciarum, tam peregrinum vestitum cultumque admiratus, quinquaginta suorum cum variis frugibus & annona illius regionis ad naves ablegat; multis præterea Hispanorum qui in terram descenderant comites adjungit, qui illos per vicinas provincias circumducerent, ubi & hospitaliter accepi, & variis muneribus, auro, margaritis, & laminis argenteis fuerunt donati.

Hispani vero, mores indigenarum, cæli solique naturam obiter contemplati, postquam dolia omnia aqua potabili replevisent, seque ad decessum comparassent, plurimos barbarorum in naves ad convivium advocarunt, qui quum fraudis ignari magno numero advenissent, illi revulsis anchoris & expansis velis abitum accelerant, & miseros illos invitos & nequicquam hospitii jura violata obestantes, in sævam servitutem abripiunt. Una harum navium petiit in mari, altera multis barbarorum partim mærore, partim obstinata inedia absumtis, tandem ad Hispaniolam rediit, ubi illi qui superfuere, canibus & putridis nonnumquam cadaveribus vitam tolerare visi fuerunt. Immane autem hocce facinus, non modo se impune ferro posse speravit *Vasquius*, verum & præmium à Rege & novas terras indagandi licentiam, consuetasque immunitates impetrare, quarum causa in Hispaniam navigavit.

Interea & plures alii Floridam petiverunt & magnum barbarorum numerum inde in servitutem abriperunt. Patuitque tandem Continentem esse, non Insulam. d. 1. 18. c. 8.

Vasquius denique impetrato Regis diplomate: anno 1524. ad Floridam dimisit, quæ quum ipsum de soli ubertate, auri, argenti, unionumque divite copia, reddidissent certiores; vana spe impletus, proximo anno, cum tribus navibus eò contendit: Verum quum Promontorium *S. Helena* & flumini *Jordanis* adnavigasset, una suarum navium ibidem fracta, & ducentis suorum quos in terram exposuerat, magis propria negligentia atque supina securitate quam barbarorum fortitudine ad internecionem deletis, voti irritus atque animo æger ad Hispaniolam remeavit.

Hujus expeditionis tam infaustus exitus, spem de immensis Floridæ divitiis multum imminuit; nam & gentem quam tum viderant, paupellam esse constitit, & paucas tantum & viliores uniones, ex ostreis ad ignem deliscentibus exemptas, neglectum habere, auri atque argenti paucillum, neque in ipsorum terris natum, sed in interiori continente & supra sexaginta leuc. ab ora maritima, versus septentriones (ut tum creditum) apud *Otapalos* atque *Olagatanos* populos quæsitum; quos metallis omnis generis abundare tum fama erat.

C A P. III.

Tertia Hispanorum in Floridam expeditio Anno 1528, duce Pamphilo Narvæ.

Pamphilus Narvæsius superiorum infausto successu nihil territus, quum anno 1528. a. 4. 1. 4. c. 4. ab Imperatore & Hispaniarum Rege Carolo, omnium terrarum à flumine *Palmarum* ad extremos usque Floridæ terminos detegendarum, præfecturam amplissimo diplomate impetrasset: mense Martio anni 1528. è portu *Xagua* ad australem Cubæ plagam sito, vela fecit, cum quatuor onerariis & una celose, quibus quadringenti milites & octuaginta equi vehebantur. Hæc in *Carretero* vadis classis, Navarchi impericia, sed nullo insigni damno accepto, provecta, primò valida tempestate apud *Guaniganigo*, rursusque altera juxta Promontorium *de Corrientes* jactatur: dehinc superato *S. Antonii* promontorio, septentrionale Cubæ latus duodecim supra *Habana* portum leucis tenuit, ubi idoneam ab Austro auram nacta, feliciter trajectu Floridam adnavigavit duodecimo Aprilis, Anchoræ in quodam Sinu jactæ, unde euguria barbarorum in continenti sita visebantur, à quibus pisces & ferinam permutatione mercium acceperunt. Postero die Præfectus partem copiarum in terram exposuit, sed domicilia indigenarum deserta repperit (quorum unum trecentorum hominum capax videbatur) quumque inter retia cymbalum aureum deprehendisset, spei plenus mox reliquis copias & equos, qui jam ad quadraginta & duos perveherent, deduxit, & terram nomine Imperatoris possidendam accepit, consuetis prius ceremoniis adhibitis: accedebant barbari, verum propter linguæ imperitiam, quid adferrent, haud satis constabat; nisi quod imitabundi, Hispanos ut finibus suis excederent, jubere videbantur. Præfectus inde paulum progressus, alium sinum invenit, ingenti ambitu intra continentem receptum; itaque Navarcho imperat ut idoneum portum navibus investigaret; verum ille locorum penitus ignarus, jam ante notum portum quoque erat prætervectus. Deinde quatuor leucas versus interiora profectus, in barbaros incidit, qui maizium offerebant, apud quos dum abditâ perscrutatur, quatuor thecas ligneas invenit, in quibus cadavera pellibus ferinis tecta & barbarorum in modum picta abscondebantur; panniculos insuper lineos & laneos, atque auri ramenta aliquot, quæ barbari ab *Apalache*, longissimo intervallo ab ipsis distita & auri divite regione, se habere testabantur. Apalache.

Præfectus hisce indicii in majorem spem erectus, copias terrestri itinere procedere, naves autem litus legendo persequi præcipit. Thesaurario *Alvaro Nunnezio Cabeza de Vaca* nequicquam refragante. Primo May expedito agmine trecentorum militum, quorum quadraginta equites erant, profectus, duabus libris biscocti & dimidia laridi in singulos milites distributis, quindecim dierum iter absolvit, nulla

Apalachen.

annona in illis regionibus reperta, præter palmitos; nulli sitidem incolis usquam obvis: & ad flumen pervenit, quod partim natatu, partim ratibus ex obvia materie compactis trajecerunt: oppositam ripam tenebant barbari, qui Hispanos in domicilia sua abductos, maizio refecerunt. Hic paulum subsistens aliquot suorum ad litus maris requirendum dimisit, qui reduces sinum & litus juxta vadofum atque importuolum à se visum retulerunt. Hinc quindecim dierum iter progressus, nullo ne vestigio quidem incolarum invento, tandem decimo septimo Junii, Regulum cervino tergo elegantè picto tectum, buccinatoribus præcuntibus & multitudine barbarorum subsequente, obvium habuit, cui quum per signa exposuisset se *Apalachen* petere, ille se Apalachenorum hostem esse visus est respondere; & levibus quibusdam munusculis donatus, transmissio altero flumine, illos in pago suo, maizio aluit atque ferina. Denique per itinera impeditissima, vigesimo quinto ejusdem mensis *Apalachen* est perventum, oppidumque inopinantibus & imparatis barbaris primo impetu captum: multum ibi maizii, tergora ferarum, pallia è filis texta, aliaque barbarorum suppellex direpta: quadraginta tuguriis humilibus & stramineis constabat hic pagus, adversus incerta ventorum, qui hisce locis admodum interdum sæviunt, egregiè munitus, & altissimis præterea montium jugis & profunda uligine undique septrus.

Solum omne quod hæcenus lustraverant, planum erat atque arenosum, juglandibus, lauris, cedris, sabinis, abjetibus, pinis, aliisque arboribus passim oblitum, & humilioribus palmitis; multis stagnis riguum, & procumbentium præ senio. aut vi tempestatum prostratarum arborum truncis impeditum; ferè innumere, cervorum tres species, cuniculi, lepores, ursi leonisque ea nemora pererrant: regio frigidior quidem est, sed lætis pascuis abundans.

Viginti quinque diebus, quos hic sunt morati, bis inopinato incursu sunt terribi, barbaris se intra paludem recipientibus: ter in varias partes digressi, ut vicinas provincias lustrarent, nihil præter impedita itinera, & indigenas omnium rerum egenos offenderunt. Regulus quem in vinculis custodiebant, suum municipium, omnium hujus regionis longe maximum, ultiores provincias longe infrequentiores incolis, & deteriore solo esse commemorabat: veruntamen novem dierum itinere versus Austrium, aliud occurrere municipium, *Aute* nomine, cujus incolæ ipsi essent confederati, & annona aliisque rebus necessariis abundarent, utpote mari viciniore.

Aute.

Hispani harum regionum inopiam conspicati, & barbarorum injurias, qui equos illorum noctu ex insidiis mactabant, non ultra ferentes, in animum inducunt iter versus mare flectere. Magno cum discrimine iter octo dierum factum, barbaris ubique magno impetu (sunt enim vastis corporibus & insigni sagittandi peritia præditi) illos oppugnantibus, & pari corporum agilitate sese intra saltus & paludes recipientibus; ad *Auten* quoque certamen haud incruentum fuit, aliquot militum desideratis; tamen loco potiri, magnam copiam mayzii, pisorum, cucurbitarum & similibus fructuum invenerunt. *Cabeça de Vaca* à Præfecto missus ut litus maris visiteret, & post triduum reversus, tristem & squallidam regionis faciem, reductos intra terram sinus & mare remotius renunciavit, militibus jam plus satis afflictis. Nec jam equi ferendis agris sufficiebant, quum (quod unicum supererat) deserto *Aute* versus mare moverunt; & aliquot cymbas fabricare aggressi, licet omnium rerum inopes, quinque ante vigesimum Septembris utcunque perfecerunt: funes ex equorum fetis contorquent, uterculos ex tergoribus consuunt ad aquam conservandam, vela indusiis suis instruunt, cæteraque expediunt ad eundem modum, prout aut fors aut industria adjuvabant; nec dum à barbarorum insultibus immunes, qui decem hic milites trucidarunt.

Secundum ipsorum calculum, à sinu S. *Erneu* ubi primum terram attingerant, ad hunc locum ducuntur & octuaginta leucarum iter absolverunt. Vigesimo secundo Septembris naves ingressi solverunt, & postquam septiduum inter sinuum recessus, viarum ignari obcassent, nullo dum mari viso, insulam habuerunt obviam, ubi linteres quinque & pisces ad solem siccatos acceperunt; & frutum quod insulam à Continenti exiguo intervallo dividit, emensi (nomen S. *Michaëlis* huic inditum) litus legendo iter recta versus flumen Palmarum dirigunt: laborabant interim aquarum penuria

penuria, nec barbaros offendeabant præterquam paucos, & piscatu inopem vitam miserrime tolerantes. Deinceps promontorium obvium non sine summo discrimine superant & aliquot sociis largiore maritimæ hauſtu extinctis, rursus Continenti se applicant, ubi primum à barbaris peramice hospitio excepti & potu, piscibusque coctis refecti, deinde nocturnis insidiis petiti & pene oppressi, Regulo elapso, & præfecto vulnerato, trepidè & cum summo periculo cymbas repetunt. Trium deinde dierum itinerare proveſti, eadem aquæ potabilis inopia pressi, rursus ad continentem appellunt: accurrunt incolæ & obsidibus utrimque datis & acceptis, aquandi opportunitatem Hispanis ultro ostendunt: haud segnius tamen paulo post & obsides
 10 illorum retinent & suos ferociter reposcunt. Gens erat statura grandiori, quam quos hætenus viderant, promissis criminibus atque solutis; Reguli illorum ditibus martium pellibus erant amicti. Statio hic erat navibus admodum infida, itaque extremo periculo prævertendum rati, paululum provehantur, sed mox cymbis vi ventorum in diversâ abreptis, & singulis pro virili in anteriora tendentibus, una qua Thesaurarius *Cabeça de Vaca* vehebatur, (cui hæc narratio debetur) hæsit vado, atque ipse cum suis comitibus in Insulam, ut postea patuit, exscendit, *Malhado*, quasi dicas infortunatam, ab ipsis nuncupatam: Incolæ circiter centum primo in ipsos impetum fecerunt, verum mox blandimentis & manusculis quibusdam deliniti, pisces aliaque
 20 edulia liberaliter contulerunt: Et quum postea Hispani cymbam apud Insulam hanc misere fregissent, & armis, vestibus, cæterisque rebus mari hauſtis, ipsis ad extremam calamitatem jam nihil deesset, illos in suis tuguriis rantisper aluerunt, donec & ipsismet victus deficeret: itaque Hispani fame efferati, horrendum dictu, sociorum carnibus vesci cogebantur, donec ex octuaginta tantum quindecim superessent. Horum quatuor *Cabeça de Vaca*, *Castillo*, *Orantes*, & *Eisavenico* post longos errores & varios casus, quos hic referre nimis longum esset, tandem pervenerunt in Mexicanam provinciam: ubi ceteræ cymbæ perierint, aut quis exitus ipsi Præfectum tulerit, haud constat. Atque hic fuit exitus tertiæ hujus Hispanorum expeditionis in Floridam.

30

CAP. IV.

*Quarta & maxime memorabilis Expeditio Hispanorum in Floridam,
 duce Hernando à Soto, anno clō lō xxxix inchoata.*

POST superiorem Pamphili Narvæzii infelicem successum, navigatio in Floridam aliquandiu fuit intermissa, & anno demum clō lō xxxviii cæpit restaurari, quo *Hernandus à Soto*, Floridæ lustrandæ & subjugandæ licentiam, una cum Præfectura Insulæ Cubæ speciali diplomate ab Imperatore impetravit. Is necessariis omnibus mature præparatis, & trecentis quinquaginta equitibus, non-
 40 gentis peditibus (præter magnum navalium Sociorum numerum) in naves impositis, duodecimo May Anni clō lō xxxix solvit ex *Havana* portu, & sub finem ejusdem mensis anchoras jecit in Sinu *Spiritus Sancti*, ad Floridæ continentem, ibidemque è vestigio trecentos milites exposuit in terram, qui nullis barbaris conspectis secure fe somno dederunt, verum sub auroram maxima indigenarum multitudine tam inopinato in illos incubuit, ut loco cedere & mare trepidantes repetere cogerentur, actumque haud dubio de ipsis fuisset, nisi è navibus opportune ipsis fuisset subven-
 50 tum. Expositis dehinc cæteris copiis, duas leucas versus interiora continentis castra promovit, ad pagum *Hirrihiagua* Reguli, qui jam ad montana se subduxerat, metuens ne eorum quæ crudeliter in *Narvæzii* milites, & imprimis *Joannem Ortizum* (qui etiamnum superstes hospitio *Mucosi* reguli utebatur) admiserat, pænæ à se reposcerentur. *Mucosus* interim hunc *Ortizum* cum quinquaginta suorum ad Sotum mittit, pacem postulatam. Hujus adventus Præfectum supra modum exhilaravit, nam licet ille haud longe à littore intra continentem penetrasset, tamen certa fama se accepisse narrabat, eximiam esse mediterraneæ regionis fertilitatem juxta atque amœnitatem.

Her. d. 6.
l. 7. c. 9.1539.
Sinus
Spir. S.Hirria-
gua.

Præfectus his acceptis progrediendi certus, onerarias omnes, quatuor solummodo
 1 2 exceptis,

excepit, dimittit, ut militibus omnem descendendi facultatem & spem penitus adimeret: dein *Hirribiaguam* ad amicitiam & societatem nequicquam pellicere conatus, sexaginta equites & totidem pedites ad *Virribaracuxi* Regulum, qui *Mucos* proximus agebat, prae-misit: sed & ille cum omnibus suis in aspera & montosa loca confugerat, neque ullis blandimentis poterat revocari. Haec provincia multis agrestibus vitibus, juglandibus, moris, cerasis, pinis, quercubusque passim erat conlita, virebatque latissimis campis. Praefectus postquam id cognovit, *Calderone* cum quadraginta equitibus apud naves relicto, & prius monito ne quid damni indigenis ultro inferret, cum reliquo exercitu, per *Mucosi* provinciam, iter instituit versus boream, nullis certis indiciiis itinera sua consiguans, magno in futurum errore. Quum *Virribaracuxi* ditionem esset ingressus, nihil intentatum reliquit, quo Regulum permulceret, sed frustra. Hinc vastae uligines, quae leucam in latitudine patebant, ægre toto biduo superatae, insultantibus undique barbaris, quorum quum aliquot cepissent, qui se iter commonstraturos promittebant, pene in insidiis & impeditissima loca praecipitarunt; quod quum Praefecto innotuisset, barbaros fraudis manifestos canibus dilacerandos objecit; & ab alio qui simile exitium metuebat, in patientiorem semitam reductus, in *Acuera* provinciam, (altera uliginosa palude superata per sublicium pontem,) pervenit, hujus Regulus oblatas à Praefecto pacis conditiones repudiabat arroganti hoc responso, bellum se cum vagis hominibus malle, quam pacem: viginti dies hic subsistens quatuordecim suorum amisit, quinquaginta hostium occidit. Dein *Acuera* provincia pene intacta, recta versus aequilonem & *Ocalia* limites promovet (fertilis erat illa regio, neque ullis paludibus impedita) & itinere viginti leucarum absoluto, ad *Ocalin* pagum pervenit: Constabat is sexcentis pene casis, & maizy, leguminum, glandium atque juglandium copia praecellebat; Regulus autem ad montana profugerat, sed tandem animo paululum confirmato descendit ad Praefectum, & se ducem itineris prae-buit: verum quum ad ripam cujusdam fluminis castra posuissent, ut pontem molirentur, circiter quingenti barbari, ex adversa ripa, ingentem sagittarum multitudinem effuderunt in Hispanos: rogatus autem Regulus, quare illius subditi ipso praesente talia auderent; dicto minus audientes sibi esse respondit, quod ipsis inconsultis cum advenis convenisset, quare dimittitur ad suos, ut ipsorum animos Hispanis conciliaret, verum nihil æqui ab ipsis impetrare potuit, & redire neglexit.

Ponte jam parato copiae traductae, quae duces itineris nocte, post sedecim leucarum iter in *Vitacuechi* provinciam penetrarunt: Ea circiter quinquaginta leucas patebat, & tum à tribus fratribus divisim regebatur. Quorum unum cum pago suo *Ochile* (semel autem monendum, regulos & pagos hic uno atque eodem plerumque nomine censi) quum ex itinere interceptissent & liberalius haberent, ad vallem amoenam & ædificiis hacillae sparsis bene cultam, ab ipso sunt deducti. Regulus insuper ad fratres suos mittit rogatum, ut Hispanis iter per suas provincias concederent, nulli quippe damnum inferre, neque quicquam præter annonam & transitum petere. Alter fratrum humaniter annuit; verum *Vitacuechus* qui ætate & potentia praecellebat, praefertim negavit, exitium Hispanis comminatus, si se invito provinciam ingrederentur; mox tamen mutata voluntate cum quingentis suorum Praefectum sponte invisit: Promota itaque ad pagum *Vitacuechum* castra, qui circiter ducentis ædificiis constabat, longe pluribus per campestria longe lateque sparsis. Regulus Hispanos hic incautos opprimere meditabatur, verum insidias ab interpretibus sunt detectae, multi barbarorum caesi, ipseque Regulus cum aliquot millibus suorum captus, & quum laxius habitus, denuo in Hispanorum necem conspirasset, cum omnibus suis ad internecionem est caesus.

Castra de hinc ad *Oschilen* mota & fluvius ponte superatus, perventumque ad *sara maizii*, barbaris & tuguriolis suis in Hispanos ejaculantibus: Pagus ab incolis desertus, neque ullis mediis permoveri potuit Regulus, ut rediret: Itaque crebrescente jam *Apalaches* fame, bidui tantum mora ibidem facta, progrediuntur, etenim jam tempus admonebat de Hybernis cogitare. Duodecim dein leucis per desertum ægre confectis & uliginosa palude cum aliquot militum exitio superata, invius & impeditus occurrit saltus, quem magno labore penetrarunt, rursusque

ad Campeltia ventum, & in mayzii satīs, quæ ad *Apalachen* pertinebant; cæstra metata: & mox crebris barbarorum incurſibus & viarum difficultatibus mirum in modum delatſati, duabus leucis à loco, ubi *Capafius* Apalaches Dominus cum valido exercitu ipſos operiebatur, conſederunt: Regulus non expectato ipſorum adventu cum ſuis prope aſugit, neque unquam potuit deprehendi aut revocari. Hic pagus circiter ducentis domiciliis conſtabat, præter multa tuguriola per campos ſparſim extructa: Temperies cæli commoda hic erat, ſolum fertile & mayzii atque leguminum feraciſſimum, amnes piſcoſi, indigenæ robuſti & bellaces. Paucorum dierum quiete capta, Præfeſtus ſuos in diverſas partes dimittit: Qui ad ſeptentriones ſpeculatum exierant, terram uberem, cultam, populo frequentem, nullis montibus aſperam, nullis paludibus inviam ſe reperiſſe, neque quicquam incommodi ab indigenis ſe paſſos, retulerunt: qui vero ad Auſtrum, terram aſperam & triſtem aſpectu, cultuque, & haud dubio illam, quam *Cabece de Vaca* notaverat.

Menſis October jam aderat, itaque Præfeſtus hic hybernare conſtituens, anonam congerere & locum munire aggreditur, *Capaſio* de pace nequicquam interpellato: *Annaſcum* cum triginta equitibus ad naves dimittit, ut reliquas copias adduceret: interim Regulus in loco arduo & munito intercipitur, ſed negligentius cuſtoditus elabitur, neque poſtilla potuit deprehendi. *Annaſcus* maximo itinere undecim diebus conſecto ad *Calderonem* pervenit, uno tantum à ſuis amiſſo: & depoſitis apud Regulum *Muſcoſum* impedimentis & reliquo comeatu, *Annaſcus* quidem cum duabus celocibus ad *Autas* ſinum, quem nuper detexerat, navigavit, & ſub Autem iſſis à Præfecto auxiliis, incolumis in Hyberna rediit; *Calderon* autem cum ſeptuaginta equitibus & quinquaginta peditibus terreſtri itinere *Apalachen* petens, centum & triginta quinque leucas nullo impediẽte conſecit, ad Apalachenorum paludem uſque; dehinc crebris barbarorum inſidiis exceptus & duodecim è ſuis deſideratis pervenit *Apalachen*. *Didacus* deinde *Maldonatus* à præfecto juſſus cum celocibus oram verſus occaſum luſtrare, & intra duorum menſium ſpaciũ, cum littotum, ſinum, promontorium, portuum denique accurata deſcriptione reverti, haud ſegniter illud præſtitit & præſcripto tempore reverſus, ſexaginta verſus occaſum ab *Autas* leucis peropportuno portum, *Achuſi* nomine, ſe perluſtraſſe retulit. Hinc ad inſulam Cubam atque uxorem Præfecti mittitur, ut ea quæ hætenus geſta erant nuntiaret, poſſiſimum autem ut *Achuſi* portus ſama, quamplurimos ad familias ſuas eo traducendas permoveret.

Præfeſtus denique totum hybernũ tempus in indagando ulteriorum verſus occidentem provinciarum ſtatu impendens, ita ex barbaris mercatoribus comperit, tredecim aut quatuordecim dierum itinere abeſſe provinciam *Cofachiqui*, auro, argento & unionibus opulentam; quam quum milites jam ſpe devoraſſent, ægre hybernorum moras tolerabant.

C A P. V.

Expeditionis Hernandi à Soto progreſſus, & annus ſecundus.

POSTquam *Hernandus* à *Soto* Apalachæ hibernaſſet, primo iter ad ſeptentrionem inſtituit per eandem provinciam, & tertio demum die pervenit ad locum juxta paludem munitum, paucis ſuorum, à ferocibus & bellicoſis barbaris, interſectis: deinde biduum progreſſus provinciam *Atalpahe* ingreditur, ubi primum quidem pagum repperit deſertum, ſed placatis barbaris, peramicè in poſterum fuit ab ipſis exceptus. Inde decem dierum itinere adverſo flumine juxta ripas aſcendens, ſolum fertile & quietas gentes peragrando, *Achalaqui* provinciam adiit, aſperam, inſecundam & cultoribus infrequentem; pauciſſimi ibi adoleſcentes, plures ſenes invalidi & oculis caligantes reperti: Properatũ hinc ad *Cofachi* provinciam: ea duorum germanorum fratrum *Cofa* & *Cofachi* parebat imperio, à quibus perhumane ſunt ſiſcepti: *Cofachi* inſuper quatuor millia ſuorum qui impedimenta bajulant, totidemque bellatores Hiſpanis adjunxit, qui illos per deſertum, ſeptem dierum itinere, in *Cofachiqui* provincias deducerent: Tridui iter cmenſi deſertum intrant, & via commodiſſima ſex diebus proſecti (duobus interea validis & rapidis flumi-

Cofa-
chiqui.

fluminibus trajectis) septimo demum die, quum jam ad latæ illius viæ finem pervenissent, & ipsi conductores locorum ignari, qua tendendum esset, hæsitarent, magna totius exercitus perturbatio facta est; auxilium dein sollicitudinem occurrens flumen, altum & vadi expertus. Itaque speculatores in quatuor partes dimittere visum fuit; quorum tres nihil certi retulerunt; *Annasus* autem qui cum mille barbaris, adverso flumine incefferat, in pagum incidit ad ripam fluminis constructum; cuius rei dum Præfectum per nuntios certiorum facit, interea barbari auxiliares crudelissime in hujus & vicinorum pagorum (qui omnes de provincia *Cofachiqui* erant) incolas sævierunt, ad unum omnes mactando, cæmiteria ipsorum destruendo & cranial spoliis loco abripiendo: Quod quum Præfectus superveniens comperisset, immanitatem barbarorum detestatus, consultius existimavit eos domum remittere, quippe potius pacifice quam hostiliter vicinas provincias ingredi sua interesse existimabat.

Annasus, qui primum agmen ducebat, binas circiter leucas progressus, quum pagum ad ulteriorem fluminis ripam conspexisset, constitit Præfectum operiens; qui adveniens, sex è primoribus barbarorum, qui in adversa ripa se objecerant, ad se pellexit; qui quum illum pacifice per provincias incedere, neque quicquam præter annonam petere intellaxisset, Dominæ suæ (nam à Virgine regebantur) id se renuntiuros receperunt: neque illa ad Præfectum venire detrectavit, sed & munera, prægrandes uniones & Rubinum aureo annulo inclusum obtulit; & licet subditi illius ipsi annonæ pethuria laborarent, tamen dimidium penu sui partem liberaliter daturam pollicita, exercitum in oppositam ripam traducendum curavit: Mater vero hujus vidua, quæ duodecim ab hoc loco leucas agebat, à filia invitata, non modo venire detrectavit, sed & filiam graviter increpuit, quod ipsa inconsulta, peregrinos hosce tam facile in provinciam suam admisisset.

Porro hæc regio peramena quidem erat, sed auri inops, æris modica, quod colore rutilo pene aurum æmulabatur; Unionum copia ingens, quarum quantum vellent è monumentis suorum majorum ultro Domina indulsit. Ministri regii qui Præfectum comitabantur, brevitemore corraferunt viginti Arrobas (pondus est Hispanicum viginti & quinque libras nostrates aut circiter appendens) Præfecto multum refragante, qui duas tantum arrobas Havanam mitti satius existimabat: Erant autem inter eas quæ pisa magnitudine superarent: Par pene unionum copia in vicino pago, cui *Tolomeco* nomen, in Reguli monumento reperta, & lineæ vestes, spiculaque cum æneis cuspidibus in ambitu disposita: quorum omnium quoque quintam partem quæ Regi è præda debebatur, iidem ministri abduxissent, nisi Præfectus tutius hic veluti deponi ipsis persuasisset.

Chala-
que.

Cofachique digressi ob annonæ difficultatem, in duo agmina se dividunt, quorum unum Præfectus sibi ducendum sumsit, alterum attribuit *Balsasari de Gallegos*: Provinciam autem *Chalaquen* petentes, tam horribilis tempestas magno cum ventorum impetu, tonitribus & monstrosæ magnitudinis grandine, afflixit, ut omnibus pereundum fuisset, nisi arborum densitate fuissent tecti.

Xuala.

Sexto die ad *Xuala* vallem perventum uberem atque amœnam. Antequam autem progrediamur, breviter itinerum rationes subducenda sunt; flumen quod *Cofachiqui* provinciam secat, rei nauticæ periti in Oceanum Septentrionalem effundi & ad ostium *S. Elena* nomine appellari judicabant; rationibusque itinerum subductis, quatuor leucis unius diei itineri imputatis, ab *Apalache Xualam* usque ducentas sexaginta leucas se progressos, compererunt, quibus si addas centum & quinquaginta à sinu *Spiritus Sancti* ad *Apalachen* sicut in universum quadringentæ & decem leucæ. In provincia *Cofachique* multa mancipia peregrina deprehensa & quidem altero crure subnervato, ne facile aufugerent. Perquisita autem ab Hispanis diligentissime vidua illa, de qua supra, quia magnam vim Margaritarum penes se habere ferebatur, nondum perforatarum; nam quum barbari illas stolis æneis ignitis tenebrarent, omnem splendorem atque elegantiam ipsis deperire necesse erat. Hanc narrationem à Monacho Franciscano in urbe Mexicana, ex Tribuni cujusdam ore, qui expeditioni interfuerat, exceptam, supremoque Indiarum Senatu in Hispania oblatam, testatur *Antonius Herrera*, credo ut fidem suam liberet, nam multa hic & alibi ab ejusmodi fraterculis narrata invenimus, quæ difficultè invenient fidem.

Hernandi à Soto in interiores Florida provincias progressus.

POST QUAM Hispanorum exercitus quindecim diebus in valle *Xuala* (quæ ad *Cofachiques* ditionem pertinet) quievisset, ut equos pabuli abundantia reficerent; hinc iter egerunt uno quidem die per loca culta & fertile solum, quinque autem frequentibus diebus per monres saluosos, arboriferos, scarebrisque aquarum riuos, nec ulla hominum industria cultos. Patere visi in latitudinem leucas viginti: Domina autem *Cofachiques* quatuor è proceribus suis ad *Guaxala* Regulum præmiserat, qui turum Hispanis transitum impetrarent, ni faceret, bellum ipsi minitans. Itaque *Guaxala* quatrimum morati, quinto die *Tchiabam* venerunt, pagum situm in Insula, quam annis utrimque quinque leucarum spacio in longitudinem completitur. Hic quum Præfectus indicio Reguli cognovisset, triginta ab hoc pago leucis, abesse toscidi metalli venas, aurum suspicatus, *Ioannem de Villalobos* eo destinavit; qui redux æris esse metalla reulit, cæterum regiones fertiles & amœnas, populosque hospitaes. Ibidem præter Margaritarum parem pene copiam, etiam ostrea inventa in quibus generantur, sed deerat aperiendi industria, itaque ad ignem admotis splendor ille nativus ipsis unionibus deperibat.

Tchiaba.

20 *Tchiaba* dein mota castra ad *Acoſten*; & mox flumen trajecit, atque in *Coza* provinciam ventum fuit, admodum late patentem: juxta præcipuum provincie pagum, obvium habuere Regulum cum mille barbaris qui insigni plumarum varietate ornati erant & ditibus ferarum exuviis vestiti. Pagus ad ripam fluminis quingentis constabat ædificiis, solum eximia ubertate longe anteibat vicinas provincias; nec tamen Præfectus licet rogatus à Regulo hic voluit hibernare, proponens iter versus mare flexere & *Achusi* portum petere, uti commerciorum ex insulis opportunitate frui posset. Quinque ergo dierum itinere pervenerunt *Taliffam*, pagum munitum vallo è cespitibus & transversis tignis constructo, in finibus *Tascaluza* Reguli, cum quo *Coza* bellum gerebat, qui cum Hispanis huc usque processerat ut inimicum terretaret. Occurrit hic ipsis *Tascaluza* filius, octodecim annorum adolescens, verum tam vasto corpore, ut procerissimos Hispanorum toto pectore superaret, qui pacem parentis nomine promittebat: Mox ipse *Tascaluza* gigantea magnitudine advenit, qui Præfectum magnifice suscepit & exercitum benigne annona juvit, porroque deduxit; Inde flumen satis amplum, rarium inopia, non sine discrimine trajecit. Hic *Ioannes de Villalobos* cum altero quodam milite in transitu desideratus, unde suspicari subiit ab indigenis trucidatos, idque eo magis, quod barbari de istis interrogati ferocius responderent, & quærerent num sibi custodiendos tradidissent? Itaque Præfectus quosdam *Mavilam* mittit, quæ leucam aberat, qui desideratos requirerent, (quippe Regulus majores copias illo loco coegerat, ut Hispanos tutius, ita videri volebat, conduceret) at illi locum lustrantes, munitiorem esse quam ad huc in Florida vidissent, renuntiarunt. Ventum deinde ad locum, qui octuaginta domiciliis constabat, ita amplis ut mille hominum capacia viderentur; erat enim planicie constructus & vallo è transversis tignis & ingesta terra muri instar munitus; octuaginta autem passuum intervallo turres eminebant, in quibus octo propugnatores poterant consistere; duæ tantum portæ aditum præbebant, in medio patebat ingens area, in qua Regulus Præfecto domicilium assignavit. Designaverat animo Barbarus Hispanos omnes non opinantes opprimere & ad interfectionem delere, atque in hunc finem ingentem suorum multitudinem exciverat; itaque ex improvviso à septem millibus impetus in Hispanos factus, qui illos statim è municipio propulerunt: redintegrant pugnam Hispani, & proruto vallo, irrumpunt in municipium, incendunt ædes, & magnam ubique edunt stragem; undecim pene millia barbarorum hic cæsa ferunt & inter eos Regulum, & filium illius; nec Hispanis incruenta victoria fuit, Præfecto vulnerato & octuaginta & tribus militibus desideratis, qui partim in prælio cæsi, partim postea è vulneribus interierunt; quadraginta equis & impedimentis fere omnibus in ipso municipio incendio absumtis.

Mavila.

Præfectus, uti ante diximus, statuerat urbem condere juxta mare, ad *Achusi* portum,

Expeditionis Hernandi à Soto progressus, usque ad illius obitum.

SALIS inopia exercitum graviter affligente, tandem indigenarum indicio innotuit, leucarum quadraginta itinere abesse provinciam, quæ non modo sale sed & auro abundaret, ad quam duo Hispani cum aliquot barbaris dimissi ut rei veritatem indagarent. Hi undecimo die reversi, salis durissimi & instar crystalli pellucidi, quantum sex viri, æris autem absolutissimi, quantum unus ferre poterat, attulerunt: seque per regiones asperas & incultas iter habuisse sunt testati.

Præfectus autem *Casquinum* reversus, iter flexit versus occidentem, (nam à *Mavilla* hæcenus iter instituerat recta versus Arctum) & quinque diebus secundo flumine descendens ingreditur provinciam *Quiguata*: ibique septiduum moratus, eodem tramite, quinto die pervenit *Colimam*, ubi & amice à barbaris fuit acceptus, & alterum invenit flumen: quia autem Salis copiam hic invenerant, provinciam hanc de *la Sal* nominarunt. Hinc per desertum quatrinduo progredientes, venerunt *Tulam*; & barbarorum insidiis detectis plurimos illorum occiderunt. Hic multa vaccarum tergora, haud male præparata, invenerunt, indigenis unde ista habere proderè pertinaciter recitantibus.

Quiguata.
Colima.

Tula.

Bidui deinde itinere *Pitanguæ* provinciam adierunt, & locum vacuum nacti (nam incolæ profugerant, Hispanosque carpebant ex insidiis, ita ut non levis perturbatio in castris accideret) eo quod hyems jam propinqua erat, & regio annonæ & pascuis abundabat, hic hibernare constituerunt. Annus jam agebatur millesimus, quingentesimus quadragessimus primus. Indigenæ nullis mediis ad pacem colendam cogi poterant, sed Hispanos, venatione cuniculorum (qui hic optimi & frequentissimi) occupatos, è latibulis suis impetebant sagittis, plurimosque vulnerabant hyems autem gelida erat & admodum nivosa; tamen nusquam commodius hybernatum, tanta erat annonæ copia & lignandi opportunitas. Et licet *Regulus* in omnes occasiones intentus esset, omnesque opportunitates capteret Hispanos opprimendi, nullum tamen gravius incommodum Præfecti vigilantiæ acceptum.

Vitangua.

In provincia *Naguatex* excursio facta, multique mortales in captivitatem abducti. Mense denique Aprili ex hibernis digressi, septimis castris ad præcipuum provincie *Naguatex* municipium pervenerunt, per uberrimos campos sine ullo incommodo profecti, ibique sedecim dies subsisterunt, annonæ copia allecti. Dum hic morantur, *Didacus Guzmanus* Reguli filix amore insaniciens ab exercitu aufugit, neque ullis Præfecti monitis aut minis perduci potuit ut rediret. Quum autem à *Naguatex* quinque dierum itinere processissent, *Guacana* provinciam intrarunt, immani & pugnandi avido populo habitatam, cum quibus crebra Hispanis certamina fuerunt: multæ hinc lignæ cruces in casulis eorum inventæ, quas haud dubio à *Cabeça de Vaca* jam olim acceperant.

Naguatex.

Guacana.

Præfectum jam dudum penitebat, quod nusquam adhuc, & ne quidem *Achusi* certas sedes fixisset aut oppidum condidisset, quippe jam plusquam dimidiam partem exercitus amiserat, & animo anxius providebat omnem operam & sumtum periculi, si quid sibi humanitas accidisset: itaque jam urbem condere certus, & celeres aliquot secundo flumine dimittere, ut res ab ipso gestas & regionis statum ad vicinas insulas & continentem divulgarent; quam maximis itineribus ad flumen *Grande* contendit & septem provincias quam ocissime transcurrrens, *Anileo* provincie fines ingreditur, in qua triginta leucas progressus, in principale municipium incidit: constabat illud circiter quadringentis a diebus, & flumen alluebat Bæti magnitudine par, cui *Reguli* palatium imminebat in edi rocolle ædificatum: *Regulus* statim profugit nec umquam potuit revocari. Exercitus sine impedimento flumen tractatus & per asperos & desertos montes *Guachacoyam* provinciam adiit; præcipuus hujus regionis pagus ad ripam fluminis in colle leviter acclivi situs, statim captus, regulo trans flumen profugiente: verum quum Hispanos ab *Anilcone* regulo bello petitos didicisset, cum quo ipsi veteres inimicitie intercedebant, prævertendum ratus, ultro ad præfectum rediit & federe iusto, plurimos lembos adduxit; quibus in *Anilconenses*

Anileo.

Guachacoya.

nenses ex improvifo impetus factus & à Guachacoyensibus immaniffime fuit factum, Hispanisque nequicquam impedire conantibus provincia penitus vastata.

Qui-
gaultau-
gi.

Hic præfectus multos lembos instruxit, flumen trajicere & in *Quigaultaugi* provinciam transire meditans, quæ & fertilis erat & populo frequens, nam principale municipium quingentis domiciliis constabat: Cupiebat sane Præfectus per hanc provinciam sine ullo maleficio iter facere, sed Regulus abnuebat omnes pacis conditiones, Hispanis ultro minitans.

Denique Præfectus *Hernandus à Soto* hic primum febri tentari capie & valitudine desperata *Ludovicum Moscosum de Alvarado* sibi substituit, & postquam militibus concordiam inrer se & obsequium erga Præfectum summopere commendasset, anno ætatis quadagesimo secundo decessit; cadaver illius ligneo capulo compositum, flumini, qua altissimum erat, immerfum.

C A P. VIII.

Expeditionis quarta in Floridam reliqua, duce Ludovico Moscoso de Alvarado, post excessum Hernandi à Soto.

Auche.

Los Va-
queros.

R. Gran-
de.

Aminoia

POST Præfecti *Hernandi à Soto* obitum, magna animorum commutatio in exercitu illius est consecuta, nam quum se tam bellicosis nationibus numero & viribus longe impares animadverterent, Floridam deserere consultius exillimarunt. Itaque primum versus occidentem, leucas pene centum magnis itineribus profecti, multas provincias obierunt nec solo uberes nec habitatoribus frequentes, & ad *Auche* provinciam devenerunt. Regulus humaniter exceptis, conductores insuper addidit qui illis per solitudines viam commonstrarent: verum quum jam ostidui viam processissent, se à recto tramite deductos animadverterunt, & conductores canibus dilacerandos objecerunt, nequicquam obrestantes se Dornini sui jussu id fecisse & intra triduum in rectam viam redukturos: cujus facti illos postea pœnituit & itinere versus occasum instituto, post triduum in aliam provinciam sunt ingressi, infœcundam quidem, non tamen cultoribus vacuum, ubi & modicum comæatum & bovillas carnes & tergora invenerunt; licet indigenæ permoveri non possent ut ipsi ostenderent, unde illa haberent. Provinciæ nomen de *los Vaqueros* inditum. Triginta leucas per eandem progressis occurrerunt altissimi montes; ulteriora autem aspera atque inculca ab indigenis edocti, iter ad sinistram versus meridiem reflectunt, levi damno in finibus ejusdem provinciæ à barbaris affecti. Viginii deinde diebus; per aliquot vicinas provincias vagati, quum longius se à *Guachacoya*, ad quam redire intenderant, discedere animadverterent, rursus ad orientem se convertunt, viam quam prius tenuerant oblique secantes, & dimidiato demum Septembri ad eundem revertuntur transitum; licet aurem cum barbaris nulla ipsis prælia fuissent, tamen nonnulli ex insidiis interfecti, plures variis morbis & omnium rerum inopia interierunt. Sub exitum demum Novembris ad flumen quod supra *Rio Grande* nominavimus, devenerunt, trecentis & quinquaginta leucis, qua cundo, qua redeundo, transcurfus, & centum militibus & octuaginta equis amissis, præter multa servitia barbara. Ad ripam fluminis duo pagi erant, conjuncti, ducentorum circiter domiciliorum, quos licet jam tantum trecenti & viginti pedites & septuaginta equites superessent, primo tamen impetu ceperunt, ab incolis, qui statim diffugerant, desertis: copiosa hic annona inventa, nihilo tamen secius ex antecessoribus incommodis nonnulli passim deficiebant. Provincia hæc dicebatur *Aminoia*, sed eam leucas supra *Guachacoyam* quam petebant. Sub exitum Januarii mareriem ad celos construedas cadere & parare ceperunt; Seni autem cuidam ex Indigenis præmonenti, flumen singulis quatuordecim annis, superatis ripis campos omnes latissimè opplere, atque illud tempus jam instare, fides minime est habita. *Anilco* & *Guachacoya* reguli omnia sedulo agebant ut Hispanorum amicitiam demererentur & imprimis *Anilco* qui ipsis tunicas ex herba quadam maluæ non absimili, barbaro artificio contextas miis, egregio adversus frigoris asperitatem munimento; ex eadem herba & funes nauticos contorserunt. In adversa ripa, ingens provincia

Quigual-

Quaqualtunqui prætexebatur, cuius *Regulus* clanculum se in Hispanorum exitum ar- Qua-
qualtan-
qui
mabat, vicinis *Regulis* ad Societatem belli vocatis, & imprimis *Anilcone*, à quo in-
dicium factum. Interea dum Hispani in celocibus suis adificandis occupantur, &

barbari bellicos suos apparatus faciunt, flumen decimo Martii crescere & inflari cœ-
pit, ita ut jam decimo octavo die ripas suas egrediens, castrorum portis affunderet:
sub exitum denum Aprilis decrescere cepit, verum adeo lente, ut vigesimo May
semitæ nondum vestigia paterentur; sub exitum autem illius mensis tandem intra
consuetum alveum constitit. Vicini interea barbari sedulo ad bellum se compara-

10 bant, & licet *Anilco* eorum consilia & quæcunque ab ipsis designabantur fideliter
ad Præfectum deferret, & subditorum suorum auxilia prolixè promitteret, tamen
haud multum ipsi fidebant Hispani. Barbari autem qui adversus Hispanos fœdus
inverant, Legatos in speciem ad Præfectum miserunt, revera ut consilia illius &
molitiones specularentur, quos ille truncatis manibus, ut reliquos tereretur, dimisit,
atque ita conspiratio paululum elanguit. Barbaris propositum erat Hispanos disce-
dentes lembis suis persequi & prout sese occasio obtulisset, invadere; quod Hispani
gnarum, ideoque quum omnis salutis spes sita esset in celeritate discessus, septem
liburnicas quas paraverant deducunt, & porcos omnes, octodecim tantum excep-
tis mactant; *Anilconi* atque *Guachacoya* regulis, singulis suam cum porco ad fœtu-

20 ram faciendam relinquunt; Dein lintres comparant ad equos tres & triginta, qui
ex omni numero supererant, devehendos; & *Regulis* inter se reconciliatis, trecentos
& quinquaginta milites navibus imponunt, cum barbaris aliquot viris acque fœ-
minis, qui ultro ipsos voluerant comitari. Rebus omnibus rite paratis, die qui *S. Pe-
tro* sacer habetur, solvunt & naves velis atque remigio impellunt: postero die mil-
le lemborum classem, quorum nonnulli viginti & quinque remis utrinque impelle-
bantur, in se ferri animadvertunt, ingendi barbarorum multitudine refertam: qui
statim densum sagittarum nimbum in Hispanos effuderunt, plurimosque fauciarunt:
decem continuis diebus Hispanos ad hunc modum insecuti, paulum remiserunt:
itaque Hispani centrum pedites & octo equites in terram exponunt, ut è viculo jux-

30 ta ripam fluminis posito, annonam raperent; ii viculum ab incolis desertum ingressi,
plurimum annonæ ibidem congestum deprehenderunt, verum incolis ex improvviso
reversis fugere & ad naves se recipere sunt coacti, relictis equis, quos barbari statim
sagittis confecerunt. Classis quoque hostilis sub id denuo in illos invecit, lembum
unum cum equis eripuit. Decimo sexto dein die, gravius damnum quorundam
Hispanorum temeritate acceptum, nam quum quinque milites in barbarorum insi-
dias præcipitassent, pluresque quam à Præfecto iussi fuerant, subsidio festinare,
quadraginta & octo viri à barbaris circumventi & lembis illorum demersis, remis
contisque inter natandum interfecti: atque hic barbari insequendi finem fecerunt,
quum pene quadringentas leucas, nisi Hispanos hic iterum ratio fessellit, ipsos

40 fuissent secuti. Flumen hic ita latum erat ut ripæ utrinque conspici vix possent, ita
ut se jam mare ingressos suspicarentur; verum decimo nono demum ex quo solve-
rant die illud attigerunt, & insulam ostio fluminis objectam offendentes, excensio-
ne facta in illa paululum conquieverunt. Hic rationibus iterum subductis se octin-
gentas leucas secundo flumine devectos compererunt, quod tamen minus verissi-
mile videtur.

Hic consilium ceperunt Novam Hispaniam petere, itaq; hinc solventes, cursum ad
occasum dirigunt & Floridæ littora à dextera radentes, decimo quinto die appellunt
primo ad insulas niergis refertas & mox ad nemorosum litus, ubi bitumine quodam
instar picis invento, liburnicas suas, quæ jam rimas agere cœperant, refecerunt; octo
50 tantum barbaris conspectis, quos ne quidem ubi locorum essent interrogare ipsis
cursæ fuit. Quinquagesimo denique & tertio die postquam à fluminis ostio discesse-
rant, apertias valide in fluctus incumbens classem disjecit; duæ liburnicæ huc
ita longe à littore abreptæ, pauci fluminis ostium subintrarunt, uti & paulo post
cæteræ: atque ita tandem pedestri itinere ad urbem Mexicanam incolumes perve-
nerunt, anni cles XLIIII autumno jam vergente. Hic quartæ hujus Hispanorum
in Floridam expeditionis exitus fuit, quam ex Hispanorum commentariis, licet
dubiz

dubiæ fidei & propter incertas Regionum locorumque designationes, haud magni momenti, tamen paulo prolixius retulimus, ne quæ à multis magno molimine tradita fuerant, incuriosius prætermisisse videremur.

CAP. IX.

Gallorum prima expeditio in Floridam, Joanne Ribaldo duce.

1562. QUUM ut superioribus capitibus à nobis narratum, expeditio *Hernandi à Soto*, 10
 quæ fere intra fretum Mexicanum sublitit, tam infelicitè & infructuose
 cessisset, dudum in hac parte ab Hispanis cessatum: Galli vero animum ad
 Floridam adiecerunt, auspice imprimis *Gaspere Colinio* Castellionæo maris Gallici
 præfecto, illustri memoriæ Heroe, qui anno cło 15 LXII *Joannem Ribaldum* eo des-
 tinavit, cum duabus regiis navibus & copioso milite, (quorum quam plurimi nobi-
 les erant) largo comæatu & bellico apparatu. *Ribaldus* è Gallia mense Februario
 profectus & duorum mensium iter, non usitato prius Hispanis cursu, emensus, ad
 Americæ Septentrionalis continentem appulit loco importuoso & præaltis silvis
 præcincto, ubi Promontorium visitur quod Francicum appellavit, triginta gradibus
 ab Æquatore versus Arctum. Erat autem terra haud admodum alta, (liquidem Flo- 20
 ridæ littora fere leniter declivia sunt & vadosa,) sed proceritate arborum modice se-
 se attollens. Inde oram ad septentriones sequentibus, flumen occurrit amœnum,
Delphinum (quod juxta illud hujusmodi pisces in mari natantes vidisset) ab ipso
 postea dictum. Dein fluvium *Matum*, (à mense, quo illum primum vidit, sic
 appellatum) subiit, amplum & amœnis ripis, ubi ab indigenis humaniter acceptus,
 secus ripam columnam erexit, cui Galliarum insignia insculpta erant: in opposita ripa
 ab indigenis ad eundem modum excepti, silvas crebris moris albis juxta ac nigris
 confusas conspexerunt, in quibus & bombyces sericeo operi faciendo sponte enatos
 se invenisse narrant.

Sequana. Inde egressos alterum flumen excepit, quod *Sequanam* dixerunt: & mox ter- 30
 tium quod *Somonam*, & sex ab hoc leucis quartum, quod *Ligerim*; atque ita porro
 alia quinque, quæ *Carantonum*, *Garumnam*, *Gironnam*, *Bellum* & *Grande* indigita-
 runt. Hinc ulterius ad Arctum tendentes, ut flumen *Jordanis* inviserent, & vali-
 da tempestate aliquandiu jactati, ad aliud flumen pervenerunt quod *Bel* à *Pedir*
 dixerunt: Atque hic celoces venti vehementia paulo ante abrepti ad ipsos redie-
 runt, quæ nunciatur haud longe hinc abesse flumen cæteris omnibus longe majus,
 ad quod proVecti, anchoras intra ostium fixerunt; huic *Portus Regalis* nomen im-
 positum, duobus & triginta gradibus ab Æquatore versus Arctum.

Hic solum ad utrumque ripam supra modum erat amœnum, nemorosum & pro-
 ceris quercubus atque cedris undiquaque oblitum, humilibus insuper lentiscis 40
 gratum odorem spirantibus: feræ in silvis innumera; maxima perdicum, gal-
 lopavorum & indicarum gallinarum copia: flumen omnigenis piscibus egregie
 fatum, & imprimis squillis (quas *Sallicoques* Normanni vocant,) cammaro-
 rum magnitudine: Exit inter duo promontoria in mare, oræ tria milliaria Gal-
 lica lato; intus autem dissecitur in duos veluti ramos, quorum unus ab oc-
 casu, alter ab Arcto descendit, in media insula jacet, peregrinis animantibus
 scatens.

Flumen autem tria milliaria subvecti rursus anchoras jecerunt; & scaphis
 ascenderunt ad duodecim milliaria; hic indigenæ inopinato advenarum aspectu
 terrii fugerunt & lupum cervarium veru suffuxum & semitostum reliquerunt, à 50
 quo loco nomen inditum *Cap. Lucerne*. Hinc ad tertium fluminis divortium ven-
 tum, cujus accolæ, quum primo fugissent, mox redierunt & Gallos humaniter
 acceperunt, & ferarum pellibus & corbibus (qui è palmarum foliis industrie facti
 erant, & paucis unionibus donarunt. Aliquantum deinceps itineris progressis,
 alius annis occurrit quem *Liborne* nominarunt: uti & amœnissimam insulam quam
 complectitur *Cedrinam*. Hujus provinciarum *Regulus* duos viros illis concessit, qui
 primo

primo paululum tergiversati, mox libentissime Gallos sunt secuti: hi narrabant magis ad Arcetum habitare potentissimum quendam Regulum *Chiquolam*, & vastum admodum oppidum possidere, aliaque mirabilia. Posthæc *Ribaldus* suorum animis percentatis, quum viginti & sex hic hibernare paratos cognovisset, exiguum munimentum tumultuario opere construxit, quod sedecim in longitudinem, tredecimque in latitudine decempedas patebat, & Carolinum fuit appellatum: Colonis *Albertum* vice sua præfecit; & postquam utrosque decoris & officii sui admonuisset, cum reliquis solvit, & leni Africo astante, quindecim miliaria versus septentriones proventus, flumen habuit obvium, quod quia in ostio vix dimidiam orgyam altum erat, *Rassum* dixerunt. Quumque mare in progressu magis magisque vadofum deprehendissent, reflexo ad orientem itinere, felicissimo cursu Diepam redierunt vigesimo Julii ejusdem anni.

Albertus autem, vicinarum provinciarum statum à barbaris edoctus, primum Regulum *Andustam*, mox & alios minores dominos *Touppam*, *Majon*, *Hoyan* & *Strâsmen* invisit, à quibus peramice hospitio fuit susceptus. Galli interim annonæ penuria laborare cæperant, nec à vicinioribus barbaris poterant juvari, quum & ipsi egerent & herbis atque radicibus victitare cogerentur: Verum quum indigenarum indicio cognovissent, duos germanos *Convexin* & *Ovaden*, regulos ad austrum incolentes, annonâ abundare, ab iis auxilium petere proposuerunt: ad *Ovaden* primò ventum, qui ripas fluminis *Belli* accolebat, viginti quinque ab ipsorum munimento miliaribus: à quo peramice accepti domum illius aulæ, quæ è vetstcoloribus avium plumis eleganter contexta erant, undique ornatam repererunt; & liburnicam suam mayzio & phaeolis onustam reduxerunt. Verum mox quorundam negligentiâ, maximum illorum domicilium flamma totum consumsit, pauxillo annonæ æge servato: domicilium quidem novum à barbaris uno die structum: & annona secundo ab *Ovade* haud difficulter impetrata fuit, qui uniones & crystallum atque argenti ramentia (quæ decem dierum itinere à sua provincia sub montibus erui narrabat) liberaliter donavit.

Ad munimentum reversos, seditio militum excepit, qui nimiam præfecti severitatem haud amplius ferentes, ipsi exitium maturarunt & *Nicolaum Barrensem* in locum illius communibus suffragiis suffecerunt. Premebantur jam in dies magis atque magis annonæ penuria, & promissa è Gallia subsidia nequaquam comparebant; itaque discedere certi, navigium parant, & modico tantum comœatu imposito, in Galliam vela faciunt: inter navigandum autem ob viginti dierum malaciam in tantas annonæ angustias sunt redacti, ut, horrendum dictu, unum è sociis mactare & humanis carnibus viscera sua explere cogerentur; tandem tamen in patriam redierunt inedia & mæiore pene enecti, ope cujusdam Angli, qui paucis in Gallicum litus expositis, reliquos ad Reginam *Elisabetham*, quæ animam ad Floridam adjectura videbatur, reduxit.

C A P. X.

Secunda Gallorum expeditio in Floridam duce Renato Laudonerio.

BE L I O civili in Gallia, quo factum fuerat ut *Ribaldus* suis suppetias tempori submittere non potuerit, extincto; *Colinius* qui jam in gratiam cum Rege redierat, denuo expeditionem in Floridam caput urgere, huic commendatione *Coliny* præfectus *Renatus Laudonerius* qui superiore expeditione *Ribaldus* fuerat comitatus, & centum quinquaginta librarum millia attributa in stipendia militum & reliquos navigationis sumtus. Is tribus navibus, quarum una centum viginti, altera centum, tertia sexaginta doliorem capax erat, Franciscopoli rite præparatis, & plurimis colonis atque idoneo omnis generis fabrorum numero in naves impositis, è Gallia vigesimo secundo Aprilis anni c1515 solvens, quinto May tenuit *Teneriffam* è Canariis insulis unam, ibidemque aquavit. Unde provectus quinto & decimo die Insulam *Matinino* & mox *Dominicam* attigit; ubi exscensione facta, à barbaris primum benignè excepti fuerunt, verum quum licentia militari grassarentur & incolarum hortos invaderent, fructusque illorum ipsis invitis carperent,

perent, puli, unoque suorum desiderio, naves repetere sunt coacti. Hinc alias minores insulas *Santos, S. Christophori, Rotundam, Anguillam & Aneadam* prætervechi, nusquam mora facta, vigesimo Junii Floridae continentem adnavigarunt, & *May* fluminis æstuarium sunt ingressi. Hic provincie illius *Regulus (Paracossi)* vocabant barbari statim ad ipsos venit cum duobus filiis adolescentibus & suorum non contemnenda multitudine, iisque exultabundus reditum gratulatus, columnam quam *Rubaldus* hic statuerat, integram & lauris atque corollis redimitam ostendit.

Regulo *Saturiova*, majori autem filio *Athore* nomen erat, qui Præfectum *Laudonerium* lamina argentea donavit. Dein Flumen lustrandi gratia ingressi, ab accolis fausta acclamatione *Ami Ami* sunt accepti, & Regulum ex itinere visiterunt qui centum quinquaginta annos ætate superare & ad quintam usque generationem filios nepotesque numerare ferebatur.

Ad *Saturiova* reversi, argentum omne ex *Timagoa* provincia, quæ longè aberat, deduci docentur, & quia *Saturiova* sibi capitales inimicitias cum *Timagoa* intercedere profitebatur, auxilia sua ipsi prolixè deferunt. Hinc quatuor milliaria ad flumen *Sequanam* & sex ad *Somonam* progressi à Regulo illius provincie, cui uxor & quatuor filii: satis formosæ aderant, perhumaniter saluantur & paucis orbiculis argenteis donantur: verum quum juxta *Majum* flumen sedes figere, ob annonæ abundantiam, & aurum argentumque, è vicinis provinciis erudi fiduciam consultius judicassent, cursum retro flexerunt, & xxix Julii eodem unde profecti fuerant, sunt reversi. Hic oppidulum triangulæ formæ conditum *Arcis Caroline* nomine; partem valli occidentalem cespitibus, australem lignorum fascibus & arena; quæ flumine alluitur, ligneo sepimento muniverunt; ædificia humilia condita, qualia hæc regio tantum patitur ob ventorum vehementiam; furnum extra vallum, ut incendium vitarent, submoverunt.

Laudonerius inter ea Legatum suum *Otignium* flumen ascendere jubet, ut quæ de *Timagoa* ex Regulo cognoverat, è propinquo specularetur: Ille circiter viginti milliaria adverso flumine subiectus, incidit in *Timagoenses*, qui quum illos aurum argentumve amicè postulasset, responderunt se jam nullum habere, verum si vellet, ad locum unde haberi posset, lubenter conducturos; quæ conditione accepta, unum suorum cum illis dimittit; verum hoc longiores moras trahente, circiter decem milliaria provehitur *Originius*, atque ibidem militem suum nactus, quum animadverteret illum tantum pauxillum auri invenisse, & barbari ulterius ad *Mairram* regulum, qui autò argentoque abundaret, se ducturos recipere, illum quidem inter barbaros reliquit, ipse vero ad oppidum remeavit. Præfectus quindécim dies præstolatus, *Tribunum Vassurum* cum aliquot militibus mittit, ut militem illum reducerent; qui quum biduum navigassent, monentur à barbaris, Gallum illum apud Regulum *Mollavam*, maximi Principis *Olate Ovantina* vasallum, divertere; quare ad hunc properantes à *Mollava* peramicè sunt suscepti, & militem suum qui jam quinque libras argenti ab indigenis erat mercatus, receperunt. De *Olate* hæc compererunt, illum quadraginta regulis impetare, & inter hos *Cadecham, Chililum, Eclanorum, Enacapen, Calanyum, Anachastagum, Omistagum, Aequiciam* atque *Mocosum* facile primos esse: Eundem complures habere hostes & imprimis *Saturiova*, cui triginta reguli parerent, & *Potanum, Houstagum, Onatheagum* ad montium radices incolentem; plerosque autem *Olate* subditos autò atque argento abundare. Vigesimo octavo Julii naves in Galliam remisit.

Saturiova regulus Præfectum inter ea urgere institit, ut promissorum memor, cum ipso adversus *Timagoam* moveret, sed illo modeste sese excusante, ipse cum valida suorum manu ex improviso *Timagoenses* aggressus, multos mortales cecidit & captivos aliquot abduxit. *Laudonerius* qui pacem inter vicinos conciliare maxime cupiebat ut remotiores barbaros unitis viribus facilius opprimeret; duos captivos à Regulo petit, & quum non impetrasset, invito illos eripit, & uni è suis tribus *D. de Arlac* committit ad *Olatam* reducendos. Hic decimo Septembris iter ingressus, ad *Majarquam* pagum ascendit, qui octuaginta milliaria à Gallorum colonia aberat, atque inde pervenit ad *Olatem*; cum quo adversus *Patanum* regulum pugnavit, & pagum illius ex improviso cepit, multis barbaris caesis, captisque: atque ita cum modico

modico argenti, & levi auri pondere, aliisque rebus, quas *Olatæ* Præfecto dono mittebat, ad suos rediit.

Advenerat interim navis à Gallia, statimque fuerat remissa; multorumque animi jam manifestè spectabant ad seditionem, Præfecti autoritate jam labante: Nautæ quos & ipse addixerat, quique è postrema illa navi remanserant, celoces duas quas paraverat, clam subducunt ut in Mexicano freto & circa Havanam pyratam ficerent; haud segnius tamen alias duas construxit, quæ statim itidem à seditionis militibus abreptæ; una tamen quæ jam ad Jamaicam penetraverat, quorundam industria, quos tantæ perfidiæ pœnitebat, postea ad
10 ipsum fuit reducta, & de præcipuis seditionis & fugæ autoribus sumtum supplicium.

Porro quum Præfectus è duobus barbaris, quos *Marracoui* regulus (qui quadraginta milliaria à colonia Gallorum ad Austrum degebat) miserat, intellexisset, duos barbaros ab *Onathagua* & *Matthiaca* regulis custodiri, nihil prius habuit quam utrumque ad se accerere: Erant autem Hispani, qui ante annos quindecim, è navibus apud Martyrum scopulos fractis, incolumes in Continentem evaserant & pervenerant ad Regulum *Calos*; de cujus potentia & divitiis mira narrabant, quippe qui è fractis Hispanorum navibus maximam pretiosarum mercium partem servasset. Locorum autem hunc esse situm designabant: *Onathagum* ad orientalem Floridæ
20 plagam, haud procul à Promontorio quod hodie *Cannaveral* vocant, incolere; huic ad occidentale Floridæ latus pene oppositum esse *Calos*, quatuor aut *Calos*, quinque dierum intervallo; & pari pene spacio utrumque locum abesse à Promontorio, quod *Caput Floridæ* appellant: In medio Insulam amicam circiter quinque milliaria ambitu completi, *Sarrope* indigenis, quæ optimis fructibus & præsertim *Sarrope* palmis abundaret.

Post ea Laudonerius versus arctum ad *Audustam* misit in cujus provincia Galli anno clō lxxii hibernaverant; qui & annona illos iuvit, & ut apud se sedes figerent invitavit: nec non ad viduam *Hiocajæ* reguli, quæ duodecim milliaria ab oppido incolebat, à qua & mayzii copia perbenignè subministrata. Deinde & celoces
30 suas adverso flumine submisit, quæ triginta milliaria supra *Matthiagum* provectæ, ingentem lacum offenderunt cujus adversæ ripæ conspici non poterant; inde redeuntes, Insulam *Edelano* longe amœnissimam adierunt, quam amnis trium milliariū ambitu circumluit; & mox *Eneguapæ*, *Chilyli*, *Patice* & *Coix* provincias; unde pedestri itinere *Olatam* invaserunt, & quidam apud illum manserunt. Qui quum postea narrassent, *Honistagua* provinciam à se aditam, quæ *Apalassi* montes proxime contingat, è quorum radicibus torrens descendit, argenti ærisque ramenta secum deferens, certissimo indicio montes illos metallis abundare; Præfecto consultum visum simul ac supplementa è Gallia advenissent, coloniam novam magis versus Arctum deducere, ut ad hos montes, qui ab arce *Carolina* aliquot dierum itinere ver-
40 sus Corum declinant, facilius penetraret.

Hæc meditantem annonæ penuria afflixit, itaque duas naves parat, quibus suos in Galliam reduceret, & ne interim fame perirent, *Olatam* regulum inopinantem intercipit, nullo in præsens emolumento, quum barbari non modo annonam non subveherent, sed & Gallos gravissimo bello pene opprimerent: Commeatus tamen, quantum sufficere putabant, hinc inde conquestus, præsertim è flumine *Iracana*, cui *Somona* nomen indiderant; jamque vallum demoliri cœperant, quum
Ioannes Hankinus Anglus cum quatuor onerariis tertio Augusti anni clō lxxv su-
pervenit, qui Laudonerio unam navem cum largo commeatu vendidit.

C A P. XI.

50

Tertia Gallorum expeditio in Floridam duce Joanne Ribaldo.

DUM hæc à Laudonerio in Florida geruntur, nonnulli, qui in Galliam fuerant remissi, varia in illum crimina confinxerunt, quibus Rex Galliarum per-motus, *Joannem Ribaldum* denuo misit, qui in Præfectura succederet, illumque in Galliam remitteret. Is xxviii Augusti anni clō lxxv in Floridam pervenit, quum

K 2

Laudo-

Selay.

Laudonerius omnia ad discessum jam comparasset. Adventu illius cognito, vicini Reguli *Homolaa, Seravatri, Almacani, Malica* atque *Casti*, novum Præfectum inviserunt, variaque obtulerunt munera, simulque promiserunt se ducturos illum ad montes *Apalañi*, è quibus rutilum quoddam metallum crueretur, quod ipsi *Sieroa Pira* appellabant & aurum esse putabatur. Tria minora navigia, quæ *Ribaldus* adduxerat, jam flumen ascenderant, quum sex majora Hispanorum, ostium fluminis ingressa, juxta quatuor Gallorum onerarias, anchoras jecerunt; Galli quum se Hispanis impares cernerent, licet illi nihil adhuc hostile molirentur, resectis anchorarum funibus, vela explicant atque altum petunt; nec segnius Hispani illos persequuntur, quatiuntque majoribus tormentis; verum quum Gallos assequi non possent, ad continentem vela vertunt, & in ostio fluminis, quod barbaris *Selay*, Gallis autem *Delphinum* dicitur, naves suas constituunt (distat id à *May* æstuario circiter leucas octo) ibique exposito milite ac machinis aliquot, castra ope Nigritarum, quos magno numero adduxerat, communiunt. Quod quum *Ribaldus* per *Cosetum* navarchum cognovisset (naves enim Gallicæ jam ad portum redierant) Tribunos militum in consilium advocatos, quid factò opus sit, interrogat. Aderant *Grangæus, Ottinius, Sammarianus, Veltius, Ionvilla*, præcipui duces, qui omnes præeunte *Laudonerio* censuerunt, summa diligentia, munitioni Carolinæ firmandæ incumbendum esse, nec infestâ turbinibus ac typhonibus tempestate, classem fluctibus committendam; nam protectionis quidem tempus certum, reditus incertum esse, periclitari interim munitionem, tam vicino hoste. *Ribaldus* contra diserebat, in hostes quantocius ducendum antequam vites colligerent, & munimentum in propinquo extruerent; initia bellorum fama constare, defecturos sensim vicinos Regulos, qui odio Hispanorum hæcenus Gallicis partibus faverant, si audierint illos ad primum Hispanorum adventum trepidantes castris ac munitionibus se continere; & ut pondus sententiæ suæ adderet, literas *Cassellionai* promit, quibus hæc erant addita: dum istas obsignaturus essem, de *Petri Melendes* ad Novæ Franciæ oram protectione certior sum factus, tui officii est prospicere ne quid Hispani in nos moliantur, sicuti nos nihil ultro in ipsos movere æquum est. Ita non auditis cæterorum Tribunorum sententiis, imposito in naves milite & abductis secum *Ottinio & Arlaco*, atque expeditissimo quoque *Laudonierianorum* x Septembris altum petit; & horrenda tempestate, (quæ ad Kalend. Octobres tenuit) eodem die jactatus, demissis antennis, venti vehementiam declinare cogitur. Naves Gallicæ, supra quinquaginta ab arce leucis, scopulis illisæ contrafractæque perierunt, salvis tamen plerisque qui illis vehebantur. *Laudonerius* (ut ipse prodidit) cum octuaginta & quinque, qua viris qua sceminis atque pueris, & plerisque invalidis in arce Carolina destitutus (alii ad ducenta & quadraginta capita fuisse tradunt) quum haud immerito sibi metueret, vallum cœpit restituere. Hispani vero duce itineris *Joanne Francisco* Gallo, quem muneribus cortuperant, incredibili celeritate stagna, silvas, & flumina transgressi, duce *Petro Melendes* duodecimo Kal. Octobres, ex imprævisò ad arcem advolant, paulo ante solis ortum, pluviosa admodum tempestate; *Vigneus* autem qui stationibus præerat, solutis jam excubiis & vigilibus ad quietem capiendam dimissis, è propinquo hostes per clivum expansis vexillis descendere conspicatus, ad arma conclamat: Galli vix lecto se molientes, impetu à diversis partibus in arcem factò, interceptiuntur; hostes post leve certamen vallo potiti, in area signa constituunt; inde promiscua cæde in milites, sceminas, pueros, ægrotos ac senes grassatum. *Laudonerius* licet adhuc è morbo debilis, non sine summo discrimine, cum paucis suorum per paludes ad naves à *Ribaldo* relictas evasit, & tandem incolumis rediit in Galliam: reliqui diversis suppliciis interierunt. *Joannes Ribaldus* qui maris rabiem evaserat, haud perinde hominum crudelitatem potuit effugere, nam quum se suosque, fide ab Hispanis accepta, dedidisset, ab iisdem contra fidem datam crudeliter est interfectus. Supra sexcentos ea clade periisse scribunt; Gallicumque nomen penitus in Florida delerum.

Quarta expeditio Gallorum in Floridam duce Dominico Gurgio.

CLADES Gallis ab Hispanis crudelissimè in Florida inflicta, quum Rex Galliar scissa factionibus aula aut contemisset aut odio Protestantium (quales fere cuncti fuerunt qui perierant) atque adeo ipsius *Coliny* (cujus consilio expeditiones erant suscepæ) dissimulasset, inventus est tandem homo privatus, qui siue suæ siue publicæ injuriæ sensu stimulatus, contumeliosam Hispanorum crudelitatem inultam ferre diutius non potuit. Is fuit *Dominicus Gurgius* Monte-marsani in Novempopulania natus, ingenio acer & manu promptus, qui tria navigia medioria instruxit & cæ delectos milites & circiter 1xxx nautas imposuit, assumpto legato *Casanova* & *Francisco Burdegalensi* qui uni navigio præesset: Cumque iis, celato consilio xi Kal. Septemb. anni clō 15 1xvii solvit, & superato *S. Antonii* promontorio, per fretum Bahamense ad *May* fluminis pervenit ostium. Hispani populares suos rati, quum dispositione tormentorum ipsos saluassent, Gurgius illos vicissim ut in illo errore confirmaret, resalutavit: tum prætervedus alio se ire simulavit, donec à loci illius conspectu se subduxissent: Dein quindecim ab illo æstuario leucis ad ostium *Sequane*, (quod flumen Barbaris *Tacataconru* dicitur) excensionem fecit: ubi accurrentibus ad litus indigenis armatis, quum signa pacis dedisset, & misso tubicine, venisse se à Rege Francorum, ultro amicitiam suam & patrocinium afficis deferente, nuntiasset, post mutuas lætitiæ & gratulationis significationes eo die discessum. Postridie *Saturiova* cum filiis ac Regulis sibi subditis, & inter eos *Melona* & *Almacane* ad illum venit, & positis utrimque armis, confederunt. Hic *Saturiova* per interpretem de injuriis ab Hispanis acceptis conquestus, paratos se ac suos dicit ad ulciscendam & privatam & ipsorum injuriam, cum Gallis fœdus icere; quod statim factum & munera utrimque data & accepta; tum per *Petrum Breum*, qui ex latiniæa servatus apud *Saturiovam* latuerat, exploratus hostium status, missique periti qui munitiones inspicere: *Olotocara* *Saturiova* propinquo sedulam Gallis operam navante. Dein inter eos dies condicatur, quo Reguli cum suis more Gentis ad pugnam instructi convenirent. Nusquam majori fide & quod fidei pignus est majore cura silentium servatum.

Tacataconru.

Præter *Carolinam* ab Hispanis post Ribaldinam cladem restauratam, aliæ duæ munitiones hinc inde in ripis *May* fluminis inferius versus mare extructæ fuerant & militum præsidio & tormentis, quæ Gallis eripuerant, armatæ: In tribus illis munimentis quadringenti omnino delecti Hispani erant.

Quum igitur die condicto cuncti ad *Somonam* convenissent, potionem quam *Cassinen* vocant, biberunt, id barbaris solemne est, quoties ad periculosam expeditionem proficiscuntur, quod ejus beneficio & animos incendi & famem atque sitim diutius tolerari posse credant; atque ita iter aggressi sunt. *Gurgio* propositum erat ante primam lucem Hispanos ex improvviso aggredi, sed iterum ob crebras pluvias difficultate factum est ut Sol ante oriretur quam in conspectum castellorum perveniri posset; quod quum Gurgium male habere animadverteret *Helycopyle*, commodiore itinere, sed paulo longiore, per sylvam copias circumduxit, & reperto vado Gallos mense Aprilis anni clō 15 1xviii minus flumen traduxit & ad Castellum Hispanorum stitit quoad dexteram ripam erat situm. Ibi post aliquot tormentorum dispositionem quod *Olotocara* servandorum ordinum ignarus in aggerem insiliisset & tormentorium sarissa confodisset, insequente cum suis Gurgio, locus capitur: nec mora in-terposita barbari quidem natando, Gurgius autem cum 1xxx sclopetariis navigio quod commodum superaverat in adversam ripam evadunt & alterum castellum vi expugnant atque diripiunt: Elapsi fuga prædiarii, ab indigenis qui jam vicinam sylvam insederant, intercepti utrobique centum & viginti Hispani interfecti, exceptis triginta qui ad supplicium servati sunt. Supererat *Arx Carolina* quæ duo millaria aberat, in qua trecenti prædiarii erant sub ipso præfecto, qui obidionem toleraturus credebatur, donec auxilia Hispanis submitterentur: *Gurgius* quum

ex captivis cognovisset, Hispanos credere, duo millia Gallorum sibi imminere, simulque Castellum situm atque aditus penitus explorasset, nequitiam sibi cunctandam existimavit, sed hostes quantocius opprimendos, antequam Gallorum paucitate cognita ex timore sese recolligerent: itaque octo scaphis paratis & Tribuno Hispano captivo viâ duce usus, quum tota nocte iter fecisset, mane in conspectum Arcis venit: hinc inde per lucos circumpositos barbari abditæ, ne exitus fugientibus pareretur: Ipse quum ad partem humiliore fossa vallatam vim facere decrevisset, is qui loco præerat, LX de suis mittit, qui de Gallorum statu cognoscerent: sed *Casanova* se medium cum viginti delectis interponente, interclusi illi & ad unum omnes à *Gurgio* cæsi: quo casu territus loci Præfectus, dum cum suis in lucos vicinios se subducere tentat, ab Indis pene interceptus est. Ita capta Arx & tormenta aliaque impedimenta in potestatem Gallorum venerunt: captivi ad vicinas arbores laqueo suspensi, addito elogio, cum iis non ut Hispanis, sed ut proditoribus, & percussoribus actum; siquidem *Melendez* Gallis superioribus annis interfectis superscribi iusserat, non tanquam Francos, sed tanquam Lutheranos habitos esse. Quibus actis *Gurgius* quum suas copias tot locis custodiendis impares animadverteret, barbaris ut castella demolerentur persuaderet, & tormentis, aliaque præda in naves imposita, relicta Florida in Galliam rediit.

Postilla Galli nullam Floridae rationem habuerunt; & *Gurgius* non modo nullum tam præclari facinoris præmium tulit, sed periculum vitæ & fortunarum adiit, apud amicos latitare coactus, donec tempora mutarentur.

CAP. XIII.

Floridae situs atque limites secundum Hispanos.

HACTENUS res in Florida gestas ab Hispanis atque Gallis, ex commentariis utriusque gentis retulimus: superest jam ut illius situm & limites paulo accuratius explicemus.

FLORIDAE nomen apud Scriptores Hispanos nonnumquam latissima significatione sumitur, pro omnibus illis Regionibus, quas *Petrus Melendez* amplissimo diplomate à Rege Hispaniarum in Præfecturam accepit, nonnumquam propria & strictiore, pro ea parte quæ primum hoc nomine à *Poncio* est insignita. Priori significatione comprehenditur ingentem terrarum tractum, inde à flumine *Palmarum*, viginti duobus ab Æquatore gradibus versus Arcum, ad Promontorium *Bacalos* usque, quadraginta & octo gradibus ab Æquatore: intra quos limites CLV CC LVIII leucas, secundum litorum ductum, numerantur; itemque quicquid terrarum secus oram maris & intra continentem lustrandum & detegendum restat, à quadragesimo octavo gradu septentrionali ad septuagesimum tertium. Atque harum quidem regionum illæ, quæ à flumine *Palmarum* ad promontorium *S. Helena* & flumen *Iordanis* pertinent, leucarum circiter sexcentarum intervallo jam dudum secundum litora ab Hispanis lustrari cæperunt: nec non sinus *S. Iosephi* qui à flumine *Palmarum* abest leucas LXXX versus Arcum; Insulæ denique illæ quas *Terram Novam* appellamus. Torus autem hic terrarum tractus Continens est, cælo atque aëre bene temperato, solo plerisque locis fecundo & culto, atque adeo indigenis haud infrequenti, quemadmodum ab *Hernando à Soto* & aliis est observatum: denique *Ioannes Pardo* Cuenca in Hispania natus, paulo minus biennio has provincias (ut narrat *Herrera*) obambulavit, & pedestri itinere à Florida in Novam Hispaniam pervenit.

Florida autem propriè & strictius summa, comprehenditur regionem illam, quæ Cubæ insulæ ex adverso objacet & inter duo maria (haud secus atque Italia) ab Austro in Arcum centum pene leucis in longitudinem protenditur, viginti quinque leucas aut ubi maxime dilatatur triginta in latitudine patens; Atque hæc propriè Florida nomen accepit à *Ioanne Poncio*, servatque hodie; Nisi quod communiter mediam viam sequuntur (quod & nos probavimus) & Floridam inter Novam Hispaniam & Virginiam Anglorum concludunt. Porro hujus regionis Cæli Solique natura à Castellæ in Hispania temperie & fecunditate non multum abluide, nam & fructus pene similes hic inveniuntur & ager pascuis abundat & solum tritici aliarumque frugum

gum feracissimum existimatur. Nulla hic auri metalla; neque auri aut argenti notitiam olim habuisse indigenas verisimile est, quippe quum ne argentum quidem in littora illorum è fractis Hispanorum navibus ejectum, colligere operæ precium duxerint, antequam metalli hujus precium ab Europæis didicissent. Unionum tamen copiam voluit habuisse in mediterraneis, si fides Historiæ, quam jam antea retulimus, non vacillat: non levi enim conjectura adducor ut credam, aut Esurgni aut quid simile fuisse, quod Hispani pro unionibus acceperint: licet non abnuerim minutiores (forte etiam modicas) Margaritas hic, uti & alibi reperiri, sed juxta littora aut in æstuariis fluminum; sed in amnibus aut paludibus procul à mari
 10 ostrea margaritifera vera generari, nondum legi à quoquam observatum.

C A P. XIV.

Celi solique natura & mores Indigenarum in illa Florida præte quam Galli lustrarunt, è Commentariis Laudoncrii.

R Enatus Laudonerius qui diligentissime has provincias lustravit, qua Oceanum attingunt, de Florida testatur in hunc modum. Solum maxima parte
 20 planum & crebris amnibus riguum, secus oram maris pene ubique arenosum. Silvæ fere constant pinis (quarum nuces nucleis destituuntur) quercubus, juglandibus, cerasis, moris, lentiscis, castaneis, sed magis silvestribus quam sint Europææ. Magna insuper cedrorum, cupressorum, laurorum, palmarumque copia; vites agrestes passim arbores complectentes; complures mespili majores atque meliores fructus ferentes quam in Gallia; Pruni quoque sed fructibus magis speciosis quam delicatis. Inter Silvestres autem arbores excellit quam barbari *Pavane*, Galli *Sassafras* vocant, materie & cortice præsertim exquisitè odorato. Frutices præterea variorum generum & imprimis rubi, & qui minores acinos ferunt grati saporis, quos Galli appellant *blues*. Terra autem producit sponte radicum quoddam genus;
 30 *Hæfæ* barbaris, quibus pro farre utuntur: Arbor denique *Esquine* hic reperitur singulare adversus lucem veneream atque alios contagiosos morbos antidorum. Quadrupes vulgatiore sunt cervi, rupicapræ, damæ, leones, pardi, lynces, lutræ, luporum aliorum species, lepores, cuniculi, canes feri, & fera quæ à leonibus Africanis non multum abluunt. In Avium numero recensentur Gallopavi, perdices; Piteaci, columbæ, turturæ, turdi, corvi, accipitres, ardeæ, grues, ciconæ, anseres, anates & infinitæ pene aliarum avium species, inter quas sunt quædam minores elegantissimæ plumis variegatæ. Crocodilorum ingens in amnibus numerus, uti & anguium varia genera.

Multum quidem auri atque argenti apud Barbaros reperitur, sed è navibus Hispanorum in littus ejectis servati potius, quam in hisce provinciis nati; cujus rei evidens indicium est, quod quo propius ad Austrum & Floridæ extimum promontorium acceditur, eo plus, quo vero magis ad Septentriones recesseris, eo minus horum metallorum reperitur: licet barbari unanimi consensu prædicent in montibus
 40 *Apaltec* virili metalli venas reperiri, quod ego (inquit *Laudonerius*) aurum esse conjicio. Quamplurimas præterea herbas atque acinos producit hæc regio ad varios colores exprimendos valde idoneos, quibus & barbari scite noverunt uti in tergoribus ferarum, aliisque rebus tingendis.

Viri olivastro sunt colore, statura grandi, corpore bene compacto sine ulla deformitate; tergore cervino eleganter parato tegunt pudenda, cætera nudi: & brachia popliteque variis notis picti, quæ ablui nequeunt, quippe cuti ipsi veluti insculptæ; capillitio sunt nigro atque ad femora usque promisso, nonnumquam & in
 50 nodos haud indecenter collecto. Simulandi dissimulandique artifices, dolosi, pugnandi avidi atque bellicosi; arma ipsis sunt arcus atque sagittæ, chordas arcuum aut è nervis cervorum aut eorumdem tergoribus artificiose præparatis & in lacinias dissectis, contorqueant: sagittas aut piscium denticibus aut lapillis asperant: juniores ad cursuram exercent, præmia victoribus proponentes: sagittandi quoque indu-

Apaltec.

striam usu atque exercitatione sibi comparant & piscationi atque venationi supra modum indulgent.

Fœminæ eodem sunt corporis habitu, eodemque colore atque in eundem modum pictæ; utrique autem & mares & fœminæ paulo candidiores nascuntur, sed crebris unctionibus, oleo quodam ipsis usitato, colorem cutis adulterant: quod & superstitionis cuiusdam causa, quam ramen advenas studiosè celant, faciunt, & ut nudam cutem adversus solis ardorem obducent atque muniant. Tanta autem illorum est agilitas, ut etiam fœminæ altissima flumina, infantes suos ulnis complexæ, natatu superent & summa celeritate ad altissimarum arborum fastigia enitantur; eadem omnia domestica munia obeunt. Plurimi reperiuntur in hisce regionibus Hermaphroditi, qui onera portare & ad bellum proficiscentibus annonam subve-
10

Maizium suum bis quotannis serunt, mense nimirum Martio & rursus Junio, idque in uno eodemque arvo; sex reliquis mensibus terram quiescere sinunt. Agros numquam stercoreant, sed sementem facturi primo zizania quæ semestri illo succreverunt, incendunt, rediguntque in cineres; deinde ligneis instrumentis, qualibus in Gallia vinitores utuntur, subigunt terram, & bina grana maizy conjunctim congi-
20 ciunt & serobem. Sementis tempore Regulus unum aliquem operis præficit, & large præbet cassines potum; messem autem convehunt in publicum horreum, ex quo in singulas familias juxta proportionem distribuitur; tantum autem serunt, quantum ad semestrem opus se habere judicant, idque satis parce; tribus enim quatuorve hibernis mensibus in silvarum adyta secedunt & tuguriola concinnant è palmarum ramis & ibidem *Masse* (vox barbara est, cujus explicationem nondum inveni) piscibus, ostreis atque serina vitam tolerant, cibos suos craticulis ligneis impositos aut flamma torrent aut indurant fumo, Crocodilorum carnibus supra modum delectantur, quæ sane & candidæ sunt & non insipidæ, nisi quod muscum redoleant. Quum morbo aliquo tentantur, uti venam aperiri nobis, ira illi à medicis suis sanguinem è parte illa quam affectam putant, exsugunt cu-
rant.

C A P. XV.

De Arboribus quibusdam & herbis Floridæ familiaribus aliisque.

Sassafras.

INTER sylvestres arbores, quæ Floridæ familiares, supra recensuimus *Sassafras* quam arborem *Franciscus Ximenes* ita describit. *Sassafras* est arbor grandis, foliis divisim in tres partes, trunco glabro & subrubenti, & qui redolet anisum. Calida & sicca est pene in tertio gradu & subtilium partium, quapropter medetur colicis & nephriticis doloribus; & est validum remedium adversus urinæ difficultatem & affectus renum è causa frigida natos: discutit flatus, aperit obstructa, corroborat partes interiores, sanat asthma alioque pectoris morbos è causa frigida or-
40 ros; adjuvat digestionem; laxat alvum; tollit uteri infœcunditatem; promovet menses, & est validissimum remedium contra luem veneream: mitigat dolores dentium & corrigit rheumata. Exhibetur decoctum ligni, ramorum & radicum, præcipue autem corticum mane jejunis quantitate octo unciarum. Fit autem hoc modo: sumunt mediam unciam radicum cum suo cortice in minutas assulas confectas & macerant per noctem in duodecim aquæ libris; dein coquunt lento igne, donec ter-
50 tia pars consumatur: sed notandum tam in decoctione quam usu, ægri esse habendam rationem, nimirum temperamenti illius, virium, ætatis & consuetudinis, sicuti & anni tempestatum; oportetque ut victus sit tenuis, siccusque, uti in cæteris alexipharmacis adversus luem veneream solet: Debet autem summa cautio adhiberi & corpus generatim purgari. Quidam decocto simplici utuntur pro ordinario potu, pauxillo solummodo vini admixto, sine præcedentibus purgationibus aut ulla dixta: monendum præterea hujus decocti usum valde periculosum esse debilibus & valide afflictis:

Valer

Valer per se lignum aquam marinam dulcem reddere, ut in extrema necessitate observatum ab ipso Ximene: nam quum è Florida versus ab ipso Crucem navigarent anno c15 15 cv, juxta sinum *Carlos* aquæ dulcis inopia cœperunt laborare & ad exiguam Insulam delati, ibidem invenerunt aquam, à marina vix quicquam differentem, sed quum ibidem arbor hæc copiosissimè cresceret, assulas quasdam ex illius materie dissectas, immerferunt aquæ, & post octiduum eandem dulcissimam factam non sine stupore hausērunt. Hæc *Franciscus Ximenez*: vide & integrum caput de hac arbore apud Monarden. Iconem è Dalecham-
pio hic apponimus.

Fert quoque passim in silvis arborem, quam descripsit *Franciscus Ximenes*, occasione *Caboz* arboris Peruvix familiaris, quæ folia fert rotunda & delicata, coloris obscure virentis, de qua suo loco dicitur. Non fuerit (inquit) præter propositum, hic meminisse alterius arboris huic non dissimilis, nisi quod fructum non ferat, è cuius foliis indigenæ Floridæ potionem conficiunt, quam vocant *Cacina*, quæ singulari virtute pollet ad urinam promovendam, & ranti sit ab Hispanis atque barbaris, ut vix ullus sit qui non mane & vesperi illam hauriat, idque majori excessu quam in Nova Hispania solent Chocolaten; sit in hunc modum, sumunt certam quantitatem foliorum & indunt illa vasi argillaceo & ita sicca sine ullo liquore, titione ad hanc rem comparato tantisper torrent & altera manu continuo versant, donec color illorum viridis in rubrum mutetur, deinde illis sensim aquam affundunt, donec vas pene repleatur, & tum solum liquorem exhauriunt, qui colore refert vinum modice rubens, & spumam edit ad modum *Chocolates* quando illi *athole* miscetur. Hunc liquorem quantum ferre possunt, bibunt calidum è grandibus conchis marinis, magna contentione tam barbari quam Hispani, & semorituos credunt si aliquo die non hauserint; post sesqui horam autem à potu, incredibilem effundunt urinæ copiam, pene horæ spacio idque continuo; pauci itaque hic reperiuntur qui affectibus renum aut velicæ laborent: barbari quoque hac porione se sustentant; & quando humores & per sedes & per vomitum, verum nisi modus in miscendo teneatur, interdum enecantur. Potentissimum denique esse remedium adversus nephritidem & arenulas hanc *Cacina* potionem, jam multoties experientia comprobavit. atque hæc de Arboribus.

Inter herbas excellit *Apoyomatli* sive *Phatzisfranda*, quam idem *Ximenes* ita describit. Folia (inquit) hujus herbæ sunt similia porri foliis, verum longiora & tenuiora, pene instar Cyperi, ad cuius species videtur referenda: caules habet instar junceorum, plenos pulpa, nodosos & sesquicubitum altos; florem parvum & angustum: radicem tenuem, oblongam, per intervalla plenam nodis seu tuberculis rotundis & capillatis. Hispani vocant sphaerulas *S. Helena*, quia è portu Floridæ qui ita dicitur, in Hispaniam advelhuntur. Tubercula ista dissecta & Soli exposita mirum in modum durantur, & exterius induunt colorem nigrum, interius alba: præfidiarii illius loci ea perforant & conficiunt ex illis rosaria, quæ non modo ibi, sed & in Hispania magni sunt. Radix autem saporem habet aromaticum pene ad Galangæ modum: estque calida & sicca in tertio gradu, & pene in quarto, nonnihil astringens & resinosa. Nascitur locis humidis & ad ripas amnium. Barbari herbam inter duos lapides comminunt, & totum corpus illinum succo, quum se ablucere volunt, idque fere quotidie, quia



Carlos.

C. XXIV

quia carnem corroborare & suavi suo odore credunt perfundere. Pulverem vero valde subtilem, non modo barbari sed & Hispani utiliter sumunt in vino adversus dolores Nephriticos; mover enim potenter urinam, rejicitque omnia excrementa quæ meatus solent oblimare. Contusa vero & cum buccella sumta mitigat dolores pectoris; & emplastro applicata sistit sanguinolentas dejectiones; corroborat ventriculum; medeturque affectibus uterinis. Meminit hujus plantæ Monardes; sed in descriptione foliorum & caulium discrepat à Ximene, tribuens illi folia ampla & ramos humi procumbentes.

Cap. 19.

Cap. vii. Mittit quoque hæc provincia *Ambar* quod vocant *Griseum* (inquit *Monardes*) idque in litus ejectum invenitur à *Cannaveral* ad promontorium usque *D. 10 Helena*.

C A P. XVI.

Regimen Politicum Floridanorum ex eodem Laudonerio.

FLORIDANI pluribus parent Regulis, quos ipsi vocant *Paracouffios*, qui ut plurimum discordes, jugiter inter se bellum gerunt; non tamen aperto Marte; sed fere ex insidiis grassantur, & ex improvise sese mutuo opprimunt atque intercipiunt, & in interceptos crudeliter sæviunt, mares omnes trucidantes, iisque capita præcidentes, comarum gratia, quas in triumphis suis exultabundi circumferunt; imbelli tamen sexui parcunt, & feminas atque pueros in servitutem abreptos sedulo educant. Victoriæ compotes domum reversi, amicos omnes advocant, & triduum integrum noctu atque interdium epulantur, cantillando tripudiandoque tempus terentes; chorum ducunt vetulæ, capillis occisorum hostium ornatæ; Soli potissimum victoriæ acceptam referunt, eique litant. Ad bellum proficiscentes, panes, mel atque farinam è mayzio secum portant, nonnumquam & pisces fumo induratos, ubi hæc defecerunt, etiam immundissimis rebus vescuntur, & carbones, arenaeque pulmentis suis admiscunt. Aciem explicantibus Regulus præit, una manu clavam, altera arcum gestans, pharetra post tergum rejecta, reliqua turba sequitur cum arcubus atque sagittis; impetum autem faciunt cum maximis clamoribus & 30 boatu.

Nihil temere aggrediuntur nisi Senatu sæpe consulto; singulis quoque diebus Marte conveniunt in palatium, ubi Regulus eminentiori sella confidet, dein cæteri suo ordine pro ratione ætatis ingrediuntur, & manibus supra verticem elatis, præcinent suum *Ha He ya*, reliquis *ha ha* prosequentibus; post illa singuli subsellia sua occupant: Si res magni momenti in deliberationem veniat, etiam sacerdotes, & quotquot ætate cæteros præcellunt, in vitantur, illorumque consilium ante omnia requiritur. Tum *Cassine* infertur; præit bibendo Regulus, reliquisque ex ordine infundi imperat.

Nulla hisce barbaris certa religio, neque fere ullum certum numen venerantur, 40 Soli tamen & Lunæ nonnullum cultum impendunt, cætera quoque quæ communem rationem excedentia in oculos incurrit, superstitiose colunt. Sacerdotes suos habent, quos vocant *Javas*, quibus admodum obnoxii sunt, auguriis illorum atque præstigiis infatuati; nam præterquam quod magicarum artium minime sint rudes, medicinam exercent & vulnera obligant, semper herbas atque alia medicamenta circumgestantes: Nullus autem morbus ipsis familiarior quam lues venerea, quum & feminis intemperanter abutantur, nec marium nefaria consuetudine abstineant.

Connubia quidem singula privati & vulgus, plura autem Reguli & magnates colunt, unam tamen illi pro Regina habent, cujus liberos in spem successionis educant: feminis postquam prægnantes factæ fuerint, ut plurimum abstinent, nec 50 cum iis confuscunt quum menstrua sua patiuntur, nam & cibos tum earum contactu fædari autumant. Regulum defunctum solemniter efferunt, pateram, qua potare solitus est, tumulo superimponunt, & innumeras sagittas in ambitu insigunt terræ, triduo jejunio & ejulatu eum plangentes; vulgus quoque cæsariem suam præcidit in singulare luctus argumentum: denique Reguli arma & reliquam suppellectilem una cum domicilio illius incendunt atque abolent; & vetulas quasdam depurant,

deputant, quæ toto semestri illum singulis diebus mane, meridie & vesperti diris ululatus plangant. Vicini autem Reguli & amici magnifice iuxta ipsi perfoliunt. Sacerdotes itidem in ædibus suis funerantur, quas ad eundem modum flammis abolent.

CAP. XVII.

Descriptio oppidorum & arcium quæ bodie ab Hispanis in Florida possidentur.

10 **H**ISPANI hodie in Florida, pro tanta regionum amplitudine, pauca omnino possident oppida: nam ad magnum illum Sinum, qui Fretum Mexicanum admittit, hæcenus nulla habent; ad oram autem quæ ab Oceano Septentrionali pulsatur, tantum bina: quorum prius, Oppidum *S. Augustini* nomine censetur cum suis arcibus, ad æstuarium fluminis *May*, quod hodie *S. Augustini* dicitur, & interius ad ipsius fluminis ripas distans ab australi Floridæ promontorio, leucas, ut ferunt, quinquaginta; Alterum *S. Matthæ* sacrum juxta cornu *S. Helene*, distans à priori leucas duodecim aut paulo plures, & ab Habanæ portu circiter centum.

Prius oppidum *S. Augustini* nomini dicatum, facile principale est, cujus fundamenta à Gallis fuerunt jacta, uti ante diximus: quod à Gurgio pene funditus deletum, post ipsius discessum, à *Petro Melendez* fuit restauratum. Id ab Anglis ducē fortissimio Equite *Francisco Drakio*, anno 1610 LXXXV in hunc modum fuit captum. E Sinu Mexicano per Fretum Bahamense in oceanum Septentrionalem delati Angli, quum oram Floridæ è vicino raderent, circiter xxx gradibus ab Æquatore versus Arcum Floridæ litus prospectantes, animadvertunt juxta fluminis æstuarium speculam quandam ad modum suggesti eminere; itaque militibus in celoces impositis, cursum illo convertunt, ut quid rei esset è propinquo explorarent. Flumen ingressi exensationem faciunt, & ripam circiter milliare unum sequuti, munimentum conspiciunt nuper admodum ab Hispanis ad adversam ripam constructum; & supra illud, unius pene milliaris intervallo exiguum municipium, aliquot
30 ligneis ædificiis constans, sine ullo vallo. Angli itaque duo tormenta, quæ secum duxerant; ante vesperam dirigunt in munimentum, & aliquot suorum cum exiguo lembo mittunt, qui munimentum propius specularentur. Hispani universas Anglorum copias advenire suspicati, post aliquot tormentorum dispositionem, fugam capiunt, paucis suorum in munimento relictis. Latuit aliquandiu Anglos Hispanorum fuga: donec Gallus quidam captivus ad ipsos transiret, & eorum quæ ab Hispanis gerebantur certiores faceret: Tum sine mora omnes copię traductæ, & paucis illis statim diffugientibus, munimentum nullo negotio captum: quippe nulla dum fossa præmunitum, & vallo, quod ex transversis lignis constabat, nondum perfectum; pauci enim menses erant ex quo Hispani hoc munimentum moliri cœperant.
40 Nihil alicujus præcii hic inventum, præter decem & quatuor ænea tormenta, & circiter viginti florenorum millia, in stipendia militum, qui hic CL in præsidio collocati erant; in cista deposita. Munimentum hoc *S. Joannis* nomini erat dicatum. Hoc potiti quantocius cymbis suis flumen ascenderunt & ipsum *S. Augustini* municipium nullo negotio sunt ingressi, præfecto *Petro Melendez* inter primos fugam capescente. Atque hic didicerunt, Hispanos duodecim leucis ab hoc loco versus arcum, alterum municipium tenere juxta *S. Helene* promontorium, quod itidem à centum quinquaginta prædiariis custodiretur. Propositum erat *Drakio*, id quoque
50 Hispanicis eripere, verum quum inter navigandum mare vadusum & oram admodum humilem & onerariis insidiosam comperisset, mutato consilio recta petiit Virgiam.

*Descriptio Oræ Maritimæ provincie Floridæ, tam quæ magno Oceano
pulsatur, quam quæ sinum Mexicanum admittit.*

Canna-
veral.

Extimum Floridæ cornu, quæ Cubam respicit versus austrum, regunt notissimæ insulæ (vel potius scopuli) quæ *Martyres* nautis dicuntur. Ponc *Martyres* jacet promontorium Floridæ, quatuor & viginti gradibus & triginta scrupulis ab Æquatore versus Arctum; ab hoc littore legentibus versus Aquilones occurrit primo amnis *Ays*; dein terræ cornu vulgo *punta de Cannaveral* viginti & octo gradi-

S. Augu-
stin.

bus & triginta scrupulis ab Æquatore.
A quo duarum aut trium leucarum intervallo abest amnis sive *Barra* (ut vocant) de *Mosquitos*, quam excipit decem aut plurium leucarum intervallo, *barra de Matanza*, ob *Ribaldi* & Gallorum, eadem hoc nomine notata.

S. Ma-
thæi

Paulo ultra jacet Flumen *S. Augustini*, patenti ore se pandens versus Eurum; circiter triginta gradibus ab Æquatore versus Arctum, uti ab Hispanis observatum.

S. Petri.

Ab hoc flumine ad æstuarium *S. Matthæi* sunt decem leucæ; intermedio autem spacio exeunt in mare *Saravay* & *Sana* amnes, sed *S. Mattheo* quam *Augustino* pro-

sequitur deinceps octo leucar. intervallo *S. Petri* fluvius uno & triginta gradibus ab æquatore versus Arctum: & quinque leuc. amnis seu *Barra de Balenas*. dein sesqui-leucæ *Alacany* sive *Gualaquiny* fluvius. A quo ad *Saon* vel *Chaon* numerantur leucæ quinque. A *Saon* porro ad *Desfogon* una; ad *Capalam*, tres. A *Capala* ad *Cosonufum* dux; uno & triginta gradibus & viginti scrupulis ab Æquatore. A *Cosonufum* ad *Barram de Asopo* tres leucæ. Ab *Asopo* ad sinum *Sanctæ Crucis* dux & semis. A sinu *S. Crucis* ad sinum vadotum (vulgo *Dos Baxos*) tres. A sinu vadotum ad promontorium *S. Helene* quinque, duobus & triginta gradibus & triginta scrupulis ab Æquatore versus Arctum.

Jordanis.

A promontorio *S. Helene* ad *Oristanum* sex leucæ. Ab *Oristano* ad *Ostano* quatuor. Ab *Ostano* ad *Cayaguam* octo. A *Cayagua* ad flumen *Jordanis*, interval- lum non proditur, distat autem ab Æquatore (ut annotant Hispani) tribus & triginta gradibus. Hactenus littora magno Oceano exposita ita se habent.

Calos.

Pars Floridæ quæ sinum Mexicanum magno gyro admittit, minus cognita est, quæ tamen de illa accepimus, quoad orarum ductum, hæc fere sunt. Post *Martyres* sequuntur *Tortuga* notissimæ insulæ de quibus alibi diximus. Ad Continentem autem seu Occidentale Floridæ latus primum signatur *la Muspa* & ab hac tredecim leuc. magis versus Arctum sinus de *Carlos* sine *Calos*, quem & Ioannis Poncii Legionensis nomine insigniunt. A Poncii sinu totidem leucas numerant ad *Tampam*. A *Tampa* ad sinum *Spiritus S.* tres & triginta leucas; hic barbaris appellatur *Tocobaga*, diciturque ab Æquatore distare novem & viginti gradibus & triginta scrupulis ver- sus septentriones.

Atque hinc ora, quæ fere hactenus ad Arctum terrendit, vasto & pene trecentarum leucarum ambitu se circumgyrat versus occasum, usque ad flumen *Palmarum*, quo intervallo pauca admodum loca signata invenimus. Nam à *Tocobaga*, quæ aliis dici videtur *Ancon Baxo*, numerant leucas centum ad flumen *Nivale* vulgo *Rio de Nieves*. A flumine nivali ad flumen florum viginti aut paulo plures. A flumine florum ad sinum *Spiritus S.* (quem alterum esse oportet à precedenti) sive *Culata* ut vulgo vocant, septuaginta. A *Culata* ad flumen *Piscatorum*, vulgo *Rio de Pescadores* itidem septuaginta. A flumine denique *Piscatorum* ad flumen *Palmarum* centum.





NOVA HISPANIA,
NOVA GALICIA,
GVATIMALA.

Anglica milliar.

Hispania leuic.

Germanica milliar.

M A R

NORDT

GOLFO DE NVEVA ESPAÑA

Tropicus Cancri



DEL ZVR

YD T





DESCRIPTIONIS
INDIÆ OCCIDENTALIS,
LIBER QUINTUS.
NOVA HISPANIA.

10

CAP. I.

Novæ Hispaniæ *limites, cæli solique qualitates & descriptio generalis.*

20



30

NOVA HISPANIA, principalis Americæ Septentrionalis pars, per se multas magnasque provincias complectitur: olimque ad orientem Jucatanæ, ad occidentem California & Nova Biscaya terminabatur: verum uti nunc provinciæ Americanæ in conventus Juridicos (*Audiencias* ipsi vocant) ab Hispanis sunt divisæ, longe aliis limitibus continetur, & Jucatanam quidem includit, novam autem Galæciam excludit. Pater itaque jam ab extremis peninsulæ Jucatanæ finibus versus ortum, ad limitem occidentalem Mechuacanæ, ubi se à nova Galæcia dividit in longitudinem circiter quadringentas leucas; in latitudinem autem inter arctum & austrum, ab extremis Panucensis provinciæ limitibus ad oceanum usque Meridionalem, sive Mare Pacificum, circiter ducentas. Opportunissimo utique loco ad utrumque mare posita.

40

De soli natura & qualitatibus ita in communi judicat *Iosephus Acoſta*.
Campis pabulo fecundis, cæteras omnes Americæ provincias, longe præcellit Nova Hispania, unde hic innumerabiles equorum, taurorum vacarumque, pecudum & similibus animalium greges reperiuntur. Fructibus omnis generis supra modum abundat; nec minus frumenti ferax est, omnibusque ad victum necessariis cæteras novi orbis partes longe superat. Vini tantum copia à Peruvia superatur; nam licet vitem quidem haud maligne toleret, tamen uvæ nequaquam ita maturat aut mitigat ut vino exprimendo sint idoneæ; obstat cælum mense Julio & Augusto nimis pluvium: & siquid vini interdum exprimitur, tenue est & acidius & Longobardico & Genuensi persimile.

Lj.c.14.

Cælo (quod & cæteris novi orbis provinciis peculiare, quæ intra Tropicum, ab æquatore versus septentriones divergunt) gaudet súdo & sereno ab initio Novembris ad Aprilem usque: Nam Sol hisce mensibus ultra lineam æquinoctialem versus Tropicum Capricorni tendens & longius ab hoc clymate recedens pluvias arceat; & contra superato rursus Æquatore ad Cancræ tropicum remeans, largis pluviis rigat quotidie solum, ita ut fluvii multi alveos suos egredientes, campeſtria longe lateque inundent, idque potissimum à Junio in Septembrem: Non tamen in omnibus provinciis, eodem modo & mensura, uti postea distinguemus, quum ad singulatum descriptionem pervenerimus.

50

Bis quotannis in tota Nova Hispania feritur atque metitur: id soli cælique diversitate accidit: in editis quippe collibus & natura sua siccis mense Aprili & Maio selementem faciunt, quumque ut plurimum sub vesperam largus imber decidat & sudæ sint noctes, interdiu autem Sol vehementer ferueat, fruges egregie maturantur & metuntur mense Octobri: (Novembrem operiri non caret discrimine, quia nonnumquam pruina aut gelu nocturnum aristas adurit & frumentum corrumpit:) in humilibus vero & riguis arvis, quum ab Octobri ad Martium usque parum admodum

dum pluât, sementem faciunt mense Octobri, metunt Maio: atque ita cœli solique natura alternante, etiam ferendi metendique tempestates variant. Unde jam à barbarorum temporibus provincias in calidas & frigidas fuisse divisas legimus, non quod ullæ admodum frigidae sint, nam omnes intra zonam torridam concluduntur, sed quia aliæ montanae sunt, aliæ planiores & campestris, uti suo loco à nobis dicetur.

Abundat imprimis argenti metallis (nam auri hic admodum rara sunt) de quibus in singulis provinciis dicturi sumus.

Denique dividitur hic conventus juridicus in plures provincias, *Mexicanam* sive Archiepiscopatum, *Tlaxcalam*, *Mechuacanam*, *Guaxacam*, *Chiapam*, quæ totidem Episcopatus habent, *Panucum* & *Iucatanam*, quæ praefecturae vocantur; singulas ergo ordine prosequemur, ubi ante arbores quasdam & plantas insigniores aliaque ejus generis descripsimus.

C A P. II.

Resinarum & liquorum aromaticorum descriptio, quorum magna copia in Nova Hispania invenitur.

QUANTUAM plures provinciae tam Septentrionalis quam Australis Americae resinas & liquores aromaticos ferant, tamen Nova Hispania ceteras longe superat eorumdem varietate, praestantia atque copia, quorum nonnullos praestantissimos hic describemus.

Inter resinas facile primum sibi locum postulat *Liquidambar*; arbor quæ resinam hanc exsudat à Mexicanis appellatur *Xochiocotzol quaxihuitl*; estque admodum vasta, folia illius sunt similia Laricis foliis, duobus sinibus in tres angulos divisa, una parte candicante, altera obscurè virentia & undique serrata: Cortex trunci & ramorum partim viridis est partim rubicundus: eo vulnerato emanat liquor sive resina, quam Hispani vocant *Liquidambar*, Mexitani *Xochi ocozotl*, quæ suavitate odoris accedit ad storacem: est calida in tertio gradu, & siccandi facultate praedita: foris applicata refocillat ventriculum debilem, corroborat cor, conciliat somnum; suffitus illius sedat dolores capitis è causa frigida natos; estque singulare remedium adversus spasmodum & affectus uterinos. Manat quoque ex eadem arbore oleum non minus praestans odore & virtute medica; quod à nonnullis usurpatur pro storace liquida: alii putant oleum hoc stillare ex resina foliis exposita, aut praelo expressa, ita ut subtilior pars à crassiore segregetur, in quo falli videntur. Qui plura de hac resina & oleo desiderat, adeat *Nicolaum Monardem* in exoticis *Caroli Clusii*, ubi & vires illius accurare descripsit inveniet.

Secundum locum sibi flagitat *Copal*: barbari autem Novae Hispaniae & imprimis Mexicani communi nomine omnes resinas odoratas & gummi vocant *Copal* & varias illarum species peculiaribus distinguunt agnominibus, plures enim sunt arbores quæ ejusmodi resinas fundunt, quas non abs re fuerit particulatim recensere, ut differentia nostris penitus innotescat. Primo itaque per excellentiam vocant *Copal*, resinam candidam & transparentem, quæ exsudat ex arbore, cujus folia sunt similia robori, sed longiora, fructus rotundus colore subrubente & eodem sapore cum resina; quæ ex arbore manat interdum sponte, interdum vulnerata; vocant *Copal quahuitl*, id est, arborem quæ fert *Copal*. Nascitur locis calidis: & diversitas quædam observatur, inter arbores quæ montosis locis aut campestribus proveniunt, tam in forma ipsius arboris, quam in colore resinae. Secundo vocant *Copal quahuitl parlahuac* ob latitudinem foliorum quæ ejusdem generis arbores multum excedit; est autem arbor mediocris, foliis dissectis & admodum similibus plantæ quæ in Hispaniis appellatur Zumaque, latine Naurea, tam quoad colorem, asperitatem siccitatemque, quam formam foliorum: ramos habet instar alarum, è quibus eliquat resina cædida quidem, sed non nihil diversa à superiore & minore quantitate. Tercio *Copal quahuitl*, quæ est arbor procerà & glabro cortice qui facile se parit à trunco separari: folia illius sunt parva sed longiuscula, similia rutæ licet minora & longiora: fructus fert racematim pendulos à singulis pediculis: exsudat liquorem resinosum, colore & odore similem *Copal*, sed parce admo-

admodum. Quarto *Tepecopalli quahuil*, id est, *Copal* montensis, quæ est arbor modica foliis arbuti, ferens fructus similes glandibus, qui continent nucleum coopertum quadam saliva lubrica & resinosa, intus candidum & ad diversa utilem. Exsudat hæc arbor resinam admodum similem thuri antiquorum, & uti creditur illius speciem, quare ab Hispanis in America appellatur *incienso de las Indias*, id est, thus Americanum, & à nonnullis *Anime*: atque hoc sibi voluit *Monardes*, qui distinguens inter *Copal* & *Animen* dicit, *Copal* esse resinam admodum candidam, lucidam, transparentem, magnis fragmentis & haud dissimilem diacitro valde transparenti: *Animen* autem esse resinam albam vergentem ad colorem thuris & *Copale* magis oleaginosam. Differre autem ab *Anime* orientali, quod hæc peregrina neque tam candida sit neque tam lucida. Huic insignem virtutem tribuunt, matricem loco motam restituendi. Quinto *Cuicatopalli* sive *Xioquahuil* ob trunci scabritiem, quæ est arbor mediocris, foliis parvis & orbicularibus, ferens grana racematim collecta instar *Oxyacanthæ*, valde odorata & viscosa: fundit de se gummi nonnihil odoratum, quod calidum iudicant in tertio gradu & humectandi facultate prædium. Sexto *Tecopal quahuil pitzahuc*, id est, *Copal* arbor subtilibus frondibus; est arbor mediæ magnitudinis, quæ exsudat lachrymam sive speciem thuris, quæ paulo nigrior est: habet folia ordine quodam digesta ad alterum ramorum latus, paulo maiora rutzæ foliis; fructum fert minutum, rubicundum & figura pipeti rotundo non absimilem; quorum unum atque alterum ordine digestum habet ad singulos ramos. Septimo *Xochicopalli*, id est, *Copal* floridum (vocat & *Xarapiscas*), quæ est arbor modica foliis menthæ Saracenicæ, licet non tam profunde dissectis, quæ terna conjunctim ramis hærent: truncum habet valde odoratum; exsudat liquorem coloris fulvi sive leonini, qui redolet mirum in modum limones. Octavo *Mizquioxochicopalli* vel *Xochicopal quahuil*, quæ est arbor grandis, foliis aurantiæ mali; trunco notis quibusdam candidis variegato, floribus rubicundis sed exiguis: exsudat resinam coloris ignei, quam *Animen* vocant atque etiam *Copal*. Cæterum resina quæ per excellentiam vocatur *Copal* est calida pene in tertio gradu, siccans aliquantulum & adstringens, suavissimo odore, lenit dolorem capitis suffitu suo, si oriatur est causa frigida: medetur suffocationi uterinæ & ut compendio dicam, præsens est remedium adversus omnes affectus est causa humida aut frigida; idem præstant & cæteræ species *Copal* videatur idem *Monardes*.

Tertium locum attribuo Resinæ quam barbari vocant *Holli* & Hispani *Vlr*; arbor appellatur *Holquahuil*: illius duæ reperiuntur species: una quæ truncum obtinet lævem & sylvum, plenum pulpâ lenta & viscosa, flores candidos, & frondes grandiores, & sphaerulas subrubicundi coloris trunco affixas, plenas fructibus candidis instar avellanarum, qui cooperiuntur tela fusca, sapore amaro. Altera habet folia similia aurantiæ foliis, sed paulo maiora: utriusque cortex est amari saporis. Cortex incisus fundit resinam, quæ initio est coloris lactei, tum fusci & denique nigri: cogitur in pilas rotundas, quibus & barbari loco pilarum utuntur: hac corpora sua illinunt: candem & cum certis verbibus quos vocant *Axin* in pillulas coactam deglutiunt: ut agilitatem sibi addant & membra in omnes partes versandi & flectendi miram dexteritatem; pollet & medicis facultatibus, movet enim urinam, mundat uterum, & putatur sterilitatem feminarum cortigere. Folia hujus arboris siccata & contusa, leones, tigres & similes feras dicuntur necare.

Quartum locum tenet *Tecomahaca*, uti corrupto paulum nomine jam vulgo appellatur, nam barbari vocant *Tecomahiac*, itemq; *Copalhyac*, & *Memeyal quahuil* ipsam arborem: Est autem arbor grandis, foliis orbicularibus & serratis; fert in extremo ramorum fructum exiguum, rotundum, ruffum, plenum seminibus instar nucleorum cotonei mali: planta est acris & mordax, odorifera cum adstringendi facultate: ex hac interdum sponte, interdum vulnerata, emanat resina; jam omnibus nota, quæ eadem facultates obtinet cum antecedentibus: quidam myrrhæ loco usurpant: sedat dolores est scitulentæ materiam ortos; dissolvit tumores lentos & viscosos; utero autem adeo amica est ut prunis imposita & naribus apposita statim laborantibus succurrat; umbellico applicata retinet menses immoderate fluentes, corroborat matricem, eamque servat suo loco: dentium concavitatibus indita; sedat dolores eosq; liberat à putredine; denique præstantissimum est remedium adversus omnes affectus est causa frigida.

Quinto loco nobis dicitur *Caranna*: hæc eliquatur è grandi arbore, quam barbari Mexicani vocant *Tlahuillocan*; truncum habet lævem, rubrum & splendentem, valde odoratum: folia similia oleæ, decussatim aut crucis in modum disposita: resina obtinet easdem facultates quas Tecomahaca & ut quidam opinantur etiam majores, licet non tam crebro usurpetur, uti adhuc ignotior.

Sexto loco Gummi quoddam odoriferum instar Anethi, quod funditur ab arbore, quam barbari vocant *Huitzil xochitl* & *Anell-inan*, quæ truncum habet rectum & glabrum, exteriore parte obscure virentem, interiori candidum, folia serrata & acuta, similia basilico: flores pallidos, sed ad oras flavescentes: sapore juxta atque odore similes anetho, efficacia vero majori.

Septimo resinam candidam & valde odoratam qua medici barbari plurimum utuntur adversus dysenteriam: injecta in aquam statim resolvitur in lacteum liquorem, quem ipsi vocant *Quauhcuilali*, & exhibent quantitate oboli per se aut cum Copal, sistit mirifice sanguinem è quacunque parte corporis manantem, sed cavendum ne majori quantitate sumatur: emanat ex arbore valde procera, quæ vocant *Quauhcopalitic xixio*, truncum habet lævem & tenerum, & sponte dissiliens instar squamarum; folia basilici, fructus oxychantæ, licet majores, qui initio virent, sed mox rubescunt.

Postremo loco nobis commemorandum *Balsamum*: *Hutzochitl* (inquit *Fr. Ximenes*, quem & in antecedentibus secuti sumus) quam Panucenses barbari appellant *Chute* & Hispani *Balsamum* (quia exsudat liquorem admodum similem Balsamo Syriæ & nequaquam inferiorem odore & qualitatibus) est arbor magnitudine aurantiæ mali, foliis amygdali, sed majoribus & acutioribus; ferr flores flavos in extremitatibus ramorum, foliis longis & angustis, in quibus certa semina inclusa reperiuntur, ad fuscum colorem vergentia. Cortex hujus arboris quavis anni tempestate, sed præcipue quum pluviz desinunt, incisus effundit nobilissimum liquorem; colore fulvo vergente ad nigrum, sapore acri & nonnihil amaro, odore vehementi, sed gratissimo. Cogitur & alio modo, Gemmas arboris & teneriores ramulos minutim concisos coquendo in aqua & oleosam substantiam quæ supernat colligendo in vitrum; sed hoc Balsamum ignobilius est. E seminibus autem hujus arboris exprimitur oleum non minus suavis & grati odoris, haud dissimile oleo amygdalarum amararum, sed acrius: pollet eisdem pene virtutibus quibus Balsamum; de quibus medici consulendi & imprimis *Monardes*. Alia præterea arbor hic reperitur, quam vocant *Quauticonex*, modice proceritatis, crasso trunco, materie solida ac dura, odorataque: Folia illius sunt lata; flos minutus ac candidus, fructus similis baccae lauri. Corticem hujus minutim concidunt, & quatuor diebus macerant in aqua, dein exemptum soli exponunt, & ubi incaluerit, exprimunt prælo, liquorem admodum similem Balsamo, & ad varia utilem.

Nihil hic dicam de *Lacca*, licet ejus quoque copia suppetat, nisi arborem quæ illam fundit hic appellari *Tzinacan cuitlaquahuil*: sicuti nec de sanguine Draconis, licet arbor quæ illum producit, hic frequentissima sit & *Exquahuil* appelletur; qui descriptionem illius desiderat adeat *Monardes*.

C A P. III.

De fructiferis aliquot arboribus, plantisque Novæ Hispaniæ peculiaribus.

INTER fructiferas arbores primo nobis commemoranda, *Achiote* quam alii vocant *Changuaricam*, quidam & *Pamaquam*, quam *Fr. Ximenes* ita describit: Est arbor magnitudine & trunco, formaque aurantiæ malo similis: folia sunt ulmi foliis figura, colore & asperitate admodum similia; cortex, truncus, & rami sunt rufi vergentes ad viridem colorem: flores grandes in modum stellarum quinque foliis distincti, coloris è candido rubicundi; fructus est similis calicibus castaneæ, forma & magnitudine parvarum amygdalarum viridium, quadrangularis, qui ubi maturuerit dehiscit, certa grana rubentia similia granis uvarum, sed magis rotunda continens. Barbari hanc magni faciunt, coluntque circa tuguria sua, viret toto anno, fertque fructum verno tempore, quo & materies illius cædi solet, quæ utilis est ad ignem eliciendum, instar filicis: cortex est utilis ad funes & rudentes, qui robustiores sunt cannabinis. E semine denique fit tinctura coccinea qua pictores utuntur: eadem

eadem & in medicina usurpatur, quum frigida sit qualitate; cum aqua aliqua ejusdem qualitatis hausta, aut foris applicata, mitigat ætus febriles, sistitque dysenteriz fluxum; denique utiliter adjungitur omnibus potionibus refrigerantibus: unde etiam vulgo miscetur potioni Cacao ad refrigerandum & bonum saporem & colorem illi conciliandum.

Secundò *Amacoztic*. (quam alii vocant *Texcalamatl*, alii *Tepeamatl*) arbor grandis latis foliis & instar hederæ, crassis & subpurpureis, & pene figura cordis ut pingitur vulgo, ferens fructus similes exiguis ficibus, colore purpureo, plenos seminibus minutis & rubris. Pene adducor ut credam hunc esse fructum illum, aut certe illi similem quem Clariss. Clusius in exoticis suis expressit, ideoque Iconem quam dedit hic adjungendam existimavi. Credo autem eundem virum Clarissimum haud frustra suspicatum hunc fructum esse arboris quam in Insulis appellant *Gagney* quam Oviedus describit lib. viii. cap. xv. *Gagney* (inquit) est arbor producens fructum instar ficis, verum haud majorem avellana, interiorius vero plane ad modum ficis candidæ castellanæ, plenum minutissimis granulis, & grati saporis. Fr. Ximenes scribit, decoctum radicum humectare linguam febricitantium, pectoris dolores lenire; & proprietate quadam occulta, choleram evacuare & flegma, per vomitiones & sedes: coquendo tres uncias radicem in tribus aquæ libris, donec dimidia pars consumatur.

Lib. I.
c. xi.

Tertiò *Copalxocotl* (quia materies illius redolet *Copal*) quam Tarasci vocant *Pompoguanam*, arbor est foliis cerasi nostratis; fructus ferens similes exiguis pomis, dulces quidem sed valde adstringentes; qui exsudent salivam quandam valde viscosam, quam febribus dysenteriz mederi volunt.

Quartò *Quauhahualti* quam alii vocant *Quahlahatzim*, est arbor grandis, crasso trunco, rubro & contorto, ramis undique projectis, foliis Adelfæ sive Rhododendri, angustis & longis, fructu orbiculari sed compresso, simili fabis marinis, sed minore. Fabæ Iconem hic exhibemus ea mole & forma qua revera est ad vivum expressam. Quinque horum fructuum aut ad summum septem mirifice purgant, si ante paulum torceantur & contusi in vino macerentur; sed auferendæ sunt membranæ quibus tecti sunt, & quibus per medium sunt divisi. Monardes de hisce ita scribit: Fabæ purgatrices quæ Carthagine & Nomine Dei nascuntur, nostris similes sunt, ejusdem cum nostris formæ & coloris, pellicula quadam tenui, ut ceparum tunica est exterior, illas per medium intersecante, quæ cum cortice abjicienda est; alioquin tanta vehementia supernè & infernè purgant ut in vitæ discrimen sumentem concitiat. Quæ fabarum nostrarum similitudo, quæ cur illis tribuerit ignoro (nisi forte adhuc aliæ reperiantur præter has quas exhibemus.) Clariss. virum Clusium multum frustra corticem ut aliquam Iconem illis daret. Hanc quam expressimus fabam purgatricem esse certo certius est, colore castaneorum, & minime crassam aut admodum convexam, denique nihil simile habentem cum nostrate faba communi.



cap. xlix.

50 Author noster Fr. Ximenez & aliam arborem nomine *Quahlahatzim* describit, quæ ita vocatur, quia fructus ubi maturuerit, dehiscit cum magno strepitu, & tam longe dissilite quasi tormento bellico ejiceretur: est arbor grandis, foliis mori, sed majoribus in ambitu ferratis, cum multis venulis: truncus illius est fulvus: fructus rotundus, sed utrimque compressus & striatus instar melonis, continens duodecim aut etiam plures nucleos candidos & orbiculares, figura nummi regalis; quorum duo (dermis membranulis quæ medios dividunt, has enim angores causare observant)

superne & inferne purgant omnes noxios humores, maxime biliosos & pituitosos; nuclei autem nonnihil torrendi sunt & aqua macerandi & à jejunis fumendi: medicamentum est securum.



Quintò *Quahuachili* live arbor quæ fert pinesas nubes purgatrices: hæc est arbor mediocris magnitudinis, foliis grandibus instar lap- 10
pæ, quasi rotundis & crenatis; fructus est similis communibus nucibus, con-

tinens tres nucleos, suis septis & concavitatibus divisos, qui admodum similes sunt nostris pincis nucibus, verum majores, & longe diversis facultatibus præditæ: nam pollent singulari virtute superne & inferne evacuandi omnes humores noxios, præcipue crassos & lentos; quare fere in morbis inveteratis adhibentur, quinque aut septem, & nescio qua causa aut quo mysterio etiam novem, torrendæ autem ante sunt ut lenius operentur, deinde frangendæ & in vino aut aqua macerandæ; sunt natura 20
calidæ & pingues. Iconem hic exhibemus. Clariss. Clusius hunc fructum descripsit & iconem expresit in notis ad Monardem sub nomine Ricini Americani; quamquam vix credo eundem fructum fuisse, neque enim forma nucleorum aut ipsius siliquæ satis convenit; Iconem aurem nostram ad vivum exprimentam curavimus, prout fructus ad nos delatus fuerat è Brasilia, ubi à Lusitanis *Pinones de brasill* appellantur. Vide Monardem de oleo quod ex hoc fructu exprimi scribit.

cap. iv.

Sextò *Ahuacahuistl*, quæ est arbor similis ilici, foliis aurantiæ mali, sed magis virentibus, majoribus & magis asperis, flore exiguo & è candido flavescente; fert fructum ovi forma, sed longe majorem & asperiorum, quique magis accedat ad formam & molem ficus præcocis (quam Hispani vocant *Brezam*) exterius nigri coloris, 30
& interdum obscure viridis, interius herbacei, ita pinguis ut vaccino butyro accedat, sapore nucum recentium; folia illius sunt odorata, calida & sicca in secundo gradu, quare vulgo in balneis usurpantur. Fructus quoque est calidus & palato gratus quem Hispani corrupto nomine vocant *Aguacaten*, & licet non sit ingrati saporis neque improbi nutrimenti, tamen est pinguis & humidus, & valde excitat venerem & auget semen. Continet interius certa ossicula live nucleos ex albo rubentes, læves, duros & solidos, in duas partes instar amygdalarum divisos, sed longiores & majores ovis palumbum; quibus sapor est amygdalarum amararum, unde & simile oleum ex illis exprimitur, non modo ejusdem odoris sed & saporis & efficaciæ.

Septimò *Quauhtzapotl*, aliis quoque *Texaltzapotl* Hispanis *Annona*; est grandis arbor foliis aurantiæ mali, sed angustioribus; floribus candidis & in tres angulos divisos, 40
qui magnitudine & odoris suavitate sunt similes floribus pyrorum præcocium. Fructus variegatur rubris & herbosis notis, magnitudine melonis Americani; partes illius interiores scatent nucleis exiguis & nigris, valde similis est substantia illius celebri illi obsonio, quod vocant *Manjar blanco* tam colore quam suavitate, licet neutiquam eadem nutriendi facultate polleat, nam generat flatus & pravos humores; grana hujus fructus sistant alvum.

Octavo *Xahualli* (de qua alibi me dicturū promisi,) est pulcherrima arbor, habens folia similia fraxino; materies illius est gravis, pardo colore vergens ad fulvum: fructū fert similem capitellis papaveris, absque corona tamen: quem maturum nonnulli comedunt, Indi autem aquam ex illo exprimunt, qua crura & totum interdum corpus abluunt, quando caro præ lassitudine hæcescit, ad corroborandum illam; nam propria illius vis est astingere, & porro nigro colore tingere: cutis enim sensim tingitur colore nigro, qui nullo modo abluī potest, sed post xv. dies sponte evanescit: ungues autem nunquam colorem mutant, nisi quum ipsi mutantur. Barbari in symposiis & expeditionibus bellicis se hoc liquore solent tingere ut hostibus suis terribiliores appareant. 50

Nono

Nono *Coatl* & aliis *Tlapalepatli* grandis frutex, quique non raro in moleni arboris excrevit, truncus illius est crassus, enodis instar piri arboris; folia sunt similia ciceris foliis, verum minora, aut non dissimilia rutæ, aut paulo majora: flores exigui, oblongi, lutei & spicati digesti; est frigida & humida planta, licet parum recedat à medio temperamento. Materies illius tingit aquam cæruleo colore, quæ pota refrigerat & mundat renes & vesicam, temperatq; urinæ acrimoniam; jam à multis annis infertur Hispaniæ, ubi *Lignum Nephriticum* appellatur. Monardem hic audiamus: Mit. C. XXVII.

- 10 rates & incommoda. Postea experimento comprobatum est, ejus aquam in Jecoris & Lienis obstructionibus, utilem esse. Illa autem hac ratione paratur: Lignum assulatum & minutim concisum in optima & limpidissima aqua fontana maceratur, atq; in ea relinquitur donec aqua à bibentibus absumpta sit. Dimidia hora post injectum lignum, aqua cæruleum dilutiorem colorem contrahit, qui sensim intenditur pro temporis diuturnitate, tamen si lignum candidum sit, cæruleum ideo dico, quoniam adulteratur alio ligno simili, quod aquam croceo colore inficit, ne quis fallatur. Hac aqua assiduo utuntur, ea vinum diluunt, & mirabiles experiuntur effectus, sine ulla humorum commotione, neque opus est alia victus ratione, quam temperata: aquæ enim sapor non magis immutatur ligni injectione, quam si nihil in ea maceratum esset,
- 20 Calidum & siccum est in primo gradu. Hæc ille. Observat *Fr. Ximenez*; lignum postquam quindecim dies continuos aqua maceratum fuerit, virtutem illius penitus exhauriri, neque amplius aquam colore illo cæruleo tingi.

Decimo *Higuero* (ut vocant Hispani) arbor grandis, foliis nostratis mori, atq; adeo forma & magnitudine illi similis: fructus fert instar cucurbitarum, oblongos, orbiculares & aliis figuris: è quibus barbari cyathos & alia vasa conficiunt, quæ vocant *Tecomates* è quibus vulgo potum Cacao hauriunt. Medullam fructus nonnumquam comedunt barbari, quoniam alio victu destituuntur, est similis medullæ cucurbitarum.

- Undecimo *Xalxocoatl* (indigenæ Insulæ Hispaniolæ vocabant *Guyabo*, quod nomen & Hispani retinent) est arbor grandis, cujus variæ reperiuntur species: quarum duas *Fr. Ximenes* ita describit: (Iconem autem ab Hispano delineatam ramuli cum fructu hic apponendam duximus:) prima est foliis aurantiæ mali, sed minoribus & villosis, floribus candidis, fructu rotundo & pleno granulis pene instar ficus, unde illi nomen apud Mexic.
- 40 nos natum, quod sonat fructum arenosum: folia sunt acida & astringentia & valde odorata, sanant scabiem, & solent illis uti in balneis; cortex est frigidus & siccus valdeque astringens: decoctum illius discutit inflationes crurum, & sanat plagas fistulosas; surditati quoque mederi volunt, & ventris dolores tollere, propter facultates quasdam occultas quæ non observantur. Fructus est calidus & siccus, præcipue pars illius exterior & solida, nam interior blanda est & caloris moderati, redolens quodammodo cimices, nihilo tamen minus mensis infertur, & cum volupcare à plurimis gustatur, licet non omnibus æque conveniat. Sunt qui concoctionem promo-



lib. VIII.
cap. XII.

vere dicant & ventriculorum calefacere ex causa frigida languentem. Secunda species fructus fert longe majores, neque tam male olentes, itaque delicatiores habentur. Hæc ille. Describit & eandem arborem & fructum *Oviedus*: Arbor (inquit) est grandis, foliis aurantiz, sed rarioribus ramis & magis sparsis, frondibus quoque haud ita virentibus, formaque magis accedentibus ad lauri folia, nisi quod paulo latiora sint & crassiora, & venis magis tumidis. Dux sunt hujus species, sed omnes ferunt fructus instar pomorum, & alios longos, alios rotundos: alios carne rubra, alios candida; omnes tamen cortice viridi aut flavo ubi plenè maturuerint; verum quia maturi, sapore sunt ingratiore, & vermibus obnoxii, ut plurimum virides carpuntur: Intus sunt solidi, in quatuor veluti partes divisi; quibus & granula quædam durissima continentur: in fastigio habet fructus coronam foliorum minorum quæ facile excidunt. Meminit & Gomara; & Monardes uti videre est in Exoticis C. Clusii.

C. LXIV.

Duodecimo *Magney* vulgo, Mexicanis *Mel*; arbor quæ ab indigenis magni fit & studiose colitur; folia illi sunt lata & crassa (regularum propemodum magnitudine & eodem modo carinata ut Gomora testatur) longis validisque spinis & extremum mucronem armata, quæ acuum & acicularum atque adeo terebrarum usum præstant, interiores autem foliorum fibræ, florum: Truncum autem satis crassum, & pyramidis in modum fastigiatum, incidunt atque excavant, è quo emanat liquor, instar aquæ, limpidissimus, potari pulcherrimus atque adeo salubris, tanta copia ut (mirabile dictu) ex una planta interdum quinquaginta arobæ (quarum singulæ cap. 2.0 piunt xvi sextarios) effluent: is levi decoctione convertitur in *Mel*; depuratione in Saccharum; dilutione in acetum & addita *Oscælli* (radix est quæ à præstantia *Vini Medicina* vocatur, quam tamen non invenio ab auctore meo descriptam) in vinum: *Fr. Ximenez* scribit vinum fieri è Saccharo illius affundendo aquam, & miscendo semina aurantiorum, melonum & alia, quo facilius inebrietur: Barbari avidè illud hauriunt, licet insalubre sit, valideque caput tentet & inebrietur: nullum autem cada-ver, nulla sentina ita fatet uti illorum halitus qui illo vino se ingurgitarunt. Longum esset omnes usus hujus plantæ describere: *Franciscus Hernandez* & illius interpres *Fr. Ximenez* inter herbas recensent, & tribuunt illi folia sempervivi sive Aloes; pluresque illius commemorant species, magnitudine & forma nonnihil diversas. Vi. 3.0 dendus & Acofta: & Clariss. Car. Clusius. Rariorum plantar. lib. v.

C. XLVIII.

Decimo tertio *Mizquitl* quæ (uti scribit *Fr. Ximenez*) est arbor admodum communis in Nova Hispania, ubicunque locorum sponte nascens, sed præcipue in montanis; silvestris & spinosa, foliis subtilibus aliorum in modum; siliquas habens pendulas, quemadmodum Tamarindi & ejusdem pene formæ, edules, oblongas, dulces & grati saporis. plenas granis, è quibus barbari Chichimecæ certas pillulas conficiunt, quibus vescuntur loco panis: hanc (inquit) veram cassiam antiquorum esse judico, quæque producat verum gummi Arabicum, cujus magna in Nova Hispania reperitur copia, hætenus non sine insigni negligentia ignorata: liquor è stolonibus hujus arboris expressus, aut aqua in qua macerati fuerint, collyry in modum oculis adhibita mirifice medetur omnibus oculorum affectibus.



ejuscemodi vidimus è Nova Hispania allatos, vacuos omnes, ita ut de semine illius nihil posimus dicere: *Ximenes* testatur frigidum esse & glutinosum. Qui & observat è foliis hujus arboris fila neri, (è quibus telæ fiunt, magis valida licet tenuiora, quam quæ nentur è *Maguey*).

Decimo quarto *Tecotl* quam Hispani vocant palmam montensem & nonnulli Indi *Quanhilepopostli*; quæ ex una radice profert duos aut tres truncos, qui flores ferunt candidos & odoriferos, racematim pendulos, & in sex foliola distinctos, è quibus nascuntur fructus similes pineis nucibus, quales hic expressimus, qui elegantissimi sunt, varia mole & figura, colore ut plurimum castaneæ. Dubito an hunc fructum expresse-rit Clusius in exoticis lib. II. cap. III. plures

Decimo-

- Decimoquinto & ultimo loco nobis describenda restat (nam omnes persequi non est hujus operæ) mirabilis arbor, quam *Mexicani*, *Nochli*, insulares *Tunam* appellant (Europæi sicum Indicâ) si modo arbor dicenda est, quum sine caudice aut ramis adulescat, nihilque pene lignei habeat; verum forma illius jam vulgo notissima est. Dux autem illius species reperiuntur; agrestis quæ aut nullum fructum fert, aut ita spinosum ut nulli usui sit: & hortensis quæ fructus fert turbinata forma & sicum non dissimiles, eadem pene mole & glabros, quorum cute crassiore detracta pulpa interior apparet, granis quamplurimis referta, prædulcis & gratissimi saporis, eaque aut alba quæ præstantior judicatur, aut rubicunda purpureave, ita ut manus sanguineo colore tingat, sicuti mora, & urinam comesta simili colore inficiat, quæ res medicos ignaros interdum luse. Est & alia species, Americanis *Nochezeli Nopalli* aut *Nopal nochezli*, quæ licet tales fructus minime ferat, tamen majoris sit & diligentius colitur, quia fert pretiosum illud granum, quod vulgo *Cochinilla*, à Cocco veterum, dicitur, tinctoribus ob elegantiam coloris tantopere expetitur; id granum siccatur ab indigenis atque inferitur toti Europæ ditissimo commercio: quinque mille sexcentis septuaginta arrobas anno c1510 lxxxvi una classe in Hispaniam traductas refert *Acosta*. Hæc planta loca amat temperatiora; *Herrera* illius culturam ita describit: *Cochinilla* granum quam plurimis *Nova Hispania* regionibus generatur ad arborem quæ vocatur *Tuna*, quæ crassissima habet folia, quibus propagatur in locis apricis & ab aquilonibus defensis; Est autem vivum animalculum vel potius insectum, à cimice forma non multum abluens, quum primum plantæ se applicat pulice paulo minus, è semine erumpit acari magnitudine, & arborem integram atque adeo totum hortum implet, & semel atque iterum quotannis colligitur; arbores certo ordine instar vitium disponunt & studiose colunt, & repurgant à zizaniis; quo recentiores sunt plantæ, eo copiosius & præstantius ferunt granum: imprimis autem necessarium est ut à variorum insectorum injuria defendantur, nec minus à gallinis quæ granum devorant; uruntur vulpinis caudis ad plantas detergendas ne novella insectorum seminaria lædant; ubi autem jam satis adoleverint, magna cura eximuntur, necanturque aqua frigida aspersa, atque in umbra siccantur & conduntur fistilibus: eadem & cinere injecto enecant, deinde abluunt, atque aliis insuper modis suffocant; frigida tamen enecta cæteris præstant. Plurimis denique modis granum à mercatoribus adulteratur quatuor enim fere illius reperiuntur species; una quæ nullius pretii colorem fundit utpote agrestis & iniqua: altera nigrior, quæ etiam sponte & absque cultura provenit: tertia montensis quam chichimecam vocant, inferioris quoque notæ; quas omnes quartæ quæ culta & optima censetur, permiscet. Optimum longe granum dat *Tlaxcala*, cujus indigenæ præstantissimam tincturam ex illo conficiunt; quia pictores utuntur & feminae ad facies infucandas) hoc modo, comminuunt & macerant in decocto arboris *Tezhuatl*, addito pauillo aluminis, & ubi refecerit cogunt in tabellas quas Hispani vocant *Grana en pan*. *Fr. Ximenez* scribit hanc plantam gummi quoddam producere,
- 40 quod renum & urinæ calorem temperet: Succum autem plantæ, aut aquam ex illa extractam admirabile remedium esse contra febres pestilenciales & biliosas.

C. A. P. IV.

De floribus quibusdam & herbis, animalibus & gemmis Novæ Hispaniæ.


- I**NDIGENÆ *Novæ Hispaniæ*, præ ceteris nationibus, maxime delectantur floribus, atque ex iis corollas & feras elegantissima componunt, quæ *Suchiles* appellant; mira quippe hic florum elegantia & infinita pene varietas, quorum nonnulli & odoris suavitatem præcellunt, quales imprimis illi quos arbor quædam fert, quam *Floripondio*
- 50 vocari volunt, nullos præterea fructus ferens; sunt autem liliis paulo majores, campanularum instar penduli, candidissimi, staminibus è medio liliorum instar emicantibus: Spirant suavissimum odorem, præsertim aura matutina sufflaminant; Floret arbor toto anni tempore sine intermissione. Quales & illi, quos fert arbor *Xuchinacastli* vel *Hueinacastli*, Hispanis *Flor de la oreja*, à figura, nam constant foliis interiori parte purpureis, exteriori virentibus & ita dispositis ut aurem referant; suavissimi & gratissimi odoris. Et quos arbor *Tolloxochitl* fert, quorum umbelicus cor refert, cinctus multis

multis foliis albicantibus & interiori parte subrubentibus, grandibus, & glutinosis atque benecolentibus: quæ imprimis magni faciunt, tam ob singularem elegantiam, quam insignes qualitates contra affectus uterinos. Quales denique flores arboris *Cacaloxochitl* (nam omnes recensere longum esset nimis) qui sunt grandes, pulchri & fragrantissimi odoris; quidam coccinei coloris, quidam candidi & plurium colorum; nascuntur ex illis fructus, siliquæ grandes, crassæ & rubicundæ, quarum pulpa in medicina usurpatur ad ventriculum & intestina mundanda.

De Flore Africano aut Thunetano (ut vulgo creditur quum potius Americanus esse videatur) de quo Dodonæus & alii egerunt; hic non dicerem, nisi author meus *Fr. Ximenæ* quædam annotaret quæ operæ precium fuerit cognoscere. Scribit autem 10
pag. 1. l. 3 c. 12. florem hunc à Mexicanis vocari *Cempoalxochitl* à multitudinem foliolorum, & ab Hispanis Clavellinas de las Indias, falso autem credi esse veterum Othonam aut Florem Jovis; forma jam omnibus satis nota est: plerique qualitates & virtutes illi attribuunt venenosas: hic contra salubres; quas ita describit. Succus Foliorum floris, aut ipsa folia contusa & de vino aut aqua hausta, medentur ventriculo refrigerato; movent urinam, menses & sudores foris applicata ante accessum solvunt rigores febrium intermittentium; discutunt flatus; excitant venerem, sanant cacochexiam è causa frigida natam, aut ab intemperie jecoris; aperiunt obstructa; relaxant nervos contractos; medentur hydropi; cum frigida sumta cient vomitiones; denique admirabile est remedium adversus omnes affectus frigidos, evacuando causam mali per urinam & sudores. 20
 Plures sunt illius species, sed maxima proprie *Cempoalxochitl* appellatur; ex hac fit balsamum ad vulnera curanda, friendo in oleo communi & addendo succum eorumdem florum, donec consumatur & reliquum percolando, pauillo ceræ admixto ut densetur in unguentum; singulare est remedium contra vulnera & hæmorrhoides. Nihil hic de virosa qualitate; & tamen de una eadem planta loqui Dodonæum & alios, atque hunc Ximenem ex omnibus circumstantiis liquido apparet. Iudicent herbariæ rei Periti. Agnoscit & aliam herbam nomine *Cempoalxochitl*, sed ab hac diversam, quæ fert folia Chachorei spinosa & ferrata, asperaque, juxta originem nigricantia aut cinerea: caules palmares, luteos & qui desinunt in flores, instar floccorum cardui, à quibus nomen accepit: hujus decoctum est amarum, & in enemate sumtum solvit 30
 alvum, movet urinam & sedat dolores ventris; est acris & subtilium partium; calida & sicca in tertio gradu: prodest tussi, provocat sternutationes & succus naribus inditus educit slegma.

Herbarum paucas recensebimus ob peregrinam illarum naturam, & alias qualitates: & imprimis quàm barbari *Tcinpatli* & *Quimithpatli* vocant, Hispani *Cevadilla*; cujus aliquot reperiuntur species, sed præcipua fert folia longa & angusta, lineis quibusdam distincta secundum longitudinem; caulem tres palmos longum, cui spicarum annascuntur grana instar hordei, sed minora: tam urente & caustica vi prædita, ut in gangrenis & malignis ulceribus quum cauterio opus est, eosdem edat effectus, quos sublimatum atque adeo candens ferrum. 40

Secundò *Thilxochitl* quæ est herba volubilis, foliis instar plantaginis, sed longioribus & crassioribus; scandit arbores, easque complectitur: fertque siliquas oblongas, angustas & quasi rotundas, quæ redolent balsamum Novæ Hispaniæ; iconem illarum ad vivum expressam hic subjicimus: miscentur celebri potioni Cacao; pulpa illarum est nigra minutis seminibus referta instar papaveris; ferunt duas illarum aqua maceratas mirifice movere urinam.



Tertiò *Chichimecapatli*, quæ folia habet longa & tenuia, caulem tenue & cubitalem, radicem forma & magnitudine nucis, exterius nigram, intus candidam, è qua succus emanat viscosus: est calida & sicca in quarto gradu & vehemens efficacia, unde cum summo discrimine usurpatur; nam quantitate scrupuli sumta ex aliquo liquore, tam recens, quam sicca (& sicca quidem tutius) purgat supernam & infernam omnes

omnes humores noxios: barbari tamen ex hac & *Coccolie*, componunt quosdam trochiscos, quorum dragma una egregie & sine noxa purgare creditur.

Quarto *Mecaxuchill* herba humi repens, cujus caules sunt teretes, contorti & læves, præterquam ubi pediculi foliorum enascuntur, quæ fert grandia, crassa & quasi rotunda, odorata & acris saporis; fructum fert similem piperi oblongo, qui miscetur potioni *Cacao*, eique addit gratum saporem: corroborat cor & ventriculum; attenuat crassos & lentos humores & insigne est alexipharmacum contra venena; fructuum icones hic adjecimus, quos accepimus in fasculis colligatos, quemadmodum Europæ inferuntur.

10



20

Atque hoc est piper illud cujus Monardes meminit cap. LIV. licet in eo fallatur quod altæ cujusdam plantæ fructum credidit: nam revera fructus est oblongus, crassitudine quidem funiculi at dimidii pedis longitudine, ut autem appareat quantum differat à pipere quod proprie longum vocatur, (de quo Garlas ab Horto in Aromaticum Historia cap. XII.) Hic porro illius quoque historiam attexam, (nam planta est Novæ Hispaniæ quoque familiaris) ex authore quem lubenter hic sequor, *Fr. Ximenez* Plantam inquit, quæ fert piper longum, solent Philippinarum Indigenæ appellare *Buyobuyo* & Mexicani (apud quos non minus crescit) *Tlaslanquaye* atque etiam *Acapatli*; habet autem truncos contortos ad modum sarmentorum & in iis folia similia foliis candidi piperis, sed longiora & acutiora; fructum teretem, longumque: folia sunt odorata, sapore acri & mordaci, calida & sicca in tertio gradu & subtilium partium; semen nusquam perfecte maturatur aut eam consequitur perfectionem ut sementi aptum sit, itaque colligitur quum jam rubescere incipit, & exponitur soli ut mature scat & ita servatur: siccum atque etiam viride comeditur, neque male nutrit, addit bonum gustum cibis, modo ne igni, postquam admixtum fuerit, admoveatur, nam si ebulliat statim amittit saporem & virtutem.

30



40

E fruticum classe tantum hic recensere *Pinahui xihuil*, quem alii vocant *Cocochiatl*, qui quatuor palmos ut plurimum altus, caudices habet tenues & spinosos, folia in sex partes divisa & inter se in modum fasciculi conjuncta; radicem sarmentis ferream; flores & fructus ad modum castanearum, principio virides & postea rossios, racematim pendulos. Mirabilis est planta, nam folia vel minimo contactu aut afflatu humano se contrahunt atque marcescunt.

50

De armentorum & pecudum infinita pene multitudine alibi dicemus, quæ vel eo æstimari potest quod sexaginta millia tergorum taurinorum anno c10 10 LXXXVII una classe ex hisce provinciis in Hispaniam missa fuisse testatur *Acosta*. Inter peregrina animalia, quæ cæteris quoque Americæ utriusque regionibus familiaria sunt, numerantur primò *Ayotochtli*, Hispani vocant *Armadillo*, quod animal alibi plenius describemus. Secundo lacertorū quædam species, *Calrete* vocant & *Thema Cuicabuga*, haud dissimilis Europæis lacertis, Hispani in hisce provinciis vocant scorpionem est animal tres tertias ulnæ partes longum, cauda prolixa, cruribus brevibus, lingua rubicunda, lata & divisa in duas partes, capite obstituto & monstroso, lente promovel, estque operum corio duro variegato, & multis punctulis distincto candidis & fulvis, annulorum instar corpus ambientibus, & à capite ad caudam & extremirates crurum elegantiori ordine descendentibus. Magis aspectu horrendum, quam morfu metuendum, qui licet damnosus sit, non tamen est lethalis: nec facile lædit, nisi prius offensum. Tertio *Crocodyli* qui hic in variis paludibus reperiuntur & ab indigenis appellantur *Acutizpalin*: de quibus author meus *Fr. Ximenez* observat; sub jugulo hujus animalis reperi

periri certas glandulas, similes fabis, muscum redolentes, quæ præfens remedium sint adversus ardentem febrem: ventriculorum autem illius excrementum, bene lotum, & siccatum ad solem, & in pulverem redactum, si dragmæ pondere sumatur, mirabiliter movere urinam, lapillos comminuere, &que renibus atque vesica depellere. Eundem illorum, excrementis tantum excrementis, in furno lente tostata donec plene siccetur, in pulverem dein redactum admirabile remedium esse adversus hydropem; si pulvis quantitate cochlearis exhibeatur mane, post prandium, & paulo ante cænam; aut semel aut bis tantum quotidie, prout vires ægri ferre possunt.

Cervorum ingens hic est numerus, quos barbari vocant *Mamaza*; & rupicaprarum quas appellant *Mazathcum* variis prænominibus pro colorum & molis diversitate. Unum adhuc animalculum hic addo *Tlaquatzin* (quod & in aliis Americae regionibus reperitur & varia nomina obtinet) quod idem *Fr. Ximenez* ita describit: Forma est catelli, rostro tenui & prolixo atque depili, capite exiguo, subtilissimis auriculis, oculis minutis & nigris, pilo prolixo, candido rerum in summitate pardo & nigro; cauda rotunda, duos palmos longa, instar anguium coloris pardi & sub finem nigri, qua totum corpus quum libet suspendet: parit quatuor aut quinque catulos, quos in lucem editos, circumgestat in pelliceo sacco, sub ventre juxta mammas, qui ita à natura factus est, ut non facile apertura illius discernatur; Subit arbores mira velocitate, & infestum est avibus domesticis, instar vulpeculæ, cætera innoxium. Cauda hujus animalculi mirabile remedium est adversus nephritidem, nam dragmæ quantitate ex aqua sumta, mirifice mundat ureteres, expellit arenas & calculos & alia excrementa quæ meatus illos obstipare solent; excitat venerem; generat lac; medetur colicis doloribus; prodest parientibus: denique vix credibile est quantis virtutibus polleat.

Nascitur quoque hic in certis arboribus, quas indigenæ appellant *Quapatli*, atque etiam aliis, quas à similitudine Hispani vocant cerasos, certa species vermium pilosorum & asperorum, qui sunt rubri coloris, crassitie pennæ anserinæ, longitudine duarum unciarum; hos barbari coquunt in aqua donec dissolvantur & pinguedo omnis supernatet, quam despumant & servant ad multos usus: (Axin ipsis dicitur) nam illita mitigat quosvis dolores in quacunque parte corporis; relaxat nervos contractos, resolvit humores; & mixta cum terebinthina & tabaci succo utilissima est contra hernias, nam facillime discutit humores collectos è quacunque causa.

Volatilium elegantia, varietas & copia incredibilis: inter aves autem eminere hic creditur *Cozquanuhili*, sive ut Mexicani vocant *Aura*, magnitudine gallinæ Aegyptiæ, plumis per totum corpus nigris, excepto collo & partibus pectori vicinis, ubi è nigro subrubescunt, alæ juxta originem sunt nigrae, cætera cinericeæ atque fulvo & purpureo colore mixtae; ungues incurvi; rostrum simile psittacorum, in extremitate rubrum; narium foramina patula, oculi nigri, papilla fulva, palpebrae rubentes, frons sanguineo colore & multis rugis horrens, quas instar gallopavi contrahit & diducit, cui accedunt crines rari & crispi instar Nigritarum; cauda aquilæ superiori parte nigra, inferiori cinerea: vescitur anguibus, gliribus, lacertis & fimo quoque humano: volat pene continuo, & supra fidem fere nititur contra ventum etiam vehementissimum: Caro illius inutilis, nec usurpatur in cibis. Est & alia ejusdem species, quam Mexicani *Tzopilotl* vocant: utraque autem gravem de se fundit odorem. de aliis alio loco dicitur.

De Gemmis jam pauca addamus: Mexicani vocant *Eztesl* gemmam, quæ videtur species Jaspidis herbacei, cum punctulis quibusdam sanguineis; affirmantque alligatam brachio aut collo, quosvis fluxus sanguinis sistere: quare & pulverem illius indunt naribus, quum immoderate sanguinem fundunt.

Reperitur hic & alia species Jaspidis punctulis quibusdam albis variegata, quam vocant *iztliayotli* quætzaliztli aut smaragdum obscurum, & brachio aut regioni renum alligatam ferunt sedare dolores nephriticos, rumpere lapillos & expellere quævis excrementa, quæ meatus obstruunt. Vide quæ Monardes de hac observat.

Est item tertia, colore magis obscuro & sine punctulis, & ponderosior, quam vocant *Tlilayotli* & umbelico admotam colicis doloribus volunt mederi.

Denique

Denique (ne omnes commemorem) gemma quædam nigra, ponderosa, admodum polita, quam adversus uteri morbos admodum utiorem faciunt. De qua & Monardes.

Sed jam ad singularum provinciarum descriptionem tranſeamus.

MEXICANA PROVINCIA.

CAP. V.

10 Provincia Mexicana sive Archiepiscopatûs limites, & partes
sive provinciæ minores.

ARCHIEPISCOPATUS, & provincia quæ ab urbe principali Mexicana appellatur, continens inter cætera municipia omnia & pagos qui per utrumque lacum sparsa sunt aut ripis illius assident, de quibus mox dicitur: dividitur ad ortum per provinciam *Chalco* ab episcopatu *Tlaxcalensi*, ad occasum à *Mechoacana*. Patet in longitudinem inter austrum atque arctum centum & triginta leucas, in latitudinem qua mare australe contingit octodecim tantum, in mediterraneis ubi latissima est, sexaginta. Complectitur autem plures minores provincias, antiquius quidem dominiis, nunc tantum nominibus distinctas, quarum veluti centrum est metropolis *Mexico*, habens versus aquilonem *Lateotlalpan*, *Mezilán*, *Xilotepequen* Her. d. 4. & *Panucum*; versus Favonium *Matzingo* & *Cultepequen*; versus ortum *Teseuco*; versus Luc. 5. *Eurum Chalco*; ad austrum primo *Suchimilco* dein *Tlaluc*: inter Austrum & Africum *Coyxcan* & omnium remotissime *Acapulco*. Vulcanus porro qui inter hanc & *Tlaxcalensem* provinciam interjacet (ut ab eo particularem descriptionem ordiamur) ab indigenis appellatur *Popocatepet*, distans à *Cholula* secundum Gomaram octo leucas: est mons eminens, cupressis, cedris, pinis, quercubus proceritatibus & materiei exquisitæ, torus obitus: Pagi radices illius ab aquilonari plaga contingentes, *Tlaxcalensi* episcopatu annuerantur, ab australi vero Archiepiscopatu: clivi illius admodum
30 sunt fertiles & tritici atque gossypii feraces: Accolæ loquuntur linguam Mexicanam. *Texco* alumine candidissimo & pellucido dives sita est ad radicem montis, à quo planities descendit ad *Chiauslam* gossypio & maizio opulentum pagum: fervet hic cælum, raris pluviis: montes vicini vastas arbores nutriunt, quæ nobilissimum Copal & Animum exsulant, mense Novembri potissimum, quo minimum pluit, leviter vulnerata. *Chiausla* subest vicinus pagus *Ocoslan*, ubi puteus visitur aquæ salæ, è qua indigenæ optimum salem coquunt: his succedunt haud longo intervallo *Contecomapa* & *Gualtepeque* pagi, quorum indigenæ *Mistecensium* idiomate utuntur, atque hic *Jaspis* è monte eruitur, elegantissime virens & ad Porphyrium accedens: hi pagi abundant maizio, uti & *Pasonala*, cuius incolæ sunt ejusdem dialecti, & *Tecamotla* atque *Pucla*
40 pagi qui ad Episcopatum Guaxacensem pertinent: *Autecuma* ætærum potente, stativa militum hic erant, bello tum flagrante inter ipsum & *Tusepecenses*, qui magnam provinciam incolunt ad mare usque Australe, nunc *Guaxaca* conjunctam. A *Pucla* ad *Castlam* sedecim leucarum iter est, per medios *Amnisorum* fines, qui limitem inter hanc & *Ometopal* dividunt. Duabus citra hanc leucis *Tuculula* aditur, auri venis dives atque frugibus, verum crebris terræ motibus obnoxia, adeo ut incolæ in humilibus casis *Bobios* vocant: è cespite aggestis & stramine desuper rectis, vivere cogantur: mari australi ita vicini, ut murmur fluctuum facile possint exaudire. Atque hætenus è Vulcano ad extremos usque Mexicanæ provinciæ & mare Pacificum, Archiepiscopatûs provinciæ ad eum pertinent, & diocesis ab Episcopatu Guaxacensi dividitur.

50 A metropoli vero versus austrum sita sunt municipia *Coantraguacal*, *Acapitla*, *Gualtepeque* & *Autepaque*, Marchionis Vallensis peculium, loca peramena, cælo quidem ferundo, sed solo crebris torrentibus riguo, agrisque mayzii & gossypii feracissimis: floruntque elegantium & benevolentium rosarum perarundis: pertingunt autem ad ejusdem Vulcani radices: hic optimum & candore atque soliditate præcellens saccharum tribus quatuorve machinis conficitur. Juxta hæc jacet *Tlapa*

altis collibus & profundis vallibus distincta, abundans frumento & auri venis nobilibus, è quibus incolæ multum auri colligunt & tributi loco pendunt. Huic contigua est provincia *Cuexco*, multos habens pagos, & copioso mellis, ceræ, tritici atque gossypii proventu locuples: *Zumpango* vicus sub hac censetur cum ditibus argenti fodinis *Martini de yerbo* & *Gundisalvi Ceresii*: hæc regio pertingit ad *Acapulcum* notissimum maris Australis portum, complectiturque complures insignes pagos qui omnes ad Archiepiscopatum pertinent.

Rursus ab eadem Metropoli Mexico versus *Atlacabayam* & montana tendendo, primò *Alapulcum* deinde *Xalzacum* venit septem ab urbe leuc. ultra hæc *Tlaxco* provincia occurrit & frequentissima Hispanorum colonia, juxta nobilem argenti fodinam, in qua multa servitia jugiter occupantur & argentum devehunt ad urbem: sunt ibidem ferrariæ insignes: hæc provincia spectat ad Africum, duciturque per quamplurimos pagos ad mare australe. Ab *Atlacabaya* autem, priusquam *Xalzacum* attigeris, aliâ viâ ad occasum dividitur, quæ ad vallem *Matalzingo* ducit, cujus principalis pagus appellatur *Toluca*: longe lateque patet hæc vallis, incoliturque à barbaris Otomiis novem ab urbe leuc. pascuis abundans atque armentorum pecudumque gregibus, tam incredibili fecunditate, ut *Didaci Nonnii de Camargo*, binarum ovium futuram in valle *Azompan*, intra decennium, ad quadraginta millium gregem, singulari industria promouisse prodatur ab *Herrera*. Ab hac valle, alia rursus semita versus Africum descensens, ad *Tuxaltithan* vicum progreditur & duodecim leuc. ulterius ad *Maltepequen* pagum argenti metallis nuper inventis nobilitatum: hæc via porro Africum inter & Zephytonothum tendit ad Mare Australe per multas provincias atque pagos, qui Archiepiscopatus accensentur. *Matalzingo* autem ad occasum proxima est *Txtalavaca* usque ad *Taximaroam* triginta ab urbe leuc. quæ ad Mechoacanensem Episcopatum refertur, illumque dividit ab Archiepiscopatu. *Zacatlum* & *Colymam* petentibus hac iter est per amplissimas Mechoacanæ provincias. Rursus à *Matalzingo* paulum ad Corum descendentibus, *Xiquipilco* & *Chiapa* pagi sunt obvii, quorum incolæ mayzio victitant & Maguey.

d. 3. j.
c. 9.

A Metropoli Mexicana recta ad Corum proficiscentibus, *Escapuzalco* & *Tenyanca* occurrunt, & quatuor ab hisleucarum intervallo *Guatilan*, & statim *Atexepis*: Huic contigua est *Xilotepeque* provincia Otomiis habitata: gens est pusilli animi, tardissimique ingenii atque adeo pravi, quæque ob sermonis inconcinnam breviteratam & asperitatem, religione difficulter admodum potest imbui: laborum alioquin tolerantia reliquas Novæ Hispaniæ nationes facile superans: Hæc provincia dividitur à Mechoacanensium pagis versus Corum, incoliturque multis municipiis & pagis & fruitur maximam partem cælo admodum temperato. *Xilotepeque* ad Arcum adjacet *Tula*, insignis pagus, cujus incolæ Otomitica lingua utuntur, agrosque gnaviter colunt.

Porro à Metropoli Mexicana versus arcum progredientibus primum obvia fit *Tepeaquilla* atque inde *Ecatepeque* & *Atotobilco*, *Tulanzingo* & *Mextitlan* provincia, optimi aluminis ferax, cælo temperato atque salubri, solo multis piscosis amnibus irriguor incolis industriis, in texendo telas gossypinas: in hac provincia ferri metalla à servitiis excoluntur. Ex hac in *Guaxatecarum* provinciam transitur, in qua plures sunt pagi ad flumen Panucum & S. Stephani oppidum pertinentes: indigenæ utuntur idiomate peculiari & à Mexicano multum diverso.

Ab urbe autem versus aquilonem, *Otumba* & *Tepeapulco* adeuntur, nobiles pagi, solo frumenti atque graminis æque feraci: hisce proxima est *Guaxinango* provincia, argenti venis locuples: sequitur deinde *Papantla* atque *Tupax* provinciar, quam *Tupax* vel *Tuxpa* fluvijs perlabitur, in Fretum Mexicanum egrediens, è regione Insulæ quam vocant *de Lobos* à lupis marinis; cælo admodum insalubri ob nimium æstum, & orarum maritimarum supinam declivitatē.

Ad ortum urbis *Texcoco* sita est & inde *Gueytulpa* atque *Zacatepe*: à qua paululum ad boream descendentibus montes ascenduntur quæ inter *Tuxpa* & *Sancti Petri Paulique* amnium alveos medii discurrunt. Atque hæc tenus Archiepiscopatus ad orientem pertinet & hisce limitibus à Tlaxcalensi Episcopatu separatur.

Viâ denique quæ ab urbe ad Veram crucem ducit, *Ategoztepeque*, quæ Episcopatu

patui Tlaxcalensi attributa est & à barbaris Otoniis incolitur, limes provincie Mexicanæ clauditur. In Mexicana provincia seu Archiepiscopatu, varia metalla numerantur cum suis municipiis, quæ distant à Metropoli; *Puchca* leucæ. quatuordecim: *Tasco* duo supra viginti; *Tziquiquilpa* plumbi fodinæ idem duo supra viginti: *Talpayana* viginti & quatuor: *Temozaltepeque* oðodecim: *Cultepeque* viginti & duo: *Zacualpa* viginti: *Zumpango* quadraginta: *Guanaxnato* sexaginta: *Comania* septem supra sexaginta: *Achiacica* oðodecim ab Angelorum civitate. *Gantla* denique, *Zumatlan* & *Sant Luis de la Paz*, quorum distantia ab urbe non produntur. Atque in hisce fodinis quæ omnes, una excepta, argenti sunt, supra quatuor millia Hispanorum, præter servitia, industriam suam atque operam dicuntur exercere.

C A P. VI.

Lacus Mexicani & Metropoleos descriptio.

PRINCIPALIS non modo Archiepiscopatus, sed & totius Novæ Hispaniæ atque adeo Americæ est *Mexico*, olim indigenis *Tenoxitlan* vel *Tenuchtitlan* (quod etiam aliter ab aliis effertur) aut etiam *Temilatlan* dicta: distat ab Æquatore viginti gradus & aliquot scrupula versus Arctum: à Meridiano Toletano secundum ductum lineæ Æquinoctialis gradus tres supra centum: & secundum lineam directam leucas mille, septingentas, quadraginta; ita ut differentia à meridiano Tolleti sit horarum octo, ut à curiosis invenio observatum: Sita autem est in medio Lacus, qui quinque circiter leucas in latitudinem, ubi latissimus est, octo aut paulo plures in longitudinem porrigitur: in hunc à jugis montium qui circumquaque imminet magna copia sese præcipitant rivi, sed aqua fundi nitrosi vitio saluginem contrahit, ita ut turbida, amara, potuique inidonea sit: huic alius lacus exiguo intervallo coniungitur, dulcis, potarique pulcherrimus & minutorum pisciculorum ferax, magnitudine à superiori non multum discrepans: Hic perpetuo in falsum lacum influit & saluginem illius corrigit: Uterque latus supra triginta leucas ambitu complectitur, & præter hanc urbem, plus quam quinquaginta municipiis atque pagis, partim incolitur, partim accolitur; quorum quædam quinque millia domiciliorum jam olim habuerunt, quædam decem: Tezcucio denique ipsi urbi magnitudine quondam æmula fuisse creditur.

Nutrit hic Lacus (inquit Fr. Ximenez) pisces glabro corio testos, quadrupedes instar lacerti, palmum aut circiter longos & unciam crassos, sub ventre notulis quibusdam variegatos à medio corpore ad caudam sensim tenuiores sunt; cauda ipsis est longa & sub finem exilis, pedes, quibus natat, divisi sunt in quatuor digitos instar ranarum, caput grandius quam pro corporis mole, nigro rictu, qui fere semper illis hiat: quodque mirabile uterum habet fœmineo similem, patiturque menses suos uti sæpe fuit observatum; edules sunt atque anguillarum similes condianturque piperi & Chille: barbari vocant *Axolotl*, Hispani *Inguete de Agua*. Hauritur ex eodem Lacu, certa species luti, quam ad focum cogunt in orbes, ubi candida evadit instar nivis, unde à barbaris vocatur *Tizatlalli* sive terra candida, similissima est cerussa frigida & sicca, astrigendi facultate pollens sine ulla mordacitate: eadem fere præstat quæ cerussa. Plurimum autem optimi salis (*Satzl* vocant Mexicani) ad ripas prioris Lacus colligitur, ditissimo in hisce regionibus commercio: Nec minor copia optimi & absolutissimi nitri Mexicanis *Tequixquitl*. Innumeris quoque cymbis uniligneis hic navigatur, quas Mexicani sua lingua appellant *Alcales*.

Urbs ipsa in medio salis lacus (ut *Cortezius* prodidit) ædificata, tribus stratis aggeribus aditur, quorum unus ab occasu descendit mediam leucam longus, alter ab aquilone unam leucam, tertius denique ab Austro duas, per quem *Cortezius* olim hanc est aggressus & cepit ab ortu tantum cymbis aditur. Non tam multis canalibus hodie pervium est oppidum, atque olim fuit, licet calles angustæ etiamnum sint, & recti omnes: multæ in illo sunt aræ mercatu quotidiano frequentes, singulari civium compendio; & præter has tria fora præcipua, quæ magno accolarum concursu certis hebdomadæ diebus frequentantur, barbari vocant illa *Tiangulilli*, Hispani *Tiangues*: Eorum unum antiquo nomine *Tlatolulco* dicitur, immane spatium quadrato ambitu

ambitu complexum, & à tribus lateribus porticibus & tentoriis instructum, in medio illius visitur hodie macellum & fons eleganti opere ab Hispanis substructus: alterum & ipsum satis amplum *S. Joannis* forum hodie appellatur: Tertium denique & principale *S. Hippolyti* (quem urbis patronum fecerunt) ad quod incredibilis hominum multitudo, diebus Mercurii & Jovis confluit; unicuique mercium generi suus locus designatus, atque adeo unicuique institori: merces quæ ad hoc forum comportantur, recensere longum esset, nihil enim è terra, ligno, auro argentoque fingitur, nihil in toto hoc tractu colligitur, aut aliunde importatur, quod hic desideretur. De urbis vero frequentia, qualis ante Hispanorum adventum fuisse traditur, nihil jam dicere attinet: hodie supra quatuor Hispanorum & triginta barbarorum millia illam ferunt incolere, exiguus numerus prout olim fuit. In quatuor partes sive regiones civitas jam olim divisa fuerat, quæ hodieq; mutatis tantum nominibus durant, quarum una *S. Joannis*, altera *S. Mariae* rotundæ, tertia *S. Pauli & Sebastiani*, quarta vero & maxima (olim *Tlatelulco*) hodie *S. Jacobi* nomine insignitur. Hic Tribunal regium situm est, cui Vice-Rex præsidet: hic palatium, & cæterorum ministrorum regionum sedes, denique & Archiepiscopi Cathedra, cujus suffraganei sunt Episcopi Tlaxcalæ, Guaxacæ, Mechoacanæ, Novæ Galæciæ, Chiapæ, Yucatanæ, Guatemalæ, Veræ Pacis & Philippinarum Insularum. Cathedrale templum Cortesius inchoaverat, Præfes autem Sebastianus Ramirez perfecit. Sunt præterea in hac urbe diversorum monachorum monasteria, Dominicanorum, Franciscanorum, Augustinianorum Carmelitarum, Societatis Jesu, de la mercede, Discalceatorum aliorumque itemque decem fœminarum, quas vocant Nonnas, diversorum ordinum. Item Academia illustris, in qua liberales artes, varique scientiæ à Cathedra docentur, varia Collegia, & Nosocomia: Denique supra tria Hispanorum millia habitant in vicinis Indorum pagis (quorum ducenti quinquaginta in hac provincia numerantur) in quibus, uti & in tribus millibus villis seu prædiis (*Eñancias* vocant Hispani) supra quingenta millia Indorum recensentur, qui tributum pendunt; præter centum quinquaginta monasteria diversorum religiosorum, & Jesuitarum aliquot Domos. In ipsa quoque urbe jam à pluribus annis Inquisitionis Hispanica domicilium fixit.

Ad cæli temperiem quod attinet, eisdem hic temporibus pluit, quibus in reliquis Novæ Hispaniæ regionibus, & Aquilone stante plerumque vespere, raro matutino tempore, interdum maxime serenat. Vespere plerumque, versus Aquilonem supra jugum montis *Tepeaquille*, qui leucam tantum unam ab urbe distat, se colligunt nubiæ & brevi momento sese urbi cum valido vento atque turbine superfundunt; neque ullum certius nimborum præsagium, quam jugum hoc nubibus operiri. Tempore autem pluviarum, cælum in urbe maxime est salubre, mane quidem sudum sub vespere humidius, noctu autem serenum & stellis illustre. Mensibus vero Novembri, Decembri, Januario, Febuario & Martio quibus rarissime admodum pluit, & solum arescit, singulis pene vespere turbo concitatur, qui nivosum pulverem tam valide excitat atque dispargit ut nebulae instar feratur & conspectum pene adimat, sub noctem autem cessat, ut quoque pluvia suis temporibus: Insalubris autem est hic pulvis & quo aridior & magis noxius, quum nares atque ora hominum impleat & graves dolores in hypochondriis excitet, & nonnumquam exitium adferat. Hi turbines pulverulenti non modò hic sed eò in tota nova Hispania per familiares sunt, sed alibi haud ita noxii: itaque hisce mensibus multi urbem vitant, alii ædes suas ante vespere arctissime occludunt, ut pestem hanc excludant, aut si vespertina aura frui libeat, marure antequam pulvis hic concitetur, in suburbanas villas aut vicina prædia secedunt.

Anno c1513 cxxxix ingens nobilissimam hanc civitatem oppressit calamitas, mense enim Octobri, perruptis inopinato aggeribus, tantum aquarum diluvium sese infudit in lacum ut totam civitatem absorberet, undæque etiam ediffissima defecit, & imprimis Vice-regis palatium penitus operirent, multa incolarum millia aquis hausta, suppellex omnis amissa aut corrupta, qui cymbis evaserant ad vicina municipia pene nudi se subdixerunt; utrum postilla aliquod remedium tanto malo inventum fuerit, mihi non constat, prudentiores de civitate actum judicabant; Vice-Regis & aliorum ministrorum avaritiam hujus causam fuisse scribunt; qui argen-

tum aggeribus fartis cœtis conservandis à Rege destinatum, nefario peculatu, interverterint.

C A P. VII.

Loca maxime illustra circa Lacum & urbem Mexicanam, Chulula, Texcoco, Quilavaca, Texcapalapa, aliaque.

INTER famosiora loca quæ in Ambitu & ipso Lacu olim vixebantur, facile primas tenebat *Chulula*, magna olim civitas, & ipsi pene Metropoli æqualis; præcipuumque Novæ Hispaniæ Dominium post rempublicam Tlaxcalensem, singulare superstitionum gentilium sacrarium & longe antiquissimum. Incolis olim frequentissima, in planicie substructa erat, fere viginti millibus domiciliis constans (præter innumeras in vicinia villas, hæc illæ sparsas) & plurimis templis decorata cum suis turribus, quas dies anni numero æquasse ferunt, adeo ut memoriæ proditum fuerit, sex millia infantum utriusque sexus, ad aras cæli & dæmonibus immolata fuisse singulis annis. Præfectum habuit populi suffragiis designatum, qui cum sex optimatibus atque sacerdotibus omnia pacis bellicque munia, domi forisque administrabat, nihilque aggrediebatur, nisi de quo ante fuisset deliberatum & nomina religiose consultata. Unde hæc civitas omnium deorum domicilium apud reliquas harum regionum nationes audiebat. Eadem & celeberrimum erat emporium variarum mercium, quas incolæ singulari industria parabant. Ager enim illius cochiniæ est feracissimus, solumque & sata læte producit, & pabulum armentis atque pecoribus abunde sufficit. Indigenæ tam mares quam femine, membris bene compositis & moribus urbanis beneque cultis erant, & industrii mercatores: Vulgus tunicis vestiebatur & *Nequen* (panni genus est à fibris atque filamentis foliorum *Henequen* contextum) opulentiores autem togis gossypinis, quibus fimbrias addebant, variis plumis aut cuniculorum pellibus eleganter prætextas.

Secundum locum merebatur *Texcoco*, vastum municipium, & quondam Hispani duplo majus, domiciliorum elegantia & semitarum opportunitate spectabile, in planitie itidem ædificatum ad oram Lacus salis; nihilo tamen secius dulcibus & potabilibus aquis abundans, quas per varios aquæ ductus de vicinis montibus derivant. Distat ab urbe sex leucarum itinere secundum oram Lacus, ut Cortesius tradit.

Quilavaca tota in aquis substructa erat, instar Venetiarum, unde Hispani illam Venezuelam appellant, salubris locus & piscatu dives; aditur per semitam silicibus stratam, quæ viginti palmos lata, & pene dimidiam leucam longa erat: olim fere à duobus millibus familiarum incolebatur.

Texcapalapa circiter decem millium domiciliorum municipium, dimidia sui parte in Lacu salso, reliqua ad ripam illius constructum; habens plurima stagna dulcium aquarum, in quibus varii pisces nutriuntur: & fontem ad viam quæ in Metropolim ducit, arboribus amœne septum; duas quidem leucas ab urbe, sex vero abest à *Texcoco*; ad urbem iter pertinet per semitam satis latam, silicibus stratam, adeoque directam, ut portam Mexicanam statim, post levem initio sui flexum, exhibeat.

Ad hujus latus, *Mexicalzingo*, quatuor millium domiciliorum pagus in ipso Lacu erat substructus; atque *Cuyocan* sex millium domorum ad ejusdem ripam, loco salubri & in agro imprimis fertili atque amœno: *Huicilopucho* denique quingentarum ædium pagus. Tria hæc loca excellis turribus, multisque templis erant ornata, quæ ita resplendebant, ut eminus argentea viderentur, quæ nunc fere in monasteria ab Hispanis sunt conversa. Salis hic ingens copia reperitur, non tamen aut candidi aut grati in cibis, sed ad muriam tantummodo idonei; coquitur ex ipsa terra, quæ in tota hac vicinia admodum salsa & nitrosa deprehenditur: opulento mercimonio, quia ad varias partes transportatur.

Guatilan distat à Mexico leucas quatuor: *Tenianca* duas: *Ezcapanalco* unam; secundum ripam Lacus: *Tacuba* ipsi proxima est.

Suchimilco insignis est locus, in ipso Lacu dulci, quatuor ab Urbe leuc. versus Austrum, binas autem à *Cuyocan*.

Queretaro provinciae *Xilotepec* (de qua supra) pagus, fontem habet calidissimum, eujus aquae quum primum erumpunt, ita fervent, ut quaecunque attigerint, statim adurant; tepediores vero factae pecus mirum in modum saginant. In eadem provincia & alter fons celebratur, qui quatuor continuis annis scaturit, deinde quatuor sequentibus deficit, & rursus ad priorem modum erumpit: & quod mirabile, pluviis diebus, parcius, quum solum est tempus & aridum, copiosius exuberat. Quamplurima sunt in hac provincia argenti metalla: multaeque fert herbas singulares in medicina usus. Notandum denique inter *Queretarum* & *S. Iohannis* pagum, in campis, qui haud supra novem leucas in longitudinem patent & binas tantum in latitudinem, supra centum millia armentorum, ducenta millia pecudum, & decem millia jumentorum pasci; tanta hic est pabuli copia atque praesentia.

C. A. P. VIII.

Acapulco oppidum & portus ad mare Australe.

ARCHIEPISCOPATUS Mexicanus portus suos habet ad utrumque Mare, celeberrimum autem ad Meridionale, qui a provinciae nomine vulgo *Acapulco* appellatur: Septemdecim gradus & aliquor scrupul. ab Aequatore distans versus Arctum. Sex leucarum intervallo ab amne vulgo *de los Topes*, qui Archiepiscopatum a *Tlaxcalensi* Episcopatu determinat ad occidentem, octo autem a fluvio *Cistala* & duodecim a *Milla fluv.* versus ortum.

Portus hic vasto ostio & supra leucam lato sese aperit ad mare Meridionale sive Pacificum, directe adversus meridiem, in eus autem duobus veluti brachiis se continenti insinuat, quorum unum ad orientem se convertit, adversus incerta omnium ventorum egregie praemunitum, ubi naves in variis recessibus & in anchoris constitui, & in sicco subduci, quum res postulat, commodissime possunt: alterum vero primum recta ad Arctum tendit, deinde ad occidentem se convertens, oppidum aluit atque arcem, onerariis navibus accipiendis peridoneum: ita ut hic portus inter securissimos & capacissimos facile primum locum jure suo mereatur. Occidentiori ostii angulo, objacet exigua & aspera insula, continenti pene annexa.

Oppidum haud ita magnum est, distans a Metropoli leucas octuaginta (uti à *Petro Texeira* in Itinerario fuit annotatum) difficili & periculoso itinere, ob montium altitudinem petrarumque aspera, frequentia item flumina, densissima nemora, incolarum denique triste & humile ingenium, maxime autem ob eorumdem infrequentiam: Tria enim flumina satis ampla in hoc itinere trajicienda: quorum primum quod vocant *del Papagajo* pontone trajicitur: Alterum, Hispanis *de las Balsas*, rapidissime decurrens & Tago nequaquam minus, quod ratibus ingentium cannarum inter se junctis & cucurbitis insuper additis, barbari natando superare consueverunt: Tertium *S. Francisci* licet ingens quoque, vado transitur. Viatores toto hoc itinere mirum in modum infestantur à culicibus, *Mosquitos* vocant Hispani; quorum morsus adeo sunt virulenti, ut homines nonnumquam enecent. Antequam autem ad Urbem perveniant, Marchionatus Vallenensis, qui primo harum regionum debellatori Fernando Cortesio titulum dedit, est transeundus. Haecenus è *Texeira*. Anglus autem qui anno 1610 hac iter egit, testatur se ab *Acapulco* per inculta triginta leucarum spatia, primum venisse *Zumpangum* Indorum pagum (de quo supra) dein *Cuernavacam* Marchionis Vallenensis municipium haud incelebre, distans à Mexico tredecim leucas.

Porro Mexicani mercatores in hoc portu *Acapulcensi*, quatuor tenent onerarias majores, quibus commercia exercent cum Philippinis insulis & Sinarum regno. quod supra duo millia leucarum ab hoc portu abesse tradunt: Solvunt plerumque binas onerariae mercibus Europae onuste mense Martio, & redeunt Junio infrequentis anni: tam lucroso commercio, ut vulgo credatur, peculium intra duos annos decuplo augeri posse: velunt autem hae naves quando revertuntur ditissimum gazam.

Spilbergius noster cum classe sua anno 1615 hunc portum ingressus, quum Hispanos non inopinantes quidem, sed tamen imparatos opprimere & oppidum capere atque diripere potuisset, inconsulte, ut à multis creditur, & non ex-

ploratis

ploratis ante hostium viribus atque animis, satius habuit cum Præfecto pacisci & comiteatu in classem impetrato nihil hostile moliri. Narrat in suo diario, in Arce quæ portui imminet, tum fuisse tormenta ænea septemdecim, prædarios quadringentos, præter nobiles quamplures, qui undique accurrerant, & varios belli apparatus. Quum autem Classis Nassavica anno 1615 cxxxiv in hoc portu in anchoris staret, à nostris observatum, Arcem quæ haud procul ab oppido, cornu quoddam terræ occupat, novis operibus nuper fuisse communitam, additis quatuor propugnaculis, & lapideo muro undiquaque firmatam.

Cæterum oppidum plerumque annonæ penuria laborare dicitur, longe enim petendum esse & quum advecta fuerit, ab iis qui quotannis in occidentem navigant, exhauriri, ita ut hic locus præter portum nihil memorabile habeat.

CAP. IX.

Digressio de antiquis Mexicanorum institutis.

NON abs re facturus videor, si hic de antiquis Mexicanorum moribus, Republicæ forma, Regum origine atque successione, rebus denique gestis pauca commemoravero: siquidem hæc primùm natio nobis in hac America descriptione occurrit, quæ aliquam politicæ formam habuerit.

20 Mexicanos (quod omnis Reipublicæ fundamentum est) singularem inventus instituentæ rationem habuisse produnt Hispani, idemque à libro barbaris & rudibus picturis expresso apparet, quem Vir Doctissimus, optimèque de hisce studiis meritus *Samuel Purchasius* Anglus nuperrime in lucem protulit in laborioso suo opere. Quarto à nativitate die, obsteritrix, infantem nudum in aream domicilii juncis stratum efferebat, masculum quidem cum iis instrumentis, quibus pater victum quærere erat solitus, femellam autem cum fuso, scopis & similibus utensilibus; in medio vasculum aqua plenum positum erat, in quo illum abluebat, è regione tres pueri confidebant, quibus pulmentum è maizio & leguminibus (quod *Yxicue* appellabant) apponebatur, qui saturati, puero jam abluto nomen imponebant. Dein, post dies viginti
30 Parentes offerebant puerum, aut Sacerdoti in Templo, quod *Calmacac* appellabant, sacris ordinibus ubi ætatem quatuordecim aut quindecim annorum attigisset, initiandum: & pro militiæ Præfectis atque magistris, quos *Teachauca* aut *Telpuchelato* dicebant, militaribus disciplinis instituendum: Domi interim dum adolesceret, pro ratione ætatis & victum præbebant, triennibus quidem dimidium panem, quadrimis integrum, à sexto vero ad decimumtertium ætatis annum, sesqui alterum, deinceps binos: & pro suo modulo aliquid agere docebant, uti quinto anno levia onera ferre, sexto pueros quidem forum verrere & spicilegium facere, puellas fufum tractare & ita porro: denique negligentes aut contumaces primo minis terrebant, spinis *Maguey* ob oculos positis, deinde & castigabant, spinis eisdem illos pungendo, aut bacillis
40 cædendo, aut *Axi* suffimigio naribus subiecto misere torquendo.

Connubia legitima hoc ordine celebrabant: Pronuba, quam *Amanesam* vocabant, sponsam tergo gestans, quatuor fœminis comitantibus quæ pincis tædis præluerent, illam post Solis occasum; ad limen domus in qua parentes sponsi manebant, sistebat, qui acceptam in atrium introducebant, & super stoream humi stratam è regione sponsi collocabant, & utriusque fimbria in nodum constricta copulabant, duobus senioribus totidemque matronis vel uti testibus utrimque assidentibus: tum Copal diis incendebatur, exuabant deinceps conjugati, & mox reliqui vocati, ænaque absoluta vinculum solvebatur & leges connubiales dictabantur. Addit *Gomara* primo quatrinduo non convenire, sed radere se & sanguinem elicere solitos, quem diis connubialibus offerrent, quarta demum nocte, thorum conjugalem à Sacerdotibus sterni & quibuscumque ceremoniis consecrari, à conjugibus autem suffumigari atque ita demum conjuges misceri: postero denique mane stratum, vestes & imprimis sanguinem quem eliciissent diis in Templo offerre, ibidemque à sacerdotibus benedici & aqua munda aspergi, quater quidem in honorem *Tlaloc* quem Nepruno, quaterque ad reverentiam *Ometechli*, quem Baccho Hispani respondisse tradunt.

Qui autem sacris ordinibus initiabantur, *Tlamacasqua* dicebantur, & primum solum Templi verrere, aut ligna bajulare, aut alia ad idolorum cultum necessaria senioribus subvehere cogebantur, negligentioresque aut contumaces gravissimis tormentis castigabantur: atque ita sensim ad honestiora ministeria promovebantur. Militariis verò disciplinis imbuendi *Tequinarum*, id est, speculatorum aut virorum bello clarorum arma bajulabant, iisque alia servitia præstabant, donec & ipsi capto aut occiso hoste aliquo in militares ordines asciscerentur.

Regimen politicum Mexicanorum antiquis temporibus Aristocraticum fuit, deinde ad unum delatum, qui non successione aut hæreditate, sed libera electione, primum à toto populo, deinde ab optimatibus ascisceretur: nam à temporibus *Tzoatl* 10 quatuor Electores è nobilitate Mexicana & duo socii Reges *Texcoco* atque *Tacuba* Regem Mexicanum dicuntur elegisse. Ut plurimum autem juniores eligebant, uti bellicis laboribus ferendis aptiores. Singulare quoque subditorum in Principes obsequium semper enituit. Regum primum familia modica, cum imperio atque opibus, luxus & magnificentia crevit, maxime sub Murezuma primo. Post Regem dignitate & autoritate eminebant Electores, qui plerumque è germanis aut consanguineis Regis allegebantur, eos *Tlacohecalatl*, id est, Principes spiculorum vocabant. His dignatione proximi erant *Tlacatecalatl*, id est, hominum mastratores. Tertium locum obtinebant *Eznabucatl*, id est, sanguinis profusores: quartum denique *Tlillancalqui*, id est, Domini casæ nigrae, à nigro unguento quibus Sacerdotes se illinere consueverant. Ex hisce quatuor ordinibus Regis senatus constabat, neque facile quisquam ad regnandum vocabatur nisi ex uno aliquo horum ordinum.

Præter hos multi inferiores ministri censebantur, quorum alios *Tecalli* vocabant, qui erant veluti prætores urbani: alios *Mixcoatlaysotlac*, *Exguagacatl*, *Acachacapanecatl*, & *Tequiquinabucatl* qui veluti iudices erant ordinarii & lites populi dirimebant & justitiam administrabant. Nuncios autem suos & apparitores *Teputchli* vocabant, ii fere juniores & cælibes eligebantur ut ad cursuram magis idonei essent: Nam è remotissimis provinciis ad Regem referebant in linteis picta, quæ characteribus exprimere non poterant. Singulis autem provinciis præerant Regis vice gubernatores, vulgo *Petlacacatl*, quibus adjuncti erant Tributorum exactores, quos *Calpixque* vocabant. 39

Eorum autem quæ tributi nomine à singulis provinciis atque urbibus quotannis pendebantur census in picto libro visebatur, cujus exemplar idem *Purcasmus* in laborioso suo opere exhibet: è quo facile est colligere, quanta fuerit imperii Mexicani magnitudo, & quam ingens thesaurus singulis annis in ærarium fuerit relatus. Etenim unaquæque provincia pro sui qualitate, ea quæ solum ferret, aut industria incolarum elaboraret magno numero pendebat: etiam liberos suos ut dæmonibus immolarétur.

Militiæ denique potissima illis cura fuit, variique militares ordines & dignitates à Regibus constitutæ, atque amplissima præmia fortissimis viris decreta.

Breviter his desungimur neque superstitiones illorum attingimus, quia prolixius à Gomara & Acosta aliisque sunt commemoratæ. 40

C A P. X.

Mexicanorum Idioma, numerandi & scribendi ratio, menses, anni, seculum & modus rerum-gestarum memoriam conservandi.

NOVÆ Hispaniæ indigenæ infinita pene idiomatum varietate inter se discrepant, quæ non tantum dialectis variant, sed plane diversæ sunt linguæ; inter universas autem maxime excellit Mexicana, quæ & vicinis nationibus, etiam longinquis, postquam Mexicani imperii sui fines longe lateque propagarunt, tam communis esse cepit, quam in Europa Latina aut in Asia Slavonica: ita ut in singulis pene provinciis interpretes illius haberentur, quos *Nagualatos* vocant. Ut autem Lector gustum aliquem hujus idiomatis percipiat, paucula quædam hic inseremus è vocabulario in civitate Mexico impresso. Partes corporis humani hisce nominibus ab ipsis designantur.

Caput <i>Tzontecostli</i>	Pectus <i>Telchiquihitli</i>	Jecur <i>Telpathtli</i>
Capilli <i>Tzontli</i>	Humeri <i>Abcolli</i>	Cor <i>Tolochitli</i>
Frons <i>Ixcuaitl</i>	Brachia <i>Matzotzopatli</i>	Pulmones <i>Chichitl</i>
Oculi <i>Ixcelototli</i>	Manus <i>Maytl</i>	Lien <i>Taxixtecon</i>
Aures <i>Nacatzli</i>	Digiti <i>Mahpilli</i>	Renes <i>Netlotetemca</i>
Maxillæ <i>Camachalli</i>	Ungues <i>Ixtitl</i>	Genua <i>Tlanguitl</i>
Os <i>Camactli</i>	Nervi <i>Tlalhuayotl</i>	Crura <i>Metzquauhyotl</i>
Dentes <i>Tlanstli</i>	Venz <i>Tetzalhuayotl</i>	Pedes <i>Ixtitl</i>
Lingua <i>Nenepilli</i>	Venter <i>Xillanstli</i>	Suræ <i>Corçtli</i>
Collum <i>Cocotl</i>	Dorsum <i>Cniltapanstli</i>	Tali <i>Xoquochilantli</i>

Colorum varietates discernunt hoc modo:

Candidum <i>Iztac</i>	Nigrum <i>Tilitic</i>	Pardum <i>Nexic</i>	Cæruleum <i>Texutic</i>
Luteum <i>Coztic</i>	Viridem <i>Quistic</i>	Rubrum <i>Chichiltic</i>	

Rerum naturalium nomina hæc observanda duximus.

Mons <i>Quauhila</i>	Cervus <i>Maçat</i>	Anser <i>Tlalalacatl</i>
Collis <i>Tepest</i>	Cuniculus <i>Tuchitli</i>	Anas <i>Canauhtli</i>
Vallis <i>Ixtlahuastl</i>	Sus <i>Pitzotl</i>	Palumbis <i>Huilotl</i>
Arbor <i>Quahuistl</i>	Leo <i>Ocelotl</i>	Pavo <i>Pelompatox</i>
Herba <i>Xihuitl</i>	Lupus <i>Cueslachitli</i>	Scorpio <i>Colotl</i>
Fons <i>Ameyalli</i>	Vulpecula <i>Coyotl</i>	Pedicular <i>Atemitl</i>
Torrentis <i>Atlautitli</i>	Felis <i>Miztli</i>	Aurum <i>Coztic</i>
Fluvius <i>Atoçatl</i>	Canis <i>Chichi</i>	Argentum <i>Teocuitlatl</i>
Pons <i>Quauhpanstli</i>	Equus <i>Cabuyao</i>	Plumbum <i>Temetzli</i>
Lacus <i>Zahzacatla</i>	Taurus <i>Quaquahne</i>	Ferrum <i>Tepoztli</i>
Anguis <i>Cobuatl</i>	Lacertus <i>Acuetzpalin</i>	Cærum <i>Ihuicatl</i>
Formica <i>Azcatl</i>	Pulex <i>Tecpin</i>	Sol <i>Tonatiuh</i>
Ignis <i>Tleotl</i>	Accipiter <i>Cacalin</i>	Luna <i>Metztli</i>
Cinis <i>Nexitli</i>	Aquila <i>Cnauhtli</i>	Stella <i>Cihlabin</i>
Carbo <i>Tecollit</i>	Corvus <i>Acacotli</i>	Nubes <i>Mixtli</i>
Pluvia <i>Qujahuitzli</i>	Pittacus <i>Tuznene</i>	Tonitru <i>Tlatlatzinil</i>
Ventus <i>Teccatl</i>	Pica <i>Hueyizanastl</i>	Fulgur <i>Tlahuiztequiltzli</i>
Gelu <i>Zerl</i>	Coturnix <i>Zulin</i>	

Personas ita distinguunt, *Nebuatlego*, *Tehuast*, tu, *Tehuast*, ille.

Gradus ita: Pater *Tahtli* Mater *Nanili* Filius *Tepiltzin* Filia *Tenchpoch* Frater *Teoquichtinich*, Soror *Tehmetrin*, Avus *Tecoltzin* Patruus *Tetlahitzin* Dominus *Teutitli* Servi *Tlacotli*.

Denique numerant in hunc modum. 1 *ce* aut *centetl*, 2 *ome*, 3 *yei*, 4 *nahuy*, 5 *macuilli*, 6 *chicuatlen*, 7 *chicome*, 8 *chicuey*, 9 *Chicunahuni*, 10 *Matlaçtli*, 15 *Caxtolli*, 20 *zempohualli*, 40 *ompohualli*, 50 *ompohualli on Matlaçtli*, 60 *yepohualli*, 70 *yepohualli on matlaçtli*, 80 *Nauhpuhualli*, 90 *Nauhpuhualli on Matlaçtli*, 100 *macuipohualli*, 1000 *ontzonitli ipan macuipohualli*, &c.

Porro Mexicani licet characteribus destituerentur, & scribendi artem ignorant non minus quam cæteræ nationes Americæ, tamen picturis quibusdam veluti hieroglyphicis notis mentem suam satis dextrè exprimebant, eisdemque non modo rerum gestarum memoriam conservabant, sed & liberorum institutionem & alia quævis describebant. Numeros quoque certis notis designabant, viginti quidem hæc

P & ejusdem notæ multiplicatione usque ad ducenta, ita ut cæterum significaret. Quadringenta rursus hæc nota indicabant **PPPP**

& ejusdem repetitione ad quatuor millia. Denique octo millia operosa hæc nota significabant: quas notas in censuali tributorum passim videre est juxta res ipsas quæ tributis nomine pendebantur ruditer admodum depictas: minorum autem aut majorum numerorum notas non potui in illo libro observare.

Annum ut scribit *Gomara* dividebant in octodecim menses, viginti dierum singulos, qui efficiunt dies trecentos sexaginta, reliquos inter-

cala-



calabant, neque quicquam operis illis diebus, ut scribit *Acosta* faciebant, tantum
otabantur & genio indulgebant, ne Sacerdotes quidem sacris operabantur;
contrarium scribit *Gomara*, & illos istis potissimum diebus, crudelissimis sacrificiis
operatos testatur. Mensium autem nomina hæc commemorat: *Tlacaxipenzalizi*:
11 *Toxactli*: 111 *Hueitocuztli*: 14 *Toxactli* aut *Tepupoahuilzli*: 4 *Etalinalizli*: 5 *Tecu*
cuilhuicintli: 711 *Hueitocuilhuil*: 7111 *Miccatluicintli*: 12 *Veimiccuilhuil*: 12 *Chapaniz*
li vel *Tenavauilzli*: 12 *Pachli* vel *Hecozi*: 1211 *Hueipachli*: 1211 *Quecholl*: 1211 *Pan*
quecalizli: 12 *Hatemuizli*: 1211 *Titli*: 1211 *Izcalli*: 1211 *Cooxitlex*. Initium anni
ipsis à nostro Martio vel ut *Acosta* observat à xxvi Februarii. Menses autem non
modo ista nomina sed & suos characteres habebant: plerumque à festis sumtos, quæ
in illos incidebant, aut ab anni tempestatibus.

Viginti quoque illi dies singuli sua nomina & notas habebant, ut idem *Gomara*
prodit, hoc modo: 1 *Cipactli* gladiolus: 11 *Hecarl* sive *Tecatl* ventus: 111 *Calli* casa:
14 *Cuetzapalin* sive *Acuetzapalin* lacertus: 5 *Cohuatl* anguis: 6 *Mizquintli* mors: 711
Mazatl cervus: 7111 *Tuchli* cuniculus: 12 *Atlaqua*: 12 *Izcwinihli* canis: 12 *Ozumatzli*
simia: 1211 *Malinali* scopæ: 1211 *Acatl* canna: 1211 *Ocelotl* Leo: 1211 *Cohuatl* aquila:
1211 *Coezacuahuil* bubo: 1211 *Olin* templum: 12111 *Texpatl* cultellus: 1211 *Quiauitl*
pluvia: 22 *Xuchitl* Rosa. Eisdem dies in tredecim dierum classes, ut ita dicam, distingue-

bant, & præscripto exiguo circulo instar literæ o, & toties quoties opus
erat multiplicato ordinem & numerum notabant. Annos quoque in si-
miles classes, atque secula distribuebant: constabatque ipsorum secu-
lum, quatuor ejusmodi classibus, id est, annis duobus supra quinquaginta
Nec tamen in annorum descriptione, pluribus quam quatuor fi-
guris seu notis utebantur, casæ, cuniculi, cannæ & cultelli: Annorum
tredecim classem, prout ipsi pingebant, hic subjicimus.

Ultimo autem die seculi sui 1211 annorum, omnia vasa sua confrin-
gebant, ignemque exinguebant: nam quum à majoribus suis accepisse-
rent, mundum seculari anno interiturum, id quinquagesimo secundo
quoque anno operiebantur: itaque totam noctem pervigilabant me-
tuentes ne haud denuo illucesceret: Sole vero oriente, buccinis tibiisque
lætitiam suam testabantur & festum celebrabant, diis suis gratias agen-
tes, quod novum adhuc seculum mundo prorogassent: nova sibi vasa
atque aliam suppellectilem comparabant; novumque ignem à sacerdo-
tibus petebant.

Denique hoc quinquaginta duorum annorum seculum, ita ad memo-
riam distinguebant; circulo ducto, in centro pingebant solem, & ab
eo ad circumferentiam ducebant lineas quatuor, orbem dividentes in
quatuor partes æquales, suis coloribus distinctas, viridi, cæruleo, rubro
& fusco: quæ singulæ ad oram circumferentiæ divisæ erant in tredecim
intervalla & suis notis ut supra distinctæ: ad singulos annos extra circu-
lum rudi pictura adumbrabant, quicquid memorabile accidisset, atque
ita rerum gestarum memoriam ad posteros dimittebant.

CAP. XI.

*Origines Mexicanorum, eorumque Principes
secundum Gomaram.*

NARRANT Historiæ Mexicanæ (inquit *Gomara*) Chichimecas
primum ad has terras venisse anno à Christo nato secundum no-
stras rationes 15 cxxi. Primus princeps quem produnt dice-
batur *Totepeuch*, qui circiter anno centesimo post eorum adventum de-
cessit, ita ut hunc aut valde longævum fuisse necesse sit aut anteceden-
tium Principum memoriam temporis injuria intercidisse. Hoc mortuo
convenerunt in *Tula*, ibidemque in parentis locum sublegerunt *Topilem*
viginti duorum annorum juvenem, qui circiter quinquaginta annis
regna-



regnavit. Post illum centum & decem annorum intervallo Principum nomina ex-
 ciderunt: Et quom advenæ hi pessime cum indigenis, nec satis bene inter se conve-
 nirent, duos in *Tula* principes elegerunt, quorum unus *Demac* versus unam plagam:
 alter *Nauhiocin* natione *Chichimeca* suos duxit versus Lacum Mexicanum: hic sexa-
 ginta annis tenuit principatum: eique successit *QuauhTexcatl*; dein *Decin*; Huic
Nonovalcalt; Deinceps *Achitometl*; portio *Quauhronal*; cuius principatus anno de-
 cimo *Chapultepec* sunt ingressi. Huic successit *Macazin*; dein *Queza*; deinceps *Chal-*
cuitona; portio *Quauhelix*; atque inde *Iohuallatonaci* cui successit *Cuisthel*, hujus anno
 10 moratur *Xinilemoc*; dein *Cuxcux*; & portio *Acamapichili* cuius anno sexto *Achitometl*
 unus è magnatibus rebellavit, & Rege cum sex liberis trucidato tenuit tyrannidem
 annis duodecim. *Illancuetl* reginā vel ut alii volunt nutrix cum *Acamapichin* Regis
 filiolo se subduxit in *Covatlichan*. *Achitometl* autem postquam duodecim annis cru-
 delissime in subditos fuisse debacchatus, exitium metuens profugit in montana,
 & civitas *Culhuacan* pene deserta fuit, principatusque inter Dominos *Azcapuzalco*,
Quauhnanavac, *Chalco*, *Covatlichan* & *Huexocinco* divisus. *Acamapich* interim adoleve-
 rat, & ob generis splendorem in civitatem Mexicanam revocatus, in Regem omnium
 consensu eligitur. Is viginti nobilissimorum virorum gnatas accepit in uxores &
 procreavit quamplurimos filios, quos præcipuis provinciis præposuit, urbem *Culhua-*
 20 *can* restauravit, eique dedit præfectum filium suum *Nauhiocin*. Hoc Rege superstitē
 res Mexicanæ plurimum creverunt, erat enim fortitudinis & prudentiæ singularis,
 tenuitque principatum annis sex & quadraginta: decedens tres reliquit filios qui
 successive post illum regnarent; primum quidem major natu *Vicilivisl* qui filiam
 Reguli *Quauhnanavac* uxorem habuit: Secundo *Chimalpopoco*; Tercio denique *Tecoua*,
 qui fuit Rex *Azcapuzalco*, *Quauhnanavac*, *Chalco*, *Conatlichan* & *Huexocinco*: Sed Re-
 gni veluti socios habuit *Necovalcayocin* Dominum *Tezucil* & *Tlacopan* Regulum:
 atque ita deinceps conjunctim regnatum fuit, ita tamen ut primas teneret Mexica-
 nus, secundas Tezucencis, tertias Tlacopanus. *Tecoua* successit *Motezuma* filius
Vicilivisl, nam consuetudo obtinuerat, filios parentibus non succedere quandiu pa-
 30 trui superessent, post illorum autem decessum, majoris natu fratris filius surrogaba-
 tur. *Motezuma* huic successit filia, quæ cognato nupta genuit tres filios, qui ad
 eundem modum successive regnarunt: & quidem primo *Axayaraca*; deinde *Ti-*
cozica & tertio *Auhiza*. Quem denique secutus est *Mutezuma* 11 filius *Axayaraca*
 anno à Christo nato 1519, hunc à Cortesio in suo palatio captum Mexicani in
 tumultu ictu saxi vulnerarunt, è quo vulnere paulo post decessit. Mexicani autem
 pulsus è civitate Hispanis *Cuervavacum* in imperio subrogarunt, fratrem *Mutezumæ*,
 ut *Herrera* scribit, aut consobrinum ut *Gomara*, qui aliquot tantum mensibus su-
 perstit, morbo vatiorum extinctus: successit ei *Quantimoc* summus sacerdos &
 40 *Mutezumæ* è fratre cognatus, sub cuius imperio paulo post urbs à Cortesio fuit capta
 & regio Mexicana finis impositus.

C A P. XII.

Duces & Reges Mexicanorum secundum Acoſtam.

PAUL O prolixius Mexicanorum originem & Regum successiones, narrat Aco-
 ſta, nos tantum compendio hic referemus.

Primi (inquit) Novæ Hispaniæ incolæ fuerunt *Chichimeca*, homines rudes,
 immanes omniſq; humanitatis pene vacui; (de quorum moribus alibi quoq; dicitur)
 atque *Otomies* his paulo cultiores: neutri tamen auragos colere aut politicè vivere
 50 affueverant: Sed supervenerunt aliæ nationes è remotioribus ad septentriones re-
 gionibus, quas uno nomine *Navatlacos* vocarunt, id est, homines qui distinctim ani-
 mi sui sensa possent proloqui: putantur autem antiquitus incoluisse regionem illam,
 quam nuper inventam Hispani Novam Mexicanam appellarunt. Septem populos
 fuisse ex pictis annalibus colligitur, in quibus origines suas septem antris exprimunt.
 Non simul autem omnes hi populi sese moverunt: Sed primi *Suchimilci* (id est populi
 qui flores colunt) qui Lacum hodie ad Meridiem accolunt in sui nominis municipio.
 Deinde

Deinde aliquo temporis intervallo *Chalca* (id est populus buccarum) juxta priores sedes sortiti, quorum memoriam adhuc Chalco servat: Tertiò *Tepaneca* (id est gentes pontis) qui ad occidentalem Lacus oram ædificaverunt, tantum brevi tempore augmentum ceperunt, ut oppidum suum *Azcapuzalco*, id est, formicarum antrum vocarent: Post illos advenērunt *Culva* & extruxerunt Tezcucum: atque ita Lacus ora undique cincta fuit, hisce ad orientem, Tepanecis ad septentriones tendentibus. Quinto advenērunt *Tlatlucis* (quod nomen sonat Montenses, erant enim magis inconditi & barbari quam præcedentes) qui quum ripam lacus jam undique circum reperiissent, superatis montibus, regionem amplam & imprimis fertilem occuparunt & urbem *Quahuhahuac* condiderunt, id est, locum ubi aquilæ vox auditur, 10 quæ hodie ad Marchionatum pertinet & corrupte Cuernavaca appellatur. Sexto venerunt in hæc loca *Tlascalteca* (id est gens panum) qui montes nivales transgressi plures pagos & municipia condiderunt & imprimis caput gentis Tlaxcalam. Cæteri quidem *Chichimecis* nequaquam reluctantibus, sedes sortiti fuerant, his autem ingens certamen cum gigantibus fuit, quos tamen astu superarunt, nam ad symposium vocatis & jam ebrietate solutis, arma clam subduxerunt, atque ita inermes nullo pene negotio confecerunt: Nequis autem hoc de gigantibus fabulosum opinetur, narrat Acosta, anno c1510 LXXXVI in certo Sociorum prædio, quod *Iesus del monte* appellatur, sceleton ejusmodi gigantis effossum, ejus ipsæ molarem dentem viderit pugni humani magnitudine. Post illa non modo Tlascalteca sed & reliqui 20 advenæ quiete cum indigenis & inter se egerunt, connubiis & aliis pacis firmamentis inter se devincti: ipsique *Chichimeca* paulatim advenarum mores & cultum ceperunt imitari. Trecenti jam & duo anni præterierant, ex quo priores illi è finibus suis exierant, quum septima natio, quam Mexicanam vocant, ex *Aztlan*, & *Tuculhuacan* profecta accessit, gens politica & bellandi gnara: Dæmonium *Vitzilipatlil*, quod adorabant, ingentibus promissis & amplissimarum regionum possessione imperioque in superiores sex nationes, illexerat illos ex antiquis sedibus: præferebatur idolum illius in atca juncea à quatuor sacerdotibus; quibus dæmon & ordinem itineris & leges atque ritus sacrificiorum exponebat: ubi quiescendum erat, ante omnia in medio castrorum idolum in tugurio super aram (Christianorum altari similem) 30 collocabant, deinde illa munia obibant. Videtur (inquit Acosta) Dæmon peregrinationem Israëlitarum ex *Aegypto* in terram promissionis imitari voluisse. Dux gentis erat *Mexi*, à quo urbi & populo nomen mansisse videtur. Lentis itineribus in hunc modum progressi in Mechuacanam provinciam pervenerunt, ejus amœnitate ob varios pisces Lacus quum summo opere caperentur, ibidem optabant subsistere, sed vetuit Dæmon, & aliquot tantum hic mandavit manere, quos nudos, vestibus inter natandum subductis, destituerunt; atque inde capitale odium inter populos utriusque provincie perennasse volunt. Distat Mechuacan à Mexico circiter quinquaginta leucas, in illo intervallo *Malinalco* pagus occurrit, qui hæc occasione coli cepit: Erat in exercitu præstigiatrix quædam, quæ se Dæmonii germanam fe- 40 rens à populo adorari volebat; hanc Mexicani cum sua familia, Dæmonis monitu subsistere coegerunt; unde hodieque hujus pagi incolæ præstigiorem haud ignari judicant. Mexicani porro longitudine itineris defatigati & ob plures colonias in itinere relictas; multum numero imminuti, in *Tula* paulum sibi quiescendum putarunt, & Dæmonis oraculo moniti, grandem fluvium objecta mole in planiciem vicinam derivarunt, ita ut restagnaret ut amœnissimum montem *Coatepec* lacus in modum undique cingeret: illubuit multis tantopere loci amœnitatis, ut Dæmoni post aliquot annos ut procederent imperanti, minime auscultandum existimarent: ille autem iratus primum Sacerdotibus mandavit, ut disiecta mole, fluvium alveo suo restituerent; dein noctu horrendo tumultu castra complevit, manequè omnes illi 50 qui progredi detraxerant, mortui & exenterati sunt inventi: quæ crudelitas postilla in ipsarum immolationibus viguit. *Chapultepecum* deinde ventum, montem amœnissimum & una tantum leuca ab urbe Mexicana distitum, inde post anceps cum Chalcis & Tepanecis prælium, in quo ducem suum *Vitzilipatlil* amiserunt, superiores facti, *Aztlacubayam* Culhuacan municipium, indigenis in festo occupatis, intrarunt. Petitus deinde ad Domino *Culhuacan* ager, & impetratus in *Ticapan* (quod sonat

sonat aquas candidas | loco viperis & serpentibus, quos vicinus mons gignit, obnoxio, ut illic perirent; verum illi Dæmonis sui consilio, angues non modo superarunt, sed & in cibis usurpare ceperunt. Ne tamen hunc quietis locum opinarentur, Dæmon ipsis alia certamina, aliamque migrationem prædixit, auctorque fuit ut Duci suo filiam Regis Culhuacan in uxorem deposcerent, qua facile impetrata, virginem conubiali nocte exenterarunt & juxta idolum suum in divani consecrarunt: tam immani crudelitati additum ludibrium, invitatus Pater ut filix suæ jam divæ (*Toci*, id est, aviam suam vocabant) litaret, qui cum advenisset cum plurimis donariis, in sacrarium obscurum introductus, ad incensi splendorem filix suæ pellem agnovit, & 10 Mexicanorum sævitiam abominatus, in illos cum suis infectus erupit & magna clade affectos fugere compulsi. Illi trepida fuga primum *Tzapotlan* atque inde *Acatzintlatan*, mox *Tzacalcum* & denique locum ubi nunc *S. Antonii* cænobium & vicus *S. Pauli* cernitur, petiverunt. Hic Dæmon suos consolatus, tempus jam venisse edicit, quo quietis locum & diu promissam imperii sedem fortiterentur: & noctu seniores sacerdotes monuit, ut quæreret Tunale è petra nascens, & supra Tunale Aquilam quæ elegantibus aviculis pasceretur; hunc enim locum urbi condendæ destinatum, quæ vicinis gentibus longe lateque imperaret. Requisitus diligenter locus, tandemque est inventus, ubi primo capellula idolo è cespite educta fuit: Dein urbis fundamenta facta, quam *Tenoxitlan* dixerunt, id est, Tunale super petram, uti & 20 insignia urbis denotant. Deinceps urbs in quatuor regiones distributa, exque rursus in minores vicos, singulique sui divi tutelares attributi, quos *Calpulteco* vocant: quin & atreæ singulis familiis divisæ. Displicuit ea divisio multis, qui se à reliquo corpore separantes, novas sedes in *Tlatelulco* occuparunt, non sine animorum divisione, quæ diu mansit. Visum deinde Regem eligere ut Rempublicam suam magis firmarent, petitisque à Culhuacanis *Acamapixtli* è nobili Mexicano & filia Regis Culhuacan prognatus: coronatusque fuit solenniter mitra, ei, quam duces Veneti gestant, non ab simili. Tepanecæ autem quorum terras Mexicani insederant, grave illis tributum imperarunt, quod quum illi Dæmonis sui auxilio præstitissent, aliud longe gravius, & sine divina ope impossibile postulatum, quod ramen & Dæmonis auxilio, ut sa- 30 bulantur, suo tempore reddiderunt. Decessit post illa *Acamapixtli* postquam quadraginta annos imperasset, & urbem multis ædificiis publicis, privatisque illustrasset, libera successorem eligendi potestate civibus suis relicta: qui tamen filium illius *Vitzilovisli* (nomen sonat plumam divitem) ipsi surrogarunt, & eodem unguento, quo idolum suum perungere consueverant, inunxerunt & coronarunt: Deinde *Ayanchigual* reguli Azcapuzalco filia in conjugem impetrata: quæ ipsi filium peperit cui ab avo *Chimalpopoca* nomen inditum, quod sonat patrem fumantem. Relaxatum deinde Mexicanis à Tepanecis tributum, Reginæ precibus, & duo tantum anseres & aliquot pisces imperati, in superioris Domini agnitionem. Obiit paulo post Regina & Rex *Vitzilovisli* ætatis suæ anno trigésimo, regni decimotertio, filium relin- 40 quens decennem, qui electione Magnatum parenti successit. Penuriam aquæ dulcis patiebantur Mexicani, lacustris enim cænosior est & potari inidonea, itaque Regulus *Azcapuzalco* rogatus, ut ipsis permitteret è *Chapultepec* aquam dulcem in urbem inducere, haud gravatim concessit, factusque aquæ ductus è cannis & cespite, qui quum crebrius rumperetur, missi ad eundem Regem legati, qui rogarent ut Tepanecæ mitterent fabros qui lapide & cemento eundem communiarent: Arrogantius Tepanecis hoc postulatum visum, atque advenis atque adeo subditis indignum: itaque inconsulto Regulo, quem nepori addictiorem verebantur, suis omni commercio cum Mexicanis, capitali pœna proposita, interdicit. Rex Azcapuzalco horum gnarus, magnates suos rogat, ut Chimalpopæ neporis sui incommunitati primum consul- 50 lerent, deinde de Mexicanis statuerent, prout ipsis videretur, plurimis visus est æquum postulare, sed duo principes contradixerunt, qui illum materno tantum sanguine ipsis devinctum, Mexicanis magis proprium rebantur, itaque denuo decretum ut Rex Mexicanus ante omnia è medio tolleretur; quod Rex ipsum tam graviter acceperit, ut ex animi dolore paulo post decederet. Tepanecæ interea intempesta nocte profecti, palatium Regis Mexicani clam ingrediuntur & adolescentem aliquot vulneribus conficiunt. Mexicani mane Regem salutatum venientes, quom obtrun- catum

Acama-
pixtli R.Vitzilo-
visli R.Chimal-
popoca
R.

Izcoatl
R.

carum reperissent, urbem planctu replent, & ira atque vindicta stimulis concitati unanimiter corripunt arma: jamque incondito agmine contra Tepanecas properabant, quum unus è Primatibus monuit, ne tam inconsulto nimis festinarent, sed ante omnia Regi iusta persolverent, eique darent successorem: Vocatis itaque ad exsequiarum solemnia Tezeuci atque Culhuacan proceribus, crudele Tepanecarum facinus flebiliter exponunt, se tamen non auxiliares copias adversus illos petere, tantum rogare ut commercia sibi cum illorum subditis libera permanere sinant, cetera sibi cura fore; quod quum impetrassent, ut Electioni novi Regis interessent perierunt. Electus *Izcoatl*, Acamapichtli è servà genitus, ceterum fortitudinis & prudentiæ singularis; magno omnium applausu, præcipue Tezcucanorum, quorum Rex germanam hujus in uxorem duxerat. Prima consultatio de bello Tepanecis inferendo habita fuit, verum vulgus, hostium numerum atque arma (quibus superiores esse illos noverant) metuens, Regi supplicari cepit, ut pacem bello anteferreret, malle se Tepanecis, ut ante, servire, eorumque coloniis ascribi, quam armis in certum exitium ruere. Rex vulgi precibus moveri visus, Sacerdotes cum suo Idolo ad Regem Azcapualco supplices procedere jubet, verum *Tlacaell* regis consobrinus, fortissimus adolescens, stitit agmen & magnifica oratione Regem & proceres est dehortatus ne tantum dedecus admitterent, atque eo usque promovit, ut Regem incepti pœniteret, & consilia magis salutaria Reipublicæ caperet: functus quoque ipse legatione ad Tepanecas, non sine discrimine, qua denuntiabatur Mexicanos pacem modò æquam quàm bellum malle, ipsi quod præferrent eligerent; & bello, siquidem id malle viderentur, denunciato incolumis & aliquot hostibus prius occisis ad suos est reversus. Omnibus autem ad bellum inferendum rite præparatis, convenit inter plebem quæ certamen detractabat & nobilitatem, ut si nobiles victoriam reportarent, plebs ipsi in perpetuum vêtigalis fieret, sin secus accidisset, nobiles se plebeis mactandos & immolandos traderent. *Tlacaell* exercitum ducere iussus, illum in duas partes divisit, & tam fortiter rem gessit ut Tepanecas magna clade percussos profligaret & oppidum illorum Azcapuzalco primo impetu caperet; & plurimos mortales hac illæ palantes sterneret: Urbs direpta & opima spolia capta & inter viatores divisa: ager denique hostilis viritum nobilibus distributus & plebs Mexicana prout convenerat nobilibus addita. Impetus deinceps in *Chuyocanos* factus, qui Azcapuzalco excidio nihil territi, hostilia in Mexicanos non sine ludibrio ausi fuerant, & ejusdem *Tlacaell* virtute debellatum, *Chuyocan* urbs capta atque direpta, quique excidio superfuert in deditionem accepti & tributarii sunt facti. Haud dissimilis clades & *Suchimilcos* involvit, sed mitius cum victis actum, oppidoque illis integro relicto, semitam ad urbem Mexicanam communire & silicibus sternere iussi sunt, quo facilius commercia inter utrosque possent exerceri.

Murezu-
ma R.

Cuiclavaca, oppidi in ipso lacu siti, incolæ arte navigandi, qua pollebant, confisi, Mexicanis se facile pares vel etiam superiores opinantes hostilia meditabantur, quod quum Rex *Izcoatl* subodoratus esset, maximas copias adversus illos mittere parabat, verum *Tlacaell* tanto molimine nihil opus esse professus cum sola juventute Mexicana eos ita afflixit, ut se suaque ultro dederent. Perterruit hæc victoria & tot rerum prospere gestarum fama vicinos omnes & imprimis *Tezcucenses*, quorum prudentia maxime celebratur: itaque missis legatis se Mexicano imperio subjecerunt. *Izcoatl* autem anno regni sui duodecimo satis concessit, ei surrogatus fuit *Mutezuma*, magna celebritate electus & majori quam antehac pompa coronatus. Inoleverat jam consuetudo ut Rex electus certum captivorum numerum ex hostico raperet, qui festo coronationis crudeliter *Dzmoni* immolarentur: rapti ex provincia *Chalco*, nec tamen tunc perdonata fuit provincia, cujus incolæ bellicosissimi habebantur. Accidit autem paulo post res inprimis memorabilis, Chalenses siquidem Regis Mexicani fratrem in prælio captum, sibi Regem constituere satagebant, ille vero annuere visus, palum erigi & tabulatum supersterni jubet, tanquam è sublimi concione in ad ipsos habiturus, verum quum ascendisset, brevi oratione ad suos habita de integra sua in patriam atque fratrem fide, se præcipitem dedit, misereque periit: Chalenses tam crudele facinus

facinus abominati, ceteros captivos immaniter dilaniarunt. Rex Mexicanus post hæc cum maximis copiis in *Chalcenses* movit, iisque debellatis, vicinas quoque gentes usque ad utrumque mare perdomuit & virtute præcipuè Tlacaellis Mexicano adjunxit imperio. *Tlascalcas* intactos relinquere satius visum, ne aut bellorum materies juventuti exercendæ decisset, aut unde hostias diis suis immolandas abriperent. Ita ut huic potissimum Regi & exercituum illius imperatori Tlacaelli, imperii Mexicani amplitudo haud dubio debeat. Hoc regnante celeberrimum *Vitziliputzli* templum, aliaque ædificia publica barbara magnificentia fuerunt constructa. Obiit denique *Motezuma* vigesimo octavo imperii sui anno; Quumque
 10 Electores unanimi consensu Tlacaellelem elegissent, ille constanter dignitatem recusavit, & *Tizoc* licet admodum juvenem, neque tanto oneri parem, Parenti suo subrogari voluit: Verum Mexicani ignaviam hujus pertæsi, quarto imperii sui anno veneno sustulerunt. Successit illi germanus *Axayaca*, imperio dignior: decessitque Tlacaell jam provektor, cui à Rege & magnatibus atque universo populo magnificentissime, prout par erat, est parentatum. Rex autem nondum coronatus in Provinciam *Teguantepac*, pene ducentis ab urbe leucis, profectus, graviter cecidit hostes, urbem illorum expugnavit, atque regionem omnem usque ad *Guatlemum* (notissimum jam ad mare Pacificum portum) pervastavit, ita ut cum maximo captivorum numero triumphabundus rediret & coronam regni cum summa solemnitate susceperet.

Tizoc R.

Axayaca R.

Tlascalcas deinde incolas, licet ejusdem gentis, sed post primam illam secessionem semper discordes, Rege illorum in duello superato, domuit, & multis præterea victoriis nobilitatus, decessit anno regni sui undecimo. Electus magno omnium consensu in illius locum *Autzol*, qui in *Quauxtotlan* ditissimam provinciam & hodie quoque inter primas Novæ Hispaniæ, contendens, perduelles tam ingenti strage perculit, ut cum maximo captivorum numero in urbem reverteretur & auspicia regni caperet. Celebratur imprimis hujus Regis liberalitas & magnificentia, utpote cui plurima ædificia publica, & imprimis maxime necessarium aquæductum inde à Cuyocan derivatum, acceptum ferunt Annales Mexicani, quos rudibus picturis
 20 expressos in Bibliotheca Vaticana asservari scribit *Acosta*.

Autzol R.

Obiit autem anno regni sui undecimo; habuitq; successorem *Mutezumam secundum* cujus regni anno quinto & decimo, à Christo autem nato 1519 *Hernandus Cortesius* primum has regiones est ingressus. Breviter his defungimur, quæ curiosus Lector, prolixius poterit legere apud *Acostam*. Lib. vii. Historiæ Naturalis & Moralis.

Mutezuma R.

CAP. XIII.

Regum Mexicanorum series secundum Annales ipsorum pictos.

UPERIORIBUS annis diligentissimus rerum Indicarum illustrator *Samuel Purchasius* Anglus in locuplete suo rerum peregrinarum Thesauro edidit Historiam Mexicanam à *Teuch* regulo sive anno nostro 1500 ad *Mutezumam* posterioris exitum, olim ab Hispanis ex pictis Mexicanorum Annalibus expressam & notis illustratam, ab ipso vero in Anglicum sermonem versam; e qua compendio quoque annotare Regum Mexicanorum seriem, regni annos, & res gestas, operæ precium visum. licet multum discrepent à præcedentibus relationibus uti mox indicabimus. In hisce autem Annalibus ad marginem picti sunt anni per suas classes tredecim annorum, iis notis quas ante designavimus, in interiori spatio effigies primum Regis cum insignibus quæ nomini illius respondent, deinde ante illum arma, parma, sagittæque; postremo oppida ab ipso domita cum suis insignibus, quæ itidem
 30 cum nomine congruunt. Juxta autem annorum trisdecaterides semel atque iterum annus secularis, qui ipis est quinquagesimus secundus quisque, designatus specialihac nota uti ad annum vigesimum octavum regni *Teuch* & septimum regni *Huizilubuit*, & quintum *Mutezuma* posterioris; in cæteris omissam puto, licet author Hispanus qui Annales illustravit non videtur ignorasse quid nota illa sibi veller; nimirum hac designari annum ipsius formadibilem, quia à majoribus suis acceperant; hoc anno



seculari recurrente, ut plurimum ingens aliquod damnum, aut à diluviis tempestatibusque, aut ab hostilibus incursionibus ingruisse; aut denique quod supra annotavimus, hoc anno mundo exitium protendi.

Anno à C. N. cLo ccc xxii. Mexicani locum urbi condendæ ceperunt, quæ nunc Mexico appellatur, & quum à decem ducibus regerentur, *Tench* elegerunt qui cæteris præflet; Hic quinquaginta & uno annis præfuit, & *Culhuacan* atque *Tenyaucan* regno suo adjecit.

cLo ccc lxxiii. Successit *Acamapich*, regnavitque annis uno & viginti; hic subdidit imperio Mexicano *Quauhuacan*, *Mizquic*, *Cuistlavac* & *Xuchimilco*. 10

cLo ccc xciv. *Huizilhuist* filius *Acamapich*, patri succedens regnavit annis uno & viginti; subjugavit *Tolstlan*, *Quauhtlan*, *Chalco*, *Tulancingo*, *Xalisco*, *Osumpan*, *Acolmam*, *Tezcucum*.

cLo cccc xv. *Chimalpucan* Patri in imperio surrogatus, regnavit annis decem, subjecit oppidum *Tequixquiac* & Chalcenses rebellantes compestuit.

cLo cccc xxv. *Tzcoatzi* filius *Acamapich* fratri succedens, regnavit annis tredecim, & adjecit imperio Mexicano *Azcapuzalco*, *Coyacan*, *Teocalhuacan*, *Guauacan*, *Tlacopan*, *Atlahuacan*, *Mixcoac*, *Quauximalpan*, *Quauhtlan*, *Tupan*, *Acolhuacan*, *Mizquic*, *Cuistlavac*, *Xuocimvilcopu*, *Quauhtlaore*, *Huicilapan*, *Quauhuacan*, *Cuecalan*, *Cagualpan*, *Iztepec*, *Xuchitepec*, *Toalan* atque *Tepequanilco*; Dominum 20 *Tlatelulco* tributarium fecit, & *Chalco* rebellionem parantem contudit.

cLo cccc xxxviii. *Guegue Motezuma* filius *Huizilhuist* successit, regnavitque annis novem & viginti: Subjugavit *Coyaxtlahuacan*, *Mamalhuaxtepec*, *Tenauco*, *Tenuchitepec*, *Chiconquiauhco*, *Xentepec*, *Totolapan*, *Chalco*, *Quauhuacan*, *Atlatlan*, *Etia*, *Huaxtepec*, *Tauhtepac*, *Tepuzatlan*, *Tipatzeinco*, *Tacapichitan*, *Toaltepec*, *Tlachco*, *Tlalcocauhitan*, *Tepeguacuilco*, *Quyanecopan*, *Chontalcoatlan*, *Huichipichitan*, *Atotonilco*, *Axocopan*, *Tulan*, *Xilotepec*, *Tzquincuilapilco*, *Tlapacoyan*, *Chapolixitan*, *Tlatlauchquistepec*, *Cnerlaxitan*, & *Quauhtochco*.

cLo cccc lxxvii. *Axayacaci* filius *Tecozomoeliquezo*, nepos *Tzcoatl* successit, regnavitque annis duodecim & quamplures urbes subjecit Mexicanis; & *Moquibuix* 30 Dominum *Tlatelulco* rebellantem ita coarctavit ut se è fastigio templi præcipitem daret.

cLo cccc lxxix. *Ticocicatzi* parenti in imperio successit, regnavitque annis quinque; hic imperio Mexicano adjunxit urbes quatuordecim, *Tenahymoquitzayan*, *Toxico*, *Ecatepec*, *Zilan*, *Tecaxic*, *Tulucan*, *Tancuislan*, *Tlapan*, *Atezcalhuacan*, *Mazatlan*, *Xochiyetlan*, *Temapachco*, *Ecatlyquapocheo*, *Miquatlan*.

cLo cccc lxxxiv. *Ahuacozin* fratri surrogatus regnavit annis sedecim, & urbes quadraginta quinque imperio Mexicano acquisivit, quas hic, ne barbarorum nominum frequentia Lectori fastidium adferamus, omittimus.

cLo l5 ii. *Motezuma* filius *Axayacaci* successit, & decimo octavo regni sui anno petiit, 40 postquam ante Hispanorum adventum quadraginta quatuor oppida imperio suo adjecisset: decimo septimo autem imperii ipsius anno *Cortelius* (inquit interpres) Novam Hispaniam adiit.

Atque hæc quidem secundum interpretationem Annalium pictorum, annorum autem calculum nonnihil correximus, qui ibidem perturbatissimus erat, nec cum regnorum annis qui unicuique Regi ascribuntur & appinguntur conveniebat; ac ne sic quidem cum præcedentibus aliorum narrationibus consentit. Constat ex historiis Hispanorum atque ipsiusmet *Cortesi* Relatione, illum anno cLo l5 xviii primum Novam Hispaniam adiisse, qui si fuerit decimus quintus Regni *Murezumæ* 50 junioris ut *Acoffa* tradit, initium illius regni incidere in annum cLo l5 ii quæ *Gomara* prodidit, nec multum à calculo hoc nostro abludit, interit autem anno cLo l5 xx atque ita regnaverit annis octodecim: hæc satis bene inter omnes conveniunt. Sed inter regum Mexicanorum historiam quam *Acoffa* tradidit & *Herrera* in suis decadibus secutus est, & hanc è pictis Annalibus expressam, maxima est varietas, tum in genealogia Regum, tum annorum regni numero, denique in rerum gestarum narratione:

tione : differentiam in annorum numero quibus singuli regnarunt, in tabella subiungere visum.

Secundum Gomaram :

Acostam :

Annales pictos.

	<i>Acamapich</i>	XLVI.	<i>Acamapichtli</i>	XL.	<i>Acamapich</i>	XXI.
	<i>Vicilivisl</i>		<i>Vicilivisl</i>	XIII	<i>Huizilbuitl</i>	XXI.
	<i>Chimalpopoca</i>		<i>Chimalpopoca</i>		<i>Chimalpopuca</i>	X.
	<i>Ixcna</i>		<i>Ixcna</i>	XII.	<i>Ixcna</i>	XIII.
	<i>Motezuma</i>		<i>Gueque Motezuma</i>	XXVIII	<i>G. Motezuma</i>	XXIX.
10	<i>Motezuma filia</i>		<i>Ticozie</i>	IV.	<i>Axayacaci</i>	XII.
	<i>Axayaca</i>		<i>Axayaca</i>	XI.	<i>Ticocicatzi</i>	V.
	<i>Ticozica</i>		<i>Anizol</i>	XI.	<i>Ahuizozin</i>	XVI.
	<i>Anhico</i>		<i>Mutezuma</i>		<i>Mutezuma.</i>	
	<i>Motezuma.</i>					

Atque hæc de rebus Mexicanis dicta sufficiant, ad institutum revertimur,

C A P. XIV.

10 *Panucensis provincie & oppidorum quæ ab Hispanis hodie in illa incoluntur descriptio.*

30 **P**ANUCO provincia ab urbe Mexicana ad Arctum sita : olim Præfectura per se, nunc vero Diœcesi Archiepiscopali conjuncta, patet in longitudinem quinquaginta leucas, totidemque fere in latitudinem : Solo qua parte Archiepiscopatum contingit perquam fecundo, & auri venarum haud experte : qua vero ad Floridani vergit, per quingentarum pene leucarum, ut ferunt, spacia tristi atque sterili. Ab urbe Mexicana proficiscentibus primum occurrit *Ayotuxetlan* provincia, bellicosissimis indigenis olim frequentissima, quam *Corresus* anno clo lo xxi subjugavit, incolis penè ad internecionem caesis : Huic proxima est *Chila* quinque à mari leucis, quam idem ob incolarum robur & paludum multitudinem difficulter admodum perdomuit. In hisce provinciis olim quamplurimi fuerunt barbarorum pagi, quorum nonnulli ab Hispanis recensentur, *las Caxas*, *Txicnyan*, *Nachapatan*, *Taquinisl*, *Tuzeteco*, quorum habitatores plurimos Hispanos qui cum *Francisco Garayo* venerant, occiderunt : Is enim provinciam Panucensem à Rege subjugandam acceperat, sed à *Corresso* præventus destitit. Hic uti & in aliis Americæ provinciis, bitumen quoddam reperitur, quo navigia picis loco obduci possunt.

40 Hispani hodie in hac provincia Panucensi tres tantum habent colonias : quarum primaria gentili nomine *Panuco*, ab Hispanis autem *Villa de San Stevan del puerto* appellatur, juxta Chilam, & supra Panuci fluminis in mare exitum : *Hernandi Cortesii* auspiciis condita postquam indigenas maximam partem excidisset, & ipsorum pagos exulisset. Distat ab æquatore paulum supra viginti & tres gradus versus Arctum : Sexaginta quinque leucas ab Vrbe Mexicana versus boream, octo autem à mari, ad ripam prædicti fluminis, quod ipsi aditum ad portum aperit : Ex adverso hujus oppidi ad septentrionalem ripam fluminis (quod hic haud admodum latum est) habent Hispani salinas suas, uti & leucam unam supra oppidum : id enim præcipuum oppidanorum emolumentum.

Secunda colonia dicitur Hispanis *S. Jago de los Valles*, in mediterraneis ædificata, viginti & quinque leuc. à Panuco versus occidentem.

50 Tertia est urbs *S. Ludovici de Tampice*, octo leucis à Panuco sita versus Aquilonem, ad oram maris quod vulgo *Golfo de Mexico*, id est, Frætrum Mexicanum nominatur.

Quamquam autem toto hoc littoris tractu, multi annes in oceanum egrediantur crebrique terræ recessus multas stationes navibus aperiant, ad flumen de *las Palmas* usque, tamen leviter tantum cognita sunt, præter flumen Panucum, propter portum illius, opportunum quidem, sed adversus incerta ventorum nequaquam tutum.

Ut autem harum regionum situs, locaque & itinera magis clucescant, operæ precium me facturum existimavi, si duorum Anglorum observationes hic infererem. Eorum primus *Milo Philippides*, quum cum aliis centum à Joanne Haukino Equite anno cło 15 LXXVIII in terram fuisset expositus, per varia discrimina tandem Panucum à barbaris omnibus vestitus spoliatus pervenit, atque captivus ab Hispanis ab Mexicanam metropolin est perductus: Is iter hoc nonaginta leucis definit: duorum quippe dierum itinere *Noheren* vicum venit *S. Maria* nomini ab Hispanis dictatum: deinde *Mestilan*, quatuordecim ab urbe leucis, à trecentis Hispanis habitatam: à qua *Puchucam* municipium unius diei itinere abesse testatur, & Puchucenses argenti fodinas sex à municipio leuc. versus Corum.

Alter vero *Ioannes Chiltonus* iter suum in hunc modum describit apud *Richardum Hackluytum*: Anno (inquit) cło 15 LXXII cum sodali Hispano ab urbe Mexicana in Panucensem provinciam discessi: quum tridui iter processissemus ad *Messisan* oppidum pervenimus, à duodecim tantummodo Hispanis inhabitatum & circiter triginta millibus barbarorum, tam in oppido quam in vicino agro: oppidum hoc in edito monte ædificatum est, qui densis lucis undique cingitur: extra hos plurimi jacent pagi, qui salubri gaudent cælo, eorumque incolæ agrum colunt fertilem & crebris fontibus atque torrentibus riguum. Via regia frugiferis arboribus undique septa erat, peramæno prospectu: incolæ autem quacunque incedebamus, gratis commea-
tuo nos adjuvabant. Viginti circiter ab hoc leucis aliud oppidulum occurrit *Clanchi-
noltepec*, nobili cuidam Hispano attributum, ad quod circiter quadraginta millia barbarorum pertinent: hic aliquot monachi ordinis *S. Augustini* in canobiolo degunt. Hinc profecti *Guaxulan* adivimus, ubi duodecim Hispani cum aliquot monachis ejusdem ordinis habitant.

Hinc *Guasieca* provincia sequitur nullis montibus aspera: hic primò *Tanculabo* pagum invisimus à certis barbaris habitatum qui cutem cæruleo colore inficiunt; & capillos ad genua usque promittunt & instar sceminarum eleganter in nodos con-
torquent: cæterum nudi agunt, nec umquam absque arcubus & sagittis procedunt, quibus admodum dextre uti sciunt: non auro aut argento, sed sale merces suas commutant, hunc maximi faciunt, uti necessarium adversus vermiculos, qui sub
labii illorum generantur, antipharmacum. Inde novem dierum itinere ad oppidum *Tampicem* progressi sumus, quod portum habet ad mare & tum (quantum potui
observare) à quadraginta Hispanis tenebatur, quorum quatuordecim dum in sale colligendo occupantur à feris barbaris sunt oppressi atque trucidati. Situm autem est oppidum ad ipsum Panuci ostium, amplissimi fluminis & quod ad sexaginta leucas oneraria quingentarum tonnarum ascendi posset, nisi vada ipsi ori objecta prohiberent. Deinde quatuordecim milliarium iter emensi Panucum venimus insigne
quondam oppidum & præfecti sedem, nunc autem pene desertum & vix à decem Christianis & uno sacerdote habitatum, ob continuas immanissimorum barbarorum incursiones. Hic in morbum incidi ob aëris insalubritatem, qui me quatuordecim
dies afflixit, ita ut aqua & fructibus, ultra sex leucas ob oppido quæsitis, vitam cogere tollerare; itaque hinc mihi discedendum ratus, equum ascendo & barbaro
qui me sustineret pone locato, cum aliquot sodalibus iter ingredior: postero die flumen trajecimus; hic solus sodales paulum præcedens aberto à via, & duo fere
milliaria per silvarum avia vagatus, incido in barbaros, qui tuguriola quædam straminea incolebant, & viginti numero arcubus & sagittis instructi ad me accurrerunt, & de equo levatum ad Regulum suum deduxerunt: haud dubio devorandum nisi
me ob maciem & squalorem corporis luc venera laborare falso fuissent suspicati: quumque mihi frigida haustum, in vitro Veneto ad oram deaurato, obtulissent, &
mirarer unde illud haberent, è Mexicana puella captiva quam mihi adjunxerant, intellexi
dynastam horum barbarorum haud ita pridem oppidulum *Skallapam*, triginta
ab hoc loco leucis, in montanis situm, à paucis Christianis & ordinis Sant Augustini monachis habitatum, intempesta nocte captum diripuisse atque incendisse, &
vitrum illud inter alia spolia reportasse. Quum jam horas aliquot inter hosce barbaros non sine magno metu hæsissem, rogatus à Regulo an iter meum persequi vellem, statim annui, & tres conductores ab illo accepi, qui nudi cum arcubus suis &
sagittis

sagittis ante me ambulant, trium circiter miliarium iter, & in rectam viam reduxerunt nutu significantes me haud longe à Christianorum oppido ab esse: id erat *S. Iago de los valles* in planitie situm & terreo vallo cinctum, quod à viginti quinque Hispanis tum tenebatur, quibus Rex Hispaniarum amplissima latifundia indulget, ut indigenas barbaros in officio contineant & limitem tueantur. Hæc regio robustissimos meos nutrit, quos mercatores in varias Americæ partes deducunt. Hic fodales meos repperi; oppidani autem supra modum mirabantur, quo pacto manus effagissem illorum barbarorum, qui nulli Hispanorum hæcenus pepercerant, sed gloriæ ducebant vel minimam cutis erinitæ particulam hosti detractam pro monili
 10 gestare: quum octodecim dies hic valetudini restaurandæ infumisssem, advenit *Franciscus de Page*, militum tribunus, à Vicerège *Henrico Manrique* missus, ut novum iter inde à mari ad *Sacatecanas* argentifodinas aperiret (absunt autem ab hoc loco centum & sexaginta miliaria) quo merces compendiosius possent subvehere, relicto itinere jam usitato ab urbe Mexicana, quod raro paucioribus quam sex septemve septimanis absolvetur. Hic, me cum sodalibus meis & militibus circiter quadringentis, barbarisque sagittariis quingentis, ex *Tanehipa* & *Tameclipa* pagis, assumtis, ad vastum flumen, quod vocatur de *los Palmau* & limitem inter Novam Hispaniam & amplissimas Floridæ provincias constituit, processit; deinde secundum ripam australem, tridui itinere ascendens, quum vadum frustra quævisset, arbores cedere
 20 & rates conjungere aggressus est, quas barbari nostri natando ad adversam ripam cum militibus & impedimentis applicuerunt. Tridui deinde itinere per densissima nemora & arduos atque asperissimos montes eluctati, ad Sacatenis provinciam argenti metalla pervenimus, quæ opulentissima totius Americæ septentrionalis censetur, & tum à trecentis Hispanis accolebantur. Sed de his suo loco, proxime sequenti libro plura dicturi sumus. Hæc jam sufficiant ad Panuceptis provincie situm & constitutionem intelligendam; ad cæteras Novæ Hispaniæ partes transeamus.

T L A S C A L A

C A P. XV.

Generalis provinciæ Tlascalensis descriptio.

ANTEQUAM descriptionem Episcopatus Tlascalensis, prout hodie se habet aggrediamur, operæ pretium fuerit, veterem hujus provinciæ statum paulo altius repetere.

Provincia itaque Tlascalensis quondam miliaria Hispanica quinquaginta patebat, civitas autem principalis, loco à natura egregie munito, condita erat, circiter viginti gradibus ab æquatore versus Arctum, in præruptis montibus & arduis atque
 40 asperis rupibus, unde & Tlaxcala nomen meruit, quod deinde in Tlascalan versum voluit, quod locum panum significat, ob maizii ubertatem, & comætatuum abundantiam, quam aprici colles & rigui valles ingenti copia subministrant: indigenæ autem securitatis gratia ut plurimum editos montes & loca frigidiora habitabant. A regione siquidem Civitatis, quam *Xicotencalt* vocabant, juga montium sese inter ortum & occasum longo dorso exporrigunt, per quorum medium fluvius *Zahuatl* defluit, qui nonnumquam ripas suas supergrediens sara, domosque proluit: in convallibus autem *Ocotewilco* pagus situs erat, ubi Hispani primis illis temporibus sedes suas collocaverant, ut à *Maxicatzin* illius regionis præfecto & summo ipsorum
 50 factore commodius possent defendi: sed mox quietem naçti, uti facilius indigenas religionis Christianæ principiis imbuerent, ad ripas fluvii *Zahuatl* (quod nomen scabiola aquam denotat, quia infantes illius undis abluti, plerumque scabie infestantur) descenderunt, ibidemque ædificia ad Hispaniæ normam ceperunt moliri.

Indigenæ olim sparsim degebant, aut aliquot ædificiis conjunctis, angustis & flexuosis semitis intercurrentibus, pleræque domus è cespitibus, quædam è materie, paucissimæ è lapidibus erant substructæ, humiles quidem, sed vastis conclavibus & peregrinæ formæ: hodie Hispanorum architekturam æmulantur.

Regimen civitatis atque provinciae Democraticum vel potius Aristocraticum erat: utebantur idioma Mexicano necnon & Oromitico, Oromitarum populo, qui à Mexicanis defecerat, in clientelam recepto. *Otomita* hi sive *Otomay*, gens est laborum tolerantissima, idolorum cultui supra ceteros addicta, inculta, politicarum artium omnino rudis, quaeque religione Christiana difficulter admodum potest imbui, secus quam Mexicani qui summe dociles habentur. Licet harum regionum temperies ejusmodi pene sit, ut plerique indigenae nudi incedant, & qui vestiuntur nihil pene hyeme aut aestate mutant; habet tamen & plagam paulo frigidiorē; quae paulo magis ad Arctum declinat & licet non supra quatuor leuc. in latitudinem & decem in longitudinem pateat, tamen abundat omni frugum genere & fructibus ob insi-
gnem soli ubertatem, sufficitque non modo incolis sed & vicinis. Ea extenditur ab orru in occasum, coliturque; quamplurimis pagis: ad arctum prætexunt altissima mon-
tium juga, continenter & quasi de industria in ordinem exposita, (Hispani vulgo vo-
cant *Cordilleram*) quae limites hujus provinciae undiquaque; fere radunt, suntque edi-
tissima totius Novae Hispaniae, & quia finis illorum haecenus ignoratur, constans opi-
nio est, perpetuis jugis pene totum hunc novum Orbem percurrere; parent in lati-
tudinem multis locis pene octo leucas, tam asperis clivis, ut plurimis locis habitari
neutiquam possint, & tribus solummodo mensibus pluviis vacent, reliquis autem
continuis nebulis & pluviis sordeant, & solis radiis rarissime tepeant. Dividunt
hi montes inter temperatas & fervidas regiones, nam illis superatis sensim descendi-
tur in ferventissimam planiciem, quae ad mare pertingit, seu fretum Mexicanum.
Porro montes hi variis arboribus undique vestiuntur, multasque nutriunt feras, leo-
nes, Tigres, Lupos, Adives (ita efferatos canes vocant) pecoribus admodum inco-
stos, aliasque feras nostro orbi ignotas, serpentes & viperas majores minoresque: in-
ter quas agmen ducit, quam barbari vocant *Teuchtlacozaauhquin*: Fr. Ximenez ita
describit; Est fera (inquit) atrocissima, quam Hispani, quia morsus illius lethales
sunt, vocant viperam; quatuor & interdum plures palmos longa, & mediocriter
crassa, capite viperæ, ventre candido vergente ad fuscum; latera illius recta sunt
quibusdam squamis albis, quae nigris per intervalla lineis distinguuntur; dorsum par-
dum & pene nigrum, cum radiis quibusdam fuscis, qui in spinam desinunt: plures
autem illius sunt species, quae tantum coloribus differunt: ocysime se movet per
rupes & præcipitia, (tardius in plano) unde Mexicani illi nomen à vento indiderunt,
Ocozautl appellantes: quot annos ætatis attigerit, tot sonabula posteriori parti cau-
dæ annata deprehenduntur, quae instar vertebrarum dorsi, sibi invicem succedunt;
oculi ipsi sunt modici & nigri, dentes bini in superiori maxilla incurvi, quibus virus
suum spargit, alii autem quini intra rictum ad utramque maxillam, qui ubi rictum
deducit, facillime videntur; isti ab hoc serpente cum summo cruciatu intra viginti
quatuor horas moriuntur, totum enim corpus ipsis finditur in rimas. Irritatus sona-
bula illa violenter movet & valide tinnit. Longe maximos in Panucensi provincia
reperiri volunt quam modo descripsimus. Barbari autem & carnem illius in cibis
usurpant; & medici ipsorum quoque dentes & pinguedinem in medicina vel potius
Chirurgia. In eisdem montibus & volatilium infinita copia cernitur, quae grega-
ritim statis tempestatibus Ardeas partes petunt. Non est dubium quin & argenti ve-
nas terra hæc abscondat, quum aliorum metallorum vulgo hic reperiantur. Aluminis
autem & Chalcanti magna copia est. Arborea quibus montes vestiuntur sunt pinus,
quercus diversorum generum, aliaque quae Copal & Liquidambar exsudant: quibus-
dam locis etiam manna colligitur, sed insuavis & ad purgandum inidonea. Mira-
bile autem in hisce montibus reperiri permultos pagos peramænos, & omnibus ad
vitam humanam necessariis optime instructos. Montana autem Tlascala, quae Hi-
spani ob vastitatem & mirabilem temperiem *las Faldas azules* vocant, in ambitu cin-
cta sunt pulcherrimis jugis, quae densissima sylva procerissimarum & crassissimarum
arborum reguntur ad fastigium usque quod solum patet, & eminus contuentibus, ele-
gantissimo colore caeruleo tinctum videtur: à quo illi nomen ut supra ab Hispanis
inducitur; qui reliquos montes *la Sierra de Tlascala* appellant, quia hujus provinciae
limites maxima ex parte concludunt. Octodecim leucas ambitu complectuntur,
multasque nutriunt feras, atque etiam tauros & vacas, quae animalia primum

ab Hispanis inuenta, successu temporis hic efferantur. Ab hisce montibus omnes
 torrentes paludes atque uliginosa hujus provinciae loca procedunt, uti & fontes sa-
 luberrimarum aquarum: pluvia autem tempestate, quae ab initio Aprilis ad finem
 usque Octobris hic durat, omnes nimbi atque venti ex hisce montibus descendunt.
 Flumen autem *Zahuatl* piscium minime est ferax, haud dubio ob perniciem undarum
 lapsum & crebros cataractas. Lacus vero juxta *Topoyanco* pagum, sesquileucam
 patens, nullos quidem pisces, sed genus quoddam nigrorum lacertorum gignit,
 quorum majores palmi longitudinem non excedunt, edules gratique saporis, ita ut
 à barbaris maximi fiant. Lacus hic insignis, à barbaris in ambitu accolitur, qui hic
 10 arva uberrima possident, multasque fructiferas arbores & magnam *Cochinilla* co-
 piam: quo fit ut quotannis, valore ducentorum millium ducatorum in urbem *Tla-*
scalam inferant: nam præstantissimam in hac provincia colligi jam supra monuimus.
 De moribus indigenarum dum adhuc gentiles essent, non est necesse hic multa di-
 cere; nisi quod primo hostium suorum, quos idolis suis immolaverant, carnibus ve-
 sci sueti, postea quoque à popularibus suis haud abstinerint, adeo ut humanæ car-
 nes in publico macello venales prostant; quæ immanitas jam diu obsolevit.

Hujus denique Reipublicæ auxiliis fretus *Hernandus Cortesius*, imperium Mexi-
 canum aggredi ausus fuit & tandem evertit: atque in hujus beneficii memoriam li-
 berratem *Tlascalensibus* ab Imperatore Carolo V. impetravit, ita ut indigenæ Hi-
 20 spanis in servitutem minime addicantur: Sed solummodo (ut *Joannes Chiltonus* testa-
 tur) tributum Regi Hispaniarum singulis annis pendant, manipulum tritici unum in
 singula capita, quod quotannis tredecim millium *Haneganum* (mensura est Hispani-
 ca modio æqualis) quantitatem excedat.

C A P. XVI.

*Episcopatus Tlascalensis limites, metropolis Puebla de los Angeles;
 veteris Indigenarum Civitas Tlascala, locaque vicina.*

30 **E**PISCOPATUS *Tlascalensis* inter Mexicanum Archiepiscopatum & Epi-
 scopatū *Guaxacensem* medius, supra centum leucas ab uno mari ad alterum in
 longitudinem, octuaginta autem qua mare septentrionale, octodecim vero
 qua Australe attingit, in latitudinem dicitur patere: quibus limitibus præter *Tla-*
scalam provinciam proprie dictam, de qua superiore capite potissimum egimus,
 confures aliter continentur; uti *Tepeaca* octo tantum leuc. à veteri *Tlascalensium*
 oppido distans, de qua mox dicemus: & *Zempoala*, satis ampla provincia & valde
 fecunda maxima sui parte plana & pascuis læta, ab uno latere montibus recta, nec
 supra duas leucas ab oceano remota: Indigenæ quum primū Hispani hic appellerent,
 haud quaquam nudi, uti insulares, agebant; multoque urbanioribus moribus imbuti,
 40 singulari obsequio Regulos suos colere didicerant: Præcipuum illorum oppidum, eo-
 dem cum provincia nomine, in planicie inter duos amnes erat extructum, ædificiis
 pro capto barbarorum satis splendidis: vicini & præsertim monticolæ olim *Totonagues*
 appellabantur, lingua moribusque à cæteris nationibus hujus continentis discreti.
 De cæteris provinciis postea dicemus.

Primarium hujus diceceseos oppidum ab Hispanis *Puebla de los Angeles*, id est;
 Angelorum civitas appellatur, distatque ab urbe Mexicana versus orientem, non-
 nihil ad vulturnum deflectendo, leucas duas & viginti: familias numerare dicitur
 mille quingentas, in quatuor regiones (*Barrios* vocant Hispani) distributa: con-
 didit illam *Sebastianus Ramirez* Præses anno Clō Io xxxi, secus viam quæ à
 mari per oppidum *Vera Crucis* ad metropolim Mexicanam ducit, quinque à veteri
 50 *Tlascalensium* civitate leucis, ad *Cholula* limites, in planicie *Cueslaxcoape*, & jux-
 ta nobilissimæ vallis *Atlixco* exordium, & ad ripam amniculi qui è Vulcano profuit:
 in agro tritici, vitium, sacchari cannarum, lini, atque adeo omnium fructuum Hi-
 spanicentium feracissimo: coelo fruitur magis calido quam frigido, licet nonnum-
 quam in vicinioribus urbi arvis sata à gelu adurantur. *Robertus Thomson* Anglus
 qui hic anno Clō Io LV & sequentibus vixit, distantiam illius ab oppido *Vera Crucis*
 definit

desinit leucis tribus & quadraginta, & sexcentis tantum familiis Hispanorum tum testatur fuisse habitatam.

Quinque autem ab oppido Angelorum leucis versus Arcum, jacet Tlascala, vetus barbarorum sedes & libera civitas uti jam diximus: hic usque ad annum c15 15 1 Cathedralis Ecclesia fuit, quæ tum ad Angelorum civitatem fuit traducta.

Haud procul à Tlascala fontes visuntur fluvii qui primo tenuis, inter oppidum Angelorum & Cholulam jam amplior delabitur, & per Provinciam Mechoacanam juxta Zacatulam in mare Pacificum egreditur, piscium quidem effatus, sed ingentium crocodilorum ita fecundus ut vicina ripis loca depopulentur & vastitatem inducant.

Ad has urbes refertur vallis *Atlisca* leucam tantum unam & dimidiam lata, sed tam benigno celo ut fata numquam à frigore corrumpantur, tantæque ubertatis ut quotannis supra centum millia hanegarum tritici hic cogantur, & Hispani supra mille, præter servitia, in opere rustico occupentur.

Ocumba.

Septem quoque ab urbe leucis versus orientem jacet *Ocumba* sive *Otumba* vallis, à diversorio quod *del Pinar*, ad alterum quod *del Perote* vocant, viginti leucas sese in longitudinem exporrigens, decem aut paulo pauciores leucas lata: *Napulca* celebris pagus hic aditur, à Nigrita quodam Christiano primum inchoatus, qui quum sues in hac valle nutritur, vicinos monticolas ita sensim ad se pellexit, ut pagum mille incolis impleret: Armenta autem atque pecudes brevi tempore tantum in hac valle incrementum ceperunt, ut pecuariaorum conventum (*Hispanis Conscio de Mesa*) instituere & singulis annis in *Napulca* pago celebrare necesse fuerit.

10

20

Popocatepec.

Octo autem à civitate Tlascala leucis versus occasum, *Popocatepec* mons se vastis jugis attollit, cujus vertex jugiter fumat, quumque Hispani in civitate illa morarentur, atque etiam postea, solito majoribus flammis emicuit, magna indigenarum admiratione. Hispani hunc ob similitudinem *Aethnæ*, Vulcanum vocant vulgo: in tantam altitudinem confurgit, ut multarum leucarum intervallo conspiciatur, & perpetuis nivibus albicer: agri tamen vicini totius Novæ Hispaniæ longe uberrimi censentur, & incolarum frequentia celeberrimi. Ad radicem hujus montis jacet *Guaxocingo*, pagus longe amœnissimus, fecundissimus & populosissimus. Decem 30 annis hic Vulcanus fumum edere superfederat, quum anno c15 15 12 derepente cum tanto fragore fumus flammaque erupit, ut accolæ omnes in ambitu pene examinaret, tantamque cinerum copiam eructavit, ut *Guaxocingo*, *Quetlaxopan*, *Tepeacæ*, *Cholulæ* atque ipsius Tlascalæ agros oppleret, & non modo herbas atque olera, sed & fructiferas arbores adureret, indigenasque in eum modum terretur, ut de regione deserenda atque mutanda cogitarent. *Didacus de Ordas*, tribunus militum sub *Cortesio*, primus Hispanorum, virili ausu hunc montem ascendit usque ad craterem, quem orbicularem & patentissimo ore observavit: Deinde anno c15 15 11 *Montannus* & *Mesa* cum aliquot Hispanis atque barbaris magno cum discrimine idem aggressi, & à vehementia frigoris pene oppressi, ad verticem usque subjerunt: 40 primusque *Montannus* fune in ipsum craterem demissus, sex vicibus circiter octo arrobæ sulphuris egessit, & post hunc alter Hispanus totidem vicibus alias quatuor: quod sulphur ad *Cortesium* detulerunt, excocto autem atque defæcato, decem arrobæ absolutissimi sulphuris remanserunt, quod maximo illis usui fuit ad pulverem tormentarium, cujus inopia tum laborabant, conficiendum; & potissimum ad urbem Mexicanam expugnandam momentum.

40

Antequam autem à Tlascalensem civitate discedamus, nequaquam hic est prætereundum, Præsidentem *Sebastianum Ramirez*, primis illis temporibus, omnem industriam atque diligentiam adhibuisse, ut Coccinilla in hisce regionibus impensius coleretur, quo factum est ut libera hæc Respublica mirum in modum effloresceret; 50 tantusque è vicinis agris & finitimis provinciis ad Mercatum Tlascalensem singulis septimanis, non modum indigenarum sed & Hispanorum concursus fieret, ut pene incredibile videatur. Nam ut præteream frugum & omnis generis commeatuum abundantiam (quam quisvis ex illo poterit æstimare quod quatuordecim aut quindocim millia pecudum, quatuor millia armentorum, duo millia porcotum, singulis annis in publico macello veneant) incredibilis simplicium medicamentorum, Liqui-

Liquidambaris & similium resinarum, Coccinillæ, Lanæ, aliarumque mercium copia ad hoc forum deportatur: multi in oppido argentarii, multi aurifabri, alique opifices degunt: nec vina Hispaniensia, aliæque exoticæ mercēs hic desiderantur, licet barbaris promiscue vinum bibere interdictum sit, nam si ipsis plenius indulgeretur, omnia Hispaniæ torcularia nequaquam hæc regionibus sufficerent.

In hoc Episcopatu denique (inquit *Antonius Herrera*) ducenti recensentur Indorum pagi primarii, & minores vici supra mille, barbarorum hic tributum Hispanis pendunt supra centum & quinquaginta millia: Sunt autem hi pagi divisi in classes sex & triginta, quarum singulis sacerdotes aliquot & clerici præfunt: 10 triginta adhæc cœnobîa Dominicanorum, Franciscanorum & ordinis S. Augustini.

C A P. XVII.

Tepeaca provincia & oppidum Hispanorum Segura.

QUUM Hernandus Cortesius anno clō 1519, magna cum suorum & confœderatorum strage, ex urbe Mexicana esset prorubarus; & Tlascalam cum summa difficultate reversus, paululum se suosque refecisset, Reipublicæ illius consilio atque rogatu, ad Tepeacam provinciam, quæ octo leucis ab ipsorum civitate aberat, subjugandam animum adjecit, & haud difficile voti compos factus, anno proximo coloniam Hispanorum in illam deduxit & oppidum condidit *Seguram de la Frontera* (ut vocant) ad altitudinem octodecim graduum & quadraginta scrupulorum versus Arctum: loco peridoneo, ductis latis plateis & elegantibus ædificiis substructis, quum indigenæ antea domicilia sua in editis locis haberent, ubi hodieque nonnulli degunt.

Temperies hujus provinciæ, licet frigida regio à barbaris audiat, ejusmodi est ut alternatim sudum cœlum æstatem, pluvium autem aut nubilum hyemem faciat. Ager quidem suburbanus aridior est, quum urbs saxis & petris sit superstructa: nec aunc alluitur aut fontibus rigatur, ita ut oppidani fere pluviali aqua uti cogantur 30 (nam fons qui semileucam ab urbe scaturit acidior est, quales haud procul Almagro Castellæ oppido in Hispaniis hauriuntur) nisi quod jam à fluviolo, qui è Tlascalæ montibus profluit, per certos canales aquam in urbem derivant. Pluviarum tempus hic quemadmodum in tota Nova Hispania, incipit Aprilis mense & desinit Septembri, totoque hoc tempore Auster tam vehementer perflat, ut valetudini molestus sit: reliquis vero mensibus serenat, & flantibus aquilonibus æstus solis ita sufflamatur ut modice hic interdum algeatur.

Ad districtum hujus provinciæ pertinent *Temachalco*, *Tecalco*, *Chachutlac* atque *Araçinga* nominatissimi pagi. Quorum *Temachalco* situs est ad radicem montis qui fissura modica ab altissimis illis montibus dividitur, quos perpetuis jugis pene totum 40 hunc Novum orbem pervadere supra diximus. Licet autem hæc regio fontium atque annium sit indigens, nihilo tamen secius lætis abundat pascuis, ob longe lateque patentem planiciem & raris modicisque collibus erectam.

Indigenarum ingenia & mores fere uniusmodi sunt: præterquam quod nobiles & magis comes sint in sermonibus & cultiores in vestibus: lingua Mexicana ipsis communis, popularis paululum diversa, *Popolucam* vocant vulgo; quin & Otomiticam callent plerique & gloriantur suam esse nativam. Porro in finibus *Temachalco* atque *Chachutlac* juxta *Aloxucan* pagum, in summitate montis lacus cernitur, à summis tipis ad aquarum superficiem quinquaginta orgyæ depressus, in quem Indigenæ atque animalia per angustam semitam aquarum descendunt: nullos pisces aut aliud 50 quodvis animal nutrit, nec hyberno, pluvioque tēpore augetur nec æstate minuitur, altitudinis est incompertæ, ita ut flumen subitus fluere opinentur, quod decem ab hoc leucis in planicie erumpat, *Aloazapan* vocant, nam aquæ hujus lacus caruleo sunt colore atque algidæ, quales & hujus fluminis undæ deprehenduntur, unde conjecturæ fides. In iisdem finibus & tribus à jam dicto leucis, alter in planicie stagnat, qui *Tlachæ* vulgo appellatur & undiquaque ab hominibus atque jumentis potest adiri leucam unam ambitu comprehensens, atque in abyssum profundus hic pisculos quosdam generat

generat albos & qui digiti longitudinem non excedunt, gratissimi saporis. Unam ab hoc leucam distat tertius lacus, qui planiciem duarum leucarum ambitu complectitur, *Alehbican* dictus, quod nomen sonat aquas amaras, pecus tamen easdem potat & mirum in modum, illarum haustu pinguescit, altissimus est hic Lacus & limpidissimus, non tamen aut pisces aut aliud animal nutrit: vento vehementiori agitur fluctus haud secus ac mare attollit, nec augetur nec minuitur ut prior: habetque planiciem adjunctam, quæ ad duodecim leucas extenditur, variis colliculis & pascuis mira varietate distinctam, in qua quamplurimi greges pascuntur. Innumeris arboribus sylvestribus abundat hæc regio ob nemorum & collium multitudinem; inter fructiferas autem sunt cerasi, Hispaniensibus non absumiles, nisi quod fructus brevissimis pediculis ramis quasi adhæreant. *Fr. Ximenez* videtur hanc arborem vocare *Capolin*; quam ita describit; est arbor medioeris, foliis amygdali aut cerasi, minutim serratis; floribus racematim pendulis, è quibus nascuntur fructus cerasi nostratibus omnino similes, forma, mole & ossibus, nisi quod sapore magis accedant ad mora; floret primo vere, & fert fructus tota æstate: qui palato quidem grati sunt & à plurimis maximi fiunt, à medicis tamen minus laudantur utpote qui malum halicum concilient iis qui crebro usurpant. Nisi forte hic potius intelligenda sit alia arbor, quam vocant *Copalxocotl* quæ fert fructus similes exiguis pomis qui destillant salivam quandam valde glutinosam; quum arbor cætera cerasi valde sit similis, unde & fructus illius ab Hispanis cerasi gummosa appellantur.

Triticum hic abunde provenit, præsertim in valle quæ *S. Pauli* dicitur, quæ à plurimis Hispanis incolitur, qui pro quadringentis hanegis quas quotannis ferunt, ut plurimum octuaginta millia hanegarum mellis tempore cogunt in horrea, monstrosa soli (si *Herrera* hic tuto creditur) ubertate: fert & hordeum & fabas, aliaque legumina, linum quoque & *Cochinillam*. Plurimi hic ovium greges atque porcorum; in montibus autem præsertim nivalibus, innumeræ vagantur fere, tigres, leones pardi, lupi, adives, cervi, aliaque animalia. Inter volatilia merito laudatur, avicula longe minima, instar papilionis oblongo rostro & incredibili plumarum subtilitate atque elegantia: (è quibus componuntur singulari industria imagines, haud secus quam si coloribus essent pictæ) rore tantum, qui floribus insidet, instar apum



visitans: Iconem hic adjicimus, quam à *Clar. V. Car. Clusio* acceptam, non nihil quoad rostrum emendavimus, sequuti exuvias hujus aviculæ quas commodum acceperamus. *Huititzil* appellari scribit *Fr. Ximenez*, & floribus marcescentibus, arborum truncis rostrum infigere, atque

ita immobilem instar mortuæ illis adhærescere per sex menses, donec pluvii redeuntibus Flora rursus campos vestiat. Gomara vocat *Vicicim*; Ovidius passerem Mosquitum. Reperitur passim in omnibus pene Americæ regionibus inter utrumque Tropicum.

Sale & gossypio caret hæc provincia; cæterum peropportuno loco sita est, præsertim urbs, ad utramque viam, quæ à *Vera Cruce* ad urbem Mexicanam ducunt, muniendam: quarum una dicitur *Suchilchima*, qua Hispani Mexicanorum limites primum sunt ingressi; altera *Ginochula*, quam hodie potissimum usurpant, quæ à Tepeaca, leuca paulo amplius una divergit.

C A P. XVIII.

Oppidum Verae Crucis & præcipuus Novæ Hispaniæ portus S. Ioan de Ullua.

OPPIDUM *Verae Crucis* distat ab Æquatore circiter novemdecim gradus versus arctum: à Metropoli Mexicana, pro ratione itineris, aut sexaginta aut sexaginta & quinque leucas: ab oceano vix quateram leucæ partem. Aducentis ferme Hispanorum familijs habitari tradunt, quorum plerique aut classarii sunt

institores, qui merces ex Hispania advenientes excipiunt, & Americanas rursus in classem imponunt. Urbs verè Crucis valetudine habitantium infamis haberetur, nam quum pluvia tempestate, sive hyeme ipsorum; sub solano aut vulturno ut plurimū flante à vespere ad medium noctem largis imbribus solum humectetur, & à summo mane ad vespem Sol admodum æstuet; adhuc tenuissima arena, cui hoc oppidum superstructum est, largius humore imbibat; isq; à frigore nocturno in superficie veluti consistetur, Sole exoriente humorem extrahi & in præfervidos vapores dissolvi consentaneum est, qui dispersi nares subeunt, & gravissime afficiunt cerebrum, generantq; febres acutas & plerumque lethales. Vapores autem hosce plane virulentos esse ex eo putant lique, quod in ipsa urbis area, ubi aquæ pluviarum tempore in stagnum conflunt, singulis diebus matutino tempore infiniti bufones parvuli generati conspiciantur, qui ubi paulum adoleverint, noctu horrendum stridorem edunt: Accedit quod haud longe ab urbe amnis defluit, cujus aquæ licet potabiles sint atque innoxie, tamen toto die admodum fervent; unde oppidani matutino tempore ad opera sua facienda egressi earum haustu, non minus quam vaporibus illis languescunt, & variis infirmitatibus tentantur. Idque non tantum hic, sed ad totam oram maritimam Novæ Hispaniæ, inde à flumine *Panuco* usque ad *Guaçacoasco* usu venire constanter affirmant Hispani. Porro à mense Novembri ad exitum Martii ne guttam quidem hic pluvie dicunt, & ventus ab Arcto atque Aquilone flans ita temperat æstus & exsiccat solum, ut toto hoc tempore cælum hic tam salubre sit quam in urbe Mexicana, & qui hisce mensibus hic appellant nihil sentiant incommodi; sed periculum est ne à septentrionalibus ventis in litus impellantur & naves frangant. Oppidani autem ut valetudini consulant, postquam naves exoneraverint, rursusque oneraverint, in quo fere ab Aprili ad Augustum occupantur, aliò & longius à littore recedunt; feminæ imprimis, postquam prægnantes factæ sunt, ad mediterranea se conferunt, quia in oppido feliciter se parere posse desperant: denique ad noxios vapores discutiendos, armenta magno numero, summo mane, per omnes oppidi semitas agunt.

Iter ab hoc oppido ad metropolim Mexicanam, institui tradunt ad hunc modum:

A *Pera Crucis* ad *Xalapam* leuc. xvi.

A *Xalapa* ad *Perotam* vii. Est autem *Perota* vicus perexiguus pauculis tuguriis stramineis constans (*Ventus* vocant Hispani, id est, diverforia) in pinorum & cedrorum sylvâ, & agro frigidiusculo ob vicinitatem montium nivalium.

A *Perota* ad fontes *Oizumbe* ix. hi juxta viam regiam erumpunt è certis fissuris; hic quoque habentur diverforia ad eundem modum.

Ab *Oizumbe* fontibus ad civitatem *Angelorum* viii.

A civitate Angelorum ad veterem *Tlascalam* v.

Ab hac denique ad Metropolim *Mexicanam* xiv.

Atque hæc quidem è relationibus eorum qui ante plures annos scripserunt de rebus Novæ Hispaniæ, postilla autem oppidum alio translatus est, & quum antè 40 quinque leucis à portu abesset; juxta & è regione illius est collocatum, ubi mox dicemus, ubi prius de Portu egerimus.

Portus Novæ Hispaniæ principalis & pene singularis ad Mare Septentrionale, vulgo appellatur *S. Juan de Villa*; ab Insula exigua & fluctibus maris pene æquali, ita ut nonnumquam quum æstus valide implevit, cooperiatur: scopulis atque vadis magna sui parte exteriori & versus altum cincta; objaet continenti; freto tantum ducentas perticas sive decem pedas (*Varras* dicunt Hispani) lato, ab ora divisa: interiori sui parte Portum concludit, qua nimirum continenti obvertitur; atque hic murum habet è vivo saxo inde à fundamentis eductum, continentem in longitudine unà cum munimentis, ejusmodi perticas centum nonaginta quinque: mare autem ad pedem muri altum est orgyas quatuor, ita ut onerariæ tam propinqua constituantur, ut è prora in murum exsiliant: naves vero non modo anchoris in mari fixis, sed & funibus atque ferreis catenis ad annulos deligatis retinentur, tanto enim interdum impetu venti septentrionales incumbunt, ut revulsas in oppositū litus impellant atq; comminuant. Ad utrumque muri angulum munimenta jam olim fuerunt extructa, & præsidium centum & quinquaginta militum à Rege impositum: Nigritæque complures

plures hic collocati ad opera quotidie collabentia restauranda. Continens è regione jacens, juxta lictus quidem planiciem, ubi leucam inter rus processeris, opacos lucos exhibet, in quibus magna ferarum agit copia. Super hanc quam dixi, planiciem Novum oppidum *Vera Crucis* jam est conditum, continens in longitudine perticas mille ducentas. Nam ante quum oppidum, ut supra, quinque leucas à portu distaret, ut plurimum quatuor mensibus opus erat ad naves levandas rursumque onerandas, quod hodie summo compendio fit. Locus in quo oppidum superstructum est, antea *Buiron* appellatum ferunt à monte qui illi ab occasu imminet.

Ioannes Hawkins celeberrimus inter Anglos classium Praefectus anno c1615-
LXVIII sub mensem Septembrem hunc portum ingressus, naves Hispanicas duode-
cim ditissimis mercibus onustas offendit, quæ abitum in Hispaniam parabant, nulloq;
ipsis damno illato tantum commearum classi suæ venalem petebat; quum postero
die Classis ab Hispania advenit, novum Viceregem & opulentas merces Euro-
pæas tredecim navibus advehens, quam quum portu arcere cum certa Hispanorum
perniciæ facile potuisset, tamen certas condiciones stipulatus, statim admisit: Ve-
rum haud tuto Hispanorum promissis credi, magno suo detrimento fuit expertus,
navibus ipsius ex improvviso depressis & fortissimo quoque suorum in certamine desi-
derato; ita ut cum duabus tantum navibus è portu ægre se proriperet, & postquam
quatuordecim dies in freto Mexicano miserè fuisset jactatus, annona in tantum na-
valium sociorum numerum minime sufficiente, centum suorum in continentem 20
exponere cogeretur; quorum aliqui à barbaris caesi, reliqui omnibus vestibus exu-
ti, post varia discrimina in Hispanorum manus inciderunt, qui illos primum *Pa-
numum*, deinde ad urbem Mexicanam duxerunt, ubi partim morbis, partim vari-
is supplicii religionis ergo interierunt, pauci tantum raro Dei beneficio serva-
ti, post plurimos annos incolumes in patriam redierunt, & interillos *Atilo Philip-
pides* de quo supra.

C A P. XIX.

Reliqua ora maritima Episcopatus Tlascalensis.

EPISCOPATUS Tlascalensis, ad oceanum septentrionalem, qui hic vulgo *Gol-
fo de Mexico* appellatur, dividitur ab Episcopatu Guaxacensi (de quo statim)
flumine, quod hodieque à primi inventoris nomine *Rio de Alvarado* vocatur,
Indigenæ autem olim suo idiomate dicebant *Papaloavam*. Huic ad occidentem se-
cundum eandem oram proximus est fluvius quem vocant de *Banderas*, quia indige-
næ velis quibudam candidis instar signorum militarium, Hispanos præternavigan-
tes, ut exscenderent, invitare visi fuerant, prima *Ioannis Gryalva* in hanc Americæ
partem navigatione. Hunc ultra objacet continenti Insula, quam ab arenarum
candore vulgo *Blancam* vocant, nec procul hinc altera, quatuor circiter à continen-
ti leucis, quam *viridem* dicunt ab arborum læte virentium copia, itemq; tertia selsui
leucæ intervallo à continente discreta, quam *Gryalva* Sacrificiorum insulam nomi-
navit, quia in illam exscendens, altare & homines nuper Dæmoni immolatos, aper-
tis pectoribus, & brachiis cruribusque detruncatis, parietes quoque templi re-
centi sanguine aspersos hic offenderat. Sunt qui tradant Hispanos primis illis
temporibus hic exscendere & merces suas exponere suetos, superstitione & terri-
culamentis quibudam nocturnis deterritos hanc insulam deseruisse: Sed magis ve-
rissimile est metu naufragiorum, quia Aquilo hic valde infestus est, securiorem sta-
tionem & portum alibi quæsisisse. Hanc Insulam prætervectis versus occidentem
occurrit Insula *Sant Ioannis*, de qua superiore capite diximus. Ad continentem autem
nihil memorabile toto hoc tractu designatur. Atque hætenus continentis littora 30
ad occidentem pergunt, dehinc ad Arctum toto latere terra convertitur; ubi
primum est obviis amnis *Veræ Crucis* illius veteris. A quo deinceps oram ver-
sus Septentriones legentes, quatuor leucarum intervallo, accipit *Semipoala*,
tenuis amnis nec majorum navigiorum patiens: Quem octo leucarum inter-
vallo sequitur fluvius *Almeria*; quem Indigenæ appellabant *Naotblan*; hic
oritur in montibus *Totonaquisorum* atque *Micansle*, & inter obiectos colles elu-
stat, 40

status, effundit se in oceanum modico admodum alveo. Ad hujus ripas olim *Meddellinum* oppidum *Cortesi* auspiciis fuerat conditum, in patriæ urbis memoriam, quod triennio postquam fuerat structum, deductis colonis, anno cIo Io xxv, à ministris Regis Cortesio tum absenti supra modum infensis, in solitudinem fuit redactum..

Juxta autem flumen, campi *Almeriz* à nauticis hominibus observantur, quos alii ad altitudinem viginti graduum, alii viginti graduum & triginta scrupulorum collocant. Sequitur porro ad eandem oram fluvius *S. Petri & Pauli*, qui ex iisdem *Toronaquiorum* montibus profluit & ad altitudinem unius & xx grad. exit in oceanum :
 10 Huic proximus amnis *de los Cañones*, uti Hispanis vocatur, ubi continens grandem sinum inflexo litoris gremio admittit, navigantibus infidum; Hic *Tuspa* montes terminantur Africum atq; Aquilonem inter expansi, *Tamiagua* deniq; hanc plagam claudit, haud longe à flumine *Panuco*. Ex quibus liquido patet *S. Joannis de Villa* portum singularem plane esse, quem Nova Hispania ad mare hoc septentrionale possidet.

G V A X A C A.

C A P. XX.

Episcopatus Guaxacensis limites: Vallis Guaxaca descripta.

20 **E**PISCOPATUS hic, à provincia principali suæ Dioceseos *Guaxacensis*, ab urbe autem in qua cathedralis Ecclesia constituta est *Antequera* vulgo appellatur: Inter Episcopatum *Tlascalcensem*, quem modo descripsimus, & Episcopatus qui ad *Guatemalensem* Praefecturam referuntur medius, patet in longitudinem secundum oræ maritimæ ductum, ad oceanum quidem meridionalem leucas centum, ad septentrionalem vero quinquaginta: in latitudinem inter utrumque mare secus *Tlascalcensis* Dioceseos limites centum viginti, ad orientem vero secundum *Chiapæ* provinciae fines, tantum sexaginta. Multas & per insignes provincias complectitur, quarum facile princeps *Guaxacavallis*, sedecim leucas in longitudinem porrecta, quæ
 30 primo harum regionum Domitori *Hernando Cortesio* nomen Marchionis *del Valle* dedit. Orditur à *Cocela* montis radicibus, in finibus *Guaxolorislan*, ad altitudinem octodecim graduum septentrionalium (ut *Herrera* testatur) octuaginta leucarum intervallo ab urbe Mexicana versus Austrum: licet autem paucos fontes, raroq; amniculos habeat, non tamen aquarum in totum indiga est, atq; adeo supra modum est fertilis: Indigenæ *Zapotecarum* idiomate uruntur. Quamplurima hic metalla reperiuntur, auri, argenti, Cristalli atque Chalcanthi, & gemmæ quantivis precii, adversus Nephriticos affectus & sanguinis fluxum efficacissimæ. Fert præterea & triticum & mayzium quam uberrime: *Cacao* maxima copia; *Coccinillam* quoq; & *Cassiam* solutivam; arbor quæ hanc fert Mexicanis dicitur *Quauhahoyhuachlis*; trunco cinereo,
 40 foliis Lauri, floribus flavis, stellarum in modum racematim pendulis, è quibus fructus notissimi nascuntur; ut scribit *Fr. Ximenez*. Nec oleam aut vitem refutaret solum, quum omnia peregrina semina frugum atque olerum haud maligne patiatur.

In toto Episcopatu vix ullus est amniculus, qui aurum non ferat, ita ut Indigenæ (quibus ne nunc quidem quicquam ad victum aut vestitum deest) omnium rerum copia abundarent, nisi innata segnitie & laborum intolerantia præpedirentur.

Cælum hic admodum serenum atque salubre. Hispani hic primum byssum tractarunt, frequentia motorum, quas provincia alebat, allesti, è quarum interiori libro barbari papyrus facere consueverant; nunc autem tantum numerum mororum Europæarum hic plantarunt, ut magnam byssi copiam Indigenæ juxta atque
 50 Hispani hic colligant & si Barbari decimas illius solverent, quemadmodum Hispani tenerent, quinque aliis Episcopatibus erigendis annui reditus sufficerent.

Ut autem ea quæ ad Episcopatum in communi pertinent, absolvamus: Trecenti & quinquaginta primarii Indigenarum pagi in eo numerantur; (præter trecentas villas sive prædia rustica;) supra centum & quinquaginta barbarorum vestigialium millia; centum viginti monasteria Dominicanorum, & plures clericorum scholæ; Tre-

decim dialecti multum inter se diversi, omnibus tamen commune est idioma Mexicanorum.

Licet harum provinciarum solum (*Guaxaca* valle tantummodo excepta) montum sit atque asperum, tamen maxima sui parte fertile est, & arbores fructiferas agrestesque, herbas salutare atque etiam noxias sponte sua ubique producit; Inter venenatas autem, unam in valle *Guaxaca* reperiri tradunt, virtute mirabili; nam si quis alterum leno veneno intra annum tollere in animum inducat, ei hanc herbam jam annuo tempore decerptam exhibeat necesse est; sin statim, recentem. Perfamiliaris quoque huic provinciae est arbuscula, quam *Huitzapacotl* vocant barbari humi serpens, cujus folia in tria acumina desinunt: fert flores rubros, minutos, & in extremis ramusculorum junctis, è quibus nascuntur fructus, forma & mole similes avellanis, cum tribus nucleis interius albis florere & fert fructus pene omnibus anni mensibus. Quinque nuclei, aut si quis robustior sit septem, demto certo vellere quo teguntur, potenter dicuntur evacuare flegma & bilem, tam per vomitum quam per sedes, tam securè ut vel tantillo cibo sumto, vis medicamenti statim elanguat.

Dubito an hic sit fructus cujus V. C. Car. Clusius iconem dedit hanc sub nomine *Mehenbetene*, quadrat enim non nihil cum hac *Fr. Ximenez* descriptione, quum tres nucleos uno putamine contineat. Monardes autem aliam speciem avellanarum purgatricum videtur describere, tenui putamine (quum priores sint ligneo) coloris spadicei, triangulares, medulla interiori alba & dulci, qua Indi se familiariter purgabant. Idem Clusius iconem adjecit quam hic adjicimus; qui plura desiderat videat *Dalemchampionum*.

Crebris terræ motibus obnoxia erant hæc provinciae, dum incolæ adhuc gentiles essent, nunc autem, ut ferunt, rarioribus, postquam

religionem Christianam amplexi sunt, quod Hispani S. Martiali acceptum ferunt, quem *Antequera* templo patronum elegerunt.

C A P. XXI.

Misteca provincia, Tutepeque, Zapoteca, Guaxacoalco.

PROVINCIA *Misteca* vulgo dicta in duas partes dividitur, quarum una à soli natura situque alta sive superior, altera bassa, id est, inferior appellatur. Indigenæ autem idiomate multum diverso utuntur. *Misteca* superior inter Mexicanam Diocesin atque *Guaxacam* vallem interjecta, ab *Antequera* oppido quadraginta pene leucis, occidentem versus divergit: Inferior magis ad oceanum meridionalem declinat. Plerique harum provinciarum amniculi atque torrentes sunt auri feraces, itaque indigenæ cum uxoribus & liberis, annona in decem aut duodecim dies parata sese ad proximos amnes sive rivos applicant, & quandiu victus suppetit, auri ramenta studiose indagant & gallinarum pennis induunt: dein ad proximos mercatus se conferunt & aureum pulverem annona aut aliis rebus necessariis permutant, domumque reversi dies noctesque genio indulgent, nec agros colere aut aliud quid operis facere sustinent, neque ante ad auri indaginem revertuntur, quam aut dira necessitas consumto penu illos invitos adigat, aut desidem atque inopem vitam diutius tolerare nequeant: id vitæ genus à majoribus acceptum, posteris suis se tradere dicunt, neque ad alium laborem aut cultum facile possunt traduci. Radices quas officinæ vocant *Mechuacan*, hic ubertim proveniunt, præsertim juxta pagum *Cuatristlan*. Eadem provincia & copiose fert arbores illas quæ exsudant *Cattannam*, de qua supra. In eadem (uti & in Hispaniola & alibi) nascuntur certæ arbores, admodum vulgares, quarum folia sunt similia minori filici; fructus similes avellanis sed paulo minores, minime edules; verum ossiculo exfecto (quod continet

c. XLVII.



lib. XVIII.
cap. 24.



Fr. Ximenez.

nent torundum, nigrum, magnitudine majoris pisii, aut globuli bombardici) carnem illius indunt aquæ calidæ, eaque abluunt vestes, nam spumam edunt instar saponis, quæ non minus mundat & detergit. Ossicula Soli exposita nigerrima evadunt, instar gagatæ lapidis, tornataque & perforata serviunt rosariis, sunt enim lævissima & numquam finduntur. Continent autem pulpam quandam valde amarâ, sapore nuclei mali persici, quem artifices facile eximunt. Meminit hujus plantæ Monardes sub nomine Sphæricularum Saponariarum, & fruticem pene describit ad eundem modum: uti & Ovidius Historiæ Indicæ lib. ix.

cap. LXV.

In finibus *Cuerilavacæ* & *Tequicitepeques* municipiorum, visitur antrum mirabile sub præcelso monte, à monacho Dominicano & aliquot barbaris olim lustratum; descensus in illud angustus, tantum singulos admittit, interius in quadratam aream quinquaginta pedum patescit, ubi aliquot putei sunt cum suis gradibus; ab his via variis anfractibus & meandris, instar Labyrinthi tortuosa ad patentiorem ducit aream, in cuius medio fons scaturit, ad latus autem ostendit se amniculus: hoc iter horæ spacio emensi, quum terminum nullum reperirent, sibi beneficio quod ori speluncæ affixerant, remearunt. In hisdem finibus juga montium, quos vocant *S. Antonii*, à quibusdam barbaris incoluntur, quibus putei & fissuræ petrarum pro domiciliis sunt, in quibus cum uxoribus & liberis projecti cubant, nec ab vitæ hujus licet miserrimæ consuetudine, ullo pacto se dimoveri patiuntur. Et montium miracula hic commemorantur, bini montes altissimi verticibus ita contiguis, ut utrique cruribus divaricatis insisti possit, radicibus longissime à se invicem disjunctis.

Denique provincias hæc Coccinilla abundare & quidem præstantissima, vel hoc arguerit, quod aliis omnibus, ne quidem *Tlasecalensi* excepta, ab institoribus præferatur *Misteca*.

Mistecæ provinciæ pene junguntur, castellis Mexicanorum olim infesta juga illa, quæ Hispani hodieque *Pennoles* nominant, numero sex, inter Austrum atque Arcum certis intervallis disjuncta; quorum unum, *Itzquitepec* vulgo dictum, sex tantummodo leucis ab *Ausqueira*, valido præsidio custodire consueverant Reges Mexicani. Vicinæ rupes præter evidentissima auri indicia, plumbi venas aperiunt: Solum per se fert radices quæ saponis usum dicuntur præbere. In *Totomachiapa* municipii finibus, ingens spelunca visitur, immani ore adversus Austrum patens, nonnulli ad dimidiam leucam in illam descenderunt, ulterius procedere prohibent rivuli.

Australi *Guaxaca* vallis lateri, *Tutepeque* provinciæ jungitur, pagis frequens juxta littus maris Australis, & pene sexaginta leucas in longitudinem procurrens: Aquilonari vero lateri regio quam fluvius *Alvaradi* ut vocant, secat & paulo magis ad Arcum *Zapoteca*, quæ tota montensis est & petrosa, amplitudine *Misteca* provinciæ haud impar nec minori quam vicinæ provinciæ soli fecunditate. Indigenæ olim immanes moribus, & continuis bellis cum vicinis monticolis, qui se *Mixes* dici volebant, exerciti; caput provinciæ quondam *Tezapotlan*, ubi Regulus ipsorum agebat; pellibus quondam cingebantur, nunc vestibus indui, & capillos tondere & pileos gestare edocti sunt. *Mixes* autem lingua moribusque diversi, provinciæ *Tezapotlan* (montem Tigrum sonat nomen) accensebatur; quam provinciam *Ant. Herrera* collocat ad altitudinem sedecim graduum septentrionalium, sexaginta leucis à Soconusco, Liquidambaris imprimis feracem. Ab his diversi sunt *Miges* populi, de quibus mox dicemus.

Provinciæ *Guazacualco* atque *Tlute* nec non & *Cuetzaxtla* indigenæ, multas ceremonias ludæorum usurpabant, nam & circumcidebantur, more à majoribus (ut ferebant) accepto, quod alibi in hisce regionibus ab Hispanis hætenus non fuit observatum.

*Civitates Hispanorum in Diaceſi Guaxaceniſi, Antequera,
aliæ: ora item maritima.*

P R I M A R I A hujus provincie Civitas & Episcopalis ſedes eſt *Antequera*, octuaginta leucarum intervallo diſita ab urbe Mexicana verſus Eurum: ad viam quæ per Chiapam, ducit Guatemalam, in ameniſſima Guaxacæ valle. Annis qui urbem alluit, ex ipſo ſolo erumpit è regione *Cimilán*, & citus deſcendit verſus montes *Coatlan*, duabus ab origine & totidem à Guaxaca leucis. Civitas magnifico cathedræ templo eſt ornata, in quo columnæ è ſolido marmore viſuntur altitudine & craſſitie admirabili: quadringentis Hispanorum familiis habitari prodiit *Heberta*, verum *Chiltonus* Anglus qui anno c1510 xx hac iter egit, vix quinquaginta Hispanorum familias, plures indigenarum hic agere teſtatur; omnes autem hujus provincie barbaros tributum ſuum goſſypinis togis & Cocchilla, quæ hic lætiſſime naſcitur, pendere.

Secunda hujus Diaceſeos urbs *S. Ilſiſo de los Zapotecas* vulgo nominatur, diſtatque ab Antequera verſus aquilonem leuc. viginti; in provincia auri, goſſypii & maizii commercii opulenta; in qua ſupra triginta millia barbarorum veſtigialium cenſeri ſcribunt: Ipſa monti ſuperſtructa eſt in regione Barbarorum, quos vocant *Migas*: natio hæc admodum procera eſt, & quod in America rarum, barbata: lingua illorum rudis & craſſum quid ſonans inſtar Alemannorum; feroces & bellicoſi, & humanarum carnum appetentes; olim nudi agebant aut cervino tergore ſupra lumbos accinſi; nec perdomari niſi canum venaricorum & moloſſorum opera potuerunt, ſalibus & jugis montium ita deſenſi, ut equis aditus minime pateret: Itaque hanc urbem olim haud ſupra triginta Hispanos incoluiſſe ferunt, donec canum morus ferocem hunc populum ad pacis condiciones accipiendas adegiſſet. Juxta hoc oppidum copioſe creſcit arbor *Exquahuil*, id eſt, arbor ſanguine manans, quia fundit ſanguinem Draconis, gummi jam vulgo notiſſimum; eſt autem (ut inquit *Fr. Ximenez*) arbor vaſta foliis verſaſci, latè & anguloſis.

Tertia urbs *S. Jacobi* nomine inſignis, & à vallis nomine in qua jacet, *Nexapa* vulgo, diſtat itidem viginti leucas ab *Antequera* verſus ortum, ſecus viam quæ Chiapam atque Guatemalam ducit. Chiltonus jam ante memoratus ſcribit, hanc arduo colli ſuperſtructam eſſe in provincia *Zapotecarum*, & vix à viginti Hispanis habitari, qui hic à Rege Hispaniarum veluti in præſidio collocati, adverſus feras & indomitas nationes, quæ jugum recuſant ferre, municipiis & pagis illorum in ſtipendiorum mercedem diſtribuis.

Quarum oppidum appellatur *Villa del Eſpiritu Santo*, ſita in provincia *Guaxacoalco* ad fines provincie *Tabaſceniſis*, nonaginta leucis ab Antequera; anno c1510 xxii condita à *Gonſalvo de Sandoval* ad ripam fluminis, tribus à mari leucis: Tenebant olim hanc provinciam bellicoſi & præferoces barbari, itaque Cortefius primis huius oppidi incolis, multos indigenarum pagos & imprimis *Guecollan*, *Cuatlan* & *Queſaltepec* attribuit, à quibus hi populi ſenſim ita perdomiti fuerunt, ut jam jugum haud inviti ferant.

Ad mare ſeptentrionale quidem & ad orientem ora hujus Diaceſeos exordium ſumit à flumine *Avaradi*, quod è montibus *Zapotecarum* ortum, per varias provincias, & imprimis *Chinantlan* deſluit, & curſu paulum reflexo, per eoſdem montes, è quibus primum deſcenderat, inter flumen *Guaxacoalco* & inſulam *Sancti Joannis de Villua* deſcendit in oceanum ſeptentrionalem.

Guaxacoalco autem ingens eſt flumen; Cortefius anno c1510 xx Tribunum militum *Didacum de Ordas* miſerat ut hoc flumen exploraret; qui oſtio illius tentato, in ipſo oſtio trium orgyarum altitudinem deprehendit, in progreſſu autem longe majorem, ita ut rei nauticæ periti tum indicarent, ad mare australe uſque pertendere & quod rum anxie querebatur, utriuſque maris commerciis peridoneum eſſe: in quo licet fruſtra fuerint, tamen portus illius commerciis inſularum valde eſt opportunus: Solus illi adjacens paſcendo pecori aptiſſimum exiſtimatur.

Liſcho.

Linfhotanis noster inter utraque hæc flumina intervallum constituit quinquaginta leucarum.

Ad eandem hanc oram descendit in mare fluvius, quem *Herrera* nonnumquam *Agnalulco* alibi etiam *Aguisvileo* nominat, dimidia à mari leuca, centum & nonaginta passus latus, ita ut commodum navigiis portum præbere valeat.

Ad eandem oram *Roca parida* jacet, continentis Promontorium, à notissimis *S. Martini* montibus descendens, naufragiis plurimarum navium, quæ cæcis rupibus, quæ seriatiim littori obiacent, impactæ perierunt, infame: Hi montes à præternavigantibus studiose observantur ad cursus rectè instituendos: exporrigunt se inter eorum & vulturum, distantque ab æquatore septemdecim gradus & quadraginta octo scrupula.

Ad oram vero maris meridionalis, habet hæc Diocæsis portum *Guatulco* (quem alii vocant *Agnatulco*) quindecim gradibus & triginta vel quadraginta scrupul. ab Æquatore versus Arctum: Amplissimus est portus & qui plurimum frequentatur; omnes enim naves quæ merces Europæis & Novæ Hispaniæ, subvehunt Peruviz, hinc ut plurimum solvunt. Fortissimus Eques *Franciscus Dracus*, expeditione illa qua totum orbem circumnavigavit, hunc adiit anno 1615 15 LXXVIII, oppidumque expugnavit & diripuit: Idem rursus à *Thoma Candishio* anno 1615 15 LXXXVII captum & direptum, templumque una cum teloneo regio exustum.

In eadem ora & *Tecoantepeque* recensetur, modicus portus cum adjuncto municipio satis frequenti, quadraginta quinque leucis ab Antequera; ad quam ab hoc portu via usitatissima pertinet per *Chontales*, *Nexapam*, & *Mexalepeque*: jacet & complures alii pagi secundum Maris australis litus, qui omnes Episcopatu *Guaacensis* subfunt. Habet & alium hic portum sed modicum, quem barbari appellant *Tecuanapam*; per quem fluvius *Ometepe*, qui sub montibus *Xicayan* è variis paludibus oritur (in quas plures torrentes à montibus *Cacatepec* defluunt) navigabili alveo in oceanum descendit. *Ometepe* autem quinque supra ostium leucis, recipit in se ab una quidam plaga *Tlacolulam*, ab altera *Tlacomamam*: quorum hic è montibus *Atoyaque* & *Amusgrum* jugis oritur quindecim ab ora maritima leuc. est statim minorum navium vigiorum patiens per multos barbarorum pagos placidè descendit: ille vero juxta *Chichilavacam* defluit, navigiorum impatiens, præterquam duabus supra confluentem leucis. Huic quidem *Tlapa*, *Tlacamama* vero adjacet provincia *Tuintepe*. Atque hæcenus de utraque ora Diocæseos *Guaacensis*.

MECHOACANA.

CAP. XXIII.

Mechoacana provinciæ limites, cæli solique qualitates, arbores
varie atque plantæ.

MECHOACAN, idiomate Mexicano locum piscosum, ut volunt, denotans, ante Hispanorum adventum in hæc partes, principatus fuit, nulli alteri obnoxius; ab eo hodie nomen sortitur Episcopatus, inter Archiepiscopatum Mexicanum, & provincias novæ Galiciæ medius: patens in latitudinem secundum littorum ad mare Pacificum ductum quidem leucas octuaginta, in mediterraneis vero sexaginta: longitudo illius incerta est: nam à mari australi in fines barbarorum *Chichimecarum* penetrat longis quidem sed incertis spaciis. Complectitur plures provincias, de quibus mox dicam.

Æris temperies pro diversitate provinciarum multum diversa est, alibi frigidior, alibi temperatior, nonnusquam quoque præfervida; ubique tamen jucunda atque salubris adeo ut ab aliis provinciis multi recuperandæ valerudinis gratia dicantur accurrere. Plurimi hic sunt lacus & stagna, multi amnes, innumeri fontes aquarum dulcium & salubrium, quæque pecora mirum in modum faginent: nec non featurigines calidæ & balnea ferventia juxta atque modicè tepentia.

Cæli clementiæ accedit eximia solis ubertas, quod nunc in planiciem & lætissimam pascua se sternit, nunc assurgit in modicos colles, non raro quoque in excellētes montes

Fr. Ximenez.

montes se attollit qui procerissimis arboribus vestiuntur. Maxima hic est anno-
 nae abundantia; nam triticum, hordeum, atque alia farris genera, tanto cum feno-
 re à tellure redduntur, ut memoriae proditum reperiam, quatuor hanegas tritici sa-
 tas, in mensem sexcentarum hanegarum exuberasse, & Fr. Ximenez testetur tritici
 Europaei spicas tres quatuorve alias ex se veluti parere. Sed operapretium fue-
 rit aliquot arbores & plantas quas nobilissima hæc provincia vulgo producit, paulo
 prolixius hic describere. Inter arbores facile primum locum sibi flagitat, *Xochico-*
palli arbor mediocris, foliis menthae Saracenicae, licet non tam profunde dissectis,
 quæ terna conjunctim ramis adhærent; truncum & corticem habet valde odoratum,
 qui exsudat liquorem coloris leonini, perfecte redolentem limones, qui eadem fa- 10
 cultates obtinet quas reliquæ species *Copal*, ita ut species illius judicetur.

Secundum locum meretur, species *Mizquirl* (de qua supra) quam hic vocant
Tzintzequam, caret autem spinis, foliaque habet magis subtilia quam vulgaris *Miz-*
quirl; cæterum & castam producens, atque gummi Arabicum.

Tertium *Quauhatepalli* Mexicanis, Mechoacanis *Chupire*, id est, planta ignea;
 arbor similis lauro, pulchra & grata aspectui, foliis paulo majoribus & latioribus
 quam sunt Amygdali; floribus compositis in modum rosarum; ita ut videatur esse
 frutex ille quem Dioscorides vocat Rhododendron, officinae Leandrum, & Castel-
 lani Adelpham, ob singularem autem illius acrimoniam, proverbio usurpari solet, de
 foeminis quæ in amore non respondent, Adelpham illis aquam infestare. Succus illius 20
 naturâ abradit, nihilo tamen secius affirmant barbari, in potu exhibitum quantitate
 duorum scrupulorum, commodissime evacuare humores pituitosos in iis qui Cacohe-
 xia laborant, præsertim si malum oriatur è causa frigida: sed mihi (inquit Ximenez)
 non fit verisimile tam vehemens medicamentum per os sumi posse sine discrimine:
 itaque potius, quod & barbari fatentur, umbelico applicandum censeo, exigua
 quantitate, nam & ita corpus purgabit. Est quoque præsens remedium aduersus ex-
 ternos corporis morbos, impetigines, scabiem & similes. D. Fr. Hernandez improvide
 succum hujus arboris sumens magnum vitæ periculum adiit: non desunt qui plan-
 tam venenosam & homini exitialem judicent; gaudet maxime locis humidis & riguis.

Quartum, *Copalcacoli* sive ut ipsi vocant *Pompagua*, arbor foliis cerasi nostratis, 30
 fructus ferens similes exiguis pomis, dulces quidem sed valde adstringentes, quique
 exsudant salivam quandam valde viscosam, (unde ab Hispanis cerasa gummosa ap-
 pellantur:) quæ applicata sanat febres & sanguinolentas dejectiones. Materies hu-
 jus arboris commodissima est ad imagines sculpendas, nam præterquam quod fa-
 cile secetur, nunquam se findit aut facile sentit cariem: accedit ad odorem &
 saporem *Copal*.

Inter Frutices memoratur *Maripenda*, quæ truncum habet circiter viginti pal-
 mos altum, ramos nigricantes, folia similia ferro quo spicula asperantur, lata &
 crassa, superiore parte viridia sed subpurpurea, è rubro pediculo pendula: fert
 fructus racematiim collectos, (longitudine sex palmorum) instar uvarum, sed ratiore; 40
 qui primo sunt virides, dein rubri, denique obscure purpurei. Barbari sumunt stolo-
 nes & ramulos hujus fruticis (nonnumquam & semina) & minutatim confisos tan-
 tisper ebullunt in aqua, donec illa conspissetur & Syrupi consistentiam acquirat:
 Sanat mirabiliter vulnera etiam difficillima curatu, sistitque sanguinem in re-
 centibus plagis.

Item *Chupiri* aut *Charapeti* frutex qui agit radicem grossam & longam, extus co-
 lore inter luteum & candidum, intus nonnihil rosso: è qua enascuntur aliquot trun-
 ci, & multi rami tenues, longi, colore obscure viridi, quique inclinar ad cæru-
 leum, teretes, glabri, pleni foliis instar aurantiæ, verum majoribus: floribus luteis &
 stellatis: non obtinet odorem aut saporem notabilem. Indigenæ autem maximi 50
 faciunt hanc plantam, feruntque cæteris omnibus longè præcellere ad mitigandos
 dolores è lue venerea ortos: curareque debilitates nervorum; sanare scabiem & alia
 pertinacia corporis vitia, quæ aliis remediis tolli nequeunt: Utuntur radice
 hoc modo; unciam unam in sedecim sextariis aquæ ebullunt tantisper donec tertia
 pars consumatur; hujus decocti sumunt quotidie mediam libram, observantes eun-
 dem ordinem qui servatur in potione Guayacan: sanant tumores, plagas & alia vitia
 orta

orta è lue venerea; resolvit tumores capitis, tam potum quam foris applicatum, sistit dysenteriam; excitat appetitum ciborum, & nutrit debiles.

Habetur hic & species *Brasil*, frutex qui Tarascis vocatur *Cuhuraqua*, Mexicanis *Quammochitl*, *Huitzquahuitl*, spinosus, agens radices candidas & furculosas, è quibus prodeunt caudices exterius vergentes ad colorem rossum, interius sature rubentes, contorti & pleni foliis pene figura cordis cum multis venulis, quæ discurrent à medio foliorum ad oras. Reperiuntur hic & alix duæ illius species, quarum una vocatur *Pinguina*, altera *Iacna*; omnium materie tingitur color coccineus.

Herbarum tantum paucas & nobilissimas recensito: *Cnurtzeti* vel *Aphatsi*, *Punt-*
 10 *zumeti* quam (inquit *Ximenez*) *Asarum* Mechoacan possemus vocare: Folia habet mediocriter subtilia, & admodum similia viti, plena sinibus crenatis, superiori parte viridia, inferiori aspera: caules cubitum altos, læves, lentos; teretes atque tenues; flores subtiles, flavos, instar capillitii, quibus innascuntur semina nigra & valde minuta; radices multas, longas & tenues, instar Hellebori albi. Solæ radices usurpantur in medicina, suntque sapore acri & mordaci, suaviter olentes muscum; calidæ & siccæ in tertio gradu & subtilium partium: pulvis illarum sumtus cum vino, aut aqua buglossi, aut citrici, quantitate dragmar, mitigat dolores Nephriticos, mundat renes ab omnibus excrementis superfluis; corroborat ventricululum è causa frigida debilem; adjuvat concoctionem, aufert cruditates, aperit obstructa,
 20 movet menses, prodest utero, discutit flatus; Denique est egregium antidotum contra venena.

Acutize huarira quam alii vocant *Chipa huarizæ* & *Zotataquan*, Hispani autem ob singularem illius virtutem, *Inimicam Venenorum*: Est nobilissima planta, quæ folia obtinet Rumicis ab ipsâ radice prodeuntia, caules teretes, sesquipalmum altos, tenerosque; in quorum fastigio enascuntur flores minuti è candido rubescentes, in orbem accumulati, radicem rotundam similem malo cotoneo minuto, intus candidam, foris auream; quæ potissimum in medicina usurpatur; est enim temperata facultatis, vergentes nonnihil ad frigiditatem & humiditatem, saporis grati & dulcis; succus autem aqua ex illa extracta, quavis quantitate hausta, mitigat ardores febrium,
 30 corroborat cor & est efficax & securissimum antidotum contra venena & venenatorum animalium morsus, ut scorpionum, &c. præstatque officium nobilissimi alexipharmaci, præsertim si radix confusa forma emplastri simul applicetur parti læsæ. mitigat dolores renum, temperat urinæ acrimoniam; excitat appetitum, dissolvit tumores gutturis; lenit dolores pectoris; & virtute quadam occulta & admirabili, pene medetur omnibus morbis, quocunque modo adhibeatur.

Quibus accedit *Tlalamast* (quam alii vocant *Tlalcimast* sive *Cimast* humilem & Hispani herbam Joannis Infantis, quia per ipsum primo innotuit; Mechoacani *Turintitaquaram* & alii *Careci*) quæ producit folia quasi rotunda, per ordinem terna, similia herbæ quam Latini vocant Nummulariam; caules purpureos, humi serpentes; flores rossos ad modum spicarum; semen exiguum & rotundum; radicem longam, tenuein & fibrosam. Est frigida & sicca, alstringensque. Sanat plagas recentes & veteres; tumores quoque & abscessus dicitur maturare; sistit vomitiones; Confusa & quantitate duarum dragmarum pota mitigat & dolores è lue venerea natos, evacuatque quovis humores noxios: applicata oculis corrigit inflammationes: Denique necat pediculos. Hæc è *Fr. Ximenez*; meminit hujus plantæ Monardes apud
 40 Clusium in exoticis.

Pelhuame vocatur Mechoacanis, planta illa (inquit *Ximenez*) quam Dioscorides appellat Aristolochiam clematidem, quam numquam mihi contigit in Hispania videre, ne quidem pictam; quæ si nota esset, non tanti fierent aut Radix Chinæ aut Zarzaparilla, siquidem facultatibus longe utrique præstat. Est autem herba volubilis, sedis figuram cordis referentibus, foliis minutis, floribus purpureis, qui cætera non absimiles sunt cæteris Aristolochiæ speciebus: radice longa, crassa & subrubenti cortice tecta; quæ præcipue in medicina usurpatur: est acris, odorata, calida & sicca in tertio gradu & tenuium partium: decoctum illius eadem methodo præparatum, quæ radix Chinæ aut zarzaparillæ, servataque eadem victus ratione, mirifice sanat quovis affectus è causa frigida natos, atque adeo lue Veneream; curat tussim
 50 inve-

inveteratam; discutit flatus; comminuit lapillos in renibus & vesica: mover menses, accelerat partum, aperit obstructa, &c. Barbari numerant hanc plantam inter præstantissimas.

De Radice purgativa *Mechuacan*, quæ jam notissima est, operæpretium fuerit *Fr. Ximenem* audire. Radicem inquit purgatricem *Mechuacani* appellant *Tachua-che*, Mexicani *Talanlaquacuitlapille*, & aliæ nationes *Pasquam*: tres illius reperiuntur species, quarum duæ sunt mas & femina quæ forma & facultatibus conveniunt, habentque radicem longam & crassam, è qua lacteus liquor emanat: ex hac procedunt caules tenues & volubiles, cum minutis foliis forma cordis, floribus longis & rubicundis, qui producunt fructum similem peponi (ita verto *Pepino*, quod est in Hispanico, nescio an rectè) figura & mole, candida cute tectum, plenum semine candido minuto & lato, cum certis filamentis instar gossypii, quæ difficulter rumpuntur. Radix est calida & sicca in quarto gradu & si ore gustetur adurens, unde si hic aliorum mores imitari vellem, multum reprehenderem illos qui multa imprudenter & ignoranter de illa scripserunt. Purgat omnes humores per inferiora, præcipue pituitosos; sumendo dragmam unam cum dimidia, aut ad summum duas ex aqua aut vino aut jusculo, vel cum ovo recenti, sumitur enim hoc modo facile & sine nausea. Quidam succo illius expresso uruntur loco scammonæ, ad cujus species arbitrantur pertinere, & consociunt ex illo tabellas cum saccharo, quas mirificè ajunt operari: Solent alii radicem quantitate sex dragmarum in pulvere redactam & in sex unciiis aquæ noctu maceratam mane exprimere & percolare, & aquam illam exhibere: soleo isti aquæ miscere unciam Syrupi de *Matlatzic* aut *Zarzæparillæ* aut foliorum *senæ*, atque ita purgat sine omni molestia. Tertia species nascitur potissimum in signo solo pestiferos, hujus radix est magis gracilis, è qua quantitate duarum dragmarum componitur electuarium purgans cum xx dragmis Sacchari, *Tzautli* sive *tragacanthæ*, quo leniter evacuantur, cholera, slegmaque, nec puto in India reperiri medicamentum quod hocce superet. Alii ex decocto illius consociunt syrupum, qui quantitate trium unciarum suntus egregie prædictos humores purgat. Oportet siccari radicem & servari toto anno; sed in colligendo vitanda est radix non admodum illi dissimilis quæ præsentissimum est venenum. Quam *D. Francisus Hernandez* scriberet, quem hæcenus sequimur, nondum tam probe cognita erat hæc radix; postea enim plures illius species sunt repertæ, magis lenes in operando, licet tres illæ species ab ipso notatæ celeberrimæ sint. Prima est quam Hispani vocant *Mechuacan* à loco ubi primum inventa fuit; cujus in illa provincia & in *Guadalayara*, duæ reperiuntur species; una venenosa quam author noster vitandam monuit, altera quæ moderate purgat; utriusque radix grandis est & crassa, sed nobilis est major. Alia est species est quæ *Matlatzic* vocatur, multo minor præcedenti, quam quidam frigidam faciunt, haud intelligentes purgantium medicamento- rum facultates quæ nullam frigiditatem admittunt. hæc remissius purgat quam præcedentes, atque omni ætatum & sexuum generi exhibetur, etiam prægnantibus sine noxa. Alia species appellatur *Xalapa*, hæc longe potentior est cæteris licet mole sit minor, evacuat generatim omnes peccantes humores, sed summa vigilantia opus est eo die quum sumitur atque adeo sequenti. Ex hac Syrupum consociunt, admodum utilem iis qui variis morbis laborant; ejus compositio talis est. Recipe Radicum *Xalapæ* uncias quinque; *Polipodii* duas; *Hermodyctylor* unam; Florum *cordialium* & *jubarum* ana pugnum unum; *Cinnamomi*, nucum muscat. ana dragmas duas & semis, frangantur & macerentur in sex quartillis aquæ per integram noctem: dein coquantur secundum artem donec medietas consumatur; colaturæ addantur duæ libræ sacchari & percoquantur donec syrupi spissitudinem acquirat; denique quum pene refriguit, miscantur octo grana exquisiti musci. Monendi sunt qui se purgant istis radicibus, ne postero die sumant saccharum rosatum, aut aquam; sed porius pectusculum avis alicujus, aut carnem ovillam assam, nam alias facile recidivam purgandi patiuntur ægri non sine discrimine. Omnes species copiose reperiuntur in Nova Hispania; maximam radicem habet *Matlatzic*, huic proximam *Mechuacan*, multo minorem venenosa species: omnium minimam *Xalapa*, licet rotundior & longior. Omnes autem sunt calidæ & siccæ in quarto gradu, excepta

excepta, solum *Mastilistie* quæ moderatè calet & lenissime purgat, ideoque securus usurpatur. Ex quibus apparet quam parum fidei adhibendum sit Monardæ & Alfonso Inoioso in iis quæ de his radicibus scripserunt. Non differunt autem hæ plantæ in foliis, floribus aut fructibus, nisi ratione soli, quo sit ut alibi majores, alibi minores nascantur; tantum flores nonnihil variant colore, qui fere ceruleus est, sed aut obscurior aut dilutior.

Cæterum vix ulla fructiferarum arborum, quas Europa fert, hic jam desideratur: etiam uvæ ad maturitatem dicuntur pervenire. Moros præterea complures Hispani hic plantarunt, & bombyces nutrire cœperunt, unde præstantis byssi hic
 10 magnus est pròventus. Dat præterea provincia non illaudatum glastum vulgo *Anil*: & fructum ceratix siliquæ (vulgo *Caroba*) non absimilem qui Sumach sive Rhœs coriariæ vicem implet, frondes autem ad vitra conflanda utiliter adhibentur. Denique & Coccinillam ferunt provinciam quæ *Chichimeca* proxime attingunt sed illaudatiore.

C A P. XXIV.

De animantibus hujus provincie, & moribus Indigenarum.

ARMENTORVM pecorumque in hisce provinciis ingens est numerus, uti Her. d. j. & jumentorum, quibus indigenæ jam omnia onera subvehunt, humeris suis ^{l. j. c. 9.}
 10 parcentes: præterea caprarum & porcorum Hispaniensium tanta copia, ut maximis gregibus per sylvas sine certis dominis vagentur: Apri in montanis multi, aliarque fœræ, ut lepores, cuniculiæ, quoque in quibus Bezoar invenitur, quæ sunt certæ rupicapræ, quas hic vocant *Theotilmazames*, mole mediocrium caprarum, aut paulo majores, villis coloris leonini, qui facile auferuntur, verum ad latera albis, cornua habent juxta originem lata, divisa in paucos ramos, exiguis & teretes & præcutos. Reperitur & in aliis quas vocant *Mazatl chihiltie* sive *Themamazame* quibus vastissima sunt cornua.

Notandum autem in Nova Hispania quoque reperiri (ut scribit *Ximenez*) lapides illos fossiles, (quos Arabes similiter vocant *Bezoares*, quia pollent eadem virtute contra venena), præsertim in fluvio *Detzhuanlan*, varii generis & formæ, qui ab undis
 30 deducuntur è montibus, qui abundant bolo armenie.

Non caret quoque Regio ferocibus & noxiis animalibus; nam & leones alit & lupos & *Adibes* pecori imprimis infestos: Tigres autem hominibus, de quibus postquam semel gustarunt, in tantum efferrantur, ut illos è tuguriis abreptos dilanent atque devorent: Verum Hispani jam bombardis suis quamplurimas necarunt. Sciuri tuguria irreparabili damno suffodiunt: Vulpeculæ vero urinæ suæ gravissimo odore, quæcunque contigerint, ita inficiunt, ut vix quadraginta diebus fætor evanescat, vestes vero penitus corrumpantur. Gallinæ, columbæ, palumbes in infinitum au-
 40 tæ; nec perdices defunt, phasianæ atque turtures. Plurimæ hic sunt *Auræ*, incertæ originis aves, gallinarum magnitudine, nigre, caput & collum fetis quibusdam tectæ, retro aspectu, sublime volant, cadaveribusque quæ è longinquo odorantur, pascuntur: (de quibus jam ante plenius) præterea innumeræ aliarum avium species, quæ statim tempestatibus versus Arctum abscedunt, redeuntque; multæ denique quæ raptu vivunt: Serpenteum & viperarum, venenatorumque insectorum & repilium nequaquam hic tanta, quanta in cæteris provinciis, copia.

Indigenæ olim quatuor potissimum idiomata usurpabant, multum inter se diversa. Chichimecarum, Otomitarum (nam hæc natio hic quoque suas sedes habuit) Mexicanum quod toti Novæ Hispaniæ commune fuisse jam supra monuimus, & denique Tarascom, quod hujus gentis proprium erat & vulgare, concisum atque elegans; id nomen huic idiomati inditum fuit ab Hispanis à *Tarasque*, quo nomine barbari genitos suos designabant: indigenæ enim, quum primum Hispani hæc provinciam intrarent, ipsis gnatas suas hac voce *Tarasque* ultro in conjuges offerebant. De amictu illorum, veteribusque moribus & institutis nihil attinet dicere; Omnes enim jam vestiuntur tunicis è panno gossypino & lanco, Hispanico more confutis, & pileos gestant: feminae quoque juxta ac mares promiscue callent idioma Hispanicum: & siquidem industrii sunt, plurimas artes mechanicas exacte didicerunt:

cerunt: nam quum Brasiliū lignum, aliaque materies abunde suppetant, cistas, scriniaque atque alia fabrilia opera elegantissime absolvunt; byssum quoque & alfas peregrinas fruges excolunt sedulo; armenta, iumenta, pecudesque nutriunt: canibus autem supra modum delectantur, quorum multi in montana diffugientes, ibidem ita efferantur ut pesori insignem vastitatem adferant, ipsi vocant *Cimarrones*. Pingunt satis eleganter; sartores & sutores sunt gravi; denique ex aere, quo abundant, lebetes longe optimos, ligones, aliaque instrumenta concinnant rustica. Dum adhuc paganicus superstitionibus tenerentur, firmiori longe valitudine fruebantur quam hodie, parciore quippe victu contenti & à Regulis suis assiduo labore exerciti. Antiquissima illis consuetudo frigidā se abluendi, à qua necdum deterri possunt, nam quoties à febris tentantur, nudi aquæ sese immergunt, itaque & morbum augent, & nō raro sibi exitium maturant. Hispani Mechoacanā quum ante Regnum esset, in Episcopatum verterunt, in cuius Diœcesi supra centum quinquaginta municipia numerantur, quorum nonaginta suas habent scholas: parochiæ autem circiter quinquaginta jam dudum suos habuerunt sacerdotēs & clericos, qui omnes provincialium linguam callentes, indigenis concionantur, audiunt confitentes & populos suo quoque idiomate instituunt, præterquam Otomitico, ob inconcinnam illius breviter atque asperitatem; plurima quoque sunt monasteria Dominicanorum & ordinis S. Augustini: Et vix ullum est municipium quod non habeat suum Nosocomium in quo ægri magna sedulitate curantur. Denique plerique Indigenæ jam Christianam religionem profitentur, & maxime Tarasci, qui urbaniores & maxime dociles prædicantur. Corollarii loco hic addam, quod ab *Acosta* traditur: Elegantissimæ (inquit) plumariæ icones conficiuntur in Mechoacanæ provinciæ municipio *Pascuaro*: ordo operis ejusmodi est: exiguis admodum forcillis plumulas subtiliores ex avium exuviis detrahunt, & delicatissimo glutino, ad hunc usum industrie præparato, apte conjungunt atque concinnant, mirabili juxta dexteritate & celeritate; utuntur autem potissimum plumis minutissimarum avicularum, quas in Peruvia *Tomineos* vocant (supra descripsimus sub nomine *Huitzitzil*) aliarumque, quæ præter colorum varietatem mirum in modum resplendent. Atque hæc de hujus Episcopatus provinciis in communi dicta sunt.

CAP. XXV.

Particulares provinciæ quæ sub hac Diœcesi comprehenduntur, & oppida quæ in singulis ab Hispanis habitantur.

DIOECESIS Mechoacana, præter provinciam quæ proprie & peculiariter id nomen sibi vendicat, complures alias comprehendit, de quibus paucis agemus.

Provincia quæ proprie jam olim *Mechoacan* appellabatur, principium sumit à pago *Taximaroa*, triginta leucis ab urbe Mexicana versus occidentem, ad quem Hispani, postquam Imperium Mexicanum evertissent, primum accesserunt; erat autem tum pagus hic palis ligneis undique munitus adversus Mexicanorum, cum quibus Mechoacani jugiter bellum gerebant, impressiones. Imperabat tum isti Provinciæ Princeps, cujus nomen erat *Tangaiwan Bimbicha* qui ultro venit ad Cortesum, eique se subjecit, anno c1510 unde à Mexicanis nomen meruit *Caçozzin*, quod calceum detritum sonat: sedes imperii erat *Zincontza* ubi Hispani primam coloniam habuere. Narrat Herrera in hac provincia anno c1525 inventam fuisse longe opulentissimam Argentifodinā, verum quum Ministri Regales, qui tum Cortesio absente, omnia pro libitu agebant, eam fisco addicere niterentur, subito disparuisse nec unquam post illa visam. Porro Nonius de Guzman Præses Conventus juridici Mexicani, miserum hunc Regem, jam Christianum, perduellionis, falsò, ut ipsi Hispani credunt, accusatum inaudita crudelitate vivum concremavit.

Primaria hujus Diœceseos civitas, in provincia Mechoacana, Hispanis dicitur *Valladolid*, barbaris *Guayangareo*, ad quam demum, sedes cathedralis fuit translata: omnium

omnium enim primo fuerat in *Zintzontza*, primus autem Episcopus *Vasquez de Quiroga* eandem deduxerat *Pascuarum* aut *Fatziam* distantem quidem à Mexico leucas septem supra quadraginta, itinere plano & expedito ab æquatore (ut *Herrera* prodiit) gradus novemdecim versus Arctum, nisi forte in numero error est, nam ipse alibi & fere omnes Tabulæ geographicæ hanc urbem submovent ad gradum vigesimum & aliquot scapula: Denique cathedralis sedes fuit translata Vallisolerum anno c1o 1o xliiv, quod oppidum distat à Pascuaro leucas septem versus orientem: haud procul ab hoc oppido lacus visitur, Mexicano ut ferunt longe major, & qui vel minima tempestate ingentes fluctus tollit; plurimis linitribus & scaphis navigatur, quia varii generis pisces hic capiuntur, præsertim minuti quidam, quos ad solem indurant, & magno emolumento in variis provinciis venales transportant.

Secundum locum meretur oppidum *S. Michaëlis*, in eadem provincia situm, triginta & quinque leucis à Pascuaro versus aquilonem; quadraginta autem à civitate Mexicana versus Favonium; in solo quidem plano, sed nonnihil aspero, secus viam quæ ducit ad Zacatecenses argentifodinas: atque hæc via initio sui quidem satis tuta est, verum ubi paulum progressus fueris, ob varios flexus atque reflexus, admodum periculosa judicatur, ob feroces barbaros, qui montana incolunt, quæ Hispani appellant *del Vizcocha*, hi enim ex improvviso, è latebris atque sylvarum abditis, montibusque erumpentes, adoriuntur itinerantes, eosque spoliant & non raro occidunt. Cæterum oppidum incolis frequens est, & in illius agro plurima sunt prædia rustica & pascua imprimis læta.

Tertium poscit urbs *S. Philippi*, distans ab oppido Vallodolid Mechoacanæ quinquaginta leucis versus Arctum, & à Metropoli Mexicana duabus & sexaginta versus Corum, in solo frigido atque effæto. Monasterium habet ordinis *S. Augustini*. Utrumque hoc oppidum *S. Philippi* & *Michaëlis* conditum fuit à ViceRege Ludovico Velasco, ad securitatem Tarascorum & Otomitaram qui in illis regionibus degunt, & præsidium provinciæ *Xilotepeque*, adversus barbarorum Chichimecarum atrocinitia & rapinas, à quibus antea mirum in modum infestabantur. Licet autem vicinus ager cuiusvis animalium generi conveniat, tamen maxime idoneus judicatur armentis, quia hæc animalia, jam pene in infinitum aucta, siccis atque fudis anni mensibus scilicet in Tunarum silvas recipere didicerunt, & pluvis rursus in patentibus campos pabuli gratia progredi.

Præterea urbs *Concepcion de Salaya*, à Vicerege Martino Enriquez demum anno c1o 1o lxx condita fuit, itidem ad itinera magis tuta præstanda adversus barbarorum atrocinitia distat ab oppido *S. Michaëlis* leucas tantum octo, à Mexico triginta & quinque, à Vallodolid denique septemdecim.

Urbs *Leon* distat ab oppido Vallodolid leucas quatuor & viginti, à Metropoli Mexicana sexaginta, in agro illius varia argenti metalla celebrantur.

Zamora denique distat à Pascuaro tredecim leucas: *Villa de Lagos* triginta à Vallodolid.

Argentifodina *Guanaxuati* viginti & octo leucis à Vallodolid versus Arctum, & provinciam Zacateccarum; juxta utrasque ut plurimum sexcenti Hispani cum suis servitiis sua habent stativa. *Talputiagua* autem fodina abest viginti quatuor leuc. à Metropoli Mexicana. Atque hæc quidem oppida ad Mechoacanam proprie dictam pertinent.

Porro hujus limites contingunt ad Arctum, vastæ solitudines Chichimecarum, *Queritaro*, *Acanoaro*, *Turirapandaro*, & *Sichu*, confines, circiter triginta leuc. ab urbe Mexico versus occidentem, quæ se inter Austrum & Arctum longissime expotrigunt in immensum terrarum spatium. Chichimecarum autem nomine designantur plurimæ nationes, linguis, ingenio atque institutis plurimum diversæ; *Penues*, *Capnues*, *Samues*, *Zanca*, *Majolia*, *Guamaves*, *Guachichiles* alii, divisi quidem inter se, sed immanitate morum simillimi: Qui quantum terrarum ab Hispanis inde ab oppidis *S. Michaëlis* atque *Philippi* tam ad occidentem quam septentriones hæcenus exploratum, occupare dicuntur, quod non minus quam ducentas, ut volunt, leucas extenditur; insigni soli ubertate & æris temperie, magis calida quam frigida, sicca quam humida

humida, ideoque & salubri. In hisce autem regionibus passim magnorum oppidorum & municipiorum vestigia & rudera ab Hispanis observata produnt, indicio minime vano, & agros hic olim laboriose cultos fuisse, & ædificia illa quondam à gentibus magis industriis & cultioribus fuisse structa, quam sint Chichimecæ qui hodie hic agunt: Nam Chichimecis hisce sub testis degere aut sementem facere insolens, paucis illorum exceptis; Etenim ut breviter absolvam; Hi barbari neque ullam religionem colunt, aut ullam reipublicæ formam norunt, sed passim vagantur in sylvis & solitudine in modum ferarum, omnibus limitaneis Novæ Hispaniæ provinciis adeo infesti, & peccora abigere, fata corrumpere, agris vastitatem, agricolis exitium adferre sueti; ut ne nunc quidem Hispani ab illorum injuriis se suisque vectigales commode queant tutari.

Ad austrum & quidem ipsum Oceanum Australem (nam mare septentrionale nusquam hæc provincia attingit) habet hæc Diocesis duas alias provincias *Zacatulam* atque *Colymam*.

Zacatula oppidum vulgo appellatur *Concepcion* atque etiam provinciæ nomine *Zacatula*, distans ab Æquatore gradus octodecim & aliquot scrupula, quadraginta leucas ab oppido *Valledolid* versus Africum, à Metropoli Mexicana circiter nonaginta, à mari Pacifico unam & dimidiam: Condiderunt Rodericus de Villa fuerte & Simon de Cuenca; ad ripam fluvii satis ampli (de cuius origine supra diximus,) qui infra oppidum duobus ostiis in mare exit.

Colyma oppidum ejusdem cum provincia nominis, jacet ad altitudinem octodecim graduum & aliquot scrupulorum (ut quidem *Herrera* tradit, verum si orarum ductum sequamur & Tabulas Hydrographicas, superat nonnihil altitudinem novemdecim graduum) ad confinia Novæ Galæciæ, quinquaginta leucas à Metropoli Mechacoanæ versus Africum, in regione fecunda, & Cacao, cassiæ solutiæ, aliorumque fructuum feracissima, & auri venis opulenta. Indigenæ à morum comitate imprius laudantur ab Hispanis, licet olim cum *Impilzingis* vicinæ provinciæ incolis, acerrime restiterint Hispanis, & vix tandem sub jugum missi fuerint. Ædificata hæc urbs jam anno cLo Io xxii à *Gundisalvo de Sandoval*, decem ab Oceano leucis, ad ortum à flammivomo quodam monte, qui in hisce finibus visitur.

Habet eadem provincia *Colyma* duos non ignobiles portus, cum suis municipiis haud procul à finibus Novæ Galæciæ, quorum unus ab Hispanis *Navidad*, alter *S. Iago de buena Esperanza* appellatur; quorum ille à navigantibus ad Philippinas Insulas plerumque aditur. *Thomas Fullerus* (*Thoma Candishy*-navis gubernator) *S. Jacobi* portum observavit ad altitudinem octodecim graduum & quinquaginta scrupulorum, septem milliar. Anglica à Nativitate: ora ortum atque occasum inter directè exporrecta: *Candishius* hic aliquandiu cum suis navibus in anchoris constitit, navæque illius paucas uniones hic piscando deprehenderunt; nam omnis hæc ora olim margaritifera ostrea nutritivæ dicitur, fortassis & hodie. Deinde Nativitatis portum adiens, ædificia ibidem omnia diripuit & exussit, cum duabus navibus ducentarum tonnarum quæ ibidem stuebantur. Atque hinc processit ad tutissimam navium stationem milliari uno à Nativitate, (*Malaccam* videntur vocare Hispani;) à qua duorum milliariarum itinere intra continentem distat *Acatlan* pagus triginta circiter domorum cum modico templo.

Tota autem adjacens Regio abundat æris metallis, partim ita mollis & ductilis ut indigenæ elegantissima vasa ex illo conficiant, partim ita duri, ut instrumentis rusticis ex eodem fabricatis tellurem haud secus profcindant quam ferreis: ejus tamen usum indigenæ ante Hispanorum adventum dicuntur ignorasse. In eadem & præsertim in finibus *Acatlan* nascitur species quædam Chinæ, uti videtur: quam barbari vocant *Cozolmecatl* sive *Olcacaxan*; quæ planta radicem fert grossam, quasi rotundam, rubram, gravem & fibrosam; è qua prodeunt caules juxta radicem rubri, volubiles, tenues, nodosi, pleni capreolis, quibus ad fastigia arborum erigitur; folia habet pene orbicularia, mediocria, tribus venis secundum longitudinem distincta; fructum qualem myrtus, plenum semine. Poller pluribus virtutibus; nam folium impositum oculis sanguine suffusus, brevissimo tempore illis medetur. Licet planta sit modice temperata, tamen occulta quadam qualitate contraria est morbis calidis

juxta

juxta atque frigidis; fumique potest quavis quantitate sine noxa: auget vires corporis & testitque collapsas, vel contacta & manibus trita; excitat calorem nativum. Folia illius emplastri forma applicata sanant mirifice dolores dentium, capitis & juncturarum: Notant barbari, folia parti affectæ aut dolenti applicata, de eventu morbi præjudicare: nam si firmiter ad hæreant, certum signum esse ægrum convalesciturum, sin decidant, contra. Sunt & inimicissima venenis; Denique nullum morbum esse ferunt cui hæc planta mederi non possit. *Fr. Ximenez.*

A portu *Zacatula* versus ortum & nobilem *Acapulco* portum, littora primum jacent inter Eorum atque Eurum, triginta leucarum spatio; deinde recta tendunt ad Orientem altissimis ripis, (interiora assurgunt nemorosis montibus, ora autem lancinatur à variis sinibus atque recessibus) triginta leucas, ubi ingens Promontorium se in altum projicit, peninsulæ fere in modum, & valide à marinis fluctibus tunditur; ab hoc ad *Acapulco* portum numerantur octodecim leuæ. Ab eodem *Zacatula* portu versus Occidentem, primo occurrit litus modicè elatum, quod nautici homines vocant *los Motines*; id terminatur terræ angulo, vulgo *Punta de Marvata*: excipit dein humilis & planior ora, quæ multis prædiis rusticis obsidetur, vallonem *de Maquile* vocant: Sequitur deinceps *Suchissi* cornu & duarum leucarum intervallo *Alima* fluvii ostium, & ingens intra continentem Sinus, quem *los Pescerías de Colyma* appellant: & ita porro *S. Iago*, *Salagua* & quatuor ab ea leucis *Navidad*; secundum nautica Hispanorum Itineraria.

Ad hanc Diæcesin pertinet & provincia *Tharimbaro*, quæ producit herbam purgatricem quam vocant *Montinente*, foliis exiguis, figura cordis, caulibus volubilibus & rubicundis, floribus itidem rubris, instar vasculorum orbicularium, quibus semen continetur, radice fibrosa. Semen contritum & quantitate unius dragmæ cum aqua haustum evacuat omnes noxios humores sine noxa, aut angore.

Itemque *Nicalan* sive *Xicayan*; & *Vruvapa* provinciæ, in quibus maxima copia nascuntur arbores illæ quæ exsudent resinam quandam auream, speciem *Copal*, de qua jam ante diximus. Ad oram Maris Pacifici, quam longe *Colyma* & *Zacatula* provinciæ patent, passim nascuntur arbores quæ ferunt Cocos nuces, quas Mexicani vocant *Coyolli*. Porro in Provincia *Vruvapa* sive *Hurubapa* nascitur *Enguamba*, arbor mediocris, foliis latis & concavis, quæ distinguuntur nervulis partim flavis partim rubris; floribus racematim pendulis & herbaceis, fructu nigro, pleno granis, e quo exprimitur oleum flavum, supra modum utile ad humores resolvendos, & adversus plagas.

Enguamba.

Ad eandem pertinet & *Tansisaro* provincia, quæ cælo fruitur algentiori: uti & *Tacambaro* montuosa & aspera.

Y U C A T A N A.

40

C A P. XXVI.

Yucatanæ provinciæ limites, cæli solique qualitates.

PROVINCIAM & Præfecturam *Yucatan* (id enim nomen anno cło lxxvii ab *Hernando Cortesio* in prima illius expeditione accepit) primis illis temporibus insulam esse credebant, quemadmodum & ipsi indigenæ qui illam idcirco appellabant *Pesen*, id est, insulam; sed postea paruit Peninsulam esse, quæ pene tota mari incingitur: Complectitur ambitu suo supra ducentas quinquaginta leucas, forma pene triangulari, aut ficus viridis: patet quidem ad basin, ubi latissima est, inter ortum & occasum, pene centum, ut volunt, leucas, eorundemque inter arcum atque Austrum, ab ora maritima quæ septentriones adspicit ad fines præfecturæ Guatemalensis; ubi vix viginti quinque leucas patet inter ortum & occasum. Claudunt illius limites, ad Austrum quidem fluvius *Taiza* atque *Lecandonum* montium iuga; ad Africum vero provinciæ Chiapenses; ad occidentem denique, provincia *Nicalango* atque *Tabasco*; ubi oceanus duobus sinibus in continentem irrumpit: quorum maximus, ore leucam & amplius lato, marino: Auctu

copia admittit, ut interius ingentem lacum impleant, in quo quamplurimæ insulæ sparguntur, magno navigantium discrimine, qui arbores signare coguntur, ut se ex illo veluti labyrintho explicent. Insulæ autem hæc uti & vicina continentis littora, infinitis variorum generum avibus, maxime littoralibus & lacustribus ad miraculum replentur, ita ut è vicinis atque adeo longinquiorebus provinciis barbari huc aucupii causa advolare consueverint. Nec minor hic ferarum, cuniculorum, aprorum & fumiorem abundantia; longe autem maxima Yguanatum.

Æris temperies hic præferuida est, præsertim in illa parte quæ pertinet ad Arctum, quæ longe maxima est, & licet in tota illa Peninsulæ parte nulli amnes aut torrentes conspiciantur, nusquam tamen aquarum penuria laboratur ob puteorum opportunitatem & multitudinem: infinitæ autem conchæ, restæque passim in mediterraneis sub saxis petrisque effodiuntur, quæ res uti & littorum humilitas, & maris in toto ambitu vadositas, haud vanam suspensionem præbet, olim magna ex parte ab oceano fuisse superfusam. Hyems hic initium sumit ab Octobri, seu festo S. Francisci, quum venti à septentrionibus flare incipiunt, frigidiusculi sua natura & valetudini indigenarum infesti; nam quum caloribus assueti sint & tantum tenuiter vestiti, plerique tum catharris & febribus tentantur; durat hæc tempestas ad mensem Martium, nisi quod Januario & Febuario nonnullum æstus sentiunt; & hisce mensibus non pluit nisi sub Novilunia.

Æstate autem quæ à Calendis Aprilibus ad exitum Septembris durat, pene continuo pluit; tamen hoc tempore & serunt & metunt, magna ut plurimum abundantia, ob egregiam soli ubertatem. Frigus hyberno tempore vix sentitur, nisi quum aquilonares venti valide perflant, idque præsertim ab indigenis ob causas jam memoratas. Abundat regio feris, uti cervis & apris & similibus, unde & à barbaris olim *Vlunulæ Tetelzeb* appellata fuit, id est, Terra Pavonum & Cervorum ut interpretatur *Herrera*. Tellus neque triticum fert neque ullas Europæas fruges: nullæ hic auri aut alterius metalli venæ hæcenus repertæ fuerunt; unde liquido patet, insigni errore à quibusdam scriptoribus prodictum fuisse, ab Hispanis quum primum hic appellerent, hic cruces fuisse repertas, factas ex aurichalco (quod latine vulgo vocant) quum ejusmodi metalli vestigia neque in hac peninsula, neque in ullis Americæ regionibus unquam visa fuerint.

Plurimi barbarorum narrant se à majoribus suis accepisse, Provinciam hanc primum cultam fuisse à gentibus quæ ab oriente post varios errores huc venerant, quæ numinis quod colebant auxilio aliarum gentium injurias evaserant, & per mare apertis utrimque fluctibus transierant. Notandum ab Hispanis narrari, quod in hac solum provinciâ Baptismi quandam umbram invenerint, quam indigenæ suo idiomate secundam nativitatem appellarent: quem vix quisquam illorum frustra negligeret, quum se ablutione illa, omnium virtutum seminio imbuti & adversus noxiolorum Dæmonum dolos atque injurias præmuniri opinarentur. A tertio autem ætatis anno usque ad duodecimum ut plurimum ablucebantur, nec matrimonia contrahebant nisi ante initiati. Diem ad id operiebantur auspiciatum, minimeque nefastum, parentesque & triduo ante jejunabant & à sceminarum consortio abstinabant. Multa præterea de paganis gentium harum ritibus, & institutis ab Hispanis narrantur, quæ quia jam mutata sunt omnia, referre supersedeo. Idioma horum populorum unum erat, nisi quod limitanei & qui ad oram maris agebant, paulo cultius & expeditius loquerentur.

Tota autem Península, videre est ædificia ingentia è saxis substructa, quod mirum, quum ferramentis atque adeo omni metallorum genere caruerint; quæ haud dubio templa & adulatoria fuerunt; nam privatorum ædes fere lignæ erant & stramine tectæ. Hodie hic ingens reperitur armentorum juxta atque jumentorum Europæorum numerus: magna gallinarum copia: gossypium quoque & herba è qua fit *Anis* passim hic colitur.

CAP. XXVII.

Particulares aliquot hujus Peninsulae provinciae, & quomodo primum inventa fuerit.

DIVIDUNT Peninsulae hanc per transversum modici montes, qui à *Champion* ad occidentalem illius oram, excurrunt ad oppidum *Salamanca* usque, ad orientalem oram situm; partiunturque illam in duas partes, quarum illa
 10 quæ ab hisce montibus ad Austrum vergit & *Lecandones* atque *Taylam* attingit, ob aquarum penuriam deserta & inculta permanfit; quæ vero ab iisdem ad Arctum descendit, incolis est frequentissima, nam licet Sol inde ab ortu suo ad vesperam usque admodum serveat, non tamen desunt auræ frigidiusculæ quæ æstum temperent, quas vocant *Brisas*, ab oriente potissimum perflantes, uti nec *Virazon*es (ut vocant Hispani) auræ quæ sub vesperam è mari sese attollunt. Montana autem regio saluberrima est, ita ut incolæ maxime sint longævi, adeo ut Franciscanus quidam testatus fuerit, se quum montana illa peragraret ut barbaros principia religionis Christianæ doceret, vidisse virum, quem, si rationes vicinorum atque ipsiusmet non fallerent, ad minimum trecentos annos natum fuisse oportuerit; erat autem ita incurvus
 20 ut genua ore contingeret, & cute adeo dura, quum semper nudus egisset, adeoque scabra, ut squamis testis videretur. Narrat *Herrera* & alterum à pluribus visum, qui centesimum & quadagesimum ætatis annum attigerat, prout ex iis quæ accurate meminerat, erat colligere.

Adiit hanc insulam inter primos *Franciscus Hernandes de Corduba*; appulitque ad illud terræ cornu quod hodie vulgo *Cotoche* appellatur: cuius nominis ratio hæc traditur: Regulus illius tractus Hispanos alliciens ut in terram exscenderent sæpius usurpabat *Conez Cotoché*, quod ipsius idiomate sonabat, intrare sub testum meum; quare Hispani promontorio nomen *Cotoche* indiderunt. Verum quum Hispani in terram descendissent, non tantum hic, sed & in altera parte, quam Indigenæ
 30 quidem *Quimpech* appellabant, Hispani hodie *Campeche*, à barbaris pene oppressi fuerunt, & ad Cubam Insulam reverti coacti.

Post hunc attigit eandem regionem *Ioannes de Gryalva*, ea parte, qua *Cozumel* insula (de qua mox) ipsi prætenditur; atque ibidem (ut narrant) templa aliquot sive oratoria & cruces lapideas, ligneasque invenit, nusquam antea in America visas. Narrant Hispani ab Indigenis acceptum, Vatem quendam inter ipsos vixisse *Chilam Cambel*, qui longe ante prædixit, peregrinam gentem adventuram ab ortu solis, quæ Crucem esset erectura, qualem ipsis depingebat, quam numina ipsorum superare nequirent; gentemque illam omnes has terras subjugarum, idolorum cultum penitus extirpaturam, barbarosque ad veri Dei cultum tradituram; atque alia
 40 ejusdem generis: atque hinc factum ut tot cruces hic invenirentur, & populus inde finenter Hispanos interrogaret num ab ortu solis advenirent. *Gryalva* deinde *Potonchan* accessit & ab indigenis hostilia multa passus, cursum flexit ad *Tabascensem* provinciam, neque Peninsulam penitus lustravit.

Illum secutus *Hernandus Cortesius*, insulam quidem *Cozumel* adnavigavit, atque ibidem nactus est Hieronymum de Aquilar, qui barbarorum linguam didicerat & tantopere ipsi profuit in Nova Hispania subjuganda: verum aliò tendens peninsulam tum lustrare nequaquam est aggressus.

Itaque non ante annum 1519 penitus & ex instituto lustrari cœpit; quo *Franciscus de Monteyo*, amplissimo diplomate ab Hispaniarum Rege impetrato, ad
 50 insulam *Cozumel* & Yucatanam peninsulam subjugandam se accinxit: & primo quidem insulam aggressus, mox ad continentem transiit; applicanti ad pagum *Xamanzal*, acce cum bellicosissimis indigenis fuit certamen, nihilo tamen secius, secundum oram processit ad *Conilem*: ubi *Chacua* provinciae rectores ultro ad eum venerunt, è quibus didicit, principalem hujus tractus pagum appellari *Turoh*, & illius principes *Cheles*. Dein & provinciam *Aarrinchelen* quæ & *Yxamal* dicitur, est ingressus, incolis nequaquam reluctantis: atque inde provinciam *Tutlxin* cujus caput

erat *Mini* (quatuordecim leuc. ab eo loco, quo nunc *Merida* jacet) cujus habitatores ipsum auxilium poscebant adversus *Cocomes*.

In eadem provincia & *Chetemel* provincia celebratur, in qua olim *Villareal* condita fuit, nunc autem *Salamanca* jacet. *Campeche* atque *Champoton* ubi hodieque urbs ab Hispanis incolitur. His accedit *Cochuague* aspecta & montosa provincia, cum municipio *Tulma*; & pago *Chable*, ubi Hispani se auri venas reperturos aliquandiu frustra speraverunt. Huic proxima est provincia *Guayamil*.

Denique *Chechinizam* provinciam incolebant *Tzaes*, quorum primarius pagus dicebatur *Mayapan*, ubi nunc *Merida* sita est: *Zututam* tenebant. *Cocomes*: *Cannlem* advenæ quidem è *Tabasco*, origine autem *Mexicani*.

10

C A P. XXVIII.

Oppida Hispanorum in Yucatanæ, Merida, Valladolid, Campeche.

PRIMARIA hujus Provincie civitas est *Merida*, distans ab æquatore versus Arctum viginti gradus ut testatur *Herrera*, & pene in medietate hujus peninsulae sita, septentrionali tamen illius littori propior, & haud supra duodecim leuc. à Mari: hoc loco quondam magnum barbarorum municipium *Mayapan* fuisse dicitur, multis & vastis ædificiis lapideis ornata, quorum parietibus nudi homines erant insculpti, ita ut non frustra ipsorum sacraria fuisse judicaverint Hispani: hodie vocatur oppidum *Merida* ob similitudinem cum Hispaniæ urbe. Præfectus totius provincie una cum reliquis Regis ministris hic ut plurimum degit: ibidem & templum est Cathedralis; licet haud supra centum familias Hispanicas hic habitare, ab illis qui viderunt, proditum reperiam.

Secunda urbs *Valladolid*, distat à *Merida* unam & triginta leucas versus Eurum; hic sumtuosum admodum monasterium cernitur Franciscanorum: inque agro hujus urbis supra quinquaginta millia barbarorum numerantur qui Hispanis tributum pendunt.

Tertia urbs *Campeche*, S. Francisci nomini dicata, distat ab Æquatore ut à diligentioribus mensioribus fuit observatum gradus novemdecim, quinquaginta pene 30 leucas à *Merida* versus occidentem aut potius Africum: jacet ad litus quod Novam Hispaniam respicit; portumque habet modicum ad patentem quidem, sed vadiosorem sinum. Accepit ab hoc oppido nomen ligni quoddam genus, quorintores utuntur, quodque magna copia infertur Europæ, est autem species quadam *Brasil*, & forte *Cuburaqua* frutex quem supra descripsimus. Cæterum oppidum hoc anno 1596 à *Wilhelmo Parkero* Anglo interceptum fuit, in hunc modum. Promontorium *Cotoche* prætervectus, atque inde litus *Yucatanæ* stringens usque ad promontorium alterum quod vulgo vocant *Disconocido*, onerariam quidem suam sex ab oppido leucis in anchoris constituit, & quinquaginta sex suorum, majori barbarorum cymbæ, quam *Pyraguam* vocant; impositis, 40 recta contendit ad portum; ubi juxta monasterium S. Francisci in terram descendens hora tertia matutina, tam inopinatus oppidanis supervenit, ut præfectum oppidi atque prætorum interciperet & reliquis civibus, qui supra quingentos erant, inter tenebras elapsis, nullo negotio oppido potiretur. Verum quum ii qui effugerant, animum à nocturno pavore recollegissent, sub horam decimam magnis copiis affuerunt, & impetu in Anglos spoliis legendis occupatos facto, primo congressu sex illorum prosternunt, & ipsum ducem gravissimo sclopeti ictu sub sinistra mamilla vulnerant: Qui tamen in tanto discrimine minime se deseruit, sed suos tanto hostium numero impares cernens, novo strategemate illorum impetum sustinere & frangere est aggressus: nam captivos omnes brachii inter se connexis pro vallo suis objiciens militari ordine se recepit ad portum. Stabat ibidem in anchoris liburnica, regio tributo, auro, argento, aliisque pretiosis mercibus onusta, quam in conspectu hostium ceperunt atque una cum *Pyragua* ad onerariam suam deduxerunt. Pagum quoque, *Sebo* vulgo, qui è regione stationis ipsorum situs, à trecentis quadringentisve barbaris habitabatur, nullo negotio ceperunt, atque tantum ligni *Campechiani*, mellis, ceræque abdu-

xerunt,

xerunt, quantum navis illorum ferre poterat, & opimis spoliis onusti recesserunt.

Quarta denique urbs dicitur *Salamanca*, sita in provincia *Bacalar* sive *Chetemal* septuaginta leucis ab oppido Merida versus Austrum, totidemque pene à Vallodolid secus litus quod à Sinu Hondurensi alluitur.

C A P. XXIX.

Ora maritima Yucatanæ, portus, insule adjacentes.

10 **M**ARE in hujus Peninsulæ ambitu admodum est vadofum, ita ut majoribus onerariis haud propius quam quatuor quinque leucis tutus pateat accessus, neque ullum portum præterquam minoribus navigiis aperiat, longeque vehementius hic fluit atque refluit, quam usquam in tota Nova Hispania: præterea litus omne adeo depressum est, ita humile, nullisque collibus aut arenariis tumulis oblitum (præterquam inter *Campechem* & *Champoton* ubi nonnulli colles eminent sese ostentant, & mons unus satis altus quem vulgo vocant *Morro de los Diabolos*), ut non ante ex alto à navigantibus conspiciatur, quam ubi jam propius pene accesserint, quam tutum sit. Præter hæc brevità atque vada longius à littore cum majoribus navigiis abstinere cautio est; nec minus propter scopulos, qui litus undique obfident, maximo ni prudenter caveas anchorarum & funium dispendio, nec tamen si forte navis vado impingat, præsens exitium incurritur, ob fundi cæno-

20 Porro hæc peninsula respicit ad Arctum Insulam Cubam, septuaginta ut observant leucarum intervallo, ad ortum autem Honduræ ut vocant provincias interjacet hic amplissimus sinus (quem *Ioannes Gryalva* quondam *Ascensionis sinum* appellaverat) qui jam Hondurensis audit, multis insulis refertus, (de quibus suo loco) & crebris naufragiis, eorum qui commercia inter utrasque provincias exerceant infamis. Ad oram autem quæ Tabascensem provinciam contingit, hi numerantur portus; *Cicla* atque *Telichaque*, item *Cical* atque flumen *Cauquil* quod duplici ore in oceanum egreditur: de hinc *Campeche* modicus portus, ea parte qua Novam Hispaniam intuetur. Denique promontorium quod vocant *Delgado*, ad ipsum litoris sese ver-

30 sus orientem reflectentis cubitum; Huic objacet Insula aliquot leucarum intervallo, quam vulgo *Defensidam* appellant, tota vadis & scopulis in ambitu cincta, unde illi nomen. Et ab hac circiter octodecim leucis versus occidentem Insulæ *La Zarza* & *Triangulus*, tres exiguæ insulæ, alteri paulo majori veluti connexæ, & crebris vadorum brevibus navigantibus insidiosæ. Præterea sedecim à dicto Promontorio leucis jacent insulæ quas vocant *de Arenis*: atque *Vermeia* triginta leuc. versus septemtriones. A qua *Los Negrillos* tres insulæ, vadis atque rupibus undique septæ, triginta leuc. versus ortum disparantur.

40 Denique famosæ insulæ, quas vocant *Los Alacranes*, absunt ab ora Yucatanæ viginti leucas versus Arctum; navigantibus omnino vitandæ, ob brevità & vicinos scopulos; quare ab extimo promontorio Insulæ Cubæ, Novam Hispaniam petentes, pro tempestatum diversitate, aut intra aut extra hæc insulas cursus suos solent instituere: Sunt autem tres insulæ parvulæ, quæ distant ab Æquatore circiter duos & viginti gradus ut *Oviedus* tradit: cæcis rupibus longe lateque in ambitu oblitæ, & multorum naufragiis, præsertim Licentiati *Suasi*, infames; qui tamen cum suis mirabiliter ex illis evasit, uti ab eodem *Oviedo* narratur. Nimirum hunc cum na-

Alacra.
nes.

lib. 10.
cap. ult.

50 vigio quinque & quadraginta doliorem soluisse è portu Xagua, qui est in insula Cuba, & superato promontorio S. Antonii, quum Novam Hispaniam peterent, in Freto Mexicano aliquot diebus horrenda tempestate jactatos, demum navem fregisse ad scopulos & septem aut octo supra quadraginta qua viros qua sæminas & pueros enataste, & exiguo lintre monoxilo evasisse in insulam minutam aut potius vadum è mari extans, ubi aliquot diebus vitam misere traxerint testudinibus ibidem inventis; mox in aliam paulo majorem transfretasse, ubi avium copiam invenerint; & denique in tertiam itidem exiguam, in qua tandem non sine miraculo scrobem effoderint & aquam potabilem invenerint, plurimis interim sibi cunctis: hic è fractæ navis tabulis

cymbam fecisse, quam in Novam Hispaniam miserint, unde advenit navis quæ cum summo discrimine Licentiarum hunc cum aliis sedecim qui ex omni numero supererant, incolumes duxit in Novam Hispaniam.

Sed ad oram Continentis jam revertamur. Promontorium *Delgado* versus orientem prætervectos, excipit *Sisal*, Meridæ oppidi portus, cui ad arcum breviter quædam objacent, *los Baños de Sisal* vocant nautæ, quæ distant ab Æquatore gradus unum & viginti & quadraginta scrupula, & ad tres leucas inter Eum & Corum descendunt in altum. Orientalis autem hujus Peninsulæ angulus appellatur *Coroche* ad altitudinem unius & viginti graduum & aliquot scrupulorum, ubi Indorum pagus cernitur cum suo templo vocant *Igreia de Icao*.

Ab hoc promontorio ora statim ad Austrum atque Africum revertitur, & ad ipsum pene oræ sese reflectentis cubitum, insulæ aliquot exiguæ, quas vocant *Mulierum* continenti pene coherant. Haud longo deinde intervallo, insula occurrit, à famoso barbarorum Idolo *Coxumel* dicta, quam Indigenæ Yucatanæ quondam ex omnibus vicinis provinciis religionis ergo crebrius adibant: abest autem à continenti leucas quatuor; patetque in longitudinem quidem quindecim, in latitudinem vero quinque; distatque ab æquatore gradus circiter viginti versus Septemtriones. Indigenæ eadem lingua, moribus atque institutis utbantur, quibus reliqui Yucatanæ. Hanc Insulam primus adiit *Franciscum Hernandes* & post illum *Joannes de Gryalva* anno c1510 xviii & nomen *S. Crucis* eidem imposuit, quod tamen hodie videtur obsolevisse. Sequentibus deinde oras quæ dextræ sunt, in interiori freto *Hondurensi* (ita enim sinus ille, de quo ante, hodie appellatur) tres minores insulæ obvix sunt admodum vadosæ, quas à forma *Triangulum* vocant: è regione Lacus *Bacalal* qui in continenti jacet, triginta leucis ab altero Lacu qui *Chesemal* dicitur. Reliqua ora ad oppidum *Salamanca* usque, ad eundem modum pluribus insulis obtegitur; quarum una *Pantoia* dicitur, haud longe à brevibus, quæ naucleri haud vana monentes *Quisassuerno*, id est vigila, nominant; altera *Zaratan*; tertia *Lamanay*; ultima denique *Tllob* in interiori Sinus hujus gremio; quarum præter nomina vix quicquam innouit. Atque hætenus ora Yucatanæ ad austrum sive Africum pertinet.

T A B A S C O.

C A P. XXX.

Tabasco provinciæ limites, cæli solique qualitates, Indigenæ, oppidum, aliæque.

PROVINCIA *Tabascensis*, fines jungit ad ortum cum Yucatanæ, cujus & præfecturæ annumeratur, ad occidentem cum *Guaicoalco*; ad austrum dividitur montibus à *Chiapa* & *Vera pace*; ad arcum habet mare septentrionale sive Fre-
tum Mexicanum. Patet secundum oræ maritimæ ductum in longitudinem circiter leucas quadraginta inter ortum & oceanum; in latitudinem vero totidem pene, ab ora ad montana Chiapensis provinciæ.

Solum maxima parte planum est & uliginosum, crebris paludibus & stagnis ubique; pervium (in quibus varii pisces, etiam vastæ molis nutriuntur, imprimis manati & Testudines marinæ) nihilominus plurimis nemoribus & lucis opacum. Cælo est perquam humido, siquidem fere novem mensibus continuis hic pluit, prætervidoque, unde quidem hic ingens molestissimarum culicum copia generatur. Cæterum solum hic uberrimum, non modo armentis pabulum abunde subministrat, sed & maizium & cacao (harum regionum divitias) reddit cum maximo sænore. Indigenæ enim ab Hispanis edocti, jam dudum terram colere, sementem facere, greges armentorum pascere & peregrinas arbores atque fruges experunt colere; unde hic plurimæ hodie vites, ficus, aurantia mala, citreaque & similes fructus reperiuntur: præterquam quod sylvarum ipso sponte sua optimos fructus producant: inter quos memorant *Mameyes* quem fructum *Oviedus* describit inter fructus Insulæ Hispaniolæ, hoc

hoc modo, est optimus fructus, rotundus ut plurimum, pugni magnitudine, cortice aspero, coloris leonini, habens officula interdum bina interdum terna, in medio sui tenui pellicula cooperta, coloris castaneæ, saporis amari instar fellis, ambit hæc ossa caro colore fulvo, & sapore mali perlicæ: arbor quæ hos fructus fert procera est, pulchra foliis nucis sed longe majoribus. item *Zapotes*; Arbor quæ hos fructus fert dicitur in Nova Hispania *Cochiz-Tzapotl*, hanc *Fr. Ximenez* ita describit; est arbor grandis deformis, foliis Aurantiæ mali, raris & ternis per intervalla; truncus variegato notis quibusdam albis; floribus exiguis & flavis; fructus illius refert figura malum cotoneum, & interdum est illius molis, Hispanis dicitur *Zapote blanco*: est edulis, grati
 10 saporis; verum non admodum salubris, officulum illius est lethale venenum. Item *Aguacates* & *Guajabos* de quibus jam ante, aliosque & odoris suavitate & saporis gratia præcellentes. Sed unam imprimis habet arborem domesticam, quantivis pretii, quam vocant *Xocoxochiel*; quæ est arbor grandis, foliis mali aurantiæ, fragrantissimis; floribus rubris instar granati, odore item aurantiorum, grato juxta ac suavi: fructibus rotundis & racematim pendulis, qui initio quidem sunt virides, sed postea rufi, & ad extremum nigri; acris saporis & mordacis, bonique odoris; calidi & sicci in tertio gradu, ita ut piperi substitui & pro carpopalsamo in officinis possit obtrudi. Hispani vulgo vocant *Piper Tabascense*. Corroborat Cor
 20 & Ventriculum; amicum est utero; discutit flatum; aperit obstructa; movet urinam & menses; succurrit Cholici & Nephritici doloribus: consumit humores crassos & viscosos & fugat rigores febrium. Maizium hic bis quotannis, interdum & ter colligitur: Oryzam quoque & milium haud maligne fert tellus, uti & omnimoda olera. Abundat hæc provincia tigribus, leonibus, cervis, damis, apris, cuniculis, armadillis & similibus animantibus. Maxima quoque hic avium copia & infinita varietas. Gossypium licet passim hic nascatur, tamen id minime curant Indigenæ, sed vestes & alia necessaria petunt ut plurimum à Yucatan; ipsi pascendis vacis atque porcis se occupant, & imprimis *Cacao* fructibus custodiendis, quos ægerime, quum maturescere incipiunt, contra simorum & sciurorum furta, tueri possunt. Mosquitum hic tam frequentes tamque molesti, ut somnum capere nisi sub reti-
 30 culatis testoriis, vix liceat.

Fuit quondam hæc provincia longe frequentissima indigenis, qui jam magnam partem pestilentia atque aliis morbis interierunt, & imprimis pessima illa consuetudine frigida se abluendi, quocunque tandem morbo tententur; & quum Christianis legibus plures uxores ducere prohibeantur, tantum hodie quantum olim incrementum sumere nequeunt. Cibo quidem dum gentiles essent parco utebantur, potu vero largo admodum se ingurgitabant, præsertim illo quem & *Cacao* consiciebant admista pollenta; itemque altero è mayzio cocto, acidiusculo & in magno æstu potari pulcherrimo. Postquam autem Hispanorum moribus imbui ceperunt, & magis conjunctim in pagis degunt, & statim horis cibum capiunt, bovillis & porcillis carnibus
 40 victitantes, & potu è maizio cocto & Cacao, variisque aromatibus condito, quem vocant *Cocolaten*, utentes.

Denique tribus linguis vulgo utuntur; quarum prima appellatur *Chontal*, verborum copia insignis, expedita & maxime communis: altera est quam *Zoques* usurpant, qui montes incolunt, qui provinciam hanc dividunt à *Chiapa*: Tertia denique *Mexicana*, quam primum à prædiciariis *Mexicanis* acceperunt, quum duo munimenta *Zimatlán* & *Xicalango* in ipsorum sinibus tenerent; quam hodie lubentissime usurpant, partim quia cultior est & toti Novæ Hispaniæ communis, maxime autem, quia religiosi varias cantilenas hæc lingua populo tradiderunt, quibus summo pere delectantur.

50 Unicum in hac provincia oppidum incolitur ab Hispanis, quod gentili nomine quidem *Tabasco*, sæpius tamen *la Villa de nuestra Señora de la Victoria* nominant, in memoriam prælii prospere juxta hunc locum à Cortesio contra Indigenas pugnat, quum primam in Novam Hispaniam expeditionem susciperet; & non raro simpliciter *Victoriam*. Distat à *Ciudad Real* oppido provincie Chiapensis septuaginta leucas, ad quam provinciam primum adverso flumine Gryalva subeunt leucas quadraginta, dein terrestri itinere per asperos & frigidissimos montes, triginta, ex hiis monibus
 multi

multi amnes descendunt in provinciam Tabascensem. Idem distat à Metropoli Mexicana terrestri itinere leucas centum & sexaginta, maritima ad Veram Crucem & inde porro terrestri centum & quadraginta: à Campeche mari quinquaginta.

Flumen *Gryalva* amplissimum est & intra fauces supra octo orgyas altum, in ipso ore vadulosius & maris accessu cum pernici amnis decursu colluctante, vorticosum & aditu perdifficile. Descendunt in hoc quinque alii amnes, præter innumeros torrentes & lacuum emissaria. Exonerat autem se in altum duplici ostio, quorum unum quartam milliariis partem latam, oram quæ hic inter ortum & occalum jacet, dividit per transversum, & devolvitur recta ab Austro in Arctum: alterum properat ab Africo ad Aquilonem.

Tribus autem à jam dicto oppido leucis, aliud flumen per duo æstuaria oceano miscetur: quorum unum *Gryalva* veluti è propinquo salutato, cubito se flectit, redditque pagum *Tabascillo* veteris municipii *Ponsonchan*, quod Cortesio famosam interpretem Marinam dedit, reliquias. E regione porro hujus pagi, torrens *Tacanís*, per Lacum quendam, pergit ad flumen *S. Petri & Pauli*, quod est alterum hujus provinciae flumen satis validum; sed angusto ostio, quod ad arctum pater, profundum & limpidissimum, optimosque pisces magna copia nutriens: ripas illius tegunt vernantes sylvæ, in quibus plurimæ feræ capiuntur. Per torrentem vero illum, Mexicani, olim quum provinciam hanc suis præfidiis tenerent, navigabant lintribus monoxulis ad arcem *Xicalango*; unde & lacui nomen ab Hispanis datum *El lago de Xicalango*. Ex hoc lacu fluvius *Tisapa* egreditur versus eorum, navigabili alveo, quem lintribus descendunt ad *Xonutlam* ii qui Yucatanam petunt.

Denique à mense Septembri ad exitum Martii ora maritima hujus provinciae valde infestatur à ventis qui ab Arcto, Coro atque Aquilone perflant: ita ut illis mensibus cum summo discrimine hic navigetur; reliquis autem mensibus hic regnant Subsolanus atque Vulturinus, raro Austus, qui hic supra modum insalubris & cerebro gravis.

DESCRIPTIONIS INDIÆ OCCIDENTALIS,

LIBER SEXTUS.

NOVA GALÆCIA.

C A P. I.

Novæ Galæciæ limites, provinciæ, Cæli solique qualitates, fructus.



NOVA GALÆCIA, quæ & *Guadalaïara* à primaria urbe, & nonnumquam *Xalisco* à principali provincia ab Hispanis appellatur, conventum iudicum per se hodie constituit secundum hodiernam Hispanorum partitionem: Finisque habet ad ortum quidem & Aquilonem portum *Navidad* & *Chiapalam* paludem, quæ illam dividit à Nova Hispania; ad occasum fretum *California*, licet & terras ad Favonium porro sitas includat, ad Corum vero atque Arctum vastas & parum cognitæ regiones, in quas indeterminatis limitibus patescit; quæque quoquomodo ab Hispanis culturæ paulo pluribus quam centum leucis in latitudinem dicuntur patere, & à portu *Nativitatis* secundum ora maritimæ ductum circiter trecentis.

Hæc præfectura plurimas complectitur provincias particulares, quarum principes sunt, *Guadalaïara*, *Xalisco*, *los Zacatecas*, *Chiamela*, *Culacac*, *Cinaloa*, *Nova Biscaya*: limitaneæ autem *California*, *Cibola*, *Quivira*, *Nova Mexicana*: de quibus singulis suis locis atque ordine agetur.

In omnibus hisce regionibus aër magis temperatus est quam frigidus: Junio Julio atque Augusto crebri nimbi atque tonitrua accidunt: non rari quoque terræ motus, majoribus & firmioribus ædificiis potissimum metuendi. Cælo alioquin gaudent sereno, & rarissimè, præterquam pluviis mensibus, nubilo: Solum hic cessantibus pluviis est aridius minimeque uliginosum: venti hic ut plurimum valide perflant & maxime ab Australi plaga; pluviæ plerumque densiores & nimborum in modum concitatæ. Ros matutinus liberalior; circa festum *Nativitatis* nonnumquam pruina & levi gelu tentantur: cæterum omnes hæ provinciæ admodum sunt salubres, & valerudini incolarum ad provectam usque ætatem amicissimæ, & pestilentie quam minimum obnoxie. Habent tamen & pestem suam, maximam Mosquitorum colluviem, & Cimicum copiam, tam grandium ut fabas dicantur æquare, & virulentis suis moribus pustulas excitare juglandum mole: nec à scorpionibus immunes sunt, sed ictus eorum minime læthales sunt, siquidem exquisito viginti quatuor horarum dolore expunguntur, aut didoneorum succo curantur.

Solum magis montosum est quam planum; magna sui parte arenosum, nonnullam & argillosum: petreæ hic frequentes, nulla tamen marmora, aut lapides aliqujus pretii hæcenus hic reperta legimus: ædificiorum parietes plerumque luto aut limo concinnantur.

Quatuor ab urbe *Guadalaïara* leucis, secus viam quæ ad *Zacatecas* ducit, mons in summam assurgit altitudinem, ita ut ascensum illius atque descensum leucæ spacio definiant, equis aut aliis jumentis inaccessus: reliqui quoque montes in illis partibus admodum asperi sunt atque silvosi, ubi ingentes pinus & procerissimæ quercus visuntur, & magna luporum copia alitur.

Metallorum præsertim argenti atque æris magna hic reperitur copia; auri hæcenus

Ætenu nihil, & ferri aut chalybis perparum. Metallis autem omnibus, ut plurimum admixtum reperitur plumbum, crebrique lapides quos vocant *Margasita* & *Chalcirita*; etiam gemmæ quas Nephriticis affectibus mederi volunt.

Solum multis partibus nitrosum deprehenditur, unde hic salem è pluviatili aqua coquunt.

Maximus harum regionum fluuius est *Barrania*, qui è lacu Mechuacano se effundens, citus fertur versus Corum, & quatuor ab urbe Guadalajara leucis de Cataracte decem orgyas alto se præcipitans, evolvitur in mare Australe; nusquam vado transiit, sed ratibus quæ è cannis atque cucurbitis compinguntur, ut plurimum trajicitur, quibus homines cum impedimentis insident, & equis juxta fluitantibus à barbaris natantibus ad adversam ripam non sine discrimine propelluntur.

In provincia *Tcatlan* lacus est ingens, viginti; aliusque in *Zacualco* duodecim leucas ambiens; latissimis pascuis in ambitu & jumentorum copia uterque celebris.

cap. 3.

In omnibus pene conuallibus hic abunde crescit arbor *Misquitl*, quam superiori libro descripsimus, ferens siliquas oblongas pendulas, haud dissimiles carrobis: & ejusdem generis planta quam vocant *Guamoehen*; Vtriusque fructus vulgo à barbaris in cibis usurpantur. Inter arbores autem quæ hic frequentissimæ, magnitudine præcellit *Zeybo*, Oviedo *Cerba*, qui mira narrat de vastitate harum arborum,

l. 9. cap.

materies tamen illius spongiosa fere inutilis est, neque ad fabricas adhibetur: fructus fert instar siliquarum, rotundos, plenos subtili quadam lana, quæ siliquis præ maturitate dehiscuntibus in auras dispergitur: Umbram quam facit hæc arbor, hominibus salutrem esse prædicant. Plurimæ quoque hic reperiuntur *Tuna* quæ quidem exquisitos fructus ferunt, sed Coccinillam minus laudatam.

Porro cidonia mala, pyraque, ficus, persica præcocia, & quæ Melocotones appellantur, alique fructus Europæi hic tam ubertim proveniunt atque perfecte maturantur, ut Hispanienses fructus longe præcellant: cerasi vero ita ramis foliisque luxuriant, ob terræ fecunditatem atque humiditatem, ut rariores fructus ferant: nec oleæ hic suos ferunt fructus ob formicarum multitudinem, quæ radices illarum suffodiunt. Campestria loca pabulum omnis generis abunde animantibus subministrant: sponteque productum tuberis subterranei quoddam genus, (quod Hispani vocant *Castanvelam*,) porcis saginandis haud secus utile quam glandes aut castanæ. Triticum quoque elementer patitur solum & plerumque sexaginta modios reddit pro uno; Mayzii etiam ducentos & interdum plures: Secale atque hordeum non magni faciunt Indigenæ, neque iis indigent, legumina vero atque olera Europæa & diligenter & cum magno colunt emolumento: Axi de quo alibi diximus, imprimis abundant: Cedavilla denique, qua equorum scabiem & ulcera curant.

Satorum in hisce regionibus pestis sunt formicæ: nec non picæ, exiles quidem illæ nec passeribus multum majores, sed tanto numero, ut integram segetem, ubi semel aristis incubuerint, prosternant atque conculcent, neque clamore aut aliis terrore deterreantur.

Fluvii piscibus abundant & sylvæ feris, haud secus quam in Nova Hispania. Apum denique infinita hic copia, quæ aculeis destituuntur, & plerimum in concavis arborum truncis mellificant.

CAP. II.

Indigenarum ingenia, mores, instituta; Hispani incole.

INDIGENÆ harum provinciarum ingenio sunt admodum versatili, & levi de causa mutant domicilia; & non raro libertatis atque immunitatis à tributis causa, in silvas & solitudines se subducunt, ibidemque ad antiquos mores & immanes consuetudines relabuntur: Industrii quidem sunt & sagaces, admodumque dociles etiam eorum quæ religionem spectant, verum segnes & laborum imprimis impatientes, ad quos vix ægre, & non nisi magna mercede se patiuntur traduci. Statura corporis paulo majores sunt quam Mexicani: amiciunt se indusiis gossypinis, & palliis

pallus quadratis è *Magney* gentilitio illorum more contextis, quæ duabus fibulis supra humeros connectuntur. Storceas junceas usurpant pro lectis, quas gossypinis stragulis integunt: virides lapillos & conchylia quædam elegantia brachiis, peribulque, ornatus causa circumligant: Nulla re impensius utuntur aut magis delectantur quam choreis, quibus totos dies ad inconditum & raucum lignei tympani sonitum pidi corpora & variis plumis ornati, cantillantes indulgent, & comperationibus ad ebrietatem usque occupantur; nulla ipsis divitiarum cupiditas; perexigua terram colendi cura; *Maguey* tantum diligentius colunt, idque potus gratia: Fructibus cujusdam arboris, quo *Tecomates* vocant (arbor est grandis & moro frondibus non absimilis, quæ fructus fert instar cucurbitarum, varia forma & mole) pro valis uruntur, adeo interdum grandibus ut *Azumbrem* (mensura est Hispanica quæ, ut notat *Clusius*, capit rerum liquidarum libras tres & uncias quatuor; responderque binis sextariis veterum, quorum sex congium efficiebant, sive libras decem) liquoris contineant: visitant ut plurimum carnibus, unde & gallinas alunt magno numero. *Mayzio* tosto vel etiam pisto, pro pane vescuntur, *Cacao* autem tritum admista *mayzii* tosti portione pro obsonio usurpant; liquorem *Maguey* aut apozema è *Cacao* & *Mayzio* pro vino. Ut plurimum quoque *Cacao*, *Mayzium*, *Axialiave* aromata in pollinem trita, aqua miscent, eamque sobillant; talemque pollinem, dum iter faciunt, in sacculis coreaciis solent circumgestare. Gossypio quidem abundant, ejusque texendi haud ignari sunt, sed agnata inertia illud colere aut colligere negligunt. Olim quidem lignicis palis terram subigebant, nunc ligonibus ad Hispaniz normam fodere didicerunt.

Pagatim quoque jam degunt, habentque, suos Regulos, judices, prætores atque apparitores, secundum consuetudines Hispaniæ. Et Reguli quidem hæreditario jure succedunt, reliqui ministri à Præfectis regis constituuntur. Summa ipsi infamix nota, tonderi; nihilque magis ambiunt quam bellicæ fortitudinis gloriam. Ad annum Domini 1510 xxxii (ut ab idoneis authoribus observatum inveni) pauci *Mestizi*, id est, ex Hispano & Indæ, vel contra geniti, quos hybridæ veteres vocabant, in hisce provinciis reperiebantur: multi autem nigritæ, qui hic nati, industria & laborum tolerantia Africanos longe dicuntur superare. Atque hæc quidem de gentibus hisce in communi dicta sunt.

Particulatim autem commemorantur *Cacænes*, qui ad fines *Zacatecarum* degunt, lingua moribusque à cæteris diversi: *Guachachiles* itidem idiomate differentes; Denique *Guamara*, quorum idioma supra modum concisum, difficillime (uti & cæterorum) addiscitur; atque hæc quidem nationes, ubi pagatim degere assueverint, paulatim cicurantur; verum furtis & latrociniiis adeo sunt dediti, ut vagari malint & à consortio Christianorum abhorreant.

Hispani autem qui in hisce provinciis degunt, mercaturam ut plurimum exercent & in metallicis occupantur; non pauci & pascendo pecori & armentis nutriendis aut agris colendis vacant. Licet autem *Sacchari* cannx uberrime hic proveniant, non tamen easdem excolunt, non magis quam *Tunas* licet hic integræ illarum silvæ reperiantur, & quidem una, ut ferunt, tam vasta ut quinquaginta pene leucas complectatur, è quibus infinita Coccinillæ copia colligi posset, si cultura adhiberetur. Vehiculis & carris passim utuntur, atque junctis bobus, equis, mulisve ducunt. Mensuras atque pondera Hispaniensia usurpant. Pagos adversus silvestres barbaros, qui soli hic metuendi, lignicis palis sepium; corpora autem gossypinis thoracibus (*Escapiles* ipsi vocant) adversus sagittarum ictus muniunt. Nunc singulares provincias particulatim lustremus.

GUADALAJARA.

CAP. III.

Guadalajara Provincia, & oppida quae Hispani in illa colunt.

INTER provincias *Nova Galacia* eminet, quam vulgo appellant *Guadalajaram*, cœli temperie & soli ubertate nulli secunda; nam & triticum benigne patitur & Mayzium; redditque multas alias Eûropæas fruges insigni fecunditate, argenti denique supra modum est locuples. Fines habet ad ortum ex parte *Mechoacanæ*, ex parte *Mexicanæ* provincias; ad Occidentem *Xalisco*; ad austrum provincias *Mechoacanæ* quæ mari pacifico alluuntur; ad Arctum *Zacatecas*. Oppida hic ab Hispanis incoluntur tria.

Primaria civitas *Guadalajara*, quæ provinciæ nomen dedit, à *Nonnio Guzmáno*, anno cIo Io xxxi condita, viginti gradibus & totidem scrupulis ab Æquatore versus Arctum, (uti ab *Herrera* proditum est, quum Tabulæ Geographicae illam ad vigesimum primum gradum & semissem collocent, quod & situs differentia ab urbe *Mexicana* videtur postulare) & sub centesimo & sexto gradu cum dimidio longitudinis à Meridiano *Toletano* subductæ; nam à *Toletæ* secundum rectam lineam mille septingentis & octuaginta leucis distare hanc à curiosis est observatum. Abest autem à Metropoli *Mexicana* octuaginta & septem leucis inter arctum atque Favonium, & ab extremis *Novæ Hispaniæ* finibus quadraginta; à *Culuacan* ducentas quinquaginta, si non fallitur hic *Herrera*: ab argentifodinis *Zacatecentibus* quadraginta, licet *Herrera* sulimmemor alibi longe minorem numerum prodar: à *Xalisco* denique tantum duodecim. Pertinet autem hujus urbis diœcesis ad extremos fines provinciæ quatin vulgo vocant *Francisci de Tbarra*. Pomcerium hujus urbis olim à barbaris vocabatur *Molino*; planicies lata, haud longe à flumine, limpidiſſimis fontibus & torrentibus rigua; ideoque & gramine lata, & arvis satique dives; vicini autem montes materiem struendis ædibus peridoneam abundè subministrant. Aëris temperies hic perjucunda, neque nimio æstu torretur, neque frigore geluve alget, sed salubris est & molestorum insectorum quam minimum fœta. Solum denique Eûropæum triticum liberaliter cæterosque fructus abundè producit. Indices regii hic tribunal suum habent, reliquique Regis ministri & quæstores ærarii ibidem habitant; uti & Episcopus qui inter Archiepiscopi *Mexicani* suffraganeos annumeratur; Cathedralis enim Ecclesia quæ antea in urbe *Compostella* fuerat, anno Domini cIo Io Lxx huc fuit translata. Sunt præterea hic *Franciscanorum* & *Augustinianorum* cœnobîa.

Altera urbs ab Hispanis *Villa del Espíritu Santo* appellatur, ab eodem *Nonnio Guzmáno* condita, in provincia quæ gentili nomine *Tepique* dicebatur, de qua præterea nihil hætenus observavimus.

Tertia deniq; dicitur *Santa Maria de los Lagos* ab eodem *Guzmáno* constructa, distans à metropoli *Guadalajara* triginta leucas versus Eurum; præsidium est adversus barbaros *Chichimecas*, qui inter Ortum atque Arctum passim in nemoribus atq; campis ferarum more vagantur, omnis humanitatis vacui; latitantque plerumque in cavernis & abdytis silvarum, humi sub dio cubantes, & ferina atque agrestibus fructibus misere vitam tolerantes, partim nudi, partim ferarum exuviis leviter tecti, & arcubus atque sagittis armati; vastis corporibus nec indecoris, cæterum helluones & bibones strenui, porione quadam ex agrestibus radicibus composita sese inebriant: sed de his alibi jam diximus; nec de hac urbe plura nobis comperta in Hispanorum Geographorum aut Historicorum commentariis.

XALISCO & CHIAMETLA.

CAP. IV.

Xalisco & Chiametla Provincia, oppidaque in eisdem ab
Hispanis habitata.

SECUNDA hujus Praefecturae provincia appellatur *Xalisco*, Mayzii quidem egregie fecunda, sed pecorum atque jumentorum pene indiga. Scribit *Nicolaus Monardes* apud *Clusium* in *Exoticis*. *Gelisco* Novae Hispaniae provinciâ (quam hanc esse opinor) oleum seu liquor quidam adfertur, cui Hispani, oleum ficus infernalis, nomen indiderunt, eo quod ex arbore cum fructu, tum foliis simili Ricino (sed in majorem altitudinem ob soli ubertatem excrecente) elicitur. Eadem vero ratione hoc oleum Indi eliciunt, quam docuit Dioscorides lib. 1. cap. 30. hoc est, confuso semine, deinde in aqua cocto, postremum oleo innatante cochlearibus excepto. Hæc eliciendorum oleorum ratio ex seminibus & fructibus, Indis admodum familiaris est, quippe qui nullam expressionem norint; sed etiam hoc oleum isto modo quam expressione facilius elicitur. Magnis viribus pollet illud oleum, veluti experientia & multo ejus usu comprobatur est, cum in India, tum in hisce regionibus. Omnes morbos ab humoribus frigidis provenientes sanat, omnes tumores dissolvit, flatusque discutit, praesertim ventris, eamque ob causam non modo in Anasarca utile, sed in omnibus Hydropisibus generibus, si ventre illo inuncto, aliquot guttae vino aut alio liquore commodo exceptæ sorbeantur: Etenim aquas evacuat, quod etiam minore noxa facit, clysteribus injectum. Ventriculum frigidis humoribus & flatibus liberat: & coli doloribus utile, si partes affectæ eo inungantur; & aliquot guttulae sumantur. Efficacius subvenit illi doloribus, ut experientia didicimus. Articulorum morbis, à causa non admodum calida natis, auxiliatur, humorem evacuando, si aliquot hujus olei guttae, pingui jure gallinae dissolutae sumantur. Contractos artus, si eo inungantur, curat, nervos molliet distendendo. Stomachum, uterum & lienem obstructionibus liberat inunctione. Alvum puerorum emollit, illito toto ventre: atque ventris animalia pellit, maxime si ejus una aut altera gutta è lacte aut jure pingui propinentur. Ad ploras & ulcera capitis manantia valet: confert aurium doloribus & surditati; omnibus præterea cutis vitiis, praesertim faciei; varosque mulieribus plerumque insectos illitu expurgat. Calidum est initio tertii gradus, humidum secundo. Addit *Clusius*, qui & iconem fructuum adjicit, fructus ab Indis appellari *curcas*: sed fructus illi videntur eidem esse cum illis quos supra descripsimus sub nomine *pinnonnes de Brasil*, de quo tamen ambigo: Nominis autem *Curcas* nullo vestigium inveni apud diligentissimum plantarum Americanarum descriprorem *Fr. Ximenem*; qui neque olei ficus infernalis meminit, quod miror, scripsit enim diu post *Monardem*. Praecipua & forte unica hujus provinciae urbs dicitur *Compostella*, haud longe à littore sita, ad altitudinem unius & viginti graduum (uti ab Angelis observatum inveni) quum pleraque tabulae Geographicae hætenus editæ, ad eandem cum *Guadalajara*, quædam etiam pene ad vigesimum secundum gradum septentrionalem collocent: Distat autem à *Guadalajara* tres supra triginta leucas versus occasum. Condidit illam *Nonnius Gazmanus* anno 1530 in planicie juxta fluminis ripam, ubi nec pascua pecoribus in ambitu suppetunt, nec solum ubertate faris respondet: Equis quoque gramen deficit; Uti & materies ædibus fruendis. Denique quia urbs vicina est mari, aer hic imprimis fervet, multaque generat insecta & noxia animalcula; idem & humidissimus est, crebrisque tempestatibus obnoxius; ut non dubium sit hanc urbem, conditoris imperitia, incommodissimo loco collocatam fuisse.

Ad oram præterea Maris pacifici, exiguo intervallo à portu Nativitatis; pagum habet, quem vocant *La Purification*, in ipsis finibus hujus provinciae, loco calidissimo atque valde insalubri.

Xalisco confinis est *Chiametla* provincia ad oram maris Australis sita viginti leucas longa totidemque lata, urab *Herrera* proditur: Insignis quidem illa & quondam

incolis frequentissima, qui arcubus & sagittis, parmis atque clavis simul armati prælia ciebant: Parmæ constabant è bacillis, quos funiculis quibusdam arcte inter se contexebant; has sub axillis fune ligatas gestabant: atque ubi opus erat, solvebant; cisque corpus pene totum contegebant, humi interdum strati ad equitum ictus eludendos; (nam validam admodum lanceam esse oportebat, quæ illas penetraret, ob materiei duritiem.) Fœminæ hujus provinciæ formosæ erant, totumque corpus vestimentis tectæ; maribus erant breves tunicæ & calcei è cervicis tergoribus confuti: Onera omnia baculis supra humeros elevabant, sub axillis gestare imprimis indecorum opinantes; ubi bellandi occasio deest, venationibus omne tempus terunt. Idola olim venerabantur, nec ab humanis abhorrebant carnibus: plurimisque viris se dedebant; nunc postquam Evangelii lux affulsit, immanes illos mores ceperunt exuere.

Solum hujus provinciæ fertile; plurimaque hic reperiuntur argenti metalla; cæterum & mellis non contemnenda copia.

Franciscus de Tharra Tribunus militum, primus Coloniam Hispanorum deduxit in hanc provinciam anno cō 10 LIV, *S. Sebastiani* nomine imposito, duobus supra viginti gradibus ab Æquatore versus Arctum. Post illa aliquot opulenta argenti metalla in hac provincia reperta fuerunt, & stativa aliquot fossoribus constituta cum suis machinis & molendinis; ita ut hodie hæc provincia (quæ vulgo de *Tharra* audit) inter argenti divites merito numeretur.

CULUACAN.

C A P. V.

Provincia Culuacan descriptio & quomodo primum à Nonnio Guzmano fuerit lustrata.

CHIAMETLÆ provinciæ ad eundem oræ maritimæ ductum contigua est illa quam hodie vocant *Culuacan*, quamque *Nonnius Guzmanus* primus lustravit atque perdomuit anno cō 10 XXXI. De cujus itinere atque expeditione hæc accepimus ab *Herrera*.

Guzmanus postquam oppidum *del Espíritu Santo*, quod hodie appellatur *Compostelata*, condidisset, *Chiametla* cum exercitu discedens, primo *Piatzalam* provinciam est ingressus, eamque funditus destruxit, pagis omnibus concrematis; indeque transiit in provinciam *Zaputlan*, in qua longe plures fœminas offendit quam mares, quæ res fabulæ originem dedit, ab Amazonibus habitatam fuisse: E qua copiis in diversas partes dimissis, progressus, tandem pervenit ad vastum flumen, frequentibusque ad ripas accolis nobile, cui *Rio de la Sal* nomen indidit. Solum hic planum erat, & in modum convallis à montibus circumquaque septum. Castra locata in *Piañla* juxta fluvium ejusdem nominis, unius diei itinere à mari postquam rationibus subductis centum & quinquaginta leucarum iter secundum litus maris fuissent progressi. Domicilia barbarorum qui hanc provinciam incolebant à vicinorum atque adeo aliorum Americanorum fabrica multum diversa erant, in quorum angulis atque adytis angues complures reperti, peregrinum in modum conglobati, capitibus supra & infra exsertis, terribili rictu, si quis propius accessisset, cæterum innocui; quos barbari vel maxime venerabantur, quod diabolus ipsis hac forma apparere consueffet: eosdem tamen & manibus contrectabant & nonnumquam suis vellebantur. Fœminæ forma erant eleganti, utrique autem tam mares quam fœminæ ob gossypii abundantiam, vestibus se amiciebant. Hæc quoque provincia amœna & bene culta miserum quoque in modum à militibus pervasata.

Hinc digressi, non sine crebris certaminibus cum bellicosis barbaris, pervenerunt ad *Baylam*; & octo dierum iter emensi per plurimos pagos ab incolis desertos, offenderunt grande flumen, quod *Rio de los Mages* nominarunt, ob magnum numerum fœminarum, quem ibidem viderant. Tota hæc regio qua ripam fluminis contingit, densissimis sylvis pene in via est, ubi aliquoties cum barbaris certatum: populosa

populosa enim erat & bene culta. Ad oram maris redire consilium erat, sed quum nullum iter commodum reperirent, adverso flumine *Mulierum* ascenderunt, & pervenerunt ad montana ibique non sine certamine ingressi sunt pagum *Quinolam*, (in Quincolis cum suppellectile sua se in sylvarum avia properè subducentibus,) eumque funditus concremarunt.

Hinc per montium devia agrè eluctati, ad alium pagum descenderunt, (quem amenissimus amnis secabat) in quatuor regiones divisum, quem propterea *Quattrobarrios* dixerunt: & mox ad alterum, quem *el Leon* appellarunt à leone ibidem invento. Regio hæc fertilissima erat & crebris pagis culta, quibus Hispani miseram vastitatem intulerunt, agris depopulatis & indigenis aut caesis aut fugatis. Ulterius progressos opacum nemus excepit, quamplurimis barbarorum pagis interius cultum, quod non sine suorum clade penetrarunt, quumque jam annonæ penuriæ laborare cepissent, & nullum exitum invenirent, post longos errores, ad provinciam *Culvacan* divertere sunt coacti.

Porro provincia hæc, quæ jam proprium habet Præfectum sita est ad oram Maris Australis, vel potius intra Frætrum Californiæ, à Chiametla versus occidentem; ubertate soli, & annonæ abundantia nulli secunda, nec argenti metallorum experts. Solum enim omne quod duo flumina *Piaflan* & *Culuacan* interjacet, frugibus, & diversis arboribus fructiferis abundat: *Casæ* Indigenarum stramentis artificiose tectæ erant & superiora portarum limina variis picturis ornata, in quibus obscenæ matrum cum foeminis consuetudines visebantur, nec non (ut produnt Hispani) Sodomiticarum abominationum manifesta vestigia. Fora publica celebrabant incolæ; auri nulla ipsis cognitio; pauca argentea monilia turcinis lapillis interstincta ibidem reperta. Hispani superioribus annis hic argentifodinas aperuerunt.

Oppidum unicum in hac provincia, conditum invenio à *Nonnio Guzmanno*, *Sancti Michaelis* nomine, juxta flumen *Mulierum*, (cujus supra memini) quinque & viginti gradibus ab Æquatore versus Arctum: verum oppidum illud postea fuit desertum, & incolæ aliquot ab hoc leucis traducti, ad novum ejusdem nominis oppidum in valle *Horaba* structum, duabus à littore leucis, ob arvorum & pascuorum opportunitatem & fructuum abundantiam. Abest à *Compustella* leucas octuaginta, à *Guadalaïara* tres supra centum.

C I N A L O A.

C A P. VI.

Nonnii Guzmanii expeditio in Cinaloam, ejusque Provinciae descriptio.

POSTREMA & maxime ad Arctum submotâ secundum littus maris, Novæ Galaciæ provincia, appellatur *Cinaloa*, distans à *Culvacan*, quam sequitur, leucas duas & quadraginta; à *Guadalaïara* centum & quinquaginta versus septentriones, à *Chiametla* centum, ut *Herrera* prodidit. Operæ precium autem fuerit hic adscribere, quomodo primum à *Nonnio Guzmano* fuerit inventa, & quatenus iter per illam habuerit.

Guzmanus anno cD^o Id^o xxxii è *Culvacan* cum exercitu movens, quinquaginta leucarum itinere pervenit ad fluvium *Petatlan*; id nomen fluvio atque provincie impositum à *Petâ*, quod nomen barbarorum lingua storeas denotat, quibus indigenarum tuguria tectâ erant; rari in illa incolæ & pauperrimi mortalium; foeminae tantum pudenda tectæ, cætera nudæ agebant; mares cervorum tergoribus se amiciebant; consutis & sub axillas rejectis; Solem venerabantur, nec tamen ullis sacrificiis colebant; Anthropophagi, ceterum membris bene compositis, colore fusco; præliabantur primum sagittis, atque iis defuncti clavas expediebant, è durissima *Guajacan* materie, gladiorum in modum.

Viginti ab hoc leucas progressis *Tamochala* fluvius occurrit; interjacet autem densissimum nemus (arborum, quarum materies Brasiliæ ligni colorem atque duritiem æmulat) & mera solitudo; pauci indigenarum pagi ad ripam fluminis jacebant

Tamochala.

ad Petlatanorum modum. Ab extremis *Tamochale* provinciae finibus ad litus maris sex leucarum iter est, quarum quinque habitantur.

A *Tamochala* triginta leucas profecti, *Cinaloa* intrarunt, in qua supra viginti quinque pagos offenderunt, incolis frequentes. hic ob continuas pluvias quadraginta & duos dies subsistere coacti, pene toto illo tempore copiosa serena & volatilibus à barbaris sunt alti, donec tandem barbari advenarum pertasi in vicinos montes & sylvas profugerunt. Hispani trajecto flumine, triginta leucas procedunt versus austrum, per terras desertas & sitientes, in quibus neque fontes neque rivuli reperiuntur, quia planæ sunt & aestui expositæ, ita ut aqua pluviali è quibusdam lacunis sitim cogereantur restinguere; Donec alterum fluvium offenderunt, non tam frequentem accolis, quam *Cinaloa*, qui tamen lingua, moribus atque amictu nihil à *Cinaloensis* differebant.

Postquam hoc flumen ratibus superassent, certiores sunt octidui ab hoc itinere, multas & bellicosissimas nationes degere, quarum armis minime pares sint futuri: nihil tamen morati, duces iterum sibi asciscunt, & septiduum per loca inculta profecti, tandem ad *Taquimum* flumen pervenerunt: tanta autem aquarum penuria in desertis illis locis laboratum, ut multi barbarorum mancipiorum deficerent, & haud dubio omnes interiissent, nisi catduorum quoddam genus, Tunis haud ab simile reperiissent, quorum caules gladiis detruncati, liquorem quandam effundebant, insigni in tam siticulosa regione levamento. Postquam flumen nullo prohibente transivissent, pagum ab incolis desertum inveniunt, & semitam deorsum ducentem; quam sequentes, quamplurimos barbaros armatos obvios habuerunt, quos post breve certamen, (nam planities favebat Hispanorum equitatui,) in fugam conjecerunt. Hujus fluminis ripis adjacent plurimi pagi, quorum incolæ sunt validi, & eisdem moribus & lingua cum præcedentibus. Supra ripas seriatim discurrent continua montium juga, quæ à principali illo montium tractu, cuius jam sæpius meminimus orta, hic aliquot millia passuum, promontorii in modum in altum se projiciunt; inter hoc autem promontorium & *Xalisco* provinciae angulum, litus veluti in cubitum arcuatur, ducentarum leucarum spacio. Quum tantam annonæ inopiam ubique offenderent, & hi montes in ulteriora tendere prohiberent, ora denique maritima densis & nemonibus esset obrita, consultis ipsis visum ad *Culnacan* provinciam remeare.

Porro barbari qui inter *Petatlan* & *Taquimum* flumina incolunt fere uniusmodi sunt; fructus habent perpaucos, nullas batatas simileve radices: tantum melonum quandam speciem, mayzium, phaseolos & far quoddam minutum è quo panes suos coquunt: non norunt *Maquey*; sed potum suum conficiunt è cartobis quibusdam parvulis, (quas *Misquitl* arborem ferre diximus) confusis & aqua dilutis. Pugnaces sunt, nec tamen quod cæteris barbaris fuetum, dum præliantur ululatum edunt; patientissimi quoque sunt laborum atque continuis venationibus exerciti; feminæ nonnullæ faciem instar nigritarum cauteriis inurunt; viri autem notulis quibusdam incidunt punguntque. Solum ut plurimum planum & aridum; aer salubris: montium juga circiter triginta & quatuor leucas discedunt à litore maris; amnes admodum sunt piccosi; Denique juxta *Taquimi* fluminis ripas tauri vaccæque & prægrandes cervi pascuntur.

Hispani jam olim coloniam in hanc provinciam deduxerant, condito oppido *S. Joannis de Cinaloa*; verum ægre illud tutari potuerunt, licet *Franciscus de Ybarra*, novo Colonorum numero & largo commeatu è provincia *Culvacana* subvecto, illud conatus fuerit restaurare & stabilire, anno 1515 LIV.

Non abs re fuerit *Martini Peressii* è societate Jesu, iudicium de hac provincia usque ad annum 1515 xci hic adjicere: *Cinaloa* (inquit) provincia divergit trecentas leucas ab urbe Mexicana, versus Arctum; à dextera præaltis illis atque asperissimis montibus regitur, quos *Tepecuan* vocant; à sinistra alluitur *California* freto: ad occidentem clauditur *Cibola* & *California* provinciis; ad septentriones Nova Mexicana, à qua extremum hujus provinciae flumen tantum bidui itinere abesse dicitur: fluminibus rigatur atque dividitur, ad quorum ripas indigenæ ob piscandi opportunitatem vicatim habitant; cælum hic sudum & saluberrimum. Solum pingue & feracissimum, atque cujusvis generis frugum facile patiens; mayzii, phaseolorum & similium frugum

gum atque leguminum ingens copia; magna gossypii abundantia, quo viri pariter atque feminae vestiuntur, Mexicanorum pene more: utrique capillum alunt, viri autem colligunt in nodum: procero sunt corpore & Hispanos fere palmum excedunt; robusti atque bellicosi: arma illorum sunt arcus & sagittæ veneno illitæ, clavæque è durissima materie, & sarissæ è rubro ligno; difficulter admodum Hispanorum jugum acceperunt.

Idem meminit oppiduli *S. Philippi & Iacobi* ad ripam fluminis, duarum & quadraginta leucarum itinere ab oppido *Culuacan*; de quo me alibi non memini notissimam observasse. Hactenus maritimæ Novæ Galæciæ provinciæ ita se habent.

10

U X I T I P A.

C A P. VII.

Provincia quam Uxitipam vocant descriptio.

HACTENUS provincias *Novæ Galæciæ* quæ secundum Mare Meridionale & Fretum *Californiæ* jacent, particulatim suo ordine descripsimus, nunc ad interiores & mediterraneas nos convertemus; factò initio à provincia quæ
 20 Præfecturam Panucensem proxime contingit, atque adeo earum quæ sub Nova Galæciâ hodie comprehenduntur versus Aquilonem ultimâ.

d 4. l. 9.
c. 12.

Quum *Nonnius Guzmannus* anno 1605 xxix sese pararet ad expeditionem in provincias illas quas modo descripsimus; in præfectura Panucensi, quam ab Imperatore *Carolo V* speciali diplomate obtinuerat, sibi Legatum substituit *Lupum de Mendoza* illique imperavit ut prima occasione vicinam regionem lustraret, atque in *Uxitipam* provinciam, cujus jam fama aliqua ad ipsum pervenerat, si cœli solique qualitates votis responderent, coloniam Hispanorum deduceret. *Mendoza* Præfecti sui mandato haud segniter obsequutus, postquam diligenter regionum illarum situm, soli, cœlique qualitates & Indigenarum mores explorasset, in vallem *Uxitipam* prout
 30 jussus erat coloniam deduxit: conditum oppidum *S. Ludovici* nomine, distans ab oppido Panucensi viginti leucas ut prodit *Herrera*.

Est itaque mediterranea hæc provincia, declinans versus provinciam *Xalisco*, à qua centum & viginti leucas abesse dicitur; olim quidem appendix Præfecturæ Panucensis quandiu illa proprium præfectum habuit, nunc vero hac ad Mexicanam provinciam adjunctâ, Uxitipensis provincia ad Præfecturam Novæ Galæciæ accessit.

Indigenæ hujus provinciæ habitu corporis, moribus, atque institutis, à Mexicanis nihil differunt, licet multum diverso idiomate utantur: templa illorum edita erant, cum suis gradibus è cespite aggesta: palliis utuntur ad modum Mexicanorum:
 40 Usurpant multas porionum species, variis modis compositas; quibus festivis diebus belluinum in modum quondam consueverant sese inebriare, multaque enormia perpetrare: nunc autem Hispanorum consuetudine, & à monachis edocti, gravioribus vitiis modum cœperunt ponere.

Provincia hæc supra modum abundat omnis generis fructibus: Saltus omnes pleni cervis aliisque feris: campestria loca coturnicibus, perdicibus, turturibus, aliisque volucribus; ingens quoque hodie hic gallinarum reperitur numerus; ita ut abunde vitæ humanæ necessitati non modo sit prospectum, sed & voluptati: Solum tamen multis locis inæquale & asperum, cœlumque paulo fervidius. Flumen denique quod Panucum oppidum præterlabitur & paulum infra illud descendit in Novæ Hispaniæ
 50 fretum, huic provinciæ suam debet originem, eamque rigat. De amplitudine hujus provinciæ nihil mihi compertum, nec plura quam quæ hactenus diximus observata.

Provincia de los Zacatecas, illius metalla, oppidaque.

SUPERIORI provinciae modico intervallo inter occidentem & arcum proxima est illa quam vocant *de los Zacatecas*, argenti quidem metallis opulentissima, sed aquarum, tritici atque mayzii, omnique annonae pene indigens. Oppida tria hodie ab Hispanis hic habitantur, praeter quatuor quinqueve municipia cum suis argentifodinis; quarum praecipua peculiaretur *de los Zacatecas*, provinciae nomine appellatur, quadraginta leucis ab urbe *Guadalaia* versus septentriones, octuaginta autem à Metropoli Mexicana; hic ut plurimum quingenti Hispani cum eorundem mancipiis, & centum quae equis quae mulis, degunt; habentque monasterium Franciscanorum & ministrum regium est Praefectura *Guadalaia*.

Proximam locum sortiuntur illae quas vocant *de Avinno*, anno primum 1510 LIV, auspiciis Proregis *Ludovici de Velasco*, à *Francisco de Tbarra* inventae; qui cum militibus aliquot, multisque servitiis, & largo commeatu & apparatu bellico ab argentifodinis Zacatenfisbus profectus, primum aperuit metalla *S. Martini*, ut jam 20 vulgo appellantur, quae distant à Zacatenfisbus, itinere septem & viginti leucarum versus Corum, ubi circiter quadringenti Hispani degere dicuntur: Secundo metalla *S. Lucae*; & tertio haec *de Avinno*, atque alia plura in eodem tractu, quae plurimum argenti dederunt. Idem & metalla, quae *del Somberiete* vocant, invenit in finibus *S. Martini*; juxta quae nunc *Erena* oppidulum cernitur, viginti quinque leucarum intervallo disitum à Zacatenfisbus versus Corum. Denique metalla *de los Ranchos* & *de los Chalchuites* atque *de las Nieves*, è quibus quidem magna vis argenti educitur, sed longe major eliquaretur, si hydrargyri copia viliori precio hic haberi posset. Hisce inventis imperatum à Viceroge ut colonis deductis municipia ibidem conderentur, uti facilius se tutarentur contra feroces barbaros qui ibidem & in vicino 30 incolunt.

Post illa & ditissima illa argenti metalla inventa, quae *del Fresnillo* appellantur è quibus hodieque maxima argenti copia hauriri dicitur.

Postquam autem colonia Hispanorum ad *S. Martini* argentifodinas esset deducta & indigenae ad quietem & pacem se componere cepissent, Religiosi aliquot à Prorege missi, ut ultiores regiones explorarent, & indigenas principis Religionis Christianae imbuerent; Verum *Franciscus de Tbarra* nimis periculosum ratus hosce monachos solos ad barbaras & feroces nationes dimittere, armatis militibus ipsos comitari voluit. Tum primum vallis *S. Joannis* & flumen *de las Nacas* adiri cepit; barbarisque limitaneis qui rebellaverant, blandis sermonibus ad obsequium redu- 40 ctis, oppidulum *Nombre de Dios* conditum, octo & sexaginta leucas ab oppido *Guadalaia*, decem autem ab argentifodinis *S. Martini* versus Arcum, in solo perfecto & tritici atque mayzii feraci, nec non argenti venis opulento. *Franciscus de Tbarra* postquam praefecturam harum regionum primum ab ipso iustitiam à Rege Hispaniarum obtinisset; ut oppidum hoc augeret atque ornaret, argentifodinas aliquot, in Avinnensi tractu à se emtas, tam indigenis quam Hispanis gratis indulsit; quo factum est ut magna hominum multitudo ad hoc oppidum conflueret & Regis reditus, quos *Quintos* vocant, in immensum augerentur.

Superioribus tam feliciter perfunctus *Tbarra*, per Tribunal militum *Alfonsum Pachecum* coloniam deduxit in vallem *Guadianam*, nomen *Durango* municipio imposito, in finibus fodinarum *S. Martini* & vallis *S. Salvatoris*, & octo leucarum intervallo ab oppido *Nombre de Dios*. Aer hic salubris esse dicitur, solum multis annis atque torrentibus riguum; & tritici, mayzii & aliarum frugum feracissimum; nec procul à municipio absunt argentifodinae *S. Lucae* & percommodae salinae. Hispani coloni hic multas villas edificaverunt, in quibus pecuariam exerceant; ita ut vicini barbari jam urbanius agere ceperint, & indigenae ad civilitatem & mo- 50 res

res Europæos se componere, vestibus se tegere & Christianam religionem amplecti.

Est & aliud in hac provincia oppidum, quod *Xeres de la Frontera* nominatur ab *Xeres de la Frontera* Hispanis, distans ab oppido *Guadalajara* triginta leucas versus septentriones & ab argentifodinis Zacatenibus decem secundum viam quæ ad illas ducit.

Diu multumque cum barbaris harum regionum incolis bellatum fuit; & *Chichimeca* atque *Guachichiles* itinera inter *Guadalajaram* & *Zacatecas* gravissime latrocinii suis infestant; donec tandem *Marchione de villa Manrique* Novam Hispaniam Protege obtinente debellatum fuit; resque eò perducta ut jam indigenæ barbari in centum & quatuor tribus (*Repartimientos* vocant Hispani) distributi, colonis & oppidanis Hispanis servitum serviant.

Superiori libro quum de *Panuco* ageremus, meminimus novi itineris à Mexicana civitate ad argentifodinas Zacatenfes: consuetum alioquin iter ab hisce argentifodinis agitur, primum per oppidum *S. Michaelis*, deinde per municipium ut vocant Novum, & denique per provinciam *Mechoacanam*, & ita porro ad Metropolim Mexicanam, longo & difficili itinere, ut *Chiltonus* prodidit: Quanquam suspicor *Chiltonum* nomine *Zacatecas*, potius Novæ Vizcayæ fodinas intellexisse, aut saltem remotissimas huius provincie de qua agimus; nam quum illæ fodinæ quæ per excellentiam *Zacatecas* dicuntur, tantum quadraginta leucas à *Guadalajara* & octuaginta à Mexicana civitate dicantur abesse, non capio quomodo compendium itineris fieri possit per *Panucum*, quod oppidum distat à Mexico sexaginta & paulo plures leucas, & à fodinis quas *Chiltonus* perebat centum & sexaginta.

NOVA VIZCAYA.

CAP. IX.

Provincia que hodie Nova Vizcaya dicitur, & metallorum que in illa reperiuntur descriptio.

PROVINCIAE de los *Zacatecas*, versus Corum proxima est, licet longo & peno quinquaginta leucarum intervallo, provincia illa quam *Novam Vizcayam* sive *Biscayam*, id est, *Cantabriam* nominant, annonâ, omnibusque ad vitam humanam necessariis affluens & opulentiis argenti venis imprimis nobilis: sub qua & altera provincia comprehenditur vulgo *Topia* appellata. Utramque autem primus adiit atque lustravit *Franciscus de Barra*, cuius expeditiones *Antonius de Herrera* in suis decadibus ad annum à Christo nato 1515 LIV in hunc modum describit.

Franciscus de Barra postquam oppidum *Durango*, commeatu & militari præsidio abundè instruxisset, cum cohorte centum & triginta militum, ad vicinas & ulteriores regiones perlustrandas animum adjecit, & aliquot leucas progressus primò invenit metalla illa argenti quæ postea *Ende* & *S. Joannis* nomen meruerunt. Deinde *Ende*, hieme jam ingrediente, copias quidem in hiberna dimisit, ipse vero cum triginta tantum militibus ulterius processit, ut loca aliquot in montanis sita, quæ à numeroso populo inhabitari famâ acceperat, è vicino specularetur: Hic gravissimum discrimen adiit, & sitim atque extremam esuriem perpeßus, ita ut equos suos mactare & illorum carnibus victitare cogetentur, per asperissimos atque arduos montes in *Topiam* provinciam tandem penetravit. Unde statim regressus, *Rodericum del Rio* tribunum militum, misit *Endem* ut locum communiret & colonos eò deduceret; ubi post illa ditissimæ argentifodinæ fuerunt apertæ. Alios ad eundem modum deduxit ad *S. Joannis* & *S. Barbara* argentifodinas; quæ ambæ sitæ sunt in provincia *Nova Cantabria*, trium circiter leucarum intervallo à se invicem distitæ: ab his autem absunt *Endes* fodinæ leuc. viginti, quæ omnium quæ hætenus ab Hispanis in illo tractu excoluntur, extimæ censentur: Opulentissimæ autem hic sunt argenti venæ; alique haud longè hinc plumbi, ad argenti metalla aliquanda & repurganda summo opere utilis & necessarii, quare longe maximum emolumentum ex harum regionum lustratione non

non modo Novæ Galæciæ, sed & Novæ Hispaniæ quæqua patet accessit, commerciaque cum Europæis supra modum aucta.

Tbarra ad vallem *S. Ioannis* in hiberna concedens, domum satis amplam construxerat & communiverat, in quam commeatum omnem congefserit, providâ sane industriâ, nam indigenæ (mutabilia enim sunt Barbarorum ingenia) advenarum pertaxi statim rebellaverunt, & quadringentos, quæ equos, quæ mulos ex insidiis interimerunt. Quibus incommodis Præfectus nequaquam fractus, hyeme vix exeunte, denuo in provinciam *Topiam* movit, facto itinere per asperissimos & ita invios montes, ut manibus arborum ramos amoliri, ferroque sibi viam aperire adigerentur, & per inaccessibleles rupes reptando eniti: consistebantur itidem cum altis nivibus & intensissimo atque acerrimo gelu, quod quadraginta equos ipsi abstulit, qui partim à frigoris vehementia stimulat, in pyras (quas ingentes struere cogebantur) insilientes misere perierunt; partim ita subito obriguerunt, ut cadavera illorum instar statuarum in mediis campis longo tempore incorrupta consistere visâ fuerint. Hisce miseris defunctus tandem *Topiam* est ingressus, cuius indigenæ primum fortiter ipsi resistebant, sed postea Ducis industria atque humanitate placati conquieverunt. Inde se recipiens transit in *Cinaloam* provinciam (de qua supra) ne rursus cum montani itineris difficultatibus consistere.

Porro Argentifodinæ *S. Barbara*, hujus provinciæ facili principes, absunt à Zatecensis leucas centum, ut tradit *Herrera*: à metropoli autem Mexicana centum & sexaginta, uti *Joannes Gonzalez* testatur in descriptione Chinæ. Qui & hoc porro addit, septuaginta leucas ab his fodinis versus septentriones jacere prægrandia illa oppida, quæ ab Hispanis appellantur *las quatro Cienagas*. Nec plura nobis hæcenus de Novæ Cantabriæ provinciis & oppidis comperta.

C A P. X.

Ora maritima Novæ Galæciæ, promontoria, sinus, Flumina atque Portus.

ANTEQUAM ad limitaneas Conventus hujus juridici provinciæ procedamus, litrus nobis legendum, oraque maritima Novæ Galæciæ lustranda. Superiori libro quum de provincia Mechoacana ageremus, quæ Novæ Hispaniæ ad occasum extrema censetur, littora ad portum usque *Malacca* perstrinximus; huic ad eandem plagam proximus est portus quem *Fallerus* Candischii nauclerus *Chacallam* vocat. Ab hoc littora legentibus in occasum octodecim leucarum intervallo, occurrit nobile Promontorium, quod vulgo *Cabo de Corientes* dicitur, ad altitudinem viginti graduum & triginta scrupulorum ultra æquatorem versus Arctum; à quo ad alium terræ angulum, vulgo *Punta de Tintoque*, decem numerantur leucæ, ora sese in Arctum reflectente & in cubitum obliquata, qua sinum admittit, cui vallis *de Banderas*, ut vocant, adjacet, quæ à modico amne secatur, ad cujus ripas utrimque plures horti & *Cacao* arboreta à Civibus Compostellanis excoluntur.

A Tintoque tres leucas versus Aquilonem provectis exiguus portus *Chacala* sese aperit, distans circiter octo leucas ab oppido *Compostella*. Huic portui adjacet vallis *de Chila* quæ montibus *S. Crucis* ad septentriones obtegatur, qui modico angulo in altum prominentes promontoriolum sui nominis efficiunt; pone quod portus adicitur, *Mansachal* hodie nautis dictus; *Nonnius* autem *Guzmanus* in suis commentariis videtur *Mutichel* appellare: à quo trium leucarum intervallo versus Boream intra continentem pagus *Metatlan* jacet.

Statimque ad eandem oram sequuntur altissima hujus provinciæ montium jugag, quæ vulgo *la Sierra de Xalisco* nominantur. Hæc prætervectos fluvius excipit, qui *Esquintlan* à nautis dicitur, atque idem omnino videtur, quem in *Gnadalajara* descriptione *Barraniam* dici supra ostendimus. Huic tantum leucæ spacio proximus est fluvius *S. Andrea*, cui novem pene leucarum interapedine versus occasum objacet Insula *S. Andrea* ad altitudinem duorum & viginti graduum septentrionalium; exigua quidem & denso arborum luto opaca, cæterum volucris atque Iguanæ ferrea: sub

sub latere illius quod Corum adspicit, commodè anchoræ jaci possunt, mari ibidem alto orgyas septendecim.

Ab hoc *S. Andrea* fluvio litus continentis subsidet, & ad ipsam oram vestitur multis arboribus, quæ *Mangles* dicuntur, (de quibus arboribus alibi sumus dicturi) interior autem regio incolitur multis pagis, Provinciam *Singuipaque* vulgo indigetant: Credo eandem esse cum ea, quam gentili nomine *Centliquipac*, *Nonnius Guzmanus*, majorem Hispaniam quondam appellaverat, ut *Antonius de Herrera* testatur. Singui-
quipa-
que.
d. 4. l. 9.
c. 11.

Porro sedecim à portu *Mantachal* leucis versus Arctum provectis, alius terræ angulus fit obvius, de *Matarem* nautis appellatus, à vastis montium jugis descendens, quæ *Guainamota* vulgo appellantur. Ab hoc angulo litus se rursus erigit & attollitur in juga; interior autem provincia appellatur *Acaponeta* & *Chiamella*. Matard.

Sequuntur deinceps duæ perexiguæ insulæ, quas de *Mazatlan* vocant nauræ. pone quas portus est ejusdem nominis, sub ipso *Cancri Tropico* ut à diligentioribus naucleris est observatum: Sinus est modicus & admodum piscosus, in quem amnis descendit, sed ob vada ori illius objecta, navigiorum neutiquam patiens; ab hoc oppidum *S. Sebastiani* octo leucarum itinere intra Continentem abesse dicunt. Mazatl.

Ab hisce Insulis de *Mazatlan* litus reflectitur versus Corum leucas quatuor & triginta: In quo intervallo primum obvius est amnis, quem nauræ *Rio de Navito* vocant & nos supra ut opinor *Piaflam* diximus appellari; deinde octo leucarum itinere *Barra de Dato*, modicus amnis & non nisi minoribus onerariis & celocibus navigabilis; an idem sit cum fluvio *Mulierum*, cujus jam ante meminimus, ambigo. de Navito.
de Dato.

Novem ab hoc leucas secundum eandem oræ maritimæ ductum provectos, majus flumen excipit quod de *Quameto* vocant Nauræ, (*Herrera* alicubi *Pascuum* appellat.) Tria autem hæc flumina provinciam dicunt interfecare, unde interdum communi nomine *Culvacana* flumina à nautis nominantur. Nos supra in descriptione Provinciarum trium meminimus *Piafle*, *Rio de Mugeres* & *Culvacan*. Quame-
to.

A posteriori autem flumine *Culvacanæ* ad promontorium *Cinaloa* viginti leucarum iter est, in quo limitem provinciarum pacificæ in hoc tractu ab Hispanis possessum constituit vult. 30

Denique huic oræ Novæ Galaciæ ad altitudinem unius & viginti graduum septentrionalium, viginti circiter leucarum intervallo à Promontorio de *Corrientes* versus Corum, totidemque penè à continente Novæ Galaciæ versus occidentem, obiacent tres Insulæ, quæ vulgo, *tres Mariæ* appellantur, quarum alibi quoque mentionem facimus: sicuti & reliquorum quæ de hac ora dicenda supersunt; nunc ad limitaneas hujus Conventus Juridici & Præfecturæ Novæ Galaciæ provincias nos convertertemus; quarum aliz freto interluente à Nova Galaciâ sunt divisæ, uti *California*; aliz ad eandem Continentem tantum montibus, silvis aut fluminibus distinctæ, utraq; autem nondum satis cognitæ aut penitus lustratæ.

40

C A L I F O R N I A.

C A P. XL

Californiæ limites, Cortesisque navales expeditiones in Mari Australi.

CALIFORNIA communiter dicitur quicquid terrarum Novæ Hispaniæ atque Galaciæ ad occidentem objicitur; quæ sane latissime patent & ad extremos Americæ septentrionalis terminos & Fretum quod vulgo *Anian* vocant, pertinent: Utrum vero Continenti Americæ septentrionalis continuæ, in aliquo Freto ab illa divisæ sint, incertum est hætenus: nam & veteres Geographicæ & Hydrographicæ Tabulæ visuntur, quæ Californiam insulam faciant, & freto quidem initio sui satis lato, in progressu autem angustiori ab America dividant: in hodiernis vero Tabulis ut plurimum cum continenti connectitur: ut sit, vastæ sunt regiones & juxta littora tantum, minimaque sui parte leviter cognitæ. Proprie autem & peculiariter dicitur *California*, angulus ille terræ, qui inter Corum atque Eurum, ab

Guaya-
val.

ab interiori Freti Californiani, ut ita dicam, gremio, ad promontorium *S. Crucis*, aut vigesimum secundum gradum latitudinis septentrionalis porrigitur & provinciis *Novae Galaciae, Xalisco, Chiametla, Culvancana & Cinaloa* ex adverso objacet. Multi & intra & extra dictum Fretum portus, stationes, sinus, fluminaque commemorantur, solis nominibus vix leviter nota. E regione autem & ad latus Fretum ingredientibus dexterum, ab antiquioribus insula describitur oblonga, exiguo freto à Continenti *Novae Hispaniae* divisa, quam *Guayaval* vocant, & à flumine de *Nuestra Señora*, alias *Sebastiani de Bora*, & ad flumen *Pascua* in provincia *Culvancana* sese extendere scribunt; quæ insula hodie in tabulis Geographicis non compareret; neque nautica itineraria illam agnoscunt. Ut autem verus harum regionum situs, oræque maritimæ ductus, aliæque quæ huc pertinent, commodius intelligantur, Navigationes aliquot Hispanorum, quarum descriptio ad nos pervenit, hic inserere operæ precium judicavimus.

S. Thomæ I.

Hernandus Cortesius postquam jam plerasque *Novae Hispaniae* provincias perdomuisset, ad Oceanum Australem penitus lustrandum, omnes animi cogitationes convertit, annoque à C. N. clo 15 xxxiv duas onerarias instruxit, quæ è *S. Jacobi* portu provinciae *Colyma*, solverunt: major quidem & Ammiralia, ut vulgo vocant, ab altera valida tempestate separata cursum tenere haud potuit, sed ad sinum *S. Crucis* fuit abrepta: Ubi quum in tertiam exscendissent, maxima nautarum parte à barbaris caesa, quum pauci qui supererant navi gubernandæ impares essent, illam apud litus *Novae Hispaniae* ultro fregerunt: Altera autem (cui *S. Lazarus* nomen erat) quum primo cursum versus Africum instituisset usque ad altitudinem tredecim graduum & triginta scrupulorum septentrionalium; atque inde vela vertisset versus Corum usque ad gradum decimum ejusdem latitudinis, & mox versus *Trasciam* usque ad gradum decimum sextum cum semisse; rursusque mutato cursu versus *Vulturum* ad eundem gradum decimum sextum: obvertit denique proram *Trasciae* atque *Coro*, in eoque cursu pertendit usque ad tertium & vigesimum gradum & triginta scrupula latitudinis arctoræ; atque inde ultro citroque velificando Insulam attigerunt, ad latitudinem (uti observabant) viginti graduum & totidem scrupulorum, cui *S. Thomæ* nomen imposuerunt. Visa hæc quinque & viginti leucas ambitu completi, vernantibus arboribus læta; ad australem plagam in altum montem attollitur, sub quo commoda navibus statio, in patenti mari & viginti quinque orgyas alto; cætera litus insulae undiquaque præruptum erat: nulla in ea aqua præter pluviam, eaque ob vicinitatem maris subamara.

Ab hac insula ad Novam Hispaniam redire satagentes, cursum ad *Cæciam* atque *Aquilonem* instituunt, à latitudine viginti graduum perparum declinantes, atque ita quidem primo haud longe à *Novae Hispaniae* Contiente, ad latitudinem viginti graduum & totidem scrupulorum, prope *Ciguatlan* anchoras jecerunt, sub orientali insulae ejusdem latore, quæ per exiguum freto à continente divisa erat; & mox portum *Xuculan* subierunt, sex supra *Ciguatlan*, ut annotant, leucis. Dein litus quod hic præcepit est, & in juga silvosa longe lateque assurgens, legentes versus Eum, primo quidem *Zacatulum* mox vero *Acapulco* portum tenuerunt.

Cortesius de successu harum navium certior factus, majori conatu rursus alias tres instruit, & fortunam tentare seque ipsum pelago committere certus, è portu apud quem prior navis fracta fuerat, solvit, & post aliquot dierum navigationem apulit ad Californiam litus, quod in altissima juga confurgit, quæ ille *S. Philippi* nomine insignivit, & mox ad Insulam trium leucarum intervallo à Continenti disjunctam, cui *S. Jacobi* nomen imposuit. Mense deinde Mayo, festoque *S. Crucis* portum illum est ingressus, in quo superiori anno milites illius atque nautæ à barbaris indigenis fuerant trucidati, cui tum primum nomen *S. Crucis* inditum, quod hæcenus manet. Est autem commodissimus portus & adversus incerta ventorum egregie præmunitus, aditu quidem perangusto, sed sinu intus lato; distans ab æquatore (ut ipsi tum observabant) tres & viginti gradus & triginta scrupula versus Arctum.

S. Petri
& Pauli
fl.

Hinc Fretum Californiæ trajicere conatus, sed adversa tempestate reiectus, minima navi qua ipse vehabatur, ad ostium fluminis *S. Petri & Pauli* pervenit. Hic aliquot

aliquot dies subsistens in summam incidit annonæ difficultatem & penuriam, neque enim à barbaris quicquam auxilii erat adipisci, qui in illo tractu neque recta ulla subire, neque terram colere sicuti, agrestibus fructibus & ferina vitam tolerabant, plurimum quoque piscibus, quos ratibus insidentes (quas ex quinque trabibus, quarum media latilima est, compingunt) in flumine atque ipso mari capiunt. Quumque hinc solvens adversari Novæ Hispaniæ oram adnavigasset, tantisper litus strinxit, donec se inter scopulos & vada pene conclusum animadverteret: Atque hic alteram suam navem, duabus ab hoc loco leucis, in anchoris stantem conspiciat, & à gubernatore ejusdem, qui commodum subsidio veniebat, adjutus navem paulatim
 10 subduxit, nec tamen ita extra discrimen collocare potuit, quin jam continenti propiorem vadis ita impingeret, ut dehisceret & frangeretur, hominibus atque impedimentis ægre servatis, locus hic *Guayabal* ab ipso vocatur, octodecim leucas distans ab urbe *S. Michaelis*, in provincia *Culvacana*. Hic reliquis navibus parumper refectis, rursus solvit, & postquam insulam *S. Iscobi* pene ambivisset, Sinum *S. Crucis* denuo ingreditur, & aliquot suorum sub Præfecto *Francisco de Ulloa*, cum comæatu qui annum sufficeret hic relinquens, ad Novam Hispaniam est reversus.

Aliquot deinde annis intermissa fuit hæc navigatio, nec ante repetita, quam *Cortesius* ex Hispania in Americam rediisset, tunc enim *Franciscus de Ulloa* ab eodem missus ut Mare Australe & terras adjacentes porro lustraret, de cujus navigatione jam
 20 porro agemus.

C A P. XII.

Francisci de Ulloa Navigatio in Fretto Californiano.

Franciscus de Ulloa cum una navī atque liburnica solvit è celebri Matis australis portu *Acapulco* Anno à C. N. cId Id xxxix octavo Julii, atque oram maritimam *Zacatula* & *Motin* nemorum viridantium amenitate atque annuum frequentia spectabilem prætervectus, ad portum *S. Iscobi* in provincia *Colymæ*, vigesimo tertio ejusdem mensis divertit. Ibidemque septem & viginti dies moratus, vigesimo denum tertio Augusti rursus vela explicavit, & gravissima tempestate aliquandiu hac illac jactatus, tandem flumen *Guayabal* (ut vocat) provinciæ *Culvacanæ* est ingressus: quia autem liburnica (cui *S. Thomæ* nomen erat) ab ipso aberraverat, ad *S. Crucis* portum subtrajiciendum existimavit, apud quem convenire jam ante decreverant. Substitit in hoc portu ad dies quinque & aquatione absoluta, quum liburnica non compareret, inde rursus solvit duodecimo Septembris, & vicinam oram legens, tres quidem insulas conspexit, sed easdem præterit, haud operæpretium ratus illas lustrare. Bidui itinere inde provectus flumen *S. Petri* & *Pauli* adiit: Hujus ori exigua insula objacet, quatuor aut quinque leucis à continenti disjuncta; utrique autem fluminis ripæ vasta planicies accumbit, amœnissimis a borum lucis distincta; in mediterraneis attollunt se in summam altitudinem vasti & nemorosi montes, peramœno prospectu. Hinc quatuor leucarum iter emensus, quum solum ubique planum, & haud procul ab ora intra continentem varios lacus prospiceret qui se in fretum Californiæ per emissaria exonerant, lembo exposito oram propius explorare & portus tentare consultum existimavit: verum oram vadosam, & ora emissariorum illorum haud satis alta deprehendit; Solum autem fertile & amœnum visum: quin & barbari aliquot hic conspecti & crebri passim ignes.

Haud procul hinc duo fluvii exeunt (duarum leucarum intervallo discreti) & tanto impetu pertumpunt fluctus, ut tribus à continenti leucis in ipso fretto alveum servant, è lacubus autem illis prodire haud dubium est. Postero die leucas sedecim
 30 secundum oram navigarunt, in quarum medio sinus se aperit quatuor aut quinque leucas patens. Hic noctu in anchoris morati, & summo mane iter proseguentes versus Arctum, tria rursus emissaria lacuum sive stagnorum præternavigant; & mox anchoris jactis, (nam mare haud supra duas orgyas altum erat dimidià à continenti leucâ) lembum dimittunt ut ostiorum altitudinem periclitaretur. Hic aliquot barbari vili, herbæque virentes, ab iis quas Nova Hispania fert, nonnihil diverſæ; solum juxta litus quidem humile, sed interius in colles atque montes assurgens. Hinc sol-

ventes, cutium veſſu Corum dirigunt, ſecundum depreſſiorem illam oram, ſex autem leucas provectos, exceptis ſummis circumſpectis quinque leucas ambiens, qua ora magis magisque ad Corum divergit, plana quidem illa, ſed nequaquam tam amena quam antecedens eodemque curſu ventum fuit ad Promontorium quoddam arenolum, quod *Cabo Roxo* dixerunt, ad altitudinem vix novem graduum & quadraginta quinque ſcripſulorum verius Arcum: litus hic humile eſt & arcuoſum: in interiori regione paucæ atque humiles arbores & modici colles conſpiciuntur: reliqua ſuorum citra hoc promontorium leucas, fluvius effluit è lacu, navigiorum haudquaquam patiens ob brevia ori illius objecta: hinc jam recta ad ſeptentriones navigantes, valida tempeſtate ingruente, portum adierunt haud incommodum, ſolo in 10 ambitu illius depreſſo aut in modicos tumulos erecto.

Tribus ab hoc portu leucis, inſula occurrit circiter leucam ambiens, atque ex adverſo illius alius portus, duplici oſſio mare admittens, quem per ſeptentrionalis os ingreſſi, decem aut duodecim orgyas in ipſo aditu altum deprehenderunt, in reſeſſu quinque, ubi plurimi viſuntur ſinus & portus, atque ingens piſcium copia capi poteſt. Hic Præfectus anchoris jactis, in continentem exſcendit, fixitque crucem & conſecratis ceremoniis Regionem hanc Regi Hiſpaniarum habendam poſſidendamque vindicavit. Piſcatoria retia hic ab ipſis reperta & fragmenta quædam reſtarum inſuſtræ & more Hiſpanico efformatarum ex argilla: Solum in ambitu herbidum læto gramine, ſed nonnihil à Novæ Hiſpaniæ diverſo, haud procul hinc colles & nemoroſi montes 20 conſpiciuntur. Hunc portum egreſſis, curſumque verſus Corum ſequentibus, litus in editos montes ſenſim aſſurgere viſum, & ingens multitudo avium conſpecta in concavitatibus petrarum nidulantium: Poſtero die à dextera lævaque terram cernere ex petunt, ad ſiniſtram autem ſive occidentalem plagam varias inſulas atque arduos ſcopulos utrinque, vero altiſſimos montes, Continentiæ ad lævam magis magiſque, ſe apertiente. Haud leve hic certamen inter ipſos fuit exortum, aliis tertiam omnem quam inde à portu 3. *Crucis* ad lævam ſtrinxerant, Inſulam eſſe contentendibus, aliis vero Continentem & Novæ Hiſpaniæ partem opinantibus. Atque ita ora utrinque conſpicua, ad promontorium quoddam deveniunt, quod *Cabo de las Platas* vocarunt, quia

litus omne in tumulos aſſurgit, nullis arbuſtis, herbisve veſtitis. Hinc provectos 30 fretum exceptit ad Corum divergens, in ipſis faucibus duodecim leucas, ubi videbatur, lacum duabusque inſulis, quatuor leucarum intervallo à ſe invicem diſiſ, veluti concluſum; ora ad ortum jacens depreſſa aut tumulis quibuſdam mediocriter edita erat planitiesque dividebant lacus & ſtagna: ad occaſum vero elatior & nudis montibus prætexta, ingens denique ipſius freti altitudo, atque incomperſa. Poſtero die xv leucas ad Arcum enavigarunt, ſinumque offenderunt ingentem, qui ſupra ſex leucas intra continentem per varios angulos & reſeſſus irrumpit: proximo autem die decem leucas ſecundum litus præruptum & in altiſſima juga erectum: Hinc quindecim leucas verſus Corum litus traſerunt, quod quidem planum erat & arenolum, interior vero regio montola & tumulis atque arenolis collibus modice elata, raris arboribus veſtita 40 ipſo meridie ſcopulos aliquot, quatuor à continenti leucas, deprehenderunt ubi terra procurrrens angulum facit, hunc pone anchora jacta: tota illa nocte valde pluit. ſequenti die decem leucas provecti, ad dexteram quidem raros colles ſine arboribus conſpiciunt, ad ſiniſtram vero, quantum viſu diſcernere licebat, frequentes atque arduos. Hic jam fluctuum color mutari cepit, calcitroſtar candidatis, ita ut admiratione percellerentur, haud ſegnius tamen verſus Corum vela faciunt, & poſt leucarum novem conſeſſo, alia Continentis pars viſa fuit in Corum obverſa & in altisſimos montes aſſurgens, hanc legentes, quum tranſitum inter utrumque litus anxie ſerutabantur, mare jam minus atque minus profundum, turbidum atque canoſum animadvertunt, donec ad quinque orgyarum altitudinem ventum: hic autem fluctus 50 in igno impetu continentem invadebant, & reciproco aſtu ſingulis ſex horis reſiſtebant. Navarchus cum gubernatore è ſummo malo proſpicientes, ſolum undiqueque aſpectum, & in ambitu conſeſſum animadvertunt, lituique adeo depreſſum atque humile ut vix è propinquo diſcerni poſſet.

Quum itaque iterum tendere negotarent, nulliſque mortalibus hiſc inſultantes ſe prebuerant, vela verſus occidentem jactarunt & aſtu relabente ad adreſtam plagam reſe-

C. Roxo.

C. de las Platas.

referuntur, ab uno latere Continentem, ab altero plurimas insulas intuentes. Hinc jam cursum ad Africū dirigunt, licet parum admodum promoverent ob nimiam malaciam; ad dexteram altissimi & nudi montes, ad sinistram planicies, & crebri ignes noctu viscebantur. Postero die eundem tenentes cursum, amplissimum portum aperiunt, atque insulam angusto freto à continenti divisam, è qua densa fumorum nebula ascendebat, è puteis quibuscum exhalans, solo omni in circuitu ambusto: frequentabant hanc multi lupi marini. Atque hic barbarum quendam, qui cum pluribus aliis piscabatur, è fuga retraxerunt, prorsus nudum & *Chichimecarum* genti haud absumilem.

Hinc oram stringentes, insulamq; excellam prætervehti, portū quendam subeunt, atque in terram exscendunt: hic humiles aliquot casae stramine tectas invenerunt, Porrus S. Andree.
 10 lum autem sterile & arenosum atq; aquarum indigum; portui huic *S. Andree* nomen inditum, & regio in possessionem Marchionis Vallenfis sub Auspiciis Regis Hispaniarum vindicata. Hic quoq; duo barbari visi statura paulò majori. Anglica versio constituit hunc portum ad altitudinem duorum supra triginta graduum versus Arctum. Ab hoc portu inter continenrem & immensam insulam (quam circiter octuaginta leucas in longitudinem patere judicabant) cursum instituunt; die Dominico autem duodecimo mensis Octobris ad partem Continentis applicuerunt, multo amceniorum & gratiorem aspectū quam præcedens fuerat; hic aliquot tuguriola barbarorum visa, qui lentre è cannis eleganter compacto, summo mane propius ad naves accesserunt, verum
 20 quum ab Hispanis minime intelligerentur, statim recesserunt: mox & alii quinque cum limetibus suis intra lapidis jactum venerunt, sed ut propius accederent nullatenus potuerunt induci, itaq; Hispani scapha celeriter exposita fugientes insequuti, lembum quidem unum ceperunt, veruntamen barbarus exsiliiit & narando atque urinando se subduxit. Aliquot deinde dies hinc provehti rursus ad terram applicuerunt longe adhuc amceniorum & gratiorem aspectū, è qua crebri amnes in mare exibant, ubi & vestigia hominum & fructifera arbores observata, neque ultra quaesitus. Decimo septimo Octobris editissimum Promontorium superarunt & postero die ad portum *S. Crucis* redierunt, atque ibidem octiduum aquandi & lignandi gratia subliterunt. Atque hic quidem aliquot barbari ab ipsis visi, qui quum Hispani in terram exscenderent, statim fuga se in vicinum nemus receperunt.
 30

CAP. XIII.

Navigatio ejusdem Francisci de Ulloa secundum Californiæ littus, quod ab Australi Oceano pulsatur.

SUPERIORI capite *Franciscum de Ulloa* fretum Californiæ lustrantem sequuti sumus, eumque ad portum *S. Crucis* reduximus; nunc navigationem ejusdem secundum exterius Californiæ littus persequemur quod ab Oceano Meridionali pulsatur.

Vigesimo itaque nono Octobris è portu *S. Crucis* solverunt, sed vento minus favente, ingens discrimen adierunt, altera navi cui *S. Trinitatis* nomen erat, vadis hærente & cum summa difficultate ægre servata; Hinc valida & tenebrosa tempestate cum nimbis & fulguribus incumbente, vix octiduo Promontorium superarunt, non sine ingenti discrimine ob litoris vicinitatem: Septimo demum mensis Novembris tempestas remisit & secus oram continentis navigantibus amœnissimæ terræ sese aperuerunt: vernantes nimirum planicies & rara silva; crebri quoque ignes noctu conspecti, ex quibus terram hanc habitatam esse liquido constabat; Decimo autem ejusdem mensis, terræ facie nihil adhuc mutante, se jam quinquaginta leucas à Promontorio Californiæ provehtis subductis rationibus compererunt; nec dubium erat
 50 hanc quoque terram habitatam esse; sed oræ præruptæ & fervens mare, & littus ob vehementem æstus reciprocationem periculosum, licet mari haud procul à littore quinquaginta orgyas alto, exscensionem prohibebant.

Ab undecimo Novembris ad decimum & quintum, vento vehementer adversante vix decem leucas promoverunt, navi Trinitatis torum triduum desiderata, rursusq; inventa. Decimo sexto ejusdem mensis apertias è directo ipsis contrarius navigationem stitit; terra autem quam eminus conspiciebant, plana erat atq; campestris, quam

nocturni ignes incolis haud infrequentem arguebant, & barbarus unus cum suo lintre è longinquo illos aspectans, propius accedere detrectabat: LXX jam leucas à Californiæ promontorio processerant, sed aquilone vela explicare prohibente magnum frigus patiebantur. Hinc angulum terræ conspicati, & pone eundem anchoras figere & aquatum descendere parantes, ab aquilone valide perflante rejiciuntur in altum, & XX demum ejusdem mensis ad continentem reversi, sub altissimis montibus à venti vehementia defensi, anchoras jaciunt. Hic *Castellonius* navarchus cum sex sociis in terram descendit, ibidemq; offendit IV barbaros vastis corporibus, qui ad primum Hispanorum conspectum perniciosissimo cursu se subdixerunt. Aquatum deinde secundo Decembris, terraque lustrata fuit, quæ montosa erat & crebris scopulis cavernisque aspera & impedita. Post meridiem barbari magno numero in illos incubuerunt, tam inopinatè ut excubitores fallerent, pugnatum acriter, barbaris ingentem sagittarum & saxorum nimbum in Hispanos effundentibus, ita ut dux & duo milites sauciarentur; præcipuum auxilium in duobus molossis fuit, qui barbaros ita perterruerunt, ut Hispanis acriter in illos procurentibus, tandem terga verterent & ad suos sese recipere; post illa barbari ingentibus pyris accensis paululum quieverunt, in tempesta autem nocte ardentibus titionibus è pyris arreptis in diversa abierunt, Hispanis itidem ad naves suas remeantibus. Postero die sine ullo impedimento aquatio fuit absoluta; lustratusque intra continentem à Navarcho ingens lacus, qui ad minimum triginta leucas ambitu suo videbatur complecti, emissarium habens supra leucam latum, & 20 tres & nonnullas decem orgyas altum: juxta hunc tugurium barbarorum conspicientes, quum propius accedere pararent, tanta exiliit barbarorum multitudo, ut retro cedere & propere ad scapham se recipere cogerentur.

Portus S.
Abad.

Dehinc ventum paulo faventiorē nacti, & decem leucas provecti, portum adierunt *S. Abad*, longe commodissimum & valde amœno solo incinctum; atque inde porro ad nonum usque Decembris oram legentes, terram jucundo & vernanti aspectu, nonnunquam montes & rursus campos, pluresque amnes in mare descendentes offenderunt: post illa primum gelu & mox tanta tempesta inopinantes oppressit ut ruptis velis, & duabus anchoris amissis ad portum *S. Abad* se cogerentur recipere.

Aquatum hic descenderunt, sed barbaris prohibentibus, nihil ista vespere actum fuit: postero mane munusculis quibusdam barbaros deliniunt, verum quum aquatione jam absoluta, ad naves reverterentur, barbari primum ingenti clamore & tumultu plura poscere, & quum non obtinerent, mox sagittas in remiges ejaculari, Hispani vero duo tormenta è navibus in illos ejaculari, quæ res barbaros tantopere deterruit ut terga vertentes quam celerrime in vicinas sylvas se abderent. Notandum autem hosce barbaros, idioma alterius barbari quem Hispani inde à Promontorio Californiæ secum duxerant ut illo interprete uterentur, neutiquam potuisse intelligere.

Promont.
S. Trinitatis.

Hinc provecti Promontorium *S. Trinitatis* superarunt, & triduum ab adversis ventis detenti, aura rursus obsecundante vela explicarunt, ad Calendas usque, Januariæ anni 1615 XL litus legentes humile & peramœnum, solo interiori sese in colles & sylvosos montes, jucundissimo prospectu, sensim attollente; atque ita ad quintum usque Januarii navigantes ad altitudinem triginta graduum septentrionalium profecerunt, ubi acerrimum frigus experti, hyemem haud secus quam in Hispania suam vicem implere deprenderunt. Decimo tertio ejusdem mensis aquandi gratia descensum in terram, sed adeo asperam & confragosam ut mirarentur illam ab hominibus, uti è vestigiis apparebat, habitari posse: ad ulteriora tendentibus, decimo octavo ejusdem mensis, speciosior terra occurrit, multiq; lintres barbarorum, qui naves cum summa admiratione intuebantur, sed Coro validius insurgente ad Insulam *Cedrorum* sunt rejeçti; (hanc Anglica versio ad altitudinem octo & viginti graduum & quindecim scrupulorum collocat) Aquæ autem penuria pressi, ad Continentem vela vertunt, & ex censione facta, indigenis nequicquam aquationem impedire conantibus, quos molossi facile in fugam agebant, omnia dolia implera. Vix anchoras refixerant, quum ventus ab Arcto insurgens ipsis non modo adversus, sed & frigore suo insensus, ad Insulam Cedrorum coëgit reverti; ubi ad octavum Februarii substitit. Aqua & ligno abundat hæc insula, nec non piscibus, habetque stationem adversus incerta ventorum satius munitam.

Insula de
Cedros.

Crebris

Crebris deinde tempestatibus exagitati & ingentibus periculis defuncti, ad viginti quatuor usque Martii perdurant, verum tunc quum naves pene dehiscerent, navales focii caperunt tumultuari, & à præfecto suo *Francisco de Vlloa* importune flagitare ut ad Novam Hispaniam reverteretur, verum ille propositi tenax, navi sua nonnihil refecta altum repetiit, nec quid illi postea acciderit hætenus est compertum, fluctibus haustum aut alio infortunio extinctum constans opinio est; altera autem navis non sine summo discrimine tandem incolumis ad Novam Hispaniam applicuit.

C A P. XIV.

10

Fratri Marci de Niza iter ad Cibolam provinciam.

NUNC è mari ad Continentem revertemur, & famosum *Marci de Niza* Franciscani iter commemorabimus, cujus sane relationem præterire poruissim, utpote falsi in multis paulo post manifesto convictam, nisi sequentibus expeditionibus & navigationibus occasionem dedisset, neque piguisset *Antonium Herrem* atque alios suis commentariis illam inferere.

20

Marcus itaque de *Niza* cum focienno suo & *Nigrita Eslevanico* (qui cum paucis Hispanis è tertia illa Hispanorum, duce *Pamphilo Narvezio*, in Floridæ provincias expeditione evaserat (uti supra rerulimus) & barbaris aliquot qui Hispanicum idioma jam callebant, Anno à Ch. Nato cLo lxxix ab oppido *S. Michælis* provinciarum *Culvscan* egressus, primo movit versus *Petatlan*, locum sexaginta, ut ipse numerat, leucatum intervallo à dicto oppido distitum, & ab indigenis ubique hospitaliter fuit exceptus. Hic fociennum suum ægrum relinquens, cum reliquis processit, & licet indigenæ, per quorum fines ipsi iter erat, summa annonæ penuria laborarent, utpote qui integro triennio parce admodum sementem fecerant, nihil tamen ipsi defuit. Triginta porro leucatum itinere nihil memorabile ab ipso observatum fuit, præterquam quod Insulares quidam barbari ad ipsum venerunt ab Insula jam ante à Marchione Vallenis visa & lustrata, itemque ex altera paulo remotiore, qui fragmenta quædam concharum

30

Margaritiferarum circa cervicem gestabant, & Margaritarum copiam apud Insulam suam reperiri testabantur (licet nullas ipsi exhiberent) pluresque minores insulas juxta sitas esse, quæ vili atque inopi popello incolerentur.

40

Hinc per desertum quatruidi itinere cum plurimis barbaris, qui illum sponte comitabantur, profectus, alios rursus barbaros obvios habuit, qui non tantum ad Europæorum habitum, quos numquam antea viderant, stupebant, sed & barbaros tanta solitudinis intercapedine sibi prorsus incognitos admirabantur. Hic cū summa veneratior fuit exceptus, indigenis barbaris non tantum large comæatut præbentibus, sed & vestimenta illius superstitione contrectantibus, ipsumque *Hayotam*, id est, divinum virum appellantis. Ipse Veri Dei & Cæsaris cognitionem ipsis per interpretes prædicabat: illi autem vicissim narrabant, quatruidi à suis finibus itinere versus mediterranea, latissimam planiciem habitari ab indigenis, qui & vestibus induerentur & aures atque nares lapillis quibusdam viridi colore ornarent; illo denique metalli genere abundarent, quod ipsis ostenderat (id autem erat aurum) ita ut & vas aureis uterentur & templorum istorum parietes aureis laminis incrustarent; veruntamen quia jussus erat haud longe à mari intra continentem divergere, iter ad illam provinciam distulit. Dehinc quatruidi itinere per eorundem populorum fines confecto, venit *Vacapan*, circiter quadraginta leucas distantem à mari, ubi festo paschatis substitit *Vacapa*, & Americanos quidem qui illum comitabantur tribus diversis itineribus dimisit ad mare, *Nigritam* autem recta ad septentriones, mandans ut simul ac quid magni aut memorabilis offendisset, sese per nuncios certiore faceret. Vix quatruiduo præcesserat *Nigrita*, quum nuncius ab ipso advenit obnixè flagitans ut sequi properaret, famam enim amplissimæ provinciarum, quæ *Cibola* vocaretur, ad aures ipsius accidisse, nec longius illam quam triginta dierum itinere abesse illic septem ingentia atque incolis frequentissima oppida uni Principi parere, oppidanos vestitus uti, domos è lapidibus & cæmëto affabre constructas & conjunctim dispositas esse, superliminaria portarum cyanæis gemmis, (Turcoides vocant) ornata, Americanus qui à *Nigrita* venerat, narrabat.

50

Eodem tempore qui ad mare requirendum missi fuerant, reversi retulerunt triginta quatuor insulas à se visas, & insulares aliquot adduxerunt, qui patmas aliquot bovillo corio obductas, quibus totum corpus tegebant, Monacho obtulerunt. Venère & tres barbari ab orientali plaga, pectus atque brachia picti, (unde illos *Pintados* appellavit) qui se septem illorum oppidorum vicinos ferebant. Atque his allumtis iter quod Nigrita indicaverat persequi cepit, & mox alios atque alios nuncios obvios habuit, qui rogabant ut properaret, tamam enim *Cibola* & trium regnorum *Marata*, *Acus* & *Tontear* in dies increbescere & confirmari; quod & major crux quam Nigrita fixerat indicabat: majoribus itaque itineribus profectus, quin jam bidui ienere abesset à deserto, ad cujus exordium Nigrita se praestolaturum promiserat, incidit in locum peramœnum, arvis fatisque undique cinctum, quæ foliis rigabantur: incolæ autem ipsi obviam processerunt gossypino panno & taurinis tergoribus amicti; Regulusque illorum gossypina tunica indutus & cyaneis gemmis ornatus, varia monacho munera obtulit, quæ refutavit. Vestimento autem illius contrectato narrabant barbari, ejusmodi pannos maxima copia in regno *Tontear* texti è villis bestiarum, quæ canum venaticorum, quales Nigritam secum ducere viderant, molem non excederent.

Hinc desertum quattridui itinere entensus, vallem frequentissimam incolis intravit, qui ad eundem modum vestiti erant & cervicem, auriculas atque nares eisdem gemmis ornati, quique *Cibolam* haud secus noverant, quam Novæ Hispaniæ incolæ urbem *Mexico*, nec pannos *Tontearenses* ignorabant. Quumque hæcenus litus maris recta ad Arcum vergere observasset, illud lustrare voluit & ad altitudinem sex & triginta graduum in oceanum se flectere deprehendit. Deinceps per eandem vallem iter quinque diebus profectus, in *Cibola* civem incidit qui Praefectum, quem dominus septem oppidorum ibidem constituerat fugiebat: Erat autem ingenio minime barbaro, monachumque comitari aveau; ut illius intercessione veniam à Praefecto impetraret: Urbis illius situm uti & vicinarum diserte explicabat, metropolim appellari *Ahacum*, ad occasum *Marata* regnum situm esse, olim quidem incolis frequentissimum, nunc autem bellorum injuria multum imminutum: *Tontear* huic proximum esse, regnum opulentum cujus indigenæ pannis uterentur. In hac valle denique tergus dono accepit, taurino duplo majus, animali longis villis recto, colore damæ, detractum; quod animal ut ipsi narrabant, cornu incurvum in fronte gestaret, è quo alterum enasceretur rectum, præcipuum hujus feræ robur. Itaque vallis hujusce possessione Regi Hispaniarum vindicata, postquam triduum hic incolarum rogatu fuisset commoratus, cum magno barbarorum comitatu, largoque comœatu, solitudinem quam quindecim dierum itinere hanc vallem à *Cibola* provincia dividere cognoverat, ingreditur nono May, latam tritamque semitam inveniens, & crebra pyrarum vestigia, quas viatores hic construere solent: Duodecimo autem die unus Nigritæ comitum ad ipsum venit, tristis atque trepidus, qui animo paulum confirmato narrabat, *Estavanicum* quum jam *Cibola* sinibus appropinquasset, cucurbitam suam rictinabulis quibusdam & candida rubraque pluma ornatam, per nuncios ad Praefectum urbis præmissis adventus sui indicem: verum Praefectum inspecta cucurbita tantopere exauduisse ut illam projiceret in terram & nuncios facessere & ipsorum Dominum quantocius è sinibus suis excedere juberet, ni facerent, omnes ad internecionem se delecturum: Nigritam vero illo nuncio haudquam tæritum processisse, verum non modo aditu urbis prohibitum fuisse, sed & omnibus impedimentis, cyaneis gemmis, aliisque exutum, profugere coactum: se quidem sibi pene exanimatum ad vicinum fluvium se subduxisse, quo & Nigritam fugere, & focios illius ab indigenis misere trucidatos observarent. Hæc narratio barbaros qui Monachum comitabantur, supra modum consternavit, itaque illos confirmare & nuntio fidem derogare nequicquam conatus, precibus ante conceptis, sarcinas omnes referat, & inter primarios dividit, orans atque obtestans ut se porro sequerentur: Quum ergo processissent & jam unius tantum diei itinere à *Cibola* abessent, alii duo è Nigritæ comitibus occurrerunt pene exanimati, & multis vulneribus faucii, qui præcedenti relationi consentanea retulerunt, & ultra trecentos suorum cæsos, ipsumque Nigritam haud dubio trucidatum esse, barbarosque ita denuo

perterruerunt, ut monachus anxius & quid potro ageret incertus paulum secederet
 è turba, & precibus conceptis ad comites regressus, blanditiis atque munusculis illos
 placare niteretur, verum nihil proficiens & à Mexicano quodam monitus, barba-
 ros ob suorum stragem, quam ipsi & Nigritæ imputabant, efferratos extrema ipsi mi-
 nari, monere barbaros caput nequid fecius in ipsum admitterent, exiguum enim
 10 ipsis in sua cæde solatium fore, neque impune laturos, Christianos enim haud dubiò
 vindictæ adfuturos. Quum his atque similibus dictis barbaros nonnihil commovisset
 suadere institit ut aliquot suorum dimitterent exploratum, ut certiora de suorum &
 Nigritæ cæde cognoscerent, verum quum non persuaderet, ipse cum paucis processit,
 donec in conspectum *Cibola* ventum fuit, quam dicit ad radicem montis in planicie
 sitam esse, Mexico paulo maiorem, & lapideis ædificiis atque tectis affabrè constru-
 ctam: ut propius accederet aut urbem ingrederetur inconsumtum ipsi visum, ne si
 quid humanitus ipsi accidisset, tam nobilis oppidi notitia Hispanos penitus lateret;
 itaque saxis aliquot in cumulum coacervatis & truce imposita, provinciæque domi-
 nio Regi Hispaniarum vindicato, via qua venerat est regressus, & deserta rursus
 emensus, planicieque quam ante præterierat obiter salutarata, primo ad oppidum
S. Michælis & mox *Composellam* repedavit, atque itineris sui descriptionem ad Novæ
 Hispaniæ Proregem misit.

Hactenus *Fratri Marci de Niza* relationem compendio prosequuti sumus, à qua
 20 liquido constare poterit, quam fluxa sit ejusmodi fraterculorum fides, qui non raro
 à barbaris sibi narrata & plerumque minus intellecta, ut visa referunt, atque ita fal-
 lunt eos, qui ipsorum dictis fidem adhibentes, longinqua itinera suscipiunt, uti *Fransisco*
Cornado atque adeo ipsi Proregi accidisse jam narraturi sumus.

C A P. XV.

Francisci Vassui de Cornado *expeditio in Cibolam &*
vicinas provincias.

30 *Antonius de Mendoza* Novæ Hispaniæ Prorex, superiori illa Monachi relatione
 in ingentem spem erectus, *Francisco Vassui de Cornado* Novæ Galziæ præ-
 fecto mandat ut primo quoque tempore in illas regiones expeditionem sus-
 ceperet: Ille coactis centum & quinquaginta equitibus quorum multi binos equos
 ducebant, & ducentis peditibus bene armatis, cum campestribus aliquot machinis,
 magno belli apparatu, pecorum atque porcorum grege, largo denique commeatu, mense
 Aprilis anni cisd. 15. xi. è *Culvacan* profectus, quatuor dierum itinere ad flumen *Pe-*
satlan, & deinceps triduo ad *Cinaloam* pervenit, ut *Herrera* scriptum reliquit: Unde
 deinceps iter suum institute, quemadmodum ipse narrat in hunc modum. d. 6. l. 9. c. 11.

Triginta (inquit) leucis ab eo loco quem Pater provincialis tantopere in sua re-
 latione prædicaverat, *Melchior* *Diazium* cum quindecim equitibus præcedere
 40 jubeo, & quam maximis itineribus ad provinciam contendere, illamque penitus
 perlustrare: hic quadriduum per asperrimos montes eluctatus, neque annonam neque
 ulla oppida se reperisse præter duos tresve inopes pagos viginti aut triginta humilium
 casarum, quorum incolæ narrabant ulterius nihil restare præter fragosos & incultos
 montes & meram solitudinem, uti ad exercitum reversus retulit, qui prima hac spe
 tam insigniter fraudatus haud modice conturbabatur: Veruntamen non hujus po-
 tissimum regionis lustrandæ gratia hoc iter susceptum esse, apud ipsos concionatus,
 aliam laborum metam in ditissimis illis provinciis subjugandis proponi, tandem per-
 suasit ut procederent: Hic rursus impeditissimum iter & nonnunquam præruptum
 experti, fidem monachi obtestari cœperunt, qui plana omnia & expeditissima pro-
 50 miserat, multosque montes præter paucos colles obstare qui vix dimidiâ leucam
 occuparent: Contraria autem omnia accidebant ita ut ne animalia quidem & pec-
 ora asperitatem montium ferrent, sed pleraque præ lassitudine deficerent. Tan-
 dem vigesimo & sexto May ad vallem de *Coraxones* veniunt (*Arroya de Coraxones* vo-
 cat *Herrera*) cæteris provinciis quas hactenus transierant longe frequentiores.

Hic largam quidem sementem, sed Mayzii maturi perexiguum penu invenimus:
 itaque eundem *Diazium* ad vicinam vallem de *Sennora*, ut jam à nostris vocatur,

mirto ut permutatione quarundam mercium Mayzium ab incolis comparareturque ita barbaris nostris & reuionibus milibus opportune subuentum, qui jam annonæ penuria laborabant.

Hanc vallem quinque dierum itinere à mari occiduo abesse intellexi, & barbaris qui maritima accolunt accerfitis, haud longe à littore septem aut octo infulas habitari à gente bruta & annonæ indiga, nuperque hic navem grandem conspectam fuisse, accepi.

Chichil-
ticalc.

Quatriduum in hac valle moratus, castra movi, quumq; me magis magisque ad mare accessurum opinarer, longius ab illo recessi, adeo ut quum jam *Chichilticalc* attigissem, quindecim dierum itinere à mari me abesse deprehenderem, licet Monachus tantum quinque leucarum distantiam prodidisset, seque mare è longinquo vidisse fuisset mentitus: quæ res nos pessimè habuit. *Chichilticalc* tantum biduum substiti, ob pabuli inopiam, licet equorum lassitudo longiorem moram flagitaret, & solitudinem ingredior vigilia *S. Ioannis*, in qua nulla equis pabula, sed viam longè difficilior rem reperi, ita ut multi equi desicerent nec non aliquor Americani & Nigritæ atque unus Hispanus. Dein præfectum castrorum cum quindecim equitibus speculatum præmitto, qui dextre officio suo functus iter exercitui expediti reddidit. Triginta denique leucarum itinere per invios saltus & asperissimos montes confecto, regionem ingredimur multis annibus rigum & pabulo abundanrem ab Europæo haud multum diverso, multis moris, juglandibus (sed frondibus à nostratibus nonnihil diversis) refertam; jamque unius diei iter eramus emensi, quum quatuor barbari inermes obviam venerunt, qui se præmissos dicebant ut nobis adventum felicem gratularentur, postero die plures cum annonâ adfuturos: quibus auditis, rogavi ut oppidanis bono animo esse juberent, neque oppidum deserere, me enim Regis mei mandaro advenisse ut ipsos adversus hostes ipsorum defenderem: Simulque præfectum Castrorum præmissi ut aditus omnes exploraret & siquem difficiliorem reperisset, eundem occuparet ne à barbaris præriperetur: reperit autem unum longe impeditißimum, quem si barbari insedissent, magnum utique impedimentum potuissent obicere; commodum autem à præfecto præreptus fuerat, quum barbari sub noctem accederent, qui quum in vigiles nostros incidissent, statim retrocesserunt. Postero mane castra movi & annonæ penuria cogente celeri passu ad oppidum admovi & ne quid intentarum relinquerem religiosos aliquor præmissi qui oppidanis persuaderent me nequaquam venisse ut aliquid damni ipsis adterrem, sed ut ipsos adversus omnes hostes tuerer, modo religionem nostram amplecterentur & se vasallos Regis Hispaniarum agnoscerent; Verum illi paucitatem nostrorum vilipendentes tanto animosius arma corripunt & nos ultro aggrediuntur; repressi tamen adhuc neos, mandari tui & Marchionis memor, donec audacia barbaris in tantum crevit ut pene turmis nostris miscerentur & saxa atque jacula pedibus equorum nostrorum acciderent: tunc non ultra cunctandum ratus, religiosi idem censentibus, in barbaros invchor & primo impetu conjicio in fugam: pars in oppidum recepti, reliqui per agros palantes dispersi, pauci interfecti, nam quantocius ad oppidum copias admovere fames suadebat; itaque balistarios & sclopetarios primum vallo succedere imperavi, ut defensores propellerent atque deicerent; verum parum profecit hic conatus, nervis arcuum farscentibus & sclopetariis præ lassitudine statim remittentibus; barbari inrerim saxis & jaculis nostros petebant è vallo, ubi ipse magnum discrimen adii, bis saxo ictus & humi prostratus, vulneratuque ita ut pugna excedere sim coactus; nihilominus barbaris sensim cedenribus, tribunorum & militum nostrorum virtute oppidum cepi & in eo tantam Mayzii copiam reperi, ut necessitati nostræ abunde sufficeret. Hactenus è commentariis ipsius *Fransisci Palsquivi de Cornado* hanc expeditionem compendio retuli, nunc reliqua ex *Herrera* decadibus subjungam.

Quinque (inquit) dierum itinere à *Cibola* versus Aquilonem adierunt provinciam *Tucayan*, in qua septem sunt municipia satis frequentia, quæ septem illæ civitates videntur quarum frater *Marcus de Niza* meminir. Ad *Cibolam* usque omnes torrentes atque amnes versus occasum labuntur & haud dubio in mare Australe, ulteriores ad oceanum septentrionalem descendunt.

A *Tucayan* ad flumen *Huex* ventum, cujus ripis viginti leucarum spacio quinde- *Huex fl.*
 cium municipia adsident, domiciliis inter se junctis & affabre constructis, in quibus &
 tepidaria quæ vulgo *Stuvas* appellamus, sub terra constructa adversus hyemis vehe-
 mentiam. Hoc flumen à Coro ad Eurum devolvitur, ita ut omni dubio procul in
 septentrionalem Oceanum exeat. Septem ab hoc dierum itinere versus boream *Ci-* *Ciculi:*
cuique flumen attingunt, & aliorum quinque campestria sunt ingressi in quibus tauri *que fl.*
 & vaccæ gibbosæ pascuntur: Indigenæ tuguriola sua longiuris in conum desuper
 connexis componunt, & taurinis tergoribus adversus æris injurias muniunt; neque
 ullas præter hæc armenta divitias noverunt; his vescuntur, horum exuviis amiciun-
 10 tur, his deniq; omnia ad vitam humanam necessaria explent; canes præterea habent
 grandiusculos, quibus pro jumentis utuntur, quoties sedes mutant. Americani interea
 qui viam monstrabat, sua ne malitia an alieno impulsu incertum, in uliginosa loca &
 riguos campos à recto tramite Hispanos abduxerat, futurum sperans ut annonæ omni
 adesa in solitudine fame perirent: jamq; octiduum processerant quum ab altero bar-
 baro fraudis hujus atq; periculi admonentur, nec tamen ante substitutionem quam (vi-
 gesimo tandem die) ad alterum pagum ventum esset, cujus *Regulus* ætate gravis &
 jam cæcus, se quatuor Christianos ante aliquot annos vidisse meminerat.

Hic *Vasquio* consultius visum cum viginti novem equitibus ulteriora lustrare, &
 reliquis copias ad priora stativa remittere. Progreditur itaque triginta diebus recta
 20 versus Arctum, sed haud magnis itineribus, per aquosa loca & eisdem gibbosis
 animalibus plena, donec ad flumen pervenit cui *S. Petri & Pauli* nomen indidit: hoc
 transmissio secus ripam descendentes versus aquilonem, tertio demum die inciderunt
 in barbaros venationi intentos, à quibus tam hujus quam remotioris provinciæ *Haræ* *Haræ:*
 statum edocti, *Quiviram* usque processerunt, arque ibidem majus quidem flumen,
 pagos vero barbarorum pene uniusmodi reppererunt. Salutato denique *Regulo* qui
 vir erat procerus & bene composito corpore, quum nihil tanto conatu dignum recepi-
 rent, & Augusto jam inclinante, ne à nivibus & fluviorum inundationibus interci-
 perentur, metuerent; mature de receptu cogitandum existimant. *Vasquium* de-
 nique ad exercitum jam reversum casus afflixit, itaque pleraque copias primo ad
 30 *Culvacan*, deinde in præfecturam suam reduxit.

C A P. XVI.

*Cibolæ provinciæ situs, cæli solique qualitates à Francisco
 Vasquio de Cornado observatæ.*

SUPERIORI capite *Francisci Vasqui* iter descripsimus, nunc ejusdem literas
 ad Proregem adjungemus, è quibus regionum situs & qualitates clarius eluce-
 scent. Restat jam (inquit) ut Nobilitati tuæ perscribam, septem illorum oppido-
 40 rum situm & regnorum illorum statum, de quibus Provincialis tam magnifica nar-
 ravit.

Primo serio affirmare possum, Monachum illum omnia pene præter rei verita-
 tem retulisse, neque quicquam veri narrasse præter oppidorum nomina & ædium
 structuram; licet enim nequaquam cyaneis gemmis sint ornata aut è lateribus &
 cemento coagmentata, tamen perpulchra sunt & tribus quatuorve contignationibus
 substructa, multis atriis & cubiculis distincta, & caveis subterraneis adversus hye-
 mis inclementiam instructa. Septem autem illa oppida sunt totidem exigua muni-
 cipia, quatuor ad summum leucarum intervallo à se invicem distantia, quæ conjun-
 ctim Regnum *Cibola*, singula vero propriis nominibus appellantur. Municipium in
 50 quo jam moramur, quod ob similitudinem & ad tui memoriam *Granadam* appellavi,
 circiter ducentis constat domiciliis præter alia hac illac per agrum sparsa pene tre-
 centa. Huic vicinum est oppidulum paulo majus circiter quingentarum casarum:
 tertium primo æquale: reliqua quatuor paulo minora; singula in membrana quam
 hic repperi, depicta mitto. Indigenti harum regionum statum sunt justa, & pro
 capto barbarorum satis ingeniosi, non tamen ea videntur industriâ, ut ejusmodi
 ædificia struxisse verisimile sit: nam fere nudi agunt aut pudenda leviter tecti, &
 varie-

variegata pictaque pallia gestant, qualia mitto. Gossypium hæc tellus nequaquam fert ob frigoris vehementiam, nihilo tamen minus hic illius copiam reperi. Capillos capitis in Mexicanorum modum componunt: Cyanearum gemmarum magnum numerum videntur possidere, verum illas ante nostrum adventum cum reliqua supellectile, penu tantum excepto, alio subdlexerant: neque in oppido ulla sceminas aut infantes offendimus, ne fenes quidem præter paucos, qui cæteris regendis relicti videbantur. Inter spolia fragmenta quædam smaragdorum, crystalli, aliarumque violorum gemmarum capta, quæ ministri mei negligentia perierunt. Gallopavorum hic magna est copia, quibus tamen se in cibis uti pernegant indigenæ, & plumarum tantum gratia alere perhibent: quod mihi non sit verisimile, sunt enim Mexicanis longe majores & meliores.

Temperies aëris æstate à Mexicano cælo non multum differt, nam interdum hic æstuat, interdum pluit, licet semel tantum hic pluviam viderim eamque vehementiorem & nimbo similem. Nives altas, geluque acerrimum hic hybernis mensibus tolerari, indigenæ farentur, & clyma arguit, ipsaque ædium structura indicat: nec non pelles, aliaque quæ indigenæ adversus frigus parata habent.

Nullæ hic arbores sunt quæ fructus ferant: solum ipsum humile & pene æquale, nonnuscquam tamen raris montibus, eisque asperitibus impeditum. Paucissimæ hic volucres & raræ sylvæ: una tamen quæ circiter quatuor leucis ab oppido distat, humilioribus cedris confita, materiem foco abunde subministrans. Pascua haud longe absunt, quæ & lætum gramen, & sænum equis nostris peropportune præbent, quos macies & lassitudo mirum in modum affligerat.

Frumentum indigenarum est Mayzium, quo abundant; uti & pisces perexiguus & candidus; ferina quoque, qua tamen se vesci negant, licet multa cervorum tergora hic invenerimus, uri & pelles leporum atque cuniculorum. Longe optima liba coquunt è Mayzio: quod tanta industria hic molere & conerere noverunt, ut una scemina hic plus operis conficiatur, quam in urbe Mexicana quatuor. Salem usurpant præstantissimum; quem colligunt ad ripas lacus qui unius diei itinere abest. Cæterum neque Septentrionalem neque occidentum Oceanum noverunt, utri autem viciniore haud facile dixerim, licet multæ rationes suadere videantur, occiduo propiores esse, à quo tamen haud minus centrum quinquaginta leucas absunt, sed ab Arcto haud dubio longe plures: è quo colligere promptum est quanta sit hujus Continentis amplitudo.

Feræ hic varix reperiuntur, ursi, tigrides, leones, herinacei, & oves quædam equorum magnitudine, brevi cauda, cornibus ingentibus, quarum aliquot vidi ad miraculum vastas: capræ præterea silvestres, apri, denique maximi cervi. Indigenæ octo dierum itinere ad campestria proficiscuntur versus arctoam plagam, indeque reportant taurina tergora bene præparata, eleganterque picta.

Tōteac.

Regnum *Tontec* vel *Totontec*, quod Provincialis noster tantopere celebrat, tantum lacum esse calidum narrant indigenæ, cujus ripis olim quidem plura turgida affluebant, nunc vero tantum paucula & injuria bellorum valde infrequentia.

Marate.

Marate regnum hic penitus ignotum est. *Acus* est exiguum oppidulum, ubi perparum gossypii nascitur, quod hi barbari nominant *Achuc*. Ulterius tendentibus aliquot pagi occurrunt ad ripam fluminis siti, quorum aliquot vidi, alios ex barbarorum relatione accepi. Hactenus *Franciscum Vasquius*, uti oculatus testis, haud dubio veram harum regionum faciem descripsit.

CAP. XVII.

Quiviræ Provincia situs, indigenæ, animalia, aliaque è Gomara.

50

Quiviræ regionem describit Gomara in hunc modum: Regio omnis quæ à *Cicnic* ad *Quiviram* usque extenditur, planissima est, nullis arboribus vestita, nullis faxis aspera: rari atque exigui pagi & incolarum summa infre-

infrequentia: mares taurino corio non tantum pedes sed & reliquum corpus muniunt. feminae autem, quibus capillos quoniam longissimos alere summum decus est, illidem non modo capita sed & pudenda velant. Destituuntur proflus omnis generis farre, vescunturque carnibus, ut plurimum crudis, sive ita alluere seu lignorum inopia; alipem de visceribus recenter extractum avidissime devorant: Sanguinem hautiunt & calentem sine noxa (licet antiqui id fieri posse negaverint) & frigidum arque aqua dilutum quumque ollis deservantur, carnes interdum assant vel potui ad flammam, quam ex arido fimo eliciunt, torrent. easque diglutiunt potius quam masticant aut dentibus conterunt: dentibus quippe apprehensas, præacutis sileibis
 10 dividunt, acque brutorum in modum dilaniant. Gregatim quidem degunt, sed nullas fixas habent sedes, Scytarum more crebro migrant, prout aut anni tempestas cogit, aut pabuli copia invitat.

Armenta illorum tauris Europæis magnitudine & colore haud absimilia, cornuum magnitudine superantur, sunt enim ipsis parva, fere recta & præacuta: in eo maxime differunt quod gibbum habeant inter scapulas, & pilos lancos, anteriori quidem parte corporis longiores quam posteriori: & supra collum arque spinam dorsi jubarum instar crispantes: Pilos quotannis mutant, qui fere nigri sunt, & raro albis quibusdam maculis distincti: crura breviora inde à genibus longis villis recta sunt, qui & frontem inter cornua obvelant, sub jugulo autem ita propendent ut barbati
 20 hircinam æmulentur: mares caudam habent oblongam, & ad extremitatem villosam: ita ut quædam cum Leone, quædam cum Camelo communia habeant. Cornu feriunt, & si quando rabies illos cœpit, aut si irritetur etiam equos trucidant. Animal denique deforme est, torvum terrumque aspectu, ita ut equi occursum illius horreant, ob deformitatem, an novitatem, incertum. Præter hæc animalia nullas præterea di-
 30 vitias noverunt barbari: hæc ipsis cibum porumque subministrant; (caro autem optimi est saporis) tergoribus illorum corpora sua pariter atque casulas muniunt: è laciniis eorum funes contorquent; ossa illis stilos; nervi villique funes; cornua buccinas; velicæ utres; fimus denique siccus fomites præbet. Effigiem hujus animalis exhibuit Gomara, quam hic apponimus.



Sunt & alia hic animalia eorum magnitudine, quæ quia lanigera & cornuta sunt, à nostris appellantur Oves; cornu interdum libras quinquaginta dicuntur
 40 pendere. Itemque ingentes molossi, quos & tauris committunt, illisque quom aut venandi aut domicilia mutandi gratia iter faciunt, onus quinquaginta librarum imponunt.

Quænam porro tam Gomara quam Antonius Herrera ad altitudinem quadraginta graduum septentrionalium constituunt; temperiem aeris, aquarum bonitatem, camporum amoenitatem satis laudant, cerasos, moros, nuces, vites denique & melones tribuunt.

Operæpretium autem fuerit Gomaram hic audire, qui *Cibole* provinciam ad altitudinem septem & triginta graduum & triginta scrupulorum collocans (ita habet
 50 versio Gallica, cum in Hispanico exemplari diserte triginta gradus & semissis ponantur) *Francisci Vassui de Cornado* iter ita porro describit. Milites *Vassui* (inquit) quum regiones hæc tam infrequentes incolis, & tam inopes deprehenderent, monacho supra modum indignantibus, qui tam magnifica de hisce terris prædicaverat: itaque ne inopes & nullo operæ pretio facto, in Novam Hispaniam reverterentur, ulteriora lustrare in animum inducunt, præsertim quia barbari longe meliores terras haud procul inde jacere testabantur. *Auco* munitissimo & edito loco copie ad-
 motæ: *Garsias Lopez de Cardenas* cum turma equitum missus ut mare requireret.

Ipsæ

Tiguez. Ipse *Fasgnius* cum reliquis copiis movit versus *Tiguez* ad magnum fluvium situm. Hic *Axa* & *Quivira* fama auribus illorum accidit, narrantibus barbaris *Quivira* dominari regem *Tatarax*, virum barbarum, colore candido & opibus affluentem, qui in capella crucem & reginam caelorum adoraret. Hæc divitiarum fama facile milites pellexit ut procederent, licet non pauci falsa hæc & monachorum commenta haud frustra suspicarentur. Barbari interim qui Hispanos hæcenus sequuti fuerant, una nocte omnes in diversa aufugerunt, quæ res exercitum haud modice perturbavit. Promota tamen castra, & municipium in itinere captum, direptum atque concrematum: deinceps in alterum impetus factus, aliquot milites desiderati, & quinquaginta equi vulnerati, *Franciscus* quoque *Obandius* captus & intra oppidum abreptus, incertum an idolis ab ipsis immolandus, an ut plenius de advenarum statu cognoscere; atque hoc magis credibile visum, neque enim hæcenus in hisce regionibus observatum fuit barbaros humanis hostiis numina sua placare. municipium itaque corona cinctum, sed vix quinto & quadagesimo die potuit expugnari. Oppidani quum de se actum animadverteret, primum pallia sua, pyaneas gemmas, & quicquid alicujus pretii possidebant conjiciunt in ingentem pyram, dein sceminis & pueris in medium agmen acceptis, magno impetu erumpunt; sed pauci admodum evaserunt, reliqui aut ferri acie fuerunt consumti, aut ab equis conculcati aut vicino fluvio hausti: Hispanis quoque haud inerte victoria fuit, septem militibus cæsis, octuaginta vulneratis, & plurimis equis desideratis: pauci denique barbari intra oppidum ceciderunt, tantisper fortiter restiterunt, donec Hispani ignem in ædes insicerent, & flamma obvia quæque depalceretur. Hyems erat, & fluvius tam valida glacie astringebatur, ut equos ferret. Nives hic admodum altæ, & pene sequestres: æstate tamen hic præstantes melones nasci, atque etiam gossypium produci auctores, è quo indigenæ pallia sua texunt.

Cicuc. A *Tiguez* quadridui itinere ventum *Cicuc* exiguum municipium, à quo circiter duodecim leucas digressi, novam speciem vaccarum offenderunt, quarum octuaginta mastrant, insigni exercitus levamento. Porro à *Cicuc* ad *Quiviram* nongenta milliaria numerant: iter agitur per vastam & infecundam planiciem, in qua neque saxa, neque arbores, atque adeo nec herbæ reperiuntur; itaque itinera & stationes, stercore illarum vaccarum in cumulos aggesto, signare cogebantur, ne in reditu à recto tramite aberrarent: & jam farte omni destitutus pereundum hic fuisset, nisi vacca cibum præbuissent, quæ per hos campos ingenti numero vagantur. Ventum denique *Quiviram*, & *Tatarax* inventus, vir quidem candido colore, prorsus nūdus, cuique nihil prorsus divitiarum erat, præter unam lamellam æneam, quæ à collo illius ad pectus dependebat. Hispani tam insigniter sui frustrati, quantocius ad *Tiguez* revertuntur, ne vestigio quidem ullo Christianæ religionis apud *Quivirenses* deprehenso. Et demum anno 1610 ad *XLII* redierunt in Novam Hispaniam.

Quivira. Pleræque hodie Tabulæ Geographicæ hanc provinciam *Quiviram* submovent ad extremum pene angulum *Californiæ* versus occidentem: Quam tamen *Herrera* diserte testatur ducentas leucas à *Cibola* versus ortum divergere; quod & itinerum ratio, quæ modo descripsimus, postulat, & Lusitani ejuisdem à *Quivira* per *Chichimecarum* terras in *Pannu* provinciam reditus omnino videtur exigere. Insignem itaque hic errorem in Tabulis admissum esse facile suspicatus sum, neque tamen me extricare potui præsertim quum veterem tabulam unam in pergamento eleganter descriptam vidissem, quæ *Californiam* in ingentis Insulæ modum à continente septentrionalis Americæ divideret: opinabar autem huic errori forte occasionem dedisse, quod à *Gomara* narratur, Hispanos illo tempore naves quasdam juxta littora vidisse variis mercibus onustas, quarum proræ avibus deauratis erant ornatae, quas è *Catayo* aut *Sinarum* regno venire suspicabantur. Sed nuper admodum vidi relationem quandam *Alfonsi de Benavides* Franciscani, de qua mox plura dicam, in qua duæ provinciae *Quivira* commemorantur, quarum una à Nova Mexicana discedat ad occidentem, altera ad orientem: quicquid sit de priore illa versus occidentem (nam fides hujus Franciscani apud me levior est) posteriorem hanc ad orientem, omnino veram esse *Quiviram* mihi persuadeo, Nam *Gomara*, ut supra, nanç at post irritam illam *Francisci*

cisei *Vasquii* expeditionem, Fratrem *Ioannem de Padilla* cum altero *Francisco* & duodecim barbaris *Mechuacanis*, itemque *Andrea de Ocampo* Lusitano in provincia *Tiquez* aliquandiu substitisse, & secundo inde ad *Quiviram* profectum; monachosque ab indigenis trucidatos, Lusitanum autem cum paucis *Mechuacanis* evasisse & post decem mensium captivitatem & longos errores tandem per *Chichimecarum* terras *Panucum* rediisse. *Benavidis* denique hanc *Quiviram* collocat ad trigessimum septimum gradum ab *Aequatore* versus *Arctum*; scribitque hanc provinciam (cujus incolae vocantur *Aixaros*) argenti atque auri metallis abundare, & haud longe abesse à finibus earum provinciarum, quas jam *Angli* & *Belgæ* coloniis occuparunt; quos à barbaris istis multum auri atque argenti accipere narrat, quàm falso, *Angli* atque nostrates possunt testari.

C A P. XVIII.

Hernandi de Alarcon navigatio in Fretò Californiano.

Antonius de Mendoza Novæ Hispaniæ Prorex, simulac *Franciscum Vasquium de Cornado* terrestri itinere dimiserat ad *Cibola* provincias lustrandas, etiam *Hernandum de Alarcon* cum duabus navibus ablegavit, ut oram maritimam Freti Californiani inviseret: Hic quum ad vadorum breviam pervenisset, à quibus
20 *Franciscus de Villoa* vela retro vorterat, non sine summo periculo ad intimum sinus illius gremium penetravit: ubi flumen offendit ita rapide decurrens, ut naves plenius velis subeuntes remorarentur: itaque majores naves in anchoris hic constituens, cum duabus cymbis quibus viginti milites navæque vehebantur, flumen ascendere aggreditur: primo die, qui erat sextus & vigesimus Augusti, aggre sex leucas provectus, postero die aliquot tuguria barbarorum conspexit, qui postquam res suas in vicinos montes abdiderant, ad ripam reversi, Hispanos minitabundi terra prohibere satagebant; verum *Alarconius* promissis atque munusculis barbaros ita delinivit ut mox ultro in terram exscendere juberent, & commearum liberaliter conferrent. Hi populi nudi agebant, & cutem variis coloribus picti; capita galeis quibusdam municebant, quas è cervino corio confutas elegantissimis plumis ornant: arma ipsis sunt arcus, sagittæque & lignei gladii; corpora vasta & validi lacerti: perforant nares, & brachia notulis quibusdam persignant: capillitium supra frontem rasum, ab occipitio ad lumbos usque promissum: feminæ pudenda ante & retro plumis tegunt, cætera nudæ & eodem quo marces modo capillatæ. Ingens autem hominum multitudo quotidie accurrebat, quos Hispanus, dum se à sole, quem hi barbari unice venerantur, missum jactat, ita delinivit, & munusculis exigui pretii, puta ligneis & papyraceis crucibus (quas res cælestes esse prædicabat) in tantum sibi conciliavit, ut funibus arreptis, magna contentione cymbas illius adverso flumine subducere aggredierentur. Invenetunt & aliquem qui ipsorum interpretem nonnihil videbatur intelligere:
40 Hunc multa variaque querentem, quum vicissim de *Cibola* & *Tenseac* provinciarum situ & statu interrogassent, ille nihil sibi de istis constare respondit. Venit deinde ad eos *Naguachatus* barbarorum horum regulus, qui & præfectum humaniter salutavit & placentis aliquot è *Mayzio* coctis atque eucurbitulis donavit: itaque hic crux ab Hispanis erecta & barbari à monachis edocti quomodo illam venerantur. Adversam autem fluminis ripam non minor hominum multitudo obtinebat, qui simili munificentia annonam offerebant, quare & ibi crux fixa. Regulum deinceps serio interrogantes cognoscunt supra viginti tres populos ripas hujus fluminis accolere, omnes idiome inter se diversos, nec tamen defuturos aliquos, qui interpretes Hispanorum aliquo modo sint intellecturi. Supra hosce autem nationem quandam degere quæ ades lapideas inhabitet, ferarumque exuviis induatur, & annonæ comparandæ gratia quotannis ad ipsos descendat.

Hinc ergo provectus in aliam gentem incidit, quæ obscuram quandam *Cibola* notitiam habebat, eamque mensis itinere abesse restabatur: & mox in alium populum cujus Regulus restabatur, *Cibola* dominum Nigritam quandam superioribus annis obtinuisse, eique virides patinas & canem Hispaniensem eripuisse. Huic proximi agebant barbari, qui magnam quidem gossypii copiam possidebant, sed usum

usum illius penitus ignorabant, gliscente jam magis atque magis *Cibola* fama, hi namque decem dierum itinere per solitudinem absoluto, haud longè absuturam proficiebantur: repertus denique unus qui *Cibola* se fuisse, & Christianos, eorumque ingentes belluas ibidem vidisse diceret. Praefectus quum *Franciscum Vasquium de Cornado*, illiusque equos designari satis intelligeret, nuncios ad illum mittere summo per se desiderabat, sed nemini persuadere poterat, ut iter illud suscipere. Biduo deinde descendit ad naves suas, quum vix quindecim diebus ascendisset: Quumque ibidem salva omnia reperisset, flumini quidem *Rio de bona guia* nomen imposuit, provinciae autem *Campanna de bona Guia*, & postquam suis imperasset capellam hic edificare *Nuestra Señora de bona Guia*, denuo cum pluribus cymbis flumen ascendere aggre-
 Coano. dicitur: & paucorum dierum itinere pervenit ad provinciam *Coano* sive *Cumanam* 10
 vel etiam *Quanamam* (nam tria hæc nomina apud scriptores invenio, sive una eademque sit provincia, sive plures & diversæ) ubi humaniter ab incolis fuit exceptus; quumque circiter leucas octuaginta flumen ascendisset, nec quod quætebat invenisset, voti irritus ad naves suas remeavit. Sublatis deinde anchoris, postquam oras freti Californiani obiter lustrasset, naves ad Novam Hispaniam incolumes reduxit.

CAP. XIX.

Expediitio navalis Joannis Roderici Cabrilli secus littus australe Californiæ in mari Pacifico.

1542. **P**ROREX *Mendoza* inceptis gnaviter insistendum ratus, binas iterum naves instruxit, iisque præposuit *Joannem Roderici Cabrillum* Lusitanum: qui è portu *Xgivitatis* solvens vigesimo & septimo Junii anni 1542, postero die Promontorium de *Corrientes* prætervehitur, & trigesimo ejusdem mensis postquam littora legisset, descendit ad altitudinem viginti duorum graduum & viginti scrupulorum. Secundo autem Julii portum Marchionis Vallenis, ad *Californiam* continentem situm (quem vocant de *la Cruz*) prætervectus, octavo ejusdem superavit Promontorium *Trinitatis* ad altitudinem quinque & viginti graduum: & decimo nono ejusdem subit portum de *la Madalena* ad altitudinem septem & viginti graduum situm & adversus incerta ventorum egregie munitum; ubi aquavit. Hinc provectus, vigesimo Augusti 30
 Promontorium de *Enganno* adiit ad altitudinem unius & triginta graduum: & demum XIV Septembris, anchoris jactis substitit, tribus & triginta gradibus ab *Æquatore* versus Arctum, sub prærupto Promontorio, quod de *la Cruz* appellavit: Velisque rursus explicatis, x Octobris quandam barbarorum pagum adiit, ad altitudinem quinque & xxx graduum atque xx scrupulorum, quem à lemborum multitudine *Pueblo de las Canoas* appellavit. Aliquot diebus ob malaciam hic detentus, xviii ejusdem mensis die pervenit ad altitudinem vi & xxx grad. & xxx scrupul. Contincens hic angusto collo in altum exiens Promontorium facit, quod à figura *Cabo de la Galera* dixerunt.

Deinceps Cori frigus vitare satagens, relicto littore altum petiit, & decem leucarum intervallo à dicto promontorio, duas invenit Insulas, quarum una octo leucas 40
 inter ortum & occasum, altera quatuor patebat, *S. Luca* nomine hodie signata: apud harum alteram, modicum quidem, sed satis tutum portum ingressus est, quem de *la Posession* nominavit. Habitat utraque insula à barbaris, qui (quemadmodum & illi qui in Continenti degunt) nudi agunt, genas quadratis quibusdam notis signati: & piscatu vitam tolerant. Ex hoc portu vigesimo quinto ejusdem mensis, Africo leniter afflante profectus, postero die haud leve discrimen adiit ab austri violentia in oram importuosam, vorticofamque pene impulsus; & quatruduum crebra ventorum mutatione, nimbis & nebuloso cælo exercitus, primòque Novembris ab impetuoso Coro, adversaque tempestate ad Promontorium de *la Galera* rejectus, pone illud naves subduxit. Postero die portum de *Sardinas* adiit. Hic Continens habitatoribus 50
 frequens videtur, quorum multi è vicinia ad Hispanos venerunt, & ad tympani murmur salutarunt & in navibus pernoctaverunt: dum Hispani quietè aquam & ligna in naves subvehunt. Habitatant hi barbari in spatiosis domiciliis ad ripam fluminis, & nudi fere, glandibus, nucibus & piscibus victitant: sepulcra eorum asseribus undique quæte erant septa. Hanc provinciam Hispani *Sejo* appellant.

Sejo.

XI decimo Novembris, aura ipsis secunda ab Euro afflante, hinc absolverunt, gurgum

cursum secundum orarum ductum instituentes: & quum flumen *de Nostra Senno*ra, ut vocant, aliquandiu frustra investigassent occurrerunt illis ad altitudinem septem supra triginta graduum & triginta scrupulorum, continua altissimorum montium juga, quæ hodie *S. Martini* audiunt: Ea autem ad altitudinem octo & triginta graduum vastum promontorium in altum exporrigunt, ejusdem nominis. Hic nocte hitempesta, vehemens ab Africo procella cum nimbo & nebula ipsi incubuit, ita ut cursum tenere non possent, & ob fluctuum impetum dividerentur, superioraque arma-menta in mare projicerent: itaque decimo tertio ejusdem mensis tertiam versus vela vortunt, ut sociam navim quærerent.

10 Porro quadraginta gradibus & aliquot scrupulis ab *Æquatore* versus *Arctum*, C. de Pi-
nos. promontorium eminet, proceris pinis oblitum, à quibus & nomen accepit; à quo ora *Continents* versus eorum ad aliquot leucas procedit, altissimis & præruptis ripis.

Decimo quinto quum corus valide persisteret, & secus litus navigantes frigoris acrimoniam vix ferrent, juga montium nivibus candentia conspexerunt, & sociâ navil inventâ quæ ob fluctuum, quos hauerat, copiam periclitabatur, decimo sexto *Sinum de Pinos* intrarunt. Decimo octavo hinc solventes ut commodiorem portum quærerent, juga montium ad eundem modum nivibus tecta offenderunt, quibus C. de
Nieves. Promontorium in altum descendit, vulgo *Cabo de Nieves*, octo & triginta gradibus & quadraginta scrupulis ab *Æquatore* versus *Arctum*. Continens omnis hic pene ejus-

20 dem est temperaturæ, nam Coro stante cælum hic sudum, nullisque nubilis tectum. Ora autem à gradu trigésimo septimo ad quadragésimum, extenditur inter Corum atque Eurum.

Quum nullum portum in hoc tractu reperissent, ad portum *Possessionis* sub insulis *S. Luca* redire statuunt: hic Africo pertinaciter stante, cum summo frigore, nivibus & impetuosius etiam intra portum fluctibus, miserè colluctati usque ad exitum Decembris, Oceano denuo se committunt, & decimo nono demum Januarii anni clo 15 XLIII cum summo discrimine secundo portum *de Sardinias* ingrediuntur.

Atque iterum decimo quarto Februarii hinc egressi, vigésimo sexto ejusdem, Promon-

30 torium *Fortuna* conspiciunt ad altitudinem unius & quadraginta graduum: atque C. de For-
tunas. ita porro ad calendas Martias cum validis tempestatibus & obscurissimis nebulis, atque intolerabili frigore conflati usque ad quartum & quadragésimum gradum latitudinis septentrionalis pervenerunt. Veruntamen frigoris vehementiæ haud longius pares, primo ad Promontorium *de Pinos*, & mox, jam tertio, ad portum *Possessionis* remearunt: quem quum ob fluctuum vehementiam ingredi nequirent, minor navis sub insulam *S. Sebastiani* tandem se recepit, quinque diebus pene ducentas leucas, ut ferunt, emensa. Summa jam annonæ penuria laborare cæperant, itaque ad Novam Hispaniam reverti consultius judicarunt; & sociâ navi vigésimo sexto ejusdem mensis sub insula *de Cedros* inventa, decimo quarto Aprilis ad portum *Nativitatis* redierunt, *Joanne Roderici Cabrillo* paulo ante in itinere defuncto.

40

NOVA ALBION.

CAP. XX.

Nova Albion ex commentariis Francisci Draci descripta, & California reliqua.

50 ANTEQUAM ab hisce regionibus maritimis ad interiores *Continents* Americæ Septentrionalis provincias revertamur, non abs te fuerit ejus provinciæ meminisse, quam fortissimus Eques *Franciscus Dracus* in memorabili illa expeditione, qua universum terræ globum circumnavigavit, primus lustravit. Is itaq; *Fræto Magallanico* enavigato, totaq; Americæ meridionalis, & Novæ Hispaniæ ora lustrata, per orientalis Indiæ insulas in Angliam remeare desiderans, cursum suum instituit versus Corum, & vastum illum Oceanum Australem ad quadragésimum usque gradum septentrionalis latitudinis emensus, quinto Junii, quum foci illius frigus haud amplius ferrent, deflexit ad Continentem Americæ septentrionalis, & ad

trigesimum octavum ejusdem latitudinis gradum reversus, patentem & peropportu-
 num sinum intravit, & XVII ejusdem ibidem anchoras fixit. Barbari qui oram ma-
 ris accolabant, magno numero statim accurrerunt & munuscula quaedam è plumis
 & reticulato opere confecta Praefecto obtulerunt; à quo & perbenigne excepti & vi-
 cissim Europæis quibuscum mercibus donati, tantopere Anglos eorumque dona ad-
 mirati fuerunt, ut Deos crederent neque aliter sibi paterentur persuaderi. Postero
 die, quum ad jugum montis venissent, sub quo Angli tentoria fixerant, seseque com-
 muniverant, aliquandiu subsisterunt, & postquam unus illorum longa oratione se fa-
 tigasset, cæteris arcus & alia arma deposuissent, ad castra cum muneribus descen-
 derunt: Fœminæ interea quæ in summo clivo remanferant, miserè sese affligebant, 10
 genas suas unguibus lacerantes, sacrificio alicui, uti videbatur, intentæ: Viri vero
 postquam Christiana sacra (nam precibus Angli tum commodum vacabant) cum
 summa attentione & stupore spectassent, quæcunque pridie ab Anglis dono acceperant,
 restituerunt. Gliscente interim fama adventus peregrinorum, Regulus barbarorum
 excitus, binos legatos præmisit, qui quum dimidiam pene horâ nequicquam perorassent,
 nutu significarunt se petere, ut munus aliquod Regulo suo destinaretur, quo co-
 gnosceret tutò ipsi ad castra licere descendere; quo impetrato, ad Dominum suum re-
 vertuntur. Ille vero regia pompa processit magno satellitum agmine septus, quorum
 unus sceptrum præferebat, cum duabus coronis, quæ è variis plumis eleganter erant
 contextæ, tribusque oblongis catenulis quorundam osculorum, ejusdem forte generis 20
 & formæ cum *Eurygy*, quo Canadenses uti supra diximus. Erat autem Regulus proce-
 ro corpore & gestu minime inurbano, cuniculorum & aliarum ferarum pellibus ami-
 ctus: pone ipsum sequebatur promiscua turba cum suis muneribus, proflus nuda &
 variis coloribus picta. Anglis autem turmatim & militari ordine obviam egressis &
 salutatione eminus peracta, magnum aliquandiu silentium fuit: Deinde qui Regulo
 sceptrum præferebat, alio insurrexerat longam orationem habuit, cui quum à mul-
 titudine esset acclamatum, Regulus cum viris & fœminis (nam pueros in vertice
 montis subsistere jusserat) capit descendere: jamque pene vallo Castrorum suc-
 cesserat, quum sceptrigerulus cantilenam canere & ad modulos illius subsilire cæ-
 pit, Regulo & satellitibus illius succinentibus & choreas ducentibus: idem & 30
 reliqua turba imitabatur, præter fœminas quæ tacitæ salebant: Atque ita intra
 valum admissi diu multumque canendo & tripudiando se fagitarunt: Denique à Præ-
 fecto Anglorum supplices petiverunt, ut provinciam ipsorum in tutelam suam susci-
 peret, & regni habenas moderaretur; quumque annuisset, coronam capiti illius can-
 tillantes atque subsilientes imposuerunt, & catenulas collo illius circumdederunt,
Hioh ipsum nominantes.

Provincia hæc universa abundat infinita copia cuniculorum, qui capite quidem
 ab Europæis nihil differunt, pedibus autem talpas magis referunt & cauda gli-
 res: habentque ab utroque latere veluti sæculum, in quem postquam saturati
 fuerint, reliquias suas recondunt: Carnibus illorum indigenæ vescuntur, pelles 40
 autem maximi faciunt, nam & Reguli vestis ex eis consuta erat. Tuguria horum
 barbarorum è cespite congesta, viminibus eleganter in orbem confertis ad fasti-
 gium usque tecta atque ita munita ut frigus facile arceant; in quibus juxta focum
 super juncos humi projecti cubant. Mares nudi, fœminæ autem stercis quibus-
 dam (quos è juncis indutridè contextunt) pudenda tectæ, & serino tergere hume-
 ris circumjecto palliatæ incedunt: Viris suis supra modum obsequentes. *Dracus*
 jam discessurus *Nova Albionis* nomen indidit, rum propter candicantes clivos
 qui litus occupant, cum ad patriæ suæ memoriæ, quæ quondam Albion au-
 diit. Et columna erecta Angliæ regni insignia affixit, & Reginzque nomen &
 suum inscripsit. Denique discedens ingens sui desiderium barbaris hisce reli- 50
 quit.

Ne quid autem Geographiæ studiosi hic desiderent, australe *California* atque
 extremum litus obiter lustrabimus: Promontorium illius orientale à nonnullis *S. Cle-
 ra* dicitur, è regione Novæ Galæciæ: ab hoc haud longo intervallo distat alterum
 quod Promontorium *S. Luca* vocant, viginti duobus gradibus ab Æquatore versus Ar-
 cturum, ut *Franciscus Gualdens* Hispanus observavit: ad hoc naves quæ ab Insulis *Philippinis*
 ab Si-

& Sinarum regno ad Novam Hispaniam revertuntur, cursum suum instituunt, inde à Promontorio *Mendocino* ad altitudinem unitis & quadraginta graduum sito : inter quæ duo Promontoria quingentarum leucarum intervallum rei nauticæ periti statuunt. Juxta hoc *S. Luca* Promontorium *Candischi* opulentissimam illam navem anno c15 l3 lxxxvii eripuit Hispanis: Pone autem hoc patentissimus sinus se aperit, quem Hispani ob aquandi opportunitatem *Aguadam Seguram* vocant, in quem fluvius descendit, cujus ripas plures barbari accolunt. Quæ ad Continentem porro sequuntur Promontoria, sinus, portus, flumina, eorum aliquot jam ante commemoravi; cæterum tam crebro pro navigantium arbitrio nomina mutarunt, & Tabulæ Hydrographicæ tantum inter se discrepant, ut si singula recenserem, lectoris tædium demereri velle meritò viderer. Denique inter utrumque Promontorium *S. Luca* & *Mendocinum* plures insulæ in mari Australi sparsæ continenti objacent, quarum duæ peculiariter à navigantibus observantur, *S. Augustini* una, ad altitudinem triginta graduum & quadraginta scrupulorum, altera *de Cedros* ad altitudinem octo & viginti graduum & quindecim scrupulorum, ut ab eodem *Gualleo* observatum.

NOVA MEXICANA.

20

CAP. XXI.

Provinciarum quas hodie Novo Mexico vocant prima inventio.

ANTE QUAM ab hisce Provinciis discedamus, non abs re fuerit hic attexere quo pacto provinciæ amplissimæ, quæ jam *Nova Mexicana* nomine designantur ab Hispanis primum fuerint inventæ, prout à fratre *Joanne Gonfalez de Nenduca* narratur in Relatione de Sinarum Regno anno c15 l3 lxxxix *Madridi* impressa.

Augustinus Ruyz (inquit) religiosus ordinis *Sant Francisci*, vallis *S. Bartholomæi* incolæ, quum anno c15 l3 lxxx è barbaris qui *Conchi* vocantur & cum vicinis Pasuagatibus commercia exerceant, cognovisset, versus Arctum quamplures provincias atque oppida habitari à diversis nationibus, ad quas Hispani hætenus non penetrassent, pio zelo animas illorum populorum Christo lucrandi motus, à Comite *Corunna* qui tum Novæ Hispaniæ pro Rege præerat & à Provinciali ordinis sui licentiam petiit, gentes illas adeundi, earumque idioma addiscendi ut facilius Christianam religionem ipsis persuaderet: qua haud difficulter impetrata, cum duobus sui ordinis monachis, & octo militibus qui ultro ipsum comitabantur, itinere se accinxit: & post aliquot dierum pereginationem intravit provinciam *Tiguarum*, quæ ducentas & quinquaginta leucas ab argentifodinis *S. Barbara* versus septentrionem abesse credebatur. Atque hic, ob causas quæ non produntur, unus monachorum ab indigenis fuit occisus; milites qui ab hisce initiis graviora merito metuerent, & tam exiguo numero tantam barbarorum multitudinem nequaquam coërceri posse perpenderent, frustra que tam longe à provinciis Hispanorum auxilium ullum expectari, tutius judicarunt quantocius ad argentifodinas *S. Barbara* pedem referre. Monachi vero qui supererant militum consilio reprobato, cum tribus adolescentibus Americanis & uno Mestizo hic substituerunt, humanitati barbarorum, uti videtur, nimium confisi.

Tiguar.

Milites ad suos reversi, rem omnem prout gesta erat, ad Protegem persequuntur Franciscani autem de suorum salute anxii & deteriora metuentes, quorundam militum animos sollicitate ceperunt, ut cum *Bernardino Beltramo* sui ordinis monacho ad *Tiguarum* provinciam properarent, & fratres suos præsentem discrimini eriperent. Commodum acciderat ut eo tempore *Antonius de Espejo* Cordubæ in Hispania natus, civis autem Mexicanus, negotiandi causa huc adveniret: Vir opulentus, magni animi atque industriæ, & imprimis ad obsequium Regis sui promptus; qui quum Monachi propositum & rei dignitatem serio perpenderit, res suas vitæque una periclitati in animum induxit, modo licentia ipsi ab aliquo regio ministro concederetur

quæ monachorum intercessione & precibus, ipsi & omnibus qui ipsum comitari vellent haud gravate fuit indulta à *Joanne de Oniveros*, oppidi quod quatuor *Cienegas* vocant in provincia *Nova Biscaya*, septuaginta leucis ab Argentifodinis *S. Barbara*, prætoris Urbano.

Antonius itaque de *Espejo*, omnibus ad hanc expeditionem necessariis mature comparatis, decimo Novembris anni 1515 LXXXII è valle *S. Bartolomai* movit cum centum quinquaginta, quæ equis qua mulis, magno armorum numero, atque apparatu bellico, largo comæatu, multisque servitiis; & recta versus Arctum biduo progressus, incidit in multos barbaros *Conchos* qui humiles casae vicatim habitabant & itineris illius gnari obviam processerant ut adventum gratularentur. *Conchi* aurem hi, reliquique barbari qui vastas hæc regiones incolunt, ferina ut plurimum victitant, (nam ingens hic cuniculorum, leporum atque cervorum est copia) item Mayzio, cucurbitulis atque melonibus, quibus abundante: amnes omnes multimodo piscium genere sunt fecundi. Indigenæ fere nudi incedunt; arma ipsis sunt arcus atque sagittæ; parent variis regulis, quos & *Casiques* vocant uti Mexicani: nulla ipsis idola, aut quicquam præcipua veneratione, quare facilius cruces figi à Christianis patiebantur, postquam ab interpretibus quid sibi vellent, leviter didicissent. Hinc *Conchis* ducentibus viginti quatuor leucarum iter factum per eorundem provinciam sine discrimine aut maleficio, Regulis passim officii gratia occurrentibus; ventumque ad *Passaguates*, qui eisdem moribus vivunt, & Hispanos benignè acceptos per provinciam suam deduxerunt; multa hic argenti venæ, indicio peritorum, juxta viam inventæ. *Passaguates* excipiunt *Tobosi*, diversa gens, qui Hispanorum adventum nequaquam sibi operiendum rati, se suæque omnia in vicinos montes subduxerant, quia milites quidam Hispani (qui postea paruit) superioribus annis hanc provinciam metallorum indagandorum gratia ingressi multos incolarum invitos in servitutem abriperant. Præfectus ergo aliquot suorum ad ipsos misit, blandis verbis & ingentibus promissis rogatum ut redirent ad penates, tuta enim fore omnia neque se maleficii causa advenisset; his persuasi quamplurimi sunt reversi, & cruces erigi passi, usumque illarum edocti, Hispanos ad eundem modum duodecim leucarum itinere per fines suos deduxerunt: barbari hi fere nudi agunt, & arcibus atque sagittis armantur.

C A P. XXII.

Expeditionis Antonii de Espejo in Novam Mexicanam progressus.

Patarabuyes.

A *Tobosis* deducti sunt Hispani ad *Iumanos* sive *Patarabuyes*, qui frequentissimam provinciam vicatim incolunt, domus possident lapideas cum suis rectis eleganter constructas; mares juxta atque foeminae facies atque artus lineis quibusdam persignant; robusto corpore & moribus longe urbanioribus quam præcedentes. annona his copiosa, ob opportunitatem venationis & aucupii; Crebri & pisciferae amnes, qui ab Arcto descendunt, atque illorum unius vasto alveo, in Occidentum Septentrionalem exire creditus: multi quoque hic lacus salsi, quorum aquæ æstate in optimum salem coagulantur: barbari denique hi valde bellicosi sunt, nam prima nocte, qua Hispani castra sua communiverant, tantum sagittarum nimbum in illos effuderunt, ut quinque equos exanimarent, toridemque gravissime sauciarent, nec ullum intactum reliquissent, nisi ab excubitoribus fuissent prohibiti. Hisce in hunc modum perpetratis, pago suo deserto, in montana se proriperunt: verum Præfectus cum quinque militibus & interprete suo, atque aliquot provincialibus illos assequutus, blando alloquio ita permovit ut ad lares suos redirent & vicinis suis per nuncios significarent; Hispanos innoxium iter per provincias agere & ab indigenarum corporibus vim & bonis illorum rapaces manus continere: Itaque *Regulo* prius munusculis quibusdam delinito, cæteris haud difficulter persuasum fuit, ut magno numero Hispanos aliquot dierum itinere comitarentur. Secundum ripam magni illius fluminis incessum, per varios pagos eorundem populorum, duodecim diebus: barbari autem à vicinis admoniti, incermes in via occurrebant, & annonam aliaque necessaria gratis subministrabant: inter quæ rupicaprarum tergora eminebant tam industriè præparata ut cum Belgicis certarent. Vestibus hæc natio utebatur, & le-

vem religionis cognitionem videbatur habere, nam cælum intuentes, quod sua lingua *Apalito* dicebant, numen designabant & dominum universi, vitæque & omnium bonorum munificum largitorem profitebantur: Fœminæ ipsorum atque liberi, Religiosum qui in exercitu erat, accedebant ut ab illo benedictionem impetrarent; quumque interrogarentur à quibus hanc Dei cognitionem accepissent, responderunt à tribus Christianis & uno Nigrita, qui hac iter habuerant, & aliquo tempore hic fuerant commemorati: *Cabecam de Vacca, Dorantium, Castillum* & Nigritiam illorum designari ex plerisque indicibus constitit, de quibus supra egimus. Hispanos hinc dispartitumque, plurimi indigenarum multos dies officiose sunt comitati, dum fluminis ripas prosequuntur. Paucorum dein dierum itinere ad alium Indorum pagum ventum; qui vicinorum fama exciti Hispanis ultro obviam venerunt, cum multis plumariis ornamentis, quæ mira colorum varietate contexta erant, & tunicis gossypinis, quæ caruleo atque albo colore distinctæ erant Sinenfium in modum.

Tam viri autem quam fœminæ, tergoribus ferarum optimè præparatis induci erant: Nomen horum barbarorum ob defectum interpretis cognosci non potuit, lapides deinde aliquot ipsis exhibiti quibus dites metallorum venæ permixtæ erant, quaritumque an solum ipsorum ejuscemodi alicubi absconderet: responsumque ab ipsis per signa, tales lapides maxima copia reperiri in Provincia quæ quinque dierum itinere abesset versus occasum. Comitati porro Hispanos viginti & duas leucas per suam provinciam, ad proximam conduxerunt, incolis multo adhuc frequentiore, & ad ejusdem fluminis ripas sitam. Hic Hispani ab Indigenis perhumaniter accepti & munusculis quibusdam donati, annona quoque, & optimis imprimis piscibus quos vicinus lacus nutrit, triduum subsisterunt; barbaris interim suo more choreas ducentibus; provinciarum nomen intelligere haud poruerunt, cæterum amplissima visæ & soli ubertate, cæli bonitate, atque adeo metallorum copia nulli secunda. Inventus hic unus è *Conchorum* gente, qui signis quibusdam indicabat, quindecim dierum itinere versus Occidentem ingentem Lacum abesse, multis barbarorum oppidulis in ambitu cinctum, qui & vestibus uterentur & annona abundarent & amplissimas ædes incoherent; seseque ducem offerebat; verum quum iter monachorum liberandorum causa susceptum ad Arcum pertineret, ad occasum in præsens omittere visum. Quindecim inde diebus per inculta loca & vastas sylvas, quæ pinis abundabant, ab Europæis nihil diversis, iter actum, & octuaginta circiter leucas, uti putabant, progressi, ad exiguum & infrequentem pagum pervenerunt, in quorum mapalibus, quæ è stramentis leviter contexta erant, multa cervorum tergora reppererunt & salis candidi & optimi copiam. Hi barbari Hispanos non modo humaniter exceperunt, sed & duodecim diebus secus ripas fluminis *del Norte* conduxerunt ad provinciam quæ hodie *Nova Mexicana* appellatur. Ultramque fluminis ripam populea sylva tegebat, nonnusquam quatuor leucas lata, plurimæ quoque nuces & vites hic visæ, biduum per hæc sylvas profecti, in decem pagos inciderunt utrique ripæ appositos, in quibus supra decem millia hominum agere visa. Perhumaniter hic accepti & in pagos deducti, ædes ipsorum vastas & quatuor contignationibus in altum substructas reppererunt, cum multis atriis, conclavibus & tepidariis adversus frigus: tam mares quam fœminæ gossypinis tunicis & ferarum exuviis vestiebantur ad Mexicanorum normam, & quod insolens barbaris, ideoque Hispanis novum visum, utebantur calceis atque ocreis quæ è ferarum tergoribus & taurino corio confuta erant. Fœminis capillus bene pexus & eleganter erat dispositus, nec ullo prætereas velamine caput tegebant. Singulis pagis sui Reguli erant, qui per præcones suos edicta populo denuntiabant. Quamplurima passim idola visæ quæ venerabatur, & in singulis pene ædibus Sacra Dæmonis cultui dicata, & quemadmodum Christiani secus vias cruces fixas habent, ita hi capellulas quasdam pictas atque ornatas, in quibus Dæmonem pernoctare & genio indulgere credunt, quum ab uno pago ad alterum mover. Studiose colunt agros & in singulis arvis quatuor palos figunt, eisque rectum desuper imponunt, ut agricolæ sub ipsis cibum capiant & meridie conquiescant: Solum fere montosum & pinorum lucis obsitum. Arma sunt validi arcus & sagittæ acutis silicibus asperatæ, oblongi lignei gladii & multis acutis silicibus utrimque muniti, ita ut hominum corpora valido ictu dividere apti sint, parmæ denique crudis taurorum tergoribus obductæ.

Provincia de los Tiguanos, de los Quires, Cumanes, Ameyes, Acoma, Zuny, quorum provincia ab Hispanis Cibola dicitur, lustrata.

Tigues.
Poala.

P O S T quadriduum in superiori provincia moram, ad proximam *Tigiarum* transierunt, quæ sedecim pagis incolitur, in quorum uno *Poala* Franciscum Lopeziem & Augustinum Ruizium cum suis trucidatos cognoverunt. Indigenæ autem vicinique hujus facinoris sibi consensu & Hispanos vindices metuentes, laribus desertis propterea fuga in montana se receperunt, neque ullis blanditiis potuerunt reduci. In 10
tuguriis illorum magna annonæ copia reperta, multæ gallinæ, aliæque, numerus incolarum certo cognoscitur haud potuit. Quum itaque monachos trucidatos comperissent, deliberatum inter illos, in novam *Vicayam* ne redire an ulterius progredi consiliis foret, hæcitarumque aliquandiu, donec grandium & opulentarum provinciarum vetus ortum fama gliscente, *Bernardino Belstramo* haud abnuente, porro lustrare visum, ut ceteriora ad Regem referrent, nec tamen exercitum totû periclitari, sed præfectum tantû cum binis militibus hoc iter suscipere. Is biduo à castris progressus, in provinciam intrat, undecim pagis cultam, & ita frequentem ut quadraginta millia 20
animarum hic reperiri judicatur. Ager sæcundus erat & bene cultus, *Cibola* fines quam proximè contingens; tauris vaccisque ita abundans, ut tergoribus indigenæ se vestiant, qui moribus & institutis à vicinis nihil discrepant; hic multa metalla esse 30
verisimile est & non pauca in tuguriis visa: Indigenæ varia colunt idola; cæterum amicè susceperunt Hispanos. Hisce observatis ad castra reditum, ad quæ interea alterius provincie fama pervenerat, quam vocant *de los Quires*, quæ secundum ripas fluminis *del Norte* sex loca abeat; ad quam contententes, quum jam unius tantum leucæ intervallo abessent, ab indigenis qui magno numero obviam venerant, amicè sunt invitati: quinque tantum pagi hic visi, qui à quindecim millibus teneantur, idolorum quemadmodum præcedentes. Hic picam cavea conclusam videntur ut solent in Hispania, itemque umbracula (vulgo *Tirrazoles*) quibus Sinenfes 30
utuntur Solis, Lunæ, & Stellarum imaginibus eleganter picta. Hic poli altitudinem mensim, ad septimum & trigessimum gradum cum semisse se pervenisse observantur.

Cuna.
mes.

Quatuordecim leucas versus eandem plagam progressi, aliam provinciam ingrediuntur, de *los Cumanes*, in qua quinque municipia offenderunt, quorum maximum dicebatur *Cia*, adeo vastum ut octo foras erum venalium complederetur, domus calce illarum crat, variiq; coloribus pictæ, incolæ quantum æstimare licebat, supra viginti mille: elegantissima hic pallia dono accepta, cibique & mundè parati & bene cocti propositi; ut liquido appateret barbaros hosce urbanitate & cultis moribus reliquos longe antecere: nec ditiorum metallorum indigi erant, montesque quibus illa tegebantur ultro ostentabant.

Ameycs.

Huic provincie verius Corum proxima erat circiter sex leucarum intervallo, pro-
vincia de los Ameyes, in qua septem municipia numerantur & circiter triginta millia
incolarum, qui a vicinorum moribus nihil differunt.

Асом.

Quindecim hinc leucis versus oceanum occurrit *Acoma* vastum municipium, excellex & præruptæ petrae impositum, quod nonnisi gradibus è saxo excisis, uno atq; angusto ascensu aditur: Procetes ultro ad Hispanos descenderunt, annonaeque & multis muneribus donarunt: Sata illorum duarum leucarum intervallo aberant, quæ foliis è vicino flumine deductis rigabant, ad cujus ripas roseta visa Europæis similia: Metallis abundare videtur provincia, sed ob multitudinem & ferociam barbarorum non ausi fuerunt Hispani penitus illa scrutari.

Viginti quatuor deinde leucas ad occidentem profecti provinciam attigerunt indigenis quidem *Zuni*, Hispanis vero *Cibolam* dictam; hanc *Franciscus Vasquezus* olim fuerat ingressus, pluresque cruces hic fixerat, quarum nonnullæ etiamnum hic videbantur, repertique tres Christiani qui ab illo tempore ibidem morati, patris idiomatis pene erant obliiti, è quibus tamen cognitum, sexaginta dierum itinere ingentem lacum aut forte mare abesse, cuius ripæ plura & grandiora municipia aliterque incolæque multo auro abundantes, *Franciscum Vasquezum* hujus gnarum eo iter succedente,

piſſe, ſed duodecim dierum iter progreſſum aquarum inopia redire coaſtum, nec poſtea repetiſſe uti conſtituerat morte præventum.

C A P. XXIV.

Antonii de Eſpeio *itineris reliqua*, Zaguato *municipium*, Hubatum *provincia*, atque Tamorum.

10 **A**ntonius de Eſpeio ſuperiori relatione in novam ſpem erectus, ad opulenti-
tam illam provinciam cum exercitu proſiciſci unice deſiderabar, verum
frater *Bernardinus* & longe major militum pars reluſtabatur: tempus jam eſſe
dicentes ut domum redirent & ſingula prout geſta erant, Proregi exponerent: ita-
que Duce ſuo cum novem aliis deſtituto, rectâ iter in provinciam unde egreſſi
fuerant inducunt. Dux vero nihil cunctatus cum paucis ad occidentem con-
tendit, & poſt viginti octo leucarum iter attingit provinciam, quam quinquaginta
millia barbarorum incolere videbantur, qui adventus Hiſpanorum gnari, ob-
viam ſuos miſerunt, ut ſinibus ſuis illos prohiberent, excidium ſi contra niterentur
comminati: Verum Eſpeius qua blanditiis, qua muneribus, primò nuntios, dein &
20 reliquam turbam ita placavit ut ipſum cum centum quinquaginta Cibolenſibus
haud inviti admitterent. Quumque primario municipio *Zaguato* jam appropinquaſ-
ſent, circiter duo millia barbarorum cum plurima annona obviam venerunt, qui
munuſcula Hiſpanorum licet vilia maximi faciebant; quos Reguli ſubſequuti, tan-
to cum gaudio Hiſpanos exceperunt, ut farinam equorum pedibus objicerent, &
hoſpitio intra municipium exceptos ſatis laute pro barbarorum conſuetudine
alerent.

Zagua-
to.

Multi quoque mortales è vicinia accurrerunt, Regulis Hiſpanorum innocen-
tiam arque humanitatem paſſim promulgantibus. Simplicitati deinde barbarorum
præſectus illudens, monuit equos ſuos priori nuncio offenſos, quo Hiſpanos ſinibus
ſuis abſtinere juſſerant, grave ipſis damnum minari, cui ut prævortatur, domum
30 lapideam ipſis conſtruendam, qua equi coërceantur; quibus illi credentes ſtatim
ejuſmodi domum ædificaverunt: diſceſſuro autem quadraginta millia palliorum goſ-
ſypinorum aliaque plura à barbaris donata; inter quæ & metalla erant, & dites
argenti, uti videbatur, venæ. Barbari hi conſentientia præcedentibus de ingenti
illo Lacu loquebantur. Dux autem humanitati atque liberalitati huius gentis
confidens, quinque milites & Cibolenſes omnes cum impedimentis *Cibolam* remi-
ſit: ipſe cum quatuor tantum militibus & aliquot itineris ducibus, ad argenti me-
talla, quorum fama ad ipſum pervenerat, deſcendit, eaque poſt quadraginta &
quinque leucarum iter, invenit. Erat autem opulentiſſima & latiſſima argenti ve-
na in vertice montis ſita, qui nullo negotio aſcendebatur: in ambitu plurimi barbari
40 vicariim agebant, qui Hiſpanos humaniter exceperunt & cum crucibus in amicitia
ſignificationem occurrerunt. Duo modici amnes hic viſi, quorum ripas multæ vites
tegebant, optimas uvas ferentes; & nucum nemora: linique Europæo non abſimi-
lis magna copia. Barbari autem ſignis quibuſdam innuebant, haud longe abeſſe va-
ſtum flumen, & circiter octo leucas latum quod in Oceanum Septentrionalem exi-
ret: Veruntamen Hiſpani longius abeſſe rati, illud adire neglexerunt; & compen-
dioſiori itinere in *Zony* provinciam regreſſi, monachum cum reliquo exercitu, &
quos præmiſerant; ibidem repererunt.

Bernardinus paulo poſt cum exercitu diſceſſit verſus Novam Vizcayam: *Anto-*
nius autem cum octo militibus aſcendit ſecundum ripas fluminis *del Norte*; & poſt-
50 quam ſexaginta leucarum itinere ad *Quirium* provinciam perveniſſet; duodecim
poſt illa leucarum itinere ad Ortum factò tranſiit in fines *Hubatum* ubi benigniſſi-
me ſuſceptus & annona adjutus, diſtiſſima invenit metalla. Viginti quinque millia
barbarorum hic incolere viſa, qui goſſypinis palliis, eleganter piſtis amiciebantur,
80 uti & rupicaprarum pellibus bene præparatis. Cæterum montuſa eſt regio, cre-
bris pinis cedriſque obſita; Domus Indigenarum vaſtæ & quatuor contignationibus
in altum ſubſtructæ.

Quires.

Huba-
tes.

Tamorum

Tamorum provincia unius tantum diei idnere aberat, qui quum Hispanos ultro admittere recusarent, recipere se & domum reverti facius visum. Calendis itaque Iuliis anni cło Io LXXXIII barbaro quodam ducente, alia via quam venerant secundum ripam fluminis descenderunt, quod ab armentorum copia, *Rio de las Vacas* dixerunt, & centum viginti leucas progressi ad Conchorum flumen repedarunt & mox ad vallem *S. Bartholomei* unde primum digressi fuerant. Unde Dux omnem rerum gestarum seriem ad Proregem atque Hispaniarum Regem perscripsit. Hactenus ē *Joanne Gonsalvo*.

C A P. XXV.

Expeditis D. Joannis de Onnate, Acoma capta & diruta, oppidum S. Joannis conditum, Lacus Conibas obiter lustratus.

10

ANTEQUAM ab hisce mediterraneis & parum cognitis regionibus ad notiores revertar, unam adhuc Hispanorum expeditionem compendio hic subiiciam, cujus descriptionem *Ludovicus Tribaldus Toletus* ad *Richardum Hackluytum* anno cło Io CV misit. *D. Joannes de Onnate* anno cło Io XCIX ex urbe Mexicana movens cum exercitu quinque millium, omnis sexus atque ætatis, largo commeatu, multo pecore, capris, armentis, jumentisque & cæteris ad talem expeditionem necessariis, perque varias provincias quingentarum pene leucarum iter agens, plures gentes adiit, quæ oppida bene munita, eleganterque constructa incolebant, cum quibus fœdus atque amicitiam confirmavit, easque Regi Hispaniarum obnoxias fecit. Donec ad oppidum ventum à natura atque opere egregie munitum & editæ rupi impositum, cujus incolæ perbenigne quidem illum exceperunt & annonâ in præsens juverunt, copiosiore in futurum pollicentes; verum quum cognarum suum cum paucis militibus in urbem misisset ad promissa repetenda, multitudinem pene omnem in foro rerum venalium coactam ostenderunt, quæ ex improvviso in ipsos jam rebus necessariis comparandis intentos coorta, cognatum ducis cum senis militibus trucidavit, reliqui saucii vix ægre evaserunt. Quæ ubi Dux accepit, fortissimum quemque militum ad oppidum admover & post aliquot dierum obsidionem crebrosque impetus, tandem irrumpit & multos mortales trucidat, paucos capit, oppidumque à fundamentis diruit. *Acoma* vocabatur hoc oppidum ad altitudinem duorum & triginta graduum & quadraginta scrupulorum.

Acoma.

Hinc rursus sine maleficio per provinciam profectus ad aliud longe maximum oppidum venit, cujus incolæ haud invitos (terrebat nimirum *Acomensium* excidium) in Regis Hispaniarum fidem transire coëgit. Mox & aliud grande oppidum sine certamine in potestatem accepit, & aliquot suorum militum tauros *Cibolenses* quæsitum dimisit, qui *Francisci Valsquii* expeditione innotuerant: illi autem plurimos quidem viderunt, paucissimos vero, ea est animalis ferocia atque velocitas, potuerunt capere, qui ab exercitu cum summa admiratione spectati.

40

S. Joannis oppidum.

Deinde parta sibi tuenda ratus, urbem condidit quam *S. Joanni* dedicavit, & fœdere cum vicinis confirmato, divissima argenti metalla aperuit, omnemque operam convertit ad barbaros ad Christianam religionem traducendos.

Conibas lacus.

Anno deinceps cło Io CII aliud iter ad famosum flumen *del Norte* suscepit & ab accolis peramicè est habitus: atque inde ad ingentem illum Lacum *Conibas* transiit, cujus ripæ ingens oppidum adsidet, septem leucas in longitudinem, duas in latitudinem patere visum, magnificis ædificiis instructum, quæ lucis, hortis & nonnullis fossis à se invicem distinguuntur: Nulli barbari visi, quare Dux hanc solitudinem suspectam habens, copiasque suas tanto molimini haudquaquam pares sentiens, paucos equites speculatum præmittit; qui oppidum ingressi, per latissimas plateas obequirant, nemine obvio, donec ad forum rerum venalium ventum fuit, ubi ingens hominum multitudo se communiyerat. Quibus ad Ducem relatis, consultus visum reverti domum, & oppidi hujus expugnationem in aliud tempus differre. Hæc *Tribaldus*.

Post illa plures expeditiones in Novam Mexicanam, uti videtur, susceptæ, quibus factum ut regiones illæ tandem in provinciam redigerentur; uti satis apparet ex his quæ

quæ

quæ à Benavidio narrantur, cujus relationis jam ante mentionem feci; hic autem ut descriptionem hujus partis concludam, subjiciam recentissimam Novæ Mexicanæ descriptionem ab ipso proditam, è qua limites & qualitates illius melius clucescent, & quæ oppida ab Hispanis ibidem hodie habitentur liquidò patefcent.

C A P. XXVI.

*Recentissima Novæ Mexicanæ descriptio, è commentariis
Alfonfi de Benavides Franciscani.*

- 10 **N**ova Mexicana aut saltem illius metropolis *S. Fidei* sita est ad trigésimum se-
ptimum gradum ab Æquatore versùs Arctum; ad eam iter est ab argentifon-
dinis *S. Barbara*, per Conchorum provinciam, quæ flumine quod hujus gentis
nomine signatur, à Nova Hispania dividitur. Inter Sanctam *Barbaram* autem & Flumen
de Norte, centum leucæ interfunt, quæ magno discrimine transeuntur per *Tobosos*,
Tarrahumares, *Tepoanes*, *Tomites*, *Sumas*, *Hanos*, aliasque gentes barbaras & præfero-
ces; hi nudi agunt, inter se discordes & mutuis caedibus infesti, arma ipsorum sunt
arcus & sagittæ, quibus hætenus ex insidlis præsertim, gravia damna Hispanis intu-
lerunt. A flumine del Norte itidem centum leucæ numerantur ad Novam Mexica-
nam; in quibus primo degunt barbari quos vocant *Manfos* & *Corretas*; mares penitus
20 nudi agunt, scemina ab umbelico cervorum tergoribus pudenda velant; habitant
in tuguriis, quæ è ramis arborum componunt, nullam sementem faciunt, sed crudis
carnibus vitari tolerant, neque ab immundis animalium visceribus abhorrent; jam
autem ad fidem Christianam se componere cœperunt: Deinceps *Apaches* populosissi-
ma natio, de qua paulo post plura dicam. Ab his secundo venit ad flumen del
Norte, à quo Nova Mexicana exordium capit, centum leucas in longitudinem patens
versus Arctum; A Sancto Antonio de Senecu primo *Birorum* pago, ad pagum *S. Hie-
ronymi* in provincia *Taorum*; complectitur autem plures barbarorum gentes quæ hoc
ordine jacent. A flumine del Norte incipiunt *Piri* qui vestibus amicti & bene culti, Piri.
domos incolunt è luto & cespitibus aggestas, & Capitanis suis parent, civiliterque
30 agunt: magna ipsis Mayzii copia & leguminis, etiam gossypii; solum quippe co-
rum fecundum, aer salubris & temperatus; amnes pisciculi, sylvæ multas fructiferas
arbores, nuces, quercus, & præsertim pulcherrimas pinus nutriunt. Principale op-
pidum, (uti & tota provincia) hodie *Socarro* dicitur ab Hispanis, quia hic primum post
longum & molestum iter, largo commeatu famem enecaverant. Hic anno c1510 c-
xxvi primum fidei Christianæ sementis facta, & tria templa extructa in municipiis
Senecu, *Pilabo*, & *Sevillesta*. Ingentem hic auri & argenti copiam, ad quinquaginta
pene leucas terræ venis occultari produnt, omniaque ad metalla lavanda & eliquan-
da in vicino opportune suppetere, solum operas & industriam metallicorum deside-
rari. *Piros* excipiunt *Teba* cum xv pagis & duobus templis affabre structis, nam & Tebæ.
40 hi jam Christianismum amplectuntur. *Tebas* porto *Queres*, quibus vii sunt pagi & Queres.
tria templa. Ab his atque à flumine x leuc. versus ortum, *Tompire* degunt, quibus Tompire.
xv sunt pagi, præcipuus *Chilili*, & sex templa; provincia hæc infœcundior est & cœ-
lum frigidius, salinas tamen obtinet maximas, x leuc. à metallis *Socarro*. Rursus ad
Arctum conversis x leuc. occurrunt *Tani*, cum quinque pagis, quibus unicum est
templum. Succedunt versus eandem plagam *Peci* cum unico pago, sed longe fre-
quentissimo & sumtuoso templo. Solum frigidum & infœcundum. Ab his vii
leuc. ad occasum jacet oppidum *S. Fidei*, regni hujus metropolis, ubi Gubernator
provinciæ & circiter ccl. Hispani habitant: licet autem adeo pauci sint & illorum
vix quinquaginta armis bene instructi, tamen ob insolita barbaris arma & crudelis-
50 sima supplicia quæ in perduelles crebro itrogant, indigenis tanto sunt terrori, ut
multa ipsorum millia facile coëreant. Ad eandem plagam & versus flumen del
Norte, à quo paulo recesseramus, habitant *Teos*, in octo pagis, omnium primi fidem
amplexi, ideoque Hispanis supra modum obnoxii; tria habent templa; & solum haud
infœcundum. Ab his quidem ad occasum & trans flumen degunt *Hemes*, quibus
duo sunt templa; ad arctum autem & secus ripam fluminis *Picuries* & vii leuc. ul-
terius *Taofsi*. A *Querum* rursus provincia & extrimo illorum pago *S. Anna* ad occasum,
Taofsi.
Acoma

Acoma. *Acoma* jacet, munitissimus locus, super editam & undique præruptam petram, difficillimus aditu; cujus incolæ multos Hispanos & plures barbaros superioribus annis neci dederunt; anno demum c15 l3 cxxix pacem cœperunt amplecti xxx leuc. magis ad occidentem habitant *Zumi* in xii pagis, quibus solum est fertile & annonæ copiosa; & totidem rursus leuc. *Moqui*. Atque hi quidem omnes aut Christianissimum jam amplexi sunt, aut quotidie amplectuntur: & quum adhuc gentiles essent, decorè se uterque sexus amiciebat gossypinis tunicis & tergoribus ferarum; & certis monilibus aures & cervices ornabant, nam turquesas gemmas hic reperitisatis constat. Solum maximam partem fecundum est, & ingenti fœnore reddit maizium, triticum & legumina: etiam crocum fert: arbores hic fructiferæ variæ, cerasi, pruni præcoces, 10 tunæ, mali cydoneæ, nuces, quercus glandiferæ, mori, aliarque; pinus quoque ab Europæis nonnihil diversæ quæ magnam copiam pincarum nucum ferunt. Multi amnes pisciosi & lacus, inter fluvios excellit flumen *del Norte*, quod optimas trutas & anguillas alioque pisces nutrit. Ferarum ingens numerus, cervorum ingentium, quos ita cicurant, ut currus ducant; leporum, cuniculorum, vulpium, luporum, leonum & pardorum, felum silvestrium & rupicaprarum insigni agilitate & velocitate. Armenta quoque è Nova Hispania huc traducta ingens incrementum capiunt. Uti & pecudes. Æstate hic supra modum æstuat, hyeme autem acriter friget, ipsaque maxima flumina glacie concresecunt ita ut currus equosque ferant.

Tota hæc regio, quam *Novam Mexicanam* vocant, ab omnibus pene lateribus am- 20 bitur ab *Apachibus*, numerosissima gente & imprimis bellicosa; differunt ab aliis barbaris idiomate & pronunciandi modo, tarde verba ponderantes, quum cæteri velocissime ea profundant: sine certis laribus, in tentoriis degunt crebro loca mutant; cervinis tergoribus amiciuntur tam fœminæ quam mares; fœminas plures alunt pro libitu; adulteria hic crudeliter puniuntur, deprehensis aures & nates truncando; superioribus parent; & juventutem sedulo instituunt & castigant quod aliis barbaris insolitum; Solem denique & Lunam plerique pro numinibus venerantur. Horû lingua pro diversitate provinciarum dialectis nonnihil variat. Iidem ab Hispanis certis agnominibus distinguuntur, *Piris* finitimi *Apaches del Perillo*; his contermini *de Xila*; ad Arctum porto *de Navaio* (hi vastum terrarum spatium ad occidentem oc- 30 cupant & ad fretum *Anian* pertingere creduntur; à Novâ Mexicana versus ortum *Apaches Vaqueros*, ab armentis illis gibbosis, (hæc alibi descripsimus) quæ maximo numero possident. Per hosce ad eandem plagam orientalem transitur cxxi leuc. itinere ad *Xumanas*, *Tapias*, & *Xabotaas*; quibus finitimi sunt ad ortum *Aisai* & provincia *Quivira*; à qua ad Sinum *Spiritus Sancti*, (qui jacet inter promontorium *Apaches* & *Tampicæ* Arctum Novæ Hispaniæ terminum, viginti novem gradib. ad *Apaches*. Æquatore) tantum centum leucas produnt Hispani. Arque hæc compendio de cæpsi è relatione *Alfonsi de Benavides Franciscani*, Madriti typis expressa anno c15 l3 cxxx.

DESCRIPTIONIS INDIÆ OCCIDENTALIS,

LIBER SEPTIMUS.

GUATIMALA.

CAP. I.

*Descriptio hujus Provinciae sive Conventus Juridici in Communi,
& quando & à quibus singulae provinciae pri-
mum fuerint inventae.*



20

30

40

OVÆ HISPANIÆ, quemadmodum hodie ab Hispanis accipitur pro Conventu Juridico peculiari, contermina est Provincia seu Conventus Juridicus *Guatimala*, ab urbe & provincia principali ita agnominatus, postquam Iudices regii fixas sedes in civitate *S. Jacobi de Guatimala* posuissent: ante enim *Audiencia de los Confines* dicebatur, & longe angustioribus limitibus continebatur: quippe non nisi *Nicaraguz* & *Guatimalæ* provincias comprehendens. Hodie autem quicquid terrarum inter extremos *Tecoantepeces* fines & extimos *Cosle Rica* limites versus ortum interjacet, hujus Conventus Juridici tribunali subijcitur. Ita ut secundum orarum quidem ductum ad Mare Pacificum sive meridionale, supra trecentas leucas inter Eurum & Corum in longitudinem se extendat, secundum rectam verò lineam inter ortum & occasum liaud supra ducentas & quadraginta: nimirum ab octuagesimo quarto longitudinis gradu ad nonagesimum octavum, facto initio à Meridiano Toletano, ut fere numerat *Herrera*. Latitudo illius valde inæqualis est, ubi autem latissima est hæc provincia, patet centum & octuaginta leucas, nisi forte *Herreram* ratio hic fefellerit. Atque ita sumpta provincia & intra hos limites, complectitur tredecim provincias particulares; *Chiapam*, *Soconuscum*, *Suchitepecum*, *Guatimalam* propriè dictam, *Veram Pacem*, *Yzalcos*, *S. Salvatoris* & *S. Michaëlis* provincias, *Honduras*, *Chulutecam*, *Nicaraguam*, *Taguzgalpam* & *Coslam Ricam*. In quibus provinciis omnibus indigenæ barbari jam olim quam plurimis & diversissimis linguis utebantur, quod inter *Satanæ* stratagemata à religiosis Hispanis refertur, quasi hac infinita linguarum diversitate, continuas dissensiones & sævissima bella inter vicinas gentes aluerit.

Porro hæ provincie diversis temporibus & à diversis primum fuerunt inventæ; Nam *Gil Gonzalez Davila* primus anno cLo Io xxi i adiit *Nicoyam* cujus indigenæ statim fidem Christianam amplexi, idola aurea quæ possidebant, præfecto ultro tradiderunt. Deinde & *Nicaraguam* est ingressus, & ejusdem Regulum permovit ut cum aulicis suis fidem Christianam amplecteretur: mira autem narrant Hispani de hoc Regulo, quæ si vera sunt, longe majores reliquias luminis illius naturalis, & cognitionis divinæ ipsum habuisse necesse esset, quam fere usquam hætenus apud barbaros fuerint inventa: Quærebat enim ex Hispanis, utrum Christiani quicquam acceperint de diluvio, & an aliquando alterum esset futurum? utrum terra aliquando verteretur, an vero cælum est ruiturum? quando & quomodo Sol & Luna splendorem suum & cursum essent amissuri? Quis illa luminaria contineret & moveret? Quis honor Christianorum Deo qui condidit cælum & terram deberetur? Et quandoquidem animæ essent immortales, ubi à corpore separatæ futuræ essent &

Her. d. 3.
l. 4. c. 5.

quid actura? Utrum Vicarius Christi quem commendabant ipsi, & Imperator Rex Castella mortales essent? Denique cur tam pauci mortales tantum auri siti-
rent?

Honduras primus quidem viderat Columbus; sed hæc provincia, ut fere reliquæ, auspiciis *Hernandi Cortesii* à variis tribunis militum fuerunt lustratæ; quadam etiam maximam partem ab ipsomet Cortesio; nam ut Tribunorum Christophori de Olid, & Petri de Alvarado expeditiones jam præteream, quorum ille Honduras ex parte lustravit, hic Guatimalam domuit; ipsius Cortesii ab anno 1515 xxiv, usque ad Aprilem anni 1515 xxvi memorabilem expeditionem haud possum silere. Cortesius itaque cum centum & quinquaginta equitibus & totidem delectis peditibus, 10 & tribus millibus barbarorum è metropoli Mexicana profectus mense Octobri, primo pervenit ad *Guazacoalco*, atque inde cum summis annonæ difficultatibus confictatus, attingit *Aquiavilco*, atque deinceps *Copilco* caput illius provincie, & per *Anavacacem*, trajecto flumine *Quizatzatlan* sive *Gryalva*, penetravit in provinciam *Tabascentem*. Transiit deinde ad *Chilapan*, *Tamaztepec*, & *Tetzapan* atque *Tanyslatan* & denique *Huastecan*; Unde primo per asperros montes, dein & per uliginosa loca cum summo discrimine petit provinciam *Acalan*, & iter faciens per *Tizapetlan*, *Titacat*, tandem pervenit ad *Texcancan* municipium populosum & illius provincie caput. Hic paucos dies moratus perrexit ad *Mazatlan*; & per *Tiac* transiit ad provinciam *Taycam* cujus principale municipium in exigua insula situm erat, pa- 20 rens Regulo cuidam cui nomen erat *Canec*. Ventum inde per impeditissimam viam ad *Tlecan*, unde promoventes per asperros montes cum tanta fame sunt conflictati, ut nec (horrendum dictu) à mortuorum sociorum carnibus abstinere, donec attingerent *Tewex*, atque *Azuñulin*, & tandem *Nito*, ubi Gil. Gonzales jam coloniam Hispanorum collocaverat; distabat hic locus viginti leucas à *Xico*. Itinerumque ratione subductâ, paruit Cortesium cum exercitu inde à Mexico ad *Nito* supra quadringentas leucas absolvissè. Hinc jam per nora itinera ad sinum *S. Andrea* pervenit, ibidemque municipium collocavit, *la Natividad de nostra Sennoræ*; & demum in *Truxillo* conquevit. Atque hæc compendio de Hispanorum expeditionibus in has provincias dicta sunt. 30

d. j. l. g.
c. 10.

C A P. II.

De Cacao fructu hisce provinciis pene peculiari, & de Chocolate.

L I B R O quinto quum de Nova Hispania ageremus, præcipuas arbores fructiferas & agrestes descripsimus, quæ hisce quoque provinciis, de quibus nunc nobis sermo est, communes sunt; itaque tantum agemus de una arbore quæ fert famosissimum illum in toto hoc Americæ Septentrionalis tractu fructum, qui vulgo appellatur *Cacao*; cujus fructus Iconem hic ad vivum expressam adjungimus. 40



De hoc fructu ita *Acosta*. *Cacao* fructus minor est amygdala, sed compactior, totusque non ingrati saporis; tanti nam modo à barbaris sed & ab Hispanis fit, ut inter ditissima commercia in Nova Hispania meritò annumeretur; nam quum siccor sit fructus, diu conservatur nec facile corrumpitur, & majores aliquot naves hisce fructibus onustæ è provinciis *Guatimala* singulis annis solvunt; & superiori anno pyrata quidam Anglus in portu Novæ Hispaniæ *Guatulco* supra centum mille cargas exussit (loquitur de anno 1515 lxxxviii quo *Thomas Candisius* dictum portum inopinato ingressus quadringentos sac- 50 cos se combussisse prodidit.) Hisce autem fructibus in hisce provinciis passim utuntur pro nummis; una quippe tres quinque, alia triginta, alia centum cacaïs venundatur; eosdem & pauperibus in Eleemosynam erogant. Sed principalis usus est in potu quem ex illis conficiunt, *Chocolaten* vocant, insanum in modum ab incolis harum regionum dilectum, & in summo precio habitum; quum iis qui non assueverunt, spuma supernatans & secum instar ebulliens merito nauscam

nauseam moveat: hoc potu indigenæ hospites suos, etiam magnates, excipiunt; hunc Hispani, sed magis Hispanæ, ita depercutunt ut postquam semel illi allueverunt, se sine ullo vivere posse negent. Hunc potum variis modis ita miscent, ut unus calidior, alter frigidior, tertius denique inter utrumque medius sit; nam & aromata admiscunt varia & præsertim multum piperis sive Axis; etiam pastam quandam ex iis componunt, quam pectoris & stomachi viciis, atque catharris mederi volunt, licet aptud eos quibus hæc opinio non est veluti agnata, difficulter inveniat fidem. Passim integros harum arborum lucos colunt, uti in Hispania Vineta aut Oliveta, maxime autem illis abundat *Gustimala*. Hæc ille.

- 10 Sed antequam pleniorē hujus arboris descriptionem prosequamur, à *Fr. Ximenez* jam sæpius à nobis nominato, acceptam operæ precium fuerit, ramum arboris cum integro fructu hic apponere.

Indigenæ harum regionum (inquit *Ximenez*) ante Hispanorum adventum, *Cacao* fructibus loco numismatum utebantur, hodieque multis locis usurpant. Ex iisdem potum suum conficiebant, vini ignari, licet non

- 20 paucis locis vites, sed silvestres, nascantur: Est autem *Cacahuahuitl* arbor magnitudine & foliis aurantiæ, sed majoribus (*Herrera* comparat Castanæ frondibus;) fructus illius est longus & similis peponi, verum stryatus & rufus, qui dicitur *Cacahuacintli*; plenus illis *Cacao* nucibus (quas supra exhibui-

- 30 mus) quæ divise sunt in duas partes æquales & bene compositas atque conjunctas; teneri sunt nutrimenti, saporis inter dulcem & amarū mediū, temperie nonnihil frigida & humida.

Quatuor, quantum potui observare; hujus arboris reperiuntur species. Prima vocatur *Cacahuahuitl* quæ omnium maxima est & copiosissimos fert fructus. Secunda ejusdem nominis, mediocris magnitudinis, frondes & fructus ferens longe minores. Tertia appellatur *Xuchicacahuahuitl*, adhuc minor, cujus fructus exte-

- 40 riori parte magis rubet, interiori cæteris similis. Quarta omnium minima: ideoque *Tlalcacahuahuitl* dicitur; id est, humilis sive pumila *cacao* arbor, quæ fructum fert omnium minimum, licet colore nihil differat à cæteris. Omnes autem hi fructus easdem obtinent qualitates et eosdem habent usus, licet postremus fructus potissimum in potionibus usurpetur, cæteri commerciis magis sunt apti. Ad has species quoque referri potest arbor quæ vocatur *Quahzapatlil*, verum longe major est arbor & majoribus foliis, fructusque illius qui durior est cæteris loco amygdalarum sumi potest, & prius tostus utilis est ad tragemata, ad potiones planè est inidoneus. Nascitur in regionibus mediocriter calidis, locis riguis & aquosis; solent ex illius fructibus per se, sine aliorum mixtione, potiones conficere & exhibere iis qui
- 50 acutis morbis laborant, valde enim utilis est ad calorem mitigandum; itemque iis qui calida inæmperie hepatis laborant. Quatuor hujus *cacao* nucibus cum gummi *Olle* sive *Pile* (de quo alibi diximus) mixtis & haustis, mirifice sistuntur sanguinolentæ dejectiones; (possunt autem tam nuces illæ, quam gummi istud, primo nonnihil torrerī;) quia fructus illi adeo pingues sunt ut facile oleum ex illis possit exprimi, & gummi admodum tenax est & glutinosum. Immodicus usus potionis è *cacao* confectæ, plurimarum infirmitatum & morborum causa est; quia generat obstructions,

lib. v.



corrumpit colore, & inducit Cacochymiam & similes pravorum affectus. Fiunt autem ex hisce fructibus variae potiones, prout variae res ipsi admiscuntur, quas operae precium erit hic describere. Prima potio appellatur *Atextli* (quasi dicas potionem humectantem) ea fit de centum aut circiter fructibus *cacao*, crudis vel tostis, sed probe comminutis, mixtisque cum totidem granis *Mayzii* (sive *Tlaoli*: ut vocant Mexicani:) aut si potione hanc magis compositam velint, addunt & alios fructus sive *Mecaxochitli* sive *Thlixochitli* sive *Xochinacaxtli*: de quibus jam supra egimus: mittuntque in vas grande, & transfundunt eosque, donec spuma se attollat & partes magis pingues & oleosae supernarent, atque ita demum hauriunt magis liquidum: at separatim bibi potest cum majori gustu & voluptate. Simplex enim potio refrigerat & nutrit insigniter. Confititur 10 altera potio, sumendo xxv fructus *Cacahuapalli* & totidem *Cacahuahuistli*, & pugnum *Mayzii*, cui nihil calidorum fructuum aut aromatum solent adicere, haec quoque probe nutrit & refrigerat. Tertia est illa quae appellatur *Chocolate*, jam satis omnibus nota, quae variis modis componitur pro cuiusque appetitu, de qua hoc tantum dicemus quod praeclare nutrit: verum si nimis crebro & immoderate sumatur, debilitat & alia praeterea adfert detrimenta, de quibus jam ante diximus. Non explicabimus componendi modum, quia nimis variat, tantum notabimus quo pacto usurpetur: aqua limpida in vase admoveatur igni donec ebulliat, deinde sumitur *Chocolates* quantum lubet, inditurque vasi argillaceo, & superinfusa aqua illa fervente, tantisper ligneo instrumento, quod vocant *molinillo*, agitur, donec resolvatur penitus & partes pingues & oleosae 20 supernarent, quas despumatas seponunt: dein cum reliquo liquore miscunt *Asole* (cuius componendi modum statim explicabimus) & postquam defervuerit, addita de novo illa pinguedine, hauriunt de *Tecomate* (quod est vas de Cocinuce aut fructu illo quem alibi descripsimus efformatum.) Est & aliud potionis genus quod vocant *Tzene*, ea componitur ex aequalibus *Mayzii* & *Cacao* portionibus, prius tostis, & coquitur cum pauxillo *Mayzii* ebulliti, donec potui sit apta.

Solent denique juxta arbores *Cacaoseras* collocare aliam arborem, quam vocant *Atlynam*, ut illas inumbret, & a ferventibus solis radiis defendat, nam ad nihil praeterea utilis est quod sciam. Haecenus *Ximenes*.

CAP. III.

30

Digressio de *Mayzio* & illius facultatibus & multiplici usu.

MAYZII jam saepe meminimus & porro saepissime illius mentionem facere erit necesse, quare hic potissimum post *Cacao*, de illius qualitatibus & multiplici usu agere non incongruum putavi. Iconem hujus plantae & descriptionem siquidem notissima est, praetermitto. Differentiae illius (sequor hic *Fr. Ximenes*) sumuntur fere a spicatum (quas vulgo *Mazorcas* vocant) colore, qui multum variat: nam aliae sunt colore candido, aliae rubro; aliae pene nigro, aliae purpureo, aliae caruleo, aliae multis coloribus variegatae; (de exteriori granorum cortice intellige, nam polenta candidissima est.) Scribitur mense Martio hoc modo; terra prius bene subacta, 40 fiunt scrobes passus unius intervallo, quibus induntur IV aut V grana: cogitur autem mense Novembri aut Decembri, longae minore labore quam triticum: pro soli autem coelique varietate, alibi quatuor, alibi tribus mensibus, nonnusquam & quinquaginta diebus maturefcit. Porro si ullum far a Deo conditum, temperatae facultatis & eximii nutrimenti, id haud dubio erit *Mayzium* (Mexicanis *Tlaoli*, Europaeis far Indicum), neque enim calidum est neque frigidum, sed inter utrumque medium: item nec humidum neque siccum, sed temperatissimum inter utrumque, multo minus est substantia grossa aut viscida: quare falluntur illi qui crasso & viscoso nutrimento esse judicaverunt & obstructions gignere opinantur. nam in barbaris qui perpetuo illo utuntur, contrarium deprehendimus, nunquam enim laborant obstructionibus aut 50 pravo sunt colore: sed contra testantur facile digeri & appetitum tibi acere; quinimo ante Hispanorum adventum Nephritis hic ignorabatur: denique nullum praestantius remedium inter barbaros reperitur adversus morbos acutos. Quod & experientia abunde testatur: nam *Mayzium* in aqua coctum nutrit corpus sufficienter, & concoquitur sine ulla difficultate aut noxa; lenit peccus, mitigat calores febrium, & praecipue pulvis radicis aqua maceratus & vespertino frigori expositus, & postea haustus.

Hippo-

Hippocrates prioribus capitibus de vi&tu ratione in morbis acutis, ſupra modum commendat Phtiſanam, quæ eſt potio ſive pulcicula co&cta ex hordeo, quam ægris utiliſſimam eſſe demonſtrat, quia facillime digeritur, neque generat flatus, mundat corpus, eſtque nutrimentum humidum & frigidum, exiens cum ſumma facilitate è ventriculo & ſponte ſe ſpargens per venas & alias partes corporis. Verum ſi ex Hippocrate fuiſſet quaſitum, an Phtiſana illa omnibus morbis & ſingulis hominum complexionibus, ætatibus, adeoque omnium ventriculis conveniret; haud dubio reſponſurus fuiſſet, non omnibus congruere.

Quanto itaque maior laus debetur noſtro *Atole*, ſiquidem non modo laudabilis
 10 & ſalubris eſt cibus, ſed etiam ſecurè exhibetur ſanis juxta atque ægris, adoleſcentibus & ſenibus, maribus & feminis, cuſcuſcunque complexionis; denique in omnibus omnino morbis ſine ulla noxa aut moleſtia. Præterea dicitur urinam movere & mundare meatus. Quandoquidem ergo Mayzium, ſi ut convenit ſumatur, mille adfert commoda, nullum detrimentum (niſi dicatur ſanguinem nimis augere & bilem) nequaquam audiendi ſunt illi, qui affirmant calidius eſſe ritrico, & difficilius concoqui atque obſtructiones generare; ſed potius ſequendi Medici Mexicani qui abdicata Phtiſana uri ægris ingrata, Atolen introduxerunt, de cujus variis generibus & modis quibus ſiant, jam breviter dicturi ſumus.

Atole Indorum eſt Mayzium molitum, & aqua ſuba&ctum & in eadem diſſolu-
 20 tum & ebullitum ad modum pulciculae tenuis, vel potius amyli. In conſiciendo autem hæc eſt diverſitas; quod alii ſumant Mayzium crudum & tantummodo molitum: alii prius co&ctum cum calce, hoc modo ſumunt aquæ partes octo, Mayzii ſex, calcis unam; quæ ſimul in vaſe argillaceo bene cooperto imponuntur prunis, donec grana molleſcant: tum ab igne arcentur & obturantur panno, ne vapor exeat; denique moluntur ſuper lapidem, quem vocant *Metall*, & rursus admoventur igni in eadem olla, donec denſentur ad modum ſupradictum, vocant *Tætac Atole*, id eſt, candidum. Utraque autem ſpecies *Atoles*, non mixta cum alia aliqua re calida aut frigida, eſt temperatæ qualitatís uti ipſum Mayzium, moderateque refrigerat & humectat corpora quæ aliquam intemperiem calidam aut ſiccam patiuntur: lenit pe&ctus, nutrit
 30 eximie, corroborat & ſaginat corpus debile & extenuatum, reſtaurat vires & nonnihil abſtergit; & utiliſſime præbetur infirmis atque adeo phyſicis; ſupplet vicem Phtiſanæ & addit vigorem iis qui è gravibus & diuturnis morbis convaleſcunt. Solent quidem *Atole* addere pauxillum *Chilles* (ſed non convenit niſi ſanis aut qui frigidis affectionibus laborant; atque ita gratiſſimus eſt cibus, atque excitat appetitus venereos. Utuntur hoc cibo Hiſpani juxta atque Indi per totum diem, tam valentes quam ægrotautes, ſed præſertim mane. Etiam aliam ſpeciem *Atoles* uſurpant quæ quidem fit ad eundem modum, ſed jam factè inſpargitur paululum *Chilles* viridis & tomates, ut vocant, & nonnihil ſaliſ; quas tres res alii quidem prius diſſolvunt in aqua, alii per ſe admiſcent ipſi *Atole*.

Solent & aliam ſpeciem *Atoles* componere, quam Mexicani vocant *Xoco-atole* id eſt
 40 acidum, quæ fit una libra fermenti & duabus libris Mayzii co&cti & fracti eo modo quo diximus, ſimul mixtis. Fit autem fermentum hoc modo; ſumunt Mayzium nigrum, & cogunt in maſſam, & ſervant iv aut v diebus donec aceſcat, & tunc miſcent cum *Atole* ut hauriat acrorem palato gratum, & poſtquam tranſuderint in aliud vaſ, adjuiciunt ſalem & *Chillen*. Hæc ſpecies datur jejunis ad corpus mundandum, promovet enim urinam & ſolvit alvum. Idem fermentum aqua frigida dilutum & hauſtum, egregie reſcit corpus, quando aut valide æſtuat, aut deſatigatum eſt, aut alioquin ab itinere aut labore nimis calefactum: Infantibus quoque datur quum æſtuant, aut urina illorum ita inflammata eſt ut *Cuticulam* adurat aut abradat.

Chillatole fit ex *Chille* & *Atole* mixtis ad eundem modum; niſi quod Mayzio jam
 50 dimidia pene parte co&cto demum tantum *Chilles* aquâ dilutæ admiſcetur, quantum qui hauſturus eſt palato ſuo gratum judicat; ſumitur mane adverſus frigoris aſperitatem; corroborat ventriculum expellendo pituitam quæ illi ſolet adhæreſcere; purgat renes, & expellit quæcunque impedimenta. Admiſceit ad eundem modum *Chillen* & mel, vocantque *Nochil-Atolen*; intendit calorem naturalem, & excitat venerem.

Tæquistole eſt alia ſpecies, quæ fit ex phaſcolis co&ctis cum *Chillatole* & herba
 T 3 quam

Epazotl. quam vocant *Epazotl* (quæ vulgaris est in hisce regionibus) foliis oblongis & in ambitu serratis, odoratis & calidis in tertio gradu, quorum decoctum usurpant ad peccatus corroborandum in Astmaticis; aperit enim obstrueta & dat utile nutrimentum: Solent quoque herbam crudam, atque coctam cibus admiscere lococondimenti: nutrit egregie, munda sanguinem & expellit noxios humores.

Chian. *Chiantole* fit è semine *Chian* moderate tosto in *Olla*, dein confuso; quod toto anno servant ad hunc usum: herba quæ hoc semen fert vocatur *Chiantozotzalli*, foliis hederæ caulibus quadrangularibus, sesquipalmum altis, floribus candidis & tenellis, vasculo quodam coopertis, in quibus generatur semen album instar lentis, quod est frigidum aut moderate calidum, & falsum; è quo præparato cum Saccharo fiunt cucurbitæ; & potiones commodæ ad refrigerandum, quibus solent addi amygdalæ purgatæ, & semina melonum, aliaque. Miscetur idem semen in pollinem redactum, cum mayzio tosto ac fracto, & diu incorruptum servatur; quando autem necessitas exigit, potum ex illo conficiunt; & interdum illi addunt succum *Maguey* coctum, (qui nihil fere distat à nostro melle) & pauxillum Chilles.

Tlami. Fit idem potio, quam vocant *Tlami*, ex exigua parte mayzii & majore Chilles sicca, simul fractis & mixtis, addito pauxillo herbæ *Epazotl*: admoventur tantisper igni donec herba percoquatur, quod brevi fit: potio hæc haurienda est calida ut efficacius operetur; excitat venerem, movet urinam & menses, additque calorem & robur toti corpori.

Yolatsle componitur ex ipsa mayzii spica, (postquam grana jam demta sunt,) am-busta & in cineres redacta; horum uni parti, addunt tres partes ipsius farris, & molunt simul coquantque; & ubi in aliud vas transfusa fuerint, addunt *Chilcozli* (quæ est species Chilli sive piperis Americani, croceum colorem fundens) hæc potio prodest iis qui nimio sanguine abundant.

Xocoatl. Solent quoque parare portionem, quam vocant *Xocoatl*, quasi dicas aquam acidam. Sumunt Maizium coctum & in massam coactum, & aquæ inditum relinquunt noctu sub dio, & exprimunt mane: hujus expressæ decem uncia: aur ciciter aliquot diebus jejuno ventriculo haustæ, temperant mirificè ardorem urinæ, & refrigerant quodvis genus caloris.

Deinceps consideremus quam facile & quam celeriter è mayzio panis fiat: nam triticum prius molendum, cribrandum, in massam redigendum, fermentandum, in furno idoneo coquendum; horum nihil necesse est fieri in Mayzio: molitur supra lapidem, & supra eundem cogitur in massam & fit panis; nihil opus est sale aut ullo fermento sed solummodo aqua; & statim torretur in patina argillacea, & panis ita calidus editur cum singulari voluptate; atque hæc omnia tam brevi tempore perficiuntur, ut convivæ sæpe mensæ accumbere incipiant & panis adhuc coquendus nullam ipsis moram adferat. Modus hujuscemodi est: Macerant primum grana ut mollescant, deinde inter palmas utriusque manus terendo frangunt, & formant placentulas rotundas, teneras & mediocris magnitudinis: tum patinæ argillaceæ grandi & patulæ impositas admovent igni, aut prunis ardentibus superponunt; atque hic usitatus est modus. Alii easdem placentas longe majores formant & orbiculares ad modum pilarum, & in olla coquendas igni admovent, addentes iis phaseolos ut teneriores evadant; has placentas vocant *Tamales*. Quin etiam è maizii polline percolata componunt in usum potentiorum placentulas ita teneras ut pelluceant instar pergameni: & ad eundem modum pilas, quæ licet crassiores sint, tamen pellucere videntur.

Atque hæc quidem de farre absoluto & maturo: Etiam spica quum primum germinare incipit in seipulo foliorum, quod vocant *Xilatl*; & granum quum formari incipit & in suo veluti late est, & postquam collectum fuerit victui servit & voluptati, & ebullitum aut assum; ita ut etiam in hoc reliquis frugibus præster, quæ nullius sunt usus antequam plene maturuerint, quum hoc far etiam informe, & antequam maizii nomen mereatur, utilissimum deprehendatur. Non solum autem spicæ mayzii, sed & cannæ utiles sunt, nam è viridibus conficiunt mel nigrum præstantissimum: eadem usæ & in pulverem redactæ, mixtæque cum Terebinthina, mirabiliter curant capitis infirmitatem, quam veteres vocant Opiasin. Ne spica quidem

quam plantam in summitate sui exerie, usu vacat (*Mishiu* vocant barbari) nam in summa necessitate panem ex illa coquunt. Folia denique illius præstantissimum pabulum equis subministrant.

Neque prætereundum est genus panis, quod *Chichimeca* barbari in furno subterraneo coquunt; solent hi quum ferinam carnem coquere volunt, scrobem effodere & lecto è lapidibus strato, lignis implere, eaque accendere, dein extincta flamma, ipsis prunis aut candentibus lapidibus carnem imponere, massam è mayzio coactam, cooperiunt deinde aliis lapidibus candentibus & scrobem ocludentes, relinquunt quandiu ipsis videtur necessarium ut percoquantur; denique tam carnem quam massam exemit commedunt cum summa voluptate. Quem carnem sub terra assandi modum jam Hispani qui in Nova Hispania degunt, ceperunt imitari.

Sed jam in viam redeamus, & singulas hujus Præfecturæ provincias perlustremus.

C H I A P A.

C A P. IV.

Descriptio provincie Chiapæ in communi.

EPISCOPATUS & Provincia *Chiapa*, in mediterraneis sita est; & ad Austrum *Sacausco*, quæ provincia ad Mare Meridionale sive Pacificum jacet; clauditur, ad occasum extremis Novæ Hispaniæ finibus, ad ortum Solis & Septentriones *Tabasco* & provincia *Vera* pacis: patetque in longitudinem inter ortum atque occasum leucas quadraginta, & paulo pauciores in latitudinem. Incoluerunt illam olim quatuor nationes, linguis plurimum inter se diversæ, *Chiapanenses*, *Zoques*, *Zeltales* atque *Quelenes*.

Regio hæc proceras admodum fert pinus & Hispaniensibus omnino similes, nisi quod rariore fructus ferant: præterea cupressos, cedros, quercus suaviorum glandium feraces: Lentiscos grandiores, myrtos minores Hispaniensibus, sed fructibus
30 grandiusculis: Juglandes frequentissimæ opacis silvis vestiunt montana, quarum materies ad plurimos usus adhibetur, sed nuces sunt Europæis longe minores: Vites hic silvestres multæ, sed vix acerbiores, utpote incultæ. De quibus audiendus *Franc. Ximenez*. Nascuntur (inquit) multis locis Novæ Hispaniæ Labruscæ sive vites silvestres, (*Mexicani* vocant *Totolotli* & *Hualchichilic*) verum ad nostra usque tempora gentes istæ illas colere neglexerunt, uvarum usum ignorantes, licet aliis vinis atque adeo nostrate avidissime se ingurgitent. Fructus est nonnihil crassus & subrubens: pulpa illius, licet silvestris, tamen suavis est & legrati saporis; unde mihi videtur si coleretur, longe suavior & blandior evaderet: cæterum hæ plantæ sunt similes nostris vitibus, quoad folia & pampinos: quidam vocant *Xocomecatli*, id est, funem
40 acidum tam ratione saporis, quam fermentorum & capreolorum quibus arbores amplectuntur: In Florida tot tantæque occurrunt ut integras silvas occupent & vix ulla reperiat arbor, quam non scandant; sæpe gustavi fructum, qui parum concedit uvis.

Arbores quæ resinas & liquores aromaticos fundunt hic plurimæ & præstantissimæ passim reperiuntur, quarum illæ quæ *Liquidambar* fundunt proceræ & vultæ, quæ *Tacamahacam* minores, nec unius generis, aliæ enim albam, aliæ subfuscæ instar thuris, aliæ resinam quandam mollem instar ceræ, aliæ *Copal* edunt. Omnes lib. v. hæc arbores & illarum resinas atque liquores jam supra descripsimus. Præterea reperitur in hac provincia arbor proceræ & admodum ramosa quæ fructum fert instar
50 piperis (sunt qui *Malagnetam* Africanorum suspicentur, sed plurimum falluntur) cujus & saporem refert, nisi quod nonnihil ad *Cariophyllorum* saporem accedat. Hanc arborem supra descripsimus quum de *Tabascensi* provincia ageremus, cui hæc arbor persimilioris. Arbores item quæ *Cacao* ferunt hic admodum frequentes, uti & quæ cassiam solutivam produciunt. *Guajaci* denique præstantissimi ingentes hic videntur luci.

In *Copanavazila*, hujus provinciæ regione, arbuscula reperitur floribus rubris, T 4. cujus

cujus folia siccata & in pulverem trita, vulnere quamvis vetera & multum exulcerata sanant. Ibidem & Palmarum quædam species abunde crescit, quæ fructus fert orbiculares & ubi maturuerint nigricantes, edules & palato non ingratos: Veræ autem palmæ ex Hispania huc traductæ, octennio postquam satæ fuerunt, optimos dactylos dedisse sibi observatum: Sunt & hic arbores quædam quæ resinam fundunt instar Sytracis: sed colore multum elegantiore, & ferunt flores instar *Azahar* (ita vocant Hispani flores aurantiæ mali) optimi odoris, quos portui *Cacao* admiscunt & ventriculo plurimum prodesse autumant. In *Chicomuzelo* autem altera hujus provincie regione etiam arbores inveniuntur quæ fundunt balsamum.

Omnia olera ex Hispania huc allata uberrimè proveniunt: fabæ semel satæ, multos hic annos durant, florentque pene omnibus mensibus: brassicæ sylvestres, (quas Hispani vocant *Llantas*) ad eundem modum hic perennant, & adolefcunt ad modum fruticis, (ita ut aves in iis nidulentur,) quarum cymis incolæ vescuntur. Habent & herbas quasdam peculiâres, quarum una fert flores candidos, radicem croceam & edulem; altera radicem habet candidam quæ leniter purgat; In *Quelenum* autem agris sponte provenit radix Mechoacan. Et floribus hic suus honos, præsertim *Caryophyllis*, qui toto anno florent: ut & aliis.

Aves rapaces hic variz, atque inter eas quæ unum pedem anseri, alterum accipitri similem habent; obambulant juxta fluminum ripas, piscium capturæ, quibus visitant, intenti; de quibus audiendus *Fr. Ximenez*: Non possum (inquit) præterire: o monstruosam avem; mole grandioris gallinæ, & pene ejusdem formæ; plumis albis cum quibusdam notulis pardis; rostro Accipitris, sed acutiori: rapinas agit tam in mari quam terra; pedem sinistrum habet similem anseri, eoque natat in aquis; dextrum similem Falconi, quo rapta comprehendit, tam in fluctibus quam in aëre; præterea Aquilæ aut nigræ aut subfuscæ, earumque maximæ etiam coronatæ: coturnices quoque, palumbesque Hispanienfibus paulo minores, turtures, anseres, anates, aliaque complures. In summa autem olim indigenis veneratione habita (ita ut illam occidere capitale esset) *Totoqueital* avis, palumbe paulo minor, plumis instar Heliotropii virentibus, cauda oblonga: hujus plumis in principalibus festis se ornabant: De Psittacis & Guacamais, quæ plumas habent eleganter rubentes atque cæ: o ruleas, quarum ingens hic ubique copia, nihil addam: de quadrupedibus pauca; & quidem primò de advenis: Taurorum, vaccarum, ovium, caprarum, suum ingens hic numerus; Equorum tamen generosorum propagine imprimis laudatur hæc provincia, quare ab urbe Mexicana, (licet pene ducentarum leucarum intervallo distet) hinc pullos solent petere. Sunt & hic tigres & leones, pardi, feles sylvestres mire variegati; canes feroces instar luporum; Vulpeculæ albo, nigro & cinereo colore eleganter distinctæ, sed gravissime olentes: de quibus ita scribit *Fr. Ximenez*; Animalculum *Tequiepatli* simillimum est Vulpeculæ quoad astutiam; duos palmos longum, rictu angusto, exiguis auribus, pelle nigra & pilosa; cauda autem (quæ longa ipsi) pilo è nigro & candido mixto vestitur; curvis unguis; vivit in cavernis inter petras; o vicitat scarabeis & vermibus; ubi autem datur, etiam gallinarum & aliarum avium, quas rapit, capitibus: urina illius & stercore fortet horrendum in modum, ut quæcunque contigerint penitus corrumpant; etiam flatus, quos fugiendo è ventre edunt, inrolerabilem fatorem edunt, ita ut his potissimum armis se adversus venatores defendant. Præterea reperiuntur hic apri ejusdem generis cum cæteris Americanis; armadilli, sciuri, & *Tlaquaxin* de quibus supra diximus. Aliaque animalcula cuniculorum magnitudine, sed glirium forma, quæ carulos suos (quos tres quatuorve gignunt simul) dum minores sunt dorso gestant, quum cibum quærendi causa procurrunt.

Multos quoque angues, aliaque venenata animantia nutrit hæc provincia, quorum quædam virus tam violentum de se fundunt, ut vel bacillo contingentes vitæ discrimen adeant, nisi statim caforum sanguine illinantur; neque tamen licet præfens exitium evadant, minus diu languent. Quidam Angues in maximam molem excrefcunt, nonnumquam viginti pedes longi visi: quidam exquisitè rubenti, nigra simbria & albis maculis interstincti; barbari vocant matres formicarum, & collo circumferunt sine noxa. Denique juxta Ecatepeque *Quelenum* pagum duo colliculi yifuntur,

visuntur, omnimodo serpentum genere ita referti, ut indigenæ supra modum formident propius accedere.

C A P. V.

*Particularis Provinciæ Chiapæ descriptio; Vrbs Ciudad Real;
Indigenarum ingenia, mores, alia.*

PROVINCIA hanc à quatuor diversis nationibus sive populis inhabitatam jam olim fuisse supra diximus; Inter hos Chiapenses, non modo inter hos populos primi censentur, sed & reliquis Novæ Hispaniæ populis ingenio & moribus præstant: nam & generosos atque optimos equos alunt, domantque; in musica atque pictura cæterisque Mechanicis artibus excellunt: humanissimi sunt & urbanioribus moribus, procrescere singulari obsequio venerantur. E Nicaragua, ut ferunt, provincia oriundi, huc jam olim transmigrarunt, sedesque posuerunt juxta petrosolum collem, haud longe ab eo loco quem hodieque tenent.

Hispani postquam harum regionum sunt potiti, hic percommodum locum sibi elegerunt, in convalle rotunda, undique montibus circumvallata, plana, & quatuor semitis opportune divisa; in cujus medio mons eminet, ad cujus radices, qua orientem spectat, urbem condiderunt, quam vocant *Ciudad Real*; septuaginta leucis ab oppido *S. Jacobi de Guatemala* versus Corum; & totidem pene ab urbe *Nuestra Señora de la Vittoria* provinciæ Tabasco; à qua ad urbem Chiapensem iter est, primum adverso flumine *Gryalva* leuc. quadraginta; deinde per altissimos & asperos montes, & vales multis amnibus riguas, quæ utramque provinciam dirimunt. Hæc urbs *Ciudad Real* singulari Regis Hispaniarum privilegio regitur à magistratibus urbanis, quos vocant *Alcaldes*. Ecclesiam habet Cathedralē, & monasterium; ambiunt illam multi Indorum pagi & imprimis *Chiapa* à qua non modo reliqua vallis; sed & provincia nomen sortitur. Vallis autem hæc inter utrumque mare pene media censetur, ab utroque circiter sexaginta leucas distita, octodecim gradibus & triginta scrupulis ab Æquatore versus Arctum secundum *Herreram*; (quem tamen hic falli manifestum est, nam situs loci & cæteræ circumstantiæ repugnant) frigida est & sicca, salubrique quidem aëre, sed subtiliori; ideoque neque limonum neque aurantium ferax; sed pomorum, pitorum, cotoneorum, persicorum, cæterorumque fructuum qui in frigidioribus regionibus nascuntur, Tritici denique & Mayzii longe feracissima, ob sumentorum ad agros stercoreandos copiam.

Secundi populi sunt *Zoques* sive *Zoaques*, horum provincia viginti quinque pagis sive municipiis hodie habitatur, quorum præcipuum *Tecpatlan*, ubi Dominicani monasterium collocarunt: hæc provincia calida est atque humida ob imbrium frequentiam, & ænnium atque torrentium multitudinem pene invia, pisciumque propterea optimorum copia dives.

Tertii. *Zeltales* tredecim pagos incolunt, popularis regiminis in modum; solum hic uberrimum est & Mayzii feracissimum, unde multi hic porcorum greges aluntur: abundant melle atque gallinis; Coccinilla quoque qua ædes suas pingunt & gossypium suum inficiunt, nullo præterea emolumento; denique *Cacao*. Multi hic quoque amnes labuntur, sed modici: montes autem sunt altissimi, qui ipsos à *Lecandonibus*, *Zoquibus* & *Tucatana* provincia separant: *Lecandones* isti nudi agunt, juxta paludes, inter prærupta & contragosa montium juga ad limites Yucatanæ, asperi moribus & indomiti, Hispanisque (ut Chiltonus Anglus testatur qui hac iter egit) supra modum infesti.

Quarti *Quelenes* viginti & quinque pagos incolunt, quorum principalis *Copana-vazila* ubi Dominicani canobium habent; aër hic temperie est calida atque sicca, solum tritici & aliarum frugum Europæarum ferax: armenta hic multa, quare & optimos cascos premunt: Ad hanc denique provinciam pertinet *Quebrada Rica*, sic dicta ab Hispanis, quod olim magnam vim auri hie egerint: ab una parte *Soconusco*, ab altera solitudini *Lecandonum* contermina est hæc *Quelennum* provincia.

Princi-

Principalis Chiapæ fluvius descendit versus Arctum, & *Quelenum* provinciam secans juxta *Copanavaztlan*, multis subinde amnis acceptis, exonerat se in mare per Tabascum: Quidam illum juxta pagum *Oxtutan* terra absorberi volunt. Hic fluvius animalia quædam nutrit, quæ nusquam præterea reperiuntur, similia fimiis, cauda oblonga & pelle maculosa instar tigrum; latent ut plurimum sub undis, raroque emergunt, barbaros dum flumen tranant, cauda erutibus circumdata, submergere sueta: neque equis abstinent, eneetos tamen devorare nondum à quoquam observatum: Indigenæ hujus periculi gnari securiculas secum portant ut caudis amputatis se expediant.

Alter hujus provincie amnis, quem *Rio blanco* vocant Hispani, injecta ligna lapidea crusta sensim obducit, cæterum limpidus & potari innoxius.

Fontes
mirabi-
les.

Inter Chiapensis provincie decora, maxime illustra sunt diversorum fontium miracula; In pago *Cacacualpa* fescui leuca ab urbe primaria, fons visitur limpidus, qui eodem quo Oceanus modo singulis sex horis crescit & decrescit, quod illi à mari, à quo longissime abest, accidere minus verisimile est. In *Taxia* agro fons triennio integro, licet parce admodum pluât, abunde scaturit, proximo verò triennio, licet vel maxime pluât, arescit. Quinque autem ab urbe leucis fons visitur qui æstivis mensibus exundat, hibernis plane deficit. Haud longe à pago *Cimacatan* fons est exilis, cujus aquæ affectibus qui caustica remedia flagitant, medetur; potæ vero aves, aliaque animantia enecant.

Juxta pagum *S. Bartholomæi* in provincia Quelenum, terra hiatum quandam instar purci aperit, in quem si lapidem vel minutum dejicias, ingens rumulus cietur, statimque licet sereno & tranquillo die tanta & tonitruï similis procella emicat, ut procul audiatur & vix ferri possit. Quod & despecu in Dalmatia prodidit Plinius.

l. 2. c. 24.

Denique ut alia omittam in *Chicomulzelo* pago caverna jacet, aditu angusto, intus vero amplissima, planicie peramœna & lacu ad unum latus ita limpidus ut intuentium oculos fallat, immobili præterea & juxta ripam duas orgyas alto.

Sacatlan.

Porro provincia hæc Chiapensis olim valde floruit, ob auri quod eruebatur copiam: neque hodie desunt auri venæ, sed mancipia desiderantur quæ effodiant. quamplurima quoque occultat argenti, stanni, plumbi, hydrargyri, ærisque metalla, hæcenus neglecta. *Chiltonus* Anglus, cujus paulo ante memini, prodit in suis commentariis, principalem hujus provincie urbem appellari gentili nomine *Sacatlan*, ibique Episcopum & circiter centum Hispanos habitare; magnum hic esse gossypii proveniunt, e quo indigenæ pannos texant, quos ipsi pro tributo Hispanis pendunt, Hispanique divite commercio ad Novam Hispaniam traducunt. Quatuordecim ab hac leucis alterum jacere oppidum *Chiapa* nomine, generosorum equorum propagine & educatione celebre.

Ab hoc ad Novam Hispaniam tendentibus, iter est per editissima montium juga, usque ad extremos hujus provincie terminos, ubi *Ecatepec* (quod nomen barbarorum lingua sonat Venti montem) in tam vastam altitudinem se attollit, ut utrumque Oceanum è summo vertice conspici posse affirmant: hunc pene novem miliarium itinere ascendi, idque potissimum noctu, quia sole Oriente tam validæ procellæ ut plurimum incumbunt, ut in jugis illius consistere aut iter agere impossibile videatur; à radicibus denique illius ad *Tecoantepec* primum Novæ Hispanie oppidulum leucas numerantur quindecim. Atque hæc de provincia Chiapa dicta sunt.

SOCONUSCO & SUCHITEPEC.

C A P. VI.

Provinciarum Soconusco & Suchitepec descriptio, calis solique qualitates, oppidum, reliqua.

CHIAPE provincia proxima est versus Eum & Austrum provincia illa quæ barbaris dicitur *Soconusco*, secundum Oceani Meridionalis oras, circiter quinque & triginta leucas in longitudinem porrecta, & haud multo pauciores

ciores in latitudine patens. Limites habet ad ortum quidem Guatimalam proprie dictam, ad Septentriones Veram pacem, ad occasum Tecoautepec ultimum Novæ Hispaniæ terminum.

Solum omne feracissimum est earum arborum quæ ferunt *Cacao*, atque hæ præcipuæ illius provinciæ *Guevelan*, olim à *Petro de Alvarado*, dum harum provinciarum commutatio, cum opulentioribus Novæ Hispaniæ provinciis permutant: nec eorum quæ feruntur impatiens est regio, præterquam tritici.

10 Unicum oppidū ab Hispanis habitatur, quod gentili nomine à barbaris iuxta atque Hispanis appellatur *Guevelan*, olim à *Petro de Alvarado*, dum harum provinciarum præfecturam obtineret, conditum. Cæterum ipsa provincia quemadmodum à *Chilono* accepimus qui illam anno 1510 peragravit, habitatoribus valde est infrequens, paucissimi enim Hispani hic habitant nec plures viginti; Indigenæ autem opum suarum fiducia, quas ex *Cacao* commerciis hauriunt, supra modum sunt arrogantes & feroces. Regi tamen Hispaniarum tributum pendunt, videlicet *Cacao* in singulos annos ad minimum quadringentas cargas (unaquæque aurem carga capit quatuor & viginti millia *Cacao* amygdalarum, & in civitate Mexicana ut plurimum aestimatur triginta regalibus argenteis.)

Guevet.
lan.

20 A mense autem Aprilis ad Septembrem assiduus procellis atque imbribus obnoxia est regio, tantaque torrentium & rivulorum vis de montium jugis in convalles & planiciem devolvitur, ut itinera omnia inundentur, & aqua restagnante invia fiant. Unde illi qui è Nicaragua aliisque orientioribus provinciis versus Novam Hispaniam iter agunt, hisce mensibus aliò desistere coguntur, quam reliquis mensibus per hanc provinciam longe expeditius & compendiosius iter habeant.

Socouusco ad Orientem proximè jacent *Suchitepec* & *Guasacapan*, duæ modicæ provinciæ & incolis admodum infrequentes; maximus quippe illarum pagus, haud supra ducentos indigenas numerat; præcipue illorum divitiæ & merces sunt *Cacao* fructus, quorum tellus feracissima censetur.

30 Ora maritima harum provinciarum *Socouusco*, *Suchitepec* & *Guasacapan* secundum Oceanum Meridionalem sive Pacificum, initium sumit, septem leucas ab *Amisla* sumine versus occidentem, atque ad *Tecoatepec* & Novæ Hispaniæ fines produci-
tur: quo intervallo varios habet amnes, qui in hunc Oceanum descendunt: qui quidem hoc ordine jacent, primo *Coastlan*, deinde *Capanarcalse*, mox *Colatl*, *Haçatlan*, atque *Amatituc*, solis tantum nominibus noti, cætera hujus oræ nobis incomperta.

V E R A P A Z.

C A P. VII.

40 *Provincia Verapaz descriptio & locorum quæ hodie ab Hispaniis in illa habitantur.*

PROVINCIA cui *Verapaz*, id est, veræ Pacis nomen hæsit, quia non armis ut fere cæteræ hujus regionis provinciæ, sed Evangelii prædicatione à Monachis ordinis Dominiciani, in Regis Hispaniarum potestatem pervenit, tota est mediterranea; ad occasum *Chiapa* provincia, ad austrum *Socouusco*, ad septentriones *Yucatan*, ad ortum *Hondura* & *Guatimala* proprie dicta, clausa; & triginta aut circiter leucas in longitudinem & totidem ferme in latitudinem patens. Separatur à *Guatimala* flumine *Xicalapa*; ab *Hondura* amnibus, paludibus & freto, quod vulgo

50 *Golfo Dolce* appellant, & hujus provinciæ portus censetur.
Indigenæ, qui jam plerique Christianam religionem amplexi dicuntur, & in paucos pagos ut commodius à religiosis institui possent sunt congregati, non ultra viginti sex leucas occupant in latitudinem; cætera adhuc inculca, ab infidelibus & nedum cicutatibus barbaris possidentur, *Lecandombus* nimirum: de quibus etiam antè diximus & *Pochuteccis*, & qui *Scalam* provinciam incolunt, similibusque ferocibus & indomitis populis, Regio montensis est, altis jugis & profundis vallibus, rara planicie,

cap. 5.

planicie, opacis lucis & densis nemoribus maxima sui parte horrens: media sui parte satis commoda cœli temperie gaudet. extremis valde fervet atque aestuat: Mosquitis (ita culicem speciem hîsc regionibus valde familiarem vocant) supra modum obnoxia, familiari regionum humidarum & calidarum peste. alioquin optimis fructibus, piscibus, cæterisque ad victum necessariis egregie abundans. Cœlum autem hic valde pluvium, ita ut fere novem mensibus continuis hic pluât, reliquis quoque tribus anni mensibus haud raro imbres decidunt; denique ita nubilus perpetuo obscuratur, ut Sol perraro hic erumpat. Verum lucis aliquot casibus, quum solum jam indies magis magisque patescat, rariores ascendunt vapores, faciliusque discurritur, unde & temperies aëris multum quotidie immutari dicitur. Altissima hic insuper sunt montium juga & profundæ valles & voragine multæ, regionesque crebris amnibus impeditæ. Innumeri fontes & salubrium aquarum scaturigines, licet nonnullæ acidiores aquas, quædam & ingrati saporis eructent, ob metallorum venas, per quas enituntur.

Haud longe à *S. Augustini* municipi inter duos montes spelunca visitur faxea, multorum hominum capax, ore patulo, intus obscura & plana, cum variis cavernis, quæ continuo liquorem quandam destillant, qui in saxum convertitur, candidum instar Alabastri, variasque molitur columnas & statuas, raro naturæ artificio: interiora tam acri & subtili frigore rigent ut ipsa ossa penetrare dicatur; ibidem & confusum aquarum defluentium murmur exauditur, quæ diversis torrentibus erumpentes, primum in profundam abyssum instar lacus se præcipitant, & conjuncto deinceps alveo amnem emittunt, statim ab ipso egressu cymbarum patientem.

Solum hujus provincie ob nimiam illam humiditatem maligne patitur triticum Europæum, Mayzium tamen fert bis quotannis, licet & ipsum non raro nimio humore corrumpatur & putrescat: gravibus ventorum tempestatibus, terræ moribus, tonitribus denique & fulminibus hic vexantur. Sylvæ ingentes cedros albas rubrasque alunt, ut & multas aromatisferas arbores, quæ suavem odorem de se fundunt, multas quæ Liquidambar, quæ Animen, quæ Xuchicopal, mastichen & sanguinem draconis, ut vocant officinæ, fundunt. Cannas præterea ingentes producit terra, & nonnumquam centum palinos altas & ita crassas ut singula internodia arobam aquæ mensuram Hispani notam) capiant: quibus indigenæ in ædificiis interdum pro trabibus utuntur. Arbores quoque quibus durissima est materies instar ferri, & putredini vel minimum obnoxia; & quibus verticolor est materies, quæ secta ad varios usus adhibetur. Florum odoratorum mira hic varietas, quibus apes pascuntur, quæ hic plurimæ & non unius generis: unæ quæ aculeis carent & limpidiissima mella; aliæ aculeatæ instar Europæarum, quædam & muscis non dissimiles, quæ non mala, aliæ denique quæ agrestia & cerebrum hominibus perturbantia mella consciunt: nullæ tamen harum favos operantur, sed mel suum sub arborum corticibus & ad earum radices in subterraneis cavernulis deponunt: unde liquidius quidem est mel sed acidiusculum: Hispani illud solent coquere, ita enim & salubrius fit & palato gratius, ad syrupum ex aurantiis aut cythris compositum quam proxime accedens.

Beori
animal.

Inter quadrupedes animantes, quæ hic reperiuntur, maxima est, quam barbari *Beori*, Hispani Dantam appellant; animal vitulo non absmile, sed cruribus brevioribus & Elephantis in modum articulatis; anteriores pedes quinque digitos sive ungulas habent, posteriores tantum quatuor; capite est oblongo, fronte angustiori, oculis pro mole exiguis, proboscide palmi longitudine supra os pendula; quum irascitur, erigit se & diducto rictu dentes suos ostendit, quos habet instar porcorum; aures illi acutæ, cervix contracta, cauda brevis & raris pilis obsita, pellis crassissima ita ut difficulter manu possit comprehendere aut ferro percuti; viciat gramine & silvestribus herbis; barbari Indigenæ vescuntur illius carnibus; & venæ sectionem se ab hoc animali edoctos memorant, nam ubi sanguinis nimia copia se gravari sentit, illico petrarum attritu, venas erurum sibi aperit & sanguinem derivat.

Nutrit & hæc provincia Leones, sed imbelles, stertunt totos dies in cavernis aut arborum fastigiis, è quibus noctu demum descendunt ad rapinam; celeres quidem sunt, sed timidi, & à barbaris crebro necantur, carne sunt candida nec insuavi, si barbaris credimus, qui illam in deliciis habent; atvinam autem in medicina adhibent,

bent, ossibus in festivitatis pro tibiis utuntur. Tigres hic longe majores & perniciosiores: olim miseros barbaros è tuguriis suis abreptos dilaniabant, quare tantopere illos metuebant, ut se coram illis posternerent & numinis loco venerarentur: nam & hic, perque totam Novam Hispaniam constans fama est, diabolum superioribus secularis forma hujus animalis se barbaris ostentare consuevisse, unde veneratio orta: Verum postquam Hispani hic sedes fixerunt, & barbaris Evangelii lucem ostenderunt, misso timore, Indi quidem sagittis, Hispani autem potissimum suis bombardis tantam stragem ediderunt, ut jam pauciores compareant, minufque metuantur.

Reperitur hic & aliud animal, urso corporis mole haud multum concedens, ceterum nigris villis, cauda lata, manibus pedibusque ad humanum pene modum, facie panda, glabra & rugosa & sinis naribus instar Æthiopum. Simile animal in Brasilia reperiri prodidit Thevetus, manus autem & pedes humanis similes illi non tribuit, sed de hoc alibi. Denique ingens hic simiorum & Cercopythecorum multitudo, sicuti & caprarum sylvestrium, porcorum, cynaceorum, armadillorum & similium ferarum. De avibus dicere nihil opus est, quas neque pauciores neque minus elegantes, quam Chiapæ provincia nutrit.

Nulla in hunc diem, quod quidem memoriæ proditum viderim, auri argenteve metalla hic ab Hispanis inventa, licet sæpius, levibus quibusdam indiciis ab Indigenis decepti, frustra in quærendo operam infumserint, præterquam haud longe à Freti
20 Dulci, ut statim dicemus.

C A P. VIII.

Reliqua hujus Provincia & Freti quod vocant Golfo Dolce descriptio.

Hujus provinciæ latus quod orientem solem adspicit, infiniri pene rivuli & torrentes, qui ex altis & nivosis montium jugis devolvuntur, intersecant, qui in alveos collecti amnes plures navigabiles efficiunt, leniterque & sine murmure per patentes & uberes campos labuntur, & à procerarum arborum ramis dextra leaque obumbrantur; fecundissimi omnis generis piscium, & illarum avium quæ
30 piscibus victitant. Omnes hi fluvii exonerant se tandem in Fretum quoddam longum & latum, quod versus Arctum vel aquilonem definit in mare sive sinum Hondurensis. Dulce autem appellatur hoc Fretum ab aquis suis dulcibus, licet turbidis & limosis; alit ingentes pisces & imprimis *Manatos* atque haud paucos *Crocodylos*. Juxta hoc fretum aurifodinam fuisse inventam, & sulphuris quoque venas deprehensas testatur *Antonius Herrera*.

Hispani nullum in hac provincia habent oppidum; quatuordecim tantum, aut ut aliis placet septendecim pagos; indigenæ & pauci Hispani ipsis permixti habitant, in quorum uno Dominicanum monasterium ædificaverunt. Indigenæ olim non minus quam reliqui Americani idiomate plurimum inter se differebant, nunc à religiosis & con-
40 junctim habitare & uni tantum se assuecere didicerunt; & non parum in urbanitate morum, & Christiana religione dicuntur profecisse. Modicæ sunt staturæ, bene compositis membris, moribus blandis & non invenustis. Marium numerus longe superat, nam foeminas hic minus vivaces esse, quam viros, observaverunt Hispani, causa occulta est: nam & nullo pene labore liberos suos pariunt, & sæpe solæ & in triviis, statimque se & infantem suum flumine abluunt; sunt fere inopes ob gossypii paucitatem, (quod & multoties ab humidiore tempestate ipsis corrumpitur) & multarum aliarum rerum defectum. Præcipuè illorum divitiæ sunt variarum avium elegantissimarum plumæ, è quibus varia ornamenta componunt; jam & alias artes mechanicas feliciter didicerunt. De antiquis illorum moribus, & institutis nihil attinet dicere, quum jam omnes
50 abdicaverint, præter solemnes choreas. Reguntur à Prætoro urbano, qui mittitur ad hanc provinciam à Conventu Juridico Guatimalensi. Rarissime adeuntur cōmerciorum gratia, licet montana Zarçaparilla, Chinæ radicibus, & Mechoacan passim scatent, multiq; cortices, gummi, resinæ, aliaque simplicia ad medicinam & alios usus idonea hic reperiantur; unus enim tantum & satis difficilis navigiis ad illos aditus per Fretum Dulce, & quod rei caput, nulla satis ampla utilitatis aut lucris spes affulget.

Quidam olim per hoc fretum in mare pacificum penetrari posse sunt opinati;

alii per idem in *Guatimalam* & maritimas provincias pertendere sunt conati; & superioribus annis id tentarunt Angli ducibus *Antonio Sherleio* & *Wilhelmo Parkero*, sed frustra: nam quum onerariis suis in alto relictis, cum minoribus cymbis & scaphis hoc fretum essent ingressi, & circiter triginta miliaria cum maximo labore nec minori molestia, ob culicum infestas punctiones, confecissent, per varios flexus atq; reflexus, tandem ad pagum quendam appulerunt, exiguo castello juxta posito munitum, caeterum tū vacuum cultoribus, & ē miseris barbaris qui in vicinia debebant, didicerunt, Mare Meridionale, secus quā sibi ipsis persuaferant, ab intimo hujus freti gremio, haud paucioribus quam xx leucis abesse; & iter ad provincias maritimas propter saltus & asperitatem montium qui interjacent impeditissimum esse; quare voti irriti & variis languoribus ob aëris insalubritatē supra modum afflicti, aegre ad naves suas redierunt.

G U A T I M A L A.

C A P. IX.

Descriptio provinciae quae proprie Guatimala appellatur.

PROVINCIA quae propriē *Guatimala* jam appellatur, aut Indorum idiomate *Quatuemallac* (quod nomen putrem arborem denotat) maritima est, patetq; secundum litus maris Meridionalis in longitudinē circiter leucas xvii; in latitudinē inter Austrum & Septentriones ut plurimum xxx. Solum hujus provinciae longe uberimum est & Mayzii atq; Gossypii feracissimum: non minus & Tritici nostri, aliarumq; frugum; licet frumentum hic admodum difficile in plures annos conservari scribant Rara hic quidem pluvia, sed quum ingruunt valde vehementes, praesertim à Mense Aprili in Octobrem. Venti hic ut plurimū perflant aut ab Austro aut ab Aquilone; sed ab hoc rarius, neq; supra quindecim aut viginti diebus continuis, iique valde frigidi & impetuosī. Multis montibus aspera est regio, multis annib; impedita, unde & venationi & piscationi peropportuna: Fructuum optimorum tam eorum quos regiones illae per se producunt, quam illorum quos Hispani ex Europa intulerunt, egregiē fecunda; *Cacao* vero proventu imprimis opulenta: Salis inopia hic laboratur, qui magno sumtu ex arenis quas unda marina lavit, in fornacibus magna flammarum vi excoquitur. Amnes praeter omnis generis pisces, ingentes alunt *Crocodylos*. Pascuis hic imprimis abundatur, unde multa hic praedia rustica, & numerosi armentorū greges; sed valitudine incolectum infamis habetur provincia ob nimium aestum pariter atq; humiditatem: Culicum incredibilis multitudo, qui noctū atque interdiu molestissimi sunt hominibus; muscae quoque & vespaē infinitae; frequentes scorpii, alique vermes crassi & hirsuti, qui solo contactu noxii & non raro lethales judicantur: & quos centum pedes vocant non minus formidabiles; (quanquam *Fr. Ximenez* qui hostice à Mexicanis *Coyayabual* appellari scribit, dicat hunc vermem siccū & aqua dilutum fractumque utiliter maxillis inungi ad dolores dentium mitigandos; esse autem vermem valde durum superiore parte fulvum, pedibus è candido purpurascens, quos habet quamplurimos, unde ad centum pedum species refertur.) Praeterea serpentes, viperae, aliaeque reptilia venenata. Apes hic plurimae quae mel album & ceeram conficiunt, nec tam acriter pungunt quam nostrates.

Fert haec provincia Balsamum, aliumque liquorem aromaticum instar olei (quem Gomara tradit è monte profluere) & sulphur absolutissimum. Praestantissimum deniq; Anir sive glastum, quod hujus provinciae nomine celebratur: De quo nobis hic pauca dicenda, in quem finem & ramulum illius cum foliis ad vivū & ea mole qua erat expressum hic adjungimus. Plantam ita describit *Fr. Ximenez*: *Xihuiquilril pitzahuc*, id est, Annir foliis subtilibus, est frutex ex una radice plures producens truncos, sex palmos altos, & digitū minorem crassos, rotundos & laeves, coloris cinericii; folia habens similia cicero; flores exiguos è candido rosos, è quibus nascuntur siliquae coacervatim è caulibus pendulae, quae similes sunt vermiculis quos vocat ascorides, crassiusculae & plenae semine nigro: (addunt alii semen accedere ad semen faenugraeci, utrimq; compressum & veluti praecisum.) E foliis fit tinctura quam barbari vocant *Tlacheoyl-mihuitl*, qua capillos inficiunt colore nigro. Modus autem conficiendi colorem illum caeruleum,

caruleum, quem Mexicani appellant *Mohuitli* & *Tle-cobuilli*; & Castellani *Azul* (vulgo annil) ita se habet: Indunt folia decerpta xico vali & affundunt aquam calidam vel potius tepidam (licet quidam magis probent frigidam) & versant valide, donec aqua tingatur, quam deinde sensim effundunt in aliud vas sive ollam, cui foramen est in superiori parte, è quo effluit aqua magis clara, turbida autem & quæ hausit substantiam foliorum subsidet; ea porro colatur per sacum cannabinum, & crassa substantia exponitur soli & formatur in placentulas, quæ in patenis impostæ prunis indurantur & siccantur. Hæc ille.



Sed apud Indos veros qui in oriente inter Indum & Gangem degunt, modus eliciendi hanc tincturam longe operosior est, quem hic adicere necessarium putavi. Plantam sectam conjiciunt in oblongam cisternam ad id paratam, & multis saxis superinjectis depriunt, atque diluunt & operiunt pura limpha: ita compressa & cooperta relinquitur ad aliquot dies, donec aqua colorem & substantiam omnem herbæ extracterit & imbibet: tunc aquam hanc in aliam cisternam rotundam, in cujus fundo alia minor itidem orbicularis structa est, emittunt; agitantque bacillis valide, & despumant sensim liquidam; atque id tantisper, donec aqua omnis despumetur, & feces atque crassior substantia in fundo subsident: hanc exenitam super pannos extendunt & siccant ad solem; ubi autem jam paulum indurari cepit, in orbiculos, aut laminas aut pastillos cogunt; & rursus super arenam porro indurandam projiciunt, nam omnis alia materies colorem ebiberet aut vitia-
rer. Maxima autem copia notissimæ hujus tincturæ ex Guatimala & vicinis provinciis per portus Honduræ infertur Europæ opulentissimo commercio.

Porro provincia hæc dirimitur à *Suchitepec* & *Guafacapan*, *Michatoya* flumine, quod è lacu *Amitatan*, quatuor ab urbe *S. Jacobi* leucis, se præcipitat ab altissimis rupibus in profundam & concavam cavernam, in cujus superiore parte infiniti psittaci nidulantur, grandæque & noxii vespertilioes, qui & vitulos enecant exsugendo illorum sanguinem, neque hominibus si dormientes offenderint, parcut: atque horum tantus est numerus, ut ob damna quæ quotidie pecori inferunt, indigenæ vicina prædia deferere fuerint coacti.

Indigenæ hujus provinciæ valde sunt pusillamines & abjecti; lingua Mexicana omnibus communis, licet propriam habeant. Plus quidem quam reliqui barbari in religione Christiana & civili conversatione profecerunt, verum si metus absit, rursus facile ad gentiles suos ritus & barbaras consuetudines relabuntur. Mares rudiores sunt, sed optimi sagittarii; femine paulo urbaniores & nendi peritissimæ.

In regione hujus provinciæ quæ *Nestipaca* dicitur, lacus quidam sunt, quos è sulphureis venis scaturire, aquarum gravis odor manifestat; & sulphuris fragmenta juxta ripas coagulata; pascua autem quæ hos lacus ambiunt & rivulos ex iis accipiunt, egregie nutriunt equos, & ex gracilibus & invalidis reddunt robustos & pingues.

Anno primum clesio xxv hæc regio à *Petro de Alvarado* domita & in provinciam fuit redacta, ipsoque superstite multum floruit; verum ipso extincto multum remisit de pristino splendore, quem tamen postea commerciorum opulentia recuperavit, ut hodie felicioribus provinciis annumeretur. Unicum tantum portum eumque non satis tutum huic provinciæ tribuit *Herrera*, quam vocat *Tzapam*; in quo ipsum falli manifestum est, nisi intelligat de portu aliquo ad mare Septentrionale, ad quod tamen hæc provincia non pertingit; alibi autem *Tzapæ* fluvii & portus meminit, haud longe à fluvio *Gryalvæ*, per quem olim merces Europæ ad hanc provinciam subvectas fuisse vetus simile est, priusquam Fretum dulce aliique aditus Hispanis innotuissent: de portubus ad mare Meridionale mox dicturi sumus.

Provincia Yzalcos uti hodie ab Hispanis appellatur, particularis descriptio.

PROVINCIA *Yzalcos* capit initium à flumine *Guacapa* & terminatur ad *Gueymacum* & oram maritimam quæ vulgo *Tonala* dicitur. Pater in longitudinem secundum oræ maritimæ ductum leucas octodecim: Solo atque cælo provincie *Guasacapan* plane similis, earundemque rerum abundantia & præsertim *cacao* 10 fructibus nobilis. duas præterea fructiferarum arborum species nutrit, quas *Zicaras* & *Capotes* appellat *Herrera*; quæ fructus ferunt instar pinearum nucum, quibus viginti quinque & interdum triginta amygdala continentur. *Fr. Ximenez*, quem libenter sequor, describit arborem, *Cochiz Tlapost*, quam dicit esse arborem grandem, deformem; foliis aurantiæ mali, raris & ternis per intervalla; trunco variegato notis quibusdam albis; floribus flavis & exiguis; fructumque ferre forma mali coronei & interdum eadem mole, (qui Hispanis dicitur Zapote blanco,) edulem & grati saporis, verum non admodum salubrem; ossiculum autem illius esse lethale venenum. Hanc suspicor eandem esse quam *Herrera* vocat *Capoten*, licet hic nihil de amygdalis, quas ad alteram referendas puto; quanquam quæ altera illa sit quam *Zicaran* vo- 20 cat nondum invenerim; nisi forte sit illa quam *Fr. Ximenez* Mexicanis scribit vocari *Tzopilot* & *Tzopilotsontecomatl*, quæ est arbor grandis, foliis longis & angustis; fructu longo & grandiusculo, qui continet ossicula quædam amara, pectori salubria, sapore amygdalarum amararum, muscum redolentia, licet tandem saporem putridum post se relinquant; è quibus trahitur liquor quidam oleosus & emolliens, quique facultates dictarum amygdalarum videtur obtinere. *Cacao* quidem in hisce regionibus tantus est proventus, uti fructus qui quotannis in Novam Hispaniam vehuntur; quique in usus domesticos adhibentur, in quatuor hujus provincie municipiis, ad summam quingentarum cargarum, uti vocant, ascendant; horti autem in quibus hæc arbores coluntur, nonnulli duo milliaria occupant. Atque hos quidem fructus per 30 *Contlas*, *Xequipiles* & *Cargas* numerant, quarum *Conse* quadringentis amygdalis, *Xequipil* ducentis contis aut octo millibus amygdalarum, *Carga* denique tribus *Xequipilibus* definitur: atque ad eundem modum etiam ceteras res numerant.

Habet hæc provincia Vulcanum sive flammivomum montem, cui hisce quinquaginta proximis annis (quum scriberet *Herrera*) supra viginti stadia de fastigio decreverunt: nonnullis annis tantam cinerum copiam evomit, ut vicinas valles longe lateque cintribus contegat, & *Cacao* hortis & viridariis grave inferat damnum, præsertim versus Austrum, ubi solum magis declive est: plurimi torrentes ab hoc monte descendunt, quorum quidam potabiles, alii noxii & grave olentes: quidam etiam quævis injecta lapidea crusta inducit, juxta pagum hujus provincie, quem 40 vocant *Tupam*.

Ab *Yzalcos* trium leucarum itinere ascenditur ad locum quendam *Apaneca* dictum, frigidiusculum quidem, optimorum tamen granatorum aliorumque fructuum Hispaniensium, & præsertim tritici feracissimum: juxta hunc *Ataco* incolitur, ejusdem pene cæli & soli, venationeque ferarum celebris: in montanis reperiuntur ea animalia in quorum visceribus Bezoar gigni dicitur: & urforum parvulorum quædam species, qui rictus loco in extrema proboscide foramen habent parvum & rotundum, è quo linguulam, æretem, oblongam atque intus concavam exserunt, qua mel assorbeant, aut melle deficiente, eandem juxta formicarum antra arundinis in modum exporrigunt, & incautas formicas miro astu attrahunt atque deglutunt: 50 damæ præterea versicolores, aliaque animalia, & feræ quoque hominibus infestæ.

Multæ hic herbæ nascuntur salubres & ad usum medicinz comparatæ, arboresque quæ *Mastychen*, sanguinem Draconis & Animen fundunt.

Ataco proxima est *Guacapa*, regio non minus fertilis, ubi forminz barbaræ, optima vasa argillacea, nulla licet instrumentorum ope adjunctæ, efformant: eaque limbo quodam rubicundo instar Coccinillæ, qui in rivulis ibidem reperitur, elegantissimo colore

colore inficiunt: sunt qui limum hunc bolo Armeniæ comparent, & eundem suspicentur: nam & porus dysenterici medetur, & adversus pestilentes morbos insignis censetur antidotum: alii rivuli similem limum sed nigrum devehunt, quo vasa sua ad eundem modum pingunt. Quodam etiam loco, quem Indigenæ Infernum vocant, aqua ebullit fervidissima, miro murmure & vario colore; nam hic turbida, alibi limpida, istic rubicunda, & aliis locis flava aut varie colorata erumpit, prout at venis metallicis, quæ in visceribus terræ latent, tingitur: vapor autem qui exhalat, in bitumen quoddam conerescit: barbari autem ollas suas scaturiginibus admovent ut ebulliant. Ex omnibus hisce scaturiginibus gignitur amniculus, quem à re ipsa calidum vocant, nam illius aquæ pene integrum milliare ab origine ita calorem suum servant, ut equorum & aliorum animalium crura adurant: ad montium radices adhuc plures ejusmodi fontes visuntur; inter alios lapis quinque ulnas Hispanicas longus, tres latus, & per medium fissus: è cujus fissura fumus evaporat, & si propius accedas inconditum murmur auditur, tempestate autem ingruente etiam horrendus fragor. Montes ferunt procerissimas quercus, quarum glandes tam patentes calices habent, ut atramentariorum vicem suppleant.

Scorpiones hic inveniri tradunt cuniculorum magnitudine: bufones autem ranis paulo minores, qui arborum ramis instar avicularum insulant, & pluvie tempore ingentem strepitum excitant. Denique formicæ hic visuntur grandissimæ, quas Indigenæ vulgo comedunt, & in foris venales habent.

SAN SALVADOR. SAN MIGUEL. CHULUTECA.

C A P. XI.

Specialis descriptio harum provinciarum, & eorum que habent peculiaris.

PROVINCIA quæ hodie *S. Salvadoris* nomine gaudet, initium suum sumit à pago *Atiquizaya*, soli fertilitate præcedentibus neutiquam inferior. Indigenæ hic è certis graveolentibus & vitulentis vermibus efformant certos pastillos, quos ad varios medicinz usus usurpant; uti adversus tumores è causa frigida, aliosque ejusdem generis affectus.

Guacapa annis oritur in hac provincia, & circiter septem leucas à fonte suo progressus, fit grandis & navigabilis, arque post tredecim leucarum lapsum miscetur Oceano Meridionali: ita ut nullum aliud Americæ flumen tam exiguo intervallo tantas aquas colligat aut emittat.

In agris municipii *S. Anne*, duo lignorum genera cæduntur, quorum uno tingitur color quem vulgo vocant *Leonado*, altero elegantissime cæruleus. Ad radices autem Vulcani cujus supra meminimus, haud procul à *Coatan*, lacus se colligit admodum altus, immanibus crocodylis scatens: in cujus medio jacet exigua insula; barbari *Pipeles* dicti, in vicinia degentes, credebant nulli mortalium fas esse illam adire, sine manifesto præsentis mortis periculo, donec Hispani ipsis hanc credulitatem ademerunt, aliquot Nigritas ad insulam mittentes, qui ratibus compactis lacum trajecerunt, ibidemque repererunt idolum quoddam saxeum, sæminæ formæ; atque ad immolandum comparatas; quo factum ut barbari omnem metum, locique venerationem abjicerent.

In finibus *Guaymoco* pagi, plurimæ nascuntur arbores, quæ balsamum edunt; universæque ora, quam *Tonalam* vocant, nutrit arbores admodum firma atque ponderosa materie, è qua in quodam templo reperiuntur columnæ quinquaginta pedes altæ. Indigenæ liquorem Balsami colligunt ætate cortice trunci leviter adusto; Hispani autem per se emanare sinunt: fert arbor illa fructus amygdalis similes, quibus inest succus aurei coloris.

Angusta à hoc loco semita pertinet ad oppidum *Sancti Salvadoris*, & àmnis quidam plus quam sexagies transvadandus est, ad radices usque ingentis Vulcani, qui deficiente, ut verisimile fit, materie, nullis amplius flammis emicat; immani cæterum crateri & dimidiam leucam ambitu complexo, vastaque altitudine: in cujus descensu duo veluti furna conspiciuntur, quorum extrinsecus etiamnum densissimum fumum emittit, tani gravis odoris, ut propius accedentes animo non raro delinquantur.

Mons hic ab imis radicibus ad fastigium usque oblidetur ingentibus cedris, pinisque: & passim videntur ambustæ materies veteris incendii indicia.

Nixapa.

Tres porro ab hoc Vulcano leucas abest *Nixapa* pagus, ubi ramentum cernitur aridi montis (Hispani vocant *el mal payi*) è saxis atque ambustis glebis accumulati, atque adeo materie, quam prædictus Vulcanus haud dubio quondam eructavit, quoniam alterius Vulcani vestigia nulla in vicinia comparent; quod tamen in tanto intervallo fere monstri simile possit videri, nisi ab alio in valle civitatis *Sancti Iacobi de Guatemala*, integros ignitorum saxorum montes longe reiectos recens admodum memoria esset; & in *Nicaragua* provincia, superiore seculo, flamma è novo Vulcano erumpens, integrum montem ingenti ruina super vicinam vallem ita effudisset, ut totam oppleret & incolas omnes subito vivos inhumaret.

Ab hoc autem Vulcano scatebræ emanant optimarum aquarum, quæ juxta *Nixapam* in unum se colligunt alveum: ab eodem & mirabilis torrens descendit, qui noctu fluens, interdum prope montem *Sancti Joannis* veluti absorbetur; aliusque non multum dissimilis visitur in provincia *Chuleseca*, ad meridiem usque scaturiens & post meridiem arefcens.

Cuzcatl.

Ad radices denique hujus flammivomi montis, hodieque visitur antrum rotundum, (craterem fuisse olim, diuque arsisse faciunt fidem adusti lapides & solum in ambitu aridum atque effortum) è quo fons limpidissimus erumpit, ex quo *Cuzcatani* pagi incolæ, qui juxta jacet, suas aquas hauriunt; nec longe ab hoc abest ipsum oppidum *S. Salvatoris*, de quo nobis sermo est.

Secundum oram maris Australis, ad fluvium *Lempa* usque (qui hanc provinciam à provincia *S. Michaelis* determinat) regio omnis plana est & campestris, pécorique aptissima: Sub ipso autem Vulcano de quo modo, quatuor numerantur barbarorum pagi, qui uberrimo *Cacao* proventu certant cum provincia *Tzaleos*; ad Septentrionale vero ejusdem latus jacet vicus *Tilepeque*, scaturiginibus aliquot aquarum nobilis, quæ sulphur & alumen generant, itemque campis nobilis qui plurimas herbas medicinales producant.

Chontales.

Ab hoc loco incolunt *Chontales*, gens aspera & immanis moribus, cujus ingenia ab asperis montibus & solitudinibus adhuc magis asperantur. Nec procul hinc *Lempa* amnis è lacu quodam egressus, ad oceanum devolvitur navigabili alveo, per amonem solum & venatione & piscatu dives; nisi quod cælo utitur ferventiori ideoque insalubri. Juxta ripas hujus fluminis quædam crescant arbuta, quæ & suavissimos flores ferunt & odoratissimum gummi, eo non inferius neque multum dissimile, quod Beniuin vocatur.

Mimilla.

Tribus autem à lacu leucis aditur pagus *Atimilla* quondam *Pipelinum* atque aliarum gentium sacrarium; ubi duæ scaturigines exiguo intervallo discretæ, una pene ferventes, altera frigidas aquas, effundunt; multa præterea hic nascuntur simplicia quæ aromatum vice in cibo atque potu ab indigenis usurpantur; effoditurque terra quædam instar Chalcanti, è qua atramenta in hisce regionibus componuntur. Non longe denique à *Cecori*, qua regio hæc versus aquilonem divergit, vastus se supra vicinos mons attollit, cujus verticem occupat lacus profundissimus & magnus, è vicino fonte sese colligens.

Cecori.

Denique in hisce regionibus frequens est damarum quoddam genus, duplici ventriculo ab Authore naturæ donatum, quorum uno cibos digeri, altero putrida ligna recipere observatum fuit, quem in usum, incertum, licet natura nihil frustra facere credenda sit. Barbari indigenæ vescuntur horum animalium carnibus, licet viscosiores sint & haud dubio admodum insalubres.

C A P. XII.

Oppidum S. Iacobi de Guatemala harum provinciarum principale.

HACTENUS provincias aliquot conjunximus ob vicinitatem, nunc oppida quæ ab Hispanis habitantur prosequemur: Quorū facile princeps urbs *S. Iacobi de Guatemala*, utpote Metropolis hujus Præfecturæ & Conventus Juridici sedes. Abest autem ab Æquatore quatuordecim gradus & triginta scrupul. versus Arctum

dum: à Meridiano Toletano versus Occidentem gradus tres supra nonaginta. ut *Herrera* annotavit: duodecim, vel ut alii volunt quatuordecim leuc. à Mari Meridionali. Sita est in medio convallis, quæ ab amne intersecatur; inter duos flammivomos montes; quorum unus urbi vicinus, alter abest duarum leucarum intervallo, in vertice præalti & rotundi montis: qui ut plurimum densissimum fumum exhalare, nonnumquam ignes cineresque evomere & adustos lapides ejaculare solet; ubi autem ignis consistere cæpit, terra in ambitu graviter & crebro movetur.

Frequentia hic sunt fulgura atque tonitrua; aër tamen haud minus hic salubris: Solum inter perfectundum, bonumque pecori & armentis, quorum maxima hic copia: Ager Mayzii ita ferax, ut in patentioribus & riguis arvis quingentos modios pro uno reddat, alibi pauciores, nusquam, ut ajunt, minus centum. Arborum fructiferarum ingens copia, ita ut merito hujus oppidi ager suburbanus inter amœnissimos numerari possit. Oppidani Hispanicæ gentis ab *Herrera* sexcenti numerantur, præter barbaros & mancipia. *Chiltonus* Anglus qui anno c13 l5 LXX hac iter habuit, numerum prodit longe minorem, nec supra sexaginta Hispanos tum oppidum dicit incoluisse. Ministri regii hic ut plurimum agunt; itemque Episcopus, qui suffraganeus est Archiepiscopi Mexicani: hic & monasterium Dominicorum visitur, itemque alterum fratrum quos vocant *de la Mercede*; & Hospitale: denique hic metalla omnia liquantur, fundunturque. Agrum autem Diocesanum viginti
20 quinque millia barbarorum dicuntur incolere.

Distat hoc oppidum à Metropoli Mexicana leucas ducentas & septuaginta, per molesto itinere, quod per duas solitudines agitur, quatum una à *Guanaca* ad *Tecoantepequen* quadraginta quinque; altera vero à *Tecoantepeque* ad *Saconscum* sexaginta patet in longitudinem leucas. A medio autem May ad medium Novembrem iter hoc fere invium est ob assiduas pluvias, uligines, atque stagna. A *Guaacaleo* verò, qui locus jacet ad mare Septentrionale, abest leucas ducentas; itinere item impedito & tortuoso; olim tamen ab hoc portu merces perebant Europæas, magno sumtu & longe majore molestia: nunc longe compendiosiore via per vallem *Naco*, (quæ tantum leucas quinquaginta distat ab hoc oppido *S. Jacobi*) easdem subvehunt à sinu
30 *Hondurensi* petitas.

Hoc oppidum anno c13 l5 xli horribili tempestate pene totum concidit, quæ ex Vulcano (quem oppido imminere supra diximus) intempesta nocte ex improvviso eruperat: magnam quippe aquarum diluviem, ingentia saxa atque integras arbores radicibus evulsas secum dovulvens, tanto impetu oppidum irrupit, ut ædificia prosterneret, multosque mortales obrueret & misere suffocaret; atque inter alios Præfecti & primi harum provinciarum Domitoris Vi-
40 duam, (de cujus miserabili exitio varia à variis auctoribus produntur, nec inter se consentientia;) Verùm oppidum postea restauratum, novisque colonis auctum, ob commercia cum Veraguanis, aliisque gentibus, auro aliisque divitiis hodie pollere dicitur.

C A P. XIII.

*Oppidum S. Salvador, municipiaque la Trinidad, S. Miguel
& Xeres de la Frontera.*

OPPIDUM quod hodie ab Hispanis *S. Salvador* appellatur, ab indigenis olim *Chucacatan* sive *Chucatan* dicebatur: distat ab Æquatore versus Septentriones tredecim gradibus & paucis scrupulis; ab oppido *S. Jacobi de Guatemala* quadraginta leucis versus Eurum; ab Australi denique Oceano & portui qui vulgo *Acaxutla* nominatur septem. Ad hunc portum naves omnes à Nova Hispania solent appellere, merces suas exponere, & *Cacao* aliosque hujus provincie fructus rursus accipere. Ager suburbanus frugum fertilis est, cælumque temperatum & per salubre. *Chiltonus* scribit hanc primariam hujus provincie urbem esse, quæ barbaro & antiquo nomine hodieque *Sonfonate* appellatur; & quoniam illac transiret à sexaginta Hispanis fuisse habitaram. Dominicani hic monasterium habent. Haud procul ab oppido lacus visitur, quatuor quinqueve leucas ambitu suo occupans, piscium haud-
50 quaquam

quaquam fecundus; Indigenæ provectioris ætatis narrant hunc lacum incredibilis magnitudinis angues olim aluisse, qui tamen hodie minime comparent.

Municipium Hispanis la *Trinidad*, barbarorum lingua communiter *Sonsonate* dicitur & idem nomen vulgo toti provincie impartitur; abest ab oppido *S. Jacobi de Guatemala* leucas sex & viginti; quatuor autem à portu *Acaxutla*, versus Africum. Situm est in agro uberrimo & *cacao* imprimis fecundo: Emporium est hujus provincie singulare, ad quod è Peruvia & Nova Hispania merces subvehuntur; Dominicani monachi hic cœnobium habent; sed barbari qui in agris degunt ad Diercesim Guatimalensem referuntur.

S. Michaëlis municipium sexaginta duas leucas abest ab oppido *S. Jacobi* & viginti 10
duas ab oppido *S. Salvatoris* versus Eum: duas denique à litore Maris Australis & sinu *Fonseca*, qui municipio huic portum præbet; circiter octuaginta barbarorum indigenarum vici hujus municipii finibus dicuntur concludi.

Municipium *Xerez de la Frontera*, quod barbari vulgo provincie ipsius nomine vocant *Chulusecan*; situm est in extremis Præfecturæ Guatimalensis finibus, ad limitem præfecturæ *Nicaragua*, pene octuaginta leucas à Metropoli *S. Jacobi de Guatemala*, viginti aut saltem octodecim à municipio *S. Michaëlis* versus Euroaestrum, in uberrimo agro & Gossypii atque Mayzii aliarumque frugum feracissimo.

C A P. XIV.

Portus & stationes hujus Præfecturæ, totaque ora maritima ad mare Australe. 20

P O R T U S Præfecturæ Guatimalensis, præter paucos jam ante commemoratos, sunt ad mare Australe, primum *Sinus Fonseca* haud longe à municipio *S. Michaëlis*, distans ab Æquatore duodecim gradus & dimidium versus Arctum; anno 1610 xxxi primum aditus ab Ægidio Gonzales d'Avila & in honorem Joannis Roderici Fonseca Episcopi Burgenis & Consilii Indici in Hispania tunc præsidis, ita nominatus; in gremio sinus jacet parva insula, quam idem Ægidius appellavit *Perranillam*. Hispani olim quum commercia inter utrumque Oceanum, quam brevissimo & expeditissimo itinere satagerent aperire; anno 1610 xxxv deduxerant 30
Coloniam in vallem *Naco* (de qua non dicemus) & ab omni appellaverant *Bonam Spem*; Regique Hispaniarum per litteras significaverant, municipium illud opportunissimo loco situm esse inter portum *de Cavallos* in Præfectura Hondurensi & sinum hunc *Fonseca*; quippe tantum quinquaginta leucas interesse, itinere maximam partem expeditissimo, paucis locis asperis exceptis, quæ facili negotio complanari possent, & viæ inter saltuosos montes aperti; atque ita commercia inter utrumque mare, atque adeo compendiosius & utilius inter Hispaniam & Peruviam exerceri, quam per isthmum panamensem: quod facilius & tutius navigatio esset, tum ab hoc sinu ad Peruviam, quam à Panamæ portu, tum etiam à portu *de Cavallos* ad Hispaniam quam à *Nombre de Dios*, denique Sinum Fonseca longe meliorem 40
& tutiorem esse portum, quam sit Panamensis; itaque rogabant Regem ut hac via commercia inter utraque maria geri præciperet; sed hætenus id nequaquam persuaserunt. Credo quod aliz difficultates sese aperirent, quæ ab iis qui suo commodo aliqui Principibus suggerunt, fere præteriti solent. *Fullerus Candischii* naucerus observat, in Fretto Fonseca (ita vocat hunc sinum) decem insulas sparsas esse, quarum quatuor à barbaris habitentur, & aqua, ligno atque sale abundant: ad occidentale autem hujus sinus latus Indorum pagum esse, *Mapal* dictum, qui armentis abundet.

Sinui Fonseca proximus jacet portus *Acaxutla* haud longe à Sonsonate sive municipio *Trinitatis*, duodecim gradibus ab Æquatore versus Arctum ut annotat ab *Herrera*, ut autem vulgo in Tabulis Hydrographicis designatur, tredecim. Hic præcipuus hujus Præfecturæ est portus & navigiorum ex Peruvia & Nova Hispania ap- 50
pulsu maxime frequens.

Ab hoc portu ad sinum *Guatimalæ* xii numerantur leucæ, tendendo versus occidentem; à sinu vero *Guatimalæ* ad fluvium *Acalapam* leucæ septem.

Ad Mare Septentrionale hæc Præfectura nullum habet portum, quum extremi illius limites ad minimum quadraginta leucæ ab illo Oceano absint: merces tamen 60
Europæ

Europæ per Fretum dulce, ut vocant, ex intimo Hondurensis sinus gremio subvehuntur ad mediterraneam stationem, quam vulgo *El puerto de Golfo Dulce* appellant, atque inde terrestri itinere ad oppidum *S. Jacobi de Guatemala* & reliqua hujus præfecturæ oppida.

Denique XII ab oppido *S. Jacobi* leuc. juxta viam quæ ducit ad Novam Hispaniam, *Atitlan* lacus visitur, x leucas ambitu suo comprehensens, patensque in latitudinem quatuor, inexploratæ altitudinis. Atque hæc de Præfectura Guatemalensi.

H O N D U R A .

10

C A P . XV.

Præfecturæ Hondurensis limites, Cæli solique qualitates.

PROVINCIA & Præfectura *Hondura*, uti ab Hispanis communiter appellatur, fines habet ad Orientem quidem *Teguicalpam* provinciam, quam Hispani hodie vocant *Novam Estremaduram*: ad Eurum autem *Nicaraguam* & illius oppidum *Segoviam*: ad Austrum atque Africanum Præfecturæ Guatemalensis provincias: ad occidentem *Veram pacem* & *Fretum Dulce*; ad Septentriones denique Oceanum Septentrionalem. Patet inter ortum & occasum in longitudinem secundum ejusdem oceani
20 litus leucas centum & quinquaginta; in latitudinem plus minusve octuaginta; à dicto mari ad provincias quæ Mari Australi alluuntur.

Solum hujus provinciæ, aut erigitur in altos montes, aut subsidet in amœnas & fecundas valles, quæ quondam indigenis fuerunt frequentissimæ, nunc ob intestina bella & mutua excidia à rarioribus barbaris incoluntur: rarissimæ hic planities visuntur. Agri non modo Mayzil, (quod ter in anno, uti & pisa, serere dicuntur & metere) sed & tritici fertiles, & pascendis animalibus idonei. Auri arque argenti metalla in visceribus terræ abscondita, licet indigenis olim aut ignorata aut neglecta. Denique omni annonæ genere abundat regio, imprimis melle arque cera. Fert autem hæc regio ingentem pulcherrimarum cucurbitarum copiam, quæ quum ab iis qui primi hujus provinciæ oram lustrarunt in mari fluitantes essent deprehensæ; mare hoc *Golfo de Hibueræ* & provinciam ipsam *Hibueram* appellantur, (Insulares enim Hispaniolæ cucurbitas appellabant *Hibueras*;) sed postea ab altitudine maris juxta præcipuum hujus provinciæ Promontorium, *Honduræ* nomen provinciæ impositum, quod
30 priore illo obsoleto hodieque perennat.

Præcipuus hujus provinciæ fluvius *Haguaro*, qui haud longe ab oppido *Truxillo* labitur, grandis & amœnus: ad utramque ripam adfident plures barbarorum pagi; quorum agri bene culti, utpote qui è fluvio opportune rigantur. Cæteri amnes sunt minores, quorum unus qui *Chamalucon* à barbaris vocatur, *Commyaguam* præterlabitur, intersecatque suburbanum agrum *S. Petri*: alter appellatur *Vlva* qui viginti leucarum spatio per amœnissimas ripas & bene cultum atque habitatum solum in Oceanum Septentrionalem descendit. Omnes autem hujus Provinciæ fluvii statim anni tempestaribus ripas suas egrediuntur, & vicinis agris se superfundunt, atque ita non modo pascua, sed & hortos atque viridaria rigant atque sæcundant: quod ut plurimum circa festum *S. Francisci* aut *S. Michaelis* solet accidere.

Haguaro fl.

Chamalucon. Vlva fl.

Veteres harum regionum indigenæ solum longioris fodiebant, supra & infra recurvis, quo facilius manibus pedibusque anniterentur: admodum tamen parce seementem faciebant (mira quippe gentis socordia arque segnitiei) quare ut plurimum aut cum fame luctabantur, aut variis radicibus, omnisque generis animantibus etiam impurissimis vesciebantur. In Symposiis suis Melicrati quodam genere ad ebrietatem
50 usque abutebantur, ebriique multis scelcribus & abominandis vitiis sese polluebant: primoribus solis tum *Cacao* potu licebat uti, nunc omnes promiscue illum usurpant: & Hispanorum consuetudine civilius & cultius didicerunt vivere, & gravioribus flagitiis abstinere. Variis & diversis linguis utebantur, *Chontalium* tamen maxime erat inter eos communis, ferè gentis & moribus maxime inculcis: Annum octodecim mensibus designabant, *Toalar* sua lingua appellantes, quasi dicas rem fluxam & vertentem; menses singulos viginti diebus absoluebant, licet noctium vocabulo distinguere

guerent, quod hodieque Anglis & alijs quibusdam nationibus Europæis per familiare est: Annum quadraginta diebus ante nostrum inchoabant, ita ut primus tertii eorundem mensis dies in Caleudas nostras Januarias incidere.

Bartholomæus de las Casas Episcopus Chapensis in sua ad Carolum V Imperat. querela, asparè desier, duas myriadas animarum intra paucos annos in hisce regionibus ab Hispanis fuisse extirpatas, ita ut in magnis hisce & amenis provinciis rarissimi hodie reperiantur indigenæ; qui autem superant, fere vestigales sunt Hispanis & iis pro tributo pendunt pallia gossypina; mel quod è concavis arborum truncis & subterraneis scrobibus erunt, Chilen sive Axi & Baratas:

Hæc provincia hodie suum habet Episcopum; quatuor Hispanorum oppida & 10 duo municipia, de quibus ordine dicetur.

C A P. XVI.

Hondurensis Præfecturæ oppida, Valledolid, Gratiæ à Dios & S. Pedro.

PRÆCIPUUM hujus Præfecturæ oppidum *Valledolid*, (quod barbari sua lingua vocant *Commyaguam*) distat sexaginta leucas ab oppido *S. Jacobi de Guatemala* versus ortum, & circiter quadraginta ab ora maritima Oceani Septentrionalis, ut mirari subeat, quid *Herrera* in mentem venerit, illud ad decimum sextum altitudinis septentrionalis gradum describere, quum portus *de Cavallos* maritimum oppidum ad decimum quintum ejusdem altitudinis gradum collocetur. Sicum est autem in pulcherrima & peramœna valle; sub cælo admodum temperato & imprimis salubri: ager abundat pecore atque armentis, mirabili incremento: in finibus repperitæ sunt opulentæ argentifodinæ. In hoc oppido Præfectus provinciae, ærarii regii quæstor, cæterique regii ministri ut plurimum habitant: huc metalla quæ in vicinis provinciis effodiuntur, eliquanda subveluntur. Hic Cathedralis Ecclesia & Episcopi domicilium fuit ab anno c1o 1o LVIII, à Truxillo huc traducta: denique cœnobium monachorum quos vocant *de la Mercede*.

Franciscus de Monteio hujus provinciae Præfectus jam ab anno c1o 1o XXXIX per Legatum suum *Alfonsum de Carceres* coloniam Hispanorum in municipium *S. Mariae de Commyagua* deduxerat, loci opportunitate pellectus; quippe ab hoc municipio duodecim numerabantur leucæ, itineris expediti & carris peridonei ad pagum quendam barbarorum: quem annis præterlabitur, duodecim itidem leucarum itinere lintribus navigabilis ad portum *de Cavallos*; adeo ut municipium hoc ab utroque mari viginti sex leucas utrimque abesse contingeret. Tam opportuna sedes visa, ut municipi Regi Hispaniarum suggererent, hunc locum maxime idoneum esse commercii utriusque maris magno compendio & summa utilitate commutandis; nam & navigationem à portu aliquo ad Mare Australe longe expeditiorem, & breviorum tractum esse ad Peruviam Metropolin Limam, quàm à Panama; & quum Isthmus inter *Nomen Dei* & *Panamam* valetudine cômceptum infamis esset & multorum exitio funestus; hic contra & aërem salubrem, solum fecundum & annonæ omnis generis abundantia cômmentibus peridoneum; quum & tritici fertile sit & vitium non maligne tollerans: Pecori optimum ob pascua gramine læta & crebris torrentibus rigua; denique quod rei caput erat, ditissima auri metalla magnam opulentiam spem ostenderet, & municipium hoc in amœnissima valle & quatuor leucas lata conditum, omnibus terrarum frugibus abundare; venationeq; cervorum, cuniculorum & ejusmodi animantium excellere. Hæc tum jactata. Haud procul ab hoc loco postea oppidum *Valledolid* conditum fuisse, verisimile est, inter duo maria, quæ hic tantum tribus supra quinquaginta leucas à se invicem separari dicuntur, à portu de Cavallos ad Sinum *Fonseca* subducto numero.

Movit superiorum & haud dubio recentiorum iterata suggestio Regem Philippum, ut Joannem Baptistam Anronellum, artis Geometricæ & muniendorum locorum peritissimum, locorum situs & viarum compendia coram juberet inspicere; qui omnibus diligenter lustratis & mature ponderatis, retulit, plurima esse quæ impediunt, opere perficere, quæ verbis jactarentur, atque ita desitum est de novo hoc itinere amplius deliberare.

Gracias

Gracias à Dios alterum hujus præfecturæ oppidum distat à Valledolid triginta leucas pene versus occidentem; anno quidem c1o 1o xxx conditum à Tribuno milirum *Gabriele de Roiaz*, ad necessariam metallicorum, qui auri metalla in illo tractu eruebant, defensionem; sed quum crebris & inopinatis vicinorum barbarorum excursionibus se impare cerneret, nec à Præfectis Honduræ & Nicaraguar, ut par erat, auxilia submitterentur, rursus ab ipso fuit derelictum: anno autem c1o 1o xxxvi denovo à Gonfaluvo de Alvarado caput restaurari. Conditum est super asperissimum clium: Oppidani colendis agris & tritico ferendo dant operam; in defesso utique ob soli duritie labore. Plures hic multi generantur atque educantur, quibus triticum
 10 ad oppidum *S. Salvatoris* & vicina loca subvectant; nec carent præstantibus equis.

Tertium oppidum *S. Petri* nomine insigne, triginta itidem leucas distat ab oppido Valledolid versus Arctum vel potius Corum; undecim à portu de Cavallos; & quia portus de Cavallos morbosus est locus, ministri qui Regis vestigalia & portoria colligunt, hic ut plurimum consueverunt habitare, & quum naves dimittendæ sunt ad portum excurrere: Verum *Herrera* alibi, nescio an sui satis memor, hunc quoque locum valerudinarium facit, utpote præferuido aëre atque insalubri nihilo secius oppidum hoc commercio frequens fuisse satis constat, donec *Frei Dulcis* opportunitas cepit innotescere, quæ jam hujus luminibus multum officit.

C A P. XVII.

20

Reliqua oppida Præfecturæ Hondurensis, Portus de Cavallos, Truxillo & S. Jorge.

PORTUS *de Cavallos* situs est ad altitudinem, quindecim graduum Septentrionalium, ut *Herrera* prodidit: undecim à *S. Petro*, quadraginta à Valledolid leucis: hic oppidum fuit, quod ob opportunitatem & amplitudinem portus, quem sinus maris facit, à mercatoribus & nigris incolabatur; licet locus valerudine incolarum infamis esset, uti à plerisque inveni traditum. Portus nomen acceperat ab equis, qui ob ingruentem tempestatem hic à nautis projecti fuerant in mare. Vallis *Naco* (cui
 30 us jam aliquoties meminimus) abest ab hoc portu versus mediterranea leucas octodecim; metallorum opulenta provincia, & indigenarum frequentia spectabilis: nam ut *Herrera* testatur, longe optima est totius Præfecturæ provincia, plano atque uberissimo solo, & montibus undique incincto, latis semitis, vernantibus agris, & florum eleganti varietate: frugumque abundantia & amœnitate, Valentia Hispaniæ non absimilis. Porro quum hoc oppidum *de Cavallos* aliquoties à diversis nationibus captum atque direptum fuisset, imprimis autem ab Anglis, primum anno c1o 1o xci Duce Christophoro Neoportio, qui illud penitus exhaustit, opimis admodum spoliis deductis, licet paulo ante quatuor naves ditissimis mercibus onustæ inde solvissent; constabat autem tum ut ille testatur reliquit domiciliis ducentis: Secundò anno c1o
 40 1o xcvi auspiciis *Antonii Sherley* Equitis, qui hunc locum inopem & totius Americæ miserrimum à se inventum queritur. Tam crebris hujus oppidi calamitatibus, præsertim quia portus contra hostium invasiones minime securus est, & ita à natura comparatus ut difficulter possit muniri) factum est tandem ut oppidum penitus desereretur, & oppidani ab *Alonso Criado de Castilla*, Conventus Juridici Guatemalensis Præsidente, traducerentur ad Amatiquen octodecim à portu de Cavallos leucis: ubi hodie oppidum est *S. Thomæ de Castilla*, adversus hostiles incurfus egregiè munitum.

Naco
vallis.

Truxillo oppidum satis celebre, abest ab oppido Valledolid leucas 1x versus aquilonem, à dicto portu de Cavallos 21 versus ortum, unam autem à mari Septentrionali; portum habet reducendum in intimo sinu & adversus incerta ventorum egregie tutum, cui nomen *Sant Gil*. Ipsum conditum est super tumulum, inter duos annes limpidos atque pisces; inque regione tam æstivis quam hybernis mensibus temperata. Ager suburbanus frumenti, pecoris, omniumque rerum copia opulentus: abundat melle & cera: armenta hic valde proficiunt, ita ut vaccæ Hispaniensibus magnitudine & bonitate dicantur præcellere. Vites bis quotannis dant uvas, nam vindemia absoluta statim putantur, atque regerminant, fructusque suos secundo maturant circa festum Nativitatis: denique peregrinæ arbores, Auratiæ, Limones & similes hic præstantissimos ferunt fructus.

Hoc

Hoc oppidum ex improvifo fuit interceptum ab Anglis anno c1o 1o 1xxxvi. Secundoque ab iisdem tentatum anno c1o 1o xcvi ducibus *Antonio Sherleio & Wilhelmo Parkero*: sed irritò conatu, tumultu ab excubitoribus in urbem perlato: locus enim ut ipsi testantur, ita à natura munitus est, ut non facile aperto Marte expugnari possit, prærupto undique tumulo impositus & densis sylvis circumquaque cinctus quæ nullum iter ad oppidum aperiunt, præterquam unum præcipientem & angustum tramitem, cui porta fatis valida atque munita est objecta: itaque nisi vigiles inopinantes intercipientur, nulla ad oppidum capiendum via est reliqua.

Xuticalpa. Duodecim ab oppido leucis jacet vallis *Xuticalpa*, auriferis torrentibus quondam scatens, ideoque anno c1o 1o xxx ab Hispanis Castello contra barbarorum incur-
sus munita. 10

Olícho. Municipium *S. Jorge de Olancho*, abest à Valledolid xl leucas versus orientem; incoliturque à circiter xl Hispanis; in districtu illius numerantur sedecim millia barbarorum vestigialium: olim plurimum auri hic fuit inventum præsertim in fluvio *Guayape*, qui duodecim leucis labitur ab hoc oppido.

Vallis autem *Olancho*, à qua municipio agnomen, valde amœna est & auri venis locuples; quare diu inter Præfectos Honduræ & Nicaraguz de possessione illius fuit litigatum, atque adeo collatis signis pugnatum, donec lis iudicio Regis Hispaniarum determinaretur.

CAP. XVIII.

20

Ora maritima, portus, Insuleque Præfecturæ Hondurenfis.

OMNIS ora hujus Præfecturæ jacet ad mare Septentrionale & fretum sive sinum Hondurensem, qui inter Yucatanam peninsulam & Honduræ promontorium veluti concluditur: in interiore autem recessu vulgo appellatur *Golfo de Guanayos*, ubi lateribus utrimque adductis, & veluti in conum fastigiatus in provinciam *Verapaz* incurrit. Ora porro hæc sumit initium ad occasum à Freti Dulcis ostio, & promontorio quod vulgo vocatur *punta de Hybneræ* ad altitudinem xvi graduum Septentrionalium, vel ut Tabulæ Hydrographicæ communiter designant, xv graduum & xxxv scrupulorum. Hinc versus orientem ora paulum se subducunt, & 30 cubito rursus productæ aliud faciunt promontorium, vulgo *Cabo de tres Puntas*, juxta quod olim municipium Hispanorum fuit, *San Gil de Bonavista*, sed brevis xvi. Sequuntur deinde ad eandem plagam fluvius *Piche* & *Rio baxo*, id est, vadofus amnis, itemque *Flua*, qui & alio nomine *Baláhama* appellatur; & deinceps Portus de *Cavallos*: à quo ad flumen & portum de *la Sal* quinque sunt leucæ: Hinc rursum litus se in altum proferens, efficit promontorium, quod à municipio, quod ibidem quondam fuit, *Triumphus Crucis* nominatur: Hoc superato sequuntur aliquot ignobiles amnes & modico intervallo fluvius *Hulma*, qui & *Xagua* dicitur; denique portum oppidi *Truxillo* prætervectis occurrit promontorium quod *Delgado* vel etiam *de Honduras* appellatur. 49

Inde ora jam recto ductu pergit ad Promontorium celebre de *Camaron*; inter duo autem illa promontoria *Delgado* & *Camaron*; viginti leucarum intervallo amnes dicuntur exire sedecim: inter quos facile princeps *Guayape* de tribus fontibus intra Continentem effluens: litus omne humilius est, & multis arboribus vernans latissimo prospectu.

A promontorio de *Camaron* exporrigunt se, ad viginti fere leucarum spacium in altum, vadorum breviter triangulari formâ, basi quidem ad continentem versa, in alto lateribus sensim coënnitibus in angulum pene acutum fastigiata: prope basin, aliquot insulæ intercurrentibus alveis divisa, Continenti prætenduntur: Septentrionali denique hujus ingentis pulvini lateri, scopulose adjacent Insulæ, quas vocant *S. Milan*. 50

S. Milan. Præter vada hæc Continenti se immittit *Sinus Cartaginæ* & ipse vadofus, crebrisque insulis vel potius scopulis intersectus: & modico intervallo alius sinus, quem *Bahiam Hondam* vocant, à Promontorio *Gracias à Dios* ad ortum clausus, quatuordecim gradibus & viginti scrupulis ab Æquatore versus Arctum. Promontorio ad Septentrionem obversantur tres minores insulæ, quas vocant *les Viciosas*, & paulo magis ad Aquilonem *Quita juenno* & *Roncador*, infestissima navigantium breviter. Extra quæ magis

magis versus ortum jacent naufragiis infames insulæ, Serrana & Serranilla de quibus alibi egimus; memorabile autem est quod narrat *Tuca Garcilassus de Augustin Petro Serrano*, qui quum navem fregisset apud Serranam & solus ad illam enatasset, misere in eadem vitam toleravit carnibus testudinum marinarum integrum triennium; quo elapso socium accepit eodem modo ejectum; cum quo in eadem insula vixit alios quatuor annos & à navi forte prætereunte non sine discrimine fuerunt deducti. A Promontorio ora reflectitur versus Austrum; hanc legentes primum excipit fretum *Niqueşe*, deinde flumen *Tare* ad altitudinem tredecim graduum, quod hujus Præfecturæ & *Nicaragua* limes censetur. Yare ff.

10 Præter jam dictas insulas, aliæ aliquot insulæ inter Aquilonem & Africum hujus Præfecturæ littori obijciuntur, quas uno & communi nomine appellant *Guanajas* ab extrema illarum ad orientem, jam olim & adhuc hodie illud nomen obtinente.

Insula hæc proprie Guanaja appellata, promontorio Honduræ ad Corum est opposita & sex septemve leucarum intervallo, ut habent itineraria nautica, ab ipso divisa, alta quidem & plana qua ortum respicit, declivis autem qua vergit ad Septentrionem & importuoso littore: ad Austrum duos quidem portus habet, sed ob crebros scopulos & arenosa vada, quæ relabente æstu extant, aditu perdifficiles: Incolitur hodieque à barbaris & paucissimis Hispanis; abundant pecorum gregibus, gallinis, pit-taciisque. Christophorus Columbus qui primus illam adiit, *Pinorum* insulam appella-verat ab earum arborum copia, sed gentile Guanajæ nomen hætenus retentum. Guanaja
va.
Utilia.

20 Ab hac ad proximam quæ *Guayava* vel *Guayama* dicitur, à Figueredo in itineralio nautico numerantur tres quatuorve leucæ: à *Guayava* autem ad *Utilam* quæ tertia censetur, sex leucæ: Hæc quinque aut sex leucæ ambitu suo complectitur, tota humilis & nemorosa, *Saone* quæ Hispaniolæ adjacet non multum dissimilis. Præter has aliquot minores *Guajanarum* numerum augent, *Guayana*, *Helen*, & *S. Francisci* insula, quas nominasse suffecerit. Omnes autem hæc implent Sinum illum maris quem supra de Guanajos appellari diximus.

N I C A R A G U A .

C A P. XIX.

30

Nicaragua provincie limites, soli cælique natura, fruges, lacus, alia.

P R A E F E C T U R A Nicaraguæ (quam *Didacus Lopez de Salsedo* quondam novum Regnum Legionis appellaverat) fines habet ad occasum quidem provincias præfecturæ Guatemalensis, ad Septentriones *Honduram*, ad ortum sive Eurum *Costam Ricam*, ad meridiem denique Oceanum Australem. Patet inter ortum & occasum in longitudinem leucas quinquaginta; in latitudinem autem ubi maxime se diducit, octuaginta. Plures minores provincias sub se complectitur, quæ barbaris nominibus, *Nicoya*, *Nequecheri*, *Mabyte*, *Diria*, *Mafaya*, *Managua*, *Cocaloaque* & *Cebeaco* dicuntur: pars quoque Chontalium populorum ad illam refertur; iidemque & *Micorum* atque *Madera*. l. 9. c. 16.

Rarissimi in hac præfectura sunt amnes; æris temperies æstivis mensibus supra modum calida est, hyemalibus humida & crebris tempestatibus obnoxia. Solum ut plurimum est planum & curribus ducendis opportunum; tritici quidè infœcundum, quod è Peruvia perunt, cæterum aliarum rerum satis locuples. Armentis vel maxime abundat regio, uti & porcis: capras nutrit raras, nullas oves. Multum gossypii, plurimum *pise* hic colligitur: maizii, pisorum, mellis & axi affatim. Mare piscosum admodum; indigenæque plurimum optimi & candidissimi conficiunt salis.

50 Magnam harum provinciarum partem occupant ingentes sylvæ, procerissimis arboribus plenæ, præsertim *Zeybis*, quod arborum genus hic ita luxuriat, ut truncus in tantam crassitiem nonnumquam excreseat, quantam quindecim viri manibus inter se connexis complecti possunt; *Herreram* autorem habeo. Sunt & hic arbores quæ cerasorum quoddam genus ferunt, è quibus incolæ liquorem instar vini exprimunt. *Oviedus* scribit hos fructus ab Hispanis appellari pruna, non quod revera sint l. 9. c. 16. pruna, sed quia non nihil ab illa accedunt; cæterum speciem judicat illius arboris quam alibi vocant Hobum, de qua suo loco dicitur: quum pleræque arbores in hoc novo

orbe perpetuo vireant, hæc cæris temporibus omnia sua folia excutit. Idem describit arborem (vel potius ut ipse loquitur monstrum arboris) huic provinciae perfamiliarem, quæ forma foliorum & crescendi modo à Tuna parum abludivit, nisi quod truncum habeat rectiorem; cæterum foliis crassiss, spinosis, deformibus: fert fructum cassilum, magnitudine olivæ, colore coccineo, & subtilibus quibusdam spinis instar pilorum obsitum; è quo barbari pastam quandam componunt, quæ elegantissimo colore coccineo tingit & à feminis in fucos usurpatur: folia autem, demtis prius spinis, contusa & emplastro applicata ossibus cõfractis, suisq; modo locis apte repositis, mirabiliter eadem consolidant: Quod à Tuna itidẽ præstari aut talem illius specie scribit *Fr. Ximenez*; Recordor (inquit) me legisse in libello admodum antiquo, arboris quæ in montanis nascitur, quam vocant *arbol de las Soldaduras* (id est ferruminatricem) & barbari *Zacanoche* (quæ est species Tunæ); folia contusa & emplastro applicata ossibus cõfractis, brevi & facile illa consolidare; quod credo effici à qualitate illius glutinosa frigida & astringente. Hæc ille; Non multum autem aberraverit, qui crediderit *Oviedum* & *Ximenem* de una atque eadem arbore loquutos. Cucurbitæ lagenariæ, quadagesimo ex quo satæ sunt die maturantur, quarum maximus hic est usus, ob aquarum & fontium in hisce regionibus inopiam, nec quisquam facile sine hisce iter paulo longius aggreditur. In saltibus denique & nemorosis montium jugis, balsamum, liquidambar, & præstantissima colligitur terebinthina.

Lito. ca.

In vicino mari ingentia cete & monstrosos pisces olim conspectos narrant: *Oviedus* autem ad litus hujus provinciae, in sinuoso *Ortigna* freto & apud insulas, *Chiram*, *Charam*, *Pocofin* & alias, haud procul à Promontorio *blanco* sitas, uniones repetiri in conchis quibusdam, à margaritifera forma & magnitudine multum diversis, rotunditate vcris quidem pares, colore tamen & splendore plurimum inferiores, quibus tamen mercatores, insigni fraude, veras adulterare consuecunt: conchæ oblongæ, quas barbari stipiti alligare, eisque terram subigere solebant.

Chontales.

Plerique indigenæ jam linguam Hispanorum callent, eorumque mores & vestitum æmulantur; præter *Chontales*, qui in montanis degunt, agreste & incultum hominum genus, qui nihil dum de prisca barbarie remiserunt; cæteri jam pene omnes artes mechanicas percallent, quum & ingenii solertia inter barbaros excellant, & Hispanis supra modum dediti atque obnoxii jam dudum fuerint.

Inter memorabilia hujus Præfecturæ eminet Lacus, (quem Hispani *Laguna de Micaragua* vocant,) tum ob vastitatem, nam si indigenis fides, supra centum & triginta milliaria ambitu complectitur, tum ob accolarum multitudinem, qui vicatim ripis illius assident; æstum suum haud secus patitur quàm mare, & licet caput illius haud longius tribus quatuorve leucis ab Australi Oceano absit, tamen in Septentrionalem se exonerat per emissarium, de quo mox dicemus. *Alfonsus Calera* & *Didacus Machica* de Zualo primi Hispanorum, superatis cataractis (los *Raudales* vulgo vocant, ubi aqua adeo perneciter decurrit, ut cymbas in terram subducere atque ita deducere necesse sit) in emissarium atque inde porro in mare Septentrionale penetrarunt. Piscosus est Lacus & ingentem nutrit Crocodilorum numerum.

CAP. XX.

Oppida Hispanorum in Præfectura Nicaraguæ.

CIVITAS hujus Provinciae atque Præfecturæ principalis Legio (*Leon de Nicaragua* vulgo) centum quidam & quatuor leucas abest ab oppido *S. Jacobi de Guatemala* versus Eurum; duodecim autem à mari Australi: sita est ad oram magni illius Lacus, de quo jam diximus. Hic Præfectus seu Gubernator Provinciae & reliqui Regis ministri sua habent domicilia; hic Cathedra Episcopi Nicaraguensis, cum suo templo & aliquot religiosorum *de la Mercede* monasteriis: in Diocesi autem supra centum & viginti millia barbarorum qui annuatim Hispanis tributum pendunt, dicuntur habitare. Tribus autem ab oppido leucis ad Septentrionalem Lacus oram, præaltus cernitur mons fastigiato vertice, vasto ore desuper patens, vespera atque mane

nunc densissimum fumum exhalans, pumicesque sulphureos magna copia eructans: Vulcanum vulgo vocant: Terrâ hujus montis cum succo *Nacolos* (arboris cujusdam fructum ita vocari ferunt) mixtâ, optimum fit atramentum. Quatuor ab hoc leucis in provincia *Mafaya* pene ad radices alterius Vulcani, lacus jacet exiguus rotundus, *Mafaya*. & ultra mille cubitos in profundum depressus, præceps & rupibus undique cinctus, ad quem tamen barbari maximis hydiis onusti descendunt, rursusque ascendunt tam dextrè ut incredibile videatur. Cæterum hæc urbs condita est loco arenoso, densis undiquaque lucis circumseptâ: non inidonea olim existimata commercii inter utrumque mare commutandis, quippe quæ tantum septuaginta leucas distet à

10 Promontorio Hondurensi, itinere satis expedito (si modo Hispanis distantia satis explorata) & medio fere intervallo vallem habet *Olancho*, de qua supra diximus in provincie Honduræ descriptione.

Secunda hujus Præfecturæ civitas *Granada*, juxta eundem Lacum ædificatâ, secundicâ à Legione, viginti quatuor autem à Reialeio leuc. Provincia in qua sita est olim à barbaris appellabatur *Neguecheri*. *Franciscus Hernandez Cordubensis* hic magnificum templum & munimentum adversus barbaros construxit. Sita autem est urbs in amenissimo & uberimo solo, & cannarum sacchari feraci; unde hic aliquot machinæ ab Hispanis excitatæ, quas *Ingenios* vocant. Non procul ab urbe minor Lacus, à barbaris *Lindiri* dictus, in majorem illum se exonerat. Duabusque ab hoc

20 Lacu & septem ab urbe leucis, ingens Vulcanus quem *Mumbacho* vocant, vastè attollitur, nemoroso jugo & fructiferarum arborum feracissimo; quibus & tota illa provincia mirifice abundat, inter quas famam meruerunt Zapores, Plantani & Anones, quarum fructus imprimis laudant, mespyla suavissimi saporis, cerasa atque Jacotes, è quibus barbari vinum, Hispani autem acetum exprimunt. Ferarum ingens hic copia & venatio perquam opportuna.

Tertia urbs nova *Segovia* ab utroque prædictarum triginta leuc. versus Septentriones discreta, in agro auri venarum ditissimo.

Quarto *Jatén* triginta ab Oceano Septentrionali leuc. ad Lacus Nicaraguensis fauces, per quas longo & angusto, fluminis in modum, meatu, aquas suas in Oceanum egurgitat; *El desaguadero* vocant Hispani, & merces Europæas inde à Portu Belo petitas per hunc canalem ad hanc urbem & loca vicina subvehunt. Municipium denique *Reialeio*, unâ à portu, quem *Possessionis* vocant, leucâ, viginti quatuor autem à *Granada* distans; ab Hispanis quidem ad altitudinem undecim graduum & semissis collocatur; ab Anglis autem, qui cum Candischio orbem circumnavigarunt, ad altitudinem duodecim graduum & quadraginta scrupulorum (si modo *Rio Lexo* ut illi scribunt, idem locus cum *Reialeio* tutò judicatur.) Hic fere navæ & fabri degunt; nam & tutissimus est portus, juxtaque materies ad næves fabricandas aptissima facile exdi potest, nulloque pene labore ad littora deduci.

40

CAP. XXI.

Orarum ductus, Scationes, Portusque Nicaragua.

ORA maritima hujus Præfecturæ ad Mare quidem Septentrionale exordium sumit à fluvio *Yare*, qui illam Hondurensi determinat ut supra diximus. *Yare d.*
Hunc sequitur ad eandem plagam *Yarepa* fluvius, deinceps portus *S. Joannis*. *Yarepa fl.*
(ita vocant emissarium magni Lacus Nicaraguensis quo in Oceanum Septentrionalem exit) cujus ostio modica insula prætenditur: & denique plures amnes quos cum Provincia *Costa Rica* communes habet. Quum Castellæ Reges ante Fretum à Magalhanè inventum, tantopere solliciti essent de idoneo loco investigando ad commercia utriusque maris commutanda, magna imprimis hujus emissarii ratio habita, suggerentibus præcipue Hispanis qui in Nicaragua agros sortiti fuerant anno c. lo xxxiv, ob patens illius ostium & fluvio qui Hispalin præterlabitur haudquaquam impar, & ripas utrimque à diversis nationibus insigni frequentia cultas, fertiles denique agros & omnium rerum necessariatum affluentiam: sed irritus conatus consilium illorum minus laudabile fecit.

Ad mare autem Australe, præter *Reyaleio* portum, de quo supra, portus designatur *S. Jacobi* & mox portus *Nicoya* (quæ peculiaris est Nicaraguz provincia amoenissimo & uberrimo solo) quem barbari suo idiomate *Chiram* vocabant & Hispani superioribus annis *S. Luca* nomine insigniverant: amplissimus hic est sinus & viginti leucarum ambitu patens; quamplurimasque insulas gremio suo complectitur. Hunc alius sinus excipit, qui à Salinis nomen acceperit, in quo portus est *Paro* è regione *Nicoyæ*. Deinceps ora in Altum exiens prius Angulum seu cornu *S. Lazari* & mox Promontorium de *Borica* producit: ab hoc ad ortum Continenti prætexuntur Insulæ *S. Maria* & *S. Martha*, *Cobaya* & *Zebaco* ad limites usque *Veraguz*.

Zebaco. Porro Insulæ *Zebaco*, ita enim communi nomine videntur appellari ab Hispanis triginta numero esse feruntur, quæ magnæ, quæ parvæ, sexaginta circiter leuc. à portu *Panamæ* versus occidentem, olim indigenis frequentes.

Fullerius Anglus Promontorii *Blanci* meminit ad altitudinem decem graduum & totidem scæpulum Septentrionalium, & hunc oræ maritimæ tractum ita disponit.

A Promontorio *Blanco* ad portum de *Veles* viii mill. inter Aquilonē & Africum:

A Portu de *Veles* ad portum *S. Ioannis* xvi milliar. inter Eurum & Corum:

A Portu *S. Ioannis* ad *Rio Lexo* xl milliar.

Fortissimus Eques *Franciscus Dracus* facit mentionem Insulæ *Cano* (ubi navem suam onere levatam subduxit in succum & reparavit) ad altitudinem octo graduum Septentrionalium, duabus à Continenti *Nicaraguz* leucis: per commodum habet 10 portum & quinque orgyas sub ipso pene littore altum.

C O S T A R I C A.

C A P. XXII.

Costæ Ricæ limites, oppida, cætera: itemque Nicoya provincia.

PROVINCIA atque Præfectura *Costa Rica* fines habet ad occasum quidem & Septentriones *Nicaragum*, ad orientem vero *Veragum*, utrimque autem & ad arcum & ad meridiem Oceano concluditur: Patet in longitudinem (nisi 30 *Herrera* hic ratio fessellit) leucas nonaginta ab ultimis *Nicaraguz* finibus ad orientem, ad *Veragum*: nusquam latior quadraginta aut quinquaginta leucis. Ager fertilis, neque auri atque argenti metallorum expertus, uti variis indicis sibi persuadent Hispani. Tria tantum, quæ oppida, quæ municipia ab Hispanis in hac provincia habitantur: quorum primum *Arániz* municipium ad *Nicoyensem* ditionem refertur, in finibus barbarorum qui *Chomes* appellantur, conditum, & quinque circiter leucis à præcipuis eorumdem pagis separatum, paucioribus à mari Australi.

Alterum, *Cartago* oppidum, quadraginta leucis à *Nicoyâ*, viginti ab Oceano Australi & pene medium inter utraque maria, ita ut portum ad ambo obtineat.

Tertium *Castro d' Austria* dicitur, quod quum in Tabulis suis Geographicis expressit *Herrera*, nusquam tamen in descriptione sua aut alibi vel levem illius facit mentionem.

Inter fines *Nicaraguz* & *Costæ Ricæ* sita est *Nicoyâ*, quadraginta & octo leucis ab oppido *Granada*, ad oram Oceani Australis, regiturque à Præfecto *Nicaraguz* per Legatum. Porro in hujus oppidi agro atque adeo provinciam *Nicoyâ* atque in insula *Chira* quæ octo leucarum intervallo continenti hinc objacet & ad *Nicoyensem* pertinet ditionem, plurimi hodieque supersunt barbari Hispaniarum Regi vestigiales. Olim quidem hic tractus Conventui Juridico *Panamensi* accensebatur, sed ab anno clo-
b lxxvi *Costæ Ricæ* fuit adjunctus, licet Legatum à *Nicaraguenſi* Præfecto in civilibus, Vicarium autem in Ecclesiasticis ab Episcopo *Nicaraguenſi* accipat: modicum habet portum ad mare Australe.

Hiscæ locis olim Colonia Hispanorum fuit *Bruxella* dicta, quam postea desertam oportet fuisse, nulla enim vestigia hodie illius extant.

Sunt alii & inter illos Lupus *Vazius Lusitanus*, qui testatur provinciam *Costam Ricam* montensem esse regionem, vastam atque incultam: quod si verum est, male nomen suum ruerit. Quod superest, ad oram maris Septentrionalis sinum habet unum

unum *S. Hieronymi* nomine insignem; itemque alterum, de *Carabaco* vulgo dictum, ad limites *Veraguae*. Ad mare vero Australe præter *Nicoya* portum, varios sinus, promontoria & insulas à Promontorio *Blanco* ad Angulum de *Borica* & ultra, quorum omnium superiori capite meminimus.

V E R A G U A.

C A P. XXIII.

Veraguæ Præfecturæ limites, Cœli solique qualitates, Columbi navigationes ad eandem.

Veragua provincia quæ Guatemalensis præfecturæ & Conventus Juridici, ad orientem extrema est; fines habet ad occasum quidem *Costam Ricam*, ad orientem vero Panamensem Conventum Juridicum. Alluitur utrimque oceano, oraque illius Septentrionalis attingit circiter decimum ejusdem altitudinis gradum. Pater in longitudinem inter ortum atque occasum leucas quinquaginta, in latitudinem inter Arctum atque Austrum, ubi minimum, viginti quinque.

Solum maxima sui parte montense, & densis arborum lucis, crebrisque vepretis pene invium, pascuorum inops, ideoque pecori & armentis inidoneum: neque tritici neque hordei ferax, Mayzii urcunque fertile uti & herbarum atque olerum: Metallorum vero, præsertim auri, locuples, quod hic passim effoditur atque è rivis torrentibus amnisque hauritur. Indigenæ bellicosi & audaces, Hispanorumque ut plurimum hostes, quorum jugum admodum impatenter tolerant.

Primus hanc regionem adiit *Christophorus Columbus* anno c15 15 11, à Promontorio *Gracias à Dios* provinciae Hondurensis ad Orientem reductus; primoque applicuit ad Insulam *Quibiri*, herbidam atque arboriferam; deinde unius leucæ trajectu ad Continentem *Cariari*, cujus indigenas satis cultos repperit & urbanis moribus; Solum pulcherrimis montibus & apricis collibus editum, amœnisque nemoribus undique opacum, & limpidissimis amnibus riguum. Pagus *Cariari* situs erat ad ripam amnis, &

à frequentibus barbaris cultus; qui cum arcubus atque sagittis, itemque ligneis gladiis obviam ruentes, aliquandiuque Hispanos sinibus suis arcere conati, tandem autem blanditiis & munusculis deliniti, illos receperunt & commercia aperuerunt. Hinc porro ad Orientem proventus *Columbus*, attigit *Caravaram*, amplissimum sinum & admodum piscosum; qui tres in latitudinem, sex in longitudinem leucas patebat:

Insulæ faucibus objectæ, per quatuor angustos sed satis altos canales, admittunt naves in interiorum sinum, in harum unam exscensione facta, plures reppererunt cymbas unilignes: Incolæ fere nudi agebant, præter scēminas, quæ pudenda velabant: monilia hic aliquot aurea deprehensa, quæ barbari haud invito pro æneis tintinnabulis permutarunt; magnam hujus metalli copiam in proxima Continenti reperiri indicantes. Hinc digressus atque *Aburena* regione obiter salutata, quæ à præcedenti nihil differebat, post duodecim leucarum iter ingrediuntur amnem, frequentibus barbarorum pagis ad ripas cultum, à quibus pauxillum auri acceperunt: inde ad *Catibam* ventum ubi amnis in mare egreditur: & paulo post ad *Huriram*, cujus incolis autem tam vile erat, ut x c marcas triginta sex æneis tintinnabulis, ut Hispani nar-

rant, commutarent.

Ab *Hurira* digressos excepit *Cubiga*, nullo auri commercio: *Columbus* autem versus orientem proventus, quum portum belum jam superasset, aura vehementius ab Oriente obnente, cursum reflexit & ad occasum vela vortere fuit cōactus: deinceps horrenda tempestate ab Occidentali plaga ex improvviso exceptus & novem continuis diebus jactatus, magnum adiit discrimen, atque ob hanc causam universam hanc oram appellavit *Costa de los Contrastes*. Januario demum anni c15 15 11 ineunte offēdit flumen, quod barbaris *Yebra*, ipse *Belen* appellavit: huic unius tantum leucæ intervallo proximum erat alterum flumen, quod Indigenæ *Veraguam* nominabant; à quo deinceps Provinciae huic nomen hæsit apud Hispanos. Barbari qui Yebam accolebant, prostebantur maximam auri copiam esse in *Veragua*; verum utriusque fluminis ostio explorato, consultius visum. *Belen* subire, cujus

alveum altiore deprehenderant. Fratrem tamen suum Veraguam exploratum dimittit Columbus; qui adverso flumine cum cymba sua subiectus, ad pagum *Quibia* Reguli ascendit, & plurimum auri accepit pro mercibus quibusdam Euto-
pæis vilissimi pretii. Vigesimo autem quarto Januarii, flumen *Velen*, aquis illius mi-
rum in modum auctis, ex improvviso ita intumuit, ut naves in summo versarentur
discrimine & parum admodum abessent à naufragio. Hoc aquarum diluvium è
montibus descendere visum, qui supra Veraguam tam altis jugis eminent, ut à viginti
leucarum intervallo eminens conspiciantur, *S. Christophori* nomen illis inditum. Hoc
periculo defunctus Columbus rursus Germanum suum ablegat ad *Quibiam*; qui
illum ad *Vrija* metalla deduxit, adeo opulenta ut inter radices arborum, quibus regio
penitus oblita est, auri ramenta passim eruerent: ad hæc pertinet ejusdem nomi-
nis amnis, qui in Septentrionalem Oceanum egreditur sexseptemve leucis à flumi-
ne *Belen* versus occidentem; Veraguæ autem metalla longe propiora sunt, uti postea
constitit. Columbus hac auri copia illectus, locum coloniz ad ripam fluminis *Belen*
delegerat, haud longè ab illius ostio eumque jam cæperat communire; quum pluviis
cessantibus, fluminis alveus tam exilis derepente fuit factus, ut navibus exitus nega-
retur; & tam diu hic subsistere cogeretur, donec flumen rursus pluviarum accessu im-
pleretur; itaque quum animadverteret ægerime se suos hic sustentare posse, omnes
licet invictissimus abduxit.

C A P. XXIV.

20

Oppida & municipia Hispanorum in Veragua, ora maritima, Insule adjacentes.

COLONIAS aliquot jam olim in Veraguam provinciam deduxerunt Hispa-
ni, quas hic ordine recensebo. Primò, oppidum *la Concepcion* distat à *Nomine*
Dei quadraginta leucas versus occidentem, haud procul ab ora maris condi-
tum, quæ arcteam plagam respicit: Hic Præfectus habitat, cæterique Regii ministri,
qui à Conventu Juridico Panamensi solent constitui.

Secundò, Municipium *la Trinidad*, sex leucis ab oppido *la Concepcion* versus or-
tum; secundum oræ maritimæ ductum (terrestre enim iter impeditißimum est & fere
inivium) ad ripam fluminis *Belen*, circiter tribus ab Oceano Septentrionali leucis.

Tertiò, oppidum *S. Fidei*, duodecim leucarum intervallo ob oppido *Concepcion*
versus Austrum; hic potissimum aurum liquatur, funditurque; Regique ministri
hic suos habent vicarios.

Quartò *Carlos* oppidum ad oram Maris Australis, haud longè à littore, verum
quinquaginta (ut tradit *Herrera*) leucis ab oppido *S. Fidei* versus occidentem.

Cæterum multi indigenarum adhuc hodie in armis sunt fortiterque cum Hispa-
nis dimicant pro libertate, ut ipsi Hispani fatentur.

Provincia hæc nullum insignem portum obtinet: ad oram quidem quæ ab Ocea-
no Septentrionali pulsatur, habet Sinum *Carabaco* sive *S. Hieronymi*, & magis versus
orientem flumen *la Trinidad*, dein flumen *la Concepcion* ac *Belen*, ad cujus ripam Co-
lumbum jam olim in animo habuisse coloniam collocare, jam supra diximus.

Ad oram vero quæ Oceano Meridionali prætenditur, habet Promontorium *S.*
Maria itemque cornu de *Gerra*, (quod *Gomara* testatur septuaginta leucis distare à
Panama,) atque hæc quidem ad orientem; ad occasum autem Promontorium de
Borica. De Insulis quæ in Mari Australi adjacent jam supra diximus.

Superest Insula alicujus pretii quam vocant *Escudo*, quæ Septentrionali hujus
provinciæ lateri obiacet, triginta leucis ab oppido *Nombre de Dios* præfecturæ Panà-
mensis, versus occidentem: novem aut decem milliar. à Continente, ex adverso si-
nus, cujus gremio oppidum *la Concepcion* adfidet. Fortissimus Eques *Franciscus Dra-*
cus, postrema sua expeditione hic anchoras fixerat: Non ambit supra duas leucas, cæ-
terum nemorosa & perennibus limpidissimarum aquarum scaturiginibus ubique ri-
gua; clymatis tamen vitio insalubrior & continuis pene pluviis obnoxia. Sub au-
strali illius latere statio satis commoda est: ab orientali denique cornu aliquot scopu-
lorum brevia, in altum sese exporrigunt, navigantibus sedulo vitanda.



NOORD

MAR DEL NORTE

13
12
11
10
9
8
7
6
5
4
3
2
1

WEST



MAR
DEL
ZVR

LINEA
ZVYDT

ORDT



DT





DESCRIPTIONIS
INDIÆ OCCIDENTALIS,
LIBER OCTAVUS.
TERRA FIRMA.

INTRODUCTIO.



Continetem Americæ universâ suprâ divisimus in duas veluti partes, quarum unam Septentrionalem, alteram Meridionalem appellavimus; Eæ autem conjunguntur angustâ terræ Isthmo, in quo duo celeberrima Hispanorum oppida sunt sita, Panama nimirum & olim quidem Nombre de Dios, hodie autem Porto Belo. Autequam itaq; Meridionalis Americæ descriptionem aggrediamur, hujus Isthmi & provinciae quæ illum occupat, descriptio ante omnia nobis erit absolvenda, quæ hodie vulgo Panama dicitur & communi nomine ab Hispanis Tetre Ferma: Olim autem dicebatur Castilla del Oro, id est, Castella aurea: vetum quia Castilla del Oro sæpius limites mutavit, hinc nonnulla in superioris sæculi scriptorum commentariis nata est obscuritas, quæ nobis hic obiter illustranda est. Anno cleso VIII Didaco de Niqueza concessa fuit prefectura, quam subjugare & porro tenceret, sub nomine Castillæ del Oro; quæ hisce limitibus circumscribebatur, ad ortum occidentali ripa fluminis Darienensis in interiori sinu Vrabe freti; ad occidentem Promontorio Gracias à Dios Honduræ provincie extimo ad orientem; ab Arto concludabatur Septentrionali Oceano (nam aliter adhuc ignotus erat;) porro ab altera fluminis Darienensis ripa versus ortum pertendendo usque ad Promontorium de la Vela, censēbatur continens nomine Novæ Andalusiz. Sed Castillæ del Oro limites statim mutati, & ab occidente contracti, versus ortum in Novæ Andalusiz terminos invaserunt: Tandem denique nomen Castillæ del Oro plane obsolevit, & Oceano Meridionali jam invento obtinuit nomen Panamæ: Quæ breviter hic monere oportuit, quia hodieque in multis Tabulis Geographicis nomen Castella aureæ latissime diducitur, etiam ad illas provincias, quæ nunquam sub illa fuerunt cōprehensæ: ne si omnino de hac re siluissēmus, provincie hujus per ignorantiam obliti fuisse videremur. Porro in America Meridionali describenda hunc sequemur ordinem: Isthmo hoc Panamensi prius absoluto, vicinas & contiguas provincias ad ortum adjuagemus, Cartagenam, Sanctam Martham & Flumen de la Hacha, quæ Continētis partes, quia prima post Insulas fuerunt detectæ, vulgo Terræ Firmæ, id est, Continētis nomine hodieque appellantur ab Hispanis; atque hoc hujus libri subiectum erit: deinde ad interiores aliquot provincias describendas nos accingemus, quæ prædictis adjacent Novum Regnum Granatense & Popajanam; quæ ubi nos ad mare Meridionale reduxerint, omnes provincias illas quæ Oceano illi prætenduntur, ordine quo jacent, prosequemur ad Fretum usque Magallanicum; illudque emensi, & Isthmatis obiter terris quæ illi ab Austro objacent, oram itidem Maris Atlantici stringemus, & eodem ordine describemus, provinciasque quæ illi adjacent Flumen Argentineum, Brasiliam, & omnem oram Barbaram, Pariam, Cumanam, Venezuelam, immani ambitu ad flumen de la Hacha rursus producemus, atque ita huius operæ finem imponemus.

*Conventus Iuridicus & Provincia Panamensis : illius limites, cœli
solique natura, particulares provincia.*



ONVENTUS Iuridicus Panamensis non admodum amplis limitibus continetur, quum illius ludi-
ces tantum classibus expediendis & juri mercato-
ribus dicundo vacent : in longitudinem quidem in-
ter ortum & occasum circiter leucis nonaginta de-
finitur, sinestq; habet ad ortum *Cartagena & Popai-
na* præfecturas, ad occasum Castellum *Veragua* :
in latitudinem autem, ubi latissima est inter ambo
maria leucis sexaginta, ubi arctissima inter *Pana-
mam* urbem & *Portum Belum* tantum octodecim :
idque ratione itinerum inita, quæ impeditiissima &
tortuosissima sunt : nam si recta ratio secundum cœli 20
mensuram ineatur, vix septem aut octo leucæ inter ambo maria intersunt, ut ab Aco-
sta est observatum, & altitudines locorum evincunt.

Solum maxima sui parte montosum atque asperum ; ubi autem paulum subsidet
crebra uligine altoque cœno impeditiissimum ; Cælum ut plurimum nubilum, humi-
dum & præfervidum : supra modum insalubre, præsertim à Maio ad Novembrem : ær
tamen nonnihil à maritimis ventis sufflaminatur corrigiturque ; & contra à terre-
stribus multo gravior efficitur, insalubriorque. A mense Julio ad Novembrem hic
pene continuo pluit, tonat, fulgurat, hanc hyemem incolæ patiuntur. Terra infœ-
cundior multarumque rerum indiga ; quippe quæ nihil præter Mayzium, idque per-
parcè producat ; melior animalibus, præsertim armentis ob pabuli copiam & bonita- 30
tem. Olim ingentes porcorum alebat greges, quos indigenæ in retia sua cogebant,
gramine, quod hic in summam altitudinem excrescit, totis campis incenso ; hodie
paucos, ita ut Hispani de illorum paucitate & lardi caritate conquerantur.

Indigenæ retia illa componebant ex Herba *Nequen* sive *Heneken* ut vocat *Ovie-*
17. c. 10. *du* qui illam ita describit : *Cabuia* (inquit) est herba quæ fert folia similia carduo
sive iridi, sed latiora & crassiora, magisque viridia : *Heneken* autem est altera herba,
foliis itidem cardui, verum angustioribus & longioribus quam *Cabuia* : ex utraque
hæ herba ducuntur fila & funes satis validi & pulchri ; ex *Heneken* quidem fila sub-
tiliora. Barbari autem has herbas, quemadmodum solent in Europa linum, aliquot
diebus deprimunt sub aquam in rivis aut fluentis ; dein exempras siccant ad solem. 40
franguntque bacillo, ita ut solæ fibræ remaneant, instar lini ; easque denique nent
in fila aut contorquent in funes. Mirabile autem quod idem narrat, barbaros his
filis ferrum secare & dividere tanquam limâ, minutam arenam aspergendo & funi-
culos reciprocando ad modum serræ ; atque hoc pacto non modo catenas ferreas,
sed & anchoras non raro divisisse.

Volatilium satis magna hic copia, phasianarum, turturum & similium. Mare
piscosum, uti & flumina, in quibus multi crocodili reperiuntur, quas barbari *Cayma-*
nes, Hispani *Lagartos* vocant. Arbores hic perpetuò virent & frondes quidem
abundè, fructus parcè ferunt : Multi hæc cari sylvestres & animalcula illa quæ caru-
los suos in sacculo circumgestant, ita tectos ut videri non possint, ædes noctu intrare 50
suea & gallinis aliisque domesticis avibus admodum infesta.

Plures minores provinciæ comprehenduntur sub hoc Conventu Iuridico ; qua-
rum *Careta* prima Hispanis innotuit viginti ab amne *Dariene* leucis ; & mox *Acla*
quinque à *Careta*. Solum hisce editum & montosum uti & provinciæ *Darienis*,
(sed cœlo gaudent magis salubri & sereno) atque auri metallorum quondam haud
expers.

Careta.
Acla.

Coma-
gre.

Aclam excipit versus occasum *Comagre*, à qua planicies & campestria sumunt
initium ;

Initium; Vicinæ regiones olim fuerunt frequentissimæ; & in minutiora dominia divisæ: Hispani omnem hanc regionem usque ad *Peruqueten* primis illis temporibus appellabant *Cuebam*: proximas autem proviicias, quarum indigenæ nullis regulis parentes in commune consulebant, *Behetrias*. Comagrén excipiebat *Chiamæ* & *Coyba*, atque *Pocerosa*, ubi Hispani quondam municipium habuerunt *S. Crucis*.

Ab oppido Panama versus occidentem jacebat provincia *Chamæ* & septem ab hac leucis *Chiru*: à qua octo leucis abest *Escoria*, dives salinis; æstus enim maris accedens implet quædam stagna, in quibus marina à solis æstu in salem cogitur.

Escoriam septem aut octo leucarum itinere sequitur *Nata*: dehinc *Tobre* atque *Trots* montosæ provinciæ atque nemorosæ, quæ pulcherrimas alunt quereus & peramplis glandibus: Ulterius *Huyfia* atque *Burica* pene ad limites *Nicaragæ*. Sed non omnes hæ accensentur hodie ad Panamensem præfecturam. Duodecim denique leucis à *Nata* versus Corum, possidebat provinciam *Paris* Regulus, qui Hispanis admodum infestus, multum negotii tum faciebat. Licet autem pleraque harum provinciarum nomina jam obsoleverint, ac ne tunc quidem nisi Regulorum nominibus fuerunt nota, tamen præterire nolui, forte alicubi aut aliquando usum suum habitura.

Porro harum regionum indigenas, qui plurimi fuerunt, Hispanorum crudelitas jam dudum abolevit, & sumamam hisce provinciis intulit infrequentiam & vastitatem; ita ut hodie plures Nigritæ hic reperiantur quàm Americani indigenæ.

Hispani possident in hoc Conventu Juridico tantum tria oppida, Panamam, Portum Beluna & Naram, de quibus jam dicturi sumus.

CAP. II.

Oppidum Panama, illius situs & qualitates.

OPPIDUM *Panama*, à quo ipsi provinciæ nomen, assidet littori Maris Australis, ad nonum gradum altitudinis septentrionalis, & octuagesimum secundum longitudinis, productæ à Meridiano Tolerano in occidentem, ut *Herrera* observat in suis commentariis. Pomærium illius angustius ob vicinitatem stagni, quod magnam cingit oppidi partem, idque ob vapores ex se ascendentes reddit insalubris: Ipsum oppidum minus apte exadificatum, semitis omnibus inter ortum & occasum directis, quo fit ut mane ferventiores solis radii incidant in obambulantes, nullo umbrarum adminiculo, & crebros accendant morbos, multorum plerumque exitio. Quamquam autem sæpius de loco mutando fuerit consultatum, manet tamen hætenus, sive loci retineat opportunitas, sive eorum qui hodie incolunt brevis in hoc loco statio, & proinde de successutis levis cura: quippe plerique aut mercatores sunt, qui commerciis absolutis aliò migrant; aut milites qui nunc ad hæc, nunc ad alia loca mittuntur in præsidia; aut denique absterreat ædificandi difficultas in hisce locis & jam structarum ædium grande pretium: ut ut sit, locum incolarum valetudini vel maximè infestum, frequentissimum fecit commerciorum frequentia & rem faciendi opportunissima occasio. Nam quotannis appellant hic Clässes à *Peruvia*, *Chile*, aliisque provinciis quæ adjacent Oceano, auro, argento, aliisque pretiosis mercibus onustæ; Solvuntque rursus ex hoc portu onustæ mercibus Europæis, quæ ab Oceano Septentrionali, primo subvehuntur per fluvium *Chagre* deinde terrestri itinere deducuntur ad hoc oppidum; opulento utrobique commercio: quin etiam, ut Hispani produnt, navigant ad Novam Hispaniam, Philippinas insulas, atque ipsum Sinarum Imperium; solventibus hinc navibus circa Festum Nativitatis. Continet civitas, secundum *Herrera*m, ut plurimum familias Hispanorum sexcentas, maxime mercaturæ vacantiùm: Hic Iudices regii cæterique ministri & publicani suas habent sedes: Hic est Ecclesia Cathedralis (cujus Episcopus suffraganeus est Archiepiscopi Limæ;) monasteria tria, Dominicanorum, Franciscanorum & religiosorum quos vocant de *Mercede*.

Portus hujus oppidi mediocris; licet naves relabente æstu in sicco destituantur, ideoque æstivis mensibus solent consistere in alto; hibernis autem se recipere ad portum *Perico*, duabus ab oppido leucis. Haud procul ab oppido labitur fluvius, descendens

scendens è montibus, & complures rivos atque torrentes recipiens: ad cujus ripas utrimque plures visuntur villæ, quas Hispani appellant *Estancias*, in quibus pecuaria exerceatur, imprimis armentorum ob insignem pabuli abundantiam.

Ager suburbanus multas nutrit arbores fructiferas, non modo hisce regionibus domesticas, *Pinnas* beneolentes, *Platanos*, *Guayavos*, *Caymitos*, *Aguacates* & similes, (de quibus alibi plura:) sed & Europæas & ex Hispania huc traductas, aurantia mala, limones, citrea & plures hujuscemodi. Licet autem solum non nisi Mayzium ferat, idque perparce, tamen affluit oppidum omni genere annonæ, quod per mare Australe à Peruvia larga copia subvehitur: atque ex ipsa Hispania, haud difficili inter utrumque Oceanum commercio. Flumina piscosa, uti & ipsum mare, quod piscibus (licet multum diversis ab Europæis) ad miraculum usque est factum: In littore autem & juxta ipsa oppidi mœnia, limacum quoddam genus reperitur, infinita pene copia, (*Chucas* vocabant barbari) nulla non anni tempestate, facili negotio parabile; ita ut hisce potissimum imputetur hujus oppidi isto loco substructio: quippe ita olim apud se reputabant Hispani, non facile sibi esuriem metuendam esse, quandiu hoc genus edulii ipsi suppetere. Indigenæ omnes jam dudum interierunt, sive Hispanorum savitia quod valde credibile, sive morbis, ut Hispani credi volunt, licet vero absumile sit, barbaris cœlo infalubri licet, tamen suo assuetis.

CAP. III.

Exactissima Urbis Panamæ descriptio à Joanne Baptista Antonelli ad Regem Hispaniarum missa, quemadmodum illam è libris M. Richardi Hackluyti hausimus.

S. Cruz
la Real.

Panama (inquit) est principalis hujus Diececesos Civitas, octodecim distans leucas ab oppido *Nombre de Dios*: sita ad oram maris Australis, novem gradibus ab Æquatore versus Arctum. Tria hic monachorum monasteria & una domus patrum Societatis Jesu: & Regii Iudices hic suum habent Tribunal. Civitas condita est juxta mare ad sinum arenosum, ita ut unum illius latus pulsetur ab ipso mari, alterum à brachio quodam maris, quod ad mille decempedas intra continentem se insinuat. Aedes habet trecentas et quinquaginta, è materie substructas; oppidanos circiter sexcentos: præsidarios ut plurimum octingentos, & quadringentos Nigritas è Guinea, quorum non pauci sunt liberti. Est & quoddam in vicinia municipium, quod dicitur *S. Cruz la Real*, quod totum habitatur à Nigritis libertinis (vocat *Simarones*,) numero fere centum, qui fere in Majestatis Tux servicio occupantur: abest autem à Panama leucam unam, ad ripam fluminis constructum, circiter leucam à mari, è regione *Portus Perico*. Hisce autem Nigritis non nimium credendum, utpote infidis & infestis, sed sedulo providendum ne quod forte damnum incautis duint.

Tria potro sunt itinera terrestria (nam de maritimo nihil dico,) per quæ ad hanc urbem etiam ab hostibus adiri potest. Primum per sublicium pontem, qui super fluvium stratus est: habetque ab una parte elicem, quæ urbem ab hac parte pene inaccessiblei facit, tam profunda uligine & cœno, ut gressum impediant: è regione decurrit amnis, qui urbem ambit instar fossæ: ab altera parte lacus sive stagnum præteditur, tota hyeme & bona parte æstatis, aquis replem, ita ut hoc urbis latus exiguo præsidio possit custodiri. Præcipuum periculum est ab itinere quod à *Nombre de Dios* ducit ad hanc urbem, planum quidem & arboribus nudum: duobus autem decempedarum mill. ab urbe defluit amniculus, quem vulgo vocant *Lavanderam*, quia feminæ hic vestes lavare consueverunt; Hic amniculus in prædictum lacum restagnat eo modo, quem Majestati Tux delineavi, ultra hunc occurrit semita silicibus strata.

Alterum iter versus urbem ducens paulo inferius jacet, juxta pontem, qui ad semitam pertinet quæ ad portum *Perico* ducit. Hæc duo itinera difficilius defendi possunt, quia plana & campestria sunt omnia. Ad orientale urbis latus regia ædificia sunt exstructa super rupem haud longè à mari ad quod leni clivo devergunt, quemadmodum & solum. Conventus Iudicis habetur in hisce ædibus: ibidem & Carcer est & Gazophylacium regium: Hic M. T. Thesaurarius, Præfex Iudicis, & tres Senatores sive Iudices cum

Advo-

Advocat Fiscali & reliquis tuis ministris, degunt conjunctis ædibus, quæ æ materie structæ visuntur super eandem rupem: locus autem cui Palatium & carcer sunt inædificata, facillime potest muniri, situs ipsius beneficio & vicinia maris, quod hic multis rupibus confitum, quæ æstu relabente eminent, nonnullæ & plenæ fluctibus. E regione harum ædium versus ortum, quingentarum decempedarum intervallo, observetur continenti semicircularis insula; ex adverso denique harum ædium, est statio navium postquam onera sua exposuerunt: nam cum oneribus suis non possunt huc appellere nisi solum celoces, quas & fluctus recedens in vadis destituit, circiter triginta decempedis ab hisce ædibus, è regione autem ipsa civitas sita est. Quum superioribus annis rumor increbuisse, pyratas mare Meridionale esse ingressos, Præses atque iudices curaverant hæc arcem extrui, ligneo vallo, ut hanc civitatem & Majestatis Tuz Thesauros tuerentur: prætea *Ventam de Cruzes* & amnem *Chagre* atque *Enegradam* communiverant; auxerantque præsidium *Ballani*; nam omnibus hisce locis hostis exsensionem facere & provinciam longè lateque posse vastare creditur.

Tribus autem modis hæc civitas levi negotio ab hostibus potest invadi, uno per mare Septentrionale & certum aditum, qui quatuordecim leucas abest à *Nombre de Dios* & appellatur *Acla*; per quem haud ita nuper Pyratam in mare Australe meminimus penetrasse: altero per *Nombre de Dios*; licet enim iter sit arduum & impeditum, rigrum atque cænosum, novem tamen mensibus utuntur illo incolæ, per aquas cœnumque, eluctantes, aut per editas & inaccessas *Capira* montis rupes enitentes, ita ut tum facile hostis hic à paucis militibus possit sustineri: verum æstate hæc itinera sicca, adituque facilia esse testantur. Tertio denique per fluvium *Chagre*, quod Oceano miscetur, octodecim ab oppido *Nombre de Dios* leucis versus Favonium: Hic aditus Panamenses maxime sollicitos habet; nam adverso flumine hoc ascendendi potest ad *Ventam de Cruzes*, atque inde quinque leucarum itinere terrestri perveniri ad hanc urbem. Navigatur hoc flumen cymbis, quæ trecentorum & plurium quintalium (pondus est Hispanicum centum & viginti libras nostrates æquans) onus ferre possunt, & merces Europæas subvehunt ad *Ventam de Cruzes*, unde trium leucarum itinere ducuntur *Lima retum*; quæ via planissima est, si incolis credimus: Unde proclive foret hostibus per hanc viam sibi aditum ad hanc urbem & mare Australe aperire: quin etiam celoces ad hunc usum paratas secum portare, & mari invehere, atque ita terra marique nos aggredi, uti satis constat *Franc. Dracum* quondam in animo habuisse facere. Quumque incolæ hujus civitatis fere mercatores sint, proelio decernere pertimescunt, res suas in tutum subducere contenti: Quare si Majestati Tuz placuerit ædes supra dictas munire, non modo refugium civibus, siquis subitus ab hostibus ingruat metus, sed & gazæ tuz tutum poterunt præbere receptaculum. Nam pyratæ & rebelles tui, qui has oras infestant, id unum semper in votis habuerunt ut hoc loco potirentur, atque ita una opera & commercia inter Hispaniam & Peruviam impedirent, & Majestatis Tuz gazam deprædarentur. Quare hunc locum probe custodiri summa cautio est: nam hisce locis bene munitis, non est quod Majestas Tua thesauris suis, aut mercatores suis commerciis amplius quicquam metuant: Et si forte quidam in vicinis provinciis ab obsequio Majestatis Tuz recedere & hostibus se conjungere tentaverint (quod Deus avertat) non est quod verearis quândiu hæc urbs & *Porto Belo* valido tenebuntur præsidio. Nam milites ad *Portum Belum* expositi (qui tantum octodecim leucas hinc abest) facile huc conduci possunt, & quum ad hanc urbem plerumque pertineant ex aut x i t celoces, iisdem nullo pene negotio ad omnes partes traduci. Nullus Peruviz portus (Limanum solum excipio) tot habet naves, quot Panamensis. Verum si hæc urbs non fuerit probe munita, fieri posset ut pyratæ per Fretum Magallanicum in mare Australe penetrantes, eo tempore quo gaza huc deducitur (quæ interdum superat quinq; aut sex milliones) hic appellerent, eamque diriperent cum exiguo suorum discrimine: cõmunta autem urbe, facile omnis gaza in tutum potest subduci. Si itaque Majestati Tuz videatur consulum, ab ea parte qua civitas hæc terram respicit, arx latericia posset excitari à fundamentis, loco idoneo & ad id parato, cum suis propugnaculis & fossa: nam à parte maris nihil periculi est; quippe æstu bis quotidie accedente & recedente; neque tutus navibus accessus quum æstus implevit, neque quum rupes retrocedere fluctu sese aperiant, vestigia in lubrico possunt figi: atque hæc ora ab illa parte de qua modo diximus pertinet ad pontem usque, quem vocant *Paita*.

Duabus

Perico. Duabus autem ab ube leucis versus occidentē aliis occurrunt portus, quem nominant *Perico*, à tribus contiguis pene insulis, quæ semicirculari forma Continenti obiacent, adversus incerta ventorū egregiè munitus, intus parens semileucam: Continens autem editior, insulæ depressiores: aquatio hic commoda; nec portus adhuc ullius navis exitio infamis: nam pleno mari altus est *orgyas septem*; relabente æstu tres quatuorve: & anchoræ valide tenent, & naves ubi opus est levi opera statuunt in sicco, ut refici possint. Hunc portum subintrant naves à *Peruvia* redeuntes auro atque argento onustæ; & quum nullo opere sit muniendus, facillime illum pyratæ possent ingredi: & omnes naves spoliare: nam celoces omnes quæ *Dise Meridionale* navigant, ita ut plurimum sunt inermes, ut vectores vix gladium habeant quo se tueantur: & nullum est in vicinia præsidium quod hostes valeat impedire. Abest autem hic portus à *Penta de Cruzes* leucas quinque. Itaque hic attem excitati operæ precium erit, in media harum insularum, & machinas aliquot majores ditari: idque exiguo sumtu, quia ipsa insula necessaria ad hanc molem subministrabit: atque ita non modo urbi sed & portui optime foret prospectum.

Caracol. Est præter hos, adhuc alius ad Mare Australe aditus, per fluvium quem vocant de *Francisca* juxta *Cabecam de Castiva*, secus oram maris Septentrionalis: nam hoc flumen ingressis breve est iter ad flumen *Caracol*, quod quinque ab hoc oppido leucis descendit in Oceanum Meridionalem: *Simarones* aliquando Gallum quendam per hanc viam in hoc mare traduxerant. Hæc ille. Quid autem horum, quæ hic necessaria autumat, hæcenus perfectum fuerit, mihi non satis constat.

C A P. IV.

Oppidum Nombre de Dios: & locorum adjacentium situs & qualitates.

ALTERUM hujus Præfecturæ oppidum est *Nombre de Dios*, sed quid dixi est, imo fuit, quippe jam derelictum, incolis illius ad *Portum Belum* traductis: nec opus esset illius mentionem hic facere, nisi interesset loci situm & portus opportunitatem, locorumque adjacentium qualitates cognoscere. Hispani scriptores ad unum omnes graviter conqueuntur de loci hujus insalubritate: & *Herrera* restatur in sua Historia, pene innumeros Hispanos hic variis morbis interijisse. Oppidum enim cingebatur paludibus & uliginoso solo, è quo pestilentissimi & valetudini hominum infestissimi vapores exhalant. Sed operæ precium est *Joan Baptistam Antonelli* audire.

Nombre de Dios (inquit) conditum est ad atenosum sinum haud longe ab Oceano Septentrionali, triginta circiter constans familiis; domicilia lignea: incolarum autem plerique sunt advenæ, nec fixa hic habent domicilia; ager vicinus aut densis sylvis est opacus, aut jugibus paludibus suffusus, & profunda uligine pene inviis, ob aquarum abundantiam, quæ ab umbrosis montibus descendunt: portus neque commodus, neque aquationi opportunus, expositus est enim aquilonibus, qui jugiter hic perflant; nec satis altus, ita ut majora navigia maximam partem mercium exponere cogantur antequam illum subeant. Si vero ventus ab Arcto aut Coro vehementius perfler, coguntur onerariæ interdum sex anchoras jacere, neque audent funes laxare, ob scopulos & breviam quæ utrinque imminet, fervet enim tum mare & ingentes fluctus agit ad littora, ita ut naves valide concutiantur & cum ingenti discrimine nunc funes rumpantur, nunc gubernaculum excutiantur, aliaque incommoda navigiis accidunt. Oppidum quidem affabre conditum est & opportune situm ad orientale portus latus supra petram, ubi nullo pene negotio Arx ad defensionem portus posset ædificari; veruntamen, quum portus tam incommodus sit, non possum auctor esse Majestati Tuæ ut alios sumtus hic faciat, quam vallum circumducere, quo incolæ se suamque adversus trium quatuorve navium classem possint tucri. Panama abest hinc octodecim leucas, impeditiissimo itinere: nihilo tamen secus omnis auri atque argentigaza, tam Majestatis Tuæ quam privatorum hac deportatur; Europæ autem merces, primum minoribus navigiis ad *Chagre* fluminis ostium devehuntur; deinde advetso flumine subducuntur ad *Pentam de Cruzes* denique

denique ab hoc hospitio quinque leucarum itinere multis bajulantur ad oppidum Panamenſe. Situm eſt hoc oppidum novem gradibus & viginti ſerupul. ab Æquatore verſus Arctum. Si Majeſtas Tua conſultum putat hoc oppidum demoliri & oppidanis traducere ad *Portum Belum*, aliud iter molierendū erit per montana *Capira*, cætera enim difficillima ſunt & facile poſſent obturari: portuſque hujus fauces exigua impèſa obſtrui, onerariis aliquot quæ præ verſtate dehiſcunt, hic depeſſis & ſaxis in altum projectis: Verum magna hic inopia eſt ſaxorum, ita ut naves quum iis opus habent, illa ex vicina inſula, quam vocant *de los Baſimentos*, eoganur petere. Hæcenus ille ſcribens ad Regem Hiſpaniarum anno cſo lſo lxxxvii. Angli autem, qui anno cſo lxxv, duce fortiffimo Equite *Franciſco Draco*, oppidum hoc diſpuerunt atque everterunt, longe aliter loquuntur de hoc oppido illiusque portu: ſtaturque oppidum fuiſſe amplum, latis plateis, ædificiis ligneis ſed præaltis; templumque habuiſſe ſatis elegans licet itidem ligneum: Situm eſſe in humido ſolo & ſub cælo crebris nimbis obnoxio, ideoque valitudine incolarum tam infami, quam ullum ſit in toto Orbe. Ad ortum ab oppido deſcendere in liſtrum Sinus latus, amniculum quendam, cujus aqua limpidiſſimæ ſint & potari pulcherrimæ: ad cujus ripas aliquot villæ & ruſtica prædia erant condita: Stationem ante oppidum ſatis commodam, licet ingreſſuris dextra levaque lætes rupium obſectentur, levi tamen diſcrimine, quum facile vitari poſſint, utpote quæ periculi ultro admoneant, & tam intra quam extra rupes, anchoras liceat figere. Cur tam diverſa Angli atque Antonellus de hoc loco tradiderint, non aliam cauſam poſſum comminifci quam quod huic ita expediverit, ut Regem facilius permoveret ad oppidum demolierendū & aliud transferendū, quemadmodum poſtea factum eſt, uti ſtatim dicetur.

C A P. V.

Portus Beli deſcriptio ſecundum Joannem Baptiſtam Antonellum.

Porto Belo (inquit) diſtat à *Nombre de Dios* leucas quinque verſus occidentem, commodiſſimus portus & quamplurium navium capax, fundo anchoris tenendis peridoneo, nam mare altum eſt ſub ipſo pene litore orgyas quinque aut ſex, in medio ipſius portus duodecim, fundo aut molli aut arenolo, nulla hic brevia aut ſcopuli: Duodecim qua rivi qua amniculi conjunctim in illum deſcendunt, ita ut aquatio quovis tempore hic faciliffima ſit. Abundat præterea adjacens ager materie cædua, perutili ad naves fabricandas: Uti & ſaxis ad navium ſentenam explendam nullum in portu adeundo diſcrimen, præterquam quum ventus ab occidentali plaga perſtat, quod hic valde rarum. Nam venti qui hic crebrius ſpirant, ſunt Arctoi, orientaliſibus magis noxii & nonnumquam navigantibus permoleſti. Intra portum jacet ſtagnum, quingentas decempedas in longitudinem, totidemque in laticudinem patens, juxta fauces trecentas pene decempedas latum & ſupra quatuor orgyas altum, interius autem ſex, fundo molli & coſoſo, ita ut naves nullum detriſmentum accipiant licet impingant aliquando, vadiſque hæreant, litus ipſum vadorum & ſcopulorum expers, fidumque navigantibus, ita ut nullo diſcrimine ubicumque lubet anchoras jacere proclive ſit. Portum cingit nemus & palus quæ facili negotio obſecto aggere poterit ſiccari & armentis pæſcua præbere: id præcipuum oppidorum emolumentum, paſcuorum autem juxta *Nombre de Dios* ſumma eſt inopia, itaque ibidem nulla armenta paſci poſſunt, & caro omnis inde ab oppido Panamenſi petenda: Planities præterea jacet ad australe portus latus, oppido ſuperſtruendo valde idonea, ad radices montium, qui modico jugo eriguntur, & ubi tres amniculi pulcherrimarum aquarum devolvuntur: & agri Mayzio aliſque frugibus ſerendis peridonei ſunt atque uberes. Hic quoque permagni lapides reperiuntur, cæmento conſciedo, ut putant, apti (nam nondum cepimus experimentum) denique ne tædioſi ſimus, omnia condendo oppido neceſſaria hic abunde ſuppetunt. Solum cui oppidum ſuperſtrueretur ſaxoſum eſt, ær autem imprimis temperatus & ſalubris. Ne autem aqua pluvia, quam nimboſi montes (qui imminet,) hibernis menſibus profundunt, noccat oppido, ſtagnum ad radices montium effodiendum

erit quo torrentes recipiantur a *Nobre de Dios* inde per emissarium in Oceanum deriventur. Utilissimum autem fuerit oppidanos è *Nobre de Dios* huc traducere: quod ipsis neque grave neque sumuosum est futurum, quia in oppido illo omnes ædes è materie substructæ sunt, quam huc transportare haudquaquam difficile erit, ut neque regulis tectorum. Si Majestati Tuz hoc consilium probetur, primum lemnia aperienda erit, deinde templum aliaque publica ædificia, & præsertim Teloneum oppidi *Nobre de Dios* destruenda & hic cursus substruenda: denique Classibus quæ quotannis ex Hispania solvunt imperandum ut hunc portum adeant: ita enim futurum est ut & mercatores huc apothecas suas transferant, & magna hominum frequentia ad novum confluat oppidum.

Ad portus autem atque oppidi tutelam necessarium erit, in montis, qui ab Arcto portui imminet, vertice, exiguum & quadratum castellum moliri, ubi quatuor quinque tormenta bellica statuuntur, & sex prædialiarii continuo excubent; nec majori molimine hic opus est, nam universus portus cingitur à sylvis atque crebris scopulis. E regione vero aliud castellum ad modum turris substructur, atque in eo collocabuntur octo machinæ bellicæ, & viginti milites prædialiarii, id enim præcipuum momentum adferre ad oppidum protegendum, utpote vicinibus & pene conexum. Ad Arctum porto adjacet æstuarium octo orgyas altum, commodissimam stationem præbens, ita ut hoc castrum & oppidum defendere & hostibus insigne detrimentum possit adferre, atque adeo omnem oram tutari, quæ hic nonnihil prominet & vergit ad Insulam Bonaventuræ. Licet autem prius castellum aut concidere aut ab hostibus intercepti contingeret, nihilo tamen minus hoc alterum ad oppidi defensionem sufficeret; modo tantum viginti milites in opposito colle collocentur, ita enim vel magnum hostium numerum haud difficulter poterunt arcere. Distat hic portus novem gradus & viginti scrupul. ab Æquatore versus Arctum.

Iter quod ab hoc loco ad Panamam ducendum erit, haudquaquam difficile est futurum, quemadmodum à Simaronibus accepi: Nam licet hybernis mensibus ut plurimum aquis oppleatur, tamen æstivis est sicum: quibus autem locis profundiore uligine invium manet, lignis poterit sterni & saxis, quorum magna hic copia: sumtus vero ad hanc operam haud difficulter suffici possent è Majestatis Tuz portoriis in oppido Panamensi, quæ singulis annis duodecim aut quatuordecim reddunt ducatorum millia. Atque hæc ille.

C A P. VI.

Oppidum S. Philippi ad Portum Belum; atque municipium Nata.

PHILIPPUS II Hispaniarum Rex, consilio *Joan. Baptiste Antonelli*, quod supra inferuimus intellecto, & maturè cum Præside & Senatoribus supremi Consilii Indici in Hispaniis ponderato, tandem sibi persuaderi passus est ut *Nobre de Dios* penitus derelicto, aliud sui nominis oppidum ad *Portum Belum* conderetur. Antonellus itaque decreto Regis accepto, pomeria urbis designavit, & arcem unam communivit; & jam locum alteri ceperat è regione portus, quum *Franciscus Dracus* cum classe sua, post oppidum *Nobre de Dios* captum atque direptum, hunc portum adiret & haud longe ab illo fato fungeretur. Qui res ab ipso postrema hac expeditione gestas in commentarios retulit, testatur hunc portum tam majoribus quàm minoribus navigiis opportunissimum esse, atque adeo omnes hujus Continentis portus & stationes plurimum anteire. Vix octo aut decem ædes ibidem tum erant constructæ, præter majorem unam quæ Præfecto struebatur, & arcis munitissimæ fundamenta jam moliri cæpta è transversis trabibus, saxisque & tereno vallo: opus in speciem magnificum & si perficeretur validum adversus hostiles incursum munimentum futurum: hæc prima nascenti urbi calamitas ab Anglis obtrigit, opera pene disiecta. Nihilo tamen segnius post Anglorum discessum, oppidum & castella perfecta: profuitque illi *Nobre de Dios* excidium, incolis illius haud invito commigrantibus: quo factum est ut oppidum *S. Philippi* statim & ædium multitudine & civium frequentia cresceret.

Anno

Anno autem cLxv cxi oppidum hoc denuo ab Anglis interceptum fuit in hunc modum. *Wilhelmus Parkerus* cum duabus onerariis & una celoce, quibus ducenti qua milites qua navis vehabantur, ex Anglia profectus, sub *Insula de los Bastimentos* aliquandiu in anchoris substitit, & postquam centum quinquaginta milites duabus liburnicis & totidem cymbis imposuisset, noctu subluni portum est invehctus, quumq; ad majus castellum, cui *S. Philippi* nomen, venisset & ab excubitoribus interrogaretur unde veniret, respondit à *Cartagena*, deinde anchoris jactis diem operiri jussus, paruit; sed paulo post cum duabus cymbis, excubitoribus oppositi castelli, cui nomen *S. Iago*, nequicquam inclamantibus, recta contendit ad oppidum & tantum triginta militibus delectis comitatus, suburbanum quod vocant *Trianam*, ex improvilo cepit atque incendit; inde festinanter ad oppidum movens & recta ad Regis Gazophylacium contendens, in aliquot milites & duo arca tormenta impegit, quibus fortiter repulsis & tormentorum compos factus, suos qui commodum cum liburnicis appulerant suscepit: Præfectus oppidi *Petrus Melendes* interea, sexaginta suorum coactis, quum Anglos ponte, qui ipsis necessario transeundus erat, omni opera arcere niteretur, duobus vulneribus acceptis in vicinam domum se recipere compellitur, & mox post anceps certamen capitur: dein Angli, Regii Gazophylacii compotes facti, tantum novem aut decem ducatorum millia in illo invenerunt; nam paulo ante centum & viginti millia ducatorum, cum duabus liburnicis *Cartagenam* fuerunt missa. Oppido autem interdiu spoliato, noctu rursus ad naves suas se receperunt, nullo alio damno oppido illato, neque ullum insigne damnum in regressu ab arcibus passi. Testantur illi, duo jam tum templa in oppido fuisse constructa, sex septemve plateas ædibus utrimque substructas, & plures Mechanicorum & institutorum officinas. Castellum *S. Philippi* ad orientale portus latus situm est, in quo triginta quinque majora tormenta erant & quinquaginta præfidiarii, è regione autem illius Castellum *S. Iacobi*; duo insuper minora juxta oppidum. In oppido denique atque castellis haud supra ducentos quinquaginta erant præfidiarii milites & unum oppidanorum vexillum. Atque ea tum oppidi atque arcium facies fuit. Postilla adhuc majus & munitius castellum conditum fuit, inter arcem *S. Iacobi* & oppidum, ad occidentale sinus latus, quod quadraginta tormentis majoribus instructum volunt, quæ triplici ordine digesta. Sinui denique, qui parentissimus, in alto objacet duæ parvæ insulæ, una, quæ minima, haud longè ab angulo occidentali & arce *S. Iacobi*, altera juxta angulum occidentalem & è regione *S. Philippi*. Merces omnes ab hoc oppido duabus viis transportantur ad oppidum *Panamam*, una terrestri, quæ longe expeditior & facilior quam à *Nombre de Dios*; altera raritima, primum ad *Chagres* fluminis ostium, quod hinc abest leucas tredecim, deinde adverso flumine, eo quem supra descripsimus modo; exit & alter amniculus in mare duabus ab arce *S. Iacobi* leucis versus occidentem, ad cujus latus orientale exiguum munimentum struxerunt, uti & ad ripam orientalem *Chagres* juxta ostium.

Tertium hujus Præfecturæ oppidum appellatur *S. Iago de Nata* & simpliciter *Nata*; situm est autem ad mare Meridionale, triginta à *Panama* leucis versus occidentem. Ager illius fertilis atque planus, peramœnus; clauditur ad septentriones *Vrraca* sive *Verrague* montibus.

Ab hoc oppido versus Euro austrum jacet provincia *París*, cujus regulum *Cutá* *París*. *siram* multa hostilia quondam in Hispanos fuisse ausum, supra monuimus. Capit

C A P. VII.

Flumina & littora hujus Præfecturæ Panamensis, & præfertim fluvius *Chagre*.

PRINCIPALIS hujus Præfecturæ fluvius ad mare Septentrionale, barbaris quidem *Chagre*, Hispanis autem dicitur *Rio de Lagartos*, id est, Crocodilorum *Chagre*. fluvius: qui novem gradibus & viginti scrupulis ab Æquatore versus Arcum descendit in mare, octodecim quidem ab oppido *Nombre de Dios* leucis, tredecim vero ab oppido *Porto Belo*. Ab ostio hujus fluminis ad *Ventam de Cruzes* octodecim

numerantur leuca, ad quem locum omnes merces Europæ subvehuntur, & multis deinde atque jumentis impositæ, quinque leucarum itinere ad Panamam. Flumen hoc valde augetur atque intumescit hibernis mensibus. Cymbæ quibus hic utuntur, pleræque sunt, ut loquuntur nautæ, sedecim Doliorum, & trecenta circiter quintalia (ut Hispani usurpant) vehere aptæ. Æstivis vero mensibus alveus illius exilior est, ita ut illis mensibus subvectio multo difficilior sit, multisque locis onera sua cogantur exponere & nonnisi magno molimine & multorum hominum opera funibus subducantur. Quare *Joan. Baptistæ Antonellus*, cujus jam aliquoties meminimus, Regi Hispaniarum auctor fuit, ut castellum juxta fluminis ostium communiri juberet, & minores cymbas fabricari, quibus merces æstate subvherentur, majoribus in hyemem 10 sepositis: & semitam ad alteram fluminis ripam duci, qua expeditius cymbæ funibus subduci possent: neque difficile factu autumat, ripis fere planis & æquali solo: tantummodo arbores quæ utrimque incumbunt & nonnumquam transversim incidentes navigationem remorantur & impediunt, cædantur. Ostium fluminis, ad lapidis jactum, amplum, satisque altum, atque adversus *brisas* (ita vocant ventos orientales, qui hic fere jugiter perflant) nonnihil munitum. Flumen denique piscosum, & juxta ripas, ob sylvarum densitatem, multarum ferarum opportuna habetur venatio.

Chepo.

Ad mare Meridionale habet hæc Præfectura fluvium *Chepo*, juxta cujus fontes superiori seculo multum auri erutum volunt. Ab oppido autem Panama versus orientem exit in Australem Oceanum fluvius *de las Balsas*, uti vocatur ab Hispanis, ad cujus ripas materies fabricandis navibus peridonea reperitur; nam quum *Vasco Nounius de Balboa* detecto tum primum mari Australi, vicinas regiones lustrare in animum induxisset & cymbas aliquot *Acla* præparasset, magnoque labore ad hunc fluvium terrestri itinere deduxisset (nam inter *Aclam* & mare Australe tantum duas & viginti leucas interesse scribit *Herrera*) materie omni subito à carie corrupta, (quippe locis mari nimium vicinis aut intempestive cæsa) voti pene irritus, aliam lignorum copiam hic cædere aggressus, feliciter quod cœperat perfecit & cum aliquot cymbis secundo flumine penetravit in mare Australe. Fluvius autem hic certis anni tempestatibus in tantam excrevit altitudinem, ut ripis superatis, vicinos 30 agros longe lateque inundet; id ejusdem *Balboa* discrimine observatum, cui tam inopinato hæc inundatio supervenit ut pene opprimeretur, nam cum suis in arboribus eniti coactus vix evasit exitium: utili in futurum documento, quibus forte simile quid in hoc fluvio moliri propositum fuerit. Sunt & alii hujus Præfecturæ fluvii ad utrumque mare, de quibus nihil illustre accepimus, itaque mox in ora maritima describenda eorundem opportune suis locis recordabimur.

C A P. VIII.

Flumen Darien & Provincia ejusdem nominis.

P*Anamensem* atque *Cartaginensem* præfecturas dividit Fretum *Yraba*, in hujus intimum gremium, ad latus fretum ingredientibus dextrum sive Occidentale, descendit *Darien*, limpidissimum flumen & potari pulcherrimum: à quo Provincia *Dariena* nomen accepit. Hæc & cœli temperie & soli fecunditate præsertim, à multis commendatur: melones enim & similes fructus, intra vigesimum diem ex quo satæ fuerint plantæ, & germinare & fructus suos ad perfectam maturitatem perducere: vites quoque atque fructiferas arbores celerrime & exquisitè fructus ferre atque maturare non minus quam in Hispaniola atque aliis insulis. Inter fructiferas arbores celebrantur à *Gomara*: *Mameya* formosa arbor, latè virens, ramosa, frondibus magis longis quam latis, materie porosa, fructu grandi & rotundo, sapore mali Persici, carne autem Cotonei; tres quatuorve nucleos habens conjunctos valde amaros. *Guanaho* alta & speciosa arbor, fructu grandi instar capitis humani, cortice tenui & squamis quibusdam planis & levibus recto, carne intus candida, tenera & suavi, quæque instar cremoris lactis in ore dissolvatur, sed pluribus nucleis permixta, qui dentes & gingivas offendunt: refrigerat, ideoque æstate fervente jucundissime sumitur. *Hoyo* (aliis *Horio*) grandis arbor, viridis, cujus umbram salubrem esse 40

Mameia.

Guanabo.

Hoyo.

esse volunt, quare tam Hispani quam indigenæ sub illa somnum solent capere: è germinibus illius aqua extrahitur admodum odorata: è cortice autem balnea parant ad poros cutis aperiendos & pedes abluendos atque fovendos (lascitudinem enim auferre dicitur) è radice si vulneretur copiosus emanat liquor, potari optimus: Fructus illius fuscus est, exiguus & pauxilla carne circa nucleum plane ossium, salubris & facilis concoctus, sed gingivis ob nucleï scabritiem inimicus. *Guayava* denique arbor modicæ magnitudinis (inquit Monardes) ramis sparsis, folio laurino, sed crassiore, & latiore (inquit Gomara) flore candido, aureæ mali floribus simili, aliquanto tamen majori & odorato; fructus malis nostris est similis, initio viridis & post maturitatem aureus, pulpa interiore alba, interdum etiam rosea. Divisus quatuor concavitates
 10 sive vascula habere conspicitur, in quibus semina reconduntur, mespilorum seminibus similia, durissima, colore fusco, omnino ossca, medulla & saporis expertia: Fructus edi solet prius demto cortice; palato gratus, salubris & concoctus facilis: frigidus esse videtur, propterea datur febricitantibus assus: viridis adstringit, sed maturus solvit alvum. De hisce arboribus alibi quoque diximus, sed non inutile putavimus eandem hic meminisse & *Gomaram* de illis audire.

Feræ hujus provinciæ sunt Leones, sed Africanis & minores & minus feroces: Leones pardi Africanis plane similes, hominibus tamen minus infesti quam Tigres; Cati sylvestres grandes & velocissimi: cervi Europæis similes, sed minores neque tam
 20 veloces: Vulpeculæ sed minores & diversi coloris: damæ modicis mulis magnitudinis pares sine cornibus cuniculi, lepores: Simii & Cercopitheci tam multi & tam varii ut pene superet fidem: aliaque animantia & feræ: Unum denique animal commemorat *Petrus Martyr* ob peregrinam formam: est enim magnitudine Tauri, proboscide & auribus Elephantii, sed neque tam grandibus neque tam patulis, pedibus & ungulis equi.

Avium elegantissimarum ingens hic copia, sed vix ullæ à cæteris Americanis diversæ, præterquam quod ad ripas magni fluminis de quo statim dicemus, pavones quidam reperiuntur, mira colorum varietate & ab Europæis nonnihil diversi. Infestantur autem incolæ à quibusdam vesperilionibus, quorum morsus admodum sunt venenati, plurimumque sanguinis effluit è vulneribus, ira ut difficulter sili possit, nisi aut aqua
 30 marina abluantur, aut calente cinere foveantur, quæ remedia tandem huic malo sunt inventa: nec desunt hic angues & serpentes, aliaque noxia & venenosa animantia.

Porro *Petrus Martyr* in decadibus suis Oceanicis scribit, Sinum *Vrabelatum* esse millia passuum quatuor & viginti, quodque magis se recipit intra continentem, eò magis angustari: in illum autem diversa flumina descendere: Eorum autem unum, quod vocant *Darien*, patvo lentoque alveo fluere, ita ut tantum uniligneis barbarorum linitibus ferendis sit idoneum. In eundem sinum exit & alterum flumen, quod Hispani ab amplitudine appellarunt *Rio grande*, æstuarium enim illius duas leucas patere scribunt, plurimosque alere crocodilos; crebro etiam superatis ripis omnibus in vicini
 40 agros restagnare, multasque paludes & uliginosa stagna post se relinquere.

Tertium flumen quod in hunc sinum se exonerat, appellatur à Martyre *Dabayba* & *S. Joannis*; id ab oriente ex altissimis *Dabayba* montibus devolutum, egreditur in
 50 *Urabæ* sinum per septem ostia, uti Nilus in *Ægypto*, quæ tria millia occupant quorum præcipuum nonnulli quadraginta aut quinquaginta orgyas est altum. Distat à flumine *Dariensis* versus ortum leuc. novem. Hispani præter jam dicta & aliorum hic meminerunt, quorum unum quidem à retibus ibidem inventis *Rio de las Redes* vocant; alterum autem de *la Trepadera*, quem *Andreas de Garabito* anno 1515 *xlvi* ascēdit ad montana usque, ubi & alium amnem offendit, qui diverso cursu ad mare Australe properabat. His accedit amnis quem Hispani dixerunt de *las Annades*, ubi quondam municipium condere cæperant, septem leucis à *Dariene*, in regione peramœna & fertili, ad fines provinciæ *Ceracana* cui tum *Regulus* præerat *Abraibem*: cujus subditi tuguria sua in fastigiis arborum instruxerant. Meminit denique *Herrera* fluvii *Corobari* haud longe à *Dariene*, qui permeat agros fertiles, & cælo perquam salubri, ita ut *Dariensis* incolæ agros suos huc traducerent ad sanitatem recuperandam.

Oppida quae Hispani quondam habuerunt in Provincia Dariena.

SUPERIORE capite Provinciam *Darienam* & flumina quæ descendunt in *Urabæ* fretum utrunque descripsimus: licet autem hodie Provincia illa pene deserta nullisque Hispanorum oppidis culta sit, tamen non abs refuerit, paucis hic commemorare, quæ loca olim ab Hispanis hic culta, quæque oppida variis temporibus in hac provincia condita rursusque derelicta fuerint.

In Præfatione ad hunc librum præmonuimus, hanc continentis partem quæ hodieque vulgari nomine ab Hispanis appellatur *Terra Ferme*, olim in duas veluti provincias fuisse divisam, Castellam auream & Novam Andaluziam; quarum illa occidentalem partem earum provinciarum quæ *Urabæ* Fretto adjacent, atque adeo *Darienam* complectebatur, hæc vero earumdem partem orientalem. Porro *Alfonso Oieda* quum animum adiecit ad novam Andaluziam subjugandam, tum vix leviter cognitam, illius præfecturam speciali impetraverat diplomate, (sub certis conditionibus) ab Hispaniarum Rege anno 1513. Itaque navibus aliquot, milite & omni genere commearum instructis ex Hispaniola solvens, attigit Continentem illa parte ubi nunc *Cartagena* condita cernitur; & exscensione facta, aquandi & lignandi causa; insignem cladem passus est à bellicosis & præferocibus barbaris, qui ibidem incolabant, septuaginta suorum desideratis; & quam tamen *Niquesa* cum suis commodum superveniens, longe pluribus barbarorum casus, egregie est ultus. Verum tamen hic nequaquam sibi consistendum ratus, cursum flexit ad *Urabæ* fretum, flumen *Darienis* investigans, (de cuius opulencia incertus rumor jam percrebuerat;) in quo quærendo quum aliquandiu frustra operam sumsisset, classem vortit ad orientale Freti *Urabæ* latus, & exscensione facta, condidit ibidem municipium *S. Sebastiani*, in agro perferendo & omnibus rebus ad vitam necessariis affluente, ut *Herrera* testatur. Indigenis autem advenarum cito petitis, quum Hispani annonæ penuria laborare cepissent, & barbarorum insidiis atque armis premerentur, municipium vix inchoatum, rursus deseruit *Oieda*, suosque omnium rerum indigos destituit: quare & illi, qui relictis fuerant, consensu liburnicis, quæ supererant, in diversa discesserunt: Sed jam longius protractis supervenit *Enchis* cum annonæ & supplemento militum, eosque pene in viros secum reduxit, applicuitque ad freni *Urabensis* latus occidentale.

Hic jam fluminis *Darienis*, quod *Oieda* frustra quæsierat, forte fortuna compos factus, ad ripam illius molitus est oppidulum, quod *S. Maria Antiquæ* nomini dedicavit anno à Christo nato 1510. Id paucis annis colonorum numero & opibus ita crevit ut anno 1514 Episcopatu insigniretur. Verum tamen quum *Vasquez Nonnius Balboa* non minori industria quam labore aditum ad mare Australe, (de quo prius obscura fama barbarorum indicio ad Hispanos pervenerat) aperuisset, & spes opulentiæ, quam tot tantæque provincie ad illum Oceanum sitæ haud frustra promittebant, cuiusque non levia jam indicia perceperant, indies cresceret; oppidum hoc, ab *Petreo Davila*, quem Rex Hispaniarum huic provincie præfecerat, fuit desertum, & incolæ ad Panamensem traducti anno 1519: causam facti sui prætexit insalubritatem aëris, quæ plures Hispanos in urbe hac brevi tempore abstulerat. Etenim, ut *Petrus Martyr* testatur, oppidulum hoc constructum erat ad fluminis ripam, in humili planicie & altissimis montibus undique cincto, quo fiebat ut aër hic & supra modum humidus & fervidus esset: quibus accedebant crebræ paludes & uliginosa stagna, gravem & retrem odorem exhalantia.

Addit *Gomara* tam hic quam in reliquis huius continentis provinciis, Hispanis vulgo accidere, ut colorem fuscum & subcroceum, ad modum eorum qui ictere laborant, contrahant: fieri (inquit) potest ut ingens auri appetitus, quem pectore gestant conclusum, sese hoc indicio prodât & cutem ipsis hoc aureo colore inficiat: suorum avaritiam sugillans & facere ridens.

Sed longe maximum incommodum patiebantur oppidani, à subvectionum difficultate pariter atque caritate, quia oppidum longissime aberat ab Oceano. Has ergo

ergo ob causas oppidum minus commodum fuit iudicatum, licet provincia ipsa haud dubio amœna esset & valetudini incolarum non inimica.

Aliud præterea municipium à militibus *Avila* conditum fuerat in provincia *Pocorosa* ad ripam fluvii *S. Crucis*, uti appellabant Hispani; quod mox à barbaris ex improviso captum fuit & funditus deletum.

Anno quoque cło 15 xv ab eodem *Avila*, colonia fuit deducta ad portum *Acle*, viginti leucis ab oppido *S. Mariæ* antiquæ versus Corum: (ut *Pet. Martyr* annotavit) juxta litus maris; qui portus quidem satis altus, sed aditu difficilior, ob celerrimæ Oceani fluxum, qui hanc oram radit. Ager hujus oppidi erat montosus, sed 10 lubricus multo quam *Darienensis*, & auri venarum haud experts creditus.

Insula quædam hic objacet Continenti, quam vocant *de Pinos*. Urbs tamen, de qua modo, brevis quoque fuit ævi omnisque illius memoria jam interisset, nisi supplicio *Vasæ Nonnii Balboæ* signaretur, quem *Avila* hic (jure an injuria non fati liquet) bene meritum sane de Regno Hispaniarum, ob Maris Australis primam inventionem, capite plectendum curavit.

Postilla Provincia *Dariena* atque adeo totum occidentale *Frabæ* latus, inde à *Nombre de Dios* ad intimum Sinus hujus gremium, vastum atque incultum mansit, nec ulla hodie hic oppida aut pagi Hispanorum visuntur: de orientali ejusdem Freti latere postea dicemus, quia hodie ad præfecturam Cartaginensem pertinet.

20

C A P. X.

Ora maritima, promontoria, sinus, flumina, portus præfecturæ Panamensis.

30 QUUM Præfectura hæc inter duo maria sita sit, utrimque oram illius describemus. Ad mare Septentrionale ita se habet: A *Nombre de Dios* versus occidentem litus legendo, ad *Portum Belum* leucæ numerantur quinque: è regione hujus in alto mari sitæ sunt insulæ quas vocant *las Miras*, itemque Insula de *los*
40 *Bastimentos*; quam Columbus hoc nomine insignivit, quod cum casu ad illam appelleret, aliquot arva *Mayzio* sata hic invenisset, atque ita annonæ (id enim vox *Bastimentos* sonat Hispanis) compos esset factus. Portui *Belo* unius leucæ intervallo proximus est portus *Bonaventuræ* à quo ad portum *Gallinarum* tres numerantur leucæ; & ab hoc ad portum *Locustarum* totidem; quem sequitur exiguus portus vulgo *el Portete* & denique fluvius *Chagre* de quo jam ante diximus: Hactenus ora hujus Præfecturæ à *Nombre de Dios* ad occidentem pertinet. Ab eodem oppido versus orientem tendendo, fluvius *Sardinilla* ab est leucas duas; *Sardina* autem quatuor; & porro fluvius *Mayzii* & *Colubrorum*: à quo ad amnem *Franciscæ* (cujus *Antonellus* cap. 111. supra fecit mentionem in accurata urbis Panamensis lustratione) & ad Freti *Ura*
50 bensis exordium, octo designantur leucæ. Ad oram porro conversionem versus Austrum, eminent montes *S. Blasii*, quibus objacet insula, quam vocant *Captivam*: hanc excipit altera vulgo *Comagre* dicta; ad Continentem autem sequitur portus *Acle*, cui è regione Insula *Pinorum* respondet: & denique portus *Nilos* haud longe ab ostio *Darienensis* fluvii, qui præfecturam hanc à Cartaginensi dirimit: atque hic desinit *Frabæ* fretum, unde & *la Culata*, (quasi dicas gremium Sinus *Urabensis*) Hispanis appellatur. Sinus enim qui proprie *Urabæ* Fretum ab Hispanis dicitur, prout traditum invenio ab *Herrera*, sumit initium octo gradibus ab *Equatore* versus Arctum & irrumpit quatuordecim leucas intra Continentem, in ipso quidem aditu sex leucas latus, mox quinque & denique quatuor: quinque autem leuc. ab
50 ostio illius versus Austrum oppidum *S. Mariæ* antiquæ vel *Darienensis*, de quo supra diximus, fuit conditum: Atque hæc de orâ ad mare Septentrionale.

Ora porro præfecturæ Panamensis ad mare Australe, in hunc modum describitur ab Hispanis. Ab oppido *Panama* versus occidentem primo occurrit sinus sive Fretum *Paritæ* sive *Paris*, ad quod *Nata* oppidulum jacet: Dein cornu sive promontorium *Chama*, ubi *Regulus Chiapes* rerum poriebatur, quum *Balboa* primum hoc mare lustraret. Ad ortum vero ab eodem oppido primo occurrit fluvius *Coguiræ*

sive *Chepo*, dein fluvius *Ratium* sive *de las balsas*: Atque hinc ora sese flecente versus Austrum, occurrit Fretum *S. Michaëlis*, in cuius intimum sinum fluvius *de Congos* sese exonerat. Fretum autem hoc valde fluctuosum est, multis insulis, crebris vadis, scopulis, brevibus impeditum, ita ut ingentes interdum fluctus tollat, & quidem potissimum mensibus Septemb. Octob. Novemb. & Decemb. valide concitatur, neque tum sine discrimine aditur, ut Hispani aliquoties cum suo damno sunt experti: Latus hujus australe claudit promontorium *de Pinna* & pone illud aditur portus ejusdem nominis: quem quinquaginta leucas ab oppido Panama abesse scribit *Herrera*: Vingtiautem per transversum ab Urabæ freto: neque enim major esse dicitur hic Continentis latitudo. Omnis autem hæc Regio montibus & scopulis aspera est & longe maxima anni parte continuo perpetitur gravissimos nimbos non tantum in terra sed & in vicino mari, decem atque adeo viginti à Continenti leucis. Solum denique tam densis sylvis passim obstrum est, ut pene invium hominibus judicetur.

Haud longe hinc amnis in Oceanum devolvitur, quem barbari appellabant *Be-ru*, à quo Peruvix nomen quaesitum autumant: abest autem *Pinnarum* portus ab Æquatore sex gradibus & quindecim scrupulis, ut prodit *Herrera*.

Ab hoc portu ad alterum quem vocant *Quemado* viginti & quinque numerantur leucæ, quinque gradibus ab Æquatore versus Arctum: à quo denique ad Promontorium quod vocant *de Corientes* pauca supersunt leucæ. Ignobilis hæc est ora & detestabilis memoribus *Manglarium* ad ipsum litus vestita, perpetuis nimbis & fulguribus obnoxia & multorum Hispanorum exitio infamis: nam *Pizarum* prima in Peruviam expeditione, multos suorum partim morbis, partim inedia, aliisque incommodis hic amisit, & animum haud dubio despondisset, nisi divitiarum immodicus appetitus, nihil non agere & perpeti illum perpulisset.

C A P. XI.

Insula aliquot quæ præfectura Panamensi adjacent & præsertim illæ quæ ab unionibus nomen & famam meruerunt.

30

PRÆFECTURA *Panamensis* aliquot Insulas habet objectas in utroque mari, quarum quidem obiter superiori capite meminimus, hic autem paulo plenius eas sumus descripturi. In mari quidem Septentrionali objacent illi, primum *Insulæ Captivæ* ut vocant, humiles & æquori pene æquales, arenoso littore, interius densis arborum lucis vestitæ, in ambitu scopulis & vadorum brevibus contaminatæ, itaque cavendæ aut cautè admodum adeundæ. Deinde haud procul ab istis obversantur continenti *Insulæ Comagre*, non minus ob humilitatem navigantibus insidiosæ. Ab his versus Eurum haud longo intervallo distat *Insula Pinorum*, alto solo & ambitu pene orbiculari, tam exiguo spacio à Continente discretæ, ut eminus ex Alto prospectantibus pars illius esse videatur, neque antequam propius accesseris, dignoscatur. Plures aliæ minores hic sparæ: de quibus non est operæ præcium verba facere, neque superiorum sane meminissim, nisi iis qui à Cartagena Portum Belum petunt, solenne esset ad aliquam harum cursum instituere, & secundum earum conspectum, itineris sui rationes aut sequi aut mutare.

In mari Australi ad hanc præfecturam pertinent: *Taboga* insula, quinque ab oppido *Panama* leucis; & duodecim ab hac *Insulæ Unionum* vulgo *de las Perlas*, quæ à copia Unionum, quæ olim in vicino Oceano fuerunt inventæ nomen meruerunt: sunt autem duæ quidem paulo majores, quarum una *del Rio*, altera *Tararequi* vulgo appellantur, & viginti aut plures aliæ minores, & magis scopuli quam Insulæ: Quot gradibus ab Æquatore distent, non satis convenit inter Hispanos scriptores, & *Herrera* prodit inter se dissentanea: *Petrus de Cieca* in Peruvix Chronico, octo gradibus ab Æquatore dirimit versus Arctum: *Gomara* promover *Tararequi* ad quintum gradum ab Æquatore. In hisce Insulis olim magna fuit ferarum copia, præsertim cervorum, cuniculorum & similium; nec ulla tellus benignius incolis suis Mayzium & Yucam in cibum & potum sufficiebat: major imprimis Insula omnigenis abundabat fructibus:

fructibus: vicinoque mari multimodam optimorum piscium copiam large subministrante, nihil hic ad victum necessarium deerat; inter arbores autem quas tellus sponte nutrebat, quædam erant odoriferæ; quæ res primis illis temporibus, nonnullis imposuit, qui aromatíferas insulas haud longe hinc abesse suspicati sunt, quia hæ insulæ tam gratum odorem de se spargebant. Nihil porro has Insulas ita commendavit, quam unionum quas vicinum mare ferebat, magnitudo atque perfectio; nam quum *Margarita* atque *Cubagua*, plerumque uniones daret, quarum maximæ octo ceratia penderent, quæ & raro rotundæ & sine vitio nascerentur, hic nonnumquam inventæ quæ xxvii atque adeo xxxi caratia penderent, tam rotundæ, 10 quam ovals aut pyri forma, & quod mirabile, tanta formæ perfectione atque splendoris elegantia ut omnes meritò in admirationem raperent. Porro hæ insulæ olim fuerunt frequentissimæ: Indigenæ quippe natandi atque urinandi admodum periti, quum placidum petaret mare, lintribus suis ad unionum capuram exhibant, earumque conchas à petris magno labore & discrimine avellebant; arcte enim sibi invicem & firmiter petris solent adhærere: & majores in profundiori mari reperiuntur, & ad minimum decem orgyas alto: nam & ipsi unionibus delectabantur, licet & eximendi è conchis industria & perforandi scientia destituerentur, quo fiebat ut eas plerumque corrumperent & candorem illum nativum atque splendorem quo maxime commendantur, dederent. Hodie autem Indigenæ illi ad unum omnes 20 interierunt, quique hodie has insulas possident, Nigriti aut Nicaraguanis servitiis utuntur, tum ad agros colendos tum ad pecora pascenda; qui nunc unicuique illorum est quasi, postquam Hispanorum aviditas nullas margaritiferas conchas hic reliquas fecit. *Richardus Hawkins* Anglus unam harum insularum appellat *Pacheta*, *Pacheta* exiguo fere à Continente disjungtam, à Panama versus Austrum leucas octo aut decem: quæ rotunda sit atque edita, sed non supra leucam ambitu complexa; fecundissima tamen, ita ut Domini sui industræ atque labori benignissimè respondet, qui magnam fructuum copiam, insigni emolumento, Panamam venum traducit.

CAP. XII.

30

Expositio Joannis Oxenhami Angli in mare Meridionale per provinciam Panamensem, imprimis memorabilis.

ANTEQUAM descriptioni Præfecturæ *Panamensis* finem imponam, nequaquam prætereundam puo memorabilem Angli cujusdam expeditionem, quam *Lupus Vazius* in hunc modum descripsit: *Joannes Oxenhamus* Anglus (inquit) expeditionis *Francisci Draci* anno cLo lō lxxxii & opulentissimæ prædæ quam nactus fuerat, fama excitatus, idem aggredi constituit: Itaque parata circiter centum & viginti doliorum navi, septuaginta navales socios eidem imposuit, & prospera navigatione usus ad Septentrionalem Præfecturæ *Panamensis* plagam applicuit; postquam 40 autem cum Nigriti qui illas partes incolebant, contulisset & omnem auri atque argenti gazam à Panama ad mare Septentrionale à militibus conduci intelligeret, tale quid aggreditur, quale nemo ante ipsum tentare fuerat ausus; nam excensionem cum suis facta, ubi *Dracus* superioribus annis excenderat, primò navem subduxit & in vado constituit, dein majoribus tormentis in terram expositis & viridi cespite tectis, annonam omnem atque apparatus bellicum è navi exhaustis, vacuumque, quæ potuit, arboribus studiose texit: Tum cum omnibus suis duabus campestribus machinis, largo commeatu, aliisque rebus necessariis, intra continentem movit, *Simarobus* viam commonstrantibus: porro duodecim leucarum itinere absoluto, ad fluvium pervenit, qui in mare australe sese exonerat: atque hic materie opportune cæsa, liburnicam fabricavit, quadraginta quinque pedes longam; & secundo flumine in mare Australe devectus, ab eisdem Nigriti ad unam Insulam de *las Perlas* est deductus; quumque ibidem decem dies in insidiis latuisset, celocem è Peruvia venientem nullo negotio cepit, in qua sexaginta nullia aureorum invenit, præter magnam vini & farinæ copiam; & mox alteram quæ è Limano portu solverat, quæ argenti massas ferebat pretio centum mill. pezorum; denique auro omni atque argento in 50 lyburni-

lyburnicam suam accepto, postquam aliquandiu unionibus ab Insulanis extorquendis vacasset, ad flumen quod descenderat remeare institit, & haud longe ab ostio illius, celoces illas, quas ceperat, dimisit, magno certe errore, uti postea patuit. Nigritæ enim qui Insulam incolunt, statim post Anglorum discesum uniligneis suis lintribus Panamam contenderunt, & præfectum, eorum quæ gesta fuerant, fecerunt certiores. Ille autem, absque mora, quatuor liburnicas intra biduum instruxit, eisque centum milites imposuit & idoneum Nigritarum numerum ad remigium faciendum: cum quibus *Joannes de Ortega* tribunus militum, ad insulas unionum profectus, ut de Anglorum itinere certiora indagaret, dudum frustra fuit, donec in celoces ab Anglis dimissas incidit; à nautis itaque edoctus Anglos cum liburnica sua flumen ingressos, quantocius cursum eodem convertit; ubi autem ad flumen est perventum, non minus hæsitavit, nam quum tribus ostiis in Oceanum descendat, quod potissimum subirent aliquandiu deliberarunt, sed & hic Anglorum imprudentia ambiguitatem omnem ipsis exemit, plumis, quas gallinis detraxerant, minimum fluvii alveum descendentes: hunc itaque ingressi, quarto demum die liburnicam Anglorum in sicco destitutam invenerunt, omnibus rebus jam exhaustam, præterquam annona, & à sex tantummodo custoditam, quorum unus statim ab Hispanis captus, reliqui fuga se subdixerunt. Dein *Ortega* militibus octuaginta in terram expositis, ad interiora contendit, non ante quiescere certus, quam prædam tam opulentam recuperasset: vix dimidiam leucam à ripa profectus, rugiolum ramis arborum contextum invenit, in quo Anglus gazam omnem absconderat, quam tam inopinato successu lætus quantocius ad liburnicas suas reduxit, nihil ultra de Anglis persequendis sollicitus. Veruntamen Anglorum dux, à militibus suis, qui effugerant, de adventu Hispanorum certior factus, quam ocyssime cum omnibus suis & ducentis Nigritis ad Hispanos contendit, atque in eos præferociter fecit impetum: qui vicino nemore tecti atque defensi, Anglos fuderunt, undecim illorum caelis & quinque captis. Ex hisce captivis demum cognitum, cur Anglus hic tam longam moram fecisset cum tanta præda; male namque ipsi cum suis comitibus convenisse, qui statim prædam dividi & unumquemque suam partem accipere importune flagitaverant & alia conditione gazam ad navem bajulare pertinaciter detrectaverant, ideoque in mediterranea ipsum profectum fuisse ut Nigritas conducere quoniam subirent. Ab iisdem & propalatam, ubi navem suam abscondisset. Hispani *Panamam* reversi rem omnem prout gesta erat edisserunt, præfectum autem ad Legatum suum in oppido *Nombre de Dios* dat litteras, eumque rerum omnium facit certiores, qui cum quatuor navibus ad Urabæ fretum provectus, navem & tormenta Anglorum nullo negotio interceptit. Reliqui Angli per nemora & montana diu vagati, quum jam in coessent ut cymbas aliquot fabricarent, quibus navem aliquam in Oceano Septentrionali caperent, atque ita in patriam reverterentur; à centum quinquaginta militibus, quos Peruvix *Porrex* ad ipsos indagandos miserat, sunt oppressi & captivi Panamam deducti, paucisque adolescentulis exceptis, quibus propter ætatem parcitum fuit, omnes supremo supplicio affecti. Hunc exitum habuit facinus audax & imprimis memorabile, partim ducis imprudentia an avaritia, partim navalium sociorum inobedientia & importuna tam alieno loco & tempore discordia.

Orenhamus.

CARTAGENA.

C A P. XIII.

Præfectura Cartaginensis limites, cæli solique qualitates, variae provincie.

PRÆFECTURÆ & provincie *Panamensis* ad orientem proxima est Cartaginensis, quæ nomen à Metropoli sua accepit: Sita autem est ad Oceanum Septentrionalem: paterque in longitudinem quidem inter ortum & occasum à magno flumine *Magdalena* ad fretum *Urahe* & flumen *Darien* leucas octuaginta, in latitudinem autem pene totidem, inter arctum atque meridiem, ab Oceano nimirum

rum Septentrionalis ad extremos limites Novi Regni ut vocant Granatenfis: quamquam non desint qui maiorem illi latitudinem tribuant, itinerum rationem sequentes. Solum ut plurimum editum, quodque partim in altos montes & colles assurgat, partim in humiles valles subsidat, multis silvis atque lucis passim opacum: Agri præ nimia pluviarum copia fere humidi aut uliginosi, ita ut semina Europæa maligne tollerent, neque triticum satis feliciter maturent. In montanis hujus præfecturæ multæ & diversæ resinarum gummiq[ue] species reperiuntur, quarum nonnullæ gratissimæ & aromaticum odorem spirant: multi præstantissimi liquores & ballama imprimis singulari tum odoris tum virtutis, quæ aut arbores sponte fundunt aut indigenæ singulari industria extrahunt: piperis quoque oblongi quoddam genus hic provenit, longe majori actimonia præditum quam orientale, & odore longe fragrantiori & sapore meliori quàm vulgare piper Brasiliense sive Capsicum: Altæ cujusdam plantæ fructus est (inquit Monardes) crassitudine quidem funiculi, at dimidii pedis longitudine, multis veluti granulis constans, circa pediculum oblongum continuo & conjuncto ordine dispositis, plantaginis seminis modo; recens viridis est, sole maturefcit atque nigrescit: Calidum est tertio gradu. Videantur ea quæ supra diximus in descriptione Novæ Hispaniæ. Solum caret auri venis, præterquam paucis in locis. Multæ hic feræ, præsertim tigres, serpentesq[ue] & alia noxia atque hominibus juxta & pecoribus infesta animantia. Indigenæ ferocissimi erant & imprimis bello strenui, quare & Hispanis sæpe clades intulerunt, præsertim venenatis illis sagittis, quibus utebantur, sed pene ad internecionem jam dudum ab Hispanis deleti sunt, ita ut paucissimi admodum hodie supersint.

Sub præfectura autem Cartaginensi complures provinciæ comprehenduntur, suis limitibus & nominibus distinctæ, ad occidentem quidem ab oppido Cartaginis, *Vraba*, cujus jam supra obiter meminimus, utpote *Darien* conterminæ: hæc provincia, ut *Petrus de Cieza* testatur, admodum est fertilis & annona omnibusque ad vitam humanam necessariis abundans, quippe cujus sylvæ abundè ferunt, flumina & vicinum mare piscium optimorum copiam subministrant. Huic vicini sunt *Abibe* Abibe, montes, quorum altissima & continua pene juga (*Cordilleram* vulgo vocant Hispani) ad occidentem vergunt, longitudo illorum ignota, latitudo nonnullis locis viginti leucis occupat, aliis etiam plures, quibusdam vero pauciores: calles habet perasperos & equis pene inaccessos: in montium jugis nulli penitus mortales degunt: sed in vallibus, quæ plurimæ & patentissimæ, olim immensa barbarorum multitudo incolebat, qui multo auro erant opulenti, quod è torrentibus & amniculis, qui de montibus ad occidentem se devolvunt, colligebant. Maximam anni partem in hisce montibus pluit, arboresque tam largas guttas in terram subjectam destillant, ut graminis proventum impendant, & pabulum equis negent: ob eandem causam hic iter permolestum est, & penitus haud dubio invium esset, nisi hæc arbores quædam passim reperirentur, sagis nostratibus haud absimiles, materie autem molli, spongiosa & sicca, quæque facile ignem potest concipere, ita ut iter hac agentes focum nullo negotio instruant. Trans montes hosce versus austrum provincia *Tatabe* jacet, olim ditissimis & bellicosissimis barbaris plena, qui ad mare usque australe regionem omnem compleverant. Ad eandem plagam provincia sita est quam vocant *del Guaca*, triginta leucis ab *Antiochia*, de qua postea dicemus.

Porro ut propius ad Oceanum Septentrionalem revertemur, ad occidentem à Civitate *Cartaginis*, in sinibus *Vrabe*, sita est provincia *Zenu*, celi solique qualitatibus ab *Vraba* non multum diversa: hæc olim vicinarum gentium veluti cœmitem fuit, quippe ad quam etiam nationes longè distatæ, suorum cadavera deportare consueverant, ibidemque cum omni sua gaza & monilibus, aliisque rebus pretiosis recondere, quare Hispani primis illis temporibus, multum auri, aliaque magni pretii ex ejusmodi monumentis abduxerunt. Ad eorum denique ab urbe, vallis *Zamba* sita est: & denique provincia *Mopox*, de qua mox agemus.

Metropolis huius praefectura Cartago, vulgo Cartagena Hispania.

Cartago hujus praefecturae metropolis nomen accepit à *Cartagine* nova in Hispania, ob summam similitudinem quae deprehenditur inter utriusque urbis portus; sita est ad Oceanum Septentrionalem decem gradibus ab Aequatore versus Arctum & septuaginta duobus gradibus à Meridiano Tolentino versus occidentem, ut ab *Herrera* annotatum: in peninsula, super latam planitiem, quae ad arctum quidem, plano & arenoso litore ad oceanum pertingit, qui hic vadiosior & orà est leniter declivi; ad austrum vero & versus continentem palude live caenoso stagno clauditur, *Canapote* appellant vulgo, quod eodem quo mare fluxu atque refluxu aestuat: ab oppido ad vicinam continentem transitur per callem silicibus stratum & ducentos quinquaginta passus longum, sub quo duo sunt arcus, qui fluctus admittunt in stagnum iterumque regurgitant. Solum oppidi arenosum est, & puteis ad duas orgyas in profundum actis hic dulces latices hauriuntur. Licet autem ob crassos vapores atque exhalationes quae è vicinis paludibus & stagnis ascendunt, locus insalubrior sit, tamen multo salubrior est quam *Nombre de Dios*, & pro conditione haurim regionum Americanarum, quae ad hoc mare jacent, aliquo modo salubris potest judicari. Oppidum assabre structum est, habetque primum plateas quinque, quae à portu sive occidentali plaga continuo ductu, ad oppositum & ipsum pene oceani litus pertingunt, singulae pene sexcentos passus longa & elegantissimis aedificiis utrimque, cum suis hortis atque arceis instructae; dein & aliam plateam, quae totum oppidum secundum latitudinem & distas plateas per transversum dividit, incipiens ab ipso Oceano, & ad finem illum sive stagnum pertingens, duplo pene longior quam praecedentes. In oppido haec sunt publica aedificia; primum Templum Cathedrale, cujus Episcopus suffraganeus est Metropolitanus Novi regni Granatensis; deinde Curia, Teloneum regium, aliaeque hujusmodi; denique monasteria aliquot Dominicanorum & Franciscanorum: *Herrera* scribit hic supra quingentas familias Hispanorum numerari, & magnum numerum mercatorum & advenarum. Portus hujus oppidi, inter optimos totius novi orbis, facile primum sibi vindicat locum, licet majora navigia paulo longius ab oppido in anchoris consistere cogantur: aditum illius concludit insula, qualis illa quae Cartaginensis novae portui objacet, quam Hispani hodie *Escombrera* vocant, sed aliquanto major, quae olim *Codaga* dicebatur, hodie vero *Carex*, duas leucas in longitudinem, vix dimidiam in latitudinem patens, Dulcium aquarum inops, & tantum piscatorum quondam habitatio. Quum *Franciscus Dracus* hoc oppidum caperet, ut statim dicemus, puteum in hac insula offendit aquationi peropportunum: insulam autem praecipue commendat ab amicitia, quippe quae pene tota fructiferis arboribus confita sit, aurantiis malis aliisque similibus, tam concinno ordine dispositis & per varia ambu- laca digestis, ut elegantissimi viridarii formam exprimat. Conditum fuit hoc oppidum anno cło 15 xxxi à *Petro Heredia*, qui magno labore atque industria vicinos barbaros subjugavit, erant enim indigenae hujus provinciae bellicosissimi & impavidi, tantaque ferocia tam mares quam foeminae in praecia ruebant, ut unam adolescentulam vix decimum octavum annum egressam, octo Hispanos venenatis suis sagittis confecisse, antequam deficeret, ab Hispanis memoriae proditum invenimus. Oppidum denique misitise crevit, ejusque cives ad summam opulentiam pervenerunt, commerciorum opportunitate, nam quotannis hic & maxima omnimodorum mercium copia ex Hispaniis appellit, & classis regia quae *Nombre de Dios* petit, hic nonnumquam solet hybernare; imprimis autem omnis gaza, aliaeque merces è novo regno Granatensi, per magnum flumen Magdalenae huc solent conduci. Urbs denique anno cło 15 lxxxv ab Anglis duce *Francisco Draco* capta est: nam licet pene integrum mensem ante illius adventum, de consilio illius certiores fuissent facti, omniaque ad defensionem comparassent, vallo locis maxime debilibus ducto, majoribusque tormentis adversus angustum aditum dispositis, & praesidiariorum numero adaucto; tamen ille qua erat animi magnitudine, non magno negotio illam expu-

expugnauit atque diripuit: & parte aliqua urbis incendiis deformata, reliquani civibus centum & viginti millium ducatorum pretio redemptam restituit. Præda pro fama oppidi hæc ita opulenta fuit, quia oppidani jam dudum quicquid habebant pretiosi, ad vicina loca & montana subduxerant, & imprimis ad Tolu oppidum, quod interius jacet.

CAP. XV.

Plenior Cartaginensis oppidi, Portusque descriptio per Joan. Bapt. Antonellum.

10

SUPERIORE capite, *Herreram* potissimum sequuti, Urbem Cartaginem & illius portum compendio descripsimus, nunc quum eandem luculentius ab *Antonello* descriptam invenerimus, operæpretium putauimus, quod ille anno **CLIO LO LXXXVII** ad Regem Hispaniarum perscripsit, verbo tenus hic inferere. *Cartagena* (inquit) urbs est & quidem Metropolis illius Episcopatus, quadraginta leucis ab oppido *S. Marthe* versus occidentem & decem gradibus ab *Æquatore* versus *Arctum* sita in arenosa peninsula; famillas habet circiter quadringentas & quinquaginta, ædificia præclara & pleræque è lapidibus substructa; tria hæc sunt monasteria; quorum duo sita sunt intra urbis ambitum, tertium extra, quod per callem sili-cibus stratum aditur, qui utrimque à fluctibus pulsatur: commercia hic supra modum vigent, ex Hispania, novo regno Granatenſi, Peruvia, Insulis, & omni continentis illius ora quam vulgo *Terram Firmam* vocant; locus denique salubris est. Portum habet optimum & multarum navium capacem; duo omnino ad illum aditus parent; unus dimidia circiter ab oppido leucâ, nongentos passus latus & valde altus, quem pleræque naves subire solent; alter leucæ intervallo à priore disjunctus versus occidentem, quem *la Boca Chica*, id est, parvum os vocant, nongentos quidem passus latus, sed navigabilis illius alveus vix ducentos passus patet & quindecim aut viginti orgyas est altus, interdum & pauciores, quem tamen
30 qui hæc in portum penetrare volunt, sequi necessarium est; oram autem utrimque varii recessus lancinant: hoc autem alveo superato, & jam portum ingressus is ora Insulæ *Carex* radenda est, multique scopuli & vadorum brevia provide vitanda, quæ fluctibus vix duos tredecim palmos altis integuntur; ita ut non tantum peritissimo nauclero hic opus sit, sed & scapha præmittenda, quæ bolide altitudinem cal-nalis periclitetur.

Tria porro sunt loca, per quæ hæc urbs terrâ adiri & ab hostibus oppugnari potest. Primus est, quâ *Franciscus Dracus* illam aggressus cepit, qui est sinus sive dorsum arenosum ab una quidem parte Oceanum habens, ab altera autem magnum lacum, qui ad portum tendit: dorsum quidem hoc, ab uno latere latum est passus
40 quingentos, arenoso solo & arboribus nudo; ita ut hostis ab hac parte aggressurus hos quingentos passus prorsus intectus cogatur incedere, ad vallum usque, eoque superato alios quingentos passus eodem prorsus modo ad oppidum: hoc dorsum centum & triginta unum passus latum est, ubi vallum tum duxerant oppidani; ab hac parte oppidum jam bis ab hostibus captum fuit, itaque hic maximum numerum palorum in profundum adegimus, spatio quinquaginta passuum; idque ea de causa, quia hoc litus periculosum est & crebris vadorum brevibus contaminatum; & in convalle exiguum arcem sumus moliti, ubi tria quatuorve majora tormenta constitui possunt; & amplam fossam egeri, quæ utrimque responderet ad mare, ita ut oppidum ab hac parte jam satis munitum videatur. Alter aditus paulo est infra
50 superiorem, & ad idem dorsum arenosum, appellaturque vulgo *la Cienaga* aut stagnum *del Roreado*: hic autem dorsum hoc latum est passus trecentos ad litus usque maris; ab altera parte palus jacet, vulgo *la Cienaga*, omnibus anni mensibus fluctibus cooperta, ita ut hostis hæc urbem aggressurus, iter cogatur agere per dorsum arenosum, cui ab una quidem parte mare, ab altera sylva imminet, & denique per campum irriguum quidem, sed non omnino ab aquis tectum: hic itaque munimentum jam construximus, cum suis propugnaculis, & fossam sexaginta pedes
Z latam

latam effodimus, ita ut marini fluctus jam ad campum hunc rigum perveniant; atque ita etiam hunc aditum obstruximus, ut oppidum jam velut in insula situm sit; duo millia & sexaginta pass. sunt inter, hunc locum & alterum illum ad quem *Dracus* exscensionem fecerat. Portus autem ostium est juxta callem silicibus stratum & pontem qui ad monasterium *S. Francis* ducit; callis autem hic trecentos passus est longus, duodecim latus & pulsatur utrimque ab undis, ita ut tertius hic locus omnium munitissimus sit, hic pontem subductilem fieri curavimus & munimentum desuper, in quo aliquot tormenta disponi possunt, & ab utroque latere vallum duci, pone quod Scelopetarii latere & turo hostem propellere possunt. Ad cornu terræ, quod aditum sive ostium portus attingit versus Cornobium *S. Anna*, 10 quodque *Yacos* vulgo appellatur, munimentum quadratum fabricari jussimus de lignis, cujus singula latera trecentos passus longa sunt: post ligna autem vallum duæm est è terra quatuor pedes latum & arena à tergo suffultum, ubi & quindecim aut sedecim tormenta collocari & quinquaginta milites in præsidio esse possunt. Id munimentum securitati portus imprimis consulit, etenim omnes naves quæ portum intrant tam prope ad hoc cornu accedunt, ut lapidem in illas manu jacere haud difficile sit: quod si nihilo fecius hostes portum ingredi moliantur, utrique trirē mandabitur, ut se juxta munimentum, prora ad oceanum versa, constituent, atque ita ipse directe hostiles naves feriant dum munimentum per transversum eisdem quatit; futurum est enim ut hostiles naves undique quassatæ aut cursum sustinere 20 cogantur, aut in cæcos scopulos, quos *Isno* vulgo vocant, impingere, vel etiam vadis, quæ ab insula *Carex* descendunt, cum summo discrimine hærerent. Quod si vero hostis hoc ostium prætervectus, cum suis celocibus aut oblongis scaphis per angustius os ingredi conetur, quatuor liburnicas paratas habere convenit, quæ remulco trirēmes ad angustiorē canalem quam celerrime promoveant: nam præterquam quod propter brevità & scopulos hic aditus admodum periculosus sit, nullo pene negotio hisce subsidiis hostiles scaphæ atque adeo naves deprimentur. Et ut portus securitati porro melius consulatur, ad cornu hoc *Yacos* munitissimum castellum cum quatuor propugnaculis struere necesse erit; super insulam autem *Carex*, quæ è regione sita est, ad orientalem illius plagam, turrē quadratam excitare, eique 30 quatuor aut quinque tormenta imponere, ut hoc pacto etiam minora navigia à portu arceantur, quæ aliqui clam noctu irrepere & aut prædas agere, aut classem nostram in anchoris stantem possent incendere, sed si præsidarii utriusque hujus castelli sollicitè excubias agant, nulla hic navis aut cymba non viâ ingredi poterit. Ad angustum autem portus aditum similiter exiguum castellum, super eandem insulam, qua occidentem spectat, excitandum esset & tria quatuorve tormenta collocanda, atque sex octove præsidarii constituendi, qui excubias agant. Hisce omnibus ad hunc modum absolutis, oppidum hoc egregie munitum erit; interest autem Majestatis Turæ ut hæc ita fiant, nam hic locus haud dubio firmissimum est totius regionis præsidium & veluti antemulare. Hæc ille.

Qui urbem hanc nuperrime viderunt, illam nobis hoc modo descripserunt. Emporium esse totius Americæ Meridionalis longe nobilissimum & frequentissimum; habitari enim à quatuor millibus Hispanorum, & quatuordecim circiter millibus Nigitarum utriusque sexus & ætatis: Urbem in ambitu cinctam esse muro octodecim pedes alto ab ipso solo, cum suis propugnaculis, & vallo intra murum terreno: propugnacula habet duo juxta portam, qua exitur versus cornu terræ quod vocant *de Canoa*, quod item sed minora juxta portam quæ ducit ad suburbium; bina majora supra portum; duo denique ad litus & viam quæ ducit ad arces, quæ portus faucibus imminet, quorum propugnaculorum longe maximum est, quod Arcem aspicit, ubi ipsum vallum à marinis fluctibus pulsatur. In propugnaculis & vallo, circiter 50 septuaginta tormenta majora maximam partem ænea sunt disposita. Suburbium situm est supra arenosum pulvillum, *Xexemani* vocant, ad quod ab oppido aditur per angustum tramitem, & per portam cum ponte subductili; ab eodem suburbio transitur ad Continentem per angustum itidem tramitem; ita ut suburbium in peninsula jaceat; quemadmodum & ipsa urbs, à qua ad Continentem angustus trames pertinet, habens ab una parte Oceanum, ab altera paludem vulgo *Cienaga* & mediterraneum fretum

- fectum *Canapoten*, per hunc tramitem ceperunt Angli urbem, itaque hic jam fossa est egesta, est urbs valide duobus propugnaculis & muro præcincta: hic trames pertinet ad aquilonem: ab eadem urbe & alter trames pertinet versus Africum, qui exordio suo humilior ita ut à fluctibus interdum diluatur, & angustior habens ab una parte Oceanum, ab altera interiori portum, denique manglaribus interiori sui parte obsitus. Ad portum ex alto aditur per duo ostia, quorum prius & urbi vicinior vocatur Boca grande, ad cuius cornu quod occidentem aspicit, amplissima arx fuit, sed quia arenæ erat inædificata sæpeque ruinam minabatur, anno demum 1603 cxxxviii fuit destructa. E regione & ad orientale Insulæ cuius supra memini cornu minor arx jacet petra superstructa, ita ut æstu accedente fluctibus ambiatur, habens duodecim tormenta majora & quindecim aut sedecim prædidiarios. Insula hæc quæ utrumque ostium dividit, vocatur *de Nave*, edita, & circiter sesquimilliare longa. Angulus illius Occidentalis vocatur *Punta de Iscos*, à quo in altum se projicit vadum imprimis navigantibus infidiosum, ad duo pene milliaria; *Salmedinam* appellant. Porro circiter duo milliaria intra prius ostium grandiorum navium statio habetur, è cuius regione versus Arctum arx visitur quadrata, lateribus 21 pedes longis; muro alto cincta; & vallo interius terreno, in quo octodecim tormenta disposita sed minoræ; prædidiarii viginti quinque aut paulo plures. Ab hac versus urbem & Aquilonem tendentibus haud longo intervallo, portus angustatur;
- 20 ubi ad continentem super arenosum clium exigua & orbicularis arx condita est, quam vocant *Fuerte Silla* à forma; Ab hac arce versus urbem & suburbium portus haud supra tres palmos multis locis est altus. Urbs dulcium laticum indiga est; itaque illos petere necesse est à monte qui stationi majorum navium adjacet versus ortum, & *Monte de Popa* sive *de Galera* nominatur; ubi monasterium monialium visitur; quod vocant *Madre de Dios de la Popa*.

CAP. XV.

Relique urbes & municipia hujus Præfecturæ.

- 30 **I**N præfecturâ præterea Cartaginensi minora aliquot oppida ab Hispanis habitantur, quorum unum vocatur *Tolu*, *S. Jacobi* nomini dedicatum, duodecim à metropoli leucis versus Africum, terrestri quidem itinere admodum difficili & ob montes crebraque paludes & uliginosa loca pene invio: sex ab oceano leucis, in regione salubri & pascuo solo, nec minus frugum sæcundo; denique omnium plantarum Hispaniensium atque fructuum feraci.

Ab hoc loco præstantissimum illud balsamum, (quod vocant *de Tolu*) Europæ importatur, quod à *Monarde* in Historia simplicium medicamentorum ita describitur: Nunc recens advehitur ex Continentis quadam provincia inter *Cartaginem* & Cap. x.

- 40 *Nomen Dei* sita, *Tolu* ab Indis appellata, Balsami quidam liquor, maxillarum virium, præstantissimumque, quod hæcenus ex iis regionibus allatum sit, medicamentum. Arbores è quibus colligitur, pumilis pinis sunt similes, multos ramos quaquaversum spargentes, foliaque Ceratix similia obtinentes perpetuò virentia: præferuntur domesticæ & in cultis natæ. Colligunt vero hunc liquorem Indi vulnerato & inciso arborum cortice, qui tenuis & tenellus est, suppositisque & arbori adnexis veluti quibusdam cochlearibus è cerâ nigra, in illis regionibus nata, confectis, quæ manentem è vulneribus liquorem excipiant, quem deinde in vascula ad eam rem parata effundunt: id vero ferventissimo sole fieri necesse est, ut liquor facilius emânet; nam noctu ob frigiditatem nihil effluit, erumpit etiam interdum ex ipsis arboris
- 50 dis & alis nonnihil liquoris, qui cum exiguus sit & in solum decidat, perit. Porro apes quæ ceram istam conficiunt, nigra sunt, camque in terræ hiatus & cavernis subterraneis elaborant: ceræ fumus tetrum spirat odorem; perutilia tamen ex ipsa sunt cerata ad mitigandos dolores ex quavis causa frigida provenientes. Cæterum balsamæus hic liquor, colore rubro est ad aureum tendente medix inter liquidum & densum consistentiæ, glutinosus admodum & ubicunque reponatur firmiter adhærens, sapore dulci & grato nec si sumatur nauseam movente, odore excellens-

lentissimo & limonum fragrantiam quodammodo referente, ita ut ubicunque reponatur, celari non possit. Ejus facultates insignes sunt, quia incisione elicitur, quemadmodum olim Balsamum in Ægypto, ad eadem omnia ea quæ illud celebrabatur, efficax. Curat enim omnia recentia vulnera; consolidat glutinæque labra, nec materiam purulentam in iis sinit exoriri; quodque majus est, nulum cicatricis vestigium curatis vulneribus relinquit, si illorum labra probe juncta fuerint; quapropter in faciei vulneribus singulare est, quandoquidem ea sine purulentæ materiæ generatione curat, nec vestigium ullum relinquit, &c. Præsertim vero utile est in vulneribus, in quibus contracta sint ossa, exemptis prius fragmentis quæ separata sunt, & reliquis intactis, nam Balsami facultas ea expellet, vulnusque sensim consolidabit. Miræ etiam virtutis est in articularum vulneribus & nervorum sectionibus, omnibusque puncturis, nam curat eas, liberatque à contractione ne partes inutiles fiant & motu priventur. Denique utile est in omnibus quæ Chirurghi manum requirunt, modò nulla adsit insignis inflammatio: ea tamen convenientibus remediis sublatâ, Balsami est usus. Aliquot illius guttæ ex vino albo haustæ plurimum juvant in Asthmate: Capitis dolorem è frigida causâ prognatum lenit lineus pannus ejus liquore tinctus capiti circumligatus: temporibus appositum cohibet omnem defluxionem, præsertim in oculis; eorumque dolores levat: præcalidum cerebro impositum, tollit dolorem, roborat, & paralyti est remedio. Uti sunt eo nonnulli phisici mane aliquot guttas à manu lambendo; magnumque senserunt commodum quia purgat egregie pectus. Longâ experientiâ apud Indos probatum est, eos qui Hydropicorum in morem tument, si hoc balsamo æquis partibus cum unguento aperitivo mixto, ventrem illinant, lienis præsertim regionem, magnum sentire levamen; resolvit enim quosvis tumores & ædemata cujusque partis corporis: tollitque emplastri modo applicatum, omnes dolores à frigida causâ promanantes, etiam diuturnos. Hæc, & plura ille.

Alterum oppidum appellatur ab Hispanis *la Villa de Maria* triginta duabus leucis à Cartagine versus austrum.

Tertium *Santa Crux de Mopox* septuaginta leuc. ab oppido Cartaginis; ab *Antiochia* autem Præfecturæ Popajanæ oppido centum & viginti (ut *Petrus de Cieca* testatur:). A Cartagine ad hoc oppidum tendentibus iter est, primum mari, deinde adverso flumine Magdalenæ, ad cujus ripam sedet, & à cujus undis fere torum cingitur; cæterum locus valitudine incolarum infamis est, ob paludes & stagna, quibus fere undique circumdatur, alioquin commerciis quæ in ingenti hoc flumine & vicinis regionibus maximo lucro exercentur, opportunissimus.

Baranca de Malamba, ut Hispani vocant, tantum Teloneum est ad hujus præfecturam pertinens, situm ad ripam fluminis Magdalenæ, triginta ab urbe Cartagine leucis, viginti ab oppido *S. Martha*, sex denique ab Oceano Septentrionali; hic omnes merces Europæ, aliæque è majoribus navigiis exponuntur & uniligneis lintribus adverso flumine subvehuntur ad novum regnum Granatensè.

In provincia *Fraba*, quæ hujus præfecturæ quoque pars est, olim à *Petro Heredia*, conditum fuerat oppidum *Sancti Sebastiani de buena vista*, sescui leuc. ab Oceano, in colle modicè edito: ager illius multis arboribus vestitus, præsertim palmis, quæ grandes admodum palmitos ferunt, adeo ut duobus ferendis vix unus vir sufficiat, candidos, suaves & optimi nutrimenti. Solum perfræcundum, & varii generis annonâ, omnibusque ad vitam humanam necessariis abundans. Verum hoc oppidum desertum fuit, postquam opulentissimæ Peruvix provinciæ lustrari cœperunt.

Iter quod ab hoc oppido ad urbem *Antiochiam* ducere solebat, in hunc modum describit *Petrus de Cieca*; primum ab urbe secundum oræ ductum ad tenuem amniculum, quem *Rio Verde* appellant, leucæ sunt v; à quo ad urbem *Antiochiam* leucæ colliguntur octo supra quadraginta: ab amniculo quidem ad radices altissimorum *Abiba* montium planicies lata & pauci colles modicè editi pertinent, densæque silvæ & plures rivuli atque amnes; regio omnis pene deserta est, postquam indigenæ advenarum tædio, an odio, sese ad interiora atque avia receperunt; neque

neque hæc iter agentibus propter densitatem nemorum, alia via pater quam secundum ripas fluviorum, neque fere aliis mensibus quam Jan. Febr. Mart. Aprili, nam cæteris hic validè pluit & fluvii mitum in modum instant & non raro ripas suas egressi in vicinos agros restagnant. Hanc planitiem cmenlis altissima *Abiba* montium juga transcendenda, de quibus antè egimus, quibus superatis in amenissimam vallem & regionem campestre descenditur, quam vocant *del Guaca*; Hanc continuo excipiunt valles *Xore*, in quibus *Antiochia* sita est, uti suo loco dicetur.

10

C A P. XVII

*Flumina, portus, promontoria, omnisque ora Præfectura
Cartaginensis.*

INTER *Mopox* amplissimum flumen *Cauca*, quod supra oppidum *Popajam* effunditur, in maximum *Magdalena* fluminis descendit alveum; paulo infra confluentem, amenissimus collis visitur quem Hispani vocant *Morro Hermoso*: qui à promontorio *de Agula*, *Cartaginem* petunt, in hunc modum cursum suum instituunt, ut prora ad *Africum* conversa, vespere sub hoc monte cursum suum sustineant & in anchoris consistant, post mediam noctem, rursus vela explicant, & cursum dirigunt ad eorum, ut insulam arenarum virent, quæ *Zamba* ex adverso objacer, duabus à continenti leucis; hæc Insula, uti à nostratibus observatum; longa est miliaria duo & semis; pars quæ orientem adspicit modice edita est, habens aliquor colliculos; verum occidentalis pars admodum humilis & æquori pene æqualis; oram habens arenosam quæ jacer inter Aquilonem & Africum; arder mare juxta cornu & exterius insulæ latus. Montis autem illius Formosi signa sunt, solum nigricans modicè editum & in orbem convexum. Promontorium *Zamba* eminus intuentibus formam triremis cum malo suo & rudentibus exhibet; Sequitur deinceps ad eandem oram, terra elara & candidis præcipitiis spectabilis, quam vulgo *Buhio del Gato* appellant; & magis ad occidentem terræ cornu, *punta de la Canoa* vulgo, duabus à oppido Cartagine leucis versus ortum: humilis hæc est ora & æquori pene æqualis; atque hætenus ora ad occidentem pertinet. Excipit dein promontorium *Tecacos*; è regione insulæ *Carex*, de qua supra: & *punta de la Nao*, alterum continentis cornu, è regione ejusdem insulæ, versus occasum, juxta ostium minoris alvei, qui ad portum Cartaginensem ducit: cui ad arcum in alto obijcitur exigua insula *Sardina*. Porro littori provinciæ *Tolu* adjacent Insulæ *Baru*, quas *Herrera* quidem sex, nauticarum autem rerum periti tres aut ad summum quatuor constituunt, suntque humiles & arboribus vestitæ.

Ad exordium vero freti *Vrabe* jacent insulæ *S. Bernardi* è regione fluvii *Zenu*, quæ sex esse dicuntur; hæc assurgunt in editos colles habentque certos arenosos sinus, quæ patentem oceanum spectant; duabus denique aut tribus, ab ipsis, leucis, altissimus hujus freti alveus se insinuat, quem Hispani vocant *Bacillam*.

Fluvius *Zenu* & amplior est & navigiorum patiens, cui provincia de qua supra egimus, nomen suum debet: Portus autem hujus provinciæ tutissimus est in amplissimo sinu qui ad occidentem patet; quinque & viginti leucas ab urbe Cartagine; hic plurimum salis conficitur.

Insula porto, quam *Fortem* vocant Hispani, satis ampla est, & crebris montibus atque collibus tumens; à parte illius Septentrionali multi scopuli in altum descendunt ad leucas pene duas; inter insulam & continentem statio haud incommoda est in freto quindecim orgyis alto, fundo argilloso: multum salis hic cogi tradit *Ovie*. l. 3. c. 8. *duas*; huic vicina est exigua & deserta insula *Tortuga*.

Licer flumen, (quod interdum ob magnitudinem alvei *Rio Grande*, nonnumquam *Magdalena* dicitur, quod festo illius die æstuarium ipsius primum inventum fuerit & ab Hispanis aditum, & non raro *S. Mariæ*, quia juxta provinciam illam descendit, oriatur supra *Popajanam*, ideoque in illius provinciæ descriptione plenius de illo sinus dicturi, tamen obiter hic illius mentionem faciemus, quia

provincia de qua jam agimus, & praefectura *S. Martha*, de qua statim nobis dicendum, praecipuum emolumentum ex hoc flumine percipiunt. Id ad centum leucas intra continentem navicularum est patiens; omnesque merces Europae, partim remulco, partim funibus huc subducuntur, duorum ut plurimum mensium spacio; idem omnis auri atque argenti gaza & Americanae merces à novo Regno Granatenſi, tribus plerumque septimanis descendunt. Ingenti ore in Oceanum se evolvit, viginti sex ab oppido Cartaginis leucis versus ortum, decem à *S. Martha* versus occalum, & duodecim gradibus ab Aequatore versus Arctum.

l.a. c.6.

Acosta testatur, fluminis hujus cursum decem leuc. ab ostio in alto mari, duarum leucarum latitudine deprehendi, nec sine periculo propius adiri à navigantibus, ob vortices, & defluxum fluminis cum aestu marino certamen. Insulam habet in medio aestuario quinque leucas, (ut Hispani produnt) longam, latam dimidiam; latissimus illius alveus ad praefecturam *S. Martha* vergit, quem pleraque navēs subire solent, unde non raro, ut supra monuimus, ab Hispanis *S. Martha* nomen huic flumini attribuitur.

Nostri qui satis prope ad flumen hoc accesserunt, uno ore testantur flumen hoc per tria ostia in mare exire; quorum unum *S. Martha* proximum partem continentis admodum humilem dissecet; reliqua ab insula illa dirimuntur: neque queruntur de discrimine aut undarum vorticibus; tantum annotant juxta hanc oram & maxime in aestuario hujus fluminis Aquilones post meridiem & noctu valide perflare, à quibus nonnihil periculi sit, quia ab altis & nivalibus montibus praecipitantur. Vehementer tonat, fulgurat atque pluit in hoc flumine, praesertim à media nocte ad auroram: à mense autem Octobri ad Aprilem alveus hujus fluminis mirum in modum intumescit, & devehit ingentes undas, ob pluviarum copiam, quae in montanis *Popajane*, ubi oritur, illà tempestate decidunt.

S A N C T A M A R T H A.

C A P. XVIII.

Provinciae S. Marthae limites, caeli solique qualitates.

30

SEQVITUR jam ad eandem Continentis oram versus orientem, provincia & praefectura *S. Martha*, quae ab extremis praefectura Cartaginensis sinibus, quibus ab occidentem clauditur, ad praefecturam fluminis *de la Hacha* versus orientem, in longitudinem patet leucas septuaginta; totidemque pene in latitudinem, ab Oceano nimirum ad fines Novi Regni Granatenſis, quod illi à Meridie praetenditur.

Temperies hujus regionis quae Oceanum Septentrionalem contingit est calida & fervens, in mediterraneis autem frigidior ob vicinitatem montium nivalium qui illi imminet, viginti circiter leucis à principali oppido; imprimis autem provincia *Tairona* ob soli altitudinem & crebros montes algere deprehenditur. Litoralium regionum aestum egregie temperant, orientales & aquilonares auræ, quas vulgo *brisas* vocant; plurimum autem hic pluit mensibus Septemb. & Octobr. reliquis perparum, quia tum plerumque venti ob oriente & aquilone perflant, natura sua sicci & salubres; pluviis autem mensibus ut plurimum spirant venti qui è continenti assurgunt, quos veteres appellabant *Altanos* & Hispani hodie *Vendavales*.

Ab oppido *S. Martha* ad radices montium, tribus circiter leucis, terra est plana; montana autem petrosa sunt, infœcunda, neque pascuis apta neque frugibus, & arboribus pene nuda; multi torrentes & amniculi ab illis descendunt; in campis denique gramen adurit & sata corrumpuntur, cum orientales illi venti pertinacius perflant, quo fit ut incolæ sæpe hic annonæ penuriam patiantur. Solum large producit aurantia & granatenſia mala, limones & similes fructus, etiam vites; familiares & domesticas arbores *Guayavos* *Platanos* & similes abundè; omnes etiam herbas & plantas ex Hispania huc traductas benigne tolerat, imprimis melones,

lones, pepones, cucumeresque. Magna hic gallinarum Hispaniensium, columbarum, perdicum & cuniculorum multitudo: etiam feras alit tellus, tigres, leones, urfos. Denique maizii & batatarum radicum perfructum est solum.

In provincia *Buritaca*, juxta viam quæ ab oppido *S. Martha* ad *Ramadam* ducit auri reperiuntur metallæ; in *Tairona* quoque plurimæ gemmæ quantivis pretii, & inter eas quæ variis humani corporis morbis & affectibus, oculata naturæ qualitate, mederi creduntur, præsertim nephritidi & sanguinis profluvio; etiam Jaspis & Porphyrius lapis, denique varia marmorum genera; atque auri venæ.

Ab oppido *S. Martha* circiter sesquileuc. plurimæ sunt salinæ, è quibus optimum salem cogunt, qui in vicinas provincias magno emolumento portatur.

Barbari harum provinciarum, corpore sunt agili & mediocri industria; sed ingenio pravo & arrogantia singulari; à Regulis suis reguntur: venenatas sagittas usurpant in preliis; & gossypinis palliis, quæ diversis coloribus sunt variegata, amictuntur; magnus eorumdem numerus hodieque superest, quibus cum Hispanis haud satis belle convenit, nonnulli & cum illis bellum gerunt, ita ut Hispani hæcenus ditissimæ provinciæ *Tairona* nondum compotes fieri potuerint, licet jam multa cum suorum strage sæpius illam subjugare tentaverint.

Mare quod hanc provinciam alluit, uti & flumina quæ illam permeant piscosa sunt admodum, optimosque varii generis nutriunt pisces.

10 Porro hac præfectura comprehenduntur hæ provinciæ particulares *Pozigueica*, *Tairona*, *Betonia*, *Tairona*, *Chimila*, *Buritaca*. Vallis *Tairona* amplissima est & ditissima; & sex aut septem leuc. distans ab oppido *S. Martha*, aut ut *Herrera* alibi testatur octodecim; sex ab Oceano Septentrionali: huic proxima jacer *Mongay* vallis, divitis in eundem modum pollens.

Buritaca autem tredecim leuc. distata est ab oppido *S. Martha* versus *Ramadam*. *Buritaca* *Bonda* vero provincia tribus leuc. & semisse; *Coto* denique vallis inrer *Pozigueicam* ca. & idem oppidum media est.

De valle *Eupari* mox ad oppidum *de los Reyes* dicemus.

30 *Chimila* provinciæ indigenæ mares quidem viribus corporis & fortitudine bellica, foeminae vero præstantia formæ commendantur.

In hac provincia altissima nivalium montium juga, quæ Hispani *las Sierras Nevadas* indigitant, suum sumunt exordium, & infinitas pene provincias atque adeo *Peruviam* & *Chilen* pervagata tandem desinunt ad fratrem *Magallanicum*. Hæc juga pene à triginta leucis in alto ab adnavigantibus conspiciuntur, jugi nive tecta, & à subiecta hic valle *Tairona*, plerumque à nautis *Tairona* juga appellantur. Ab his descendunt ex improvviso validi venti, qui plurimum à navigantibus metuuntur; ita ut caute secundum has oras sit navigandum.

Denique hodie quinque, qua oppida, qua municipia in hac præfectura ab Hispanis incoluntur, de quibus suo ordine dicturi sumus.

C A P. XIX.

Oppidum principale hujus præfecturæ S. Martha.

PRINCIPALIS hujus præfecturæ civitas, à qua & nomen habet, appellatur *S. Martha*; decem ab Æquatore gradibus versus Arctum, ut *Herrera* testatur, aut undecim ut *P. Martyr*; vel decem gradibus & triginta scrupulis, ut non pauci observarunt: & septuaginta quatuor gradibus à Meridiano Toletano versus occidentem, ut volunt Hispani. Condita est loco per salubri ad oram Oceani Septentrionalis; haberque portum & amplum & tutum, ubi & anchoræ commodè figi, & naves peropportune in vado destitui possunt, ut resciantur; patet dimidiam leucam, & è regione urbis altum habet montem, à quo adversus incerta ventorum defenditur: modicè hic altum est mare, nullisque scopulis aut vadis navigantibus insidiosum; denique hic aquandi & lignandi summa est opportunitas. Magna hic quondam oppidanorum frequentia fuit, nunc autem paucitas, postquam classes Hispanienses hic appellere desierunt. Abest oppidum à *Salamanca*,
Z 4 quam

quam vocant *de la Ramada* leuc. viginti quatuor versus occidentem; à *Teneriffe* ad ripam magni fluminis *Magdalenæ* lità, quadraginta leuc. versus Septentriones. Præfectus provinciae, alique ministri regii hic domicilia habent; Cathedrale hic templum visitur, cujus Episcopus suffraganeus est Metropolitani Noviregni Granatensis. Mathematicus autem regius *Igan. Bapt. Antonellus* scribit de hoc oppido ad Regem Hispan. anno clō 15 LXXXVII in hunc modum.

Sanc̃ta Martha principalis urbs provinciae & Episcopatus, sita est decem gradibus & triginta scrupulis ab Æquatore versus Arctum; ad sinum arenosum haud longe à mari; constat circiter triginta familiis, domus ex arundinibus compositæ & palmarum foliis tectæ, nonnullæ etiam tegulis, commercia habent cum indigenis illarum regionum, qui ollas aliaque ejusmodi vasa ex argilla ficta ad oppidum venalia adferunt, itemque pannos & vestes ex gossypio contextas: oppidani autem merces suas deferunt Cartaginem. Pecorum hic perparum, quia regio montensis est & Hispanis incolis infrequens. Portum habet optimum ab altis montibus & petris ad litus usque incinctum, à quibus uti & à duabus insulis quæ portui objacent ad Septentriones, egregie à ventis & marinis artibus defenditur, quo fit ut licet hæc regio orientalium ventorum flatibus exposita sit & non raro tempestatibus, tamen hic sine ullo discrimine in anchoris stare, omniaque in terram exponere liceat. Intra portum locus est, quem *Calderam*, id est, lebetem vocant, ubi olim naves in siccum subducere & reficere consueverant. Porro hunc portum munire, nullum est operæ precium, quia raræ hic naves appellant, & ram pauci oppidum incolunt, & quotidie magis ac magis aliò migrant, ob hostium crebras depredationes. Nisi forte Regi placuerit, Classem quæ ab Hispaniis ad Novam Hispaniam navigat, hac iter habere atque hic appellere, aquare & necessaria cætera comparare; &, quod naucleri uno ore testantur, faventibus semper Etesis, rite posse fieri, hinc recta ad promontorium *S. Antonii* Insulæ *Cubæ*; atque ita porro ad *Nova Hispania* portum cursum instituere; hoc siquidem pacto Classis illa multa & varia pericula evitaret & præsertim ingentes illos ventorum turbines, quos *Hurricanes* vulgo vocant, qui illam sub australi Hispaniolæ littore nonnumquam obruunt, & eum maxima hominum clade & mercium jactura aliquando subvertunt; & utraque classis conjunctim navigans, hæc quidem quæ Novam Hispaniam petit, hic subsistere; altera autem quæ ad Continentem, ut vocant, destinata est, rectà Cartaginem posset petere. Si enim id fiat, tum portus hic muniendus esset in hunc modum: exiguum munimentum collocandum foret super montem qui ostio portus imminet, & aliquot tormenta imponenda: ad australem dein plagam turris struenda & munimentum paulo grandius moliendum & pluribus tormentis instruendum: nam hoc facto non modò naves hic tuto in anchoris subsistere poterunt, sed & oppidani se à hostium depredationibus defendere. Omnia denique ad hæc opera necessaria, lapides, arena, cæmentum, ligna haud procul ab oppido commode haberi possunt. Hæc ille. Addamus & recentissimam urbis faciem, prout illam ipse Præfectus anno clō 15 cxxvi Regi Hispaniarum depinxit.

Ora (inquit) Continentis hic jacet inter ortum & occasum, quæ ab Arcto mari pulsatur, quod se hic insinuat inter duo cornua, ad modum semilunæ; orientale cornu vocatur *Taganga*, occidentale *Lipar*; medio spacio objacet Insula scopulosa, vocant *el Morro*; quæ portum ab imperu fluctuum defendit. Cornu Orientale habet exiguum castellum quadratum, in quo tantum tres quatuorve excubitores noctu atque interdiu agunt, ut oppidanos de navium ex alto allabentium numero admoncant. Oppidum situm est ad gremium Sinus, loco plano & æquori pene æquali; adjacet ad occasum arx quadrata, haud magna, quippe cujus latera tantum centum pedes Geometricos capiant; murus circiter triginta palmos est altus; in quo quatuor ænea tormenta disposita; custoditur à præsidariis septem aut octo: Exiguum sane munimen contra hostes, oppidani pauci & fere inopes, atque inter se discordes. Hæc facies tum erat oppidi & portus supra modum opportuni. Hoc oppidum sæpe à Gallis, Anglisque interceptum & direptum fuit; anno autem clō 15 xcvi à *Francisco Draco* incendiis misere deformatum; nec minus anno proximo ab *Antonio Sherleio* Anglo equite porro exhaustum. Sensit & calamitatem à Belgis nostris, anno clō 15-

clo lo cxxx, ab Archithalasso Societatis Indicæ Occidentalis *Adriano Iacobi Patre*, intercepta, sed exiguo lytro redempta.

C A P. XX.

Reliqua oppida præfecturæ hujus, Teneriffe, Villa de Palmas, Cuidad delos Reyes, Ocanna atque Ramada.

10 **I**NTER reliqua oppida hujus præfecturæ, primò numeratur *Teneriffe*, ad ripam fluminis *Magdalene* situm, quadraginta leucis ab oppido *S. Marthæ* versus Africum; à quo difficili & impeditissimo itinere per terram aditur, sed mari & adverso magno flumine *Magdalene* haud incommode.

Secundo *Tamalameque*, Hispanis *Villa de las Palmas*, septuaginta & quinque leucis ab oppido *S. Marthæ* versus Meridiem, viginti à *Teneriffe* & duas à magno flumine *Magdalene*; octo gradibus ab *Æquatore* versus Arcum; in regione præservida, quia longe maxima anni parte hic australes venti spirant & nonnunquam graves atque inamœni favonii; solo licet petreo atque edito, plano tamen magna sui parte, & pascuis læto, ideoque armentis summopere opportuno; densis item sylvis opaco, præsertim ad ripam fluminis, cujus inundationes in regione campestri multa uliginosa stagna & multas paludes efficiunt, ad quarum margines indigenæ tuguria sua habent, & uniligneis suis lintribus easdem permeant & magnam optimorum piscium capiunt copiam, quibus ut plurimum victitant; quamplurimi enim hic sunt *Manati* & non pauci *Crocodili*. Cæterum solum infœcundius est, licet hic aurantia mala tam suavia quàm acida abunde crescant, nec non domesticæ hinc regionibus *Gnavae*. Indigenæ hujus regionis ingenio sunt stupido, tardoque & somno maxime dediti, cui fere semper indulgent nisi cum commestrationibus aut symposiis occupantur, quibus supra modum capiuntur.

Tertio *Cuidad delos Reyes*, in valle *Eupari*, quinquaginta leuc. ab oppido *S. Marthæ* versus Eum, triginta ab oppido *de la Hacha*: centum & octuaginta à Metropoli novi regni *Granatenfis*; ad ripam vasti & rapidi fluminis *Guataporis*: ager hujus 30 oppidi & regio vicina, haud admodum calida est, quia æstate, quæ illis in menses Dec. Jan. Febr. Martium & April. incidit, venti ab oriente perpetuo flantes æstum eventilant; hybernis autem mensibus, quibus plurimum hic pluit, ob propinquitatem montium qui fere frigidi sunt, multum catharris & febribus laboratur, maxime quartanis: montes ab arcto ad austrum totam regionem dividunt, à quibus utrimque amnes & torrentes præcipitant: Solum non modo pascuis lætum sed & frugum fecundum: tota hæc provincia indigenis frequentissima est, qui nullis mediis se ad obsequium ab Hispanis cogi patiuntur; bellicosi enim sunt & ferocissimi, pertinaci ingenio, & ad omnia vitia proclivi; oppidi autem hujus incolæ adeo pauci 40 ut neutiquam tantæ multitudini pares sint. Plures hic sylvestres arbores uti & quæ fructus ferunt, *Platani*, *Guayavæ* & similes; longe autem plurimæ *Xagæ*, quarum fructus fabis similes sunt, in siliqua autem alius fructus delitescit forma orbiculari, sapore uvarum passarum: siliquas tantisper servant donec siccentur, deinde eas comminuunt & è farina coquunt panem, optimi ut ferunt nutrimenti. Nec Hispanienses fructus aut plantæ hic desiderantur, nec gossypium quo barbari in vestibus utuntur. Ubi autem ab anguibz aut aliis venenatis animantibus isti fuerint, radicem *Scorzonera* (quam herbam, illiusque facultates prolixè descripsit Nicolaus Monardus speciali commentario de Lapide Bezaar & Herba *Scorzonera*) crudam devorant & frondes illius vulnere imponunt, præsentis remedio, quod & Hispani jam imitari cæperunt; barbari quoque si anguem aut serpenterem à quo læsi fuerint, nanciscantur, caput illius & caudam, cruda devorant, idque pro præsentissimo antidoto commendant. Adversus cathartos & capitis dolores plurimum utuntur Tabacco, idque in minutissimum pulverem contritum attrahunt in nares, quin & succum viridis Tabacchi hauriunt ad alvum subducendam.

In montibus multa sunt metalla tum æris, tum plumbi & haud dubio etiam argenti, si indicis fides sit, verum nulla eorum ab Hispanis excoluntur, ob eorum qui hic

hic incolunt paucitatem & inopiam : sed oppidani ut plurimum armentis pascendis dant operam, aut equis alendis, qui hic optimi; Sacchari denique cannas benigne aleret solum, modò labor & industria colonorum accederet.

Quartò *Ocanna*, quæ & alio nomine *Santia Anna* appellatur, oppidulum ad mediterraneam stationem navium, in finibus provinciae *Tamalameque*.

Quintò *Ramada*, quæ & nova *Salamanca* primo dicta fuit, quadràginta leucis ab oppido *S. Martha* versùs orientem, octo autem ab oppido & flumine *de la Hacha*, ad radices montium nivalium, & limitem vallis *Eupari*, quæ æris venis non minus scatet quàm saxis, ut *Herrera* loquitur.

C A P. XXII.

10

Flumina, promontoria, portus & ora omnis hujus præfectura.

Buhia fl.

AD oram maritimam hujus præfecturæ primo in mare sese exonerat fluvius *Buhia*, non longè à *Ramada*; deinde fluvius *Pirar*; tertio flumen *Palomini*, quod de montibus nivalibus se præcipitat & celeri cursu mare petit, & copia atque frequentia pluviarum quæ in montibus cadunt, interdum supra modum inflatur; nomen suum accepit à Tribuno militum qui flumen hoc equo superare aggressus, ab undis ejus absorptus interijt.

Sequitur deinceps fluv. *Didaci*, vulgo *de Don Diego*, & modico intervallo varij recessus, quos *Ancones de Buritaca* vocant: nautici homines in itinerariis suis observant, ex alto appellentibus ad hunc locum, eminus conspici littus arenosum candicans, quale nullum toto hoc littorum tractu cernitur; id ad occidentalem plagam horum recessuum & stationis navium jacet: hinc præcedis promontorium *de Aguja* occurrit, duodecim ab æquatore gradibus versùs arctum, ut à nauticarum rerum periculis mis est observatum.

Hæc plaga crebris tempestatibus & ventorum turbinibus obnoxia est, ob continenti altitudinem, nam & ipsum promontorium in editos & abruptos colles assurgit, & supra ipsum *Bonda* juga vastè se attollunt. Sub promontorii latere quod *Corum* adspicit exigua insula adjacet, petrâ candidâ spectabilis. Promontorio hoc superato, litus ad Africum se subducit, & unâ circiter ab ipso leucâ specula saxo imposita cernitur, & ultra insula exigua, inter quam & continentem alveus ad portum *S. Martha* ducit.

A portu autem *S. Martha* ad occidentem littus legentibus, primo obviu est fluvius *Gayra*, quem *Petrus Martyr* amplum & majorum navigiorum patientem esse scripsit; descendit autem ab altissimo monte, qui multa perpetuò nive candicans cernitur; aquas illius potari pulchras negant barbari; sed haud longè hinc alter fluvius exit, cujus nomen non proditur, potari pulcherrimus.

40

Guataport. fl.

Intra continentem autem hæc flumina memorantur: *Guatapori* (ad cujus ripam oppidum *de los Reyes* conditum esse supra diximus) è nivalibus montibus descendens, unde aquæ illius ita algent, ut haustæ cathartas & lienterias provocent: lienteriz autem obviatur, cancellæ quadam specie in pulverem redacta & ex aqua pota, quæ tam potenter alvi profluvium sistit, ut etiam sanguinolentis dejectionibus medeatur. Arborem hanc *Carrapam* vocant barbari, quæ vox ipsorum idiomate amarum sonat, talis enim est ligni illius sapor. *Guatapori* autem descendit in flumen *Cesar*, circiter leucam infra dictum oppidum.

Cesar, fl.

Cesar vero ad Austrum labitur & ab accolis appellatur *Pompatao*, quasi dicas principem omnium fluviorû (id enim vox illa barbaris sonat) plurimos quippe amnes undiquaq; recipit & secum deducit: imprimis autem unum satis amplum, quem vulgo *Badillo* nominant, qui è tribus lacubus prodire dicitur; aquæ hujus fluminis dilute virent, indigenæ lingua sua *Socnigua* vocant, id est copiosum, propter piscium multitudinem, qui in ipso capiuntur, radice quadam injecta, qua pisces veluti soporantur: deinde & alterum, quem vulgo vocant *de las Ayumas*: quibus annibus auctus per campestria septuaginta leucarum spatium versùs occidentem labitur & denique in magnum

gnum Magdalenz descendit alveum: Regio autem quæ utrique hujus fluminis ripæ præteritur, fertilis est & non inamœna.

Viginti circiter leuc. ab oppido *de los Reyes* tres grandes putei videntur, inter certas petras, in triangulo siti, in quibus barbari immensæ molis serpentem habitare ferunt, qui plurimos mortales neci dederit: Hispani sæpius eundem studiose indagant, & licet vestigia quædam deprehenderint, ipsum tamen nunquam potuerunt conspiceret: Indigenæ tamen tam firmiter credunt illum hic latere, ut præ metu illius, propius accedere, aut in vicinia habitare reformident. Sunt & alii in hisce locis putei, qui bituminis quoddam genus eructant, adeo tenax & glutinosum, ut etiam
 10 grandiores aves ei adhaerescant, eoque teneantur; barbari retia sua, quibus pisces capiunt, eo bitumine illinere consueverunt.

RIO DE LA HACHA.

CAP. XXII.

Oppidum & Præfectura quam Hispani vocant Rio de la Hacha.

20 **O**PPIDUM quod hodie *Rio de la Hacha* dicitur, olim autem ab Hispanis *Nuestra Señora de las Nieves* & postea *de los Remedios* appellabatur; situm est ad Oceanum Septentrionalem, triginta leucis ab oppido *S. Martha* versus ortum & sexaginta ab oppido *Coro* versus occasum; quasi medium inter præfecturas *S. Martha* & *Venezuela*; denique à promontorio *de la Vela* versus Meridiem: conditum est super colliculum, circiter mille passus ab Oceano; portus illius plane apertus est & adversus aquilones in defensum. A promontorio *de la Vela* ad hoc oppidum octodecim numerantur leucæ, solo plano atque humili, nullis faxis aspero, nullis torrentibus riguo: Ager illius haud ultra octo leucas intra continentem extenditur; fertilis & omnium fructuum Hispaniensium egregiè ferax; auri venis abundans, & gemmis varii pretii atque virtutis, necnon optimis salinis scatens. Plurimæ hic feræ & præ-
 30 fertim tigres atque ursi; in omnibus autem magna crocodilorum copia. In oppido sunt domicilia circiter centum: olim divitiis affluebat, dum hic & in vicinia magna unionum vis inveniretur.

Qui postremam *Francisci Draci* expeditionem in commentarios retulit, de illo ita scribit: *Rio de la Hacha* viginti leucis à promontorio *de la Vela* versus occidentem, oppidum est exiguum, sed ager illius fecundus & peramœnus. Nostri illud interceptum sub mediam noctem; una circiter leuca ab oppido versus ortum, dorsum maris & brevia objacent, à quibus navigantes dimidiam leucam abstinere necesse est antequam ad portum accedant: haud procul ab oppido ad orientem amniculus descendit, ore ab arenoso pulvillo pene obstitato, ita ut celocibus illud ingredi
 40 perdifficile sit, sed ingressis sex aut octo leucis intra continentem liceret ascendere.

Sex quidem ab oppido leucis versus solis exortum pagus habitatur, vulgo *la Rancheria*, eorum sedes qui margaritifera conchis capiendis dant operam; quinque autem secundum oræ ductum versus occidentem, quatuorque ab ipso litore pagus *Tapia* jacet, & prædia aliquot rustica Hispanorum; & ultra hunc tertius pagus quem vulgo vocant *Salamanca*; (forte *Salamanca*) quam supra *Ramadam* appellavimus. Præfectus hujus oppidi viginti quatuor millia ducatorum promiserat, ut oppidum ab incendio & excidio redimeret, verum cum pretium illud in unionibus præstare vellet, quarum valorem supra modum augebat, nec Anglis hoc pacto satisfaceret; illi irati, non modo oppidum, sed & pagos supradictos, incendiis plane deformarunt,
 50 aliòque discefferunt. Unionum vero piscatu jam penitus aut saltem maximam partem (nam pauculas quasdam nonnunquam à barbaris colligi accepimus) deficiente, & oppidanorum frequentiam & opes jam multum imminutas esse nullum est dubium; Saltem hodie locus obscurior est.

Antequam descriptioni hujus partis Continentis, quam vulgo *Terram Firmam* vocant Hispani, finem imponamus, operæ precium videmur facturum, si paucis hic adjungamus, quo pacto ex Hispaniis ad has partes quotannis navigetur. Solvunt Hispani è
 portu

portu *S. Lucar* sive è sinu Gaditano, mense Aprili, cum valida classe, quæ ut plurimum constat vallis & bene armatis regiis navibus, quas vulgo vocant Galeones, nunc sex, nunc octo, interdum & pluribus, rarissime autem paucioribus, & pluribus navibus mercatorum, & quibusdam celeribus. Hæc classis ita cursum suum instituit, ut primo adeat Insulas Canarias, è quibus non raro & varias merces & præsertim vina in naves suas accipiunt, & dolia sua replent aqua potabili: Deinde à promontorio de *Naga* provecti, navigant in conspectum oræ Africanæ, potissimum autem promontorii *Cantin*; atque inde cursum suum dirigunt ad insulas Indiæ occidentalis quæ vulgo Caribes sive Canibales nominantur; adeuntque nunc *Dominicam*, nunc *Matirino*, nunc *Guadalupen*, interdum singulas hæc; ibidemque & aquandi & lignandi gratia ¹⁰ hærent pauculos dies: quæ navigatio ab ora Africæ, ad hæc insulas, nunc quindecim, nunc pluribus, raro paucioribus diebus absolvitur: Indigenæ quidem Matirino minus abhorrent ab Hispanis; reliqui iplis sunt infensiores: Hic fues & gallinæ magna reperiuntur copia, & varii fructus, quos vilissimo precio à barbaris redimunt, puta una securi quatuor nonnunquam fues & sex gallinas & ita porro. Hic solent naves visitari, & vectorum numerus recenseri ab officariis, quos vocant *Contadores Contratación*, secundum indices ludicis Indiarum, qui in oppido Hispalensi residet. Hinc solventes recta petunt Continentem, solentque ut plurimum illam adnavigare juxta juga nivalia, haud longe à *S. Martha* atque inde orarum ductum sequi, usque ad promontorium sive cornu de la *Canoa* & ita intrare portum Cartagenæ: In hoc portu morantur ²⁰ ut plurimum dies octo, exponuntque merces varias, & accipiunt denuo; dein petunt Portum Belum, ubi tantisper hærent, donec gazam regiam, & mercatorum acceperint in naves; atque inde repetunt portum *Cartagena*; in eoq; rursus stant in anchoris ad dies quatuordecim aut circiter, & commercii absolutis, oneribusq; acceptis, recta petunt Havanam, à qua denique redeunt in Hispaniam, sub initium Septembris, aut interdum tardius, quod tamen non vacat discriminine, quia post Calendas Septembris validi venti hic perflant ab Arcto; & ingentes tempestates offenduntur juxta Bermudas, quas studiose vitant.

DESCRIPTIO



DESCRIPTIONIS INDIÆ OCCIDENTALIS,

LIBER NONUS.

Novum Regnum Granatæ.

10

CAP. I.

Novi Regni Granatenſis *prima inventio anno clō 15 xxxvi duce*
Gonſalvo Ximenez de Queſada Licentiatō.



UPERIORI libro Americæ Australis Conti-
nentem proſecuti ſumus uſque ad Præfecturæ *Pe-
nequele* limites, nunc ad interiores Provincias nos
converteremus, ut per eaſdem ad Mare Australe re-
verſi, orbem hujus Australis Americæ ſecundum
ordinem à nobis inſtitutum deinceps obeamus.
Hic autem primò ſeſe offert *Novum Regnum Gra-
natæ* ut vocant, de cujus ſiniſtris, & cœli ſolique
qualitatibus priuſquam agamus, operæ precium
erit de prima illius inventione pauca præmittere,
quæ lucem aliquam ſequenti tractationi afferent.

Anno itaque clō 15 xxxvi *Ferdinandus de Lugo* Her. d.ſ.
l. 10. c. 17.

Canariarum Inſularum Archithaſſus legatū ſuum *Gonſalvum Ximenium de Queſada*
I. V. Licentiatum, inde ab oppido *S. Marthæ* miſit, ut regiones ad ripam magni flu-
minis *Magdalena* litas perluſtraret: Qui cum idoneis copiis terra marique profe-
ctus, terreſtri quidem itinere ripam fluminis ingredientibus ſiniſtram aſcendit: qua
incedens, tum ob denſitatem nemorum, amnium & torrentium multitudinem, uli-
ginofa denique atque paludofa itinera, tum autem maxime ob crebras barbarorum,
ferocium juxta atque crudelium inſeſtationes, ſummas viarum difficultates eſt ex-
pertus: tandem perſaſit ad locum quendam, quem barbari quidem *Toram* dicebant, Toræ.
ipſe vero *Pueblo de los Brachos* appellavit, quod quatuor amnis brachia hîc in unum
confluerent: Itinerum rationibus ſubductis, hætenus ſe cl. leuc. à mari intra
continentem progreſſos crediderunt: & cum cymbæ quæ adverſo flumine aſcende-
rant hîc ſe cum illo conjunxiſſent, & flumina ſupra modum intumeſcerent atque in
vicinos agros ſeſe effunderent, ibidem hybernare viſum fuit. Animadverterat in-
terea, ſalis copiam inde ab ipſo Oceano à barbaris ad lxx leuc. ſubveſtari: con-
traque plurimum ſalis, à longinquis regionibus, ab eiſdem barbaris ad hunc locum
deduci: è quo haud fruſtra divinabat, in mediterraneis regionibus maximam in-
colarum frequentiam reperiri. Hybernis abſolutis, alterum fluvium aſcenderunt,
ad radices uique optiſſimorum montium, quos barbari vocabant *Opon*, Opon.
qui ſecundum ipſorum opinionem ſupra l. leuc. in latitudinem patet, aſperis atque incultis
jugis: hiſce tamèn ſuperatis in planam & bene cultam regionem deſcenderunt, ubi
ſalis copia è falſis quibuſdam fontibus cogebatur; & per hanc in potentiſſimi Reguli
Bogotæ provinciam penetrarunt: Qui de adventu peregrinorum jam antè monitus,
fortiter quidem cum ſuis ſeſe objecit, ſed nullo negotio eſt proſtigatus; itaque ne-
mine barbarorum deinceps contra ire auſo, pagos incolarum diripuerunt & pluri-
mum paſſim auri atque ſmaragdorū invenerunt: Hinc ad *Panchium* regionem
tranſitum, qui modicis montibus à *Bogotæ* provincia diſjunguntur, & aſſiduò cum
ſubditis illius bellum gerebant: Quumque Hiſpani Smaragdorū venas ſtudioſe
indagarent, primum ad vallem, cui poſtea *Trompetæ* nomen impoſitum, pervene-
runt, à qua xv leucarum itinere abeſt mons editus & arboribus proſtus nudus, è quo
hæ gemmæ eruebantur. Dum in hac valle moras neſunt; barbari aliquot ad ipſos

A a

venc-

venerunt, qui ultro ipsis viam se commonstraturos obtulerunt ad alteram provinciam, cujus Regulus *Tunia* dicebatur: quos Hispani aliquot duces secuti & *Tuniam* non opinantem interceperunt & opulentam prædam cum captivo ad Præfectum suum deduxerunt. Trium porro dierum itinere ab hac valle, duo alii Reguli *Sagamosa* & *Diuama* incolebant, ad quos cum exercitu profecti, unus quidem fuga statim se subduxit, alter autem pugnam tentare ausus, nulloque negotio profligatus, ad locum à natura munitum se recepit: hic quoque opima spolia parva fuere & ad castra fuit reditum: jamque ratione spoliiorum inita, se cxc i millia & ducenta nonaginta quatuor pezorū absolutissimi auri & supra xxxv i i millia paulo deterioris, denique vilissimi quod vulgo *Faloniam* vocant xv i i i millia pezorū: Smaragdorū autem qua grandium, qua minorum clo 10 ccc è præda collegisse compererunt. Porro impedimentis omnibus & præda cum idoneo præsidio in hac valle depositis, expedito itinere in *Bogota* provinciam profecti, regulum in latibulo suo pene oppresserunt, qui tunc quidem è manibus illorum evasit, sed postea è vulnere in vertice montis defecisse deprehensus est. Successit in illius locum *Sagipa*, qui cum Hispanis & pacem iniit & fœdus ad *Panches* conjunctis copiis subjugandos; quos deinceps magna elade contriverunt & binos eorundem pagos incendiis deformarunt: Verum pax hac *Sagipa* quantocius in exitum vertit; Hispani quippe supra modum miserorum opibus inhiantes, quum *Bogota* thesaurum sibi à *Sagipa* aperiri postulasent, & ille aut non veller aut non posset ostendere, infensū hominem 20 miseris tormentis excruciatum necaverunt.

Poll illa planam regionem, in quam è summis montium jugis despectus erat *Neyba*. (*Neyba* barbari vocabant) sunt ingressi, vicinis barbaris mira de illius regionis opulentia consulo mentientibus, ut advenas hosce jam sibi graves aliò ablegerent; sed quum eventus voto neutiquam responderet, & per densas solitudines nequicquam pervadere tentassent, ad *Bogota* provinciam remearunt, & per *Panchium* fines iter agentes partem illorum qua minis, qua ingentibus promissis, ad pacem cum ipsis colendam adegerunt.

Ximenius autem regioni huic jam satis, ut ipsi videbatur, lustratæ atque domitæ, nomen imposuit *Novi Regni Granatensis*, (quia ipse Granatæ in Hispania natus 30 erat,) & oppidum ibidem condidit *S. Fidei de Bogota*. Jamque Hispaniam petere certus ut laborum suorum præmium à Rege impetraret; gnarusque flumen grande xxv leuc. ab hoc loco defluere, molesto illo per *Oponi* juga itinere omisso, secundo flumine descendere consultum existimavit. Dum autem se parat & montes interea nivales, qui hac transeunt, lustrat, commodum nuntiatur illi, in adversa fluminis ripa, Hispanum ducem cum suo agmine incedere; is erat *Sebastianus de Belalcazar*, qui è provincia *Popayan* digressus, hac via sibi aditum ad mare Septentrionale parabat & mox etiam alterum agmen ab oriente adventare accepit, quod à *Nicolao Vredemano* ducebatur, qui è præfectura *Venequela* huc accesserat. Atque hic inter hos tres duces haud levis controversia oborta est de harum regionum possessione, cujus 40 tamen decisionem quum omnes Regi Hispan. deferre parati essent, quantocius singuli cum paucis comitibus, secundo flumine descenderunt & ad oceanum penetrantes, in Hispaniam navigarunt. Hoc itaque modo Novum hoc regnum primum inventum, cætera quæ instituto nostro magis conveniunt, jam persequemur.

C A P. II.

Novi Regni Granatensis termini, cæli solique qualitates, provinciarum variae, populorum ingenia & mores.

Hec. d. 6.
l. f. c. f.

NOVUM Regnum Granata, quemadmodum ab Hispanis proditur, in longitudinem quidem cxxx leueas, in latitudinem vero ad summum xxx, ad minimum xx aut paulo pauciores patet. Fines habet ad orientem quidem Præfecturam *Venequela*, ad Septentrionem *S. Martha*, à qua vastis *Oponi* jugis dividitur, ad occidentem *Popayanam*, ad meridiem denique vastas & nondum satis cognitatas regiones: distatque ab Æquatore tribus quatuorve aut pluribus gradibus versus

versus septentriones. Tota hac regione valide pluit: in ea reperiuntur plurimæ & densissimæ sylvæ: plurimi passim hic agunt barbari, quorum multis adhuc pessime convenit cum Hispanis. Plurima hic numerantur armenta & jumenta, pluresque equi & mulæ ex hoc regno traducuntur ad Peruviam. Principales illius Provincie jam olim fuerunt *Bogota* atque *Tunia*, quæ à barbaris *Panchensibus* magna sui parte circumcinguntur. Regio autem *Panchium* intense calida est, *Bogotarum* contra frigidior aut saltem temperata: & quemadmodum isti *Panches*, ita *Bogota* & *Tunienfes* uno & communi nomine *Moxa* appellantur. A diversis autem Regulis quum ^{Moxa.} ^{Tunia.} primum Hispani has provincias lustrarent, regebantur: *Tunia* provincia auri venis ¹⁰ & smaragdorum copia, Bogotensem provinciam longe præcellit, licet hæc quoque divitiarum minime sit experts. Aër hic inter frigus & calorem egregie temperatus, & maxima sui parte æquabilis, ita ut vix ullum æstatis & hyemis discrimen percipiatur, ne dierum quidem noctiumque, ob æquatoris propinquitatem non nisi levis admodum differentia. Regio supra modum salubris. Domorum parietes ex ascleribus structi, recta gramine aut stramentis operta. Indigenæ pro farre utuntur Mayzio aut Cassavi, aut certis radicibus quas *Tumas*, aut rapis quas *Cubias* appellant: sale abundant, quem ad alias provincias præsertim montanas & flumini grandi proximas magno quæstu barbari traducunt; obsonium illorum ferina, cujus magna hic copia & *Frici*, cuniculorum genus, quos barbari in præfectura *S. Marthe*, *Curies* vocant. ²⁰ Volucres haud æque abundant; pauci ibi turtures, plures anseres, quos paludes nutriunt: in fluminibus denique & lacubus plurimi atque optimi pisces capiuntur.

Quemadmodum autem provinciarum temperies multum diversa est, ita & mores indigenarum valde discrepant: Bogotenses enim & Tunienfes, statura sunt procera, & habili corpore, femina quoque formosiores & candidiore colore nec ita fusco ut aliæ barbaræ vicinarum provinciarum: palliis nigris, albis & varicoloribus amiciuntur, fascia circum lumbos constrictis, & alii quidem pectore tenuis, alii autem ab humeris ad crura demissis; capillos corollis quibusdā & floribus è gossypio artificiose contextis & coloratis redimunt; nonnulli & pileolo capur regunt aut ³⁰ fascia reticulata vinciunt. Supra modum dediti sunt choreis & cantillationibus, mendacis ut fere cæteri barbari Americani, sed mediocriter industrij ad artes mechanicas addiscendas. *Panches* vero moribus olim pravis atque adeo ferinis, antropophagi quippe erant, cum Bogotenses & Tunienfes à feralibus hisce epulis plurimum abhorrerent. ^{Panches.}

Licet autem hæc regiones fere annona aliisque rebus ad vitam necessariis abundent, erant tamen inter eas harum rerum inopes: nam in Provincia quæ *Tunia* proxima erat, indigenæ cum primò Hispani huc accederent, formicis vescabantur, easque studiose ad victum educabant. In hoc Regno multa metalla passim reperiuntur, mendas ut fere cæteri barbari absoluti) æris atque chalybis. Regio præterea pascuis abundat, & triticum aliasque fruges, herbas & fructus Hispanienfes non minus quam ⁴⁰ indigenas benigne nutrit. Plures aliæ provincie suis nominibus distinctæ ad hanc præfecturam referuntur, de quibus mox dicemus.

Denique in hac præfectura hæc oppida & municipia ab Hispanis hodie incoluntur, *Sancta Fe de Bogota*, *S. Michaëlis* municipium, oppida *Tocayma*, *Trinidad*, *Tunia*, *Pamplona*, *Merida*, *Belæ*, *Marequita*, *Ybague*, *Victoria*, *S. Juan de los Llanos*, & municipia *Palma* & *S. Christophorus*; de quibus ordine dicemus.

CAP. III

Metropolis S. Fe: municipium S. Michaëlis, & oppidum Tocayma.

⁵⁰ **P**RINCIPALIS hujus Præfecturæ urbs atque adeo Novi Regni Metropolis, vulgo dicitur *Sancta Fe de Bogota*; sita autem est quatuor ab Æquatore grad. versus Septentriones: & LXXII grad. & xxx scrupulis à Meridiano Tolcano versus occidentem ut *Herrera* testatur: Condidit *Gonsalvus Ximenius de Quesada*, ad radices montium *Bogota*; incolitur à familiis sexcentis Hispanorum: hic & tribunal conventus Juridici hujus præfecturæ cernitur, & gubernator, ærarii regii præfectus,

cæterique ministri degunt; hic monetalis officina habetur vel ut Hispani vocant *Casa de Fundicion*: Templum habet Cathedrale, cuius Metropolitano subsumt Episcopi, Cartaginensis, S. Marthanus & Popayanus; duo cœnobია, Dominicanorum unum, alterum Franciscanorum: illiusque Diœcesis supra quinque millia barbarorum vectigalium comprehenduntur: haud longe ab oppido lacus *Guatavita* jacet, ad cuius ripam barbari superioribus seculis idolis suis sacrificare, eisque multum auri, aliasque res magni pretii offerre consueverant. Aër hic valde salubris; ut oppidani testantur: Sed auri copiam hic jam frustra requiras; ob annonæ tamen omniumque rerum ad vitam necessariarum, puta panis, casei, suillæ atque bovillæ carnis, gallinarum, & omnis generis cupediarum, abundantiam hodie laudatur. 10

Municipium quod *Villam S. Michaelis* vocant, distat à Metropoli *Santæ Fide* duodecim leuc. versus Arctum; in *Panchium* gratiam hic conditum, quo commodius commercia cum ipsis exerceantur, nam cum regio illorum præservida sit, permo-
lestum ipsis erat ad Bogotanam, quæ frigidior, transcendere.

Her. d. 7.
l. 9. c. 4.

Oppidum *Tocayma* xv leuc. abest à Metropoli, inter occidentem & Corum, ad ripam magni fluvii *Pati* conditum, qui in vastum *Magdalena* alveum descendit: cælo gaudet salubri & sicco, sereno & plerumque sudo, interdum quidem nonnihil æstuoso, sed mane temperato & subfrigido, idque omnibus anni mensibus pene ad eundem modum. Indigenæ regionis sunt natione *Panches*, habili corpore & membris bene compositis, nisi quod fronte sunt contractiore, fortes & vicinis suis terribiles; humanis carnibus quondam vescabantur, sed jam Hispanorum consuetudine mutarunt; liberales sunt & auri nequaquam appetentes; veloces & venationibus addictissimi; vindictæ cupidi, dentes nigro colore inficiunt herbæ cuiusdam succo, quam assidue in ore habent: fere nudi agunt, nisi quod fœminæ exiguo panniculo pudenda præcingant: ad ebrietatem usque ingurgitant se potione quadam quam è Mayzio conficiunt. 20

Haud longe ab oppido fontes visuntur qui sulphuream substantiam cruentant; argilla autem per quam scaturiunt adversus scabiem & similes affectus usurpatur, præsentissimo remedio, illinitur loco affecto, deinde aqua corundem fontium abluitur. In valle vicina etiam salæ scaturigines reperiuntur, quarum aquæ super plantas quas 30
irrigant, bituminis quandam speciem relinquunt, quo barbari cymbulas suas impicare consueverunt: sunt & calida hic balnea inter duos algidissimos torrentes, quæ pluribus morbis & affectibus mederi, experientia comprobatum est. Montium iuga quæ admodum excelsa, profunda nive candicant, quæ nunquam resolvitur: atque hic Vulcanus visitur, qui sæpe flammæ, semper fumum evomit & magnam cinerum copiam interdum ad octo aut decem leucas dispergit.

Ager hujus oppidi fertilis est: vitæque, ficus, aurantia mala, etiam dactylos, omnes herbas & plantas Europæas, aliosque fructus abunde producens, præterea Sacchari cannas, è quibus jam Saccharum educere cœperunt: Triticum in editioribus & subfrigidis partibus; Mayzium fere ubique bis quotannis metitur: atmenta 40
omnia juxta atque jumenta hic bene proficiunt; pecora non item: tigres vero, leones & ursi hisce animalibus grande dant damnum. Inter arbores sylvestres *Guayacan* celebratur, quæ arbores hic copiose crescunt; quid multa; cedri, juglandes; quarum tamen nuclei nucibus destituuntur; alixque arbores materiem struendis ædibus magna copia subministrant; quarum quædam tam dura sunt materiem, ut nunquam cariem sentiant: Arboris autem *Zeyba* folia singulis duodecim horis & cadunt & regerminant: Herba denique è qua glastum vulgo *Anil*, exprimitur, hic sponte crescit, sed non usurpatur: de avibus & cæteris animantibus quæ cum aliis communia habet, nihil attinet dicere.

CAP. IV.

*Provincia Musorum & Colymarum, cæli solique qualitates,
populorum ingenia & mores.*

FINES provinciarum *Bogota & Tunia*, versus Corum claudunt provincie populorum qui vicinis barbaris *Musi & Colyme* dicuntur: quorum regio maxima sui parte calida est atque humida, & singulis annis duas æstates totidemque hyemes perpetitur: prima æstas exordium sumit à Calend. Decembribus & in exitum Februarii durat: prima autem hyems à Cal. Marr. durat ad exitum May: à quo secunda æstas exordium sumit & ad exitum Septembris continuat, quam altera hyems deinde excipit, & reliquam anni partem occupat: non quod hæ tempestates æstus aut frigoris vicissitudine distinguantur, sed hybernis mensibus plurimum pluit, æstivis autem continuo serenat: pluit autem plerumque tota nocte, interdiu rarissime: Venti maxime tempestuosi atque infesti sunt *Huracanes*, qui ab Austro ad Arctum & contra perflant cum tonitribus & horrendis fulminibus. Regio montensis est & crebris amibus & torrentibus in convallibus rigua, crebraque uligine & paludibus impedita; annonæ copia dives, sed pascuorum indiga. Indigenæ quotidie magnum incrementum capiunt, postquam carnibus humanis vesci desierunt; 20 habili quidem sunt corpore & membris bene compositis, sed laborum impatientes, pigri & modicæ industriæ; nudi agere solebant, nunc vestibus uti ceperunt; ebriatati supra modum dediti, crudeles atque avari. Unani atque communem linguam usurpant, bellicosi quondam & ex insidiis hostes suos opprimere sucti: Dæmoniorum colloquiis olim perquam familiariter utebantur, sed jam postquam Christianis saceris per baptismum initiati fuerunt, dæmonum cultum & consuetudinem penitus abjecerunt. Inter fructiferas illorum arbores excellit una quæ amygdalarum quod- 30 dam genus producit, tereti trunco quemadmodum pinus, nuces autem renes ovilas referunt, quibus amygdalæ continentur oblongæ, suavi sapore & Hispaniensibus amulo: effigiem tam integræ nucis quàm amygdalæ hic appingendam curavimus.

30

40

50



Item altera quam vocant *Quaque*, quæ fructum edilem fert magnitudine ovi aperi-
rini. Inter sylvestres autem Cedri, & quas ipsi *Cariuros* vocant, materie dura atque
coacta, supra modum ramosæ & parulæ arbores: *Guayacan* cuius marceris sui vene-
reæ mædeur: denique *Nagne* quarum succus nigrum colorem inducit, licet per se
candidus

candidus sit. Ficus hic suavissimos & maximos fructus edunt, quippe quæ mole aurantium malum æquent. Habent & arborem cujus cortices cannabes usum præstant in funes contorti; & arborem quam vocant *Hobo* proceram & reretem, cujus germina & cortices vulneribus & crurum tumoribus medentur; frondesque ex aqua potæ alvum solvunt, & plures ejuscemodi domesticas arbores; Unam vero egregie noxiam quam vocant *Aguapam*, cujus umbra ita noxia est, ut si quis Hispanus sub illa somnum capiat, supra modum infletur, si vero nudus aliquis barbarus, etiam disrumpatur. Peregrinæ autem arbores & ex Hispania huc traductæ, aurantiæ, limones & similes, hic jam abunde crescant & optimos dant fructus; etiam vites benigne alie tellus. Indigenæ in cibis ut plurimum utuntur *Mayzio*, pis, cassavi & batatis. Quadrupes hujus provincie sunt porci quidam subfusci, qui umbelicum in dorso habent; alique minores qui ab apris parum differunt; cervi, damæ, Guatiana denique leporibus nostris haud ab similes; Equi, oves atque capræ, quæ animalia vermibus quibusdam ab ipso partu obnoxia sunt, ideoque hic pauciora.

Denique in hisce provinciis varæ metallorum venæ reperiuntur, auri quidem mediocriter absoluti, sed longius ab hominum cultu ob soli humilitatem & insalubritatem: argenti quoque nonnullæ, æris autem atque ferri plurimæ; & terra quædam nigra, qua barbari vestes suas tingunt. Multæ scaturigines salæ hic passim inveniuntur, quarum nonnullæ in salem coagulantur, aliz non item. Sex autem ab oppido *Trinitatis* leuc. ingens fons visitur, quem vocant de *Tupa* è quo maxima præstantissimi salis copia cogitur: mirum vero salos hosce fontes inter dulcium aquarum scaturigines veluti medios reperi. Provincie denique *Musorum* & *Colymarum*, (qui populi etiam communi nomine *Canapeyes* appellantur) patent in longitudinem quidem leuc. xxv. in latitudinem xiii. Dux omnino coloniarum Hispanorum huc ductæ, in *Trinitatis* oppidum & municipium *la Palma*.

C A P. V.

De oppido la Trinidad, & municipio la Palma, ex Herrera, libro IV. cap. v. Decadis octavæ.

30

IN provinciis *Musorum* & *Colymarum* Hispani primum incoluerunt municipium *Tudela* dictum, ad ripam *Pluminis Zarbi*. verum ob montium vicinitatem & indigenarum nimiam ferociam, maxime autem ob annonæ difficultatem, id paulo post deseruerunt, & plerique *Petrum de Orsua* secuti sunt ducem in expeditione ad provincias quas vulgo vocant *el Dorado*, ob auri famam. Mox haud procul ab illo loco aliud oppidum condiderunt *la Trinidad*, sed neq; hoc ob loci incommoditatem diu perennavit, verum aliò translatum est, ubi hodieque perdurat; situs autem hujus oppidi jam quidem opportunus, sed ob crebros indigenarum motus, oppidani diu bello fuere vexati. Absit hoc oppidum à metropoli *s. Fide* leucas xxiv. versus Corum, 40 sex autem versus occasum à montibus nivalibus *Novi Regni*, qui ob summam altitudinem etiam frigiditatem vulgo *Paramo* dicuntur, & frigidam atque fervidam regionem separant; sunt autem hi montes pars illorum qui inter Aquilonem atque Africum immenso spatio porrigitur, & inde à provincia *s. Marthæ* ad Regnum *Chilensis* atque adeo fretum *Magallanicum* continuis pene jugis totam hanc Americam Australem permeare creduntur. *Herrera* scribit, hoc oppidum septem gradibus abesse ab *Æquatore* versus *Arctum*, & in editissimis vicinorum montium jugis utriusque Poli indices prospici. verum si distantia inter hoc oppidum & Metropolim ratio habeatur, potius ad quintum latitudinis septentrionalis gradum constitendum videtur.

Zarbi fl.

Flumen *Zarbi* quod unam circiter ab oppido leuc. labitur, satis amplum est, pluresque alios amnes recipit, quibus acceptus versus *Arctum* defluit & in angustias coactum, inter duos editissimos montes eluctatur: *Furatenam* vocant barbari quasi dicas virum & feminam; *Tena* enim barbarorum illorum lingua marem significat, *Fura* feminam. In agro hujus oppidi sinaragdorū venæ reperiuntur, nec non durissimi crystalli & adamantium instar in varios angulos efformati; Smaragdi autem venæ

50

venit etiam Chalcedonii lapidis seu candidi marmoris laminis intermixta hic deprehenduntur. Maximam porro harum gemmarum copiam subministrat mons *Trocus*, atque complures unam atque alteram leucam ab oppido disitit. Ab *Troco* ad *Abipi* inonem tres numerantur leucae, cujus venae infinitis & opimis smaragdus foeta, ob aquarum penuriam indagari desierunt; In eodem hujus oppidi agro & berilli & lucidissima crystallae effodiuntur.

Alterum harum provinciarum municipium appellatur ab Hispanis *la Palma*, anno 1510 c. 1511 demum conditum, quindecim à metropoli *S. Fidei* leucis versus eorum; temperies aëris hic magis calida quam temperata.

CAP. VI.

Descriptio reliquarum hujus provinciae urbium, Tunia, Pamplonae, S. Christophori, Meridae, Belez, Matequitar, &c.

T*unia* urbs, provinciae in qua sita est cognominis, viginti duas leucas à Metropoli *S. Fidei* versus Aquilonem, edito montis jugo imposita est, ut munimentum & receptus esset adversus vicinorum barbarorum incursus: Ager illius utri & provincia à Bogorana parum differt, tam cœli, quam soli conditione: 20 Urbs ipsa emporium hujus regionis primatum, & comineatus abundantia & annua fertilitate præcellens: cives supra ducentos equos bello idoneos educere possunt; denique Dominicani unum hic monasterium habent, & Franciscani alterum.

Pamplona oppidum sexaginta leuc. abest à Metropoli *S. Fidei* versus aquilonem, aurifodinis dives & pecorum copia nobile; hic monasterium habent Dominicani.

Municipium *S. Christophori* nomini dicatum, triginta leuc. à *Pamplona* divergit versus septentriones, situmque est ad fines provinciae quam vulgo vocant *Gritam*, Grita. quæ auti pene inops, sed pascuis ditissima, ideoque pecori pascendo & propagando maxime idonea: hinc oppidanis omnis questus.

Merida in ipso pene limite qui *Venequellam* & *Novum Granata Regnum* dividit sita, 30 quadraginta leuc. à *Pamplona* versus Boream, octodecim autem ab ingenti lacu *Maracaybo* (de quo in *Venequela* dicemus) versus occidentem; in uberrimo solo & frugum omnis generis feracissimo, nec auti planè effert; pagum habet ad oram dicti lacus, quod oppidani fruges suas aliasque merces semel atque iterum quotannis deferunt, celocibus ad alias provincias transvehendas.

Belez oppidulum triginta quidem leuc. septentrioem versus à Metropoli *S. Fidei*, quindecim autem abest à *Tunia*; habet monasterium Franciscanorum; ager hujus urbis, uti & vicina provincia, crebris fulgetris obnoxius est; in vicinia denique Vulcanus visitur qui saxorum nimbos crebro ejaculatur.

Matequitar urbs, (quæ & *S. Sebastian del Oro* dicitur) triginta vel quadraginta (nam 40 utrumque traditum inveni) leucas distat à Metropoli versus eorum: campestri & plano loco sita, ad radicem montis, unde hic cœlum supra modum fervet, quum in urbe *S. Fidei* fere frigeat, mira varietate in tam exiguo intervallo. Dites hic argenti venas sub annum 1510 x c primum repertas, fama est. Distat denique hæc urbs à *Cartagena* celeberrimo Continentis hujus emporio c c leuc.

Tbagu urbs ad extremum limitem Novi Regni, qua *Popayanam* attingit, triginta leuc. à Metropoli *S. Fidei* versus occidentem; & hic monasterium Dominicano- rum visitur.

Urbs *Victoria de los Remedios* (ut vocant) distat quinquaginta leuc. à Metropoli versus eorum; metallorum venis ager illius abundare traditur.

50 Denique *S. Joannis de Planis* oppidum, quinquaginta pene leuc. à Metropoli versus Austrum, in agro auri venarum locuplete situm, hunc catalogum urbium quæ ad præfecturam Novi Regni Granatensis referuntur, absolvet.

Accepi à Lusitano qui diu in Peruvia vixerat, in Novo Regno esse oppidum Hispanorum quod appelleretur *Saragossa*, sed dubito an aliquod sit eorum quæ jam memoravimus, an diversum. Idem meminit & aurifodinarum, quas vocat de *Soruro*, sed situm illius non designat, nolui tamen præterire.

*Provincia POPAYAN generalis descriptio, uti & particularium
Provinciarum qua sub illa continentur.*

QUIA jam ante proposuimus certo ordine ad Mare Australe & Provincias quæ illud attingunt progredi, per *Popayan* necessario nobis transcendendum, quæ 10
provincias Novi Regni Granatensis ad Occasum claudit. Hujus Præfectu-
ræ limites ab *Antonio Herrera* describuntur in hunc modum: In longitudinem inter
d. s. l. 10. Arctum atque Austrum patet leucas ducentas viginti, (licet idem in descriptione
c. 13. Indiarum Occidentalis tantum cxx leuc. tradat) ab extremis Provinciæ Quitenſis fi-
nibus, ad primos Præfecturæ Cartaginensis: in latitudinem vero à Novi Regni li-
mite ad mare Australe circiter centum. *Petrus* autem de *Cieca*, qui ipsemet hanc
Provinciam obivit, longitudinem hujus Præfecturæ ducentis paulo plus aut minus
leucis definit; latitudinem triginta aut quadraginta, inter mare Australe & altissi-
mos atque asperissimos montes illi adjacentes & inter Andium editissima juga, quæ
vulgo *Cordilleram* vocant: ab utrorumque jugis latæ valles declinant, multique 20
amnes in planiciem descendunt.

Solum potissima sui parte asperum & ob frequentes pluvias humidius: parum
Mayzii, multo minus tritici ferax, & armentorum, pecorumque pene inops: sed
auri venis opulentum. Complectitur hæc præfectura complures provincias, cæli
solique natura ita dissimiles, ut de illis in communi vix quicquam dici possit, quare
nobis satius est vitium, cum de oppidis Hispanorum agemus, quæ in iis condita, eo-
rum particularim mentionem facere: hic autem de provincia propriè *Popayan* dicta,
quæ huic præfecturæ nomen dedit, primum dicemus.

Her. d. s.
l. 10. c. 13.

Sebastianus de Belalcázar, Provinciæ *Quitenſis* à *Pizarro* Præfectus, cum jam anno
clo 15 xxxvi plerasque regiones quæ eandem provinciam versus occasum clau- 30
dunt ad mare usque Australe obiter lustrasset, ad eas, quæ versus Arctum præfectu-
ram suam contingebant, adundas animum adjecit, ut hac viâ aditum ad Mare Se-
ptentrionale aperirer, idque eo impensus, quia certis indicii cognoverat, à duobus
fratribus germanis *Calambaz* atque *Popayan* regionem amplissimam & auro divitem
in illo tractu possideri: Omnibus ergo ad hanc expeditionem necessariis compara-
tis, ex oppido *Quito* ad *Otabalum* pagum est profectus, qui locus hodie limites utriusque
provinciæ dirimit: *Pastorum* & *Pastiarum* populorum Reguli adventus illius gnari,
copias suas in unum cogunt, acriterque venienti sese objiciunt, & agmen illius per
intervalla carpentes aliquandiu remorantur: accedebat haud leve incommodum à
viarum difficultate, nam per editos montes & asperissimos clivos enitendum erat, 40
& conmeatus inopiâ, quem barbari consulto in saltus atque avia subduxerant:
Belalcázar tamen hisce incommodis nihil fractus, lento itinere processit donec ad
Reguli *Popayan* regionem ventum est: hic stativa habere, & milites corpora sua cu-
rare consultius visum fuit: invitabat regionis planicies & villarum copia quas bar-
bari passim extruxerant in campis, qui ad fluminis usque ripam per quatuordecim
pene leucarum spatium sternuntur, plurimis fructiferis arboribus, quas regio sponte
sua producit, consiti, & præsertim *Aguacatibus*, quarum fructus saporis jucunditate
plurimum commendantur; multis torrentibus & amniculis diviti, qui ab Andium
jugis devoluti, limpidissimis & saluberrimis lymphis hanc amœnissimam plani-
ciem rigant. 50

Licet autem primo à vicinis barbaris, qui fere anthropophagi erant, creberrime
inestarentur, tamen successu temporis non modo hujus, sed & vicinarum provin-
ciarum compotes facti sunt Hispani: atque in iisdem sequentia oppida & municipia
condiderunt: *Popayan*, *Sancta Fe de Antiochia*, *Santa Iago de Cali*, *Caramantam*, *Santa
Iago de Arma*, *Santannam de Anzerma*, *Guadalajaram de Enga*, *Timanam*, *Santa Seba-
stianum de la Plaza*, *Almaguer*, *Santa Joannem de Truxillo*, *Madrigal* sive *Chiapanchicam*,
Acredam

Agredam sive *Malagam*, *Sant Ioannem de Paño*, *Sant Sebastianum de los Paeres*: quorum nonnulla Hispani postea deseruerunt, nequaquam pares tantæ ferocissimarum gentium multitudini in officio continendæ. Hæ Provincia hodie per Vicarium Præfecti reguntur, quia nonnullæ Conventui Juridico Quitensi, aliæ Novi Regni Granatensis Dieceſi sunt attributæ.

C A P. VIII.

Urbis Popayan, & vicinarum provinciarum descriptio.

10 **P** RINCIPALIS hujus provinciæ civitas appellatur *Popayan*, à Reguli quem Hispani ibidem reppererunt nomine: sita est ad altitudinem duorum graduum & triginta scrupul. ab Æquatore versus Septentriones & longitudinem septuaginta graduum & xxx scrupul. à Meridiano Toletano versus Occidentem solem, ut *Herrera* testatur: Interfecat urbem flumen limpidissimus: Cælo gaudet salubri & bene temperatissimam toto anno hic veluti vernat, absque ulla notabili æstus frigorisve vicissitudine, dies noctesque pæne æquales ob Æquatoris vicinitatem: sed unum est incommodum, quod hic crebrius pluât quam alibi fere, tonitruaque & fulgura pene quotidie accidunt. Solum agri perfructundum; Mayzium quod hic provenit longe excellit cæterarum Americæ regionum fruges: binæ hic quotannis tritici messes: 20 magnaue armentorum, pecorum, porcorum atque caprarum copia & incredibilis tam domesticorum quam peregrinorum fructuum abundantia.

Indigenæ industria & civilitate morum atque affabilitate cæteros Americanos longe antecedunt. Urbs ipsa in edita planicie ædificata situ perameno atque imprimis salubri, privata ædificia perampla quidem, sed leviter substructa. Fines habet ad orientem vastissima Andium juga, ad occidentem vero altissimos illos montes qui ad mare australe usque pertingunt; Ad Septentriones & urbem *Cali* versus, patentissimos campos & pascua, in quibus plurimæ Hispanorum villæ visuntur, in quibus pecuariam exercent; innumeri denique torrentes & rivuli hanc planiciem intersecant ab altissimis Andium jugis huc se derivantes. Vice præfectus regius in 30 hac urbe commoratur, jurisdictionem in totam provinciam exercens: est in eadem & Cathedrale templum & cœnobium monachorum, quos vocant *de Mercede*.

Dieceſis hujus urbis amplissima est, pluresque majores pagos complectitur: ad ortum solis attingit provinciam *Guambiam* incolis atque indigenis frequentissimam; atque dein *Guançam*, *Maluasam*, *Polindaram*, *Palacen*, *Tembion*, *Colaçan* aliasque complures frequentibus incolis refertas. In hisce regionibus multum auri, (sed infertioris notæ) reperitur, perparum absoluti.

Ad Andium radices *Coconuci* populi patentiores valles incolunt, ubi ingens *Magdalene* flumen è suis fontibus profluit: in editis jugis aliquot flammivomi crateres conspiciuntur: ibidemque & aquæ fervidæ ebulliunt & salæ è quibus copia optimi salis cogitur. Ad Austrum prætexitur hujus urbis ligitibus Provincia *Guanaca* cum pago *de las Barrancas* ut vocant & amniculo ejusdem nominis; nec procul hinc jacent pagi quos vocant *les luntas* & *de los Capitanes*: Sequitur deinceps amplissima provincia *de los Mastelos* & municipium *Patia* in amoenissima valle, quam limpidus fluvius intersecat. Ad occidentem jungitur hujus urbis territorio provincia *Bambai* in qua Hispanorum colonia *Chapanchica* sita est, de qua mox dicetur.

C A P. IX.

Descriptio Fluminis Magdalene, ejus origo & per varias provincias decursus.

50

A NTEQUAM ad descriptionem cæterarum hujus præfecturæ provinciarum pergamus, operæ precium fuerit ingentis fluminis quod vocant *Magdalene* vel etiam *Santa Martha* origines & cursum hic describere, quia haud procul ab urbe *Popayan* fontes visuntur magni fluminis, quod barbari paulo inferius *Caucam* vocant, quodque infra *Mopoxium* in alterum flumen quod proprie *Magdalene* nomine insignitur,

insignitur, confluit. Nam vastum hoc flumen aquas suas accipit à duobus amnibus, quorum fontes magno intervallo à se invicem discreti sunt: Unus quippe illorum, supra urbem *Popayan*, è valle, quæ ab Andium radicibus sese explicat, (quæque à *Cocanucis* populis ut jam ante diximus habitatur) juxta pagum eorundem barbarorum, quem *Cotura* vocant, erumpit, & primum modico alveo per patentissimos *Cali* provinciae campos labitur, & mox variis rivulis, torrentibus atque amnibus, qui ab altissimis montibus defluunt, ita augetur, ut sub urbe *Cali* jam ingens & *Bati* flumini quod *Hispalin* prælabitur pene æqualis evadat: hinc dilapsus & pluribus insuper fluviiis acceptis, juxta *Buriticam*, haud longe ab oppido *Santa Fe de Antiochia*, jam vastus & *Cauca* nomine Indigenis notatus (ut *Petrus de Cieca* tradit) infra oppidulum *Mopoxium* cum altero amne conjungitur.

Alter autem ille oritur supra urbem *Timanam* (de qua statim dicemus) sub orientali Andium plaga, ita ut continua hæc editissimorum montium juga; utriusque amnis fontes quadraginta circiter leucarum intervallo dividant: Perlabitur autem pleraque *Novi Regni Granatensis* provincias, variis nominibus ab Indigenis insignitus: & novem sub *Mopoxio* leuc. aut *Cauca* accipit aut ab illa accipitur; atque ita conjuncti uno deinceps alveo in oceanum Septentrionalem per duo aut tria ora excurrunt. Inter utriusque porro amnis alveos antequam confluant, multæ regiones atque provinciae interjacent, incolis quondam frequentissimæ: ubi autem confluerunt quamplurimas insulas patentissimo suo alveo complectuntur, quarum non paucæ à barbaris habitantur: plurimos Crocodilos, atque Manatos nutriunt: denique *Petrus de Cieca* ab utriusque origine ad osium circiter quadringentas leucas numerat.

Merces omnes Europææ adverso hoc flumine subvehuntur lintribus, quibus indigenæ jam diu utebantur, Hispani autem jam longe majores & capaciores fabricant; Sunt enim plerumque in longitudine pedum sexaginta, in latitudine quatuor, unilignei tamen & non raro cedrini, portantque centum aut plures *Potias* (ut Hispani vocant) vini, duodecim remiges & annonam in viginti dies: tot siquidem diebus plerumque ascenditur ad mediterraneam stationem, quam vocant *del Angostura* haud procul ab urbe *Marequita* & (si *Herrera* non fallitur, nam plures esse oportet) viginti quinque ab oppido *S. Fe de Bogota*, leuc. hic locus à re ipsa nomen accipit, nam flumen hoc inter editum montem & modicum ex adverso collem ita coarctatur, ut ulterius ascendi ob præcipitem cursum nequeat. Reliqua hujus fluminis superiorè libro absolvimus.

lib. viii.
cap. xvii.

C A P. X.

Antiochiæ urbis descriptio, regionumquo adjacentium: iter ab hac urbe ad Anzermam; Caramantæ oppidum.

Antiochia.

D ESCRIPTIONEM urbium hujus Provinciae *Popayan*, supra à Metropoli provinciae inchoavimus, ut distantiarum ratio, quæ ut plurimum ad hanc referuntur, liquidius constaret: nunc reliquarum descriptionem ordiemur ab *Antiochia* omnium extrema ad Septentriones, & ad ipsos fines præfecturæ Cartaginensis sita, de qua longum & anceps certamen fuit inter utriusque provinciae Præfectos, donec Regia autoritate determinaretur & hæc urbs cum agro suo *Popayane* Præfecto adjudicaretur. Urbs ergo *Sanctæ Fides de Antiochia* (ita enim ut plurimum ab *Herrera* aliisque Hispanis appellatur) condita est in valle quæ gentili nomine *Nore* dicitur, inter duo maxima & celeberrima flumina *Darien* & *S. Magdalena* sive *Martha*: interque altissima & continua montium juga quæ secundum utriusque fluminis ripas longo & continuo ductu exporriguntur. Ipsa urbs in patentissima & pulcherrima planicie sita est ad ripam modici amnis: ager autem à pluribus amnibus irrigatur, qui ex hisce montibus utrimque descendunt & ut plurimum auri ramenta secum deferunt, amoenissimis fructiferarum arborum lucis undiquaque cæti.

Petrus de Cieca hanc ad altitudinem vii graduum Septentrionalium collocat, duodecim à flumine *Cauca* leuc. & plus quam centum à Metropoli *Popayan* versus boream, ut *Herrera* observat. Indigenæ harum regionum placido sunt ingenio, habitu

bitu corporis decoro & colore candido: Aër temperatus atque salubris, ita ut indigenæ noctu sub dio humi conquiescant, nec ullam noxam à nocturno rore patiantur. Ovibus abundat regio & omnimodis fructibus; amnes autem magnam copiam optimorum piscium nutriunt.

Porro ab urbe hac *Antiochia*, duæ viæ producuntur, una ad *Anzermam*, altera autem ad *Cartaginem* atque *Armam*: de priori è *Cieca* Chronico jam dicemus, ut regionum situs melius elucescat. Ab *Antiochia* ad *Anzermam* septuaginta leucæ numerantur, impeditissimo & permolesto itinere, per altos & asperissimos montes, nullisque arboribus vestitos: indigenæ autem procul à viâ habitationes suas & tuguria submoverunt.

Antiochiam egressis statim occurrit monticulus qui *Corome* aut (ut *Herrera* scribit) *Curume* dicitur, angustis quibusdam vallibus imminens, quæ quondam frequentissimæ incolis fuerunt, sed ii post Hispanorum adventum ad summam paucitatem sunt redacti, pagus adjacet multo auro opulentus, quod in vicinis torrentibus reperitur. paucæ hic fructiferæ arbores & Mayzii parca admodum messis.

Hinc transitur ad alium pagum, sub vasto & excelso monte positum, quem *Buriticam* vocant, ubi quondam metallicorum stativa fuerunt, ob auri copiam, quam hæc regio suppediabat: constans quippe fama est, ingentem auri opulentiam quæ quondam è sepulchris *Zenu* vel *Cenu* ab Hispanis fuit rapta, ex hisce regionibus hauritam fuisse. Ab hoc pago amniculus originem sumit qui planiciem vel potius convallem secat, in qua hodie *Santa Fe* visitur, municipium ad jurisdictionem Antiochensem spectans, quod à metallicis incolitur, qui ditissima auri metalla hic effodiunt, haud procul ab ingenti *Cauca* alveo. Huic municipio vicinus est pagus *Xundabe*, qui à barbaris habitatur, qui eodem ingenio & moribus cum præcedentibus barbaris agunt, in frequentissimis vallibus quæ præcellis montibus à se invicem separantur.

Hinc ad *Caramanta* provinciam & vallem transitur, cujus regulus, cum primum Hispani hanc adirent, *Cauroma* vocabatur. Indigenæ hujus provincie hæc inleantes & imprimis bellicosi erant, diverso autem à præcedentibus idiomate utebantur. Vallis autem hæc circumquaque altis & asperissimis montibus cingitur, mediam secat fluvius, pluresque illam torrentes & scaturigines rigant, à quibus, quod mirabile est, indigenæ optimum & candidissimum salem conficiunt, præsertim ex exiguo lacu qui ibidem visitur. Ager Mayzii & radicum, quibus barbari communiter pro farre utuntur, fertilis, sed fructiferarum arborum haud æque tolerans.

Trans montes versus orientem *Cartama* provincia jacet: cujus indigenæ à *Caramantanis* nec lingua nec moribus differunt: auro abundat; habitabant in parvis tuguriis & fere nudi incedebant aut exiguo panniculo pudenda velati.

Sed antequam reliquam viam prosequamur, de *Caramanta* oppido pauca dicenda sunt: Distat à Metropoli *Popayan* sexaginta aut septuaginta leuc. versus Aquilonem, ad ripam *Cauca* fluminis sita; pertinetque ad conventum quidem Juridicum *Novi Regni Granatensis*, ad Episcopatum vero & præfecturam *Popayanam*: abundat Mayzio aliisque fructibus, excepto tritico, oves aut armenta habet pauca, porcorum abundè: quinque aut sex horis ab hac urbe ad *Antiochiam* descendi volunt, secundo flumine *Cauca*, quod velocissime hic decurrit, cum alioquin ab *Antiochia* pene l. leuc. absit itinere terrestri.

C A P. XI.

Iter quod ab Antiochia Anzermam ducit, & urbis S. Annæ de Anzerma descriptio.

PERAGRATA provincia *Caramanta*, de qua jam egimus, è vestigio altissimi montes occurrunt, qui septem pene leuc. in latitudinem patent, *Cima* sua lingua appellant indigenæ, densissimo nemore undiqueque vestiti: iter difficile & impeditum, multorumque Hispanorum exitio pene infame, qui cum primum hanc viam aperirent, fame atque aliis incommodis hic interierunt: Hisce montibus superatis, primò in modicam vallem descenditur, raris incolis cultam; verum paulum

lum progressos amplissima & peramena vallis excipit, incolis quondam frequentissima, quum primum ab Hispanis adiretur & multis magnisque ædificiis culta, abundans commeatu, & Mayzii atque radicum quibus barbari vescuntur feracissima, nunc pene deserta, postquam Hispanorum insolentia atque sævitia maximam indigenarum partem absumsit, reliquos autem desertis laribus in abrupta vicinorum montium & invios saltus sese recipere coëgit: duabus ab hac leucis, minor vallis occurrat, quæ ad montes pertingit quibus *Anzerma* civitas inædificata est.

Anzerma.

Hæc civitas primum *Sancta Anna de los Caballeros* nomine ab Hispanis nuncupata, inter duos amnes in edito tumulo ædificata, ameno circumdata luco & omni-genis fructiferis arboribus, tam peregrinis, quam domesticis circumsepta est: natura loci egregie munita & despectu in parentes undiquaque campos adversus subitos hostium incurfus satis tuta: vicina loca à plurimis indigenarum pagis occupantur. Solum cui urbs superstructa olim ab Indigenis *Vmbra* dicebatur, sed *Sebastianus de Belalcázar*, quum provincias hasce primum lustraret & inopia interpretum laboraret, deprehendens salem ab indigenis *Anzer* vocitari, provinciam *Anzerma* appellabat, quod nomen postea tam provinciæ quam urbi huic mansit. Quatuor ab hac urbe leuc. versus occidentem, pagus quidam jacet modicus, raris sed permagnis ædificiis, & frequentissimis incolis incultus, juxta amniculum, qui leucam circiter progressus in *Cancam* se condit. Indigenæ eadem lingua qua Caramantani utuntur, insigni olim feritate & humanorum viscerum pasto abominabiles. E 20 monte qui huic imminet, aliquot torrentes descendunt aureis arenis celebres, quæ non modo ab Indigenis, sed & à Nigritis, quos Hispani adduxerunt, magna copia hic hauriuntur.

Copia.

Copia provincia huic proxima est, quam fluvius aurifer secat, nunc frequentibus Hispanorum prædiis obfessus; ab una parte *Cartama* provinciæ jungitur, per quam *Cauca* labitur: ab altera vero *Pozo* provinciæ attingit & cum ejusdem incolis dives commercium exercet: Qua autem *Anzerma* civitas orientem adspicit, multi magnique sunt barbarorum pagi: erat ea gens imprimis culta neque tam appetens humanarum carnum, & aute Hispanorum adventum auri ditissima; malos angelos sua lingua *Xixaramas*, Hispanos autem *Taramasas* vocabant; omnis illorum regio 30 montensis est atque edita, pauci colliculi, planicies admodum rara.

Denique hæc civitas *Sancta Anna de Anzerma*, ut nunc vulgo vocatur, tradente *Herrera*, quinquaginta leuc. abest ab oppido *Popayan* versus Aquilonem, ad cujus præfecturam atque Episcopatum pertinet: cæterum à tribunali *Novi Regni Granatensis*, *Audientiam* vulgo vocant, jus petere consuevit. Temperies aëris præfervida, crebrisque fulguribus obnoxia; solum nec pecoribus bonum nec frumenti ferax, sed auri venis nobile. Quicquid inter hanc urbem & mare Australe terrarum interest, frequentibus Indorum pagis atque municipiis occupatur, ubi flumen *Darien*is oriri constans fama est.

C A P. XII.

40

Iter ab Antiochia ad urbem Armam, provinciarum quæ interjacent situs atque conditio: urbis Armæ descriptio.

AB Antiochia ad urbem *Armam* tendentes, primo ad magnum flumen quod Indigenis *Cauca*, Hispanis *S. Martha* dicitur, duodecim leucarum itinere procedunt: deinde flumen cymbis trajiciunt, quæ frequentes in illis locis repertiuntur, licet rariores indigenæ ripam accolant & minoribus pagis, quia maxima pars barbarorum domicilia sua longius à via removet. Hinc paucorum dierum itinere pervenitur ad pagum (*Pueblo Llano* vocant Hispani) olim indigenis frequentem: Indigenæ statura sunt brevi & olim pene nudi agebant, præter feminas quæ panniculo lumbos præcingebant; Salem præcipuo loco habent, neque alia ipsi merces, licet torrentes & amniculi auro imprimis abundare dicantur. *Mugia* pagus salis proventu opulentus nonnihil à via remotior est.

Aburra.

Ab hoc ad orientem flectentes vallis *Aburra* excipit, trans Andes sita, qui hic facile & unius diei itinere superantur: hæc vallis in peramenam planiciem sternitur, solum

Solum illis adveniens de montu arduo iunguntur. Indigenæ illius sexviam Hispanorum tantopere exarsisse dicuntur, ut tam fecunda quam mater magna numerum vitam volutatis suspensio finirent. Porro è *Pueblo Nuevo*, dicitur ad *Carragene*, circumpallens vicinis, & opulentissimis sepelchis, si tamè fides, utilis, & ab his ad aliam vicinam quem appellant *Pueblo Nuevo*, a quo ad *Arma* continentibus *Brimen* & *Martha* ad dextram relinquentium est. Omnis hæc regio antiquè ad magnam flumen, olim ad urbem *Cartaginem* pertinebat, donec ab eis in hoc conduceretur, primo quidem supra montem in ipse provincie *Arma* alium delatæ, quæ Hispani hic præter a barbaris infestabantur, & annuæ difficultate ob paucos angustias laborabant, in planicie, inter duos minores amnes, iuxta palmetum impetum fructiferum, autæ ut hodie hæc ubi abut a magno flumine in leuc. ab urbe *Cartagene* xxi, ab *Arma* xxi, deinde a Metropoli *Pozensis* aut *Herrera* prodiit, quinquaginta velis Aquilonem. Solum huius regionis fertilissimum, sed validissime habuerant in urbane habetur, quæ annis binæ hic *Mayu* messes & dogritinæ. Auri metalla hic opulenta, imprimis ad ipsas magni fluminis.

Carrage provincia, à qua hinc oppido nomen napolitum, latissime patet, interlatumque frequenter & divinis vicinis provinciis longe præceat. Indigenæ domitilla rotunda & in fulgore in nobis stramentis tota habitavit. Decem in longitudinem, sex septemque in latitudinem leucis hæc provincia patet, maxima in parte montensis & fructiferam a bonis lucis opaca, quæ deliciarum fructus ferunt, inter præcipuos autem illum quem vocant *Pitabara*, cuius hæc est qualitas ut urinae tempore colare plane sanguine, sine hanc tamen. Ab his montibus crebri amnes descendunt, & inter illos, qui in Hispani *Arma* vocantur, quibus mensibus rapidus & transiens periculosa, ceteri minores sunt. Ad orientem latissima *Arma* iuga hinc provincie præcedunt.

Oppidum *Arma*, de *Arma* inquit *Herrera* auri fulsunt dyces, conventui Iudico Novi Regni *Granatensis* consetit, præcipuum autemque Episcopum *Pozensem* agnoscit, tribus atque ad sex omnium peregrinationem longam inopi, sed Indici farris opulentum. Indigenæ vicinarum regionum humanas carnes avidè appetunt, adeo ut idem *Herrera* testetur, supra octo millia barbarum & Hispanorum ab ipsis immaniter devorata, postquam hoc oppidum habitari cepit.

Magna provincie *Arma* limites transgreditur *Paucura* excipit, fertilissima provincia, solubertate & *Mayu* alia unque frugum fecunditate nulli secunda. Indigenarum lingua ab Armarum idiomate multum diversa est, Auri metalla haud æque abundat, secacillam modicus amon, varique continentes.

Huius proxima est provincia *Pozæ*, cuius indigenæ lingua atque moribus cum Armarum consentient: ab una parte ingenti flumine *Carrage* alluitur, ab altera *Carrage* & *Pitara* provinciis clauduntur, abundat quæ metalla, præterdum iuxta magni fluminis ripas & in ipsa *Pozensis* paginæ.

Pozensis provincie ad ortum præcedunt *Pauca* angustissima provincia atque incolis frequens, qui *Paucuranorum* idiomate continetur, clauduntur autem ad ortum vastis Andium iugis, ultra quæ *Arma* provincie est, tellurem indigenæ, nam Hispani nondum ulteriora lustraverant, cum *Pozæ* de *Carrage* lustraret, quem hic secuti sumus.

C A P. XIII.

De Provincia Carraga, Quimbaya, atque inde Cartagine.

Carraga provincia duodecim leucis at est ab urbe *Cartagine*, solo edito atque *Carraga* spero non tamen montoso, præterquam ea parte quæ altissimis Andium iugis tegitur, à quibus exiguae valles & planities subsidunt, multis torrentibus atque amniculis rigantur, quorum tamen aquæ nequaquam tam limpide ac limpide sunt quam in præcedentibus provinciis: indigenæ obeso sunt corpore & facie oblonga, olim auri divites.

Carragam excipit *Quimbaya* provincia, in qua *Cartago* condita viginti duobus leucis ab oppido *Arma*. Patet hæc provincia in longitudinem quidem quindecim leucis in latitu-

latitudinem decem, a flumine *Cauca*, ad summa Andium iuxta tota pene collis & procursibus montibus obiecta est, è quibus indigenæ adeo sua sublimi-
 Nivales montes sive summa Andium iuxta ab horis provolvuntur quasi adque leu-
 vii, in quorum vertice Volcanus cernitur, qui craterum fumum exhalat ex le-
 vibus plures amniculi oriuntur, quorum celeberrimi *Yacurachi* & *Haruri* & *la*
Cayra, qui propter oppidum labitur, pluresque alii, in quibus pannorum auti expo-
 nitur inter hosce amniculos & scaturigines, quædam sunt salinæ. Plurimæ huc fructi-
 fera arbores, tam ex quas regio sponte producit, quam quas Hispani importarunt.
 Aer hic admixtura salubris, neque frigidus neque leventior, ita ut Hispani sine de-
 penite *Yago* a morbis tententur & diu vivant. Plurimas *per Allu*, quas in vinctis ad
 duorum stans aur arundinetis mellificæ. Mulex hic arbores que fructum ferunt,
 quem vocant *Cajmæ*, persici mali magnitudine, intus nigrum de molle quodam
 refertum & succo ita lenio, viscoso atque tenacius dissoluta elaboratur nec non
Aguariles & *Guyayæ* quarum quædam fructus ferunt acidulos multo limosiores, adeo
 re atque sapore peritoto. In arundinetis mulex tera nitubantur, ingentes lentos
 & animalium illud quod catulos suos in sacculo circumfert, quod hic indigenis
Chera dicitur; plures *Cervi*, cuniculi & *Gnadaquimæ*, leporibus paulo majores, car-
 ne & optimi saporis & nutrimenti; & ejusmodi complures.

Cajmæ
19

Cajmæ

Urbs *Cartago* in planicie sita est, inter duos torrentes, septem leuc. à magno
 flumine *Cauca*, ad ripam amniculi, cujus limphas *Elqui* vocantur unam in illa
 monasterium fratrum minorum; tænera undique impedita ob profunda moun-
 tibus & cænum, nam maximam anni partem hic pluit & creberrime fulgurat. Unam
 aut paulo amplius ab urbe leucam, amniculus decurrit, quem vocant *Canjau*,
 juxta quem lacus modicus jacet & fons salus è quo si deperit prætermodum sa-
 lem coquunt. Abest autem *Cartago* sive *Mirra* restitui, à Metropoli *Papayæ* tri-
 ginti quinque leuc. versus Aquilonem, pertinetque ad Conventum quidam Juridi-
 cum *Xovis hegui Granatensis*, ad Episcopatum vero de præfecturam *Papayam*, ager
 illius neque triticum neque yllum sive Hispaniense producit, armentis vernaque cu-
 menis pascendis egregie est opportunus: aut pene inopia; ceterum celo & tem-
 perato & salubri.

Qui ex hac urbe ad oppidum *Cali* proficiscuntur, primo arundinetis transiens
 ad fluvium de *la Feja*, hybernis mensibus per hunc locum transit, leuc. 14 deinde
 ad *Cauca* leuc. unam, quem rarihus aut litoribus transiunt. Hic tam deæ hic in
 unam coeunt, nutritum ea que à *Cauca* me deinde & illa que venit ab *Ancerna*.
 Distans denique inter *Cartaginem* & *Cali* quadraginta quinque leuc. inter *Anzer-*
nam & *Cali* quinquaginta dehincitur.

CAP. XIV.

Oppidi *Cali* descriptio & natioarum provinciarum: & de portu ad
 mare Australi, qui *Bonaventura* dicitur.

40

OPPIDUM *Cali* conditum est in plana valle ad radices altissimorum mon-
 tum, quatuor ab *Aequatore* gradibus versus Septentriones, viginti tribus
 leucis à Metropoli *Papayæ*, viginti octo leuc. a mari Meridionali, una tan-
 tum a magno flumine *Cauca*, ad ripam alterius amici, quæ montibus qui oppidum
 nunciat, descendit. nisi temperies, enim hic admodum laevda esse, inter salubri-
 mos *Americæ* loca numerari posset, incolæ multoties sunt frequens est nam
 præterea tamen *Peruviana* & alii regi monti hic plerumque habitant & diripiunt
 committuntur huc exercentur. Duo hic monasteria, unum Augustinianorum, alterum
 fratrum quos vocant de *Mercede*, *de la Concepcion* oppidum hoc primum col-
 luctaverunt inter populos quos Hispani appellabant *Chirano*, cujus nomen hinc cre-
 duntur prodire. Hispani tamen *Cartaginem* genari, quam plices ab his *Yupilli*
Corran aut sicut nunciant, adeo immo populos impudenter, sicuti ante in
Ancerna factum fuisse auctorem.

Porro ut hujus provincie in qua *Cali* hodie habetur, atque adeo ad occi-
 dentem

tum regionum sitas & qualitas melius cognoscatur, è *Petro de Cieza*, descriptionem hujus regionis paulo altius repetemus. Infra oppidum *Popayan*, altissimorum montium ordines sese incipiunt diducere & vallem quandam exportigere, quæ initio angustior, paulatim ita dilatatur, ut duodecim leucas in latitudinem tandem pateat, rursusque per intervalla ita arctatur, ut denique flumen, quod vallem permeat, intra editos utrinque montes ita concludat, ut alveo veluti contracto peracriter inter obstantes & imminentes scopulos eluctetur, nullisque cymbis aut rariis hic transfiri possit, sed magnos vortices agat, qui omnia in profundum attrahant & superfluantia evertant. Ab his angustis vallis *Cali* sese pandere incipit, plurimis pagis & magna populorum frequentia jam olim culta; verum postquam Hispiani harum regionum potentes facti sunt, maxima horum populorum pars excisa est & pene ad internecionem deleta; pauci autem qui supersunt, ad montana quæ versus occidentem hanc vallem concludunt, se receperunt, de quibus paulo post dicetur. Hanc vallem ad *Arctoam* plagam attingit altera provincia, quæ fines suos cum *Anzerma* dividit, cujus indigenæ superiori seculo *Chanci* dicebantur; gens proceræ admodum statura, ita ut è gigantum prosapia hæud immerito descendere judicarentur, facie oblonga & patenti fronte.

In vicinis montibus, qui à vallis jugis, (quæ vulgo *Cordilleram* vocant & ad occidentem ab hac valle sita sunt,) sensim declinant & in vallibus quæ inter eosdem sese aperiunt, *Gorrones* isti, de quibus ante dicebamus, incolebant tribus aut quatuor leucis à valle *Cali* & magno flumine, frequens natio, pauxilli idque vilioris auri compos, quæque ut plurimum piscibus, quos in vicinis annibus certis anni tempestatibus capiebant, victitare consueverat. Horum provincia hodieque ad agrum urbis *Cali* pertinet: *Mayzii* aliarumque frugum & fructuum variorum satis fecunda. Multi hic cervi, *Guadaquinaya* alique ejusdem generis feræ; voluorum quoque copia. Maxima autem vallis *Cali* licet valde fertilis, tamen magna sui parte vasta & inculta jacet & ferarum tantum latibulum est, ob paucitatem oppidanorum, qui tam latis agris colendis minime sufficiunt. Porro ad oppidum *Cali* tendentibus primum convallis transeunda, trium leuc. spatio, dein fluviolus trajiciendus, ad utramque ripam densio luco reclusus, qui & pernicious admodum deluit & pro montium è quibus fluuit conditione egregie alget, unde & nomen apud Hispanos invenit, *Rio Frio*; denique postquam magnam hujus *Calienfis* vallis partem permeavit, condit se in magnum flumen. Hoc fluviolo trajecto patentes campi adeuntur, in quibus Hispani prædia sua & villas habent, ibidemque per servitia gnæviter pecuariam exercent: ager autem omnis pluribus arboribus fructiferis amœne admodum confusus est.

Ab oppido *Cali* versus occidentem & montana, plures vici incoluntur à barbaris qui oppidanis subiecti sunt & vectigales; ingenio facili, sed industria tantum mediocri. Quinque autem ab oppido leuc. alia vallis sita est, (quam vocant *Lilens*) *Mayzii* & *Jucæ* perfrœcunda, fructiferis arboribus plena; mediam secat amniculus, ad cuius ripam varii fructus crescunt, præcipue autem lapidissimæ & beneolentes *Granadilla*. A qua porro versus Oceanum Australem, *Timba* populi, valles quasdam profundas, inter excelsos, asperos atque incultos montes, incolunt, quæ fructiferis arboribus plenæ sunt & *Mayzii* aliarumque frugum proventus abundantes: barbari hi primis illis temporibus plurimos Hispanos neci dederunt.

Præter hæc provincias de quibus jam egimus, sub Diœcesi oppidi *Cali* adhuc longe plures comprehenduntur, præsertim montanæ, ubi varii populi inter editos & asperissimos montes valles quasdam & declivia loca habitant, omnibus rebus ad victum necessariis sufficienter instructi: in saltibus autem & præcipitiis montium latent varia animalia hominibus juxta atque aliis animalibus infesta; præsertim tigres quæ multos barbaros & non paucos Hispanos, qui hac iter ad mare aut à mari agunt, dilaniaverunt.

Trium autem dierum itinere, trans asperos & incultos montes multis palmarum nemoribus obfitos & paludibus tristisque uligine in convallibus squalidos, portus *Bonaventura* aditur, xxx. ab oppido *Cali* leuc. ad cuius Diœcesin pertinet: tribus gradibus & triginta scrop. ab Æquatore versus Arctum ut *Herrera* testatur. Paucæ hæc Hispanorum familiarum habitant, in eum maxime finem, ut merces quæ

è *Nova Hispania* aut aliunde hic appellant, accipiant & ad *Popayan* & alia oppida submittant. Locus valde humidus & insalubris judicatur, litus quippe in gremio profundi sinus, quem vulgo *Bahiam de Bonaventura* vocant: tota autem regio circumvicina altissimis & inculcis montibus aspera est, ubi pene continuo pluit, ita ut varii amnes hinc prodeant qui omnes in mare Australe descendant; unus autem in ipsum portum: Denique portus hic absconditus, & ostium illius inventu atque aditu perdifficile, nisi cum peritissimo nauclero. *Petrus de Cieca* scribit, unicum remedium esse merces ad oppidum *Cali* subvehendi, eas barbaris succollandas & bajulandas tradere, nam propter locorum asperitatem & viarum difficultatem nullus hic jumentorum usus est: licet secundum ripam fluminis *Dagua* nonnunquam equis 10
Dagua fl. vellentur, sed hi tam miserum in modum fatigantur ut nullius postea pretii sint: barbari autem hic onus trium aut quatuor arobarum (*Aroba* Hispanis est pondus viginti quinque aut paulo plurium nostratium librarum) portare solent: quinetiam mares, fœminasque in portatili sella locatos, per impeditissima loca, per montes & trans flumina, super humeros suos bajulant, nullo suo emolumento, quum merces omnis heris ipsorum, Hispanis nimirum cedat.

CAP. XV.

Iter ab oppido Cali ad Metropolim Popayan, & regionum interjacentium qualitates. 20

AB oppido *Cali*, ut supra diximus, ad Metropolim hujus Provinciæ viginti duæ numerantur leuæ, expedito satis itinere, per campestria ut plurimum, absque ullis montibus, & per colles modicè editos & nequaquam asperos aut difficiles superatu. Ab oppido siquidem *Cali*, primo proficiscendum est per campos & planiciem, quæ ab aliquot tenuibus amniculis intersecatur, donec perveniatur ad modicum amnem, qui vulgo *Xamundi* appellatur, cujusque ripæ ponte ex majoribus cannis constructo conjunguntur, quem homines transire solent, jumenta autem vado traducuntur. Juxta fontes hujus amniculi, barbari quidam degebant, quorum 30
Namundi di. regulus *Xamundi* dicebatur, à quo genti huic & fluento nomen primis illis temporibus inditum fuit, quod hodieque manet. Hi olim commercia cum *Timbis* populis quorum supra meminimus exercebant & abundabant multo auro, quod onine Hispani, quibus commendati, id est, inservitutem traditi fuere, ipsis eripuerunt. Ab hoc amniculo ad magnum flumen quod inferius *S. Magdalena* appellatur, quinque sunt leuæ: Id autem ratibus aut uniligneis lincibus facile transcur, ope barbarorum qui ripas accolunt. Utraque autem hujus fluminis ripa à frequentibus barbaris olim fuit habitata, qui nunc ad summam paucitatem redacti sunt, partim eorum & propria feritate, qua alii alios mactabant & devorabant, partim Hispanorum crudelitate & bellicis cladibus: qui autem superant, ad easdem ripas degunt & 40
Aguales. *Aguales* (gentili nomine, an ab Hispanis invento, non dixerim) vulgo appellantur & hodie oppidanis Caliensibus vestigales sunt, eisque serviunt.

A trajectu autem magni hujus fluminis ad Metropolim *Popayanam* quatuordecim sunt leuæ: Superato quippe flumine, palustria loca & uligine impedita transeunda sunt, sed vix quartæ leuæ partis spatio: reliqua itineris expedita sunt & plana usque ad alterum fluvium, quem vocant *de las Ovejas*, qui ætate quidem nullo negotio, hyeme vero cum summo discrimine transitur, tum propter alvei ipsius altitudinem, tum maxime quia vadum illius tam brevi intervallo distat à magno flumine, quod hunc quoque in se admittit: plures hic tam barbari quam Hispani absorpti interierunt.

Ab hoc porro sex leucas per editam planiciem expedito & facili itinere progressis 50
Piandamo fl. alius rursus fluvius occurrit, quem *Piandamo* vocant: hunc itidem multi mortales olim accoluerunt, qui ob causas quas jam sæpius indicavimus, hodie aut interierunt aut aliò, ut tyrannidem advenarum effugerent, in abdita aut asperos montes commigrarunt.

Ad ortum ab hoc fluvio sita est provincia *Guambia* pluribus vicis barbarorum culta. Deinceps & alius amniculus transitur, *Plaça* vulgo dictus, juxta fontes & ad utramque 60
Guambia. ripam

ripam accolis frequens; & jam secundo magnum flumen *Magdalene* & quidem vado, quia hic non supra dimidiam orgyam alcum deprehenditur. Ab adversa ripa ad oppidum *Popayan* ager omnis amenissimis villis & prædiis Hispanorum egregie cultus est, ubi & sementem faciunt & pecuariam exercent. Multi tivolii ab Andibus devoluti hos campos rigant, in quorum nonnullis olim auri ramenta fuerunt reperta. Hæc regio quondam multos barbaros aluit, qui jam penitus defecerunt. Denique hæc via ab oppido *Cali* ad Metropolin *Popayanam* frequentissimè usurpatur, nam si *Herrera* credimus, nulla commodior aut expeditior reperiri potest, ad merces è provincia *Veneçuella*, & omnibus aliis quæ ad mare Septentrionale sitæ sunt, ad hanc *Popayanam* Metropolin, & porro ad *Peruviam* & *Chilen* subvectandas.

C A P. XVI.

Iter quod ab oppido Popayan ad oppidum Pasto ducit, Provinciarum intermediarum qualitates; Populorum mores: oppidum Pasto.

AB oppido *Popayan* ad urbem *Pasto* tendentibus, primo fines *Conconcorum* transcundi sunt, de quibus populis jam ante diximus cum de Metropoli ageremus: quibus superatis, vallis *Patia* quam magnum flumen perlabitur, (sen- *Patia*.
 20 sim angustatur, & occurrit pagus olim amplissimus & barbarorum incolatu frequens, ac ne nunc quidem infrequens, licet bona pars indigenarum hodie domicilia sua ad montana, quæ ad occidentem proxima sunt, transulerit: Hispani nominant hunc pagum *Pueblo de la Sal*; ejus incolæ ditissimi fuerunt & plurimum probi & absoluti auri heris suis atque dominis contulerunt.

Paulo ultra hunc pagum incipit provincia barbarorum quos vulgo vocant *los Ma-*
Matiles & juxta illam provincia *Abadum*, quorum pagi sunt *Tsancal*, *Pangam* & *Za-*
campus; itemque *Chorrorum* populorum regio & denique *Pichilambuy*: quin & ad oc-
 cidentem ab hoc pago plurimi populi & gentes incolunt, ad oram Matis Australis
 usque; & regionem hanc auri venarum haud expertem esse, vulgo creditur. Multi
 30 hic pagi juxta sparsi, *Asqual*, *Mallama*, *Tucurres*, *Capuyes*, *Iles*, *Gualmatal*, *Funes*, *Chap-*
pal, *Malos* & *Pyales*, *Pupiales*, *Turca* atque *Cumba*. Omnes hi pagi & eorumdem Re-
 guli, olim communi nomine *Pastis* dicebantur, à quibus oppidum quod hodie hic vi-
 situr nomen suum mutuavit. Hisce autem pagis & populis, alii item barbari ad
 orientem finitimi sunt, quos vocant *Quillacingas*, quorum præcipui pagi sunt *Mo-*
condino & *Bexendino*, *Buizaco*, *Guanzananga* & *Moxocondugue*, *Guaquanguex* atque
Macaxamata: Et adhuc magis versus ortum ampla & mediocriter fecunda provin-
 cia sita est, quæ *Cibundoy* dicitur. Cui adjacet pagus *Pastoco*, itemque alter haud
 longe à ripa lacus, qui summitatem editissimi montis ad leucas circiter octo in lon-
 gitudinem, & pene quatuor in latitudinem occupat, adeo frigidus ut aquæ illius
 40 nullos plane pisces nutriendi, nec à lacustribus volucris facile adeantur: Solum
 quoque in ambitu plane effectum ita ut neque *Mayzium* producere, nec ullam arbo-
 rem fructiferam alere queat.

los Ma-
stiles.
Abades.
Chorri.

Pastis.

Cibua-
doy.

Quilla-
cingz.

Porro omnis *Pastorum* ager *Mayzii* quidem atque frugum infecundior est, præterquam avenæ, quam benignius tolerat: sed pascuis satis lætus, unde hic quamplurima armenta pascuntur, imprimis autem ingentes porcorum greges. *Pape* radices, *Xiquima* & lapidissimæ *Granadilla* hic abunde crescunt. *Quillacingarum* autem ager *Mayzii* & aliarum frugum atque fructuum fecundissimus est.

Novem vero ab oppido *Pasto* leuc. fluvius labitur quem Hispani *Rio Caliente* vocant, cujus aquæ supra modum commendantur; hybernis autem mensibus ita inflatur, ut perdifficilius transiri possit. Hoc fluvio trajecto, altissima montium juga ascendenda trium circiter leucarum spatio, dein rursus in planiciem descenditur & per solitudinem iter agitur, ubi acriter friget: qua emensa ad editum montem pervenitur, cujus vertex densum fumum ut plurimum exhalat; hunc Vulcanum ad dexteram relinquunt, quibus à *Popayan* ad *Pasto* oppidum iter est.

Pastorum denique regionem alius præterea fluvius interluit, vulgo *Angasmayo*, ea re potissimum celebris quod olim regni *Peruani* limes fuerit ad Arctum, quemad-

modum fluvius *Maule* in provinciis Chilenfibus ejus limitem claufit verſus Meridiem, dum Ingarum imperium maneret.

Oppidum *S. Joannis de Paſto*, abeſt à Metropoli *Popayan* verſus Africum leucas quinquaginta, ut *Herrera* affirmat, vel quadraginta ut *Petrus de Cieza*, quod veritati & itinerum rationibus magis convenit: à Metropoli autem Quitenſi verſus Aquilonem leucas quinquaginta, vel ut *Didacus Fernandez* vult, quadraginta: à mari denique aſtrali leuc. quadraginta ſecundum *Herreram*. Uno ab Aequatore gradu verſus Arctum. Conditum eſt autem in pulchra & ameniſſima valle, quam fluvius limpidiſſimæ & optimæ aquæ interluit, præter alios quamplurimos rivos & torrentes, vallem *Atru* olim appellabant: fuitque incolis ſatis frequens ante Hiſpanorum adventum, qui jam ad montana ſeſe receperunt: ſolo edito undiquaque cincta eſt, quod partim in colles aſurgit, partim in convexam planiciem ſternitur. Hiſpani hic multas villas & ruſtica prædia habent, in quibus pecuatiam exercent: ad ripam vero fluvii etiam tritici & Mayzii ſementem faciunt. Omnis autem regio *Paſtorum* ſubfrigida eſt aut ſaltem temperata & quidem frigidior æſtate quam hyeme, uti hic anni tempeſtates diſtinguunt, quod & in oppido locum habet: cæterum ſalubris & maxima ſui parte aut ſecunda aut pecori optima: Auri venarum haud experts credita. Regiones quæ oppidum à Meridie contingunt proximo libro proſequemur, ubi de *Peruvia* agetur. Denique ad Diœceſim hujus oppidi ſupra viginti quatuor millia barbarorum pertinere reſert *Herrera*, qui Hiſpanis veſtigal & operas gratuitas debent: ab humanis carnibus etiam dum gentiles erant abſtinebant, cæterum nec habili corpore nec urbano ingenio, ſed ſordidi, barbo ingenio, & indultiſſi pene nulli.

CAP. XVII.

Reliqua oppida & Municipia hujus Præſectura.

RELIQUA hujus præſectura oppida hæc ſunt. *Timana* urbs quadraginta leuc. à Metropoli *Popayan* verſus Eutrum, ſexaginta ab oppido *S. Fe de Bogota*, ad initium vallis quæ *Neyva* dicitur & ab altiſſimis Andium iugis (quæ vulgo *Cordillera* dicuntur & omnem hanc Americam uti ante diximus peragrante) ad orientem ſita eſt, in regione æſtuoſa. Cæterum provincia *Timana*, à qua urbi nomen eſt, perſalubris eſt & optimis aquarum fluentis irrigua, pæſcuis læta & armentis pæſcendis peropportuna. Oppidanotum & incolarum præcipuus hodie quæſtus eſt, omnimodos fructus, qui hic longe optimi paſſim creſcunt, ſaccharo aut melle, quod hic maxima copia in concavis arborum truncis repetitur, condire; imprimis autem è nucibus quibuſdam quæ anygdalarum ſaporem æmulantur, cupedias quaſdam placentarum in modum efformare: quæ omnia ad *Almaguer* oppidum venum portant. Hic quoque quamplurimi ſunt horti & viridaria in quibus *Cocam* tantopere omnibuſhuiusce Americæ populis expetitam, magna cura excolunt. Abundant & *Pita* quam in tenuiſſima ſila ducere ſingulari induſtria conſueverunt, quæ in magno ubique ſunt pretio. Oppidum valde ſalubre eſt & incolæ illius longævi. Subpræſectus provinciæ hic habitat, cui & oppidum *S. Sebastiani de la Plata* attribuitur. Haud longe ab hoc oppido abeſt mons quidam in cujus viſceribus magnetem reperiri teſtantur.

Provinciæ hujus terminos contingunt *Talcones*, fetox & pugnax natio, quæ vallem *Aquirgam* poſſidet: hanc vallem claudit *Pacæium* populorum provincia.

Hi populi à præcedentibus ingenio & moribus nihil diſcrepant & jam olim Hiſpanis qui urbem *Timanam* incolebant gravia intulerunt; & oppidum *Neyvam*, quod in eadem provincia viginti ab oppido *Timana* leuc. conditum fuerat, deferere ſocogerunt: ſidem quoque *Pacæium* vicinis *Pixau* atque *Manipû* urbem *S. Vincentii* quam Hiſpani in *Pacæium* provincia moliebantur ſexaginta leuc. ab oppido *S. Joannis*, ut vocant *de los Llanos*, in ſinibus præſectura *Popayana*; & villam *de los Angeles* novem ab oppido *Neyva* leuc. viginti duabus à *Tocayma*, vaſtarunt & colonos Hiſpanos protul à ſuis ſinibus ſubmoverunt.

Oppidum *Guadalajara de Buga*, in valle *Buga* ſitum eſt, à qua & agnomen mutuatur,

tur, quindecim leuc. à Metropoli *Popayana* versus *Boream*, inter summa Andium juga (ut *Petrus de Cicca* testatur) quæ provinciam *Popayanam* à vallibus *Neyva* dividunt: Incolæ hujus oppidi jus quidem accipiunt à Conventu Juridico Quitenfi, sunt autem sub præfectura *Popayana*, illiusq; Episcopum agnoscunt in causis Ecclesiasticis.

S. Sebastiani.

Oppidum *S. Sebastiani de la Plata*, situm est in limite præfecturæ *Popayana*, triginta quinque leucis à Metropoli *Popayan*, triginta leucis ab oppido *S. Fe de Bogota* versus Africum: in hujus agro multe sunt argentifodinae, à quibus oppidum cognominatur; indigenæ autem provincie in viginti quatuor tribus partiti sunt, *Reparsiementos* vocant Hispani, quarum singulæ dominis suis Hispanis tributum pendunt & gratuitam operam præstant. Abest porro hoc oppidum tres leucas à portu mediterraneo ad ripam magni fluminis *Magdalena* sito, quem vocant *Ondam*; ubi cymbæ quæ merces ad hanc præfecturam adverso flumine ab urbe *Cartagena* & præfectura *S. Marthe* subvehunt, onera sua exponere solent. Conditum est oppidum in patenti campo ad ripam fluvii *Guali*; terræ moribus admodum obnoxium est, & hyeme hic magis æstuat, quam alget: indigenæ fere omnes ad interfectionem delicti sunt à vicinis barbaris, quos vocant *del Rincon*; qui illos ex insidiis capros abripiunt, mactant & in publicis macellis suis carnes illorum venales prostituunt; neque huic malo hæcenus ab Hispanis potuit obviam iri.

Onda.

Gualist.

Urbs *Almaguer* sita est viginti leuc. à Metropoli *Popayan* versus Eurum, super planum & incultum montem; aer hic frigidiusculus sed amœnus: indigenæ gossypinis vestibus amictiuntur: ager vicinus tritici, Mayzii & aliarum frugum atque fructuum perfructuosus: pecorum & armentorum magna hic copia; denique opulentissimæ auri venæ hic repetæ, quæ hunc locum plurimorum concursu frequentior fecere.

Almaguer.

Oppidum *S. Joannis de Truxillo*, quod barbarorum lingua *Tsance* dicitur, distat à *S. Joanne* triginta leuc. à Metropoli *Popayan* versus Eurum: incolarum numerum aut opes nondum ab Hispanis scriptoribus tradita inveni.

Urbs *Madrigal*, quæ barbarorum lingua *Chapanchica* appellatur, distat ab oppido *Popayan* triginta quinque leuc. pene versus Meridiem: regio aspera est & petrosa, ubi nec triticum feritur, nec pecora pascuntur; Mayzium tamen quotannis bis non infelicititer provenit. Indigenarum ingenia, à locorum natura magis asperantur, ita ut non facile perdomari aut ad humanitatem traduci possint: in agro autem auri metalla sunt inventa haud contemnenda.

Madrigal.

Agreda, quæ & *Malaga* ab Hispanis appellatur, distat à Metropoli quadraginta quinque leuc. versus Africum: hic quoque non vulgaria auri metalla sunt inventa, ut tradunt Hispani.

Agreda.

C A P. XVIII.

Portus, Stationes, Flumina, Promontoria, omnisque ora huius Præfectura Insulaque eidem obiectæ.

SECUNDUM oram maritimam hujus Præfecturæ, ad mare Australe, à Promontorio de *Corrientes* ad altitudinem quinque graduum Septentrionalium, primo occurrit fluvius, quem vulgo vocant *R. de Salinas*, inter dictum Promontorium & Insulam *Palmarum*. Insula *Palmarum*, quæ à multitudine harum arborum, quibus passim obstita est, nomen suum accepit, haud supra sesquileucam ambitu suo comprehenditur, amniculos aliquot & torrentes habet limpidarum & potabilium aquarum, siue quondam à barbaris habitata; distat à Promontorio de *Corrientes* leuc. viginti quinq; ab *Æquatore* vero grad. iv & xx scrup. versus Arcum. Ab hac ad sinum *Bonaventura* tres numerantur leucæ, de quo sinu & illius portu jam ante diximus.

R. de Palmarum.

Hæcenus ora pene ad Austrum pertinet: à sinu autem *Bonaventura* ora ad Euro-astrum convertitur ad leucas viginti quinque, ubi Insula *Gorgona* continenti obiacet. Omnis hæc ora vadosa est & leniter declivis & ad ipsum litrus usque densis arborum sylvis obstita, quas vulgo appellant *Mangles*. Inter flumina autem quæ hic in Oceanum egrediuntur, facile princeps est rapidissimum flumen *S. Joannis*; utraque illius ripa accolitur à vere barbaris gentibus, quæ tuguria sua in fastigiis arborum

arborum collocarunt, siquidem flumen hoc ripas suas non raro excedere & vicinam regionem inundare consuevit: certis autem temporibus in terram descendunt & faciunt sementem phascolorum, fabarum, pisorumque & messe absoluta capiunt pisces, quantos sibi ad victum sufficere arbitrantur, rursusque se ad tuguria sua recipiunt: auro abundant, cujus ramenta ab omnibus deportantur; Solum vicinum haud infecundum, sed inaequale & crebris stagnis & tristi uliginisquallidum.

Gorgo-
22.

E regione æstuarii hujus fluminis sita est Insula *Gorgona*, tribus gradibus ab Æquatore versus Arctum. Hæc Insula ab iis qui illam lustrant, inferno comparatur, nam propter montium altitudinem & nemorum opacitatem, incredibilis hic mosquitorum multitudo generatur; aer autem insalubris est & tempestuosus, nam fere continuo & indefinenter hic pluit, ita ut rarissime Sol hic videatur. Ingens hic *Guadaquinajarum* copia reperitur; animal hoc à lepore non multum abludit. Arbores hic reperiuntur quæ fructus quosdam ferunt, instar castanearum, quæ alvum utiliter solvunt & noxios humores evacuant: etiam minutæ uvæ hic crescunt saporis haud ingrati. Plurimi hic pisces capiuntur, inter scopulos qui oram undiquaque tegunt: infinitæ aves in nemoribus: denique aliquot amniculi & torrentes de montibus descendunt, Insula tres circiter leucas ambitu capit, cætera ignobilis & tantum *Francisci Pizarri* cum Peruviam primo peteret latibulo nota, qui hic cum tredecim sociis aliquanto tempore substitit.

de Gallo.

Ab Insula *Gorgona*, ora se ad zephyronotum convertit, ad Insulam, quam vocant *del Gallo*: tota autem hæc ora humilis est & vadosa: pluresque amnes hic in oceanum è Continenti descendunt, & nominatim amnis *S. Luca*, *Nicardi* & *Cedrorum*.

Insula autem *del Gallo* exigua est, vix leucam ambitu complexa, distatquo ab Æquatore versus septentrionem duobus circiter gradibus. Ab insula hac, ora ad Austrum sese inclinat ad promontorium *Manglarum* usque, duobus gradibus ab Æquatore versus Arctum dissitum, & octo leucarum intervallo ab Insula; intermedio spatio portus se aperit cui *Crucis* nomen indiderunt: Ora ejusdem plane conditionis est cum præcedente, & omnibus aliquot divisa, & à barbaris culta, qui vivendi norma ab accolis fluv. *S. Joannis* nihil differunt. Hac tenus ora hujus præfecturæ *Popayana* pertinet, à promontorio autem *Manglarum*, *Peruviae* ora initium capit, quam proximo libro sumus descripturi.

DESCRIPTIO







PERU

10 20 30 40 50 60 70 80 90 100 110 Anglica leuce.
10 20 30 40 50 60 70 80 90 100 Hispanic leuce.
10 20 30 40 50 60 70 80 German. milliar.

NOORD

LINEA EQUINOCTIALIS

M A R D





DESCRIPTIONIS
INDIÆ OCCIDENTALIS,
LIBER DECIMUS.
PERUVIA.

C A P. I.

*Generalis Regni Peruviani descriptio, cæli solique qualitates:
Indigenarum ingenia & mores.*



10
20
30
40
50
SUPERIORI libro Popayanam absolvimus, quæ l. 3. c. 10. nos ad Oceanum Australem & Peruviani Regni limites reduxit; quod deinceps nobis describendum erit; de illo ita in communi Acosta: Peruvix, inquit, nomine nequaquam accipimus amplissimam illam novi orbis partem, quam vulgo Americam appellant, qua & Brasiliæ, & Chilæ & Grana-
dæ patentissimæ regiones comprehenduntur, quibus Peruvix nomen neutiquam competit: sed illam Australis Americæ partem, quæ ad Austrum vergit, à Quiteni regno pene sub ipso Æquatore constituto, ad Regnum usque Chilæ extra Tropi-
cum Capricorni, spatio sexcentarum leucarum in longitudinem, in latitudinem au-
tem ad altissima Andium juga, quinquaginta; præterquam paucis locis & præsertim
versus *Chachapoyarum* regiones, ubi paulo latior est. Hæc Novi Orbis pars, quæ
vulgo *Peruvia* dicitur, ob peregrinas & mirabiles cæli qualitates, inter omnes hujus
orbis provincias diligentius consideranda: nam primo oram illius maritimam non
nisi unus ventus afflat, nec tamen is qui sub torrida *Zona* ut plurimum alibi flare con-
suevit, sed illi è diametro contrarius, nempe Austus aut Africus. Secundò, quum
hic ventus natura sua tempestuosissimus, gravissimus & insalubris alibi judicetur, hic
contra amœnus, salubris & gratissimus accedit, adeo ut huic potissimum debeatur,
quod ora maritima possit habitari, quæ per se fervidissima & valetudini hominum
noxia erat futura. Tertiò ad oram maris nunquam hic pluit, tonatve, nec grandio
aut nix unquam decedit. Quartò, exiguo à dicta ora intervallo, non tantum pluit,
sed & ningit & horrendum in modum tonat. Quintò, quum duo montium ordines
æquali pene ubique intervallo totam *Peruviam* interfecere, ad eandem prorsus *Poli*
altitudinem, unus arboribus in totum vestitus, maxima anni parte pluvias & gra-
vem æstum perpetuit, alter vero pene nudus, potius frigus tolerat & æstatem atque
hyemem, pluvias atque serenitatem alternatim experitur. Verum ut hoc commo-
dius intelligatur, sciendum est, *Peruviam* universam in tres veluti tramites esse divi-
sam, longissimos quidem illos, sed perangustos; Plana nimirum, Montana & Andes:
Plana juxta oram Maris Australis sive Pacifici; Montana sunt colles, montes
atque vales; Andes denique vasta atque altissima juga. Plana communiter in lati-
tudine decem occupant leucas, alibi plures, nonnusquam & pauciores, montana vi-
ginti, Andes totidem: longitudo inter Arctum & Austrum, latitudo inter ortum
atque occasum accipitur. Monstri autem simile, in tam exiguo intervallo & quinqu-
aginta ut plurimum leucarum, inque eadem distantia ab Æquatore & polo, tantam di-
versitatem reperiri, ut hic fere continuo, illic nunquam pluat, tertia vero regione
alternatim & pluat & serenet. In Planis nunquam pluit, licet interdum ros quidam
cadat (quem barbari *Gaviam*, Hispani *Mollinam* vocant) qui nonnunquam in guttu-
las quasdam resolvitur, verum tam exigua copia, ut neque rectis neque canalibus
opus

opus sit; nam ædes hic tantum storea quadam teguntur, cui paululum terræ super-
injicitur. In Andibus fere continuo pluit, licet uno anno magis serenet quam al-
tero. In montanis autem quæ inter hæc duo extrema veluti media, iidem pene men-
sibus pluit, quibus in Hispania, à Septembri nimirum in Aprilem; reliquo tempore
sodum est cælum, quum nimum sol longius ab ipsorum vertice recedit. Porro
tam Andes quam montana hæc sunt editissima juga quæ continenter & pene aequali
inter se distantia ad mille leucas ut minimum exporriguntur: In montanis innume-
rabiles *Vicunnavum* greges vagantur, animalia capris montensibus velocitate simili-
ma, nec non *Guanaci* & *Paci* de quibus mox dicemus. In Andibus vero generantur
simii & cereopitheci quamplurimi & gratiosissimi, itemque innumerabiles psitta-
ci, crescit hic preciosissima illa Coca. Ubi autem montes se deducunt, quam-
plurimas aperiunt valles, quæ & opportunissimæ & saluberrimæ totius Peruviae
habitationem subministrant, & tritici Mayzique fertilissima habentur, uti *Xauxa*,
Andaguaila, *Tucay* & plures: quare etiam superioribus sæculis frequentissima fue-
runt. Atque hæc de cælo soloque in communi dicta sunt, particularia suis quæque
locis prosequemur. Nunc de Indigenis videamus. Qui planticiem olim incolue-
runt, sub dio ut plurimum agebant, aut sub patulis arborum ramis, mares indusis
quibusdam utebantur usque ad genua & palliolis supra humeros: femina vero ve-
stibus gossypinæ aut pedes demissis: utrique capillos vittis lanceis subligabant, aut
fascia unius aut variorum colorum, quibus maxime distinguebantur: Montenses
vero, qui & viribus corporis & ingenio atque industria ceteros longe superant, ædes
incolebant cespite desuper tectas, mares indusis & pallis & lana ovium Peruviana-
rum amiciebantur. feminae tunicis, fasciis quibusdam per totum corpus restrictis &
mantello circa collum, acutissimis aciculis anteis aut argenteis, quas sua lingua *To-
poi* vocabant, connexo: sunt ut plurimum candidæ & bene moratæ: viroque suos
in colendis agris aliisque operibus gnaviter adjuvant, maxime delectantur capillis
prolixis & nigris: atque ut nigrorem illis conciliant, cum summa molestia nec non
discrimine, eisdem in ferventem aquam dimittunt (idque nonnunquam ad horam aut
alteram, prout scribit *Tuca Garcillasso*), in qua coctæ fuerint, variae herbæ & imprimis
Radix Magney sive ut ipsi vocant *Chuchau*. Venando ut plurimum gentes hæc sese
exercent, & nonnunquam solemnes instituunt venationes in hunc modum: quatuor
aut quinque millia hominum pro frequentia Provinciarum conveniunt, & ceteris
modico inter singulos intervallo facta, quæ interdum duas aut tres leucas ambit, pe-
detentim ad modulus cantionum coeunt, donec manus jungant & brachia conne-
ctant, atque ita magnum ferarum numerum indagine cingunt, & quot volunt ma-
ctant, tantum enim murmur vociferando ciet, & feras ita terrent ut manibus se
apprehendi aut in retia se concludi patiantur.

Antequam hæc gentes sub unius imperium cogerentur, variis diversisque moribus
& institutis agebant, sed barbaris atque inhumanis; & pro suo quique libitu varias
res superstitionis venerabantur; Plantas, animalia, flumina, montes; imprimis au-
tem ferocia animantia: & omne denique quod aut impense diligebant, aut horre-
bant. Nec tamen decrant, quibus nihil erat præcipua aliqua veneratione. Verum
postquam *Incarum* jugum subierunt, & veluti ad unam Republicam sunt revocati;
urbanum vivere, civiles mores atque instituta amplecti; & supersticiosus illorum
cultus, antea vagus, ad certam formam cepit revocari. Ab eo enim tempore Solem
adorarunt, persuasi Creatorem hujus sideri inter cetera principem locum assignasse,
idque optime de rebus humanis mereri; & licet Lunam tantquam illius conjugem
venerarentur, nullum tamen illi divinum cultum impendebant; uti nec fulmini,
fulgurive aut tonitru (quod perperam ab Hispanis scriptoribus traditur.) Narrat
autem *Tuca Garcillasso* Peruvianus natione, suos licet solem tantum visibiliter ado-
rarent, tamen nonnullam habuisse cognitionem Veri Dei; quem appellabant *Pacha*
Camac, id est, mundi animatorem (à *Pacha* mundus & *Camac* participio vel deriva-
tivo verbi vel nominis *Cama*, quod animam denotat vel animare) & tantopere in
animo venerabantur, ut ne nomen quidem hoc sine præfatione aut scrupulo usur-
parent; uti nec nomen *Cupay*, quo malum genus notabant sine abominatione &
exsecratione. Nihilominus unicum tantum templum *Pacha Camac* consecraverunt, in
valle

valle de qua possent. Quam soli infantes pene templa, eaque humuosisque passim
 aedificaverunt, lignis hinc, vinctisque deinde verint, & pluribus lignis hinc munitis-
 rant. Hocce idem, desperant ab Hispanis plures deos, idaeque Peruviae arboribus
 quod licet variis, nonnullis Dæmonij potestate per quos verba facere conque-
 runt, veluti sacra idola habuerint veneratione, non tamen adorantur. Error de
 nativis quod Peruviam omnes ejusmodi res nominarent *Huaca* vel *Galeon* nomen autem
Huaca latissimum, quod ipsos habet significacionem, etiam quicquid sacrum, quic-
 quid excellent in sui specie, quicquid mirabile, denique omne quid sit, & li-
 christiane aut deificavit in rerum natura eminet, idcirco hoc nomine ab ipso
 10 saltemur: Usade quoniam & idolum hoc nomine designant, facile crediderunt Hi-
 spani quod illi Deus colere, quod *Huaca* nominarent. Eundem errorem notie-
 runt in *Capachica*; nam quoniam barbaris insigne esset, quoniam unus aliquid & quod
 barbari, difficile in aur ardium collent aut montem ascendunt, in ipso regere
 onus deponere, & ter, oculis ad caelum erectis & rursus demissis, dicebat *Quero*,
 id est, ut ille interpretatur, *ut qui facit ut levemur*, quasi dicerent, gratias agimus illi
 qui nobis vias, lapsus est in hoc onus super tam cultum locum tolleremus. (Huius-
 15 lute enim hinc genibus ino aut alio verbo, mox iam sententiam exprimere.)
 Hispani qui sequis illud audierant suspicari fuerunt, mentes & oculos a barbaris
 adorari, ipsique dici *Apachitas*. Atque ita ad eundem modum, luvina alia numi-
 na ob linguam ignominiam ab Hispanis fuisse adhibita, tim his, tim ad his barbaris,
 perquam verisimile est. Porro credebant barbari hi, aut saltem illorum sepe per,
 qui dicebantur *Amazones*, hominem consistere e corpore & anima, hanc esse incor-
 ruptibilem, illam mortalem, ideoque vocabant *Amazones*, id est, (sunt animam
 20 de ad differentiam *Amazones* *Amazones*, id est, rationis corporem, quoniam *Amazones*
 animam hanc communem appellarent *Amazones*. Credebant quoque aliam vitam
 sapientis post hanc presentem, itaque hoc Universum in tres dividant partes; ni-
 miam in caelum, ipsis *Haban Pachis*, id est, mundum alium qui boni recipiunt
 ut poena perciperent, in mundum hunc terrestrem & corruptibilem *Amazones*, ipsis
 30 *Amazones*, id est, mundum inferiorem, & denique *Amazones*, id est, infernum vel
 subterraneum, in quo mali poenas tolerarent; hunc & ad majorem evidentiam vo-
 cabant *Amazones* *Amazones*, id est, domicilium Dæmonis. Neque putantur resasse
 generalem corporum restorationem, uti plures Hispani auctores testantur. Lon-
 gissime autem abfuerunt ab immanibus Mexicanorum moribus ut humanis hostis
 numini suo litarent; tantum abest ut humanis carnibus vescerentur. Quod sper-
 sunt de civili ipsorum & politico regimine, & *Amazones* ferie, alibi à nobis adju-
 gentur.

CAP. II.

Plantæ, fruges, fructusque Peruviae præstari, præsertim Coca.

40

FRUMENTUM Peruviae maxime communest. Mayzium, quod ipsorum lin-
 gua vocatur *Zara* vel ut scribit *Tuca Cancha*, hoc *Cara*; cuius duas habent species,
 unam cujus far est durius, hinc *Murichin* alteram cujus est mollius & delicatius,
 hinc *Capas*; ex utroque autem panes coquebant duarum generum, unum nimirum
 quod tantum in sacrificiis adhibebant, ipsis *Zancus*; alterum quod in cibis vulgo
 utebantur & vocabant *Humint*. Panem autem communem nomine vocabant *Tan-
 15* *ta*. Mayzium autem ebullitum cum aqua *Mute* vel *Mate*, quod calens sorbeant;
 idem in pollinem redactum & in pastillum coactum atque tostum in quibusdam præ-
 vinctis adhibent *Amazones*; idem integrum tostum vocabant *Amazones*. Quin & diversis
 20 modis utuntur in potu; nam aut ad eundem pene modum quo in Europa cere-
 visia in grana transper humectabant donec pullulare inciperent: tum siccata mo-
 lebant & ebulliebant; hanc potus speciem vocabant *Amazones* & in quibusdam pro-
 vinctis *Sara* singulari inebriandi facilitate prædita; ideoque legibus Yncarum veta-
 batur: aut grana masticantes, fermentum quoddam coquebant (ut scribit *Amazones*)
 quod deinde cum aqua coquebant; credunt autem Americani præstantissimum fieri
 a vetulis: aut denique grana prius torrendo, comminuendo & denique coquendo;
 quod

quod genus potus maxime commendatur, utpote saluberrimum & utilissimum, is qui calculo aut arethulis vexantur. Potum denique & Mayzio communiter vocant *Azua*, & alibi quoque *Chicha*. Mayzio autem accedunt variæ legumines, quædam insar fabarum licet immora quæ ipsi nominant *Purra*, & adhibent in cibis, quædam minime edulia, rotunda, & variorum colorum, quæ vulgo vocant *Chay*, & variæ adlunt agnomina pro colorum diversitate. Multæ hic repetuntur radices, quæ in provinciis quibus Mayzium deest, illius loco usurpantur. Inter has agnoscunt *Papa*, quas ad solem siccatas continuunt & appellant *Chummo*, hujus ingenio variæ, diffusio commercio subvehitur ad argentifodinas Potolianas. Reheque *Ora*, quæ est radix oblonga & gracilem crassa, quæ & cruda comeditur utpote suavissima, & 10 cocta, & ad solem siccatur, atque tum nominatur *Cayu*. Tertio *Anni*, forma quidam & mole præcedenti similis, sed sapore multum diversa, amarica etiam, unde non nisi cocta comeditur, ferunt huiusmodi inimicam esse potentie generandi. Quas Hispani vocant *Batatas*, eas Peruviani dicunt *Apuca*, habentque quasdam earum species, sed coloribus tantum diversas. Habent & aliam fructum subterraneum, quem vocant *Zachir* & Hispani *Mani* (nomine Insularibus usitato), medulla & sapore similitudinem galis, qui si crudus comedatur offendit cerebrum,ustus autem non modo palato gratus est sed & corpori salubris. Ex eodem & oleum capimur ad plures infirmitates utile.

Chama-
co.

A Lulitano qui diu in Peruvia vixerat accepi, hic nasci semen quoddam, (vo-
cant *Chamico*), simile semini ceparum, sed monstrosa facultate, nam si aqua in qua coctum fuerit aut per se aut cum vino hauriatur, altissimum formum conciliat pere ad horas xxiv; & qui hauerit ridens aut plorans, talis perseverat ad longum tem-
pus, ita ut non invitus & tanquam stolidus res suas furto subleci patiatur, atque aliis modis sibi illudi. Idem narrat Linschotamus de Indorum *Dalora*.

Pepini.

Inter fructus plurimum commendantur primo; *Pepini* ut vocantur ab Hispanis, (Garcilassus dubitat an ab Indis appellentur *Cacham*) quia (ut scribit Acosta & Gar-
cilassus) longitudine & rotunditate accedunt ad formam peponium, quum cætera multum differant; neque enim colore sunt viridi, sed fusco aut candido; neque spi-
noso aut scabro cortice, sed levissimo: Sapore denique plurimum excellunt, sunt 30 enim ex acri & dulci misto, palatoque gratissimi, pleni succo; facillimeque digerun-
tur: & in calidis hujce regionibus egregie refrigerant. Deinde Cucurbitæ sive Melones, quæ ipsorum idiomate vocantur *Capallu*, & hic (ut ait Acosta) nascuntur monstrosa magnitudine & insigni varietate.

cap. lxi.

Inter plantas denique *Peruvia* peculiâres eminet *Coca* vel *Cuca*, quam pene su-
perstitiose colunt, tantique faciunt, ut incredibile videatur: Hanc Monardes ita
describit: Planta est ulnæ magnitudine, foliis myrti paulo majoribus (quæ veluti
aliud folium simili forma in meditullio delineatim habent) mollibus & dilutius vi-
rentibus: fructu racematim coherente, uti myrti fructus, rubente quando mature-
scit, ejusdemque magnitudinis, quando vero plenam maturitatem adeptus est ni-
gricans: tum vero herbaræ est mellis, quæ collecta in canistris aliisque rebus ad exsic-
candum reponitur, ut melius conservari & in alias partes transferri queat; nam de
montibus in alios montes transfertur mercimoniû gratia, proque aliis mercibus com-
mutatur, vestibus, gregibus, sale & aliis rebus, quia illis pro pecunia est. Præterea
vulgaris illius est usus apud Indos, tum ad eas res quæ ad iter necessariæ sunt, tum
quæ ad voluptatem in suis ædibus servantur; hoc modo: conchyliâ aut ostræorum con-
chis ungit & calcis modo comminunt, filia deinde *Coca* dentibus atterentes
subinde pulverem illum admiscunt & simul quasi fermentant, ut tamen minor sit
calor quam foliorum quantitas; ex hac massa trochiscos sive orbiculos conficiunt &
siccandos exponunt. His & domi iter facientes utuntur, eosque ore versant & 30
exigunt, atque famem sitimque sibi levare & vires sustentari asserunt. *Acosta* quoque
prolixè illius meminit, atque inter alia commemorat superioribus seculis sub linguam
impresso, haudquaquam vulgo levisse hanc herbam, utpote sine Regis aut ministri-
um illius licentia. Hodie autem in sola Potosia tam ingentem hujus herbarum copiam
ab incolis consumi, ut precium quingenta milia ducatorum ascendat non in-
quippe & nonnunquam centum milia canistrorum inferri, quorum singula in
Cuscani

Cusensi quidem oppido duobus aut tribus regalibus, in Porosia vero quinque veneant. *Blasius Valera* apud *Tucam Garcilassum*, scribit, Arbusculam esse proceritate & crassitie vitis, parvis ramulis, sed copiosis frondibus, neque inodoris; Addit *Garcilassus*, esse proceritate corporis humani; & instar viciū propagari; folium illius & quoad superficiem & quoad pediculum simile esse Arbutō (*Hispan. Madronno*) sed multo tenerius & delicatius: quod caute decerpendum sit ne novum gemen lēdatur, & siccandum modicē ne prae nimia siccitate in pulverem abeat, aut humiditate situm contrahat; decerpi denique ter quaterve quotannis.

Est & altera herba Peruviae familiaris, quam indigenae vocant *Payco*, cujus folia
 10 (inquit *Monardes*) plantaginis foliis forma & colore simillima sunt; rescicata valde cap. 28.
 tenuia, impense acria, calidaque. Ejus pulverem ex vino sumtum, nephriticum dolorem à flatibus aut frigida causa proveniente, ajunt, tollere: ipsam vero plantam coctam & emplastri modo loco dolenti impositam, eundem præbere effectum; quod verissimum esse experientia docuit.

Reperitur præterea hæc herba quædam (ut inquit *Augustinus de Carate*) cujus folia conveniunt cum apio, quæ vulneribus licet putridis imposita, eadem statim mundant; integram vero carnem, si ad illam applicentur, ad ossa usque consumunt; flosculum fert ceruleum.

In Peruvianis quoque montibus sponte nascitur fructus, qui Hispanis appellatur cap. 66.
 10 *Granadilla*, ob similitudinem quam cum malis Granatenlibus habet, nam ejusdem generis est amplitudinis atque coloris, quando maturuit, nisi quod careat coronâ: in eo rescicato, si agitur, semen intus conclusum edit strepitum, pyri semini simile sed aliquanto majus, tuberculis quibusdam eleganter elaboratum & jucundum aspectu; pulpa illius candida, sed insipida. Planta similis est hederæ, eodem modo repens & scandens quocunque loco ponatur. Elegans fructu suo onusta, propter ejus amplitudinem: Florem fert similem albæ rosæ, in cujus foliis aliquæ veluti passionis Christi notæ (inquit *Monardes*) delineatæ conspiciuntur, quas magna diligentia illic pictas existimes; eam ob causam flos est elegantissimus: fructus ipsi sunt granatula jam dicta, quæ matura, liquore abundant
 30 acidulo, & semine copioso; aperiuntur ut ova, & liquor cum magna voluptate absorbetur ab Hispanis juxta atque barbaris: nec etiam si multos sorbeas, ullam ventriculi gravedinem, sed potius alvum laxatam senties. Herba rara est quæ duntaxat uno loco invenitur. Fructus temperatus est & aliquantum humidus. *Petrus de Cieza* tamen scribit, hanc in valle *Lile*, in qua oppidum *Calis* situm est, abunde crescere: Innotuit jam Europæ, ubi Flos passionis vulgò audit.

E Peruvia quoque primum accepimus plantam extremæ magnitudinis, ubique jam notissimam, quam vocant Florem Solis, *Dodonæus* describit sub nomine *Chrysanthemi Peruviani*: *Monardes* vocat Herbam Solis: *Franc. Ximenez* scribit, à Peruvianis vocari *Chimalacatl*.

Ex eadem primum ad nos venit semen herbæ, quam communiter vocant, *Nasturtium Peruvianum*, de qua *Monardes* loquitur sub nomine Floris Sanguinei: cap. 69.
 40 Planta, inquit, duos circiter palmos assurgit, ramis rectis, quos ambiunt rotunda & tenuia folia, valde virentia: flores in summis ramis nascuntur aureo admodum colore fulgentes: quinque foliis constantes, in quorum singulis sanguinea & maxime rutilans macula est impressa, oblongo cucullo extremos flores occupante & longè prominente. *Franciscum* autem *Ximenez*: Nascitur (inquit) hodie magna copia in hortis Mexicanorum, herba quam vocant *Nasturtium Peruvianum*, cujus floribus barbari mirabiliter delectantur, vocantque hanc plantam *Pelon*
 50 *mexicæ quiliul* & *Pelon Chile*: folia illius sunt quasi rotunda, tenuia cum quibusdam angulis, pendula è pediculo, qui non nascitur directe è medio foliorum, sed è latere circumferentia veluti ex obliquo, suntque superiore parte vitidia, inferiore pallida; caulem habet teretem, tenerum, volubilem, qui vicina complectitur: Flores sunt colore flavo subrubente, instar aquilegiæ florum compositi, desinunt enim in canniculum recurvum qui se sensim dilatans in septem folia emergit, quorum duo cætera superant magnitudine, sequentia duo sunt minora reliquis tribus, Cc
 quatuor

quatuor autem ista signata sunt lineis quibusdam rollis, quæ valde similes sunt vulneribus Domini nostri crucifixi: prout pinguntur, reliqua tria quæ media sunt inter jam dicta, tres habent notas similes capitellis clavorum. Planta est calida & sicca pene in quarto gradu, & tam fragilis nostro nasciturio sapore & facultatibus ut vix ulla differentia percipiatur: itaque licet forma differant, non incommode tamen ad unum genus possunt referri, & hæc ad eadem omnia quæ illa adhiberi, vires floretque omnibus anni mensibus, nisi quod interdum a frigore aduratur. Utuntur floribus in lactucinis, acunt enim ciborum appetitum & conducunt ventriculo refrigerato aut ob flatuum copiam debili: folia contusa & applicata medentur tulli; cum alumine convoluta mitigant dolores dentium: flores & folia simul macerata & per sublimatorium cum granis aliquot aluminis destillata, singulare est lavatorium adversus plagas oris & reliquorum membrorum: licet nonnihil caleat, sinat tamen tumores è calore natos, resolvendo crassiores humores, quum frigida medicamenta non profunt: curat vulnera inflammata: denique hos flores, uti & nasciturio nostratis usurpant contra dolores è causa frigida.

L. I. C. 29.

Nascitur ibidem herba inquit *Garcassius* admirabilis efficaciarum in affectibus oculorum; vocant *Marellus*, crescit in rivulis, unum tantum habet caulem & unicum folium rotundum: instat herbarum quam in Hispania vocant *Oreja de abad*, (sic est, *Cymbalaria*) hæc masticata, & succo infuso oculis, sub noctem, atque adeo folio ipso masticato superligato, mirabiliter aufert scotomata & sanat quosvis affectus oculorum. Idque se expertum testatur.

Habuit & Peruvia *Tabacum*, quod ut scribit *Garcassius*, vocabant *Sayri*; & crebro in medicina usurpabant, pulverem naribus indentes, ut exonerarent cerebrum à noxiis humoribus.

C. LXXIV.

Plures aliarum herbarum designantur à Monarde, quas è Peruvia acceperat, quas hic brevitate causa præterimus: Unam non possumus, de qua mirabile aliquid observar. Anno (inquit) 1610 Comite de Nieva in Peruvia commorante, in ejus familia mulier quædam illi inserviens maritum habuit gravi morbo decumbentem; cujus causam quum ipsam admodum tristem Indus quidam primarius conspiceret, interrogavit an scire cuperet, utrum ex eo morbo periturus esset, an superstes futurus maritus, herbarum ramum se illi missurum, quem in sinistra mariti manu positurus esset, eamque deinde diutius comprimeret: nam si superstes futurus esset, quandiu eam herbam manu teneret, alacrem & lætum, sin moriturus, mœstum & anxium fore. Missum ab Indo ramum marito in manum dat, comprimetque jubet: sed illico tanta mœstitia & anxietas ipsum oppressit, ut illa, metuens ne subito extingueretur, ramum e manu tolleret & abjiceret: is deinde post paucos dies extinctus est. Cupienti mihi an ista vera essent perscrutati, nobilis quidam, qui multis annis in Peruvia vixerat, certum esse affirmabat, & usitatum apud Indos in ægritudinibus id facere: quod sane magnam admirationem mihi attulit.

C A P. III.

40

*De Arboribus fructiferis, & præsertim Cacho & Molle.*YUCA I. S.
C. II.
Palma.

PURUS arbores reliquis quoque partibus Americæ familiares hic nascuntur, quas tantum obiter hic commemorabimus. *Gnayava* quas alibi descripsimus hic appellantur *Savintu*: *Gnava* autem *Pacay*. Fructus, quos Hispani, ob similitudinem coloris & formæ, vocant pyra, ab indigenis vocantur *Palta*, à provinciarum nomine ubi copiosè nascuntur: excedunt ter quaterve mole pyra Europæa, corticem habent tenerum & levem, medullamque quæ digiti transversi crassitie ambit officulum ejusdem formæ cum fructu, quod an utile sit nec ne non constat, caro autem sive medulla jam dicta optimi est saporis, salubrisque ita ut etiam ægris præbeatur cum Saccharo. Reperitur hæc & alius fructus, quem barbari vocant *Rucma* & Hispani *Lucma*, sapore magis dulci quam acri aut amaro; nec insalubris, licet grossior cibus æstimetur: Forma & mole accedit ad aurantia mala communia; intra medullam continet officulum (vel ut alii duo) valde simile castaneæ, tam colore corticis, quam albedine ipsius nuclei; qui amarus est & cibo inidoneus.

Rucma.

Maguey

Maguey Mexicanorum, hic vocant Chuchau.

Reperitur hic & species ceraforum, barbari vocant *Yssun*, colore rubro, sapore autem dulci: quæ comesta hodie, crastino faciunt excernere urinam veluti sanguine tinctam. In vastis illis montibus, quos Hispani vocant *Andes*, & *Garcilassus Antis*, plures crescunt plantæ quæ optimos fructus ferunt: inter quas celebrantur *Platanus* ut appellatur ab Hispanis, ob causas incertas, nam nihil commune habet cum Platano Europæorum: sed potius similis est palmæ tam forma, quam magnitudine foliorum, quæ tam grandia habet ut totum hominem à capite ad talos cooperiat. Est autem planta (ut scribit *Acoſta*) quæ surculum facit intra solum, è quo plures ^{1.4.c.27.} 10 erumpunt stolones singulares, qui in molem excrescunt arboream, eduntque folia jam dicta, late virentia & levia: è quibus nascitur racemus, qui constat interdum pluribus interdum paucioribus fructibus, (numerati interdum trecenti) palmum plus minusve longis & duos digitos aut circiter crassis: Demitur facillime cortex, superatque medulla tenera, edulis, salubris, & boni nutrimenti. Solent hunc fructum viridem decerpere & in vasis quibusdam sub foliis certis maturare; sed ad arborem maturus factus, magis gustosus est & odoratus. Dant fructus omnibus anni mensibus, nam è surculo surgunt continuo novi stolones, iis qui jam fructum dederunt succedentes (qui statim amputantur, siquidem nonnisi semel fructum ferunt singuli): requirunt solum humidum & cælum fervens. Reperitur hæc planta ^{1.2.c.10.} ^{1.8.c.1.} 20 magna copia in India vera atque Africa ubi varia obtrinet nomina, de quibus videndus Garzias ab Horto: & passim in calidioribus Americæ regionibus: qui plura desiderat, adeat Oviedum. Iconem fructus dabimus in Brasiliæ descriptione, ubi Pacovere vel Bacova appellant.

Platano accedit fructus, quem Hispani, ut scribit *Garcilassus*, vocant *Maniar blanco* (pulmenti genus est ipsis usitatum) quia divisus non male refert duo cochlearia eo pulmento repleta, tam colore, quam sapore: medullâ continentur aliquot nuclei nigri instar amygdalarum, qui non sunt edules: magnitudine & forma non abludit à minore melone: sed corticem habet duriores instar cucurbitæ lagenariæ siccæ: medulla illius est candida; dulcis & nonnihil acida, palato gratissima. ³⁰

In *Peruvia* quoque duntaxat reperitur arbor *Cachos*; quam Monardes ita describit: Missum præterea semen plantæ *Cachos* appellatæ, quam nasci ferunt arbusculi modo, insigni viriditate præditam, folio rotundo & tenui: fructum ferre malo infano similem, altera parte sessilem, altera turbinatum, cinerei coloris, grati saporis & acrimonie expertis, valde minutum semen continentem. Magnæ est apud incolæ æstimationis, ob insignes illius facultates: Nam urinam ciet, arenulas & calculum pellit è renibus: quodque præstantius est, illius usu calculum in vesicâ ferunt comminui, si mollis adhuc sit, ullisque medicamentis comminui queat: ejusque rei tam multa proferunt exempla, ut admirationem mihi pariat: nam mea est hæc ^{cap. xxx.} ^{Cachoz.} 40 opinio, vesicæ calculum expelli non posse, solamque exemptionem illius esse remedium; nullum autem remedium tam efficax reperiri, quod cum confringere valeat; ajunt tamen illius semen eritum & ex aqua aliqua ad eam rem idonea sumtum, calculum in lutum dissolvere, quod excrementum denuo concreseat, & in lapideam duritiem convertatur. Adolescentem vidi, cui hoc obtrigisse scio. Is quum vesicæ calculo torqueretur, idque à lithotomis, qui calculum deprehenderant intellexisset, & ex symptomatis quæ patiebatur agnoscerem; hominem veris initio ad fontem, qui à *Petra* nomen habet ablegavi: ubi quum duos menses hæsisset, à calculo liberatus rediit, & omne lutum, quod paulatim eiecerat, denuo in lapidea fragmenta concretum in charta secum retulit.

⁵⁰ Præstantissima denique & *Peruvia* maxime peculiaris arbor est *Molle* sive *Mulli* ^{Molle.} ut scribit *Garcilassus*; eam à pluribus descriptam invenimus, diligentissimè autem à *Francisco Ximenes*. Arbor, inquit, est grandis, pulchra & ramosa, rami illius sunt coloris viridis vergentis ad purpureum; folia oleæ frondibus similia, sed angustiora & teneriora, serrataque, ad utrumque rami latus veluti per ordinem disposita: flores eleganter candidi & racematim penduli, qui quantocius convertuntur in fructus similes oxyacanthæ acinis, sed paulo majores & ubi maturaverint

clare rubentes, caro illorum dulcis cum certa acrimonia, nucleus admodum durus & osseus. Folia & fructus redolent lentiscum & illius gummi, obtinentque saporem qui ad fœniculum accedit: quare forte nonnullis lentisci species videbitur, sed est arbor sui generis: frondes & fructus omnibus anni mensibus durant, sibi invicem succedentes. Silvestris est arbor licet jam dudum à non paucis in hortis colatur: facillime enim propagatur sive è semine sive è stolonibus, & in quocunque solo. Exsudat certam lachrymam, quæ non minus quam truncus & folia lentiscum olet: Saporis acris & suavis cum quadam amaritudine & astringendi facultate: calida est & sicca pene in tertio gradu: nucleus corroborat cerebrum & ventriculum, astringit alvum; & ut quidam volunt usum præstat Terebinthinæ; & fructus si necesse sit 10 cardamomi: promovet urinam, discutit flatum, siccat humores superfluos. Folia masticata corroborant gingivas & dentes; Sanant vulnera; idem & possunt fructus. Hæc ille. Meminit & *Petrus de Ciesca*: Toto, inquit, hoc tractu conspiciuntur magnæ quædam & etiam parvæ arbores, quas incolæ appellant *Molles*: folia habent minuta, odore fœniculi, cortice adeo commendato, ut ejus decocto erurum dolores & inflationes summa cum utilitate foveantur: ex ramulis fiunt dentiscalpia utilissima. Ex hujus fructu cum aqua decocto, pro cocturæ modo, fit aut vinum sive potio admodum bona, aut acetum, aut mel: tantoque in pretio apud Indos sunt hæc arbores, ut quibusdam locis eas suis idolis consecratas habeant. Addunt nonnulli (inquit Clusius) ejus arboris foliorum decoctum doloribus ex frigida causa 20 ortis auxilio esse: illius vero gummi, quod mannæ modo candidum est, lacte dissolutum, caliginem oculorum abstergere. Natæ ejusmodi arbores è semine in Hispania, atque adeo Belgio; ramuli cum fructu iconem dedit nobis Cl. V. Car. Clusius, quam hic apponimus.



cap. 41.

Audiamus & *Garcilassum*: Arbor nulli sponte nascitur in campis, dat fructus in racemis longis & angustis, qui sunt granula quædam rotunda: forma coryandri; folia sunt minuta & semper viridia: granum maturum habet in superficie pa- 30 rum admodum carnis suavis & palato gratæ, reliquum egregie amaricat. Conficiunt ex eo potum, confricando blande inter manus in aqua calida, donec dulcor omnis defricetur; cavendum enim ab amaro, quod potum corrumpit. Percolant hanc aquam, servantque dies tres quatuorve donec subsideat, potus est limpidus, gratissimus, atque adeo salubris, præsertim illis qui affectibus renum 40 aut vesicæ laborant; maxime si Mayzii potus admisceatur. Aqua eadem cocta convertitur in optimum mel; & soli exposita, additis nescio quibus rebus, in præstans acetum. Decoctum foliorum valde utile est ad crura & alia membra abluenda quæ scabie laborant; & ad vulnera inveterata sananda.

Præterea; Arboris fructum (inquit Monardes) ex Peruvia accipiebam ab incolis Leucoma nuncupatum, similem nostræ castanæ forma & magnitudine,

tum etiam scissili illa & albicante parte, quam castanea obtinet: nucleum continere videbatur, sed quia binos duntaxat accipiebam, confringere nolui, quandoquidem alterum serebam, qui non prodiit, alterum in aliud sationis tempus servem. Arbor in qua provenit, vastæ magnitudinis, materiaque robusta & firma esse dicitur: folia arbuti

arbuti obtinere, fructum autem edulem gratique saporis & temperatum; atque propter adstrictionem, alvi profluvia sistere.

Plures hic nascuntur arbores quantivis pretii, sed certis provinciis peculiares, de quibus à nobis diceretur, quum ad illas pervenerimus.

C A P. IV.

Animalia quedam Peruvix peculiaria.

10 **A**NIMALIA Domestica (inquit *Garcilassus*) Peruvianorum, sunt duorum generum, majora & minora; quæ communi nomine ipsi vocant *Llama*, id est, pecudes; uti pastores *Llama miches*: majus pecus vocant *Huanacu-llama*, ob similitudinem cum animali sylvestri quod *Huanacu* appellatur, à quo solo colore differt; domesticum enim pecus variis coloribus reperitur uti & equi, sylvestre tantum uno instar castaneæ. Majus pecus summam similitudinem habet cum Camelo, nisi quod gibbo careat, neque tanta sit mole. Minus pecus vocant *Paco-llama*, quod oneribus ferendis impar, solum propter carnes alitur, & lanam quæ optima & longissima. Sed *Acoitam* audiamus.

l. 3. c. 16

l. 4. c. 41.

Peruvia, inquit, nihil habet præstantius aut utilius, quam pecus, quod nostri quidem oves Peruvianas, ipsi vero sua lingua *Llama* appellant: nam & plurimum emolumentum adfert & vilissimo alitur. Hoc pecus ipsis lanam ad vestimenta, haud secus quam nobis oves, subministrat: iisdemque pro jumentis ad onera quæque bajulanda utuntur: nec soleis ferreis munire, nec freno regere aut avena alere necesse est. gratis domino suo servit, herbis campetribus & passim obvis contentum. Sunt autem dux hujus animantis species; una quæ lanigera est, & *Paco* ab indigenis dicitur: altera quæ levibus tantum villis testæ & pene nuda, ideoque ferendis oneribus aprior, quæ *Guanaco* appellatur. Ovis paulo majores sunt, minores tamen juvenis, collo oblongo instar Camelorum, altis cruribus & corpore bene compacto; varii coloris; quædam enim sunt candidæ, quædam nigræ, quædam fuscæ, quædam denique versicolore, quæ *Moromori* appellantur. Caro illarum bona est licet spissior, agnorum autem longe optima & delicatissima: rarissime autem mactantur, quia longe majorem usum bajulando præbent, & lana ipsorum lanificio serviat; Hanc barbari purgare, in fila ducere & ex iis pannos texere consueverunt; lana autem duplicis est generis; una rudior & vilior quam vocabant *Havascam*, altera tenuior & absolutior quam vocant *Cumbi* (*Garcilass Compis*) ex hac polteriori, varia aulea & peristromata elegantissimo texunt opere, quæ in longum tempus durant, & splendore certant cum serico; & quod mirum in barbaris, telas suas ita concinnant ut ab utraque parte elegantia penes par, nec tela nec subtegmen usquam, appareat. Antiqui Peruvix Monarchæ, complures operas Cumbo texendo alebant, quorum præcipui artifices debebant *Capachica* ad oram lacus *Titicaca*. Lanæ autem hæc tingebant variis herbarum succis, prout operum ratio exigebat. Caterum plerique barbari Peruvix hanc textoriam percillant, atque in tuguriis suis habent instrumenta ad hanc artem comparata; & ex hisce ovis pleraque ad vitam humanam necessaria sibi sufficiunt. Longe autem maximus horum animalium usus in oneribus ferendis; horum enim nonnunquam trecenta, interdum & mille gregatim, varias merces, vini utres, Cocam, Mayzium, *Chunno*, argentum vivum, ad Porosianas aliasque fodinas & oppida subvectant, inque eundem modum argentum à *Potosia* nunc *Aricam* lxx leucarum itinere deportant, uti ante hac *Arequipam* leuc. cl. Sæpe autem (inquit) miratus sum, horum animalium greges, interdum mille, nonnunquam duobus, & non raro tribus millibus laminarum argenti, quæ trecenta millia dueatorum valerent, 50 onustos, paucis tantum barbaris qui viam demonstrant & onera imponunt atque deponunt, & vix uno aut altero Hispano comitatos, sub dio pernoctare & incustoditos atque indefensos cum tanto thesauro iter facere, idque tam tutè ut vix unquam vel una lamina desideretur, ea est viarum in Peruvia securitas. Onus illorum singulorum sunt centum & nonnunquam centum quinquaginta libræ, quæ ob itineris longitudinem tres aut ad summum quatuor leucas quotidie portant: ductores autem suas stationes norunt, ubi & pabulum pecori & aqua abundat; hic tentoria sua figunt

& onera deponunt. Quum vero unius tantum diei iter faciendum vel ducen-
tarum librarum onus ferre, vel octo aut decem leucas promovere possunt. Hæc
animantia cælo gaudent magis algido quam ferventi, ideoque in montanis in im-
mensum propagantur, in planis præ nimio æstu deficiunt, calvum pecus (sive *Gua-*
naci) vernili & blando est intuitu, sæpe inter gradiendum se sinit & longo tem-
pore prætergradientes sine ulla timoris aut voluptatis significatione erecto collo
tam attente intuetur, ut risum tenere perdifficile sit: nonnunquam tamen tam
subito terrentur, ut cum onere suo ad præcipitia montium summa velocitate se sub-
ducant, ita ut sclopeti ictu occidere necesse sit ne onus pereat. *Paci* quoque in-
terdum ita efferantur, vel laboris intolerantia defatigantur ut cum onere humi 10
procumbant; neque minis neque verberibus adigi possunt ut resurgant; unde in
Peruvia proverbio usitatur, de hominibus propositi nimis tenacibus aut præter
rationem atque modum obstinatis, *Impacatos* esse: huic malo nullum præsen-
tius remedium, quam ut ductor unâ subsistat & juxta animal considat, blandi-
tisque tantisper permoveat donec sponte resurgat. Scabies quædam hæc anima-
lia infestat (& potissimum infestare cepisse scribit *Garcilassus*, cum *Vasus Nonnius*
Vela pro Rege huic Regno præfisset) quam barbari vocant *Carachen* quæ non modo
illi quod cepit, lethalis est, sed & contagio serpit in gregem, unde pene uni-
cum remedium esse scabiosum pecus statim sub terram defodere. (*Garcilassus* ta-
men scribit varia remedia tentata, tandem potentissimum fuisse deprehensum 20
adipe suilla tepida partes affectas inungere.) pretium uniuscuiusque animalis pro Pro-
vinciarum diversitate diversum est: sed barbarus qui bina ternave possidet satis
locuples existimatur. Scribit adhuc *Garcilassus*, *Peruanos* ante Hispanorum adven-
tum non habuisse rationem lactis horum pecorum, quod sane dant perparce neque
ultra quam fœtibus lactandis sufficiat, neque consuevisse caseos ex illorum lacte
premere: lac autem ipsorum idiomate dici Numnu, quod & verbi formam induat
& significet lactare.

Præter hoc domesticum & familiare pecus, silvestria aliquot animalia nutrit
Peruvia quæ in aliis novi orbis partibus haud facile videre est, præterquam in Chile
huic contermina. Eorum aliqua dicuntur *Guanaco* sive *Huanacu*, à quorum simili- 30
tudine domesticas pecudes dictas supra retulimus; cujus carnes bonæ sunt ut ait
Garcilassus, licet non tantum quantum domesticæ *Huanacu llama*: mares in summis
collibus veluti excubias agunt, tantisper dum fœmellæ in vallibus pascuntur, &
quum homines è longinquo advertunt, hinnitum edunt pene ad equorum modum
ut fœmellas moneant; qui si propius accedant fœmellas fugiendo ante se agunt:
lana horum animalium curta est & asperior, nihilo tamen secius in lanificio à
barbaris usurpatur; decipulis & laqueis solent capi. Alia dicuntur *Vicunna*, ca-
preis haud admodum dissimilia, nisi quod cornubus careant & majora sint, colore
leonino vel magis rutilo; degunt in altissimis montibus & saltibus, amantque re-
giones frigidiores, potissimum autem solitudines quas Peruviani vocant com- 40
muni nomine *Punas*, neque nivibus aut gelu offenduntur sed potius recrean-
tur: incedunt gregatim, curruntque velocissime, atque ad hominum aut alia-
rum feratrum conspectum, ea est animalis timiditas, statim in avia atque abdita
se se proripiunt. Olim maxima horum animalium hic erat frequentia, nunc ob
promiscuam venandi licentiam rariora sunt. Lanam gestant tenuissimam & serici
vel potius Castoris pilorum æmulam, quam merito magni faciunt Indigenæ, nam
præter alias dotes, etiam æstui resistere & refrigerare, creditur; unde pileis im-
primis adhibetur.

His proximè accedunt *Taruga* sive *Taruca*, vicunnis majores & velociores, colo-
re magis ambusto, auribus pendulis & levibus, quæ raro gregatim, plerumque sin- 50
gulæ inter præruptas petras vagantur. *Garcilassus* dicit cervorum speciem esse, sed
minorem Europæis. Innumeri hic fuerunt tempore *Tucum*, ita ut ipsa municipia
ingrederentur; nec defuerunt hinnuli & damæ.

Ex omnibus hisce animalibus lapides eximunt quos *Bezaar* vulgo vocant, ex
Pacis quidem & *Guanacis* minores & nigriores nec tam probati in medicina usus;
è vicunnis autem paulo majores & meliores, fuscus aut subcinericeus, aut denique
croceos:

croceos: E Tarugis denique omnium optimos & maximos coloris subfufci & tunicis craffioribus.

Reperiuntur præterea hîc vulpes fed multo minores Hispanicis, vocant *Atoc*: & animalcula quæ Indi vocant *Annas*, Hispani *Zorrinas*, quæ tam graviter olent, ut quum noctu pagos aut municipia ingrediuntur, fætor intra ædes licet occlusis fenestris sentiat; atque adeo à centum & pluribus passibus offendat, neque ferri possit: commodum autem accidit quod rariores sint hæ bestiolæ, nam si plures essent, integram provinciam veluti intoxicare possent.

Nec defunt cuniculi tam domestici quam campestres, vocant *Coy*, qui colore & sapore inter se differunt, & non nihil diversi sunt ab Europæis. Habent & aliam speciem cuniculorum, quam vocant *Vizcacha*, cauda oblonga instar felis, generantur in solitudinibus nivalibus. Sub imperio *Yncarum* atque adeo postea, villos illorum ducebant in fila, quibus pannos nobiles intertexebant elegantia gratia, sunt enim colore pardo diluto vel cinereo, blandique & tenues.

C A P. V.

Alia animalia quæ cum aliis regionibus communia habent, serpentes, aves.

20

REPERIUNTUR in Peruvia leones licet pauci, neque tam feroces quam sunt Africani, vocabant sua lingua *Puma*. Item ursi, ipsi *Venuari*. Tigres quoque, sed in folis Andibus: in quibus & majores angues generantur, quos appellant *Amaru*, viginti quinque atque adeo triginta pedes longi, & crassi instar poplitis humani: itemque minores, ipsi *Machachuay*; viperæ venenosæ, aliaque noxia animantia; quibus reliqua Peruvia caret. In iisdem Andibus reperiuntur animalia instar vaccarum, mole juvenicarum, sine cornibus; quorum tergora crassissima & validissima sunt. Præterea apri ex parte similes porcis domesticis, & denique innumerales simii & cercopitheci.

Acoft.
l.4. c.33.

30 Veris canibus caruerunt Peruviani, habebant tamen animalcula, minutioribus canibus non abfimilia, quæ vocabant *Alco*, & supra modum diligebant.

Peruviani paucas habuerunt aves domesticas & familiares, præter anatam quandam speciem, ipsi *Nannuma*, paulo majorem nostratibus, neque tamen ea mole, qua sunt anseres. Inter sylvestres commemorant Aquilas, licet minores Hispanicis: falcones variorum generum, ipsi *Huaman*; inter quos celebrant minores ipsi *Neblies*, colore pene nigro. Inter rapaces aves merito cenferi potest *Cuntur*, Hispanicis *Condor*, vasta mole, ita ut visæ fuerint, quæ expansis alis quindecim aut sedecim pedes occuparent: carent aduncis unguibus, pedibus similes gallinis: rostrum tamen habent ita validum ut eo vaccinum tergus perforent; nam dux illarum vaccam occidere
40 valent & comedere, neque ab hominibus abstinere: plumas habent albas, nigrasque mixtas: & cristam parilem instar novaculæ & non serratam instar gallinae: pauciores sunt, nam si earum copia hic reperiretur, pecus plane destruerent, adeo carnivoræ deprehenduntur: & ut scribit *Acofta*, non modo ovem dilaniant, sed & juvencam.

De minimis illis aviculis alibi diximus, itaque hic tantum addo, à Peruvianis appellari *Quenti*, ab Hispanicis *Tomineos*.

Genus corvorum opinatur *Acofta*, aves quas Peruviani vocant *Suyuntu* & Hispani
50 *Gallinæ*, nam licet minime rapaces sint, tamen cadaveribus victitant, suntque adeo carnivoræ & gulosæ, atque interdum tantopere se ingurgitant, ut licet velocissimæ per se sint, se à terra levare non possint; verum si se ab hominibus urgeri sentiant, tanta facilitate regurgitant quod ipsas onerat, quam devorarunt: caro ipsarum inutilis; id tamen commodi præstant, quod immundicias viarum tollunt.

In fluviis quoque & paludibus reperitur hic infinita copia avium, puta Ardeæ, anates, phoyceæ, & quas Hispani vocant *Flamencos*, & aliæ quamplurimæ; inter quas celebrantur quedam majores ciconæ, quæ piscibus victitant, plumis candidissimis sine ulla mixtura, cruribus altis; binæ ut plurimum incedunt; rariores

Cc 4 sunt.

sunt. Perdices, quas hic vocant Yutu, à sono quem edunt, duorum sunt generum, aliae majores quæ mole accedunt ad gallinas, & tantum in solitudinibus reperiuntur: aliae minores quam Hispanienses, sed carne longe optima; utraque sunt colore par-
do, rostris & pedibus albis. Palumbes Europæis forma & plumis non dissimiles, ipsis
Irpi. Turtures item, ipsis *Cocobnay*, itidem à cantu. Aviculæ quas ipsi appellant
Pariapichiu, Hispani *Corriones* ob similitudinem quoad molem & colorem, licet in
eo differant quod hæc optime cantent. Itidem aviculæ plumis rubicundis, quas Hi-
spani ob similitudinem nominant *Lusciniæ*, quanquam cantus harum adeo sit in-
gratus ut mali augurii olim duxerint barbari. Necnon quibus plumæ sunt nigrae &
flavae, quas barbari à cantu appellant *Chayna*, Hispani à similitudine *Sirgueros*, id est
est, aurivites.

Plurimæ hic reperiuntur apes silvestres, quæ mellificant in concavitatibus petra-
rum & scrobibus juxta radices arborum. In frigidioribus provinciis parum mel-
lis condunt, & fere amarum, ceramque nigram atque inutilem: in temperatis autem
ob herbarum optimarum copiam, longe optimum, candidum & limpidum, quod
maximè ab ipsis fit.

Porro in eodem regno (inquit Monardes) reperiuntur quædam insecta, quas ap-
pellant araneas, eo quod ubicunque fuerint, sua retia texant aranearum Hispanica-
rum modo, magna sunt ea insecta, malum aureum amplitudine æquantia, adeo vi-
rulenta ut eorum ictus jugulent, nisi efficaci remedio succurratur: nam si diutius
differatur & subeat virus ad cor, præsens mors consequitur nec ulla profunt reme-
dia: miram autem utilitatem experti sunt in ficu, si icti statim ad illam confugiant &
lac ex foliis ficus manans bis aut ter in vulnus instillent: nam venenum ex ictu in vul-
nere relictum omnino extinguitur, tollunturque dolores & symptomata succeden-
tia, solo vulnere relicto; quod quum sit exiguum facile curatur: diu tamen apertum
conservare solent: Atque ut præsens semper adesset hoc remedium, voluit Deus ut
ficus nunquam istic folia deponerent sed perpetuò virent.

Licet multos amnes habeat Peruvia, etiamque de maximorum fluminum exor-
diis gloriatur, tamen paucissimi nutriuntur in iis pisces, & fere unius generis (ut
1.8. c. 22. scribit *Garcilassus*) sine squamis, capite oblongo & plano instar bufonis, rictu valde
amplo: optimi nutrimenti & grati saporis: Indigenæ vocant *Challua* communi no-
mine quod omnibus piscibus tribuunt. Reliqua hujus generis suis locis explicabi-
mus, nunc ad singulas partes Regni Peruviani nos accingemus.

QUITO.

C A P. VI.

Peruvix diviso in provincias principales: Quitenfis provincia
limites, cæli solique qualitates.

40

Peruvia quæquæ patet, regitur ab uno Pro-Rege: à quo & Chilenfes provinciæ
versus Austrum sitæ, & Insulæ, ut vocant *Salomonis* versus occidentem; pro-
vincia denique de la *Plata* ad orientem suos accipiunt præfectos. Dividitur ab
Hispanis, secundum trium Conventuum Juridicorum limites, in tres partes: qua-
rum prima *Quito*, altera *los Reyes* sive *Lima*; tertia denique *los Charcas* & non raro
la *Plata* à sua Metropoli appellatur.

Conventus Juridicus Quitenfis complectitur sub se, *Popayanam*, *Quito* propriè
dictam, *los Quixos*, *Canelam*, *Ivan de Salinas*, *Pacomoros*, *Yguafongo*, pluresque par-
ticulares provincias: de *Popayana* jam supra egimus; de cæteris suo ordine dicemus. 50

Provincia quæ propriè **QUITO** appellatur, sumit initium ab ipso pene aqua-
tore; patetque ab eodem versus Austrum secundum *Herreram* leucas octuaginta, vel
secundum *Petrum de Cieza* tantum septuaginta: in latitudinem viginti quinque aut
triginta. Conventus autem Juridici limites, secus oram quidem maris Australis,
producuntur in longitudinem, ab arcto ad Austrum, à *punta de Manglares* ad pro-
montorium del *Aguja* citra Equatorem versus Austrum: in mediterraneis autem à

Cardu-

Carlsama ad fines Convenus Juridici Limensis; in latitudinem autem à mari Australi ad provincias quæ Andibus coercentur; quæ quidem maxima est, inter *Bazam* provinciam de los *Quijos* oppidum ad orientem, & *Portum Veterem*, sive la *Montana* ad mare Meridionale.

Temperies hujus provinciam magis frigida est quam calida: ita ut hyeme interdum foco hic opus esse ferant; cælum sudum atque serenum, raro nubilum, nisi quum pluit aut pluvium minatur. Hyems hic ab Octobri durat in Martium, quibus mensibus intermediis plurimum hic pluit, sed nunquam ningit, præterquam in montanis quæ vulgo *Andes* & *Cordilleram* appellant Hispani. Denique saluberrima est
 10 regio, ita ut indigenæ & incolæ longaviores sint quam in Hispania. Anno quinquagesimo octavo supra millesimum quingentesimum, variolorum morbus, omnes pene
 1558. Americæ provincias pervagatus hic quoque multos mortales destruxit: alioquin maxime familiares morbi & maxime lethales tam barbaris quam Hispanis sunt catharri, qui ineunte & exeunte æstate homines opprimunt: communissimus autem est morbus, lues venerea, quam Hispani ex barbararum fœminarum consuetudine sibi acquirunt; nam fœminæ omnes, etiam virgines huic morbo ita obnoxie sunt, ut illum à parentibus trahere vix sit dubitandum: potentissimum autem remedium est in *Zarzaparilla* & ligno *Guayacano*: plura alia inventa postquam hoc malum pene omnem orbem contagio pervasit. Fert hæc Provincia multas virulentas herbas,
 20 quibus indigenæ leves interdum ob causas alii alios enecant. E *S. Barbara* aurifero fluvio; multa auri ramenta jam olim collecta, nunc vero pauciora, postquam edicto regio sancitum fuit barbaros ad hunc laborem nequaquam cogere. Quamplurimis hujus provinciam regionibus, ubi uliginosus est solum, muleum nitri eruitur, è quo optimum hic conficiunt pulverem tormentarium.

In calidioribus regionibus hujus præfecturæ, provenit quidam fructus, quem vocant *Guabam*, binos palmos longus, cinereo cortice, pulpa candida & durissimis quibusdam nucleis permista, suavis & refrigerans: nec non *Guayabi* arbores, quæ fructus ferunt instar pomorum, plenos albis atque rubentibus granis, salubres & non ingrati saporis: Denique *Platani*: fructus itidem Europæi, mala persica, au-
 30 rantia, granatensis, cidonia, alique per plures, maxima fecunditate hic quidem maturescunt verum putrescunt quantocius. Vites quoque variis locis nascuntur: benignissime autem tolerat triticum, hordeum, Mayzium, satæque reddit insigni fecunditate: Denique & olera, omnisque generis herbas ex Hispania huc traductas, haud secus alit, quam suas.

Armentorum, jumentorum & pecudum ingens hic est copia & insignis fecunditas: Ovium Peruvianarum haud magnus numerus, quippe quæ sub oneribus dominorum inclementia deficiant. Omnimodarum volucrum hic abundè est: piscium vero amnicorum perparum, quibus marinos sed muria conditos vicinum surrogat mare.

Indigenæ magis sejunctim quam vicatim degunt, nec facile patrios penates aut
 40 nativum mutant solum, nisi forte interdum herorum sævitia coacti: decora sunt statura & singulari industria, ut quæcunque artem haud difficulter addiscant corpore robusto & bene sano: mores minus commendantur, sunt enim mendaces, vani, reputum novarum cupidi, mobili ingenio, ebriosi, nec ad civilia instituta se traduci patiuntur, præter paucos qui in suburbanum *S. Francisci del Quito* commigrarunt: vestis eorum communis, est tunica sine manicis, supra & infra æque laxa, ita ut brachia & crura nudi incedant: capillos alunt & ne impedimento sint loro subligant: Christiana sacra agere & pene coacti amplectuntur, & plerumque nonnisi morti jam vicini petunt Baptismum. Præcipua eorum occupatio & quæstus lanam & gossypium emere, mundare, nere, & ex utroque pannos texere, artes has ab Hispanis
 50 edocti, quibus tributum pendunt secundum Canonem regale.

Mittit nobis (inquit *Monardi*) *Quito* provincia sulphur vivum præstantissimum, ut nitrum translucidum, colore auri purissimi, cujus fragmentum pusillum lucernæ
 cap. lvi. admotum odorem maximum sulphuris ejaculatur fumo viridi permixtum; sed antequam incendatur, nullum sulphuris odorem præbet. Eruiat istic è venis proximis aurifodinis: itaque non sine causa ajunt Chymistæ, Argentum vivum auri esse materiam, sulphur vero formam.

Sub hac *Quitenſi* Praefectura, plures comprehenduntur provinciae minores, de quibus particulatim poſtea agemus: Denique haec oppida ab Hiſpanis hic habitantur *S. Franciſci* urbs; *Rhiobamba*, *Cuenza*, *Loxa*, *Zamora*, *Iacn*, *S. Michael de Piura*, *S. Iacobus de Guayaquil*, & *Puerto Veyo*: de quibus ordine deinceps agemus: Sed prius viam proſequemur quae ab oppido *Paſto* ducit ad metropolin *Quitenſem*, ut ſitus & conditio harum regionum melius percipiatur.

C A P. VII.

*Via quae ab oppido Paſto ad Civitatem S. Franciſci ducit
loca intermedia.*

10

Ipialc.

AB oppido *Paſto* ad Civitatem *Quitenſem* tendentibus, primo aditur pagus *Funes*; hinc trium leucarum itinere *Iles*: & totidem Palatium *Gualmatan*; inde trium leucarum itinere pagus *Ipiales*; quem *Didacus Fernandez* in Peruviae hiſtoria, quatuordecim à *Paſto* leucas abeſſe prodidit. In hiſce pagis Mayzium admodum parce naſcitur, quippe frigoris impatiens, quo haec regio laborat, ſed *Papa* alitque ejuſcemodi radices, quas Indigenae plantant, liberaliſſime.

Guaca.

Ipiale digreſſos excipit *Gnaca*, exigua provincia: hic jam illa Ingarum via cerni incipit toto hoc novo orbe celeberrima; meritoque admirabilis, quippe per arduos montes, perque inculata & aſperriſſima loca, non minori induſtria quam labore ducta, & tot hoſpitiiſ per ſingula intervalla, ad ſolatiis iter agentium inſtructa. Hanc perfectam fuiſſe ab Indigenis, ſcribit *Garcilaſſus*, ætate regis *Huayna Capac*, quem Hiſpani vulgo vocant, *Guayanacayam*: huius meminerunt pene omnes ſcriptores Hiſpani, *Auguſtinus de Zarate* lib. 1. cap. xiii. *Petrus de Cieca*. cap. xxxvii; alii. Hoſpitia autem vocabant *Tambos*, quorum hodieque adhuc magnus eſt uſus in Peruvia: nam uti accepi à quodam qui nuper vixerat in Peruvia, & pene per univerſam iter egerat: diverſoria haec juxta viam regiam collocata ſunt, quinque aut ſex & interdum pauciorum leucarum intervallo, pro difficultate & aſperitate viarum; In iis autem perpetuo agunt aliquot indigenae cum ſuo Praefecto, quem Hiſpani vocant *Alcalde*, cujus munus eſt, itineranti ſimul atque advenerit, attribueret Americanum unum qui ipſi 30 miniſteret aquam, & ligna adferat, focum ſtruat, lectum ſternat, aliaque obſequia praefſtet; itemque alterum qui ipſi comineatui conquirat; & tertium qui mulam ducat ad paſcua & mane reducat, ſarcinas cuſtodiat; quae omnia ſumma ſedulitate & fide ab ipſis praefſtantur; & quidem gratis, abeunti dantur etiam itineris duces, ſi poſtulet; ſervitium vocant perſonale, ad quod omnes Indigenae tenentur.

Tâbos.

Mortu-
non.

Hic porro juxta amnem viſuntur rudera veteris Caſtelli, olim à Peruvianis monarchis conditi ad Paſtoſ populos in officio continendos. Uſus hunc amnem durifſima petra inferius perforata, pontis inſtar, à natura ſtrata fuit, ita ut hominibus tranſitum ad oppoſitam ripam praebear; & undas per foramen inoffenſo alveo tranſmittat, barbari ſua lingua vocant *Lumichacam*, id eſt, pontem lapideum. In hiſce 40 partibus reperitur fruſtus quidam maxima copia, quem vocant *Mortumnon*, pruno Damasceno paulo minor & nigri coloris; cui plures minores ejuſdem formae racematim annaſcuntur: Si largius ſumatur inebriat atque obſtupefacit, magno vitæ diſcrimine.

Tuza.

A *Guaca* tranſiit ad *Tuzam* extremum *Paſtorum* pagum (quem *Auguſtinus de Zarate* viginti leucas abeſſe ſcribit ab oppido *Quitenſi*) & mox ad modicum montem, cui quondam caſtellum à Regibus Peruvianis fuerat impoſitum: atque inde ad fluvium *Miram*, ubi admodum fervet; ager tamen omnium frugum eſt fertilifſimus.

cap. 37.

l. 8. c. 7.

Hinc jam ad magnum & ſuntuoſum Palatium *Carangues* deſcenditur, lacu *Ta-guarcococha* ſive *Tahuarcococha* de via ante ſalutato, quae vox barbarorum idiomate mare ſanguinis denotat, quia *Guayanacapa* Ingarum longe maximus, viginti millia cadaverum, (ut ſcribit *Petrus de Cieca*) hominum ſuo juſſu jugulatorum in hunc lacum projici imperavit. *Garcilaſſus* ſcribit, *Carangues* populos olim trucidentiſſimos fuiſſe & viſcerum humanorum tam appetentes, ut vicinis omnibus terrori eſſent, quos paſſim rapiebant & crudeliſſime dilaniabant; domitos autem ab *Huayna Capac* ſtatim rebel-laſſe, miniſtros Regis & praefidiarios ex improviſo caecidiſſe & devoraſſe, hinc factum ut Rex

ut Rex cum maxima exercitu fines illorum ingrederetur & mille milia daret neci; & demum duo milia caprivorum ad ripas hujus lacus jugularer. Palatium autem *Carangue* modica planitie superstructum est; & è grandibus saxis sine calce aut cemento, singulari industria congestum: licet autem jam ævo & neglectu pene conciderit, tamen vel rudera illius antiquam magnificentiam satis demonstrant.

Post *Carangue* sequitur juxta viam regiam *Otabalo*, vel ut *Garcilassus* scribit, *Otabala* regium item jam olim palatium, nomen provincie servans; pagus autem n. jam nobilis (duodecim à Civitate *Quiten* fleuc. ut observat *Augustinus de Zarate*) cui ad occidentem vicini sunt Indorum pagi *Poritaco*, *Collaguaco*, *los Guancas* atque *Caymbe*; ad orientem *Cotocaymbe* & *Tumbo* montes, alique quamplurimi. Indigenæ autem *Carangues* atque *Otabali* gentili nomine appellantur *Gnamarascones*.

Otabalo.

Ab *Otabalo* per editum & nivolum montem, in cujus vertice pene intolerabile frigus sentitur, transcenditur ad palatium *Cochesqui*; atque ab eo descenditur ad fluvium *Guallabamba*: hæc regio immodico quidem aestu fervet, quippe humidi solo & sub ipso pene Æquatore, habitat tamen, subministratque incolis suis omnia ad vitam humanam necessaria perquam benigne.

Guallabamba.

A *Guallabamba* ad Civitatem *Quiten*sem quatuor leucarum iter est; quo intervallo multe jacent Hispanorum villæ, in quibus pecuariam exercent, donec ad campum, *Anaquito* perveniatur haud procul ab oppido, in quo anno 1515 xlvj. eventum illud prælium fuit inter Proregem *Blasum Nonnium Velam* & *Consalvum Pizarrum*; & Prorex indigne cæsus & copix illius pene deletæ; quod facinus *Pizarro* exitium acceleravit.

CAP. VIII.

Metropolis Provincie Quitenensis S. Francisco Sacra, & Regionum adjacentium qualitates.

*Quiten*sis provincie Metropolis *S. Francisco* nomine celebratur, & plerumque simpliciter provincie nomine appellatur *Quito*, vel *Quin*; quod nomen alii ipsi mansisse volunt à vetusto Regum Peruvianorum Palatio, cujus ruinas hoc oppidum superstructum sit; in quo tamen falli videntur, nam ut scribit *Garcilassus*, habuit hæc provincia *Quito* proprium suum Regem, quem Guayanacapa sub jugum primum misit: Condita autem est urbs in declivi convalle, quæ ab Arcto & occasu solis regitur arduo montium jugo, qui, ut testatur *Herrera*, à portu Veteri ad mare Australe, longo atque continuo ductu se exporrigunt ad Cartagenam usque ad mare Septentrionale: Sita est ad altitudinem triginta tantum scrupulorum citra Æquatorem versus Austrum, ut *Cieza* & *Herrera* tradunt (à quibus plurimum dissentit *Augustinus de Zarate*, qui ad quartum gradum Australem illam submovet) octuagesimum autem & secundum gradum longitudinis à Meridiano Toletano in Occidentem productæ. Distant ab ea *Puerto Fey* atque *Guayaquil* leucas octuaginta & sex versus occidentem: alii scribunt & vero magis consentaneum est, *Guayaquil* abesse à *Quito* leucas quadraginta. *Loxa* octuaginta versus Austrum: *S. Miguel* longe plures versus Africum: *Cartagena* emporium versus Arctum pene sexcentas; *Lima* denique versus Austrum ut volunt, circiter trecentas. Ager illius ad orientem clauditur vastis montibus, ad Arctum Popajanæ præfecturæ parte. Solum licet sterilis videatur, tamen & frugum est fertile & bonum pecori; regio peramena est & tam graminis forma, quam anni tempestatibus ab Hispania non multum dicitur differre, nam aestas hic à Martio atque Aprili initium capit & desinit in Novembri, insigni temperamento.

Indigenæ huic civitati proximi longe urbaniores magisque industrii sunt quam reliqui Peruviani, statura modica & laborum tolerantes. Magna hic reperitur gossypii abundantia, è quo panni texuntur, quos & indigenæ dominis suis Hispanis tributum loco pendunt. Solum urbis arenosum atque aridum, magna fissura per mediam urbem dehiscens, super quam plures pontes strati sunt. Semitæ urbis late atque rectæ; quatuorque patentes aræ, una ante Cathedralè templum, reliquæ ante *Cathobica* Dominicanorum & Franciscanorum; præter autem Cathedralè hoc, alia duo hic templa

templâ videntur, quorum unum *S. Sebastiano*, alterum *S. Blasio* dicatum, qui centâ familiâ Hispanorum dicuntur incolere & aliquot Lusitanorum & aliorum peregrinorum. Thesaurarius regis aliique ministri regii hic habitant; uti praefes & iudices Conventus Iudicii Regalis, itidem Episcopus cum nobilissimo collegio Canonico- rum: In Diocesi autem ad quinquaginta millia Indorum vestigium, qui in octuaginta & septem partitiones sunt distributi. Munissimum denique est oppidum & ab omni belli apparatu egregiè instructum; nam & exquisitissimus pulvis tormentarius hic conficitur.

Supra urbem, unius ab eodem leucae intervallo, in montana regione, eminet mons, quem vocant Vulcanum, qui densum fumum exhalat & strepitus edit inlatus tonitruum; & interdum copiosum eructat cinerem, quo, mense Octobri anni 1610 LX, vicinos agros ita opplevit ut non leve damnum satis atque pecoribus inferret, usque dum à pluvii dilueretur.

M. 2.

In finibus *Mira*, (qui pagus Otobali dominum agnoscit,) putei reperiuntur salsi, è quibus sal fuscus & subamarus coquitur, quem tamen indigenæ magni faciunt. Dimidiam ab urbe leucam lacus jacet, circiter leucam ambiens, qui complures anseres & alias lacustres volucres nutrit.

Vina, oleum, aromata aliæque merces Europæ, à mari subvehuntur Australi, primum adverso flumine *Guayaquil*, dein curribus. Etiam barbari hic fora sua rerum venalium celebrant nullo certo pondere aut mensura, sed permutatione ad oculum facta, quæ ab Hispanis multum frequentantur. Præcipuæ autem harum partium merces sunt, (præter fruges & animalia) casei ovilli, vaccini atque caprini, gossypina vestes, panni omnis generis, (qui maximam partem texuntur in pago *Tacunga*) pilei, funes nautici, coria, linum, lana: Saccharum quoque jam dudum hic excoli cepit, multæque artes Mechanicæ singulari industria etiam ab Indigenis exerceri.

Præter Mayzium, duo humanis usibus comparata hic passim nascuntur, *Papa* nimirum radices subterranæ, bulbo castanis haud absimiles, quæ coctæ mollium castanearum saporem æmulantur, frondem autem emittunt papaveris silvestris, ut ait *Cieça*, frondi similem; sed perperam: planta toti Europæ jam notissima est, quam diligentissime descripsit V. C. Carolus Clusius in *Historia Ratiorem Plantarum*. 30 Deinde *Quimba* sive *Quinna* planta (ut loquitur *Cieça*) humanam altitudinem æquans, foliis bliti Mauritanici, semine pusillo albo vel rubro, ex quo porionem parant, aut elixo vescuntur ut nos oryza: planta jam dudum Europæ nota fuit (inquit idem Clusius) licet non illo nomine. Nihil igitur aliud est *Quinna*, quam majus illud *Bliti* genus, humanam altitudinem interdum superans, caule crasso, fitmo, in multos ramos inæqualiter nascentes diviso, vulgaris *Bliti* foliis, sed amplioribus & longioribus, summo caulis fistigio multas ferens spicas, sive paniculas, palmum & amplius longas, nutantes, extrema nonnunquam parte latiusculas & quodammodo cristatas instar comæ amaranthi cristati, coloris coccei obsoleteioris & degeneris, quæ maturæ, multa granula alba torunda continere conspiciuntur. Sed jam ad iterum ratio- 40 nem describendam revertamur: quæ nos ad reliqua hujus provinciæ oppida & municipia deducunt.

C A P. IX.

Iter ab urbe Quitensi ad Rhiobambam, regionum qualitas & Indigenarum ingenia atque mores.

AB urbe *S. Francis del Quitro* ad regalia palatia *Thomebamba* quinquaginta tres, aut ut ab *Herrera* alibi dicitur & nos in tabula Geographica secuti sumus, quinquaginta & quinque leuæ numerantur. Iter autem à *Petro de Cieça* par- 50 ticularem designatur in hunc modum.

Ab urbe *Quitensi* viâ regiâ proficiscentibus versus Austrum & Metropolim *Cusco*, primo occurrit *Panalea*: cujus indigenæ à vicinis suis nonnihil differunt, tum idioma- re, cum capillos in nodos colligandi modo; qui modus ut plurimum barbaros harum provinciarum discernit. Intermedio spacio utrumque aliquot pagos jacet in montanis; ad dexteram quidem sive occidentalem plagam *Techillo* & *Langua* valles, cæli temperie

temperie & soli ubertate nobiles, à quibus semita ducit ad *Tumbi* montes, in quibus durum atque incultum hominum genus agit, quod ab asperis atque aditu difficilibus locis magis effertur: ad sinistram vero alia semita ducit ad *Quixos* populos de quibus mox dicemus.

A *Panaleo* trium leucarum itinere *Mulasho* aditur, ubi quondam diversorium ^{à Mulasho} sive *Tambo* fuit & penu in usum militarem à Regibus sepositum, quum illaciter faceret, nunc pagus est infrequens: ad dexteram *Vulcanus* cernitur, qui olim multos putres & cineres egerebat.

Paulum progressis occurrit *Tacunga* (quindecim ut *Didacus Fernandez* testatur à ^{Tacunga} *Metropoli Quitsensi* leucis) sumtuosum olim palatium & *Quitsensi* nequaquam inferiorius, ut è ruinis illius hodieque apparet: nam & foramina videntur in parietibus, quæ dum res ingarum starent, aureas ovium imagines, ut volunt, continuerunt: hic templum Solis fuit cum suis Vestalibus quas *Mamacones* vocabant: varique horrea in quibus omnis generis annona recondita erat, multa animalium stabula & caveæ omnis generis volucrum: ædes omnes lapideæ & stramine tectæ. Indigenæ sunt colore fulco, licet faminarum genus non illepidum sit & decora facie. Hic hodie frequens est pagus, ubi multos pannos texi supra diximus, è quibus incolæ questum faciunt.

A *Tacunga* per regiam viam venit *Mulambatum*, ubi similia hospitia erant, ^{Mulambatum.} ^{Mocha.} pulus autem nihil pene differt à *Tacungani*. Hinc ad *Amato* fluvium, & tribus ab hoc leucis transitur ad Palatium *Mocha*, speciosum quondam ædificium, nunc uti & cætera ingarum ædificia, pene collapsum: pauci hic barbari eisdem moribus & institutis quo præcedentes degunt.

Ad occasum *Siebi* in aliquot pagos divisi, ad orientem *Pillani* agunt in perferenda regione, ita ut nihil eorum quæ ad vitam humanam necessaria sunt illis desit: multique Hispani pascuorum bonitate allecti hic exercent pecuniam: aluntque imprimis multos porcos, qui omnium Peruvianorum optimi judicantur.

A *Mocha* venit ad *Rhiobambam*, magnifico Palatio olim spectabilem, in ^{Rhiobamba.} *Purva* provinciam sitam, quæ tota campestris & calis temperie & herbarum copia, florumque elegantia Hispaniæ simillima: Indigenæ miti sunt ingenio & vestiuntur ad *Quitsensium* normam, comam & alunt & subligant eleganter. Hic quondam *Quitsense* oppidum conditum fuisse scribunt, donec ad locum ubi nunc visum traduceretur. Distat autem *Rhiobamba* ab oppido *Quitsensi* leucas quinque & viginti, ut *Herrera*, vel duas & viginti, ut *Didacus Fernandez*, versus Africum: pecuariatium modo sedes, ita ut hic ultra quadraginta millia pecudum numerentur. Ad orientem degunt multi barbari inter montana, à quorum finibus fluminis *Marannon*, ut *Herrera* scribit secundum communem Hispanorum opinionem, fontes haud longe putantur abesse: ad hanc plagam & *Tangaraga* vel *Tineuracu*, juga sita sunt, multis barbarorum pagis culta. Ad occidentem vero *Vrcolazo* vel *Vrcollasu*, montium nivosa juga videntur, in ⁴⁰ colis frequentissima, per quorum fines iter ad urbem *Guayaquil* ducit.

A *Rhiobamba* progrediuntur ad *Cayamben* sive *Cayampi*, ubi hospitia itinerantibus ^{Cayambe.} parata in patenti campo sub frigidiore cælo. Hinc ad *Teocaxarum* (sive *Tucaça*, ut *Garcilassus* scribit) diversoria, in medio solitudinis cujusdam sive *Puna* sita, ubi acriter frigitur.

Trium deinceps leucarum itinere aditur Palatium *Tiquicambi*, ad dexteram quidem habens urbem *Guayaquil*, ad sinistram vero *Palatam* sive ut *Garcilassus* vocat, ^{Tiquicambi.} *Pumalitan*, quæ vox sonat terræ leonum, quia hæc fæx plurimum hic generantur: & *Quisiam* vel *Quisiam* provincias; & populos quos vocant *Atacas*, aliasque varii ^{Macx.} mas provincias.

⁵⁰ Hinc descenditur ad *Chanchani* & calidiores regiones, quæ ut & cætera ejusdem ^{Chancha.} conditionis ab indigenis communi nomine appellantur *Tunga*.

Denique ab hoc pago ad Palatium *Thiombamba* viginti numerantur leucæ, quo intervallo singulis tribus quatuorve leucis, *Tambo*, id est, diversoria olim condita, inter quæ duo eminent *Cannaribamba* & *Hatuncannari*, ab indigenis qui vulgo *Cannares* dicuntur, haud dubio ita appellata, de quorum ingeniis & moribus statim dicemus.

*De Magnifico Palatio Thomebamba, deque Provincia & moribus
populorum quos vocant Cannares.*

INTER Palatia quæ ab Ingis Peruviae monarchis complura per totum regnum
passim fuerant constructa, cum adjunctis ædificiis, in quorum utrisque arma milita-
ria varii generis, in alteris vestimenta aut annonæ maxima copia congregabantur:
principem locum suo merito flagitat magnificentissimum & opulentissimum Pala-
tium *Thomebamba*, (vel ut *Garcilassus* efficit *Tumipampa*) in provincia *Cannarum* situm
de quo licet barbari multa mirabilia & stupenda referant, tamen illius reliquiæ vel
potius rudera coram visa, admirationem supra modum dicuntur augere: ager illius
ad occasum quidem provincia *Guancabitarum* populorum, ad ortum concluditur ex-
cellis montibus: ipsum in lata planitie, quæque duodecim circiter leucas ambitu
complectatur, est ædificatum, ad duorum amnium confluentem. Regio paulo fri-
gidior est, ceterum venationi cervorum, cuniculorumque, & aucupio perdicum,
turturum, aliarumque volucrum peropportuna. Templum hic erat Soli dedicatum,
è majoribus faxis, quorum quædam nigra erant instar lydiæ lapidis, alii colore iaspideis
virentis: vestibula eleganter picta & variis gemmis atque aliis ornamentis distincta:
parietes autem non modo hujus templi, sed & regis aulae interius auro erant tectæ, in
quibus variae figuræ sculptæ erant: tectæ autem licet stramentitia, tamen tantâ indu-
stria erant concinnatæ, ut ævum possent ferre; denique incredibilis auri atque ingenti
gaza hic erat congesta. Insigne autem indicium obsequii subditorum erga principes,
quod refert *Cieza* & confirmat *Garcilassus*, ingentia illa saxa, è quibus magnificum
hoc palatium & templum Solis fuere congesta, inde à *Cusco* longissimo & difficilli-
mo itinere fuisse deducta. Ceterum sumtuosissimum hoc ædificium jam penitus est
collapsum, nihilque superest præter vastum cadaver.

Indigenæ hujus provinciae appellantur *Cannares*, gens facie pulchra & corpore
valde agili; promittunt quidem capillos, verum tamen eleganter colligunt in nodos &
coronæ in modum concinnant supra verticem, ut hac nota potissimum à vicinis po-
pulis distinguantur: amittuntur laneis aut gossypinis pannis: muniuntque crura &
pedes ocreis, quæ è *Cabuta* ingeniose admodum sunt contexta. Fœminarum genus
haud invensum sed impudicum, Hispanorum atque aliorum peregrinorum consue-
tudinis supra modum appetens: licet operis rusticis aliisque masculinis exercitiis ut plu-
rimum occupentur: dum viri domi desident, trahunt pensum, texunt, atque alia
fœminarum officia facere minimè erubescunt: qui etiam Hispanis per provinciam
iter facientibus, uxores atque filias ultro concedunt ad onera, instar jumentorum,
succollanda: Causam arbitrantur plerique, quod longe plures fœminæ, quam ma-
res in hac provincia, reperiuntur. De cæteris illorum moribus dum pagani essent,
non est necesse plura jam dicere, siquidem jam diu religionem Christianam excep-
cunt amplecti.

Provincia porro horum populorum amplissima est atque latissima, multis anni-
bus rigua, è quibus maximæ divitiarum olim fuerunt eruræ; nam anno 1510 tam
opulenta metalla hic reperta narrant, ut cives *Quitenses* brevi tempore supra octi-
genta millia ducatorum ex iis hauserint: tantaque erat auri opulentia ut pene tan-
tum auri quantum terræ effoderent (Hispanos sequor Authorem & imprimis *Pe-
trum de Cieza*.)

Ager titici atque hordei satis ferax: nec maligne tolerat vites, ea est temperies
hujus provinciae. Ab hac provincia nulla pertinet via ad mare Australe: nisi forte
per valles *Piura* & oppidum *s. Michaelis* de quo mox dicemus.

Verum antequam viam regiam quæ per montana ducit, prosequamur & provin-
cias mediterraneas describamus, quæ dextrâ levæque illam attingunt: paulum nobis
divertendum ad provincias quæ propius attingunt mare Australe, & dicendum de
Porto Feteri cæterisque locis quæ jacent versus occasum ab iis, de quibus hæcenus
diximus.

*Iter quod à Provincia Quitoensi ducit ad mare Australe, &
Regionum adjacentium qualitates.*

AD Latus Provincie *Quitoensis*, haud procul à *Rhiobamba* (de qua supra) sita cap. ix. est provincia *Chumbo*; intermedio autem spacio habitantur plurimi pagi à Chûbo. frequentibus incolis, qui omnes certis moribus, uti in universa *Peruvia* est usitatissimum, inter se distinguuntur. In hisce regionibus jam plurima templa constructa
10 esse dicuntur, in quibus Sacra Romano ritu celebrantur, & juvenes à religiosis docetur preces & sacras cantilenas. Ab hac provincia *Chumbo*, difficili atque impedita via quatuordecim leucarum pervenitur ad fluvium, ad cujus ripas indigenæ semper rates habent paratas, quibus itinerantes devehunt ad locum in hoc imperio celeberrimum & notissimum, quem Hispani vocant *el Passô de Guayanacapa*, de quo paulo post plura dicemus.

Primus autem *Peruvie* portus ad mare Australe appellatur *Passão*, à quo uti & à *Passão*. flumine *S. Jacobi* olim limites præfecturæ quam *Franciscus Pizarrus* ab Imperatore impetraverat, sumebant exordium; nam terræ quæ magis versus Austrum vergebant, accensebantur flumini *S. Joannis*; de quo supra. 19. c. 12.

20 Indigenæ Provincie *S. Iago* quam vulgo vocant de *Puerto Vejo* statura sunt mediocri, possidentque solum longe uberrimum, quod & optimum Mayzium & Yucam Batatasque & alias edules ac salubres radices ad usum generis humani producit abundantissime: Optimæ hic reperiuntur *Guayava* duorum triumve generum; *Guave* atque *Aguacates*, *Tuna* duorum generum; *Caymitti* atque *Cerezilla*: quin & melones alique Europæi fructus, hic egregie maturantur. Plurimi hic passim vagantur porci Americani quibus umbelicus est in dorso, atque etiam Europæi. Cervi quoque carne imprimis sapida. Innumera aves, atque inter illas *Xute* anseribus haud absimiles, quas barbari cicurant & domi alunt; atque ad mensuram adhibent delicias. Deinde & aliz volucres quas vocant *Macas*, galli-
30 naccis nostratibus paulo minores, rostro oblongiori, coloris flavi atque rubentis, plumis autem tam mira varietate distinctis, ut intuentes in sui admirationem rapiant. Xute. Macæ.

Montes atque convalles densis nemoribus variarum arborum passim sunt obstitæ, quarum materies ad ædificia perutilis censetur.

Indigenæ capiunt varii generis pisces, quorum ii qui *Boniti* appellantur, viliores æstimantur, quia febres & alios morbos putantur generare. Barbari autem qui ad oram maris Australis degunt, maligno quodam rubentium verrucarum sive pustularum genere infestantur, quæ interdum necum magnitudine in fronte & ad nares, cæterasque humani corporis partes emergunt; quod à piscis cujusdam usu in cibis
40 ipsis contingere quidam opinantur, alii aliis causis impurant; molestissimum cæterum est affectus & non raro lethalis.

Duplex autem hominum genus observant hanc oram & mediterranea incolere: nam à Promontorio *Passão* & flumine *S. Jacobi* usque ad pagum *Zalango*, tam mares quam semina perfligant faciem notis quibusdam, ab auriculis ad mentum usque ductis, ornanturque diversis monilibus aureis & imprimis certis rotulis, quas vulgo vocant *Chaquira* *Coloradam*, quam in hisce partibus maximi faciunt. Notandum autem *Chaquira* vocem esse *Peruvianâ* propriam, qua designant catenulam ex auro
artificiose elaboratam, quales etiam ante Hispanorum adventum tam scite & subtiliter elaborare noverant, ut Europæis admirationi essent, ut scribit *Garcilassus*. Chaquiræ. 12. c. 5.

50 Præcipui pagi horum populorum sunt *Passão*, *Xaramixo*, *Pompaguace*, *Peclassemeque* & vallis *Xagua*, *Pechonfe* seu Monte Christo, *Apechigue*, *Silos*, *Canillega*, *Manta*, *Zapil*, *Manavi*, *Xaraguaca* & alii. Domus eorum sunt lignæ & stramine desuper tectæ.

Manta municipium ad oram maris Australis est situm: hic quondam ingens Smaragdus magno vicinorum concursu colebatur pro numine: nec dubium est ditissimas harum gemmarum venas haud longe ab hoc loco abesse, quemadmodum testa-

1.4. c. 14. *tur Acoſta*: Juxta *Mantam* (inquit) & portum Veterem quamplurimi inveniuntur Smaragdi & in mediterraneis celebratur locus, vulgo *de las Eſmeraldas*, ob copiam illarum gemmarum; licet ea regio nondum ab Hispanis perlustrata aut domita sit. *Manta* autem hodie est primus Peruviae portus, ad quem plerique à Panama venientes solent appellere, & maris pertaxi, terrestri itinere Limam petere: Statio navibus haud incommoda est: pauci hic degunt Hispani, omnes sunt indigenae, qui rudentibus torquendis & aliis ministeriis nauticis ut plurimum occupantur; nam & aliquot celoces hic habent.

Cara-
ques.

Barbari qui mediterranea incolunt, idiomate utuntur diverso, licet moribus à littoralibus haud multum discrepent; in fluminibus illorum multum auri reperiri constans est fama. Alterum genus barbarorum appellatur *Caraques*, qui uti & vicini illorum diversis moribus & institutis agunt à superioribus; neque enim faciem ullis notis persignant, neque ingenio sunt tam habili aut industrio, sed hebeti & rustico.

Quidam eorum praeteritum qui ad Arcum à *Colyma* degunt, ante Hispanorum adventum penitus nudi agebant; quod jam mutarunt.

C A P. XII.

Descriptio oppidi Puerto Veyo atque S. Jacobi de Guayaquil, nec non oppidi Castro in Provincia Bunigando.

20

OPPIDUM *Puerto Veyo* secundum *Herreram* situm est ad altitudinem unius gradus citra Aequatorem versus Austrum, octuaginta leucis ab urbe *S. Francisci del Quiso* ad occasum Solis, itinere difficili & valde impedito; quinquaginta ab oppido *S. Iago de Guayaquil*: haud longe ab Oceano Meridionali; ad quem habet portum *Mantam*. Locus insalubrior est, & indigenae regionis illius brevioris aevi, quod quidem ex eo oriri existimant, quod tam vicina sit Aequatori, sed quum experientia constet sub eodem clymate regiones jacere longe saluberrimas, ab aliis causis licet occultis esse necesse est, à quibus & verrucae illae proficiuntur, de quibus supra diximus, quae & hic vel maxime sunt exitiosae. *Lupus Vazius* Lusitanus testatur, 30 oppidum hoc quondam fuisse opulentum, sed Smaragdorum pretio praenimia copia vilescente jam ad inopiam esse redactum. In sinibus hujus oppidi maligne admodum nascitur triticum ob nimias pluvias, quae hic fere continuo octo mensibus decidunt, inde à mense Octobri: ceterum ditissimas auri venas terrae gremio hic abscondi, ab Hispanis vulgo creditur: oppidani tamen magis pecore abundant, quam pecunia, uti accepi à quodam qui nuper viderat.

Guaya-
quil.

Urbs *S. Jacobi de Guayaquil*, quae etiam alio nomine ab Hispanis appellatur *la Cullata*, distat ab urbe *S. Francisci del Quiso* leucas sexaginta versus Africum; & quindecim ab Oceano Meridionali; sita ad interiorem ejusdem recessum, quadraginta leucas à portu *Paita* versus arcum: ad ipsum autem hujus recessus exortium sive 40 super fluminis *Guayaquil* aestuarium, jacet Indorum vicus olim celebris quem veteri nomine vocant *Tumbez*. Iter à Portu Veteri ad hanc urbem agitur per plurimos pagos quidem Indorum, sed & per plurima nemora & solitudines. Ceterum *Guayaquil* est emporium alicujus pretii, quod à frequentibus Hispanis habitatur. Hic & naves fabricantur ob materiei bonitatem & affluentiam; & funes torquentur nautici: largam quoque materiem vehunt Limam, tam ad aedificia, quam ad naves fabricandas. Solum suburbanum admodum est fertile, atque amœnum: multumque mellis hic colligitur è concavis arborum truncis.

Fluminis *Guayaquil*, à quo huic urbi agnomen, unde admodum salubres judicantur, & egregium adversus luem veneream atque similes affectus remedium, 50 adeo ut è vicinis atque longinquis regionibus plurimi huc confluant; Hanc virtutem aquis hujus fluminis communicari autumant à Zarfa parilla quae ad tipasillius & in vicinis agris latissime provenit, & in alias regiones maxima copia deportatur. Nemorosa est regio, quaeque optimam materiem navibus fabricandis subministrat. Sola est urbs totius orae Peruviana in qua pluat, inde ab Atacama in sinibus Regni Chilensis.

Guaya-

Guayaquil flumen tantum est modicum, ut fere cætera quæ in mare Meridionale egrediuntur, si cum iis quæ in Septentrionalem Oceanum exeunt, comparentur, ob decursus eorum brevitatem; rapidissima autem propterea sunt, facillime momento egrediuntur ripas suas, ob vicinitatem montium à quibus descendunt. Oritur autem hoc in provincia *Quitenſi* ex editissimis jugis, quæ ad ortum vergunt; variisque amniculis per intervalla acceptis augetur sensim, ita ut ostium illius live æstuarium pene sesquileucam pateat. Maximus Peruvix Monarcha *Guaynacapa* aggreſſus erat iter sternere siliibus per hoc flumen, sed minime absolvit, stupendum opus futurum fuisse, reliquæ operis inchoati fatis demonstrant: *Passo de Guaynacapa* hodie appellatur, duodecim, ut *Petrus de Cieça* tradit, supra Insulam Punam leucis. Merces omnes *Quitenſi* provinciæ destinatæ hoc flumen longo & laborioso itinere subvehuntur.

Barbari qui gentili nomine appellantur *Guanacabilca*, parent oppidanis *Guayaquil*: ad ejusdem Diœcesin pertinent pagi *Yagual*, *Colonche*, *Chinduy*, *Chongen*, *Daule* & *Chonana* aliique complures, solo imprimis fertili atque omnibus ad vitam humanam necessariis affluente. Urbem ipsam cingit patentissima planicies, pauci colles, sed luci longe amenissimi.

Chonorum item natio, accolit haud longe ab urbe *Guayaquil*, ripas fluminis *Daule* qui compactis ratibus merces omnes adverso flumine subducere consueverunt, ad alia ministeria pene inutiles.

Antequam ab hisce regionibus discedamus, haudquaquam omittenda Hispanorum Colonia *Castro*, à tribuno militum *Contrera* anno 1510 LXVIII ab urbe *Guayaquil* in vallem *Vili* deducta, quæ ad provinciam *Bunigando*, *Imdinono* atque *Guala* pertinet, quæ aliter quoque vocatur provincia *Smaragdorum*, cujus & antememimus. Idem primus perulstravit regiones littorales à promontorio *Passao* ad flumen *S. Ioannis*, sed illius observationes nondum vidimus.

C A P. XIII.

Itineris ratio à Palatio Thomebamba ad oppidum Loxam; ejusdemque & Cuençæ descriptio.

REVERTAMUR jam ad viam Regiam & montanas mediterraneasque regiones. A Palatio *Thomebamba* ad metropolim *Cusco* tendentibus, primo iter est per provinciam *Cannarum* donec *Cannaribambam* aliaque Palatia præterierint: ad utrumque autem viæ latus, plures spectantur ejusdem provinciæ pagi; ad sinistram etiam altissimi montes, quorum radices quæ ad orientem spectant, à variis habitantur populis, qui ad flumen *Marannon* ut loquitur *Herrera*, existimantur pertingere.

Fines *Cannarum* egressos excipit provincia *Paltarum*, veteribus Peruvix Monarchis perchara, uti apparet è vestigiis magnifici Palatii, quod hodie ab ingentibus faxis, summo labore & industria huc traductis, Hispani vocant *de las Pedras*; habet hæc provincia ad occidentem portum *Veterem*; ad ortum *Bracamoros*, & alias amplissimas provincias, vastos montes, pluresque populos linguis atque institutis diversos, quorum qui ad radices montium ad orientem incolunt fere nudi agunt, neque ingenio neque moribus cum Peruvianis ullatenus comparandi. De *Paltis* ipsis scribit *Garcilassus*, ipsos imprimis decorum & formosum æstimasse, esse fronte lata & capite pando; ideoque infantibus primum natis tabellis quibusdam frontem & occiput compressisse usque ad tertium ætatis annum ut tales evaderent, quod alii imprimis indecorum & turpe judicant; unde proverbio inter gentes Peruvix usurpatum, ut qui lata fronte & pando occipite esset, & capite utrimque compresso, quod sædum aspectu, tales appellarent *Paltauma*, id est, caput *Palta*.

A *Cannarum* provincia ad urbem *Loxam* septemdecim numerantur leucæ, difficili itinere & crebris paludibus impedito. Statim autem à Palatio *de las Pedras*, ascenduntur montes, modice quidem editi, sed admodum frigidi, qui decem leucas in longitudinem se extendunt ad alterum palatium, ad radices eorundem positum,

Tambo- blanco. vulgo *Tamboblanco*, à quo via regia declinat ad fluvium *Catamayo*, ad cujus ripas urbs *Loxa* ab Hispanis condita: ad dextram atque sinistram plurimi pagi habitantur à barbaris, qui ingenio & moribus à præcedentibus nihil differunt. Provincia hæc salubris est & cælo perquam benigno, qua subsidet in valles: nam montifiora loca, licet habitentur, frigidiuscula sunt; solitudines autem & nivosa: petrae longe frigidissimæ. Utramque fluminis ripam tegunt sylvæ, multæque fructiferæ arbores ab Hispanis hic consistæ, quæ maximum capiunt incrementum.

Calua Ayavaca. A *Tamboblanco* ingrediuntur *Caluam* & *Ayavacam* provincias, quæ ad ortum quidem concluduntur ab Andibus, ad occasum vero finibus oppidi *S. Michaelis de Piura*: præcipuum harum municipium *Caxas*, ubi insigne Regis palatium, aliaque ædificia quondam fuerunt: hisce proxima est *Guanabamba*, Palatio regio & ingentibus structuris nobilis, quarum hodie tantum rudera visuntur: aliaque provinciarum per plures, quæ ad *Loxensem* Diocæsin referuntur. Sed de oppidis jam dicamus.

Cuenca. *Cuenca* quæ & *Bamba* gentili nomine dicitur, abest ab oppido *S. Francisci del Quito* leucas unam supra quinquaginta: habet cœnobium Dominicanorum & alterum Minorum; regitur per Legatum, quem Hispani vocant *Corregidor*: Diocæsis illius, auri, argenti, æris, ferri atque sulphuris venis dicitur abundare.

Loxa. *Loxa*, quæ & *Zarza* vocatur, assidet regie viæ, sedecim à *Cuenca* leucis versus Austrum, ut *Petrus de Cieza* testatur, octuaginta à Metropoli *Quitenſi*; fines habet ab Oriente *Zamoranam* Diocæsin, ab occidente viam quæ ducit ad *Paitam*: ad Africum denique oppidum *S. Michaelis*. Sita est autem ad altitudinem quinque graduum Australium, inter duo flumina limpidissima, in amœna & formosa valle *Cuxibamba*, quæ nullis culicibus obnoxia est, & nullis venenatis animalibus infestatur. Aër hic salubris, magisque calidus quam frigidus, raro nubilus: à Martio ad Augustum hic multum pluit, ningit autem nunquam. Copiosa hic materies & longe optima, cedrina, quercina, aliarumque arborum, uti ad ædificia abunde sufficiat. Multi hic fontes & scaturigines saluberrimarum aquarum: In provincia autem *Caruma* visitur fons ita æstuans, ut ab animalibus tolerari non possit, graviter tamen vulnerati utiliter ejusdem aquis foveantur; cæterum sapore sunt peramaro & odore sulphureo. Solum *Mayzii* & tritici perfertile; pecori optimum, tam domestico, quam peregrino: luci volucris, amnes piscibus pleni. Cives equis & armis sic satis instructi, cætera haud opulenti. Barbarorum numerus quotidie augetur & Christianam religionem haud segnitè amplectuntur. In urbe præter templum, sunt cœnobîa Dominicanorum & Minorum.

C A P. XIV.

Zamora atque Jaën oppida & Chuquimayo Provincia descripta.

VRBS *Zamora* collocatur ab *Antonio Herrera* ad sextum gradum altitudinis Australis, nos in Tabula Geographica ad quintum removimus, distantii vicinorum locorum persuasi: distat à *Quitenſi* Metropoli octuaginta leucas versus Eurum, ab oppido *Loxa* viginti recta versus ortum, & sub orientali Andium latere; denique septuaginta ab oceano Meridionali. Provincia haud supra viginti leucas complectitur, quam barbari vicini quondam appellabant *Proancam*, quæ vox bellatorem populum significat. Aëris constitutio humida atque calida; licet aquilo hic maximam anni partem perfleret, (haudquaquam gravis aut tempestuosus) crebræ hic pluvie, quibus tamen cessantibus egregie hic serenatur. Pestilentia atque contagiosi morbi hic fere incogniti, cæteris Tabacco imprimis obviæ eunt: habent & aliam herbam, quam vocant *Aguacollam*, & in omnibus pene medicamentis usurpant. Solum producit quoque sponte certas nuces, quæ crudæ lethales, coctæ vero insigniter nutriunt. Regio quibusdam locis montosa, cæteris plana atque campestris. In montanis nascuntur frequentes cedri, aliaque arbores durissima atque incorruptibili materie. In finibus hujus oppidi plura sunt auri metalla, è quibus

è quibus grana quædam effusa, inusitatae molis, quorum unum Hispaniarum Regi Philippo II oblatum ferunt octo appendens libras: nec dubium quin alia quoque metalla terræ gremio abscondantur, licet hæcenus neglecta ab incolis. Putei & scauriginis salia hic frequentes, è quibus optimi salis cogitur copia. A jugis montium descendunt aliquot athnes, versus orientem atque etiam occasum, uniligneis scaphulis navigabiles, quorum aquæ limpida & potari pulcherrimæ: quumque per austeriores montes defluant, multa secum devehunt auriamenta. Omnis generis fructiferæ arbores, tam Domesticae, quam Europæ, admodum hic proficiunt; uti & fruges atque herbae: Solummodo triticum atque hordeum malignè admodum patitur tellus. In montanis reperiuntur aliquot ferarum genera, uti tigres & leones, sed pauci atque pusilli: plurimi hic *Paci*; armentorum quoque Europæorum, suum, caprarumque copia. Quid multa; & amnes nutriunt optimos pisces maxima copia, & tellus alit apes, quæ & plurimum mellis faciunt, & carent aculeis. Oppidum ipsum perpulchrum est; ædes è lignis atque lapidibus substructæ; Templum elegans: & Dominicanorum cænobium haud vulgare. Regii ærarii Præfectus hic habitat. Cæterum aurifodinae excoluntur à Nigritis: indigenæ enim hujus provinciae sunt ingenio humili, industria pene nulla, laborumque impatientes: Ante Hispanorum adventum vivebant rapto, & spoliabant alii alios, obtruncabantque nonnunquam, nunc & vestibus amirici & cultioribus didicerunt moribus vivere.

- 20 Oppidum *Iaen*, distat ab oppido *Loxa*, (ut testatur *Anton. Herrera*) leucas *Iaen*. quinque & quinquaginta; à *Chachapoya* triginta; situm in medietate provinciae *Chacaynga* (quæ numeratur inter provincias quæ communi nomine, à barbaris vocantur *Chuquimayo*) in edita quidem regione atque montosa, sed egregiè temperata.

Provinciae porro quas communi nomine appellant *Chuquimayo*, nomen suum mutantur à flumine *Chuquimayo*, quod easdem interluit; habetque ad occasum & Austrum provinciam *Chenchipen*. Flumen est vastum atque piscosum, & quam rapidissime decurrens, ita ut Hispani atque aliae nationes illud transstrare perimescant: *Chenchipenis* vero atque aliis harum regionum Indigenis, qui natandi sunt periculosissimi, tam familiare est, illud transare, ut etiam foeminae cum suis infantibus illud aggredi minime vereantur. Plurimum Mayzii fert hæc regio, quod singulis quaternis mensibus maturatur; multum Yucæ & similitum radicum; aliorumque fructuum Americanorum; inter quos & Xaquæ quibus nigredinem cuti inducunt, ut Nigritæ esse videantur. Præter vallem, quam tranfit, & paucos campos quos suis meandris intersecat, obtegunt ripam fluminis utramque altissimi montes; ultra quos, trium leucarum à dicto flumine intervallo, alia aditur provincia, quam vocant *Perico*, cujus indigenæ ab iis qui ripas fluminis accolunt, differunt lingua atque moribus: provincia hæc incolis frequens, secunda & bene culta.

- 40 Ab hac septem leucæ numerantur ad *Cherinarum* provinciam, itidem frequentissimam indigenis, qui aliud flumen satis vastum accolunt, suntque valde bellicosi & alterius linguae: Solum perfoecundum & flumen auriferum. *Cherini*.

Cherinarum provinciam sequitur *Silla* & dein *Chachaynga*, utraque montosa provincia, non tamen aspera; & temperie aëris singulari.

Silla.
Chacha-
ynga.

Provincia *Copallen* ejusdem est generis, dives ovibus. Indigenæ autem provinciarum *Lanque* sive *Lanza*, & quam Hispani vocant *Lomam del Viento*, iisdem vivunt moribus atque institutis.

- Tomependa* vero populi, qui *Vaguam* vallem inhabitant: in planicie atque campestribus agunt & propterea vocantur *Tunge*; perurbana natio: Solum illorum festissimum & ager omnibus rebus affluens, præsertim melle & omnigenis fructibus. Paulo ulterius jacent hæ provinciae, *Anta*, *Coanda*, *Tabancara*, *Palandya*, *Xaroca* atque *Cobinbinama*, montanæ omnes, nec tamen infœcundæ aut annonæ indigæ; & si vulgaris opinio non fallit auri atque argenti venis locupletes. Satis autem constat, quod à quodam qui nuper Peruviam adierat accepi, plerasque gentes qui Andes accolunt, aut in intermediis vallibus degunt, aurum possidere, nam plurimi indigenæ, qui Hispanis moribus jam assuevere, cum variis mercibus ad istos solent penetrare,

Vagua.

& pro mercibus suis aurum reportare, ejus generis quod vocant Bolador, duorum & viginti Caratorum.

C A P. XV.

*Plana Peruvix, Vallis Tumbez, S. Michaëlis oppidum
& portus Païta.*

VIA M regiam quæ per montana ducit, superioribus capitibus perduximus ad *Guanacabambam*, & eadem opera notissimas provincias mediterraneas atque montenses recensuimus; nunc ad planiciem Peruvianam transibimus, ubi prius obiter è *Didaco Fernandez*, annotavero, inter *Caxas* & *Chinchacaram* novem, inter *Chinchacaram* autem & *Piuram* septem numerari leucas, ut ex hisce connexio inter montanas & maritimas provincias nonnihil illustrari possit.

Túbez.

Planicies *Peruviana*, quam Hispani vocant *los Llanos*, initium sumit à valle *Tumbez*, per quam fluvius ejusdem nominis, in *Paltiarum* provincia oriens, sese exonerat in mare Australe. Vallis autem atque provincia *Tumbezina*, aridiori atque infœcundiori est solo, quia secus oram maris aliquot leucarum latitudine nunquam; ad radices autem montium, qui illum ob oriente prætexunt, raro admodum pluit: Nihilominus olim & incolis frequens & bene fuit culta, aqua quæ per plurimos canales & aquæductus singulari industria & labore è fluvio derivatur, satis passim rigante; quo fiebat, ut & copiosam Mayzii messem facerent, & omnibus rebus ad vitam humanam necessariis abundarent. Indigenæ vestibus utebantur, erantque industrii, laborum tolerantiores & longe cultiores quam ii qui montana incolebant. Peruvix monarchæ hic quondam arcem habuerunt & præsidium ad vicinos & præsertim *Puna* insulæ incolas in officio continendos.

Solana.

E valle *Tumbezina* bidui itinere transitur ad *Solanam*, per viam regiam quæ per plana ducitur, quæ vallis haud minus frequens & præclaris ædificiis fuit instructa.

Poëchos

Solanam sequitur vallis, quam à fluvio *Poëchos* sive *Pocheos*, aut à *Regulo* sive *Curaca*, ut vocabantur, qui illi, quum primum Hispani ingrederentur, imperabat, appellant *Mayabiscam*. Hanc *Augustinus de Zarate* triginta leucas à *Tumbezina* testatur abesse & olim longe frequentissimam & celeberrimam fuisse, plurimæ magnificentissimorum ædificiorum ruinæ hodieque faciunt fidem.

Piura.

Ab hac bidui itinere distat *Piura*, latissima vallis ob aliquot annuum confluxum; in qua oppidum *S. Michaëlis* jacet, antiquissima & prima Hispanorum in Peruvia colonia; quam primum in *Tangaralam* deductam accepimus, sed ob loci insalubritatem haud multo post huc traductam; pomerium urbis barbaris dicebatur *Chila*, inter duas planas & amœnas valles & pulcherrimarum arborum lucos, in solo arido, duroque ita ut aqua difficulter in oppidum duci posset: neque tamen hic locus admodum salubris, sed oculis admodum insensus, æstate quidem, ob ariditatem soli pulverulentus, hyeme ob pluviarum assiduitatem supra modum humidus. Cæterum oppidum nullis mœnibus cinctum est neque magni pretii: licet à Vicario regatur (*Corregidor* Hispanis) cui non modo hoc oppidum sed & *Païta* & multa alia loca, indigenis in ambitu habitata, parent. Oppidani & qui in agris degunt, quæstum faciunt è pecuaria. Ab hoc iter pertinet ad montana, quæ vocant *las Sierras*: itemque alterum unius & viginti leucarum ad *Olmos*; per solitudines & sylvarum adyta, ita ut indigenis ductoribus hic fidendum sit, qui itinerantes ad aquas potabiles deducant, quarum hic magna est inopia, ut juxta fomnos capiant. Abest autem *Olmos* à *Païta* leucas quadraginta Indigenarum pagus, qui pecuariam exercent, & plures possident mulas, quibus advenas vehunt ad vicina oppida atque adeo *Limam*. *Herrera* inter oppidum *S. Michaëlis* & Metropolim *Qui-*
rensem edit intervallum centum & viginti leucarum, via à *Quito* versus Africum deflectente.

S. Michaël.

Olmos.

Sed antequam ulterius procedamus, quod supra diximus, in planis hisce & convallibus nunquam plueri, quomodo accipiendum sit, è *Petro de Cieza* paulo plenius explicemus: In montana regione, quam Hispani vocant *las Sierras*, ætas capit exordium,

exordium, mense Aprili & desinit in Septembri: hyems autem durat ab Octobri in mensem Martium: In planicie vero quæ mari Australi adjacet, res secus se habet: nam ab Octobri ne guttulam quidem hic pluit, tantum decedit ros quidam ita minutus ut vix terræ superficiem humectet; ita ut indigenæ magno labore agros cogantur irrigare; maximam autem soli partem occupant steriles arenæ & arentes petræ, quas pumilæ aliquot arbores & fruticeta vestiunt, quæ paucas frondes, nullos autem fructus ferunt; multi autem passim videntur cardui ac tribuli. Hyeme autem, ut ipsis vocatur, cælum continuo fere nubilis tegitur, quæ solis conspectum adimunt & ingentes nimbos videntur minari, quum vix tenuissimis guttis pulverem
 10 itrorent. Ab altissimorum montium vicinitate id fieri autumant, qui nubes attrahunt, & super planiciem prohibent discuti. Nam quum maxime pluit in montanis, planicies serenissimo cælo gaudent & maxime sudo; & contra quum planicies minutilo licet rore humectantur, in montanis plurimum ferenat. Ingæ Veteres Peruvix Monarchæ per planicies itidem viam regiam duxerunt quindecim aut sedecim pedes laram, silicibus stratam & macerie utrinque munitam, arboribusque quantum soli ratio patitur adversus æstum solis rectam; diversoriis & palatiis per intervalla, ut supra de montana regione retulimus, opportune structis.

Ad oppidi *S. Michaelis* Diœcesin pertinet *Paica*, nobilis Peruvix portus, ad altitudinem quinque graduum Australium situs, ut *Herrera* notat, quibus alii paucula
 20 scrupula addunt, viginti quinque, vel ut alii tantum duodecim ab oppido leucis: itinere molestissimo per loca arenosa & aquarum atque adeo omnium rerum necessariatum indiga. Est autem amplissimus sinus & adversus incerta ventorum egregie à natura munitus: naves quæ à *Guatemala* Peruviam petunt hic appellere & onera sua solent exponere, quæ opportunitas multos Hispanos allexit ut hic municipium conderent. Quod superioribus annis iterata clade penè excisum fuit: semel anno c10. 10 lxxxvii à *Thoma Candishio* Anglo qui incolis nequicquam repugnantibus locum cepit, qui tum ducentis ædibus cum suo prætorio constabat, arce quam molebantur nondum absoluta: & cives qui ad vicinum montem confugerant, non opinantes adortus, fugavit & viginti quinque argenti libras eripuit, descendensque totum
 30 oppidulum concremavit. Iterumque anno c10. 10 cxv à *Georgio Spilbergio* Belga, qui civibus omnibus, qui se cum fortunis suis omnibus in montan a subduxerant, vacuum ingressus, denuo ædes Vulcano tradidit: Qui nuper locum viderunt, asserunt paucos Hispanos hic habitare, qui annonam vendicem habent, plurimos autem indigenas.

C A P. XVI.

Provincia de los Quixos, ejus limites, qualitates, oppida; itemque Provincia quam vocant Canelam.

40 **H**ACTENUS propinquiores Oceano provincias perlustravimus, quæ tam ad planiciem quam ad montana intra limites Conventus Juridici *Quitensis* concluduntur; nunc & remotiores dicendæ, quæ similiter ad hunc Conventum referuntur. Earum unam vocant Hispani *los Quixos*, anno demum c10. 10 lvi iustratam, postquam colonia Hispanorum in *Cuencam* (de qua supra) esset deducta: cap. xlii. fines habet ab occidente provinciam *Quitensem* proprie dictam; ab arcto *Popayanam*; ab Oriente provincias, quæ ab auri copia, si fama verax est, vulgo *El Dorado* appellantur; ab austro denique *Tguarongo* provinciam de qua mox dicemus. Atctoo limite vix primum gradum circa Equatorem versus Austrum attingit; in longitudine quidem pene quadraginta, in latitudine vix viginti occupans leucas. Tota regio hujus
 50 provinciæ admodum fervet, & largissimis humectatur imbris: Mayzii fert paucillum, nullum triticum: vix ullus Peruvianorum fructuum hic desideratur, quos autem vocant *Granadillas* tam præstantes producit, ut omnibus aliarum provinciarum præcellant. Europæi quoque fructus ipsi familiares esse cœperunt, uti & olera atque herbæ. Gossypii dives est, è quo optimos pannos texunt: nec auti penitus expers creditur. Suum habet præfectum, qui à Pro^o Rege Peruvix instituitur. Quatuor omnino oppida hic habitantur ab Hispanis, quorum primum & præcipuum

Baëza. Baëza, anno 1515 ab *Aegidio Ramires Davalos* conditum, octodecim à Metropoli *Quitenſi* leucis verſus Eurum, Præfectus provinciæ hic ſedem habet.

Archidona. Secundum *Archidona*, diſtans circiter viginti leucas à Baëza verſus Euro auſtrum.
Avila. Tertium *Avila*, cujus diſtantiã non inveni proditam, abeſt autem ab *Archidona* verſus ſeptentriones.

Sevilla. Quartum denique *Sevilla del Oro*: licet *Herrera* in deſcriptione Indiarum illius non meminerit, neque in Tabula Geographica curaverit exprimendam.

Ad Episcopatum *Quitenſem* pertinet hæc Provincia, illuſque indigenæ naviter Chriſtianam religionem cœperunt colere: propriam habent linguam, licet & comuni Peruvix utantur, eamque calleant: cæterum à reliquis harum regionum barbaris neque habitu, neque moribus, neque ſuperſtitione quicquam olim differebant: verum magnam indigenarum partem, tum belli rabies, tum morbi exſtinxerunt. Nam quum primum Hiſpani provinciam ingrederentur, acriter armis illis reſtiterunt, ferociam ſuam, qua omnes hi tranſmontani barbari pollent, incaluſum oſtendentes, dein domiti quum jugum impatienter ferrent, ſemel atque iterum rebellant: jam vero perdomiti pacis conſilia amplectuntur & agris colendis dant operam.

Provinciæ de los *Quixos* proxima eſt ad orientem provinciã quam vocant *Canellam*, ab arborum copia (atque adeo integriſſimarum ſylvis, quæ in multarum leucarum ſpatia pateſcunt) quas ob ſimilitudinem quandam cum notiſſimo aromate, vocant *Canellas*. Eſt autem arbor oleæ magnitudine, folliculos quosdam cum ſuis floribus producens qui conuſi ad aromatis illius odorem atque ſaporem nonnihil accedunt. *Monardes* deſcribit hæc arborem in hunc modum: Arbores quæ *Canellam* ferunt, mediæ ſunt magnitudinis, & immortalis comæ præditæ, uti reliquæ Indiæ arbores, foliaque habent laurinis ſimilia: fructus eſt parvo pileo ſive petalo ſimilis, ea latitudine qua nummus Hiſpanicus octo regalibus æſtimatur, interdum etiam major, intrinſecus & extrinſecus ex purpura nigricans, interius lævis, foris aſper, quibus margines craſſitudine jam dictum nummum æquant, ſummities vero longe ſuperat & pediculo prædita eſt, unde ex arbore dependet: guſtatuſ eandem ſaporis ſuavitatem & odoris fragrantiam habere deprehenditur, quam legitima canella ex orientali India allata, cum nonnulla aſtriſtione conjunctam: arboris cortex qui craſſus eſt, nullum canellæ ſpirat odorem aut reſert ſaporem. An interior tenuiorque membrana ſimile quid obrineat, me latet. Hæc ille.

Magna de Provinciæ hujus opulentiã in vicinis Peruvix regionibus quondam fuit opinio; donec à *Gondiſalvo Pizarro*, infelici illa in *Dorado* provincias expeditione longe ſecius deprehenderetur: nam præter ingentes illarum arborum ſylvas & invioſoſ saltus, nullum operæ præcium hic inventum. Indigenæ enim omnium rerum indigi erant & bardo ingenio; habitabantque humiles caſas & ruinoſa tuguriola: Vicinarum provinciarum penitus ignari, ac ne ſuæ quidem ſatis ſcientes: hos tamèn *Pizarro* inaudita crudelitate, canibus ſuis dilacerandos objecit, & aliis tormentis miſere excruciauit, quia viam demonſtrare non poterant, ac ne quidem noviffe querebantur ad ditiffimas illas regiones, quas Tyrannus ille jam ſpe devoraverat. Sub *Æquatore* ſita eſt provinciã, appellaturque ab accolis gentili nomine *Zumaca*.

C A P. XVII.

Provincia populorum quos vocant Bracomoros, colonia Hiſpanorum in eadem, & de auri venis pauca.

AD eundem Conventum Juridicum *Quitenſem*, referuntur & aliæ mediterraneæ provinciæ, quas *Bracomorum* vel *Pacomorum* vocant, & nonnuncquam *Tguarſongo*, utplurimum autem *Iuan de Salinas*; ſive una ſit provinciã ſive plures & diverſæ: fines autem habent ab occidente vaſtiſſima illa & continua Andium juga, quæ vocant *Cordilleram*, ultra quæ *Zamoram* quoque habitari diximus à cujus agro provinciæ hæc abſunt leucas viginti verſus ortum. Patent autem in longitudinem, ortum inter atque occaſum, leucas pene centum; totidemque in latitudinem

nem inter Arcum atque meridiem. Regiones & caelo lato & solo succundo, omniumque frugum praeteritum tritici seraci, pecori autem ob graminis copiam longe optimo. Abundant insuper auri metallis, in quibus grana insolite magnitudinis reperta, magno Hispanorum qui huc in colonias missi fuerunt emolumento. Quatuor autem oppida sive municipia hic ab illis habitantur, à *Ioanne de Salinis à Loyola*, dum hanc provinciam pro Praefecto administraret, condita.

Quorum primum *Valledolid* ab *Antonio Herrera* ad septimum gradum Australem collocatur, viginti leucarum intervallo ab oppido *Loxa* trans vasta & pene con-
 10 *tingua* Audium iugum, verum quum *Loxa* ad altitudinem quinque graduum sit constituta, & *Zimora* quoque pene ad eandem altitudinem viginti leucis à *Loxa*, Andes versus ortum transcedat, inducor ut credam *Herrera* hic *Loxam* pro *Zimora* scripsisse & oppidum *Valledolid* viginti leucas versus ortum a *Zimora* abesse; in altitudine autem ipsam non nihil hallucinari.

Secundum est *Lorola* & gentili nomine *Cumbinama* viginti leucis versus ortum à *Lorola*. *Valledolid* tertium.

Tertium *S. Iago de la Montañas* quinquaginta pene leucis à *Loyola* versus ortum, in regione auri dissimilis, & quidem tam praestans, ut ferunt, ut adjacentium provinciarum autem longe superet: & à solo *Caracianiano* in Peruvia & *Valdivia* in Chili superetur.

10 Quarta nomen non proditur ab *Herrera*, neque in descriptione Indiarum, neque in Historia. *Acosta* in suis commentariis de rebus naturalibus & moralibus, meminit *Cartame* auriferarum in praefectura *de Salinas* & se grandes & durissimos lapides vidisse testatur, aereis venis per totum corpus discurrentibus, nonnullos & media sui parte aureos, juxta quas fodinas quartum municipium conditum suspicor.

Quia autem in hac auri metallis jam saepius incidimus, haud abs te fieri hic commemorare, aurum fere tribus modis in America reperiri; primo granis sive ramentis & puro pitoque auro, nulla marinis glareae aliave materie admixta, ita ut tantum illud fundere necesse sit; sunt autem ramenta illa ut plurimum magnitudine seminis cucumeris aut etiam cucurbitae, nonnunquam minora, rarissime majora: atque
 30 hoc auri genus omnium rarissime invenitur. Secundò faxis, petris aut marmorinatum atque innatum & illustribus venis per eadem discurrentis. atque hujus generis potissimum invenitur in provincia de qua jam agebamus, ut testatur *Acosta*, eruiturque summo labore puteis aut scrobibus in profundum actis; difficillimeque ob petrarum duriciem, eliquatur. Tertium denique pulvere aureo & minutissimis arenulis, (*Oro en polvo* vocant Hispani) quod genus longe maxima copia invenitur in amnibus atque torrentibus, aut locis quae flumina aliquando diluerunt atque inundarunt, quolibet amnibus atque locis & Insulae & plurimae Continentis provinciae & olim abundavit & hodie abundat. Plura de his *Acosta* lib. 1v. Sed & veteres hoc observarunt ut videre est apud *Plinium*.

40 C A P. XVIII.

Ora maritima Quitenlis Provinciae, promontoria, sinus, portus, flumina & insulae continenti obiectae, praefertim Puta.

A D oram maritimam hujus Conventus Juridici *Quitenfis*, haec promontoria, sinus & flumina recensentur. Ab Angulo *de Manglares* de quo superiori libro egimus, ad finem *S. Jacobi* ora producit se versus Africum, admittitque amplissimum sinum in quo primum se pandit recessus, vulgo *Ancon de Sardinias* quindecim à praedicto Angulo leucis, qui *Popajanae* provinciae extremus censetur.

50 Atque hic descendit in mare Australe vastum flumen *S. Jacobi*, tam praeruptis ripis ut navium prope vado haerentibus, sub puppibus non raro octuaginta organum altitudo deprehendatur: flumen enim rapidissimo cursu per ostium se evolvens arenas egerit in summam altitudinem; naves tamen nullo discrimine subeunt flumen. Paulo ulterius alter sinus se aperit *S. Mattheae* dedicatus ad altitudinem unius gradus ab Equatore versus Arcum, cui in mediterraneis oppidum *Quitense* pene respondet, ut *Herrera* observatum, *Richardus* autem *Hawkins* Eques Anglus, scribit
 percom-

Valledolid.

S. Iago.

l. 4. c. 4. Civitama.

S. Iago.

S. Mattheo.

percommodum hic esse portum & fluvium satis profundum, utpote cujus undæ fluctu accedendo ad quindecim aut sedecim pedes augeantur: Solum quod sinum ambit fertile & indigenis frequens, qui tam auro quam Smaragdis dicuntur abundare; Hispani qui urbem *Guayaquil* incolunt huc coloniam deduxerant, indigenis haud invititis: qui mox insolentia advenarum pertæsi, conjuratione cum Mulato quodam clam inita, Christianos ex improvilo adorti, trucidarunt, diobus tantum exceptis, qui maximo periculo ad oppidum *Quitense* profugerunt. Idem *Hawkins* inter hunc *S. Matthæi* sinum & Promontorium *S. Francisci*, celebrat alterum sinum atque flumen septem à dicto Promontorio leucis; Angulo sinus urminet collis qui à longinquo insulensibus insula videtur: flumen quidem ingens, verum aqua illius, in ipso ostio, ubi fluctus implevit, subamaræ deprehenduntur.

S. Francisci promont.

Passo.

Quiximies.

A sinu *S. Matthæi* ad Promontorium *S. Francisci* ora tendit directe in occidentem, decem leucarum spacio: Promontorium autem ab edito colle & multis montibus vestito descendit in altum, uno gradu ab Æquatore versus Arctum.

A *S. Francisci* Promontorio ad alterum quod vulgo vocant *de Passo*, sub ipso pene Æquatore constitutum explicat se ora maritima versus Africum. Intermedio autem spacio, quatuor annes erumpunt in mare, quos uno & communi nomine appellant *Quiximies*: *Didacus Fernandez* vocat Elyces, testaturque ad decem miliaria in Continentem invadere, & regionem ita interdum opplere, ut inviam faciant. Sub Promontorio modicus se aperit portus vulgo Hispanis *El Portete*, ubi & aquare & ligna cadere licet peropportune, quum ita necesse est. Promontorium ipsum mediocriter elatum, pone quod *Quaque* montes sese ostentant, qui ad provinciam *Chumbo* producuntur: Hic uti & in *Quaque* montibus, *Francisco Pizarro* olim indigenis eripuit magnam auri & Smaragdorum copiam, quum prima in Peruviam expeditione barbaros hosce inopinantes oppressisset. Ostuaginta aut circiter leucis ab hoc Promontorio versus occidentem aliquot insulae in Oceano sparguntur, quos Hispani vocant *de los Gallopavos*, deserta & infœcunda, ut memorie tradidit *Richardus Hawkins*.

cap. XI.

la Plata.

A Promontorio *de Passos* inclinat litus paulo magis versus Austrum, intermedio spacio sinum admittens, quem vulgo vocant *de los Carraques*, à populis de quibus supra egimus: percommoda hic navibus statio, & grandiores quoque & in siccum hic subduci & resciri possunt; facili ingressus & egressus, ac licet insula quadam vel potius scopulus objaceat, tamen nihil hic periculi, quod non & facili videri & vitari possit.

Quinque à *Portu Veteri* leucis secundum eundem litorum ductum, prominet Cornu *S. Laurentii*, cui versus Africum, trium leucarum intervallo, adjacet *la Plata*, parva Insula neque supra selsqui leucam ambitu complexa: in hac quondam fuit templum, *Guacam* vocabant sua lingua indigenæ, in quo etiam Continentis Indigenæ demonio sacra faciebant, & non modo oves sed & infantes suos immolabant: *Pizarro* quum prima sua in Peruviam expeditione hic forte appulisset, multum auri atque argenti, plurima monilia, magnum numerum vestium, qua lancearum qua gossypinarum hic repperit, vicinarum gentium donaria: unde & nomen huc Insulae ab Hispanis impositum, nam *Plata* denorat illis argentum: exterum ut à nostratibus anno 1613 observatum, sterilis est insula & præter paucas aridas arbusculas vix quicquam aliud exhibens.

S. Helene.

l. 3. c. 17.

A Promontorio *S. Laurentii* ad Cornu *S. Helene*, numerantur leucæ quindecim: intermedio autem spacio, duo signantur portus *Callo* & *Zallango*, peropportuni navigantibus, quippe & aquam hic haurire & ligna cadere percommode possunt & tutissimo in anchoris consistere. Cornu *S. Helene* prominet ad altitudinem duorum graduum Australium; & pone se aperit portum ad Septentriones, juxta quem puteus visitur, e quo bitumen effluit instar picis: *Acosia* meminit illius in hunc modum: Juxta Cornu *S. Helene* (inquit) scaturit fons bituminis, quod Peruviani vocant *Copey*, nautæ funes suos eo oblinunt uti & alia armamenta, est enim picis quoad usum perquam simile.

Barbari narant mirabilia de Gigantibus qui h. ud longe ab hoc cornu olim habitaverint & à juvene de caelo dilapso, simul omnes in quadam valle fuerint confecti & delicti:

& delecti: *Augustinus* autem de *Zarate*, reliquit scriptum in sua Peruvix historia; Præfectum Portus Veteris anno c1515 XLIII in hac valle scrobes agere jussisse, atque ita tum costas tum alia humani corporis ossa fuisse inventa ingentis magnitudinis & imprimis dentes tres digitos transversos latos, longos quatuor. Meminit & *Petrus de Cieça*, & *Iosephus Acosta*, aliique prolixè autem *Garcilassus*.

L.9.4.9.

A Cornu *S. Helene* ad flumen *Tumbez* (tribus gradibus & triginta scrupulis ab Æquatore versus Austrum,) numerantur leucas quinque supra viginti, maximo sinu inermedio, in quem descendit flumen *Guayaquil*. Porro ab hoc flumine *Tumbez* ino xii leucis versus Boream (ut *Augustinus de Zarate* annotavit) intra sinum prædictum, occurrat Insula *Puna*, ii gradibus & i scrupulis ab Æquatore versus Austrum, ut ab *An-*
glis accuratè fuit observatum. Hæc, uti communis fert opinio, ambit leucas x aut xii (nam *Herrera* qui illi xx tribuit haud dubio fallitur) magnæ quondam apud omnes Continentis indigenas famæ, nam & omnibus rebus ad vitam humanam necessariis, abundabat, illiique indigenæ & mercatores industrii & bellatores audiebant strenui: cum vicinis suis *Tumbezinis* olim maxima gesserunt bella, donec tandem a Peruvix Monarchis componerentur; modicæ erant stiracis, colore fusco: tam mares quam femina vestiebantur pannis gossypinis, ornabantque se Chaquiris, aliisque monilibus. Porro Insula & sylvestrium arborum lucis opaca est, & fruticibus constituta: *Mayzii* & *Yuca* aliarumque edulium radicum fecunda: nemora plena omnis generis volucribus, præsertim psittacis, & *Guacamayis*, limiis quoque, vulpibus & aliis feris referta. Solum admodum liberaliter producit *Zazaparillam*. Cæterum dulcium & potabilem aquarum penuria hic laborari scribit *Herrera*, incolaque; tam aquandi, quam sementem faciendi gratia, ad proximam se conferre Continentem: à qua multis locis tantum angusto freto dirimuntur: Portus tamen abest à Continente leucas circiter duas. Indigenæ jam amplectuntur religionem Christianam: & pleraque navigia hic fabricantur, quæ Mare Australe navigant; maximaque lignorum copia secundo flumine à *Guayaquil* descendens, subvehitur *Limæ* aliisque Peruvix portibus. *Thomas Candishius* anno c1515 LXXXVI hanc insulam ex improvviso ingressus, ejusque compos factus, Regulo cum uxore atque familia, reliquisque pene incolis ad proximam Continentem dilapsis, eandem diripuit & concremavit pleraque domicilia. Reguli doctus haud longè à portu splendide erat structa, cum suis pergulis atque apothecis, in quibus multum picis, quamplurimi funes nautici & corticibus arborum contorti fuerunt inventi; juxta autem vulgarium indigenarum ædes viscebantur circiter duecentæ, & templum cum fua turri & æneis campanulis: in medio Insulæ præterea habitabantur duo pagi.

In patenti oceano alia cernitur Insula, quam Hispani vocant *S. Claram*, deserta *S. Clara* plane & aquæ potabilis, lignorumque inops, in qua Punenſes jam olim cadavera sua sepelire consueverant.

A flumine *Tumbez* (ut ad Continentem regrediamur) ad promontorium *Blancum*,
 40 ora pene in Austrum se subducit, leucis xv: Situm est autem hoc Promontorium ad altitudinem iv grad. Australium ut *Herrera* annoravit, aut ii grad. & xxx scrupul. ut *Cieça*. Ab hoc promontorio recta cursus in Austrum instituitur ad Insulam *de Lobos* in qua fons est ejusdem bituminis, cujus ad *S. Helene* cornu meminimus. Inter utrumque prominet alter Continentis angulus, nautici *Punta de Purina*, à quo litrus ad Africum reflectitur usque ad *Paitam*, quemadmodum ab *Herrera* & *Cieça* proditur; ut vero ab *Anglis* aliisque, ad Euro. Austrum: omnes autem collocant hunc portum ad altitudinem quinque graduum; distatque à dicto promontorio octo leucis aut paulo amplius: Nobilissimus est portus & omnium Peruvianorum usitatissimus. Ab hoc ad promontorium *del Aguja* vergit ora rectè ad Austrum, aperitque in medio sinum in
 50 quo duo sunt portus vel forte stationes *Silla* & *Tangora*.

A promontorio denique duæ videntur Insulæ, quas vocant *de Lobos Marinos*, quarum una tantum iv leuc. intervallo à Continente dirimitur, altera à priori decem: utraque ut à *Richardo Hawkins* observatum ad altitudinem vi grad. & xxx scrupul. Sunt autem admodum steriles, neque arbusa producant neque ullam herbam; aquarum potabilem penitus indigæ, à lupis tantum marinis & pinguinis, aliisque littoralibus avibus frequentantur. Hactenus ora maritima Conventus Juridici *Quizensis* pertinet.

Conventus Iuridici Limani limites descripti, oppida enumerata & viaque Regia per plana ab oppido S. Michaelis ad urbem Truxillo.

SECUNDUS Regni Peruviani Conventus Iuridicus, nomen sortitur à Metro- poli *Lima* vel *los Reyes*; pertingitque inter arctum & austrum à sexto latitudinis Australis gradu ad decimum sextum aut septimum: habetque in longitudine quidem secundum littorum ductum leucas ducentas & viginti, (quanquam alii trecentas prodant) à Promontorio *del Aguja* ubi, *Quitenſis* conventus desinit, ad *Arequipa* & paulum ultra, ubi *Charcenſis* orditur; In latitudine vero ab occasu in ortum quibusdam locis circiter centum, alibi etiam plures præter vastissimas regiones nondum satis illustratas aut cognitatas, versus *Brasiliam* & Fluminis *de la Plata* Præfecturas, ad quas indefinitis limitibus se protendit. Oppida atque municipia in hoc conventu numerantur ista, 3 *Lima* sive *Civitas Regum*, *Arnedo*, *Santa quæ* & *Parilla*, *Truxillum*, *Miraflores*, *S. Ioannes de la Frontera*, *S. Iacobus de los Valles*, *Leon de Guanuco*, *Guamanga*, *Cusco*, *S. Franciscus de la Vittoria*, *S. Ioannes del Oro*, *Arequipa*, *S. Michael de la Ribera*, *Valverde*, *Cannete* sive *Guaſco*, *Castrovirreina* atque *Oconna*. Ut autem harum regionum situs melius intelligatur, descriptionem hujus Conventus Iuridici à planicie ordiemur, & primo viam regiam per valles maritimas ab oppido *S. Michaelis* prosequemur. 20

Augustinus de Zarate in sua Peruviae Historia distinguit Planicie indigenas in tres nationes, *Tungas* nimirum, *Tassanes* atque *Mochichas*, qui idiomate inter se discrepant, licet omnes communem illam Cusenssem linguam promiscue intelligant & loquantur. *Garcilassus* autem scribit, Peruvianos suo idiomate omnes terras littorales, atque adeo universas terras calidas appellasse *Tunca*, quod idem nomen cum *Tunga*: unde incolæ planorum & calidarum vallium itidem dicebantur *Tunca* sive *Tunga*: omnes denique littorales Peruviani, antequam ab *Tngu* subjugarentur, inde à *Truxillo* ad *Tarapacam*, imprimis adorabant Mare, quod appellabant *Mamacocha*, uti & balenam, & alios quoque pisces: idque ob hanc causam, quod non modo ipsis nutrimentum præberent, sed & agros suos fecundarent; usitatissimum enim illis erat piscibus agros suos stercore.

cap. xiii.
Motupe.

Ab oppido *S. Michaelis* ad vallem *Motupe* (in qua *Olmos* pagus situs est, de quo supra) duæ & viginti sunt leucæ, arenoso & permolesto itinere, præsertim qua nunc agitur: nam inter tumulos & colles, subsidunt quædam valles, in quas varii quidem torrentes à summis montium jugis descendunt, verum statim ab arenoso solo absorbentur, ut itinerantibus nullum aut perexiguum solatium præbeant: ut hæc viarum difficultas opportunius superetur, plerumque sub vesperam, discedunt ex oppido *S. Michaelis*, progrediunturque totam noctem, ut summo mane perveniant ad certos puteos sive scaturigines aquarum, *Cieça* appellat *los Xagunes*: hinc cum utribus aqua plenis & lagenulis vino, procedunt, æstum quantum fieri potest devitantes: in *Motupensi* autem valle via regia occurrit, de qua ante. Lata & perfercunda est vallis, ad quam modicus annis ex vicinis montibus allabitur, sed absorbetur ab arenis antequam in Oceanum exeat: Nihil tamen minus hic luxuriant arbores, ob copiam humiditatis quam in imo solo offundunt: incolæ autem hauriunt aquam & puteis, possidentque quamplurimas arbusculas quæ gossypium ferunt, quo non modo in amictu utuntur, sed & commercia exercent. 40

Xayan-
ca.

Quatuor à *Motupe* leucis, aditur pulcherrima & fecundissima vallis *Xayanca*, 50 quatuor leucas lata: hanc interfecat fluvius, è quo incolæ fossas deducunt ad arva sua irriganda: Nobilitas Peruviana hic olim prædia multa possedit & coluit agros per suos servos.

Tuque-
me.

Ab hac transitur ad vallem *Tuqueme*, peramœnam & lucis arborum opacam, quam olim frequentissimam fuisse, villarum rudera hodieque testantur. Hinc diei itinere abest formosa vallis *Cinto*. Semel monendus est Lector inter has valles nihil

Cinto.

nihil interesse præter arenarum tumulos & aridas petras, in quibus nulla animantia occurrunt, neque arbores neque quicquam herbidi, sed merum desertum; ita ut hæc iter facientes, duces viarum gnaros sequi sit necesse.

A *Cintana* valle transiit ad *Colliguen*, quam fluvius fecit, qui vado non potest transire nisi quum æstas est in montanis, & hyems in planicie: lata est vallis & nemo. ^{que.} rosa, sed incolarum pene inops, quos Hispanorum civilia bella olim pene deleverunt. *Augustinus de Zarate* scribit hanc vallem ab oppido *S. Michaelis* abesse leucas quadraginta.

Colliguen sequitur *Sana* vel *Zana*, haud dissimilis vallis, à qua duo itinera perti- ^{Zadd.}
10 nent; unum ad *Truxillo*, alterum ad montana & *Caxamalca*, in quo occurrit municipium quod vocant *Pueblo Novo*, habens monasterium Augustinianorum, quod vocatur *Guadalupe*.

Zanam sequitur *Pascamajo* omnium vallium fecundissima & incolis longe frequentissima: indigenæ hujus vallis, antequam ab Ingis sub jugum mitterentur, potentissimi erant, & vicinis suis terribiles: plura templa construxerant, in quibus idolis suis immolabant, quæ jam penitus conciderunt: hodie complures sacerdotes & religiosi hic agunt, qui indigenas docent fundamenta religionis Christianæ. Pulcherrimus fluvius decurrit per hanc vallem, è quo incolæ varias fossas derivarunt ad agros suos irrigandos; per eandem & via Regia ducitur. Plurimi gossypini panni ^{Pasca- mayo.}
20 hic texuntur, & armenta hic capiunt magnum incrementum, suæ autem & capræ longe maximum.

A *Pascamajo* ad *Chacamam* vallem transiit, fecunditate haudquaquam inferior: ubi & Sacchari cannæ excoluntur; aliique fructus nascuntur abunde. ^{Chacama.}

Quatuor à *Chacamam* leucis adit *Chimo* vel ut *Garcilassus Chimu*, amplissima vallis, & Peruviz Regibus quondam perchara, quod & Palatii rudera testantur & hortorum vestigia; urbs *Truxillo* hic hodie visitur. Hanc vallem primo subjugavit *Tnga Pachacutec*, cui tum, uti & vicinis vallibus, princeps quidam imperabat *Chimu*, à cuius nomine principalis hæc vallis fuit appellata. ^{Chimo.}

C A P. XX.

30

Municipium Miraflores, oppidum Truxillo, Patilla, Arnedo.

ANTE QUAM Vallium descriptionem ulterius prosequamur, necessarium erit oppidorum, quæ in illis spectantur, meminisse, ne quid forte inconsultò prætereamus.

Primum itaque oppidulum, quod in hac planicie ad Conventum Juridicum Limanum spectat, appellatur ab Hispanis *Miraflores*; conditum in valle *Zana* vel *Sana*. ^{Sana.}
(cujus nomine plerumque appellatur) haud procul à mari, & nonaginta quinque, (vel ut alii decem supra centum) leucis à Metropoli *Lima* versus Arcum: viginti à ⁴⁰ *Truxillo*: septuaginta à *Patilla* versus meridiem. Municipium frequens & opulentum (prout accepi ab iis qui nuper viderunt) inter omnia quæ in planicie sita sunt: nascitur in agro illius multum tritici; etiam Sacchari cannæ: conficitur & *Anil*, sed inferioris notæ: Oppidum abest quinque leucas ab oceano, ad quem portum habet *Chencepen*: intermedio autem intervallo, nemora sunt amœna, & plures villæ rusticæ: portus haud admodum est commodus aut ab incertis ventorū & tempestatibus tutus, sed fluctuosior; quo fit ut naves in oneribus exponendis aut accipiendis diu multumq; laborent.

Proxima est urbs *Truxillo* vel *Truxillo*, in valle *Chimo* ad ripam modici amnis, è quo Hispani atque indigenæ variis canalibus & fossis aquam derivant ad hortos suos & viridaria irriganda; & per aqueductus deducunt in ipsum oppidum. Ager suburbanus hujus urbis judicatur imprimis salubris; illustraturque undiquaque multis prædiis rusticis, in quibus Hispani & pecuariam exercent & sementem faciunt: Vineta hic admodum frequentia, multæ ficus, & granatorum, aurantiorum malorum, atq; adeo omnium fructuum Hispanientium ingens abundantia: tritici uberrimæ messes: ita ut cives atque indigenæ abundent omni genere annonæ, & propter viciniam maris nunquam pene piscibus destituantur: Urbs sita est ad altitudinem vii grad. & xxx scrupul. citra Equatorem versus Austrum; lxxx leucas à Metropoli *Lima*, ut tradit *Herrera*; in ^{Truxillo}

planicie vallis exstructa, juxta petrosos atque aridos colliculos, plateis latis & contiguis ædificiis: barbari monticolæ descendunt tributum ad hanc urbem, ut civibus operam suam impendant & necessaria provideant. Inter præcipuas Peruviae urbes merito recensetur, & ut quidam tradunt, supra quingentas numerat domos; quatuor monasteria Dominicanorum, Franciscanorum atque Ordinis S. Augustini: Regii ministri hic habitant: in districtu illius habitant quinquaginta millia barbarorum vetigalium, ut censet *Herrera*. Saccharum quod in hisce regionibus conficitur in valle *Chacama* sive *Chicama* potissimum crescere docet *Acoña*: Portus denique quem vocant *el Arrecife de Trujillo*, abest ab urbe duas leucas, in sinu patenti & adversus incerta ventorum nequaquam præmunito; statio carinis malefida. Qui nuper oppidum hoc viderunt, insigne emporium esse restantur, & opulentum, ob agri subur-
bani & vallis imprimis *Chichama* insignem ubertatem: portumque illius vocari *Guan- chaco*, distareque ab oppido leucas quatuor: habitari denique urbem à mille quin-
gentis Hispanis, & plurimis indigenis atque nigriris.

Municipium la Parilla, quod & *Santa* dicitur à valle in qua situm est, distat à *Truxillo* viginti, vel ut alii viginti quinque leucas versus Austrum, & quinque supra quinquaginta, vel ut alii sexaginta à metropoli Lima versus Arctum; ad altitudinem novem graduum Australiū secundum *Herrera*: jacet juxta mare, ad ripas pulcherrimi fluvii, & omnium qui hanc planiciem secant maximi, qui per opportunum navigantibus portū præbet, adeo ut hi qui has oras prætervehuntur, hic aquare, ligna cædere, aliaque necessaria cōparare consueverint. *Olyverius* à *Noord* Belga ex aliorū relatione prodit in suo itinerario, haud lōge ab hoc municipio argenti metalla nuper esse inventa. Qui nuper locum viderunt restantur, *Santam* amnem singulari artificio transiri, nasci enim hic arbores quæ fructus ferunt instar cucurbitarum, sed utrimque compressos & orbiculares fere ad modum parmæ, quos indigenæ funibus trajiciant & inter se committant instar ratis: huic autem moli merces & impedimenta hominesque imponi, & à barbaris prænatantibus traduci, equis & jumentis juxta fluitantibus. Portum autem esse inter oppidum & amnem, in sinu adversus incerta ventorum satis munito. Agrum denique hujus oppidi fertilem esse longè optimi tritici, quod ut plurimum longe majori precio venundetur in oppido *Lima*, quam cæterarum convallium fruges. Oppidumque habitari à septuaginta aut circiter familiis Hispanorum, & multis indigenis atque nigriris.

Aracdo. *Aracdo* municipium situm est in valle *Chanca*, novem aut decem leucis à Metropoli *Lima* versus Arctum, & dimidia ab Oceano Australi; dives est vinetis: Dominicani hic habent monasterium. Addunt qui nuper viderunt, numerare circiter centum familias Hispanorum & multas indigenarum: amnem habet adjunctum, ad cujus ripas multa jacent prædia rustica: plurimum Sacchari hic fit; nec vindemia illaudata.

C A P. XXI.

Via, quæ per plana ab oppido Truxillo ad Limam ducit, reliqua.

Guanape. **A**B oppido *Truxillo* ad *Limam* à plurimis octuaginta numerantur leucæ. A valle nimirum *Chimo* ad *Guanapen* (quam *Garcilassus* vocat *Huanapay*) leucæ septem: nobilis fuit hæc vallis & indigenis olim frequentissima, & ob bonitatem porus (quem *Chicam* vocant suo idiomate) haud minus hic celebris, quam Madrigal in Hispania ob præstantiam vini, quod in agro illius nascitur: Indigenæ jam ad summam paucitatem redacti. Portus hic est amplus atque peridoneus, quem naves à *Panama* versus *Limam* tendentes solent ingredi, annonæ restaurandæ gratia.

Guanapen excipit alia vallis cujus nomen non prodit, in qua tantum parvus visitur ad solatium itinerantium comparatus, cujus aquæ à fluvio subterlabente provenire credit vulgus.

Santa. Hanc sequitur *Santa*, longissima & latissima vallis & indigenis olim frequentissima, qui nunc ad extremam paucitatem devenerunt, ita ut multi agri, colonorum inopia, inculti & vasti jaceant. Vestimētis jam olim utebantur, & vitris peculiaribus subfigabant capillos, aliaque usurpabant capitis ornamenta, quibus à vicinis distinguebantur:

bantur: fructuum hic magna abundantia tam peregrinorum, quam domesticorum; secatur à pernici fluvio & satis laro, qui quum pluvium pluit in montanis, plurimum infatur & cum discrimine atque non raro cum exitio tentatur, de quo supra. Qui mare Australe navigant, plerumque hic appellant aquandi gratia. Carterum ob nemorum & vepretorum in hac valle densitatem, tanta hic mosquitorum (culicum id genus) gignitur copia, ut iter hac habentibus in incolis sint molestissimi.

A Santa biduo itinere (vel ut alii sex leucarum) transitur ad vallem *Guambacho*, quæ amne modico irrigatur: ab hoc porro lesqui diei itinere ad *Guarmey* vallem (quam *Garcilassus* videtur vocare *Huallmi*) fuit & hæc olim frequens indigenis, nunc tantum pecuarius receptus, qui plurimos hic porcos, paucissima armenta alunt: habitantque, pagum ejusdem nominis, juxta portum per commodum & multarum navium capacem; ad quem *Spilbergus* noster anno cdo 1600, post Classem Pro-Regis Peruvix ab ipso proligatam, applicuit: observavitque eum distare ab Æquatore x gradus versus Austrium, sic satis illum commendans, licet nostri aquas è stagno haurire fuerint coacti: incolæ omnes cū suppellectile se subduxerant; hic visuntur rudera cujusdam castelli.

Guam-
bacho.
Guar-
mey.

Sequitur deinceps vallis *Parmonga*, sive ut *Garcilassus* vocat *Parmunca*, quæ licet præcedentibus omnino similis sit; tamen antehac nunquam videtur fuisse habitata si lucorum densitatem & agrorum vastitatem spectes: nihilque illustre sortita est præter rudera magnifici Palatii vel potius castelli (& prout res barbarorum erant) etiam bene muniti, & interior eleganter picti: multa hic ætria atque sellas fuisse apparet è vestigiis ruderum; quæ nunc penitus conciderunt, & plurimis locis sunt suffossa ab Hispanis, qui in defunctorum monumentis & ejusmodi rudibus magnos credunt abscondi thesauros. Narrat *Garcilassus* vallē hanc, cum adjacentibus imperio Cnscensi fuisse adjectas, ab *Inga Pachacutec*, perdomito *Curaca Chimu*. Ingas autem imprimis magni fecisse vallem hanc *Parmuncam*, inque ea arcem condidisse, opere admirabili, ad memoriam victoriæ de præcipuis litoralium Regulorum partæ: quæ tamen jam diu penitus conciderit.

Parmoa-
Ba.

Duabus à *Parmonga* leucis, sequitur fluvius *Guaman*, sive ut *Garcilassus* effert *Huaman* (quæ vox barbaris notat accipitrem) qui descendit in mare Australe, per eonvallem ejusdem nominis, quam tamen Hispani nominant *la Barranca*, hic fluvius ita turget dum pluit in montanis, ferturque tam præceps ut summa cum molestia & non levi discrimine transeat & non paucis exitio fuerit.

A *Guaman* transitur ad *Gauram*; & per hanc ad *Limam* ut *Pet. de Cieza* scriptum reliquit, quem hic potissimum sequuti sumus: Verum obliviscitur vallis *Chancay* in qua situm est oppidum *Arnedo* quam inter *Gauram* & *Limam* mediam esse oportet: nam *Gauram* octodecim intervallo abesse à *Lima*, prodit *Augustinus de Zarate* in sua Historia. Qui nuper hac iter habuerunt, testantur; post *Santam* sequi *Guambachi*; & mox *Casmam* inferiorem & superiorem, loca indigenis tantū culta: quæ vinum ferant, frugesque, & nutrant pecora. Hinc perveniri ad *Guarmey*, itinere xii leuc., per arenosos tumulos, aridissimos, & vix quicquam herbidi fortitos: à *Guramey* ad *Barancam* iv esse leucas; inde iter esse ad *Parmongillam* amnem juxta cujus ostium visitur mons editus & supra illius verticem ruinæ antiqui ædificii, hinc ad amnem *Barrancam*, qui distet xxiv leuc. à *Lima*: proximam esse *Gauram*, ubi optime sunt salinæ: in municipio autem habitare circiter centum familias Hispanorum, & longe plures indigenarum: Hic sunt aliquot machinæ saccharo conficiendo aptæ. Distat à *Lima* leucas viginti. Sequuntur loca arenosa, planissima, & denique *Chancay* sive *Arnedo* novem leucas à *Lima*.

Gaura.
Chancay.

Lima vallis, omnium quæ inde à *Tumbez* hanc planiciem occupant, longe maxima & latissima: quam *Garcilassus* etiam *Rimac* vocatam antiquitus scribit.

Lima.
l. 6. c. 30.

Mira narrant, qui hic diu habitaverunt, de cæli bonitate, & soli ubertate atque amœnitate; Temperiem enim aëris tantam esse, ut neque calor offendant, nec frigus sentiatur, aut unquam fœdo sit opus ne quidem infantibus primum natis. Maximus æstus sentitur mensibus Decemb. Januar. Febr. & Martio, hæc vera ipsorum æstas, dies autem ipsis sunt longissimi mense Januario, & quidem quatuordecim horarum; brevissimus vix infra xii horas. Metunt triticum mensibus Decemb. & Jan. uvæ incipiunt formari circa festum Navitatis, & maturantur mense Aprili, hoc enim mense vindemiam habent. A mense autem Mayo ad exitum Septembris hyemem suam patiuntur;

qua fit ut cœlum plerumque sit nubilum, & Sol interdum non videatur integro
 quatriduo, & ros quidam cadat instar nebulæ, (*Garum* vocari jam supra diximus)
 qui licet vix pulverem humectet, facit tamen ut colliculi, qui passim planiciem oc-
 cupant, plurimum graminis producant, quo armenta & pecora mirum in modum
 saginantur: Atque hæc quidem tempestas longe jucundissima est; qua & oleæ &
 aliæ arbores fructiferæ fructus suos maturant; Platani, Palæ, Lucumæ, & aliæ do-
 mesticæ plantæ juxta atque advenæ. Reperiuntur hic grandes (ut auctor meos lo-
 quitur) *Alfarsares*, id est, campi, in quibus nascitur herba quædam grossa & proce-
 ra, qua equi & jumenta nutriuntur, (nam palæ nullus hic est usus); ex quibus plurimi
 patricii faciunt summum questum. Omnes campi hujus vallis rigantur è tribus
 amnibus spacio sex leucarum, intersecanturque plurimis pulcherrimis fossis; ita ut
 hic plurima visantur prædia rustica & amœnissimæ villæ, horti & pomaria. In toto
 deniq; agro suburbano nulli reperiuntur angues, aliæ venenosa animantia: tantum-
 modo plures hic sunt culices. In hac valle plurimæ nascuntur canæ Sacchari; ita ut
 Saccharum hic admodum vili veniat, nimirum aroba Hispanica viginti quatuor aut vi-
 ginti octo regalibus. Magna quoque hic copia ficuum & uvarum passiarum; denique
 omnis annona hic longe vilissima: nam aroba carnis bubulæ obelæ & optimæ venit
 sex regalibus; in montanis autem bos maximus quatuor pezis sive ducatis: ovis Lima
 quidem decem, in montanis quatuor regalibus, & alia ad eundem modum. Pisces
 hic quoque viles & varii generis, longeque optimi; maxime ordinarii sunt quos Hi-
 spani vocant *Coruinas*, *Chiras* lingulæ sive soleæ, rayæ, anchovæ, boniti & crusta-
 cei varii. Triticum in urbe admodum vile, venit enim Hanega, id est; modius de-
 cem aut duodecim regalibus; Mayzii idem pene est pretium. Sed jam tempus est
 ut de ipsa urbe dicamus.

CAP. XXII.

Lima sive civitas Regum, Peruvix hodie Metropolis.

METROPOLIS hujus Conventus Juridici, atque adeo hodie totius Peru-
 viæ, appellatur ab Hispanis *Ciudad de los Reyes*, id est, civitas Regum, &
 plerumque vallis ipsius nomine in qua sita est, Lima. Distat ab Æquatore
 duodecim gradus & triginta (vel ut alii quadraginta) scrupul. versus Austrum: à
 Meridiano Tolætan oëtuaginta & duos gradus versus occidentem. Urbs & magni-
 tudine & magnificentia nulli Peruvianarum urbium secunda (nisi forte *Cusco* exci-
 pias.) Operæpretium autem facturus videor, si illam paulo accuratius descripsero,
 prout accepi à quodam qui plures annos in illa vixit.

Urbs rota divisa est in regiones quadratas, centum & quadraginta passuum sin-
 gulas, per quas ducuntur calles æqualis latitudinis, rectissimi omnes sine ullo flexu
 aut cubito; harum duæ & viginti quadræ jacent inter ortum & occasum; quatuor-
 decim inter Arctum & Austrum: ad arctum præterlabitur grandis fluvius, lapideo
 ponte satis valido stratus, quum Marchio *de Montes Claros* has provincias Pro-Rege
 administraret: Ad eandem plagam jacet & suburbium, *S. Lázaro* dicatum, itidem
 in quadras partitum: Ad orientem autem suburbium alterum in quo circiter oëtin-
 gentæ degunt familiæ indigenarum, qui & Hispanicam linguam percallent & opibus
 affluunt: Cingitur id vallo terreno, suasque habet portas; habetque collegium Je-
 suitarum satis opulentum; proprium habet legatum, cui cum aliquot suburbicariis
 pagis paret. In Civitate porro est Tribunal regium, constans ad minimum octo ju-
 dicibus, quatuor ministris quos vocant *Alcaldes de Corte*, duobus Advocatis Fisci;
 cæteriſque ministris: Præfider ut plurimum ipse Pro-Rex, qui & varios habet Secre-
 tarios: Percipit quotannis quadraginta millia pecorum sive ducatorum & quoties
 ad portum Callao descendit, tria millia ad expensas itineris; si vero ad alias regni
 provincias proficiscatur, decem. Præfecti prætorianorum stipendium annuum sunt
 tria millia ducat. Præfecti portus; Auditorum; Tribunorum militum vocant *Mae-
 stres de Campo*, totidem. Munia hæc omnia, præter Auditores, mandat Pro-Rex
 quibus vult, & alia longe plura: inrer quæ numerantur supra centum Vicariatus,
 sive ut ipsi vocant *Corregimientos*; magno amicorum suorum & familiarium emo-
 lumento;

lumento; sunt enim vicariatus, è quibus triennio, quo plerumque durant, centum millia ducatorum hauriti possunt: nec mirum quum ille quem sequor, sancte affirmet, se novisse Confessorem Pro-Regis, qui secum abduxerit trecentum millia ducatorum. Quid multa, innumera habet media Pro-Rex quibus & ipse rem faciat, & beneficium sit in suos. Habet & urbs suum Archiepiscopum, cujus annuus redditus accedit ad triginta millia ducatorum; plures prebendarios & Canonicos, quorum redditus annui sunt quinque aut sex millia; in summa omnes clerici opulentissimi sunt, ita ut hic Canonici sint qui possident trecenta millia ducatorum: Fide auctoris mei refero. Sed ad urbem redeamus. In medio habet aream majorem, ad cuius
 10 latus quod vergit versus Arcum, Palatium est extructum longe amplissimum, in quo & Pro-Rex Domicilium habet cum familia; & jus dicitur ab Auditoribus regis; ibidem & *Gaza* regia custoditur. Ad orientale hujus areæ latus visitur domus Archiepiscopi & Ecclesia major facta ad normam Hispalensis: Ad Meridionale sunt officinae variorum institutorum; ad occidentale denique, officinae aliquot institutorum, & porticus scriptionum publicorum; claudit prætorium Urbanum cum suo carcere: è regione armamentarii publici, in quo varia armorum genera, & largus belli apparatus reconduntur. In medio areæ pulcherrimus fons, aquas suas egerit in lapideum
 20 erantem. Porro ex hac Area ducuntur octo calles, qui omnes recta tendunt ad agros, ad singula latera bini, in hunc modum: primo callis qui secus prætorium Urbanum & latus Palatii, itemque Armamentarium publicum ducit ad fluvium & pontem; nam inter pontem & Arcam majorem, præter ipsum Palatium, interest tantum una quadra calle transverso à Palacio divisa: trans pontem transitur per suburbium *S. Lazari*, ad viam quidem regiam, declinando ad sinistram, quæ ducit per plurimos hortos & prædia ad alterum fluvium, ad cuius ripas jacet municipium *Carravilla* quatuor ab urbe leucas. Ad dexteram transitur ad arboretum, vocant *Alamedam*, & montem sive collem *S. Christophori* qui multis arboribus fructiferis confectus est in medio hujus suburbii, cum quatuor fontibus, & pluribus canalibus è fluvio derivatis, ad hortos & agros irrigandos; ab hoc pertinent octo ordines arborum ad monasterium fratrum discalceatorum, ad radicem collis supradicti; inter quod
 30 & fluvium via ducit ad *Lurigancho* Indigenarum pagum, unam ab urbe leucam, & perpendit ad montana usque per plurima prædia rustica. Secundus callis orditur ab area ad plagam orientalem, & ab ipso Palatio, & tendit ad macellum publicum, secus monasterium *S. Francis* longe maximum, occupat enim cum suo orto duas quadras; & secundum illius parietes ducitur callis ad monasterium *S. Clara*, quod est monialium, & recta tendit ad suburbium Indigenarum versus Arcum; perducitque ad stagnum, sive pulcherrimum fontem: è quo per fistulas subterraneas sive aquæductus, aqua deducitur ad reliquos fontes civitatis, nam lymphæ illius longe limpidiores & salubriores sunt, quam fluvii; pergit porro hic callis per multa prædia ad vallem *S. Mes* longe amœnissimam, quæ distat ab urbe quinque leucas. Terti-
 40 us callis orditur ad latere Palatii, & domus Archiepiscopalis, & pergit recta ad areolam Inquisitionis ad quam visitur *Casa Charitatis*, quæ accipit puellas pauperulas & feminas valetudinarias: atque inde ad areolam *S. Anna*, ad quam jacet cœnobium monialium discalceatarum, & Hospitale & parochialis Ecclesia *S. Anna*; In hoc Hospitali curantur indigene infirmi, habetque in annuo reditu triginta millia ducatorum: atque ita per alia loca, ducit ad viam regiam, quæ pertendit ad montana: de qua alibi dicemus. Quartus callis orditur ab area juxta Ecclesiam majorem, tenditque recta ad monasterium de *la Concepcion* longe maximum, & opulentum domum monialium: & porro ad Ecclesiam *S. Andree* & opulentum Hospitale Hispanorum; & declinando ad sinistram quidem jungit se cum area *S. Anna*, & via regia ad montana: ad dextram vero per aliam callem ad furna in quibus lateres fiunt; qui deinde
 50 descendit ad viam Regiam quæ per planiciem ducta est: Sequendo autem callem principalem versus orientem, pervenitur ad locum ubi optimus pulvis tormentarius conficitur, distantem ab urbe quartam leucar partem, & denique per multa prædia ad *Seneguilla*. Quintus callis secat latus meridionale areæ majoris, & per plateam institutorum qui pannos vestiunt sive vestes, tendit recta ad meridiem, secus monasterium fratrum de *la Merced* & cœnobium *Incarnationis*, quod est monialium, occu-

patque duas quadras; atque ita ad cœnobium novum Dominicanorum quos vocant recolectos: & desinit in viam Regiam quæ ducitur per plana: per hunc quoque descendendi potest ad mare. Sextus callis orditur ab eodem latere, & post quadram institutum, in qua circiter quadraginta officinæ numerantur præciosissimarum mercium, radit monasterium fratrum *de la Mercede*, parochiam *S. Didaci*, & Hospitale convalescentium, ad quod ex Hospitali majori Hispani traducuntur ut ibidem hæcreant donec laborem possint tolerare; pertenditque ad Magdalenam indigenarum pagum, dimidiam ab urbe leucam, & ad oram maris, quod ab hac plaga tantum tres quartas partes leucæ abest ab urbe. Septimus callis orditur à latere Aræ majoris occidentali, & complectitur primo plures institutorum officinas, deinde pergit ad Ecclesiam *de Monserrate* (à qua alius callis declinat ad meridiem, qui desinit in viam quæ ducit ad *Callao*) & deinceps per hortos ad fluvium. Octavus denique callis orditur ab Area majore secundum latus Prætorij urbani, & una quadra intermedia, pertingit ad monasterium Dominicanorum, omnium longe opulentissimum; cuius muros ab arcto lambit fluvius; ad quem descenditur per hunc callem. Atque hi quidem sunt octo illi calles principales, quos ab Area majori ordini diximus, sunt & alii, quos obiter attingemus. A monasterio *S. Francisci*, (de quo supra,) orditur callis qui pergit primo ad Collegium Jesuitarum, quos hic vocant *Theatinos*, longe opulentissimum: pone quod alter callis ducit ad *S. Martinum*, alterum eorundem collegium, in quo sunt circiter quingenti collegiales, maximam partem filii magnatuum hujus regni, qui ab ipsis instituuntur. Deinceps ad Trinitatem monialium cœnobium; ad domum orphanorum; & tertium collegium Sociorum Jesu, itidem locuples: porto ad nostra *Sennora de Guadalupe* monasterium Franciscanorum; & hinc salit via regia quæ per plana ducit recte ad Austrum, habens mare ad dexteram; hic jacent *Surco* & *Surquillo* duo Indigenarum pagi, unam atque alteram leucam ab urbe, secus mare, & pergit hæc via ad Pachacamam, in transitu invifens Jesuitarum prædium, ubi & Sacchari cannas plantarunt, & olivetum. Est & alter callis secus Collegium Theatinorum, per aliquot quadras mercatorum, tendens ad opulentum Conventum Augustinianorum, & *S. Sebastianum* parochiam divitem. Alii duo calles secundum parochiam *S. Didaci* recta descendunt ad *Callao*, habentque in medio principalem parochiam *S. Marcelli*, & monasterium Augustinianorum recolectorum. In summa habet hæc urbs sex parochiales Ecclesias & alias plures; quindecim cœnobia monachorum, Societatis Jesu, & monialium; quatuor Hospitalia in usum infirmorum & pauperum. Per superiorem partem urbis sive ad orientem discutuntur lateæ fossæ, quæ molas agunt intra civitatem: è quibus canales derivantur per omnes civitatis quadras, ita ut vix ulla sit domus quæ non habeat suum aquæductum. Omnes domus habent atrium, & porticus, & pleræque hortos, qui per istos aquæductus rigantur. Atramen ædes ut plurimum tantum uno tabulato sunt substructæ, ob materiei vitium, quæ hic pauculos annos durare dicitur & cito à carie corrumpi; parietes fere è trabibus aut tignis asseribusque compacti, & limo vel luto consipati; recta constant è rudibus tignis, quæ pictis linteaminibus inducunt, satis valido adversus ætrem, quum nunquam hic pluat, remedio.

Opulentissima haud dubio est civitas, utpote & Regalis Cancellariæ sedes, & Pro-Regis aula, & Archiepiscopi & reliquorum regionum institutorum domicilium: Eadem & Australis Americæ Emporium, atque adeo maris Meridionalis pene unicum: huc quippe omnis auri argentique gaza è vicinis Peruvix & Chilæ regionibus conducitur; huc omnes pene Europæ merces à Panamensi oppido & aliunde subvehuntur; eadem & Novæ Hispaniæ merces accipit; ita ut quotidie maximus mercatorum numerus confluat, & officinæ institutorum omnigenis mercibus ad miraculum abundent. Hinc omnis auri atque argenti gaza semel ut plurimum quotannis ad Panamensem portum traducitur, quæ non raro plures aureorum myriades excedit. Tota autem urbs aperta est, nullo muro aut vallo cincta, nullis excubiis noctu aut interdium aut ullo præsidio firmata, tantum in ambitu plures sunt horri, qui aggere terreo concluduntur. Oppidani gentis Hispanicæ, quæ mares quæ scennæ, omnis ætatis, non dicuntur excedere quinque millia: quum Nigritarum tam in urbe quam in vicino agro quadraginta millia dicantur numerari, utriusque sexus & omnium ætatum; quos

quos Hispani plurimum omnino inermes tenent, quia metuunt ne quid hostile in ipsos moliantur. Militum in civitate perparum est; nam præter duas turmas equitum, quarum una lanceis, altera bombardis militat, quæ stipendium à Rege accipiunt; & Pro-Regem quam extra urbem procedit, comitantur: octo ut plurimum sunt vexilla pedum, quæ è numero honestiorum civium collecta, nulla stipendia merent; quæque singula constant centum & quinquaginta viris: & sexcenti equites utrique in armis parum exercitati. Urbanus Magistratus constat viginti quatuor viris, ex ordine eorum qui census & ministeria Indigenarum possident, & magnis opibus pollent.

C A P. XXIII.

Portus civitatis Limæ qui dicitur Callao.

PORTUS civitatis Regum, appellatur *Callao*; distat ab ea circiter duas leucas; accollunt circiter sexcentæ familiae Hispanorum & aliquot nigritarum atque indigenarum; maximam partem nautæ, aut qui in mari questum faciunt: municipium extenditur in longitudinem secundum litus, habens diversos calles, quorum ii qui tendunt versus urbem sunt breviores: est monasterium hic unum atque alterum monachorum & domus patrum Societatis Jesu. Edificia quæ ad oram spectant, sunt fere cellæ & penuraria, quibus vina, tabacum, pix, funelque & alia conduntur; itemque apothecæ, quibus recipiuntur merces omnes, quæ ex Europa, Nova Hispania, aliisque orbis partibus afferuntur; quæque sine intermissione pene, ad urbem subvehuntur, carris, rhedis, atque jumentis: quorum quotidie iter hoc plenum videre est: neque ullum facile in toto orbe iter reperias, per quod eundo & redeundo, tanta gaza periclitetur. Ducitur autem totum hoc iter per hortos & prædia rustica, (quæ vocantur hic *Chacaras*;) ita ut aquarum inopia nusquam laboretur; ad aditum urbis, ubi carcer visitur Nigritarum, quem vocant *Peraltillo*, à quo deinde progredi licet, per omnes calles, qui allibuerint.

Portus ratio ita se habet: A Pachacama (de qua mox plura) extendit se ora ad pagum *Surco*, indigenis habitatum; ubi ora prærupta est instar muri, ita ut hic appellari aut exscendi non possit, inter medias tamen rupes exsiliunt dulces scaturigines: sequitur ad eandem oram *Surquillo*; & deinceps *la Magdalena* paulum à littore, & mox *Maranga* inter *Madalenam* & *Callao* (omnes hi sunt indigenarum pagi) atque hinc prominet continens angusto veluti collo ad insulam *de Lobos*; quæ admittit angustum fretum, per quod liburnicæ & minora navigia quæ ab Austro adveniunt, in portum *Lima* ingrediuntur; qui inde sese dilatat, cubito flexus intra continentem. Portus autem est securissimus & capacissimus, nullis brevibus aut rupibus contaminatus: grandiores autem onerariæ quæ ab Austro allabuntur, superant dictam insulam *de Lobos*, atque ita subeunt portum: à portu porro pergit ora ad ostium fluvii qui *Lima* præterlabitur, & juxta se producit in altum, sinum moliens: quinque leucas ab urbe, ad quem tantum Piscatores degunt. Ad hunc portum pertinent quadraginta quæ majores quæ minores naves; quarum tantum duæ, videlicet Ammiralia & Vice Ammiralia (Hispani vocant Capitaneam & Almirañtam) ancis tormentis solent esse instructæ, reliquæ pene inermes: & una triremis, quæ tantummodo carcer est facinorosorum & nigritarum. Municipium autem quod ad portum jacet, quod proprie dicitur *Callao*, nullis mœnibus diu fuit cinctum; sed postquam ab Anglis & nostratibus infestari cepit, nonnihil valli adjectum, & duo castella juxta ædificata & circiter triginta ænea tormenta disposita, ante ædes aut apothecas Regias; supra præruptum clivum, qui à fluctibus marinis valide pulsatur. *Franciscus* enim *Dracus* anno 1515 hunc portum ingressus quum duodecim naves in anchoris stantes invenisset, & in una illarum opulentam argenti gazam, præter varias omnis generis merces; maximam partem diripuit, & naves incisis rudentibus oceano committens, cum suis se contulit ad portum *Paite*.

Porro insula quæ hic continenti objicitur inter ætrem atque Austrum in longitudinem diducta, communiter vocatur Insula *de Callao* vel etiam *de Lima*; oblonga & angusta. Hanc nostrates adjerunt cum Classe *Nassovia*, cui præerat *Jacobus Eremita*.

Eremita anno clob c xxiv, mense Aprili, & in eadem se communiverunt: Est autem multis scopulis aspera & dulcium scaruriginum penitus expersum jugis tantum montium, reperitur herbæ cujusdam copia, quam nostri adversus scorbutum sumebant, præsentī remedio: dum hic haerent nostri & non satis virium haberent ad urbem aggrediendam, tentarunt aliquoties municipium Callao capere, sed frustra: E quinquaginta tamen aut circiter navibus, quas in portu stantes repererant, supra triginta incenderunt: nonnullas & ipsi Hispani ardentes postero die in nostrorum classem impulerunt, nullo nostrorum damno. Notandum denique è portu hoc quotannis solvere mense Februario Classē, ipsi vocant *la Armadilla*, quæ petit Aricam; atque inde revertitur sub finem, ut plurimum, Martii mensis, auro argentoque onusta; quæ à Potosianis fodinis, aliisque vicinis provinciis fuerunt deducta: omnis autem gaza exponitur in portu Limano, & ducitur carris & jumentis ad civitatem: eodem pene tempore accurrunt mercatores ex omnibus Regni Peruviani partibus, & advehitur aurum atque argentum à Cusco & intermediis provinciis, ita ut toto mense Aprili, ingens thesaurus hic aggregetur: qui sub initium May altera classe ad Panamam destinatur. Atque hæc de urbe illiusque portu dicta sunt.

Unicum hic addam, omnem hanc oram valde obnoxiam esse terræmotibus; narrat author meus, anno clob c ix mensis Octobr. die xix sub vesperam, tam gravem accidisse Civitati Limæ, uti supra quingentas ædes proruerēt, & pene omnes aliquo damno afficeret: anno autem clob c v: xxvi Novemb. idem accidisse in oppido *Tca*: In *Arica* vero etiam mare se movisse in illum modum, ut subito fluctibus oppidum oppleret, plures ædes prosterneret, & apothecas arenis & limo oppleret. Narrant nostri se terræ motum sensitse in insula de Callao mense Junio.

C A P. XXIV.

Pachacama vallis, ceteraque usque ad Guaracensem, & de municipio Cannete.

Pachacama.

REVERTIMUR jam ad Planorum descriptionem: Limanam vallem excipit celeberrima vallis *Pachacama*, distans à Metropoli, ut plerisque placet, leucas quatuor: amenitate & fecunditate nulli secunda; in qua fuit templum illud, auro atque argento opulentissimum, è quo *Ferdinandus Pizarrus* supra nongenta millia ducatorum dicitur hausisse, præter ingentem gazam, quam aut milites ante abriperant, aut Indigenarum sacerdotes ante Hispanorum adventum clam subduxerant; nam communis opinio est, barbaros immensum argenti pondus, & quantum quadringenti validi homines ferre possent studiose occultasse; quamvis hæcenus nihil horum fuerit inventum, licet Hispani miseros barbaros variis tormentis haud semel miserum in modum laceraverint, ut thesauros hosce revelarent: extant adhuc hodie rudera magnifici hujus ædificii, quod olim templum fuit Conditoris universi, ut scribit *Garcilassus*, non autem Solis, ut alii fuerunt opinati.

l. 6. c. 30.
Chilca.

Pachacamam excipit *Chilca* vallis, quæ licet neque unquam pluviis humectetur, est ullo amne aut torrente rigetur, tamen Mayzio & edulibz radicibz admodum est fertilis & fructiferis arboribus haud infœcunda; idque singulari indigenarum industria ac labore; qui altas scrobes agunt, in iisque faciunt sementem; ut autem Mayzium lætius germinet, Sardarum (pisium id genus, quod proximum mare infinita pene copia subministrat) capita pro fimo scrobibus indunt, usu & experientia edocti id fecunditati plurimum addere. Incolæ autem ex altissimis puteis aquam hauriunt ad potandum. Ingæ Peruviz monarchiz hic quoque Palatium, horrea & hortos habuerunt, & magnam annonæ vim congestam. Distat decem leucas ab urbe *Lima*, sex à *Pachacama*; habetque pagum indigenarum, qui gnaviter agris colendis dant operam.

Mala.

l. 4. c. 32.

Chilca trium leucarum intervallo proxima est *Mala* vel *Malla* vallis, quam dividit modicus annis, & opacæ sylvæ pene totam oblidet. *Acosta* in suis commentariis mirabile quiddam commemorat de hac valle. In *Mala* (inquit) tredecim leucis à Civitate Regum ficus arbor visitur, quæ ab uno quidem latere, quo Austrum & montanam regionem adspicit, germinat & fructus producit, iis mensibus quibus æstas

altus est in montanis, ab altero latere vero contra, iis mensibus qui æstivi in planicie indicantur: miro naturæ alternantis in tam exiguo intervallo & in una arbore indicio: quanquam alii de pluribus hoc asserant.

Quinque porro leucis à valle *Mala*, aditur *Guarco* vel ut *Garcilassus Huaren*, vallis Guarco. non minus in illis partibus celebris, quam præcedentes: maxima enim & latissima est, arboribusque plena, imprimis beneolentibus, delicatissimis *Guayavis* & longe pluribus *Guavis*. Solum tritici & Mayzii egregie est ferax, & reliquorum quæ feruntur admodum benigne patiens. Ingæ veteres Peruvix Monarchæ, hic sumptuosissimam & longe magnissimam arcem, ingentibus quadratis faxis substruxerant
 10 super editum collem, qui convalli imminet, cum suis atris atque vestibulis: à summa arce descendunt ad mare gradus lapidei, ita ut fluctibus marinis verberarentur, ita ut mirum videatur, quo pacto ista moles primum jacta fuerit. Palatium elegantissimis sculpturis, pro barbarorum capto, erat ornatum, & ingens Regum thesaurus hic custodiebatur; auget aurem admirationem, quod tam vasta saxa, sine ulla calce aut cemento ita sint coagmentata, ut juncturæ vix conspiciantur; licet autem hæc moles ævo jam concesserit, tamen vel ipsa rudera, magnificentiam operis hodieque satis demonstrant. Meminerunt illius plerique scriptores, & imprimis *Garcilassus*, qui narrat, temporibus Ingæ *Pachacutec*, hanc vallem cum *Chilca* & *Mala*, ereptam fuisse Principi in illis partibus potenti, cui nomen erat *Chinquimancu*,
 20 & imperio *Cusensi* adjunctam: *Guarco* autem imprimis indigenis tum fuisse frequentem, ita ut circiter triginta millia incolarum numeraret: & adjunctas valles ad eundem pene modum; nunc vel frequentissimam illarum (loquitur de suo ævo) vix duo millia numerare. Ingam autem ædificium hoc mirabile propter situm, extruxisse in victoriæ suæ memoriam & tanquam trophæum crexisse.

In hac valle hodie municipium ab Hispanis conditum, quod *Canneten* vel etiam antiquo nomine *Guarco* appellant; viginti quinque leucis à Metropoli *Lima* versus Austrum; scilicet autem leucam ab ipso Oceano Meridionali; ager hujus municipii tam est fertilis frumenti, & quidem optimi tritici, ut panis hic coctus plurimum celebretur; & maxima optimæ farinæ copia hinc ad alias Australis Americæ provincias navigiis transevehatur. Qui nuper hunc locum viderunt, testantur oppidulum incolæ à recentis Hispanis, pluribus Indigenis & Nigritis; ab hoc iteragi per oram maris ad diversorium *Asic* & inde ad *Malam*, ubi varia prædia rustica videntur, quæ Limanos dominos agnoscunt. Cannete.

C A P. XXV.

Via per plana Peruvix secundum oram maris à Guarco ad Ycam municipium Valuerde • Castro Virreyrna, oppidum.

40 **D**UABUS ab Arce *Guarcensi* leucis versus Austrum, descendit in Oceanum Australem insignis fluvius, quem, quemadmodum & adjunctam vallem, vulgo appellant *Lunaguanam*, nomine, uti *Acolta* indicat, à *Guana* mutuo. Lunaguanam. l. 4. c. 37. littora hæc legentes observant in objectis Continenti insulis & scopulis, magna copia, in tumulos & monticellos coacervatum, qui à barbaris traducitur in Continentem ad agros stercoreandos; utilissimam enim & opportunissimam hanc agrorum stercoreationem docuit illos experientia, adeo ut valles hæcæ fecunditatem suam huic fimo debere vulgo fateantur. Author meus qui nuper has partes lustravit, monet fluvium hunc satis amplum esse, descendere autem è jugo *Pariacaca*, sive è deserto ad illius radices, quod vocant *Punam*, quatuor leucis à Cannete; vallem
 50 autem *Lunaguanam*, ad radices montium sitam esse, & optimis fructibus abundare, præsertim uvis, Granatensibus malis atque cydoneis) qui cæteris omnino Peruanis fructibus palmam præcipiant; unde & optimum vinum hic premitur: non minus tritici, Mayzii & Paparum radicem secundum esse solum: habitatur à pluribus indigenis, & paucis Hispanis.

Ad ripas autem hujus fluvii, supra ostium, jacere tetras incultas, ob aquarum inopiam, rupto aquæductu cujus beneficio olim rigabantur; quæ tamen per se uberes sint,

sint, & magnam tritici & aliarum frugum copiam ferre possent, si industria & labor incolarum accederet.

Sex deinde à *Lunaguana* leucis visitur *Chinca*, magna & amœna vallis, & tam famosa per totum Peruviae regnum, ut *Pizarrius* quum hæc provincias regio diplomate sibi concedi impetrasset, limites præfecturæ suæ, *Tembopulla* quidem sive *S. Iscoli* flumine ad Arctum, *Chinca* vero ad Austrum definiri postulare; licet nondum eousque tum penetrasset, sola nominis fama permotus. Porro hæc vallis omnium litorariorum longe maxima est, arboribus opaca & imprimis fructiferis, tam domesticis, quam ex Hispania aut aliunde huic transactis: Tritici adhuc persecunda, vitiumque quas Hispani intulerunt perbenigne tolerans. Indigenarum 10 numerum, civilium bellorum rabies & Hispanorum sævitia multum imminuit, ita ut jam ad summam paucitatem sint redacti. Plurima rudera hic visuntur antiquorum ædificiorum; multaque monumenta in quibus cadavera visuntur pene integra, & juxta illa multa divitiæ conspuitur. Scribit *Garcilassus*, vallem hanc olim frequentem fuisse, & proprium habuisse *Chiracam*, quem *Inga Capac Ypanqui* domuit, & pro numine huic genti peculiari, quod vocabant *Chinca Camac*, solem adorare docuit, condito in hac valle sumtuosissimo Solis templo, & vestalibus illi adjunctis. Hic hodie pagus est indigenarum, ad quem à *Guanca Velica Hydragryon* deducitur, hinc navibus ad Aricam subvehendum. Ager est campestris ita ut plurimæ pecudes hic nutrantur, & plurimum casei fiat. Distat à Cannete novem leucas ut testatur 20 author meus, qui nuper vidit. Qui & hoc narrat, Indigenas Hispanorum adventum tantopere horruisse ut sponte se vivos sepelirent, & abderent in cavernis, cum sua suppellectile & plurimo argento; quæ quotidie ab Hispanis eruantur incorrupta.

Yca. A *Chinca* transitur ad *Tcam* vallem superioribus parem, tum soli ubertate, tum incolarum frequentia secat illam fluvius amœno blandus alveo, (*Pisco* vocat *Herrera*) verum æstivis mensibus & quum in montanis non pluit, tenuior, ita ut indigenæ tum aquarum inopiam patiantur: ut autem huic incommodo obviam irent, superioribus seculis, indefesso labore, in agros suos derivaverant fossam sive aquaductum inde à montium radicibus, qui jam temporum injuria penitus est collapsus; cæterum fructiferis arboribus persecunda est vallis, & vini copia imprimis commendatur 30 ab *Acosta*. Secat mediam vallem fluvius è quo plurimæ & grandes fossæ derivantur, quæ vineas rigant: hic fluvius incipit intumescere & inflari mense Decembri; neq; tamen patet toti valli rigandæ, sed plurimi agri aquarum inopia manent inculti. Sunt in ea aliquot indigenarum pagi, uti *S. Joannes* & *S. Martinus*; plurimi quoque barbari habitant circum oppidum: de quo jam dicam.

Valverde. Deducta ab Hispanis colonia in hanc vallem, oppidum vocat *Valverde*, à valle adjuncta ejus nominis longe amœnissima, quam ad sex leucas in longitudinem vineis plantatam tradunt, quæ generosissimum vinum maxima copia profundunt; sunt qui in hac valle quotannis quingenta millia botyarum (mensura est Hispanica æquans arobam unam liquidi, de qua alibi diximus) vini exprimi testentur. Oppidum est 40 pulcherrimum & locuples; numerans circiter quingentos Hispanos, habet Ecclesiam majorem, tria monasteria religiosorum, & Hospitale. Aer hic serenus & imprimis salubris; & solum expers omnium animantium venenatorum. Fœminæ Peruviae universæ formosissimæ prædicantur. Habet portum ad mare Australe sex ab urbe leucis, quem vocant *puerto Quemado*, ad quem vina deducuntur, ut navigiis ad alias provincias & *Limam* imprimis deducantur. Vendemia incidit in mensem Septemb. & Octobrem: mustum primo funditur in grandia vasa, quæ vocant *Tinajas*, deinde transfunditur in utres; Utraque autem tam vasa, quam utres, sunt in hac valle à Nigritis dextris in hac arte. Oppidum hoc habet Vicarium (vocat Corregidor) cui & *Lanasca* & *Piseo* parent: qui ab ipso Rege Hispaniarum constituitur: est enim magni emolumenti hic vicariatus, & imprimis opulentus. Distat oppidum à Metropoli *Lima*, ut *Herrera* tradit, triginta quinque leucis, ut alii, quinquaginta: à *Piseo* duodecim. In medio autem, ut ab idoneo autore accepi, harum duodecim leucarum, jacent quamplures *Mahamares*, id est, prata, cum aquis in usum jumentorum; mirabile autem, quum fluvius qui *Tcam* vallem secat, intumescit, tunc aquas horum pratorum minui atque arefcere; & contra quando fluvii alveus tenuior est, tunc

- est, tunc aquas in hisce pratis abundare. Inter arenosa loca & aquarum indiga jacet *Villacuri*, alia vallis, quæ licet & ipsa aquarum igopia labore tamen abundat vineis, & optimum fert vinum. Fert quoque ficus; arborum autem ea est proprietas, ut medio anni spatio fructus ferant ad latus suum orientale; reliquo ad occidentale, quod supra de una tantum arbore retulimus ex *Acosta*. A *Villacuri* ad *Pisco* vel *Piscam*, numerant quatuor leucas: portus est ad mare Australe non incelebris, (qui versus *Puerto Quemado* de quo supra, habet Insulam de *Sangallam*, itemque alteram quam vocant de *Paxaros*;) & securissimus; stant naves in anchoris mediam leucam à littore, nam quotidie sub vespeream perstant venti satis impetuosii à terra, quos hic vocant *Paracas*: oppidum juxta portum ejusdem nominis circiter quadringentos Hispanos numerare dicitur; habet monasterium Franciscanorum extra oppidum: pluresque apothecas ad oram maris, quibus vina aliæque merces recipiuntur. Oppidum quondam nullis mœnibus fuit cinctum, verum postquam Angli & nostri in Mare Australe ceperunt penetrare, murum duxerunt oppidani, securitati suæ consulentes, circiter quindecim pedes altum: uti à nostris fuit deprehensum anno 1610 cxxiv. Corregidor, ut vocant Hispani, *Valnerdes* sive *Ten* hic constituit qui suum teneat locum: habet & vallem adjunctam quæ ab amniculo rigatur, & vina fert præstantissima, & multo generosiora quam sunt *Tenensis*. Pertingit hæc vallis ad *Hunay*, (quatuor leucarum distantia) municipium barbarorum, per quod
- 20 iter ducitur ad *Chocolococham*, de qua mox dicemus, longe asperrius ut fere sunt omnia montana, viginti sex leucis à *Pisco*. Sed ad *Valuerden* redeamus: quatuor leucis ab oppido versus orientem, secus viam quæ ducit ad montana, aditur vallis *Tingez*, quæ licet neque amnem neque rivos habeat, atque ne pluvis quidem unquam humectetur, fert tamen ciceris omnium Peruvianorum longe optimos, & plurimum vini, aliosque fructus: plurimum quoque gossypii: ita ut à frequentibus indigenis habitetur, quæ hic prædiola sua colunt: per hanc vallem transit via ad montana, & quidem primo ad pagum sive municipium *Cordubam*; à quo transitur ad *Lucan*, provinciam indigenis habitatam; per quam iter habent, qui cum variis mercibus à *Lima* tendunt versus *Cusco*.
- 30 Ab eadem urbe *Valuerde* pertinet iter ad *Guamangam*; ad *Chocolococham*; & *Guanacabelicam*, & reflectitur ad vallem *Xauxam*; & alias, nam vina *Ycana* pene ad omnes provincias montanas traducuntur.

C A P. XXV.

Chocolococha sive Castro Virreyna & reliquæ Valles ab Yca ad Tarapacam & oppida aut municipia in eisdem sita.

- 40 **P**AULO ante diximus *Chocolococham*, quæ ab Hispanis vocatur *Castro Virreyna*, oppidum recentius, distare à *Pisco* leucas sex & viginti itinere asperrius, versus ortum: idem ut plerique tradunt, abest à Metropoli *Lima* sexaginta leucas & à *Guanacabelica* quatuordecim versus Meridiem. Celeberrimum est oppidum in hisce partibus ob magnam copiam absolutissimi argenti, quod eruitur & fodinis, quæ absunt ab oppido circiter duas leucas; sitæ autem sunt fodinæ istæ in jugo aridi montis sive punæ, jugiter nivibus tectæ, & supra modum frigida, ita ut omnes alias Peruvicæ punas nimio suo frigore dicatur antecire: regio nihilo secius saluberrima fuit, & ab omnibus venenatis animantibus immunis, quæque indigenas nutriat imprimis proceros & robustos: scæminæ Hispanicæ hic parere detrectant, ob nimium algorem, itaque prægnantes & partui propinquæ descendunt ad plana:
- 50 ob easdem causas & solum paucas alit arbores: labitur juxta oppidum exiguis annis, qui tamen molas agit quibus metallum tundunt franguntque: est autem vena saxeæ, quæ maxime commendatur colore cæruleo obscuro, aut candido subfusco: ista saxa conjiciunt in furios, uruntque *Tcho*, (quod est grammis quoddam genus oblongum, & ductile, quo in hisce regionibus ædium tecta solent concinnare:) adusta molunt tunduntque in pulverem; quem vas indunt, diluuntque aqua & hydrargyro; quod argentum attrahit & cogit in massam, scoris intactis; c quibus

F f

tamen

tamen & quæstum facere norunt nonnulli; ex iis conficientes metalli quoddam genus quod vocant *Negrillo*: deinceps argentum vivum igne separant ab argento; quod denique fundunt in laminas, quas vocant *Barras*: ex deinceps feruntur ad exploratores regios, qui tributo regio prius recepto, imprimunt notas quibus & argenti qualitas, & annus & numerus laminarum exprimitur. Observandum autem fodinas hæcæ argenti minus fecundas esse, quare Rex Hispaniarum hic tantum recipit decimas: attamen argentum longe absolutissimum generate, ita ut singulæ marcæ octo unciarum, æstimantur duobus millibus, trecentis & octuaginta maravediis: & quotannis edere circiter nongentas *Barras*, argenti decimatis: præter illud quod clam subducitur aut ab argentariis usurpatur ad omnis generis vasa. Habet hoc oppidum suum Præfectum, qui maximas divitias hic valet coaccervare. In oppido sunt plurimæ officinæ institorum: & vini cellaria, quod à planis huc adducitur, & (quod mireris) ibi etiam vulgare, hic evadit generosum, & optimum: est enim saluberrima & amœnissima cœli facies, ita ut etiam boves mactatos quam diutissime conservent incorruptos sine ullo falsi adminiculo. Ab hoc oppido pertinent calles ad *Piscum* & *Chincham* atque *Team*: itemque ad *Guanamangam* per Regiam viam montensem: præcipue autem ad *Guanabelicam*; transcunt autem inter tres lacus, altissimos & terribiles; quorum singuli pene leucam unam sunt longi; atque inde tendunt ad molendum argenti: & rursus secus magnum lacum, & per nivales montes, & tam tremendos ut vix universus orbis similes habeat: hi montes jungunt se cum *Pariacaca* (de qua alibi.) & mox per æternosam paludem, ubi difficile est rectum tramitem invenire; & per invios montes & vallem in qua plurimi guaci pascuntur, pervenitur ad *Guanacavelicam*. Invenio ab aliis annotatum inter Sangallam & Cuscensem oppidum interesse vastissima illa montium juga quæ vulgo ab Hispanis appellantur *la Sierra de Guaytara*, quæ ingens terræ spaciū occupare necesse est; si *Herrera* recte admonuit, haud supra quatuor leucas à *Lima* abesse. Sed ad valles littorarias regrediamur.

d. 6. l. 4.
c. 1.

Lanaſca.
l. 3. c. 18.

cap. 22.

t. 3. c. 9.

l. 3. c. 8.

Tienſem vallem excipiunt nobilissimæ & amœnissimæ valles, & limpidi amnes; vocant *Lanaſca*, sive ut *Garcilaſſus*, *Nanaſca*, (qui hanc vallem ab *Inca Capac Tapangui* imperio *Cuscensi* adjunctam narrat) infinito pene quondam incolarum numero celebres, quos Hispanorum seditiones & bella civilia penitus deleverunt. In una harum vallium, quæ peculiari nomine dicebatur *Caxanulca*, Inga quondam habuerunt stupenda ædificia & largam annonam in omnes usus sepositam: hodie excoluntur in hisce vallibus plurimæ Sacchari cannae ab Hispanis, ita ut interdum annuus optimi Sacchari proventus, teste *Acosta*, ad triginta millia ducatorum ascendat, quod mirum in tanta Sacchari vilitate, quam supra indicavimus. *Augustinus de Zarate* scribit his valles distare ab urbe *Lima* quinquaginta leucas. Portum habent ad mare Australe, quem vocant *S. Nocalaum*, à quo ad principalem vallem & Villacurin leucæ numerantur octodecim. Per has uti & cæteros ducitur Regia via jam sæpius à nobis nominata; videnturque locis arenosis & impeditis adhuc vestigia columnarum, quæ rectam semitam demonstrabant.

Atque ut hinc paulum digrediamur, ultra hanc vallem secundum viam quæ per montana ducit ad *Cusco*, habitant *Lucanes* populi, à quibus transitur ad provinciam *Parina coham*, sive ut *Garcilaſſus* effert, *Parihuana coham*, (id nomen sonat paludem volucrum quas Hispani vocant Flamencos;) grandem, fecundam, & auri divitem.

Ab hac autem per vastas solitudines, & nivosos colles ad *Aymaraum* provinciam: inde ad *Totoram*; à *Totora* ad regionem *Cumbibilarum*, atque ita ad *Acham* super fluvium *Apurima*, uti observat *Herrera*. Invenio autem apud *Garcilaſſum*, Incam ponte strato super *Apurimam*, transisse in provinciam ut ille loquitur *Cumpivillacarum* ad occidentem ab urbe *Cusco*, viginti leucas longam & decem latam. Hinc per desertum & paludem, locaque uliginosa, sædecim leucarum itinere, promovisse ad *Alleam*, atque ita porro ad grandes provincias *Taurisimam*, *Cotahuacæ*, *Pumatampa*, *Parihuana coham*: Ab hac per solitudinem *Coropuna* transisse ad provinciam *Arunni*, & porro *Collahuam* quæ fines vallis *Arequipa* attingit, de qua statim.

La Nascam

La Nascam excipit vallis *Hacari*, septuaginta leucas ab urbe *Lima*, ut *Didacus Fernandez* numerat: *Garcilassus* scribit, Ingam à *Guallaripa* (famolo monte ob copiam auri quæ ex illo fuit eruta) per solitudinem quinque supra triginta leucas latam, descendisse in hanc vallem, grandem, fertilem, & tum indigenis valde frequentem.

Hacarin sequitur *Oconna*, live ut *Garcilassus* vocat *Vuinna*; inde *Camana* & *Quilca* valles quæ suos habent amnes, & olim fuerunt populosissimæ, nunc ob easdem sæpe jam dictas pene desertæ.

In *Camanam* autem vallem colonia deducta fuit, *S. Michaëlis de Ribera* nomine, centum & tredecim leucas ab urbe *Lima*, versus Austrum: duas & viginti ab *Arequipa* versus Arctum, pertinet ad Episcopatum *Cusensem*. Ager illius ficuum, vini, & frugum fecundus.

Arequipa oppidum conditum est in valle *Quilca*: distat ab urbe *Lima* secundum *Petrum de Cieza* leucas centum & viginti; secundum *August. de Zarate* & *Herreram* in descriptione Indiarum, centum & triginta: à *Cusco* septuaginta aut octuaginta: (quod iter dum res Ingarum starent pisces inde à mari subvehiebantur, brevissimo tempore, quum per totum hoc spacium barbaris consistentibus, tantum veluti per manus traderentur, ut narrat Hispani) à mari denique Australi duodecim aut quatuordecim: agri bonitate & aëris temperie atque salubritate nulli Peruvianorum oppidorum concedens: nam & tritici perfertile est solum & optimi vini ferax: portum habet ad *Chile* fluvii ostium, quod secus oppidum descendit, ita ut mercibus Europæis & quæ à vicinis provinciis petuntur ut plurimum abundet. Distat autem ab argentifodinis *Potosianis* centum & quinquaginta leucas difficili atque impedito itinere, nihilo tamen secius olim omnis gaza per hoc oppidum deducebatur ad mare, uti hodie longe compendiosiore via ad *Aricam*. Haud procul ab oppido visitur *Vulcanus*, de quo mira narrantur: Estque ager hujus oppidi, (ut & omnis planities quod jam monuimus,) valde obnoxius terræmotibus ita ut anno c1515 lxxxix oppidum horribili concussu pene concideret: Anno autem c1516 e flammivomus hic mons tantum pumicum & cinerum eructavit, ut pene per totam Peruviam fructus omnes corrumpere, adeo late sese hunc cinerem dispersisse memorant: In agro suburbano vineæ ita fuerunt afflictæ ut quinquennio fructus suos negarent: murmur & horrendum boatum *Lima* auditum ferunt. Quid multa? ingens calamitas tunc urbem pluribus mensibus misere oppressit, quam prolixè describit *Thæa Garcilassus*. Habet oppidum suum Episcopum, & Corregidorem: Denique Diœcesis illius habet ab Arcto quidem *Hacarin* vallem, ab austro vero *Tarapacam*; ad orientem in provinciis *Condesuyo*, ut communi nomine ab Indigenis nominantur; complures pagos, quorum præcipui *Hubina*, *Chiqui-Guanita*, *Quimislaca*; & partem *Collaguarnum* populorum: fuerunt autem hæ provincie olim indigenis frequentes, nunc Hispanorum discordiis & bellicis expeditionibus mirum in modum exhaustæ: licet *Herrera* scribat in hac Diœcesi quinquaginta millia barbarorum vectigalium numerari. Haud longe ab oppido juxta viam quæ ducit *Chuguitum*, jacet vallis *Moquegua* fertilis & amœna. Denique juxta viam quæ ab oppido ducit ad *Collao*, duo visuntur lacus, è quorum uno *Apurimam* amnem effluere credunt.

Quilcam vallem sequitur *Chuli*; inde *Tambopalla* atque *Ulo*; denique ditissimæ valles *Tarapacæ*, plures enim hic & opulentæ argentifodinæ reperiuntur: Indigenæ valde pauci, qui piscibus capiendis ut plurimum vacant, isque victitant. *Garcilassus* has valles hoc ordine commemorat *Vuinnam*, *Camanam*, *Caravilli*, *Pistam*, *Quelleam*; dicitque valles istas in longitudinem, à montanis ad oram maritimam, ut plurimum extendi ad leucas viginti; in latitudinem vero haud amplius, quam fossis è fluviiis derivatis rigari possunt: quod est pro fluviorum amplitudine nunc duas, nunc tres, plus minuse leucas; reperiunt denique hic amnes, quos Indigenæ ita derivent, ut ad mare minime pertingant.

Provinciae mediterraneae, & via regia per montana Peruviae à Guancabamba:
provincia Chachapoja; & Moyobamba.

SUPERIORIBUS capitibus Planiciem Peruviae secundum ora maritimae dum profecti ad extremos Conventus Juridici *Limani* limites, ad mediterraneas, & montanas provincias nos converteremus, factò initio à *Guancabamba*, ad quam viam regiam supra deduximus, quum de *Quiteni* Conventu pertransiremus: quæ porro sequuntur pertinent ad *Limannum* Conventum.

Caxamalca.

À *Guancabamba* ad *Caxamalcam* sive *Cassamarcam* leuca: numerantur quinquaginta; via autem intermedia non describitur à *Petro de Cieça*; neque ex prima *Pizarri* expeditione satis potest intelligi. *Pizarrius* enim cum exercitu movens ex oppido *S. Michaelis* in valle *Piura*, trajecto flumine, primo intravit provinciam *Curaca Parvioris*, inter amenas & herbidas valles, à quibus bidui itinere aberat *Caxa*, vel ut *Garcilassus Cassa*; à *Caxa* autem unius diei itinere *Guancabamba*; interjaceret fluvius multis pontibus stratus, viaque regia hac ducitur. Ille autem provinciis hisce ad lævam relictis, è *Pavoris* provincia per desertum declinans ad pagum *Motux*, bidui itinere processit per frequentissimas valles, & postero die per arenosa & deserta loca pervenit ad fluvium: quo trajecto & tridui itinere per viam regiam, quæ per plana ducitur, absoluto, deflexit ad sinistram, atque ita per montana magnis itineribus contendit ad *Caxamalcam*.

Almagrus in eundem pene modum à *Caxamalca* ad oppidum *S. Michaelis* revertens, iter habuit per vallem *Xayaque*. Ut liquido pateat hos duces, maximam partem per plana Peruviae profectos. Plures autem provinciae montanae interfunt inter *Guancabambam* & *Caxamalcam*, quarum situs atque conditio, ex oppidi *Taín* & provinciarum *Chuquimayo* descriptione utcunque patuit.

cap. xiv.

Caxamalca provincia, ad quam pervenimus, longe maxima olim fuit & magni nominis dum res Ingarum flarent; nunc etiam *Pizarri* victoria, & *Achualpe* postremi Peruviae Monarchæ, clade, carcere & supplicio nobilis. Ingæ etenim habuerunt hic sumtuosissimum Palatium, cum magnificentissimo Solis templo, balneis, aliisque regis ædificiis, quorum hodie tantum rudera videntur; provincia autem hæc Diocesi *S. Michaelis* fuit adjuncta. Ager supra modum fertilis, & tritici haud minus ferax quam Sicilia; pascuis abundans & armentis; Mayzii & radicum quibus barbari pro farre utuntur egregie tolerans, nullorumque fructuum quos hæc America pars sponte producit, indigens: uti nec variorum metallorum venæ hic desiderantur. Indigenæ placido sunt ingenio, industrii & aulzorum, è lana ovium Peruvianarum, haud minus dexteri textores, quam Belgæ. Municipium autem quod provinciae nomen servat, ad radices montium situm est in patenti campo, qui à duobus annibus secatur, super quos pontes strati sunt. Distat hæc provincia nonaginta leucas à *Lima* & totidem à *Truxillo*. Qui autem à *Caxamalca* per montana, ut vocant, petunt *Limam*, iis iter est per provinciam *Gwaylas*, in qua pauci degunt Hispani; plurimi autem barbari, quibus sunt ingentes pecudum greges, è quarum lana, varia pannorum genera texunt. Vicariatus est (*Corregimiento*) imprimis utilis & locuples.

ls. c.

Præter hanc provinciam *Caxamalcam*, alia via à Peruviae Regibus strata est ad *Chachapoyarum* regionem, de qua antequam progrediamur pauca dicenda. *Garcilassus* describens nobis expeditionem *Inga Tupac Tupanqui*, qui *Chachas* vel *Chachapuyas* primus subjugavit; scribit illum primò ingressum provinciam cuius indigenæ vocabantur *Huacrachuci*, inde penetralle in *Chachapoyarum* regionem, superato prius asperrimo clivo *Pias*; & oppidum ejusdem nominis vacuum ingressos, diu hæsisse antequam transirent *Chirrac cassam*, nivolum per asperos montes aditum: cepisse postea *Cuntur marcum*, *Cassa marquillam*, *Papa marcum*, *Rozmy pampam*, *Sutam*, *Llewantu* pagos principales, præter plurimos minores. À *Llewantu* autem *Inga* misisse copias in *Muyupampam*, eamque imperio suo adjecisse, uti & *Cassayuncam* & *Guancabambam*.

In Cha-

In *Chachapoyarum* terra oppidum ab Hispanis est conditum, *S. Joannis de la Frontera*, centum viginti leucis à Lima versus Boream: primum quidem loco aspero & inæquali superstructum, quem indigenæ appellabant *Llevanto*, postea autem ad commodiorem locum in provinciam *Guancarum* translatus: (ita *Herrera*, credo a finitate nominum deceptum pro *Chachis Guancas* dixisse, nam *Guanca* incolunt *Xauxam* uti mox dicitur) pertinent autem ad Diocæsin hujus oppidi latissimæ *Chachapoyarum*, *Huacrachucorum* & *Cassayncæ* provinciar: in quibus haud paucæ sunt auri fodinæ; ingens armentorum & pecudum copia, è quarum lanis incolæ optimos faciunt pannos.

- 10 In hac provincia nascitur maxima copia, Amygdalarum quoddam genus, de quibus ita *Acofta*: Amygdalas omnes atque adeo cæteros Americæ fructus longe superant Amygdalæ *Chachapoyarum* (nam aliud nomen ipsis nequeo imponere): delicatissimus est fructus, omnium quosunquam in America gustaverim, & doctissimi Medici judicio omnes omnino tam Americanos quam Hispanienfes fructus antecellens: Sunt autem Montensibus sive Andinis paulo minores, Hispanicis autem majores aut saltem crassiores, teneræ admodum atque molles, succi plenæ & suavisimæ: Arbor quæ has fert procera est & ramosa: fructus autem aculeato cortice reclusus instar castanearum, sed majore paulum & spinosiore, qui postquam aruerit facile se pandit.

L. 4. c. 16

- 20 Porro hæc provincia *Chachapoyarum* fines habet ad orientem sublimia Andium juga, ultra quæ ingens fluvius *Moyobamba*, vel ut *Garcilassus* *Muyupampa*, alique minores ex hisce montibus orti, ad mediterranea decurrunt. Denique in hujus oppidi agro viginti millia barbarorum vectigalium dicuntur habitare, gens magis industria & candidior fere colore quam reliqui Americani; fœminæ autem formosæ, ita ut superioribus seculis in concubinas Peruvix monarchis submitterentur. Vicinæ provinciar ad Orientem sunt *Longa*, *Charasimal*, & pagi *Gomora* & *Coxon*: ad aliam plagam provinciar *Hafallao*, *Toncho* atque *Chillao*.

- 30 *Moyobambæ* indigenæ vicatim habitant, suntque ingenio obtusiores, & *Chancharum*, ut communis fere opinio, progenies. Hispani in hanc provinciam deduxerunt coloniam; municipio nomen *S. Iago de los Valles* vel etiam à provinciar nomine *Moyobamba*, supra centum leucas ab urbe Lima versus Aquilonem: viginti quinque ab oppido *S. Joannis de la Frontera*; in regione ob creberrimas pluvias quidem humida, sed pascuis læta. Cæterum hæc provincia insalubrior judicatur ob annuum multitudinem, montium altitudinem & sylvarum pene inviam densitatem.

Moyobamba.

Inter utramque autem provinciam *Chachapoyam* & *Moyobambam*, interjacet altera quam Hispani vocant *los Morilones*, incolis infrequens, annonæ indiga, & multitudine intercurrentium annuum admodum impedita.

C A P. XXVII.

- 40 *Via Regia per montana à Caxamalca ad Guanucum.*

- A D *Caxamalcam* revertor, à qua ad *Xauxam* famosissimam totius Peruvix vallem plures quam octuaginta leucæ numerantur. Ab extremis enim hujus provinciar finibus ad *Guamachuco* vel *Huamachuco*, ut vocat *Garcilassus* à nomine *Curaca* qui illi imperabat, antequam ab Inca Capac Yupanqui subjugaretur; Amplissimam vallem atq; indigenis olim frequentissimam, undecim leucarum iter est. Interjacet autem altera vallis peramœna & fertilis, cujus nomen non proditur, quæ propter montes qui illam cingunt, fervidior existimatur: interfecat illam fluvius, cujus ripæ & tritici fertiles & vitibus, ficubus aliisque Europæis fructibus peropportuna. Veteres Peruvix monarchæ hic Palatium, horreaque construxerant, multaque arva in usum militaris annonæ seposuerant. Provincia *Guamachuco* incolæ neque lingua neque moribus quicquam differunt à *Caxamalcanis*, sed numerus illorum superioribus annis multum imminutus; cælum magis frigidum quam calidum; Solum abunde subministrat omnia vitæ humanæ necessaria. Maxima Peruvianarum ovium copia hic quondam fuit, hodieque in montibus ingens *Guanacorum* & *Vicnnarum* vagatur multitudo. Ab hac provincia, alia via in eundem modum ab *Yngis* complanata

Guamachuco.

planata fuit quæ ad *Conchucorum* provinciam defleat & in provincia *Bombon* de-
mum cum priori se conjungit.

Cochu-
ci.

Conchucorum vel *Cunchucorum*, ut vocat *Garcilassus*, provincia abest bidui itinere
à *Guamachuco*; indigenæ illius statura sunt modica, olim quidem frequentes, nunc
Hispanorum vexationibus & crudelitate pene exhausti. Multa hic auri atque argenti
metalla esse dicuntur; & *Ingæ* quidem juxta viam regiam hospitia, in medio autem
Provincia habuerunt Palatium, quæ jam ævo concesserunt.

Piscobá-
ba.

A *Conchucis* ad *Piscobambam* vel *Piscopampam*, ut vocat *Garcilassus*, septemdecim
sunt leucæ, indigenæ hujus provinciae sunt moribus bene compositis & amantes
Christianorum: ager illorum fertilis, omni genere frugum & fructuum abundans. 10

Guaraz.

A *Piscobamba* ad *Guaraz*, vel ut *Garcilassus* vocat, *Huaraz* sunt octo leucæ; provin-
cia hæc est montosa, adeoque aspera, ut mirum sit quomodo hic viam regiam po-
tuerint moliri: indigenæ duri & laborum patientes; ita ut ne à metallicis quidem
abhorreant. Arcis quadratæ vestigia hic videntur, è saxis satis eleganter pro bar-
barorum caput extructæ.

Pincos.

A *Guaraz* transitur ad *Pincos*, sive ut *Garcilassus*, *Pincu*; quam provinciam interluit
fluvius: indigenæ & decora sunt facie & moribus minime inurbanis. *Garcilassus* me-
minit & alterius provinciae prope *Pincos*, quam vocat *Chucurpu*.

l. 6. c. 12.

Guanco.

cap. 80.

Sequitur deinde longe maximum & sumtuosissimum Palatium post *Caxamalcam*,
quod appellant *Guanco* & *Garcilassus* *Huanucu*; de quo *Petrus de Cieza*; In *Guanucu* 20
(inquit) erat Palatium regium, operis admirabilis, nam & saxa erant prægrandia &
concinne admodum coagmentata. Id erat caput vicinarum provinciarum usque
ad Andes; adjunctum erat Templum Solis, cum suis virginibus & ministris & tantæ
fuit dignationis dum res Ingatum stabant, ut continuo hic ad triginta millia barba-
rorum ministrarent.

Hic jam cernitur colonia & oppidum Hispanorum, vulgo *Leon de Guanuco*, quin-
quaginta vel ut alii quadraginta leucis à Metropoli *Lima* versus Aquilonem, secus
viam regiam quæ ducit per montana. Urbs ab aliis vocatur *Guanuco de los Cavallos*;
est imprimis locuples, & amena, omnibusque rebus necessariis abundans tam ad
vitam quam voluptatem: circiter trecentas familias Hispanorum numerare testan- 30
tur, qui haud ita nuper videre, & plures barbaros atque Nigritas: habet suum *Cor-
regidorem*, & monasteria religionum, & Collegium Jesuitarum; & casas nobilium.
In ambitu jacent plures indigenarum pagi: & haud longe ab oppido argenti fodina,
quæ argentum edit minus absolutum. Haud longe quoque ab oppido labitur flu-
vius *Marannon*, ut vocant, qui in montibus *Bombon* oriens, labitur per *Xauxam*, pene
ad *Guamangam*, colligens in se omnes omnino amnes qui ex altissimis illis montibus
descendunt; & reflectens se præterlabitur *Guanucum*. Ager porro urbis, quem quidam
vocat *Paradysum*, & salubri gaudet cælo & solo perquam fertili & pecorum fecun-
do; nec argenti venarum inopi. Indigenæ sunt acri ingenio, impigro, docilique; jam
tritici sementem facere didicerunt ab Hispanis, Mayzio suo pene abdicato, quippe 40
quod & minus nutriat & crassior & magis copiosum gignat sanguinem, ut quidam
opinantur. Vitæ quoque tolerat regio, & ficus aliasque domesticas & advenas
arbores fructiferas. Armentorum & jumentorum, pecorumque jam ad miraculum
dives: Sylvæ scatent perdicum aliarumque avium copia; montes vero & saltus feris,
leonibus, ursis & similibus. Dicepsi hujus oppidi comprehenduntur *Conchuci*, am-
plissima *Guaylarum* provincia, *Tamara*, *Bombon*, & plures aliae: adeo ut triginta millia
barbarorum vectigalium intra fines illius contineri scribat *Herrera*. Quæ quidem
provincia & populi olim ad Metropolim *Limam* pertinuerunt, sed postquam Regni
utilitas postulat alterum hoc oppidum condi, multum licet adversantibus *Limanis*,
ut scribit *Cieza*, *Guanuci* civibus fuerunt attributæ. 50

cap. 79.

Ad eandem quoque Dicepsin referuntur *Vitici* in summis Andium jugis, asper-
rime & impeditiissima loca incolentes, ad quos *Mango Inga*, Hispanorum sævitiam
declinans postquam Ingarum imperio everso aliquot annos per ludibrium regnasset,
securitatis causa profugit, & Hispanis sæpe ex improvviso magnam intulit cladem; ut
Historiæ Hispanorum testantur.

*Via regia per montana, & provincie à Guanuco ad Guamangam;
itemque à Lima ad Xauxam.*

Guanucensem provinciam excipit *Bombon*, provincia & natura munitissima & Bomb.
situ locorum aspera, incolisque imprimis bellicosus & pugnacibus frequens:
editissimam esse totius Peruviae regionem & non minus planam, testatur
10 *Augustinus de Zarate*: ideoque & frigidissimam & multa grandine & assiduis ni-
vibus rigentem. Hic visitur Lacus decem leucas ambitu suo complectens, in solo
modice elato, & altissimis montibus in ambitu undique septus; indigenae ripas
illius accolunt vicatim, olim quidem frequentissimi, nunc vero numero paulum
imminuto, praeterquam in montanis & asperis regionibus, ubi hodieque maxima
ferocissimorum barbarorum copia reperitur. Ob soli frigiditatem, Mayzii quidem
penuria hic laboratur, non desunt tamen radices, aliaeque edulia humanis usibus
comparata. In ipso lacu eminent scopuli, multaeque perexiguae insulae, quae juncos,
aliasque ferunt herbas, quibus indigenae pecora sua non modo alunt, sed & saginant:
20 aquis autem hujus lacus famosum illud flumen, quod vulgo vocant *Marannon*,
cujus jam supra meminimus, nutrirī volunt, nam è lacu profluens amnis & per
Xauxa vallem delatus, jam vastus per se, mox receptis aliis amnibus, *Parco*, *Bilca*,
Abancay, *Apurima* atque *Tucay* ad orientem citus fertur & pluribus fluminibus in
progressu auctus, descendit in *Marannon* ut vulgo credunt, ut autem magis veri-
simile judico in *Paraguayam*. Sunt qui provinciam *Bombon* tantum viginti quatuor
leucas abesse volunt ab urbe *Lima*. *Garcilassus* vocat hanc provinciam *Pumpu*. La-
cum autem jam dictum appellant nonnulli *Laguna de Chíncha cocha*. c.xxvii.

Bombon decem leucarum intervallo excipit provincia *Tarama*, ccelo longe me- Tarama,
lior ideoque & Mayzii atque tritici fertilior, ceterorumque fructuum longè feracior:
Multa hic olim fuerunt regalia aedificia. Hujus latus claudit provincia *Assavillorum*
30 & ad orientem in ipsis montibus aut paulo ultra *Chupachorum* regio, atque flumen,
per quam transitur in regionem *Mama*, ultra quam ad orientem densissimae occur-
runt sylvae & merae solitudines.

A *Tarama* per regiam viam pervenitur ad *Xauxam*, totius Peruviae celeberrimam Xauxa.
provinciam, per quam *Xauxa* fluvius labitur, quem è lacu *Bombon* aut saltem
ex illius montibus oriri diximus; & qui vulgo in Peruvia appellatur *Marannon*; cre-
dunt enim longissimo intervallo per mediterraneas provincias dilapsum & pluri-
mis aliis fluminibus auctum in mare Septentrionale exire. Patet hæc vallis qua-
tuordecim leucas in longitudinem, quatuor aut quinque in latitudinem; olim inco-
lita frequens, ut quum primum Hispani hac iter agerent, triginta millia barbaro-
rum hic habitasse credantur: nunc vero (inquit *Cieza* de avo suo scribens) vix de-
cem supersunt millia. Indigenae uno nomine dicebantur *Guanæ*, vel ut *Garcilassus*, l.c.c.16.
Inuancæ, licet *Herrera* eosdem etiam appellet *Taos*; verum *Garcilassus* longe aliam pro-
vinciam videtur facere, in qua *Tanyu* ut ille scribit, habitavit: nam post *Xauxam*
atque adeo *Caxamalcani* jam perdomitas, quum *Ynga* jam triumphabundus repe-
teret *Cusco*, ex itinere ad hanc divertisse provinciam, quam dicit asperam situ, & bel-
licosus barbaris frequentem fuisse. Eundem post *Xauxam* subjugatam, provinciam
divisisse in tres regiones, quarum prima dicta fuerit *Sansa* sive *Xauxa*, altera *Marica-
bilca* vel *Marcavilca*, tertia *Laxapallanca* vel *Laesapallanca*: in singulis autem condita
fuerunt regia Palatia, in priori autem ad ipsum vallis ingressum longe sumtuosissi-
mum: cingitur hæc vallis undique à nivosis montibus; abest à Metropoli *Lima*,
50 ut *Herrera* numerat, leucas triginta & sex, vel ut alii quadraginta. Atque ut
hoc per digressionem moneamus, iter à *Lima* ad *Xauxam* instituitur in hunc
modum.

A *Lima* transitur per vallem *Senegüllam* (quæ distat ab urbe quatuor leucas) ad
Chontajo del Mar, alteram vallem copiosam novem leucis à *Lima*; & deinceps supe-
rato amne venit *Siscayum*, indigenarum municipium, decem ab urbe leucis: nox

adversa fluvii ripa ascenditur ad *Chorillo*, indigenarum itidem pagum, loco edito situm, tredecim leucis ab urbe: hic jam plueret & tonare incipit. Hinc ad *Guadacheri* opulentum indigenarum municipium, qui in pluribus pagis habitant ad clivos & in convallibus, & communi nomine appellantur *Capiyunga*. Inde per valles & montes ascenditur ad editissimum horum montium jugum, quod appellatur *Pariacacca* duas & viginti leucas ab urbe; itinere longe difficillimo & periculossissimo; & quidem duplici, uno quod vocatur *la Escarilla*, quia gradibus quibusdam de petra excisis ascenditur cum summo discrimine, ruendi in præceps, atque adeo in paludem admodum altam quæ subtrus jaceret; id iter exit ad *Atunxanxam*, ubi fluvius *Marannon*, ut vocant, lapideo transitur ponte. Altero (vocant *El Atajo*) quod per amnem (qui per plana delapsus in mare Australe egreditur juxta *Canneten*) ducit, qui se abscondens sub terra leucam unam, rursusque emergens, ponte ab ipsa natura strato transitur; & tendit porro callis ad rupem *Pacacacham*, ubi hic amnis de jugo se præcipitat per certam rupem in abyssum cum horrendo murmure; à *Pacacacha* per montes & solitudines tandem descenditur in vallem *Xanxam*.

Denique, uti accepi à quodam qui nuper viderat, in hac valle sunt hodie quatuordecim indigenarum pagi; est grande & amplum *Corregimiento*, ut vocant, in quo visuntur aliquot cœnobîa Franciscanorum & Dominicanorum; qui barbaros instituunt: Abundat vallis *Mayzio* & tritico; optimâ suillâ; & fructibus omnis generis. Inter pagos celebratur *Guancajo*, ubi diversorium sive *Tambo* visitur itinerantibus valde opportunum. Licet autem indigenæ hujus vallis, jam plerique Christianis Sacris sint initiati, sunt tamen inter eos non pauci qui antiquas gentilitatis suæ superstitiones retinent; quique Dæmonem adorant, quem vocant *Supay*, non quod malum esse diffideantur, sed ne ipsis male faciat.

A *Xanxa* ad oppidum *Victoriam* sive *Guanamangam* leucæ sunt triginta. Nam viam regiam sequentibus, primum occurrunt loca edita sive montes, qui vallem illam claudunt, in quibus veterum ædificiorum rudera visuntur: & deinceps pagus *Acos* juxta paludosum arundinerum: Indigenæ autem degunt paulum extra viam, in asperis atque incultis montibus qui ad dextram jacent.

Ab *Acos* transitur ad Palatium *Pico*, arque ita per editam planiciem sensim descenditur ad fluvium *Xanxam*, cujus ripæ hic junguntur ponte, quem barbari vocant *Angojaco*; juxta hunc olim fuit Palatium regium & balneum aquarum calidarum, quæ è vicina featurigine ebulliunt: ab hoc ponte transitur ad alterum, qui stratus est super alterum amnem, æstivis quidem mensibus tenuem, sed qui hybernis in immensum augeat: adversæ ripæ adsidet pagus *Picoy*: à quo rursus ascenditur ad Palatium *Parcos*, quod situm est in vertice montis, & undique incultis, atque asperis collibus cinctum, quos indigenæ habitabant. Haud procul hinc in solitudine visuntur rudera *Pucara* cujusdam (nam nomen hoc commune est omnibus locis à natura aut arte munitis) regii quondam Castelli, ad quod vicini barbari tributa sua comportare jubebantur. Indigenæ autem harum Regionum, ut plurimum domesticilia sua habent in nivosis montibus, in convallibus vero faciunt sementem, quæ ab altis montibus à frigore defenduntur: plurima hæc dicuntur reperiri argenti metalla.

A *Parcos* per montes & declives colles ad fluvium ejusdem nominis descenditur, qui ponte transitur super lapideas columnas strato. Hoc flumine superato, ducit via regia, primo ad *Affangaro*; deinde ad *Guanamangam*: A *Parcos* autem ad *Guanamangam* numerat *Herrera* leucas undecim; *Augustinus de Zarate* ad *Cusense* oppidum quinquaginta.

Rationem hujus itineris in hunc modum descriptam accepi ab uno qui nuper viderat: E *Xanxa* nimirum venit *Acos*, diversorium sive *Tambo*; inde per certos clivos secundum ripam fluminis *Marannon*, ut vocant, venit *Casmas* ubi pulchri visuntur horti, & sequendo fluminis ductum per difficiles tramites, transitur pons lapideus, & relinquuntur via ad levam qua itur ad *Guanca Velicam*, de qua mox: hinc ascenditur editum jugum & valde asperum, venitque ad diversorium de *Picois*, unde seaperiunt tanti & tam alti montes, ut nullus inde egressus videatur, in quibus tamen visuntur aliquot indigenarum pagi, & flumen ob profunditatem tam angustum apparet,

ut tantum rivulus esse videatur: hinc transitur ad diversorium *Parcos*, à quo clivus descendit, leucas duas & semilem, unde videtur Insula in medio fluminis *Maranon*, in qua est plumbifodina & frequens pagus indigenarum; atque hic flumen quod hactenus, nimirum usque ad insulam, labitur ad orientem, cubito flectitur versus occidentem accipitque hic alterum fluvium, qui ad finem hujus clivi transiit per pontem singulari industria factus: tendunt nimirum crassos funes ab una ripa ad alteram, & transversis alligant fasciis; quæ uti & funes contorti sunt è pita aut maguicy; & supersternunt stoream è villis textam; munitioneque ad latera aliis rudentibus & fasciis; sustentant utrumque pontem hunc columnæ saxæ; in medio vero
 10 pender tremulus, ita ut sæpius Græce astringi opus habeat: ubi autem alveus fluminis tenuior est, vado transitur. Postilla pervenitur ad diversorium *Afangaro*, & relinquitur ad sinistram *Guanta* & alii pagi indigenarum, quæ suum habent *Corregidorem*. Hinc denique, si fluvius vado transiri possit, per vallem *Vinaquen* venit ad *Guamangam*, de qua jam dicemus. Guanta.

Guamanga sive *S. Juan de la Victoria* oppidum situm est ad altitudinem tredecim graduum ab Æquatore versus Austrum; Sexaginta vel ut alii octo supra septuaginta leucis ab oppido Lima versus Eurum, juxta regiam viam quæ per montana ducit, in patenti planicie ad radices monticulorum, qui uno & continuo ductu ad australem plagam urbi prætexuntur: ad ripam limpidissimi & potari apertissimi torrentis; ædes
 20 fere è saxis substructæ & regulis desuper textæ; tria in urbe templa, diversa monachorum cœnobîa, multæque confraternitates, ut vocant, tam barbarorum quam Hispanorum: nec non una Nigritarum; & Hospitale quod cum pulcherrimis harum regionum facile certat: Habet suum Episcopum, & Corregidorem ut appellant. Cælum hic admodum salubre nec solis ardore nec vespertino rore noxium, sed alternante frigore atque calore egregie temperatum: in agro multæ visuntur Hispanorum villæ, in quibus ob pascuorum bonitatem & amniculorum intercurrentium opportunitatem, ingentes pecorum greges pascunt. Amniculorum autem maximus dicitur *Vinaque*, ad cujus ripas visuntur rudera antiquissimorum ædificiorum, quæ barbari superioribus sæculis ab alia natione extructa narrant, nec vero id absi-
 30 mile, nam Architecturæ modus longe differt ab eo quem posteriores Peruvii Reges sunt secuti. In vicinis flumini agris, copia colligitur optimi tritici, & quod cum Europæo cerret, è quo præstantissimum panem coquunt. Æstivis mensibus nunquam pabuli inopiam patiuntur jumenta, præsertim quia in America nullum fœnum colligere consueverit. Andium juga, quæ ab Hispanis appellantur *Cordilera*, absunt ab hoc oppido leucas octodecim.

Indigenæ hujus provinciæ, statura sunt mediocri, subfusco colore, tardo ingenio, pigri & mendaces; ad nequitiam satis industrii. Eorum numerus, qui quidem vestigales sunt, ad triginta millia dicitur ascendere. *Cocæ* magna copia colligitur in finibus hujus provinciæ, nec non mellis: medicis quoque herbis luxuriat tellus; una
 40 autem noxia & venenosa, *Mio* vocant, quæ animalia, si atigerint, enecat. Inter animalia humano victui apta, excellunt damæ, quarum carnes comparant vitulinis: inter noxia unum, cujus urina tam gravem atque adeo pestilentem fundit odorem, ut è longinquo sentiat, & nunquam è vestimentis elui possit. Multæ denique in hac provincia, auri, argenti, hydrargyri, ætis, ferri, plumbi, sulphuris nec non magnerum fodinæ.

C A P. XXIX.

Reliquæ mediterraneæ provinciæ ab oppido Guamanga ad Cusco:
 50 *Guancabelicæ fodinæ; & Chocolococha sive*
Castro Virreyna.

A Provincia & oppido *Guamanga* ad Cusensem Metropolin vulgo sexaginta numerantur leucæ; ab *Augustino* autem de *Zarate* octuaginta: aspero & permolesto itinere, ob montium vastitatem & petrarum asperitatem.

Duabus à *Guamanga* leucis planicies *Chupa* jacet: undecim vero Palatium longe maxi-

Bilcas. maximum *Bilcas*, quod in ipso regni Peruviani meditullio situm esse barbari jam olim judicarunt, & Hispanorum itineribus comprobatur, tantundem viæ esse à *Quitsen* oppido ad *Bilcas*, quantum à *Bilcas* ad regnum *Chile*. Palatium autem hoc totius regni longe maximum & splendidissimum fuit, hodie tantum rudera & miserum cadaver tantæ molis conspicitur. Hic jam visitur municipium indigenarum, multis pagis undique cinctum, quod suum habet *Corregidorem*, ut vocant; Solum hoc totius Peruviae editissimum judicatur.

**Vramar-
ca.** A *Bilcas* ad *Vramarcam* septem sunt leucas, flumine intermedio, quod à superioris Palatii nomine *Bilcas* appellatur & ponte centum & sexaginta passus longo transitur. Hoc flumen oritur in provincia *Soratum*, perfecunda & rebus omnibus necesse-¹⁰ sariis affluente; indigenæ illius bellicosi, eademque lingua utuntur, qua *Lucanes*, eodemque modo lanceis vestibus amiciuntur, possidentque ditissimas auri & argenti fodinas. *Vramarca* indigenæ olim dicebantur *Chance*, provincia autem *Andabayla* sive *Andaguayla*, in qua multa ædificia regalia fuerunt atque horrea. Maxima & latissima est provincia, armentorumque secunda, tritici fertilis, & in calidioribus vallibus multorum fructuum. Jam maxima indigenarum pars sævitia & civilibus Hispanorum bellis pene est absumpta. A *Gnamanga* ad *Andaguaylam* viginti leucas numerat *Herrera*. *Garcilassus* vocat hanc provinciam *Antabayla*, & scribentationem *Chancam* olim plures populos comprehendisse, uti *Hancobualla*, *Ptunfulla*, *Vramarca*, *Vilca* & alios. Notandum autem illarum gentium idiomate *Marcam* significare Castellum²⁰ sive locum munitum. Per hanc provinciam labitur fluvius, eorum qui in *Marannon*, ut vocant, influunt fere maximus; ad cuius ripas plurimæ cannæ Sacchari nascuntur, vocatur *Vramarca* à vicino *Tambo*.

Pingos. Ab *Andaguaylas* ad *Abancay* leucas numerant novem: iter jacet ad hunc modum; primo venit ad diversorium *Pingos*, & per editum clivum ascenditur ad *Guanacavama* ubi optimi sunt focci, qui in plerisque provinciis Peruviae maximi sunt.

Cochacaxas. Hinc per viam regiam, ascendendo, descendendoque editos & asperos colles transitur ad diversorium *Cochacaxas* sive *Cocachaca* (*Garcilassus* vocat *Cochacassam*) distans à flumine *Abancay* versus Arctum tres leucas, aut ut aliis placet, duas, itinere perdifficili, ob asperos & declives colles, ad quorum latera tamen terræ jacent tritici³⁰ & Mayzii satis uberes.

Abâcay. Flumen *Abancay* transitur lapideo ponte, super columnas lapideas barbara industria strato; haud procul à ripa visuntur rudera regaliæ ædificiorum. Vallis *Abancay* flumini contigua plurimas alie Sacchari cannas; distatque à *Cusco* leucas viginti duas secundum *Herreram*, aut viginti quatuor secundum alios: habet suum diversorium quod à fluvii nomine appellatur *Abancajo*, juxta quod altissimus mons visitur, quem argenti venis scatere opinantur, quæ tamen hæcenus non fodiuntur. Secundo flumine descenditur ad vallem *Cotabambam*, iter est duodecim leucarum.

Apurima. Ab *Abancay* ad *Apurima* fluvium numerant leucas octo. Itineris ratio, quemad-⁴⁰ modum accepi ab eo qui nuper fecerat, ita se habet. Ab *Abancajo* transitur inter altos montes & profundas valles ad alterum diversorium & pagum indigenarum: à quo deinceps descenditur ad flumen *Apurima*, omnium Peruvianorum longe rapidissimum; ubi duo periculossima loca transcendenda; *la Laxa* nimirum, ut vocant, & pons *Apurimæ*: *Laxa* ista est trames quadringentorum passuum, inter durissimas petras excisus, qui instar scalæ descenditur, gradibus ita comparatis ut singula jumenta in iis possint consistere; ab uno latere habens petras & altissimos montes ad quatuor leucas, ab altero flumen, cuius ripa iidem petra est, præcipiti clivo, quæ veluti muro, aut vallo exciso ad latus est munita, ne viatores in præceps ruant: ad adversam fluminis ripam jacent montes, & nemora & saltus invii. Veteres tamen⁵⁰ Peruviae Reges tramitem per asperissima hæc loca ita complanaverant, ut per illum, quatuor leucas ab *Laxa*, secundo flumine, crebro peterent secessum quendam, in profunda valle situm, juxta quem plurimum auri hodieque ferunt reperiri. Pons admirabili opere est factus, ab una enim parte sustentatur à petra, ab altera à mole lapidea; ipse autem est subicius, centum & octuaginta passus longus, & tanto artificio annulis, clavis, earthenisque ferreis ita concinnatus & connexus, ut licet nullis columnis

columnis intermedio spacio sustentetur, tamen maxima onera sustineat: fluvius enim hic altissimus est, ita ut nullæ trabes in fundum adigi possint: huic ponti restau-
rando præest Hispanus, cum stipendio mille ducatorum: omnes autem merces sol-
vunt dimidium ducatum pro singulis centenis.

Supra hunc pontem, haud procul à ripa hujus fluminis jacent plurimi pagi bar-
barorum quos vocant *Alimarranes* vel *Aymaraos*; ad Arctum autem ab ejusdem ripis
sitæ est *Vilcabamba*, ubi fodina est argenti, sed minus absoluta, è qua quotannis, plus
minusve, quingentæ barre, ut vocant, sive laminæ argenti egeruntur: In hisce par-
tibus pauci habitant Hispani, sed multi mercatores veniunt huc cum mercibus, re-
deuntque, qui magnum quæstum faciunt.

Ab *Apurima* ad Metropolin *Cusco* statuunt *Dídacus Fernandes* & *Anguëlinus de Za-*
rate duodecim leucas. Nam superato ponte primum aditur diversorium sive *Tambo*:
in jugis autem montium jacer *Mollopata* & plures indigenarum pagi. Hinc transitur
ad *Limatambo* ubi plurima rudera visuntur regalum ædificiorum; distat novem leu-
cas à *Cusco*. Hinc per *Bilcacongæ* vasta juga descenditur in vallem *Xaquixaguanam*,
(quam *Garcilasso* vocat *Sacshahuanam*;) inter altissimos montes angusto spacio
conclusam. In qua veteres Peruvix reges hortos suos & viridaria habuerunt, in
quæ sæpius secedebant animum relaxandi gratia; abest ab oppido leucas quinque.
Aquæ fluvioli, qui è vicinis montibus oritur, restagnant hic in cœnosam paludem,
perdifficilem transitu, nisi Reges per mediam paludem ingenti molimine, viam
utrimque muro communivissent ac silicibus stravissent, ultra quam colles quidam
ad oppidum usque transcenduntur. Hæc vallis superioribus sæculis fuit frequentissi-
ma, arvis omnibus atque agris mirabilem in modum divisis atque distinctis: Hispani
hic hodie ob insignem soli ubertatem & faciunt semenem, & exercent pecuariam.
Antequam autem ad Cuscensis oppidi descriptionem procedamus, de Guancabeli-
cæ fodinis necessario nobis dicendum.

Octo aut decem leucas à *Guamanga* versus Corum, sitæ sunt celeberrimæ fodinæ
Guancabelica, quas Hispani hodie vocant *El Assiento de Oropesa*, è quibus ingens vis ar-
genti vivi eruitur. Fuit sane id metalli genus Peruvix indigenis penitus incogni-
tum, minium tantum effodiebant, quod ipsi vocant *Limpi*; eoque corpora sua insin-
ciebant, sive embixabant (ut barbarorum vocabulo utar,) uti & hodie ad singula-
rem ornatum usurpant. In hunc finem varios cuniculos (*Socabones* vocant Hispani)
intra montis viscera per ampla spatia egerunt, qui hodieque visuntur, ita intricati, ut
si quis ingrediatur, difficulter admodum se possit explicare. Argenti autem vivi,
quod hisce minii venis continetur, nulla ratio habita fuit, ne quidem ab Hispanis,
usque ad annum *1510* & *1511*, quibus res hæc primum in Peruvia inno-
tuit, ut *Acosta* testatur, hac occasione: *Henricus Garsias Lusitanus* à barbaro quodam
dono acceperat massam *Limpi*, quam quum versaret, & rerum metallicarum scien-
tiâ, quo pollebar, idem metallum esse judicaret è quo in Hispania & minium (quod
barbare vermiliura vocatur) & hydrargyrum eruitur: ad ipsas fodinas proficiscitur,
& periculo factò, ita se rem habere ut suspicabarur, invenit. Metallis *Palcarum*, in
finibus oppidi *Guamange*, ad hunc modum detectis, magno numero accurrerunt
Hispani, ut hydrargyrum elicerent ad Novam Hispaniam transportandum, ubi ar-
genti vena hoc metallo perpurgatur: quæ res & multos opibus auxit, & locum ædi-
ficiis & accolis frequentissimum fecit. Inter fodinas autem excellit, quæ amedei
Cabrera vel etiam *Sanctorum* nomen servat, durissima rupes, & infinitis hydrargy-
ri venis per totam molem discurrentibus tumens, octuaginta quidem onas Hispa-
nicas in longitudinem, quadraginta in latitudinem occupans, & quaqua patet octua-
ginta cubitos in profundum suffossa, ita ut trecenti metallici hic simul operi possint
vacare. Hanc *Amador Cabrera* à servo suo *Mavincopa* primum detectam, à Pro Rege
Peruvix, Advocato Fisci nonnihil licet reluctante, habendam atque possidendam
accepit: eamque postilla ducentis & quinquaginta millibus ducatorum venditam,
facti poenitens (nam duplum valere judicabatur ab omnibus rei metallicæ gnaris)
redhiberi sibi postulavit atque evicit: quum autem, *Francisco Toletano* Peruvix Pro-
Rege, *Franciscus Fernandez de Velasco*, in Nova Hispania hydrargyri usum in argento
purgando edoctus, idem in Potolia feliciter tentasset, anno demum *1510* & *1511*
magnum

magnum argenti vivi pondus ad Potosianas fodinas subveli cœpit: cujus ope non tantum metallum recens effossum majori compendio eliquatum, sed & vetera recrementa, quæ Hispani appellant *des Montes*, perpurcata sunt, major enim copia argenti, hujus metalli ope extrahitur, quam alias flamma educeret. E fodinis denique *Guanavelica* decies centena millia pondo hydrargyri quotannis hauriuntur, & terrestri itinere deducuntur Limam, dein, maritimo Aricam, & inde rursus Potosiam: unde ut plurimum *Ærario* Regis accedunt quadringenta millia ducatorum, præter alia emolumenta.

Haud procul à *Guanavelica*, visitur fons, cujus aquæ calidissimæ sunt & simulac profluunt, lapidescunt: hoc lapide plurimum utuntur ad ædificia, est enim mollior, facileque cæditur, haud secus quam lignum, & licet levis sit, ævi tamen haud minus patiens: Nec homo nec ullum animal has aquas haurit sine noxa, nam etiam intra viscera statim convertitur in lapides.

Qui haud ita nuper viderunt *Guanavelicam*, testantur oppidum esse imprimis opulentum, habitarique à duobus millibus Hispanorum, & longe pluribus barbaris qui in metallis occupantur. Hydrargyrum autem ab hoc loco deduci, ovium Peruvianarum ope ad portum Maris Australis, qui appellatur *Chincha*, atque inde navibus *Aricam* & ita portu *Potosiam*. Distat oppidum sexaginta leucas à *Lima*.

Porro quatuordecim leucas à *Guanavelica* aditur oppidum *Caïro Pirreyna* & barbarorum lingua *Chocolococha*; itidem sexaginta leucas distans à *Lima*, juxta hanc urbem jacent fodinæ argenti absolutissimi; quæ quotannis dant ad minimum non-gentas laminas argenti quintati: distant ab urbe duas leucas in vertice editi & deserti montis sive *Puna*, ut vocant, totius Peruvix longe frigidissimi, saluberrimæ tamen, quippe ubi nulla animalia noxia generantur, ne quidem pulices aut araneæ; secus urbem labitur amniculus qui machinas agit, quibus argenti vena frangitur. Præfectum habet urbs, qui hic magnas divitias cogit. Ab ea variæ semitæ pertinent ad *Ycam*, *Piscamque* quæ ad mare Australe jacent.

C A P. XXX.

Cusco Peruvix quondam Metropolis: Regionum adjacentium situs
& qualitates: Oppidum S. Francisci de la Vittoria;
& S. Juan del Oro in Carabaya.

CUSCO, olim Regni Peruviani metropolis & *Ingarum* domicilium, nobilissima civitas, sita est ad decimum tertium gradum & semissem altitudinis Australis; ad septuagesimum autem octavum longitudinis à Meridiano Toletano, ut *Herrera* numerat, ad occidentem productæ: centum & viginti, vel ut alii quadraginta leucis ab oppido *Lima* versus ortum: in duro atque aspero solo & undique montibus incincto. Prima illius ædificia structa fuerunt in clivis montis *Sacsahuaman* qui jacet inter ortum & Arcum à civitate, in cuius fastigio sive vertice *Yngæ* moliti sunt mirabilem illam Arcem de qua post. Civitas autem divisa est in duas partes, *Hanam Cusco*, id est, superiorem, & *Hurin Cusco*, id est, inferiorem, per semitam *Antisuyo* quæ ducit ad orientales provincias, ita ut illa pars ad septentriones vergeret, hæc ad Meridiem. Principalis regio Civitatis appellabatur *Collecampata*, in qua *Mancocapac* palatium suum exstruxerat: altera huic ad ortum vicina *Cantutpata*: & tertia *Pumacureu*: quam excipit quarta & maxima *Tococachi*; deinceps versus meridiem *Munaycenca*, & ad eandem plagam *Rimacampata* in cuius medio area erat in qua præcones Regis mandata proclamabant: & demum *Pumapichupan*. Mille autem aut circiter passus ab hac regione, urbis suburbium erat *Cayacachi*; & magis ad occidentem alterum *Chaquillehaca*, per quam salit semita *Antisuyo*. Ad arcum habuit *Pichu* & *Quillipatan*, utramque extra civitatem. Et paulo ulterius *Carmencam*, per hanc egreditur semita *Chinchafuyo*: declinando autem ad ortum occurrit regio *Huacapunco*, per quam ingreditur torrens qui secat principalem aream civitatis, & juxta illam trames latus & longus, qui sesquileucam extra civitatem se conjungit cum via regia *Collasuyo*. A *Sacsahuaman* itidem descendit tenuis rivus; secundum quem semita

semita *S. Augustini* urbem permeat ab Arcto ad Austrum, usque ad *Rimacampam*. Tres præterea aut quatuor calles dividunt amplissimum illud spatium inter semitam illam & rivulum; ubi olim solebant habitare omnes de regia prosapia, secundum suas *Ayllus*, ut vocabantur, id est, gradus, quum totam regiam familiam appellarēt *Capac-Ayllu*. Porro secundum semitam *S. Augustini* situs est conventus *S. Clarae*: item domus Episcopi, & imprimis Ecclesia Cathedralis quæ exit in Aream principalem. Forum principale dicebatur *Huacaypata*, patens in longitudinem inter arctum & austrum passus quadringentos; & in latitudinem inter ortum & occasum centum quinquaginta. Atque hæc quidem ædificia & loca ab eo torrente pertinent ad ortum; ad occidentem primo jaceret area *Cussipata*, quam hodie vocant de *Nuestra Señora de las Mercedes*; & ita porro alia ædificia.

Diximus supra, *Tngas* munitissimam arcem molitos fuisse in vertice montis *Sacahuaman*, Garcilass. 17. c. 27. cujus licet hodie bona pars collapsa sit, satis tamen apparet stupendum opus fuisse: nam murus illius congestus est de tam ingentibus saxis, ut vix cogitatione quisquam assequi possit, quo modo barbari omnium ferramentorum indigi, tanta saxa potuerint excidere; aut sine jumentorum, carrorum aut similibus machinarum ope sex aut decem & nonnunquam plures leucas deducere, & quidem trans flumina satis vasta, aut denique saxa mole & forma inter se minime congruentia, tamen ita inter se sine ulla calce aut cemento aptare. Nam quum Arx hæc structa sit in vertice montis qui civitati imminet ab Arcto, & ab hac parte ad perpendicularum præruptus est, hic tantum murum eduxerunt de grandibus saxis magna industria connexis, & politis, ducentas aut circiter orgyas longum; diversa autem parte, ubi mons leni clivo ascendit, tres muros struxerunt, æqualibus intervallis, qui semilunari forma cum priore muro conjunguntur; extimus autem factus erat de grandioribus saxis & ita porro, quorum singula ita reliquerunt uti nata erant, nisi quod concava, aliis convexis implerent, & quatuor veluti digitis consererent: In medio uniuscujusque horum murorum porta erat, quam uno ingenti saxo concludere poterant; primam & extimam portas vocabant *Tiupuncu* (*Puncu* sonat portam, *Tiu* arenam) quia mons ea parte arenosus est: Secundam *Acahuana Puncu* ab Architecti nomine. Terciam *Viracocha Puncu* ab Idoli sui aut Principis nomine: inter singulos muros intervallum erat viginti quinque aut triginta pedum, terra aut arena aggestum, usque ad fastigium, singuli autem habebant loricae sive antimurale unam unam altum. Intra muros area erat, & in illa tres turres sive castella, in triangulo disposita; quorum medium & principale vocabant *Moyac Marca*, id est, castellum rotundum à formâ; in quo fons erat limpidus, de longinquo sub terra huc deductus: in hoc castello regis erat domicilium, parietibus auro atque argento obductis, variisque animalium formis ad tapeti modum variegatis: Secundum *Pancar marca*, & tertium *Sacllac marca*; utrumque quadratum: in quibus plurima erant couclavia in usum prædicatorum. Ab uno autem castello ad alterum ibatur per cavernas subterraneas, in quibus & plurimæ erant portæ & varii flexus atque reflexus instar labyrinthi. Quid multa; opus tam stupendum erat, ut magis à demoniis quam hominibus factum crederetur. Hispani mirabilem hanc structuram micum in modum deformarunt, plurimis saxis ad ædificia intra civitatem traductis, ita ut hodie tantum muri qui ambiebant supersint, quorum saxa adeo sunt grandia ut ea amoliri minime potuerint. Sed de hisce antiquitatibus Peruvianorum hætenus.

Plateæ hujus civitatis longæ, sed angustæ; ædes lapideæ & de vivis saxis magnæ molis industrie concinnatæ: multa hic erant ædificia regia; & imprimis Templum Soli dedicatum, longe sumtuosissimum, quod vocabant *Curia canchen*; auro atque argento locupletissimum, cujus fundamentis hodie in ædificatum cernitur monasterium *S. Dominici* longe famosissimum, nec ullum in tota hac America parte oppidum inventum, quod aliquam urbis formam haberet præter hoc: cæterum omnium oppidorum Peruviae longe opulentissimum fuisse, haud mirum debet videri, quum omnis auri atque argenti gaza ex diversis & longe distantis provinciis ad hanc regiam sedem deduceretur: multa hodieque cellæ caveæ & subterraneæ cellæ visuntur, in quibus immensum auri atque argenti pondus à multis annis depositum Hispani repererunt.

1.7.c.12.

Quatuor sunt hodie in urbe templa quatuorque monasteria ordinum mendicantium, collegiumque Societatis: Et Hospitalia aliquot, inter quæ unum Indigenarum imprimis opulentum, de quo mira narrat *Garcilassus*. Aer licet hic frigidior sit, tamen longe saluberrimus: Annonæ atque omnium rerum quæ ad vitam humanam necessariæ sunt, summa abundantia: Hispani autem qui hoc oppidum incolunt, possident plures barbaros vestigales (*Encomiendas* vocant ipsi) quam usquam alibi in tota Peruvia. Suburbanus ager & valles vicinæ non modo herbarum & florum amena varietate spectabiles, sed & fructiferarum arborum tam domesticarum quam peregrinarum copia delectabiles. Super rivum qui oppidum dividit aliquot mole constructæ in usum oppidanorum: in medio denique urbis fons scaturit, ejus aquæ in optimum & candidissimum salem coagulantur, è quo alibi maximus questus fieri possit, hic ob copiam vilior est. Quatuor denique ab urbe leucis Lapidinæ sunt, è quibus oppidani sibi lapides petunt ad structuras. Accepi à quodam qui haud ita nuper viderat, habitare in hac urbe circiter tria millia Hispanorum, & decem millia barbarorum: Regi autem à Corregidore, ut vocant, magni imprimis nominis: Et Episcopatum habere, olim quidem longe opulentissimum, sed qui hodie, postquam *Guanangensis* & *Arequipensis*, Episcopatus sunt instituti, tantum quotannis percipiat viginti nullia ducatorum. Continet præterea in sua Diececli octo aut decem *Corregimientos*, ut vocant, quæ præfecturæ admodum questuosæ, ita ut inter eas sit, quæ triennio valeat centum millia ducat; conferuntur autem omnes à Pro-Rege.

Toyma.

Ad oppidi hujus districtum pertinet vallis *Toyma*, pluresque aliæ in quibus *Coca* illa tantopere barbaris dilecta, infinita carpitur copia: plura hic indicia venarum auri, argenti, hydrargyri: Indigenarum centum millia, qui Hispanis tributum & operam pendunt, ut *Herrera* scriptum reliquit.

Yucay.

Vallis *Yucay* abest ab urbe quatuor leucas ut scribit *Garcilassus*, versus aquilonem; inter arduos montes veluti conclusa & ab eisdem adversus omnes aëris injurias tam insigniter munita, ut temperatissima & saluberrima merito æstimeretur: & Cusceses proceres sæpe deliberaverint oppidanos ad hanc vallem traducere: plurimi in illa horti & viridaria; Inga hic olim secessum suum habuerunt, plurimæque ædificia imprimis magnifica, quorum vestigia hodieque apparent, præsertim in *Tambo* tres infra hanc vallem leucas, inter duos editos montes, ad ripam torrentis, qui è montibus descendit. Licet aërem vallis ipsa tam egregie sit temperata, tamen cacumina montium quibus cingitur, multa candent nive, omnibus fere anni mensibus. Inga in eadem valle arcem habuere à natura ita munitam ut à paucis contra ingentem multitudinem defendi posset: erat enim edito scopulo superstructa, & durissimis petris in ambitu veluti vallo cincta, & à summo clivo ad imas radices, pluribus ejusmodi petrarum ordinibus per intervalla circumdata, è quibus leonum aliarumque ferarum effigies excisæ erant, diversa arma ungulis tenentium: singuli autem petrarum ordines arcas includebant ad sementem faciendam comparatas; patietes denique Palatii ab una parte bitumine quodam cementati erant, è quo aureus pulvis emicabat. Habet hæc vallis ad ortum quidem editissima montium juga, quæ pars sive ramentum. Andium creduntur; de quibus plures torrentes descendunt; ad occasum autem montes editos quidem, sed leniter declives, ad quorum radices læbitur annis *Yucay* placido alyco. Hispani hodieque maximi faciunt hanc vallem & summa industria excolunt illius agros, in quibus plurimas Sacchari cannas jam conseverunt: Creduntque Cusceses male cum oppidanis actum, qui non aliquid terrarum in hac possident: Denique agros suos huc solent traducere ut facilius & citius convalescant.

Versus occasum & mare Australe habet hæc civitas *Cumbibilcas*, quæ est provincia ut scribit *Garcilassus*, viginti leucas longa & supra decem lata: *Vbinius*, *Aymeraes*, alioque populos, quorum aliqui superioribus sæculis strenui fuere bellatores & pecoris divites, quod ob pascuorum bonitatem hic admodum proficiebat: in fluvio quoque qui *Aymeraum* provinciam secant, multa auri ramenta olim inventa. In *Poma Tambo* autem & vicinis pagis, elegantissima texuntur aulea ob lanæ tenuitatem & tincturam quæ ibidem reperiuntur exquisitam varietatem juxta ac bonitatem.

Ad ortum & versus Andes habet vallem *Vilcabambum*, ubi in regione montosi atque aspera,

aspera, Hispani condiderunt oppidum *S. Francisci de la Victoria*, inter ipsa Andium juga, viginti pene leucis ab urbe *Cusco*: quæ præfectum accipit à Peruvia: Pro-Rege Episcopum autem agnoscit Cusensem. Tredecim autem leucis ab urbe directe versus ortum labitur amnis *Paucar tambo*, ut vocat *Garcilassus*.

S. Franciscus de la Victoria.

1. 3. c. 17.

Caravaya.

1. 8. c. 24.

Ad Eorum & quidem quadraginta leucas ab urbe *Cusco*, habet *Caravayam*, sive ut *Garcilassus* vocat *Callavayam*, vallem, inter asperissimos montes sitam, in quo reperiuntur famosissima fodinæ auri longe abolutissimi, (viginti quatuor aut vigintitrium & semis ceratiorum ut loquuntur metallici,) quod magnis interdum ramentis eruitur: narrat *Garcilassus* anno clō 1516 hic saxum erutum, ex eorum genere, quæ metalli venis annascuntur, mole capitishumanæ, colore pulmonis, atque adeo forma non multum abluens, multis poris & foraminibus pervium, quibus auri ramenta inerant acuminata, quorum quædam extabant, alia ineus concludebantur: judicabant metallici futurum fuisse ut eorum saxum in aurum converteretur, nisi ante tempus fuisset exemtum è terræ venis. Hispani juxta has fodinas condiderunt oppidum seu municipium *S. Joannis del Oro*. quod *Herrera* scribit, octuaginta leucas distare ab urbe *Cusco*, haud dubio falsus, nam *Garcilassus* & qui nuper viderat, constanter ab urbe ad vallem *Caravayam* designant tantum quadraginta.

CAP. XXXI.

20

Itinera trans Andes ad varias provincias que nondum satis sunt cognita, & expeditiones aliquot Hispanorum.

Quia ultra vasta Andium juga, cōplures provincias jacere fama erat, (quarum quædam jam ab Hispanis habitantur) argenti divites & imprimis amenas: diversa itinera quasiverunt & aperuerunt Hispani, quibus in easdem penetrarent: Quatuor autem enumerat *Herrera*, quæ omnes inter *Opotari* & *Cochabambam*, spatio septuaginta leucarum, inter Arctum & Austrum, comprehenduntur. Eorum primum vocant *Opotari*, tredecim ab Æquatore gradibus versus Austrum, per Andium juga, quæ peculiari nomine appellant *Tono*, xxx leucis vel ut scribit *Garcilassus* viginti & sex ab urbe *Cusco*: iter autem instituitur ad hunc modum: ab oppido *Cusco* ad vallem *Pagual* leucas decem: à *Pagual* ad Andium radices, quinque; ad summum *Toni* fregum & ab eo ad flumen *Opotari*, tres, ubi quondam pagus indigenarum fuit, valde frequens: deinceps per densa nemora, editissimos montes & præcipites petras, difficillimo atque impeditiissimo itinere proceditur ad provinciam *Abyscam*, in qua plures calidiores & commeatu abundantes valles reperiuntur, quæ à solitudine pene invia clauduntur. Scribit *Garcilassus*, *Tucam Tupanqui* primum tentasse per Andes pervadere in provincias transmontanas, de quarum divitiis multa acceperat; præsertim de unâ quam barbari vocabant *Musu*, Hispani hodie *Moxos*; persuasisse autem sibi facillime ad eas perveniri posse secundo flumine *Amarumayu*, quod ad ortum à *Cusco* è compluribus fluviis in unum alveum colligitur, & fluere creditur versus Oceanum Septentrionalem; nomen accepit ab angue, quem vocant *Amaru*; *Mayu* enim ipsis sonat amnem. In hunc finem plures rates parasse è materie arboris, quam Hispani vocant *Higuera* (non quod sit ficus, sed quod lignum illius sit levissimum:) quibus secundo flumine *Amarumayo*, dimiserit plures duces è regia prosapia; qui non sine variis conflictibus, cum indigenis, qui dicebantur *Chunchu*, (à quorum nomine & flumen sæpe appellatur) iisque subjugatis pervenerint ad provinciam *Musu*, ducentes, ut opinantur, leucas à *Cusco*; ibique confederint & indigenis permixti hodieque habitent.

Secundum iter agitur per *Caravayæ* fines, secundum *Sandiam* & oppidum *S. Joannis del Oro*, triginta circiter leucis à priori versus Austrum: per quod Hispani sæpius jam ab anno clō 1533 conati sunt penetrare in provincias ditissimas, quarum obscura fama ad ipsos pervenerat. Eo enim anno, *Petrus Anquez*, quum per *Caravayam* in *Zame* provinciam non sine summa molestia penetrasset, asperissima juga, niveos saltus & metram solitudinē offendit; iis tamen superatis *Tacanam* provinciam intravit, & summo cum labore atq; discrimine pervenit ad flumen *Omapalcarum*, quod in *Moxos* oriri creditur ad radices Andium qua orientem spectant; & in Oceanum Septentrionalem.

d. 6. l. c. 2.

Tono.

Pagual.

Abyscam.

1. 7. c. 13.

Moxos.

Omapalcar.

Cherio-
bonæ.
Marqui-
tes.

trionalem descendere. Hinc per *Cheribonorum* fines profectus, ratibus in adversam fluminis ripam trajecit, illius accolis, quos *Marquites* vocant, acriter, sed incassum repugnantibus: verum quum hic nihil præter solitudines & loca inivis silvis horrida ostendisset, adverso flumine ascendere visum, ut ita per *Moxos* & *Cochabambam* in *Chuquibabo* penetrarent: sed post longos errores, pluribus, partim morbis, partim inedia absumentis, ad *Tacama* provinciam, & denique *Ayaviren*, provinciae *Collao* pagum redierunt.

Camata. Tertium iter tendit per *Camatam* octodecim aut viginti leucis à Sandia magis versus Austrum.

Quartum denique per *Cochabambam* (de qua postea) septemdecim ab *Æquatore* gradibus versus Austrum, & tribus supra viginti leucis à *Camata*. Hanc Hispani vulgo vocant *la Entrada de los Moxos*, quia per hoc iter primum aditus ad has gentes fuit apertus.

l. 7. c. 17.

Narrat *Garcilassus* anno cLo lO lxiv *Didacum Alemanum*, oppidi de *la Paz* civem, cum Curaca quodam & duodecim Hispanis iter suscepisse ad *Moxos*, quos persuasus fuerat ab hoc Curaca, multo auro abundare: profectum per *Cochabambam*, & postquam octo & viginti dies per montes & saltus ægre esset eluctatus, in conspectu primi pagi provinciae, quam quærebat, pervenisse; atque inconsulto cum tam paucis in barbaros noctu impetum fecisse; à quibus captus fuerit, plerisque suorum caesis, adeo ut tantum unus mestiss *Franciscus Morenus* incolum domum rediret. Ab hoc plures fuisse permotos ut eandem expeditionem susciperent, & inter primos *Gomesium de Tordoya*, impetrata prius venia à Pro-Rege Comite de Nieva, & mox suspenfa, quia militum sedicio, qui plures se illi conjunxerant, metuebatur. Anno dein cLo lO lxxvi eadem venia concessa, à Pro-Rege Licentiatu de Castro, *Gaspardi de Sotelo*; qui plures delectos milites coëgit, & societatem inivit cum *Tuca Tupac anaran*, qui secesserat in *Vilcabambam*: propositum erat ipsis ratibus descendere flumen *Vilcabambam*: sed & huic venia abrogata, & denuo concessa *Joanni Alvarez*, *Maldonato*. Qui supra ducentos & quinquaginta milites coëgit, & supra centum equos, quos magnis ratibus impositos flumen *Amarumayo* deduxit. *Tordoya* qui rem familiarem graviter apparatu suo affligerat, sibi injuriam factam questus, cum sexaginta quos ægre adunaverat, invito licet Pro-Rege, expeditionem aggreditur, facto itinere per *Camatam*: & per asperos montes & paludes eluctatus pervenit ad ripas *Amarumayo*; cognoscensque æmulum suum nondum advenisse, hic illum itauit operiri. *Maldonato* interim secundo flumine descendens, incidit in *Tordoyam*; & sine mora acre prælium inter ipsos fuit commissum; pugnatum fortiter ab utraque parte tribus diebus; ita ut plerique ab utraque parte caderent, & reliqui inutiles bello fierent. *Chunchi*, in quorum provincia hæc gerebantur, hac occasione utendum rati, faciunt impetum in reliquos, cæduntque omnes, atque inter eos ipsum *Tordoyam*: tres omnino superstites ab ipsis capti, *Maldonato*, & frater *Didacus Martinus Lusitanus*, & *Simon Lopez* summa in bombardis concinnandis industria: quos tamen post duos annos in *Caravayam* reduxerunt.

C A P. XXXII.

Promontoria, sinus, portus, flumina, atque ora omnis maritima
Conventus Iuridici Limani.

OR A maritima hujus Conventus Iuridici, sumit exordium, ab Angulo sive Promontorio de *Aguja*, ubi *Quitenfis* desinit: Atque hic primum obiacent Continenti Insula luporum marinorum, vulgo de *Lobos Marinos*, septem gradibus ab *Æquatore* versus Austrum; quarum una abest quatuor leucis à Continente, altera paulo pluribus, (Angli collocant utramque ad altitudinem sex graduum Australium.) Ab his versus eorum abest Insula *S. Rochi*, è regione fluminis *Pascamayo*. Nostri Belgæ qui anno cLo lO xcix hæc littora legerunt, insulam observarunt ad altitudinem sex graduum & triginta scrupulorum, in qua infinitam volucrum copiam invenerunt, quas vulgo vocant *Penguins*, & vitulorum marinarum;

S. Rochi.

rum; cæterum nec arbores neque quicquam herbidi ferentem, exterius quidem durissimis petris septam, interius arenosam; Angulo qui Eurum adspicit duæ adjacent insulæ vel potius scopuli, totidemque angulo qui ad Corum vergit.

Ad Continentem primo occurrit portus *Malabrigo*, adversus incerta vento-
rum, quod nomen indicat, male munitus: *Richardo Hawkino* observatus ad altitudi-
nem septem graduum ab Æquatore versus Austrum.

Decem à *Malabrigoleucis*, alia statio aditur, quam vocant *el Arrecife de Trugillo*,
à tempestatibus minus tuta, abest ab hac *Truxillo* oppidum intra Continentem.
10 leucas duas: quod tamen & alterum habere portum, *Guanacacho* nomine, supra cap. xx.
indicavimus.

Septem deinde leucas secundum orarum ductum provectis, occurrit *Guanape*<sup>Guana-
pe.</sup>
portus, distans ab Æquatore versus Austrum octo gradibus & viginti scrupula, ut
Petrus de Cieza observat: in quo illum aut nonnihil falli, aut distantiam oportet esse
majorem.

Hinc ad Austrum provectis obvius fit *Santa* portus ad altitudinem novem gra-
duum Australium, juxta quem amnis exit in Oceanum; ora hæc humilis est, sine^{Santa.}
montibus, arenosa & scopulorum atque vadorum experts.

A *Santa* portu ad *Ferrol* leuca sunt quinque, commodus quidem hic est portus & *Ferrol*.
20 tutus, sed neque aqutioni neque lignationi opportunus.

Ab hoc ad *Cazma* portum, leucæ sunt sex; juxta hunc exit fluvius, è quo limpi-
dissimæ aquæ peti possunt, & lignorum copia cædi, magno navigantium solatio.
Cieza constituit ad altitudinem decem graduum. Hactenus pertinet ora ad Euro-au-
strum, uti à curiosis observatum invenio.

A *Casma* ad *Guarmey* leucas numerant octo, hic quoque fluvius egreditur in Occa-
num, cætera locus est ignobilior, & carbonum tantum copia notus, uti ab *Oliverio*<sup>Guar-
mey.</sup>
nostrate est observatum, quum mare Australe enavigaret.

A *Guarmey* ad *Barrancam* numerantur viginti leucæ, quam *Oliverius* ad altitudi-
nem undecim graduum agnoscit, & triticea messe testatur abundare. *Augustinus de*
30 *Zarate* scribit illam distare à Lima quatuor & viginti leucas.

A *Baranca* ad *Gaura* portum sunt sex leucæ, juxta hunc jacent salinæ, quas idem
Oliverius duas à portu leucas, octodecim autem dirimit à Lima: Scribit autem ex^{Gaura.}
Hispanorum relatione, salem hic in valle quadam reperiri, ad quam marini fluctus
neutiquam penetrant, magnis & durissimis massis in tumulos erectum.

A *Gaura* ad *Farallones* leucas constituunt quatuor; hi scopuli obiacent continenti<sup>Farallo-
nes.</sup>
longo intervallo: nam extimus octo leucis abesse dicitur versus Africum.

Sequitur deinde *Callao* portus, de quo jam ante diximus; intermedio autem spa-
cio, sed propius ad *Callao*, jacet *Salmerina* vorticofum vadium, novem aut decem leu-
cis à Continenti Peruvia.

40 Ab insula *Callao* ad promontorium *Guarco* colligunt viginti leucas, huic quoque^{Guarco.}
objacet insula parva luporum marinorum: Ab hoc autem promontorio ad por-
tum *Sangalle* leucas quindecim. Portus hic tutissimus est & opportunissimus, di-
stans ab Æquatore quatuordecim gradus aut circiter: adjacet modica Insula *de Lo-
bos* & septem octove alix minores, partim humiles, partim editæ, omnes autem po-
tabilium aquarum indigæ, nec arbores neque quicquam herbidi sortitæ, phocarum
tantum statio & litoraliu[m] volucrum.

Alia deinde modica insula occurrit, & ipsa nomen à lupis marinis sortita, qua-
tuordecim gradibus & viginti scrupulis ab Æquatore: à qua ad *la Nafca* promonto-
rium, quatuordecim gradibus & quinque supra quadraginta scrupulis ab Æquato-
50 re) duodecim numerantur leucæ: Hic statio quidem navibus bene fida habetur, sed
difficilis ad litus appulsus, oceano hic ingentes fluctus ad terram agente, qui scaphas
everunt nonnunquam.

Sequitur deinceps promontorium *S. Nicolai*, quindecim gradibus & viginti scru-
pulis ab Æquatore versus Austrum; à quo ad *Hacari* portum, duodecim constituunt<sup>S. Nico-
las.</sup>
leucas, sedecim gradibus ab Æquatore. Hic qui hoc mare navigant annonæ gra-
tia solent appellere, quam vicina vallis liberalissimè subministrat.

Oconna. Hinc profectos excipit fluvius *Oconna* & modico intervallo *Camana* amnis, & denique *Quilca*; quemadmodum *Petrus de Cieça* hanc oram descripsit. *Olivarius* autem à *Noort*, Belga, *Nasca* adjungit tutissimum portum *S. Nicolai*, ubi præstantissima totius Peruviae vina in naves accipiuntur.

S. Laurentius. *Quilca* autem vallis projicit in altum Promontorium *S. Laurentii*, pone quod fluvius, angusto ore & inter editos montes veluti concluso, portum pandit *Arequipe* (de qua mox) septendecim gradibus ab Æquatore versus Austrum.

Chuli. A *Quilca* ad *Chuli* insulam, perexiguo quidem, sed satis alto freto à Continenti divisam, duodecim numerantur leucae; & ab hac ad flumen *Tambopallam* (quod hodie ab Hispanis appellatur *Nombre de Dios*) dux: Hic terminatur ora Conventus 10 Juridici *Limani*, & incipit *Charcensis*.

Ab Anglis atque Belgis nostris, aliquoties observatum, hanc Peruviae oram, inde à decimo tertio gradu & dimidio ab Æquatore versus Austrum, ad decimum octavum usque, sensim ad Eurum se subducere, licet *Cieça* aliique Hispani longe aliter prodiderint, quod non leves errores hætenus peperit in Tabulis Hydrographicis.

DESCRIPTIO



DESCRIPTIONIS INDIÆ OCCIDENTALIS,

LIBER UNDECIMUS.

PERUVIÆ sive CHARCÆ.

C A P. I.

Charcensis Conventus Juridici limites, cæli solique qualitates.



TERTIUS Peruviani regni Conventus Juridicus, vulgo dicitur *de los Charcas*, vel etiam *de la Plata*, à nomine principalis harum provinciarum urbis: dividitur autem à *Lima* Conventu, secus oram quidem Oceani Australis, flumine *Tambopalla*, (de quo paulo ante) in mediterraneis autem extremis & septentrionalioribus *Collao* provinciæ terminis. Pater in longitudinem à dictis finibus, ad *Copapo* vallem, ubi *Chilense* regnum orditur, (xx septem ab Æquatore gradibus) secundum rectam lineam trecentas leucas; (nam si orarum ductum aut viarum devia sequaris, supra quadringentes reperies:) in latitudinem autem, ortum atque occasum inter, ab Oceano Australi, ad fluminis argentei provincias, indefinitum leucarum numerum. Complectitur enim Conventus Juridicus plurimas & vastas provincias extra Peruviam proprie dictam, *Sanctam Crucem de la Sierras*, *Tucumanam*, *Jurias* atque *Diaguitas* populos, de quibus hic parçè, alibi plenius agemus: *Charcarum* autem provincia, de qua nobis potissimum propositum hic agere, longe angustioribus continetur terminis, neque ultra centum quinquaginta leucas patet in longitudinem, ab extremis Limani Conventus finibus, ad Potofianarum argentifodinarum terminum australem. Pleræque autem hujus Conventus provinciæ magis frigida sunt quam calida: & æstatis atque hyemis vicissitudines hic fere diversæ sunt ab Europæis.

Solum maxima sui parte minus fecundum, & tritici atque aliarum frugum malignè admodum patiens; sed pascuis lætum, maxime in latissimis *Collao* provinciis, & ad oras *Titicacæ* lacus, qui magnam *Collao* partem occupat: & pecori imprimis bonum, quod hic & numerosum est admodum, & tenuissimam gestat lanam. Licet autem regio hæc frigidior sit ut plurimum; non tamen desunt & calidissimæ fertilissimæque valles, altis montibus incinctæ: Magna autem hujus Conventus Juridici pars scæterat miraculum argenti & aliorum metallorum venis, uti ad singulas provincias commodius dicitur.

Reperiuntur passim in hisce provinciis apiculæ quædam quæ in specubus subterraneis mellificant; mel autem eorum acidiusculum est & fuscæ coloris, quemadmodum & favi (quos barbari suo idiomate vocant *Leciguanus*,) qui & aridiores sunt & magis similes stramentis, quam Europæis favis.

Ex *Charcæ* (inquit *Monardes*) advehuntur quædam radices, iridis radicibus valde similes, sed minores & siculnei folii odore. Hispani qui Indias habitant, vocant *Contrayerva*, quasi dicas Alexipharmacum, quoniam earum pulvis ex albo vino sumtus, adversus omne venenum, cujuscunque tandem sit generis, præsentissimum est remedium, (uno sublimato excepto, quod sola lactis potione extinguuntur) vomitione illud rejicere faciens, aut evacuans per sudores. Ventris etiam pellic animalia.

Parent hæc provinciæ Peruvix Pro-Regi, uti & cæteræ: Sunt tamen in iis duæ præfe-

praefectura quæ per Legatos administrantur, Charcensis & Tucumana : & duo Episcopatus.

Denique in Charcensi praefectura proprie dicta, (nam de Tucumana alibi dicitur) hæc oppida incoluntur ab Hispanis; Metropolis *la Plata*; *Nuestra Señora de la Paz*; *Oropesa* & *Potosia*; & aliquot municipia, *Chaqvi*, *Porco*, *Arica*, *Arequipa*, *Misque*, *Tarixa*, *Tomina*, *Lagunilla*, *Sicasica*, &c. Quæ uti commodius à nobis describantur, regiam viam petemus, camque sequemur uti à *Cieqa* monstratur, singularumque provinciarum & oppidorum rationem habebimus suis locis, uti & ante fecimus.

C A P. II.

Via Regia ab oppido Cusco ad urbem de la Paz : provincia quæ adjacent & imprimis Collao.

10

A Metropoli *Cusensi* ad urbem *de la Paz* numerantur paulo plures aut pauciores quam octuaginta leuæ: iterque instituitur ad hunc modum.

A Cusco ducit via regia (quæ ab indigenis dicitur *Collasuyo*), primo ad angustias *Mohina*, relicto ad lævam Palatio regio *Quispichance*. hæc via ingentibus saxis strata est, per vastam *Mohinæ* paludem etiam muro utrimque coëctæ: *Mohinæ* quondam splendida fuerunt ædificia, quorum hodie tantum rudera visuntur; è quibus *Pizarrius* magnum auri atque argenti pondus rapuit, quum has provincias subjugaret. 20 *Garcilassus* vocat *Muynam*, & ante memorat *Salinas*, leucam ab urbe, prælio inter *Almagrum* & *Pizarrum* notatas.

Sex porro à *Cusco* leucis occurrit *Vrcos*, antiquus pagus, & quondam regio palatio quod in vertice montis extructum erat, nobilis.

Ab Vrcos ad *Quixixanam* (sive ut *Garcilassus* vocat *Quequesanam*) sunt tres leuæ, itinere aspero atque montoso: pene mediam fecit fluvius *Tucay* ponte stratus, distat à *Cusco* ut voluit novem leucas. *Cavina* populi incolunt hanc regionem, monticolæ, quique lapideas struunt ædes.

Cavinas excipiunt *Canches*, industria natio & placido ingenio minimeque dolo, adhæc laborum patientissima, quos superioribus annis in metallis exantlavit; p- 30 e- cumque denique Peruvianarum locuples. Ager ipsorum tritici & *Mayzii* fertilis, perdicibus aliisque volucribus abundans: amnes supra modum piscosi.

Canches sequuntur *Cana*, alia natio & à superiore diversa, quorum pagi sunt *Hachiquana*, *tuncana*, *Chiquana*, *Horuro*, *Cacha* & plures alii: in *Cacha* autem Reges magnificum habuere Palatium. In utraque provincia tam Canchium quam Canarum, nonnihil frigetur, licet omnis generis frugibus & pecoribus affluant. *Hatuncana* secundum *Herreram* defleat nonnihil à regia via & distat ab *Ayabire* tantum duas leucas.

A Chiquana ad *Ayabiren* iter est quindecim leucarum per plures Canarum pagos. *Ayavire* pagus olim uti & hodie multis splendidis ædificiis nobilis, præsertim monumentis defunctorum, quæ reliqua ædificia numero longe superant: sed incolæ illius, per Hispanorum bella civilia, pene funditus deleti: præterlabitur pagum amniculus cujus nomen non produnt. Credo hunc locum esse, quem Author meus qui has partes superioribus annis peragravit, Hispanis dicit vocari *las Sepulchras*, ubi totius Peruviae antiquissima visuntur monumenta, & saxa ingentis molis, & tam eleganter polita, ut monstro simile videatur barbaros sine ferreis aut chalybeis instrumentis eadem ita potuisse polire, quod tamen attritu perfecisse satis constat.

Ab Ayavire incipiunt *Colle*, qui maximam & frequentissimam regionem possident totius Peruviae, ab hoc loco usque ad *Caracallo*: habent autem fines ad ortum quidem vasta Andium juga, ab ocaseu autem montes nivales: qui duo montium ordines ab oppido *Cusco* utrimque paulatim se deducunt & relinquunt in medio latissimam planitiem, quam vulgo vocant *El Collao*.

Porro inter *Ayaviren* & mare pacificum seu plana Peruviae, interjacet ingens solitudo, quam vocabant *Parinacocham*, triginta & duas leucas occupans, ut tradit *Herrera*: *Garcilassus* scribit *Cocha* Peruvianis significare mare aut paludem lacumve, *Paribuna* esse volucres illas quas Hispani vocant Flamencos: barbaros autem id nomen dedisse provinciae grandis, fertili & amena, atque auri divitiis contra scribunt, frigidam

Parinacocham.
l. 3. c. 9.

frigida esse regionem, & nivosis montibus passim oblitam, vallibus item paludosis & tristi uligine pene inviam: per quam tamen, atque per Lucanes populos semita aperta fuerit ad Nascam vallem & Mare Australe. Ab extremis hujus provinciae finibus ad fodinas *Guallaripa*, sive ut *Garcilassus* vocat *Huallaripa* sedecim sunt leucae: à *Guallaripa* ad *Chuquinga* quatuor: est autem *Chuquinga* locus natura munitissimus ^{Guallari-} & pene inaccessus, quippe ad quem ducat trames angustissimus, & unius tantum ho- ^{pa.} minis capax, trium leucarum spacio: claudunt ab uno latere altissimi montes, ^{Chuquin-} altero fluminis *Abancay* praeruptae ripae, quo fit ut valde sit praecipex. *Garcilassus* de- ^{ga.} scribens expeditionem *Inca Mayta Capac* ad provincias *Consefuyo* subjugandas, narrat ^{l.3. c.9. 10.} illum è *Chumpivillea*, ut vocat, profectum, primo obvium habuisse caenosam paludem, per quam necesse fuerit iter silicibus sternere, (quod hodieque manet, summa inter barbaros veneratione, quia ipsum *Incam* una laborasse fama est) atque ita ingressum in provinciam *Alcam*, per angustias imprimis difficiles; atque in alias provincias *Taurisimam*, *Cotahuacin*, *Pumatampu*, *Parihuana cocham*: è qua per desertum *Coropuna* ve- ^{Coropu-} nit in provinciam *Aruni*, & ita porro in *Collahuam*, quae jungit fines cum valle *Are- ^{na.} *guipa*. Idem describens alteram expeditionem in easdem partes; narrat *Anqui Titu* ^{l.3. c.12.} cum copiis transisse per pontem *Huaca chacam* in provincias *Cotaspampam*, *Cotaneram* & *Huamanpalam*; quarum duae priores habitabantur à *Quechuis*. Inde transisse flumen *Abancay*, sive ut ille vocat *Amancaey*, (cujus unum brachium descendat juxta ¹⁰ *Chuquimcam*, duobus praeliis Hispanorum nobilem;) & ingressum solitudines *Hualla* ¹⁰ *ripe*, aurifodinis quondam celebris, & triginta quinque leucarum itinere penetrasse in vallem *Hacari*. Atque hæc per digressionem dicta sunt, (nam hæc provinciae ad Limanum pertinent conventum) regrediamur ad viam regiam & iter institutum.*

CAP. III.

Provinciae Collao particularior descriptio.

TOTA regio *Collao* plana est, & crebris annibus intersecta, pascuis imprimis ^{Collao.} lata, unde hic plures sunt pecudum greges, quam in aliis Peruviae provinciis; ³⁰ gramen aestate haud secus quam in Hispania arefcit. Hyems illorum ab Octobri durat in Aprilem; magis hic alget, quam in ulla Peruviae regione, si nivosos montes excipias. Hujus causam comminiscuntur hanc: quod planicies hæc editissima sit instar montium; vento paulo vehementius flante, iter hic permolestum, sed fido atque sereno celo longe jucundissimum, ob amenissimum camporum faciem. Coeli autem frigiditate sit, ut neque Mayzii neque aliarum frugum satis fertile sit solum, nec arboribus fecundum. Annona ipsorum principalis, sunt Papæ radices, quas ad solem siccitas in penurias recondunt & vocant *Chunno*. Hispani harum radicum commercio, rem familiarem supra modum augent, maxima enim copia ducunt illas ad fodinas Potosianas: hisce succedaneam habent alteram, quam vocant *Ocam*; nec ⁴⁰ *Quinna*, de qua alibi diximus, destituuntur. Tritico autem & Mayzio utuntur ad vestitio; quamquam sunt qui utrumque etiam pluribus *Collao* regionibus nasci testentur. In eadem regione reperiuntur certa animalia, quæ vocant *Bisachos*, quorum caro similis est nostratibus cuniculis; caudas habent oblongas instar sciuri. Itemque certæ aves, mole sturnorum plumis alaude, sed sub ventre viridibus, longo rostro atque cauda, vocant *Pito*; solet autem rostro suo petras excavare ut in iis niduletur: Sunt qui naturali industria certam herbam ad hoc opus adhibere narrent, quam propterea Hispani vocant *terva del Pito*; cui miras tribuunt vires, ad ferrum & durissima quæque perforanda. *Colla*, (id barbarorum est gentile nomen,) ingenio sunt satis prompti & mediocri industria: nam & ante Hispanorum adventum Solis Lunæque cursus di- ⁵⁰ stinguere noverant, & annorum mensiumque rationes & numerum inire: Annum *Mari*, diem *Auro*, Lunam *Alepaquexe* appellantes.

Ab *Yavire* secundum Regis viam ductum ad *Pucaram* leucae numerantur quatuor, ^{Pucara.} *Pucara*, ut alibi jam notavimus, ipsi sonat locum munitum; hodie hic tantum magnorum ædificiorum ruinæ, lapideaque visuntur hominum simulacra: rarissimi incolæ, quum locus superiori seculo frequentissimus fuerit. Hic memorabili prælio victus fuit *Franciscus Hernandez de Giron*, de quo in Historiis Hispanorum.

Haruncolla.

A *Pucara* ad *Hatuncollam* leucæ colliguntur quindecim. Interjacent minores aliquot pagi, *Nicasio*, *Sullaca*, alii: *Hatuncolla* caput gentis, nam *Hatun* Peruvianorum idiomate sonat magnum; nunc tantum umbra illius, quod quondam fuit. Notandum autem ab *Ayavire* aut à *Chuncara* ut scribit *Garcilassus*, viam regiam Collasuyo se dissepescere in duas semitas *Vmasuyo* & *Orcosuyo*, quæ *Lacum Titicacæ* mediam complectuntur; quarum illa jacet ad ortum illius, hæc ad occasum. Illa tendit ad pagos *Horuro*, *Afssilo*, *Afssangaro*, aliosque quamplures & pecore divites & annonæ abundantes. Haud procul ab hisce in montana regione oritur fluvius *Caravaye*, è quo magnam copiam absolutissimi auri & olim hausitam fuisse ferunt & quotidie hauriri; sed provincia illa valetudine incolarum infamis habetur. Qui à *Potosia* veniunt, postquam *Ayaviren* attigerint, iter flectunt ad dexteram ut *Caravayam* adeant.

- ” Denique in provincia *Collao* (inquit *Monardes*) locus est prorsus nudus, in quo nulla arbor, nulla planta nascitur, quoniam terra bituminosa est, ex qua Indi liquorem eliciunt, ad plurimos morbos curandos utilem, hac ratione: Scindunt terram in cespites, quos loco soli exposito, supra perticas aut crassiores arundines disponunt & vasa ad excipiendum liquorem apta subjiciunt: nam solis ardoribus liquefcit hoc bitumen aut succus terræ inclusus, remanentibus cespitibus siccis & sine pingui aliquo humore, ad focum struendum aptis, quia eo loco & ligna & alia struendo igni idonea desunt; is tamen ignis noxius est, ob densam fumi nigredinem & terrum quem exhalat odorem: nihilominus alterius materiæ penuria his cespitibus utuntur.

CAP. IV.

Maximi Lacus Titicacæ descriptio.

IN medio *Callao* situs est *Lacus*, omnium Americanorum, quorum quidem certa notitia ad nos pervenit, longe maximus atque latissimus, ad cujus ripas plerique harum provinciarum pagi assident; & in majoribus insulis, quæ quamplurimæ in hoc sparguntur, semetem faciunt indigenæ, & pretiosiora quæque recondunt in iisdem. In Juncetis autem atque arundinetis quamplurimæ nidulantur omnis generis volucres, præsertim palustres, interque eas grandes admodum anseres. Ambit octuaginta aut plures leucas, tantæ quibuldam in locis altitudinis ut septuaginta aut octuaginta orgyas capiat; & ventis agitatus ingentes fluctus & æquoreis pares tollat; ita ut streitum quoddam videatur, licet circiter sexaginta leucas abest à Mari Australi; descendunt in illum ab altis utrimque montibus plures amnes & infiniti pene rivuli. Dicitur vulgo *Titicaca*, *Gomare* autem *Tiquicaca*, quæ vox sonat insulam plumbi, ut *Tiqui* plumbum, quod in insulis hujus lacus volunt reperiri. Caput illius abest à Metropoli *Cusco* leucas quadraginta. *Acofisa* describit illum diligenter, quem audire operæ precium fuerit.

l. 2. c. 6.

In hunc Lacum (inquit) supra decem descendunt justæ magnitudinis flumina, 40 unum autem tantum habet emissarium, haud valde latum, verum supra modum altum, per quem aqua tam perneciter decurrit, ut pontem hic moliri lapideum aut sublicium plane sit impossibile, ne ratibus quidem aut cymbis trajici posse affirmant: verum tamen barbari mira industria pontem stramineum funibus utrique ripæ firmè alligatum superstruxerunt, qui & levitate sua facile sustentatur & vinculorum tenacitate, nullo discrimine ab hominibus atque jumentis transiit. Triginta & quinque leucas patet in longitudinem Lacus, in latitudinem, quæ maxime se pandit, quindecim; multæ in eo videntur insulæ, & cultæ olim & habitatæ, nunc vero vastæ & vacuæ: Juncorum quædam species in illo nascitur, quam accolæ vocant *Totoram*; hisce ad quamplurima utuntur, nam & in cibis usurpant barbari; iisdem & porcos figi-
nant, aluntque jumenta: integunt iisdem tuguria sua, consuunt ex illis lintres, in-
struunt focum, denique *Vri* adhibent pene ad omnia quæ vita humana flagitat. *Vri* (in-
quam) brutale hominum genus, & vix quicquam humani præter formam fortiti, qui
olim juncetæ Lacus incolebant, & super juncos ratiæ in modum connexos per
Lacum fluitabant & à fluctibus nunc in hanc nunciæ illam impellebant partem.

Totoræ.

Vri.

l. 3. c. 16.

Aqua hujus Lacus (inquit idem) neque penitus amara aut salia est instar maris, turbida

bida tamen & crassa & potari proflus inidonea. Duas species piscium nutrit, quorum primam vocant indigenæ *Suchos*, qui majores sunt & saporis neutquam ingrati, sed phlegmatici atque insalubres: alteræ ab Hispanis *Bogæ*, multo salubriores, licet minores & pluribus ossibus præditi. Scribit *Garcilassus* ab his multum diversa; *Suchos* ^{2. cap.} admodum pingues esse, ita ut non alia pinguedine ad friendos opus sit; Bogas, minus esse, mala forma & pejore sapore. Nutrit præterea palustres aves pene infinitas, anseres, anates & similes. Quam accolæ hospitibus suis, qui secundum utramque Lacus ripam iter agunt, gratificari volunt, plurimas rates, quas vocant *Balsas*, contrahunt in unum, iisque anseres & anates in ambitu veluti in quadam cingunt, donec easdem manu capiant. Postquam autem emissarium pene quinquaginta leucarum iter descenderit, alterum sed minorem facit Lacum, quem vocant *Pariam* vel de *Anlagis*, multa hic quoque visuntur insulæ, nullum autem emissarium, ita ut multis persuasum sit, hunc Lacum per oculos terræ meatus, in Australem Oceanum sese exonerare, idque eopotissimum argumento, quod fluvius quidam, haud procul hinc in mare exeat, cujus fontes ignorantur. Ager qui Lacum majorem ambit, pecore abundat, maxime autem suis, ob Totoræ copiam, quæ pecus hoc initum in modum delectatur atque pinguescit.

CAP. V.

20 *Reliquæ provinciæ Collao secundum Regiam viam quæ ducit à Cusco ad oppidum de la Paz: Chiquito provincia & Nuestra Sennora de la Paz in Chuquiabo.*

AB Hatuncolla ducit via Regia per *Paucarcollam* & reliquos Collarum pagos ad Provinciam *Chiquito*, vel ut *Garcil.* vocat, *Chucuyin*; quæ frequentissima est omnium harum regionum & amenissima: pagi qui hic visuntur sunt sequentes: primo *Xuli* sive *Zule*, locus frequentissimus, adeo ut author quem jam crebro citavi, *Xuli*, affirmet, ibidem habitare triginta millia barbarorum; & patres Societatis hic tres habere scholas, & immensis opibus affluere. Dein *Chilane*, *Acor*; tum *Pomata* ^{Pomata.} itidem frequens & opulens pagus: *Cepita* denique juxta emissarium Lacus, à quo & nomen meruit. Ingæ hic quondam suos habuerunt publicanos qui porrorum exigebant ab iis qui stramineum pontem transibant. Incolæ abundant pecore, præsertim hisce regionibus domestico; in plerisque pagis jam templa sunt condita; indigenæque præsertim nobiliores avide amplectuntur religionem Christianam.

Chiquito oppidum Hispanorum, distat à Metropoli Characarum *la Plata* supra centum leucas versus Corum; ad ripam Lacus Titicacæ: habet Præfectum (uti ab eo accepi qui nuper viderat) primæ dignationis, ubi ab ipso Hispaniarum rege constituitur, est enim præfectura imprimis quæstiosa; nam quum stipendium annuum sit decem millium, emolumenta illius ad quadraginta millia ducatorum putantur ascendere: Episcopum Characensem agnoscit urbs.

40 Haud procul à *Cepita* jacet *Quaqui* pagus, ubi Reges Peruvix olim habuere Palatium, Hispani autem Templum & Scholam in qua barbarorum juvenus, principiis religionis Christianæ imbuunt. ^{Quaqui.}

Tiaguanaco sive ut *Garcilassus* scribit, *Tiaguanaco* jacet trans dictum emissarium, ^{Tiaguanaco.} mediocris quidem pagus, sed stupendis ædificiorum molibus visendus: præter quas hic cernitur quidam collis, valido muro cinctus, supra quem dux statux humanæ sunt collocatæ, è saxo tam eleganter cælata, ut à periculis statuariis merito videantur effictæ; præterea gigantea mole, & vestibus oblongis, & velamentis capitum peregrinis, atque à consuetudine vulgari Peruvianorum multum diversis: juxta has statuas videntur vestigia antiquissimi ædificii, cujus hodie tantum parietes supersunt, è prægrandibus saxis compositi, pluraque antiquitatis monumenta, ut jure antiquissimum totius Peruvix municipium possit videri: à quibus populis sit conditum in tanta antiquitatis ignorantia, deprehendi non potest. Scribit de hisce antiquitatibus *Cieza* capit. cv. & *Garcilassus* lib. 111. cap. 1.

A *Tiaguanaco* ad *Viacham*, sive ut *Garcilassus* vocat, *Haayen* pagum secundum viam ^{Viacham.} regiam

regiam sunt leucae septem. Prætereuntur autem ad sinistram *Cacayavine*, *Casbingera* (*Garcilasso* ut opinor *Cauquicura*) *Mallama* & plures alii pagi. Haud longe hinc jacee planicies *Guarina* vel *Huarina* (ut scribit *Garcilassius*); prælio Hispanorum inter se memorabilis. Qui oppidum de la Paz petunt, hic paululum divertunt à Regia via ad Pagum *Laxam*, qui unius tantum diei itinere distat ab oppido illo.

la Paz. Oppidum *Nuestra Señora de la Paz*, quod & *Pueblo Nuevo* dicitur ab Hispanis, atque etiam *Chuquiabo* à provinciae gentili nomine, situm est in medio *Collao*; à *Cusco* centum ut *Herrera*, aut ut *Cieza* tradit circiter octuaginta leucas: ab oppido de la Plata octuaginta aut nonaginta; à *Lima* ducentas & viginti; à *Potosia* octuaginta; ab *Oropesa* in valle *Cochabamba* quinquaginta. Occupat modicam valem inter editos montes, & aquarum scaturigine, & lignorum copia imprimis laudatam; aliqua hic arva, in quibus Mayzii sementem faciunt; & plures fructiferae arbores: reliqua annona ex celsioribus vallibus & vicinis provinciis subvehitur: Labitur præter oppidum amniculus limpidus & potari pulcherrimus. Provinciam *Chuquiabo* ab Aurifodinis nomen accepisse opinantur *Herrera* & *Chuquiabo* barbarorum lingua sonare auri hereditatem, sed repugnat *Garcilassius* & interpretatur lanceam principalem. Caelum hic frigidius & solum satis aridum: Pluit hic à Decembri ad Martium, ab Aprili autem ad Augustum friget & gelat interdum, ita ut herbae atque arbores arescant: September, October, November maxime sudi & temperati; his mensibus germinant hic arbores uti in Hispania Martio. Venti hic haudquaquam graves & caelum fere sudum, aëque temperatus & salubris; præterquam frigidissimis mensibus, tum enim catharris & hypochondriorum doloribus hic laboratur. Oppidum ipsum ad radicem montis conditum, ut à ventorum injuria magis tutum esset; in profundam vallem & quæ vix dimidium leucam ambit, despiciens. Plures habet fontes; pascuæque longe optima: alit ager vites & ficus, aliaque fructiferas arbores: mense Januario incipiunt omnes fructus maturescere: uvæ autem à medio Aprili ad exitum May.

Indigenæ hujus provinciae mediocres sunt industriae, pusillanimes, & ut facillime quid addiscunt, ita cito ejusdem obliviscuntur: utuntur jam vestibus coluntque Christiana Sacta. Andes distant ab ipsorum finibus leucas decem. Præstantissima hic dicuntur esse auri metalla, & salina quoque, quæ copiam salis vicinis provinciis magno compendio subministrant.

Vallis *Caracato*, quæ ad provinciam hanc pertinet, longe optimas fert uvæ, & harum regionum primas.

L. c. 16. Anno cło lxxxı (inquit *Acoſta*) mirabile quid accidit in hac provincia; bona quippe pars pagi *Angoango*, cujus incolæ habentur insignes præstigiatores, ex improvviso à vicino monte fuit obruta, ita ut multi mortales suffocarentur; terra autem decidua in modum aquæ effusa, spatio unius & dimidiæ leucæ ita procurrit, ut exiguum lacum totum oppleret, totaque via qua inceserat, spargeretur.

C A P. VI.

Via Regiæ Collasuyo progressus usque ad oppidum la Plata.

SUPERIORE Capite viam regiam sequuti usque ad *Viacham*, paululum ab illa divertimus ut oppidum *la Paz* in transitu salutareremus; nunc viam repetimus. A *Viacha* transitur ad *Hayo-Hayum*, ubi *Tnga* quondam Palatium habuerunt imprimis magnificum.

Hayo-Hayo. A *Hayo-Hayo* ad *Siquisicam* olim tantum pagum, nunc municipium satis frequens, postquam hic argenti venæ fuerunt inventæ satis opulente, uti accepi ab iis qui superioribus annis hic fuerunt: distat à *Potosia* sex & sexaginta leucas.

Caracol. lo. A *Siquisica* ad *Caracollum* undecim numerant leucas, pagus est in patenti planicie situs haud longe ab amplissima provincia *Paria*. *Garcilassius* describens quo pacto *Tnga* Loque *Tpanqui* has regiones *Collao* impetio suo adjunxerit, narracillum ex *Pucara* profectum, primo adiisse *Paucarcollam* & *Hatuncollam*; atque inde *Chienyo*; cujus præcipui pagi tum fuerint *Hillavi*, *Chulli*, *Pumara*, *Cipira*, alii. A quibus deflectens ad occidentem, adiit atque subjugavit provinciam *Hurin capam*: Subjungit deinceps

Incama

Incam Mayta Capac, venisse ad emissarium *Titicaca* & illo superato, primò imperio *Incarum* adjunxisse *Tiahuanacu*, atque inde movisse in provinciam *Hatunpacassam*, eaque subjugata, venisse *Cacyaviren* atque hic ipsi ultro se subiecerunt tres grandes provinciae, pecoris divites, & frequentes gente bellicosa; nimirum *Canquicura*, *Mallama* & *Huarina*. Deinceps misisse duces suarum copiarum ab *Hatuncolla* versus occidentem; qui ægre superata solitudine *Hatunpuna*, quæ hic patet in latitudinem circiter triginta leucas, penetrarunt in provinciam *Cuchunam*, eoque deduxerunt duas colonias *Cuchunam* & *Moquehuam*, quæ distant à se invicem quinque leucas. Postilla idem Rex movens è *Pucara Omasyo*, (quæ est diversa ab illa
10 cuius ante meminimus) profectus est versus ortum, subjugavitque provinciam *Llaricassam*, & mox *Sancayan*, quæ provinciae amplissimæ erant: patebant enim in longitudinem quinquaginta leucas, in latitudinem partim triginta, partim viginti. Inde transit in *Pacassam* cuius pars jam ante fuerat domita, reditque ad viam Regiam quæ dicitur *Omasyo* juxta pagum qui hodieque dicitur *Huaychu* sive *Viacha*. Et post acre certamen cum incolis ad ripas fluvii *Huaychu*, adiunxit imperio suo pagos omnes ab *Huaychu* ad *Callamarca*, qui occupant triginta leucas versus meridiem. Inde promovit quatuor & viginti leucas ad *Caracollo*, & subjugavit pagos omnes ad dextram & lævam à via Regia usque ad lacum *Paria*.

20 *Paria*, uti diximus, amplissima est provincia, habens oppidulum ejusdem nominis, distans à *Potosia* sexaginta aut circiter leucas, ad quam oppidani plurimos caeseos venum ducunt. Cæteri hujus provinciae pagi, jacent ad ripam emissarii magni Lacus *Titicaca*, aut paulum ab illo discreti, uti *Caponata* & alii. Ultra *Pariam* quoque varii incoluntur pagi *Pocoara*, *Macha*, *Caracara*, atque *Moromoro*. Sub Andibus autem plures populi degunt in diversis provinciis, de quibus nihil singulare accepimus.

C A P. VII.

Urbis la Plata sive Chuquisacæ descriptio; nec non minorum aliquot oppidorum.

30 •

METROPOLIS hujus Conventus Juridici *la Plata*, distat ab *Æquatore* la Plata. versus Austrum gradus novemdecim secundum *Herreram* (in quo tamen & falli & sui immemorem esse suspicor, siquidem ipse alio loco cum *Acoffa*, hanc ad eandem altitudinem collocat cum *Potosia*) & duos supra septuaginta gradus à Meridiano Toletano versus Occidentem. In distantia ab urbe *Cusco* variant auctores, *Didacus Fernandez* numerat centum octuaginta leucas, *Herrera* centum & quinque supra septuaginta; *Augustinus de Zarate* centum & quinquaginta. Provincia barbarorum lingua dicebatur *Chuquisaca* (quod nomen etiam urbi non raro
40 tribuunt scriptores Hispani): Ager frugum fertilis, tritici atque hordei ferax, vitiumque & aliorum fructuum patiens. De cæli qualitatibus diversa tradit *Herrera*, hic enim temperiem aëris egregie laudat, *Ciesam* haud dubio autorem secutus, alibi autem contra (forte *Augustino de Zarate* credens) supra modum frigidum dicit, idque contra climatis naturam: in quo haud dubio fallitur, nam *Acoffa* & diligens & idoneus Author, inter admiranda hujus regionis recenset, quum *la Plata* & *Potosia* ad eandem *Poli* altitudinem sint constitutæ, & non supra octodecim leucarum intervallo discretæ; quod tamen ager *Potosianus* supra modum frigidus, aridus atque infœcundus sit; *Platæ* vero contra calidior, temperatus, fœcundus & amenissimus, quippe qui & fructus Hispanienses benigne ferat. Porro in hoc opo
50 pido celebratur Conventus Juridicus totius provinciae *Charcarum*, unde & incolis valde frequens est: hic & Cathedralis Ecclesia & aliquot monasteria Dominicorum, Franciscanorum & aliorum ordium visuntur. (Episcopi reditus annui dicuntur esse octuaginta millia ducatorum.) Limites hujus Diœceseos longe lateque parent, variisque rigantur amnibus: antiqui indigenæ dicebantur *Charca* & *Caramgues*, bellicosa gentes atque feroces. Peruviae Monarchæ superioribus seculis hinc multa municipia occuparunt in metallis erendis & eliquandis, imprimis è monte

Parco sive *Porco*; è quo ingentem illam argenti copiam, quam Hispani in Peruvia thesauris reppererunt, egestam satis liquet: Metalla hujus montis à *Pizarro* denuo sunt tentata, antiquis cuniculis egestis & repurgatis: nec dubium est quotannis ducenta millia ductorum egerere potuisse, si, ut cœperat, perendidisset. Plurima præterea hic sunt metalla, atque adeo totam hanc regionem ditissimas argenti venas abscondere, constans est fama, unde & urbi nomen inditum. In agro denique hujus oppidi, si *Herreram* audiamus, degunt in variis prædiis & villis, quas vocant *Chacararum*, Hispani supra octingentos: & in *Diecepsi* supra sexaginta millia barbarorum vectigalium; qui in viginti novem portiones, *Repartiementos* vocant Hispani, sunt divisi: ita ut hujus oppidi atque agri incolæ divitiis atque omnium rerum opulentia 10 cæteros Peruvia incolæ præcellant.

Ad hanc *Diecepsin* præter pagos jam ante enumeratos, pertinent *Totora*, *Tapacri* provincia (ut scribit *Garcilassus*) fertilissima, & indigenis frequens, & pecoris dives, patens in longitudinem viginti leucas, in latitudinem plusquam duodecim. Notandum autem inter hanc provinciam & *Collao* interjacere vastam solitudinem, & citi-ter triginta leucas latam, in qua plurimæ reperiuntur scaturigines admodum ferventes; distat *Tapacri* octo leucas à *Cochabamba*. *Sipspe* de qua nihil accepi. *Cochabamba* vallis imprimis fertilis & tritici atque Mayzii ferax, pascuisque abundans: in qua oppidulum à Pro-Rege *Francisco Toletano* conditum *Oropesa* nomine, viginti leucis ab oppido *la Plata*, cujus incolæ agris colendis & pecuariæ gnavigiter incumbentes magnum faciunt quantum: accepi ab iis qui hac iter habuerunt, distare à *Potosia* secus 20 viam quæ ducit ad *Cusco*, leucas duas supra triginta: fruges autem suas & pecora potissimum ducere *Potosiam*.

Scribit *Garcilassus*, in valle *Cochapampa*, ut ille effert, ob insignem ubertatem ab Hispanis anno c15 l3 LX^v conditum fuisse oppidum *S. Petri de Cardenna*, quod an idem sit cum *Oropesa*, ambigo.

Præterea *los Carangues*, *Chayanta*, de qua *Garcilassus* scribit, à *Cochabamba* transiri in hanc provinciam per desertum longe sterilissimum, triginta pene leucarum, in quo nihil visitur præter petras & præcipitia, & tribulis quo aculeos ferunt oblongos instar digiti humani & ita validos atque acutos, ut acum & acicularum usum suppleant; sunt autem toti Americæ familiares: provinciam autem *Chayantam* patere in longitudinem leucas viginti, in latitudinem fere totidem. 30

Chaqi. *Chaqi* provincia, proprie *Charcarum*, in qua Hispani hodie oppidulum incolunt ejusdem nominis, quatuor leucis à *Potosia* cælum hic frigidius, sed ager pascuis lætus; unde oppidani hic potissimum pecuariæ dant operam.

Los Chicas populi, qui plures pagos incolunt.

Augustinus de Zarate addit his *Poconam*, quadraginta leucis à *la Plata* & octuaginta à *Paria*. Alii quoque prope *Chicarum* regionem vallem *Moxotoro*, in qua plurima sunt viridaria, & fructuum omnis generis, vini & Sacchari 40 copia.

Chacomayo. Inter oppidum de *la Plata* & *Potosiam* labuntur duo fluvii; quorum unus distat ab urbe circiter duas leucas, *Chacomayo* vocant Indigenæ, qui ponte sublcio jungitur & plures agit molas. Alter *Pilcomayo* distat à *Potosia* duodecim leucas, à *Plata* sex, cujus ripæ lapideo ponte junguntur, quia pluviis mensibus intumescit, ut vado non possit transiri.

In hac regione nulli sunt lupi, sed alia ferocia animalia, quæ Hispani quidem vocant tigres, barbari autem *Ostorongos*, similia sunt leonibus pardis, mole virulorum, quæ pecudes, atque adeo armenta atque jumenta dilaniant, nec abstinere ab hominibus, si obvios habeant. Nec defunt leones, sed neutiquam tam feroces, quam Africanis, ita ut à canibus facile superentur.

Circiter triginta leucis à *Chquisaca* versus ortum, jacent etia oppidula, præsidia contra *Cheriguanas*, *Tomina*, *la Lagunilla*, & *Tarixa*: quæ plurimum tritici, Mayzii, fructuum variorum, Sacchari & similium ferunt; quæ universa ad hanc urbem aut *Potosiam* subvehunt.

Præterea circiter quinque & viginti milliaria à *la Plata*, jacet oppidulum *Misque* à quo

à quo multa vina ad *Potosiam* subveſtantur: intermedio itinere labitur fluvius quem Hiſpani vocant *de Condorillo*, octo quidem leucas à *La Plata*, ſeptemdecim autem à *Miſque*; ager hujus oppiduli & tritici fertilis & vitium tolerans.

C A P. VIII.

Urbs Potoſia & opulentiſſima illius Argentſodine.

IMPERIALIS (ut Hiſpani vulgo loquuntur) civitas *Potoſia*, ſita eſt ad altitudinem unius & viginti graduum & quadraginta ſcrupulorum ab *Aequatore* verſus
 10 Auſtrum, ut reſtatur *Acoſta*; quem ut accuratum ſcriptorem in hoc lubenter ſequimur, licet alii hanc magis ad æquatorem retrahant. Octodecim leucas ab oppido *la Plata*: octo à *Lacn Paria* ſive de *Aulagis*, denique ſexaginta ſupra centum à *Cuſco*, itinere ſatis expedito & per provincias incolis frequentes: octuaginta autem circiter ab *Arica* ad mare Auſtrale; denique à *Buenos Ayres* ad flumen Argenteum oppidum, ut plerique tradunt, trecentas & quinquaginta & plures, ut ſuo loco dicitur. Cives Hiſpanos numerat circiter ſex aut quatuor mille; & longe plures advenas: ingens enim hic eſt concuſſus mercatorum, atque etiam otioſorum hominum qui tantum alexæ & voluptatibus dant operam. In ſuburbis ac vicinis agris degunt utplurimum triginta aut plura millia barbarorum, qui in metallis occupantur, &
 20 etiam è valde longinquis provinciis adveniunt, ut Hiſpanis hanc ſervitutem ſerviant. Regitur à ſuis magiſtratibus; quorum caput eſt Præfectus, Hiſpanis *Corregidor*, quem Rex Hiſpaniarum mittit ad triennium, cujus annuum ſtipendium alii ſcribunt eſſe tria millia ducatorum, quotannis, alii decem milium, nam emolumenta immenſa ſunt. Cœnobيا monachorum hic plura ſunt & opulentiſſima, nec deest collegium Societatis, & monialium conventus. Licet autem ager ſit frigidiffimus & valde ſterilis, quippe qui nullas fruges ferat, præter avenam, quæ tamen raro matureſcit, ſed fere ſecatur inſtar fœni ut jumentis ſerviat: tamen hic omnium rerum ſumma eſt copia, nihilque deest non modo ad neceſſitatem ſed & ad voluptatem.

Famoſiſſimum autem montem deſcribit *Acoſta* ad hunc modum: Celeberrimus
 30 *Potoſi* mons ſitus eſt ad altitudinem unius & viginti graduum & quadraginta ſcrupulorum, intra Tropicum Capricorni, & in torridæ Zonæ pene extremo; nihilo tamen ſecius, regio hæc longe frigidior eſt, quàm Belgium, ne dicam Hiſpania; quum pro ratione climatis calidam vel ſaltem temperatam eſſe oporteret: in cauſa eſt Soli altitudo & frigidorum arque tempeſtuoſorum ventorum fere continuus ſtatus; præcipue illius quem hic vocant *Tomohavi*, longe frigidiffimi, qui hic Maſo, Junio, Julio atque Auguſto regnat. Solum in ambitu aridum, frigidum, inamœnum, ſqualens & non modo frugum, ſed graminis quoque & herbarum inſecundum, ita ut per ſe inhabitabile ſit: verum argenti ſitis non modo hunc locum totius Peruvix frequentiffimum, ſed & omnibus rebus affluentiffimum fecit: nam
 40 licet vicina regio etiam neceſſariorum indiga ſit, omniaque è longinquis provinciis ſubvehere neceſſarium ſit, tamen ſota venalia, nunquam non omnimodis fructibus, cupediis, optimis vinis, pannis ſericis, aliſque rebus omniſibus & ad ornatum & ad voluptatem neceſſariis ad miraculum ſunt plena. Mous *Potoſi* emittit ſupra vicinos, tentorii aut panis Sacchari in modum, colore obſcure rubenti, jucundo aſpectu; aſcenſu per ſe difficilis, licet jam equis quoque aſcendatur: radices illius occupant unam leucam; vertex deſinit in conum, à quo ad imas radices mille ſexcentæ & viginti quatuor decem pedæ numerantur, quæ ad meſuram Hiſpanicam revocatæ quartam leucæ partem conſtituunt. Hujus radicibus adhæret ramentum montis, quod à majori oritur, ubi quondam argenti maſſæ veluti in loculis quibuſ-
 50 dam & ſolutæ extra venas fuerunt repertæ, diſiliſſimæ quidem, ſed paucæ: Ramentum hoc vocant barbarorum lingua *Potoſi guayna*, id eſt, minorem; ab hujus declivi incipiunt Hiſpanorum & barbarorum ædificia, quæ pene duas leucas ambitu ſuo complectuntur, ita ut hoc oppidum totius Peruvix ſit ampliffimum. Metalla hæc ignota fuerunt Peruvix Monarchis, & duodecimo demum anno poſt Hiſpanorum in Peruviam ingreſſum, caſu à barbaro quodam inventa: Anno autem c1510 xlv dux ſodine à *Villaroelle* Hiſpano & *Guanca* barbaro primum inchoatæ, quarum una

Rica, altera vena *Di-laci Centeni* dicitur: paulo post & tertia quam ob duriciam pene *Siliciam* vocant *del Estanno*; denique mense Augusto ejusdem anni quarta, quam *Mendietam* appellant. Atque hæc quatuor præcipuæ hujus montis fodinæ. De prima quam divitem diximus appellari, narrant, argenti venam lanceæ altitudine supra terræ superficiem instar cristæ galli gallinacæ protuberasse, longitudine ttecencorum pedum & latitudine tredecim, opinanturque ita à diluvii tempore nudam relictam, ob insignem duriciem nihil à fluctibus passam. Tanta autem hujus metalli opulencia erat, ut dimidia pene pars purum purum esset argentum, idque ad quinquaginta aut sexaginta orgyas in profundum, ubi nonnihil mutari cœpit. Divitiæ famosisilimarum totius orbis fodinarum, quarum quidem veteres scriptores meminere, cum hujus opulencia nequaquam comparandæ: nam & libri regii loquuntur & senes fide digni testantur, quum *Licentius Polus* hic præsideret, pluribus annis post primam inventionem jam exactis, singulis Sabbathi diebus, ad ipsum adferri solita, ut quinta Regis portio deduceretur, centum quinquaginta & interdum ducenta millia pezororum (quorum singuli valent octo regales Hispanienses) ita ut hæc fodinæ triginta ad minimum millia subministrarent in singulos dies: nec tamen omne argentum, & forte ne dimidia quidem pars ad Præfectum fuit allata: Ulscatum namque in Peruvia argento signato (quod vocant *Corriente*) quo in commerciis utuntur, quintam non deducere: Satisque constat primis illis temporibus maximam argenti partem in pecuniam versam fuisse. Id quoque harum fodinarum præstantiam arguit, quod purei nonnulli jam ad ducentas orgyas in profundum acti, nullis dum aquis infestentur: quum in nobilissimo Hispaniæ puteo *Bebelo*, qui Hannibali ccc pondo subministravit in dies, ad mille quingentos passus cavato monte, per omne id spatium Aquitani stantes diebus noctibusque egerere aquas, lucernarum mensura, amnemque facere coacti fuerunt, ut *Plinius* scriptum reliquit: & *Porceses* putei, distissimis alioquin venis referti, ob aquarum copiam jam deserti fuerint. Quid multa? Rex Hispaniarum ex fodinis *Potosanis* quotannis percipit millionem ducatorum, idque ex quinta parte argenti tantum, ut interim raceam cætera emolumenta quæ ex argento vivo & vestigalibus consequitur. Ita ut rationibus per viros harum rerum scientissimos accurate subductis, tempore *Pro-Regis Francisci Toletani*, certo consiliterit à prima inventionem ad annum clō 15 lxxiv septuaginta & sex milliones hic fuisse quantitas: post illa adhuc majorem argenti vim egestam volunt. Siquidem *Acoſta* alibi testatur anno clō 15 lxxxvii utraque classe, tam Peruviana quam Novæ Hispaniæ, undecim milliones in Hispaniam advectas, quarum pene dimidia pars ad Regem pertinebat, & fere duæ tertiæ à Peruvia venerant.

C A P. IX.

Alia observatu digna de Argenti fodinis Potosiæ.

Iosephus de Acoſta scribit, quatuor principales illas venas, quas supra designavimus, sitas esse ad orientale montis latus; extendi autem ab Arcto ad Austrum; latus esse ubi maxime, pedes sex, ubi minimum, unum; spargere autem se in plures minores veluti ramos; qui diversos dominos agnoscunt. Maximam venam tenere octuaginta ulnas; numerantur septuaginta octo putei, qui descendunt in profundum ad centum & octuaginta, & interdum ducentas altitudines corporis humani. In vena *Centeni* numerantur quatuor & viginti putei, quæ descendunt ad sexaginta & octuaginta ejusmodi altitudines. Ut tantæ altitudini obviam iretur, inventi sunt cuniculi, quos vocant *Socabones*, per quos à latere montis penetratur ad venas. Credunt enim illas ad radicem usque montis descendere, & in fundo longe opulentiores futuras, licet experientia hætenus contrarium docuerit. Ejusmodi cuniculi fere ad altitudinem corporis humani sunt egesti, latitudine octo pedum: clauduntur suis portis; & domini cuniculorum accipiunt quintam partem metalli quod educitur. Erant, quum *Acoſta* scriberet, nimirum anno clō 15 xc, jam novem aperti, pluresque aperiebantur. Eorum unus quem vocant *del Venino*, qui ducit ad venam Ricam, perfectus fuerat annis viginti novem, improbo sane labore: licet os illius a loco, ubi puteo jungitur (vocat *El Cruzero*) tantum

tantum abſit ducentas & quinquaginta ulnas Hiſpanienſes. Porro Vena argenti ut plurimum concluda reperitur inter duas veluti rupes; (vocant *la Caja*) quarum una duriffima eſt inſtar ſilicis, altera mollior: metallum autem medium diverſi eſt valoris: eſt enim quoddam opulentum (vocant *Cacilla* ſive *Tacana*;) quod plurimum argenti abſoluti; alterum inops, quod paucillum edit. Opulentum metallum eodem eſt colore quo ſuccinum.

Iter denique à *Potoſia* ad *Cuſco* (quemadmodum à *Belga* quodam accepi) inſtituitur in hunc modum; per provincias *Collao*, ad *Chuquiabo*; tranſcundum autem per *Sicaſcam*; nec tamen neceſſe eſt ingredi *Chuquiabo*, ſed relinqui poteſt ad dexteram; hic ſingulis v, vi aut vii leucis occurrunt *Tambos* & barbari, qui gratis miniſtrant advenis. A *Chuquiabo* ad *Tiahuanaco* numerant novem leucas; hic jam ingens ille Lacus viſitur, & agitur iter ſecundum illius ripas, donec perveniatur ad pontem, qui ſtratus eſt ſuper illius emiſſarium; à quo ad *Chicuſto* numerant leucas tres; hinc pergunt ad *Ayaviren*, à qua via declinat ad dexteram quæ ducit ad *Caravayam*; pergit via ab *Ayavire* ad *Chongaram* & inde ad *Lunacachen*, duo municipia barbarorum, quæ diſtant à ſe invicem ſex leucas: Hæc regio editiffima totius Peruvix judicatur: à qua ad metropolin *Cuſco* ſuperſunt tres & triginta leuæ.

Accepi à *Belga* qui anno cſo lxxc & poſtea hic vixerat, venam jam in dies parciorem fieri, & quum ſoleret eſt centum libris, ducentos atque adeo trecentos pezos abſolvi argenti reddere, nunc vix decem, imo & pauciores eliquari: Rationem item eliquandi jam multum diverſam eſſe ab ea quam olim uſurpabant, tunc enim venam in pulverem redactam in exiguis furnis, Hiſpanis *Gnayros*, ore anguſto ventis expoſito, ignis vi excoxiſſe. Nunc autem multo labore pulverem hunc in ciſternis ad id comparatis, & aqua ſubigi, & miſceri cum raſuris ferri, æris, & poſiſſimum cum hydrarguro, pluribuſque diebus verſari, lavari, & tandem uri in fornacibus, ut hydrargurum conſumatur & abeat in fumum. Porro ad venam metalli frangendam pluribus machinis opus eſt, quæ ab aquis aguntur inſtar molarum; aquarum autem indigus eſt ager, præterquam pluviarum; itaque neceſſe eſt illas pluviis menſibus colligere in ingens ſtagnum, & reductis repagulis emiſſe certo ordine & menſura; ad molas circumagendas, quas hic ſexaginta numerant. In valle quoque *Tarapaya*, quæ duas treſſe leucas diſtat ab oppido, aliquot ejuſmodi molæ, ab amniculo circumaguntur. Ad caput denique hujus vallis viſitur lacus plane rotundus, cujuſ ſcaturigines, licet ſolum in ambieu frigidius ſit, ad ripam quidem modice calent, in medio vero ita fervent, ut ab hominibus tolerari non poſſint: ebullit aqua in medio vincti pedum ambitu: nec tamen, quod mirabile, lacus unquam augeri aut minui ceſſatur; ne nunc quidem cum canalis ex illo deductus eſt ad molam agendam.

Porcenſes fodinæ abſunt ſex leucas à *Potoſianis*, ſecus viam quæ ducit *Aricam*, & duas à Lacu *Parix*: quem vocant de *Aulagis*; quæ olim totius Peruvix celeberrimæ fuerunt, & hodieque valde abſolutum argentum edunt; verum ab aquis mirum in modum infeſtantur.

Sunt & aliæ in hiſce partibus fodinæ argenti, quæ *Oruro* aut *Horuro*; & quæ *Be-rengela* dicuntur; ſed de ſitu earum non ſatis mihi conſtat. Dicemus adhuc pauca de ſinibus *Charcarum*, ubi ad *Tucumanam* pervenerimus, quæ neceſſario videnda ut regionum vicinarum ſitus melius percipiatur. lib. xii.

CAP. X.

*Provincia Charcenſis litus, promontoria, ſinus, portus
atque ſtationes.*

DHilo. IXIMUS ſupra Conventus Juridici Limani litus deſinere in *Tambopalla*; ubi *Charcenſis* Conventus incipit. Decem à *Tambopalla* leucis verſus Austrum, litus ſupra leucam in altum progrediens facit Promontorium, quod tribus eminentibus ſcopulis tegitur; eo ſuperato aperit ſe *Tlo* ſive *Hilo*, commodus portus, juxta quem fluvius egreditur, xviii gradibus aut circiter ab Æquatore verſus Austrum. Ab hoc ad editum montem qui littori imminet & ab Hiſpanis dicitur *Morro de*

Africa.

los Diablos (causa mihi non liquet) sunt leuæ septem. Ab hoc ad modicum amnem cuius nomen non proditur, sed aquæ commendantur, sunt leuæ quinque. Dein ad alterum excelsum montem cui insula objacet ad Euronotum, leuæ decem. Juxta hunc jacet nobilissimus *Arice* portus: quem *Petrus de Ciega & Herrera* collocant ad decimum nonum gradum & viginti scrupula: verum Angli qui cum *Draco & Candishio* orbem circumnavigarunt & hæc littora legerunt, ad decimum octavum & triginta scrupula: *Oliverius* autem à *Noort* ad xviii gradus & quadraginta scrupula; itaque secundum accuratas Anglorum & Nostratum dimensiones ad decimum octavum gradum & dimidium aut circiter censemus collocandum.

Nostrates qui anno 1615 x cix hunc locum adierunt sinum esse testantur, & 10 non tam portum quam stationem esse appellandam: est autem ab Australibus, orientalibus & aquilonariis ventis egregie defensus, ab occidentalibus non item; & facile adiri potest & sine discrimine, præterquam quod se prodit. *Acosta* scribit illum dislare ab Argentifodinis *Potosianis* leucas septuaginta: alii octuaginta, quod magis probō. Maximus hujus portus est usus; nam omnis argenti gaza quæ à *Potosianis* & vicinis fodinis eruitur, huc ab ovibus Peruvianis bajulari & à paucis Hispanis & barbaris solet conduci, medio Martii ita ut sub finem illius mensis aut exordium sequentis veniat Aricam; unde classe paucarum navium portatur Limam, ubi ut plurimum solent appellere sub initium May aut circiter. Itaque hunc locum hætenus apertum, diligenter superioribus annis muniverunt Hispani, & plura majora tormenta locis idoneis ad litus collocarunt, ut naves hostiles è portu arceant, & excesum prohibeant. Regitur à Corregidore, ut vocant, quem accipit ab ipso Rege ad sexennium, magnæ ut plurimum dignationis.

Franciscus Dracus memorabili illa in Mare Pacificum expeditione, hunc portum inopinantibus Hispanis ingressus tres ibidem celoces interceptit, in quarum una septem supra quinquaginta argenti massas invenit, viginti librarum singulas: restaturque municipium quod portui adjacet, viginti tantum domiciliis constituisse: verum alii centum aut circiter tribuunt; quod magis verisimile, propter commercia quæ hic exerceantur & portus opportunitatem, qua reliquos hujus maris portus aut æquat aut superat: nam omnis argenti gaza è *Charcis* quotannis huc traducitur & minoribus navigiis vectatur ad portum Limanum; & vicissim omnes Europæ & Americane merces, quas ora Peruviae fert, hic exponuntur & terrestri itinere ad fodinas *Potosianas* & alia loca conducuntur. 30

Pisagua.

Ab *Arice* portu tendit litus ad Africum leucas novem: ubi fluvius *Pisagua* in Oceanum exit: quem *Oliverius* noster ad vigesimum gradum Australem constituit, nescio an accurate. Porro nostrates qui anno 1615 x cix hæc littora adierunt, hæc observarunt: ad altitudinem novendecim graduum & aliquot scrupulorum, sinum semicircularem, pone editum & præruptum terræ cornu; ad altitudinem viginti graduum; pagum *Hickahie*, in terra aspera, sterili & vix quicquam herbidi sortita: atque ita porro ad vigesimum gradum & dimidium, litus præruptum vergens ad 40 Africum, & insulam eidem objectam arenosam & sterilem.

Hickahie.

Tarapaca.

Hispani à *Pisagua* ad *Tarapaca* portum statuunt leucas xxv; hic objacet continenti Insula leucam aut circiter ambiens, concluditque quendam sinum quo portus hic continetur ad altitudinem unius & xx graduum ab Æquatore versus Austrum.

Pica fluv.

A *Tarapaca* ad *Tacame* promontorium sunt quinque leuæ. Ab hoc ad portum, vulgo de *los Moxillones*, ad altitudinem duorum & viginti graduum, & triginta scrupulorum leuæ numerantur sedecim. Omnis hæc ora edita est & prærupta. Inter utrumque autem locum, descendit in Oceanum fluvius *Pica*; itemque fluvius de *la Hoya* (quem *Oliverius* noster vocat de *Loa*, & ad vigesimum secundum gradum collocat, illiusque terræ indigenas omnium rerum indigos, piscibus ægre testatur vitam sustinere) denique amnis *Montelo*.

Morromoreno.

Nostrates, ut supra, agnoscunt ad altitudinem duorum & viginti graduum & quadraginta quinque scrupulorum Angulum *Agama*, & pone ipsum insignem sinum: & quinque ab hoc leucæ versus Africum, *Morromoreno* amplissimum sinum atque portum, qui ab insula objecta veluti clauditur, & adversus incerta ventorum egregie defenditur: facilis est aditu & in ipso ingressu ab Australi plaga quinque supra viginti orgyas

orgyas altus, plurimarum navium intus capax: verum neque aqua hic hauriri neque ligna cœdi possunt, ob soli infœcunditatem atque ariditatem; habitatur tamen telus à barbaris, qui crudis piscibus victitant, cæterarum rerum inopes, ingenio stupido, Hispanos supra modum meruentes, quibus & tributum de piscatu suo pendunt, natandi atque urinandi peritissimi, & aquam marinam bibere sucti absque noxa: Denique ut *Richardus Hawkins* testatur, nihil humani fortiter præter formam & loquelam, cætera brutis magis affines.

Hinc porro ad Austrum recenset *Herrera*; *Quebradam*, *Puntam blancam*, *Quebradam hondam*, fluvium *S. Clara* triginta leucas à *Copiapo* valle provinciæ *Chilensis*; cæterum incertis intervallis.

10 Nostrates vero numerant à *Morromoreno* ad alterum terræ cornu milliaria duo, & juxta hoc ad Euro-notum exiguum portum & vix trium quatuorve navium capacem, pone insulam quam vocant *de Guana*; in continenti, sed longius à littore multum salis jaceret (Polonico haud absimile) in solo infœcundo, nudo, minimeque herbido. Ulterius versus Austrum observant insulam *de Lobos*, quæ præruptæ Continentis potius tipæ quam littori prætenditur, mari prope terram ita alto, ut bolide fundum incassum periclitarentur. Dehinc Anguli *Michaëlis Dias* & Promontorii *de López*, meminerunt, & ut paucis absolvam, regionem hanc omnem usque ad *Chilen*, sterilem, petream, asperam, quæque nec farra nec ullam herbam pariat, & merum
20 desertum esse declarant: altas autem ad mare ripas nec aditu faciles nec humanis vestigiis aptas.

S. CRUX DE LA SIERRA.

CAP. XI.

Sancta Crux de la Sierra, & aliquot aliæ vicinæ provinciæ.

30 SUPEREST ut de interioribus quibusdam Provinciis agamus, quæ huic Conventui Juridico accensentur, & præsertim una, quam Hispani à Colonia illo deductæ nomine, vocant *Sancta Crux de la Sierra*.

Hoc oppidum (ut testatur *Herrera*) centum pene leucas distat à provincia *Charcarum* proprie dicta, versus orientem, juxta viam quæ ducit ad urbem *Assumptionis* ad flumen *de la Plata*. Provincia autem suum habet Subpræfectum qui à Pro-Rege Peruvix delegatur. Ager hujus oppidi, aquarum quidem indigens, non tamen infœcundus, tritici, Mayzii atque adeo vini ferax: Oppidum ad radicem montis situm in patenti campo, à quo cæteræ planicies, & valles aquarum inopes producuntur: ædes incolarum sunt palmarum foliis testæ; juxta cutris torrens è petra searuriens, qui restagnat in lacum, quatuor leucis ab oppido, admodum piscosum, adeo ut magna optimorum piscium copia quotidie ad oppidum subvehatur. Solum
40 abundat variis fructibus domesticis & Americæ familiaribus, *Platanis*, *Guayavis*, *Pinnis*, *Granadillis*, *Ambabayis*, *Lniumis*, *Tucumais*, qui omnes & saporis bonitate & salubritate commendantur. Palmarum quædam species hic frequens è quarum truncis farina conficitur magnâ copiâ, boni & grati nutrimenti. His accedunt Europæi fructus, uvæ, ficus, melones: Verum arbores hic fere sunt brevis ævi: mala Granatensis & Cidonia maligne patitur tellus, uti & frumentum: licet constans opinio sit in *Chiquitorum* terris, quæ ad hanc provinciam pertinent, non inutiliter feri posse.

Indigenæ olim incolabant luteas casas, & pluviales aquas cogeant In puteos, peribant nonnunquam siti, aut trucidabant alii alios aquarum causa: exagitabantur denique à vicinis populis *Cheriguani* miserum in modum: nec minus à *Tisanibus*, qui regionem incolunt perfœcundam, & plumbi, æris, atque adeo argenti ut credunt haud expertem, quinque supra triginta ab oppido *S. Crucis* leucis.

Chiquiti autem dicuntur esse industrii, bellicosi, & laborum tolerantes: abundant Mayzio, phaeolis, & similibus frugibus & plurimo gossypio: scæminæ utuntur vestibus; mares in bello venenatis sagittis. Plurimi horum barbarorum uti & campestrium *Cheriganorum*, haud inviti in viciniam atque suburbia hujus oppidi

commigrarunt, Monticolarū *Cheriguanorum* sevitiā fugientes, qui humanis carnibus tantopere capiuntur, ut ne cognatis quidem gentibus parcant. Indigenæ porro hujus provincię abundant variis tincturis, quas è certis radicibus & virgultorum frondibus exprimere & coquere noverunt, quibus gossypium suum inficiunt. Unde & *Acosta* diserte testatur, gossypium in fila ductum, textumve in hac provincia nummorum vicem supplere.

Paicani. In *Paicanorum* provincia, quę distat xx leucas ab oppido *S. Crucis*, nascuntur *Cucurbita* quędam lagenarię, perpulchrę aspectu & tam grandes, ut cadum viniciant, in quibus incolę, vestes aliamque supellectilem recondunt. Regio & summum calorem patitur & frigus: nam frigus hic à mense Mayo durat ad principium Augusti, ita penetrabile interdum, ut omnes arbores quę gossypium ferunt extinguat, *Am-baybas* autem ad imas radices adurat; idque Australi vento pertinacius flante, qui hic à medio Junio ad exitum Julii, veluti imperium obtinet solus. Calor autem maxime intenditur circa festum Nativitatis: festo quoque *S. Francisci* hic plurimum pluit; initio Novembris faciunt sementem, metunt sub finem Martii.

Molestissimum est iter ad provinciam *S. Crucis*, pluvis quidem & hybernis mensibus ob fluminū exundationes & crebras paludes, maxime ob Palmetum, quod quadridui itinere vix transitur, multaquę uligine & ceno pene invium quod distat ab oppido quinque; & viginti leucas versus occasum. Æstivis vero mensibus imprimis ab exitu Junii ad initium Octobris, ob siccitatem & aquarum inopiam iter itidem est difficile, quo fit ut aquam in lagenulis, summa cum molestia, secum ferre necesse sit, aut siti itinere deficere. In finibus oppidi crescunt hodie multę Sacchari cannę, è quibus incolę Saccharum conficiunt & longe optimum apozema. Saltu haud longe ab oppido distans abundat variis feris; nemus avibus: inter quas una commemoratur *Pica* similis, sed rostro tam grandi ut è superiori illius parte elegantes lagenulas faciant.

Indigenę harum provinciarum ingenio sunt bardo, humili, nullaquę pene industria; olim quidem Dæmoniorum cultui addicti, nunc Christianorum sacra ceperunt amplecti. Diaguitarum linguam loquuntur ut communem, alias præterea quatuor peculiaries, pro diversitate nationum usurpantes. Mares quidem laxis tunicis, quas è struthionum plumis contextunt, amiciebantur, femine vero multo arctioribus è paleis aut ovium Peruvianarum lana; nunc gossypii usum edocti, pannis gossypinis ut plurimum utuntur.

Nusso de Chaves primus per hanc provinciam, è Peruvia penetravit in provincias quę flumini *de la Plata* adjacent anno 1510. Absent enim provincia *Tratin* metallorum dives tantum triginta leucas ab hac versus ortum.

L. 7. c. 17. Plures denique provincię barbarorum hanc proxime contingunt, *Chinici cocorum, Moxorum, Cheriguanorum, Tipionum.* Narrat *Garcil. Incam-Tpanqui* olim tentasse *Cheriguanos* monticolas subjugare & urbanioribus moribus imbueri: Itaque misisse suos ad Andes, quibus vicini degebant, in asperis itidem montibus, omnium frugum indigi, adhuc ita feri & humanarum carniū appetentes, ut non modo hostes raptos devorarent crudos, sed & cognatos mortuos ad eundem modum intra viscera sua sepelirent: sed difficultate itineris & asperitate locorum deterritum, destitisse. Idem aggressum Pro-Regem Peruviz *Franciscum Toletanum* anno 1510, sed tam inauspicato successu, ut pluribus suorum inedia & laboribus succumbentibus, relictis impedimentis propere fugere cogeretur & ægre evaderet.

Hispani superioribus annis etiam aliud oppidum in hac provincia construxerant, vulgo *Nova Rivia*, itemque municipium *Barrancam*; quę loca à vicinis barbaris, præsertim *Cheriguanis* haud multo post deleta fuerunt, quum *Comes de Neiva* Peruviam Pro-Rege administraret; *Nusso de Chaves*, qui præfectum ibidem agebat, ante à barbaro quodam ex insidiis trucidato.

Video, ab iis qui nuper has partes viderunt, in provincia *S. Crucis de la Sierra* duo tantum oppida commemorari; oppidum nimirum *S. Crucis*, & *Barrancam*: Distare autem à *Potosia* circiter sexaginta leucas. Sed alia quędam oppidula circiter triginta leucis à *Potosia* jacere, veluti præsidia adversus feroces *Cheriguanos, Tomina, Lagunillas & Tarixam*; in quorum agris plurimum tritici, Mayzii, aliarumque

rumque frugum & fructuum nascatur, etiam saccharum. Quum ager *S. Cruxis* fruges minime toleat, *Barranca* autem parcat. Denique *S. Cruxis* præfecturam esse, *Taxinam* Corregimentum, ut ipsi vocant.

C A P. XII.

Peruvianorum Monarcharum origo & series usque ad decimum
Yncam Yupanqui.

10 **A**NTEQUAM ad reliquas provincias Americæ Meridionalis describendas pergamus operæ precium factum videtur, si de Peruvianorum Monarchis, eorum serie; deque eorundem institutis & regimine pauca dicamus, sicuti jam ante de Mexicanis fecimus, siquidem & hi quoque bene constitutum regimen habuere.

Narrant Peruviani, ut fere solent omnes gentes, plurima fabulosa, de Regum & Reginarum suarum prima origine, quam à Sole derivant, uti videre est apud *Yncam Garcilassum de la Vega*, libro primo, capite decimo quinto & sequentibus, quæ non est necesse hic referre; scripserunt de Monarcharum horum serie & successione etiam alii; in eo fere conveniunt omnes, uti sequitur.

Primus Peruvianorum Rex, qui tamen satis angustis limitibus imperavit, fuit I. 20 *Tuca, Manco-Capac*, & conjux illius *Coya Mama Dello Huaco* ipsius Germana: à quibus Metropolis *Cusco* condita dicitur, circiter quadringentis annis antequam Hispani Peruvianis ingrederentur, eamque subjugarent.

Observandum autem Peruvianos Reges suos appellasse *Yncas*, id est, Reges vel Imperatores & per excellentiam *Capa-Yncas*, id est, Solos Reges: descendentes autem à Regibus in linea masculina simpliciter *Yncas*: Eundem Regem vocabant *Huaccha-Cuyac*, id est, beneficium in pauperes, itemque *Capac*, id est, magnificum; denique *Tatip-Chusim*, id est, filium Solis; affectabant enim divinæ originis opinionem: Liberos autem regum mares & ab illis per lineam masculinam descendentes appellabant *Anqui*, id est, infantes, donec ducerent uxores, tum, ut supra, vocabant 30 *Yncas*: Reginam vocabant *Coyam*; concubinas Regis, si consanguineæ essent, *Pallas*, cæteras vero *Mamacunas*, id est, matronas: Filias legitimas aut ex illis natas *Nustas*, id est, puellas è sanguine regio; illegitimas adjecto nomine provinciarum, è qua matres earum erant oriundæ, ut *Colla-Nusta*, *Quinu-Nusta*, &c. magnates denique Regni vocabant *Curacas*.

Huic successit *Sinchi-Roca* primogenitus, qui duxit in uxorem Germanam suam II. *Mama Oello*, vel ut alii, *Cora*: hic promovit terminos imperii in *Collao*, usque ad *Chuncaram* atque etiam alibi: anni regni illius sunt incerti, quidam tamen volunt fuisse triginta.

Lloque-Yupanqui successit parenti suo *Sinchi-Roca*: hic subjugavit *Canas*: domuit 40 *Ayavirios* & in eorum finibus condidit *Pucaram*: subjecit sibi *Collao*, *Chicuytum* & reliquos populos qui accolunt Lacum *Titicacum*: uxor illi fuit *Mama Cava* è qua unicum reliquit heredem, & duas tresve filias.

Moya Capac successit patri: adjecit imperio suo *Hatun-pacassam*, ad levam emisit IV. sarti *Titicaca*: itemque *Cauquienyam*, *Mallamam* & *Huarinam*, *Llaricassam*, *Sancayan*, *Charcasque* usque ad Lacum *Parim*: *Chuquiapu* quoque & alias provincias: fuit illi uxor *Mama-Cuca*, quæ plures illi peperit liberos.

Capac Yupanqui successit patri, & promovit imperii limites versus occidentem, sub V. jugando provincias *Tahuaranam*, *Aymaram*, *Cotapampam*: Itemque provincias omnes ad utramque fluvij ripam, quem vocant *Amanca* (aliis *Abanca*). Deinde per 50 litudines *Huallaripa* pervenit ad planiciem, quæ Mari Australi adjacet, & nominatim ad vallem *Hicari*: à qua transit & subjugavit *Pavinnam*, *Camanam*, *Caravillan*, *Pisban*, *Quellean* & alias valles. Uxor fuit *Coya-mama Curi-yupalli* ipsius Germana, quæ plures illi genuit liberos.

Tuca Roca primogenitus successit patri, multis rebus jam ante feliciter gestis: hic VI. promovit fines imperii versus septentriones; subjugando *Tacmaram*, *Quinuallam*, *Chacacassam*, *Curumpam*, *Autahuallam* maximam provinciam, quam *Chanu* incolebant:

bant; & plures alias. Uxor illius & germana fuit *Mama-micay*; & qua plures illi-nati sunt liberi.

- VII. *Iahuar-Huacac* successit parenti; qui paucas res per se gessit, augurio quodam sinistro deterritus; praefecit autem copiis suis fratrem suum *Mayta*, qui deinceps dictus fuit *Apic-Mayta*, id est, Capitaneus generalis. & adjectum fuit Imperio quantum restabat versus Austrum ab *Arequipa* ad *Tacamam*. Dein plures gentes quae a *Cusco* versus Arctum debebant rebellare, ita ut Rex *Cusum* cogeret deferere, verum succurrerit illi primogenitus ipsius *Vira-Cocha*; qui rebelles maximâ clade afflixit; & *Cusum* reversus, Patrem compulit imperio se abdicare.
- VIII. *Vira-Cocha Inca* (de quo mira narrant Hispani, & quem falso principalem Peruvianorum deum suspicantur) patre exauthorato, & rebellibus ad obsequium reductis; plures adunxit Imperio provincias; perfecitque mirabilia opera: inter alia stupendos aqueductus. Illo autem imperante profugit *Hancohallu* Rex *Chanearum* cum multis fuorum millibus, in provincias remotiores; de quo multa, sed incerta, narrant Peruviani. Huic fuit uxor *Mama-Runtu*, quae plures illi dedit liberos.
- IX. *Pachacutec-Inca* successit patri in imperio; domuitque *Huancas* famosae vallis *Xauxe* (vel ut *Garcilassus* vocat, *Sausa*) indigenas, per germanum suum *Capac-Tupanqui*; itemque *Tarma* & *Pampu* (vel *Taramam* & *Bombon*) provincias fertillissimas; aliasque plures versus *Andes*: item *Huarnacuchu* & *Casamalcam* (quam *Garcilassus* vocat *Cassamarcam*) versus Arctum. Et versus occidentem *Nanscam*, *Tucaro*, *Pisco* & *Chincam* & reliquas valles ad mare Australe. Huic fuit uxor & germana *Coya-Anahuarque*.

C A P. XIII.

Reliqui Peruvianorum Monarchae usque ad Atahualpam; & ceteri descendentes ab Incis.

- X. *Inca-Tupanqui* successit patri; subjugavitque *Conchos* & *Moxos*: atque animum adiecit ad *Chilem*, cujus etiam partem domuit, usque ad fluvium *Maulem*. Huic fuit uxor & germana *Coya Chimpu Oello*.
- XI. *Tupac Inca Tupanqui* patri succedens, petiit per *Casamalcam*, *Chacaphyas* & *Huacracuchos*, ut vocat *Garcilassus*, & subjugavit utrosque. Adjecit quoque suo Imperio *Muyupampam* vel *Mojobambam*, *Huancapampam*, *Cassam*, *Ayahuacam* & *Calluam*; & denique *Cannarum* provinciam atque *Paltas*; aliasque complures provincias usque ad *Quito*. Huic fuit uxor *Mama Oello*.
- XII. *Huayna-Capac* patri succedens, rebus jam ante praclare gestis, *Quiteni* regno aliisque vicinis provinciis perdomitis, plurimum dilatavit imperii sui fines. Huic prima uxor fuit soror illius major natu *Pillcu-Huaco*, & qua nullos sustulit liberos: altera secundò genita *Rara Oello*; cui accessit tertia *Mama Runtu* patris sui filia. Ex *Rara* sustulit *Huascar Incam*: ex *Mama* autem *Manco Incam*; ex filia denique & hærede Regis *Quiteni*, *Atahualpam*. Huic Regi tribuuntur duae illae semitae regales, de quibus alibi diximus. Moriturus denique substituit sibi in Regno *Quiteni* filium *Atahualpam* valde sibi dilectum, reliquo imperio *Huascari* demandato.
- XIII. Mortuo *Huana-Capac*, filii illius *Huascar* & *Atahualpa*, annis quatuor aut quinque regnarunt in suis quique regnis sine ulla notabili discordia: Verum uti omnis potestas impatiens est consortis; *Huascar* quem poenitebat fratri *Atahualpa* tam facile non minimam Regni partem cecidisse, Legatum mittit ad fratrem, postulatum ut se Vasallum suum agnoscere, neque regni sui fines ulterius dilataret. *Atahualpa* fingit se lubentem accipere condiciones praescriptas, atque adeo paratum esse fratri, ut supremo domino obedire; petitque ut sibi cum majore comitatu *Cusum* venire liceat ad exequias mortui Parentis summa frequentia & solemnitate persolvendas; id a *Huascare* doli ignato impetrat cum gratia: Quare quam occylime ex omnibus suis provinciis, bellicosissimum quemque & maxime Parentis sui Veteranos praemittit *Cusum*, eventum in regni sui finibus praestolari certus. Supra triginta millia fuisse tradunt: neque *Huascar* ante pensavit dolum, quam quum jam fratris sui copiae vix centum leucis absent a *Cusco*: Tunc enim à fidis provinciarum suarum praefectis monitus, fratrem cum majoribus copiis advenire quam exequiarum solemnitas requireret, atque adeo cum

cum armatis, quibus nihil opus esset, si ad obsequium majoris fratris, quod simulabat, properaret: Quare ille, licet serius, sibi impositum sentiens, quam celerime delectum indicit, & ex omnibus vicinis provinciis advocat copias: verum *Atahualpa* copiis interea festinantibus ex improvise ab illis fuit oppressus & captus, pluribus suorum in prelio haud longe à Cusco desideratis. Crudelissime usus est hac victoria *Atahualpa*; nam omnes principes è prosapia regia, quos quidem nancisci potuit, variis suppliciis sustulit, idque ante fratris sui oculos, ut miserum magis excrucietur; neque formis parcitum fuit aut infantibus, nec denique ipsi Huascari, quum jam Hispan Regnum illius essent ingressi; ipsique imminerent. Quæ prolixè commemorantur ab Yncæ Garcilasso. Veruntamen non tulit hanc crudelitatem impunitam, ab Hispanis imperio & vita privatus in Caxamalca. Cæteri post illum Yncæ magis in speciem, quam revera aliquot annis post regnarunt; de quibus consulende historiæ Hispanorum. Atque hæc quidem è commentariis Yncæ Garcilassi de la Vega, qui se ex illorum prosapia genus duxisse proficitur, compendio retulimus.

C A P. XIII.

Peruvianorum Regum series & familie ex Josepho de Acosta.

- 20 **I**osephus de Acosta in libris de Historia naturali & morali Indiarum, seriem Regum Peruvianorum paulo aliter designat, quam hic compendio referemus.
- Primum Regem itidem vocat *Mangocapa*: hic author fuit duarum familiarum regiarum *Hanancuzco* & *Princuzco*, è quarum prima descendunt Reges qui Imperium hoc summo opere dilatarunt.
- Secundum vocat *Ingaroca*, authorem familiarum, (ipsi vocant *Ayllo*) *Vicoquirao*; hic II. primus usus fuit vasis aureis, & idola aurea consecravit.
- Successit *Yaguarquaque*, quem ab hostibus superatum & captum, sanguinem pro III. raffe produnt, unde illi nomen partum: ab hoc descendit familia *Aocailli panaca*.
- Huic successit filius *Viracocha Inga*, à quo familia *Coccapanaca* descendit: hujus ca. IV. daver, quia ingens thesaurus cum ipso inhumatus credebatur, anxie questum fuit à Gonfalo Pizarro, & tandem inventum in *Xaquixaguana*, atque crematum: cineres autem in summa veneratione dudum tenuerunt barbari, donec ab Hispanis varentur, qui aliorum quoque Ingarum corpora inventa deleverunt.
- 30 *Pachacuti Inga Tupangui* successit, qui regnasse dicitur sexaginta annis & imperii V. limites supra modum dilataste: de hoc memorant multas fabulas, quas hic referre nihil attinet. Hic fuit author familiarum *Inaca panaca*: fabricavitque aureum idolum *Indiillapa*, quod in aurea sella circumferebant.
- Successit *Topa Inga Tupangui*; atque illi filius ejusdem nominis, qui fuit caput fa. VI. milia, quam barbari vocabant *Capac Ayllo*. VII.
- 40 Huic successit *Guaynacapa*, omnium Regum longe opulentissimus; ita ut huic po. VIII. tissimum tribuantur sumtuosissima ædificia hujus Regni: Author fuit familiarum *Tembamba*.
- Guaynacapa* successit in urbe Cusco *Tito Cusi Gualpa*, quem postea vocarunt *Guas* IX. car; hic à ducibus *Atahualpa* fratris sui, *Quixquiz* & *Chilicucima* captus fuit & concrematus, quum jam Hispani Peruviam essent ingressi.
- Atahualpa* ab Hispanis in Caxamalca capto & strangulato; quum Pizarro jam X. regni potens esset; supervenit *Mangocapa* filius itidem *Guaynacapa*, qui aliquandiu Hispanos arcta obsidione cinxit in urbe Cusco; verum fugere coactus, recepit se in *Vilcabamba* inter asperimos montes, ubi ipse & successores illius pluribus annis se
- 50 ab Hispanis sunt tutati, donec tandem *Amaro* caperetur, quem Hispani in urbe Cusco publico supplicio sustulerunt. Habuit *Guaynacapa* & plures filios, quorum unus baptismo initiatus, *Pauli* nomen assumpsit, huic filius fuit *Carolus*, qui sicuti & Pater Hispanos juvit contra cognatos suos.
- Marchione autem de Cannete Peruviam Pro-Rege administrante è *Vilcabamba* ultro venit Linam *Sayritopa Inga*, cui Rex Hispaniarum dedit vallem *Tucay*.
- Familiarum denique *Princuzco*, quæ, ut supra, *Magocapa* quoque; authorem agnoscit, princi-

principes numerat *Iosephus de Acoſta*, *Chinchirocam*, *Capac Tupangui*, *Lluqui Tupangui*, *Mayta capam*, *Tarco guaman*, anonymum, & denique *Tambo Mayſapanacam*, qui Chriſtiani Sacris initiatus diſtus fuit Joannes. Haſtenus ille: quæ quamplurimum differunt ab iis quæ *Garcilaſſus* tradidit; neque mirum quum literis & libris caruerint Peruviani, ſine quibus diſſiculter rerum memoria conſervatur.

Ut autem obiter hic referam, captus fuit *Atahualpa* ab Hiſpanis, menſe Mayo, anni c1o 1o xxxiii & paulo ante à ducibus *Atahualpa*, ſtater illius *Guaſcar* in urbe *Cuſco*: quem deinde barbari mandato *Atahualpa*, ut referunt Hiſpani, ſuffocarunt in fluvio *Andamarca*; Hiſpani autem inaudita crudelitate, paulo poſt ipſum *Atahualpa*, ſuſtulerunt; deinde *Pizarrus* per ludibrium filium illius *Toparpam* conſuetis ceremoniis à primoribus voluit inaugurari: ſed ſubrogavit ipſi anno c1o 1o xxxiv *Mangonem* filium *Guaynacava* uti legitimum imperii hæredem. Verum diſcordia inter *Pizarrum* & *Almagrum* paulo poſt orta, animos quoque barbarorum diſtraxit in partes, ita ut *Mango* potiſſimum ad *Almagrum* ſe applicaret; neque deſperaret avicum imperium, pulſis Hiſpanis poſſe recuperare; unde factum fuit, ut anno c1o 1o xxxv clam è *Cuſco* ſe proriperet, & maximis copiis Hiſpanos in illa urbe obſideret, & variis modis infeſtaret: Rediit poſtilla *Almagrus* ab expeditione *Chilenſi*, quem *Mango* ſperaverat, ut *Pizarri* infeſtum, ita demereri, ut cum ipſo *Cuſcenſes* expugnaret, verum quum id minime procederet, etiam in *Almagri* copias irruit, ſed exiguo proſectu: Qui poſtquam cum *Pizarri* in gratiam, ut putabat, rediiſſet, *Mangonem* qui è *Tambo* ſe receperat in vallem *Amayabambam*, per *Tribunum* ſuum *Rodericum Orgonnez* ita terruit, ut in aſperriſſimam provinciam viginti quinque leucis à *Cuſco* profugeret, quum vocant de *Viticos*, haud longe à provincia in qua urbs *Guanuco* condita fuit. Certatum dein aliquot annis inter Hiſpanos mutuis cædibus. *Almagrus* publico ſupplicio ſublatus, *Franciſcus Pizarrus* ab *Almagrianis* in oppido *Lima* trucidatus. Anno c1o 1o xli advenit ex Hiſpaniis à Rege miſſus *Vaca de Caſtro* qui Peruviam eſt ingreſſus, & quum varii duces cum ſuis copiis illi ſe adjunxiſſent, Præfecturam iniiit ſub initium anni c1o 1o xlii, & promovit exercitum ad vallem *Xauxam*, & deinde ad *Chupas*, ubi prælium fuit commiſſum, in quo *Almagriani* fuerunt proſtigati, & paulo poſt *Almagrus Junior* captus, & anno c1o 1o xliii ſupplicio aſectus. Miſſus deinceps à Rege *Blasco Nunez Vela*, ut Peruviam Pro-Rege adminiſtraret, cui mandatum, ut *Mangonem* ad officium reduceret, & anteaſta condonaret: Hic venit in Peruviam anno c1o 1o xlii: *Gonzalus* autem *Pizarrus* rebelavit in urbe *Cuſco* ſequæ Ducem profeſſus eſt contra *Mangonem*; verum quum copias ſuas eduxiſſet è *Cuſco* & contra Pro-Regem feſtinaret; *Mango* opportunum ratus urbem pene vacuam uti opinabatur, intercipere; dum in eo eſt, à paucis Hiſpanis, qui aliquandiu apud illum latitaverant, fuit interfectus, & copix illius ſe inter Andium juga ſubduxerunt. Pro-Rex interim à regiis Judicibus captus, & ruruſ ab uno illorum in libertatem reſtitutus; *Pizarrus* à reliquis Præfectus Peruvix proclamatus, ita ut Pro-Rex verſus *Quito* profugeret, & quum à copiis *Pizarri* urgeretur, ad *Popayan*; unde reverſus ad provinciam *Quitensẽ*, in *Anaquito* à *Pizarri* copiis proſtigatur, & cæditur à Nigrita ex mandato *Carvajalis*, anno c1o 1o xlii. Advenit deinde Licenciatuſ *Petrus de la Gaſca*, qui conſilio atq; armis tantum effecit, ut *Pizarrum* ſuperaret, caperet & ſupplicio afficeret, in *Guaynarima*: atque ita *Pizarri* terriſ penitus exciderunt quas Regno Hiſpaniarum acquiſiverant, anno c1o 1o xlviii.

C A P. XII.

De Regimine politico Peruvianorum, ex Commentariis Yncæ.

l. 2. c. 11.

esp. 11.

DIVISERANT jam olim Reges Peruvix, imperium ſuum in quatuor partes, ſecundum quatuor mundi plagas: Partem orientalem vocabant *Antisuyo*, à provincia *Anti*, quam nomen ſuum vaſtis illis montibus communicaffe volunt, quia ab Hiſpanis appellantur *la Cordillera*: Occidentalem *Cundisuyo* ab altera provincia *Cunti*: Septentrionalem *Chincasuyo* ab ampla quadam provincia quæ ab urbe jacet verſus Arctum; Meridionalem denique *Collasuyo* à *Collao*. Populum autem diſtribuebant in decurias, ita ut ſingulis decem unus præſeſſet; & ruruſ quinque decuriis

curtis superior aliquis minister, atque ita porro centenis, quingentis, & millenis generalis dabatur præfectus, neque facile excedebant hunc numerum. Decurionum munus erat singulorum curam gerere, & operam dare, ne quicquam eorum, quibus opus erat ipsis, deesset: itemque si quid peccassent, ad supremum præfectum deferre: nec non nascitum & morientium nomina & numerum singulis mensibus indicare. Decuriones autem vocabant *Chunca Camayu* à *Chunca* decem & *Camayu*, id est, procurator; & ita de aliis pro numerorum ratione. In singulis pagis erant iudices qui lites terminabant citra appellationem; si tamen controversia inter provincias orirentur, de iis ipse Inga agnoscebat.

- 10 Ingens erat legum reverentia; nec otiosos patiebantur aut vagabundos: Regem autem instar numinis observabant, nam per decuriones istos exactè noverat numerum suorum subditorum, sexum & ætates: & ut inferiores ministri melius in officio continerentur, secretos visitatores ablegabat, qui in actiones illorum inquirebant & pledebant delinquentes: hos vocabant *Tucuyricoc*, quasi dicas omnia pervidentes: gravius autem pledebantur ministri illi delinquentes, quam vulgus.

Regum autem potestas absolutissima erat, siquidem non tantum omnium rerum domini erant sed & personarum; ita ut non tantum sibi sumerent quantum libebat, sed & virgines qualvis sibi peterent & impetrarent cum gratia, sive in concubinas sive in ancillas.

- 20 Obtrunxit autem inde à primo rege consuetudo, ut regni hæres duceret in uxo- 14. c. 9.
rem germanam suam majorem ex utroque parente, aut si illa deesset aut sterilis comperiretur, secundo genitam, & tertiam; vel si sorores deessent, cognatam vel etiam amitam, aut propinquo sanguine conjunctam: ceteri autem principes consanguineas ducebant uxores, exceptis tamen sororibus, ut hoc Regibus & illorum primogenitis esset peculiare. Semper autem succedebat in Regnum primogenitus, neque aliter factum in duodecim illis Regibus, inquit *Garcilassus*: licet aliter prodit *Acofta*. Successio autem Curacarum sive minorum principum pro diversitate provinciarum variabat; nam in aliis primogeniti succedebant parentibus: in aliis unus filiorum qui populo magis placebat, ita ut potius ex electione, quam sanguine videretur surrogari: in quibusdam omnes fratres ex ordine succedebant, & post illos majoris natu nepos & ita porro: quod Hispani licet falso etiam de Monarcha crediderunt.

Primogenitos suos magna solemnitate ablaçabant, postquam secundum ætatis annum superarent: & tum capillum atrondebant, & imponebant nomen: patrino præeunte, qui ex consanguineorum numero assumebatur quidem in reliquis, in primogenito autem Principis erat summus sacerdos Solis.

- Maximam dabant operam Ingæ ut in omnibus provinciis; quas imperio suo adjici- 14. c. 1.
ebant, agri quam diligentissime colerentur, & larga Mayzii sementis fieret; & quia hic aquarum penuria est, famosissimos ubique moliebantur aquæductus, qui licet ævo & Hispanorum indigentia, plerique jam conciderint, tamen rudibus suis
40 magnificentiam operum satis demonstrant. In eundem usum & campos diligenter complanabant. Agros autem universo sementi faciendæ idoneos, particabantur in tres partes, quam prima Soli, altera Regi, tertia colonis cedebat, ita tamen ut numero colonorum aucto, Soli Regique detraheretur, quod ipsis videbatur deesse: Solum autem quod rigari nequibat, radicibus & aliis fructibus occupabant, & ad eundem modum dividebant: eamque divisionem singulis bienniis aut trienniis mutabant, ne terræ nimia cultura redderentur effectæ. In colendis denique agris hunc servabant ordinem, ut primum colerent agros Soli dicatos: Dein terras viduarum & orphanorum, qui uti diligentius colerentur, erat in singulis pagis Curator pauperum, quem vocabant *Llacta Camayu*, qui è turricula ad id comparata vesperi denunciabat, quæ
50 pars agrorum postero die colenda foret: in viduarum autem numero censebantur etiam militum conjuges quandiu mariti in castris principis militabant. Secundo loco colebat quique suos agros; & postremo loco Curacæ aut Principis.

Attribuebant autem singulis subditis tantum terræ, quantum poterat ferre sescui modium; id vocabant *Tupu*: licet id nomen etiam milliære, itémque fibulam qua fœminæ utebantur, denoret; & verbi naturam induens denotet metiri. Ad eundem modum & solum minime riguum partiebantur. Agros autem suos stercorabant

fimo humano, aut ovillo: in planicie autem quæ mari adjacet avium marinarum; quare nefas erat illas occidere: in quibusdam denique vallibus litoralibus capitibus piscium.

Princeps nullas decimas aut aliud tributum capiebat à suis subditis, præterquam quod gratis sementem illius facerent & messem colligerent & in horrea ad id in singulis pagis & municipiis comparata inferrent: & vestes atque arma tam militibus quam pauperibus providerent, pro ratione provinciarum, quibus ea potissimum imperabantur, quibus abundabant: A pauperibus autem pro tributo exigebant certum numerum pediculorum, ne fordibus suis sibi ipsis miseriam augerent. Erant autem liberi ab omni tributo omnes à familia regia; item domini provinciales, ludices, reliquique regii ministri: milites denique in castris agentes omnesque viduæ & pauperes. Aurum aut argentum à subditis accipiebant non ut tributum, sed ut munus, quum nullum illius usum nossent quam templa sua & palatia illis exornare. Tributa annonaria, uti & vestes & arma, primo quidem in singulis pagis collecta ibidem in apothecis condebantur, deinde ad diversoria publica, quæ singulis tribus quatuorve leucis constructa erant, quantum opus erat, deducebant, ita ut quantovis exercitu transiente, miles sine gravamine vulgi, ex apothecis regis alii posset: spacio autem quinquaginta leucarum in ambitu *Cusco*, omne tributum conducebatur ad urbem in usum aulae regis, & sacerdotum Solis.

CAP. XVI.

De Regalibus ædificiis quæ passim in Peruvia viscebantur, & de Religione Peruvianorum.

REGALIA ædificia supra modum magnifica fuerunt & longe sumtuosissima: nam primo constructa erant à grandibus faxis elegantissime politis & levigatis; quod mirabile in gentibus quæ ferri usum ignorabant: & tam apte conjunctis & concinnatis, ut juncturae vix apparerent: unde Hispani fuerunt opinati nullo cemento fuisse colligata; Verum quidem est, Peruvianos calcis aut cementi usum ignorasse; utriusque tamen loco adhibuerunt nunc argillæ quoddam genus valde retnue & glutinosum, quod vocabant *Llanac-Alpa*, id est, lutum glutinosum, quod ob tenuitatem tandem disperebat: nunc plumbo, argento & auro permixto: quæ res occasione dedit ut plurima maxima ædificia ab avaris Hispanis penitus corrupta fuerint atque destructa, ut narrat *Petrus de Cieza* cap. XLII & LX atque XCIV.

Parietes cubiculi regii, ut & templi Solis aureis laminis erant incrustati, in quibus sculptæ erant varix figuræ hominum atque animantium. Sella regalis, quam vocabant *Tianam*, tota aurea erat & aureo solo imposita. Vasa omnia domestica, tam majora quam minora, aut argentea erant aut aurea: valiaque magno numero in omnibus & singulis Palatiis reposta erant, ita ut Rege iter faciente, nihil necesse esset quicquam vasorum aut suppellectilis secum ducere. Præterea ex auro atque argento efformabant omnis generis animantia, plantas, adeoque grandes arbores cum suis frondibus, floribus & fructu: & quod fidem pene superat, etiam strues grandes lignorum. de quibus præter *Garcilassum* lib. VI. cap. VII videnti *Petrus de Cieza* cap. XXI. XXXVII. XLI. *Augustinus de Zarate* lib. I. cap. XIV. *Gomara* cap. CXXV.

Ingentes autem hos thesauros maximam partem ab indigenis post Regem *Atahualpa* captum, fuisse absconditos, neque hæcenus inventos (nisi forte casu quicquam eorum in cuiusquam manus inciderit) uno consensu tradunt scriptores.

His accedebant magnifica templa, quæ passim soli, summo ipsorum numini, constructerant: imprimis autem sumtuosissimum illud in urbe *Cusco*, cujus parietes laminis aureis à solo ad fastigium recti erant. Figura quoque solis quemadmodum vulgo pingitur, tora aurea erat cum suis radiis: quam Hispanus quidam nactus integram alea decoxit una nocte. Id templum hodie superest, pars monasterii *S. Dominici*. Juxta principale templum erant & alia quatuor, quorum primum lunæ uti solis conjugii & germanæ dedicatum erat, cujus fores atque parietes laminis argenteis erant

erant obducti. Alterum Stellæ Veneris quam vocabant *Chasca*, cuius parietes itidem argento tecti erant; Tertium fulmini, tonitruo & fulguri, quæ communi nomine vocabant *Illapa*: Quartum Iridi quam vocant *Cuychu*, quod totum auro obductum erat. Præter hæc & domus his conjuncta erat itidem à solo ad fastigium auro polita, in qua summi sacerdotes conveniebant, de rebus Sacris acturi, quos omnes è prosapia regia esse necesse erat. Ad eundem modum & alia templa Soli dicata viscebantur in variis provinciis, licet non tam magnifica, quam hoc *Cuscense*: nisi forte excipias longe antiquissimum in Insula Lacus *Titicaca* conditum, quod sicuti & ipsam insulam barbari imprimis venerabantur, quia reges suos inde ortos fabulantur: Id enim templum
10 ad eundem modum auro argentoque erat ornatum, tantaque præterea vis auri atque argenti congesta, ut barbarorum narratio pene fidem superet.

Quia autem de templis eorum diximus, non abs re fuerit pauca hic addere de illorum superstitionibus: Peruvianos Solem tantum pro numine coluisse superiore libro dictum: Huic immolabant omne pene genus animalium, potissimum autem oves ipsis domesticas, item omnis generis fruges, & potiones vestesque. Abhorrebant autem Inca à hostiis humanis: non minus quam humanarum carni-
um usu in cibis, quem verabant; licet Hispani quidam aliter memoriæ tradiderint. Plures habuerunt sacerdotes, quorum summum vocabant *Villac Vmu*, id est, ha-
riolum sive prophetam; horum autem amictus nihil differebat à communi. Soli
20 itidem consecrabant virgines ab octavo ætatis anno, quas concludebant certis ædi-
bus ad id destinatis, in quas mares intrare nefas erat, haud minus quam fœminis vetitum erat intrare in templum Solis, ut multum falsi fuerint Hispani qui scripse-
runt, virgines has unâ cum sacerdotibus in templo Solis sacris ministrasse: Harum numerus in urbe *Cusco*, ut plurimum erat supra mille, & fere è sanguine regali, quæ
autem inter eas prætercellabant, vocabantur *Mamacuna*, quasi dicas matronæ & matres juniorum: Servabant perpetuam Virginitatem, neque unquam prodi-
bant in publicum, aut ab aliis fœminis, ut mares taceam, videbantur, præterquam à Regina aut regis filiabus. Principale earum exercitium erat nerc vestes in usum
Regis & Reginæ. Amictus autem Regis erat primo indusium ad genua usque de-
30 scendens, quod vocabant *Vneu*; & mantile quadratum, quod dicebant *Tacolla*; ge-
stabant præterea bursam, ut ita dicam quadratam, & ab humero sinistro pendulam
versus latus dextrum, in qua Cucam suam circumferebant, quam dum res Ingarum
flarent, ipsis solis & ipsorum consanguineis masticare fas erat, præter paucos primo-
res quibus Rex singulari privilegio indulgebat. Caput denique redimibant cœnia
quadam quam vocabant *Llantu*; ea erat digitum transversum lata & satis grossa, am-
biebatque ter quaterve caput; quibus accedebat rubra fascia, quæ diadema inter
utraq; tempora conjungebat.

Eædem virgines & panes coquebant, quibus in solemnibus sacrificiis utebantur, ipsis
40 *Cancu*, quosque Soli offerebant in festis majoribus *Raymi* & *Cittua*: nec non po-
tam quem festis diebus Inga & illius consanguinei usurpabant, ipsis *Aca*. Vasa au-
tem omnia quibus hæ Virgines utebantur, erant argentea aut aurea, haud minus
quam in templo Solis.

In cæteris regni partibus erant similia monasteria, in quæ filię *Churacarum* & alio-
rum quoque, quæ forma aut elegantia cæteras excedebant, recludebantur; non tamen
Soli erant sacræ, aut servabant virginitatem, verum Regis erant concubinæ, & è
claustris exibant quoties à Rege vocabantur: custodiebantur tamen à suis mamaco-
nis, & exercebantur variis operis: & texebant pannos, vestesque & alia elaborabant
Regi; quæ ille, summi muneris loco impertiebatur consanguineis suis, aulicis, & mi-
lilibus qui strenue rem gesserant.

50 Quas autem Rex semel exciverat aut cognoverat, ex nunquam ad claustrum
remittebantur, sed aut in aula ministrabant Reginæ, aut cum singulari dignatione
ablegabatur ad consanguineos suos. Si quæ autem virginum, (quod tamen nun-
quam accidisse volunt) se corrumpi passæ esset, illam lex vivam desodere jube-
bat: corruptorem autem laqueo tolli, una cum tota familia sua, atque adeo si
Garcilasso & aliis credimus, cum toto pago in quo habitabat. Denique nunquam
hæ reclusæ sive adhuc virgines sive ab Inca corruptæ ullis aliis in uxores dabantur,

aut concubinas: tanta erat Principis & ipsius mulierum veneratio: licet quidam secus tradiderint, quos decepit quod Inga interdum subditorum suorum, maxime procerum, filias ob speciales causas ipse elocaret; sed quæ nunquam virginum claustra fuerant ingressæ.

C A P. XVII.

De Peruvianorum festo principali, quod vocant Yntip Raymi.

INTER quatuor festa principalia, quæ ab Incis celebrabantur in urbe *Cusco*, eminebat unum, quod vocabant *Yntip Raymi*, id est, Solis festum solemne, & simpliciter *Raymi*: id celebrabatur mense Junio post solstitium summa solemnitate: nam tum confluiebant ex omnibus regni partibus ad urbem, omnes militares tribuni & duces exercituum, omnesque Curacæ & primores Regni, aut per se aut per liberos suos & consanguineos, si senio aut aliis occupationibus impediuntur. Cere-
monias ordiebat ipse Rex, tanquam filius Solis & summus sacerdos, licet semper præter Regem haberent alium summum sacerdotem è prosapia regia. Certabant inter se proceres, ut quam elegantissime ornati & amicti peregrinum in modum ad hoc festum accederent.

Parabant se universi ad hoc festum triduo jejunio, quo & à sceminarum consortio penitus abstinebant, neque quicquam gustabant, præter paululum Mayzii candidi, & Cucam herbam & puram aquam: neque toto illo triduo fas erat focum in urbe accendere. Absoluto jejunio, nocte quæ ipsum festum præcedebat, Sacerdotes quidem parabant agnos & oves, aliaque necessaria ad sacrificia, pro numero eorum qui confluerant; Virgines autem Soli dicatæ, panem illum *Cancu*, & potum quem Inca & illius consanguinei usurpaturi erant; nam ad panem cæteris parandum plures alia feminae deputatæ erant.

Summo dein mane, Inca cum suis consanguineis, secundum ordinem ætatis & dignitatis procedebat in aream majorem urbis, quam vocabant *Haucapato*, ibidemque attente conversi ad orientem & nudi pedes, præstolabantur, donec Sol ascenderet supra Horifontem; ad primum illius conspectum, considebant humi, & brachiis apertis & elatis manibus, atque ori objectis, aërem veluti osculabantur solem ut supremum Numen & Parentem venerantes. Cæteri proceres, in vicina area quæ dicebatur *Cussipata* eadem solemnia obibant. Rex deinde assurgebat, cæteris confidentibus, & sumebat in manus duo grandia vasa aurea, quæ vocabant *Aguilla*, plena potu illo, quo utuntur, & vas dexterum propinabat Soli & consanguineis suis, dein potum illius vasis effundebat in cadum aureum, à quo canna lapidea eleganter polita pertinebat ad templum Solis, ut ipse illum potum haurire videretur. E vasi autem sinistræ manus, primum libabat Inca, dein consanguineis suis effundebat, singulis exiguum haustum, in scyphos ad id comparatos, de sacro hoc liquore. Curacæ autem & alii qui non erant è prosapia regia, bibebant alium liquorem à Virginibus præparatum. Hac ceremonia absoluta, procedebant omnes versus templum: Solus autem Inga, & illius consanguinei ingrediebantur, & solus Rex per se offerebat Solt vasa in quibus libaverat, illumque veluti coram adorabat: cæteri Incæ uti & proceres reliqui qui consistebant in area ante fores, tradebant vasa sua sacerdotibus, per ipsorum manus Soli offerenda, unà cum variis animalibus ex auro & argento affabre concinnatis.

Oblationibus jam perfectis redibant singuli ad sua loca: & accedebant Sacerdotes cum magno numero agnorum & ovium illius terræ, quæ Soli erant consecratæ: ex horum numero sumebant agnum nigrum, (hunc enim colorem maximi faciebant barbari) ut ex illo auspicia caperent: & humi strato, capite verso ad orientem, aperiebant latus sinistrum, & ocyslime manibus eruebant cor & pulmones cum arteria aspera; auspicatissimum autem ducebant, pulmones exire palpitantes adhuc & plenos vitali spiritu: inauspicatum vero si agnus, dum aperiunt latus, è tenentium manibus cluētando in pedes se erigeret, præter alia quæ ut inauspicata notabant. Si agnus inauspicatus videretur, sumebant ovem & ita porro. Deinceps plures agnos & pecudes immolabant, sed non ea solemnitate, siquidem jugulabant tantum, & cor
atque

atque sanguinem flammis absumebant, quas artificio quodam naturali à sole fœnerabantur. Carnes autem aflabant in publico & assas comedebant cum singulari ordine & festivitate: & post cibum caprum demum largo potu se invicem ingurgitabant, familiari & pene agnato hîc barbaris vitio. Novem diebus durabat hæc festivitas, quæ maxime conviviis & symposiis absolvebatur; quibus absolutis singuli revertebantur ad sua.

C A P. XVIII.

De Peruvianorum Idioma teque Poësi.

10

IDIOMA Peruvianorum, præsertim commune sive Cuscense, valde fuisse concisum & inop verborum, ita ut uno nomine sæpe diversas res explicarent, & uno verbo non raro integram sententiam exprimerent, pluribus locis monet *Inca Garcilassus* qui optime potuit scire. Tamen ad eundem modum, quem in Nova Hispania indicavimus, de lingua Mexicana, commune fuit toti Peruvie, Regibus illud una cum legibus suis & institutis, in domitas provincias inferentibus. Observat *Garcilassus*, Patres liberos suos vocare *Churi*, matres autem *Pava*: Sexus autem distinguere adjectione particulæ quæ sexus discriminet. Item fratres se invicem appellare *Huauque*, sorores *Nanna*: si autem frater sororem alloquatur, dicit *Pana*, non autem *Nana*, ne & ipse feminam se faciat; Soror autem ob similem causam fratrem compellans non dicit *Huauque* sed *Tora*: nec sororem compellans *Pana*, sed *Nanna*. Idem monet, Cuscense idioma caruisse aliquot literis Alphabeti Latini & Castellani atque Vulgaris, puta b. d. f. g. i. l, nisi quod ll uterentur duplici, & x. & r. itidem uterentur tantum simplici, nunquam duplici; quas dum Hispani supplent pro suo arbitrio, multa vocabula illius idiomatis depraverint. Secundo habuisse tres pronuntiandi modos, quibus & significationem singulorum nominum & verborum variabant; nimirum intra labia, palatum & intra fauces, qui modi omnino sint observandi, ut differentia significationum deprehendatur. Tertiò non reperiri in hac lingua syllabas quæ duas consonantes habeant, sive mutam cum liquida; & si quædam vocabula ejusmodi syllabas videantur habere, in pronuntiatione mutam à liquida esse dividendam, ut Pap-ri, Poc-ra, Chac-ra, &c. Verum lingua hæc communis, postquam Hispani Peruvia sunt potiti, apud plures nationes obsolevit, quæ jam propriis utuntur; quæ res insigne impedimentum adfert religiosis in instituendo barbaros principia religionis Christianæ.

Porro hanc communem linguam plurimum excoluerunt ipsorum litteratores & philosophi, quos vocabant *Amantes*, ita ut ad Poësin accommodarent: quos poëtas singulari nomine appellabant *Havarec*. Versus autem illorum fere tribus aut quatuor syllabis constabant, quos ita disponebant, ut interdum omnes quatuor syllabis constarent; interdum essent mixti. Utriusque compositionis exempla proponit *Garcilassus*. l. c. 17.

40 *sus*; & quidem mixti generis cantilenam hanc brevem;

<i>Caylla llapi</i>		Ad canticum
<i>Punnunqui</i>	id est	Dormies
<i>Chauptuta</i>		Media nocte
<i>Samusac</i>		Veniam.

Alterius autem hanc longiorem, cum interpretatione latina *Blasii Valera*, qui versuum modum servans sensum minus expressit, & sua ad verbum:

<i>Cumac Nusta</i>	Pulchra Nympha	Formosa domicella
<i>Toralayquin</i>	Frater tuus	Aqua implevit germanus tuus
<i>Puynnuy quita</i>	Urnæ tuam	Cantharum tuum
<i>Paquiz cayan</i>	Nunc infringit	Quem nunc frangit
<i>Hina mantar</i>	Cujus ictus	Qua ex causa
<i>Cunnn nnnnn</i>	Tonat fulget	Tonat & fulgurat
<i>Tlla pntac</i>	Fulminatque	Fulminatque
<i>Camri nusta</i>	Sed tu nympha	Tu regia domicella
<i>Puyn quita</i>	Tuam lympham	Tuas pulchras aquas

Para nunqui
Riti nunqui
Pacharurac
Pacha camac
Vira cocha
Cay binapac
Chura sunqui
Cama sunqui

Fundens pluis
 Interdumque
 Grandinem seu
 Nivem mittis
 Mundi factor
 Vira cocha
 Ad hoc munus
 Te sufficit
 Ac praefecit.

Nobis das pliendo
 Et certis vicibus
 Ninges nobis
 Et grandinem fundes
 Deus qui animat
 Magnisque viracocha
 Ad hoc officium
 Te collocarunt
 Et te animarunt.

Argumentum est fabula, quam philosophi illorum commenti fuerant; Puellam è regia profapia à summo Deo in regione aëris fuisse collocatam, cum phiala aquis plenâ, ut illam in terram profunderet quum opus esset: hanc phialam à puellâ germano interdum frangi valido ictu, atque ita generari tonitrua, fulmina atque fulgura. *Tilla pantsac* enim unico nomine concludit tonitru, fulmen atque fulgur. *Cun-nunnni* significat strepitum edere. *Vnu* notat aquam, *Para* pluere, *Chiti* grandinare; *Riti* ningere: *Chura* significat ponere: *Cama* animare. Unde supremum numen *Pacha-Camac* dixerunt. Idem author testatur, Peruvianorum *Amautas* dramata composuisse & egisse coram aulicis, in quibus illustria defunctorum Regum gesta celebrabantur.

C A P. XX.

Scientia, quarum Peruvianorum Philosophi gnari fuerunt; & quo pacto rerum gestarum memoriam conservaverint, & illorum Arithmetica.

L. 6. c. 3.

VETERES Peruvianorum *Amauta*, Astrologiæ haud penitus fuerunt ignati, trium tamen siderum tantum habuerunt rationem: Solis quem vocabant *Titi*, Lunæ quam *Quilla*, Veneris *Chasca*: Stellæ autem omnes communi nomine dicebant *Coyllur*. Itaque & anni ambitum, quem nominabant *Huata*, observarunt, quem vulgus menses distinguebât. Et solstitiorum rationem habuerunt, uti apparet è turriculis, quæ & ad orientem & occidentem urbis *Cusco* erant positæ; de quibus *Iosephus de Acoſta* videndus. Verum in numero turricularum & illarum usu plurimum ab illo discrepat *Garcilassus*; scribit enim fuisse duodecim, & signasse duodecim menses: *Acoſta* vero tantum octo ad unam, & itidem octo ad alteram urbis plagam: easque ita fuisse dispositas, ut quatuor minores in medio, octodecim aut viginti pedes à se invicem distarent, & majores æquali pene spacio utrimque ab hisce abessent; ita ut minorum umbra solstitium proderet, permolesta observatione. Æquinoctia ad eundem fere modum observabant, columnis elegantis operis erectis ante templum Solis, & circulo circumducto. Observabant & Eclypsés tam Solis quam Lunæ, licet causas penitus ignorarent, sed ridiculas comminiscerentur; nimirum Solem ipsis iratum faciem suam abscondere & malum minari: Lunam ægrotare, & si totalis esset Eclypsis mortuam aut moribundam; idque unice pertimescebant, casuram enim & mortales omnes obruituram: itaque plorabant, clamabant, & verberibus canes ad ululandum adigebant, persuasi Lunam canibus delectari.

Menses lunares habuerunt, & *Luna* nomine vocabant *Quilla*, partiebanturque in quatuor partes. Iisque, ut scribit *Acoſta*, propria nomina & singularia festa attribuebant. Annumque inchoabant olim à Januario; sed post Regem *Pachacutec*, quem anni reformatorem vocant, à Decembri.

Medicinæ parum scientes fuisse haud dubium est; herbarum tamen quarumdam vires & facultates à quibusdam haud ignoratas, qui in summa æstimatione propterea fuere apud Regem & magnates: cæterum fere duobus remediis utebantur, venæ sectione & purgatione; venam ut plurimum secabant in parte affecta: in purgatione adhibebant radicem quandam candidam instar rapi, ut plurimum duarum unciarum quantitate; atque ita valide & vomitum ciebant & sedes, non sine insigni languentium discrimine. Medicamenta in initio morborum tantum adhibebant; ubi invaluerant,

valuerant, dictam præscribebant aut inediam: nec nisi simplicibus utebantur, mixtionis plane ignari.

Geometriam utcumque calluerunt, sed rudi modo: uti & Geographiam: & musicam pneumaticam, præsertim in Collarum regione, sed ita inconcinnam & indigestam, ut vix Harmoniz nomen mereretur; utebantur cannis utplurimum quatuor conjunctis & diversorum tonorum, nonnunquam & una fistula ad unam tantum cantilenam comparata.

Peruviani (inquit *Iosephus de Acosta*) nullum genus scripturæ noverant ante Hispanorum adventum, neque per literas, neque per characteres aut picturas, ut Chionenses & Mexicani: nihilo ramen secius & memoriam antiquitatis conservabant, & rationem dabant de omnibus tam pace quam bello gestis. Diligentissimi enim erant in tradendo minoribus quæ à majoribus acceperant, & minores in conservando quæ ipsis tradebantur. Literarum autem defectum supplebant partim picturis, quemadmodum & Mexicani; licet valde rudibus; potissimum aurem *Quipi*. Sunt autem *Quipi* memorabilia sive registra facta è funibus, in quibus diversi nodi & diversi colores, res diversas denotabant. Incredibile videtur quantum illis perfecterint, etenim quicquid scripturæ & libris explicari potest, Historiæ, leges, ceremoniæ, rationes mercimoniorum & similia, id omne summa dexteritate & explicatissime illis nodis adnotabant: quin & circumstantias omnes variis funiculis annexis designabant. Ad hæc memorabilia conservanda certi erant deputati ministri, quos vocabant *Quipa-Camay*, qui rationem reddere tenebantur, quemadmodum apud nos Notarii publici, aut Secretarii, neq; minor fides ipsis habebatur. Ad diversa autem rerum genera, puta bellum, regimen politicum, tributa, ceremonias, agros, &c. diversi adhibebantur *Quipi* sive funes: & in singulis eorum tot nodi & noduli & funiculi penduli, alii virides, cæculi, candidi & in summa tot modis variegati, ut quemadmodum nos per viginti quatuor literas variis modis dispositas, infinita vocabula producimus, ita illi per varietatem nodorum & colorum, infinitas rerum significationes denotarent. Ita (ut notat *Garcilassus*) per luteum colorem notabant aurum, per candidum argentum, per rubrum milites.

Monstro autem simile (inquit *Acosta*) quod barbaros hos videas, granis Mayzii rationes etiam difficillimas nullo negotio subducere & expedire: Exempli gratia; ut inveniant quantum singulis pro certa proportionem, pendendum sit de integra tributi summa pluribus imperata; arripient grana sua & ponent hic unum, illic tria & alibi octo; transponent unum granum hinc, tria permutabunt inde; & in summa tam accurate explicabunt rationes, ut ne hilum quidem aberrent; & non minus dextre invenient quid, quantumque unumquemque dare aut accipere oporteat, quam nostras pluma aut atramento.

C A P. XXI.

De moribus & institutis eorum domesticis pauca.

PERUVIANI, tam proceres quam plebei, educabant liberos suos frugaliter; primum natos abluebant frigida: uti & singulis diebus antequam fasciis illos vincirent; neque ante tertium mensem brachia ipsi libera dimittebant, id robori prodesse autimantes, reclinabant in cunas ligneas, super reticulos, lectorum loco. Nunquam illos in brachia atollebant aut in gremium, ne quidquam mammam dabant, sed se ad illos inclinabant: idque ter tantum quotidie. Ipsæ matres, etiam Regina, lactabant liberos suos, nisi forte morbo aut alia fontica causa impedirentur: & à maritorum consuetudine fere abstinebant, ne liberos ante tempus ab lactare tenerentur; nam ejusmodi ob causam ante tempus ablactatos, propudioso nomine vocabant *Ayuse*, quasi dicas nothos. Feminae hic facillime pariebant, etiam sine obstetricibus, & post partum abluebant se frigida, neq; domesticis exercitiis vel tantillum abstinebant. In quibus universæ admodum diligentes erant: suetæ nere & texere, in calidioribus quidem provinciis gossypium, in frigidioribus lanam. Texebant autem in usum tantum familiaris suæ, telas utplurimum quadratas, & pro ratione & modo vestimentorum; suere in suetæ, quia fibulis quibusdam vestes connectebant. Quemadmodum autem feminae vestes, ita vires calceos aut ocreas parabant; nulli enim hic reperebantur arti-

artifices communes, unusquisque sibi ipsi & suis operabatur ea quibus opus erat: Agriculturam, tam mares quam fœminæ, administrabant.

Mira autem erat fœminarum diligentia, nam & prodeuntes in publicum aut fila ducebant, aut jam ducta torquebant, aut semper aliquid operis agebant; ne quidem quum vicinas aut opulentiores inviserent, ab opere vacantes.

Summam quoque honestatis publicæ rationem habebant Reges & proceres, neque scorta publica intra oppidorum aut pagorum limites habitare permittebant, sed per agros in vilibus & abjectis casulis; Scorta autem ejusmodi appellabant *Pampayuna*, id est, prostibula publica; eaque tantopere contemnebant, ut fœminæ cum ipsis sermones ferere formidarent, ne forte suspensionem incurrerent: & viri indignis interdum modis ipsa tractarent.

Matrimonium contrahebantur ad hunc modum: Imperator ipse in oppido *Cusco* singulis annis, aut interdum secundo anno, rationem inibat eorum qui nobiles erant, id est, marium quivigesimum quartum, & puellarum quæ decimum octavum annum ætatis superabant; deinde die destinato, primo omnes à regia prosapia in loco publico conveniebant, atque ab *Inca* ipso, dexterarum contactu, copulabantur; & ad sponsorum parentes divertebant, aliquot diebus epulis operam daturi: postero aut tertio deinceps die, reliqui nobiles, ad eundem modum, copulabantur à ministris ad hoc specialiter à Rege delegatis. Eadem pene ratio observabatur in cæteris provinciis, ubi Curacæ Regis vice fungebantur. Vetitum denique erat extra provincias aut cognationes nubere: neque præter unam, legitima conjux habebatur.

Id quoque ad regni sui robur & concordie inter subditos vinculum rebantur, nequaquam permittere, ut ex uno pago in alterum, (ne dicam ex provincia in provinciam) commigrarent, nisi à Rege jussi; qui ut domitas provincias melius in officio contineret, ejusmodi migrationes aliquando imperabat.

Plura addit *Garcilassus*, quæ nos tanquam jam obsoleta prætermittimus, quum ex iis quæ diximus satis putemus liquere, gentem hanc, pro modulo eorum qui literis tam sacris quam profanis destituuntur, Rempublicam habuisse satis justè & sapienter constitutam, & multis Europæis pudorem posse incurere.


DESCRIPTIO







36 37 38 39 40 41 42 43 44 45 46



1. P^{to} de Talcahuana
2. I. Quiriquina
3. R. Biobio
4. R. Llandalien
5. R. de la Laja



H I L I

37 36 37 38 39 40 41 42 43 44 45 46



DESCRIPTIONIS INDIÆ OCCIDENTALIS,

LIBER DUODECIMUS.

C H I L E.

C A P. I.

Chilenſis Præſectura limites, cæli ſolique qualitates.



20

PRÆFECTURA *Chilenſis*, ſi paulo latius ſumatur, (quemadmodum illam fere ſumit *Herrera*) pertinet ab extremis Peruvix finibus ad Fretum uſque Magallanicum; patetque in longitudinem quidem inter Arctum atque Auſtrum, inde ab exordio val-
lis *Copiao* ſive vigefimo ſexto gradu latitudinis Auſtralis, ad ipſum Freti os, leucas circiter quin-
gentas; in latitudinem vero inter Occaſum atque ortum, à Mari Auſtrali ad Atlanticum, ubi maxi-
me quadringentas aut quingentes leucas, ubi mi-
nimum nonaginta vel paulo plures aut pauciores; quibus limitibus plurimæ vaſtæ regiones atque pro-
vinciæ continentur, quarum pleræque nondum ab Hiſpanis domitæ, multæ quoque
ne quidem unquam fuerunt luſtratæ. Si vero proprie & ſtrictius accipiat, pro ea
regione quam Hiſpani jam à multis annis, pauculis oppidis colere cœperunt, lon-
ge anguſtioribus limitibus comprehenditur, quippe quæ ſecundum litorum ductum
in longitudine non ſupra trecentas leucas contineat, in latitudine tantum viginti &
nonnullibi pauciores: ab ora nimirum Maris Auſtralis ad vaſta Andium juga, quæ
uno & contiguo pene ordine ſecus orientalem harum regionum plagam, ad Fretum
uſque Magallanicum diſcurrunt & hic imprimis vaſte ſeſe attollunt & perenni nive
tectæ viſuntur. De ea autem poſſiſſimum nobis propoſitum hoc libro agere, de Ma-
gallanica ſequenti.

Nominis rationem explicat *Auguſtinus de Zarate* in Hiſtoria Peruvix: *Chile*
dici à frigore, quia è Peruvia non niſi per frigidos & nivofos montes poteſt adiri, *Chili*
enim Peruvianis ſignificat frigidum. Tota autem hæc regio extra torridam Zonam
40 & ultra Tropicum Capricorni ſita, pro variis à Polo Antarctico ſive Auſtrali diſtan-
tiis, varias aëris temperies & tempeſtatum viciffitudines perpetitur: quumque pene
totidem gradibus à Polo Antarctico, quot Hiſpania ab Arctico divergat, contrarias
plane anni tempeſtates experitur, ita ut hic hyems ſit, quum æſtas eſt in Hiſpania
& contra. Nam quum Sol ſuperato Æquatore ad Cancri Tropicum properat, tum
& pluviæ ingruunt & frigus hic ſentitur; nempe à menſe Aprilis ad Septembrem; &
contra quum Sol ad Tropicum Capricorni revertitur, raræ hic pluviæ, ſudum ple-
rumque cælum & modici æſtus percipiuntur. Hac anni tempeſtatum viciffitudine
ſit ut & Indigenæ harum provinciarum, ingenio atque induſtria ad Europæos pro-
pius accedant, quam cæteri Americani, & major frugum atque fructuum ſimilitu-
do deprehendatur.

50 Solum harum provinciarum ſecundum oram Maris Auſtralis magna ſui parte
planum aut in modicos colles aſurgens, montes autem, quos in Peruvia *la Serrania*
appellari diximus, tribus quatuorve leucis à littore communiter abſunt, nonnun-
quam & descendunt ad ipſum litus & à fluctibus marinis pulſantur, ut ſuo loco an-
notabitur. Amœniſſima porro eſt regio & perſecunda, atque omnium frugum
haud ſecus quam Hiſpania ferax, Triticis meſſe atque vindemia juxta abundans,
pſcuis

pascuis denique supra modum luxurians : salubris quoque & egregium inter æstum atque frigus sortita temperamentum, æstatis atque hyemis pro tempestatum mutatione aqualiter compos : Ver illorum inchoatur à Septembri, æstas à Decembri, autumnus à Martio, hyems à Junio : longissimum diem festo *S. Lucie*, brevissimum *S. Barnabæ* experiuntur : majorem tamen æstivis mensibus calorem quam hybernis frigus tolerant, rara tonitrua aut fulgura. In quibusdam vallibus, stato tempore ros quidam decidit ita spissus ut coaguletur & frondibus plantarum instar sacchari adherere videatur, qui collectus & suavis admodum est & eundem pene usum præstat, quem Manna. Gramina hic propter idoneam humiditatem fere perpetuo virent, & arbores in montanis nunquam frondes suas deponunt : pascua, Rege Hispaniarum ita volente, communia sunt omnibus & singulis colonis : Venationis & piscationis jus promiscuum, tam in mari quam in fluminibus, lacubus & stagnis : Iter hac agentibus in oppidis atque prædiis, victus atque hospitium gratis præbere consuetudo obtinet.

C A P. II.

Animalia, fruges, plantæ hujus præfectura, Indigenarum mores.

IN tota *Chilensis* regione ovium quoddam genus reperitur, tam domesticarum quam silvestrium, quæ formâ ad Camelos magis accedunt, nisi quod gibbo careant, cæterum longe majores quam Europæ & plerumque ulnam Hispanicam proceræ, collo oblongo & tereti, rictu fisso, per quem spumam, quum irascuntur, ejaculantur in illos à quibus se lædi opinantur; caro illarum paulo siccior quam Europæarum; cicures colore ut plurimum sunt candido aut nigro, interdum & cinericio; silvestres vero & montenses colore sunt igneo aut fulvo; longa, levi atque adeo nitenti lana vestiuntur, quæ precio Hispanicensem longe superat : nam quum vellus ovillum in Hispaniis uno regali venundetur (Hispani auctoris sunt verba) harum singula vellera aureo æstimantur. Ex hac lana certi panni texitur, quorum splendor ad Camelotorem nitorem quam proxime accedere dicitur. Porro ovis hisce aures perforant, & foraminibus innectunt funes, quorum attractu easdem regunt & educunt quo libet; solutæ enim velociter admodum currunt, præsertim silvestres, quæ equis pernicitate pares esse feruntur. Sed de his in Peruvia plura diximus.

Chincilla.

Richardus Hawkins, meminit hic ejusdem animalculi, quod appellant *Chincillam*, magnitudine sciuri, colore fusco, sed pilo adeo levi & glabro, ut omnes aliorum animalium pelles superet, & in hisce regionibus & vicina Peruvia ab omnibus maximi fiat.

Teca.

Præter triticum, hordeum, Mayzium, quæ tellus abunde producit, nascitur in hisce provinciis aliud quoddam genus farris, quod ab Indigenis nominatur *Teca*: folium illius parum differt ab hordei fronde; culmus instar avenæ assurgit ad dimidiæ ulnæ Hispanicæ altitudinem, frumentum illius paulo minus est siligine: Barbari solent illud demetere antequam plane maturuerit & in aristis siccare ad solem, dein excussum quum opus habent, sub cineribus torrere, denique tostum super saxum quadratum, rotula lapidea redigere in pollinem; hanc circumgestant iter facientes, nutrit enim egregie, ita ut modiolus viro ad octiduum sufficiat; hæc & cibum & potum ipsis subministrat; nam modica aqua mistam pro obsonio, copiosiore autem dilutam pro potione usurpant.

Murtilla.

Præterea & genus quoddam silvestrium arborum hic passim reperitur, inde à triginta & sex gradibus ab Æquatore versus Austrum, ad Fretum Magallanicum usque, quæ fructus ferunt uvarum in modum racematim collectos & pendulos, pisorum magnitudine, granorum mali Granatenfis forma, atque adeo colore: Indigenæ vocant hanc arborem *Vnni*, Hispani *Murtillam*; fructus sunt sapore inter suavem atque acrem medio; quique & calefaciunt & exsiccant: Liquor autem quidam ex ipsis exprimitur, qui quam proxime accedit ad vinum, non modo palato gratus, sed & ventriculo propitijs: digerit superfluos corporis & præsertim capitis humores; adjuvatque ventriculi appetitum; clarus est atque dilutus, quippe feces suas sponte & sine ulla ignis ope egerens; etiam acetum ex iisdem fructibus

atibus fit, odore & sapore longè præstantius, quam quod ex uvis immaturis conficitur.

Nihil autem hæc provincias ita commendat quam auri copia, & quidem ita absoluti, ut omnium aliarum provinciarum aurum longè superet.

Ibidem jam postquam Hispani sunt ingressi, tanta dicitur reperiri caprarum copia, ut singulis annis suprà quinquaginta millia mactent tantummodo vellerum gratia, & sevi. Triticum quoque supra modum commendatur: habeo enim authorem, qui far tritici mole ad pineas nuces dicat accedere; unde non raro Peruviam anno-
10 viam flante.

Indigenæ colore sunt candido, sed fronte hirsuta & capillata, quod ipsi ab aëris nimia humiditate volunt accidere: olim quidem pene nudi agebant, nunc vero amicti & vestibus uti gaudent: pecuariæ quoque studiosissime dant operam, carpunt lanas & texunt pannos. Cæterum ob continua bella, quæ Araucani & illorum confederati jam à pluribus annis continuo cum Hispanis gerunt, regio magna sui parte malè culta & incolis est infrequentior; nulla enim orbis Americani pars carius Hispanis constat, quam *Chile*, nullibi hodieque incertiores sedes habent; nusquam plures aut graviore clades sunt perpesti, & adhuc hodie perpetiuntur, uti mox plenius dicemus.

10

C A P. III.

*Atacama desertum, & itinera à Peruvia ad Chilen, primaque
Almagri expeditio in has provincias.*

Charcafen Convention Juridicum sive Australiorem Peruviae partem, dirimit à Chilensibus provinciis, vasta solitudo, quæ vulgo *Atacama* appellatur: à Peruvia enim ad Chilen, ducunt duo terrestria itinera, (quibus tamen quam rarissime utuntur Hispani,) unum per hanc solitudinem, alterum per
30 montana. Patet hæc *Atacama* solitudo in longitudinem, inrer Arctum & Austrum, secundum oram Maris Pacifici nonaginta sive centum leucas, Tropico Capricorni quasi mediam secante: Regio tristi & inameno aspectu, aridissima & propter aquarum penuriam effœta; & arborum non modo fructiferarum, sed & sylvestrium plane impatiens, tellure nuda neque herbida, præterquam tribus quatuorve locis, ubi non nihil graminis nascitur, & paucæ oves illarum regionum (*Guanacos* dici supra meminimus) vagantur: hibernis vero mensibus tam aspero cœlo, tamque nivibus & pru-
nis est horrida, ut sine summo discrimine & præsentī nonnunquam exitio iter hæc agi non possit.

Penam mediam interluit torrens sive amniculus quem Hispani vulgo vocant *Rio*
40 *de la Sal*, viginti tribus gradibus & quadraginta & quinque scrupulis ab Æquatore
versus Austrum, qui è montibus, qui ad orientem hanc solitudinem claudunt, descen-
dens, per sicculosam hanc terram atque adeo profundissimam convallem versus oc-
casum devolvitur, & egreditur tandem in Oceanum Meridionalem, viginti duabus
lencis à *Xagyes* (ita dicuntur putei quidam, è quibus hæc iter habentes aquam hau-
riunt, nulla alia toto illi viginti duarum leucarum intervallo obviâ.) Dicitur autem
50 *de la Sal*, quia aquæ illius ita amara sunt & salæ, ut in valis atque adeo in manibus hau-
rientium statim convertantur in salem, ripæque illius perpetuò multo sale candicent.

Secundum iter quod à Peruvia ad Chilen ducit per montana, multo prolixius est atque impeditius, longeque periculosissimum; nam Andium summum jugum
• 50 cum summo discrimine superandum, quod perenni nive rectum est atque ita frigi-
dum, ut ab ullo mortalium sine præsentī exitio, præterquam paucissimis anni men-
sibus, ne tentari quidem possit. Perstat hic enim (ut *Acosta* testatur) tenuis quæ-
dam & debilis aura, quæ corpora humana in eum modum pervadit & penetrat;
ut homines hæc afflari ex improvise concidant, statimque emoriantur antequam
mori se sentiunt; omni vitali calore, uti verisimile est, subito ab hac aura extincto:
quemadmodum prima illa *Didaci Almagri* in *Chilenses* provincias expeditione acci-
disse

l. j. c. y.

disse accepimus, & plurimos mortales ab hac aura enectos, quorum cadavera post plurimos annos integra fuisse reperta, & nullam graviorem odorem fudisse ab Hispanis observatur: plura & mirabilia hujusce rei exempla producantur ab *Acolta*, quæ nos brevitaris causa hic præteribimus.

Her. d. f.
Lto. c. 1.

Itineris autem à *Didaco Almagro* instituti ratio ita se habuit: Anno à Christo nato 1500 xxxvi è *Characarum* provincia cum copiis suis profectus, primo venit *Topisam*, is pagus est in provincia *Chicarum*; à quo transit ad provinciam barbarorum qui *Xuxuyes* appellantur (de qua alibi quoque agemus,) gentis bellicosæ & humanis carnibus vesci suetæ: ab hac pervasit in provinciam *Chaquanam*; atque inde porro per vastas & desertas regiones, (solo omni asperissimo, nitroso & penitus infecundo) difficillimo & molestissimo itinere pervenit ad radices montium, quorum summa juga multa nive candicabant: & jam exantlatis incommodis nihil fractus, aut majoribus quæ haud dubio imminebant deteritus, inexplicabili pege difficultate progreditur per editos & præcipientes colles; ubi magnam hominum atque jumentorum jacturam est passus, quæ ab intenso frigore & lethali illa, quam diximus, aura constricta derepente cortuebant: nihilo tamen secius ad summum Andium verticem evasit; atque ab illo descendit in vallem *Copiapo*, ubi *Chilenses* provincie ordiuntur, duodecimo circiter leucarum descensu. Rediens denique in Peruviam, per solitudinem *Atacama* pervasit, non sine jactura hominum atque jumentorum. Per hanc enim *Inca Yupanqui* jam olim in *Chilenses* provincias fuerat ingressus & penetraverat usque ad fluvium *Maule*, de quo suo loco dicitur. Hispani autem hodie ob utriusque hujus itineris difficultates & pericula, mari fere utuntur; rarissime tantum secundum oram maritimam, per *Atacama* solitudinem, terrestri itinere proficiscuntur, periculosissimo illo per montana penitus abdicato: præterquam ea parte, quam postea designabo.

Observatum porro ab Hispanis, à viginti tribus gradibus aut circiter ab Æquatore versus Austrum, ad Fretum pene Magallanicum usque, communiter venros perflare à tribus tantum mundi plagis: Africum nimirum vernis & æstivis mensibus, & paucis aliis diebus quibus sudum est cælum; à Septentrionali autem plaga hybernis mensibus & pluvia tempestate; Favonium denique, qui hanc oram, legentibus maxime infestus est & adversus, qui que interdum validos cogit nimbos, quum se præntionales venti remittunt.

Chilensis provincia suum habet Præfectum, qui Peruviz Pro Regi parer, ab eoque designatur; oppidani autem atque coloni aliquando jus petierunt à Conventu Juridico Limæ, quum nullus dum Conventus Juridicus hic esset institutus; nunc proprium Tribunal habent in oppido *S. Jacobi*: duos præterea habent Episcopatus, undecim oppida seu municipia ab Hispanis habitata, de quibus porro suo ordine dicemus, prout jacent ad mare Australe.

C A P. IV.

*Primarum vallium Chilensis præfecturæ, Copiapo, Gualco
& Chili descriptio.*

49

Copypapo.

EX TREMOS *Atacama* solitudinis limites (quam supra absolvimus) excipit vallis *Copiapo*, quæ *Chilensis* regni (ut vulgo vocant) provincias inchoat. Id nomen ajunt barbarorum lingua sonare Agrum cyaneorum lapidum (quos vulgo vocamus *Turcinos*) harum enim gemmarum maxima copia eruitur è monte quodam qui valli huic imminet, quæ præstantissimæ quidem sunt, sed ob nimiam copiam hodie viliores; neque æstimantur ut olim. Hæc vallis omnium quæ in *Chilensi* præfectura censentur, longe secundissima prædicatur, quippe quæ Mayzitalissimos culmos ferat instar lancearum, aristas autem dimidiam ulnam longas; ita ut messis ingenti fenore trecenties sementem dicatur superare, ut scribunt Hispani: Quod tamen non incredibile neque mirum iis qui farris hujus ubertatem noverunt. Neque minus aliarum frugum fertilis est vallis, tam domesticarum, quam exoticalium quas Hispani intulerunt. Secat illam amniculus, qui è summis montium nivallium jugis devolutus, per viginti leucarum spatia hanc vallem rigat, & denique in patentem sinum ad mare Meridionale descendit, ibidem percommodum & latum portum

portum navigantibus apertens: distat autem ab Æquatore sex & viginti gradus versus Austrum, ut memoria: prodidit *Herrera*.

Lupus Vazius testatur, in hac valle modicum jacere portum & juxta illum indigenarum pagum, qui Hispanis sunt vestigales; ibidemque esse machinam qua Saccharum conficitur.

A portu vallis *Copiapo*, ad vallis *Guasco* itidem portum, numerantur leucæ quinque supra triginta. Portus hic sive statio distat ab Æquatore gradus novem & viginti versus Austrum, ut testatur *Herrera*: contineturque gremio parentis ad Mare Meridionale sinus, per quem amniculus in Oceanum Australem sese exonerat, è montibus nivibus, qui vallem hanc ab Oriente tegunt, exiens & agros hujus vallis ad eum modum permeans atque irrigans, ut fecunditate, & frugum bonitate ad Copiapensem vallem (de qua supra) quamproximè accedat. In hac valle, uti fere in reliquis, reperiuntur innumerae perdices; & quod præcipuum, hic alitur magna ovium illarum (de quibus diximus) copia: præterea ingens copia sciurorum, coloris è fusco cinericei, quorum pelles magno sunt usui.

Valdivia quum primum ad *Chilenses* provincias subjugandas cum exercitu advenisset, in hac *Guascensis* valle coloniam Hispanorum deposuerat, condito oppido *S. Iago de la Nueva Estremadura*, ut ipse vocabat, & idonco castello adversus barbarorum impetum communito, in agro quem Indigenæ appellabant *Mapocho*, circiter quatuordecim leucis ab Oceano Australi, & modico sed opportuno ad eundem portum: verum hoc oppidum haud diu perennavit, sed alio fuit translatum, ut proximo capite diceretur.

Oliverius noster observat in commentariis suis, *Guasco* portum situm esse viginti octo gradibus & triginta scrupulis ab Æquatore versus Austrum, ejusque stationem esse percommodam & à ventorum injuria tutam, pone certos scopulos, qui faucibus sinus obiacent: in hunc sinum descendit pulcherrimus amniculus, qui & vulgo vallis nomine appellatur, sed aquatio hic perdifficilis est: vestiunt hanc oram rarae arbores; domiciliaque indigenarum longius distant ab ora Oceani Australis.

Guascensem vallem excipit Vallis *Chile*, omnium vicinarum facile princeps, unde & nomen toti huic oræ & provinciae dedisse verisimile fit: in hac valle olim fuerunt celeberrimæ aurifodinae, quas vocant *de Quillota*, è quibus *Valdivia* opulentam auri gazam quondam hausit; quare & Castellum hic communiverat, ut fossiores ab hostium injuria tutaretur.

C A P. V.

La Serena & Sant Jago oppida descripta.

PRIMUM oppidum *Chilensis* Præfecturæ, quodque omnium proximè abest à Peruvia, appellatur ab Hispanis *Serena*: Conditum fuit à Præfecto *Valdivia* anno 1514, in valle *Coquimbo* (unde non raro *Coquimbo*, vallis nomine, appellatur scriptotibus Hispanis & Nostratibus:) haud ita longe ab ora Oceani Meridionalis; & triginta gradibus ab Æquatore versus Austrum secundum *Herreram*: à quo & observatum invenio, Solstitium quidem æstivum hic incidere in XI Decembris (& longissimum diem esse horarum quatuordecim) hyemale vero in undecimum Junii. Distat ab oppido *S. Iago* leucas sexaginta versus Arcteam plagam. Portum obtinet amplum & peropportunum, ad parentem & latum sinum, qui distat ab oppido circiter duas leucas; hic omnia onera exponuntur è navibus. Agrum oppidi permeat medioeris amnis, quo pleraque arva & sata rigantur, ita ut omnes fruges, plantæque hic lætissime proveniant: maxima itaque hic annonæ copia & vilitas frumenti, vini, carniū, pisciumque atque adeo omnium rerum quæ vitæ usui postulat, summa abundantia. Rarissime quidem hic pluit, vix ter quaterve quotannis, nihilo tamen secius sunt hic pulcherrima arva, quæ sata felicissime reddunt.

In Agro hujus oppidi, multa sunt auri metalla; imprimis septem ab oppido leucis jacet editus mons, è quo Hispani jam dudum multum auri cruerunt. Adhæc quemadmodum à quodam Belga accepi, qui viderat, haud longe ab oppido, mons optimi

aris venis scatens. *Lupus Vazius* scribit oppidum *Serenam* supra ducenta domicilia continere: & certe satis frequens esse oportet, quum in Historia memorabilis illius expeditionis navalis *Francisci Draci*, qua orbem universum circumnavigavit, narretur, quum Anglorum naves portum *Coguinbo* essent ingressæ, ibidemque in anchoris consisterent aquandi gratia, trecentos equites & ducentos pedites ex oppido sese effudisse, Anglosque ad naves suas se recipere coëgisse. Regio hæc omnis quondam indigenis fuit frequens, sed jam longe maxima pars (si non omnes, ut nonnulli tradunt) ab Hispanis aut laboribus in metallis fracta, aut summa sævitia excisa est atque deleta, ita ut jam oppidani auri venis scrutandis & elaborandis præ operarum inopia, sint impares & plurima auri atque æris metalla intacta sinere compellantur.

S. Iago.

Principale porro hujus Chilensis Præfecturæ oppidum vulgo appellatur *S. Iago*: quod situm est triginta quatuor gradibus ab Æquatore versus Austrum; & septuaginta & septem à Meridiano Tolitano versus solis Occalum: quindecim leucis à Mari Meridionali. Præfectus totius Provinciæ hic sibi aliquando domicilium elegit; nunc ut plurimum ob bella cum Chilensibus Araucanis conmoratur in oppido *Concepcionis*: Sed hic jam ab aliquot annis Conventus Juridicus suum habet tribunal: Denique cernitur hic Cathedralis Ecclesia & aliquot cœnobîa Dominicanorum & Franciscanorum; & si *Lupum Vazium* audiamus, octingenta domicilia privatorum.

Ager suburbanus fertilis, & tritici, vini & aliarum frugum abundans: auri venis admodum locuples & indigenis hodieque frequentissimus, quum in illius Diocesi fere octuaginta millia barbarorum numerentur, qui in sex & viginti tribus partiti, Hispanis tributum pendunt & gratuitam serviunt servituti. Plurimi hic reperiuntur equi, ita ut multi in campis & sylvis sine certis dominis vagentur, atque ita efferrentur, ut non facile domari possint.

Daule fl.

Flumen *Daule* per montium declivia eluctari & hac transire, atque demum Mari Australi semiscere testatur *Didacus Fernandez* in Peruvix Historia: alii flumen quod oppidum secat aut præterlabitur vocant *Topocalma*: quod & postea descendit in oppidi hujus portum, universæ hujus oræ famosissimum & optimum, appellatur vulgo *Valparayso*, distat ab Æquatore tres & triginta gradus & quadraginta scrupula versus Austrum, uti ab Anglis diligentissime & accurate est observatum. In hoc portu exponuntur omnes merces quæ mari veniunt ab urbe Lima & reliquis Peruvix portubus; & vicissim omnis auri gaza quæ in vicinis provinciis colligitur huc conductâ, imponitur in naves.

Valparayso.

Fortissimus eques *Franciscus Dracus*, hunc portum inopinantibus Hispanis inventus, navem hic interceptit, in qua invenit viginti & quinque milli à pezorum, ut vocant, auri Valdiviensis absolutissimi, & magnam Chilensium vini copiam: & excensione factâ, ibidem invenit novem aut decem ædes cum exigua capella, quas illius milites diripuerunt & incenderunt.

Belgicæ quoque Classis præfectus *Georgius Spilbergius* hic appellens, navem in anchoris stantem offendit, quam Hispani quantocius, ne nostris usui esset, flammis injectis corruerunt: multi præterea equites peditesque ad portum accurrerant, & turgoria aliquot incenderant, ita ut nihil memorabile hic à nostris perpetrari posset.

Denique quatuordecim ab oppido leucis flumen decurrit, quod indigenæ vocant *Chacapol*. Valli autem in qua urbs *S. Iago* communita est, vicina est provincia populorum, quos gentilitio nomine appellant *Parmacanes*, sive ut *Garcilassus* effert *Purumaucas*; per quam transitur ad flumen *Maule*, & ad pagos *Gueler* atque *Tatam*; atque ita porro ad *Quilacuram*.

CAP. VI.

Oppidum Concepcionis & Insula S. Mariæ descripta.

OPPIDUM tertium hujus Præfecturæ quod dicitur *Concepcion*, situm est ad oram Oceani Meridionalis, ad patentem sinum & juxta percommodum portum: Ager illius fines habet ad Arctum quidem fluvium *Maule*, ad Austrum autem fluvium *Biobio*; (nam *Herreram* falli haud dubium est, qui ipsi fluvium *Itaten* sive

Itayan

Itayan pro limite Australi tribuit, quum fluvium hunc aliquot leucis ab oppido versus Arctum in Oceanum exire certissimum sit, nisi forte olim oppidum alio loco situm fuerit.) Abest ab Æquatore sex & triginta gradibus & quadraginta scrupulis versus Austrum: ora maritima vergit hic ad viginti & trium leucarum spacium versus Libonotum.

A fluvio *Itaten* ad portum quem Hispani vocant *de la Herradura*, (quia solem equinam forma repræsentat) numerantur tres leucæ: portus hic petidoneus est & adversus incerta ventorum egregiè munitus; distat ab Æquatore versus Austrum triginta & sex gradus & triginta scrupula: ab hoc ad sinum *Penco*, juxta quem oppidum *Concepcion* conditum est, sunt quatuor leucæ. Exeunt in hunc sinum duo pertenuēs amnes vel potius rivuli, quorum minimus dividit oppidum, alter vero labitur paululum ab oppido versus Austrum, vocaturque vulgo *Rio de Landalien*, à vicina valle quæ *Andalien* audit.

Littori autem, quod hic angustius est, imminent colles & montes modicè editi, qui portum undique muniunt, præterquam contra Aquilonem & Arctoam plagam, versus quam sinus hic tempestatibus est expositus.

Licet autem hi colles, atque adeo suburbanus ager per se neque fecundus neque amœnus sit ad aspectu, tamen hominum industria & cultura jam amœnissimus est factus; plurimi enim horti cum suis viridariis ab Hispanis hic excolti visuntur, & pulchri aspectu & omnibus omnium generum fructibus abundantes. Mare oppido vicinum supra modum est piscosum; juxta littus quoque visitur lapidina: è qua lapides quidam nigri & bituminosi caduntur, qui oppidanis carbonum usum præstant. Quia autem portus hic Septentrionalibus ventis est expositus, & illis perflantibus intuetur, perici navarchæ naves suas pone insulam quandam exiguam, quæ sinui prætenditur, in anchoris solent constituere, ut ab aquilonibus defendantur.

Ab oppido ad flumen *Bisbio* duæ sunt leucæ; flumen hoc valde latum est & altum, ita ut vado transiri nequeat, nec tamen navium est patiens: ab hoc ad flumen *Labapi* quindecim numerantur leucæ; intermedio vero spacio, admittit Con-

tinens amplissimum sinum, ad quem provincia *Araucana* sita est. Porro oppidum *Concepcion* abest ab oppido *Sancti Jacobi* leucas, ut volunt, septuaginta versus Austrum. Præfectus universæ provincie hodiè hic residet, postquam Conventus Juridicus, qui tribunal hic habuit ab anno clō 15 lxxvii ad annum clō 15 lxxiv, ad oppidum *S. Jacobi* fuit translatus. In oppido sunt aliquot monasteria Dominicanorum & Franciscanorum.

In Dicecesi hujus oppidi & illius sinibus sunt plurima auri metalla, è quibus magna vis auri olim fuit eruta, ita ut oppidum hoc longe florentissimum & opulentissimum fuerit; verum hodiè ut *Lupus Pazius* testatur, penè ad inopiam est redactum, quippe ad minimum quater à Chilenibus direptum & concrematum, adeo ut hodiè vix ducentas ædes numeret: & quia *Araucanos* insensissimos Hispanorum hostes tam vicinos habet, cinctum est hodiè latericio muro, habetque arcem adjunctam, in qua ut plurimum quingenti præsidarii dicuntur agere.

Fodina *Quilacoya* sive *Quilacura*, è quibus Valdivia dum hic præfectum ageret, magnam auri vim eruit, absunt ab oppido quatuor leucas.

Olivarius à *Noord* narrat anno clō 15 c septingentos Hispanos à Pro-Rege Peruvie ad hoc oppidum missos, ob novos Chilenium motus, & Auracanorum imprimis, qui oppido imminabant, & quotidie lacescebant præsidarios. *Georgius* itidem *Spilbergius* Belgicæ Classis Archithalassus, applicuit hic anno clō 15 cxv, jecitque anchoras pone insulam quæ sinui objacer (quam *Quiriquinam* scribit appellari) ven-
to vero adversante non potuit propius ad oppidum accedere, tantum è captivis didicit, circiter ducentos præsidarios in oppido agere & magnum numerum vestigalium barbarorum.

Ab extremo sinus, de quo jam diximus, ostio, ad Insulam *S. Mariæ* leucæ numerantur tredecim: vel ut *Petrus de Cieza* scribit quindecim; qui hanc insulam à barbaris dicit appellari *Lucengo*: Sita autem est ab Æquatore septem & triginta gradibus & viginti aut paulo paucioribus scrupulis versus Austrum: ex adverso

Provinciae *Araucanae*, (ubi Continentem magnum & amplum Sinum admittere jam diximus) præruptis & à fluctibus Oceani exesit rupibus incincta, ita ut olim hæc insula Continenti connexa fuisset quibusdam videatur & sensim ab interluente freto, quod jam circiter tres leucas latum est, ab illa divisa; quod tamen mihi non fit verisimile. Solum hujus insulae uberrimum est, tritici & hordei ferax: mate vicinum pluribus piscibus fœctum, præsertim uno è sepiaurum genere, è cujus oculis callosa quædam substantia eximitur, quæ candore & nitore ad uniones quam proxime accedit, sed non habet illarum duritiem: fœminæ tamen pro unionibus solent usurpare in monilibus: Hic & testacei quidam pisces repetiuntur, quos *Choras* appellant, in quorum testis, unionum quoddam genus reperitur, magnitudine seminis Cannabini & singulari candore, verum quia artem perforandi ignorant barbari, nullius pretii habentur.

Thomas Candischius cum navibus suis hic appellens, ad occidentalem insulae plagam constitit, loco figendis anchoris peridoneo: & excensionem facta, magnam invenit tritici copiam. Incolæ autem barbari Hispanis adeo sunt obnoxii, ut ne gallinam quidem, ne dicam porcum, mastare aut manducare aulint, licet utrique vel maxime abundant: jam Christiana sacra amplectuntur, habentque sacellum & in eo altare cum suis ornamentis ad Romanum morem. Mayzium quoque hic abunde crescit, uti & varii fructus: ita ut omnis generis comæatus hinc peti possit, ab iis qui viribus potiores sunt. *Georgius* sane *Spilbergius*, cujus jam aliquoties meminimus, anno c1o 1o cxv Insulae compos factus, supra quingentas oves, magnum gallinarum numerum, & cæteræ annona copiam hinc abduxit.

CAP. VII.

Provinciae Arauco, Tucapel & Puren descriptæ, & clades ab Hispanis in hac parte Chiles acceptæ.

INTER oppidum *Concepcion*, de quo jam egimus, & oppidum *Imperial* de quo mox sumus dicturi, mediæ sunt populosissimæ provinciae *Arauco*, *Tucapel* & *Puren*; quarum indigenæ bellicosissimi sunt & Hispanis supra modum infesti, utpote quibus magnas clades sæpe intulerint, & hodieque cum ipsis pro libertate magnis animis certent: Quæ autem superioribus annis hic gesta fuerunt, operæpretium fuerit commemorare.

Valdivia primus harum Provinciarum domitor, postquam oppida *Imperial* atque *Valdiviam* condidisset, anno c1o 1o 11 ad oppidum *Concepcion* reversus, consultum existimabat, tria insuper munimenta sive castella, octo leucarum intervallo, excitare: Unum quidem in Provincia *Tucapel*, alterum in *Purén*, tertium denique in *Arauco*; ut his veluti compedibus, ferocissimas nationes & nunquam ante à Peruvia monarchia domitas, coerceret & vel invitissimos in officio contineret, aut ad obsequium cogeret: Et quum haud longe post ditissimas auri venas in planicie quam barbari vocant *Ongol*, observasset, huc quoque coloniam in municipium *delos Confines*, ut vocant, deduxit; ut inter duo jam dicta oppida veluti medium esset, quod tamen statim fuit desertum & alio translatum. Indigenæ interea advenarum pertæsi & servitutis impatientes, omni ope sibi annitendum putabant, ut peregrinorum jugum à suis & vicinorum suorum cervicibus depellerent; crebrisque clandestinis coalitionibus inter se confederati, Hispanos inopinantes aggrediuntur, & primo Castellum in provincia *Purén* oppugnant magno conatu; Hispani enim tantæ barbarorum multitudini impares jam sponte sua deseruerant alterum in *Tucapel*, seque junxerant cum præsidiariis *Purenis*: atque hic Hispani, accitis insuper à castro *Araucano* auxiliis, ultro hostibus obviam iverunt, atque ab ipsis cæsi, fugatique, unicuique receptum habuerunt ad castellum *Araucanum*. Præfectus, eorum quæ gesta fuerant certior factus, quantocius ad castellum advolat, & suis nequicquam dissuadentibus, magnis itineribus, cum quinquaginta & tribus tantum militibus, contendit ad hostes, qui circum *Tucapelis* castellum hærebant: Quumque *Colonem* pervenisset, notissimum illa regione campum, unum suorum tribunorum cum tantum decem militibus præmittit, qui hostium castra & molitiones è propinquo specularetur, qui cum suis in insidias præcipitans, ab hostibus cæditur: Præfectus

hac

hac suorum clade nihil dum territus processit, verum à barbaris prostrigatus, cum quatuordecim suorum qui è clade supererant, attripuit fugam, & ad ripam fluvii *Ledi* se subduxit; ubi & ipse cum suis cæsus fuit, nullo è tanta clade superstite præter unum *Chilensem* adolecentem jam Christianum, qui prædialiis, qui in castello *Araucano* subliterant, cladem hanc nunciavit. Memorabile est quod *Lupus Vazius* alique narrant, *Valdiviam* quum vivus in hostium potestatem pervenisset, ab iisdem auroliquefecto in os illius effuso, enecatam, barbaris insultantibus, ut tandem aliquando auri satur fieret, quod tantopere striverat. Quod tamen ab aliis non prodicit. Hispani prædialiarii qui in *Araucano* castello relictæ fuerant, quum nullum aliud imminetis
 10 discriminis remedium invenirent, loco deserto ad oppidum *Conceptionis* se receperunt: Purenenses autem prædialiarii ad oppidum *Imperial*.

Postilla *Franciscus de la Villagra* *Valdiviæ* Legatus, ducis sui & tot commilitonum cædem ulcisci satagens, cum centum & sexaginta militibus movit ex oppido *Conceptionis*; verum quum superato flumine *Biobio*, jam in conspectum castelli *Araucani* venisset, iuxta terræ cornu, quod à Maris Australis fluctibus pulsatur, & ab Hispanis vulgo appellatur *la Raquette*, magnam hostium multitudinem obviam habuit, qui tam ferociter illum sunt aggressi, ut nonaginta & sex suorum in conspectu desideratis, cum reliquis magnam partem sauciis, ad *Conceptionem* præpropera fuga se recipere cogeretur. Hispani tot cladibus tam brevi tempore acceptis animo lin-
 20 que cæperunt, & quum adhuc pejora ab imminetibus barbaris metuerent, oppido *Conceptionis* deserto, ad urbem *S. Jacobi* se receperunt: alia præterea oppida tunc ab Hispanis desertæ, *Villa Rica*, *Los Confines*, quum se vix oppidis *S. Jacobi* & *Imperiali* tutandis pares esse cognoscerent.

Barbari autem hi longe aliter quam cæteri belligare noverunt, nam & ordines servare & arma scite tractare callent: arma ipsis sunt arcus & sagittæ, prælongæ hastæ, bipennes, quin & galeas & scuta, thoracisque ex phocarum tergoribus eleganter parant: hastas suas quondam ære, nunc etiam ferro, cujus copiam ab Hispanis nacti sunt, asperant: etiam armis, quæ Hispanis in præliis ademerunt, dextere uti didicerunt. Cæterum in præliis & acies ordinant Europæorum pene ad modum, &
 30 ordines atque militarem disciplinam observant; etiam vallum ducere & castra per intervalla communire didicerunt: adhuc ex insidiis hostem aggredi & ex improviso oppida illorum, villas & prædia aggredi, capere & concremare: In præliis fortes atque impavidi, magnas sæpe strages Hispanis dederunt, nonnunquam & sunt passi: quæ omnia ab Hispanis scriptoribus commemorata & fere in majus aucta, hic commemorare longum & forte præter institutum nostrum foret. Hoc saltem obiter hic dicemus, horum barbarorum armis & virtute factum esse, ut Hispani hodieque longe minimam harum regionum partem possideant, & plurima oppida deserere, & variis provinciis excedere fuerint coacti & se vix ab eorum armis teneantur. Nam licet post *Valdiviæ* miserandum casum & tot clades ab
 40 *Araucanis* & ipsorum confederatis acceptas, Hispani nonnihil respiraverint, *Garcia de Mendoza*, Pro-Regis Peruvix filio, hic præfectum agente (qui bonam partem barbarorum ad obsequium redire compulerat) tamen barbari majori conatu bellum redintegrarunt, & tam fortiter atque pertinaciter gesserunt, ut hodie pauca oppida Hispanis reliquerint, eaque ita incuta, ut quotidie hostes ad ipsa moria expectare, & sollicite noctu atque interdiu excubias agere cogantur.

Cæterum provincia hæc *Araucana*, cum *Tucapel* & *Puene*, quæ fere simul accipiuntur, & ab Hispanis vulgo appellatur *El Estado de Arauco*, quemadmodum *Alfonso de Erzila* in famoso suo poemate prodidit, angustis admodum limitibus continetur, siquidem in longitudinem tantum patet circiter viginti leucas, in latitudinem vix septem. Auri metallis locuples esse creditur, sed ad quæ Hispanis hæc-
 50 nus accessus minime patuit, ideoque etiam hodie intacta. Maxima sui parte assurgit in montes aut editos colles; quæ mare meridionale attingit, præruptis potius ripis, quam litoribus; fluctus admittit magno & amplo sinu, in quo statio haud infida navibus existimatur, sed descensus in tertam difficilior. Denique Provincia hæc inde à trigesimo & septimo gradu Australis latitudinis, ad breve tantum spatium ex-
 porrigitur versus Austrum.

In vicinis porro montibus, qui *Araucanam* ab ortu tegunt, agunt barbari qui vulgo *Pulches* appellantur, gens velox & pugnandi avida, nec minus ferox, verumtamen nequaquam eo ingenio atque industria, qua *Araucanos* esse diximus; à quibus omnibus modis superantur, cæterum animis in Hispanos haud minus iniquis atque infectis; quo fit ut se cum reliquis ipsorum hostibus lubenter conjungant.

C A P. VIII.

Mocha Insula descripta, indigenarum ingenia & mores, & variarum ad eam navigationes.

AD provinciam *Araucanam* quam jam descripsimus, pertinet Insula, quam vulgo appellant *Mocham*; incoliturque ab ejusdem gentis populis, qui è Continente se huc receperunt & jugum Hispanorum hæcenus effugerunt. Distat hæc insula ab Æquatore octo & triginta gradibus & aliquot scrupulis, prout à diversis tam Hispanis, quam Anglicis & Belgis varie est observatum, qui omnes in scrupulorum numero nonnihil discrepant, prout variis locis altitudinem sunt dimensi; de gradibus conveniunt: A Continente quidem leucas quinque, à flumine autem *Lebo*, quod fere ex adverso è Continente exit in Mare Australe, sex leucas versus Zephyro-notum, ab Insula denique *S. Maria* (de qua supra egimus) octodecim versus Africum aut Libonotum. Fretum quod interluit utplurimum duodecim orgyas est altum, non raro & pauciores, estque nonnullis partibus certis brevibus atque vadis inquinatum.

Insula hæc satis ampla est; in medio pene ipsius, attollit se mons in summam altitudinem, juxta verticem veluti divisus aut bifurcatus; à quo amniculus delabitur limpidissimus & potari pulcherrimus; à radice autem montis ad oram usque ambientis maris, reliqua tellus declivior est & in planiciem strata; solum fecundum & non modo omnimodarum frugum patiens, sed & pascuis latum. Sub Insula haud incommoda statio est, & facilis anchoratum jactus, in mari septem aut octo orgyas alto; sed in anchoris stantibus, aquilones maxime metuendi sunt, qui tamen rarissimè hic perflant.

Franciscus Dracus, quum hic cum navibus suis consisteret, indigenis primum satis propitius est usus, & aliquantulum commercium ab ipsis permutatione mercium accepit, verum quum postmodum duos suorum ad terram ablegasset, Insulæ (uti verisimile fit) aut Hispanos aut eorundem vel amicos vel fœderatos suspicari, eos trucidarunt & Anglos post illa in terram descendere prohibuerunt. *Thomas Candischius* Anglus ad eandem postea appellens, pene ad eundem modum ab Indigenis fuit acceptus, in terram descendere vetitus.

Belgarum nostrorum longe melior fortuna fuit; nam primum *Olivarius à Noord*, quum hic applicuisset, peramicæ cum insularibus exercuit commercia & pro securibus, cultellisque, oves accepit atque omnis generis annonam: pro securi quidem ovem, pro cultello gallinam aut interdum binas; cætera Mayzium, batatas, cucurbitas & alios fructus, quos insula fert, ad eundem modum. Barbari juxta stationem incolebant pagum, qui circiter quinquaginta domiciliis constabat; quæ è stramentis affabre erant contexta, oblonga & in medio vestibulo quodam ornata. Licet autem nostros perbenigne acciperent, tamen ædes suas ingredi minimè permittabant, aut cum feminis sermones serere; sed feminas omnes boatu quodam ex ædibus in vicinam aream excitatis, in genua procumbere per varios ordines jubebant in nostrorum conspectu. Consuetudo ipsis tor conjuges sibi assumere, quod lubet; & quo quis plures filias habet, eo opulentior judicatur, nam proci sponsas suas à parentibus mercari solent, & bovem aut oves aut aliud quid de quo ante inter ipsos convenerit, pro filiabus redhibere. Amiciunt se longis tunicis, ab humeris ad talos usque demissis, tam mares quam feminæ, quas consuevit è panno, contexto è lana illarum ovium, de quibus jam ante diximus. Mares quidem promittunt comam usque ad humeros; feminæ vero eandem succingunt, & pone cervicè componunt nodis quibusdam.

Georgius Spilbergius Belga, ad eundem modum insulæ incolæ, propitius fuit exper-

expertus, atque ab iis omnis generis accepit comaeatum: Qui navigationem illius descripsit, testatur Insulam hanc, qua Arctum adspicit, humili esse solo atque campeltri, qua vero Austrum spectat, pluribus scopulis & petris incinctam esse, & à fluctibus marinis valide pulsari. Qui exactè Insulae amplitudinem explicaret aut ambitum illius leucis definiret, nondum vidi.

CAP. IX.

Insularum Joannis Fernandez descriptio.

10 **Q**UONTIAM jam in Insulas incidimus, petoportunum fuerit: antequam ad Continentem revertamur, earum meminisse, quæ à primo inventore *Joanne Fernandez* nomen acceperunt: Ex omnino sunt duæ, triginta & tribus gradibus & octo supra quadraginta scrupulis ab Æquatore versus Austrum sitæ, ut à *Sacobo Lemairio* Belga fuit oblietvarum, ambæ valde edito solo; occidentalior autem minima est, infecunda & vix quicquam herbidi sortita, meræ perræ atque aridi colles: orientalis vero major est & ipsa quoque montibus edita, verum pluribus arboribus vestita & grata amœnitate virens, neque infecunda esse creditur: magna hic repetitur caprarum & porcorum copia: mare in ambitu ita omnis generis piscibus fecrum, ut Hispani hanc non raro piscandi causa accedant, & brevi tem-
20 pore magni piscium numerum capiant, & ad Continentem atque Peruviam venales traducant.

Commodissima statio habetur pone orientale illius cornu itaque ut hic anchoræ jacentur, orientalis ora radenda est; nam si quis occidentalem legerit, ob malaciam facile abripitur ab æstu marino, & præter insulam vectatur, ita ut illam assequi nequaquam possit. Sub ora quidem quæ Occidentem adspicit, haud longe à litore, mare quadraginta, mox triginta & sensim ascendendo, tantum tres orgyæ est altum, tutoque hic constititur loco anchoris tenendis peridoneo; ex adverso viridis & peramœnæ vallis, quæ virentium arborum nemore vestita est, gratiosissimo prospectu. Anno porro cLo lO cxxiv Nostrates cum Naslovica, ut vulgo vocabant,
30 classe has Insulas adnavigarunt, à quibus sequentia acceperunt. Insula *Joannis Fernandez* duæ sunt, quarum orientalis distat ab Æquatore versus Austrum tribus & triginta gradibus & quadraginta scrupulis, à Continente autem America Meridionalis milliaria germanica circiter septuaginta; altera vero insula, secundum Hispanos, viginti circiter leucas ab hac versus Corum: hanc *Insula de Fuera*, illam vero *Insula de Tierra* solent appellare, causa manifesta est, quod nimirum orientalis propius à Continenti absit: quare insigniter erratur ab iis, qui scopulum potius quam insulam, qui orientali insulae adjacet, pro secunda *Joannis Fernandez* insula accipiunt, quum viginti leucarum intervallo hæ duæ insulae discretæ sint, & occidentalior haud minus ejusmodi scopulos aditos habeat.

40 Orientalior (inquit auctor qui navigationem illam in commentarios retulit) sub qua nos anchotas fiximus, complectitur suo ambitu circiter sex milliaria, in longitudinem inter ortum & occasum duo aut tria milliaria patens: Stationem habet ad borealem plagam, ubi valles quædam visuntur gramine & trifolio, grata amœnitate virentes: Sinus autem fundo est admodum declivi, & partim scopulis & vadum brevibus inquinato, partim nigris arenis conspicuo; permolestum vero est propius ad terram accedere & locum figendis anchoris idoneum capere. Abundat hæc Insula dulcium & potabilem aquarum scaturiginibus: vicinum mare optimis piscibus fecrum, qui nullo pene negotio hic maxima copia capiuntur. Phocarum quoque & leonum, ut vocant, marinoium infinitus est numerus. In nemoribus
50 gens caprarum multitudo, sed harum caro neutiquam tam grata est saporis quam quas insula *S. Vincentii*, *Hesperidum* una, nutrit: difficillimeque hic capiuntur ob arbustorum densitatem, quæ itinera omnia impediunt & pene invia faciunt. Alterius generis animalia hic nulla à nobis visa. In Montanis multæ nascuntur Palmæ, prope litus autem hujus stationis tres mali cydoniæ visuntur. Repetitur hic præterea ingens copia Sandalii signi, sed quod ab illo, quod *Timor* insula gignit, plurimum superatur: aliæque materies & duritie & tenacitate insigni & ad quævis fabrilia

opera peridoneæ: verum proceriores arbores, quarum trunci navigatorum malis inservire possint, nullas hic vidimus. Hic quondam decem aut duodecim barbaros habitasse satis constat, qui oleo è phocarum & ejusmodi belluarum pinguedine excoquendo operam dabant, nunc penitus deserta est insula; nisi quod sex nostrorum, quia milites, quia nautæ, longa navigationis pertecti aut aliam ob causam nobis ignotam, hic sponte se è navibus surripuerunt & invito præfecto subliterunt. Hæc ille.

Bartholomæus Leonardi de Argensola, libro tertio de Moluccis Insulis, facit mentionem duarum insularum, à *Joanne Fernandez*, quum anno 1513 xxiv Chilen peteret, casu inventarum, quæ hodie *San Felix* & *Sant Ambr* appellantur; sed hæ non possunt esse illæ, de quibus hic agimus, siquidem scribitur has ab Æquatore versus Austrum distare tantum viginti quinque gradus & viginti scrupula; nisi forte hic illum ratio fugerit. Ultramque autem scribit ab Hispanis vocari *Desfuenturadas*, id est, infortunatas.

C A P. X.

Oppidorum de los Confines vel etiam de los Infantes, & Imperialis descriptio.

OPPIDUM, quod *Villagranium* post *Valdiviam* harum provinciarum præfectus, quum primum conderetur, de *los Confines* appellaverat, & *Gaspar de Mendoza* 20 postea *Villam Novam de los Infantes* nominavit; in mediterraneis situm est; triginta & septem gradibus & triginta scrupulis ab Æquatore versus Austrum, secundum *Herreram*: Octodecim quidem leucis ab Oceano Meridionali; viginti autem ab oppido Conceptionis versus Euro-Austrum: in planicie conditum, quæ ab indigenis vulgo appellatur *Ongol*, unde & non raro id nomen huic oppido tribuitur à scriptoribus Hispanis. Amnis qui à nivosis montibus sive Andibus descendens, hanc planiciem dividit, præterlabitur oppidum ad Australem plagam; alter vero torrens quialiquot molas in oppidanorum usum circumagit, ad Arctoam: ita ut oppidum inter utrumque jaceat.

Ager hujus oppidi & frugum est fertilis & pascuis dives; omnisque generis fructus 30 & felicissime hic nascuntur & tempestive maturantur. Unde hic non modo optimum vinum premitur, sed & ficus & uvæ passæ siccantur. Concluditur utrumque: altis montibus, ita ut oppidum ab Andibus quidem sive nivalibus montibus absit leucas octo, ab alteris autem montibus qui propius ad litus maris Australis accedunt, vulgo la *Serrania*, duabus aut ad summum tribus; & ager hic in latitudine inter ortum & occasum x pateat leucas; in longitudinem inter Arctum & Austrum octodecim: versus Arctum quidem leucas octo, ab oppido ad flumen quod vocant *de la Laxa* (quia cerro loco *de Cataracte* se præcipitat in altitudinem orgyiarum pene xx) versus Austrum vero x leucas, ab eodem oppido ad fines oppidi Imperialis, secundum viam quæ ad illud ducit.

Magna hic cupressorum copia, quæ non modo materie beneolente, sed & *Lacca*, 40 ut vocant, lacryma commendantur.

Secant hanc provinciam plures fluvii, imprimis *Biabio*, qui plures minores acceptos secum devehit, & is qui *Nivequeten* appellatur ab indigenis. Nec desunt præstantia auri metalla, licet ob operarum & mancipiorum inopiam fere intacta. Duo denique sunt in oppido monasteria, Dominicanorum & Franciscanorum: & quia barbari, qui continuo cum Hispanis bellum gerunt, haud longe ab oppido agunt, ut plurimum ducenti præsidarii Hispani hic stativa dicuntur habere.

Imperial. *Imperiale* oppidum, abest ab Æquatore versus Austrum viii & xxx gradibus & xxi scrupulis: ab oppido *de los Confines* versus Africum aut Zephyro-notum leucas xx: ab Oceano denique Australi leucas iv. Conditum est ad ripam fluminis *Cauten*, quod è 50 summis nivalium montium jugis præcipitans, & ad occasum properans, latus Australe hujus oppidi præterlabitur, & cum altero amne, qui occidentum illius latus radit conjunctum, efficit cornu quoddam terræ, convexum & præceps, difficileque ascensu, super quod oppidum constructum cernitur.

Ager hujus oppidi patet in longitudinem leucas xviii, ab oppido quidem versus *Queule*, Arctum leucas decem; ad Austrum vero ad ripas fluvii *Queule* (qui ab Æqua-
tore

tore distare dicitur novem & triginta gradibus & semissis leucas octo: In latitudinem leucas viginti inter occasum atque ortum, ab oceano nimirum Australi, ad Andium usque radices. Est autem passim frumentorum feracissimus, nec malignè tolerat vites, licet cælum uvas haud bene maturaret, præterquam unius generis, quas vulgo vocant muscatas. Pasca quoque subministrat armentis læta; nulli tamen hic casei premuntur, quia vacca lac haud satis idoneum dicuntur edere.

Minora navigia ad oppidum usque possunt ascendere; cæterum litus est importuosum & arenarum puluillis inquinatum, nec supra dimidiam orgyam sub ipsa ora altum.

- 10 Secundus *Chilensis* præfecturæ Episcopatus ab hoc oppido nomen habet. In Diocesi autem supra octuaginta millia barbarorum esse dicuntur, qui Hispanis non minus quam cæteri sunt infensi, ita ut superioribus annis ab ipsis hoc oppidum dicatur fuisse excisum.

Opulentissima denique hic sunt auri metalla, è quibus maxima auri vis erui posset si per indigenas liceret, aut operarum copia suppetere.

C A P. XI.

Urbes Villa Rica, & Valdivia, & regiones adjacentes.

- 20 **V**RS, quæ *Villa Rica* Hispanis appellatur, abest ab Æquatore versus Austrum novem & triginta gradibus, ab oppido *Imperiali* circiter leucas sedecim versus Euro-Austrum: ab Oceano Australi viginti & quinque versus ortum; ab Andibus sive nivalibus montibus versus occidentem tribus. Sita est ad occidentale latus Lacus quem Indigenæ vocant *Mallabauquen* & illius emissarium, quem vulgo dicunt *Rio Tolten*: patet autem hic Lacus inter ortum & occasum leucas tres, inter Tolten a. Arctum vero atque Austrum duas. Ad caput illius, quod Euro-Austrum adspicit, situs est mons flammivomus sive Vulcanus, ad cuius radices fons cernitur, qui duabus ingentibus scaturiginibus exsiliens, torrentem producit, qui brevi intervallo Lacui miscetur.

- 30 Ager suburbanus satis fecundus fertur, solo argilloso, è quo optimi sunt lateres: cætera assurgunt in colles & fere sterili sunt solo: licet plurimas pinus alat, quas Hispani *Pimones de Libano* appellant: harum fructus ita saginant sues, ut vix ulla alia regio præstantiorem suillam generet, aut gratioris saporis.

Sub radicibus montium degunt barbari, qui nominantur *Pulches*: ferox hominum genus & omnium rerum indigum, venatu ut plurimum vitam tolerans & in feras sagittis suis exanimando satis gnavum & industrium. Trans nivosa autem Andium iuga versus ortum, jacet pluvies arenosa, deserta penitus & aquarum inops & mera solitudo.

- 40 Porro Agri sive Dioceseos hujus oppidi fines sunt, ad Arctum quidem fluvius *Tolten*, qui ab oppido abest leucas octo: ad Austrum vero secus viam quæ *Valdiviam* ducit, ad vallem usque *Marequinam*, totidem. Regio maxima sui parte frigidior est, & frumenti vitiumque minus fecunda: Oppidani fere dant operam linificio, texuntque optimos pannos & amacula linea, quibus commercia tum in hac præfectura tum alibi exercent.

Valdivia, urbs toto hoc certarum tractu celeberrima, pene media jacet inter Valdivia. arctum *Chilensis* Præfecturæ limitem & fretum Magallanicum: Sita est in provincia quam Indigenæ peculiari nomine vocabant *Guadallanguen*; duabus circiter leucis ab Oceano Australi, & quadraginta non plenis gradibus ab Æquatore versus Austrum secundum *Herreram*: qui & hoc à curiosis observatum prodit, quum in urbe

- 50 Hispani *Hispaniæ* jam meridiem esse, in hac urbe solem adhuc quinque horis & tertia parte horæ à meridie abesse; id est, si rectè rationem in eas, octuaginta gradibus à meridiano Hispaniensi versus occidentem distare.

Percommodum habet portum, qui ad arctum patet & grandiores quoque naves admittit: fluvius placidus, limpidus & amœnus, supra urbem in duos alveos divisus, totidem ostiis in portum egreditur: majorem autem alveum subire possunt navigia ad leucas duas; ad minorem tamen urbs condita, super convexam & præruptam

ruptam planiciem, quæque reliquam soli superficiem circiter quinque orgyis supergreditur, æstus autem marini ascendunt utrumque alveum, ad planiciem illam, undique collibus incinctam, quam supra diximus vocari *Guadalcanen*.

Ager hujus urbis (qui tamen quam longissime abest ab ipsa urbe & ut quidam produnt, circiter leucas decem) maxima sui parte humilis & planus, perfructuosus & tritici atque hordei feracissimus, fructuum quoque omnis generis, præterquam uvarum, quas cælum hic non satis mitigat aut maturat. Fines habet, ad Arctum quidem vallem *Marequinam*, à qua ad urbem numerantur leucæ octo: ad austrum vero ab urbe leucas decem: ita ut in longitudinem inter Arctum atque Austrum pateat leucas octodecim: & fere totidem in latitudinem, nimirum ab Oceano Australi ad 10 urbem leucas duas, ab urbe porro ad Andium radices sedecim.

Marequina.
na.

Nulla hujus *Chilensis* Præfecturæ pars tam copiosa, tamque absoluto auro abundat: nam constans fama est, quum Præfectus *Valdivia*, à quo urbi nomen hæsit, hic primum pedem figeret, tam divites auri venas hic fuisse, ut singula barbara servitia indies viginti quinque, nonnunquam & triginta aureos ut vocant pezos eliquarent. Anno denique c15 l5 xcix (ut Hispanus naclerus *Olivierus* à *Noord* retulit) vicini barbari Hispanos inopinantes aggressi, urbem ceperunt & incolas omnes trucidarunt: postilla tamen Hispani eodem rediisse & urbem restaurasse dicuntur & ibidem ducentorum militum præsidium alere.

10

C A P. XII.

*Oppida Osorno & Chilue sive Castro, Provincia vicina
& præsertim Chucuito.*

Osorno.

SEXAGINTA aut paulo pluribus leucis ab oppido *Concepcionis* versus Austrum & Fretum Magallanicum sita est urbs *Osorno* (ut ab *Herrera* traditur) septem circiter leucis ab ora maris Meridionalis: duobus & quadraginta gradibus ab Æquatore versus Austrum: in regione frigidiuscula & annonæ omniumque rerum ad vitam humanam necessariarum indiga: sed auri metallis opulenta: 30 unde fit ut hæc urbs (teste Hispano naclero, quem *Olivierus* à *Noord* in illis partibus ceperat) multo amplior & frequentior sit ipsa *Valdivia*: oppidani præterea pannorum tam laneorum quam lincorum copiam texunt: In agro atque adeo limitibus hujus urbis, supra ducenta millia barbarorum dicuntur habitare, qui Hispanis tributum pendunt & gratis inserviunt.

Castro.

Urbium denique quæ ab Hispanis in hac regione habitantur extrema est, quæ vulgo *Castro* appellatur, barbaris autem *Chilue*: ea sita est in una insularum, quæ magno numero sparsæ sunt in Lacu sive freto *Ancud* vel *Chilue*, ut ab indigenis nominatur, quadraginta duabus leucis ab oppido *Osorno* versus Austrum. Archipelagus autem harum insularum initium sumit quadraginta & tribus gradibus ab 40 Æquatore versus polum Antarcticum. In vicinia hujus oppidi *Castro* supra duodecim millia barbarorum incolunt, qui Hispanis sunt attributi: nam insulam in qua urbs condita est, ad quinquaginta leucas in longitudinem patere scribunt Hispani (quod tamen minus verisimile est) & in latitudinem, ubi latissima est, novem: ubi angustior est, tantummodo duas.

Omnis autem hæc ora æstuariis & intercurrentibus alveis est divisa, multæque insulæ hic obiacent continenti, usque ad altissima Andium juga, quæ hic ipsi Lacui sive Freto immincent. Solum harum insularum, montibus undique est conclusum, Mayzii fertile, neque triticum malignè tolerans: Auri vero supra modum locuples, ita ut ramena illius ad ipsum usque litus deprehendantur, quod alibi rarissime solet accidere.

Naclerus ille, de quo supra, urbem hanc testatur quatuor & quadraginta gradibus ab Æquatore versus Austrum distare, & in insula sitam esse quæ ab Hispanis quaqua versum colitur, abundareque lanis ovium Chilensium, è quibus ibidem optimos pannos & togas conficiant.

Hæc urbs (uti è commentariis *Georgii Spilbergii* didicimus) à Belgis nostris, non

non magno negotio intercepta fuit, ducibus *Balthasare de Cordes* & *Antonio Antonide* cognomento *Nigro*, (qui cum navi, cui Fidei nomen erat, Fretum Magallanicum penetraverant) rursusque amissa. Verum rei gesta series non satis mihi comperta est: nisi quod à quibusdam accepi, nostros quum incautius agerent, ab Hispanis qui ab Oforno suis auxilio venerant inopinantes fuisse oppressos. Vidi tamen huius loci delineationem ab hoc *Antonio Nigro* satis accurate factam, è qua observavi, hoc oppidulum quadraginta & tribus gradibus ab Æquatore distare versus Austrum; insulamque in qua situm est, in longitudinem pene inter Arcum atque Austrum expansam esse, secus oram Maris Meridionalis. Oppidum non nisi una aut
 10 altera leuca distitum est ab eadem ora, licet longo & sinuoso itinere ad ipsum perveniendum sit: nam ad Septentrionale Insulæ cornu, canalis sese insinuat tendens ab occasu in ortum (ore circiter duas leucas & dimidiam lato) & circa gremium orbicularis & incurvus, ubi in angustum alveum contrahitur, rursusque se diducit in amplissimum fretum, crebris minoribus insulis divisum: oppidum autem *Castro* petentibus, insulæ ora quæ orientem respicit primum radenda est versus Eorum, usque ad angustum Insulæ promontorium, quo superato descendendum est ad dexteram & Africum versus, & paulo ulterius proVectis rursus vela sunt vertenda versus Corum, usque ad stationem ipsius oppidi, quod
 20 cumbit: reliquæ oppidi aedes hac illac sunt sparsæ, & repræsentant magis pagum aliquem, quam oppidum, quippe quæ nullis mœnibus aut vallo sint incinctæ.

Præter hæc *Chilensis* Præfecturæ oppida jam à nobis commemorata, alia insuper duo pertinent ad præfecturam *Chilensem*, trans Andium juga & ad orientalem eorundem montium plagam sita, in provincia quam vulgo vocant *Chuciuco* (*Herrera* etiam alibi appellat *Cuyo*) regione frigida & infœcunda; nempe *Mendoza* & *Sant Iuan de la Frontera*; utraque à *Garfia de Mendoza*, ut ferunt, condit, quum præfectus esset *Chilensis*.

Oppidum *Mendoza*, pene ex adverso oppidi *Sant Iago* Chilensis provinciæ situm est, quod supra descripsimus, circiter quadraginta leucis ab ipso distitum versus ortum solis; quo perdifficili itinere & per alta Andium juga & perenni pene nive recta proficiscendum est è provincia Chilensi; nam è provincia fluminis *de la Plata* ad hoc quoque iter pertinet, ut mox dicetur.

Alterum oppidum *S. Iuan de la Frontera* à superiori paulum divergit versus Austrum. Quantum è *Belga* quodam, qui ex provincia fluminis *de la Plata* hac iter habuit & penetravit in Chilen, potui expiscari; oppidum hoc *S. Ioannis* haud supra centum & decem leucas distat ab oppido *Buenos Ayres* (de quo suo loco dicemus) recto quidem, sed solitario itinere; quare hoc oppidum petentes ut plurimum à *Buenos Ayres* per *Cordubam* instituunt iter, longius quidem illud, sed longe frequentius aecolis ideoque & securius.

Idem testatur, Chilensem provinciam circa oppidum *S. Iacobi* latissimam esse, & ab illo ad pontem è viminibus textum, & inter convalles montium, flumini quod illac discurrit superstratum, sexaginta milliaria numerari; ita ut oppidum hoc *S. Ioannis de la Frontera* longius à Mari Meridionali abesse necesse sit, quam vulgo in Tabulis Geographicis collocetur.

Quot autem gradibus hæc oppida ab Æquatore versus Austrum absint, & quæ agrorum facies aut conditio sit, à nemine adhuc inveni descriptum, quare de his hactenus hæc dicta sunt.

Ora omnis maritimæ Chilenfis, Portuum, stationum, sinuum &
Promontoriorum descriptio ad trigessimum tertium gradum
Australis latitudinis.

Chilensis Præfecturæ ora maritima, ut supra diximus, sumit initium à sinu & valle *Copiapo*, viginti sex gradibus ab Æquatore versus Austrum: ab hoc sinu versus meridiem oram legentibus (secundum *Petram de Cieça*) primo 10
occurrit Angulus quidam Continentis nonnihil prominens, & pone illum sinus, supra quem duo scopuli eminent, & sinu hoc enavigato fluvius, quem vocant *Guaſco*, viginti & octo gradibus & quindecim scrupulis ab Æquatore versus Austrum. Intervallum inter *Copiapo* vallem & *Guaſco* est triginta leucarum, ut scribit *Herrera*, qui *Guaſco* collocat viginti novem gradibus ab Æquatore versus Austrum: *Oliverrius* noster observat *Guaſco* ad vigesimum octavum gradum & dimidium: scribitque ibidem satis commodam esse stationem navibus, pone scopulos qui hic Continenti obijciuntur, fluviumque ejusdem nominis in sinum se evolvere, optimæ quidem aquæ, sed aquationi minime opportunum esse, ob difficilem aditum; cæterum regionem hanc ad oram paucissimis arboribus vestitam esse, nec ulla hominum habitatio- 20
ne cultam, nisi procul à littore.

Haftenus ora fere ad Africum pertinet: A *Guaſco* vero paulo magis se flectit ad Austrum, usque ad portum *Coquimbo*, triginta gradibus ab Æquatore versus Austrum, uti ab *Herrera* traditur, & ab Equite Anglo *Richardo Hawkinso* est observatum: *Petrus* vero *Cieça* qui hanc oram particulatim prosequitur, dicit hunc portum tantum viginti & novem gradibus & triginta scrupulis ab Æquatore distare; cui & *Fullerus* ad stipulat, qui cum *Candischio* hanc oram visitavit. Portus autem hic, à *Richardo Hawkinso*, inter præcipuos hujus Meridionalis Americæ portus celebratur, tum ob insignem capacitatem, tum potissimum, ob summam illius securitatem: est enim adversus incerta ventorum undiquaque rurus, & commodis- 30
simam præbet navibus stationem inter Continentis oram & scopulum illi objectum.

Decem ab hoc portu leucis (ut *Petrus de Cieça* annotat) rursus prominet cornu, quod sinum pone se aperit, quem vulgo vocant *Atongayo*, à quo ad *Limaram* amnem quinque numerantur leucæ; ab hoc porro novem ad alium sinum, qui *Choapa* vocatur, triginta & uno gradibus ab Æquatore versus Austrum: ubi nulla 40
Quintero. datur aquandi opportunitas; ab isto denique una & viginti leucæ ad portum *Quintero* triginta duobus gradibus ab Æquatore.

Angli observant eundem portum ad trigessimum tertium gradum & aliquot scrupula: *Georgius Spilbergius* noster quum hanc oram legeret, constitit cum classe 40
sua in hoc portu; testaturque pulcherrimum & longe amœnissimum esse sinum & ab omni parte tam egregie adversus incerta ventorum & tempestates munitum, ut opportunam & securam navibus stationem præbeat. Summa præterea est hic aquandi opportunitas: nam ad Australe illius latus, amniculus evolvitur in sinum limpidissimæ aquæ, & haud longe inde alter optimorum piscium copiam nutriendi; nec lignandi commoditas deest: ita ut merito inter præstantissimos hujus oræ portus censeretur. Dum nostri hic aquationi darent operam; plures intra Continentem conspexerunt equos silvestres & indomitos, qui gregatim ad rivulum, (qui haud procul inde de jugis montium præcipitans in amniculum supradictum descendit) potandi gratia accedere soliti, postquam nostros viderant, celeri fuga in 50
sylvas se subduxerunt, nec postilla comparuerunt; pauci admodum hic habitant Hispani & fere procul à littore.

Valparay-
so.

A *Quintero* ad *Valparayso*, septem leucas numerat *Herrera*; *Petrus de Cieça*, cum quo *Hawkinsus* consentit, decem: De latitudine multum variant inter se auctores: A *Cieça* enim observatur ad trigessimum secundum gradum & quadraginta scrupula;

Pula; à *Fullero* Anglo ad trigésimum tertium & quadraginta scrupula; ab *Oliverio* à *Noord*, ad trigésimum tertium tantum: ut difficile sit dictu, quid potissimum sequendum sit in tanta varietate, sed de hoc portu jam supra plura diximus. cap. 5.

C A P. XIV.

Ora Chilensis reliqua à Valparayso ad quadragésimum secundum gradum latitudinis Australis aut paulum ultra.

10 **A** Portu *Valparayso*, procedendo versus Austrum, ora aliquot sinubus & promontoriolis lincinatur usque ad fluvium *Maypam* & intervallum est circiter *Maypa* quinque leucarum: Ab hoc ad fluvium *Chacapol* leucarum circiter sedecim: à *Chacapol* ad cornu terræ quod in Tabulis Hydrographicis vulgo *Punta de Bairres* appellatur, leucæ constituuntur quatuor; à cornu ad hoc flumen *Maule* viginti quatuor: hic fluvius claudit limitem Diocæseos oppidi *Concepcionis* versus Arctum, ut supra diximus.

A *Maule* ad fluvium *Tiaten* ab *Herrera* quidem tres supra viginti, à *Petro de Cieça* Ytaten. autem quindecim numerantur leucæ; qui distat ab Æquatore sex & triginta gradibus & quindecim scrupulis, ut bene ab eodem *Cieça* fuit observatum.

20 Ab hujus fluvii ostio paululum se subducit ora versus Eurum, panditque primo, (trium pene leucarum intervallo) portum sive sinum quem à solæ quinque forma vulgo ab Hispanis diximus appellari *la Herradura*: ab hoc ad *Concepcionis* Pence: portum, qui barbaris appellatur *Penco*, quatuor aut quinque restant leucæ.

Angli juxta atque nostrates scribunt, hunc portum vel potius stationem distare ab Æquatore sex & triginta gradibus & quadraginta scrupulis. Portus denique hic valde commendatur à nostratibus qui illum anno 1610 c. subjerunt; restantur enim in ipso aditu esse ad triginta orgyas altum, nullumque ingredientibus discrimen à vadis aut scopulis metuendum esse; nisi quod manifeste in omnium oculos incurrit; pone angulum, qui ab austro venientibus & ingredientibus dexter est, 30 jacet exigua insula haud supra unum milliare longa & vix dimidium lata, inter Aquilonem pene & Africum expansa, & freto circiter unum milliare lato à Continente divisa: in hac aquandi facultas peropportuna est: alit insuper diversas fruges, legumina & optimas radices quas vocant poratos: ibidem & gallinarum reperitur copia & non exiguus numerus ovium: Denique quum latitudinem accuratissime fuissent dimensu, sex & triginta gradibus, duobus & quinquaginta scrupulis ab Æquatore versus polum Antarcticum divergere observant.

Continents autem solum hic non ita editum est, verum ubi paululum proventus fueris versus Austrum, triplici ordine in altissima montium juga ascendere deprehenditur, quæ perenni nive relecta visuntur & eminentibus rupibus hic illic 40 aspera: qui sub hisce montibus apparent colles, neque ita editi sunt, neque nivosi, sed densis arborum lucis opaci amenissimo prospectu. Ad ipsam quoque maris oram, tellus cernitur modice elata, verum arboribus nuda, & quantum eminus discernere datur infœcundior.

De Insulis *S. Mariæ* & *la Mocha* quæ Continenti objacent, supra satis multa diximus, itaque nobis propositum hic, ab ora neutiquam declinare.

A sinu *Penco* ad flumen *Biobio*, tantum duæ numerantur leucæ, itinere terrestri, Biobio fl. maritimo enim paulo plures sunt, ob bicornem Continentis promontorium, quod hic in altum se exserit vasto spatio.

A *Biobio* ad flumen *Labapi*, numerat *Herrera* leucas quindecim (quæ duo flumina Labapi fl. na patenti & spatiofo sinu dirimuntur, ad quem Araucana provincia jacet) flumen autem *Labapi* distat triginta & septem gradibus & triginta scrupulis ab Æquatore versus Austrum, secundum *Herrera* m: labitur autem ab arce quam Hispani hic tenent contra Araucanos, versus Africum; ita ut in ipsum sinum videatur exire: ceterum tantum minoribus navigiis navigatur; plurimis piscibus ferum.

Ab ostio *Labapi*, vel promontorio ejusdem nominis ad amnem *Lebum*, sex Lebo fl. numerantur leucæ; ad hujus ripam oppidulum *Cannete* conditum fuerat à *Garfia de Mendoza*,

Mendoza, pene octo & triginta gradibus ab Æquatore; quod tamen oppidani ob ingruentia bella cum barbaris vicinarum provinciarum postea coacti fuerunt deferre, ut nunc vix memoria illius supersit.

Carnero.

Sequitur deinceps ad eandem oram incerto intervallo portus *Carnero*, ubi ii, quibus propositum est Confinium oppidum petere, solent exscendere.

Cauten fl.

Hunc non longo intervallo excipit promontorium *Cauten*; à quo ad fluvium ejusdem nominis leuæ quatuor numerantur ab *Herrera*; distat autem ab Æquatore, ut volunt, octo & triginta gradibus & quadraginta scrupulis, hunc fluvium aditum aperire ad oppidum Imperiale, diximus supra.

Cap. 10.

Tolten fl.

A *Cauten* ad fluvium *Tolten*, sex numerant leuæ; latitudo illius dicitur novem & triginta graduum & Æquatore versus Austrum. hic fluvius navigiis ferendis idoneus judicatur, licet non ita grandibus.

Queule fl.

A *Tolten* ad *Queulen* itidem amnem, octo statuuntur leuæ; & latitudo novem & triginta graduum & triginta scrupulorum: patet hic amnis mediocri ostio adversus Arctum, non nisi mediocribus navigiis ferendis idoneus.

Valdivia.

A *Queule* ad *Valdiviam*, novem statuuntur leuæ; distat ab Æquatore quadraginta gradibus, demtis pauculis scrupulis; totoque illo spacio vastissima Andium juga videntur ipsi pene littori incumbere.

Vidi delineationem *Valdivia* & illius oræ atque portus, sed satis rudem; è qua tamen observavi; inter duo Continentis veluti cornua, quorum arcuatum vocant *Punta S. Nicolai*, Australe autem *Punta Coral*, mare se intra Continentem insinuare alveo tertiam partem leuæ lato, in patentissimum sinum, qui & ab Austro & ab Ortu vastis montibus clauditur; inter quos tamen egreditur fluvius *Chabin*, aut ut tabula illa præferebat *Rio Denlay Cabrero*; cornu autem *S. Nicolai* ad ortum objacet exigua insula quam vocant *Constantini*; inter utrumque autem ingrediuntur naves quæ *Valdiviam* petunt per canalem, qui ubi insulam *Constantini* post tergum reliqueris, rursus dividitur ab Insula, quam vocant *de Don Pedro*; in duo veluti brachia, quorum sinistrum, quod vocant *Porto Claro*, minora ascendunt navigia; dextrum grandiora, coeuntque rursus ante ipsam urbem: dextrum autem subeuntibus, occurrunt duo amnes, quorum unus ab ortu videtur descendere & vocatur *Rio de Tensuelen*, alter à Coro, *Rio de Aufachilla* (vereor ne hæc nomina corrupta sint à scriptoribus) à quibus oppidum petentibus, scilicet ad austrum, ubi fluvius, qui proprie *Valdivia* dicitur, secus urbem delabitur, è Lacu *Gualalaquen*. Denique inter Australe cornu *de Coral*, & promontorium *de la Galera*, cui aliquot scopuli objacet, interjacet *Morro de Gonzalo*, ut vocant, qui sunt editi montes, & pone illos Continens omnis in vasta juga dicitur assurgere.

Chabin fl.

A *Valdivia* ad fluvium *Chabin*, qui quantavis magnitudinis naves admittit, tres numerantur leuæ, & ab illo ad Promontorium quod vocant *de Galera* duæ; à quo ora directè fertur versus Austrum: & porro ad amnem, qui *Rio Bueno* dicitur, leuæ septem. Hic amnis recipit supra ostium suum septem minores amnes, & imprimis unum qui haud longe ab oppido *Valdivia* labitur.

R. Bueno.

Villiva.

A *Rio Bueno* ad promontorium (sive Angulum *Villiva*) quod distat ab Æquatore uno & quadraginta gradibus versus Austrum, leuæ numerantur decem: & ab hoc ad promontorium *S. Marcelli* septem: Omne hoc litus ob imminencia altissima Andium juga præceps est; & mare quod alluit altum, licet nullis scopulis vadique contaminatum sit, tamen importuosum habetur; aut si aliqui hic reperiuntur portus, parvi admodum sunt, momenti neque hætenus, quod sciam, lustrati aut observati.

Chanqui.

A promontorio *S. Marcelli* ad *Chanqui* itidem promontorium, numerantur octo leuæ, distat ab Æquatore versus Austrum unum & quadraginta gradibus & triginta scrupulis & circiter dimidiam leucam ab hoc promontorio versus Arctum objacet continenti modica insula à barbaris culta, & tres alia minores & incultæ, quæ universæ paulum plus quam unam leucam occupant.

A *Chanqui* ad promontorium *de la Vallena*, numerantur leuæ quatuor, inter utrumque autem promontorium insinuat se mare, efficitque Fretum quoddam, quod Hispani vocant *de los Coronados*; id vasto impetu in Continentem invadens, pone oblongam

longam insulam, (de qua supra diximus quum de *Castro* sive *Chilue* ageremus) implet Lacum illum, qui ab aliis *Aucud*, ab aliis *Agnlay* appellatur, nominibus, uti cap. 12.
verisimile est, barbaris.

A Promontorio de *la Pallena* ad Promontorium *S. Felicis*, colligunt novem vel decem leucas, id distat ab Æquatore versus polum Antarcticum tribus & quadraginta gradibus: ora autem hic se incurvans sinum admittit: in continenti vero plurimas aurivas reperiri constans fama est.

Haecenus ora maritima Præfecturæ Chilensis, quatenus ad hunc diem aut ab Hispanis habitatur, aut paulo accuratius fuit observata, pertinet. Nunc antequam
10 ad sequentem provinciam & Magallanicum Fretum progrediamur, obiter attexenda sunt quæ *Yuca Garcilasso* de hac Præfectura scribit, imprimis observanda, licet superius obiter quædam de hisce meminerimus.

C A P. XV.

Excidium urbis Valdiviæ & aliorum oppidorum Chilensis præfecturæ quemadmodum narrantur ab Yuca Garcilasso.

RELATIO de excidio urbis Valdiviæ, quod accidit anno cId Id xcix vigesimo quarto Novembris. Sub auroram illius diei incubuit urbi exercitus quinque millium barbarorum, qui in vicinia degunt, & circa oppidum *Imperial*, *Pi-*
cam & *Puren*; in quo erant ter mille equites & reliqui pedites, inter quos fuisse dicuntur septuaginta sclopetarii, & supra ducentos ferreis thoracibus muniti. Supervenerunt autem oppidanis inopinātibz, quia speculatores ex ipsa urbe adduxerant: & oppidani somno sepulti, excubitores extra oppidum disponere neglexerant præterquam duos: quia nihil sibi ab hostibus metuebant, quibus circiter viginti diebus ante, castellum quod communiverant in loco dicto *la Vega*, abstulerant; pluresque eorundem cæciderant juxta paludem *Paperlen*, ita ut sibi persuaderent, intra octo leucarum spatium non superesse hostes, qui adversus ipsos auderent hircere aut quos merito deberent metueri. Barbari itaque Hispanis inopinantibus oppidum ingressi, singulos
30 calles occuparunt, & portarum aditus obsesserunt, & flammis in domos injectis, omnes ædes concremarunt & solo tenus everterunt, quin & arcem interceperunt jam desertam, & machinarum bellicarum compotes sunt facti. Cætorum & captivorum numerus fuit, quadringentorum Hispanorum, qua virorum, qua fœminarum & infantium: pauci admodum evaserunt ad tres naves, quæ commodum in vicino flumine in anchoris consistebant, absque quibus fuisset vix unum qui nuntium tante cladis ad Hispanos perferret, fecissent reliquum. Effugerant barbaros ei gdes plures jam ante acceptæ, imprimis vero quod Hispani fœminas eorum & liberos captos vendiderant, & in miseram servitutem alio traduxerant: licet jam à quinquaginta annis Hispanis obsequentes, plerique eorum baptizati & à sacerdotibus in religione Christiana fuissent instituti.

Decimo post hoc excidium die, advenit Tribunus militum *Franciscus de Campo* à Pro-Rege missus cum supplemento trecentorum militum; qui nihil prius habuit quam reliquis oppidis, quæ barbari post Valdiviæ excidium validis copiis obfederant & arte premebant, succurrere; & imprimis *Osoño*, quod oppidum tum à simili excidio feliciter defendit. *Imperialis* enim incolæ post obsidionem pene integro anno tolerantes, & magnam partem inedia & aliis incommodis enecti, & pauci admodum superstites deditionem jam fecerant, à barbaris in miseram servitutem abrepti.

Altera Relatio apud eundem extans è Peruvia missa anno cId Id cii, quæ personam venit in Hispaniam anno cId Id civ ita se habet.

Barbari de tredecim urbibus quas Hispani in Chilensi præfectura possidebant, sex omnino destruxerunt, *Valdiviam*, *Imperiale*, *Angol*, *Sanctam Crucem*, *Chillam*, & *la Concepcion*. Demoliti fuerunt & desolarunt omnes ædes, profanarunt templa, imaginibus omnibus confractis, & agtis summam intulerunt vastitatem; atque animis propter hunc successum, mirum in modum auctis, obsidione cinxerunt oppidum *Osoño*, Hispanosque compulerunt in castellum, & aliquandiu fame obfessos

macerarunt, tandemque illos oppresserunt, atque omnes captivos abduxissent, nisi à supervenientibus auxiliariis magnam partem fuissent è manibus illorum liberati.

Denique interceperunt Villam Ricam, eamque penitus everterunt, injecto in quatuor urbis partes incendio, & pluribus incolarum trucidatis, feminisque & pueris in miseram servitutem abductis; atque ita quoque excidium intulerunt oppido illi imprimis opulento & florentissimo.


Denique barbari Chilenfes tantos sumserunt ob felices hos successus, animos, tantumque in armis profecerunt, ut jam equo vehi & lanceis atque aliis Europæorum armis tam dextre uti didicerint, ut nulli non Hispano jam in os obistere audeant: quotannis autem supplementa militum è Peruvia mittuntur ad Chilen, quorum paucissimi incolumes revertuntur. E quibus satis liquet, quod ante monuimus, Chilen multo sanguine Hispanis & constitisse olim, hodieque constare: nec ullam partem hujus Continentis facilius Regi Hispaniarum eripi posse, nec majori operæpretio, quam hanc, nisi tam longa navigatione ad illam opus esset, quæ tamen compendiosior multo esse cœpit, postquam Belgæ nostri frerum illud novum inveni-¹⁰erunt, de quo proximo libro dicemus.

DESCRIPTIO









CHILI.

PROVINCIA SITÆ
AD FRETVM MAGALLANIS
itemque
FRETVM LE MAIRE.

NORDT

L NORTE





DESCRIPTIONIS INDIÆ OCCIDENTALIS, LIBER DECIMUS TERTIUS. MAGALLANICA.

CAP. I.

Magallanicæ Provinciæ limites & generalis descriptio.



SUPERIORI libro Chilensem Præfecturam ab-
solvimus, sequitur nunc *Magallanica*: hujus autem
nomine vulgo cēsentur provinciæ illæ & Regionēs,
quæ ad Mare quidem Australe, à Præfectura Chi-
lensi, sive quadragesimo tertio aut quarto gradu
ab Æquatore versus Austrum, ad Fretum Magal-
lanicum sive ad quinquagesimum tertium ejusdem
latitudinis gradum aut etiam ultra excurrunt: ad
Mare vero Septentrionale sive Atlanticum quæ
ab ingenti Fluminis *de la Plata* æstuario, ad idem
Fretum pertinent. Vastæ quidem & amplissimæ
regiones, sed parum vel secundum oram utriusque
maris cognitæ, nullatenus autem hætenus in mediterraneis vel lustratæ: Condi-
tionis vero variz, sive cœli sive soli qualitates spectes: nam quo magis ab Æquatore
versus Polum Antarcticum divergunt, horridæ asperæque sunt & incultæ, & acetri-
mo frigori obnoxiz, præsertim qua Fretum Magallanicum attingunt, ubi plerique
30 anni mensibus videre est juga montium alta & perenni nive contexta; cætera suis
locis commodius persequemur.

Porro in hac parte Americæ Australis describenda tria à nobis præstabuntur,
nam primo describemus illam partem, quæ Oceanum Meridionalem sive Pacificum
attingit, ab extremis Præfecturæ Chilensis finibus ad Fretum usque Magallanicum;
deinde ipsum Fretum Magallanicum, & alterum illud quod superioribus annis à
Belgis nostris inventum & perlustratum est, quod vulgo *Lemarium* appellamus:
tertio denique illam partem quæ à Fretto Magallanico, ad magnum æstuarium Flu-
minis *de la Plata* pertingit.

Priorem partem à solis Hispanis hætenus lustratam & obiter delineatam inve-
40 nio: nam Angli & Belgæ nostri qui per Fretum Magallanicum in Oceanum Australe
penetrarunt, aut ab ora hac penitus abstinerunt, aut tantum obiter sunt præ-
tervehti. Primus autem Hispanorum, qui è Mari Australi per Fretum Magallani-
cum in Mare Atlanticum regredi est conatus, fuit Tribunus militum *Ladrillerus*, qui
Garsia de Mendoza, Chilensis provinciæ Præfecti jussu, ex Chilensi provincia pro-
fectus, Fretum quidem Magallanicum est ingressus, illudque ad Septentrionalem
usque Oceanum penetravit, sed Fretum egredi nequaquam ausus ob ingruentem in
illis partibus hyemem & sævas tempestates, eadem pene via, qua venerat, ad Chi-
lensem præfecturam est reversus.

Hunc sequutus est *Petrus Sarmientus*, à *Francisco Tolesano* Peruviz Pro-Rège
50 missus, postquam fortissimus Eques *Franciscus Dracus* per Fretum Magallanicum in
Oceanum Meridionalem penetrasset & opulenta spolia pluribus navibus interceptis
& direptis ex illo mari abduxisset. Qui Sarmientus quum durabus cum navibus è
Peruvia esset profectus, cum una quidem nave per Fretum Magallanicum in Hi-
spaniam pervenit; altera autem illius navis, antequam Fretum ingredi posset, à
tempestatibus & æstuoso mari versus Polum Antarcticum abrepta, ad quinquagesi-
mum & sextum Australis latitudinis gradum pervasit, neque tamen ulla terras, ut

scribunt obvias habuit: tempestate vero remittente vela verius Arcum convertit, & licet alveum patentem inveniret, qui haud dubio in Frctum Magallanicum definebat, tamen navalibus sociis refragantibus, eundem ingredi prætermisit, sed voti irritus ad Chilensem Præfecturam rediit. Quia autem hæc *Petri Sarmienti* navigatio primum lucem aliquam huic Magallanicæ parti attulit, illam hic compendio inferemus, quemadmodum à *Leonardo ab Argenfola* descriptam invenimus libro tertio cap. XI. operis sui, quod inscribitur, *Conquista de las Islas Malucas*, & impressum fuit Hispanico idiomate. Madriti anno Domini c1515 c1x.

CAP. II.

10

Petri Sarmienti navigatio secundum oram Magallanicæ ad mare Australe sita, è commentariis Leonardi de Argenfola.

POST QUAM *Franciscus Dracus* in Oceanum Australem hætenus ab aliis nationibus, præter Hispanos, intentatum, per Frctum Magallanicum penetrasset; à *Francisco Toletano* Petuviæ Pro-Rege dux naves instructæ fuerunt, iisque *Petrus Sarmientus* præpositus, ut *Dracum* cum suis, quem ad Frctum Magallanicum reverti communis opinio erat, persequeretur. *Sarmientus* cum utraque navi è *Callao* Limæ portu solvit mense Octobri anni c1515 lxxix: & Kalend. Novembris insulas conspexit quas Hispani vulgo *Desuenturadas* vocant, viginti quinque gradibus à *Æquatore* versus Austrum, ut ille observat, anno primum c1515 lxxiv à *Joanne Fernandez* dum Chilen è Peruvia peteret, casu inventas, quæ hodie *S. Felix* & *S. Ambor* dicuntur. Hinc ad Continentem divergens, in illius conspectum primum venit novem & quadraginta gradibus & triginta scrupulab *Æquatore* versus Austrum: hic appellens & difficulter admodum in littus egressus, vestigiaquidem hominum, sagittas, remos & retia offendit, cæterum ipsos barbaros nusquam conspexit: dein magno labore ad summa montium juga enixus, oras omnes variis alveis & sinubus lacinatas, & plurimas insulas continenti objectas, despexit, ita ut non dubitaret hic Archipelagum insularum esse (quarum supra octuaginta ab illo fastigio dinumerare poterat) & hac transitum quoque patere ad Frctum Magallanicum fuit opinatus. Portui nomen *Nuestra Señora del Rosario*, vicinæ insulæ *S. Trinitatis* nomen inditum & consuetis ceremoniis possessio harum terrarum Regi Hispaniarum vindicata: Dehinc cymba canalem qui insulas inter & continentem labitur ingressus, portus omnes, stationesque lustravit & variis locis nomina imposuit, præsertim uni cui à vicini amnis arenis, portus *Bermejo*, id est, rubri nomen indidit: hic quoque hominum vestigia reperta fuerunt: alvei autem omnes qui insulas interluunt piscosi sunt, & præsertim grandibus ostreis facti, in quibus & uniones repertæ, sed maximam partem subfusæ.

A portu *Bermejo* provecti sinum quandam intrarunt, cui *S. Francisci* nomen imposuerunt; quem mons satis editus ad Austrum claudebat, quem *Punta de la Gente* dixerunt, quia hic primum barbaros aliquot viderant, totum corpus rubrica quadam tinctos, quorum unus quem invitum in cymbam pertraxerant, paulo post natando evasit: Dein rursus innumeras pene insulas adierunt, omnes autem incultas; tandem quum ad sinum *Nuestra Señora de Guadalupe*, uti vocant & promontorium quod illum sinum claudit pervenissent, ibidemque tantum unum humile tuguriolum deprehendissent, stipitibus undique septum & corticibus arborum atque luporum marinorum coriis desuper tectum, nullis præterea barbaris conspectis, ad navem suam remearunt.

Deinceps cum navi tantum sua profectus (nam altera jam ab ipso aberraverat) portum *Misericordie* & tribus ab hoc leucis portum *Nuestra Señora de Candelaria* tenuit & tandem Insulam *S. Ynes*: (hæc nomina tunc locis illis indita) ubi quinque barbaros invenit, qui signis quibusdam ipsi significarunt, haud procul inde in anchoris constitisse duas naves, quibus homines barbari vehebantur, qui vestiti erant ad Hispanorum modum: De Anglis quos quærebant loqui ipsi visi fuerunt.

Hinc ad Eurum conversus insulam adiit quam barbari *Puchachailgua*, itemque alteram

alteram quam *Cayrayxa xygna* nominabant & tandem alveum ingressus, cujus ætuarium *Xaulteqna* appellabant, rursus in innumeras insulas incidit, quarum unam barbari *Tinquichisgna* dicebant, *Sarmientus* verò Insulam *S. Crucis* appellavit; atque ita unam atque alteram insulam prætervectus, insignem portum subiit, & è vertice montis perpulchram urbem despicere sibi visus fuit ad Europæum modum ædificatam, & in caplurimum virorum in armis.

Hinc iter suum profectus est ad cornu quoddam quatuor & quinquaginta gradibus ab Æquatore versus Austrum, quod *S. Isidoro* appellavit: hinc conspiciere erat flammivomum quendam montem, perenni nive desuper tectum; dein canalem enavigans pervenit ad *S. Anna* cornu, tribus & quinquaginta gradibus & triginta
10 enavigans versus Austrum, ubi crucem crexit & literas ad pedem illius deposuit, quibus cæteris omnibus nationibus denuntiabat, has regiones Hispaniarum Regis proprias esse & consuetis ceremoniis possessionem illatum à se vindicatam, secundum bullam donationis Alexandri VI Pontificis Romani.

Flumini quod pone dictum cornu in Fretum Magallanicum descendit, nomen *S. Joannis* imposuit & Freto Magallanico quod insulas interluit *Madre de Dios*. Angustiis autem Freti ad altitudinem trium & quinquaginta graduum & triginta scrupulorum ab Æquatore versus Austrum *Nuestra Señora del Valle* nomen indidit. Hic cum indigenis cruentum certamen aggressus, non ignobilem victoriam reportavit.

20 Et in Continentem descendens, regionem hanc *Nuestram Señoram del Valle* itidem appellavit & cum in summum montem ascensisset, amenissimam planiciem sibi despicere visus fuit & quamplurimos pagos, ædificia magnifica & altas turres, denique splendida templa, ita ut oculis suis vix crederet, & magis urbem quandam in aëre quam in terris sibi conspiciere videretur.

Nullus dubito quin qui hæc lecturi sunt, & cum iis quæ secundum rei veritatem ab aliis referuntur comparabunt, judicaturi sint *Sarmientum* hunc vanissimum hominem fuisse & de aliorum credulitate nimis securum.

Denique Freto Magallanico enavigato, Brasiliam petiit & tandem in Hispaniam pervenit, quæ autem ibi Regi suo persuaserit & quæ inde sequuta fuerint, paulo post
30 dicturi sumus.

C A P. III.

*Ore hujus omnis à Chilenſis præfecturæ finibus ad Fretum
Magallanicum descriptio ex Herrera.*

SUPERIORI libro oram hujus Continentis ad Mare Australe sitam perduximus ad Promontorium *S. Felicis*, à quo porro secundum *Herreram* in hunc modum jacet: à dicto Promontorio ad cornu *S. Cypriani*, leucæ numerantur quatuordecim inter Arctum atque Austrum.

d. lib. 7.
cap. 11.

Ab hoc cornu ad cornu *S. Clare* quatuor leucæ.

Inde ad Promontorium insularum vulgo *Cabo de las Islas* decem leucæ.

A quo ad Insulam *Nuestra Señora del Socorro* sunt octodecim leucæ: hæc insula exiguointervallo à continente disjungitur: ab illa paululum versus ortum declinando ad portum *S. Dominici*, statuuntur sex leucæ; à quo ad promontorium *Didaci Gallæci* novemdecim leucæ, quod sex & quadraginta gradibus dicitur abesse ab Æquatore versus Austrum.

Ab hoc Promontorio ad portum *S. Stephani* duodecim sunt leucæ & à portu hoc ad promontorium *S. Andrea* sex leucæ: septem & quadraginta grad. ab Æquatore.

50 Hinc ad Promontorium *Ochiquary* octo numerantur leucæ, & ab hoc ad vallem nostræ *Sennora* decem leuc. ita vocant sinum inter duos colles conclusum, octo & quadraginta pene gradibus ab Æquatore versus Austrum.

Ab eo sinu ad portum *Ferdinandi Gallæci* octodecim statuuntur leucæ, novem & quadraginta gradibus ab Æquatore versus Austrum: à portu isto ad *Abra S. Guillen*, (ut vocant) quindecim leucæ, quadraginta novem gradibus & quadraginta scrupulis ab Æquatore.

Ab *Abra S. Guillen* ad terræ cornu quod vocant *Punta Delgada* sex sunt leucæ, quinquaginta gradibus ab Æquatore.

Sequitur deinceps *Porto de los Reyes* quinquaginta gradibus & viginti scrupulis ab Æquat. & sex ab hoc leuc. *Portus Innocentum*; & mox cornu *S. Angulini*; promontorium *de la Roia* & *S. Catalina*; uno & quinquaginta gradibus & quadraginta scrupulis ab Æquatore: & statim portus *S. Amari* & *Abra S. Victeriani*, duobus & quinquaginta gradibus & viginti quinque scrupulis ab Æquatore, qui canal is inter editas insulas & iuge nive rectas se insinuat. Australi autem illius promontorio tres exiguæ insulæ adjacent, in triangulum projectæ, indubitatæ indices ostii Freti Magallanici quod in Mare Australe exit: Hactenus ille decade VII. lib. VII. cap. XI. 10

Idem paulo aliter hanc oram delineat in descriptione Indiarum: Ora (inquit) quæ à Chilensi præfectura ad Fretum Magallanicum usque pertinet & à *Falderia* pene centum leucarum spatio ad zephyro-nothum (W. S. W. vulgo) vergit, habet primo Promontorium *S. Andrea* septem & quadraginta gradibus ab Æquatore versus Austrum; à quo ora sese flecit ad Austrum & recta versus Fretum Magallanicum.

Secundo Promontorium *S. Romani* quadraginta octo gradibus ab Æquatore; & juxta illud Insulam *S. Catharina*, ad introitum magni sinus, quem vocant *Alcarchofadam*. In ipso dein sinu, recessum *Nostra Señora* & Insulam *S. Barbara*; & paulo ultra Portum *Fernandi Gallaci* quadraginta octo gradibus & quadraginta scrupulis ab Æquatore; dein octodecim leucis à dicto portu *S. Regum* & *S. Ioannis* quinquaginta gradibus & viginti scrupulis ab Æquatore. Promontorium *S. Francisci* uno & quinquaginta gradibus ab Æquatore, pone quod aliquot canales sese intra continentem insinuant; & insulam *Campanam* undecim leuc. à Promontorio *S. Francisci* (quam *Acoïta* ita à forma dictam, & introitum Freti Magallanici indicare scribit) sinumque *S. Lazari* duobus & quinquaginta gradibus ab Æquatore, in quem sex ad minimum alvei excurrunt, nondum à quoquam lustrati, denique Archipelagus Insularum. Hæc Herrera.

Alii adhuc alia nomina huic oræ imponunt, vidimus enim Tabulam Geographicam anno 1610 ex 17 in Hispania expressam & à Cosmographo Regio *Petro Texerra Esbornas* post duarum navium è freto novo Lemario reditum delineatam; in qua hæc nomina apposita invenimus; ad gradum quintum & quadagesimum ab Æquatore versus Austrum, flumen *de los Barbudos*, id est barbatorum, quod in sinum *de los Coronados* se exonerat: ad altitudinem quadraginta sex graduum & triginta scrupulorum, *Rio sin fondo*: inter quadagesimum septimum & octavum gradus certos recessus sive sinus quibus ascriptum est *Aquí se perdió Diego Gallego*, hic perit *Didacus Gallacus*: ad quadagesimum nonum & triginta circiter scrupula Promontorium *Corca*; à quo terra longo intervallo pene ad ortum recedit & ingentem sinum aperit, qui semicirculari ambitu usque ad quinquagesimum secundum gradum circumducitur, & varios amnes in se videtur admittere, ad mare denique Australe quamplurimis insulis clauditur; nullum huic sinui nomen additum, sed in interiori illius gremio recessus est satis patens in ipso aditu, cui nomen additum *Ancon sin Salida*, quasi dicas recessum minime pervium.

In eadem tabula facies harum terrarum pingitur montosa fere & hac illac nemoribus vestita. Nunc porro de ipso Freto dicendum.

C A P. IV.

Ipsius Freti Magallanici descriptio secundum Hispanos qui primi illud penetrarunt.

IN descriptione ipsius Freti Magallanici, trium nationum observationibus utemur, quæ singulæ varia nomina eisdem sæpe locis indiderunt: nam licet à Belgis nostris demum accuratissime observatum & descriptum fuerit, tamen non inutile erit ea quoque cognoscere quæ inde à prima huius Freti inventionem à singulis fuerunt prodita.

Ordinem autem ab Hispanis, quibus prima illius lustratio debetur: *Ferdinandus* namque *Magallanus*, Lusitanus Eques non ignobilis, illud primus anno 1519 xx auspiciis

auspiciis Regis Castellæ, derexit in hunc modum *Magallanus*, postquam in sinu & Her. d. 1.
 portu *S. Iuliani* hybernasset (nam quæ ante illi acciderunt, hic prætereo) ex illo cum L. 9. c. 14.
 navibus suis solvit xxiv Augusti anni c1o 1o xx ibidem relinquens *Toannem de Car-*
tageña & Clericum quendam Gallum ob gravia delicta condemnatos: atque inde pe-
 tiit Flumen *S. Crucis*, ubi mensibus Septembri & Octobri sublitit & magnam pi-
 scium copiam cepit.

Hinc sub finem Octobris profectus oram legit versus Austrum, cum multis dif-
 ficultatibus & sævis tempestatibus confliatus, tandem pervenit ad Promontorium
Virginum, ita ab illo appellatum à *S. Vrsula*, cujus festo die illud detexerat: hic pri-
 mum magnus recessus maris visus in Continentem pervadere, itaque duæ naves di-
 missæ quæ illum perlustrarent, harum una nihil certi reportavit, altera magnam spem
 fecit, hoc fretum navibus majoribus esse pervium. Una circiter leucâ ab ore Freti
 in continentem exscensione facta, tuguriolum ibidem reperit & plurima sepulcra
 barbarorum; quippe indigenæ hujus regionis æstivis mensibus huc accedere solent
 & cadavera suorum contumulare, hybernis vero in mediterranea concedere: in-
 gentem itidem cetum in litus ejectum, & plurima ossa repperunt, è quibus procli-
 ve erat judicare, hæc loca ingentibus tempestatibus obnoxia esse.

Sub finem Octobris Promontorium *S. Severini* (ut vocabant) superant, quin-
 quaginta duobus gradibus & quinquaginta quinque scrupulis ab Æquatore versus
 Austrum: & quia noctu plurimos ignes in continente videre erat, *Terra del Fuego*
 nomen Continenti illi, ut putabant, indiderunt. Atque per angustias Freti eluctati
 sub finem demum Novembris in Australem Oceanum penetrarunt. Periit quidem
 postea ipse *Magallanus* in hac expeditione, sed non ipsius famæ meruit enim præclaro
 hoc factio, ut non modo Fretum hoc, sed & Australior hæc Americæ Meridionalis
 pars hodieque ab ipsius nomine appelletur.

Post illam *Garsias de Loyasa* anno c1o 1o xxv idem Fretum ingressus Her. d. 3.
 mense Aptili, illud sub finem. May satis feliciter enavigavit: hic cum accolæ L. 9. c. 4.
 barbaros confpexisset statura procetiore, illis Gigantum atque *Patagonum* no-
 men indidit. Longitudo Freti & angustia illius, varique recessus, stationes & por-
 tus paulo accuratius tum fuerunt observati. Nam superatis secundis Freti angustiiis,
 invenit ibidem portum, cui imposuit nomen *S. Jorge*, ad quem observantur arbores
 illas, de quibus postea dicitur, quarum corticibus usi sunt, & viridem canellam sunt
 suspicati. Atque item alterum portum cui nomen dedit, *Puerto Frio*, ob ingens frigus,
 quod ibidem perpetiebantur, ita ut non pauci illic deficerent.

Hunc jam tertius excepit *Simon de Alcazova*, qui anno c1o 1o xxxiv sub ini-
 tium Octobris ex *Gomera* Insula solvens, recto cursu & nulla pene terra conspecta
 decimo septimo Januarii die anno c1o 1o xxxv ad flumen *Gallecorum* pervenit
 viginti quinque à Freto leucis versus Arctum, & paulo post Fretum ingressus, à na-
 valibus focis tumultuantibus ad portum *Leonum* reverti coactus fuit, ubi misere
 periit.

Anno denique c1o 1o xxxix ab Episcopo Placentino tres naves missæ, quæ cum
 mense Augusto ex Hispania solvissent, vigesimo demum Januarii anni c1o 1o xi
 fretum conspexerunt, ubi navis Ammiralia (ut vocant) misere fracta fuit, ve-
 toribus maximam partem salvis: altera navis Freto feliciter enavigato *Arequipam* ap-
 pulit: tertia voti irrita in Hispaniam remeavit, postquam in ipso Freto hybernasset
 in portu de *las Zorras* (ut ipsi vocarunt à vulpecularum copia, quas ibidem conspex-
 erant.) Atque hæc fere Hispanorum per hoc Fretum navigationes, antequam ab
 Anglis idem tentaretur: è quorum relatu *Acosta* Fretum in hunc modum describit
 libro III. cap. XIII.

Fretum Magallanicum (inquit) jacet quinquaginta & duobus non plenis gradi-
 bus à Æquatore versus Austrum, patetque in longitudinem ab uno Oceano ad al-
 terum nonaginta, aut ad summum, centum leucas, in latitudinem vero ubi maxime
 angustatur tantum unam; atque hic Regi Hispaniarum persuasum fuerat, ut arcem
 conderet, ut hoc pacto aliis nationibus aditum in Mare Australe intercluderet: ma-
 re hic nonnullis locis ita est altum, ut bolide jacta vix fundum sit reperire, aliis vero
 tantum quindecim vel octodécim orgyas: leucarum autem illarum centum, quas in
 longi-

longitudinem patet, triginta quidem sibi vendicat Oceanus Meridionalis, septuaginta vero Eous sive Atlanticus; manifesto inter utriusque fluctus divortio, & aestuum quadam reciprocatione: porro triginta illarum leucarum spacio Fretum angustius est & altissimis montibus atque perenni nive tectis, utrimque ita conclusum, ut vertices montium, eminus, pene posse videantur, & ostium ipsius Freti. ab illis qui ab occidente adnavigant difficulter discerni possit; eodem spatio & altissimum est & orae utrimque præruptæ, ita ut anchoræ difficulter hic figi possint: Septuaginta vero illarum leucarum spacio, paulo latius est Fretum & minus altum, & orae utrimque leniter acclives. Varia tum nomina ab Hispanis, locis intra Fretum imposita, quorum pleraque jam obsoleverunt; præter Promontiorum ad utrumque Oceanum, quorum illud quidem quod ab Oceano Atlantico ingredientibus dextrum est, *Cabo delas Virgines*, id vero quod in Australem Oceanum prominet, *Cabo Deseado* hodieque dicitur.

CAP. V.

Anglorum navigationes per Fretum Magallanicum & quidem primum Francisci Draci.

AB anno 1510 XL ad annum 1510 LXXVII non invenio memoriam pro-
ditum, Fretum hoc à quoquam Hispanorum, aut aliarum nationum, tenta-
tum, controversia enim illa notissima de *Moluccæ* Insulis, inter Reges Castellæ
& Portugalliæ sopita, exiguus esse illius videbatur usus & summa superandi difficul-
tas & aliorum qui ante tentaverunt, discrimina merito deterrebant; neque quisquam
adhuc è mari Australi in Septentrionale regredi fuerat conatus. Anno demum
1510 LXXVII fortissimus Eques & maritimarum rerum pericissimus *Franciscus Dra-*
acus Anglus, heroico plane ausu, cum paucis navibus, neque ita magnis, expeditio-
nem in Oceanum Australem per hoc Fretum suscepit. Hic medio Decembri ex
Anglia solvens, sub initium Aprilis anni 1510 LXXVIII Brasiliam adiit, triginta
tribus gradibus ab Æquatore versus Austrum: & sub finem pene Junii Portum,
S. Iuliani est ingressus; è quo decimo septimo mensis Augusti profectus, vigesimo
eiusdem mensis die, Fretum Magallanicum attingit; illud autem ingressus, tres insu-
las offendit, quarum uni *Elisabethæ*, alteri *S. Bartholomæi*, tertiæ *S. Georgii* nomen im-
posuit, atque in illis quidem brevi tempore tria millia avium, quas *Penguins* vocant,
mactavit.

Sub initium Septembris Fretum satis feliciter enavigavit, & sub insula quadam
quæ ostium Freti ad Mare Australe veluti concludit, anchoras jecit, ut aditus in
mare illud penitus lustraret: itaque cymba dimissa canalis qui versus Arcum se
aperit sedulo inspectus; hic barbarorum lintrem obvium habuerunt è corticibus ar-
borum mira industria confectum, & cingulis quæ è phocarum tergoribus dissecta
erant, ita confutum, ut nihil aut perparum undarum per rimulas admitteret; prora
atque puppi semilunæ in modum recurvis.

Barbari hi statura erant mediocri, membris bene compactis, faciem rubrica
quadam picti: in Insula autem rugutiolum illorum inventum fuit, è stipitibus com-
positum & animalium tergoribus tectum; in quo præter ignem & aquam, quam in
corticibus ad eundem modum confutis asservabant, luporum marinorum carnes,
musculi & similis annona fuit reperta: Musculorum autem qui hic supra modum
grandes sunt, testas ita lapillorum attritu acuunt, ut iisdem non modo durissima li-
gna, sed & ossa dividant.

Sexto demum Septembris Oceanum Australem sunt ingressi. Atque hic illos
statim tempestas excepit, adeo horrida & pertinax, ut quinquaginta duobus diebus
nilul pene remitteret; quare illos cum summo discrimine ita exagitavit, ut præter
instinctum ad altitudinem septem & quinquaginta graduum Australium abriperen-
tur; ubi quum in portu quodam anchoras jecissent, à violentia ventorum & æstuoso
mari rursus in altum se subducere fuerunt coacti, & una ipsorum navis, & mox altera,
ab Armiralia, qua ipse *Dracus* vehebatur, separatæ: quare huic stationi nomen
ab

ab ipso inditum fuit, *The Vape of Severing of Friends*/ id est, amicorum divortium.

Ab hoc eadem tempestas illos rursus abripuit, egitque ad altitudinem quinquaginta quinque graduum ab Æquatore versus Austrum, inter plurimas insulas, juxta quas porro constiterunt donec tempestas deserviret; Insulas has *Elysabehides* dixerunt: Sunt autem ex pars terræ Australis, quæ olim continens esse credebatur, tam latis & altis alveis divisæ, ut totidem fræta videri possint: hic barbaros ultro citroque lintribus suis commeantes offenderunt, mares & fœminas quæ infantes suos pel-
libus tectos supra dorsum pendulos circumgestabant. Ab iisdem tum observatum,
10 extremas harum insularum quinquaginta & sex gradibus ab Æquatore abesse versus Austrum, pone quas vastum mare jacet, secus quam superiori sæculo fuit creditum. Denique sub finem Octobris vento jam remittente, versus Arctum cursum instituerunt. Cætera hujus expeditionis, quia non faciunt ad hoc nostrum institutum, hic omittimus.

Sed nequaquam prætereunda sunt, quæ à *Joanne Wintero* sunt observata, qui uni navium hujus classis præfuit; Nam cum *Draco* in Mare Australe ingressus iter profectus est versus Corum, ad septuaginta, ut ipsis videbatur leucas; ubi decimo & quinto die Septembris, hora sexta matutina Ecclypsin observarunt, quæ in Anglia visa fuit, ante horam primam post mediam noctem. Ingruit eo die fœvissima tempe-
20 stas, ita ut velis uti non possent, quæ duravit octodecim diebus, eosque impulit versus Austrum usque ad altitudinem septem & quinquaginta graduum; hic vento non-nihil remittente rursus vela explicarunt, & cursum instituerunt versus ortum; Septimo Octobris denuo conspexerunt terram, subjeronq; sinum multis scopulis contaminatum, è quo se non sine discrimine absolverunt, & in Fretum Magallanicum sunt regressi, & omiſſa ulteriori navigatione, domum.

C A P. VI.

Thomæ Candishii *navigatio per Fretum Magallanicum,*
itemque Richardi Hawkini Equitis.

30 **F***Ranciscum Dracum* secutus est in eodem conatu *Thomas Candishius*, qui anno 1510 LXXXVI cum tribus navibus ex Anglia solvens mense Julio, & circa exitum Decembris ad continentem Americæ delatus, octo & quadraginta gradibus ab Æquatore versus Austrum, Portum subiit quem ob opportunitatem *Port Desire* appellavit; à quo rursus solvens sexto Januarii ann. 1510 LXXXVII Fretum Magallanicum est invehctus, & cum aliquantulum processisset Hispanum quendam cepit, qui cum viginti tribus aliis superabat è quadringentis, quos Rex Hispaniarum commiserat, ut oppida aliquot conderent, de quibus postea dicemus: & postero die primas angustias superavit, quæ secundum illius computationem absunt ab
40 ostio Freti milliaria Anglica quatuordecim, ab his ad insulas *Penguinum* milliaria decem provectus, flexit versus Africum & Philippopoleos (vulgo *Cuidad del Rey Philippe*) desertæ mœnia lustravit & tormenta aliquot à colonis defossa eruit: & quia maxima pars Hispanorum hic variis incommodis & maxime inedia interierat, loco *Port Famine* nomen imposuit: situm autem erat oppidum tribus & quinquaginta gradibus ab Æquatore versus Austrum.

Itinerarium nauticum Hispanorum collocat Promontorium, ipsis *Punta de Santa Ana*, ad altitudinem trium & quinquaginta graduum & triginta scrupulorum; notatque oppidum Philippi, eo superato jacuisse versus corum ad angulum quendam terræ.

50 Movit ab hoc loco decimo quarto Januarii & Promontorium maxime Australe (quod *Cape Franward* nominavit) prætervectus, quatuor & quinquaginta gradibus ab Æquatore, XXI ejusdem mensis in arenoso sinu ad dextrum Freti latus anchoras fixit, sinui *Elizabethæ* nomen inditum, ab hoc duorum milliarii spatio abest Fluvius, qui è continenti descendit, quem cymba subeuntes ad milliaria tria, pulcherrimam planiciem & campeſtrem vernantemque regionem ad utramque illius ripam inveni-
nerunt; quod rarum in hisce regionibus, nam reliqua ferè regio à speris atque incultis
horret

horret montibus: hic plurimi barbari incolebant, humanis viscetibus & aliis immundis cibis visitantes: quos & Hispanos aliquot trucidasse & comedisse verisimile erat, nam cultelli, aliaque plures Hispanorum exuviae in tuguriolis illorum fuerunt deprehensae. Hinc & canalē S. *Hieronymi* (ut Hispani vocaverunt) adierunt, qui duobus milliariis, ad fluvio abest; & pene integrum mensem, ab adverso vento, in portu quodam subsistere coacti vigesimo quarto demum Februarii in oceanum Australem sunt egressi. Idem *Candubius* secundo per hoc Fretum in Oceanum Australem penetrare instituerat anno 1610: Sed voti irritus & variis calamitatibus miserè exagitat, in illa expeditione petiit.

Hunc sequutus est *Richardus Hawkins* Eques, qui anno 1610 mensis 10 Aprilis ex Anglia profectus, postquam Brasiliæ oras & Flumen *de la Plata* lustrasset, demum mense Februario anni 1611 ab adverso vento ad terram hætenus incognitam, & ut verisimile sit, Continentis Australis (si quæ ibi continens terra) partem fuit delatus, quinquaginta pene gradibus ab Æquatore versus Austrum; & oram illius legit versus æquilonem ad milliaria pene sexaginta: Testatur autem, Regionem hanc peramœnam sibi visam, & haud dubio habitatam ob crebros ignes quos passim noctu observaverat; præterea & aliquot amnes è continenti in mare exire, tanto impetu ut undarum color inter ipsos fluctus discernatur: Promontorium porro quod primum ex alto conspexerant *Pont Tremontaine* appellarunt: à quo xii aut xiv milliariis versus ortum insula continenti obiacebat, quam ob vernantem & amœnam ad spectum *Faire Island*, id est, pulchram Insulam dixerunt; totam denique hanc terram *Hawkins Maiden Land*. Sed vento denuo resistente, ab hac discedens ad Fretum Magallanicum feliciter pervenit, illudque enavigavit, non sine discrimine, aliquoties ab ipso orce, quod in Oceanum Australem patet, repulsus. In ipso denique Mari Australi quem jam non modo Chilensem oram, sed & Peruvianam pene totam esset prætervectus, ab Hispanis post longum & acerrimum certamen fuit captus, & multa illos docuit de parte Australi ipsius Freti hætenus ipsis ignorata, nimirum quicquid terrarum Fretum Magallanicum ab Austro attingit, nihil nisi insulas esse, variis canalibus & æstuariis intersectas, quemadmodum quoque postea à Belgis nostris fuit observatum, & demum novo illo Freto à *Lemario* nostro invento, extra dubium fuit positum, uti mox dicemus.

CAP. VII.

Belgarum navigationes per Fretum Magallanicum & quidem prima duce Simone de Cordes.

ANNO denique 1615 BELGÆ nostri navigationem per Fretum Magallanicum auspicantur, duabus Classibus à diversis mercatoribus instructis; quarum priori Ammiralii nomine præerat *Jacobus Mahuvius* & legati sive Vice-Ammiralii nomine *Simon de Cordes* Antwerpianus, qui *Mahuvio* in mari Atlantico defuncto, in illius locum successit: Ea quinque navibus constabat: Solvit autem ex Hollandia mense Junio: & post varias difficultates superatas tandem mense Aprilis anni 1616 ad ipsum Fretum pervenit: Erat ea anni tempestas satis incommoda, quippe hyemetum in illis partibus acriter ingruente: hic primum *Pinguinum* insulas adierunt, & mox decimo tertio ejusdem mensis anchoras fixerunt in peramplio sinu, cui Angli jam ante nomen *Musculorum Sinus* imposuerant, viginti duobus milliariis intra Fretum & ad latus ingredientibus dextrum; in hunc sinum fluvius egreditur, & ora omnis atque insula quæ sinui obiacet, arboribus obsita est, ita ut hic summa sit aquandi & lignandi opportunitas, mare autem ingentium musculorum copiam subministrat.

Aura dein ab oriente flante, versus Africum & mox versus Corum cursum instituerunt, sed vento paulo post mutante, vela vortere coacti fuerunt & in sinu ad Septentrionale Freti latus anchoras jacere: Stationi huic *Viridis Sinus* nomen inditum, abest autem ab Æquatore quatuor & quinquaginta gradibus versus Austrum: tres parvæ insulae in illo visuntur spatse; hic cum opus est, naves in siccum subduci possunt & refici: ora continentis & insulae multis arboribus vestitæ sunt, de quibus

Sebalus

Sebaldus de Weerts, qui uni navium præfuit, & voti irritus post multos errores è Freto domum redire coactus fuit, ad Parenrem meum retulit, in *Clar. Vir. Car. Clusigratiam*, qui illius epistolam Exoticis suis inseruit: è qua hæc observanda: Arbor hæc nullam similitudinem habet cum Lauro, ut nonnulli perperam retulerunt, foliorum duntaxat odor laurinum foliorum odorem æmulatur, sed sunt latiora & magis viridia; *R. Hæwinus* populi nigra foliis comparat, sed magis dilute virere scribit: arbor autem perperua coma viret (quemadmodum maxima pars aliarum arborum quæ ad oras illius Freti nascuntur) atque in altum assurgit, adeo interdum crassa, ut meminim (inquit) asseres ex una sectos fuisse binos pedes cum semisse latos; valde aurem fragile est lignum. Nullum fert fructum, quantum quidem observare potuimus, licet totis novem & amplius mensibus in Freto hæserimus, quo sane temporis spatio vel florem vel fructum sive immaturum sive maturum observare necesse fuisset. De ligni foliorumve aut corticis facultatibus & natura, nihil nobis constat, nisi quod corticem & folia adeo aromatica observantes, iis usi sumus in nostris eduliis, existimantes in tam frigida regione noxia esse non posse, præsertim cum pipere fere destitueremur, ad musculorum quibus vesci cogebamur, aliorum alimentorum penuriâ, condimentum. Hæc ille. *Hawkinus* vero, cuius jam aliquoties memini, huic arbori (nisi forte de alia loquatur) etiam fructus tribuit virides, & oxyacanthæ baccis forma non absimiles, qui nucleos aliquot minutos continet intus albos & acrimonia ipsi piperi præstantes. In eodem
 10 sinu & musculorum copia reperta, magnitudine facile omnes qui usquam reperiuntur antecuntes, nam conchæ illorum fere palmum majorem longe, sunt & musculi exempti cocti, terni libram nostratæ non raro æquant: plures præterea hic aseres & anates capiuntur. Hic ob adversam tempestatem ad exitum pene mensis Augusti substiterunt, quo tempore sævos ventorum turbines sunt perpassi, qui illos non semel ab anchoris invitos in gravissima discrimina abripuerunt: & supra centum illorum variis morbis interierunt. Dum autem hic hærent, cymbâ ad insulam ex adverso sitam profecti, vii lintres barbarorum obvios habuerunt, qui statim ad terram applicuerunt, & nostros ingentium saxorum grandine ita obruerunt, ut retrocedere cogerentur, illi autem audaciores facti lintribus rursus conscensis, insequi cœperunt, donec sclopetis quinque
 30 illorum occiderentur, tunc enim rursus exscensione facta, crassissimos arborum truncos, nullo pene negotio evulsos, in nostros jaculari conati sunt, qui marure se subdlexerunt: Erant hi (ut referunt) statura plane gigantea, decem aut undecim pedes longi, colore rubicundo, prolaxis comis, nudi omnes uno excepto, qui phocæ vellus pendens præcinxerat: arma erant jacula è durissima materie quibus lignæ cuspidis recurvæ, nervis animalium alligant, hæc ita inroquebant, ut corpora hominum penetrarent. Sinui nomen inditum *Cordes Baye*. Hinc XXI Augusti solventes, postero die ob malaciam ad Australem Freti plagam anchoras jecerunt ad partem orientalem sinus cujusdam, quem *Ridders Baye*, id est, Equitum Sinus dixerunt, propter equestrum ordinem hic ab ipsis institutum, quem *Solui Leonis* titulo, certis ceremoniis & fidei muræ vinculis inter se celebrant. Aliquoties deinde provecti, totiesque repulsi
 40 non sine ingentibus periculis, tandem III Sept. Freto enavigato in Australem Oceanum penetrarunt; ubi cum sæva ventorum tempestas illos exceperit, navis qua *Sebaldus* vehebatur, ad Fretum repulsa fuit, & post maximas misérias, per plures menses, intra Fretum exantlatas, in patriam redire coacta fuit, cui accuratissimam Freti delineationem debemus, quæ in Tabula Geographica hujus libri expressa est.

C A P. VIII.

Sebaldi de Weert longi in Freto errores, Penguinum descriptio.

50 **N**ON abs re me facturum existimo, si ad amicissimi viri memoriam, longos illius in hoc Freto errores commemorem. Cum Classis, uti dixi, III Septemb. c. l. IO XCIX in Oceanum Australem pervasisse, triduo pene ventis satis propitiis usa fuit; quarto demum die primum vehemens ventus, ingentes fluctus tollere cœpit, ita ut naves valide conquassarentur, & crassa nebula murum ad spectu adimeret, ita ut Ammiralii navis à cæteris aberraret: x autem Sept. horrida tempestas ingruit,

M m

quæ

quæ cæteras quoque separavit, præter duas, quarum una *Sebaldu* hic noster vehebatur. Sed tempestate paulum remittente & aura nonnihil favente duæ hæ naves cursum tenuerunt usque ad decimum nonum ejusdem mensis, quo tam sæva ventorum rabies illas oppressit, ut in summo discrimine versarentur; ita xxiv diebus in Oceano Australi jactati, tandem intra Fretum repulsi sunt, & ibidem in sinu quodam anchoras jecerunt: Hic pene quotidie ventorû turbines illos ita exagitarunt, ut ab anchoris non semel abriperentur, & nonnullas amitterent. Hinc in alium sinum quem tutiorem esse rebantur proVecti, non minus discrimen adierunt, *Sebaldu* nave à subito turbine pene scopulis illisa, & fere miraculo servata: accessit & aliud incommodum à tumultuantibus nautis, qui domum redire cupiebant & ægre à duce persuasi compeſcebantur. 10 Interim musculorum in sinu hoc copia, quotidianum victum large suppeditabat.

Quum autem hic usque ad secundum Decembris substitissent, nihil non miseriarum experti, ventus ab Aquilone flare cæpit, itaque velis expansis egredi tentarunt, & tandem post summum discrimen & naufragii metum egressi, paulo longius ab altera navis anchoras jecerunt, ita ut tandem penitus ab illa separarentur.

Dum hic hærent, cymbâ ad proximam terram versus occidentem delati, barbaros aliquot offenderunt, qui nostros conspicati, summa pernicitate in vicinos montes enitebantur, ut nullo pacto illos assequi possent, una tantum femina cum duobus liberis deprehensa fuit & ad navem ducta; Erat illa statura corporis modica, colore rubicundo, projecto ventre, uberibus pendulis, torvo admodum vultu, coma rafa 20 præterquam circa frontem & auriculas, prorsus nuda & tantum humeros & dorsum phocæ vellere testæ: non multum captivitate sua commoveri visa, ab omni cocto cibo penitus abhorrebat, sed avem quandam, leviter deplumaram, muscoli conchâ nonnihil incisam discepsit & bona viscerum parte abjecta, jecur & ventriculum & mox reliquam carnem paululum ustulatam & semicrudam non modo ipsa sed & liberi illius avidè dilaniarunt. Hanc biduo in navi retentam rursus in terram exposuerunt, filioli quatuor aut quinque annorum, ipsa non multum invita, retenta, quæ postea à *Sebaldo* liberaliter educari cæpta Amstelodami obiit.

Decimo quarto Decembris rursus sævissima tempestas ingruens eos funibus & anchoris amissis è sinu abripuit, ita ut inviti ad *Cordeſii* sinum retro vehi cogerentur; 30 dum in eo sunt, nova illos calamitas oppressit, cymba illorum ab æstuoso Freto hausta: sed postero die cum jam in illo sinu in anchoris starent, insperatum ipsis auxilium affulsit ab *Olivèrio à Noord* qui in eodem Freto jam anchoras fixerat: Huic *Sebaldu* se conjungens, omnem operam dedit, ut cum illo in Oceanum Australem penetraret, sed incassum, vento fere adversante atque illos rejiciente; itaque tandem illo deserto, ob annonæ defectum, versus *Penguinum* insulas iter flexit, & duodecimo Januarii anni c1710 e ad easdem pervenit: hic statim exscensione in minorem insulam facta, dum avibus mactandis dant operam, subita tempestas emicuit, quæ cymbam illorum, quam priore amissa compegerant, tam valide scopulis & littori illisit, ut fracta penitus judicaretur: nihil jam huic calamitati addi posse videbatur, 40 nam in navi tantum quinque socios reliquerant, maximam partem ægros & invalidos, ipsi vero omnium rerum indigi, quo se verterent ignorabant: sedula tamén nonnullorum industria tandem perfectum fuit, ut cymba aliquo modo reficeretur, & vigesimo quarto ad navem redirent.

In hac insula feminam invenerunt quæ sese in caverna illarum avium absconderat: Ea picta erat facie, pallio è Pinguinum & aliorum animalium pellibus eleganter confuto amicta ab humeris ad genua usque, pudenda insuper simili pelle velata; ita ut ex eo proclive sit judicare, barbaros qui continentem incolunt longe cultiores & minus barbaros esse, quam qui in insulis ex adverso degunt; ibidem & viri cadaver repertum, qui coma erat proluxa & corona è variis plumis conferta redimitus, à lumbis præterea ad genua usque similibus plumis circumcinctus, quibus reticulum in- 50 cumbebat variis lapillis & ossiculis distinctum: cccclx aves tum captæ: postero die majorem insulam adierunt innumeris pene avibus refertam, ita ut brevissimo tempore nongentas mactarent. Abrepti dein à ventis præter has insulas, rursusque ad easdem repulsi, non sine discrimine anchoram amiserunt, ita ut ipsi jam non nisi unica superesset, exiguum solamen in tam æstuoso & tempestuoso Freto: itaque jam domum

domum redire certi, vigesimo primo Februarii Fretum Magallanicum deseruerunt; & vigesimo quarto ejusdem jam pene sexaginta mill. à Continente provecti tres insulas offenderunt, hæcenus ignotas, quinquaginta gradibus & quadraginta scrupulis ab Æquatore versus Austrum, quas *Sebaldi* Insulas appellarunt; denique decimo tertio Julii in Hollandiam redierunt. Quia vero *Penguinum* jam sæpius mentionem fecimus, earum avium iconem & descriptionem à *Carolo Clusio* hic adjiciemus. Marina est hæc avis (inquit) & ex anserum genere, tamen si rostro dissimilis, in mari vitans, valde pinguis, prægrandis anseris magnitudine; nam adultiores quasdam ex eo genere observarunt, tredecim, quatuordecim, etiam sedecim interdum libras pendentes: prona parte nigris pennis tectæ erant, supina & in ventre albis: collum quod crassum & breve, habebant nonnullæ albis pennis, tanquam torque cinctum: earum cutis crassa & densa instar suillæ: alarum erant expertes, sed earum loco binas parvas coriaceas pinnas habebant, in latera tanquam parva brachia propendentes, prona parte brevibus, angustis & rigidis pennulis confertim tectas, supina autem, minoribus adhuc & rigidioribus, lique albis, quibus nonnullis locis intermixtæ nigrae, minime quidem aptas ad volandum, sed quarum adminiculo velociter narent; maxima enim ex parte in aqua versari intelligebam, & terram duntaxat pecere fixationis vel pullationis tempore & plerumque ternas aut quaternas in una scrobe latere: rostrum corvino majus habent, non adeo tamen elatum, & valde brevem caudam, pedes nigros, planos, anserinorum pedum formâ, non adeo tamen largos: erectæ, & sublimi capite incedunt, demissis in latera pinnis, tanquam brachiis, sic ut procul intuentibus homunculi aut pygmaei videantur. Piscibus duntaxat vesci referebant diartia; non ingrati tamen saporis esse illarum carnem nec piscem sapere. Scrobes porro valde profundas in littore fodere cuniculorum instar, totum solum adeo cavum interdum efficietes, ut per illud gradientes nautæ, sæpiusculè genu tenus in eas scrobes inciderent.



C A P. IX.

Secunda & tertia Belgarum navigatio per Fretum Magallanicum.

ALTERA nostratum Classis quatuor navibus constans sub Praefecto *Olivério de Noord* soluit eodem superiori anno, medio pene Septembris & post varios casus & discrimina tandem sub finem Septembris anni 1610 portum subiit quem Angli *Desire* appellaverant, è quo solvèntes sub finem Octobris, quarto demum Novembris Fretum sunt ingressi, & aliquoties repulsi, vigesimo secundo ejusdem mensis primas angustias superarunt, & vigesimo quinto sub *Penguinum* insulis anchoras fixerunt; & post multa magnaue discrimina tandem pridie Kalend. Martiæ anni 1611 c in Oceanum Australem penetrarunt.

Dum vero cum adversis ventis & aliis incommodis in Fretum hoc lustarentur, in barbaros aliquot inciderunt, à quibus se narrant hæc accepisse. Continentem è regione minoris *Penguinum* insulae versus arctum, appellari *Colli*, hic incolere gentem *Enoo*; insulam minorem à barbaris *Talke* appellari, majorem vero quæ illi adjaacet *Caltamme*, in qua magna est *Penguinum* copia, è quarum pellibus pallia consuunt barbari, quæ circa humeros gestant, cætera nudi. Hos barbaros per cognationes separatim degere, quarum plures nominatim recensebant: *Kemenetes* quidem, qui regionem *Karry* incolunt: *Kennekas* qui *Karamay*; *Karayikas* qui *Morinen* & ita porro. Atque hos universos corporis mole Eutopæos nequaquam superare, sed lato sunt pectore atque edito; alii frontem alii totam faciem coloribus quibusdam pingunt: Mares pudenda sua filo quodam circa præputium constringunt, feminae vero etiam Penguinis exuviis velant: eadem comam circa frontem præcidunt, mares contra promittunt, Penguinavis ipsi *Compogre*, velamen è pellibus illarum confutum *Oripoggre* dicitur: pelles autem istas tanta arte aptare & consuere norunt, quantæ nostri

nostri pelliones. In Mediterraneis porro referebant *Tiremenes* degere in Regione *Com*, statura plane gigantea, qui reliquis nationibus infesti, ipsas armis non raro peterent & misere trucidarent: hominis carnibus vesci verisimile est, licet alioquin ferina & alio comaeu abundare videantur. Hæc se accepisse narrant à pueris quos secum duxerant & nostrum idioma ex parte docuerant.

Tertia & ultima navigatio per hoc Fretum suscepta fuit à *Georgio Spilbergio*, auspiciis Societatis Indicæ: qui ex *Hollandia* solvit anno *1619* mente *Augusto*, & secundo denum *Martii* ann. *1620* plurimis periculis superatis ad Fretum *Magallanicum* pervenit, & sæpius ab adversis ventis & tempestatibus repulsus, tertio *Aprilis* primas angustias superavit & decimo sexto ejusdem Sinum *Cordes* subit, ubi 10 & aquavit & ligna cæcidit, aliaque necessaria in naves imposuit, & denique post multas difficultates in Oceanum *Australem* penetravit sexto *May*. Atque hic quidem omnium pene compendiosissimè & brevissime Fretum hoc enavigavit.

Existimo adhuc alios tam *Anglos* quam *Belgas* hanc navigationem tentasse, quosdam etiam perfecisse, sed quia ipsorum diaria videre minime contigit, illorum mentionem hic facere non potuimus.

C A P. X.

*Expeditio Didaci Flores de Valdes, & duæ Colonie ab Hispaniis
in Fretum Magallanico collocata.*

10

cap. II.

Petrus *Sarmientus*, (cujus navigationem è Mari *Australi* per Fretum *Magallanicum* in *Hispaniam* supra retuli) *Philippum II* *Hispaniarum* Regem, catum alioquin Principem, speciosis quibusdam argumentis permovit, ut Freti *Magallanici* angustias, (Duce *Albano*, ut scribit *Herrera*, multum adversante,) communiendas & aliquot coloniis deductis firmandas decerneret, quo deinceps aliæ omnes nationes aditu *Matis Australis* per hoc Fretum, arcerentur. Missus ad hæc perficienda *Didacus Flores de Valdes*, cum navibus onerariis viginti tribus, hominibus ret mille quingentis, præter quingentos milites veteranos qui è *Belgio* acciti, novum, 30 Præfectum *Chilensem* ad suam provinciam comitabantur. Hæc expeditio admodum insausis auspiciis fuit inchoata, nam antequam ab ora *Hispaniæ* digrederentur, quinque naves cum octingentis hominibus, qua nautis, qua coloniis, à fluctibus absorptæ fuerunt & reliqua classis ad Sinum *Gaditanum* repulsa est. Nihilò tamen secius, classe refecta, cum sedecim navibus denuo solverunt, ut *Petrum Sarmientum* cum suis coloniis ad Fretum *Magallanicum* deducerent.

Quia autem paulo serius ex *Hispania* solverant, ad oram *Brasilicæ* in portu *Rio de Ienero* hybernaturæ. Hinc profectos, duobus & quadraginta gradibus ad *Æquatore* versus *Austrum*, tam sæva tempestas excepit, ut viginti duorum dierum spacio ultro citroque jactati & unam è melioribus navibus, cum trecentis viris & viginti 40 feminis ad colonias *Magallanicas* destinatis, amitterent & ad insulam *S. Catharina* reverti cogerentur.

Hic cum haud vanus rumor ad aures *Valdesii* pervenisset, binas *Anglorum* naves, quibus *Fentonius* vehebatur, adventare aut jam præcessisse, quæ Fretum *Magallanicum*, uti res erat, peterent; decem ex instructissimis navibus sibi sumisit, quibus *Anglos* persequeretur aut anteverteret, tres cum inutili turba & feminis ad portum *Rio de Ienero* remisit, & duas penitus conquassatas hic destituit. Tres porro hæc naves cum *Anglos* hosce obvios habuissent, una quidem illarum cum hominibus depressa est, cætera potius ab ipsis omisa sunt, quam evaserunt.

Valdesius interim medio jam *Februario* Fretum *Magallanicum* petens, primum 50 in transcursum, *Fluminis de la Plata* æstuarium salutavit & ibidem præfectum *Chilensem* à se dimisit cum tribus navibus versus *Buenos Ayres*, ut inde terrestri itinere ad præfecturam suam contenderet: ex hisce tribus, duæ in hoc flumine fractæ, hominibus & impedimentis ægre servatis, tertia in *Hispaniam* remeavit.

Valdesius autem cum medio *Martio* ad Fretum *Magallanicum* pervenisset, quo tempore jam æstas desinit in hisce partibus, & crebræ tempestates, frigora & nives

nives valide ingruunt, *Sarmientum* cum colonis suis in terram exponere nequiens, jam secundo in Brasiliam & portum *Rio de Tenero* redire coactus fuit & de conatibus Anglorum à suis qui evaserant certior est factus. Itaque cum quatuor navibus è suis & totidem aliis quæ nuper ex Hispania ipsi submissæ fuerant, ex *Rio de Tenero* solvit ut Anglos investigaret & persequeretur, in quo cum aliquandiu frustra operam sumisset, versus *Paraibam* cursum flexit, quumque ibi quinque Gallorum naves offendisset, qui hic castellum quoddam communiverant, tres quidem illarum deprefit & duas cepit, & vallum castelli disjecit, atque ita in Hispaniam rediit. *Ribera* autem *Valdesii* Legatus & *Sarmientus* Magallanicæ præfectus, opportu-

10 no tempore è *Rio de Tenero* proximo anno profecti, satis prospere Frerum Magallanicum adierunt, ibidemque colonos suos, quadringentos viros & triginta feminas, cum octo mensium commeatu in terram exposuerunt, unâ hic navi amissâ, alterâ *Sarmiento* relicta *Ribera* cum cæteris Hispaniam repetiit. Tantæ molis fuit hispanam hanc gentem perdere.

Sarmientus primum haud longe ab aditu Freti oppidum molitus est, quod *Nombre de Jesus* appellavit & centum quinquaginta colonis attribuit. Hinc terrestri itinere profectus, versus angustias hujus Freti, juxta stationem haud incutam, alterum oppidum condere aggressus est, quod *Cuidad del Rey Philippe* nominavit; cui & arcem adjungere in animo habebat & multa tormenta bellica quæ in illum

20 finem adduxerat disponere, ad nationes omnes peregrinas Freti hujus transitu arceudas, sed hyeme ingruente perficere minime potuit: sed viginti quinque navibus sociis in navem quæ ipsi relicta fuerat assumptis versus primum oppidum navigavit, quumque ibi aliquot dies in anchoris subsistisset, anchoralibus funibus aut ruptis, aut (ut magis verisimile sit) ultro dissectis ad portum *Rio de Tenero* rediit; & quum ibidem promissa subsidia non reperisset, *Pernambucum* petiit, atque hic nonnihil subsidii nactus, & ad Fretum redire satagens, inter *Pernambucum* & *Bahiam* omnium Sanctorum navem fregit: in *Bahia* denique nova navi & subsidiis comparatis, rursus ad Fretum contendit, & denuo à sæva tempestate quatuor

30 meatum partem in altum jacere cogeretur, ad portum *Rio de Tenero* remeavit; è quo iterum solvens in Anglorum manus incidit, qui illum captivum abduxerunt.

Exciderat autem penitus è gratia Regis sui, qui se vanis hujus viri persuasionibus delusum dolebat, præsertim cum è *Ribera* intellexisset, maximas Freti Magallanici angustias, quas *Sarmientus* tantillas esse descriperat, supra leucam in latitudinem patere, adeo ut torius orbis machinæ bellicæ, naves secundo vento & astu advenientes arcere aut sistere nequaquam possent. Coloni denique omnes qui in hisce duobus oppidis à *Sarmiento* relicti fuerant paucissimis exceptis variis morbis & fame imprimis interierunt; non pauci quoque dum in vicinas provincias contenderent, à ferocibus barbaris mactati, & haud dubio devorati

40 fuerunt, uti supra obiter explicavi. Hæc annis clō Io LXXXIV LXXXV & LXXXVI gesta fuerunt.

NOVUM FRETUM LEMARIUM.

C A P. XI.

Novi Freti Lemarii *prima inventio*.

HAEC TENUS diversas variarum nationum per Frerum Magallanicum navigationes compendio edisseruimus, nunc antequam *Magallanicæ* continentem ad Oceanum Atlanticum prosequamur, de altero & novo Freto, quod in Oceanum Australem definit, nobis dicendum erit: Cujus primum inventi gloria Belgis nostris debetur. Jam supra tam ex Anglorum, nostrorumque, quam Hispanorum relationibus accepimus, communem fere omnium qui Fretum Magallanicum tentarunt aut enavigarunt opinionem fuisse, quicquid terrarum Frerum hoc è mari Atlantico ingredientibus ad sinistram jacet, non nisi Insulas esse, & pone illas vastum & apertum mare superesse, quod cum Oceano Australi sese jungat, nec levia

50

ejusce opinionis argumenta jam ante explicavimus. Id demum à nostris non modo clarum & manifestum est factum, sed & novum Fretum inventum, per quod minori cum difficultate & discrimine in Oceanum Pacificum potest penetrari, id quo pacto à Belgis nostris inventum sit, jam edisseram.

Isaachus Lemairius Antwerpianus, mercator imprimis industrius, & *Wilhelmus Cornelii Schoutenius* Hornanus, quum novas terras versus Polum antarcticum indagare & lustrare in animum induxissent, onerariam unam cum celoee pararunt, & rebus omnibus ad diuturnam navigationem necessariis probe instruxerunt, quibus ipse *Schoutenus* Navarchus, *Jacobus* autem *Lemairius* *Isaaci* filius mercator impositus. Solverunt hi è *Texelia* notissimo Hollandiæ portu, medio Junio Anni c1o 1o cxv: 10 Quæ ipsis primis aliquot mensibus acciderint, hic non attingam, quia ad hoc nostrum institutum non faciunt & ex diario hujus expeditionis, quod jam dudum juris publici factum fuit, à curiosis peti possunt: Ordiar ab eorum discessu è Portu *Desire* (quem septimo Decembris ingressi, ibidem celocem suaminopinato incendio, magno suo detrimento amiserant) qui incidit in decimum tertium Januarii diem anni c1o 1o cxvi.

Ex hoc ergo provecti, primum decimo octavo ejusdem mensis Insulas quas vocant *Sebaldianas* (ob causas jam ante à me explicatas) conspexerunt, uno & quinquaginta gradibus ab Æquatore versus Austrum; quas prætervecti & recta versus Austrum tendentes, vigesimo ejusdem mensis, latitudine dimensa, se jam tribus & 20 quinquaginta gradibus ab Æquatore versus Austrum declinasse deprehenderunt, & circiter viginti milliaria jam præter Fretum Magallanicum se emensos conjectabant: hinc cursum prosequentibus vigesimo tertio ejusdem mensis undarum color mutari cepit & è viridi suppallidior factus, haud dubio terram non ita longe abesse, prædicere: quæ sub horam tertiam à Meridie demum illis conspecta versus Occidentem & Africum, & paulo post versus Austrum: aurum à septentrione flante, cursum secundum oram versus Eurum instituerunt, vigesimo quarto mane rursus terram ad dextram conspexere, à qua vix milliare aberant: mare hic altum erat orgyas quadraginta, & aura flabat ab Occidente: ora autem omnis versus Euronorum se subducebat, vastis & altissimis montibus qui multa nive videbantur recti undequaque obstita. 30

Hanc oram porro versus Eurum legentes, tandem ad finem illius pervenerunt circa Meridiem, & è longinquo alias terras versus ortum conspicati sunt, non minus altis & asperis montibus conspicuas: inter utramque autem terram Fretum permeabat, octo circiter milliaria, quantum conjectura consequi poterant, latum; per hoc aditum ad Oceanum Australem pandi haud frustra judicarunt, nam & æstus persuadebat, qui valide cum fluctus versus Austrum agebat: jam quatuor & quinquaginta gradibus & quadraginta sex scrupulis ab Æquatore disceserant versus Austrum, & ventro ab Arcto secundante, bonis auspiciis Fretum sunt ingressi, sed vento sub vesperam remittente, tota illa nocte magis ab æstu quam aura impellebantur. Hic innumeræ Pinguines ad oram ab ipsis visæ, in alto autem tanta grandium cetorum 40 multitudo, ut vix declinarent.

Vigesimo quinto ejusdem mensis terræ Orientali appropinquarunt, quæ edita & præruptis atque divisis montibus aspera erat, & qua septentriones aspiciet recta ad Eurum tendere visa, quantum eminus discernere dabatur: nec tamen continens credita, itaque illi nomen Insulæ *Ordinum* imposuerunt; terram autem ex adverso illi oppositam Principis *Mauritii* nomini consecrarunt. Ora utriusque, arenoso litore & fundo leniter declivi, tutam navibus stationem promittere videbatur; avium & piscium copia obvia erat, nec aquandi opportunitas deesse poterat, sed arbores nullæ ipsis visæ. Porro aura ab Arcto flante, recta versus Africum pertendere, & meridie latitudinem dimensi, jam quinque & quinquaginta gradibus & triginta sex scrupulis 50 ab Æquatore versus Austrum se provectos animadverterunt. Terra autem omnis quæ illis dextra erat, inde ab ipso Promontorio quod Freto imminet, ad Africum ferebatur, vastis & asperis montibus conspicua: sub vesperam aura ab Africo resflante, proram versus Austrum obverterunt, fluctuoso admodum & æstuoso pelago ab Africo illos conquassante, è quo proclive erat judicare, vastum & profundum gurgitem ad hanc plagam pertinere.

Ingentes hic *Lari* (marinarum avium genus) ipsis visi & odoribus nostratibus mole pene pares, qui hominum conspectum minime formidantes, utpote insueti, in naves ultro descendebant, & se à nautis prehendi & mactari patiebantur.

Vigesimo sexto ejusdem mensis septem & quinquaginta gradibus ab Æquatore versus Austrum illos horrida tempestas ab occidente & Africo excepit, ita ut altum petere cogerentur, terrâ ipsis nihilominus ad dextram in conspectu erat, tendens versus eorum, ad quam noctu proram verterunt: vigesimo septimo, sex & quinquaginta gradibus & quinquaginta scrupul. ab Æquatore summum frigus & grandinem experti, vento primum ipsis adversante, versus Austrum, & mox rursus versus eorum vela verterunt: vigesimo octavo, aura ipsis ab ortu favente, versus occidentem promoverunt & ipso meridie altitudinem sex & quinquaginta graduum & quadraginta octo scrupul. Australium observarunt: vigesimo nono, Euro vela implente versus Africum proveci, sub meridiem duas insulas obvias habuerunt, quarum latus septentrionale dum legunt, potius scopulos quam insulas esse deprehenderunt; his *Barneveldii* nomen ab ipsis inditum; hinc versus eorum proveci hinc vesperam rursus terram conspexerunt, quæ Fretum Magallanicum ab Austro claudit & hic oras suas versus meridiem producit, nivosis montibus horridas, usque ad Promontorium *Hornanum* ab ipsis appellatum, septem & quinquaginta gradibus & quadraginta octo scrupulis ab Æquatore versus Austrum.

Hic ventum septentrionalem nacti, versus occidentem navigarunt, æstu maris valide illos ad eandem plagam impellente. Trigesimo, latitudinem septem & quinquaginta graduum & triginta quatuor scrupulorum observarunt; trigesimo primo, octo & quinquaginta graduum: jamque Promontorio *Hornano* post se relicto & nulla amplius terra sese aperiente, ventus reflavit ab occidente, ita ut ultro citroque velificare cogerentur & jam novem & quinquaginta gradus ab Æquatore versus Austrum proveci, duodecimo demum Februarii die se jam in ipsum Oceanum Australem pervasisse haud frustra collegerunt, & recta versus Insulas *Joannis Fernandez* cursum instituerunt. Novum hoc Fretum à se primum tentatum & tam feliciter enavigatum *Lemairium* appellaverunt:

C A P. XII.

Hispanorum navigatio per Novum hoc Fretum.

Imanavit statim fama novi hujus Freti à Nostris inventi, & ad aures Regis Hispaniarum pervenit, qui ann. c1515 c1518. Duas celoces è Portugallia dimisit sub Præfecto *Bartholomeo Garfia de Nodal*, ut idem penitus lustraret: qui vigesimo septimo Sept. Olisipone solventes, recta ad Fretum Magallanicum contenderunt, atque eo usq; proveci ab Arctoo ejusdem Freti Promontorio proras versus Eorum flexere & tribus & quinquaginta gradibus & viginti scrupulis ab Æquatore versus Austrum æstuarium offenderunt, quod in ipso ore circiter tria milliaria latum erat,

& in ipsum Fretum Magallanicum desinere existimatur. Australe Freti Magallanici Promontorium *Cabo del Espíritu Santo* dixerunt: hoc autem æstuarium *Entrada de S. Sebastian*, & Promontorium quod illi imminet *Punta de Arenas*: hinc porro versus Eorum secundum orarum ductum navigantes, primo sinum obvium habuerunt, multis scopulis & vadorum brevibus inquinatū, cujus cornu *Cabo de Pennas* appellarunt.

Ora hæc omnis edita est & nivosis montibus obsita, quatuor & quinquaginta gradibus & quatuor scrupul. ab Æquatore versus Austrum: sed paulo ultra eadem multis arboribus vestita est: & quatuor & quinquaginta gradibus & quindecim scrup. ab Æquatore, terra multis sinibus & Promontoriis lacinatur: quinq; autem & quinquaginta gradibus ab Æquatore sinum offenderunt in quo duæ parvæ insulæ jacent; ora hæc omnis albicat, ita ut eminens arenosa videatur, quum petræ sint à fluctibus exesæ.

Sub vesperam ad os novi Freti pervenerunt, è quo æstus tã valide refluebat, ut aura licet favente & vela valide implente vix ægre illud ingredi possent; superato tandem aditu & circiter milliare inveci anchoras jecerunt in arenoso sinu, & exensione facta, summam tum aquandi tum lignandi opportunitatem nacti sunt: quippe hic amniculus potari pulcherrimus in sinum descendit, & tellus arboribus opaca est: dum hic hærent, ab Australi plaga ad ipsos accesserunt quindecim barbari, totum corpus ru-

brica quadam tincti facie solum excepta, (nam frontem & genas creta quadam infecerant) partim nudi, partim ovillo vellere eadem rubrica tincto præcincti: erant inter illos duo provectiores, qui aliis pellibus amicti erant subfuscis, & villis admodum lenibus, capita tecti Larorum exuviis quibus plumas detraxerant, lanugine tantum relicta: arma ipsi erant arcus & sagittæ, lapillis quibusdam asperatæ, è quibus & cultellos gestabant: collo circumdederant redimicula elegantibus conchulis, albis & splendentibus variegata, cingulo coriatio supra lumbos cincti: Idioma ipsorum nullatenus intelligere poterant Hispani, siquid dicerent aut peterent, *Hoo Hoo* ingeminabant: à cibo & potu Hispanorum prorsus abhorrentes, tantum luteis quibusdam floribus (qui Calthæ nostrati non absimiles videbantur) & herba illorum subamara, ¹⁰ quæ ibi passim magna copia crescit, vesciebantur: à consortio advenarum non tantum non abstinebant, sed & ipsi in aquando & lignando ultro subsidio erant, arma sua antequam propius accederent humi projicientes: in adverso sinu latere supra quinquaginta ejusdemodi barbaros videre erat, qui humiles casæ è stipitibus coagmentatas & arundinibus tectas habitabant, in quibus nulla supellex, tantum vacuæ musculorum conchæ deprehensæ: barbari denique hi non indociles visi, nam nullo pene negotio orationem Dominicam recitare didicerant, antequam Hispani discederent.

E sinu hoc provectos æstus refluens rursus extra Fretum abripuit & ad terram versum orientem vexit, ubi mare ita altum erat, ut prope terram bolide frustra fundum tentarent: Hinc denuo à fluctibus & vento intra Fretum acti, cursum versus Africum instituerunt: & aliquot diebus ab aura & æstu hac illac jactati, tandem promontorium *Hornanum* superarunt, & pone illud sinum ingressi, aliquot insulas offenderunt, meras petras & nihil herbidi sortitas, ora autem in ipso sinu nivosis montibus vaste attollitur, sex & quinquaginta grad. & viginti duobus scrupul. ab Æquatore (ut ipsi observant:) haud longe hinc portus jacet qui non incommodus visus; Hic acre frigus & sævam grandinem atque nivem perpepsi rursus à vento & fluctibus versus Promontorium sunt retro acti: sed tandem decimo nono Februar. ad altitudinem sex & quinquaginta graduum & triginta scrupulorum pervenerunt; atque sensum declinando vigesimo tertio ejusdem mensis ad altitud. trium & quinquaginta graduum & quatuor scrupulorum, semper versus Corum profecti; atque hic prora versus Ortum versa ad Australe Freti Magallanici ostium appulerunt, quod vigesimo quinto ejusdem mensis ingressi, feliciter enavigarunt, & Mare Atlanticum ingressi, *Pernambuco* in itinere salutato, incolumes Hispalim redierunt, nono mensis Julii anno c1o 1o cxi. Novem mensibus & aliquot diebus memorabili hac expeditione absoluta.

C A P. XIII.

Expeditio Classis Nassavicæ per Fretum Lemarium in Oceanum Meridionalem.

40

PORRO vigesimo tertio die Aprilis anno c1o 1o cxxiii solvit è *Goerea* notissimo Hollandiæ portu, undecim magnarum & instructissimarum navium Clasis, quam *Nassavicam* nostri vocabant, auspiciis Illustriss. D.D. Ordinum Generalium & invictissimi & æternæ memoriæ Principis Mauriti, Archichalasso *Jacobo Heremita*, eo consilio ut per Fretum hoc *Lemarium* in Oceanum Australem penetrarent: omnia quæ illis primis navigationis mensibus acciderunt, hic non dicam, quippe alieniora ab hoc loco, sufficere intelligere, illos cum paulo maturius quam opus erat, ab ora Africa solvissent, ab æstu & malacia versus *Guineam* & vicinas insulas abductos, multum miseriarum & morborum ibidem fuisse perpepos & alio longè cursu, ⁵⁰ quam præcedentes ad Fretum *Lemarium* pervenisse.

Nam America meridionali nequidem visa, quum xxx Ian. anno c1o 1o cxxiv ad altitudinem duorum & quinquaginta grad. & triginta scrupul. ab Æquatore versus Austrum essent provecti; primo Februarii *Terram Australem* eminus conspexerunt, & secundo ejusdem mensis, ipsum Fretum haud dubiis signis recognovissent sunt ingressi; & meridie quum jam terræ quæ ingredientibus sinistra est & à nostris

nostris *D. D. Ordinum* terra vel Insula appellatur, promontorium Australe pene superassent, altitudinem demens, quinque & quinquaginta gradus & viginti scrupula ab Equatore versus Austrum deprehenderunt: postero autem die sex & quinquaginta: demum sexto ejusdem mensis die Promontorium *Hornanum* eminus viderunt, sed vento adversante illud superare non poterant, itaque velis versus Austrum versus aliquot diebus ultro citroque commearunt: tandem vento remittente decimo quinto ejusdem Promontorium *Hornanum* superarunt, verum ab hoc ultra tendentes, vento à Coro vehementius incumbente reverti coacti fuerunt, & ne rursus præter Promontorium ab æstu traherentur, decimo septimo ejusdem mensis canalem qui huic promontorio ad occidentem proximus est & valide in terras illas irrumpit, ingredi visum fuit, quem *Nassavicum* dixerunt.

Dum autem cum adverso vento luctarentur, duas insulas offenderant hactenus incognitas, quæ circiter quatuordecim aut quindecim milliariis à dicto promontorio absunt versus occidentem. Hic cum aquandi gratia in terram excedissent, barbari aliquot ad nostros venerunt, nihil hostile comminantes, verum cum novemdecim nostrorum noctu in terra fuissent relictæ & incautius agerent, omnes, duobus tantum exceptis, à barbaris partim sagittis transfixi, partim clavis ligneis fuerunt mactati, nec ulli barbari hic postea visi: dum hic hærent celocem suam dimiserunt, ut locorum situm penitus inspicerent: ea primum ad Arctum recta profecta, sinum quendam invenit, ad quem varii barbari incolebant, à quibus nihil hostile sunt passi: Dein versus Ortum flectentes, pone insulam quandam ab æstu maris ducti fuerunt, quam *Terbalisnam* dixerunt: & vento ab ortu reflante ad classem redierunt.

Hoc loco sævas tempestates & ventorum turbines ab Occidentali plaga venientes perpeffi sunt & ad vigesimum septimum hujus mensis subsistunt: tum rursus velis explicatis progressi sunt, sed vento vehementius ab occasu impellente, majoribus tantum velis uti dabatur: donec primo Martii vento à Septentrione flante cursum versus Corum instituerunt, & secundo quidem ejusdem mensis latitudinem novem & quinquaginta graduum; tertio novem & quinquaginta graduum & quadraginta quinque scrupul. quinto rursus octo & quinquaginta graduum & quadraginta scrupulorum; septimo sexaginta gradibus & quindecim scrupulis: octavo denique unius & sexaginta gradibus altitudinem dimensi; deinceps ab ea altitudine senlim declinarunt & decimo quarto rursus octo & quinquaginta graduum altitudine deprehensa: & vigesimo quarto ejusdem septem & quinquaginta graduum; & denique vigesimo quinto, quinque & quadraginta graduum & triginta scrupulorum. Hic constantem auram ab Austro nacti Insulas *Ioannis Fernandez* feliciter adnavigarunt.

C A P. XIV.

40 *Terræ Australis & Barbarorum hanc incolentium descriptio.*

HAUD dubiis nostrorum experimentis demum constitit, terram hanc Australem quam Magallanes *Terram del Fuego* appellaverat, in varias insulas dissectam esse, per quas varii canales partim in Fretum Magallanicum, partim in ipsum Oceanum Australem ducunt. Porro terra hæc Australis maxima sui parte montosa est: inter montes autem subsident valles pulcherrimæ, & vernantes campi, qui à pluribus torrentibus & rivulis, qui ab altissimis montibus descendunt, irrigantur, solo variis locis egregie herbido: inter insulas autem per plures sunt sinus, & stationes navibus haud infidæ, ubi & aquandi & lignandi opportunitas est & saxorum copia ad faburræ onerandam. Montes qui ex alto prospicientibus asperi & infœcundi apparent, variis arboribus amœne vestiti sunt, quæ omnes versus Ortum sese inclinant, à vehementibus ventis qui hic pene continuo ab Occidente aut Africo perflant, impulsæ. Solum horum montium quibus hæc arbores innascuntur, leve est & solum, & haud supra binos aut ternos pedes altum, sub quo petreæ & saxa latent.

Temperies aëris hic supra modum ventosa est, nā copiose exhalationes à vicino oceano qui

qui vaste patet, & plurimis fretis, quæ insulas intersecant, creberrimas procellas & tempestates generant, dū fere continuo ab occidente versus orientem propelluntur.

Indigenæ harum insularum naturâ candidi sunt coloris, quemadmodum Europæi, uti in infantibus recens natis videre est, sed cutem rubrica quadam inficiunt, & corpora sua variis modis pingunt; nam quidam illorum faciem, brachia, crura & alia membra rubrica illa tingunt, cætera candidi aut variegati: alii mediam tantum partem corporis eundem in modum pingunt, alii denique alio modo. Corpore sunt agili & membris bene compositis, statura nostratibus æquali, aut quæ non multum excedit: capillis sunt nigris, quos ad terrorem promittunt; acutis dentibus: mares fere nudi agunt nec pudenda sua ullatenus tegunt: fæminæ vero eadem exiguo corio 10 obvelant, haud secus quam mares variis modis pictæ & circa collum conchis quibusdam ornata: Pauci illorum humeros & tergum phocarum exuviis tegunt, exiguo adversus frigus munimento, ut mirum videri debeat, quo pacto hyeme intensius frigus perpetui possint.

Tuguriola illorum ex arbutis in orbem dispositis compacta sunt & circa rectum tentorium in modum fastigiata & aperta ad fumum emittendum humo interius ad pedes binos egesta & exterius aggesta: in his nullam suppellectilem invenias, præter corbes è juncis quibusdam contextos, quibus retia sua condunt; nam funes aptare norunt, quibus hamos è lapillis affabre factos appendunt & musculos esca loco affigunt, iisque abunde pisces in usum suum capiunt.

Arma illorum sunt arcus & sagittæ acutis lapillis industriè asperatæ; oblonga jacula ossiculis acutis & recurvis ut carni infixæ tenacius hæreant, circa cuspidem armata; præterea lignæ clavæ & fundæ quas valide contorquent; denique cultelli lapidei admodum acuti: hæc arma perpetuò circumgestant, ob bella internecina quæ perpetim gerunt cum aliis barbaris, qui magis versus ortum incolunt, & corpus nigro colore tingunt, quemadmodum hi rubro.

Cymbæ illorum affabre factæ sunt, quas è corticibus vastæ cujusdam arboris ita cogunt & consuunt, ut cymbulæ Venetæ pene formam adipiscantur, dein catinam interius transversis stiptibus firmant & rursus corticibus desuper tegunt & firmiter devinciunt: sunt ex ut plurimum decem aut duodecim, vel etiam sedecim pedes 30 longæ & binos latæ, & septem aut octo hominum capaces, has remigio velocissime impellunt.

Gens hæc admodum barbara est, nam præterquam quod crudis, etiam humanis carnibus, vescantur, ne scintillam quidem religionis aut politici regiminis obtineant, ita penitus omni pudore vacui sunt, ut altatibus, nisi caveant, immingant; ingenio sunt versipelli, prævoque, nam licet advenis prima facie adblandiri videantur, omnes industriæ nervos intendunt, ut incautos obruant & trucident.

In hisce insulis & animalia quædam degere, non levibus indicitiis constitit; nam illi quos pone Insulam *Terbalrenam* in anchoris stetisse supra retulimus, testantur se animalium gregem in viridiv alle pascentem eminens conspexisse.

C A P. XV.

Magallanicæ ora quæ ad Mare Atlanticum jacet, descripta secundum Hispanos.

PARS illa Magallanicæ quæ ad mare Atlanticum jacet, & ab ostio Freti sive quinquagesimo secundo gradu & triginta scrupulis ab Æquatore versus Austrum, ad trigésimum sextum aut circiter ejusdem latitudinis gradum & æstuarium magni fluminis de la Plata pertinet, vastas provincias complexa, tantum obiter nota est, & sicuti à variis stationibus lustrata fuit, ita & varia nomina diversis locis 50 sortitur. Nos hic primum de Hispanorum observationibus agemus. E quibus *Herrera* in descriptione sua Indiarum ista prodidit.

In intervallo, inquit, circiter quadringentarum leucarum, secundum orarum ductum, à Fretis Magallanicæ ad æstuarium fluminis de la Plata, qua fere inter Aquilonem & Africum jacent, primum sese offert fluvius vulgo *Rio de S. Ilesonso* duodecim leuc. à Promontorio *Virginum*, dein *Rio Gallego* & sinus *S. Iacobi*, & quatuordecim ab hoc

hoc leuc. Flumen *S. Crucis*, quinquaginta gradibus ab *Æquatore*, ejus ostio insula exigua objacet quam vulgo vocant *de Los Leones*; deinceps portus *S. Juliani* novem & quadraginta gradibus ab *Æquatore*; & fluvius *Joannis Serrani*, atque insulæ quas vocant *de los Patos* septem & quadraginta gradibus ab *Æquatore*, & flumen *de Cananor* quinque & quadraginta gradib. ab *Æquatore*. Promontorium *S. Dominici & de tres Puntas*, & terra *de los Humos* octo & triginta gradib. ab *Æquatore*; cornu *S. Helene* & *S. Apollonie* septem & triginta gradib. ab *Æquatore*. Denique Promontorium *Blancum*; quod australe fluminis *de la Plata* latus claudit.

Alii paulo accuratius eandem oram describunt; & à Promontorio australi fluminis *de la Plata* (quod vocant *S. Antonii*) ad promontorium *de Arenas Gordas* numerant leucas octo & quadraginta; intermedio autem spatio designant fluvium *S. Annæ*, cujus ori vadorum brevia adjacent.

Porto à Promontorio *de Arenas Gordas* ad Promontorium *S. Andree* leuc. triginta & unam; intermedio spatio multi sunt sinus & varii anines, sed omnes importuosi & arenarum pulvillis atque vadis oblitpati.

A Promontorio *S. Andree* ad sinum *Anegadum* triginta leucæ, quadraginta gradibus ab *Æquatore*.

A sinu hoc ad cornu terræ quod vocatur *Punta de Terra Llana* viginti quinque leuc. uno & quadraginta grad. & triginta scrup. ab *Æquatore*; ab hoc ad sinum *Sine Fundo* 20 quinque & triginta leuc. duobus & quadraginta grad. & triginta scrup. ab *Æquatore*.

Ab isto ad Promontorium *Rotundum* & portum *Leonum* septem & triginta leucæ. Toto hoc intervallo ora omnis importuosa est, nec ulla statio majoribus navigiis fida occurrit. Portum autem *Leonum* abest ab *Æquatore* quatuor & quadraginta gradibus.

Ab hoc ad Promontorium *de Matas* triginta leucis inter Arctum & Austrum. Intermedio autem spatio sinus jacet, oblongus & octodecim leucis à Promontorio *Rotundo* exit fluvius in mare qui vulgo dicitur *Rio de Camarones*, ostium illius designant innumera cochleæ albæ & exiguæ, quæ fluctibus innatant, unde illi nomen. Promontorium hoc *Rotundum* abest ab *Æquatore* quinque & quadraginta gradibus & triginta scrupulis.

30 Ab hoc ad Promontorium *Blancum* sunt leucæ duæ & triginta; ab *Æquatore* versus Austrum gradus septem & quadraginta. Promontorium hoc sex albicantibus tumulis conspicuum est, supra quos planities eminet, arborum luco opaca: ad hanc oram plurimi barbari degunt, qui à navigantibus caute vitandi sunt.

Ab hoc promontorio ad portum *S. Juliani* sunt leucæ septem & triginta, novem *S. Juliani* & quadraginta gradus ab *Æquatore* versus Austrum: hunc ex alto venientibus indicant præalti montes, qui ostio imminet & è longinquo turres videntur: ingredientibus dextrum latus stringendum potius, quam sinistrum, ibi enim altior & tutior alveus jacet: interius duæ insulæ sunt sparæ, sub quibus anchoræ jaciuntur. Inter Promontorium istud & hunc Portum in alto objacent octo *Ascensionis* insulæ.

40 Ab hoc portu ad *Morro de S. Thes*, quinquaginta gradibus ab *Æquatore*, leucæ sunt quinque & triginta; tota hæc ora humilis est & tantum unico monte attollitur: à quo ad fluvium *S. Crucis* sunt octo leucæ, novem & quadraginta gradibus ab *Æquatore* uti à *Magallane* fuit observatum, qui hic duos menses substitit, & testatur indigenas proceritate corporum Europæos multum superare.

Ab hoc ad fluvium *Gallecorum* sunt leucæ viginti quinque, duobus & quinquaginta gradibus & decem scrupulis ab *Æquatore*: & denique ab hoc ad Promontorium *Virginum* octo leucæ.

C A P. XVI.

50 *Ejusdem oræ descriptio secundum Anglos & Belgas.*

Franciscus Dracus qui primus post Hispanos hanc oram attigit, ab æstuario fluminis *de la Plata* sex septemve leuc. provectus, sinum est ingressus pone Promontorium quod *Cape Joye* appellavit; & hinc digressus alium item sinum sex & triginta grad. & viginti scrup. ab *Æquatore*, qui per opportunum portum aperit, & fluvium, quem eouique ascenderunt, donec tantum trium orgyrum altitudinem deprehende-

henderent : ab hoc nullum amplius portum aut Stationem navibus fidam portuerunt invenire, sed septem & quadraginta gradibus ab Æquatore ob ingruentem tempestatem anchoras jaccere coacti fuerunt, pone Promontorium, quod *Cape Hope* dixerunt, quasi dicas Promontorium boni ominis, & mox sinum sunt ingressi haud importuosum, ubi & barbaros aliquot viderunt & cum iisdem perfamiliariter egerunt; erant autem agiles corpore & membris bene compositis, pernices & satis, ut videbatur, industrii. Hinc ad alium portum promoverunt septem & quadraginta gradibus & triginta scrupulis ab Æquatore; ubi similes barbaros offenderunt, faciem diversis coloribus pictos, & solummodo villosa feræ alicujus tergo præinctos; qui cum ipsis quidem perfamiliariter commercium exercebant, sed nihil ab ipsis sumere sustinebant, nisi ante in solum projectum, id *Toyst* appellabant, ut ipsam permutationem mercium *Zullus*; si vero quid minus ipsis placeret, statim ex intimo gutture *Coroh Coroh* ingeminabant.

Ad Australem hujus sinus plagam fluvius egreditur, plurimis insulis divisus, quarum quædam incredibili phocarum copia abundabant, aliz omnis generis volucris: Huic nomen *Seale Baye*, id est, phocarum sinus, nomen indiderunt.

Hinc porro ad sinum *S. Juliani* pervenerunt novem & quadraginta gradibus & triginta scrupulis ab Æquatore versus Austrum. Hic quoque varii barbari ab ipsis visi; testantur autem Angli *Magallanum* haud penitus fallum, cum hos gigantes appellaret, quippe, ut plurimum & proceritate corporis & membrorum mole atque robore communem Europæorum sortem superare, licet non pauci in Anglia reperiri possint, qui nihil hisce concedant. Atque ita denique Fretum attingit.


Thomas Candakius qui illum secutus est, primum hanc terram attingit septem & quadraginta gradibus & viginti scrupulis ab Æquatore, & inde secus oram provectus, sinum ingressus est quem *Port Desire* appellavit septem & quadraginta gradibus & quinquaginta scrupulis ab Æquatore, uti ab ipsis observatum: hic sinum percommodum & tutum portum præbet, navibusque reficiendis perquam idoneum, ob insignem æstuum reciprocationem: in ipso aliquot jacent insulæ, quæ multitudinem phocarum subministrant, sunt autem hæ formæ admodum monstruosæ, quippe superiori corporis parte Leonibus non absimiles & longis villis jubaræ: sætus suos uberribus læstant, & in terra educant, licet alimenta ex alto perant; juniorum caro admodum tenella & grati saporis, ita ut assa, coctave à vitulina non multum differre videatur. Hic & Penguinum copiam reperire est. Barbari majoris stature hic ipsis visi, sed qui ipsorum occursum penitus devitarent.

Adiit eundem portum postea *Oliverius à Noord*; qui nullo quidem barbaros primum ibidem vidit, sed tantum sepulchra aliquot eorumdem offendit, grandibus saxis atque rubrica desuper tinctis, accumulata; & sagittis plumisque avium in circuitu ornata. Intra continentem cervi ab ipsis conspecti, & bubali & struthionum greges, & in uno nido supra novemdecim ova inventa. Dehinc paulum interius provectus, pone insulam exiguum naves stitit & refecit; ipse cymba subvectus donec vado hæterent, sepulchra ad eundem modum repperit, quibus præter cætera aliquot ferri scissuræ impositæ erant, haud dubio ab Hispanis acceptæ. Reversi ad naves & ad arctoam plagam barbaros conspicati, in illam partem exscenderunt, & cum barbaros non viderent, ad interiora progressi sunt; interim barbari eos qui ad cymbam servandam reliqui erant inopinantes aggrediuntur, & tres eorum occidunt; Nostri postea incassum illos indagentibus.

Post hunc *Scoutenus* hunc quoque portum adiit & eundem accurate delineavit, uti in editis illius commentariis videre est.

In latitudine hujus portus tradenda multum inter se variant nostri, *Oliverius* enim sex & quadraginta gradibus & quinquaginta quinque scrupulis ab Æquatore abesse scribit: *Scoutenus* vero quadraginta scrupulis supra septem & quadraginta gradus; ita ut dubitem an uterque de eodem sinu loquatur, quanquam non est novum apud nauticos homines interdum in ejusmodi observationibus aliquantum differre, pro instrumentorum bonitate aut dimerentium attentione; vel etiam industria.





ORDT

Anglica leuce ..
 Hispanica leuce ..
 Germanica milliar.

PARAGVAY, Ó
 PROV. DE RIO DE LA PLATA:
 cum adiacentibus Provinciis
 quas vocant
 TVCVMAN ET S^a CRVZ DE LA
 SIERRA.



BRASIL

TROPICVS CAERICORNII

MAR

DEL NORTE



HYDT



521

DESCRIPTIONIS
INDIÆ OCCIDENTALIS,
LIBER DECIMUS QUARTUS.
RIO DE LA PLATA.

CAP. I.

*Præfectura sive Provincia Rio de la Plata generalis descriptio, calis
solique qualitates.*



SUPERIORI libro Magallanicam absolvimus, & descriptionem hujus Continentis perduximus ad magni Fluminis *de la Plata* æstuarium, nunc de præfectura provinciarum quæ à magno hoc flumine nomen sortiuntur, nobis agendum erit. Præfectura hæc quæ plurimas & vastissimas regiones complectitur, fines habet, ad orientem quidem Oceanum Atlanticum, qui oras illius lambit; ad Austrum autem Magallanicæ illam partem quam postremo descripsimus; ad occidentem porro ubi angustissima est, provinciam *Tucumanam*, ubi autem latissima, provincias illas quæ ad Peruviam pertinent; ad Septentriones denique secundum oram Oceani Atlantici dividitur à Brasilia viginti quatuor aut circiter gradibus ab Æquatore versus
30 Austrum; intra continentem vero ab hac plaga incertis limitibus continetur & vastis regionibus concluditur nondum satis perlustratis, uti in prægressu dicturi sumus.

Solum omnium harum provinciarum admodum fecundum est, & tritici aliarumque Europæarum frugum feracissimum, nec vitium impatiens, Sacchari quoque cannarum egregie fertile. Abundat jam regio omnis generis armentis atque pecudibus quæ ob pascuorum copiam & bonitatem ingens incrementum ceperunt; jumentorum quoque ingens hic copia: *Lupus* enim *Vaxius* testatur, & res palam est, triginta equas & septem caballos ab Hispanis, quum *Buenos Aires* oppidum superioribus annis desererent, hic relictos, quadraginta circiter annis ita fertilicasse & tantum incrementum cepisse, ut omnis vicina ad Austrum regio equis pene completeretur, &
40 innumeri indomitæ equorum equarumque greges vicinas sylvas & campelstria loca hodie pervagentur.

Cervi hic triplicis generis reperiuntur, nam quidam permagnifunt & armentis mole pene pares, vastis & arboreis cornibus qui potissimè in palustribus locis & arundinetis degunt; alii paulo majores hircis, qui arva frequentant; alii denique capris semestribus non multo majores, qui montana pervagantur: sunt & quamplurimæ hic capræ & apri sylvestres qui umbelicum in tergo obtinent, quorum caro gratissimi saporis est & non insalubris ita ut etiam ægris hic eas apponant: præterea quoque suæ Europææ, magnæ molis & immenso numero.

Cercopithecorum infinitus hic numerus, prolixis barbis & longis caudis & mole
50 pene humana, qui horrendum strident & ejulantur quum sagittis peruntur, & isti sagittas evellunt & in obvios retorquent: alii item minores & imberbes. Nec vulpæculæ hic desunt, & alia animalcula rictu ita angusto, ut vix formicam ingurgitare possint, cæterum innoxia neque hominibus infesta.

Ferarum quoque ingens hic numerus, quales sunt tigres, leones, aliæque animalia ferocia & hominibus infesta: quibus accedunt varii angues & serpentes, quorum quidam quatuor orgyas longi sunt & tam vastæ molis, ut integros cervos cum corni-

bus devorent, hominibus haud adeo infesti & lacertorum variae species: in fluminibus insuper & paludibus capiuntur crocodyli, octo novemve pedes longi & innocui, quorum caro assa & pinguis est & boni saporis.

Hic & Chameleontes feruntur reperiri modici lacerti mole, qui fetus suos circumgestant & ore semper hianre aërem hauriunt, animal penitus innocuum.

Licet autem superioribus annis constans opinio fuerit regiones hasce metallorum omnium expertes esse, tamen haud ita nuper non modo æris & ferri, sed & auri atque argenti venæ hic repertæ & præstantissimarum gemmarum quas vocant Amethystos.

De cælo & aëris temperatura nihil in communi dici potest, quia pro terrarum vario situ multum variat, uti suis locis à nobis indicabitur. Vti neque de indigenis de quibus postea singularim dicetur. 10

Omnes denique hæc regiones unum habent Præfectum, qui Proregi Peruviz subordinatur; unum item Episcopum sub cuius diocesi non modo Hispani censentur qui has regiones oppidatim incolunt, sed & varii indigenæ. De oppidis quæ hic ab Hispanis habitantur, postea dicemus, nunc ante omnia de Flumine quod Præfecturæ nomen dedit, agemus.

Observandum denique iis qui has provincias perunt, ex Hispania ipsis solvendum esse ante medium Augustum, ut hic appellere possint sub finem Novembris, tunc enim hic æstas est & aura leniter afflat ab arcto & aquilone. *Brisas* vocant Hispani: nam si serius ex Hispania solvant, sub Kal. Martias hic appellere pene necesse est, quum jam hyems in hisce partibus ingruit, & venti ab Austro atque Euro valide perflant (*Vendavales* vocant) & æquor supra modum æstuosum & navigantibus infestum reddunt, ita ut sæpenumero ad Insulam. *S. Cataline* hybernare cogantur. 20

C A P. II.

Fluminis de la Plata prima inventio, & varia Hispanorum intra flumen hoc expeditiones.

Her. d. 2.
l. d. c. 7.

INGENS hoc flumen, quod jam vulgo *Rio de la Plata* audit, primus adiit anno 1510 *Joannes Dias de Solis*, qui vastum illius æstuarium invecus, ascendit ad certam Insulam, triginta & quatuor gradibus & quadraginta scrupulis distantem ab Æquatore versus Austrum, uti ab authoribus proditum invenio; in qua quum plurima barbarorum mapalia conspexisset & ab iis ultro invitaretur, in consultiis in terram descendit & cum pluribus suorum ab inhumanis barbaris cæsus & devoratus fuit; & nomen *de Solis* tum quidem flumini inditum aliquandiu hæsit. 30

d. 3. l. 9.
cap. 3.

Postilla anno 1516 *xxvi* missus fuit *Sebastianus Cabotus*, qui ab Anglis ad Hispanos transierat, ut per fretum Magallanicum in Oceanum Australem penetraret & ad *Moluccas* pervaderet; sed ob annonæ inopiam, navalibus Sociis tumultuantibus, hoc flumen ingressus, triginta circiter millia ascendit, & ad Insulam quæ hodieque nomine *S. Gabrielis* ab ipso tum imposito nota est, provectus, ibidem anchoras cum onerariis suis jecit; cum liburnicis vero & cymbis circiter septem leuc. adverso flumine subiectus, amnem offendit cui *S. Salvatoris* nomen dedit; is ex illa parte quæ ad Brasiliam vergit exiens, altissimo suo alveo peropportunam navibus stationem promittit; hic ergo totam suam classem subduxit, & vallo jacto locum in continentem communivit, ut tutius hic naves suas reficeret. Dein cum una liburnica & pluribus cymbis flumen ascendere & penitus interiora lustrare est aggressus. Postquam autem triginta leuc. ascendisset, alium fluvium offendit quem barbari vocabant *Zarcaranam*. Hic barbari debebant industria, prout fert captus illorum, non vulgari; quare hic quoque castellum *S. Spiritus* vel *Gaboti* ab ipso structum & præfidiarii impositi: hinc flumen *Paranam* ingressus quamplurimas insulas in illo sparsas invenit & plurimos annes qui in magnum hunc alveum se condunt, est prætervectus, & quum pene ducentas leucas ascendisset, ad alterum flumen pervenit quod à barbaris *Paraguay* dicebatur: atque hic magno *Parane* alveo ad dexteram relicto, quod nimium versus Brasiliam declinare judicaret, *Paraguayum* subiit & circiter triginta quatuor leucas provectus, barbaros invenit colendis agris intentos, quales hæc ænus nullos hic offenderat. Cum his haud incruentum ipsi certamen fuit, viginti quinque è suis desideratis, 50

raris, & magna barbarorum multitudine cæsa. Hic castellum *S. Anne* ab ipsis structum. Atque hæc aliquot mensibus ab ipso gesta.

Anno vero clō 15 xxv 11 ad flumen hoc *de la Plata* feliciter appulit *Didacus Gar-*
sis Lusitanus, qui superato Arctoo hujus fluminis promontorio, (quod vulgo *Cabo*
de S. Maria appellatur, cuique objacet exigua insula, quam ob piscandi opportunita-
tem de los Pargos vocant) ad insulam *de las Palmas* pervenit, quæ tunc navibus sta-
 tionem præberet & peropportuna est iis qui Fretum Magallanicum petunt; circa pro-
 montorium aut ad oram illi vicinam nulli barbari incoleere videntur; paululum au-
 tem intra flumen ad oram subeuntibus dextram, degunt barbari quos vocant *Char-*
 10 *ruas*, qui ferina & piscibus vitam tolerant: ab *Insula de las Palmas* adverso flumine
 ascendit ad ipsulas *de las Piedras*, sexaginta circiter leucas à promontorio *S. Maria*
 versus occidentem: hic liburnicam molitus, quam navi suæ advexerat, eadem flumen
 porro ascendit, & statim vestigiis Christianorum deprehensis, paulo post duas *Gaboti*
 naves invenit, & mox ad castellum *S. Spiritus* pervenit: hinc magnum *Parana* alveum
 sequens, viginti quatuor diebus tantum itineris absolvit, quantum *Gabotus* vix ali-
 quot mensibus, & ad *Paraguay* in *Paranam* confluentem promovit, atque tandem
Gabotum in castello *S. Anne* invenit: à quo conjunctim ad naves *Gaboti* redierunt.
 Quia autem hic nonnihil argenti à barbaris acceperant, (nullum autem hætenus ex
 20 *America* in *Hispaniam* advectum fuerat) Flumini huic nomen *Argentei* imposue-
 runt, id enim sonat vulgare nomen *Rio de la Plata*.

Gaboto autem in *Hispaniam* reverso, fluminis hujus perlustratio conquievit usque
 ad annum clō 15 xxxv; hinc missus *Petrus de Mendoza* cum undecim navibus &
 octingentis viris: qui Flumen ingressus, quum ad insulam *S. Gabrielis* ascendisset, ad
 sinistram illius ripam oppidum moliri cepit, cui nomen impositum *Nostra Señora de*
Buenos Aires; ubi fame & omnium rerum ad vitam necessariarum inopia quampluri-
 mos suos amisit: itaque Legatum suum *Joannem de Ayolas* dimisit, ut annonam à bar-
 baris conquireret, qui modicam retulit, denique postquam magno labore & exi-
 guo profectu varia loca lustrasset, *Ayola* quidem hic substitit; *Mendoza* autem in *His-*
 30 *paniam* remeans in itinere obiit: Sed quia nobis non est propositum integram rerum
 gestarum historiam scribere; hæc tantum addam, nihil hic magni aut præclari ab *His-*
panis acti ante ann. clō 1591 quo hic venit *Alvarus Nunez Cabeza de Vaca* & tum pri-
 mum provinciæ hæc penitus lustrari & varias colonias *Hispanorum* deduci cepisse.

C A P. III.

Fluminis de la Plata descriptio secundum Herreram & Martinum del Barco.

INGENS hic fluvius & inter vastissimos hujus *Americæ Meridionalis*, post *Amazo-*
num fluvium facile secundus, (nisi forte huic quoque præcellat) ab *Indigenis Para-*
na, id est, pelagus, & *Paranaquay*, id est, magnum mare appellatur: habens ad mare
 40 *Atlanticum* vastum atque amplissimum æstuarium; xxx enim & 17 leucas est latum, evol-
 viturque inter duo promontoria, quorum ingredientibus dextrum *S. Maria*, sinistrum
 sive Australe *Blancum* vel etiam *S. Antonii* appellatur. Interius autem decem fere leuc.
 latus est, & plurimas insulas complectitur, & innumeros pene amnes dextra levam in
 se admittit; creditur autem prodire è lacu, qui à gente quæ illum accolit, *de los Xarayes*
 appellatur, circiter ecc leueis ab ostio illius aut forte pluribus: in hunc lacum pluri-
 mos amnes & imprimis illos qui ex orientali Andium *Peruvix* latere, atque adeo in ipsa
Peruvia oriuntur, volunt descendere: Exque eodem & alterum fluvium egredi verius
 • Arctum, qui in ingens *Amazonum* flumen descendat, de quo suo loco dicitur.

Martinus del Barco in poemate quod *Argentina* inscribitur, paulo latius de hoc
 50 flumine commentatur, à promontoriis ad Oceanum Atlanticum exordiens, quæ
 triginta quinque leucas distare scribit; atque illud quidem quod Australe Jacus clau-
 dit humile esse, & oram quæ ab illo ad *Buenos Ayres* usque pertinet, similiter decli-
 vem; oram autem utramque multis periculis obnoxiam esse, sinistram quidem ob
 humilitatem & crebra vadorum brevia, dextram vero ob Australes ventos qui va-
 lide in illam impingunt; quin etiam ob barbarorum ferociam, qui utrimque acco-
 lunt, & plurimos mortales neci dederunt.

Porro juxta promontorium *S. Mariae* duæ jacent insulae, quas vocant *de Lobos*, à lupis marinis; & paulo interius rursus duæ, quas vocant *de Flores*, & ab iis triginta leucarum intervallo septem insulae *S. Gabrielis*, è regione oppidi *Buenos Ayres*. Flumen hic novem aut circiter leucas latum est & hæcenus satis altum, præter duo aut tria vadorum brevicia circa Insulas *Maldonati* & *Joannis Ortizii*: verum supra insulas *S. Gabrielis* vadofum esse incipit & non sine discrimine navigatur.

Ab hisce porro ad insulam *Martini Garzie* duodecim numerantur leucæ, hæc sesquileucam longa est & dimidiam lata, plurimis arboribus vestita, nec arvis ad sementem faciendam idoneis destituta. *Petrus de Mendoza* hic aliquot suorum collocaverat, uti & postea *Joannes Ortizus de Zarate*. Hæcenus una navis è classe *Joannis Fenzoni* Angli, qua *Joannes Dracus* vehebatur anno 1610 LXXXII ascenderat, sed illa ibidem fracta, *Dracus* cum paucis servatus, miseram vitam aliquandiu inter barbaros toleravit & tandem evasit.

Ab Insula *Martini Garzie*, ad *S. Lazari* insulam sunt quatuor leucæ, ea distat à ripa dimidiam leucam; & pari pene intervallo egreditur hic è continenti fluvius *Vraygh* dimidiam leuc. in ore latus: & paulo ultra amnis cui *Gabotus* nomen *S. Salvatoris* indiderat.

Ab hoc ad fluvium *Hum* (vulgo *Rio Negro*) sunt duæ leucæ; hic è cœnosis & palustribus locis, leni alveo defluens, subnigras undas devehit (unde illi nomen) & nullis piscibus fœtus est.

Hinc porro magnum flumen se undecim ingentibus & latissimis alveis pandit, qui permixtus insulis distinguuntur, amœnis & herbidis, quæque omnes à gente barbara incoluntur, *Guaraynes* vulgo vocant. Supra has insulas, quatum quædam duodecim & plures leucas in longitudinem patent, fluminis alveus priorem latitudinem servat, tipæ à variis barbaris accolluntur.

Ad sinistram autem subeuntibus ripam, viginti circiter leuc. præter dictas Insulas, oppidum *S. Fidei* jacer, & supra hoc censum pene leuc. alix insulae amnicæ quæ à *Cherandiam* gente habitantur.

Octuaginta supra has leucis fluvius *Paraguay* cum *Parana* se conjungit: *Parana* autem hinc se fleatit versus ortum, ad quem porro jacer provincia *S. Annae* partim campestris, partim etiam paludosa, *Guaranyis* barbaris habitata.

Penna Pobre, ut vocant, paulo ulterius sita est, editissima rupes, supra quam sunt gurgites multarum cymbarum naufragio nobiles & porro Cataractes ubi fluvius cum magno murmure præceps ruit; juxta quem oppidum *Guayra* jacer & supra hoc quadraginta leucarum intervallo aliud Hispanorum municipium cujus nomen non proditur. Hæcenus de *Parana*.

Flumen autem *Paraguayum* ad sinistrant sui ripam primo accipit nobilem amnem *Tpitum* qui lenitèr per campestria defluit; & mox *Paranamirum*, qui insulam triangularem (quæ circiter duodecim milliaria patet) à reliqua continente dividens, ad *Paranam* contendit. Juxta *Tpitum* quoque jacer lacus quem ab accolarum nomine *de los Mahomas* vocant, qui ad fluvium pertingit, quem vulgo *Vermeio* vocant, in quo uniones reperiri volunt. Hinc *Paraguay* alveus nonnihil angustior fit, & quatuor leuc. infra oppidum *Assumcionis* recipit in se fluvium *Pilcomaum*, qui è *Charcarum* provincie descendit & hic ab accolis vocatur *Araquaygh*. Hæcenus è *Martini del Barco Argentina*.

C A P. IV.

Ejusdem fluminis descriptio secundum varia Hispanorum itineraria nautica: & unum Nostrorum.

ITINERARIA nautica (vulgo *Roteiros*) ab Hispanis prodita, quæ potissimam fidem in hisce rebus merentur, nonnihil variant in hoc flumine describendo, ab ostio sive æstuario fluminis ad insulas *S. Gabrielis*.

Alia enim à Promontorio *S. Mariae* quod extimum est ora septentrionalis versus ortum, ad fluvium *de Solis* decem leucas numerant, ab hoc ad colles, quos vulgo vocant *los tres Mogotes*, tres; ab illis denique ad Insulas *S. Gabrielis* octo aut novem, atque

ita in univertum à Promontorio ad hæc insulas, leucas tantum duas supra viginti, quod intervallum, vero longe minus est.

Alii accuratius hæc intervalla metientes, ab insula *de Lebos* quæ dicto promontorio objacet, ad Insulam *Maldonati* numerant leucas quatuor, ab hac ad terræ cornu totidem; à terræ cornu ad Insulam *Florum* decem; ab hac ad montem *Vedium* quinque; & ab hoc totidem ad Insulas *S. Gabrielis*; atque ita conficiunt leucas viginti & octo.

Insulæ *S. Gabrielis* his sunt quinque, minores. Ab hisce ad fluvium *S. Ioannis* ad ripam ascendentibus dextram numerant tres leucas: hujus ostium vadofius est, ideo-
 10 que non sine discrimine aditur, non nisi minoribus navigiis patens.

Ab hoc fluvio ad Insulam *Martini Garzie* quæ gentili nomine *Minga* appellatur, tres itidem sunt leucæ. Ab ista ad exiguas insulas vel potius scopulos *S. Lazari* sunt duæ leucæ: ad primum autem ostium fluminis *Parana*, octo: flumen enim hoc pluribus insulis in diversa ostia dividitur, quorum id quod ad occidentem extremum est, ut plurimum ab Hispanis navigatur, & peculiari nomine *Rio de las Palmas* dicitur.

Qui flumen *de la Plata* ascendunt, studiose cursum suum instituunt secundum ripam Septentrionalem utpote editiorem, ubi fluminis alveus altissimus deprehenditur; sit tamen interdum, ut ratione non bene subducta ad Australe promontorium desceant, quod *Cabo Blanco* vulgo dicitur; itaque hic observandum, ab hoc pro-
 20 montorio ad oppidum *Buenos Ayres* ripam omnem humilem & undis pene æqualem esse, & hanc Continentis partem à sævis barbaris habitari qui advenas omnes inhumaniter, quum licet, devorant; ab oppido vero hoc ad dictum flumen *de las Palmas* oram sensim se attollere; duodecim autem leuc. sursum tendentibus ad hanc ripam, obviam fieri exiguam insulam *Ioannis Ortizii*.

Sed ab Insula *Martini Garzie* redordiamur: ab illa ad *S. Salvatorem*, (quæ est insula duas circiter leucas intra primum *Parana* fluminis ostium; à *Gabota* quondam inventa, sunt novem aut decem leucæ; terra autem quæ ad dextram jacet incolitur à barbaris, quos *Cariños* vocant, qui Hispanis, uti fatentur, imprimis sunt infesti.

Porro flumen *Palmarum*, uti & reliqua brachia, in quæ magnum flumen ab insulis discescit, fere sedecim leucas ascendunt, antequam rursus conjungantur; præter unum brachium, (quod vulgo *Rio de los Beguaes* vocant) quod quadraginta leucas ascendere volunt, antequam in ipsum *Paranam* desinat; ad hoc brachium patet aditus per fluvium *de las Palmas* (qui & ipse brachium est majoris fluminis) qui autem *S. Spiritum* petunt, ingrediuntur atque ascendunt istud brachium.

Sursum autem ascendentibus ad sinistram, multæ insulæ, lacus & amniculi prætereundi sunt, ubi barbari inhospitales & advenis infesti degunt.

A primo ingressu fluminis *de las Palmas* ad Sanctum *Spiritum* numerant leuc. quinquaginta à *S. Spiritu* ad *Tenbuyorum* regionem quindecim: à *Tenbuyis* ad *Quiloacas* viginti; à *Quiloacis* ad Hispanorū coloniam quindecim; ab his ad *Maqueretas* viginti; ab his ad *Mepenes* triginta; intermedio autem spacio plurima sunt vada & regio omnis ad sinistram stagnis & paludibus squallet, nihilo secius tamen à multis barbaris incolitur, qui Hispanis sunt infesti: ab illis ad ostium *Paraguay* triginta, & solum editius est minusque stagnis & paludibus impeditum.

Circa ostium autem *Paraguay*, magnum flumen *Parana* ab altero hoc veluti divortium facit, & fere recta ad arctum tendens, circiter septuaginta supra centum leuc. ascendit ad oppidum *Piquiri*, sed difficulter hoc flumen navigatur ob crebra vada & vortices, & non sine metu accolarum, qui pessimi quidem sunt singuli, sed inter se discordes.

Flumen autem *Paraguay* sursum tendens versus eorum circiter sexaginta leucas, supra divortium hoc, habet oppidum *Assuncionis*: à quo ad lacum *Xarayum* circiter ducentas leucas numerant; ripæ utrimque à barbaris habitantur qui pene omnes jam Hispanis propitii sunt facti.

Laurentius Bickerus Belga, qui superioribus annis Flumen hoc adiit annotat, è regione Promontorii *S. Maria* sitam esse insulam *de Lobos* quinque & triginta gradibus ab Æquatore versus Austrum: insulam *Maldonati* ab hac abesse milliaria tria: Insulam autem

autem *Florum* ab jam dicto promontorio milliaria viginti. Tria autem & quinquaginta milliaria intra flumen vadum extare, milliarc longum, sed angustum, à ripa Septentrionali sesquimilliarè disjunctum.

Nostates qui anno c15 l5 cxxviii hic fuere, observant Insulam *de Lobos* distare à Promontorio *S. Mariae* circiter quatuor milliaria: ab hac ad Insulam *Maldonati* esse totidem milliaria: exigua est insula & angusto Freto à Continente dissita, arborifera & præpingues capras alens. Ab hac insula sive à Promontorio *S. Mariae* ad insulam *Florum* numerant septemdecim milliaria, & porro ad Promontorium de *Monte Seredo*, quinque, ita ut ab uno promontorio ad alterum numerent septemdecim milliaria; inter insulam autem *Florum* & *Montem de Seredo* egreditur fluvius de *Solis*. Denique judicant urbem *Buenos Ayres* tantum duas & quadraginta leucas distare à Promontorio *S. Mariae*. 10

CAP. V.

Barbari qui flumen Argenteum accolunt, eorum ingenia & mores.

FLUMINIS hujus ripas utrimque, inde ab ipso æstuario, accolunt variae nationes barbarorum & quidam primo ad Australem illius ripam, ad quam oppidum *Buenos Ayres* situm est, commemorantur ab Hispanis, *Quirandies*, vaga natio quæ Scytarum in modum sæpe sedes suas mutat, & in tuguriis vicatim degit, ferocissima & humanis carnibus vesci solita, agilis & pugnax, quæ Hispanis superiori seculo multa damna atque excidia intulit. 20

Flumen ascendentibus obvii sunt *Timbues* & *Carcare*s, qui lacum accolunt & piscibus ut plurimum victitant: hi superiori seculo quum primum Hispani duce *Petro de Mendoza* has regiones lustrarent, advenas humaniter receperunt, ita ut *Mendoza* in ipsorum provincia municipium conderet *Bone Spei* nomine. 30

Paraguayum flumen accolunt *Amequæ*s qui piscibus victitant: diversâ parte *Carioes* (qui alibi *Caribes* appellantur) hi & agros colunt & armenta atque pecudes alunt. Hos, sed satis longo intervallo, excipiunt *Payaguaes*. 30

Et porro in interioribus provinciis, *Chanes* & *Chimenei* atque *Carcaraes*, apud quos fama est plurimum auri atque argenti reperiri. Hi *Petro de Mendoza* has provincias lustrante, Legatum illius *Joannem de Ayolas*, ex Chanum provincia cum copiis suis redeuntem, pene ad internecionem ceciderunt. 40

Anno à Christo nato c15 l5 xli ad has provincias cum imperio missus fuit *Alvarus Nonnius Cabeça de Vaca*, qui quum adversa tempestate rejectus æstuarium fluminis ingredi non potuisset, ad continentem inter promontorium *S. Mariae* & *Brasiliam*, copias suas exposuit, & à flumine *Itabucu*, viginti circiter leucis ab Insula *S. Catharine* iter suum exorsus, per altissimos montes & densissima nemora, viam securibus passim aperiens, novemdecim diebus, tandem in apertam, campe- 40
strem & bene cultam provinciam pénétravit; quam idcirco *del Campo* appellavit: hanc *Armiri* populi incolebant; & unius diei ab his itinere *Cipoayi*, & post hos *Tocanguazuni*: hi populi etiam communi nomine se *Guaranyes* ferebant: Mayzii sementem bis quotannis facere sueti: abundant cassave, gallinis, anseribus, pſittacis, quos cūrant & nutriti domi: cæterum vindictæ avidissimi, ut fere omnes sunt barbari, & humanarum carniū appetentes. *Alvarus* huic provinciae *Vere* nomen imposuit.

Ab hoc profectus ad fluvium *Tguazu* pervenit, & postero die *Tibagum* fluvium cum summo discrimine superavit. Hinc ad *Taquarim* annem processit ad cujus ripam situs erat pagus *Abangobius*; huic haud longo intervallo proximus est pagus *Tocanguir*: ubi altitudinem dimensus, observavit hunc locum quatuor & viginti gradibus ab Æquatore distare versus Austrum. Hactenus omnis regio campestris, amœna, fertilis, pluribus annibus rigua & nemorosa fuerat.

Hanc excipit solitudo, partim montibus aspera, partim tristi uligine squallida, & atundinctis atque opacis silvis pene invia.

Ex hac solitudine cum summa difficultate eluctati, rursus in planiciem descendunt,

Yguazu
fluv.

runt, quam iidem *Guaranies* incolunt tandemque ad rapidum flumen *Piquirin* processerunt, quinque & viginti gradibus ab *Æquatore* versus Austrum. Omnis *Guaranium* regio amœna est & fecunda, atque adeo nisi indicia fallant, haud expers metallorum, verum incolæ sunt ferocissimi & anthropophagi.

Post octidui iter rursus in flumen *Iguazu* inciderunt, quod variis flexibus in occidentem tendens, tandem in *Paranam* se condit. Atque ita porro progressi ad *Paranam* pervenerunt, ad altitudinem quatuor & viginti graduum; quo superato novem dierum iter restare scribunt ad oppidum *Assumcionis*. *Paraguayum*; præterea accolunt *Agazes*, vasto corpore & robusto, qui sementem facere insueti, vicinorum
 10 suorum agros populantur, & maxime in flumine lintribus suis piraticam exercent. Sed hosce Hispani penitus exciderunt, ut *Martinus del Barco* in sua Argentina canit. His vicini sunt *Guayacurves* ejusdem molis, ferociæ & agilitatis.

Her. d. 7.
c. 4. l. 14.

Idem flumen ascendentibus occurrunt *Cacoves* qui & agros colunt & plurimas gallinas alunt; provincia ipsorum metallis fæta esse creditur. Supra hos degunt *Guaxarapi* ad ripam fluminis, quod è finibus *Brasilæ*, ut opinantur, profluens tandem novemdecim circiter gradibus ab *Æquatore* versus Austrum in *Paraguayum* influir. Regio autem quæ ab hisce incolitur humilior est & inundationibus obnoxia, itaque barbari hi, quum flumen ripis suis continetur, ad
 20 easdem accedunt & piscibus capiendis dant operam, qui ipsis fere pro annona sunt: flumine autem ripas suas excedente, & vicinas terras longe lateque inundante (quod fere quotannis solet accidere mense Januario, quum jam Sol à Tropico Capricorni ad *Æquatorem* redire incipit) in interiores regiones sese subducunt.

Her. d. 7.
l. 7. c. 14.

Exinde ad Lacum pervenitur è quo *Paraguayum* flumen egreditur, uti & alter amnis qui *Iguazu* appellatur, hujus ripas accolunt *Xacoas*, *Xaqueffes* & *Chaneffes*: à quorum finibus per uliginosa loca in *Xarayum* provinciam transitur. Urbaniore
 30 gens & agriculturæ dedita, atque etiam nendi haud imperita: agriculturæ partes maiores & fæminæ ita inter se dividunt, ut hi sementem curent, illæ autem messem.

Her. d. 7.
l. 6. c. 17.

Hinc per vastam & opacam solitudinem iter est ad provinciam *Tapaguazum*, ubi *Tapapeccies* habitant, omnibus rebus ad vitam necessariis abundantes; Extre-
 40 mi ad hanc plagam degunt *Payzunoes* gens barbara, neque hæcenus satis cognita.

Ad diversam ab oppido *Assumcionis* plagam degunt *Maye*, juxta viam quæ ad Peruviam ducit; transitur autem ad eorundem terras, per locum qui ab Hispanis *Puerto de S. Fernando* appellatur.

Her. d. 8.
l. 2. c. 17.

Hos sequuntur in eodem itinere, sed satis longo intervallo; & superatis aliquot provinciis, quas metallis abundare obscura fama est, *Tamacox*: quibus adjacet provincia *Charcarum*, Peruvix pars, de qua supra à nobis dictum. Ambigo, utrum *Tamacox* hi, iidem sint cum *Taguamacis*, quorum *Nusse de Chaves* meminit, qui primus Hispanorum ex provincia *de la Plata*, in Peruviam penetravit: hos autem supra provinciam incolere diximus quæ hodie *S. Cruz de la Sierra* appellatur.

L. 10. c. 36.

C A P. VI.

Descriptio oppidi Nostræ Sennoræ de Buenos Ayres.

PRIMUM oppidum hujus provinciæ ab Hispanis appellatur *Nostra Sennora de Buenos Ayres*, à nonnullis quoque *Cuidad de la Trinidad*, à *Petro de Mendoza* conditum primò, anno à Christo Nato c. 1535 ad Australem Fluminis *de la Plata* ripam, è regione insularum *S. Gabriellæ*, in provincia barbarorum qui vulgo nominantur *Morocotes*, uti Hispani notant. Solum hujus provinciæ fere ubique in planiciem sternitur, collibus & tumulis quibusdam leniter intumescens, præterquam ad oram maris Atlantici, ubi vastis & continuis pene montium jugis concluditur. Id oppidum haud dudum tum stetit, oppidanis ob mutuas
 50

Her. d. 5.
l. 9. c. 30.

discordias, & alia incommoda alio dilapsis. *Cabeça de Vacca* anno cIo Io xlii novos Colonos huc traduxit, qui aliquandiu oppidum incoluerunt, rursusque deseruerunt: Mansit deinceps pluribus annis ita desertum: tandem anno cIo Io- lxxxii ab Hispanis jam tertio habitari & reedificari cepit, ea formâ, qua hodie visitur.

Situm est oppidum, ut supra, ad sinistram sive Australem magni fluminis ripam triginta quatuor gradibus (ut à nostratibus observatum inveni) & quinque supra quadraginta scrupulis ab Æquatore versus Austrum: sexaginta aut, ut alii scribunt, sexaginta & quatuor milliariibus, ab amplissimo fluminis æstuario, sive à promontorio *S. Mariae* versus occidentem, & mediterranea hujus continentis, ad ripam fluviali 10 qui in magnum flumen se condit, in clivo leniter edito super reliquum solum; ædificiorum parietes fere sunt lutei, quales Hispani vocant *Tapias*: Arcem adjunctam habet haud magni momenti, luteo itidem vallo cinctam, vix quinque pedes crasso, & paucis tormentis bellicis instructam. Ipsum oppidum neq; spatiose est neque frequens, quippe incolas non multum supra ducentos numerans (uti à Belgæ qui aliquot annis ibi familiam superioribus annis aluit, accepi) qui agriculturæ & pecuariæ potissimum dant operam, & pene singulis annis, permisso Regis Hispaniarum, ad Brasiliam navigant, atque panem biscoctum, farinam, & carnes muria conditas, aut ad solem induratas & similes merces evchunt, in quarum locum merces Europææ reducunt, quo fit, ut Hispani qui Potosiæ & vicinis locis degunt, non raro ad hoc oppidum descen- 20 dant, & merces illas argento redimant; opulento quidem commercio, sed à Rege Hispaniarum verito, qui nequaquam è re sua esse existimat, argentum hac via è Peruvia deduci, & vestigalibus suis atque quintis haud dubio hoc modo fraudem fieri judicat. Quapropter licet Hispani, qui hoc oppidum & provinciam *de la Plata* incolunt, Regi sæpe approbare conati fuerint, argentum Potosianum, securius multo, & longe majori compendio per hanc viam in Europam posse traduci, quam per Peruviam, mare Australe & Isthmum Panamensem, tamen hætenus id illi minime persuaserunt. cujus consilii regii nullam aliam rationem divinari possum, quam quod à castellanis argenteum hoc commercium cum Portugallis qui Brasiliam inhabitant communicari, neutiquam consultum judicat. Nam si rem ipsam recta reputes via, nihil oppor- 30 tunius videtur; quum ab hoc oppido ad argenti fodinas Potosianas tantum quadringentarum leucarum iter sit, uti accepi (alii quoque longe minorem leucarum numerum produnt, quidam & majorem;) maxima sui parte planum & minime impeditum. Ab oppido enim hoc ad urbem *Cordubam*, quam supra descripsimus, viginti supra centum numerantur leuæ; iter illud agitur per desertum quidem & loca ab hominibus inculta, verum læta planicie amœna, & graminis adeo feracis, ut innumera armenta & inmensos jumentorum greges alant, quæ passim in campestribus hisce locis & raris nemoribus, sine certis dominis vagantur: jumentis autem & carris toto hoc itinere uti licet, sine ullo barbarorum incolarum metu, qui & admodum infrequentes hic sunt, & fere innoxii, atque incertis sedibus vagi: trans- 40 eundi autem sunt aliquot amnes, *Lucan*, *los Arrecheivos*, *Arreca*, *Carçarama*, qui omnes in magnum Fluminis *de la Plata* alveum desinunt; Horum præcipuus (nam cæteri haud magni sunt momenti) *Carçaranna*, pene medio ab utroque oppido intervallo, labitur, leni alveo, & qui æstivis mensibus vado transiri potest, hibernis mensibus nonnihil intumescit, uti fere reliqui Americæ Australis amnes.

Porro ager suboppidanus quidem amœnus est & fecundus, ita ut omnis generis fruges abunde producat, triticum, Mayzium, melones, pepones & similes fructus; atque adeo quæcunque ad vitam humanam necessaria sunt, oppidanis large subministret: sed provincialis ager effertior est, raris arboribus, sed multo gramine & prolixo: paucis collibus, nullis aut raris admodum montibus & rupibus, vasta planicie: 50 multi hic cervi agunt, sed mole Europæis neutiquam pares: strutiones innumeri, per- dices, anseres atque anates.

Barbari qui hanc provinciam & viciniam incolunt, fere nudi agunt aut lutratum (quæ maxima copia hic reperiuntur) exuviis leviter tecti; proce- ro atque robusto corpore, neque deformi; moribus & institutis à reliquis barbaris

barbaris nihil diverſi; piſcibus pene vitam tolerant, aut ſerina, quate canes venaticos impenſe amant & ſupra omnia maximi faciunt: tuguria illorum ex arundinibus compoſita ſunt, & ſtoreis quibuſdam adverſus pluviam & aëris injurias teſta.

CAP. VII.

Metropolis hujus provincie, cum agro ipſius deſcripta; itemque alterum oppidum Ciudad Real.

10

METROPOLIS & longe princeps hujus Provincie urbs, quæ *Noſtra Sennora del Aſſumcion* ab Hiſpanis vulgo appellatur (& à quibuſdam, ſed ut opinor, perperam *Aſſenſion*) ſita eſt ad altitudinem quinque & viginti graduum ab Æquatore verſus Austrum, uti communiter ab Hiſpanis traditur: æquali pene intervallo inter *Peruviam* & *Braſiliam* provincias; à quarum utraq; abeſt circiter ducentas & quinquaginta aut paulo plures leucas; ab oppido *Guaira* quod aliis *Ciudad Real* dicitur, octuaginta leucas verſus occidentem; à *Sancta Cruce de la Sierra* circiter ducentas; ab ingenti Fluminis *de la Plata* æſtuario, ſive promontorio *S. Maria*, ſurſum, ſupra trecentas, ut vulgo numerant, nam authores variant.

20

Conditæ eſt ad Orientalem ripam fluminis *Paraguay*, quatuor pene leucis ſupra confluentem *Pilcamayji* fluminis, quod in *Peruvia* è Charcarum montibus oriens, duodecim leucis ab oppido *de la Plata* ſive *Suchiſaca* labitur, & ibidem *Rio grande* appellatur & infra oppidum Aſſumcionis (*Guapaygb* nomine aſſamto) in *Paraguayum* effunditur. Porro urbs hæc opportunitate ſitus poſitiſſimum & oppidanorum frequentia commendatur, quippe quæ quadringentas familias Hiſpanorum complecti dicatur, præter aliquot millia ibidem natorum ex Hiſpanis & barbaris, quos vulgo *Mestiſos*, & mixtum è Nigritis & Hiſpanis genus, quos *Mulatos* appellant.

30

Intra ampliſſimos hujus urbis fines habitat inmenſa barbarorum indigenarum multitudo; quæ quotidie magnum incrementum capiunt: *Martinus del Barco* in ſua *Argentina* narrat, feminas & pueros longe numero ſuperare, maribus fere continuis bellis inter ſe & cum aliis barbaris multum imminutis.

Ager ſuburbanus mirum in modum amœnus eſt; Solum ſecundum & omnis generis frugum ſeraciſſimum, fruſtusque tam domeſticos quam Hiſpanienſes copioſiſſime producentis; adhæc & armentis atque pecudibus pascua abunde ſufficiens; unde hic omnis generis annona admodum copioſa & vilis eſt.

Cœlûm ſalubre & inſigniter temperatum, unde arbores hic perenni pene viriditate nitent.

40

Barbarorum qui in vicinia degunt præcipui ſunt *Guataraës*, *Mogalaës*, atque *Gonna-nenagaës*, Hiſpanis additiſſimi, & dicto obaudientes, licet non ſint ipliſ, ut fere alii, in ſervitutem per tribus attributi. *Herrera* & *Taperues* commemorat gentem *la-trociniis* infamem, quæ neque agros colit, neque pecuariam exercet, quam *Cabeça de Vacca* primis annis ad quietem pellexerit. Ibidem & *Imperues*, *Xaperbes* & *Mayayes* nominat, ſed ſedes illorum non deſcribit. Alibi & *Triguanum* meminit, gentis bellicoſe, quorum provincia haud longe abeſt à Metropoli hac. Paulo remotiores agunt *Cheriguânes*, qui Hiſpanis olim multum negotii faceſſebant; nunc autem (ut quidam ſcribit) ab ipſorum obſequio minime recedunt; & priſtina ſerocitate poſita, urbanius vivere & humanis carnibus abſtinere didicerunt.

50

Haud longe ab oppido, Mons *Lambare* tota hac regione celeberrimus, vaſte ſe ſupra reliqua montium ſaſtigia attollit; & adverſo flumine aſcendentibus occurrat nobiliſſimus Lacus, quem barbari *Trapiam* nominant, è cujus centro rupes ingens & ſupra centum orgyas ardua aſſurgit.

Oppidum *Ciudad Real* vel etiam *Ontiveros* Hiſpanis, barbaris *Guayra*, diſtat à Metropoli verſus Braſiliam ad aquilonem, leucas octuaginta; ad ripam *Paranae* fluminis conditum; in agrò quidem, ut fertur; ſecundo, & eorum omnium quæ vita humana deſiderat ſeraci; ſed cœlo minus ſalubri; & ſtatione ob ſerociâ & irrique-ta vicinorum barbarorum ingenia, minus commodâ.

Haud

Haud longe ab urbe, *Parana* magnomurmure de *Cataracte* supra ducentos, ut ajunt, cubitos alto valide se præcipitat & tot vortices agit, inter rupes & alvei sui angustias, ut non modo navigia sed & lintres uniligneos procul arceat, neque sine extremo periculo queat superari.

Quadraginta circiter leucas supra *Guayram*, ad ejusdem *Parana* ripas, alterum oppidum ab Hispanis habitari, canit *Martinus del Barco*, neque tamen illius nomen prodit, quod neque alibi me legisse memini.

C A P. VIII.

Oppida S. Fidei, S. Salvatoris & reliqua hujus provinciae.

10.

Oppidum *S. Fidei*, Hispanis *Santa Fe*, distat à Metropoli *Assumcion*e, secundo flumine, leucas centum & quinquaginta, ut *Lupus Vazius* scriptum reliquit, & ab oppido *Nostra Sennora de Buenos Ayres* (uti à Belga fide digno accepi) quinquaginta; (licet Hispani intervallum longe majus & circiter centum viginti leucarum inter utraque hæc oppida numerent;) denique ab urbe *Corduba* provinciae *Tucumana*, quinquaginta, vel ut alii tradunt, sed perperam uti opinor, septuaginta. Oppidum tenuis est, & frequentia incolarum & condicione *Buenos Ayres* fere æquale; in planicie, quæ ad *Tucumanam* usque pertingit, situm; ad ripam fluminis. Ager illius fertilis, cælum haud insalubre. Barbari qui intra limites illius degunt, *Chalcini*, dicuntur, & *Mepenes* atque *Chiloacæ*. Oppidani agriculturæ & pecuariæ dant operam; & pannos quosdam rudiores texunt, quos opulento commercio in *Brasilia*, *Saccharo*, *Oryza* atq; aliis mercibus permutant; præsertim in oppido fluminis *de Tenero*.

20

Ab hoc quoque oppido iter agitur ad argentifodinas *Potosianas* & porto in *Peruviam*. iter securum est & peropportunum, per provinciam *Tucumanam* & urbem *Cordubam*, quæ opportunitissimo loco sita est & veluti in trivio; ita ut ab illa & in *Chilensem* præfecturam, & *Peruviam* pertendere & denique versus Metropolin hujus provinciae *Assumcionem* desistere liceat. Non absre fuerit itineris hujus rationes paulo plenius hic explicare: ab urbe *Corduba* *Peruviam* petentibus, iter agendum est ad oppidum *S. Jacobi* (quod vocant *del Estero*) inter sunt octuaginta aut paulo plures leucæ: ab oppido *S. Jacobi* æstivis quidem mensibus, per oppidum *S. Michaelis*, intervallum est viginti quinque leucarum; hibernis vero, per oppidum *Nostra Sennora de Talavera* intervallum est quinquaginta leucarum; (quia prius iter per *S. Michaelis*, eo tempore ob fluminum inundationes alto cæno, & crebra uligine impeditum est;) contenditur ad locum, qui ab Hispanis vocatur *las Inyas*, quia itinera illa hic rursus coeunt; is distat ab utroque oppido, æquali pene intervallo, viginti quinque leucarum: à *Intus* rursus, pro anni tempore, iter agitur aut per *Saltam* aut per *S. Salvatorem* quæ urbs barbaris dicitur *Inyn*, estque *Tucumana* provinciae postrema, distans à *Intus* quidem triginta, à *Potosia* vero circiter centum: denique ab hac quidem per valles barbarorum qui *Amoguaici* dicuntur, inter montium juga enituntur; ab illâ vero per confragosos colles, qui Hispanis dicuntur *la Quebrada*: verum utrumque hoc iter denique in unum coit, circiter triginta à *Potosia* leucis. Atque ita si ratio ab Hispanis probe inita fuerit, ab oppido *S. Fidei* ad *Argentifodinas Potosianas* colligitur intervallum trecentarum & quadraginta aut quinquaginta leucarum.

30

40

Reliqua oppida sunt; *Vrbs S. Salvatoris* (alia ab illa de qua paulo ante) ad ripam magni fluminis situ peropportuno.

Et oppidum *S. Anna*, ad ripam *Paranæ*, in provincia barbarorum, quos vocant *Guaranjes*; ager illius planus & campestris, unde non raro à flumine quum hibernis pluviis intumescens alveum suum egreditur, inundatur. Vtriusque hujus oppidi obiter tantum meminit *Martinus del Barco* in sua *Argentina*.

50

Supra *Assumcionis* oppidum jacet *Puerto de Guaybianno*, ubi natio *Guarani* definit; cui succedit *Itabitan*, & porto *Puerto de la Candelaria*; ut Hispani nuncupant, ad ripam ejusdem fluvii, uno & viginti gradibus ab *Æquatore* versus Austrum, uti *Herrera* prodit, ubi quondam *Ioannes de Ayolâ* cum octuaginta militibus à barbaris ex insidiis oppressus & deletus traditur: accolunt barbari *Paraguaes*. Hinc flumen ascendentibus obvii sunt *Guaxarapi*, in quorum provincia supra

supra diximus fluvium qui è Brasilia descendit in *Paraguayum* influere: ultra tendentibus, flumen dividitur in tria brachia, quorum unum est grandis lacus quem vocant *Rio Negro*, is ascendit versus Arctum, reliqua duo paulo inferius coeunt. Supra confluentem rursus alius amnis occurrit, ab occidente descendens, & nomen *Paraguay* jam exolevit, propter plures amnes & lacus, qui tot ora aperiunt, ut navigantes fallant: inter eos celebratur amnis *Tiquatu*, id est, bona aqua, quem *Cabeça de Vaca* ascendit. Atque ita tandem venit ad *Puerto de los Reyes*; ager hic fertilis & annona copiosa; indigenæ statura corporis modica, nudi agunt & idola lignea colunt. Ab hoc non magno intervallo distat provincia magni nominis, cujus incolæ vocantur *Xarayes*, de quibus supra egimus.

cap. v.
Her. d. 7.
l. 6. c. 15.

d. 7. l. 6.
c. 16.

cap. 5.

Verum antequam cætera hujus Præfecturæ explicemus: opportunum fuerit de *Tucumana* dicere, quam consulo omisimus quum de *Charcense* provincia, cui vicina est, ageremus.

TUCUMANA.

CAP. IX.

Tucumanæ Provincia descriptio, ejusque Principalis oppidi.

S. Jago del Estero.

20

T*ucumana* provincia, tota est mediterranea, distatque quam longissime ab utroque mari; sed fines jungit ab una quidem parte & versus Occidentem cum Chilensi Præfectura, ita ut per illam aditum habeat ad Oceanum Meridionalem; ab altera parte sive ad ortum Solis cum provinciis Fluminis *de la Plata*, per quas ipsi via aperitur ad Oceanum Atlanticum sive Septentrionalem. Cæterum ad ortum quidem solis, terminatur primum flumine *Vermeio*, ut vocant, quod in valle *Tuviv* oriens, ubi ab indigenis barbaris vocatur *Xibixibe*; ita decurrit, ut tandem in magnum Fluminis *de la Plata* alveum se condat: deinde & *Esteco* flumine quod jam vulgo *Cianca* nomine notius est, (quia *Joannes de Ciancas* ad ripas illius à barbaris fuit caesus;) & interdum appellatur *Rio Grande*; id ex Andibus delapsum, dudum discurrit secundum illius radices, donec tandem versus ortum dilabatur, & in idem Flumen *de la Plata* se insinuat: fines illius versus Arctum haud diserte explicatos invenio, versus Austrum quoque non minus sunt incerti.

R. Vermio.

Soli ratio ita se habet: versus præfecturam quidem Chilensem plurimum culti habet soli; versus Magallanicum plurimas provincias incultas, nec satis hætenus lustratas, quarum tamen magnam noticiam videntur habere oppidani *S. Jacobi del Trapalán*. *Estero*: vocant autem vulgo illam Regionem *Trapalandam*, sed Chilensis præfecturæ incolæ vocant eandem Provinciam *de la Sal*.

Provincia *Tucumana* cælo gaudet admodum temperato, & solo mediocriter fecundo: Sed hætenus (ut *Herrera* testatur) nulla hic auri aut argenti metalla fuerunt inventa.

Æstas hic sumit initium suum vigesimo tertio Septembris & desinit in vigesimum Martii.

Incolitur à tribus potissimum nationibus barbarorum, *Tucumanis*, *Turris* & *Diguiris*; inter quos præcipui censentur *Tucumani*, unde ab ipsis potissimum toti provincie nomen indiderunt Hispani. Initium autem sumunt à finibus provincie *Chicaram*, quæ natio ad districtum Potosianæ civitatis pertinet; pagi illorum sunt varii, inter quos nominatissimi, *Morata*, *Chocinoca*, *Sococha* & *Casabindo*; hosce pagos transgressis (loquor de iis qui è Peruvia perunt hanc provinciam) occurrit solitudo, quæ quindecim aut viginti occupat leucas, frigidissima regio ob editissimos montes, atque adeo ipsa Andium vasta & continua juga quibus occupatur. Superatis autem hisce montibus è vestigio descenditur in calidiorem & temperatiorem regionem, per quam via ducit ad Provinciam *Tucumanam*, paululum remota à pagis barbarorum, ad majorem securitatem eorum qui hac iter agunt. Sed de hac via mox plura dicemus.

In

S. Iago.

In hac provincia habitantur hodie ab Hispanis frequentia oppida, *S. Iago del Estero*, *S. Michael*, *Talavera*, *Corduba*, *Salta*, & aliquot municipia de quibus ordine dicemus.

Principalis hujus Provinciae civitas primo dicebatur *Parco*, vulgo nominatur *S. Iago del Estero*. Sita est (secundum *Herreram*) octo & viginti gradibus ab Aequatore versus Austrum, centum & octuaginta leucis ab argentifodinis Potosianis versus Meridiem, paulum declinando versus Ortum: à *Buenos Ayres* autem oppido ad Fluminis *de la Plata* ripam sito, secundum plerosque centum & octuaginta leucas. Sed de hac distantia paulo post plenius agemus. Gubernator hujus provinciae, ut plurimum degit in hac civitate, quemadmodum & reliqui Regis Hispaniarum ministri, & Episcopus, quum in hac urbe sit Cathedralis Ecclesia hujus provinciae. 10

Temperies aëris in hac civitate est calida; salubris tamen: Agri solum arenosum & salsum, saxorumque inops, qua re fit ut hic non satis commode ædes strui possint; pluribus rivulis rigantur agri, ad quos plurimi horti, viridaria & vineta jacent. Lanificium hic exerceri cœpit, ob lanæ abundantiam, è qua omnis generis pannos nigros variosque hic texunt.

Indigenæ jam vestibus amiciuntur, bene morata & culta gens. Accipiunt duo maxima & potentissima flumina, quorum unum hanc urbem præterlabitur, & vulgo appellatur *Estero*, quia aquis illius intumescantibus, ripas suas egreditur, seseque in plurimos rivos & canales dividens, campestre omnem atque humilem regionem longe lateque inundat & cæno limoque opplet; ipso autem in alveum suum relapso, ingentia arva, tritico, Mayzio, hordeo, aliisque frugibus conferuntur: Unde omnis hic ager mirificè abundat omnis generis annona. Alterum flumen vulgo appellatur *El Salado*, quia aqua illius subsalsa deprehenditur: Utraque autem flumina ab occasu labuntur in Ortum, per regionem planam & campestre, decem aut duodecim leucarum à se invicem intervallo: utraque majoribus & minoribus piscibus fœta sunt, qui insignem indigenis atque incolis adferunt utilitatem: media regio inter utrumque, mellis & ceræ præbet copiam: nec non gossypii & Carrobarum; qui fructus optime nutriunt, & omnibus anni mensibus maturantur & durant: nec coccinillæ & glasti indiga est regio, quibus lanas suas tingere norunt incolæ. Magna insuper hic est armentorum & pecudum copia: nec non cervorum, aliarumque ferarum: avium omnimodorum præsertim perdicum, palumbiumque ingens numerus. Denique optimæ hic reperiuntur salinæ. Oppidani exercent mercimonia sua lancis & gossypinis pannis, adeo ut metces hæc nummorum loco usurpentur, & ulna eorundem ut plurimum æstimatur *dimidio Pezo* sive quatuor regalibus. Maxima denique illorum pannorum copia ducitur ad oppidum Potosiam & præfecturam Charcensem. 20

C. A. P. X.

De oppidis, S. Michaelis, Talavera, & Corduba. 40

S. Miguel.

SECUNDUM Hispanorum oppidum in hac præfectura vulgo appellatur *S. Miguel de Tucuman*: Situm est sex aut septem supra viginti gradibus, (nam variant scriptores) ab Aequatore versus Austrum: viginti & octo leucis ab oppido *S. Jacobi del Estero*, juxta viam quæ ad Charcatum provincias ducit, ad radices vastorum & asperriorum montium, loco opportuno & riguo: nam ab uno latere labitur amnis è montanis descendens (quæ juga vulgo *Quebrada de Chakhaqui* nominantur,) qui una cum aliis amnibus & rivulis, qui ad eundem modum, quinque aut sex leucis ab oppido, de montibus se præcipitant, tandem ad flumen devolvitur, quod oppidum *S. Jacobi del Estero* præterfluit. Ager hujus oppidi Mayzii, atque adeo tritici, hordeique est feracissimus, nec vitium impatiens; pascuis vero supra modum abundans, unde hic armentorum pecudumque maxima est copia: Plurimum gossypii linique hic colligitur, è quibus oppidani præstantes pannos texunt. Aëre fruitur longe optimo & salubri, quo cæteris hujus Præfecturæ oppidis longe præcellit. Lignandi summa est opportunitas. Nec metallorum effœta creditur tellus, si indicia non mentiantur. 50

Talavera.

Tertium Hispanorum oppidum vulgo appellatur *Nuestra Señora de Talavera & batba*.

barbarorum lingua non raro *Esteco*, nec autem ad ripam fluminis, quod supra diximus appellari *El Salado*: quinque & quadraginta leucis ab oppido *S. Iacobi del Estero* versus septentriones: centum & quadraginta ab Argentifodinis Potofianis.

Ager illius rigatur à plurimis torrentibus: estque gossypii copia dives, è quo oppidani varios pannos texunt. Abundat præterea melle & cera, diversisque tinctoriis, quibus industriè lanas suas & pannos inficiunt. Piscatio atque venatio hic imprimis opportuna habetur. Nullæ metallorum venæ hæcenus hic fuerunt reperiæ: distat ab Æquatore sex & viginti gradibus, ut proditur ab *Herrera*.

Quantum oppidum Hispanorum in hac provincia vulgo dicitur *Corduba*, duobus Corduba.
 10 & triginta gradibus atque triginta scrupulis distans ab Æquatore versus Polum Antarcticum. Aëris temperies hic lata est & egregiè temperata, æquabili æstatis hyemisque vicissitudine: ager pascuus & campestris, optimusque armentis & pecori, quod hic maximum cepit incrementum: radit illius latus amnis valde piscosus: Sesequi autem leuca ab oppido jacent montes & quamplurimæ amenæ & cultæ valles; in quibus argenti (ut quidam testantur) fodinæ visuntur. Solum non modo tritici, aliarumque frugum est fertile sed & vitium tolerans: denique & Salinæ hic celebrantur.

Conditum est hoc oppidum loco commerciis valde opportuno, nam ad ortum habet oppidum *S. Fidei*, quod ad præfecturam *Paraguayensem*, sive fluminis *de la Plata* pertinet; ad occasum urbem *S. Ioannis de la Fronsera*, de qua supra in præfectura Chilensi diximus; æquali pene quinquaginta leucarum intervallo distans ab utraque. Dein hæc iter agunt, quicumque è Peruvia descendunt ad Flumen *de la Plata* & oppidum *Buenos Ayres*, ut inde in Hispaniam aut ad Brasiliam per mare Atlanticum navigent: quia via haud longa est, tuta & ob annonæ copiam & itinerum compendium facilis, & minime sumtuosa. Incolitur (quemadmodum accepi à Belga qui illac superioribus annis transit) à trecentis circiter Hispanorum familiis qui potissimum agris colendis & gossypinis telis texendis dant operam, & mercas suas, ut plurimum vectant ad Argentifodinas Potofianas & reliquam Peruviam.

Præterea quum Marchio Cannete Peruviam Pro-Rege administraret, & filius illius Gaspar de Mendoza, hanc provinciam gubernaret, conditum hic erat oppidum, quod vocabant *Novum Londinum*; itemque alterum in provincia *Chalchaqui*, quod *Novam Corduram* dicebant, quæ paucis tantum annis subisterunt.

Iuria & *Diaguta* populi, qui hic incolunt, lanceis vestibus amiciuntur & nunquam armentorum tergoribus bene præparatis: Pastores sunt ovium è quarum lanis quæstum faciunt: pagi illorum quidem sunt frequentes, sed exigui fere; nam in illis ut plurimum tantum singulæ cognationes degunt; colligunt ruguria in orbem & muniunt illa vepretis, ob continua bella quæ crudeliter inter se gerunt. Gens est 20 laborum valde tolerans, neque ebriitati ita addicta, ut pene sunt reliqui omnes barbari indigenæ harum regionum.

C A P. XI.

De aliis aliquot oppidis hujus Præfecturæ & provinciarum in quibus jacent qualitatibus.

50 **P**ORRO *Herrera* libro quinto, capite nono, *Decadis* suæ octavæ scribit de hac præfectura in hunc modum. In præfectura *Tucumana* degunt pauciores Hispani quam necesse sit; nam si frequentiores hic incoherent, facili negotio plurimi barbari possent subjugari, qui nunc in armis sunt, & provincia hæc locupletissima evaderet: præsertim si barbari subjugati Hispanis ad certum tempus attribuerentur & servitutem servirent, tributaque, uti in aliis Americæ regionibus solent, penderent: nam plurimi tum haud dubio Hispani Peruvia & vicinis provinciis derelictis, hic sedes suas figerent, & duo insuper hic condissent oppida: Unum quidem in valle *Salta*, quæ amplitudine & fecunditate excel- Salta.

Apatama.

lit & cælo fruitur imprimis salubri & temperato, sita viginti quinque gradibus ab Æquatore versus Austrum: agris peramœnis & compascuis, nec minus idoneis ad sementem faciendam ob annium & rivulorum multitudinem & opportunitatem. Oppidum hic in medietate provinciae constitueretur, loco commercii exercendis opportunissimo: puta cum indigenis vallis *Chalchaqui*, *Inivy* & *Omaguacis*, itemque cum reliquis barbaris, qui longe lateque degunt usque ad tractum fluminis *Esfeco*: quique pagos *Casabindum*, *Socochem*, *Cochincam* & *Moratam* incolunt, denique cum iis populis, qui vulgo *Apatama* appellantur. Quid multa? oppidum hoc regionem omnem inter Peruviam & Tucumanam ita tutam & securam redderet, ut vel uni soli proclive esset inter provincias Peruviam, Tucumanam, & Flumen de la Plata, & ad mare usque Atlanticum, ultro citroque commercare.

Vallis hæc sita est circiter centum leucis ab Argentifodinis Potosianis, & sexaginta ab oppido *S. Bernardi* in valle *Tarixa* sito & denique quinquaginta ab oppido *Talavera*.

Notandum; *Herreram* nusquam alibi oppidi hujus *S. Bernardi* meminisse præterquam hoc loco, neque in descriptione compendiosa Indiarum illius mentionem facere; nos autem supra ostendimus ex relatione Belgæ cujusdam *Tarixam* oppidulum pertinere ad præfecturam Charcensem.

Pergit *Herrera*. Alterum oppidum condi posset eo loco, ubi quondam fuit *Novum Londinum* (quod ob incolarum infrequentiam statim desertum fuisse diximus) juxta viam quæ à Tucumana ducit ad Chilensem præfecturam. Id enim oppidum conditum fuerat in valle *Quimnibil*, in agro tritici & aliarum frugum sæcundissimo, itemque vitium & arborum fructiferarum patientissimo. Incolæ, pars gentis *Diaguitarum*, vestibus amiciuntur, & abundant pecoribus Americanis, nec non, ut ferunt, auri atque argenti metallis.

Didici à Belgaillo, (cujus ductum jam sæpius sequutus sum,) superioribus annis, oppidum fuisse conditum in valle *Salta*, quod ab Hispanis *Villa de Lerma* & plerumque vallis nomine barbaro *Salta* appellatur: itemque alterum in valle *Inivy* quod *S. Salvatoris* oppidum vocant.

Pergit *Herrera* loco prædicto: Trans juga montium, qui vallem *Taryam* seu *Tarixam*, atque *Omaguazam* concludunt, in campestribus locis, quæ à radicibus montium ad flumen *Paraguayum* sensim declinant; & ad ripam fluminis quod ab Hispanis *Rio Vermeo* dicitur, operæ quoque precium foret oppidum Hispanorum collocari; nam & campestri & montana regione frui posset; cælo temperato & fertili imprimis solo: adhuc habet regio illa frequentes indigenas & pecorum summam copiam: & sita est pari pene intervallo à postremis Peruviae finibus & Præfectura Fluminis de la Plata; ita ut oppidum hoc collocaretur sexaginta leucis ab oppido *S. Bernardi* in valle *Tarya* sito; totidemque ab oppido *Nuestra Señora de Talavera*, neque pluribus ab oppido *Assumptionis* ad ripam *Paraguay* sitæ; denique quinquaginta leucis à valle *Salta* & centum circiter ab Argentifodinis Potosianis. Indigenæque harum regionum ita undique ab oppidis & coloniis Hispanorum, veluti indagine cincti, citra controversiam facilius ad Christianam religionem amplectendam adducerentur, & pacifice inter se & cum Hispanis agerent: Denique secundo flumine *Bermeyo* descendendi posset in *Paraguayum*, atque inde in flumen de la Plata, & denique per hoc in Oceanum Atlanticum: compendiosaque juxta ac salubri, omniumque rerum abundantissimo itinere argentum & aliæ merces à Peruvia in Hispaniam traduci: Id oppidum minimo sumtu & non magno labore condi posset ab Hispanis qui *Paraguayum* & flumen de la Plata accolunt, quia frequentiores sunt, omnibusque rebus ad hanc rem necessariis, equis, armis, annonaeque instructiores, & quod rei caput est, ipsorum magis interest quam *Tucumanorum* viam hanc à Peruvia per ipsorum provincias ad Oceanum aperiri, quippe multo compendiosorem quam per *Tucumanam* aut provinciam *S. Crucis de la Sierra*.

Accepi autem ab eodem Belgæ: jam superioribus annis oppidum quoddam ædificatum fuisse ab Hispanis ad ripam fluminis *Bermeyo*; nihilo tamen fecius, octuaginta

ginta pene ab illo leucarum intervállo, iter per solitudinem institui ad oppidum *S. Jacobi*, ab iis qui Potosiam petunt: Utrum autem hoc oppidum eo situ sit positum, quem *Herrera* hic ante designavit, mihi non plane constat, neque ille satis poterat explicare.

C A P. XII.

Iter Belgæ cujusdam à Buenos Ayres ad Argentifodinas Potosianas, per provinciam hanc Tucumanam.

¹⁰ **V**T Provinciarum inter se connexio & oppidorum distantia & situs melius adhuc percipiantur, operæpretium me facturum existimavi si Belgæ cujusdam iter quod in manus meas incidit, hic adjungerem. Qui à *Buenos Ayres* (inquit) Peruviam aut Chilensem provinciam petunt, iis iter faciendum est per Tucumanam; & quidem primo per urbem *Cordubam*, quæ distat à *Buenos Ayres* circiter centum & viginti leucas, itinere plano fere & campestri, paucisque arboribus vestito, præterquam ad ripas amnium, qui in hoc intervallo transeundi sunt, quorum maximus appellatur *Carcaranna*, pari sexaginta pene leucarum intervallo, distans ab utroque oppido, pluribus & optimis piscibus egregie foetus.

²⁰ Licet tamen iis qui Chilensem provinciam petunt, recta tendere ad oppidum *Sant Joannis de la Frontera*, relicta ad dexteram urbe *Corduba*; verum ab itinere hanc via rarissime usurpatur, nam licet altera multo brevior sit, utpote haud supra centum & decem leucarum, tamen solitaria est & minus à ferocibus barbaris secuta, quam illa per urbem *Cordubam*: iter autem utrumque agitur equis, quorum hic copiam reperire est, & cartis quoque quibus boves junguntur, & merces atque impedimenta imponuntur.

A *Corduba*, extra viam quæ ad Peruviam ducit, circiter centum leucis versus *Argentum & Paraguayum*, jacet oppidum *Rioxa*, ubi plurimæ vineæ plantatæ videntur, & plurimum lini seritur.

³⁰ A *Corduba* (prosequar jam iter institutum) ducit via ad *Sant Iago del Eslero* metropolim hujus provinciae, intervallum est octuaginta leucarum; ager hujus urbis nemorosus est neque admodum fecundus, postquam fluvius vicinus ripas suas tam crebro quam solebat superare desit, & agros illius limo suo fecundare; itaque & urbs rariores incolas coepit habere, quum annonæ inopia hic non raro laboretur, & barbaris vix quicquam ad victum supersit præter *Algarobas*, quem fructum hic vocant *Taco*, & usurpant illum in cibis juxta atque in potu. Barbari autem indigenæ jam plurimum numero sunt imminuti, deficientque quotidie, quia tam crudeliter ab Hispanis tractantur, exercent enim illos quotidie magnis laboribus, quorum natura sunt intolerantes, in gossypio colligendo, pestendo, nendoque; & si vel parum negligentiores fuerint in penso suo diurno præstando, tam immaniter illos flagellant & cædunt virgis, ut non raro sub verberibus misere deficiant & emoriantur. Reperiuntur hic quoque melones & *Tuna*, de quibus alibi satis multa diximus.

Ab oppido *Sant Jacobi* iter institui potest duobus modis: uno ad oppidum *S. Michaelis*; intervallum est leucarum viginti quinque: hujus oppidi ager fecundus est, nemorosus juxta atque pascuus; unde hic magna armentorum & pecudum, etiam jumentorum reperitur copia: & vilis habetur annona. Altero ad oppidum *Talaveram* sive *Esseco*; intervallum est quinquaginta leucarum: ⁵⁰ superato autem fluvio qui *S. Jacobum* præterlabitur, quatuordecim leucarum iter agitur per provinciam aquarum valde indigam, donec veniatur ad flumen *Bermejo*, (quod ab undarum colore rubicundo nomen accepit, cæterum piscosum admodum;) hinc deinceps secundum ripas fluminis inceditur, usque ad alterum amnem, qui transeundus est, bidui fere itinere ab *Esseco*. In hujus agro nascitur gossypium summa abundantia: annona tantum modica habetur.

R. Ber-
mejo.

Ab utroque oppido tam *S. Michaële* quam *Talavera* profisciscuntur ad *Iuntas* sive alio nomine *Madrit*, qui locus distat ab illo quidem quinquaginta, ab hoc tantum viginti quinque leucis; nominaverunt autem hunc locum *Iuntas*, quia ambo itinera illa hic rursus coeunt.

A *Iuntis* solebant iter proficisci ad *Salta*m, nunc autem ut plurimum petunt *Susuvy*, vel *Xuxuy*; quorum hoc distat à *Iuntis* viginti quinque leucis, illud vero viginti octo vel paulo pluribus. Utrumque autem alluitur à singulis amnibus; qui utriusque è montibus Peruvix descendunt & petunt magnum flumen *de la Plata*. Distat autem utrumque oppidum intervallo duodecim leucarum.

Porro *Salta*, ut hoc oppidum quod jam rarius adiri volunt absolutam, habet in 10 vicinia, sed satis longo & circiter quadraginta leucarum intervallo, præstantissimas salinas, è quibus sal eruitur pellucidus instar glaciei; qui maximo oppidanis trium harum urbium *Iuntarum*, *Salta* & *Susuvy* usus est, ob armentorum copiam, quæ hic mactari & sale condita ad solem siccat solent, utili commercio cum Peruvianis, & imprimis Argentifodinis Potofianis.

Porro à *Susuvy* (vel *Iuivvy*) proficiscentibus, annona omnis equis mulisque vectanda est; nam transeundum est deinceps per solitudinem omnis annonæ indigam, donec ingrediantur provinciam barbarorum, qui appellantur *Omaguaca*; Hi imprimis sunt opulenti & culti; amiciuntur lancis vestibus, infinitus enim hic reperitur ovium illarum Peruvianarum numerus, quarum lanæ & carpere, & dextre 20 nere & texere jam olim noverunt. Provincia illorum magis temperata est quam calida, si non paulo frigidior: communis illorum cibus est Mayzium aut radices papæ.

Iter instituitur ad hunc modum. A *Xuxuy* (nam ita quoque scribitur) secus ripam fluvii ad diverforium, quod vocant *el Tambo de Don Francisco* sunt septem leucæ: In hisce Tambis, Regis Hispaniarum decreto, serviunt indigenæ per vices suas advenis, præbentque illis gratis stramen subvehuntque aquam & ligna: iidem & custodire tenentur jumenta & impedimenta, & siquid eorum perdat, re- pendere.

A *Tambo Francisco*, ad municipium quoddam barbarorum, ubi alterum est di- 30 verforium, leucæ numerantur octo; iter agitur secundum ripam fluvii & interdum per ipsum, nam quo altius ascenderis, eo minor & vadiosior accidit.

Ab hoc oppidulo discedentes, fluvius & provincia horum *Omaguacarum*, relinquenda, & editus quidam mons transcendendus, descendendumque in frigidam & incultam regionem, in qua acriter friger, præsertim mensibus Julio & Augusto: quare hic sementem nequeunt facere, & pauca hic reperiuntur animalia, præter Vicunnas & Guanacos, atque Vulpeculas: sub illo monte autem aditur diverforium; à quo ad locum, quem vocant *de Pennas* septem numerantur leucæ, hic itinerantibus sub dio cubandum est, inter rupes & saxa, unde loco nomen ab Hispanis inditum, nisi forte tentorium tecum portaveris. Hinc pervenitur ad *Paragon- 40 nes*, hic quoque nullæ sunt ædes, sed tantum veteres quædam macerix, intervallum itidem septem est leucarum.

A *Paragones* ad diverforium *de Crangejos*, (quod nomen accepit à Carmaris qui ibidem magno numero in torrente quodam reperiuntur) totidem leucæ designantur.

A *Crangejos*, ad diverforium, quod dicitur *La Cenega de Don Diego de Spiloca* totidem numerantur leucæ; est autem paludosa & cœnosa convallis (uti & nomen ipsius indicat) *Didaci* hujus, viri opulentissimi & satis industrii, (licet indigena sit) peculium in quo supra quadraginta millia armentorum ab ipso possideri ferunt.

A *Cenega* ad *Estanciam*, ut vocant, *del Tesorero* sunt sex leucæ: Id prædium est 50 rusticum, ubi multa itidem armenta aluntur.

Ab *Estancia* hac ad diverforium quod jacet ad ripam amnis *Talina* numerantur sex leucæ; itinere aspero & satis difficili, nam arduus mons descendendus est: fluvius autem hic inflatur pluviis mensibus, illisque transitur cum discrimine; nomen accepit à municipio Indigenarum ad ripas illius sito, quod vocatur *Talina*:
Ager

Ager hujus municipii Mayzii atque adeo tritici feracissimus prædicatur; sed aer hic calidior est.

Chicarum populorum provincia sumit hic initium, quæ pertingit ad ipsos fines civitatis Potosia: barbari hi sic satis sunt culti, & industrii imprimis metallici, unde maximus horum numerus in Argentifodinis, ut plurimum occupatur: provincia illorum argenti venis scatere dicitur, quarum quædam jam eruuntur: magnum quoque ovium Peruvianarum numerum dicuntur possidere.

A *Talina* ad *Cenagillam* leucæ itidem sex numerantur: hæc regio paulum frigidior est superiore, pascitque haud ita magnum numerum armentorum, atque pecorum: à cæno quoque nomen videtur invenisse apud Hispanos.

A *Cenagilla* ad *Tambillo de Anton genoves*, totidem designantur leucæ; est autem transeundum per oppidulum barbarorum, quod appellatur *S. Iago de Cotagaya*, præterlabitur autem amnis, qui vado transiri potest: regio hæc rursus calidiori est aëre & nemorosior.

A *Tambillo* hoc ad fluvium, vulgo *Rio de Toropalca*, designantur septem leucæ; fluvius hic itidem nomen accepit ab oppidulo quodam barbarorum, quod alluit, ipsis *Toropalca*. Hic itinerantibus sub dio ad ripam fluvii cubandum est: regio itidem est calida & plurimis arboribus amœne vestita.

A fluvio illo ad barbarorum municipium, quod nominant *Caysam*, numerantur *Caysa*. 20 alia septem leucæ; hic pernoctatur in *Tambo*, ubi plurimi sunt barbari qui advenis ministrant, & necessaria conquirunt.

A *Caysa* porro ad alteram *Cenagillam*, ut vocant Hispani, iter est leucarum novem; hic quoque itinerantibus sub dio cubandum est; regio præterea est frigidior & lighorum pene inops.

Porro à *Cenagilla* hac (quæ nomen à reinvenit, est enim regio paludosa) ad urbem Potosiam restant tantum leucæ quinque. Atque ita colliguntur ab oppido *Buenos Ayres* ad argentifodinas Potosianas, in universum leucæ trecentæ & quinque supra nonaginta secundum Belgæ hujus computum: atque hic desinit provincia *Chicarum*, quæ versus alias plagas adhuc late patet.

30

C A P. XIII.

Ratio ejusdem itineris secundum alios.

QUANQUAM Itineris hujus ab oppido *Buenos Ayres* ad argentifodinas Potosianas rationes satis accurate à Belgæ nostro subductas opinor, utpote qui iter hoc absolverit & studiose litteris consignaverit: tamen non putavi prætercundum, distantias oppidorum paulo aliter ab aliis designari, qui non minus se illud iter egisse profitentur. Ii designant inter oppida *Buenos Ayres* & *Corduba* intervallum centum & quinquaginta leucarum, quod triginta leucis superat nostratis computum. Testanturque iter esse planum, & facile; & singulis quinque, sex aut septem leucis ad summum reperiri rustica prædia, aut commoda diversa, omnique annonæ abundantiam; barbaros denique ubique, & minime malos, & ut plurimum inermes. Toraque hac regione passim plurimos equos equasque vagari; indomitos quidem illos, sed qui facile à barbaris capiuntur & venundentur octo aut duodecim regalibus, neque difficulter ab Hispanis domentur: In oppido *Corduba* denique reperiri plures & præstantes mulos; & currus qui à bobus trahuntur; eam habitari circiter à quingentis aut sexcentis Hispanis, paucis Nigritis, pluribusque indigenis illarum provinciarum.

A *Corduba* ad *S. Iago del Estero* itidem esse intervallum centum & quinquaginta leucarum quod sane septuaginta leucis intervallum à nostro proditum excedit, ita ut hos potius falli existimem, quam illum.

A *S. Iago* ad *Efeco* sive *Talaveram*, numerant illi quinquaginta leucas, in quo jam plene conveniunt cum nostro.

Ab *Eſſeco* ad *Xuxuy*, numerant alias quinquaginta leucas, in hoc quoque non male convenientes cum nostro, aut parum saltem differentes.

A *Xuxuy* ad urbem *Potosiam* designant centum leucas; in quo tantum à nostro differunt quinque leucis; quæ differentia non est magni momenti.

Hi autem in universum colligunt inter *Buenos Ayres* & *Potosiam* leucas omnino quingentas, qui calculum nostratis nimium excedunt; neque mihi sit verisimile tantum intervallum esse posse, aut nostratam rem insigniter in suis rationibus falli potuisse; ita ut illum sequi malim, quam hosce; idque eo magis quod orarum ad utrumque mare situs, nequaquam videatur hic tantam Continentis latitudinem ferre posse. Sed suum cuique sit iudicium donec controversia liquidius decidatur.

Atque ita descriptionem Mediterraneæ Provinciæ *Tucumane* absolvimus, quam consulo distuleramus ad hunc locum, ut Provinciæ huic, quam jam tractamus, lucem aliquam affunderet, atque una opera, cohærentiam provinciarum apertius designaret, & itinera, per quæ in Peruvianas provincias inde à mari Atlantico penetratur, explicatiora lectoribus redderet. Nunc ad Provinciam *de la Plata* quæ huius libri subiectum est revertemur.

C A P. XIV.

Ora maritima Præfecturæ Fluminis de la Plata, inde à Promontorio septentrionali magni illius Æstuarii ad Brasiliam usque.

20

ORA pene universa Præfecturæ hujus *de la Plata*, usque ad Brasiliam, tantum obiter adhuc cognita est, ita ut diversa plane à variis diversarum nationum scriptoribus de illa tradantur; quorum delectum habentes, longe optimum putavimus ea tantum referre quæ ab *Emanuele de Figueiredo* Lusitano in itinere nautico, atque à *Theodoro Reutero* nostrate traduntur, siquidem illi accuratiores in hac opera existimantur.

Figueredus itaque à Promontorio *S. Maria* ad portum *S. Petri* numerat leucas ³⁰ septuaginta, nec ullorum locorum meminit intermedio spatio: *Reuterus* vero designat ab eodem promontorio, ad alterum *Terra Cornu*, cui dux insulæ objacent, leucas decem: harum insularum una illi vocatur *Ilha des Castilhos*, à forma arcis quam eminus exhibet: distat ab Æquatore versus Meridiem quatuor & triginta gradibus & quadraginta scrupulis; ab Insula *de Castilhos* ad *Mar-manso* leucas sex supra viginti; à *Mar-manso* denique ad magnum flumen, quod idem est cum portu *S. Petri* idem leucas sex & viginti; omnis hæc ora sternitur pene inter Africum & Aquilonem, estque arenosis tumulis passim obita: ita ut rationes utriusque hic discrepent leucas octo.

40

Flumen hoc *Grande* sive *S. Pedro*, angustum quidem habet ostium, sed intus ducit se latius, ascenditque versus Corum, ad provinciam usque illorum barbarorum quos vulgo vocant *Patos*, ita ut hoc flumen inter meliora & altiora, navibusque opportunitiora merito recensatur.

Post portum *S. Petri* sive *Rio Grande* recenset *Figueredus* fluvium *Tamarandahu*; incerto intervallo, sed intervallum prodit noster *Reuterus* leucarum decem.

A *Tamarandahu* ad *Rio Iboipetinh* numerat *Figueredus* quatuordecim leucas & semissem; ab eo ad *Ararangum* decem, & quinque porro ad fluvium *de Lagoa*: verum *Reuterus* noster statuit à *Tamarandahu* ad *Ararangum* quatuordecim leucas; & ab illa ad *Lagoam* novem; manifesto iterum discrimine. *Lagoa* dicitur aliis portus *de Biaçs*, tantum minoribus navigiis patens ad latus quod versus Austrum inclinat, exiguam insulam habet objectam, quam vulgo vocant *Reparo*, sub qua anchoræ commodissime in recessu quodam sinus figuntur.

50

A *Lagoa* ad *Vpabam* numerat *Figueredus* quidem octo leucas, *Reuterus* autem tantum sex; vocatur quoque ab Hispanis *Barra de Ibusup*, & *Rio de Vpaba*; amnis ore quidem

quidem minus lato, neque supra sex palmos alto; interius tamen luculentior & alicujus nominis: ad hunc enim Patorum barbarorum de quibus supra diximus, terras desinere volunt Hispani.

Ab *Vpaba* ad Insulam *S. Catharine* numerat *Figueredus* decem leucas, à cuius regione ex ora continentis egreditur *Rio de Patos*, novem & viginti gradibus ab *Æ-*
 quatore versus Austrum: *Renterus* vero constituit inter *Vpabam* & *Rio de Patos* tan-
 tum septem leucas, ex adverso Australis Anguli Insulæ *S. Catharine*. R. de Pa-
tos.

Universa hæc ora quam hætenus obivimus, habitatur à barbaris Anthropopha-
 gis quorum plerique insensissimi quidem sunt Lusitanis; sed nihilominus & omnibus
 10 Europæis merito cavendi maxime tamen metuendi sunt aliis Europæis, ii qui Lusita-
 nis jam obnoxii sunt facti. Abstinentium denique navigantibus omnibus ab hac ora
 à mense Martio ad Augustum, hiems enim tum est in hisce regionibus; hisque men-
 sibus & acre frigus sentitur hic, & validæ accidunt ventorum tempestates, creberri-
 mique nimbi, & mare supra modum fluctuat.

Porro Insula hæc *S. Catharine*, patet in longitudinem quidem inter Austrum
 atque Arctum circiter octo leucas; ad latus ejus Orientale statio nulla est opportuna,
 nisi forte sub minutâ quadam Insula, quæ Australi illius Angulo adjacet, vocaturque
Isla de Arvoredo (quia crebris arboribus cernitur vestita) navigantibus peroppor-
 tuna ob aquandi & lignandi commoditatem, quæ alioquin ad hanc oram admodum
 20 rara est.

Ab Insula *S. Catharine* ad alteram Insulam quam vocant *Galen*, numerant tres
 leucas; ad Continentem autem à Promontorio *Mandivi* versus Austrum, signatur
 sinus quidam plurimis insulis refertus qui barbaro nomine appellatur *Toynqua*: Pro-
 montorium autem illud distat ab *Æquatore* octo & viginti gradibus, atque quindecim
 scrupulis, versus Austrum.

A *Mandivi* Promontorio (secundum *Figueredum*) versus Corum secundum ora-
 rum ductum navigantibus occurrit sinus, quem Lusitani nominant *Euseadam de*
Garonpas, & porro edita ora usque ad fluvium qui appellatur à barbaris *Tajahugh*;
 intervallum est leucarum sex.

A fluvio *Tajahugh* ad fluvium *S. Francis* leucarum septem & viginti intervallum
 30 proditur: medio autem spacio egreditur à Continente fluvius *Tapuca*.

Renterus autem noster numerat à Promontorio illo *Mandivi* ad fluvium *Tajahugh*
 quinque tantum leucas, ora diducta hic inter Africum & Aquilonem. Scribitque
 Continentem intermedio spacio admittere amplissimum quendam sinum *Garonpas*
 dictum: fluviumque *Tajahugh* distare ab *Æquatore* versus Austrum octo & viginti
 gradibus.

Tajahugh amnem sequitur ad eandem oram fluvius *Tapuca*, quem hætenus non
 satis lustratum à quoquam fuisse invenio.

A *Tapuca* ad fluvium *S. Francis* numerat *Renterus* noster leucas duodecim,
 40 inter Corum & Eurum: fluvius autem hic *S. Francis*, duo habet ostia, quæ ad mare
 patent duas leucas, injacent autem tres insulæ secus quas & ab Austro & ab Arcto
 naves ingrediuntur: Canalis qui ab Austro intrat peculiari nomine à barbaris ap-
 pellatur *Aracari*, qui vero ab Arcto subit *Bopitanga*; raro admodum aditur hic flu-
 vius à navigantibus.

A fluvio *S. Francis* ad Lacum de *Parnagua*, ut vocant, sunt duodecim leucæ
 secundum *Renterum*; aut secundum *Figueredum* quindecim: jacet ad altitudinem
 quinque & viginti graduum & decem scrupulorum, aut ut *Figueredus* observat
 quadraginta scrupulorum. Lacus hic de *Parnagua* situs est in montanis *Pernapiacaba*,
 patetque in longitudinem secundum litus quinque aut sex leucas; tres omnino ca-
 50 nales ex illo egrediuntur in Oceanum; quorum maxime Australis appellatur à bar-
 baris *Ibopuperubá* sex orgyas in ipso ore altus, & circiter leucam unam intra ostium
 stationem habens peropportuna: medius qui ab hoc distat unam duasve leucas
 versus Arctum vocatur *Baysaguaçu*, in ipso aditu circiter quinque orgyas altus; ter-
 tius qui circiter mediam leucam aut duo milliaria communia à medio distat, dici-
 tur *Suparabú*, circiter sex orgyas in ostio altus.

A *Lacu de Parnagua* ad *Ararapiram* numerant quinque aut sex leucas: fluvius idem est ita barbaris appellatus, circiter quatuor orgyas in ipso ore altus. Hæc regio abundat omnis generis annona, & pluribus atque optimis fructibus; aquatio hic peropportuna. Indigenæ infensissimi esse dicuntur Lusitanorum hostes, ita ut ab iis sit cavendum omnibus, præterquam illis qui se Hispanorum hostes profitentur, his enim supra modum favent. Hic fluvius egreditur in Oceanum juxta Australe Insulæ *Cananea* cornu, quæ hic sinum quendam implet: secundum cornu autem ejusdem quod Arctum adspicit, ingrediuntur naves flumen, quod barbari vocant *Itacuatiaram*, ubi principalis statio *Cananea* esse dicitur; ostium illius altum esse prædicatur orgyas quinque.

Figueredus statuit intervallum inter *Ararapiram* & *Itacuatiaram* (de quibus jam diximus) ubi Lusitani jam incolunt, duas leucas & semissem.

Ab *Itacuatiara* porro ad fluvium qui à barbaris appellatur *Vguaa*, numerant decem leucas; fluvius hic in ipso ostio altus esse dicitur orgyas quinque, itaque majoribus navigiis haud importunus judicatur.

A fluvio *Vguaa* ad *Capivarii* numerantur decem leucæ secundum *Reuterum*, aut duodecim secundum *Figueredum*, ora jacente hic inter Aquilonem & Africum. Atque hic fluvius tantum duomilliaria distat à Præfectura *S. Vincentii* ubi Brasilia incipit, patetque versus ortum, in ostio haud supra tres orgyas altus.

Figueredus nos docet ad ripam hujus fluvii jam incolere Lusitanos, in municipio quod ipsis appellatur *Nuestra Sennora de Concepcion*; stationem autem navium appellari à barbaris *Iratiæno*.

Atque ita oram maritimam præfecturæ *de la Plata*, quæ à magni fluminis æstuario, sive Promontorio *S. Mariae* se longo intervallo porrigit ad provincias usque Brasiliæ absolvimus; in qua nihil memorabile occurrit; & nos convertemus ad notiora, & ipsius Brasiliæ nobilissimæ provinciae descriptionem.

DESCRIPTIO








PROVINCIA
de
BRAS
cum
ADIACENTIA
Provinciis

ZVYDT

TROPICVS CAERICORNI



 *Anglica leucae*
 *Hispanica leucae*
 *Germanica miliar*

AVIUM S.
AP. DE LOS
ISLAS

CAR. DE LA BAHIA

Maraquis

anbaze

CAP. DE
ERNAMBVC

ТАМАРА
ПАРЫНА

TA PA

... D.
... D.

Dr. C. A. R.

1870

1872

11

Amore

10

--	--	--	--	--

100

MARAGNAN

Cap. de Siara o'
Ciara.

NOORD

● *Vigia*

*Ilha de Fernão
de Noronha*





DESCRIPTIONIS INDIÆ OCCIDENTALIS, LIBER DECIMUS QUINTUS. BRASILIA.

CAP. I.

Brasiliæ limites, ejus prima inventio, cæli solique qualitates.



BRASILIAE nomine comprehenduntur amplissima provinciae in Continente Australis Americae, qua ortum Solis spectat, juxta oras Oceani Atlantici expansae: Ejus autem limites variè à diversis designantur; Hispani enim (& inter illos *Antonius de Herrera* Cosmographus Regis Hispaniarum) longitudinem illius concludunt, intra vigesimum nonum & trigessimum nonum gradum; computatione graduum longitudinis à Meridiano Toletano in occidentem producta; idque ex pacto inter Castellæ & Lusitaniae Reges quondam inito; ita ut linea separationis à Promontorio quod vocant de *Humos* (ad Mare Septentrionale & secundum gradum latitudinis Septentrionalis sito) per insulam *Buenabrigo* (ad vigesimum quintum gradum latitudinis Australis, Continenti objectam) deducta, ducentas leucas, ubi latissime patet, à Continente Meridionalis Americae prædicat, & Brasiliæ provinciis & Portugalliae Regis portioni relinquitur.

Portugalli vero producant limites illius paulo ulterius, eandem lineam separationis per ostium fluminis *Marannon* ab arctoa plaga; ab Australi vero per Fluminis de la *Plata* ingens æstuarium describentes.

Hujus differentiae causas paulo altius repetens, invenio quidem à Romano Pontifice Alexandro, certos limites Castellæ Regibus assignatos, cujus Bulla donationis, ut vocant, ita se habet: Omnes insulas & terras firmas, inventas & invenietas, detectas & detegendas versus Occidentem & Meridiem, fabricando & construendo unam lineam à Polo Arctico, scilicet septentrione, ad polum antarcticum, scilicet Meridiem, sive terræ firmæ & insulæ inventæ vel invenietæ sint versus Indiam aut versus aliam quamcunque partem; quæ linea distet à qualibet Insularum quæ vulgari-
ter nuncupantur de *los Azores* & *Cabo Verde* centum leucis versus Occidentem & Meridiem. Itaque omnes insulæ & terræ firmæ repetæ & repertiæ, detectæ & detegendæ à præfata linea versus Occidentem & Meridiem, quæ per alium Regem, aut Principem Christianum non fuerint actualiter possessæ, idque ad diem Nativitatis Domini nostri Iesu Christi proxime præteritum, à quo incipit annus præsens millesimus quadringentesimus nonagesimus tertius, quando fuerunt per Nuncios & Capitaneos vestros inventæ aliquæ prædictarum insularum, auctoritate omnipotentis Dei nobis in Beato Petro concessa ac vicariatus Iesu Christi, qua fungimur in terris, cum omnibus illorum dominiis, civitatibus, castris, locis & villis, juribus & jurisdictionibus pertinentiis universis, vobis hæredibusque & successoribus vestris (Castellæ & Legionis Regibus) in perpetuum tenore præsentium donamus, cōcedimus, & assignamus &c. Hanc donationem quum Rex Portugalliae in suum præjudicium factam, conquereretur, inter utrumque Regem convenit per legatos, ut linea illa separationis ducentas & septuaginta leucas à constitutis in *Bulla Papali* terminis ad occidentem promoveretur, ultra quam versus occidentem omnes insulæ & Continens Castellæ Regi cederent, versus Orientem autem Regi Portugalliae; orbe universo in

in hunc modum æqualiter inter se diviso; supererat tantum ut Geographi periti, secundum hæc pacta & conventa intra decem menses certos limites utrobique constituerent: verum eousque cunctatum, donec ingens diffidium de *Moluccarum* Insularum possessione inter hos Reges ortum, hanc dimensionem ad amissum suaderet revocare: id, teste *Herrera* anno 1515. quidem tentatum, sed non abolutum, quia Castellavorum & Portugallorum Geographorum principia & dimensiones plurimum inter se discrepabant: Portugalli enim ab Insula *Salis* (quæ insularum capitis viridis maxime Orientalis) trecentas suas & septuaginta leucas versus occidentem ordiebantur, exiguum jacturam existimantes tot leucas in Continente America amittere, ut eadem rursus ad Orientem lucrarentur & *Moluccas* limitibus suis includerent: Hispani vero contra ab Insula *S. Antonii*, quæ circiter nonaginta leucas magis declinat ad occidentem. Neque de latitudine Continentis Australis America, inter *Portovejo* ad oram maris Australis, & Promontorium *S. Augustini* ad mare Atlanticum, ubi latissima vulgo æstimatur, melius inter utroque conveniebat; quum Hispani interstitium illud uno & quinquaginta gradibus, Portugalli quinque & quinquaginta definirent: utriusque Regis sui cupiditati obedientes, hi ut *Moluccas* limitibus Regis sui includerent, illi vero, ut Portugalli finibus excluderent. Quid multa? quum inter se convenire atque in unam sententiam descendere nollent, ita discessum est, ut Portugalli lineam separationis per ostium Fluminis *Marannon* ab una, & *Æstuarium* fluminis *de la Plata* ab altera parte ducendam pertenderent: 20 Castellani autem ab eodem quidem ostio ab una, sed per ostium fluminis *S. Antonii* & *Organa*, ut vocant, ab altera: ita non modo *Æstuarium* fluminis *de la Plata*, sed & magnam partem Continentis ad sinum usque *S. Vincentii* Portugallis adimerent. Verum hæc lis mox per aliud pactum inter Reges initum procrastinata, tandem autem utroque Regno ad unum Principem devoluta, plane obsolevit. Quæ compendio hic retulimus, quia vulgo minus sunt cognita & à quibusdam scriptoribus longè aliter prodita fuerunt.

Porro hæc Regio, si *Herrera* credimus, primum auspiciis Regum Catholicorum fuit detecta à *Vincentio Joannis Pinçono* & mox à *Didaco de Lepe* anno 1515. *Catrabis* autem eodem pene tempore auspiciis Regis Portugalliæ ad illam casu delatus (quippe 30 cum classe in Indiam Orientalem contendens & longius in altum provectus ut Guineæ littora vitaret, ad oppositam Australis Americae continentem ventorum violentia & fluctuum impulsu fuit deductus) provinciae *Sanctæ Crucis* nomen imposuit; quod posterior ætas in Brasiliæ etymon vertit, ob rubri illius ligni, toti jam Europæ notissimi copiam atque præstantiam, quæ huic regioni pene singularis.

Licet autem hæc Regio pari pene intervallo ab *Æquatore* distet versus Polum Antarcticum cum Peruvia, & ab Oceano Atlantico & septentrionali maxima sui parte alluatur, tamen magis æstuat & supra modum humida est crebrisque pluviis & nivibus obnoxia, cælum plerumque nubilum & solum densis lucis siluisque opacum difficulter admittit radios solares, unde & insalubrior esse à multis judicatur, & 40 maximam venenatorum animalium & insectorum nutrit copiam: Alii contra Regionem imprimis amœnam, cæli admodum jucundam & salubrem cœperim prædicant, lenibus ab Oceano auris (quas veteres *Tropæos* ventos vocabant) afflantibus, quæ matutinos vapores tempestive discutiunt, & serenos reddunt dies, caloremque mitigant.

Solum partim in planiciem sternitur, partim in colles clementer assurgit, non raro & in vastos præruptosque montes attollitur; præpinguis & fertilis glebæ & cum aliorum fructuum, cum Sacchari cannarum imprimis ferax; è cuius provenitu Portugalli maximum questum faciunt: de cæteris terræ dotibus aut vitiis, cœlique bonitate aut inclementia, in descriptione particularium provinciarum postea dicemus: sed recentioris scriptoris Lusitani, iudicium hic præterire non possum, cuius commentarius 50 nuper Anglicè in Angliā prodiit.

Clyma (inquit) Brasiliæ fere est temperatum, aër salubris, ita ut homines hic nonaginta & centum interdu annis vivant; communiter hic neq; æstuat neque friget cælum valde serenat, præsertim noctu; Lunæ autem splendor noxius; crepusculum pene nullum, nam statim cum aurora emergit Sol; eadem vespere ratio. Hyems mense Martio incipit, desinit Augusto; dies noctesque hic pene æquales. Solum autem

autem tristius & uliginosum ob nimiam humiditatem, quæ ipsi accidit à pluviis & fluviiis qui ripas suas iteratione egrediuntur: nam hybernis illis mensibus crebro hic pluit; sylvæ ingentes, perpetuoque virentes: Regio montana præsertim qua Oceano alluitur: à *Pernambuco* ad *Spiritus Sancti* præfecturam, rarissima inveniuntur saxa in ulteriores parte integri montes grandibus saxis & silicibus veluti strati. Materix ad vestimenta pene est inops, quum solum gossypium ferat, omnium alioqui quæ ad vitam humanam requiruntur opulentissima. Hæc ille.

Quum hujus judicio, satis conveniunt nostrates, qui in *Pernambucensi* præfectura jam sedes figere ceperunt, nam cæli temperiem laudant, neque de immodico æstu conqueruntur, nisi paucis dietim horis; hybernis autem mensibus hic crebras pluvias & nimbos accidere, & validas quoque, ad oram præsertim, ventorum tempestates. Sed de hisce suis locis dicetur opportunius.

C A P. II.

De Religione, ingenii & moribus Brasiliensium in Communi.

BRASILIANSES Barbari nullum pene habent Religionis sensum, nec de origine aut creatione hujus universi quicquam norunt, de diluvio obscure & fabulosum quiddam recordantur; quippe mortalibus omnibus aqua haustis, 20 superfuisse unum aliquem cum sua germana, jam uterum ferente, atque ab iis rursus suum genus originem atque incrementum accepisse. Neque Deum ullum noverunt neq; adorant quicquam, unde nec ullum nomen in ipso idiomate reperire est quo Deum exprimas: Tonitru & fulgur vocant *Tupan*, illi se ligones atque agriculturæ scientiam profitentur debere, atque ideo pro numine aliquo agnoscunt: cælum aut inferos post hanc vitam pariter ignorant, licet animas post separationem à corpore superesse credant atque nonnumquam in dæmones converti & ad campos irriguos, variisque arboribus æternè confitos traductas ibidem perpetuo choreas ducere.

Spiritus malignos impense metuunt, quos *Curupira*, *Taguain*, *Pigtangua*, *Machera*, *Aukanga*, vocant, ita ut interdum imaginatio & vano illorum terrore subito exanimetur: nec tamen ullis ceremoniis aut idolis venerantur: quidam nonnumquam stipitibus solo defixis & muneribus quibusdam juxta positis illos nituntur placare: rarius hi spiritus visibilibus inter illos comparent, licet multi secus prodiderint.

Habent & sagas, quibus tamen vix aliter quam medicis utuntur, & valetudinis recuperandæ gratia valde sunt obnoxii: interdum & inter ipsos reperiuntur homines nequam, qui magicarum quidem artium rudes, sed ludendi & ductandi miserorum animos gnari, insolitis quibusdam corporis jactationibus & gesticationibus sui admirationem excitant & falsis quibusdam miraculis sibi fidem conciliant: *Caraibas* vocant Barbari: Illi popularibus suis, interdum & integris provinciis, persuadent culturam agrorum penitus omittere, venisse enim tempus, quo tellus omnia sua 40 sponte ipsis sit productura, ipsæque feræ ultro pabulum ipsis allaturæ; his aut similibus naniis miseros hosce, natura sua plerumque desides, ita infatuant, ut neglecto terræ cultu, sensum commeatu destituantur, præque inedia deficiant, donec *Caraiba* aut solus supersit aut à suis, dolum persentientibus, trucidetur.

Uxores multas assumunt & levès ob causas rursus dimittunt: Adolescentes autem non temere ducunt, antequam hostem aliquem manu ceperint atque occiderint: nec virgines præterquam jam puberes facile cum maribus miscunt: utrique ad illud tempus abstinent vino, quod barbari illi faciunt è radicibus *Manios* & *Mayzio*, vocantque suo idiomate *Caou-in*, ut tradit *Lerius*: lecto pensili reticulato, beneque mundo connubia firmantur: Pater aut Socer matrimonio jam consummato, 50 acuta silice palum ligneum cædit, nepotum procreandorum candas se hoc facto amputare somniant, atque ex eo sine caudis nasci. Religiosi cujusdam Lusitani fide hæc refero, qui admodum nuper hæc prodidit.

Cibum capiunt noctu atque interdium, neque statâ tempora observant, neque in vescendo modum, ubi annona abundat, large, nulla in futurum sollicitudine & ipsi genio indulgent, & vicinis atque amicis impertiunt: liberalitatis laudem impense ambiunt, neque ullum vitium pejus oderunt aut ignominiosius ducunt quam avaritiam,

ritiam, quum deest victus, inediam & sitim ad miraculum tolerant. Carnibus & piscibus indiscriminatum utuntur, neque ab immundis animantibus, anguibus, bubonibus, gliribus, vermibus atque insectis abhorrent; omnibus fructibus, præterquam quos usus noxios & exitiosos comprobavit, utuntur; nec facile pocula dapibus permiscunt, sed post cibum aut aquam aut potionem è variis frugibus & fructibus confectam hauriunt, tanta aviditate, ut non raro ebrii decumbant. Festivis suis diebus, comportiones sine ullo cibi usu, in biduum aut triduum producant & cantilenis ostiatim oberrantes, vicinos ad symposia sua invitant; ubi saltationibus & potionis illius medicata: haustibus ita interdum efferrantur, ut à rixis ad verbera & pugnas, adulteriaque & alias immunditias devoluantur. Illotis manibus discumbunt humi, & cibum primoribus digitis ori non tam ingerunt quam injiciunt. Retibus ex Gossypio affabre elaboratis, pro lectis utuntur, ea aut sub dio aut sub tectis suis inter duos stipites suspendunt, & accendunt juxta pyram, adversus noxios vapores ex humo ascendentes, quæsito remedio.

Proflus nudi, fœminæ pariter atque mares incedunt, nullo pudore: corpora autem variis coloribus & pigmentis illinunt, præsertim herbæ cujusdam succo, quo nigredinem sibi conciliant, cui mox lineamenta varia candido colore superinducunt & vestimentorum quoque formas æmulantur. Diademata, coronas, collaria, brachialia atque alia corporis ornamenta ex avium plumis singulari elegantia, artificiose concinnant, quibus immodice delectantur. Capillum capitis solummodo alunt, reliquo corpore evellunt radicibus pilos: viri quidem diversis modis se tondent, nunc in coronam, nunc in aliam formam; idque tanta varietate, ut gentes inter se consuræ forma distinguantur; fœminæ vero promittunt comas, nisi quum aut lugent, aut marito peregre profecto, desiderium illius comæ depositione testantur: viri non facile comam alunt, nisi quum alicui aut admodum irati sunt aut infensi. Crinibus sunt ut plurimum nigris lævibus atque depexis. Iam autem nonnulli barbarorum vestibus cæperunt uti, usus magis quam honestatis causa, vel quia à Lusitanis coguntur; nam & neglectum illas ferunt, & levi de causa omittunt rursus.

Tuguria è trabibus atque tignis sibi ædificant & contegunt foliis palmârûm, ducentos & nonnumquam trecentos palmos longa & in multas mansiones particulatim distincta potius quam divisa: quibus familiæ non raro quinquaginta, interdum & plures se continent, juxta suum quæque focum cum suis pensilibus lectulis tendentes. In singulis autem ejusmodi domibus, unus è senioribus cæteros moderatur & mane è lectulo suo veluti è suggesto alta voce concionatur, & edicit quæcunq; illo die à singulis agenda sunt. Et postquam surrexerit, eodem modo per viciniam concionabundus discurret; more derivato, ut ipsimet prædicant, ab ave quadam (quæ accipitri haud absimilis videtur,) quam mane cantu suo reliquas aves excitare volunt, & propterea vocant Reginam volucrum.

Fœminæ pariunt humi projectæ; infantem aut pater, aut amicus quidam, quem sibi veluti compatrem delegerint (nam & hanc consuetudinem observant) attollit humo; deinde Pater umbelicum aut dentibus præmordet, aut acuta silice præcidit; deinceps jejunium sibi indicunt, donec vulnus coalescit, & in octavum, ut plurimum diem: fœminæ statim à partu ad fluvium aut torrentem descendentes, ablunt sese frigida; lactantque infantes suos annum integrum, & interdum diutius, nullum præterea cibum exhibentes: quare supra modum illos diligunt & quocunque incedunt, in reticulo (quod *Tupnia* ab ipsis appellatur) supra dorsum pendulos circumgestant: sedulo autem cavent ne ejulentur, ideoque nullatenus eosdem castigant.

Sortilegiis immodice indulgent hæ gentes, gossypinis pannis capita obvelantes & stipites palmis suis contegentes atque fricantes. Beneficia in liberos suos collata longe potiora habent, quam sibi ipsis præstita, ideoque & Patres societatis unice venerantur ob suorum in liberalibus artibus & disciplinis institutionem.

Advenas atque hospites lachrymis excipiunt atque ejulatu, in hunc fere modum: Postquam tectum subjerit hospes & in lectulo pensili confederit, mater familias, filiz & reliquæ domesticæ crinibus solutis se circumfundunt, & manibus hospitum contingentes, planctum suum ejulatu & uberibus lachrymis ordiuntur; flebilique

vocce

voce & barbaro carmine, quæcunque illis antequam adveniret, contigerint, quæque ipsi in itinere obvenerint, vera fictaque enarrant: ille silet interea; planctu demum absoluto & detersis lachrymis ad hilaritatem denuo se componunt, salutant peramice advenam, cibum potumque apponunt & tum demum prolixè causas adventus sui explicantem audiunt. Nihil denique magis ambiunt hæ gentes, quam laudem hospitalitatis, ideoque & peregrinos omnes perhumaniter excipere, alere & munusculis quibusdam demereri satagunt. Quia autem nummis destituuntur, permutatione rerum inter se contrahunt. Potu ut plurimum bene de se meritos remunerant; nam ubi aut ager colendus aut aliud quid operis faciendum, cui pater familias per se non sufficit, potum ante omnia parat, deinde vicinos omnes in auxilium advocat, quibus negare religio est, quumque ad horam decimam matutinam usque laboribus se defatigaverint, domum revertuntur, & reliquum diei consumunt potando, proximis diebus ad eundem modum, donec opus absolverint.

Uxores suas sic satis diligunt hi barbari, neque facile illas verberibus aut alia aliqua injuria afficiunt, nisi forte aliquando nimium poti; verum magnam illarum gerunt curam. unâ plerumque prodeunt in publicum, & si in agrum proficiscendum sit, præcedit vir, sequitur uxor, ut, si fera aut hostis aliquis forte occurrerit, dum vir se defendit, fœminæ tempus largiatur, domum se recipiendi si vero ex agris domum redeant, præcedit fœmina, ut tanto facilius si quid mali ingruat, domum possit præcurrere: atque ita quidem ruri agunt: in oppidis vero aut pagis, uxores semper præ se agunt, quippe quum supra modum zelosi sint hi barbari, ita commodius illas à sese observari posse haud frustra credunt.

In plangendis defunctis immodici sunt; nam & seipsos affligunt & projiciunt in solum, totaque noctes ejulatibus, dies lachrymis & querelis producunt, idque per integrum mensem; tum demum mares capillum radunt, & fœminæ se nigris notis insigniunt, & denique symposio luctui finis imponitur.

Porro licet natura sint melancholici, tamen varios habent ludos, iisque indulgent frequentissimè, à pueris ita instituti: cantilenis & choreis delectantur infanum in modum: habent & suos canendi modos, atque instrumenta, quæ raucum & inconditum sonum edunt.

Arma ipsorum sunt clava lignæ, arcus, sagittæque: clavas & arcus affabre concinnant è durissima materie; sagittas è cannis; quas aut dentibus ferarum, aut ossiculis aut durissimis stipitibus asperant, ita ut, mirum dictu, thoraces parmulaque è corio penetrarent & stipites facis crassos findant: sunt enim jaculatores robusti & imprimis sciti, utpote ab infantia assueti.

Ut breviter absolvam (nam de immanibus eorum moribus, in captivos hostes mactando, devorandoque hic nihil dicam, quæ ab aliis & imprimis *Joanne Lerio* prolixè commemorata sunt) acutè vident hi barbari atque audiunt: lubenter peregrinantur; exiguntque itinerum rationes ad cursum solis, & rarissimè aberrant à viâ: piscatores sunt seduli, strenui natatores, in mari haud minus quam in fluminibus: Tabacco utuntur frequentissimè, dicerem etiam abutuntur, nili plerique Europæi jam ipsorum vitium non modo æquarent, sed & multi superarent. Atque hæc quidem omnibus gentibus, quæ hanc Continentis partem incolunt, fere communia sunt: nunc varias nationes, & earum peculiaria prosequemur.

C A P. III.

Diverse nationes Brasilienses, & earum ingenia atque mores è commentariis nuper scriptoris Portugalli.

NATIONES quæ Brasiliæ Continentem incolunt, linguis plurimum inter sese discrepant: una tamen inter eas communior censetur, qua vulgo utuntur circiter decem nationes barbarorum, qui juxta littora atque etiam in mediterraneis degunt: Hanc fere intelligunt Portugalli, nam facilis est, copiosa, neque insuavis: Portugallorum autè liberi in hisce provinciis nati aut à teneris educati, eam haud secus

callent atque ipsi indigenæ, præsertim in Præfectura *S. Vincentii*: hujus quoque linguæ commercio agere solent Patres Societatis cum hisce populis, sunt enim omnium barbarorum humanissimi & maxime domestici, & jam multis annis amicitiam & pacem colunt cum Portugallis: adeo ut ipsorum opera atque armis cæteras Brasiliæ nationes partim subjugaverint atque tributarios fecerint, partim funditus deleverint, aut lares suos deserere atque in intimas regiones commigrare coegerint. Sed singulatis populos prosequamur.

Petiguar-
res.

Primi inter illos sunt haud dubio *Petiguares*, qui juxta *Paraibam*, triginta circiter à Pernambuco leucis degunt, & præstantissimum lignum Brasilianum in suis finibus possident; hi (inquit author ille) dudum Gallis amici, eisque fœdere atque 10 connubiis juncti fuerunt, usque ad annum c15 l5 lxxxiv, quo Paraiba à *Diego Flores*, Regis Hispaniarum auspiciis fuit capta, Galli pulsî, præsidiumque centum stipendiariorum arcu impositum, præter Portugалlos advenas, qui & ipsi inter se cohortem constituerunt duce Fructuoso Barbosa, qui cum *Pernambucensibus* terrestri itinere advolat, & præcipuum momentum victoriæ attulerat. Magna horum pars hodieque à Portugallis abhorret & levi negotio incitari potest, ut hostilia in illos perpetret, ut Belgæ nostri superioribus annis fuerunt experti.

Viatan.

Hisce proximi agebant quos *Viatan* vulgo appellant. natio olim populosa; sed jam radicitus excisa, nam quum amici atque cognati *Petiguarum* essent, Portugalli dolis grassandum rati; eos cæteris barbaris devorandos devoverunt, & inimicitias clan- 20 culum concitatis, vicinis inter se commiserunt, quumque inedia atque annonæ caritate premerentur, eos in servitutem redigerunt, & onerariis navibus in remotas terras auctos pro mancipiis vendiderunt; denique miseras reliquias, presbyter quidam Lusitanus, magicarum artium, ut creditur, gnarus, variis prestigiis infatuatas *Pernambucum* deduxit in miseram servitutem, ubi sensim interierunt.

Tupina-
bz.

A flumine, quod vocant Regale (*Rio Real*) ad fines Præfecturæ *Insularum* (vulgo *los Ilheos* incolunt *Tupinabe*, & ipsi inter se discordes: nam qui circa sinum omnium Sanctorum degunt, juges exercent inimicitias cum iis, qui juxta *Camann* & *Intrare* sedes habent.

Caetz.

Caetz, alia natio barbarorum, accolebant ripas fluminis *S. Francis*, illorum barbarorum qui *Pernambuco* viciniore incolunt, insensibilissimi hostes. 30

Tupina-
quini.

Ab Insularum Præfectura ad Sancti spiritus Præfecturam agunt *Tupinaquini* ex *Pernambucensium* finibus olim ad has maritimas oras profecti, & mirum in modum aucti, nunc vero ad summam paucitatem redacti: omnium barbarorum quondam irreligiosissimi & in erroribus suis pertinacissimi, vindictæ appetentissimi & polygamix imprimis dediti; nunc non pauci Christianam religionem amplexi in ea dicuntur perseverare.

Tupigue.

Tupigue superioribus cognati possident Mediterranea, inde à Præfectura *S. Vincentii* ad *Pernambucum* usque, natio quondam valida, nunc autem Portugallorum sævitia, qui illos in servitutem abripiunt, aut fuga sibi cogunt consulere plurimum 40 imminuta.

Hisce vicini degunt *Apigapiranga* & *Mariapigtanga*; nec non *Guaracay* sive *Itati*, admodum infesti *Tupinaquinis*.

Tumimivi juxta oppidum *S. spiritus* suas habent sedes, & ipsi *Tupinaquinorum* hostes, verum paucissimi illorum hodie supersunt.

Tamviz.

Tamviz accolebant flumen Januarii, à Portugallis postquam ibidem sedes fixere pene ad internecionem deleri, ita ut paucissimi supersint; qui intra Continentem jam degentes vulgo appellantur *Ararapa*.

Carioes.

Alia natio, octuaginta pene leucis à *S. Vincentii* præfectura versus Austrum, occupat littora & Mediterranea, ad Æstuarium usque magni fluminis *de la Plata* numero 50 pene infinita (*Carioes* appellari hosce proditur ab aliis) & *Tupinaquinis* inimica & summo opere infesta.

Omnium autem harum nationum, licet inter se discordium, conversio ad fidem Christianam propediem speratur, nam magni faciunt Patres Societatis Iesu (inquit Auctor Lusitanus, & præsertim Mediterranei, qui avide adventum illorum præstolantur, vocantque *Abares* & *Patres*: verum tamen ea est Portugallorum impietas, ut

ut Patrum in modum consi & illorum vestibus amicti, sæpe se Patres esse mentiantur atque ita miseros à se deceptos cædant; uxores, liberosque, atque ipsosmet velut indagine cingant & ad litora compulsos cauteriis noceant, inter se dividant & mancipio eradant: quo fit, ut Patrum fides apud barbaros labascet & conversio illorum quotidie minus ac minus procedat.

Sunt præterea aliae nationes, quibus pessime cum præcedentibus, neque satis bene inter se convenit, quæ communi nomine *Tapayæ* appellantur: Illorum alii ^{Tapayæ.} peculiari nomine *Guaymures* vocantur; vicini *Tupinaguinis*, qui vix octo leucarum ^{Guaymu- res.} spacium ad mare, intra Continentem quantum liber occupant: vasto corpore, dura cute, laborum patientissimi, audacissimi & supra modum veloces, crinibus nigris, & promissis; neque pagos neque municipia obtinent, sed incertis vagantur sedibus; visitant avide humanis carnibus, & perniciem atque vastitatem inferunt, quocunque accesserint. Non agros colere, sed raptim vivere & Mandiocam crudam devorare assueti; arcus ipsis validi ac ingentes, & pila faxæ quibus hostium suorum capita validis ictibus conterunt, irruunt autem, ut plurimum ex insidiis in incautos; non modo barbaris sed, & Portugallis formidabiles, ob summam eorum crudelitatem.

Præter hosce degunt in interiori Continente & campestribus *Caatingæ*, haud longe à ripis fluminis Grandis, juxta limites Præfecturæ *Portus Securi*, barbari quidam ¹⁰ e *Tapujarum* genere, quos peculiari nomine appellant *Tucanucos*.

Nacii autem interiorem Continentem inhabitant prope *Aquitigpen*.

Deinceps habitant *Oquigainba* & *Pahi*, qui corpus Gossypina tunica reticulata absque manicis, instar sacci, tegunt, idiomate utentes à cæteris diverso.

Tum *Ari* & ipsi *Aquitigpa* vicini; & *Laratii* populosa natio & peculiaris linguæ.

Nec non *Mandelvi*, *Macutui*, *Naparaque* qui agros colunt.

Porro *Cuxaræ* atque *Nuhiqui* occupant planiciem in Mediterraneis.

Guayvæ autem incolunt regionem vicinam sinui omnium sanctorum, & ipsi proprio idiomate utentes: & in eodem pene tractu *Taicuivui* qui sub testis & in tuguriis degunt: & *Corivui*: atque hæc quidem tres nationes Portugallis fœdere sunt conjunctæ.

Pigruvi quoque fixos habent lares: *Obacatiaræ* autem tenent insulas in flumine *S. Francisci*; utuntur spiculis atque arcubus; robustis corporibus; hi vescuntur humanis carnibus & propriam loquuntur linguam; ab hostibus suis deprehensi petunt aquas, atque urinando, cujus pestissimi sunt, evadunt.

His accedunt *Anhelimi*, *Aracuti*, *Caivari* qui in subterraneis speluncis nidulantur, uti & *Guianaguaci*.

Præterea *Canucuariæ*, quibus ubera ad femora usque propendent, ita ut ea subcingere cogantur, quoties cursuram moliantur.

Iobioræ Apnayaræ, qui præuisti contis præliantur, unde & ipsis nomen.

⁴⁰ *Cumpehe*, soli pene in hac Anthropophagorum colluvie, humanis carnibus non vescuntur, hostium suorum cervices præcidere & capita trophæi loco circumgestare contenti, Nomadum instar, vagi.

Guayi & sua habent tuguria & sagittas usurpant veneno infectas.

Cicui, *Pahivui*, *Taicuivui*, *Tupoy*, *Macraguaci*, *Tacaruvuy*, *Tapecuvuy*, *Anacuy*, *Piracuy*, *Cicui*.

Taraguaiçi, *Pahacuvuy*, *Parapoti*, *Caracamba*, *Caracuvuy*, *Maimimy* *Guaymurum* Socii & plerumque federati, licet sermone differant: *Asurari*, *Cuigat*, *Guipa*, qui Portum securum accoluerunt: *Guigraviba*, *Angarari* haud longe à litore inter Portum securum & præfecturam Sancti Spiritus tendentes.

⁵⁰ *Amixocari*, *Carajæ* obtinent interiores regiones juxta Præfecturam *S. Vincentii*, ab Aquilonariis partibus advenæ: *Apetupa* prope *Aquitigpen*: *Caraguatayra* *Aquigira*, *Tapiguyri*, brevi corpore sed compacto atque robusto (Lusitani vocant *Pygmeos*) *Quinciguigi*, *Quirigigi* equites strenui; *Guajera*, *Anaguigi*.

Guaitacæ accolunt littora inter Sancti Spiritus Præfecturam & flumen Januarii, delectantur maxime campestribus, fugiunt nemora, mane in sementem suam, tanquam in pascua ferarum instar procedunt, neque se sub testis nisi somni capiendi gratia recipiunt, suntque adeo celeres, ut feras cursu assequantur.

Ighigranupani, *Guaymurum* quoque socii & in expeditionibus, ut plurimum auxiliariis, magnum strepitum stipitum collisione excitant.

Quiriguja, sinus omnium Sanctorum quondam Domini (cunde *Quirimure* dicebatur) à *Tupinabís* sedibus suis expulsi, versus Austrum concessere.

Maribuci prope fluvium grandem: *Catagua* juxta *Iequeriguaren* inter praefecturas portu securi & S. spiritus. *Tapuxenqui*, *Amacaxi* intra Continentem versus S. Vincentium, hostes *Tupinaquorum*, *Nonea*, *Apy*, *Panaguirí*, *Bigrorgy*, *Pirryvi*, *Annacingsi*, *Guaracatívi*.

Hæ fere sunt *Tapuiarum* nationes septuaginta & sex; quarum pleraque sermone uruntur diverso; ferè atque indomiti populi, qui perpetim bellum gerunt cum litoralibus, paucis tantum exceptis, qui ripas fluminis S. *Francisci* accolunt; aut Portugal-
 10
 lorum coloniis sunt viciniore; illi enim ambiunt Portugalorum amicitiam, excipiuntque illos hospitio, quoties per terras eorum iter faciunt; & non pauci illorum, linguam litoraliū edocti, fidem Christianam jam ceperunt amplecti: nam absque hujus linguae cognitione, impossibile pene fuerit *Tapuias* instituere, tanta est idioma-
 rum inter ipsos diversitas & barbaries. Haecenus è scriptore Lusitano Anglice edito, quem unum è Societate autumant.

CAP. IV.

Varie Brasiliensium nationes, secundum relationes Antonii Kniveti 20
Angli, qui dudum in Basilia oberravit.

Petivares

Petivares non sunt tam feris atque immanibus moribus, quam cæteri barbari harum provinciarum, nam satis humaniter cum advenis exercent commercia: strenui autem sunt bellatores. Statuæ sunt modicæ, totumque corpus persi-
 gnant quibusdam notis, labiaque perforant caprearum cornibus, quibus foraminibus ubi adoleverint virides lapillos induunt, decorum id ipsis imprimis viderur, nam alios
 pro rusticanis habent. Nulla ipsis religio: tot ducunt uxores quot volunt aut possunt alere: foeminis non nisi cum uno viro consuescere conceditur, nisi maritus ultro &
 publice permittat, tunc eis eligere licet quos desiderant. Ad bellum proficiscen-
 30
 tibus comecatium subvehunt uxores, corribus annonam super dorsum bajulantes: vestium usum prorsus ignorant: victitant radicibus, aut avibus atque ferina. Maritus à venatione domum revertens, uni uxorum quicquid ceperit, elargitur, cum illa eo die consuetudinem velle habere, id indicio est: illa corpore prius abluto, statim occupat pensilem lectulum, reliquæ autem ipsi ministrant. Postquam uxores præ-
 gnantes factæ fuerint, mariti nullum animal foemellum exanimant, ne foetus conjugum hoc facto emorianur, metuentes. Ubi autem pepererint foeminæ, mariti se reclinant in lectulum & à vicinis omnibus officiose saluantur, & à foeminis oppipare & diligenter curantur. Per solitudines iter facientes, magnam secum
 portant copiam *Tabaci* & folium illius inter labia & gingivas concludunt, saliva
 40
 per dictum foramen large destillante. Sunt Anthropophagi, qui captivos suos & crudeliter mactant atque immaniter devorant: pagos habitant frequentes, possidentque agros singuli distinctos, quos studiose excolunt. Obrirent hi barbari latissimam regionem ad septentrionalem Brasiliæ plagam: sed de his alibi quoque dicen-
 dum erit.

Ad oram Oceani Atlantici inter *Pernambucum* & sinum omnium Sanctorum, primo habitant *Mariquites*, è *Tampujarum* genere, vagabunda natio: viri pariter atque foeminæ (alioquin non inelegantes) bellare norunt; ferarumque in modum
 pervagantur sylvas & solitudines, omnibus infesti (nisi quod nuper pacem cum Portugal-
 50
 lis fecisse dicantur) hostes suos raro petunt aperto Marte, ex insidiis plerumque grassantur, & inopinantes opprimunt; veloces admodum in fugiendo & persequendo: idem corporis habitus qui *Petigaribus*, nisi quod cutem notis non signent, eademque immanitas in mactandis & devorandis captivis; pertingunt ad flumen usque S. *Francisci*.

Topinambæzes,

Ab hoc ad sinum omnium Sanctorum, habitant *Topinambæzes*, itidem moribus, habitu atque cultu corporis similes *Petigaribus*, (nisi quod foeminæ horum formosiores esse
 feruntur)

feruntur) quorum & idioma usurpant, in eo cæteris barbaris dissimiles quod barbari alant.

A Sinu hoc ad Insulas, ut vocant, incolunt *Waymores* sive *Guaymures*, de quibus superiori capite jam diximus.

In Præfectura Sancti spiritus degunt *Tomomymi*, ferocissima natio: sæpe (inquit *Knivetus*) cum Lusitanis adversus istos in bellum sum profectus, *Morogegen* oppidum illorum oppugnatum. Multa enim habent oppida in insulis fluminis *Paraciva*, ingentibus saxis, quæ palorum in modum disponunt, & intus vallo terreo aut sili-

Tomomymi.

10 aut cannis, opere topiario, affabre constructi, ita ut sagittas per interstitia possint ejaculari. Erant in exercitu nostro quingenti Lusitani, & tria millia barbarorum confederatorum, quum obsideremus *Morogegen*; & tamen hi barbari tanto impetu crumpebant in nostros, ut nos vallo communire & suppetias ab oppido Spiritus sancti cogeremur petere. Illi in vallo consistentes, plumis ornati & corpus rubricâ tincti, quotidie nobis insultabant & rotulam quandam plumis adornatam incendentes & supra capita sua rotantes, inclamabant *Lovae eyave Pomonbana*, id est, eodem modo & vos consumemini. Verum quum auxiliares nostri advenissent, sensim se ex oppido cæperunt subducere, quod nostri advertentes, cratibus ex oblongis cannis compactis (*Panneses* vocant Lusitani) tecti, subeunt vallum, diruuntque & non sine
20 discrimine, atque multis nostrorum desideratis, in oppidum irrumpunt: sedecim pene hostium millia; partim cæsa, partim capta & inter Lusitanos divisa: dein & minora aliquot oppida capta fuere, senes atque invalidi interfecti, reliqui in eundem modum servituti addicti: denique agro ipsorum septem diebus pervasato, secundum flumen *Paracivam* descendimus, ad oppidum quod vocant *Morou*, inde superato monte (quem barbari vocant *Parapiaguena*, ab Oceani conspectu) pervenimus *Tupan Boye-*
30 ram (quem locum Lusitani vocant *Organa*, sunt autem montes qui flumini Januarii immincent) atque inde descendimus flumen *Macuin*, usque ad oppidum *S. Sebastiani*, ubi exercitus fuit dimissus: Hæc ille.

Organa.

Macuin.

Waytaquases agunt ultra citraque Promontorium frigidum, (Lusitanis *Cabofrio* 30 barbaris autem *Tocoex*) locis humidis atque uliginosis, longe proceriores *Guaymuribus*, promittunt capillos; fœminæque belligerant haud secus ac viri; tuguria illorum sunt humilia & exigua; non ut alii, in pensilibus lectulis, sed humi cubant instar brutorum, juxta pyram projecti: cum nulla alia natione pacem colunt, omnibus æque infesti, atque immanes etiam in vicinis.

Waytaquases.

Wayanasses incolunt insulam *Grandem*, ut vocant, octodecim circiter leucis ab ostio fluminis Januarii versus Austrum sitam; sunt autem statura breviori, projecto ventre, plancis pedibus, timidi atque imbelles: fœminæ facie sunt formosa, cætera maxime deformes, pingunt torum corpus rubrica quadam, quæ fit ex *Vruca*, ut vocant, fructu instar fabæ. Alunt comam tam mares quam fœminæ, quam tamen circa
40 verticem ad Franciscanorum modum attondent. Præcipuum illorum municipium vocatur *Iawaripipo*.

Wayanasses.

Vruca

Topinaques, incolæ Præfecturæ *S. Vincentii*, perparum differunt à reliquorum barbarorum ingeniis & moribus; fœminæ illinunt cutem variis coloribus, ut formosiores videantur. Jugulant captivos suos magno apparatu, picti corpora fructus cujusdam succo, quem vocant *Jampavo*, & plumeo diademate caput cincti, crepitacula
50 manibus vibrantes; denique choreas integro triduo celebrant, antequam ad immolationem carnificiam accedant.

Topinaques.

Pories

Eryres

Pories procul intra Continentem degunt, pene centum leucis ab Oceano, *Way-*
nassis similis; brevi statura: victitant pincis nucibus & Cocis pomorum magnitudi-
50 ne, durissimo cortice, ipsi suo idiomate appellant *Eryres*. Vestiti amant, fœminæ autem inficiunt cutem variis coloribus, rubro, ceruleo, flavoque: colunt pacem cum Portugallis, nec facile etiam cum aliis bellum gerunt; nec humanis carnibus delectantur, si alius victus suppetat: lectos pensiles texunt è libris arborum; descendunt autem se à pluvia atque aëris injuriis, ramis arborum inter se connexis & palmarum foliis desuper tectis, hæc solum domicilia noverunt. Frequentes reperiuntur in illorum terris leones pardi, quos ipsi vocant *Iawarile*, & leones quoque ipsi

Jawarofou; felesque silvestres, quos *Marcabayte* nominant: opes illorum sunt oleum Balsami, quod cultello aut pectine magna copia permittant.

Molopa-
ques.

Molopaques occupant vastam regionem trans fluvium *Paracivam*, Germanis corporum mole parces, alunt barbas, quod ceteris barbaris inusitatum. Tegunt quoque obsecnas corporis partes, suntque moribus satis decoris. Oppida sua muniant vallo, quod è transversis lignis componunt, & aggesto cespice firmant: singula familia inter eos sua habent domicilia. Parent uni quasi Regi, quem vocant *Morosborvam*, qui cultu corporis non multum diverso utitur à ceteris, sed plures quam subditi alit uxores. Plurimum auri apud hos reperitur, quod neque magni faciunt, neque multum eo utuntur, præterquam quod filis piscatoriis appendant, quum in flumine *Para* optimo-
rum piscium secundo, piscantur, distat hoc flumen à *Paraciva* prædicto, leucas octua-
ginta: Aurum autem nequaquam effodiunt è terra, aut telluris viscera illius gratia
scrutantur, sed ubi pluviae uberius terram albluerint, ramenta colligunt sponte obvia:
metalla enim hæc plerumque reperiuntur in montibus, qui nullis arboribus vestiti sunt,
aridis & nigro solo rectis, barbari vocant *Tajaguara*: Mons autem ubi *Molopaques* hæc
Eteper-
ge. auri ramenta colligunt ipsis dicitur *Eteperange*: felicissima utique gens si verum Deum
nosset: feminae enim ipsorum sunt formosae, beneque moratae, quas raro cachinnan-
tes videas, ingenioque demittunt comam suam usque ad femora, quam habent nostra-
tibus similem, flavam, subcinericeam, fulvam, &c. Eaque obvelant nuditatem suam,
decorum id imprimis judicantes: quibus autem coma brevior, illa pellicula quadam
pudenda obvelant, ipsis *Savvayathvavafou*. Observant statas cibum capiendi horas,
meridie atque vespere; sectantur mundicias; moribus denique sunt ita decentibus, ut
minus barbari videri possent, nisi & ab humanis carnibus non abhorrerent.

Mota-
yes.

Motayes hisce contermini, statura brevi, colore fusco; nudi agunt; demittunt cap-
pillos capitis paululum infra aures tam feminae, quam mares: ubi longius excreverint,
tam decenter in orbem deurrunt, ac si tonsillis præcisi fuissent: reliquis corporis par-
tibus ita evellunt crines, ut ne quidem in superciliis tolerent. Mayzio, radicibus, ra-
nis, anguibus, serpentibus, crocodilis, simiis, canibus denique & felibus victitant
silvestribus. Credo & Anthropophagos esse, licet Author sileat.

Lopi.

Lopi superioribus vicini degunt, quos Lusitani appellant *Bilreros*; agunt autem in
montanis, pincis nucibus vitam tolerantes: Metallis atque preciosis gemmis tam
abundat illorum regio, quam alia quævis Americae hujus, verum tam longe à Mari
remota est, tamque populosa, ut difficile co possit penetrari: cæterum statura sunt
brevi, fusco colore pariter feminae atque mares, rudes, inconditis moribus; denique
feris similiore quam hominibus.

Way-
navafos-
ni.

Inde transit ad *Waynavafones*, homines rudes & simplices; bene tamen com-
positis membris & decoros aspectu, verum ita desides, ut totos dies in tuguriolis suis
stertant, dum feminae ipsis pepones atque radices in cibum quaerunt. Hic fructum
quendam reperiri narrat, quem barbari vocent *Madioperam*, pruno persimilem,
colore aureo, nuce intus dulci instar *Amygdalæ*; verum adeo venenatae qualitatæ, ut
siquis paulo largius hoc fructu vescatur, statim emori sit necesse; id sedecimi è suo
confortio morte, cæterorum maximo periculo fuisse comprobatum. Author hic de-
scribit adhuc plures nationes, sed iter adeo longum ad illas designat, ut nullus du-
bitem extra Brasiliæ limites constitutas esse, & incertus sim ad quam potissimum
provinciam sint referendæ.

Madio-
pera.

Atque hæc quidem de variis Brasiliæ indigenis è duobus hisce authoribus dicta
sunt, plura de quibusdam dicenda erunt, quum ad singularum provinciarum descri-
ptionem pervenerimus.

C A P. V.

*Quadrupes Brasiliæ, secundum Authorem Lusitanum, Joannem
Lerium atque Thevetum.*

50

Cuacu.

CERVOS vocant Indigenæ sua lingua *CUACH*, quorum nonnulli hic reperiun-
tur caballorum magnitudine, vastis & arboreis cornubus, sed tantum juxta ri-
pas Fluminis *S. Francisci* & in præfectura *S. Vincentii*. *Cariques* autem vocant
CUACHA-

Cuscupara & hoc animal faciunt maximi; nam asperant sagittas suas eorum cornibus & pila quadam ex iisdem conficiunt quibus feras hominesque deiciunt & prosterunt: Alii sunt paulo minores, quorum tres quatuorve numerantur species, qui partim in sylvestribus partim in campestribus locis gregatim vagantur.

Lerius cervorum quandam speciem commemorat, barbaris *Seorvassu*; nostratibus dissimilem, quod minora cornua gesseret & villis ad capras quamproxime accederet.

Alces *Tapyrete* à barbaris appellari scribit Author Lusitanus, *Lerius Tapiroffou*, <sup>Tapyre-
te.</sup> Thevetus *Taphire*; sunt autem mulis non abssimiles, promulscide oblongiori, quam
10 aut contrahunt aut promittunt, sine cornubus, auriculis longioribus & pendulis, collo contractiore, cauda brevissima, auribus gracilibus, solidis ungulis, carne pene accedente ad bubulam. Nandi atque urinandi peritissimum est animal, statim petit fundum, & ubi longius processerit, emergit rursus: magna horum in hisce provinciis est copia, ita ut tergoribus illorum barbari clypeos suos obducant aut eadem in orbem distenta & ad solem siccata conforment in parmulas.

Ingens quoque aprorum sylvestrium numerus, qui umbelicum habent in dorso è quo gravis odor, instar vulpecularum exhalat, unde facilius à canibus deprehenduntur atque capiuntur; barbari habent carnes illorum in deliciis. Sunt & alii hic majores, sed rariores, quos appellant *Tayacutiricas*, quasi dicas apros dentibus frendentes, quibus ceteras feras terant. *Lerius* videtur hoc animal vocare *Tajassou*. Reperiuntur hic & alii quos appellant barbari *Tajacuguitas*, id est, apros manentes seu subsistentes, quia infesti homines canesque petunt & si prehenderint, dilaniant, adeo feri atque terribiles, ut barbari ad arborum fastigia cuncti cogantur, ubi hæ fere illos interdum integros dies operiuntur; verum indigenæ huius generis, arcum & sagittas secum portare consueverunt, & feras sagittis desuper petere atque necare.

Acuti sive *Agouti*, ut *Lerius* effert, cuniculis Europæis haud abssimiles sunt, colore subflavo; cæterum domesticum animal, recta subire & rursus ad venandum egredi suctum, cibum anterioribus ungulis prehensum devorat quam ocysissime; &
30 ubi satietatem ceperit, recondit studiose reliquias: variæ reperiuntur horum animalium species, omnes edules.

Pace nefrendibus similes, quarum maxima hic est copia, caro tamen illarum difficulter concoquitur; quadam sunt nivei coloris, quæ potissimum juxta ripas fluminis *S. Francisci* reperiuntur, rarius alibi. ^{Pace.}

Pag aut *Pague* (nam quo modo id nomen pronuntient, vix ac ne vix quidem intelligas) fera est (inquit *Lerius*) altitudine mediocri, atque adeo venatici canis, capite deformi, carne ad vitulinæ saporem accedente, pelle pulcherrima, quæ maculis variis, candidis, leucopis, nigrisque distinguitur. ^{Pag.}

Plurimæ (inquit Lusitanus) reperiuntur in hisce regionibus Lynceæ, aliæ nigri coloris, aliæ fusci, quadam & notulis variis eleganter distinctæ; truculentissimum est animal, & quod vix effugas, præsertim si grandiusculum sit; gallinis pariter atque suis infestissimum, quorum interdum integrum gregem una nocte devastat; præcipuum ipsi robur in ungibus, quicquid prehenderit lacerat. Sunt tamen inter barbaros ita audaces fortesque, ut interdum in patenti campo obviam prehendant atque ececent, non minori apud populares suos gloria, quam si hostem in acie vivum manu cepissent. Abundat hisce feris inter alias præfectura *S. Vincentii*.


Carigue, sive (ut *Lerius* scribit,) *Sarigoy*, vulpeculis Hispaniensibus sunt similes sed minores & longe gravolentiores, colore fusco: ascus ipsis sub ventre pendulus
50 in quo fetus suos, quos plerumque sex aut septem uno partu eniuntur, tantisper alunt & circumgestant, quoad ipsi cibum capere noverint: noctuambulum animal, & cum cæteris avibus, tum gallinis infestissimum; de quo etiam alibi. ^{Carigue.}

Tamandua animal admirabile, magnitudine canis, tereti potius corpore, quam longo, cauda longitudine ad minimum triplo corpus excedente, tam villosa, ut adversus aëris injurias totum corpus illa ita tegat, ut videri non possit: exiguo capite & gracili admodum promulscide; ore rotundo & non admodum patulo, lingua
longissi. ^{Tamandua.}

longissima, qua formicas, quibus victitat, deglubit; in antris illarum indagandis imprimis solers, quæ unguis suis acutissimis perumpit, & formicas erumpentes attrahit lingua; ferox animal & quod cæteris animantibus atque adeo hominibus non raro insultat, ipsis trigribus, ut canes taceam, metuendum: cibo inutile, neque ulli rei idoneum, præterquam formicarum antris destruendis, in quo egregiam operam indigenis præstat.

Tatu.
Armadi-
lo.

Tatu sive *Tatou*, animalculum, quod Hispani vocant *Armadillo*, Lusitani *Encuberrado*, porcelli magnitudine, colore cinereo & totum corpus ossis squamis veluti laminis quibusdam tectum, Rhynocerotis pene in modum, pulcherrimo ordine dispositis & mira formarum varietate, quæ adeo duræ sunt, ut sagittarum aciem frangant; victitat sub terra instar talparum, eamque tanta celeritate suffodit, ut multorum fossorum laborem atque industriam sæpissime fallat nec facile capiatur, nisi aqua cuniculis illius infusa: carne sunt candida & optimi saporis, instar porcelli vel etiam gallinæ; exuviis illius ad crumenas & alia operantur. Accuratissimam hujus animantis Iconem (licet toti pene Americæ perfamiliarē sit) hic apponimus è Clariss. Viri Clusii Exoticis expressam.



l.v. c. iv.

Supra autem promissimus nos hoc animalculum alibi paulo accuratius descriptu-
ros; Animal est monstrosum (inquit *Franciscus Ximenez*) mole catelli mælitæ, sed
cauda grandiore, curibus instar erinacei, (quorum anteriora quidem quatuor di-
gitos habent, posteriora quinque; rostro ad eundem modum sed longiori & subri-
liori, auribus cartilagineis & depilis; tectum est toto corpore (præterquam sub ven-
tre & circum collum) laminis quibusdam instar cataphracti equi, quæ certis tendini-
bus ita conjunguntur, ut animalculum in omnes partes se facillime possit commovere,
laminæ autem ipsæ plane sunt ossæ, & ita conformatæ ut Icon repræsentat. Scribit
Ximenez, laminas hæc in pulverem comminutas & dragmæ pondere haustas è de-
cocto salviæ, provocare sudorem & singulare esse remedium contra luem veneream.
penultimum autem ossiculum caudæ, qua corpori conjungitur, in subtilissimum pul-
verem redactum & cum aceto rosæ in pillulas coactum, & auribus inditum, mi-
raculi instar surditatem tollere, quando provenit ex causa calida. Addit *Monardes*:
Nunc ex continenti habemus ossiculum caudæ peregrini animalis, cujus in tenuissi-
mum pulverem redacti pilula, confecta magnitudine capitis aciculæ, atque auri in-
dita dolore ejus sedare & tinnitum etiam, cum exigua surditate conjunctum, tra-
ditur curare. Certe sedari dolorem frequente experientia est comprobatum. Qui-
dam etiam (ait *Ximenez*) affirmant, pulverem caudæ urinam promovere, quod quo-
modo fiat, nequeo capere. Laminæ illius in pulverem redactæ, & pulvis cum aqua
coactus in massam, extrahit spinas & quavis parte corporis. Hæc ille. Clarissimus
Clusius aliam hujus animalculi speciem describit & Iconem quoque exhibet, quem
Lector consulat, si placet.

cap. 37.

l.v. c. 15.

Herinaccos majores appellant barbari *Canduaçu*, minores *Candumiri*, sunt autem Africanis omnino similes. At sunt alii ibidem adhuc minores, quibus spicula sunt subflava, ad acumen nigricantia: quorum spiculorum eam tradunt esse naturam, ut carni vel leviter impacta sponte sua porro penetrant, idæoque barbari illis ut plurimum utuntur ad aurículas perforandas.

Hirara

Hirara barbarorum, Hyenæ, quam hodie Civertam vocamus, similis est, nam eandem esse negant; earum alix sunt nigrae, alix fusca, quædam & candida: melle solummodo vescuntur, in quo eruendo supra modum sunt industrie, nam apiaria inventa ita suffodiunt, ut aditus illis amplissimus ad illa pateat, tum catulos suos ad illa adducunt, & mel exhauriunt, idque non ante degustant ipsæ, quam catuli saturati fuerint, egregio amoris in catulos indicio.

Simiorum & simiarum, item Cercopithecorum maximus hic numerus & summa varietas; inter illos est species quædam, cæteros magnitudine multum excedens, *Aquiqui* vocant barbari; nigris villis & longa infra mentum barba: quibus interdum nascitur masculus colore subrubenti, quem Regem simiorum vocant barbari, facie subalbicante, & barba inter utramque auriculam tam eleganter composita, quasi attōnsa esset, is arborem non raro conscendere dicitur & stridula voce veluti concionari, tam alto ut procul possit exaudiri, habet ad id peculiare sub palato organum à natura comparatum, concavum, è tenuissima sed validissima membrana, ovi magnitudine, quod levi momento distenditur; inter stridendum autem largam eructat spumam, quam catulus juxta positus, successorem illius vulgo autumant, studeo à barba illius abstergit. *Antonius Knivetus* Anglus scribit, hoc simiorum genus à Petiguatibus appellari *Wariva*.

Reperiuntur præterea ad oram Brasiliensem cercopitheci (inquit *Lerius*) parvuli atque nigri, quos illi vocant *Cay*, jucundissimi tum aspectu, tum auditu, nam in arborum cacuminibus, quæ fabas quasdam ferunt in lobis, quibus illi victitant, procelloso præsertim tempore gregatim garriunt & clamitant. Wativa.
Cay.

Est & alterius generis Cercopithecus, quem ipsi appellant *Sagovin*, magnitudine scituri, eodemque pilo ruffo, cæterum rostro, collo, pectore reliquisque fere partibus leoni per similes, audax etiam, nullique parvulorum animalium pulchritudine concedens. Iconem expressit in Exoticis suis Carolus Clusius; sed an sit idem animal, quod *Lerius* describit, affirmare non aulin. Cæteras simiorum species & earum fraudes atque industrias describere longum esset, neque necessarium.

Cuati, inquit Author Lusitanus, colore sunt fusco, fibris Lusitanicis non absimiles, conscendunt arbores instar simiorum; cicurantur interdum, verum tanta est voracitas & malitia ut ægre ferantur. *Lerius* autem describit *Coati* ad hunc modum; altitudine est leporis, brevi pilo & maculoso, auribus parvis & acutis, capite cum parvotum ab oculis eminente rostro, plus pede uno, longo & scipionis instar tereti, ore ita angusto, ut vix auricularem digitorum admittat; ubi capta fuerit hæc fera, collectis quatuor pedibus aut in alterum latus vergit aut concidit, neque unquam ut se erigat, aut vescatur compelli potest, nisi præbeantur formicæ, unde in sylvis sibi victum parat.

Felium præterea sylvestrium summæ hic copia atque varietas: quidam enim sunt nigri, quidam albi, non pauci & subflavi, omnes supra modum agiles & damnosus, non modo avibus, sed & hominibus, pelles autem magno sunt usui.

Iagoaruchi sunt Brasiliensium Canes, nam ad eorum modum latrare videntur, colore è fusco & albo mixto, cauda admodum villosa, velocissimi; victitant raptu & fructibus, suntque mordacissimi. Iagoaruchi.

Tapati sive *Tapiti*, ut effert *Lerius*, cuniculi nostrates videri possent, nisi quod canum instar latrant, præsertim noctu, quod inauspicatum credunt barbari: tres aut quatuor sævus edunt uno partu; rariores tamen reperiuntur, quia non modo rapacibus avibus sed & cæteris feris maxime sunt obnoxii. *Lerius* comparat illos leporibus, & subrubescenti pilo esse scribit.

Iaguacini, vulpibus Lusitanicis magnitudine pares sunt, neque abludit color: victitant potissimum canetis & gammaris; nec non Sacchati cannis quibus sæpe vastitatem inferunt; alioquin innocens animal & somniculosum, unde haud difficile ter opprimitur.

Biarataca, mole selem, forma æmulatur viverram, dorsum illius linea alba atque fusca, crucis in modum ducta, eleganter distinctum: victitant volucribus & illarum ovis; tantopere autem appetit *Ambar*, ut noctu plerumque in litore vagetur, illius indagandi gratia. Fera hæc supra modum metuitur, non quod dentibus aut unguibus lædat, sed propter gravissimum odorem quem spargit, Biarataca.

spargit, qui adeo virulentus est atque noxius, ut ligna atque saxa penetret, & homines atque animalia enecet: atque hic factor quindecim viginti & interdum plures perdurat dies, ita ut pagos suos barbari deserere cogantur, ubi hæc feræ propius accesserint.

Familiares quoque hisce regionibus est animal cui ab ignavia nomen inditum cuius descriptionem alibi dedimus. Glirium autem infinita hic copia & variae species, quarum magnitudine & colore multum differunt & à barbaris commeduntur, satis adeo noxii, ut interdum illa corrumpant.

Hay.

Hay (inquit Lerijs) magnitudine est canis, facie cercopitheci, ventre pendulo quemadmodum scrofae prægnantes, pilo leucopeato valde diluto, longissima cauda, pedibus in morem ursi villosis, prolaxis unguibus: licet autem dum in sylvis agit, valde sit ferum, caprum tamen facile cicuratur: nudi tamen barbari non lubenter cum illo collidunt, propter unguium longitudinem & acumen: mirum autem & pene incredibile, quod neque in sylvis neque domi ullum cibum capere visum narrent barbari, ita ut aura instar Chamæleontis vivere opinentur. Thevetus vocat hanc eandem feram *Hait* live *Haitshi*, & Iconem illius de signat facie pene infantis, quam hic adiungimus.



Licet autem de illius abstinentia à cibis eadem scribat cum Lerio, tamen opinatur foliis arboris cuiusdam, quam vocant *Amabus*, vesci, quia ut plurimum in fastigijs illarum arborum reperitur.

C A P. VI.

Angues serpentesque terrestres ex iisdem scriptoribus, ut supra.

Giboya.

DIXIMUS supra, hanc regionem plurimos angues, serpentesque tolerare, eorum aliquos hic describemus ex Authore Lusitano, Lecio atque alijs.

Giboya live *Iaboya* omnium serpentum quos hæc regio fert maximus, quadripes, interdum viginti pedes longus, aspectu pulcher & tantæ molis, ut interdum integrum cervum deglutire visus fuerit: nullum huic virus, neque dentes moli corporis respondentes: feras autem capit singulari industria, quippe juxta semitas resupinans in prætergredientes inopinato insilite, easque ita circumvoluit, ut ossa omnia comminuat, deinde lambendo ita emollit, ut integras possit deglutire.

Giraupia-
agata.

Giraupia in Regione *Ravim* tantummodo reperitur, ingenti mole & tam graviter olens, ut factor illius nullatenus ab hominibus possit tolerari.

Canina-
na.

Sunt & alij, quos vocant *Caninanas* perelegantes & vitidis coloris, oblongi & crassi qui itidem ovis atque volucribus victitant.

Boyti-
pua.

Boytiopua quasi dicas anguem oblongo rostro præditum, teres & oblongus, ranis solummodo victitare dicitur: barbari feminas steriles, fecundas reddi autumant, si lumbis illarum hic anguis affricetur.

Guaytie-
pua.

Guaytiepua in Regione *Ravim* tantummodo reperitur, ingenti mole & tam graviter olens, ut factor illius nullatenus ab hominibus possit tolerari.

Boyuna.

Boyuna, id est, niger anguis, gracilis & oblongus, gravemque de se spargit fetorem instar vulpecularum.

Bom.

Est & alius anguis magnæ molis, quem à strepitu quem edit vulgo vocant *Bom*, cætera innocuus, neque cuiquam infestus.

Boyce-
peanga.

Boycepeanga vero, id est, anguis in tergo notulis quibusdam distinctus, multo est crassior, ejusque notæ supra modum virulentæ judicantur.

Jaratacq.

Jarataca autem nomine, quatuor venenatorum anguium species designantur: quorum maximos appellant *Jaratacuch*, decem palmos longos: his dentes sunt grandiusculi, quos moriuri digitorum instar, protrudunt, alioquin buccis tectos, præcipuum

in

in hisce virus, humor crocei coloris, adeo potens ut viginti quatuor horarum spacio homines de medio tollat: plures simul enituntur fœtus, nam & qui tredecim utero fervet, exenteratum ferunt. Altera species dicitur *Taracoaspitinga*, id est, anguis cuius cauda magis alba est quam fusca, tam venenatus, quam vipera Hispanienlis, nec forma multum differt aut color. Tertia *Tararaepeba* nominatur, cui linea rubri coloris catenulæ instar super dorsum & sub ventre discurret, cætera fuscus aut cinereus. Minimi denique appellantur *Tararaca*, qui raro longitudinem dimidii cubiti excedunt, terreo colore, venis quibusdam in capite prominentibus instar viperarum, & haud aliter quam illæ stridentes.

- 10 *Curucucu* truculentus anguis, & plurimum metuendus, interdum quindecim pal- Curucu-
cu.
mos longus; præcipuum illi venenum in capite, ideoque barbari intercepto quanto-
cius caput amputant & cooperiunt humo.

Boycinings, à tintinabulo quod extremæ illius caudæ Author naturæ addidit ita Boyci-
ninga.
appellata; plerumque duodecim aut tredecim palmos longa, tam celeriter proreprens
ut volare videatur: est virulentissimus, verum rarius hominibus nocet, quia strepitu,
quem tintinabulo edit, veluti admonet de via decedere. Ejus minor species *Boyci-
ningepeba* appellatur, nigro colore & exquisitissimo veneno. De hoc angue etiam alibi
diximus, quum & in America Septentrionali repetiatur.

- 20 *Ibiracua* autem virus tam vehemens censetur, ut homini quem momorderit, quan- Ibiracua:
tocius sanguinem ex oculis, auribus, naribus, gutture & inferioribus corporis partibus
expellat, tanta copia, ut nisi statim subventum fuerit, emoriatur.

Ibiboboca pulcherrimus anguis, nigro, rubro atque albo colore, caput totumque Ibibobo-
ca.
corpus distinctus, verum omnium longe virulentissimus, & tardissime se promovens.

- Vehementiam veneni quo prædicti angues atque serpentes sunt instructi, & ex-
quisitos dolores quos adferunt & numerum illorum qui quotidie præ morsibus ipso-
rum intereunt, explicare difficile fuerit: tanta enim illorum multitudo, ut non mo-
do in campis & sylvis, sed & in ipsis domiciliis, inque lectulis incautos opprimant,
& nisi statim subveniatur venæ sectione, dilatactione vulneris, haustu unicornu aut
Carimæ vel denique alterius antipharmaci ope, exquisitissimis cruciatibus necesse sit
intereire. Sunt autem inter illos nonnulli, præsertim ex *Iraracarum* genere, qui mu-
scum redolent; unde facilius ab hominibus hujus gnaris aut vitantur aut occiduntur.

Scorpionum præterea in hisce regionibus, infinitus est numerus, qui raro mor-
tem adferunt, licet ingentem cruciatum viginti quatuor horis insilgant.

- Quia autem de venenatis & noxiis animantibus copiosius, de insectis quibusdam
pauca addamus. Barbaros (inquit *Lerius*) infestat exiguum insecti genus, quod *Ton* Ton.
nuncupant: nascitur in pulvere, magnitudine pulicis: at ubi sub manuum aut pedum
unguibus se insinuavit, prurigo statim oritur, acyri modo, & nisi confestim eruat,
brevis spacio excrescit ad pisi magnitudinem, nec tum extrahi potest nisi cum magno
cruciatu. haud dubio idem est cum *Nigua* de qua alibi diximus. Adversus hanc luem
40 uruntur barbari hoc remedio: partes corporis quæ illis expositæ sunt & obnoxie oleo
injungunt spisso & rubri coloris, quod exprimitur è fructibus, quos illi vocant *Couroq*.

Gignit præterea Americanus aer subtilissimum culicum genus, quod Brasilienses
vocant *Yetin*, qui adeo lancinant etiam levius indutos, ut mucrones acuum referant. Yetin.

Sunt & hic papiliones quidam quos barbari (inquit *Lerius*) appellant *Aravers*, Aravers.
gryllorum magnitudine; gregatim quoque ut illi accedunt ad focos, exeduntque si
quid offenderint, præsertim vero thoraces coriaceos & calceos ita arrodunt, ut su-
perficiem penitus absument; gallinas quoque & alia cibaria negligentius recondita
ad ossa usque erodunt. Ut hoc caput absolvam, totum hoc clyma obnoxium est ve-
nenatis, damnoſis atque permolestis animantibus.

Vulures quadam Brasiliæ descriptæ ex iisdem Authoribus.

QUE AD MODUM hæ regiones ubique pene sylvis & densissimis lucis sunt
impeditæ, ita ad miraculum usque scatent innumerabili elegantissimarum
volucrum copia: Præsertim autem Psittacorum, quorum infinitus pene nu-
merus

merus ita, ut integros saltus, integras insulas occupent, elegantia & plumarum admirabili varietate; quorum plerique humanas voces & loquelam discunt imitari paulo diligentius erudiantur. Inter illos excellunt magnitudine & pulchritudine, quos barbari *Araras* & *Macas* vocant, rariores & maritimis provinciis; plumæ pectoris sunt purpureo colore eleganti, versus caudam aut flavo aut viridi aut cæruleo colore sunt tinctæ, reliquo corpore mira varietate unum aliquem horum colorum, cæteris dilutius intermixtis, exprimunt; caudam habent oblongam: duo tantum ova in concavis arborum aut petrarum cavernulis excludunt: Barbari has aves maximi faciunt, ob plumarum elegantiam; cicurantur autem facile & voces humanas discunt sonare.

Arara.
Macao.

Anapura.

His proxima *Anapura*, è Psittacorum itidem genere, elegantissimis coloribus, rubro, viridi, flavo, nigro, cæruleo, fusco, aliisque miro temperamento toto corpore, distincta; atque eo potissimum cæteris præferenda, quod non modo cicuretur & doceatur, sed & pullos suos sub testis excludat atque educat; quod aliis infuerum.

Ararua.

Tertium locum meretur *Ararua* vel *Machao*, plumis quidem nigris, sed viridi colore tam eleganter distinctis, ut solaribus radiis percussæ, mirabile in modum emicent, pedibus flavis, rostro atque oculis rubentibus; parit tantum in Mediterraneis, rariusque reperitur juxta littora.

Ajurucomi.

Quarta Psittacorum species, (quos Barbari vocant *Ajurucomos*) longe pulcherrima est, maxima parte viridis coloris, crista & collari flavis, plumis supra rostrum cæruleis, alarum remigibus eleganter rubentibus, cauda rubra atque crocea, quibus viridis color est intermixtus.

Tuins.

Omnium sunt minimi, quos vocant *Tuins*, virides aut diversis coloribus pulcherrime variati; qui ob docilitatem magni sunt, omniumque maxime sunt domestici, cibum ex familiarium ore capere, eorumque dentes purgare sueti, in subsiliendo, canendo, garriendoque indefessi.

Guarubax.

Psittacorum autem genus, quod appellant *Guarubas*, id est, flavas aves, neque loquitur, neque gesticulat, triste & solitarium; magni tamen fit à barbaris, quia ex intimo Continente adducitur, neque facile conspicitur nisi in ædibus barbarorum quibus præcipua sunt veneratione, hi enim illos interdum binorum mancipiorum lytro permutant, neque secius æstimant quam Nobiles nostri accipitres aut falcones.

Yapu.

Tapu denique æmularur picam, cujus totum corpus nigricat, cauda tantum flavescit: tres illi in capite pinnulæ, quas erigit instar cornuum, oculos habet cæruleos, rostrum cæroceum: pulcherrima avis sed quæ ubi irascitur gravissimum de se fundit odorem; in victu quærendo admodum sedula, araneas, scarabeos, gryllos per omnes ædium angulos pervestigare sueta: periculosum autem manibus has gestare, quia oculorum acies appetunt, naturali quodam instinctu.

Lerius tres tantum Psittacorum species prodidit, *Ajourous* omnium maximos; *Marganas* qui Europæ ut plurimum inferuntur; & *Tovis* quos Galli vocant *Moissens*.

Guaiminibique.

Minorum autem volucrum, quas *Guaiminibique* appellant barbari, variae sunt species, uti *Guacariga*, id est, radius solis, & *Guaracigaba*, id est, capillus solis. Insularum quas *Antillas* vocant, incolæ vocant *Renatos*, quia semelstri integro creduntur dormire, & primo vere veluti renasci: Hispani vocant alibi *Tomineios*, quia, ut refert *Oviedus*, in monetaria trutina, qua aurum expendi solet, cum nidulo suo posita, bina tantum pondera, Hispanis *Tominos* dicta, pendet, id est grana viginti & quatuor: pulcherrima autem est avicula, nam capitis & colli plumæ miram repræsentant elegantissimorum colorum quocunque obvertas, varietatem, uti & pectus, præsertim autem igneum quandam colorem, auro splendidiorem: reliquum corpus subcinericium est: rostrum habet oblongum & linguam rostro duplo longiorem: volat celerrime, editque inter volandum strepitum quandam instar apiculæ, ita ut magis apis quam avis videatur. Origo illarum proditur duplex, nam aliæ quidem ex ovibus excluduntur uti reliquæ volucres: aliæ ex muscis transformari creduntur vulgo; quod haud dubio fabulosum. Omnes pene Hispani, qui de rebus Indicis scripsere, meminerunt hujus aviculæ, neque cantus illius ullam faciunt mentionem, soli Lerius & Thevetus Galli, suavem illi tribuunt cantum, scribuntque à barbaris nominari *Guomanbuch*, quod nomen ab eo quod jam ex nupero Authore Lusitano expressimus, non multum abludit: nisi quod

quod pluribus speciebus commune faciat. Iconem supra exhibuimus è Clar. Viro Carolo Clusio, hic & illius descriptionem adjungimus. Erat (inquit) hæc avicula, ut ex pictura observabam, à rostri mucrone ad pennarum caudæ extremitatem, tres uncias longa: caput videlicet cum integro rostro, erat longitudinis uncialis cum semisse; alæ ad extremam pene caudam porrectæ, parem habebant longitudinem: dorsum vix unciam erat latum; ejus & alarum color ex cinericeo fuscus, ventris cineraceus, pennis quæ in cauda obscure rubentes, earumque extrema pars nigra; capitis, colli, gutturis plumæ elegantissimæ, coloris ex aureo, rubro & flavo mixti, quæ soli expositæ, admirabilem varietatem prout obvertebatur caput, ostendebant: rostellum ni-

l. s. c. 17.

10 grum, tenuissimum & maxime acutum: pedes valde exiles, nigri, quatuor digitis, ut reliquarum avium, præditi, quorum tres in anteriorem partem porrecti, quartus in posteriorem. Hæc ille, qui plura desiderat adeat illius Exotica:

l. s. c. 2.

Gurania-enger magnitudine Fringillæ, tergo atque alis ceruleis, pectore & ventre flavo, diademate supra caput flavo; pulcherrima avis, cæterarum fere omnium cantum imitatur & mille modis flectit vocem atque subinde mutat: variæ hujus reperiuntur species, quæ omnes aviariis inclusæ summopere delectant.

Gurania-enger.

• *Tangara* passeris magnitudine. colore nigro, capite subflavo; non canit: Epilepsiæ videtur obnoxia, Ideoque carnibus illius abstinent barbari: variæ illius sunt species. Narrant barbari aviculas hæc inter se choreas ducere, una instar mortuæ humi procumbente & inconditum murmur atque strepitum edere; donec illa consurgat & similem strepitum edat, tunc omnes una volare.

20 *Quereius* maximi fit à barbaris propter plumarum exquisitam elegantiam; quippe totum illius pectus, pulcherrimo colore rubro tectum est, alæ autem nigro, reliquum corpus cyaneo.

Quereius.

Tucana, quam Lærius & Thevetus vocant *Toucan*, picæ magnitudine (inquit Author Lusitanus) flavo pectore, reliquo corpore nigro: rostro ingenti & minimum palmum longo, extus flavo, intus vero lætè rubente; cicuratur ita ut sub tecto pullos suos excludat. Mirum autem videri possit quomodo tantilla avis tam grande rostrum ferat, sed est levissimum & valde tenerum.

Tucana.

30 *Guirapanga* tota est alba & cum modicæ sit magnitudinis stentoream habet vocem, & quæ instar tintinabuli ad dimidiam pene leucam exaudiat.

Guirapanga.

Macucagua superat gallinas Europæas magnitudine, phasianæ avi non absimilis, cujus nomine à Lusitanis insignitur, triplici cute munita est, habetque largam carnem & imprimis delicatam, ponit bis quotannis tredecim aut quindecim ova; graditur quidem humi sed ad conspectum hominum petit arbores, multæ illius reperiuntur species, quæ facile capiuntur. Lærius videtur hanc *Macucovam* appellare, quam perdicis speciem facit.

Macucagua.

40 *Muru* (inquit Author Lusitanus) gallinæ est species admodum domestica, cri-stam gerit instar galli, nigris atque albis punctulis interstinctam, ova illius sunt grandia, alba & ita dura, ut inter se collisa instar ferri tinniant, quare barbari Maracas suas ex illis conficiunt: canibus illarum ossa sunt lethalia, hominibus nihil nocent. Lærius scribit, duo genera exquisitarum avium hic reperiri, quibus nomen est *Monton*, Pavonum magnitudine, pluma nigra & leucopæata: itemque maximam gallinarum, quas vocant Indicas, multitudinem, quas barbari vocant *Arignan-fon*, sicuti nostrarum vocant *Arignan-miri*.

Muru.

Perdicum (inquit Author Lusitanus) quas *Vru* vocant barbari, ingens copia hic est, uti & turturum (*Paicacu* à *Tovoupinambantiis* appellari scribit Lærius) columbarum, turdorum, neque multum discrepant ab Europæis.

Uru.

In mediterraneis provinciis plurimi reperiuntur struthiones, barbari suo idiomate 50 nominant *Andugacu*. Inter rapaces aves numeratur, magnæ molis & tam clamosa, ut ad dimidiam leucam audiat, tota nigra, pulchris oculis, rostro galli gallinacci, cui cornu impositum palmi pene longitudine, quod eis qui linguæ vitio laborant, ad collum appensum occulta quadam naturæ vi mederi, experientia volunt comprobatum.

Reperiuntur hic quoque Aquilæ, accipitres, vultures & similes aves quæ raptu vivunt, sed ita feræ omnes ut nulla industria cicurari aut doceri possint.

*Arbores fructifera Brasiliæ, aliæque è variis Authoribus descriptæ.*Acaiou.
cap. 24.

INTER fructiferas harum regionum arbores excellit *Acajou*, quam Christophorus à Costa ita describit: Malum puniceum æquat hæc arbor magnitudine: folium illius viret delutius & carnosum est: flos candidus, similis fere mali aureæ flori, sed pluribus foliis constans, nec adeo odoratus. Præbet hæc arbor fructum *Cajou* vulgo appellatum; qui quoniam boni saporis est & ventriculo utilis, ab omnibus multum æstimatur. Est autem hic fructus magni mali instar, valde flavus & odoratus, intus spongiosus & succi plenus, sine ullis granis, gustu subdulci, nonnihil tamen fauces coarctante. Sed duplicem habet eodem anno ortum, hæc ratione: marcescente flore subsequitur faba prægrandis, inter quam & florem, intumescit quiddam malo simile, quod paulatim fabæ succum ad se pertrahit; quoque majus incrementum sumit, eo faba sive nux magis minuitur, donec fructus *Cajou* hoc est malum illud plenam consecutum fuerit maturitatem, quod è colore flavo aut rufo (nam uterque color in his malis conspicitur) & odore deprehenditur; maturo fructui nihilominus inhæret faba illa & cum illo colligitur. Hæc ille: Fructum hunc elegantissime & accurate pictum nacti illum in tabella exprimendum curavimus & hic adjungi.



Porro nux hæc quæ in extremo fructu prominet, renis leporini forma est (inquit Clusius) colore cinereo, interdum ex cinereo rubescente. Duplici autem constat cortice, inter quos spongiosa quædam est materia, olei asperitimi & calidissimi plena, intus vero nucleum candidum continet esui aptum, & pistaceis saporis suavitate non cedentem, pellicula cinericea obductum, quam adimere oportet. Eo leviter tosto vescuntur incolæ, gratior enim est & venerem stimulare creditur. Acri illo oleo nihil præstantius esse ferunt ad lychenes & impetigines tollendas. Incolæ certe utuntur illo adversus scabiem. Leonem nucis ita exprimendam curavit Clarissimus Vir Carolus Clusius, tum integræ tum dimidiatæ.



Porro Author Lusitanus quem hætenus hic ut plurimum secutus sum, tribuit huic arbori florem rubrum: & lignum hujus arboris ne foco quidem satis idoneum dicit; verum gummi quoddam fundere, quo pictores utantur; corticemque tingendis gossypinis filis, atque scitilibus vasis utiliter adhiberi: eundemque in aqua cum æramentis ad tertiam partem ebullitum, egregie mederi malignis ulceribus.

Mangaba.

Mangaba arboris ingens visitur copia, circa sinum omnium Sanctorum, rarius alibi reperitur: Est autem cortice Fago, frondibus Fraxino non dissimilis, semper virens & valde amara. Fert fructus bis quotannis, primum in tubere, tunc enim non floret, sed tuber est illius fructus; deinde primo producit florem lasmino similem, sed multo fragrantior; cui succedit fructus præcoci magnitudine, exteriori parte flavus, & punctulis quibusdam nigris distinctus; interiori sunt nuclei aliquot, qui una cum cortice manducantur. Gracilissimus est palato, salubris & adeo levis, ut maxima copia sine ulla noxa comedatur: decidit antequam plene maturaverit, ideoque seponitur ab indigenis, donec mitigetur, qui vinum quoddam ex hisce fructibus exprimunt: frondes autem atque fructus nondum maturi fundunt lacteum quandam succum viscosum atque amarum.

Arbor quæ fructum fert, quem Indigenæ suo idiomate vocant *Murunge*, procera est

est & pyro sylvestri admodum similis; fructus illius habet longum scapum & decerpitur viridis, ubi autem fuerit mitigatus, optimi est saporis & facilis digestionis. Solent autem Indigenæ quorundam enim flavos, ut facilius fructus colligant, quare rariores reperiuntur: è truncis autem inciso emanat lacteus quidam liquor, qui constipatus ceræ usum in tabulis consignandis possit præbere.

Earum autem arborum, quæ *Aracas* ferunt, id est, exigua pyra, maxima est copia, Araca. atque varietas, quædam enim flavos, quædam rubros, nonnulla & virides ferunt fructus; idque omnibus anni mensibus: palato sunt gratissimi ob aciditatem.

Ombu parula est arbor, sed humilior: fert fructum similem pruno albo, sed paulo Ombu. 10 rotundiorum & subflavescentem: dentibus supra modum noxium, ita ut barbari crebrius illis vescentes plerumque dentium jacturam patiantur. Comedunt quoque vulgo radices hujus arboris, quæ dulces sunt instar Sacchari, frigida qualitate atque salubres, ita ut inter refrigerantia à Medicis præscribantur iis qui febribus aut alio morbo calido laborant.

Iacupucaya numeratur inter procerissimas harum regionum arbores, fertque fructum similem scypho cum suo operculo; intrus autem continet aliquot castaneas, m- Iacupucaya. robalanis non abimiles: operculum deducit se sponte ubi maturaverint, ita ut fructus excidant; si quis autem multum vescatur incoctis, ei crines toto corpore defluent: at rosti nequaquam nocebunt: putamina usurpant loco calicis: materies arboris durissima est & putredini minimum obnoxia, unde ad axes in molendinis Saccharariis vulgo illa utuntur Portugalli.

Araticu arbor aurantiae mali magnitudine, foliis citrei: fert fructum magnitudi- Araticu. dine pinæ nucis odoratum & palato apprime gratum, quique haud facile nauseam pariat: Variæ illius observantur species, & inter illas una quam nominant *Araticu-panania*, cuius fructus admodum frigidus judicatur, & si crebrius sumatur, non minus noxius quam venenum: materies hujus arboris levis est instar suberis, ita ut apud barbaros eundem usum præster.

Pequea, duæ recensentur species: una quæ fructum fert aurantio malo similem, Pequea. crasso cortice, quo mellis quidam liquor continetur, dulcedine sua certans cum 30 Saccharo, cui & nucleis aliquot sunt permixti. Alterius lignum judicatur omnium quæ in hisce regionibus nascuntur, longe durissimum & gravissimum, Lusitani vocant *Setim*, omnis putredinis expertus.

Iabaticaba arbor fert fructum, parem magnitudine Limoni, succo acidiori instar Iabaticaba. uva immaturæ; cortex quoque ab ima radice ad extremitatem usque ramorum ex- primit eundem saporem; rara est arbor & quam tantum in *S. Vincentii* Præfectura dicunt reperiri.

Frequentes hic reperiuntur arbores quæ Cocos nuce ferunt, non quidem locis sylvestribus, sed juxta barbarorum pagos & in pomariis.

Palmarum (inquit Author Lusitanus) supra viginti species à variis sunt observa- 40 tæ, sed fructus illarum cum Cocis minime sunt comparandi. *Lerius* scribit quatuor aut quinque Palmarum genera hic inveniri, quarum frequentissimum in hisce partibus, à barbaris appelleretur *Gerau*, proximum autem *Tri*.

In Mediterraneis, ultra Præfecturam *S. Vincentii* & versus *Paraguayum*, integræ visuntur Pinorum sylvæ, quæ fructus ferunt Europæis omnino similes, sed rotundiores & majores; nucleis autem salubres sunt & temperatioris qualitatibus quam passim per Europam nati.

Gabueriba vasta est arbor, & propter balsamum quod fundit, summæ dignationis Gabueriba. cortice leviter vulnerato, applicant Gossypium, in quod liquor sensim emanat, quem 50 Lusitani vocant Balsamum, quia ad verum quam proxime accedit, recentibusque vulneribus utiliter medetur, optimeque olet: nam & luci in quibus hæ arbores nascuntur, fragrant quam jucundissime. Materies illius numeratur inter præstabilissimas, ob duritiem & pondus, singularemque usum quem præbet in ædificiis. Feræ ipsæ deterunt affricando arborum harum cortices, Medicinæ, ut verisimile sit, gratia. Reperitur autem potissimum arbor in Præfectura *S. Vincentii*, alibi autem rarissime.

Cupayba, arbor instar ficus, procera, crassa atque recta, quæque plurimum olci Cupayba. conti-

continet: nam cortice tantū inciso, effundit magnam copiam limpidissimi olei, quale ex olivis exprimitur: Commendatur id imprimis ad vulnera curanda & cicatrices tollendas: sed tanta in his regionibus reperitur copia, ut etiam in elyphniis usurpetur: Materies arboris inutilis. Oleum hoc vulgo appellatur *Copal-yua*; de quo videndus Carolus Clusius in commentariis ad Christophorum à Costa.

Ambay-
ba.

Ambayba arbor ficui itidem similis, sed humilior: reperitur fere in vepretis & arvis quæ quondam culta fuerunt, rarius aut numquam in sylvestribus: corticis interior superficies derafa & recentibus vulneribus, cortice superligato, imposita, quam celerime eadem sanat: folia illius ita sunt scabra, ut lignis levigandis inserviant, materies plane ad opera inutilis.

Ambaig-
tinga.

Ambaigtinga alia ejusdem pene arboris species, quæ inter pinorum lueos reperitur, fundique liquorem quandam oleosum, de quo Monardes: Ibidem (inquit) colligitur liquor sive resina, quam vocant *Abjegnam* ex arboribus sylvestribus, quæ neque pinus neque cupressi possunt dici: sunt pinis altiōres & cupressorum in modum rectæ. In harum cacumine enascuntur quædam vesiculæ, magnæ parvæque, quibus distruptis destillat guttatim liquor quidam mirabilis, quem Indi diligenter excipiunt conclus, sed tanto labore atque molestia, ut multi pluribus diebus vix pauxillum colligant. Ejus usus est in omnibus, ad quæ Balsamum usurpant; Consolidat enim optime vulnera, mitigatque dolores ex materia frigida & flatulenta prognatos: Utile quoque est adversus stomachi vitia, ab humore frigido, aut flatibus genita, ex pauxillo vini albi sumtus. Author præterea Lusitanus, quem fere sequimur, commendat folia hujus arboris adversus vomitiones; & stomachi imbecillitatem oleo hoc exterius inuncto curari tradit: longe vero altum describit illius colligendi modum: & quem ante quoque de Balsamo tradidimus: nam & corticem & folia soli prius exposita contrundi & in aqua tantisper ebulliri, donec omnis oleosa substantia supernatet, atque ita despumeretur.

Igbucami-
ci.

Igbucamici arbor Præfecturæ S. Vincentii per familiaris, fert fructum cidoncis similis similem, intus exiguis granis refertum, præsentissimum, ut ferunt, adversus dysenteriam remedium: dubito annon idem sit cum *Mamoerra*, de qua mox.

Igcigga.

Igcigga, producit speciem mastyches, gratissimi odoris: cortice illius contuso edit liquorem quandam album, qui condensatus supplet vicem thuris, & emplastro adhibetur utiliter in affectibus frigidis. Est & alia ejusdem species, quam appellant *Igcig-cicam*, id est, mastychen duram instar lapidis; adeo enim dura & pellucida est illius resina, ut pene vitrum esse videatur: barbari communiter utuntur illa ad fictilia vasa incrustanda.

Curupicaiba.

Curupicaiba arbor habet folia similia malo persicæ nostrati, quæ effundunt liquorem quandam lacteum ficulneo similem, singulare adversus vulnera & pustulas remedium: cortex autem illius vulneratus effundit viscum, quo barbari utuntur in volueribus capiendis.

Caaroba.

Caaroba arbor in hisce regionibus frequentissima, ejus folia nonnihil mastycatas pustulisque luis veneræ imposita, eas tam feliciter sanant, ut non facile recrudescant: lignum easdem vires adversus hunc morbum creditur obtinere quas radix Chinx & lignum sanctum quod Antillæ insulæ producut: è floribus autem componunt conservam ad eundem usum: Est & altera illius species quam appellant *Caarobmacorandibam*, cujus materies est cineracei coloris, & medulla longe durissima.

Iaburandiba.

Iaburandiba quæ & *Betele* nominatur à barbaris, amat potissimum fluminum ripas: folia subministrant singulare remedium adversus omnes hepatis affectus, uti experientia est comprobatum.

Betele.

Est & alia arbor *Beteles* nomine nota, priore paulo minor & frondibus orbicularibus, cujus radices vim quandam obtinent causticam, instar gingiberis; sedant dentium dolores gingivarum concavitatibus inditæ.

Anda.

Anda, vasta atque elegans arbor, cujus lignum plurimi est usus: è fructu autem extrahunt barbari oleum quoddam, quo corpora sua inungere consueverunt, cortice autem ad pisces capiendos utuntur; aqua enim, in qua maceratus fuerit, animantes omnes veluti soporantur.

Ajurati.

Ajuratibira arbutum tantum, ferens fructum rubrum, è quo barbari oleum ejusdem coloris conficiunt, quo corpora sua solent illinere.

Ajabutipita arbuscula quinque aut sex palmos alta, fert fructus similes Amygdalis, sed nigros, è quibus oleum ejusdem coloris exprimitur, quo infirmorum artus inungere barbari perquam usitatum.

Ianipaba pulcherrima arbor & late virens, mutat singulis mensibus frondes, quæ à juglandis foliis non multum differunt, fert fructus aurantiis malis forma similes, sapore malo cydoneo, in quibus singularis observatur facultas adversus dysenteriam, fructus hujus succus primo est albus, verum corporibus illitus brevi tempore ita nigrescit, ut mirum videatur; unde barbari eo utuntur pro atramento, cutemque illo insigniunt certis notis, Europæorum vestitus æmulantes; novem ut plurimum dies durat hic color, deinde evanescit: dicitur autem cutem egregie constipare atque indurare: immaturo quidem fructui hæc facultas, maturus nihil tale operatur.

Iequinguacua arbor, fructus fert fragis similes, quibus feminis loco continetur durissima faba, orbicularis, nigra & instar Thracii lapidis resplendens, amarissimo cortice: supplet egregie vicem saponis, & detergit validius quam optimum smegma Lusitanicum.

In Mediterraneis juxta sinum omnium Sanctorum, ut vocant, locis siccis & in aquosis nascitur arbor vasta & patula, cujus ramis insunt foramina admodum profundæ, quæ æstivis juxta & hybernis mensibus videntur plena quodam aquoso, qui numquam exundat, neque satis constat unde oriatur; & quod monstro simile, numquam minuitur, licet exhauriatur, ita ut non tantum fontis sed & modici rivuli locum suppleat: nam vel quingentis hominibus sub ea hospitari, bibere & lavare licet ad satietatem: est autem humor limpidus, sapidus, & divinitus provisum remedium iis qui per illa siticulosa iter habent.

Multa præterea vastissima arbores passim hic reperiuntur in sylvis atque saltibus, è quibus barbari cymbas uniligneas excavant; multa quoque quibus materies est durissima & nulli putredini obnoxia: & imprimis lignum, quod vocant Brasilianum, è quo maximum quæstum faciunt Portugalli: multa denique ligna odorata, ut *Jaranda*, sandalum, aliaque ejus generis.

C A P. IX.

Plures arbores Brasiliæ familiares, è Lerii atque Theveti commentariis.

ARBOR totius Brasiliæ celeberrima & à qua Regio nomen putatur sortita appellatur à barbaris *Araboutan* vel (ut scribit Thevetus) *Oraboutan*; adæquat quercum nostratensem proceritate & ramorum copia; tantæ interdum crassitudinis, ut tres homines vix brachiis completi possint: folia illius sunt buxeis persimilia: nullum fert fructum: cortex illius exteriori parte est gryseus; materies intus solidissima & rubicunda, minime humida, sed natura sicca, ita ut accensa parce admodum fumum edat: tingit egregie, adeo ut etiam cineres illius imprudenter lixivio admisti indusia adeo tenaci colore rubente infecisse narret Lerius; ut licet sæpius abluta numquam colorem mutarent.

Ayri arbor, palmæ quidē persimilis quoad folia, caudice vero spinis acutissimis, acuum in modum, undiquaque armato: fructus fert mediocri magnitudine, in cujus medio deprehenditur nucleus nivali albedine, non tamen edulis: *Ebeni* speciem credit Lerius, nam materies illius nigerrima est, dura adeoque gravis, ut aquæ injecta statim petat fundum; barbari adornant ex illa clavas suas: eademque & sagittas asperant. Thevetus appellat hanc arborem *Hairi*, illiusque Iconem dat quam hic adjungimus.

De materie illius scribit pene eadem, nisi quod *Ebeni* speciem haud opinatur, quia minus splendet etiam levigatum: fructus illius comparat pilis, traditque inferiore parte esse mucronatos; sequæ ma-



Ayri.

gnum horum fructuum numerum portasse in Galliam: an edules sint neque, non explicat: dubito autem an hujus arboris materies sit quam Portugalli vocant *Palo de Ferro*; habeo autem plurimas sagittas hoc ligno mucronatas, & durissimum esse & instar ferri penetrare experientia comprobavi.

Copau. Complura quoque (inquit *Lerius*) ligna reperiuntur in America, multiplicis coloris, quorum nomina singulatim edere non possum: nonnulla vidi buxco colore, alia violaceo, alia candida instar chartæ, alia denique rubra, diversi à Brasilio generis: è quibus etiam clavas suas adornant barbari; unum quoque quod illi nominant *Copau*, arbor juglandi nuci est persimilis, neque tamen fert nuces, materies autem levigata easdem maculas cum illa ostentat.

Adhæc nascitur in hisce regionibus, arbor eximie pulchritudinis, cujus materies adeo suavem spirat odorem, ut fragrantissimas rosas æmuletur. Contra adolescent hic alia, quam barbari vocant *Aouaj*, aut ut Thevetus scribit *Ahouaj*, teterimum spargens odorem quum secatur, & qui vix ferri potest, propterea à barbaris nequidem ad pyras usurpatur: cæterum arbor est pyri magnitudine, foliis semper viventibus & mali nostratis non absimilibus: fructum fert mole modicæ castaneæ, qui figura proxime accedit ad Græcorum litteram Δ, nucleus illius supra modum est vinctus; putamen durissimum & tinnulum; quare à barbaris loco tintinabulorum usurpantur, & brachiis eruribusque circumdantur ornatus gratiæ: eosdem fructus & clavis suis, & securibus aliisque instrumentis alligant. Iconem fructuum hic adjicimus, eleganter barbarum in modum concinnatorum.



Multæ quoque reperiuntur hic arbusculæ, præsertim juxta littora, quæ ferunt fructus nostratibus mespilis valde similes, sed valde periculosos; quare barbari, quum ad venas ad eos colligendos accedere conspiciantur, crebro ingeminantes suum *Tpochi*, admonent ut ab iis abstineant.

Hinou-
rac

Hinouæ (inquit *Lerius*) cortex est semidigitali crassitudine, sapore gratus, præsertim recenter detractus, species est Guajaci quantum accepi à duobus pharmacopolis qui nobiscum mare transierant: eaque barbari uruntur ad luem veneream, quam vocant *Pians*. Modum exhibendi describit Thevetus, & addit fructum ferre modico pruno magnitudine parem, colore aureo, verum singulis tantum annis quindenis: intusque continere nucleum exiguum, suavem & delicatum, atque ægris imprimis gratum. Cortex exterior parte est argenteus, interiore subrubus, fundit lacteum humorem quum recens detrahitur, sapore salis, sed ad glycerizæ saporem accedente.

Choyne

Choye arbor barbaris appellata, mediocri est altitudine, foliis forma & viriditate lauri, pomis magnitudine capitis infantis, ad figuram ovæ struthiocameli accedentibus, non tamen edulibus, cortice ligneo, unde barbari ex eo conficiunt maracas suas atque alia iridem vasa.

Choye.

Pacoire (inquit *Lerius*) frutex est decem aut duodecim pedum altitudine, caudice femorali nonnunquam crassitudine, qui ta-

Pacoire.

men adeo est tener, ut gladio uno ictu secetur, pomum vocant barbari *Paco* (& Lusitani *Bachoves*) palmi longitudine, forma cucumeri non absumile, ejusdemque coloris quum ad maturitatem pervenerit: hæc poma nascuntur ut plurimum viginti aut viginti quinque simul & confertim in singulis ramis; Iconem ad vivum expressam hic adjungimus: ubi maturuerit hic fructus, calyce avulso, ad modum recentis ficus, grumosus apparet; quo fit ut mandentibus ficum referat, & vel delicatissimas ficus Massilienses sapore longe superet. Foliorum forma lapathi aquatici foliis non est absumilis; tanta tamen magnitudine, ut longitudo ad sex, latitudo ad duos pedes extendatur, sunt autem adeo tenuia, ut venti paulo vehementioris flatu dissecantur, media tantum costa remanente, ita ut eminus conspicienti hi frutices plumis Struthiocamelinis ornati esse videantur. Thevetus vocat hunc fructum *Paguoverre* & scribit caudicem illius raro altiore cubito assurgere, nec nisi semel fructus ferre. Clusius in notis suis ad rariorum Plantarum Historiam opinatur, hunc fruticem eundem esse cū Platano, ab Oviedo descripto lib. viii. cap. 1. notas enim omnes quam optime convenire. Dalemchampius describit prolixè, sub *Musa* nomine, quem curiosus Lector consulat.



Meminit & Thevetus arboris, quam à barbaris scribit appellari *Vhebehasou*, ejusque exhibet Iconem, folia fert brassicæ non absumilia; fructum oblongum, quo apes mirum in modum delectantur, ideoque rarius permittunt ad maturitatem pervenire.

L. 18. c. 77.

Vhebehasou.

Idem & arborem *Peno-absou* describit, quæ fructum fert rotundum instar pilæ, pomi majoris magnitudine, continentem sex nuces amygdalis paulo latiores sed exiliores, quibus insunt nuclei, quos ad recentia vulnera curanda mirifice commendant barbari, cæterum ventriculo admodum noxii sunt.

Peno-absou.

Cariss. Vir Carolus Clusius, in posterioribus curis, quæ post obitum illius à *Raphelengius* sunt editæ, exhibet ex observationibus *Joannis van Vssle* Iconem, & descriptionem duarum arborum, quas hic referre, operæ precium duxi.



Utraque arbor à Lusitanis dicitur *Mamoera*, unius quidem generis, sed sex differe-

rens, nam illatum altera, mas videlicet, sterilis est & flores duntaxat gerit è longis pediculis dependentes & racematim cohaerentes, sambuci florum æmulos, ex albo flavescentes, nullique rei fere utiles. Fœmina autem duntaxat fructum, nullum florem: adeo autem amicas inter se ferunt, ejusque esse naturæ, ut si longo intervallo sint sejunctæ nec fœmina marem vicinum habeat, etiam sterilis fiat nec ullum fructum ferat. Porro fœminæ truncus, circiter binos pedes crassus, ad novem pedum assurgit altitudinem, antequam fructum ferre incipiat, dehinc suprema arboris pars fructu onusta confpicitur, & ab eo confertim nascente veluti cingitur ad novem inter pedum altitudinem: fructus est rotundus & orbicularis, exigui peponis magnitudine atque formâ, carne ubi maturerit flavescente, quam incolæ alvum laxandi causa solent manducate: plurima grana continet exigui pisî magnitudine; nigra & splendentia, nullius usus: folia prodeunt inter fructus longis pediculis subnixa, quorû forma ad Platanî sive Aceris amplissima folia accedit. Quia autem inter maris & fœminæ, trunci & foliorum formam nulla est differentia, tantum fœminam cum dimidiato illius fructu hic appingendam curavimus. Quod nomen apud Indigenas obtineret, ignorabat qui observaverat, sed à Lusitanis qui in illa provincia habitant *Mamaera* appellari aiebat, fructum vero *Mamaon*, ab uberum, ut opinatur Clusius, similitudine, quæ Hispani *Mamas* & tetras vocant. Nascentur utraque hæc arbor in ea Americæ parte, in qua celebris ille sinus à Lusitanis *Bayâ de todos los Santos* appellatus, situs est. De quo suo loco.

Atque hæc hætenus de arboribus fructiferis & quæ oleum aliquod sive resinam fundunt, paucisque sylvestribus, dicta sunt.

C A P. X.

Herbæ, plantæ, radicesque edules Brasiliæ ex iisdem Authoribus.

Mandio-
ca.

ORDINARIJS harum Regionum, ut ita dicam, panis est *Mandioca* (ut author Lusitanus vocat) radix instar pastinacæ aut *Caryotæ*, verum longior atque crassior: producit certos caules, ad quindecim interdum palmarum altitudinem, tenerrimos & medulla candida & internodiis, in singulos palmos, distinctos, è quibus abruptis & terræ inistis, sex aut novem mensium spacio, maximæ radices enascuntur. Variæ autem reperiuntur illius species, omnes edules: atque hæc radices durant sub terra multos annos sine ulla cultura, & quo annosiores sunt, eo crassiores. Observandum autem imprimis, omnia animalia, hominibus solum exceptis, radicem hanc appetere crudam, eaque impinguescere & commodissimè nutriti: verum si contusa fuerit & humorem illius solum hauriant statim emori. Ex hisce radicibus defœcatis atque confusis, primo farinam deinde & pollinem deducunt, è qua candida & delicata coquunt liba: eandem farinam aqua temperatam & coactam in pastillos, super craticulas fumo indurant atque exsiccant, atque in penu quandiu libet recondunt; inde ubi opus est repurgant; contunduntque in pollinem, ita candidam ut cum triticea ceter, & certa quantitate recentioris farinæ admista, pinsunt panes bis coctos, quibus barbari in bellicis expeditionibus, Portugalli in navalibus utuntur. Aliud quoque bis cocti genus adornant ex mero recentium radicum in pila contusarum succo, eoque aut ad solem coacto atque siccato; aut ad ignem tosto; quod candidissimum est & delicatissimum, neque ad vulgi usum comparatum. Ex eadem *Mandioca* fumo arefacta, varias componunt potiones, quas barbari vocant *Mingæ*, adeo salubres ut restaurantium loco ægotantibus propinentur; è polline vero varias cupedias & admixto oryza polline panes fermentatos, triticeis omnino pares. Eandem ad fumum ita siccata antidotum & antipharmacum autumant, adversus venenatos anguium morsus. Inter *Mandioce* species censetur una, quam vocant *Ayipi*, quæ etiam cruda nequaquam nocet, è qua barbari componunt potionem frigidiusculam & hepatis perutilem, ita ut illius beneficio barbaros raro hepatis affectibus laborare opinentur. Quidam autem barbari, ex *Tapujarum* gente, etiam priorè *Mandioce* specie vescuntur cruda sine ulla noxa, quia illi victui à teneris assueverunt. *Lerius* vocat has radices *Manior* & *Aypi*; Thevetus *Manihot*: *Lerius* comparat folia illius Prænix foliis, Thevetus Patæ Leonis. *Lerius* denique scribit

Aypi.


scribit duplex farinæ genus ex illis confici; unum durum atque percoctum, quod *Oryentam*; alterum mollius & minus coctum, quod *Ory-pou* vocent barbari: pulmentum quoque, quod à barbaris vocatur *Mingant* (credo idem esse cum *Mingæes*) quod pingui jure dilutum non male referat oryzam: Deniq; hæc radices dicuntur aliis Americanis & præsertim Insularibus *Tuca*, de qua alibi quoque dicendum erit.

Nana (inquit author Lusitanus) herba est hic admodum communis foliis Aloës, sed gracilioribus & magis aculeatis, è medio illius prodit fructus, pineæ nuci similis, elegantissimis & versicoloribus floribus undique ornatus; fragrantissimi odoris, & gratissimus palato: plenus succi instar melonis; fertur adversus nephriticos dolores singulare medicamentum; sed febricitantibus censetur noxius. Americani exprimunt ex hoc fructu delicatum & generosum vinum: cortex illius dicitur ferri aciem obtundere, succus autem maculas è vestibus abstergere. Recens nauseantibus in mari auxiliari dicitur. Tanta autem in Brasilia nascitur copia, ut barbari illis porcos suos saginent. Thevetus similiter vocat *Nanas*, *Lerius Ananas*: licet autem Europæis jam nomine sit notissimus, & Iconem illius jam dederint alii, tamen eandem ab Hispano expressam hic adungere non abs re visum.



Nana.

Pacoba, quam ficum Adami vocant, utrum potius herba an potius arbuscula sit dicenda, ambiguum est; nam in summam altitudinem excrescit, sed caulis illius est tenerior & porosus, folia illius pulchra & nonnunquam cubitum & amplius longa, elegantè striata, levia, læte virentia atque frigidiuscula, ita ut febricitantibus substrata, æstus dicantur temperare. caulis se spargit in plurimos ramulos, quibus racematim annascuntur fructus, similes ficibus, magno numero, qui ubi maturuerint, pediculo inciso cui racemus innititur, auferuntur, aliis subinde succrescentibus pene in infinitum: fructus autem maturus flavi est coloris, grati saporis atq; salubris præsertim febricitantibus & sanguinem crustantibus. Jam potius inducor ut credam, hunc fructum à Clariss. Viro Carolo Clusio expressum libro Exoticor. primo capite undecimo; licet alibi secus judicaverim, ideoq; Iconem hic repetere visum. Erat (inquit *Clusius*) hic ramulus cum suo fructu in uvarum modum quasi congesto, desiccatus, durus, crasso cortice rectus, gracilis & digitalis longitudinis, coloris ex fusco cineracei, octo fructus exiguiorum ficuum instar, crasso brevique pediculo subnixos summo fastigio sustinens fuliginosi coloris, cineraceis maculis conspersos, duos & satis solidos. *Iustus Raphelengius* in appendice ad Herbarium Dodonæi comparat cum Musa Serapionis & certe descriptio, quam supra ex Authore Lusitano expressimus cum Musæ notis & Icone quam exhibet egregie convenit, nisi quod fructus



Lv. c. III.

fructus, quos Clusius expressit, nonnihil à Musæ fructibus differant. Iudicent Herbariæ reiperiti.

Muruc-
ca.

Murucua, herba pulchra aspectu, præsertim quum florer, adversus parietes atque arbores hæderæ in modum enititur; ejus folia cum pauxillo Chalcanthi confusa, mirum in modum sanant maligna ulcera: fructum fert orbicularem, nonnumquam & ovalem, flavum, nigrum, fuscum & diversicolorem, intus aurem continet nucleos, mucilaginem quadam obritos, grati saporis, sed acidiusculi; fructus est quantivis precii. Ante aliquot annos à nautis nostris accepi duos fructus, ovali forma, cortice lignoso subfusco, quos hujus plantæ fructus suspicor. nam intus continet quamplurimos nucleos forma renis ovillæ, pulpa quadam sub alba tectos, quæ acidioris est saporis & aquæ imposita, & aliquandiu macerata resolvitur in mucilaginem, apertus autem nucleus exiguum continet nucem, flavi coloris.

Reperiuntur præterea in hisce regionibus multæ radices edules, uti *Potati*, *Mam-maya* atque *Cata*, instar raparum. Diversa quoque legumina; fabæ Lusitanicis multo, ut putant salubriores; phaseolorum varix species; quarum hic unam è Clar. Viri Caroli Clusii Exoticis adferre, operæ precium visum, ejus Leonem & descriptionem adjicit ejusmodi.



Tajaoba.

Prælongus (inquit) erat hic lobus: nam decem unciarum longitudinem habebat, unius autem uncix latitudinem ²⁰ aut paulo ampliorem, cartilaginea cute tectus erat, & quaternis in dorso nervis, à pediculo ad extrremum lobum secundum longitudinem excurrentibus insignitus, fusci extrinsecus coloris, intrinsecus ex cineraceo candicantis, tenui quadam membrana singulas phaseolorum sedes (decem autem continuerat) distinguente. Ipsi vero phaseoli unciam longi, semunciam lati, spadicei coloris & circa ³⁰ hilum fuscum candicantis. Hæc ille. Habeo autem similes lobos nuperrime è Brasilia allatos, in quibus phaseoli nigri coloris, & diversicolores atque elegantissimis maculis distincti; unde manifestum est, naturam ibi non minus quam alibi in coloribus phaseolorum diversimode ludere.

Pepones hic inveniuntur tam vastæ molis, ut indigenæ iis utantur pro vasis, ⁴⁰ quibus aquam aggerunt: varix item species milii, è quo panes, potum, aliaque conficiunt barbari: alunt iisdem & equos, atque saginam suæ.

Tajaoba herba, uti barbarorum idiomate dicitur, non absimilis est brasiliæ

nostrati, hanc purgandi facultate præditam tradunt.

Iambig.

Iambig herba, cis qui hepatis vitio, aut calculo laborant admodum salutaris, Multæ species piperis imprimis siliquastri, sapore non ingrato.

Ietigecu.

Ietigecu mechoacan (de quo alibi diximus) non absimilis est radici, raphani longi- ⁵⁰ tudine, sed spissior: purgandi quoque virtute prædita: confusa sumitur è vino adversus febres: itemque cum gallina cocta: Solent eandem & Saccharo condire: unicum illi vitium, quod sitim conciliare putatur, alioqui utilissima & magnæ virtutis.

Igpecaya

Igpecaya aut *Pigaya*, dysenterix traditur opportune mederi: caulis illius semicubitus longus, eadem & radicis prolixitas; producit ut plurimum tantum quatuor aut quinque folia, gravis atque ingrati odoris: radice autem confusa & in aqua per noctem

noctem sub dio relicta, è qua mane per cribrum eliquata exhibetur ægto, cumque purgat ad eum modum, ut simul ventris profluvium sistat.

Nuptissime admodum (inquit author Lusitanus) observata fuit herba *Cayapia*, *Cayapia*. unicum pene & singulare remedium adversus venena, præsertim serpentum, unde Herba anguis appellatur, & unicornu, *Bezaar de Coco Maldivienfi* virtute neutiquam inferior. Radix nimirum, quæ gracilis est & nodo quodam in medio distincta, qui nodus contusus & cum aqua potus, potenter resistit anguium veneno, & à venenatis sagittis ictos securos facit; folia illius spirant de se odorem ficulneis frondibus haud dissimilem.

- 10 *Tyroqui* sive *Tareroqui*, herba est, foliis ocymi, radice in multas lacinias divisa, *Tyro-*
ramulis teneris, floribus è rubro subrufescentibus, qui ab ipsis extremitatibus erum- *qui*.
punt: magna hujus ubique visitur copia; ubi primum secta fuerit flavescit, mox paulatim candicat, laudatur imprimis adversus dysenteriam. Barbari autem ægotantes hujus herbæ fumo se afflari volunt, valetudini id prodesse autumant: singulare itidem censetur remedium adversus lumbricos, familiare hæc regionibus malum: Herba hæc noctu veluti marcescit, & sole exoriente rursus se deducit.

Embeguaca herba, habet radices interdum triginta & plures cubitos longas, cortice duro, è quibus hic funes nauticos contorquent, admodum validos, quippe qui sub aquis revivescant. Cortices autem confusi & prunis ardentibus impositi, suffimio

- 20 suo sunt sanguinis defluxum, præsertim in fœminis.
Caobetinga, exigua herbula, paucula folia protrudit ab ipsa radice, inferiori *Caobete-*
parte candicantia, superiori virentia: fert flosculum instar avellanæ: radices & folia *tiaga*.
contusa dicuntur vulnera consolidare, folia quoque integra vulneribus imposita, eisdem firmiter adhærescunt.

Cobaura herba, malignis & inveteratis ulceribus dicitur mederi, si contusa aut in cineres redacta eisdem aspergatur, tollit enim malignitatem atque superinduit novam cutem: folia quoque virentia contusa, cutem egregie restaurant.

- Guaraquimya*, myrtum refert Lusitanicam; præter alias autem insignes illius facultates, seminibus illius peculiaris hæc virtus tribuitur, ut deglutita quantocius *Guara-*
lumbricos ex intestinis depellant. *quimya*.

Camara castimba florem fert pulcherrimum, (qui redolet muscum,) & similem *Ca-*
ryophylleo; aqua autem in qua folia hujus herbæ decocta fuerint, egregie sanat ul- *Camara*
cera & pustulas atque recentia vulnera. *castimba*.

- Aipo*, apium est Lusitanicum, eisdem obtinet vires; reperitur tantum in mari- *Aipo*.
timis provinciis & juxta oram maris, potissimum autem in Præfectura *S. Vincentii* & *fluminis Ianuarii*; sapore tamen est magis austero, quam Europæum, haud dubio propter maris vicinitatem.

Malva quoque hæc regionibus est familiaris, fert flores exquisitè rubentes, ita ut rosæ videantur.

- 40 *Caragnata* carduorum species, fructum fert flavum, qui digitum longus, & crudus *Car-*
ori objectus labia excoriat, verum eoctus aut tostus, non offendit aut nocet: sed *agnata*.
prægnantes facit abortire. Est & alia ejusdem species, foliis pandis, quæ duas aut tres interdum orgyas sunt longa; fructum fert instar *Nane*, sed insipidum; ejus folia macerata & subacta, subministrant linum quoddam tenuissimum, è quo barbari fila sua piscatoria concinnant, est enim admodum tenax.

- Timbo* mirabilis herba, quæ instar funis ad altissimarum arborum fastigia enititur, easque hederæ in modum complectitur, interdum cruris humani crassitie, *Timbo*.
adeo tamen flexilis & valida, ut quoquo modo constringas nunquam rumpatur: ejus cortex est lethale venenum, quo barbari ad pisces capiendos abutuntur; nam cortex flumini injectus, virus suum longe lateque spargit, quo pisces omnes statim emoriuntur.

Multæ præterea reperiuntur hic herbæ, quæ in medicina usurpari possunt; plurimæ odoratæ, uti mentha, præsertim in provincia *Paratininga*; oryganum, aliæque, verum non tam suaviter olent, quam in Hispania; quod clymatis vitio imputant, solo ut plurimum nimis humido, nisi forte & nimio solis æstui tribuendum fuerit.

Flores quoque hic varii, lilia candida atque rubra, aliique ejus generis.

Canna.

Cannarum denique & arundinum hic ingens invenitur copia & varietas: præsertim *Tucuarā* femoris humani crassitie; aliæ in summam altitudinem excrescunt, quæ in sylvis ut plurimum reperiuntur, folique humiditate nutritæ, tantisper enituntur donec fastigia arborum superaverint: occupant interdum multa jugera atque adeo integras provincias: barbari autem maxime amant mediocres arundines, quia sagittas suas ex iis componunt. Hactenus pene ex Authore Lusitano, nisi quod convenientia ex aliis quoque admiscuimus.

CAP. XI.

*Aliæ aliquot Plantæ Brasilienses à Lerio, Theveto, Clusioque:
& Phalangii monstrosa species.*

10

MIROR Authorem Lusitanum nullam mentionem facere *Manobi*, quod à *Lerio* ita describitur; Barbaris quoque fructuum genus est, quod vocant *Manobi*, qui sub terra nascuntur more tuberum; devinciunturque inter se tenuibus filamentis, continent nucleum avellanæ magnitudine & sapore: putamen illius haud firmitus est siliqua pisii sicca, colore autem leucopæo. An vero folia, semenque proferat, quamvis sædus eo vesci mihi contigerit, non tamen adeo est à me observatum, ut meminisse possim: Hæc ille: Nos fructus hos è Brasilia nacti, Iconem accurate exprimendam curavimus, ea mole qua erant.

Crescit hic quoque (inquit *Lerius*) fabæ quoddam genus, pollicis crassitudine, quod à barbaris nominatur *Commenda-ovassou*; pisfa quoque alba & leucopæa, quæ vocant *Commenda-miri*.

Thevetus autem recenset fabarum quandam speciem, planè candidam, planam & nostratibus latiore atque longiorem. Earum aliquot è Brasilia nactus Icones earum exprimendas curavi: differunt autem à nostratibus non tantum illo, quod planiores longe sunt, verum etiam quod superiore parte nullum umbelicum, ut *Dodonæus* vocat, ostentent; alioquin germinationis indicium, ut in nostratibus manifeste apparet. Ex autem quas accepi, colore differunt, non forma, sunt enim aliæ prorsus albæ, aliæ dilutè è candido flavescentes, aliæ obscurè purpuræ; omnium autem cutis admodum nitet.

Cum *Ullispone* esset (inquit *Clusius*) donatus sum phaseoli genere, ex Brasilia allato admodum recenti, pollicari latitudine, crasso, colore rufescente, magno hylo & parte extrema veluti sessili, ejusmodi quatuor aut quinque singulis siliquis prægrandibus continentur, qui recentes & adhuc virentes tusi & impoliti bubones veneros curare dicuntur: flore traditur ex rubro pallescente: egoduntaxat juniorem plantam vidi mihi è semine natam, quæ foliis phaseolo vulgari fere similis erat, nisi quod minora erant & averfa parte, tenui, molli fuscaque lanugine obsita, præsertim tenuiora folia & extremi caulès: Brasiliani vocant *Macouna*.

Macou-
na.

Vidi etiam (inquit *Idem*) non procul *Ullispone* in monasterio quodam Phaseoli genus vulgari nostrati adeo simile, ut nostrum putarem: pergulas istic vestiebat opere topiario; flore purpureo; at siliquæ scabræ erant, breviores & duplo latiores quam nostræ vulgares: fructus exiguus, pisi vulgaris magnitudine, totus niger nisi qua siliquæ adhærebat, quæ candida erat. Brasilianis frequentem esse audiebam, & Lusitanis istic habitantibus *Fava brava*, id est, fabam sylvestrem appellari; utriusque Iconem expressit in commentariis ad *Monardem*. Vidi jam in Belgio nostro natos phaseolos, qui tamen è Brasilia erant allati, quorum folia à nostratibus nihil differunt, flores autem sunt elegantissimi coloris rubicundi aut qui in malis aureis cernitur, conferti & plures ad longissimos pediculos: siliquæ autem sunt scabræ, breviores quidem quam vulgares sed latiores phaseoli denique

phaseoli denique sunt colore cæruleo valde saturo & pene nigro, multo majores vulgaribus, cæterum ejusdem formæ: vidi eosdem planè candidos, & floribus ad eundem modum compositis & itidem candidis aut subflavis, elegantissimæ sunt plantæ & quæ pergulas opere topiario pulcherrimè possunt ornare.

Non possum omittere quin hic adjungam, longè maximum phaseoli genus ex eadem Brasilia allatum; siliqua est duas uncias lata, & semipedem longa, fusci coloris ad nigredinem accedentis, quatuor interstitiis divisa, & quum recens esset, lanugine quadam subrufa tecta; continet quatuor phaseolos, magno hylo, convexa parte nigricantes, ad oras flavescences: sunt & qui latè rubent; quidam etiam
 10 nigris quibusdam notulis distincti: cortice admodum crasso; sapore nostratibus Phaseolis valde similes, Iconem hujus siliquæ & phaseoli accurate expressam adjungo.



Piperis porro Americani, quod maxime in Brasilia crescit, species duodecim
 20 censet Clariss. Clusius in curis posterioribus: Matthiolum vocat hanc plantam siliquastrum, Clusius Capsicum; foliis perparum differt, sed siliquis multum, nam aliæ siliquæ erectæ sunt, rotundæ, pyramidalesque: aliæ pendulæ, rotundæ, cerasorum modo, oblongæ & rugosæ: aliæ denique pendulæ itidem, sed recurvæ aut bifurcatæ. Sed de hac planta supra plura diximus sub nomine *Chilles* aut *Axi*. Hic tantum addam ex Lerio: Barbaros Brasilienses cum sale, quem optime conficere norunt, piper illud conterere, compositionemque illam vocare *Iouquet*, qua haud se-
 30 cus utuntur in cibariis, quam nos sale; non tamen intingunt illi buccellam, sed post buccellam ori ingestam, *Iouquet* summis digitis apprehensum inferunt ori. *Iouquet*.

Præter *Maniot* & *Aypi*, etiam alias habent radices (inquit *Lerius*) quas appellant
 40 *Hetich*, quarum æque ferax est Brasiliense solum atque Lemovicense aut Sabaudi-
 cum est raparum: sunt autem plerumque crassitudine duorum pugnorum. Licet primo aspectu è terra evulsæ unius generis esse videantur, quia tamen inter coquendum, aliæ violaceum, aliæ aureum, aliæ denique album colorem induunt, trium esse generum autumo: Utut sit, vere possum affirmare has radices, præsertim quæ aureo sunt colore, sub cineribus coctas piris nostris vel optimis nequaquam
 50 cedere: Earum folia, quæ hederæ terrestris modo humi serpunt, foliis cucumerum aut latissimorum spinaceorum simillima (Thevetus comparat malvæ foliis) differunt tamen colore, qui propius accedit ad vitem albam: cæterum quia semine carent, barbaræ mulieres, quibus id curæ est, ferunt minutatim concisas; quæ frustula non multò post totidem crassas radices gignunt. Tamen si quia cibarium est illius terræ præcipuum, passimque peregrinantibus occurrunt, etiam sponte nasci existimo.

Non abs re fuerit hisce Plantis subungere Phalangium monstrosum, cujus Clarissimus Clusius sequentem Iconem & descriptionem exhibet in curis posterioribus.



In Brasiliæ parte ubi linsus est omnium Sanctorum (*Bahia de todos los Santos*) observabat honestissimus vir *Ioannes van Vsele*, Phalangium quoddam sive aranci genus non vulgare, sed monstruosum: Nam quum Plinius omnibus arancorum generibus, tera duntaxat internodia in cruribus tribuat, & Phalangio corpus exiguum; hoc plura in singulis cruribus habet internodia; nam præter articulationem, qua corpori conjungitur, quaterna habent & bifidos insuper veluti ungues, ut exigui cancri crura pene referre videantur. Totum autem corpus

tres uncias sive pollices longum, unciam aut paulo amplius latum fusci quidem coloris, sed totum hirsutum, densisque & longis pilis nigris undique tectum, medio dorso habens foramen conspicuum tanquam umbelicum, in ambitu similibus pilis præditum, caput sive anterior corporis pars tota similibus pilis dense obsita, quemadmodum & posterior sive alvus, quæ unciam longa crassiorque est, atque bifido mucrone videtur prædita: media corporis parte in utroque latere quina habet crura, similibus pilis hirsuta & quatuor internodiis satis conspicuis distincta, quæ rubro colore infecta sunt ut etiam ungues: breviter, valde monstruosum est hoc animalculum & ita noxium, ut incolæ contactum illius formident ac fugiant. Hæc ille. Pervenit ad nos ejusmodi araneus vivus, qui ex Insula *S. Alexii*, quæ continenti Brasiliæ objacet, (ut mox dicetur,) erat allatus quem jam duos pene menses servamus, è quo formam & compositionem corporis paulo accuratius licuit observare; est ea mole quam descripsit Clariss. Clusius, aut etiam paulo major; crura illi sunt totidem, quot ille numerat, sed bina anteriora, paulo sunt minora & breviora; internodia habet quatuor præter pedes; sed neque internodia neque ungues rubro colore distincta possumus observare, neque ungues, ut vocat, bifidos esse satis apparet, quanquam de his ambigo: neque corpus ita densis pilis est obsitum, sed rarioribus, præsertim posterior pars sive alvus, quæ aliqua parte nuda est & luridi coloris sive subfusci, quem vulgo vocant *Menin*; umbelicum habet in dorso, sed non ita patentem aut conspicuum, velum contractiorem; telas quoque nere observavimus posterioribus illis bifidis veluti caudis: habemus & mortuum, è quo notavimus, illum juxta os utrumque habere veluti tubercula bina, quibus conclusi sunt singuli dentes instar unguicularum, quales habent minores aviculæ, incurvos, corneos & nigerrimo colore nitentes: vivum autem numquam illos exerere vidimus, licet varia illi objecerimus insecta & muscas quibus vesci solet hoc genus animantium: supra os autem habet veluti uvam bifidam nigerrimam itidem & splendens, ambigo an illa videat: movet se quam celerrime, si liber è pyxide dimittatur, & statim nere incipit, conclusus nihil tale molitur.

CAP. XII.

Pisces marini Brasiliensium ex Authore Lusitano & aliis.

INTER Pisces Brasiliensium excellit *Manati*, cujus Iconem & descriptionem jam dedimus.

Bycupi-
ra.

Bryupira piscis est similis sturioni Lusitanico, quem barbari merito magni faciunt, est enim præpinguis, boni saporis, atque salubris; eorum infinita hic reperitur copia: capiuntur autem hamis in alto mari, sex aut septem palmos longi, teretes, nigro dorso, ventre candido.

Boopes.

Boopes mole atque effigie Thunnis Hispanicis similes, pingues admodum, secantur in modum Thurmorum, condiunturque: axungia illorum à suilla non abludit, è qua

è qua oleum quoddam sive butyrum conficitur; oculis sunt bovillis, unde ipsi nominantur.

Camurupi, præcipuis annumerandus, pinguis & gratissimi saporis, multis spinis per totum corpus sparsis, pinnam habet in dorso longissimam semper erectam, corpus longum & satis amplum, uti vix à duobus viris attollatur; capiuntur fuscina ferrea: multumque pinguedinis & olei inde deducitur.

Piraembu piscis, quasi stertentem dicas, à ronchis quos edit; octo aut novem palmos longus, grati saporis & magni pretii; obtinet intra os duos lapides, palmam latos & validos, quibus buccinas quibus vivit, comminuit; barbari hos magni faciunt & gestant circa collum pro monilibus.

Sunt præterea plures hic pisces, nostro orbi ignoti, grati saporis & non insalubres: magna quoque nonnullorum copia, qui & in nostro mari capiuntur, uti quos Portugalli vocant *Tainhas*, quos recentes, plurimum prodesse observarunt adversus anguini morbus: Cyprinorum marinorum varia genera, quos Pargos & sargos vocant Lusitani: *Cicharri* è scombrorum genere: *Garazes*, *Acus*, *Rhaia* & similes.

Inter eos quoque excellunt, quos Lusitani & alii vocant *Doradas*; à barbaris autem appellantur *Waraka pemme*, ut accepimus à quodam nostratium, qui & piscis hujus Iconem ad vivum eleganter expresserat, quam hic subjungimus.



Descripserunt illum diligenter varii authores, præsertim *Rondeletius* & *Aldrovandus*, Icones tamen nonnihil differunt à nostra.

Pisces autem omnes (inquit Author Lusitanus) in hisce regionibus ita salubres judicantur, ut neque febricitantibus noceant.

Quia autem littus tot habet recessus, sinus atque elyces, adeoque piscosum est mare, cetorum ingens copia huc annatat, præsertim à Majo ad Septembrem, ibidemque & parere & fœtus suos educare creduntur. Sunt qui Ambar griseum quod hic non raro reperitur, à cetis rejici opinentur; quanquam alii ab ipsis fluctibus in littus propelli existiment: nam fere post grandiores tempestates invenitur: omnia animantia id summopere appetunt, itaque cessante tempestate statim illud indagare, cautio est, ne ab animantibus comedatur, multa quoque cete non raro vadiis hærent & æstu relabente destituuntur in sicco, è quibus magna vis olei deducitur. Sunt autem fere ex eorum genere, quos *Physiteres* vocant. Pistes quoque toto hoc mari frequentes, vel potius Xiphii sive serræ pisces, immanes bellæ, nostro lato instar gladii & multis acutis dentibus utrimque serrato, longitudinis interdum tricubitalis, quo cete, cum quibus bellum gerunt, sæpe vulnerant ad necem.

Maxima circa hæc littora Testudinum marinarum copia, quæ ovâ sua in littore deponunt, interdum ducenta, nonnunquam & trecenta, magnitudine gallinarum ovis paria, rotunda atque alba, sed valida tantum membrana testâ; quæ arenâ contegunt, donec excludantur. In tantam autem molem excrescunt, ut nonnunquam reperiantur, quas decem viri nequeant attollere: notissimæ jam sunt Europæis.

Tubertones quos vocant hic pene infiniti, crudele animal & quod multis in mari natantibus exitium adfert: plura illorum genera; quorum quædam hic & in fluminibus reperiuntur: in mari autem capiuntur fuscinis; habent autem semper comites

pisces diversicolores, quos Lusitani vocant *Pelgrimes*. Barbari asperant sagittas suas dentibus hujus piscis, sunt enim acuti & venenati, ita ut raro sanentur, qui illis fuerint vulnerati.

Volatiles pisces, palmum majorem plerumque longi, pulcherrima oculorum acie, instar gemmæ, capite eleganti, alis versperilionum, argentei coloris; cæteris piscibus admodum obnoxii, quos dum fugitant, attollunt sese è mari, & non raro præcipitant se in naves, bono, uti nautæ vulgo judicant, omine.

Salmones hic admodum rari, neque cum Europæis conferendi. Soleæ autem rarissimæ quæ nisi antea bene pulsatæ, carne sunt flaccida, minusque delicata.

Amayacu. Rana piscatrix sive marina, quam barbari vocant *Amayacu*, piscis brevis & tantum palmum longus, pictus, pulchris oculis, ab aquis extractus roncium quendam edit atque inflatur, virus enim illi est cutem inter atque carnem, qua detracta sine noxa comeditur, alioquin lethalis. Venenum illius præsentissimum exitium affert gliribus. Est & aliud harum genus, aculeatum instar erinacii, admodum venenatum, cute tamen detracta comeditur, & contra dysenteriam valere creditur.

Itaoca. Denique est aliud genus, quod barbaris dicitur *Itaoca*, triangulari corpore instar pugionis, oculis cæruleis, venenum illi in cute, jecore, intestinis, spinisque, quibus demtis innoxius est piscis.

Puraque. *Puraque* barbarorum, videtur *Torpedo*, nam contactus inducit artubus torporem instar paralytici & siquis baculum admoverit, ejus brachium resolvitur, ene-ctus autem edulis est, neque ullum illi virus. Pene inducor eundem esse, aut saltem ejusdem speciei, cujus Iconem ad vivum in Brasilia expressam hic exhibemus:



quamvis ille qui pinxerat mihi retulerit à barbaris hunc appellari *Arawa Wapebbe*. *Caramaru* similes sunt anguibus marinis qui circa littora Lusitanica reperiuntur, decem aut quindecim palmos longi, præpingues, ita ut assii porcinam sapiant; dentes ipsi portentosi, quorum morsus valde sunt noxii, nam membra quibus impeerint, putrescunt deciduntque; habet plures aculeos. Indigenæ produnt cum terrestribus anguibus consuescere, idque sæpius ab ipsis observatum fuisse.

Amoreatii. *Amoreatii* Ranæ piscatrici non absimilis, multis aculeis aspera, abscondit se ad litus sub arena, pedesque supergradientium vulnerat, præsentis vitæ discrimine nisi cauterio subveniatur.

Amayacurub. *Amayacurub*, à callis, quos barbari vocant *Curub*, dictus, quos habet toto corpore frequentes, teres est & pisci quem Portugalli vocant *Bugallo* similis, & supra modum virulentus.

Ierepomonga. *Ierepomonga* anguis itidem marinus, qui plerumque sub fluctibus immotus jacet, quæcunque autem animantia illum contigerint, tam arcte ipsi agglutinantur, ut ægre avelli possint, his alitur: nonnunquam & ex undis in litus erepit, contrahitque se, siquis autem manum admoveat, statim adhærescit, & si alteram adhibeat ut se absolvat, ad eundem modum tenetur, anguisque statim se distendit in magnam molem, & prædam suam in mare abripiens, depascitur.

Tsitones. *Tsitones* aut *Nereides* vocant barbari *Tpupiapra*, horrentque hæc monstra tantopere,

pere, ut nonnunquam solo metu emoriantur; expriment enim (ut ferunt) humanum vultum egregie, nisi quod oculos habeant profundius insitos; faciem quoque longam dicuntur habere casariam & faciem elegantiore; agunt ut plurimum in ostiis atque æstuariis fluminum; visunturque frequentius sub *Iagoaripe* septem octove leucis à sinu omnium Sanctorum, uti & juxta *Portum Secutum*, ubi multos barbaros interemisse dicuntur, medios enim complexi tam arcte constringunt, ut spiritum ipsis excludant, neque id de industria, uti videtur, sed singulari affectu, nam gemitum quendam edere audiuntur, postquam occiderint, aut saltem subducunt se, neque delibant quicquam de cadavere, nisi forte oculos, aut nasi & digitorum
 10 extrema, aut denique pudenda; idque eo argumento quod à monstris hisce in-
 tererent, ubi rursus in litus ejecti fuerint, plerumque his membris mutilari conspiciantur.

Plena sunt omnino hæc maria sepiis, quibus atramentum est pro sanguine; nec minor lolliginum & gradium urticarum in vicino oceano numerus.

Lerius porro observat, omnes pisces in genere à Brasiliensibus appellari *Pira*: Mullorum autem duo hic reperiri genera; quæ barbaris dicuntur *Kurema* & *Parati*; utraque optimi saporis, tum elixa, tum tosta. Quoniam autem nullis natura videtur inditum, gregatim ad litora annatare, sagittis illos petunt barbari, & non raro
 20 ut qui mergi nequeant. Horum caro est admodum friabilis, quo fit ut magno numero capros *Boucan*, ut vocant, imponant, & siccent, exsuccosque redigant in farinam, quam ipsi magni faciunt.

Camaroupony-ovassou piscis est prægrandis, & maxime edulis, barbari carminibus celebrant illum in suis Choreis.

Duo insuper illis sunt piscium genera, quæ nominant *Ovara* & *Acara-Ovassou*, à *Ovara*. superiore haud multum diversa, sed quæ bonitate vincant, nam ausim (inquit *Lerius*) affirmare, *Ovaram* Salari nostro haud multum concedere.

Acara piscis est planus, qui inter coquendum, pinguedinem quandam emit. Acara-
Pep.
 tit subflavam quæ illis est pro condimento, cæterum carne est optima.

30 *Acaraboutsen* piscis est viscosus, colore cervino aut subrubro, cedit tamen piscibus superioribus bonitate, sapitque minus palato.


Pyra-ypouchi piscis est longus instar anguillæ, estque minime edulis, quod etiam Americanorum *Ypouchi* indicat; qua voce monent, ab eo esse abstinendum.

Raia quæ in *Ganabara*, id est, *Rio de Ienero* sinu, & vicino mari capiuntur, non modo à nostratibus differunt magnitudine, sed etiam eo potissimum quod duo oblonga gerant cornua, & præterea quinque aut sex fissuras habeant sub ventre, quas industria factas credas, ita concinna sunt: cauda oblonga est & tenuis atque adeo venenata. *Thevetus* scribit à barbaris appellari *Inevoucam*.

Accepi præterea à quodam Juvene nostrate, pingendi satis perito, tres Icones
 40 aliorum piscium qui passim in hoc mari capiuntur, quorum licet tantum nomina & Icones mihi subministraverit, nec naturam & qualitates plenius potuerit explicare, tamen non putavi, eorum Icones hic omitendas, donec cætera plenius nobis liqueant.

Unum eorum cujus Iconem hic subijcimus, appellari dicebat
Vbirre.

Vbirre.



Avvah-
kattoc
sive lah-
vyc.

Alterum autem *Avvah-kattoc* sive *Iahwe*, qui ad orbium classem videtur referendus, forma eleganti. Iconem vide.



10

Pira V.
tocvvali.



Tertium denique *Pira Vtoe-nah*, forma monstrosa, qui & ipse ex orbium genere esse videtur. De quo nihil prater Iconem accepimus.

20

30

C A P. XIII.

Crustacei Testaceique pisces, item arbores littorales aut marinae, nec non Aves marinae.

Apula.

Apula è crustaceorum genere, cannæ internodio similis, rarius hic reperitur, non modo cibo idonea sed & medicinæ, lienis enim affectibus mederi dicitur pulvis illius jejuno stomacho haustus.

Vzx.

Vzx è Cancrorum genere, in luto juxta littora pene hærent infinitæ, ordinarius & maxime communis non modo Brasiliensium sed & Nigritarum victus, boni sunt saporis & salubres, siquis frigidam superhauserit.

40

Guainu-
mu.

Guainumu grandiusculum cancrorum genus, ore tam patulo ut pedem humanum admittat, edule & potius terrestre quam aquatile animal, quum in cavernis juxta littora degant: ad tonitruorum auditum è latibulis suis proreptant, & tantum inter se excitant strepitum, ut barbaris terrori sint, hostes adesse suspicantibus, sunt enim admodum merulosi barbari.

Aratu.

Aratu ejusdem speciei, in concavis arborum littoralium truncis se abscondunt, studiose observantes ostrea & mytilos, quibus hiantibus singulari industria ingerunt lapillum, atque ita nullo negotio devorant. Plures hæc alix reperiuntur Cancrorum species, quibus omnibus barbari avidè vescuntur.

50

Ostreorum ingens hic copia, in quibus nonnunquam inveniuntur uniones. Barbari olim magnam illorum copiam colligebant & carne exempta, testas juxta littora aggerabant, unde non raro monticelli sarris alti ejusmodi testarum variis locis visuntur, herbis atque arbutis nonnunquam & grandioribus quoque arboribus vestiti, è quibus Portugalli optimam & candidissimam calcem conficiunt, qua passim pro cemento

cemento in ædificiis utuntur, pluviatili autem aqua aspersa facile nigrescit. His accedunt musculi, quorum conchis concava parte argentei coloris, barbari cochlearium & cultorum vice utuntur.

Grandiores turbines, ipsi *Guatapiguasu*, faciunt maximi, certant enim cum ebore & à barbaris pro musicis instrumentis usurpantur. Alteram earundem speciem vocant *Piraguais*, quorum interdum integri tumuli à fluctibus in littore aggregantur, mirum visu. Buccinæ denique, pectines, aliaque omnis generis elegantissima conchilia hic magno reperiuntur numero.

Coralli candidi hic ingens copia sub fluctibus reperitur, colore tantum à vero

- 10 abludens, difficillime tamen à petris avellitur, neque est operæpretium.

Marinis arboribus annumerant *Mangas*, quia magno numero juxta littora & Oceani recessus reperiuntur, foliis referunt nostros salices, semper virentes, materie gravi atque durissima, fere instar ferri; sub hisce culicum quoddam genus reperitur, vocant *Maregues*, exiguum quidem, verum tam acriter pungens, ut pestis harum regionum merito judicetur: neque vestibus se arceri patiuntur: unicum remedium est aut fumo abigere, aut fimo corpus oblinere, quod barbari facere solent. Aliis *Mangle* dicitur hæc arbor, alibique à nobis fuit descripta ex Oviedo. Mangua.
Maregues.

Inter aves quæ in mari visitant, ducit agmen *Guiratinga*, grui magnitudine par, plumis candidis, rostro proluxo atque acuto, crocei coloris, cruribus oblongis, è ru- Guiratinga.

- 20 bro subflavis, collum illius vestitur plumulis tam subtilibus & elegantibus, ut cum struthionum plumis certent.

Caripira caudam habet bifurcatam, unde & nomen invenit apud Hispanos *Rabo* Caripira. *forçado*, ejus plumis mirum in modum delectantur barbari, ut sagittis suis adhibeant, longo enim tempore durare ab ipsis observatum. Reperitur autem non tantum hic, sed & alibi passim in utraque India, ita ut vulgo jam notissima sit. Refert *Franciscus Ximenes*, adipem hujus avis, singulare remedium esse ad cicatrices faciei delendas; imprimis autem valere adversus artritidis dolores: verum avem difficilem esse capru nisi forte in deserta aliqua insula, ubi pullos suos excludunt; narrat se aliquando una donatum, cujus remigium alarum, distentum ad eum modum quo volant, amplius

- 30 spacium implebat quam mortalis ullus distento utroque brachio possit complecti.

Laros vocant barbari *Gnacas*, tanta autem eorum multitudo atque varietas littora atque vicinas arbores hic obsidet, ut pene incredibile videatur. Guaca.

Guirateonteon avis epilepsix admodum obnoxia, à quo & nomen meruit apud barbaros, quasi dicas avem sæpius morientem rursusque resurgentem; alioquin candidis & pulcherrimis plumis vestita.

Calcamar columbæ magnitudine, sed volandi nescia, alarum atque pedum remigio fecat fluctus pervelociter, in quibus & ova sua ponere & excludere affirmant barbari: malaciæ & pluviarum sunt prænuntiæ, atque eo tempore tanto numero circumfluitant naves, ut à nautis fastidiantur. Galcamar.

- 40 *Ayaya* picæ magnitudine, longo rostro instar cochlearis, plumæ illius sunt candidis, rubrisque maculis eleganter suffusæ; singulari in pisciculis capiendis industria. Ayaya.

Caracura exili corpore, subcinerei coloris, pulchris oculis, iride eleganter rubente, ita vocalis, ut majoris longe molis quis opinaretur, ante solis ortum fere auditur illius cantus & sub vespere, certo, ut volunt, serenitatis futuræ indicio. Caracura.

Gnara picæ magnitudine, oblongo rostro, & anteriore parte recurvo, longis pedibus; primum exclusa nigricat, deinde evadit cineracea, ubi autem volare incipit egregie candicat, sensim autem rubescit, donec ætate plumæ illius colorem induant purpuræ æmulum, quem ad senectam usque retinent. Pariunt quoque sub testis visitant piscibus, carnibus aliisque eduliis, semper aqua temperatis: barbari componunt

- 50 ex plumis illarum diademata sua aliaque ornamenta, ideoque maximi faciunt: gregatim volitant & soli expositæ pulcherrimum præbent spectaculum. Sunt & plures aves quæ è mari victum quærent, etiam Europæis notæ, & inter illas Aquilarum genus, quas *Haliætos* vocamus.

Pisces aliquot fluviatiles, item angues aliaque animalia quæ in fluminibus degunt ex iisdem authoribus.

FLVMINA Brasiliæ (inquit Lerijs) abundant mediocribus & minimis piscibus, quos barbari sua lingua vocant *Paramiri* & *Acaramiri*; miri enim ipsorum idiomate sonat parvum: hujus generis duos paulo monstrosiores describunt tam Lerijs quam Thevetus.

Unum appellant barbari *Tamovata* sive *Tamoutiata*, est autem piscis palmi longitudine, halecibus nostris paulo minor, capite grosso & supra molem corporis, pinulas habet duas sub branchiis, dentes lucio nostro acutiores; adhæc durissimis squamis à capite ad extremam caudam instar *Armadillo* armatus, ut vix gladio petendi possit. Carne est probatissima & gratissimi saporis.

Panapana.

Alterum nominant *Panapana*, mediocris longitudinis, cute inæquali atque aspera, qualis est canis marini, cæterum *Zygena* sive *Lybelle* quam Massilienses vocant *Cagnolam* plane similis, capite plano atque deformi & in duo veluti cornua deducto, in quorum extremitatibus oculi emicant, ita ut longissimo spatio à se invicem disjungantur. Thevetus illius hanc exhibet Iconem. 10
quæ caudâ tantum differt ab Icone quam Bellonius in sua de aquatilibus Historia expressit. Rondeletius autem scribit, caudam in duas pinas inæquales desinere, quod melius cum nostra Icone convenit. Aldrovandus exhibet duas illius Icones, sed neutra convenit cum hac nostra.



Cururyba.

Cururyba (inquit Author Lusitanus) omnium anguium quos hæc regio nutrit longe maximus & pulcherrimus, non raro enim reperiuntur vigintiquinque & triginta pedes longi: Carenam habet supra dorsum ab occipitio ad extremum caudæ descendentem, variis coloribus eleganter descriptam; dentes caninos: si aut hominem aut feram possit rapere, integros haurit. Fidem superat, quod à barbaris narratur: ubi ventrem sagina impleverit, humi resupinam putrescere, ita ut corvi aliarque aves carnes illius penitus depascantur, solo sceletro reliquo; hinc autem novas carnes sponte renasci & ad pristinam formam atque molem reintegrari, quippe capite sub luto tantisper abscondito, in quo ipsi vitalis vis, ideoque barbaros quibus id gnarum, ubi sceleton illius aut putrescens cadaver invenerint, caput studiose rimari & è cano erutum necare. Saturati etiam tam profunde obdormiscunt, ut sepe à barbaris caudæ pars amputetur neque tamen expergiscantur.

Manima anguis, numquam egreditur ex aquis, præcedente interdum major, 40 atque tam eleganter pictus, ut barbari morem pingendi corpora & exemplum ab illo se traxisse profiteantur: unde vulgo hunc anguem tanti faciunt, ut se longævus futuros inde argumententur, quod *Manima* se ipsis videndum dederit.

Crocodyli, quos indigenæ vocant *Iacare* hic quamplurimi & magnæ molis, ita ut interdum quindecim palmos longi hic capiantur.

Iagnarucu amphibium animal, bovis magnitudine, dentes habens quadrantem longos, hominibus infestum: frequenter reperitur in flumine *S. Francisci* & *Paraguacæ*, alibi vero rarissime.

Atacape itidem amphibium animal, lupo minus sed multo atrocius, solet in terram egredi, ut homines intercipiat, & quum sit velocissimum, non raro opprimit ipsos atque devorat. 50

Iaguapopeba, viperæ sunt Portugallicis omnino similes.

Zaiguemeiu modicum animalculum, cujus pellis in pretio habetur.

Bæpapina Tritonum species videtur, puerorum magnitudine & forma, frequens harum regionum fluminibus animal & innocuum.

Plurimi quoque hic reperiuntur porci fluviatiles, quos barbari vocant *Capygoara* porcorum

porcorum quidem magnitudine, sed forma nonnihil diversa, magnum satis lapidem habent sub palato, qui ipsis dentis majoris est loco: barbari appendunt illos liberorum suorum cervicibus loco monilis; carent cauda: crebro egrediuntur aquas & educant in terra catulos suos, viciant enim gramine & fructibus quos juxta ripas inveniunt.

In fluminibus item reperiuntur multæ conchæ, quas vocamus patellas, barbari *Igta*, quarum quædam cribra æquant magnitudine, atque illorum usum præbent barbaris, sunt intus argenteo colore, & continent interdum uniones. Igra.

Avium autem, quas Lusitani vocant *Cagados* ingens reperiuntur in fluminibus numerus, quarum ovis mirum in modum delectantur *Tapujes*, iisque viciant certis
10 anni tempestatibus.

Neque desunt hic in fluminibus, paludibus, stagnis innumera *Ranae*; quarum nonnullas, quas vocant *Guararicos*, tantopere metuunt & abhorrent barbari, ut fidem pene superet, nam solo auditu ita perterrentur, ut plerumque vivendi finem faciant, neque ullam consolationem admittant; ajunt enim splendorem quandam instar fulguris inter coaxandum emittere.

Anatum denique maxima hic copia, quas ut Lerijs notat, barbari vocant *Vpec*, Vpec. verum raro atque illubenter illas comedunt, ob tarditatem animalium in gradiendo, quam ne sibi affricent, magnopere metuunt.

C A P. XV.

20

Animalia, arbores herbaque quas Lusitani primum intulerunt, è quibus tamen hodie maximum questum faciunt: itemque divisio Brasiliae in suas praefecturas.

EQVORVM hic jam magna est copia & quidem tam præstantium, ut nonnulli ducentis, trecentisque ducatis venundentur & magno numero Angolam mittantur. Licet autem pascua hic non admodum sint læta, & in Praefectura Portus Securi herba quædam succrescat, armentis lethalis, tamen passim in hisce provinciis, 30 maximi eorumdem reperiuntur greges, ita ut non pauci Lusitani quingenta imo & mille taurorum vaccarumve capita possideant, præsertim in campestribus *Paratiningæ*, ubi pascua magis abundant, incredibili pene incremento: porci & sues hic supra modum numero aucti; quorum caro tam est suavis atque salubris, ut etiam ægris ad dietam præscribatur.

Juxta sinum fluminis Ianuarii plurimæ pascuntur oves atque verveces, tanta interdum sagina, ut præ nimia pinguedine illa ipsis rumpantur, sed caro illarum neutiquam tam opipara aut salubris quam Europæarum.

Capræ hic adhuc pauciores, capiunt tamen quotidie incrementum.

Gallinæ pene infinitæ, nam cœli temperiem satis commodam experiuntur & a
40 barbaris pariter atque Lusitanis aluntur perstudiose, majores quidem sunt Europæis, sed carne deteriore.

Anseres quoque multum adaucti, licet & suos habeat hæc regio, Europæis majores & longe meliores. Ex peregrinis autem animantibus nullum majoris faciunt barbari, quam canes, quos & studiose nutriunt, viri quidem ad venationem, feminae autem voluptatis gratia, nam instar puerorum circumgestant, & non raro lactant uberebus suis.

Arborum Europæarum, præsertim aurantiarum, limonum & limarum, citrearum & similium tanta hic jam est abundantia, ut integros saltus impleant, & fructus præ nimia copia vilescant: Formicæ tamen, quarum hic pene infinitus numerus, 50 magnum hisce arboribus adferunt damnum. Plurimæ hic quoque ficus & variorum generum.

In præfectura autem *S. Vincentii* & nominatim in campis *Paratiningæ*, itemque in Praefectura fluminis Ianuarii, cidoniarum malorum maxima nascitur copia, quæ quater singulis annis dant fructus maturos, incredibili fecunditate. Neque desiderantur vites, præsertim juxta sinum Ianuarii & in *Paratiningæ*, eximia ferè omnibus annis fertilitate; è quibus jam vinum premere conati sunt, sed non satis prospero successu.

Quid

Quid multa? omnes pene hortenses herbæ Europææ, flores, radicesque huc translata tantopere adoleverunt, ut domesticæ jam videri possint.

Triticum denique in Præfectura fluminis Januarii & campetribus *Paratininga* satum adeo luxuriat, ut ex una interdum radice sexaginta & non raro octuaginta culmos surgere sit observatum, noxia fecunditate; nam quum continuo novi culmi succrescant, messis suo tempore absolvi non potest, quumque molendinis destituantur indigenæ, tritici usum pene abdicant.

Vereor ne nimis prolixi fuerimus in descriptione animalium, & plantarum hujus regionis, sed quia nobilissima est provincia, & descriptiones satis accuratæ, speramus nos apud curiosos lectores veniam inventuros. Nunc ad particularem provinciarum descriptionem nos accingemus. 10

Bella quæ Portugallicum Indigenis harum regionum jam multis annis pene continua gesserunt, nequaquam ipsis permiserunt sedes in mediterraneis figere, sed ple-ræque ipsorum coloniz, urbes atque arces juxta littora sunt dispositæ, longo satis inter se intervallo. In Præfecturarum, quas Lusitani hîc vocant *Capitanias*, numero tradendo variant scriptores, nam *Antonius Herrera* Hispanus, & *Popillinerius Gallus*, tantum novem numerant, licet uterque non nisi octo nominatim recenscat & describat: *Nicolaus vero de Oliveyra* Lusitanus, scribit Regem Hispaniarum Portugalliæ nomine in America possidere Brasiliam; eamque initium sumere à *Para* (de qua proximo libro agetur, sive ab ipso pene Æquatore, & desinere ad trigessimum & quintum gradum ab Æquatore versus Austrum: complectique secundum oræ maritimæ ductum maximo gyro leucas mille & unam supra quadraginta. Porro Regionem hanc sive Brasiliæ, sive alio quocunque nomine appelletur; dividi in quatuordecim *Capitanias*, *Param* nimirum, *Maranhaon*, *Ciam*, *Rio Grande*, *Paraybam*, *Tamaracam*, *Pernambuco*, *Seregipen*, *Bahiam*, *Ilheos*, *Spirito Santo*, *Porto Seguro*, *Rio de Teneiro*, & *San Vincente*: quarum sex ad dominos particulares pertinent, qui illas armis acquisiverunt; reliquæ octo sint Regis. Intervals porro inter has diversa esse, nam à prima quæ *Para* dicitur, ad secundam *Maranhaon*, centum & sexaginta leucas numerari; à *Maranhaon* autem ad *Ciam* cxxv: à *Cia* ad *Rio Grande* centum: à *R. Grande* ad *Paraybam* xlv: à *Parayba* ad *Tamaracam* xxv: à *Tamaraca* ad *Pernambucum* sex: à *Pernambuco* ad *Seregipen* lxx: à *Seregipe* ad *Bahiam* xxv: à *Bahia* ad *Ilheos* xxx: ab *Ilheos* ad *Porto Seguro* totidem: à *Porto Seguro* ad *Spiritu Santo* lxxv: à *Spiritu Santo* ad *R. de Teneyro* lxxv: à *R. de Teneyro* ad *San Vincente* lxxv. De quibus intervallis plura suis locis dicentur. Denique inter eas quæ particularibus Dominis parent sunt *Pernambuco* & *Tamaraca*. Nunc singularum Provinciarum descriptionem prosequemur factò initio à *S. Vincente*. 20 30

C A P. XVI.

Prima Præfectura quæ appellatur S. Vincente descriptio.

PRÆFECTURA *S. Vincentii* omnium maxime Australis est & provinciis fluminis de *la Plata* contermina, quarum descriptionem superiori libro absolvi-mus. Sita est ad altitudinem quatuor & viginti graduum, habetque ad mare & intra Continentem limites incertos aut non satis explicatos. *Jarricus* in suo The-sauro de hac Præfectura ita scribit: *Vincentiana* Præfectura in exiguo maris sinu, viginti quatuor gradibus latitudinis Australis in ora maritima sita est: quadraginta ab oppido Fluminis Januarii leucis remota Austrum versus. Sex septemve socii hic com-morantur, qui sedulo & impigrè Lusitanorum simul & Brasiliensium saluti invigilant: hi in varios pagos dispersiti sunt circumsecus oppidum; ad quos quotidie novi hinc inde incolæ sociorum opera confluunt. Sæpe quippe interioriorem ad eunt régio-nem ac præsertim *Carigios*, qui in ora maritima octuaginta circiter leucis à Vincen-riano ad Austrum distant oppido, & ad ducentas propemodum leucas in eadem se ora extendunt, nam ad usque Flumen Argenteum pertingunt. 40 50

Gens est omnium Brasiliensium politissima cultissimaque, ut præter aliorum con-suetudinem, ferarum exuviis cooperiantur. Forma sunt insigni & nonnulli certant candore cum Europæis. si quando ad eos commercii gratia proficiuntur Lusitani, sine ullo

ullo metu navigia ascendunt, ac vicissim Lusitani per eorum pagos securi discurrent, quasi in propriis agerent domibus. Narrat deinde septuaginta illorum à Lusitanis fraude in servitutem abductos, & sociorum opera reductos anno cLo xcv: Et barbaros hosce magno fidei zelo ardere, sed Portugalorum metu ad *Vincentianam* Præfecturam non audere accedere: atque inde iusto Dei iudicio fieri, ut hæc colonia atque aliæ omnes, quæ in Indigenas sunt inhumaniores, indies decrescant, aliæ vero quæ eisdem bene volunt & humaniores se exhibent, quotidie magis magisque efflorescant.

Indigenæ hujus Præfecturæ, Portugalorum amici, à *Ioanne Stadio* appellantur *Tupiniki*, qui ipsos montana incolere & ultra octuaginta leucas in Mediterraneis, quadraginta autem juxta littus occupare prodidit: ad Austrum his sunt finitimi *Caribes*; ad Arctum autem *Tupinimbe*, Portugalis supra modum infesti.

Tupiniki.

Patres Societatis, qui in hisce partibus degunt, in literis suis anniversariis faciunt mentionem nationis barbaræ, *Miramumino*s vocant, gentis vagæ, ferocis atque immanissimæ, quæ Portugalis jam ante multum damni intulerit, sed nunc sociorum opera paululum delinita, Portugalis amicior atque opportunior esse cæperit. Nihilominus horum barbarorum incursibus multum huic Præfecturæ decessit; potissimum tamen ipsorum Portugalorum in indigenas iniquitate, fraudibus atque sævitia: nam quum Religiosi omnibus modis satagant impedire ne indigenæ inhumanis à Portugalis tractentur, aut in miseram servitutem aliò traducantur, tamen Portugalii tam hic quam alibi, crudelitati atque dolis nullum ponunt modum, & non raro ipsorum Religiosorum habitu abutuntur, ut facilius miseros in castes suos attrahant, magno religionis Christianæ, uti par est credere, dispendio.

Miramumini.

Urbs hujus Præfecturæ præcipua appellatur *Santos*, quadraginta circiter leucis à flumine Januarii versus meridiem distita, tres quatuorve ab oceano, in interiore recessu, ubi onerariæ majores in anchoris stare & onera sua exponere atque recipere percommode possunt: non admodum ampla est hæc urbs & non nisi octuaginta aut paulo pluribus constat domiciliis: varias vicēs experta, & à fortissimo Equite *Thoma Candishio* ann. cLo xci intercepta atque direpta, & supra duos menses possessa inter cætera spolia nonnihil auri repertum, quod à barbaris huc allatum ferebantur Portugalii, è loco *Muringa* vulgo dicto, ubi nunc fodinas habere dicuntur Lusitani: tres villæ cum suis molendinis Saccharò conficiendo aptis, ad hanc urbem jam olim pertinebant. Accepi à Belga quodam qui superioribus annis hic vixerat: Urbem hanc sitam esse juxta cornu Infusæ *S. Amaro*, tribus leucis aut circiter à mari; vallo munitam esse ad ripam fluvii, qui hic circiter dimidiam leucam est latus & circiter quinque orgyas altus: præterea duo visi hic castella, unum ad latus Australe, alterum media urbis parte; ædes numerare centum aut paulo plures, incolas ducentos partim Portugallos, partim Mestizos: templumque habere parochiale, & monasterium Benedictinorum & domum Societatis. Aditus ad portum vocatur *Barram Grande*.

Altera urbs dicitur *S. Vincente*, tribus quatuorve milliariis à priorè distita versus Austrum, non inelegans oppidulum, sed portu non æque commodo, atque majoribus navigiis pene inaccessio: octo autem milliariis ab hac intra Continentem, *Tanse* atque *Cavanea* pagis incoluntur à Portugalis, frugum copia nobiles, & extremi dudum Portugalorum versus illam plagam limites. Accepi ab eodem Belga, oppidulum hoc continere sexaginta aut septuaginta ædes, & numerare circiter centum incolas quæ Lusitanos quæ Mestizos: & ad illam pertinere tres quatuorve machinas Saccharò conficiendo aptas.

Tertia urbs, ut Portugalii produnt, appellatur *Hitaubacin*: Belga autem ille præterea designat *Itangem* & *Cananeam*, quæ jacent à *S. Vincente* versus Austrum: *Itange* nimirum decem aut undecim leucis à *S. Vincentio*. *Cananea* circiter quadraginta: constat autem *Cananea* duobus aut tribus pagis sive municipiis, nequaquam munitis, quæ tantum minoribus navigiis possunt adiri.

Ora autem maritima ita se habet, ab elyce *S. Vincentii*, ad *Barram*, quam vocant, *Grandem* sunt tres leucæ per hanc ascendunt naves etiam grandissimæ ad urbem *Santos*: ab hac ad alteram *Barram*, quam vocant de *Britioca*, iv aut v leucæ magis versus Arctum; hanc *Britiocam* non nisi minora navigia possunt ascendere ad oppidum *Santos*; ad ipsum aditum super arenosum cornu jacet parva arx lapidea.

CAP. XVII.

*Particularior hujus Praefectura descriptio & de oppido
S. Pauli; & Insulis adjacentibus.*

AB urbe *Santos* flumen ascendentes circiter tres leucas, occurrunt altissima montium juga, quæ ab indigenis vocantur *Pernabiacaba*, extendunturque in longitudinem pene ad eundem modum, quo litus Marinum: fluvius autem continet intermedio spacio plures insulas, in quibus Lusitani prædia habent rustica, & multa viridaria: ascenditur autem minutoribus navigiis ad locum quem vocant *Cubatoa*, ubi fluvii aquæ potabiles sunt, nec supra duas leucas inde descendunt è dictis montibus, atque de clivis illorum præcipitant. Porro *Pernapiacaba* sunt vasti & prærupti montes, difficili circiter duarum horarum ascensu, tramite inter arbores, graduum in modum, exciso, & inter centum aut centum quinquaginta passus lato; à vertice autem montium pertinet via quæ ducit ad *S. Paulum* primo versus Austrum, dein recta ad Occidentem, per montes & sylvas sex aut septem leucis; secant hanc viam duo amniculi, qui extra sylvam coeunt, & relabuntur versus ortum, & condunt se denique in fluvium *Injambi*. Sylvam egressos ducit via circiter unam leucam versus occasum & deinceps quatuor aut quinque versus Austrum, ad oppidum *S. Pauli* usque, per campestria sine ullis sylvis. Oppidulum *S. Pauli* situm est super monticulum circiter centum & quinquaginta passus editum; ad cujus radicem duo ampiculi labuntur, quorum unus descendit ab Austro, alter ab Occasu, atque hoc loco confluentes simul illabuntur in *Injambin*: amenissimum habet prospectum, versus Austrum atque Ortum, Arctumque in patientissimos campos; versus Occidentem in nemora: numerat centum aut paulo plures ædes, & circiter ducentos incolas quæ Lusitanos quæ Mestizos: unum templum parochiale, & duo monasteria Benediclinorum & Carmelitarum, & domum Patrum societatis. Quæstus potissimus hic fit ex pecuaria & agrorum cultura. Æstate quidem hic non nimium calet, aurâ quæ à montibus descendit æstum mitigante; hyeme vero nonnihil alget, ita ut non raro hic glacies, & plerumque pruina conspiciatur. Solum longe lateque fecundissimum est & amenissimum, campis, sylvis, collibus montibusque grata varietate distinctum: triticum quidem fert copiose, sed colore minus probato: cæterum armentis optimum: unde nihil hic desideratur præter falem, oleum & vinum.

Circiter leucam unam à *S. Paulo* versus Arctum labitur fluvius *Injambi*, satis latus, & minorum navigiorum patiens, piscosus quoque; oritur in Montanis *Pernapiacaba* ad Ortum à *S. Paulo*; & descendit ad Occidentem; pluviis mensibus nonnumquam egreditur ripas & inundat humiliores campos. Ad Arctum ab hoc fluvio, extendunt se montes, in longitudinem quidem inter Ortum & Occasum leucis triginta aut quadraginta, in latitudinem vero nunc decem nunc duodecim, interdum & quindecim leucis. In hisce montibus sunt varix auri fodinx, quod hic reperitur majoribus & minoribus granulis & etiam pulvere, æstimaturque communiter viginti & duobus caratiis.

Auri autem fodinx superiotibus annis inventæ, hæc commemorantur: *S. Jago* & *Santa Cruz* in montanis; *Pernapiacaba* quatuor aut quinque leucis à mari: *Geragua* circiter quinque leuc. à *S. Paulo* versus Arctum, & septendecim aut octodecim à mari: *Sierra dos Gnarumús* sex septemve leuc. à *S. Paulo* versus boream, & circiter viginti à mari: *Nossa Senhora de Monserrate* x aut xii leuc. à *S. Paulo* versus Corum, ubi grandia grana reperiuntur quæ interdum duas tresve uncias pendunt: *Buturunde* duas leucis à præcedentibus versus occasum; *Punta de Castiva* triginta leucis à *S. Paulo* versus Africum.

Ab eodem oppido *S. Paulo* circiter triginta leucis versus Africum jacent montana *Berafucaba*, ferri venis scatentia; nec auri venarum indiga, quas Indigenæ *Cananea* solent erueri. In montanis hisce jam oppidulum sunt moliti Lusitani, sed non magni precii, nomine *S. Philippi*: fluvius *Injambi* hic se dilatat, recipitque plures amnes tam ab Euro quam à Coro allabentes; & ita porro descendere dicitur in *Paranam*; minime tamen navigabilis usque ad utriusque confluentem, propter crebros cataractas.

crebros cataractas. Circiter quatuor aut quinque leucis à *S. Paulo* iuxta viam quæ ducit ad *Bersuiabam*, jacet molendinum sacchari; quod omne hic consumitur in tragemata & confervas; quum longe maxima hic nascatur cidoniorum malorum copia, & aliorum fructuum omnis generis.

Denique IV aut V leucis à *S. Paulo* versus ortum jacet indigenarum quidam pagus, inter quos pauci habitant Lusitani; situs est ad ripam fluminis *Injambi*, diciturque *S. Miguel*; ab hoc quatuor aut quinque leucis magis ad ortum occurrit pagus *Magimiri*, paucis tantum ædibus constans, haud longe à ripa *Injambi* & montanis *Pernipiacavæ*, aliquot leucis supra hunc pagum, inter conjugia montium *Pernipiacava* & eorum quos inter ortum atque occasum extendi diximus, oritur fluvius *Injambi* ex tribus quatuorve fontibus. Transcendentibus autem montes illos qui inter ortum & occasum jacent, occurrunt aliæ terræ & vastæ planities, quæ secantur ab allo satis valido flumine quem vocant *Rio de Sorobis*, qui magna terrarum spacia pervagatur & de non uno cataracte præcipitans, tandem in Oceanum creditur descendere inter *Pro-*
R. de So-
robis.
S. Sebastiani I.

montorium frigidum & Spiritum Sanctum. Ab hoc autem fluvio versus occidentem jacent vastæ, sed nullis aut perpaucis barbaris cultæ provinciæ campestris, per quas plures fluvii labuntur versus Africum, & ut par est credere in magnum flumen *de la Plata*; clauduntur autem versus Corum vastis & asperis montibus, in quibus fama est auri & argenti venas abscondi; & ex illis oriri aliquot fluvios, præsertim illum qui in-

ter Bahiam & Pernambuco descendit in Oceanum & nominatur *Rio S. Francisco*.

Fluminis & portus *Santos* faucibus, viginti pene milliarium Anglicorum intervallo, adjacet Insula *S. Sebastiani*, oblonga & ampla; paulumque ab hac versus Austrum alia minor, alta, & *Alcatraz* nomine nota. Inter autem dictam Insulam *S. Sebastiani* & continentem fida satis est statio, navibus quantumvis magnis; & ad-
S. Sebastiani I.

versus incerta ventorum egregiè munita; ipsa quoque insula aperit multos sinus; estque piscatio hic admodum copiosa & aquatio valde opportuna; cæterum densis sylvis atque vepretis pene invia advenas ab interiori sui cognitione arcet; præcipuus illius portus appellatur *Porto dos Castellanos*. Minores Insulas *Viçtorii*, & *dos Bussos* indicasse suffecerit.

Denique ex adverso Insulæ *S. Sebastiani* ad Continentem habitant pauci Portugalli in pagulo haud magni præcii. *Antonius Knivetus* Anglus, vocat *Iaquerequere*; nec longe inde alium pagum *Pianita* qui barbaris incolitur, quos appellat *Porics*. Hactenus de præfectura *S. Vincentii* quam noster patere vult, ab oppido Santos versus Austrum quidem quinquaginta leucis, ad Arctum vero quindecim aut viginti.

Ad eam quoque pertinet Paratiningensis colonia, decem aut duodecim leucis ab oppido *S. Vincentii*, intra Continentem & in campestribus quorum jam sæpius meminimus. In qua Jesuitæ Residentiam, ut vocant, habuerunt, quæ anno 1610 c à barbaris direpta fuit atque eversa, sed postea haud dubio restaurata.

C A P. XVIII.

40

Præfectura fluminis Januarii vulgo Rio de Janeiro.

SECUNDA Brasiliæ præfectura nomen sortita est à flumine *Januarii*, vulgo *Rio de Janeiro*, quod eo mense primò à *Joanne Diaçio de Solis* anno 1610 XV fuerit aditum; qui illud secundum suam dimensionem collocat ad altitudinem duorum & viginti graduum & viginti scrupulorum versus Polum Arcticum. Galli vero qui hunc locum colonia nobilitarunt sinum & fluvium appellant *Ganabaram*.

Hi primam ad hunc locum expeditionem susceperunt anno 1610 LV sub Præfecto *Villegagnone*, cum duabus onerariis, & appulerunt hic mense Novembri. Præfectus in ipsis faucibus, quæ dimidium circiter milliare patent, altissimis montibus utrimque imminetibus, arcem ligneam exstruxit, super petram centum pedes longam, sexaginta latam, ibidemque machinas suas bellicas disposuit, ut aditum communiret. Flumen intus amplum, multis insulis amœnè virentibus passim interspersum, in quarum unam haud longe à prædicta petra suos colonos cum commeatu & reliquo apparatu bellico exposuit, ob suorum paucitatem & barbarorum multitudinem, in Continenti sedes figere metuens. Illa sexcentos passus in longitudinem,

Sf

cente-

centenos in latitudinem patebat, & pari pene intervallo utrimque aberat à Continente, dulcium aquarum inops.

Secunda Classis quæ quamplurimos vehebat reformatæ religioni addictos, (quam & Villagagnon se sequi profitebatur) sub præfecto domino *du Pont*, solvit è Gallia mense Novembri anni c1o 1o 1v1, & permolesta navigatione usâ, mense demum Martio anni c1o 1o 1v11 portum fuit invecta. Secundam hanc navigationem prolixè descripsit *Joannes Lèrius*, sicuti priorem *Andreas Thèvetus*. Arcem autem petræ superædificatam uti diximus, Villegagnon nondum fraudum & scelерum manifestus, ad honorem Ammiralii *Francia*, appellaverat *Colligniam*. Ponitur autem hoc flumen & sinus illius à Gallis ad altitudinem trium & viginti graduum Australium, 1o atque ita describitur à *Lerius*.

Quæ alii (inquit) de sinu isto scripserunt, prætermitto, cumque quatuor & viginti millibus passuum patere affirmo: In quibusdam vero locis in latitudinem crescere, donec quatuordecim aut sedecim conficiat: Et quamvis ii montes quibus cingitur, non adeo sunt excelsi, atque ii quos Genevensis lacus alluit, rectè tamen cum illo comparari potest, ob vicinitatem undique terrarum. Ostium illius periculosum est, quia relicto mari, trium Insularum incultarum oræ sunt legendæ, unde magnum periculum navibus imminet, ne scopulis illisæ penitus frangantur. Deinde præternavigandum est fretum, quod quum trecentos passus in latitudinem non habeat, enascitur sinistrorsum è monte rupes pyramidis formam referens, quæ non modo immen- 2o sè est magnitudinis, verum etiam eminus artificio quodam videtur elaborata. Propter eas autem rotunditatem & quod ingenti turri persimilis esset, à Gallis *le port de beure* fuerat appellata. Paulo ulterius intra sinum ipsum rupes exstat satis plana, quæ in circuitu patet circiter cxx passus, hæc à nobis *le Rastier* dicebatur, quam Villagagnon cum primum appulisset, exposita suppellectile ac impedimentis muniri posse sperabat, vi tamen undarum inde pulsus est. Ea porro, quam incolebamus, insula, duobus est passuum millibus ulterior: hæc erat inculta ante Villegagnonis adventum: in circuitu circiter passus mille complectitur, latitudinem sexies superante longitudine, scopulisq; ad libellam summæ aquæ extantibus cingitur, qua de causa naves citra tormenti jactum accedere non possunt; estque hoc loco natura munitissima, ut adiri ne navigiis quidem possit nisi è portus latere, ex adverso ingredientis oceani: Hæc si diligenter custodita fuisset, nec expugnari nec intercipi potuisset, quemadmodum à reditu nostro à Lusitanis fuit occupata; illorum culpa qui ibidem relicti fuerant. Ab utraq; parte eminebat collisulus, in cuius fastigio Villagagnon tugurium extruxerat: rupi vero 1. aut 1x pedes in altitudinem porrectæ & ad insulæ centrum sitæ, suum imposuit prætorium; reliqua in planiciem redacta domiciliis cõtinebantur, quæ annumerata omni Vilagagnonis familia, 1xxx circiter homines incolebant. Illa omnia si prætorium excipias aliquot fabrilibus tignis fabricatum, & propugnacula qualicunq; cemento obducta, parva erant tuguriola, prout Americani solent, lignis extructa rotundis, herbaq; contexta, &c. Ultra propugnaculum decem fere passuum millibus, pulcherrima fertilissimaque insula jacet, quæ quum in circuitu x11 mill. passuum pateret, magnæ insulæ nomen à nobis sortita est. Quinetiam quod à *Toroupinambautius* fœderatis incoleteretur, eam frequenter petebamus ad exportandam farinam, aliaq; necessaria. Sunt præterea in illo sinu maris multæ insulæ incultæ, in quibus præstantissima ostrea reperiuntur.

Fluvius multorum piscium genere abundat, imprimis quamoptimis nullis, subius marinis & aliis mediocribus. Duo sunt etiam flumina, quæ ad extremitatem sinus, terra undique circumdata, cum eo conjunguntur. Hactenus *Lerius*.

Atque hæc quidem Gallorum temporibus fuit hujus sinus conditio, qui inde à Portugallis pulsus, auspiciis *Emanuelis de Sa*, pulcherrimam occasionem rei bene gerendæ amiserunt, atque ex opulenti hisce provinciis fuerunt exclusi: nam quum Villegagnoni nulla supplementa è Gallia fuissent submissa, & Portugalli ipsi imminerent, ipse 3o in Galliam rediit, paucis militibus in castello suo relictis; qui Portugallis se dediderunt, & contra fidem datam, plerique fuerunt occisi, paucique tantum fuga se subdlexerunt, & inter barbaros latuerunt: hæc gesta anno c1o 1o 1v11.

Portugalli autem, post Gallos pulsos, oppidum *S. Sebastiani* hic condiderunt, ad Australem angustarum illarû faucium plagam, ad altitudinem trium & viginti graduum & quin.

& quindecim scrupulorum versus Austrum, uti à nostratibus est observatum; circiter duorum milliarium intervallo ab Oceano, ad semicircularem sinum, quem pene universum occupat, loco plano quidem, sed utrumque montibus leniter ascendentibus munito; in longitudinem ita exposita ut vix dimidia hora obiri possit: in latitudinem autem vix decem aut duodecim ædes complectitur: Anno c^lo l^o cxviii nondum silicibus strati erant calles; nullæ portæ, nulla mœnia circumducta: Sed defendunt illam adversus hostiles incurfus quatuor castella, quorum primum ad orientale faucium latus jacet super clium altissimæ rupis: secundum in insula à Continentis occidua plaga angusto freto disjuncta: hæc insula qua Eurus spectat, assurgit
 10 in rotundam petram ad conum modum: tertium itidem super petram ad latus urbis quod vulturum aspicit, ad ipsam sinus ripam: quartum denique ad latus urbis quod Corum spectat in acclivi colle. Cæterum urbs ipsa veluti in tres regiones divisa est: quarum una superior dici potest, in qua primarium templum & Collegium Patrum Societatis: altera inferior in convalle, vocant *Barrio de S. Antonio*: tertia denique ad ipsam sinus oram, ab interiori castello, ad cœnobium *S. Benedicti*.

Ad hoc oppidum pertinent quidem aliquot machinæ saccharo molendo aptæ, præcipua tamen commercia oppidanorum constant gossypio & ligno Brasiliiano, & annona, aliisque rebus ad victum necessariis, quibus locus affluit.

In hoc fluminis Januarii oppido (inquit *Iarricus*) Collegium Societati Jesu fundavit Rex Portugallæ Sebastianus, ut & cætera quæ in Brasilia sunt. Quinquaginta
 20 hic ut plurimum socii agunt, si annumeres qui in Residentis hinc dependentibus commorantur. Theologia moralis & Latina lingua hic de superiore loco docentur, parvuli vero literas & legere & formare. Præter ea quæ Lusitanis impenduntur obsequia, duo magni Brasiliensium pagi haud procul ab oppido, in quibus duo & amplius hominum millia commorantur, sociorum curæ concediti sunt, omnes siquidem illorum industria ad fidem transierant, & sacro fonte sunt abluti.

Idem narrat, anno c^lo l^o lxxx Præfecto urbis tum multis suorum absente, hanc urbem à tribus Gallorum navibus insigni classiariorum numero instructis, frustra
 30 fuisse tentatam. Neque ulla, quod sciam, hæctenus insignis hanc urbem oppressit calamitas: Ad hanc Præfecturam pertinet Promontorium frigidum (vulgo *Cabo Frio*) juxta quod ingentes reperiuntur Crocodyli: & in interiori Continente aves quædam, quas appellant *Mdas*, gallopavorum magnitudine: & præterea ingens aprorum copia.

Montes autem ita scatent insectis quibusdam (quæ cimices aut pediculos inguinales egregie referunt) ut difficulter ab hominibus possint arceri.

Alterum hujus præfecturæ municipium vocatur *Angra dos Reyes*, distans ab ostio sinus Januarii duodecim aut circiter leucis versus Occidentem (ut Figueredus in nautico itinerario testatur) in continente situm è regione Insulæ quam vocant grandem, & alterius minoris quæ dicitur *Tpoja*: Ante paucos annos primum huc colonia à Portugallis fuit deducta: neque quicquam præterea de isto municipio accepimus; nisi
 40 quodquidam nostrorum me monuit, locum parvi admodum esse momenti.

Denique hujus Præfecturæ incolæ atque indigenæ quondam fuerunt *Tovoupinam Baulit*, ut Lælius atque Thevetus narrant, qui ipsorum ingenia, mores, & instituta prolixè describunt: ad quos Lectores brevitas gratia remitto. Ii jam penitus defecisse aut alio migrasse videntur, nam qui hodie circa *Marignanam* degunt, se ab hisce gloriantur oriundos; & certe ipsorum mores, habitusque corporis, & præsertim idioma, non vanam faciunt fidem, uti postea in descriptione Insulæ *Marignanæ* & Continentis illius obiter dicemus. Qui autem hodie juxta & in hac Præfectura degunt, variarum nationum colluvies esse videntur: sunt autem plerique Portugallis consecrati, atque admodum obnoxii; & maximam partem illorum mancipia.

50

C A P. XIX.

Tertia Brasiliæ Præfectura, Spiritu sancto, ut Portugalli vulgo vocant.

TERTIA Brasiliæ Capitania, appellatur à Portugallis *Spiritu sancto*: distat ab Equatore versus polum Antarcticum, viginti gradibus; A flumine Januarii versus Arctum leucis sexaginta; à Portu autem securo versus Austrum circiter

citer quinquaginta. *Antonius Herrera* testatur hic tantum unum molendinum ad Saccharum conficiendum esse constructum, verum gossypii & ligni Brasiliiani quo tinctorum uruntur ditissimum hic vigere commercium. A ducentis aut paulo pluribus familiis Lusitanicis incolitur: Patres societatis hic quoque suam habent domum: Ad dextram portum ingredientibus castellum visitur exiguum neque admodum munitum: Sunt qui hic duo oppida à Lusitanis incoli tradant, & longe maiorem oppidanorum prodant numerum.

Hæc Præfectura creditur longè fertilissima omnium provinciarum Brasiliæ & ab omnibus rebus quæ ad vitam humanam necessaria sunt, instructissima: omnigenum piscium hic incredibilis est copia; ferarumque venator nobilis, ob opportunitatem sylvarum & saltuum, & flumina quæ, agtum illius grata vicissitudine intersecant. 10

Indigenæ barbari dicuntur *Margajates*, olim quidem Lusitanorum infensi hostes, nunc amici atque confederati; horum mores atque instituta copiose quoque describit *Lerius*, sed quia non multum à reliquorum barbarorum vita atque moribus abluunt, ex iis quæ supra in communi diximus, æstimari possunt.

Provincias quæ hanc Præfecturam & flumen Januarii interjacent, secar nobilis & piscosus admodum fluvius, quem *Paraybam* sive *Pareyvam* vocant, exiens in Oceanum ad altitudinem unius & viginti graduum ab Æquatore versus Austrum, (quibus aliqui addunt scrupula quadraginta, facili pro observantium diligentia aut oscitantia, lapsu,) populi qui juxta hunc degunt à nonnullis dicuntur *Paraybes*, à cæteris barbaris haud multum diversi. Atque ut obiter hoc moneam, tres omnino fluvii *Parayba* nomine ad hanc oram notantur, quorum prior inter flumen *de la Plata* & *S. Vincentii* præfecturam in mare evoluitur, de quo supra diximus: secundus est de quo jam agimus, quem harum regionum gnari in Mediterraneis procul à mari oriri & multis minoribus amnibus auctum hic Oceano misceri tradunt. Tertius est pene ad septentrionalem Brasiliæ plagam, de quo mox agemus.

Portus autem oppidi, prout nostrates observaverunt, ita se habet: Portus sese aperit ad modicum sinum, quem Continens hic admittit, ad Orientem expositum, in quo nonnullæ exiguæ insulæ sparsæ; aquilonari autem lateri rupes & vada objacent, 30 navigantibus infidiosa: Portum autem subituri primo observant præaltum montem, companæ formæ, quem Portugalli *Alve* nomine insigniunt, ad quem navigantes cursum suum dirigunt, situs est autem intra Continentem duabus circiter leucis à litore; deinde paulo propius littora stringentibus, turris candida in prærupto monte haud longe à mari sita visitur, Portugalli vocant *Nossa Senhora de Penha*, est enim Ecclesiola muro in ambitu cincta; sub qua olim municipium fuit, cujus adhuc aliquot ædes supersunt, appellant hodieque *Villam Veiam*, paulo ante quam ad hanc accedas, angustæ portus fauces subeundæ sunt, quas vadum, ab exigua & oblonga insula quæ ad Arctum jacet, descendens coarctat; has ingressis, jam liberior est navigatio & minus periculosa. Subeuntibus autem porro primo se ostendit ad dexterum latus, 40 rupes è solo assurgens instar conii obtusi; deinde ad sinistram editus mons ad ipsam oram sese attollens, quem Portugalli vocant *Panem Sacchari*, quia forma egregie convenit: è regione ad dextrum portus latus, visitur exiguum munimentum quadratum, exigui momenti: Atque ita tandem pervenitur ad oppidum ipsum, quod conditum est ad dexterum portus latus, ad ipsam oram, circiter tribus leucis ab alto mari; nullis menibus vallo incinctum; ad Orientalem illius partem jacet monasterium cum sua Ecclesia, quod vocant *S. Bento*; circiter media parte urbis, & quidem supra ipsam visitur Ecclesia *S. Francis*; denique extrema oppidi parte versus Occasum domus Jesuitarum cum suo templo.

Iarricus denique ita scribit de hac Præfectura: Quarta sociorum Residentia est 50 in oppido *Sancti Spiritus*, quod in vicesimo latitudinis Australis situm est gradu, in ora maritima, ita ut Æquatori sit propius, quam oppidum fluminis Januarii à quo septuaginta distat leucis. Septem aut octo hic ut plurimum agunt socii, interdum plures sex Brasiliensium pagis circumquaque sitis hi præsent, in quibus decem Christianorum millia numerantur. Pagus autem haud procul inde, cui à tribus magis nomen ubi multi neophyti degunt. Vicini denique illis sunt barbari *Tapuja* atque *Apiapetanga*,

petange, gentes feroces atque indomitæ, Lusitanis eorumque sociis supra modum infensi, quibus grave damnum nonnunquam inferunt.

CAP. XX.

Quarta Brasiliæ Præfectura quæ à Portugallis appellatur Porto Seguro.

QUARTA Brasiliæ Præfectura *Portus Securi* nomen hodieque retinet ab Alvaro Caprali jam olim inditum, quum afflictam classem hic subduxisset & primus Portugaliorum has terras adnavigasset, uti jam ante diximus. Distat autem triginta leucis à Præfectura *Insularum*, ut vocant, versus Austrum; & quinquaginta à Præfectura *Spiritus Sancti* versus Arctum: ad altitudinem sedecimi graduum & triginta scrupulorum ultra Aequatorem versus Austrum; ut communiter in nauticis itinerariis inveni annotatum.

Antonius Herrera tribuit huic Præfecturæ tria municipia; quorum unum *Sancti Amari*, alterum *S. Crucis* nomen præ se fert, tertium *Portus Securi* nomen servat atque famam: à paulo pluribus quam centum quinquaginta familiis Lusitanorum hæc habitari ferunt: licet quidam majorem numerum prodant, habent enim quinque aut sex molas saccharo conficiendo aptas.

Oppidum autem quod *Portus Securi* nomen servare diximus, conditum est in cacumine albicantis rupis, juxta quam cernitur terra admodum elata, ascendens ad arcuam plagam; ab altera vero parte planeseit solum, & demum in humile atque arenosum iteritur litus.

Alterum oppidum *S. Crucis* distat à priori circiter tribus leucis, habetque portum modicum & minoribus tantum navigiis opportunum.

Præfectura hæc Ducis Averensis esse dicitur, ejus incolæ autem Lusitani, crebris navigationibus secundum littora, omnis generis annonam, qua hæc præfectura insigniter abundat, subvehunt cæteris Brasiliæ præfecturis, qui præcipuus illorum est quæstus.

Haud longe ab hoc littore, famosi & multorum periculo aut exitio nobiles scopuli & vadum breviter, longissimo necdum satis definito intervallo procurunt in vastum Oceanum, *Abrolhos* vocant vulgo, à quibus quam longissime solebant fugere navigantes, præsertim qui Indias Orientales petebant, necdum animum obfirmarunt: licet superioribus annis varii canales inventi fuerint, qui transitum navibus præbent, sed non sine discrimine & summa cum cautela. Nam non tantum juxta oras Continentis, mare satis altum depræhensum fuit, verum etiam per medios scopulos penetratum, sex septemve leucis à Continente, ubi quatuor exiguæ insulæ conspiciuntur, quas Lusitani appellant, *Monte de Piedras*, *Ilha Seca*, *Ilha dos Passeros* & *Ilha de Meo*; harum duæ sunt exteriores *Ilha Seca* & *Monte de Piedras* sub quarum occidentali latere navigabilis alveus sese aperit: Interiores autem *Ilha dos Passeros* & *de Meo* ab utroque latere si paulum diligentius circumspicias sine discrimine raduntur. Hi scopuli ubi fluctus implevit, mari pene æquales aut leviter suffusi conspiciuntur; æstu vero relabente extant summis verticibus, interdum minus periculosi quia fluctus scopulis illisi & repercussi propius accedentes periculi satis mature admonent, & extra hos undiquaque satis altum est mare.

Abrolhos.

Porro nostrates qui superioribus annis hic adnavigarunt & in Continentem exscenderunt, quæ inter præfecturam Spiritus Sancti & hanc de qua agimus interjacet, negant ullos barbaros à se hic viſos, sed vastas solitudines & sylvas pene invias, amnesque frequentes & imprimis piscosos.

Denique *Jarricus* in sua Thesaurò de hac Præfectura ita scribit. Quinquaginta à *Bahia* (quam vocant *de todos los Santos*) ad Austrum, & xx ab *Ilheos* distat leucis, ad oram maritimam sita. Hic itidem Sociorum domus est, in qua sex ad summum commorantur. Pueri docentur hic legere & scribere: Undecim circumcirca sunt barbarorum pagi, quos Socii Dei verbum disseminaturi oberrant. Idem testatur *Portus Securi* oppidum superioribus annis *Guaymurum* barbarorum (de quibus ante quoque egimus) impetum & violentiam imprimis esse expertum: ita enim (inquit) destruxerunt ut vix viceni hic hodie incolæ numerentur, qui quod quotidiano barbarorum infestentur incursu, vix se sustentare queunt, ut sæpe herbis, radicibusque vivere præ commearum inopia &

agrorum solitudine cogantur. *S. Amari* autem oppidum Lusitani compulsi sunt descendere, simul & quinas molas saccharo parando constructas, è quibus non exiguum trahabant compendium; metuentes ne tandem etiam à barbaris devorarentur, qui jam servos omnes atque operas domesticas illorum devoraverant.

CAP. XXI.

Quinta Brasilia Praefectura, quam Portugalli vulgo nominant Ilheos.

QUINTA Brasiliae Praefectura sive *Capitania*, à Portugallis vocatur *dos Ilheos*, ab Insulis quæ faucibus sinus objacent, ad quem præcipuum hujus Praefecturae municipium est conditum: distat autem triginta leucarum intervallo à Portu securo versus Aquilonem, & totidem fere à *Bahia* seu sinu omnium Sanctorum, versus Austrum: ab Æquatore denique (ut testatur *Herrera*) quindecim gradibus & quadraginta scrupulis; vel ut nauticæ tabulæ produnt, quinque & quadraginta scrupulis, levi discrimine.

Colonia hæc constat circiter ducentis Lusitanicis familiis; præterlabitur municipium medioeris annis, habetque octo molas Saccharo parando comparatas. Alii testantur exiguum esse oppidulum, & non supra centum & quinquaginta domicilia numerare; tantumque tres habere ejusmodi molas; oppidanus autem potissimum agriculturæ dare operam, & fruges suas minoribus navigiis ad *Pernambucum* & alias vicinas præfecturas subvehere; & Dominum agnoscere *Lucam Gualdum* Portugallum.

In Meditæranæis septem ab hoc oppido leucis, lacus jacet aquæ potabilis, tres circiter leucas longus, totidemque latus, & supra quindecim orgyas altus, è quo annis exit, sed per fauces adeo angustas, ut vix minoribus cymbis aditum præbeant, vento tamen vehementius incumbente, ita exæstuat hic lacus, ut fluctus haud secus quam in alto mari attollantur; imprimis autem est piscosus, variisque & optimis nutriti pisces, præsertim *Manaros*, tantæ interdum molis, ut quadraginta *Arobas* (pondus est Hispanicum, viginti octo ad minimum libras nostrates appendens) pendere dicantur, immane pondus & vix credibile: *Crocodylos* insuper & immanes illos pisces, quos *Tuberoles* vocant Hispanicis, aliosque quamplurimos.

In hac Praefectura etiam reperiuntur arbores quæ leviter vulneratæ odoratissimum balsamum, & singulari virtute pollens exsudant.

Antonius autem *Herrera* refert in Regionem huic Praefecturae vicinam, nuperime advenisse barbaros, è propriis sedibus ab hostibus suis expulsi, immanibus corporibus instar gigantum, candidiori quam ceteri sint barbari colore; gentem vagam & quæ nulla domicilia habeat, sed passim in sylvis atque campis, instar ferarum humi projecta cubet: validi ipsis arcus & grandes sagittæ, quibus maximam cladem non modo indigenis, sed & Lusitanis inferunt: crudelissimi sunt Anthropophagi: Catervatim aut aperto Marte numquam, sæpe sparsim & ex insidiis in incautos erumpunt, ideoque & difficulter vitari, & non nisi cum summo discrimine indagari possunt.

Sed jam *Iarricum* audiamus: *Ilheos* (inquit) Lusitanorum præfectura, xxx ad meridiem à *Bahia* distat leucis, in ora maris sita: è piorum Eleemosynis focis hic domus fundata, in qua ut plurimum sex septemve commorantur: præter solita exercitia hic ludii aperuere, in quo & legere & scribere docetur juvenus. Haud procul ab hac Praefectura *Aimuri* sive *Gnaymuri* commotantur: quibus nullos in universa Brasilia immaniores esse tradunt: proprios enim membratim manducare dicuntur liberos & aperto prægnantium utero fetus educere & coram devorare. Homines ut nos feras venando caprant, quos deinde mactatos devorant. Ab his præfectura *Ilheensis* in solo constructa fertilissimo penitus propemodum è terra fuit: quin & alii agri feracissimi frugibusque ferendis maxime accomodi, deserti, quod qui eisdem coheret præ *Aymurorum* metu nullus superesset. Sed literis (inquit) anni c1510 lxxx1 traditum est, illos ex quo *S. Georgii* reliquias Roma ante sexennium à R. P. Generali Societatis Iesu accipere, *Aimuriis* hanc coloniam semper infestantibus, in conspectibus prævaluisse, nulli ut in posterum Lusitani desiderentur, & Brasiliæ focis quam paucissimi, quod meritis atque suffragiis gloriosi athletæ *Georgii* adscriptum fuit.

*Sexta Brasiliæ præfectura Bahía sive sinus omnium Sanctorum;
Ipsius sinus accurata descriptio; & memorabile
facinus Petri Heynii nostri.*

SEXTA Brasiliæ Præfectura *Bahía de todos los Santos*, id est, sinus omnium Sanctorum nominatur, triginta leucarum intervallo ab *Ilheense* præfectura, versus Arctum, centum autem à *Pernambuco* oppido versus Austrum distans: ad altitudinem tredecim graduum ultra Æquatorem versus Antarcticum polum. Nomen accepit ab amplissimo sinu, quem Oceanus in Continentem irrumpens hic facit: circiter duas leucas & semissem latum, & duodecim, nonnullibi & octodecim orgyas altum, magnis parvisque refertum insulis, amœnissimis & gossypii feracissimis: Est enim hic sinus in multos recessus atque alveos veluti diuisus, insinuatque se ultra quatuordecim leucas in Continentem, magno accolarum usu atque emolumento. Tres modici amies (ut minores taceam) ex interiori regione elabentes in illum egrediuntur, quorum primus principali oppido vicinior *Pitange*, proximus *Geresepe*, tertius autem *Gachoeira* appellatur.

Extima & maxima insularum vulgo nominatur *TapERICA*, interiores quoque & minores sua singula nomina à Lusitanis meruerunt, uti statim dicetur. Operæ enim pretium fuerit sinum hunc imprimis nobilem paulo accuratius, prout à nostris fuit observatus & delineatus describere. Sinus itaque hic paret versus Austrum, & penetrat ad arctum, ad dextram ingredientibus habet Continentem Brasiliæ, ad sinistram insulam oblongam *TapERICAM*; inter utrumque primo latus est supra tres leucas; atque hic ad dexteram habet obtusum terræ cornu, juxta quod sita est arx *S. Antonii* & *Villa Veya*, ut vocant, ad exiguum recessum; qui ad arctum clauditur promontorio, à quo ora se subducit versus ortum, facitque semicircularem recessum, ad quem oppidum *S. Salvatoris* jacet, de quo mox; hic versus arctum terminatur angusta terræ veluti lingua, quæ hic in acutum angulum prominet in sinum, ubi arx *TapESEPE* visitur, atque hic brevissimus tractus est ad Insulam *TapERICAM*, non tamen minor duobus leucis; ab hoc acuto angulo ora rursus recedit versus ortum, sinusque dilatarur & irrumpit in Continentem moliens mediterraneum quoddam fretum, quod post angustas satis fauces intrus se dilatat in duo veluti brachia; ab hujus faucibus pergit rursus ora versus Arctum usque ad ostium fluminis *Pitanges*, cujus fauces angustæ sensim dilatantur versus ortum, & plures minores amnes in illud confluunt; ad ripas horum amnium, quemadmodum & ad principalem alveum, plures jacent molæ Saccharo molendo comparatæ; hujus fluminis fauces egressis rursus pergit ora versus Arctum pene ad leucam unam, & tum cubito flexitur versus Occasum, faciens ad ipsum flexum semicircularem recessum, cui exigua insula in jacet & ipsa cuncta: pergit deinceps ora recta ad occidentem circiter duabus leucis, ad obtusum terræ angulum; intermedio autem spacio objacet insula, quam vocant de *Marre*, circiter leucam longa, & in longitudinem, quoque ostio *Pitanges* fluminis obversa, freto intermedio dimidium leucam lato: ibidem & è Continente minor quidam amnis exit, pene è regione arctoi hujus insulæ de *Marre* anguli. Extremo autem hujus oræ, qua ad occasum pertinet, angulo objacet altera insula, triangulæ forma, & basi sua Continenti obversa, quam video à nostris Monachorum insulam appellari. Ab hoc angulo recedit rursus ora versus Arctum habens è regione seu recta versus occasum, ostium fluvii de *Cachoera*, intervallo duarum & paulo amplius leucarum. Porro hæc ora quæ ab obtuso illo angulo, jacet inter Austrum & Arctum, secatur à duobus amniculis, habetque objectas quatuor minores insulas angusto freto à continente divisis, quarum prior quæ ipsi angulo adjacet appellatur *Burapebará*, huic vicina *Porto Madera*, reliquarum nomina ignoro: à postrema autem; quæ oblongior amniculi cujusdam ori objacet, Continentis ora cubito reflectitur in occidentem, atque ipsi cornu objecta est insula modica, quam vocant de *Fontes*; pergit deinceps ora versus Arctum, & brevi spatio emittit in sinum, amnem modicum, quem vocant

Rio Tambaria; & post varios fluxus atque refluxus, ducit ad ostium fluminis *Geresipes* sive intimum magni sinus gremium: Id flumen descendit ab *Arcto*, plures minores amnes dextra leuaque in se recipiens, ori autem illius obiacent duæ minores insulæ, (nam tertia ipsi ori veluti inijacet illudque veluti in duas fauces dispescit): quæ ori propior est vocatur *Insula Pycca*, exterior *Caraipe*: sed antequam cætera prosequor non possum committere quin hic obiter recenscam memorabile facinus *Petri Petridæ Heynii*, viri immortalis memoria dignissimi, quod hic gestum fuit ad hunc modum.

Petrus Petrides Heynius, auspiciis D. D. Ordinum Generalium, Confederati Belgii Societatis Indiæ Occidentalis Ammiralius, Anno 1650 cxxvii mense Martio, sinum Omnium Sanctorum inuestus; deprehendit ante oppidum *S. Salvadoris*, pene 10 sub ipsis castellis quæ portui undiquaque imminent, hostiles naves viginti & sex; quarum quatuor pluribus tormētis bellicis, & copioso milite præter navales socios erant instructæ, quæ reliquis duabus & viginti veluti pro vallo erant præpositæ. Præfectus oppidi *Didacus Olyverius* ad hæc duas supra quadraginta machinas majores variis locis collocaverat, ut hanc classem à nostrorum impetu tueretur. Noster tamen nihil horum metuens, & vento quoque qui à terra accedebat adversante, velificando tantum profecit, ut cum sua tantum navi (nam reliquæ nostræ naves non potuerant ipsum sequi neque prope accedere) se medium inter Ammiraliam & Vice Ammiraliam hostilis classis ingereret, atque ibidem anchoras demitteret; hinc acre certamen & valde impar exortum, hostilibus non tantum navibus, sed & arcibus, atque 20 aliis machinis in littore dispositis, ab omnibus partibus illum unum impetentibus, nec non sclopetariis undiquaque valide in illius milites ejaculantibus; superavit tamen viri fortissimi fortuna, fuitque is successus, ut navis Vice-Ammiralia hostium post dimidiæ horæ certamen multis ictibus conquassata demereretur, omnesque illius propugnatores quatuor tantum aut quinque exceptis, caderent: & reliquæ naves sese dederent vita salva; advenere interim à reliquis nostris navibus plurimæ cymbæ, milibus & navalibus sociis plenæ; qui ingenti animo, in conspectu hostium omnes hostiles naves deduxerunt, tribus tantum minoribus exceptis, quæ vacuæ erant. Hinc 30 noster suam quoque navem subducere conatus, æstu relabente hæsit vado; neque ab eo absolvi potuit, plurimis ictibus ita conquassata, ut dehisceret; quare illam machinis prius corruptis, reliquit & vulcano tradidit. Postero die omnes hostiles naves lustrans, in quatuor earum, quæ capacissimæ & opportuniore videbantur, reliquarum onera transposuit atque in Belgium nostrum ablegavit; aliis itidem quatuor classem suam auxit; reliquis quæ ipsi inutiles erant vulcano abdicatis. Postquam autem viginti quatuor diebus in sinu substitisset, classem promovit versus flumen Januarii, Promontorium frigidum, & præfecturam Spiritus sancti, & aquatione atque lignatione ex voto perfecta, & navi una Saccharo onusta in itinere intercepta, secundo cum quatuor majoribus & totidem minoribus navibus rediit in sinum hunc, decimo mensis Junii, quumque hic tantum octo vacuas naves, juxta ipsum littus sub urbe in anchoris stantes deprehendisset, neque operæ precium putaret illarum causa suas periclitari, pone cornu Tapelipes classem suam stitit, ibidemque duas naves in anchoris 40 constitutas nullo negotio cepit, & deductis iis quæ usui esse poterant, flammis consumpsit. Dum hic hæret, cognovit è captivis aliquot Lusitanis quatuor naves Saccharo onustas, se in amne aliquo vicino abscondisse, quem tamen ipsi ignorarent, quare hæc indagare certus, statim cum classe promovit ad Insulam *de Marec*, & cum duabus liburnicis, & pluribus cymbis, amnem qui è regione arctoi hujus Insulæ lateris è Continenti descendit, ascendere aggreditur & tria quatuorve milliaria subvectus, duas naves conspexit quæ in angustum alveum, inter imminentes utrimque arbores se subduxerant; itaque fluvio haud ultra liburnicarumpatiente, cum majoribus cymbis eo contendit: una earum nostros conspicata ad verso flumine profugit, alteram 50 statim cepit; & quantocius altius subvectus cæteras quoque eminens conspexit, sed die jam inclinante, & locorum & hostilium virium haud satis gnarus, ea vespere ad illas contendere distulit, eoque ad classem suam sub Insula se recepit. Postero autem die sub meridiem, cum cymbis suis ostium fluminis subjens, à pluribus Lusitanis qui in domo ad ripas latebant, aliquot sclopetorum ictibus nequicquam petitus promovit ad naves hostiles, quas vectores remulco omnibus viribus flumen subducere conaban-

conabantur, æstu, qui accedebat, conatibus illorum favente, frustra tamen: nam post acre certamen, alix post alias in nostrorum venetum potestatem cum nongentis cistis Sacchari, plurimo Tabacco & aliis mercibus. Proxima cura fuit naves captas cum oneribus deducere, in quo parum admodum ea vespera promotum, quia naves æstu relapso vadis hærebant; Majus initio certamen cum vadis & brevibus fuit quam cum hostibus, nam æstu perniciousiter relabente, arenæ constipabantur, quæ victis pariter atque victricibus navibus descensum impediabant; neque præfecti industria & diligentia tantum proficiebatur, ut hostiles naves cum oneribus deduci possent: postero vero die majus discrimen fuit, nam dum nostri in superiore parte fluminis
 10 res gerunt, hostes ostium fluminis demerso navigio obstruxerant; quod uti facilius nostri amolirentur, comminiscitur præfectus, lyburnicam & cimbas tergoribus bovilis, (quæ plurima in hoc fluvio hosti eripuerant), ad latera, quæ hostibus, exposita erant, obtegere & præmunire. Præfectus & plerique militares tribuni Lusitanici, juxta ostium fluminis cumultuario opere vallum jecerant, & copias omnes eo adduxerant, futurum rati, ut nullo pene negotio nostros interciperent, & cæderent: verum noster qua industria, qua virtute tantum profecit, ut non modo omnes suos inde incolumes educeret, sed & navem de hostibus captam & opima admodum spolia ad classem suam reportaret: hæsit denique in eodem sinu & in conspectu urbis ad decimum quartum Julii; & velis explicatis applicuit in Belgio vigesimo quinto mensis
 20 Octobris.

Sed jam revertor ad sinus descriptionem: A fluvio *Geresipe*, flectitur ora cubito versus Austrum, ibidemq; primo amnem, qui ostio suo circumgyrat insulam amnicam, & aliquot minutas insulas habet objectas, deinde pergens eodem ductu, pene trium leucarum spacio, producit se ad ostium fluvii *de Cachoeira*, qui parulo ore in sinum
 egrediens, longe patentiore inferius habet alveum instar freti, in quo & insulæ
 30 aliquot sunt sparæ; ad oras autem illius plures visuntur molæ Saccharo conficiendo comparatæ, divaricat enim se in plures recessus, qui singuli aliquot minores amnes recipiunt; è regione autem ostii jacet insula *Meve*: denique producit se ora versus Austrum, variis sinubus lancinata, & à minoribus amnibus divisa, habens versus
 ortum oblongam illam insulam *Tapericen*, à qua lato satis freto dividitur; atque ita obivimus famosissimum hunc sinum omnium Sanctorum. Nunc de oppido agendum.

C A P. XXIII.

Urbis S. Salvatoris descriptio & locorum adjacentium. Itemque Seregippe.

PRINCIPALIS hujus præfecturæ Urbs *S. Salvatoris* nomine insignitur, ad Aquilonarem hujus sinus plagam, juxta semicircularem recessum, supra collem modice editum, ante aliquot annos ædificata (nam ante alio loco fuit, qui
 40 adhuc hodie veteris urbis nomen servat, vulgo *Villa Veja*, haud longe ab arce *S. Antonii*) à *Thoma de Sousa*; muro cincta & templis, aliisque præclaris ædificiis ornata. Aliquot præterea castella ad hujus urbis & portus securitatem in propinquo excitata; quorum unum quod ipsi faucibus hujus sinus imminet *S. Antonii* arx appellatur: alterum vero sub ipso oppido *S. Philippi*: tertium denique quod longe maximum & municissimum, supra oppidum in Promontorii cujusdam veluti flexu nuncupant
Tapespe.

Alterum hujus præfecturæ oppidum vocatur *Paripe*, distat ab oppido *S. Salvatoris* quatuor leucis intra Continentem.

Nulla Brasiliæ Præfectura hac populosior aut opulentior: pertinent enim ad
 50 lam circiter quadraginta molæ Saccharo conficiendo aptæ, longè lateque in insulis atque recessibus, & ad ripas amnium qui in sinum exeunt, sitæ, & per totum ambitum ingentis hujus sinus sparæ. Gossypium hic nascitur magna copia; & si fortuita annumerare licet, Ambarum, quod griseum vulgo vocant, per sæpe hic colligitur: ut ræceam immmania cete haud raro huc accedere, & magnò incolarum emolumento, in Insulæ *Taperices* littore à fluvibus destitui. Habent autem (ut testatur *Jarricus*) Patres societatis in oppido *S. Salvatoris* collegium, imprimis magnificum, in quo seni
 sunt

sunt Rectores ac Magistri: quorum primus Scholasticam Theologiam, alter moralem proficitur: tertius proponit Philosophiæ circulum; duo insuper docent latinas litteras, postremus denique pueros artem legendi atque scribendi. Huic Collegio concredita est trium vicorum Brasiliensium, haud procul ab urbe sitorum cura. Patres autem in anniversariis suis litteris testantur, in Collegio hoc & vicinis locis Socios versari octuaginta, quorum industriæ incrementum hujus Præfecturæ, & gratiæ atque authoritati qua apud indigenas pollent, ejusdem conservationem deberi, putant. Nam quum anno cło 10 xxxv iiii Anglicanæ naves in hunc sinum delatæ, excensionem in terram conarentur facere, locum aliquem vicinum (*Iarrici* sunt verba) vel ipsam etiam urbem si possent, occupaturi: *Christophorus Goveanus* collegiorum atque 10 domorum Societatis per totam Brasiliam visitator, viso quàm exiguæ Anglo depellendo Lusitanorum forent vires, patres qui in Brasiliensium vicis habitabant, periculi præsentis reddidit certiores, edixitque, ut subditos ad auxilium ferendum adhortarentur: dictum factum; magna quippe incolarum manus arcubus atque sagittis instructa ad locum destinatum properat hostem à littore propulsura. Et sane animantibus Patribus tam strenue rem gessere, ut Angli sæpius excensionem tentata, semper à Brasiliensibus repulli tandem re infecta discesserint.

Referunt quoque in litteris suis Patres, Lusitanum quendam *Cacoheira* Dominum (hic fluvius descendit in sinum circiter duodecim ab oppido *S. Salvadoris* leucis) vicinis *Guaymures* ita sensim pellexisse, ut mansuetiores jam facti, fociorum opera quamplurimi Christianis sacris fuerint initiati: quod quum gubernatori esset relatum; consul- 20 tum existimavit, barbaros ad insulam Tapericam traducere, ut melius in officio posset contineri: verum hæc migratio admodum infeliciter ipsis cessit, nam maxima illorum pars variis morbis extincta interiit; licet enim hæc insula satis ampla sit & fecunda, optimumque producat Tabacum, ad hæc multa pascat armenta, tamen cœli vitio laborat, & valetudine incolarum habetur infamis.

Sed ad urbem *S. Salvadoris* regrediamur: Ea ut ante diximus sita est in colle edito, & qua sinum despicit prærupto clivo & densis vepribus & fruticibus pene invio, ita ut tantum aliquot angustis callibus ascendatur: duæ illi sunt portæ, una ad Australem, altera ad septentrionalem urbem plagam, cum suis suburbiis: ad collis radicem in ipsa sinus 30 ora, multa jacent ædificia & apothecæ: hic anno cło 10 cxxiii Portugalli nostrorum adventum metuentes, propugnaculum triangulare ex vivo saxo super petram in ipsis fluctibus excitaverant, ut excensionem prohiberent, & naves in anchoris stantes tutarentur, hostilesque allabentes conquassarent. In ipsa urbe multa ædificia publica satis magnifica, inter quæ eminet monasterium *S. Francisci* in quo Patres Societatis suum habent Collegium; haud procul inde novum templum à fundamentis extrui cœperat, quum urbs à nostris caperetur. Licet autem urbs partim muro, partim vallo, undique cincta sit, tamen ne sic quidem satis munita judicatur, ob montes imminentes qui solum illius longe superant.

In hac urbe agunt gubernator regius hujus Præfecturæ; itemque Episcopus; & 40 Auditor generalis totius provinciæ Brasiliensis, alique regii ministri.

Hæc urbs anno cło 10 cxxiv mense Majo, à Classe Societatis Indicæ Occidentalis feliciter fuit expugnata: præerat Classi Ammiralii nomine *Jacobus Willekens*; Vice-Ammiralii *Petrus Petrides Heynius*, militaribus autem copiis Dominus à *Dorset*; qui nondum ipse advenerat quum urbs caperetur, & paulo post dum incautus in vicinam sylvam egreditur à barbaris fuit cæsus: Eadem autem anno cło 10 cxxv sub finem Aprilis, ab Hispanis fuit recepta, partim Præfecti militaris ignavia, partim quorundam tribunorum & militum perfidia, utrorumque non levi infamia: sed hæc historia nostri temporis prolixius prosequentur, mihi sufficit hoc ulcus attingisse.

Inter Bahiæ præfecturam, & Pernambucensem jacet *Seregippe del Rey*, ut vocant, 50 (quæ ab *Olyveira* inter Capitania numeratur) exiguum oppidum, in Mediterraneis situm, aditur per modicum amnem & non supra tredecim palmos in æstuario altum, quum æstus vel maxime impleverit. distat à flumine Regali undecim leucis versus Arctum & à flumine *S. Francisci* septem versus Austrum: plurima hic pascuntur armenta: & sunt, qui in Mediterraneis argenti venas repertas scribant. Nullum hæcenus vidi præter *olyveiram* qui *Seregippen* Capitaniis annumeraret, itaque extra numerum ponere censui.

Præfectura sexta Brasiliæ quæ dicitur Pernambuco.

SEPTIMA Brasiliæ præfectura sive Capitania, vulgo dicitur *Pernambuco*, vel ut Galli & nostrates efferrunt *Fernambuco*; distat autem à prædicta *Bayensi* præfectura centum leucis versus Aquilonem, & quinque à *Tamaracensi* versus Austrum: de oppidorum distantis hæc intelligenda, nam Præfecturarum fines conjunguntur; quos paulo accuratius explicare conabimur.

10 *Nicolaus d'Olyveira* Portugallus de hac ita scribit: Capitaniæ *Pernambucensis* Dominus est *Eduardus Albuquerque*; ea latissime patet, nimirum ab urbe *Olinda* versus Austrum leucas circiter XL ad flumen usque *S. Francis*, juxta quod superioribus annis argenti fodinam inventam voluit, quam tamen Rex egeri vetaverit: ab hoc flumine versus Arctum sita est *Alagoa*, ubi duo amnes in Oceanum exeunt; hic quinque aut sex machinæ saccharariæ structæ sunt, quæ quotannis parum Sacchari conficiunt; huic ad eandem plagam proximus est *Portus Calvus*, juxta quem sunt septem aut octo machinæ: & juxta hunc versus Arctum pagus *Vna*, cum quatuor aut quinque machinis: & porro *Serinhan* amplissimus & amœnissimus pagus, juxta quem duodecim machinæ structæ, quarum singulæ, ut plurimum sex aut septem millia arborum Sacchari Alagoa.
P. Calvo.
Una.
Serinhan.
20 conficiunt; (arboræ autem singulæ pendunt XXV II aut XXV I II libras nostrates) deinceps *Poyucar* pagus, incolis frequentissimus, ubi sunt tredecim aut quatuordecim machinæ, quæ magnam copiam Sacchari quotannis edunt: situs est ad amnem ejusdem nominis qui paulo supra Promontorium *S. Augustini* exit. Secundum Promontorium hoc jacet pagus *S. Antonii do Cabo*, in cujus districtu circiter viginti machinæ structæ, quæ plurimum & optimum Saccharum reddunt. Infra dictum Promontorium sita est Ecclesiola *Nossa Senhora da Candelaria*, à qua semita pertinet ad campestria, quæ *Cucuranas* vocant, in quibus magnus numerus armentorum pascitur; ab his ad urbem *Olindam* sunt quinque leucæ, quibus viginti duæ machinæ comprehenduntur. Ab eadem urbe versus Mediterranea novem aut decem leucis, jacet *Amatta*
30 *do Brasil*, frequentissimus pagus, ubi magna vis ligni Brasiliiani cæditur, quæ deducitur ad pagum *S. Laurentii*, ubi sunt septem aut octo machinæ, quæ plurimum præstantissimi Sacchari conficiunt; denique limites hujus Præfecturæ versus Arctum se extendunt ad Insulam *Tamaracam* leucis quinque. Hæc ille. Eadem paulo accuratius à nostratibus observata.

A flumine *S. Francis*, quod distat XL leucas ab *Olinda*, numerant quinque leucas ad tenuem amnem & haud supra septem palmos in ostio altum, qui vocatur *Coreripe* hic tantum unus aut alter degit Portugallus, plures indigenæ in pago qui distat à mari quinque aut sex milliaria, hic tantum lignum illud Brasilianum magna copia cæditur. Ab hoc sunt duæ leucæ ad fluvium *S. Michaelis*, hic & lignum illud cæditur &
40 Sacchari cannæ coluntur. Ab hoc ad *Alagoam* numerant tres leucæ; est autem *Alagoa* lacus Mediterraneus distans ab Oceano septem aut octo milliaria, in cujus ambitu plurimum *Farinha*, ut vocant Portugalli, quo pro farre utuntur, in his provinciis conficitur; adit per amnem satis difficilem ascensu. Ab ostio hujus amnis ad fluvium *S. Antonii*, leucæ septem, à *S. Antonio* ad *Camaragiben* duæ; amnis est modicus nec supra septem aut octo pedes altus, circiter tribus leucis intra continentem habet duas machinas, pene milliari à ripa fluvii: à *Camaragibe* ad *Porto Calvo* tres leucæ: amplius est fluvius, verum haud supra septem aut octo palmos in ostio altus: à *Porto Calvo* ad *Barram grandem* quatuor leucæ; insignis sinus & anchoris figendis aptissimus, adit tam ab Arcto quam ab Austro; sed ab Arcto à minoribus tantum navigis: hic plurimum
50 Tabacci colitur, solum enim planum & campestre est sine arboribus. A *Barra* hac ad *Vnam* tres leucæ: ab *Vna* ad fluvium qui vulgo appellatur *Rio Formoso* quatuor leucæ; hic fluvius satis altus judicatur ad modicas onerarias accipiendas. Ab hoc ad *Serinhan* duæ leucæ, hic amnis haud supra octo aut novem palmos est altus; obijacet ostio illius dimidiæ leucæ intervallo Insula *S. Alexii*, potabilis aquæ inops. A *Serinhan* ad *Marcaipen* amnem duæ leucæ: hic tantum quinque aut sex altus est palmos. A *Marcaripe* ad *Poyucam* quatuor leucæ: à *Poyuca* porro ad Promontorium *S. Augustini* circiter

citer una leuca; in cuius portum exit amnis *Morekipe*; portus autem hic facilis quidem aditu, sed egressu perdifficilis ob petras & vada quæ ori illius utrimq; imminet; nunc quoque postquam nostri *Olinda* sunt potiti exiguo castello præmunitus. Sequitur deinceps versus Arctum fluvius qui vulgo dicitur *Rio de Sangados*, septem aut octo palmos in ostio altus, distat quatuor leucis à pago, quem vulgo vocant *Reciffe*, de quo mox. Ab oppido autem *Olinda* versus Arctum primo occurrit amnis *Tapado* & mox *Rio Dolce* qui ambo æstivis mensibus oblimantur, deinceps *Pao Amorello*, à quo ad *Mariam Farinhan* numerant duas leucas; & ab hac ad amnem *Garafu* dimidiam; ubi limites huius Præfecturæ desinere credo.

Antequam autem ad oppidorum descriptionem transeam, haud importunum 10 fuerit hic quædam ex *Olyveira* & aliis attexere, quæ Regis Hispaniarum ærarium tangunt. Scribit *Olyveira*: In hisce provinciis Brasiliensibus plurimæ sunt machinæ quibus Saccharum conficitur, (Portugalli vocant *Ingenio*) ita ut ad solam urbem *Olyspenensem* quotannis traducantur ad minimum viginti & sex millia cistarum, quarum singulæ pendunt ad minimum quindecim arrobas, quarum singulæ efficiunt xxxii arrates; id anno 1515 cxvi fuit observatum: quo eodem anno *Vianam* appulerunt supra quinque millia cistarum; ut de aliis Portugalliæ portubus nihil dicam, ad quos quoque magnum cistarum numerum appulisse certum est.

Accepi à Belga qui plures annos hic vixerat: in singulis machinis majoribus, ut plurimum requiri quindecim aut viginti Lusitanos & centum Nigritas: in mediocribus 20 octo aut decem Lusitanos, quinquaginta Nigritas; in minimis quinque Lusitanos. xx Nigritas. Quarum majores quotannis conficiant septem aut octo millia arrobarum Sacchari; mediæ quatuor aut quinque millia; minores tria. In universum autem in Capitaniis *Pernambucensi*, *Tamaracensi*, *Paraybana*, usque ad *Rio grande*, ut plurimum quotannis quadraginta millia cistarum confici: neque mirum, nam authorem habeo qui quinque supra centum ejusmodi machinas numerari affirmat in sola Præfectura *Pernambucensi*.

Porro de omni hoc Saccharo solvuntur Regi in Brasilia decimæ: in regno autem Portugalliæ simulac appulerit quintæ: secundum *Olyveiram*. Alii hæc paulo aliter explicant: nimirum omnes omnino fruges, omne Saccharum, etiam armenta & cæ- 30 tera animalia in Brasilia Regi debere decimas; quas Rex publicanis quibusdam in singulos aut plures annos solet elocare; idque communiter in præfectura *Pernambucensi* (nam de hac mihi utrunque constat) sexaginta aut circiter millibus ducatorum: ab hisce decimis nulli immunes sunt præter Ecclesiasticos: Dominus autem particularis Capitaniæ percipit *Redeximos*, ut ipsi vocant, & communiter solet elocare sedecim millibus ducatorum in singulos annos. Cæterum Saccharum liberum est ab omni portorio aut vectigali in Brasilia, verum in Portugallia, solvit quintam partem precii, quo tum venit in Regno Portugalliæ: domini tamen novarum machinarum si ipsi Saccharum suum & suo periculo evehant è Brasilia, etiam in Regno liberi sunt à quintis ad decennium; quo elapso solvunt decimam, & altero decennio elapso, ut cæteri 40 quintam. Lignum autem Brasilianum quod maxima copia infertur Europæ, Regis esse solebat aut eorum qui à Rege redimebant; tenebantur autem singulæ naves quæ è Brasilia solvunt certum pondus pro navium mole gratis portare in Portugalliam.

CAP. XXV.

De urbe Olinda, itemque de Garafu.

LIcet hæc Præfectura tam late pateat, tamen tantum duo habet oppida *Olindam* & *Garafu*, quorum hoc vix oppidi nomen mereri potest. 50 *Olinda* urbs celeberrima, & edito loco posita ad oram maris, plures habet intra ambitum suum colles, estque adeo anomalo situ, ut vix industria humana muniri possit; inter ædificia publica eminet collegium Societatis, locq; acclivi & amenissimum situm, à Rege *Sebastiano* fundatum, in quo, ut scribit *Iarricus*, ut plurimum viginti aut viginti quinque socii commorantur; id collegium ob eminentiam loci primum conspicitur ab iis qui ex alto allabuntur: docent hic moralem Theologiam, aut casus conscient.

conscientiæ, itemque latinam linguam; nec non pueros legere & scribere. A collegio hoc dependet pagus quidam Brasiliensium in agro hujus oppidi situs, nongentorum & plurium forte incolarum, qui omnes Sacris Christianis sunt initiati. Juxta hoc collegium visitur cœnobium Capucinatorum; & ad oram pene maris Dominicanorum; & superiore urbis regione monasterium *S. Bento*; natura & opere munitum; præter monialium cœnobium quod vocant *Concepcion de nossa Sennora*; in quinque autem hisce monasteriis haud supra centum & triginta religiosi numerabantur; præter presbyteros pene sexaginta. Præcipuum Parochiale urbis templum *S. Salvatori* est dedicatum, alterum *S. Petro*; præter Ecclesiam Nosocomio pene junctam, quæ dicitur *Miseri-cordiæ* in medio pene urbis sita super editum collem, ad cujus radicem aliud templum visitur *Nossa Sennora del Emparo*; quibus accedunt *S. Ioannes*; *Nossa Sennora de Guadalupe*; itemque *Nostra Sennora de Monte* monti extra urbem superstructa; denique Ecclesiola *S. Amari* paululum extra urbem. Ita ut tam intra quam extra urbem Ecclesiæ numerentur octo.

Oppidanorum numerus ad duo millia censetur, quæ marium, quæ fœminarum & infantum, præter Ecclesiasticos, qui extra hunc numerum sunt; & magnus servitorum numerus. Nulla urbs Brasiliæ magis indiga est annonæ, & aliarum rerum ad vitam humanam necessariarum; ita ut ex aliis Brasiliæ præfecturis, atque ex insulis Canariis atque ipsa Lusitania pleraque subvehere sit necesse.

Portus hujus urbis haud satis capax est aut idoneus, sed rupium & vadorum veluti sepimento, (quod hic oram Brasiliæ multarum leucarum spacio obsidet) clausus, ita ut majores onerarias non nisi uno atque angusto ore admittat, & interius exiguò sinu, in quem amniculus è Continenti descendit, complectatur, una aut paulo amplius ab urbe leuca.

Portui adjacet vicus modicus aut potius suburbanum, ubi aliquot domicilia & apothecæ jacent, ad quas Saccharum & aliæ merces convehuntur: defenditur à castello in oblongo terræ collo structo, è regione ipsius ingressus in portum, quod facili negotio hostiles naves ab introitu potest arcere. Nihilò secus anno 1615 *Jacobus Lancasterius* Anglus, quum tribus tantum navibus & ducentis septuaginta quinque qua nautis quæ militibus ex Anglia solvisset, & in ipso itinere classem suam tribus quatuorve navibus, quas Hispanis eripuerat, auxisset; & Vennerus alius Anglus, se ipsi cum aliis quatuor partim onerariis partim celocibus, adjunxisset; summa virtute portum subit & castellum quod diximus, in quo tum septem tormenta ænea erant disposita & sexcenti propugnatores ab urbe missi excubabant, cepit primo impetu, Portugallis ad primum Anglorum conspectum turpi fuga sese proripientibus: Angli enim aut vincere aut mori certi, cymbas suas ultro rupibus illiserant, ne quid ipsis præsidii quam in victoria esset: *Lancasterius* ergo Castellum atque suburbani potens, in quo tum circiter centum domicilia numerabantur, & longe opulentissimæ prædæ compos (nam præter domesticas harum regionum merces, Saccharum, gossypium, lignumque; Brasiliense, alia; hic tum forte fortuna onus ingentis Caracæ ex India Orientali redeuntis erat expositum) se adversus oppidanorum insultus, vallo per transversum ducto, & quinque machinis æneis dispositis communivit; angustum enim terræ veluti collum, mare fluviumque inter hic procurrit, ubi ætus implevit, vix quadraginta passus latum, ita ut facile adversus oppidanos defendi possit. Atque ita unum & triginta dies hic commoratus, non tantum octo onerarias Anglicas pretiosissimis orientis mercibus explevit, sed & tres Hollandicas, quas in portu deprehensas mercede conduxit, & quatuor quoque Gallicas quæ postea advennerat, variis Brasiliensium mercibus onustas secum abduxit. Portugalli deinde alterum exiguum castellum in ipso mari super petras moliti è regione prioris illius, aditum ad portum per se difficilem, pene inaccessum hostibus reddiderunt.

Porro secus urbem descendit tenuis amnis & tantum minorum navigiorum vix patiens (vocat *Rio Bibiribi*) qui inter Continentem, & collum illud terræ, de quo supra, delapsus, ad insulam *Antonii Vaaz*, ut vocant, se conjungit cum altero amne, quem vocant *Rio Capefecia* sive *de Fidalgos*, (vel ut alii scribunt *Capibarivi*) is descendit è Continenti secus arctoum. Insulæ prædictæ latus; uti alter qui à Portugallis vocatur *Rio dos Afogados*, secus Australe ejusdem latus; uterque

autem brachio quodam supra Insulam junguntur, ita ut hæc insula ab hisce fluviis à continenti dirimatur.

Garafu potius pagus quam oppidum, distat ab Olinda quatuor aut quinque leucis, incolebatur olim à tenuioris fortunæ Lusitanis, qui fere mechanicis artibus victum quaerunt, aut ligno Brasiliensi conquirendo dant operam; sed postquam Belgæ nostri Olinda potiti sunt, plures etiam opulentiores ad hoc oppidum se receperunt; penetrant quoque ad mare per exiguum amnem, qui è regione Tamaracæ exit.

Hoc oppidum à nostratibus ex improvviso captum fuit Calendis Maiis anno c1515 cxxxii. Supra centum Lusitani cæsi, plures capri, & opima spolia detracta; bona pars oppidi incendio deformata; & magna copia commeatuum, præsertim vini, corrupta, quæ hic in usum castrorum, quæ Lusitani haud longe ab Olinda posuerunt, servabantur.

Præterea novem aut decem milliariibus ab Olinda jacet pagus admodum frequens *Amatta* de *Brasil*, cujus incolæ potissimum ligno Brasiliensi cædendo dant operam, cujus maximam copiam deducunt ad mare. Itemque inter hunc & urbem alter pagus satis frequens, quem vocant *S. Laurenço*, in cujus agro septem aut octo sunt molæ, plurimum & optimum Saccharum conficientes.

Denique à *Cucurannis* de quibus supra diximus sunt quinque leucæ, & isto intervallo (sicer longe lateque intra Continentem) numerantur duæ & viginti molæ; quæ sitæ sunt in *Guararapis*, *Moribara* atque *Camassarini*; maxima tamen parte in *Vergea*, 20 ut vocant, de *Capivariviri*, quia ab hoc amne lambitur: regio illa omnium longe amœnissima est, sive campos vernantes spectes, sive fructiferas arbores, & alia vitæ humanæ commoda; nec supra duas leucas absunt à mari, ita ut Nigritæ & alia servitia peropportune ad pisces capiendos possint excurrere. Superest ut breviter hic commemorem, quo pacto urbs Olinda & adjacentia loca à Belgis nostris fuerint capta, hodieque retineantur.

C A P. XXVI.

Quo pacto Olinda à Belgis fuerit capta; hodieque possideatur.

SO C I E T A S Indiae Occidentalis, auspiciis Illustr. D.D. Ordinum Generalium confederati Belgii superioribus annis stabilita & anno c1515 cxxviii magnis opibus aucta, quas è spoliis Classis Hispanicæ, quæ è Nova Hispania redibat, collegerat; nihil magis desiderans, quam memorabili aliquo facinore, cladem ante in Brasiliâ ab Hispano acceptam ulcisci, & infamiam suorum ignavia & perfidia acceptam, delere; & res suas stabilire; animum denuo adjecit ad Brasiliam, & quæ difficillima, ea pulcherrima opinata, Pernambuco tentare constituit. Valida classis contracta, quæ supra quinquaginta majoribus minoribusque navibus constabat, copioso belli apparatu, plurimis æncis machinis, & copioso milite atque navalibus sociis stipata. Classi Generalis nomine præpositus *Henricus Loncquius*, Ammiralii *Petrus* 40 *Adrianus*, Vice-Ammiralii *Iustus Trappenus* alias *Bankardus*; universis militaribus copiis Colonelli nomine nobilissimus vir *Didericus Wardenburgius*.

Generalis *Loncquius* & Ammiralius solverunt è portu *Goereano* vigesimo septimo Junii anno c1515 cxxix cum octo navibus; quas eodem tempore plures ex aliis Hollandiæ atque Zelandiæ portibus sunt secutæ. Ipse cum octonis navibus mense Augusto Canariæ insulas tenuit, atque hic haud longe à *Teheriffe* casu incidit in classem Hispanicam, quæ circiter quadraginta navibus, maximam partem majoribus & bene armatis constabat, cuique Generalis nomine præerat *Fredericus Toletanus*; & licet numero navium longe impar esset noster, tamen certamen minime declinavit, cujus hic exitus fuit, ut hostilibus aliquot navibus valide conquassatis & non 50 levi damno illato, ab hostili classe omitteretur, quæ cursum suum versus Insulas Canibales proferebatur.

Hinc proventus iv Septembris adnavigavit Insulam *S. Vincentii*, Hesperidum unam, quas vulgo, à nomine Promontorii, cui longo licet intervallo oberfantur, vocant *Isas de Cabo Verde*; Hic sensim se illi conjunxit reliqua classis & deniq; sub finem Novembris *Wardenburgius* cum reliquis copiis, qui vigesimo demum Octobris è Texelia

Texelia solverat: ita ut Classis jam constaret quatuor & quinquaginta navibus
 tam majoribus quam minoribus, inter quas erant duæ in itinere hostibus ere-
 ptæ) & tredecim majoribus cymbis, quas vocant *Chaloupas*; recensiti septies
 mille ducenti & octuaginta viri, inter quos erant ter mille quingenti milites. Cum
 hisce copiis xxvi Decembris à *S. Vincentio* profecti, secundo demum Februarii anni
 c1515 cxxx Continentem Brasiliæ adnavigarunt ad altitudinem septem graduum
 & quatuor serupulorum Australium: & decimo tertio ejusdem mensis venerunt in
 conspectum Promontorii *S. Augustini*. Atque hic Concilio præcipuorum Tribu-
 norum coacto, rationem iniverunt, urbis *Olinda* atque portus intercipiendi. Colo-
 nello *Wardenburgio* sedecim qua naves qua celoces attributæ cum c15 c15 c militibus,
 atque sepringentis delectis nautis; cum quibus juxta *Pao Amorello* exscensionem face-
 ret: Lonquius portum & castella quæ illi imminet cum reliqua classe, expugnanda
 sumit.

Decimoquinto se moverunt, aura leniter afflante, & placido mari conatibus illo-
 rum favente: atque ita Lonquius, extimo castello allabens, machinis suis illud valide
 quassare cepit, exiguo aut nullo profectu, neque enim ictus, licet è propinquo, ob
 fluctuum agitationem certo destinari poterant: neque portum dabatur subire, uti de-
 stinatum erat, quia hostes aditum illius, aliquot navibus demersis obseperant: itaque
 sub vesperam paulum versus altum retrocesserunt, ne nequicquam damnum ab
 20 hostilibus machinis paterentur.

Wardenburgius interea loco designato copias exposuerat, nemine impeden-
 te, licet hostis se haud longe inde ostentaret: Vespera autem imminente, tantum
 acies ordinatæ; copięque divise in tres partes, (præter turmam delectorum bom-
 bardariorum,) primæ aciei præfectus Vice-Colonellus *Elszius*, in qua erant non-
 genta & triginta quatuor capita: mediæ Vice-Colonellus *Steyncalefseius*, in qua
 erant mille quadraginta novem: postremæ Fulco Honcquius, in qua erant non-
 genta sexaginta quinque. Postero die summo mane castra mora: primæque acie
 præcedente cui Colonellus se adjunxerat, cum minoribus aliquot machinis in
 fronte, incessum secundum oram maris, cui à dextra vepretum imminabat; atque
 30 ita sine ullo certamine ventum fuit ad amnem *Rio Dolce*; ad cujus adversam oram
 ostingenti aut paulo plures Lusitani se vallo communiverant: nostri tamen nihil
 morati, umbelico tenus amnem vadantes, primo impetu illos prœurbant, levi tan-
 tum damno accepto & paucis desideratis: hinc non intermisso itinere, & hoste nus-
 quam ob metum machinarum nostrarum consistere auso, perventum ad urbem: &
 captivo quodam viam commonstrante, omnium primo monasterium Jesuitarum,
 quod eminentissima urbis parte jacet, restructis foribus, captum; hostes autem qui in
 inferiore urbis parte, vallum quod littori adjacet (nam hac parte tantum munita erat
 urbs) defendebant, quum superiorem urbis partem captam cernerent, & hinc postre-
 mam aciem præproprio gradu in se ferri, inde alia duo vexilla quæ Generalis commo-
 40 dum ad alteram urbis partem exposuerat, adventare, in diversa fugerunt; atque ita
 nostri universa urbe sunt potiti: Præda pro fama urbis haud magni fuit momenti; nam
 Lusitani, pretiosissima quæque, licet præfectus Albuquerqueius id vetaret, subduxer-
 ant, adventus nostrarum jam dudum gnati. Hæc decimo sexto Februarii gesta.

Postilla & Castella deditione acceperunt, secundo Martii: & tertio ejusdem tra-
 jecerunt ad Insulam *Antonii Vazii*, & insigne monasterium, ad angulum illius Ar-
 chothum situm, vacuum occuparunt. Hostis autem jam ante decimo septimo Februarii
 apothecas omnes in pago Recifio, flammis corruerat, in quibus viginti quinque
 millia cistarum consumpta referunt. Breviter his defungor, quæ Historiæ plenius ex-
 plicabunt. Nunc obiter adjungam, quo pacto loca hæc à nostris sint munita: (nam
 50 urbem nostris inutillem, ante corruptam, & maximâ parte prostratam superiore anno
 deferuimus.)

Munitiones quas nostri in districtu *Pernambucensi* possident, ad hunc modum se ha-
 bent: universæ pene oræ Brasiliensi, qua Ortum aspicit, prætenduntur rupes continua
 pene serie, quæ ubi fluctus recessere, latitudine pene novem decempedatum, interdû
 & plurium, extant instar valli; & licet variis locis sint intercissæ, paucis tamè admittunt
 naves, angustioribus ostiis: juxta oppidum autem Olindam idem vallum videtur de-

finere in obtusum angulum, ubi jam olim à Lusitanis exigua arx è vivo saxo fuit edita. Ab oppido vero *Olanda* descendit angusta terræ vcluti ligula, ad cuius extremum jacer vicus *Reciff* vulgo; stringitur autem angustus hic trames (nam vix usquam latior est triginta aut quadraginta decempedis) ab occidente quidem fluvio *Bibirybe*, minus alto & multis vadis inquinato; ab oriente mari: Vicus ille quem dixi, olim apertus, nunc & vallo & palis est munitus. Ab hoc versus Arctum est oppidum, primo CLX decempedarum intervallo verus Lusitanorum arx *S. Georgii*, novis operibus à nostris firmata; deinde circiter centum decempedarum intervallo, munimentum quod nostri à fundamentis substruxerunt, & *Brunyium* vocarunt, versus oppidum valido confuto, ut vocant, opere præmunitum: è regione autem utriusque, 10 ad angulum continentis, trans fluvium, ex adverso Insulæ *Antonii Vazii*, munimentum triquetrum, à *Wardenburgio* nomen sortitum. In ipsa porro Insula *Antonii Vazii*, pene ex adverso vici *Reciff*, struxerunt nostri circum monasterium munimentum *Ermesti*, cum cornuto sub opere, quod vergit versus Austrum: & vix centum viginti decempedarum intervallo, munimentum quinquangulare & longe munitissimum. Invidi Principis *Frederici Henrici* nomini dicatum, cum valido item cornuto opere versus Austrum; denique aliud munimentum *Aemylia*: præter aliquot minores munitiones, quas vulgo vocant *Redoutes*, undiquaque adversus hostiles aditus præstructas: quibus omnibus operibus hic locus jam ita munitus est, ut vel maximo hostium exercitui par esse possit.

20

C A P. XXVIII.

Praefectura Tamaracensis; & ora maritima Brasiliæ ad hunc locum.

OCTAVA Brasiliæ Praefectura, & quidem, ut volunt, omnium antiquissima, est *Tamaracensis*, sed ob vicinitatem *Pernambucensis* & *Pareybanae* jam obscurior: nomen meruit ab Insula *Tamaraca*, vel *Tamarica*, quæ per angusto freto à Continente dividitur; patens in longitudinem quidem tres leucas, in latitudinem vero duas: *Popillinerius* Gallus in libro suo de tribus mundis, hanc regionem primo à Gallis suis tradit fuisse possessam, illisque postea à Portugallis vi creptam; servat ad- 30 huc hodie Gallorum memoriam, & nomen vicini huic Insulæ portus, quem Lusitani appellant *Porto dos Franceses*; alioquin in obscuro est rei fama, nec ullis præterea historiis, quas quidem viderim, consignata.

Porro hæc Insula *Tamaraca* distat ab *Olanda* quinque milliaria; portum habet satis opportunum ad Australe latus, qui aditur per alveum quindecim aut sedecim palmos altum; cui imminet Portugallorum castellum in edito colle structum, & aditu perdifficile, à nostris superiori anno frustra tentatum; qui tamen ut Portugallus coercerent, & portum hunc ipsis criperent, munimentum quadratum hic excitavit, quod *Auriacum* vocant, ad ipsum alvei hujus in Oceanum egressum, undique ob stagna & clyceas ex insula elabentes inaccessum: quo facto jam 40 hunc aditum Portugallis obstruxerunt: nam alterum ostium versus Arctum, quod vocant *Catwaina*, vix decem palmos est altum; ita ut tantum minora navigia admittat.

Insula hæc & districtus illius ad Continentem, peculium est Comitum *de Monsanto*, qui Olyssipone agit: percipit autem ab incolis quorannis tributum nomine, ut servat, bis mille quingentos aut tria millia ducatorum: In hac præfectura circiter duæ & viginti molæ Saccharo conficiendo aptæ dicuntur jacere: potissimum autem ad ripam fluminis *Goiana* sive *Govana*; itemque in *Aracipe*, & *Paraiibe*.

Circiter leucam unam à *Tamaraca*, exit è Continenti amniculus *Massarandu*, ad cuius ripam mola sita est, ad quam cum modicis navibus ascendi potest: è regione autem ipsius Insulæ versus occasum exeunt duo amniculi *Aripe* & *Ambor*, uti à Lusitano horum locorum gnaro accepi, qui suam quoque habent molam.

Sex porro leucis à *Tamaraca* versus Arctum exit fluvius *Govana*, in ostio quidem tantum octo aut decem palmos altus, intra vero longe profundiori alveo; ad cuius ripas sex aut septem milliaria à mari tres quatuorve jacent molæ juxta 222 exiguum

exiguū pagum, ad quem minoribus navigiis ascenditur, ad Saccharum deducendum.

Duobus denique milliaribus à *Gowane* versus Arctum, jacet *Portus Francicus* de quo supra, qui à duobus scopulis veluti concluditur, pone quos statio est navibus satis opportuna, nulli autem mortales hic habitant præter unum atque alterum piscatorem. Arque ita jam absolvimus octo nominatissimas Brasiliæ præfecturas, quæ supersunt, proximo libro à nobis describentur; nunc oras hæcenus compendio lustremus.

A *Britioga* septentrionali *S. Vincentiana* Præfecturæ portu, ad Insulam *S. Sebastiani* numerant octo aut decem leucas: ea insula sita est ad altitudinem xxiv graduum uti à nostratibus observatum fuit; nascitur juxta littorâ illius piscorum quoddam genus valde venenatum; cætera jam ante retulimus. Ab hac ad insulam portorum quatuor leucæ, percommoda hic statio inter Insulam & continentem, ubi sinus jacet *Ybatuba*. c. xvii.

Ab insula portorum ad Insulam Grandem leucæ viii secundum *Figueredum*, plures secundum alios: Grandis edita est & nemorosa, interiora illius petris præcursis aspera: abundat fontibus; habetque aliquot portus aquandi & lignandi opportunitate insignes. L. grandis.

Duabus ab hac versus Occidentem leucis prominet Promontorium *Caronssus*; 20 versus arctum vero jacet *Angra dos Reyes*, de qua supra.

Porro Insula Grandi adjacet ad ortum *Morembaya*, à qua ad *Garatubam* quatuor, à *Garatuba* ad *Touyquam* totidem numerantur leucæ: uterque amnis tantum minorum navigiorum est patiens.

A *Touyqua* ad præcelsum scopulum & in eonum fastigiatum sed plano vertice, (vulgo vocant *Gauem*) duæ; à quo ad flumen Januarii sunt totidem; ita ut ab Insula Grandi distantia sit duodecim leucarum aut paulo plurius.

A flumine Januarii, ad Promontorium frigidum sunt octodecim leucæ, distat ab Æquatore tribus & viginti gradibus aut circiter, versus Austrum; hæcenus perit- c. xxi.

30 A Promontorio frigido ad sinum *S. Salvatoris* novem leucæ; ora se flexente ad Arctum: ab eodem ad Insulam *S. Annæ*, quæ continenti objacet, duabus leucis ab ea disjuncta: percommoda intermedio spatio est statio: insula ipsa amœna & arboribus undique vestita; inter quas sunt quæ fructus ferunt cerasis non absimiles, scabro nucleo, carne saporis non ingrati; sed dulcium aquarum hic inopia laboratur. Ab hac insula ad Promontorium *S. Thomæ* octo leucæ, duobus & viginti gradibus ab Æquatore versus Austrum. A Promontorio hoc ad fluvium *Paraciuvam* sunt octo leucæ. Cis. Thome.

A *Paraciuv* ad *Managen* quinque leucæ; à *Manage* ad *Itapemerim*, totidem.

Nostris observant uno & viginti gradibus ab Æquatore flumen *Dulce*, quod à Portugallis accolitur: & decem insuper scrupulis Insulam *S. Clara*, dimidio millia- R. dulce.

40 liari à Continente sitam, multis palmitibus vestitam, & dulcium laticum hauri experienti.

Porro ab *Itapemerim* ad *Glereteban* sunt quatuor aut quinque leucæ, viginti grad. & xlv scrupulis ab Æquatore.

A *Glereteban* ad *Guarraparen* septem leucæ; Lusitani vocant *Sierram de Guariparim*.

A *Guarraparen* ad oppidum *Spiritus Sancti* octo leucæ.

A sinu hujus oppidi ad fluvium *Regum Magorum* sex leucæ: novemdecim gradibus & quadraginta scrupulis ab Æquatore. Ab hoc ad alterum qui *Rio dolce* audit, octo leucæ: à *Rio dolce* ad *Criquaren* septem: A *Criquare* ad *Maranepem*, vel ut alii, *Mucuripem* decem, octodecim gradibus & quindecim scrupulis ab Æquatore. A *Maranepem* ad *Parawepem*, vel ut alii vocant, *Peteripem* quinque. A *Parawepem* ad fluvium quem vocant *das Caravelas* tres, ab hoc ad *Barreiras Vermellhas*, ut vocant, sex; ab illis ad *Corebabo* duæ; septendecim gradibus & semisse ab Æquatore. A *Corebabo* ad *Portum Securum* octodecim.

A *Portu Securo* ad *S. Crucem*, tres leucæ; hic applicuerunt Portugalli, quum hanc Continentem invenissent: à *S. Crucem* ad fluvium *Rio Grande* novem aut decem: inter- R. grande.

medio spacio objacent in alto famosa illa vada, Lusitanis *Baixos de S. Antonio*:

Tt 3

A Rio

A *Rio Grande* ad *Ilheos* octodecim leucæ: intermedio spatio imminet littori editissimi montes, qui vulgo appellantur *Sierra de Aymures*.

Ab *Ilheos* ad fluvium *das Contas* octo aut novem leucæ: ab hoc ad *Camamu*, sex: à *Camamu* ad *Guepenam*, tres: à *Guepena* ad *Tinharen* fluvium quatuor: huic imminet altissimus mons qui vulgo appellatur *Morro de S. Pablo*: ab hoc ad sinum *Omnium Sanctorum*, duodecim leucæ.

A sinu omnium Sanctorum ad flumen *Regale* sex & viginti leucæ, undecim gradibus & triginta scrupulis ab *Æquatore*. à *Regali* ad flumen *S. Francis* septemdecim leucæ; ab hoc ad Cornu terræ quod dicitur *Guira*, quindecim; inde ad rupes *Cameraguba*, sex: ab his ad fluvium *Petrarum* quinque: ab isto ad Promontorium *S. Augustini*, duodecim; paulo accuratius hæc supra prosequuti sumus.

Circiter quinque milliaribus à dicto Promontorio versus Austrum objacet Insula *S. Alexii*, octo gradibus & quinque supra quadraginta scrupulis ab *Æquatore* versus Austrum; valde opportuna, quippe quæ & aquandi & lignandi copiam præbeat.

A promontorio *S. Augustini* ad *Pernambucum* octo leucæ: à *Pernambuco* ad *Tamaricam* quatuor aut quinque: A *Tamarica* ad *Paribam*, (de qua statim) leucæ quindecim.

DESCRIPTIO



599.

DESCRIPTIONIS
INDIÆ OCCIDENTALIS,
LIBER DECIMUS SEXTUS.

Brasilia Septentrionalis.

CAP. I.

De Communi Brasiliensium lingua.



PER ÆPRECIUM facturi videmur, si in limine hujus libri pauca dicamus de Brasiliensium lingua: Nam licet pleræque Brasiliæ nationes, peculiare linguas usurpent; tamen & commune aliquot idioma videntur agnoscere, præsertim omnes illæ nationes quæ littora hujus Continentis quoquomodo attingunt, cujus aliquot vocabula accepimus à quodam Belga, qui aliquot annis inter illos variis locis vixit, quæ magnam cognationem habent cum iis vocabulis, quæ Ioannes Lerus prodidit ex *Tououpinambautiorum* lingua; nam hæc natio licet illis temporibus intoluerit juxta Sinum & flumen Januarii, tamen postquam Lusitani pulsus Gallis eorundem locorum sunt positi, longe lateque se dispersisse videtur per omnem illam regionem, adeo ut etiam Marignani accolæ originem suam ab illis deriverent, nec non illi qui juxta Param degunt, quemadmodum à dicto Belga accepi; ut autem Idiomatis hujus communio aut diversitas cum *Tououpinambautiorum* sermone melius elucefeat, partium humani corporis nomina inter se conferemus; quæ ita se habent,

E Ioanne Lero. In Sinu *Tracyaon*. E Belgæ annotatione.

Caput	<i>Acan</i>	<i>Acan</i>	<i>Tahange</i>
Capilli	<i>Ave</i>	<i>Ava</i>
Aures	<i>Nembi</i>	<i>Nambi</i>	<i>Namby</i>
Frons	<i>Sshua</i>	<i>Suwa</i>
Oculi	<i>Dessa</i>	<i>Desa</i>	<i>Scefeah</i>
Nasus	<i>Tin</i>	<i>Tin</i>	<i>Ty</i>
Os	<i>Touou</i>	<i>Iuron</i>
Genæ	<i>Retoupare</i>
40 Mentum	<i>Redmiva</i>	<i>Tedube</i>
Lingua	<i>Apecon</i>	<i>Apecong</i>	<i>Tpecou</i>
Dentes	<i>Ram</i>	<i>Tannic</i>	<i>Raingh</i>
Collum	<i>Aioedd</i>	<i>Aiura</i>	<i>Aiure</i>
Guttur	<i>Assoc</i>	<i>Assocke</i>
Pectus	<i>Poca</i>	<i>Potiah</i>
Renes	<i>Rousbony</i>	<i>Tuabouye</i>
Nates	<i>Revire</i>	<i>Syquarre vel Tobyrre.</i>
Huméri	<i>Invanpony</i>	<i>Attinbe</i>
Brachia	<i>Inva</i>	<i>Gimwa</i>	<i>Te</i>
50 Manus	<i>Po</i>	<i>Po vel Gepo</i>	<i>Poh</i>
Digiti	<i>Ponen</i>
Venter	<i>Reguie</i>	<i>Zambeh</i>
Mammæ	<i>Cam</i>	<i>Camme</i>
Genua	<i>Rodouponam</i>	<i>Tnippiha</i>	<i>Nupuba</i>
Tibiæ	<i>Refemen</i>	<i>Gretim</i>	<i>Tonba</i>
Pedes	<i>Povij</i>	<i>Gepu</i>	<i>Tpuch.</i>

Tr 4

Equibus

E quibus apparet idioma *Touonpinamboutiorum*, quale à Lerio fuit annotatum etiam hodie apud plures & in diversissimis regionibus commorantes barbaros maxima ex parte obtinere. Idem quoque è numerorum vocabulis observare est; nam ut notat Lerius *Touonpinamboutii* dicebant. 1 *Angepe*. 2 *Mocuein*. 3 *Mossaput*. 4 *Oioicoudic*. 5 *Ecoinbo*. Sic sinus *Tracyaon* accolæ hodie dicunt. 1 *Iepè*. 2 *Mokoy*. 3 *Mossaput*. 4 *Temdick*. 5 *Opave* &c.

Idem Lerius notat *Touonpinamboutios* solem vocasse *Gouarassi*, Lunam *Iasce*, stellas *Iasitata*: Ad eundem modum hodieque sinus illius accolæ dicunt, *Coasir*, *Iasich* & *Iasitata*. Quod sane mirum in tanta locorum diversitate. Sed ad institutum jam revertamur.

C A P. II.

Praefectura nona Brasiliæ quæ dicitur Paraiba.

SUPERIORE libro absolvimus octo Brasiliæ Praefecturas, eamque lustravimus usque ad fines novæ & novæ Praefecturae *Paraiba*, de qua deinceps dicendum. Hæc Praefectura initium accepit à Gallis, qui, ut superiori libro diximus, ex ea pulsi fuerunt anno dñi 1514: post illa Lusitani eam retinuerunt, inque ea oppidum condiderunt & aliquot pagos, pluresque Sacchari cannas confecerunt, ita ut hodie in illa octodecim aut novemdecim machinæ Saccharo molendo comparatæ reperiantur, quæ quotannis circiter centum quinquaginta millia Arobarum edere dicuntur.

A *Portu Francico* oram sequentibus versus Arctum primo occurrat Promontorium quod vulgo appellant *Cabo Blanco*, ad altitudinem sex graduum & quadraginta quinque scrupulorum ab Æquatore versus Austrum; ab hoc ad flumen *Paraibam*, à quo Praefectura nomen meruit, numerant leucas duas. Id flumen satis lato ore patet versus ortum, paulum inclinando versus Eurum: interiori autem æstuario injacet insula oblonga & denso arboreto oblita: Promontorio autem Australi, quod vocant *Cabo Delo*, castellum exiguum superstruxerant Galli, quod Lusitani postea auxerunt, maxime postremis hæc annis, postquam Belgæ *Olinda* sunt potiti. Deinde ascendit flumen versus Occidentem, multis arenarum pulvillis & scopulis impeditum, ita ut perito nauclero hic sitopus.

Ad latus fluminis Meridionale jacet ipsa urbs *Paraiba* quam & Philippæam vocant, ingremio cuiusdam recessus, circiter tribus leucis à mari, ita tamen, ut navigia tuto huc possint ascendere & onus sexcentarum aut septingentarum cistarum Sacchari sine discrimine accipere: incolebant superioribus annis quingenti Lusitani, nunc longe plures, & plurimi barbari atque nigritæ. Erat olim aperta, nunc levi vallo cincta dicitur, postquam Belgas meruere caperunt; licet castellum prope *Cabo delo* nuper frustra tentaverint.

Ab oppido reflectitur flumen cubito versus Corum; atque hic primo ad ripam ingredientibus dexteram sita est machina Saccharo molendo comparata, cum suis ædificiis: deinde paulo superius ad utramque ripam apothecæ mercatorum, cum aliquot domiciliis: porro ascendentibus occurrit ad dexteram ripam exiguus pagus ad quem tres machinæ pertinent cum suis cannetis; & superius altera idem pagus, cujus incolæ potissimum dant operam colendis illis radicibus, è quibus farinam suam conficiunt, quæ hic communiter pro farre usurpatur; & ab utraque ripa aliquot machinæ, quas vocant Ingenios.

Alterum five Arctum hujus Praefecturae Promontorium appellatur *Punta de Lucena*, cui aliquot rupes adjacent, pone quas tamen statio est minoribus navigiis haud incommoda.

Figueredus scribit flumen *Paraibam* alio nomine appellari *S. Domingo*; & duabus leucis ab ostio illius distare fluvium *Magiangapen*, cujus ori objacet insula quæ vocant *de Mangues*, ab arboribus quæ illam occupant. Ad ripas hujus fluvii, qui tantum minoribus navigiis adiri potest, degunt aliquot Lusitani qui armentis pascendis dant operam.

Ceterum solum hujus Praefecturae valde fecundum est, nec inamœnum; pluresque

resque in variis partibus reperiuntur arbores quæ lignum dant Brasilianum quo tintores vulgo utuntur, quin & argenti venas hic reperiri volunt, præsertim in loco quem barbari vocant *Touyoub*.

Hanc partem Continentis incolunt barbari illi, quos *Petivares* diximus appellari, qui Gallis dudum amici & confederati, postquam Lusitani Præfectura hac sunt potiti, his admodum obnoxii sunt facti; & iuges exercent inimicitias cum vicinis barbaris, quos vocant *Tiguares*.

C A P. III.

10

Insula Fernandi de Noronha vulgo dicta.

ANTEQUAM ad reliquam partem Continentis progrediamur, nequaquam prætereunda est Insula, quæ vulgo de *Fernando Noronha* & interdum *Loronha* dicitur: quæ sita est ad altitudinem trium graduum & triginta (ut Figueredo in Itinerario; aliisque nauclicis placet) vel quadraginta & quinque scrupulorum ab Æquatore versus Austrum: quinquaginta (ut idem Figueredo designat) vel septuaginta (ut fere à nostratibus invenio observatum) leucis à Brasiliæ Continenti in patentissimo Oceano: Patet in longitudinem inter Africum & Aquilonem supra duo milliaria, in latitudinem paulo plusquam unum.

20 Maxima pars Insulæ plana est, præter paucos montes, qui variis locis se attollunt; inter quos unus, præruptis undique cautibus, in vastam altitudinem assurgit, ita ut ex alto allabentibus primo conspiciatur in modum turris; huic proxime adjacet alter modicè convexus, ita ut uterque egregie templum cum suo campanili præfenter, unde & nomen à Nostratibus crevit, vulgo de *Kerck*. Qui accurate Insulæ hujus formam sunt contemplati comparant folio Lauri, desinit enim utrinque in acutum angulum. Solum maximam partem nitrosum esse dicitur, unde & scaturigines, quibus abundat, & torrentes qui pluviis mensibus, nimirum ab Aprili ad Septembrem de collibus descendunt, & insulam passim rigant, nitrum videntur sapere. Nihilominus haud infœcunda est tellus, sed etiam
30 sponte producit plures edules radices, & præstantes melones, pisca quædam viridia, fabas, & similia legumina: Mayzii imprimis est patiens, & earum arbuscularum quæ gossypium ferunt. Claudius Abbevillanus qui illam adiit cum Gallis qui Marignanam insulam petebant scribit, hic passim nasci arbores valde amœnas, frondibus late virentibus, instar Lauri, verum tam acri & caustica qualitate, ut si quis manum quæ frondes contraxit, ad oculos ferat, ingentes dolores patiatur, & ad aliquot horas videndi facultate privetur. Alteram tamen arborem hic occurrere, cujus folia præsentissimum remedium huic malo adferant.

40 Lusitani jam olim plures hircos & capras hic collocarunt, quorum numerus in immensum est auctus, difficulter tamen capi possunt, propter vepres & aspera loca, in quæ se recipiunt: Iidem & gallinas intulerant & pauca jumenta.

Magna hic reperitur avium copia, præsertim illarum quas vulgo vocant furcarias à forma caudarum, harum jam alibi meminimus; & littoralium quoque diversi generis, inter quas excellit una mole anseris, pectore eleganter rubenti, quæ ingluviem instat monstruosam in modum.

50 Porro littora hujus Insulæ fere undique prærupta sunt & difficilia aditu præsertim ad latus quod Aquilonem spectat, ubi Oceanus ingentes fluctus, volvit ad littora, ut pene impossibile sit cymbis hic exscendere. A cornu illius Orientali dividuntur aliquot minores insulæ vel potius scopuli, vadosis alveis separari qui transitum navigiis negant.

Sub plaga autem quæ Occidentem vel Corum adipiscit, dux sunt stationes navibus haud incommode, una haud longe ab Orientali Insulæ angulo, sub Occidentali latere cuiusdam monticuli, qui angusto isthmo, peninsula in modum ab Insula se subducit, atque hic quoque sat commode in terram exscenditur; ibidem & rivulus de vicino colliculo se præcipitat in mare, aquationi opportunus. Altera autem statio habetur sub rupe illa quam Templi formam referre diximus.

Ad

Ad plagam orientalem, media pene parte Insulae, exiguus sinus visitur, semilunari forma; hic torrens quidam restagnat, & denique evolvit se in sinum ubi facile salina fieri possent.

Mare quod Insulam ambit valde piscosum est, praesertim ad partem illius septentrionalem & inter minores illas insulas: suis quoque tempestatibus annatat maxima copia testudinum marinarum.

Claudius Abbevillanus meminit & alterius insulae huic vicinae, sed longe minoris, quam vocat *Isle de Feu*, in qua ingentem avium copiam reppererunt.

Lusitani Pernambucenses deportaverant in hanc Insulam Lusitanum unum cum sedecim aut septemdecim barbaris qua viris qua feminis; quos Galli anno 1510. 10
cxii hic baptizatos, secum deduxerunt ad Marignanam; ita ut Insula postilla desertamanserit, donec superioribus annis à Belgis nostris coli coepit, qui jam aliquot colonos & paucos Nigritas eo deduxerunt.

C A P. IV.

Ora Continentis Brasiliae Septentrionalis, à flumine Mongiangape ad Rio Grande.

SUPRA oram Brasiliae Septentrionalis deduximus ad fluvium *Mongiangapem*. Superiori enim libro Continentem Americae Meridionalis & Brasiliae provincias prosequuti eramus usque ad Capitaniam Paraibae, quam jam absolvimus ad extremum hujus Continentis angulum; qui orientem respiciens, exitum est versus Aethi- 20
opem: ab hoc siquidem ora reflectitur versus occidentem atque Arcto obijcitur, vastis terrarum spaciis ad Novam usque Hispaniam. Porro hanc Americae Meridionalis partem quae inter dictum Angulum & Marannon includitur, alii aliis nominibus, nostri fere à situ Brasiliam appellant Septentrionalem. In orarum autem descriptione, (nam praeter has, paucis locis exceptis, hic vix quicquam satis notum aut perlustratum offendimus) plurimum variant auctores; nos hic Itinerariorum auctores, uti certissimos indices, sequemur & imprimis Figueredum, qui Lusitanorum idiomate itinerum rationes explicavit; & aliorum praesertim nostratium accuratas observationes, quibus & aliquid lucis à Gallis fœnerabimur.

Ora ergo à fluvio *Mongiangape* secundum dictos auctores hoc ordine jacent.

A fluvio *Mongiangape* ad sinum Proditionis, vulgo *Baya de Treycian*, Gallis de *Trahison* numerant leucam unam. distat hic sinus, uti à nostris est observatum à Paraibae septem leucas; ab Aequatore gradibus sex & viginti scrupulis versus Austrum. clauditur ab ortu humili cornu, à quo scopulosum vadum descendit im altum, quod fluctibus recedentibus extat, & sinum hunc magna sui parte, instar valli concludit, excluditque ingentes fluctus quos Oceanus hic volvit ad littora, ita ut pone illud duodecim aut quindecim naves commodissime in anchotis possint consistere; quemadmodum anno 1515. 40
cxv Classis Societatis Indicae Occidentalis sub praefecto Balduino Henricide hic aliquandiu substitit. Continens hic densa nemore vestitur, inter quod & arenosum litus palus sive stagnum interjacet, quod vado transiri potest, praeterquam pluvis mensibus, quibus magis inpletur: patet in latitudinem circiter quartam leucæ partem: trans paludem hanc Lusitani exiguum templum & aliquot domicilia struxerant, cujus incolae pecuariae & agriculturae dabant operam.

Barbari qui in vicinia degebant, *Tyguares* dicebantur, à ceterorum moribus & idiomate parum aut nihil differentes; nuper autem à Lusitanis domiti, infestis adhuc animis in illos, statim magno numero se nostris conjunxerunt, & hostilia in Portugalos sunt moliti; verum quum nostri ab omnibus rebus, quibus opus erat, imparati essent, & ad alia properarent, hic praesidium relinqui minime potuit; unde factum est ut post nostrorum discessum, barbari hi in diversa fugere cogerentur & non pauci à Lusitanis exderentur. Eorum tamen aliquot nostros sponte sunt comitati, quos in Belgio & linguam nostram, & scribendi modum, denique initia Christianae religionis edoctos saepe vidimus, & regionum illarum qualemcunque cognitionem ab ipsis accepimus.

A sinu Traditionis ad modicum amnem *Cromataym* numerant leucam unam: Figueredus

gueredus vocat *Camaratubam* (uti & barbari nostri) scribitque ad sinistram illius ripam definire limites Præfecturæ *Paraibæ*: hic amnis non nisi cymbis ascendipote est, ad ripam tamen illius machina Saccharo molendo comparata à Lusitanis fuit exstructa, quam nostri excederunt: quatuor autem horarum itinere intra Continentem *Tiguares*, hi incolebant in pago *Taboussuram*, quorum princeps dicebatur *Taynararii*; qui sibi metuens post nostrorum discesum, profugit ad *Tapuyas*.

Ab hoc fluvio circiter quatuor leucis (secundum Figueredum) sequitur cornu terræ, pone quod se aperit sinus, qui appellatur à Lusitanis *Baya Formosus*: à quo circiter dimidiâ leucâ versus Ortum tenuis amnis exit è continente, quem Figueredus nominat *Rio Husgau*; alii videntur appellare *Congaycu*; hic amnis in aditu duodecim palmos est altus, ita ut minora navigia ad quatuor aut quinque milliaria illum ascendant, ubi pagus visitur Lusitanorum, qui & Sacchari cannis colendis dant operam, & plurimum ligni Brasiliiani cædunt. Barbari nostri referunt, Sinum Formosum suorum idiomate appellari *Quartapicabam*, & passim hic crescere arbores quæ lignum Brasilianum subministrant, Gallosque hic suetos illud perere, antequam à Portugallis verarentur.

A sinu *Formoso* ad fluvium *Curumatan* numerant leucam unam; hic & altus est & portum aperit valde idoneum & securum. Sequitur deinceps sesqui leucæ intervallo amnis quem Figueredus nominat *Rio Subauma*; & paulo ulterius cornu terræ, quod à figura scopuli qui illi objacet vulgo vocant *Punta da Pipa*, pone quod statio est navibus satis opportuna. Excipit deinde litrus importuosum, & nemorosum quod vulgo vocant *Paranambuco*; intra Continentem jacet lacus *Guiraira*. Barbari nostri à *Curumatan* ad *Paranambuco* sive *Guiraira* designant quatuor milliaria; & à *Guiraira* ad amnem *Tareyrick* tria: hic lignum flavum cedere datur, quod vocant *Tatagoubas*; feruntque hic reperiri intra Continentem venas ferri, quod nominant *Ita*.

Sequitur deinceps unius leucæ intervallo, (secundum barbaros nostros) fluvijs *Pirangue*, & portus quem Lusitani vocant *dos Busios*. A quo ad aliud terræ Cornu, quod vocant *Punta Negra* sunt tres leucæ secundum Figueredum: pone hoc statio habetur navibus valde opportuna & securâ: ab hoc cornu ad *Rio grande* numerant duas leucas. Alii paulo aliter hæc loca designant. A *Punta de Pipa*, quæ barbaris appellatur *Tacoatira*, distatque ab Æquatore gradibus sex versus Austrum, (ut à nonnullis invenio observatum) ad sinum, quem vulgo vocant *Enscada de Tambanti*, numerant leucas sex; ab hoc ad *Porto dos Busios*, ut vocant, quatuor: à quo exiguo intervallo distat alius portus vulgo de *Touros* quinque gradibus & quadraginta scrupulis ab Æquatore versus Austrum; inter utrumque autem exit fluvijs *Pirangue*.

E regione horum locorum, circiter decem aut duodecim leucis à continenti, & quinque gradibus ab Æquatore versus Austrum, objacet magnum & famosum vadum, quod Lusitani vocant *los Baixos de S. Roque*; patet autem inter ortum & occasum in longitudinem plures leucas, & quo magis tendit versus occasum eò propius accedit ad Continentem, ita ut etiam quatuor aut quinque leucis ab illa deprehendatur; summa autem hic cautione opus est, & non nisi interdiu hic navigandum, tum enim unda pallescens sensim satis mature admonet navigantes; præterquam quod bolide fundum tentantes, à triginta orgyis sensim animadvertunt adscendere.

C A P. V.

Decima Brasiliæ Præfectura Rio grande.

SEQUITUR deinceps ad hanc oram insignis fluvijs, quem barbari quidem vocant *Poteingi*, Lusitani autem *Rio grande*; quinque gradibus & triginta scrupulis ab Æquatore versus Austrum, secundum Figueredum difficilior quidem aditu, sed interius valde amœnus & satis altus.

Galli postquam sinum Januarii deseruerant hic appellere consueverant, federe & amicitia cum barbaris, qui *Petivares* dicuntur, juncti, atque hic domicilia fixerant; sed Rex Hispaniarum Gallos tam vicinos neutiquam ferendos ratus, *Feliciano Ceca de Caravalas* præfecto *Paraibæ* mandavit, ut illos inde depelleret; qui anno 1610xcvii de rebus à se gestis ad Regem Hispaniarum scribens, magnifice se jactat, ut solent Lusitani,

Lusitani, & multa millia barbarorum à se caesa, Gallos qui impetum fecerant in castellum *Capo delo* nullo negotio depulso; verum tamen ad flumen *Rio grande* aggredientum penitus se imparatum; nam & apparatu omni bellico destitutum esse & eundem à Regiis praefectis tam *Pernambuci* quam *Bahia* frustra jam saepius postulasse.

Narrat praeterea Gallos intra Continentem, in loco quem vocat *Copaoba*, invenisse opulentas argenti yenas, & plurimum metalli inde abduxisse. Nec tamen ante annum 1610 Galli penitus videntur exclusi, aut barbari sub jugum missi: *Antonius* enim *Knivetus* Anglus narrat se eo anno cum Praefecto fluminis Januarii venisse *Pernambucum*; cuius Praefectus *Emanuel Mascaremas* rogatus à *Feliciano Cuello*, quem barbari maximis copiis ad ripas hujus fluminis undique premebant, cum quadringentis Lusitanis & tribus millibus barbarorum qui ipsi parebant, movit è *Pernambuco*, & septimo die pervenit ad hostium castra, in quibus erant quadraginta millia barbarorum statimque congressum cum perduellibus, ingenti clade illos cecidisse, ita ut quinque millia in praelio mactaret & tria millia caperet. Principem autem *Petiguarium Pirajuwath*, tanta clade consternatum, pacem petiisse à Lusitanis & certis conditionibus se dedidisse & vasallum Regis Hispaniarum esse factum. Postilla arcem ad ripas fluminis hujus structam & pluribus machinis bellicis instructam, adeo ut postilla hic nova Praefectura fuerit constituta, quae hodie decima Brasiliae Capitania, ut vocant, censetur.

Nostrates qui sub exitum anni 1610 exxxi è *Pernambuco* cum classe profecti erant, ut arcem hanc expugnarent, testantur: Arcem hanc structam esse ad ripam ingredientibus sinistram, super rupem, quae angusto alveo à continente dividitur, & muro saxeo cinctam, satis alto, cum suis propugnaculis, quae utrinque in flumen prominent & pluribus machinis bellicis sunt instructa, ita ut arx difficulter admodum adiri & à paucis contra plures propugnari possit: nam ita sita est, ut naves ingredientibus, necessario propius accedere, & machinarum ictus cum summo discrimine tolerare cogantur: Sola sane aut siti domari possunt praedarii, nam aquam è vicino torrente aut amniculo petere necesse est, quae negata in summas angustias inciderent.

Cæterum hæc Praefectura à Lusitanis haud ita multis incolitur, nam præter praedarios sexaginta aut octuaginta qui in arce degunt, pauci in vicino pago habitant; habent hic unam atque alteram machinam Saccharo molendo comparatam; & aliquot villas in quibus pecuariam exercent. Barbari hic admodum pauci habitant, nam plurimi variis cladibus attriti interierunt; alii Portugalorum odio profugerunt ad *Tapuyas*, inter quos latitant, occasionem operientes, quae ad sua reverti possent.

C A P. VI.

Ora Brasiliae septentrionalis à Rio grande ad Siaram, secundum *Figueredum* & alios.

Figueredus hanc oram ex instituto designans, numerat primo à flumine Grandi ad promontorium de *Siara* duas leucas, pone quod amnis egreditur ejusdem nominis: Nostrates vero intermedio spacio & vix uno milliari à *Rio grande* meminerunt sinus admodum opportuni, quem barbari vocant *Ienipabon*: à Promontorio *Siara* ad sinum *Petitigua* numerat novem aut decem leucas; patentissimus hic est sinus & adversus incerta ventorum egregiè munitus.

Alii numerant à Promontorio *Siara* ad amnem *Moringapen* leucas duas, & inde ad cornu terræ quod vocant *Pequetingam* sex.

A sinu *Petitigua* pergit ora versus eorum, modo alta, modo humilior, & variis locis denso nemore virens ad *Omarco*, ut vocant viginti & quinque leucis, hic quondam limes fuisse videtur inter Lusitanos & Castellanos.

Alii numerant à *Pequetingam*, ad cornu *Chugafu* sive *Vgassumha* leucas sex; & observant è regione hujus cornu vada *S. Rochi* desinere. Sequitur deinceps secundum eodem cornu terræ quod appellatur *Vbaranduba*.

Ab *Omarco* ad *Gnamaren* numerat quindecim leucas, ora autem omnis intermedia maximam partem humilis est, nisi quod paucis locis aliquot arenosi colles videantur, pone quos procul intra Continentem sese aperiant altissima montium juga, qui à barbaris

barbaris appellantur *Buturuna*; distat autem Guamare, secundum alios, ab Æquatore <sup>Buturu-
na.</sup> quatuor gradibus & quadraginta quinque scrupulis.

Haud longe à Guamare subducit se ora, facitque sinum, cuius solum in ambitu fluctibus inundatur, & arboribus illis tegitur, quas vocant *Mangues*; atque hic jacent celebres illæ *Saline* quas vocant de *Guamare*, è quibus plurimum candidissimi salis peti ^{Salinæ.} potest, qui hic sponte generatur. Alii notant fluxivium esse & appellari *Cornu-Aretina* sive *Rio de Salinas* & distare à *Guamare* tribus leucis versus Occidentem.

A *Salinis* ad sinum *Maretubam* numerat duas leucas; amplissimus est sinus & qua- <sup>Maretu-
ba.</sup> tuor ostiis admittit Oceanum. Hinc jam ora longe editior cernitur & pumilis arboribus vernans ad Cornu usque terræ, quod vocant *Punta do mel*, juxta quod falsus torrens erumpit qui dicitur *Guararahu*. Alii à *Rio de Salinas* monent ab ora navigandum esse duabus leucis, propter vada & rupes, & ex hac ora exire quatuor amnes mediam leucam à se invicem discretos *Guapetubam*, *Manetubam*, *Gorarassu* & *Persin*, quorum ora rupibus obstruata sint, & à frequentibus barbaris accolantur; & *Puntam do mel* à barbaris appellari *Cucarabubam*. Duabus à *Guararahu* leucis egreditur amnis *Quinquara* & octo ab hoc alter quem vocant *Hupanemam*: subdit hic rursus ora, palmeto læte vernans usque ad rubentes aliquot clivos & sinum *Pharana*; à quo ad *Iaguariben* numerat decem leucas; alii tantum octo: ad altitudinem quatuor graduum ab Æquatore versus Austrum.

20 A *Iaguaribe* attollit se rursus ora, multis arboribus amænæ vestita, usque ad *Igua-* ^{Iguape.} *pe* leucis viginti: patens hic est sinus sed aequationi plane inidoneus.

Ab *Iguape* ad *Mocuripen* numerat octo leucas, ora autem intermedia valde edita est, pone quam procul intra Continentem visuntur alta juga montium, qui à barbaris appellantur *Camume* vel *Aquimume*: quinque autem leucis ab *Iguape* egreditur <sup>Camu-
ma.</sup> fluvius importuosus & adversus tempestates infensissimus *Tpocaru*; & duabus ab eo leucis *Rio Coco*. distat *Mocuripe* sinus ab Æquatore tribus gradibus & quadraginta scrupulis versus Austrum. Ab hoc brevi intervallo abest *Siara*, ubi Portugalli haud ita nuper incolere cæperunt. ita ut hanc inter Brasiliæ Capitania numeret *Olyveira*. Barbari, quos à nostris doctos supra diximus, hanc oram ita nobis descripserunt.

30 A *Rio grande* ad amnem *Siaram* sunt duæ leuæ.

A *Siara* ad amniculum *Piracabubam* una: ubi nulli Portugalli incolunt.

A *Piracacuba* ad *Pecutingam* duæ; hic statio est comoda & aequatio facilis.

A *Pecutinga* ad amniculum *Vguasu* sex: ad *Kaalsam* octodecim: ad *Guamaren* duæ: ad amnem *Carwaretamen* una: hic jacent *Saline* illæ, è quibus plurimum salis peti potest, præterquam pluviis mensibus, imprimis Maio & Junio: ad amniculum *Baritubam* dimidia leuca. Ab hoc porro ad amnem *Guararahug* una: supra hunc fluvium frequentes incolunt *Tapuje* Portugallis infensissimi, & pone hos alia barbarorum natio, qui *Iandovii* appellantur.

A *Guararahug* ad amniculum *Iandupatiba* bidui iter est, & dimidia leuca, ab hoc ⁰ exit exilis torrens *Wupanema*; ad utrumque hunc amnem nulli degunt barbari.

A *Wupanema* ad *Awaranhe* sunt sex leuæ: & ab eo rotidem ad amnem *Tuguarich*; dimidia porro ad amniculum *Pariporic*, & una ad *Guatapugui*. Iuxta horum ripas degunt barbari è *Tapuyarum* natione, qui vocantur *Iapovaton*; Portugallis infensi.

Ab his sex itidem leucis egreditur amniculus *Wichoro*, ad cuius ostium nulli quidem degunt mortales, sed intra Continentem habitant *Kisaryouwi* è gente *Tapuyarum* & Portugallis infensi: unde Figueredus in itinerario monet has gentes caute vitandas esse. Bidui autem itinere à littore jacent edita juga montium *Wichoro*, ubi plurimum niri reperiunt volunt barbari, quod ipsi vocant *Tatanich*, & è petris ⁷ destillare ajunt instar salis, mole pisorum.

A *Wichoro* ad *Tgagnusû* numerant sex leucas, ubi nulli degunt barbari, & ab *Vguasu* ad *Monconru* undecim & denique ab hoc unam ad *Siaram*.

Præfectura Brasiliae Septentrionalis quam vocant Siaram, & reliqua ora usque ad Marannon.

ANTEQUAM de ipsa præfectura dicamus, pauca sunt observanda de *Mocouru*, cujus tam nostri, quam alii meminerunt: Sed nostri interdum variant in loci illius situ; nam alii constituunt ad altitudinem trium graduum & viginti ac trium scrupulorum, putantque illum sinum à Gallis vocari *Tres sortugas*: alii vero ad altitudinem trium graduum & duorum supra quinquaginta scrupulorum: ita ut nomen hoc applicent duobus sinibus, qui à se invicem distant miliaria duodecim.

Quidam nostrorum qui anno 1610 ci mense Novembri applicuit ad sinum *Mocouru* ut ipse vocat; narrat plurimos barbarorum venisse ad ipsius naves, à quibus didicerit haud longe abesse montem in quo plurimi smaragdi reperiantur: Seque cum eisdem egressum in terram, pernoctasse in frequentissimo barbarorum pago, in quo supra quinque millia offenderit, qui metu hostium huc confluxerant; deinde pervenisse ad editum montem, è quo petra durissima & candidissima extabat, in qua Smaragdi elegantissimo viridi colore conclusi videbantur: inopia tamen ferramentorum, nulla fragmenta inde potuisse deducere. Narrabant denique barbari. Gal-
los hic aliquoties fuisse. Sed jam de Siara videamus.

Siara numeratur inter Capitaniae Brasiliae, quæ à Lusitanis possidentur, ut ante diximus: pauci tamen hic degunt Portugalli, in exigua arce, quam ad radicem montis considerunt, juxta dextrum latus ipsius portus, qui mediocrium navium capax est. Arx tantum ligneis palis cincta est sine ullo muro aut terreo vallo. Sub radicibus montis cui arx superjacet labitur exiguus amnis, neq; hic ullus reperitur amnis, qui supra tria miliaria è Continente descendat. Infra arcem decem aut duodecim domicilla structa sunt à Lusitanis, præter Præfetti ipsius ædes, quæ haud longe distant ab arce. Limites hujus præfecturæ ad decem aut duodecim leucas in ambitu patent. Solent quotannis duæ aut tres minores naves hic appellere, atque varias merces hinc deducere, gossypium, crystallum, aliasque gemmas & varia ligna: plurimæ quidem hic nascuntur cannæ sacchari, sed nulla dum machina illis molendis hic constituta: nec quicquam hic satis validi adversus hostes. Barbari vicini plerumque cum Portugallis discordes; Princeps enim eorum, aliis quinque regulis imperare dicitur, qui singuli quadringentos aut circiter subditos numerant. Decem denique dierum itinere intra continentem celebrant barbarorum regnum *Iauarobate*.

Barbari nostri, quorum jam aliquoties meminimus, testantur portum Siaræ non nisi minorum navium patientem esse: majoribus magis idoneum esse sinum *Mocouru*: quatuor autem horarum itinere à *Mocouru* barbaros Tiguares incolere in pago *Tapirugh*, qui duobus regulis parent *Kiaba* & *Vanassow*. Unius denique diei itinere sive sex leucis à *Tapirugh* abesse montem *Boragnabam*, quem argenti venas intra viscera condere arbitrantur.

Secundum Figueredum, sequitur post Siaram ad eandem oram, sex leucarum intervallo Sinus, quem à flumine quod in illum egreditur, vocant *Paramiri*; hujus fluminis unda & potari pulchra est, & ad ripas illius plurimæ nascuntur arbores quæ *Caius* ferunt: accolæ sunt *Tapuyæ* Portugallis insens. Secundum alios sequitur post Siaram latus aquæ dulcis quem vocant *Vpezem*.

Ab occidentali hujus Sinus angulo, ad Cornu terræ quod barbari nominant *Itaibaval* *Tataituba* sunt octo leucæ; spacio autem quasi medio egreditur fluvius *Tirairva*.

A *Tataituba* ad amnem *Mondahugh*, quatuor: sequitur deinceps *Sarahuba* & porro Sinus *Ieruquacnara*, ubi summa est aquandi opportunitas, sed vitandi sunt accolæ *Tapuyæ* & *Tabaxares* Portugallis supra modum insens: nihilo fecius anno 1610 exiit septuaginta Portugalli hic sedes fixerant, in pago *Nostra Sennora de Rosario*; quas anno sequenti rursus deferuerunt, ad Marannon profecti.

Hinc ad fluvium *Camusi* vel *Camocipe* numerat octo leucas: & ab hoc ad fluvium *Guaaspuram* quinque, & porro ad *Iosaram* tres. Sequitur patentissimus Sinus, qui
valide

valide in Continentem irrumpit; excipitque gremio suo vastum quidem fluvium *Param*, sed ostio valde vadoso. Alius Nauclerus Lusitanus numerat à Camocipe ad flumen *Para oras* triginta leucas: & collocat illud ad altitudinem duorum graduum & triginta scrupulorum. A quo ad Marannon supersunt quinque & viginti leucæ: ora autem humilior est & arboribus nuda, maxime qua fluvium *Maripen* emittit; à cujus ostio ad sex leucas ora magnis arboribus obsita est, littore arenoso, usque ad pulcherrimum amnem *Peream*, cujus æstuarium ad leucam integram patet, & orientior est aditus ad Sinum Marannon & oppidum sive arcem *S. Jacobi*, quam Lusitani incolere ceperunt anno 1515 cxiv. Alii Lusitani numerant à Para sedecim leucas ad alterum fluvium quem vocant *Rio das Preguizas*: & ab hoc novem ad fluvium *Marii*, à quo ad *Peream* supersunt leucæ sex. Meminit alibi Figueredus, parentis Sinus & qui plurimas minores insulas complectitur, diciturque *Ototoy*, viginti leucis à Marannon versus Ortum & duobus gradibus & quadraginta scrupulis ab Æquatore versus Austrum.

Nostrates qui has oras lustrarunt superioribus annis, meminert Promontorii, quod Lusitanis dicitur *Cabo Blanco*, duobus gradibus & triginta octo scrupulis ab Æquatore versus Austrum; vel ut alii pene tribus gradibus, A quo ad flumen Camusi sive ut nostrates vocant *Campocip* vel *Camocipe* numerant sex aut septem leucas. Idem & fluvii *Rio de Cruz* meminerunt, qui distat à Camusi decem milliaria; hic fluvius oblimato est ore, neque interius supra septem aut octo palmos altus. Verum monent Lusitani *Camocipen* in nonnullis Tabulis Hydrographicis appellari *Rio de Cruz* & distare ab Æquatore duobus gradibus & quadraginta scrupulis. Ab hoc ad alterum, quem vocant *Rio Grande*, numerant novem leucas, atque hic difficile propter vada adiri potest; ripas tamen illius à plurimis barbaris accoluntur.

Barbari autem nostri designant, quinque leucis à Siara amniculum *Vpesem*: & totidem ab hoc *Param*; & porro *Couru*, *Tareguy*, *Tatayough*; *Pounafugh*, *Aracatibugh*, *Paratibugh*, *Tirnoghugh*, *Iuriaquere*, *Vpeba*, *Camusipe*, juxta quem & argentum & crystallum reperiri produnt: Sed tempus est ut ab hisce incertis, ad certiora nos conferamus.

Quidam denique nostrorum, qui has oras adiit anno 1515 cix meminit Sinus cujusdam, quem vocat *de Arrekeytos* tribus gradibus ab Æquatore versus Austrum: & fluvii *Rio de Lies* uno gradu & quinque ac quadraginta scrupulis ab Æquatore: ubi viderit barbaros vasto corpore, deformi vultu, prolixis comis, auriculis perforatis & pendulis pene ad humeros usque; cutem nigro colore tinctos præterquam ab oculis ad os: quibusdam labium inferius, aliis & nares erant perforatæ, quibus lapillos & officula indiderant.

MARANNON sive MARAGNAN.

C A P. VIII.

Generalis descriptio hujus provincie, & quedam necessariò observanda.

QUEMADMODUM tam Hispanorum seu Lusitanorum Tabulæ geographica plurimum variant in nominibus locorum & reliquis circumstantiis inter *Parabam* & *Marabnam*, ut ipsi vocant: ita plurimum differunt inter se scriptores in designatione hujus fluminis Marannon, quia id nomen pluribus & valde diversis fluminibus solent attribuire: & maxime tribus fluminibus quæ ad hanc America Meridionalis oram septentrionalem in Oceanum exeunt, nimirum huic flumini de quo iam agimus, Orellanæ sive *S. Juan de las Amazonas*, & Orenoque: quemadmodum videre est in Historia *Iosephi de Aosta* (ut alios multo indiligentiores omitamus) qui scribit ingens illud flumen, de quo agit, ab aliis *Rio de Amazonas*, ab aliis Marannon, ab aliis denique Orellanam appellari, exire autem ex adverso Insulæ Trinitatis: in quo illum egregie hallucinari nemo dubitabit, qui horum locorum vel mediocriter gnarus fuerit: Qui error ex eo natus videtur, quod Hispani scriptores tam promiscue hoc nomen Marannon usurpent; nam *Herrera* (scriptor alioquin satis

accuratus) de provinciis Quitensis Praefecturae agens, crebro ita loquitur, hanc aut illam provinciam sitam esse versus Marannon, quum tot flumina & tantum terrarum spacium intersit: idem & in aliorum designationibus observavimus quum de Peruvia ageremus, quæ hic repetere non est necesse: sit autem hunc errorem semel tollamus & liquido pateat, cui potissimum flumini id nomen jure competat: singulorum horum fluminum origines, cursus & ostia distinguemus. *Orenoque* qui aliter *Yyapari* dicitur, de quo suo loco plura dicemus, oritur ex orientali atere montium qui Popayanam vel etiam Novum Regnum Granatæ ab ortu concludunt, & pluribus ostiis exit in oceanum à regione Insulæ Trinitatis, uti omnibus jam notissimum est. Orellana autem sive *Rio de las Amazonas* potissimum oritur (nam ab alterutra plaga plures in illum confluunt amnes) è Peruvianis Andibus haud longè à Quito, ut Pizarri expeditio, de qua mox, facit fidem; & egreditur in Oceanum per plurimas insulas duobus aut circiter gradibus ab Æquatore versus Arctum, & aliquot centenis milliariibus ab Orenoque versus Ortum: ita ut mitum sit *Herrera*, qui expeditionem hanc *Pizarri* Historiæ suæ inseruit, & qui recte, meo quidem judicio alibi scribit, amnes omnes qui supra & infra *Xauxam* vallem oriuntur, labi in *Paraguayum* & ita per flumen Argenteum in Oceanum Atlanticum, potuerit excidere, Orellanam oriri haud longè à *Cusco*; quanquam non ignorem vulgari errore Hispanis, in Peruvia Marannon passim in Limano Conventu juredico oriri. Marannon denique, sive id fluvii nomen sit nec ne (nam fluvium esse negat Abbavillanus, ut statim videbimus) constanter agnoscunt omnes Tabulæ Geographicæ, & itineraria Lusitanorum hoc loco ad quem jam descriptionis ordo nos deduxit; flumina autem illa tria quæ hic in sinum confluunt, cui insula Maragnan inajacet: & imprimis medium quod peculiari nomine vocant *Taboucourou*, oriuntur procul in Continentem, descenduntque recta à Meridie, versus Arctum, pone Brasiliæ provincias; quum cætera Orenoque nimirum & Orellana, è montibus Peruviae, aut Novi regni Granatensis dilapsa, ab occasu aut Africo descendant versus ortum aut boream. Quare, ut hanc ambiguitatem semel profigemus, nomen Marannon huic flumini sive fluminibus vindicabimus, quæ in hunc sinum confluunt & inter plures insulas eluctantur; & inter Brasiliæ septentrionalis provincias numerabimus, quia scriptor Lusitanus *Oliveira*, cum inter Capitania numerat quæ à Portugallis in Brasilia possidentur. In ea autem describenda potissimum sequemur Claudium Abbavillanum Capucinum, qui anno 1615 Commentarium suum Parisiis edidit qui inscribitur, *Histoire de la mission des Peres Capuchins en l'isle de Maragnan*.

CAP. IX.

Descriptio Maragnana secundum Claudium Abbavillanum.

SCRIPTORES omnes Geographici (inquit) qui Brasiliam descriperunt, nusquam meminerunt Insulæ *Maragnan*, quum frequenter mentionem faciunt fluminis *Marannon*, quod in hisce partibus plane ignotum est, nisi si sinum *Maragnan* pro flumine velis accipere, aut id nominis alicui fluviorum, qui hic exeunt, assignare; magno errore, quia singula obtinent propria nomina, ut mox dicetur; neque accolæ id nomen ulli fluviorum tribuunt, sed Insulæ. Porro sinus hic patet ad mare in longitudinem inter duos terræ continentes.

Ab ortu clauditur primum modica insula, quam barbari vocabant *Vpaonmiri*, Galli nunc *Islette de S. Anna*; excipit dein aliquot leucarum intervallo magna Insula *Maragnan*, patens in ambitu circiter quinque & quadraginta milliaria, & distans ab Æquatore versus Austrum duobus gradibus & triginta scrupulis.

In intimum sinus gremiū egrediuntur tria pulcherrima flumina, è regione magnæ hujus insulæ *Marignana*, eamque undique cingunt, ita ut ab una parte quinque aut sex milliari-

milliatis, ab altera duobus aut tribus, à cæteris partibus pluribus aut paucioribus ^{Mounia.} abſit à Continente. Primum flumen & maximum Orientale appellatur *Mounia*, quod quadraginta aut quinquaginta milliariibus ſupra oſtium, è Continenti dilabitur, eſq; in oſtio latum quartam milliariis partem. Secundum ſive medium flumen vocatur *Taboucourou* circiter dimidium milliari in oſtio latum, & ſupra quadringenta vel forte quingenta milliaria è Continente deſcendens. Tertium ſive Occidentale appellant *Miarri*, quinque aut ſex milliaria in oſtio latum, & ut communis eſt opinio, ſub ipſo Tropicq; Capricorni oriens, à quo barbari illud deſcendere ferunt. Sunt alia hic præter hæc flumina, uti *Maracou* quod ſe condit in amnem *Pinarens* *Pinare* autem conſluit in *Miarri*, circiter ſeptuaginta aut octuaginta leucis ab illius oſtio. Et ſupra hunc adhuc alius amnis, qui *Ouaicoup* nominatur qui è ſylvis egrediens, itidem à *Miarri* recipitur: quo fit, ut *Miarri* pernicipiter deſcendat, quemadmodum & *Taboucourou*, qui in ipſo penè oſtio nonnihil coarctatur à duobus ſcopulis, quo fit, ut hæc flumina ingentes fluctus evolant, & Inſulam Maragnanam diſficilem acceſſu faciant: quibus accedunt vada & brevía quibus exterius & verſus Oceanum cingitur, ita ut ſumma cautione & peritiſſimis naucleris opus ſit iſis, qui ſinum hunc ingredi & inſulam attingere deſiderant: Nam inſula hæc veluti clavis eſt hujus provinciæ; reliqua enim ora tam verſus ortum quam verſus occaſum, cum ſummo diſcrimine aditur, propter vada & arenofos pulvillos, quibus inde à Promontorio *de la Tortue* uſque ad Promontorium *des Arbes Secs*, ut Gallis dicuntur, regitur, ad quatuor quinque & interdum plura milliaria in altum egredientibus; ad eundem modum ora ſe habet, à Promontorio *Tapoutapere* quod ſinum ab Occidente claudit, ad magnum flumen *Amaſſonum*: univerſa enim tegitur inſanis inſulis, ipſaque ora penitus obſita eſt denſiſſimis nemoribus arborum Maguium (Galli vocant *Appariuriers*) quæ ramis ita inter ſe connexæ ſunt, ut inſtar vepreſ oram obſepiant; (præterquam quod littoris arena veſtigia hominum hauriat) & allabentes in terram penetrare prohibeat.

Quum itaque ora utrimque & ad ipſam inſulam ita ſe habeat, reſtant tantum duo ad ſinum & Inſulam aditus, unus inter Promontorium Arborum ſiccarum & exiguum illam inſulam *S. Anna*; qui & ipſe non vacat diſcrimine, & etiam à gnaris necitur, neque tamen majora navigia ulterius aſcendere poſſunt quam ad hanc Inſulam, minoribus autem ad magnam inſulam licet promovere. Alter adiens ab altero *S. Anna* latere nuper inventus fuit, majoribus quidem navibus idoneus, ſed non ſine peritiſſimo nauclero & certis tempeſtatibus tentandus. Incolæ majoris Inſulæ Maragnan, vocant pagos ſuos *Oc ſive Tave*, qui tantum conſtant quatuor grandioribus domiciliis, inſtar clauſtri quadrangulati forma conjunctis, ita ut amplam aream in medio concludant: Sunt autem ut plurimum ducentos nonnumquam & trecentos, atque etiam quingentos paſſus longa; & viginti quinque aut triginta pedes lata; compoſita è vaſtis arborum truncis & ramis inter ſe connexis; à ſolo ad faſtigium Palmarum foliis adverſus ætris injurias tecta; Palmæ arbores, ipſis dicuntur *Pindo*, naſcunturque hic paſſim in ſylvis maxima copia.

Horum pagorum numerantur in hac majori inſula ſeptem & viginti, diverſæ magnitudinis; qui ab inſula *S. Anna* appellentibus primo aditur, dicitur *Timbohu*; proximus *Itaparii* à tribus piſcinis quæ adjacent; tertius *Carnoupiop*; quartus *Ewayne*; quintus, *Ira-Endave*; ſextus *Aroſove-leuwe*; ſeptimus *Pindotune*; octavus *Ova Timbooup*; nonus & maximus *Iuniparan*; decimus *Toroiepeep*; undecimus *Ianouarem*; duodecimus *Ovarapiran*; decimus tertius *Coyenp*; decimus quartus *Euſſa-onap*; decimus quintus *Maſacana Piſſe*; decimus ſextus *Taperonſou*; decimus ſeptimus *Torooup*; decimus octavus *Aketewve*, decimus nonus *Carana-uve*; vigeliſimus *Ieureu*; vigeliſimus primus *Eucaton*; vigeliſimus ſecundus minor *Ieviree*, vigeliſimus tertius *Onry-Ovaſſuepe*; vigeliſimus quartus *Mayone*; vigeliſimus quintus *Pacoury-Euie*; vigeliſimus ſextus *Euapar*; vigeliſimus ſeptimus *Mernouty-Euwe*. In hiſce pagis interdum ducenti aut trecenti, interdum & quingenti aut ſexcenti reperiuntur incolæ; ita ut Gaſſi judicent Inſulam tum à decem aut duodecim millibus fuiſſe habitatam.

Insula Maragnanæ Cæli solique qualitates.

COELUM in hac insula plerumque sudum, diesque ut plurimum sereni: nullum pene frigus aut immodicæ siccitates: rarissimæ nebulae aut vapores valetudini habitantium noxii: nullæ tempestates aut ventorum turbines: nullæ nives aut grandines; infrequentia tonitrua, nec nisi pluviis mensibus; fulgura nonnumquam sub vesperam, atque etiam matutino tempore, cælo vel maxime sereno.

Sola autem à Tropico Capricorni, ad Cancrī Tropicum revertens, in omnibus hujus plagæ regionibus, pluvias præ se agit, quadraginta ut plurimum diebus antequam supra verticem ascendat, & postquam zenith illarum superaverit, duobus aut ad summum tribus mensibus hic continuo pluit pro clymatum diversitate; in hac vero Insula ab exitu Februarii ad initium aut medium Junii. Post solstitium autem æstivum, sole versu Capricorni tropicum regrediente, venti ab Orientali plaga (*Brisas* vocant vulgo) excitantur, & quo propior ad illarum zenith accedit, eo intentius; quo vero longius abjerit, eo remissius perflant; oriuntur fere post crepusculum, hora videlicet septima aut octava matutina, & quo magis sol supra Horizontem elevatur, eo vehementius spirant: post meridiem sensim remittunt, & sole Occidente spirare desinunt. Nec tamen aliis in hac insula & vicina Continente ventus sentitur quam ab Orientali plaga, quo & æstus egregiè temperatur & aër imprimis salubris efficitur. Quumque hæc insula tam exiguo intervallo distet ab Aequatore, æquabili dierum noctiumque discrimine, atque uniformi aëris temperamento gaudet per totum pene anni tempus: nec ullum clyma jucundius aut habitationi hominum accommodatius facile posset reperiri.

Solum hujus Insulæ licet undique circumcingatur à mari, nihilo secius abundat fontibus & scaturiginibus, dulcium, limpidissimarum & saluberrimarum aquarum: pluribusque rigatur rivulis: adeoque fecundum est, ut licet numquam stercoretur aut interquiescat, tamen Mayzium (quod incolæ hujus Insulæ vocant *Avattii* intra tertium mensem ex quo satum est reddit ingenti fenore, idque aliquoties singulis annis. Radices *Manios* quibus pro farre vulgo utuntur celerrime in magnam accrescunt molem: melones maturantur intra secundum à satione mensem, colligunturque pene omnibus anni mensibus: reliquorum fructuum similis est ratio.

Porro quæ mercium loco ex hac Insula & Continente peti possunt, hæc fere sunt: lignum Brasiliense, itemque croceum & aliq: Gossypium, *Rocou*, id est; tinctura quædam rubra, quæ maxima hic passim copia reperitur; Laccæ quædam species: & Balsamum, quod Abbæ villanus, quem hic sequimur, cum Arabico componit; optimæ notæ Tabaccum; Piper sive *Åxi*, & similia. Qui autem telluris dotes accuratius explorarunt, Sacchari cannis alendis vel maxime idoneum arbitrantur. Ad oram autem maris non raro reperitur Ambar, ut vocant griseum.

Nec gemmarum effata est tellus; reperitur enim in terræ visceribus jaspidis quædam, ut volunt, species, è qua lapillos illos, quos labiis suis inferunt, solent polire: item CrySTALLI candidi & rubicundi vena, quæ adamantes, quos Galli vocant Alenizonios superat duritie, & plures ejus generis gemmæ.

Quæcunque ad ædes fabricandas necessaria sunt, passim reperiuntur, materies dura atque firma, lapides peridonei, argilla quoque ad lateres coquendos aptissima, camentum denique & calx.

Denique nec patentiores campos obtinet hæc Insula, nec in vastos aut altos montes astringit, sed modicis tantum collibus erigitur, ad quorum radices limpidissimi fontes exsiliunt, qui planiciem rigant; & non paucos rivos atque torrentes prouenerant; barbarorum quoque lintribus navigabiles. Cætera densis arborum lucis obstita sunt (inter quas Palmæ eminent, utimox dicemus) magno venatus & aucupii compendio.

Arbores fructiferae quae in hac Insula reperiuntur.

Hæc insula habet plerasque fructiferas arbores cum reliqua Brasilia communes, quas jam supra descripsimus, ita ut pene supervacaneum videri possit easdem hic denuo attingere; verum quum nomina nonnihil differant, & notæ quædam diligentius ab Abbævillano videantur observatæ, lectoribus haud ingratum fore existimo, easdem hic secundum illius observationes describere. Inter illas
 10 *eminet Acayon* proceritate atque caudicis crassitie pomos aut pyros nostrates plerumque superans; folia nucum frondibus haud absimilia; flores exigui, roscidi & non inegantis odoris, qui à longinquo sentitur; fructus fert diversarum formarum, & colorum. Nam alius est pyro similis, colore ubi maturuerit flavo exterius, interius candida carne & succi plena; cui nux quædam succrescit, renis ovillæ forma, durissimo putamine & oleoso, ita ut facile flammam concipiat, nucleo instar amygdalæ. Alter magis rubet, sed acidiori est succo. Tertius longe minor atque acidior, è quo acetum conficiunt. Quartus longe maximus, gratissimique saporis, vocant *Acayou-Ovassou*: omnes autem incipiunt maturescere mense Martio atque Aprili, & fere omnibus anni mensibus. Barbari exprimunt ex illis liquorem quandam, quem vo-
 20 cant *Acayou-Caoum* candidum & potari pulcherrimum, palatoque imprimis gratum. Magna harum arborum hic ubique est copia, facillime enim succrescunt è nucleis, atque altero statim anno dant fructus. Sed plura de hac arbore diximus jam supra.

Bannanna procerâ arbor foliis prægrandibus, & supra cubitum longis & binos palmos latis: fructu cucumeris pene magnitudine, cortice croceo, sed carne albicante instar pomi.

Bannanna.

Mangua fructus fert prunis præcocius non absimiles, sed paulo majores & exos-
 ses, suavis atque optimi saporis. Supra descripsimus sub nomine *Manguaba*.

Mangua.

Iracaba arbor vasta & parula ramorum opacitate in vertice lasciva, foliis pene ficulneis; floribus flavis; fructu pyri formâ, cortice subflavo, carne intus sapida & opti-
 30 mi, ut credunt, nutrimenti.

Iracaba.

Ovaierova alta & vasta arbor, foliis quercus sed paulo majoribus, floribus dilute flavescens; fructum fert pedem longum & majoribus melonibus parem, extra & intus flavum, suavissimi & fragrantissimi odoris, sed exilibus & nigricantibus nucleis plenum.

Ovaierova.

Tunipap procerâ & ramosa arbor, foliis item quercus, sed duplo majoribus, floribus candidis, fructu rotundo instar pomorum; immaturus amarior est: barbari mastecant illum ut succum eliciant, qui licet limpidus sit atque albus, faciei tamen aut manibus illitus, paucis horis ita nigricat, ut atramentum videatur, neque ablui potest, sed post octo aut decem dies evanescit sponte; cutem suam hoc succo tin-
 40 gunt barbari. Ubi autem maturuerit, intus atque exterius flavescit & gratissimi est saporis. Supra eandem arborem descripsimus *Tanipabe* nomine, hic autem Iconem addimus ex Clar. Viri Caroli Clusii exoticis.

Tunipap.



Agoutireva, vasta arbor foliis aurantiorum, sed latioribus; floribus roscidis, fructu

Agoutireva.

fructu amplo, cortice viridiorè, intus concludit exiles acinos instar grānatorum, dulces & palato non ingratos.

Araticou foliis & floribus præcedenti non dissimilis, sed fructu paulo majori, optimi saporis & jucundissimi odoris.

Caoup frondibus pomi, sed magis patulis, floribus è luteo & rubro mixtis; fert fructum aurantio malo forma atque sapore haud dissimilem, nucleis plenum.

Euvavirap procera & vasta arbor, frondibus perexiguis, floribus rubicundis, fructu exili, qui unam crispam tam mole quam figura non male refert.

Ama-uve cum ficu, tam foliis, quam fructibus omnino videtur convenire.

Goyave sine *Morgoya* fruticis species, quæ arbores complectitur, foliis campanella, flore eleganti & palmum lato, echinatis foliis & stellæ in modum diductis, purpurei coloris; fructum fert ovi magnitudine, sed rotundiorè, plenum granis, & cortice è viridi & luteo mixto; grati si coctus fuerit saporis: quare & saccharo conditur.

Ovacou-tii Palmum quatuor species hic reperiuntur; prior dicitur *Onacourij*, quæ vera Indorum palma, ferens folia *Pindo*, quibus tuguria sua contegunt: nuces fert oblongas ovis anserinis forma & magnitudine pares, putamine ligneo, quatuor aut quinque nucleos continente, oblongos; grati saporis, è quibus barbari suavissimum atque optimum oleum exprimunt. In ipso autem arboris trunco reperitur medulla candida, pro arborum mole major minorve tibia humana, *Oumcouy-rovan* vocant barbari quæ cruda coctaque inter cibos usurpatur.

Altera species appellatur *Meuruty-uve*, quæ fructum itidem fert ovi magnitudine, cortice exterius rubicundo & nigris maculis distincto, intus rubro; qui unicam tantum nucem continet, dulcem atque edulem.

Tertia dicitur *Ynaia* frondibus & caudice præcedentibus similis, fert fructus suos racematim, magnitudine olivarum, ducentos nonnunquam & trecentos uno racemo, ita ut unus singulis racemis ferendis vis par sit.

Quarta species, *Carana-uve* folia fert parula, instar flabellorum, quibus fœminæ solent uti, fert autem fructum pruno damasceno non absimilem.

Forte & ad hanc Palmatum classẽ referenda est arbor, cujus tantum fructum accepimus quem hic exprimendum curavimus, durissimo & ligneo putamine, quo 30 dux nuces continebantur ea mole, quam in Icone adjuncta videre est.



Toucon-uve duabus priotibus palmæ species, foliis haud absimilis, verum aculeatis, qualis & truncus illius atque rami, medulla intus nigra & dura, barbari utuntur illius

illius materie ad arcus & clavas suas. Fructus illius proveniunt racematim, vocant *Tacons*, rotundi, & ubi maturuerint exterius flavi, nucleo albo & suavissimo.

Pacoury procera & vasta arbor, pomi frondibus, flore albo, fructu duorum pugnorum magnitudine, cortice dimidium pollicem crasso, qui coctus aut saccharo coditus, imprimis celebratur; cum tinet præterea binos aut ternos nucleos haud insuaves.

Vva-ouassoua ingens arbor, frondibus pyri, floribus candidis, fructum fert *Pacoury* non absimilem, cute flava, dulcis saporis, osse interius facto ad persicorum modum, nucleu amygdalis paulo majori & ejusdem saporis.

Wamenbec, magnitudine, frondibus, floribus atque fructibus à pomo non multum abludens; fructu croceo & delicato; sed nucleus non manditur ob insignem acrimoniam qua pollet.

Copovich-ouassou pyro frondibus & fructu admodum similis, nisi quod fructus oblongior sit & flavior, & tria intus ossicula perdura continet.

Copovich-ajoup pruni arboris mole, frondibus castaneæ, floribus candidis & luteo colore mixtis, fructum fert instar minoris pomi, flavum, ossiculo intus exiguo, nucleu autem eduli.

Acaja ingens arbor, foliis pyri, floribus rubicundis, fert fructum instar minoris pomi, sed oblongiori forma & acidioris saporis.

Tacaranda pruno arbori admodum similis, sed foliis latioribus, flore candido; fert fructum duorum pugnorum magnitudine, & ubi coctus fuerit, edulem: barbari coquant ex illo pulmentum quoddam stomacho imprimis amicum & salubre quod vocant *Manipoy*.

Onbou Mangæ foliis similis, fructus fert persicis non absimiles, intus & extus plane luteos ubi maturuerint; nec edules sunt nisi quum sponte decidunt ob egregiam aciditatem, horum supra quoque meminimus.

Pajour fert fructus similes præcœcibus, licet arbor longe sit minor.

Vva-Cave pomi arboris magnitudine, frondibus aurantiæ, flore subcroceo; fert fructum oblongum instar ovi, flavum & palato gratum.

Pitom mole, frondibus, & fructibus pruno similis, sed fructus suavior est. *Avenonborib-Acajou* pomo valde similis, sed fructus illius magis similes sunt prunis, nisi quod crocei sunt coloris, suaviori sapore; ossiculo perexiguo.

Tachica pruno admodum similis, floribus flavis quidem, sed fructus illius prunis omnino sunt similes, lutei coloris, nucleu candido & suavi.

Præterea *Cayoven* & *Maukai-ene* quæ parum differunt à præcedentibus.

Ovagiron nascitur ut plurimum in arenis ad litus, nec adolescit supra fruticis modum, fructum fert instar majoris pruni, rubri coloris.

Morecii itidem amat arenosum litus, fructus illius acrioris est saporis.

Amyjou, pyri folia obtinet sed oblongiora, flores candidos; fructum fert pomi magnitudine, & instar cucumerum tuberculis plenum, sapore persicorum.

Mouroure non multum quoque abludit à pruno, flores fert luteos, fructus instar ceraforum, longis pediculis, ossiculo exiguo, carne crocea & suavi.

Vva-vytou folia fert oblonga, flores cæruleos, fructus aurantiis haud absimiles, nisi quod suaviores sint.

Vva-pirup arbor valde aculeata, foliis juglandis, floribus è flavo, cæruleo & rubro colore eleganter distinctis; fructum fert instar pomi orbicularem & mensis pergratum, sed non nisi pluviis mensibus decerpitur.

Omery fructum fert magno pyro, *Arasa* parvulo pomo similem; qui inter optimos fructus, ubi plene maturuerint, facile primum locum flagitant.

Pekey truncus interdum ita crassus est, ut vix trium quatuorve hominum complexu ambiri possit, fert frondes pruni, fructum duorum pugnorum, cortice crasso duroque, qui intus continet tres quatuorve fructus luteos, forma renis, optimi odoris, & saporis non ingrati, osse admodum aculeato. Vide quæ supra de eodem diximus.

Plures alias brevitatibus causa omitto; atque harum etiam nomina, quæ jam retuli nonnihil mutata suspicor à Gallis, qui literam W, hisce nationibus uti videntur perfamiliarem difficulter proferre & difficilius scribere possunt; descriptiones

nes autem harum, cum iis quas libro superiori produximus, omnino conferendæ sunt, ut quid simile aut dissimile habeant, melius appareat.

C A P. XII.

Herbæ aliquot atque Plantæ hujus Insulæ Maragnanæ.

INTER omnes hujus Insulæ plantas facile principem locum meretur Ananas, cujus fructus jam ante aliquoties meminimus & Iconem dedimus.

Proximum locum sibi vindicat *Karouata*, priori non multum absimilis, nisi quod folia producat fere ulnam longa & duos pollices transversos lata, crassiora & utrimque valde aculeata, è quorum medio erumpit scapus, cui circiter duos palmos supra solum, confertim annascuntur quinquaginta & interdum longe plures fructus digitalis longitudinis, pyramidis triangularis in modum, intus atque extus flavescentes, optimi saporis & palato pergrati. Nactus ejusmodi fructus satis recentes ex insula *Tabago*, unum integrum & per medium sectum pingi curavi, cujus Iconem hic appo-

no. Nostrates vocant *Slystongen*, Galli *Cypreeville*. Plenus autem est fructus spongiosa quadam materia & plurimis ossiculis sive seminibus minutis, succus illius ex acri dulcis est, gratus palato, sed si quis vescatur, sanguinem elicit è lingua atque gingivis, unde nostri nomen indiderunt: utiliter adhibetur in febribus, & adversus scorbutum; fructus suos incipit protrudere postquam pluviz desinunt.

Tarammacaru mirabilis & pene monstrosa est planta, assurgit enim ad decem aut duodecim palmos, tibie humanæ crassitie, spargitque ramos tres quatuorve ejusdem magnitudinis; caule verum adeo est tenero, ut per facile sit aliquot plantas simul gladio detruncare; cortex est viridis, medulla autem candida, nulla fert folia sed spinas digitales; florem fert miniatum cæruleo colore intermixto, cui succedit fructus pugni magnitudine, exterius eleganter rubens, intus candicans, exiguis granis, quæ una comeduntur, scatens, suavis atque gratissimi saporis, qui à fragotum nostrorum sapore nihil differt.



Gyromon planta foliis & floribus Angurie (quam vulgo Citrulū vocant) pene similis; fructu rotundo & depresso, tenerissimo cortice; qui coctus utiliter mensis inferretur.

Taker sive *Kaker* præcedenti pene similis, nisi quod fructus illius est oblongior & major & cortex longe durior.

Vva-eeen melonum species videtur, fructum fert magnitudine capitis humani, exterius late virentem, intus solidum, carne candida & nigris granulis permixta, succi suavissimi & pergrati plenum, ita ut crudus instar pomorum comedatur: per medium dissectus plane liquefcit & diffunditur instar aquæ; si vero tantum excavetur statim implet lacunam dulcissimo liquore, ita ut mirum in modum recreet.

Commanda Ovasson sunt ipsorum fabæ, maximæ & planæ, & variorum colorum: *Commanda* autem *miri* ipsorum pisæ, magis oblonga, quam rotunda, & melioris saporis quam nostratiæ; interdum octodecim aut viginti inveniuntur in uno lobo sive siliqua. Supra audivimus è Lerio eisdem nominibus à *Tovoupinambautis* fabas atque pisæ appellari.

Radices quæ alibi *Patates* dicuntur, hic vocant *Tereuch*; Lerius atque Thevetus à suis barbaris *Hesich*.

Care sunt aliæ radices, solidiores quidem quam *Patates*, sed multo deteriores.

Taya-

Taya-ovassou radix est rotunda & candida instar rapæ, nostratis boni, si coquatur, *Taya* saporis.

Mandovi potius tuber est terræ, quam radix, Brasiliensis *Manobi*, Iconem vide ^{Mandovi.} supra credo enim eandem esse plantam.

Manioch crassa radix plantæ quam vocant *Manicup*, folia profert ficulneis haud absumilia, barbari farinam ex hac conficiunt, qua pro farre utuntur. *Macaches* & *Manioch-ete* itemque *Manioch-cave* radices sunt ejusdem pene speciei & usus, quæ parum inter se differunt: quemadmodum & *Vsenpopovitam* quæ rubro est colore.

10

CAP. XIII.

*Varie volucres quæ in hac Insula & vicina
Continente reperiuntur.*

INGENS præterea in Insula hac Maragnana & Continente illi vicina reperitur omnis generis volatiliû copia & varietas, quarum aliquot & commentariis Abbævillani Galli, hic breviter descripturi sumus, nequid temere prætermittamus.

Inter feroces aves & quæ raptò vivunt, primum locum merito sibi flagitat *Ovyra-ovassou* (observandum autem quod Leriù scribit, barbaros *Tovoupinambautios* universas aves uno & communi nomine appellare *Oura* sive *Ouyra*) avis aquilâ pene duplo major, plumis vestita elegantissimis, tanto autem robore atque ferocia, ut ovem integram abripiat atque dilaniet; homines facile prosteruat, & nec à cervis abstineat: memini me videre pennam ex alis, uti opinor, hujus avis detractam, quæ ulnam nostratam longe superabat, elegantissimo colore & rotundis maculis distinctam, instar gallinarum quæ ex Africa advehuntur: rostrum quoque ejusdem validum, & unguis imprimis acutos.

Huic proxima viribus & magnitudine *Ovyrata-Ovyran*, & *Ovyra-Ovasso Povystan* aliæque plures ejusmodi rapaces aves aquilis aut majores aut paulo minores, singularis adhæc formæ, & plumis variorum colorum eleganter distinctæ.

Phitracorum itidem ingens numerus atque varietas hic passim reperitur.

Moyton sive *Mouston*, (cujus & Leriù meminit,) avis est pavonis nostratis magnitudine aut paulo major, prææta crista spectabilis & per univèrsam pene corpus nigris albisque plumis eleganter variegata, carnes illarum cibo sunt opportuna; hujus quoque avis variæ videntur hic species.

Moyton.

Aliæ item aves phasianis Europæis persimiles, quas barbari hi *Iacou* & *Iacon Obough* ^{Iacou.} atque etiam *Aracouan* vocant, mira plumarum varietate & decore. Leriù meminit earundem, in suis commentariis.

Aliæ perdicum formâ, sed majores paulo, quas *Nanbou* & *Nanbou-Ovassou* appellant, cæruleis plumis ornatae atque ova itidem cærulea ponentes; itemque *Nanbou-im* & *Macoucaoua*, uti & Leriù scriptum reliquit.

Toucan (cujus Leriù atque Thevetus meminerunt) palumbi magnitudine, rostro oblongo atque lato, ingluvie sub pectore, tres quatuorve digitos transversos lata, crocei coloris elegantissimi & miniatis plumis circa oras distincta, pectore candido, dorso exquisitè rubenti, alis atque cauda nigris; pulchra aspectu, & carne palato admodum grata; hujus & alia species appellatur à barbaris *Ovaycho*, cui rostrum est paulo diversum & è rubro flavescens. ^{Ovaycho.}

Ouyrou perdicis quidem magnitudine, sed galli gallinacei in modum cristata, plumis rubris, nigris atque candidis insigni varietate; aliaque ejusdem nominis, cothurnici nostrati admodum similis, sed longe majore corporis mole.

Tata Ouyra-Ovassou & *Tata Ovyra miri*, itemque *Aroumara* singulæ columbarum nostratarum magnitudine, sed singulari plumarum varietate & elegantia. ^{Tata.}

Quædam minime molis aviculæ hic reperiuntur papilionibus nostratibus haud multo majores, quas *Iapyii*, & *Ovenonbouch* vocant barbari indigenæ; de quibus ante satis multa diximus.

Vespertilioes hic videntur admodum grandes, barbari vocant *Anahewa*, quæ magni

magnum strepitum inter volandum cient, & noctu homines ita laesinant & mordent, ut largum sanguinem eliciant qui quàm difficulter interdum sisti potest; ita ut inter lues harum Provinciarum merito numeretur.

Aquaticarum sive palustrium volucrum ingens quoque hic est copia, inter quas celebrantur à barbaris *OVARA-Tamarian*, & *OVARA-Caon*, Eloriis, quos Galli *Corlieu* & *Corlis* vocant, similes, nisi quod plumarum elegantia plurimum ab illis differant; magno autem numero visuntur juxta littora, rarius intra Continentem.

Sunt & hic aves quædam quæ magis supra terram feruntur, quam volant; quælis illa quæ à barbaris vocatur *Tandou*, struthiocamelorum, uti videtur, species & proceritate corporis staturam humanam superans, maximæque velocitatis.

Et *Salian* Turcici galli magnitudine, rostro & cruribus Ciconiæ, quæ licet volare nesciat, tamen tam perneciter currit, ut venaticos canes effugiat.

Gallos vero & gallinas Turcicas vocant barbari *Araignan*: communes vero & nostratibus pene similes *Ouira Sapoukay*.

Anseres autem vocantur barbari *Vpec*, nostratibus tamen longè speciosiores & carnibus palatogratoribus.

Anates itidem vocantur à barbaris hisce *Posiry*; palumbes denique *Picassou* & columbæ *Picassoutin*: non multum differunt à nostris.

C A P. XIV.

Pisces marini & fluviatiles qui in hisce partibus reperiuntur.

MA RE quod hanc Insulam alluit atque flumina quæ in sinum descendunt valde piscosa esse dicuntur; nos aliquot piscium genera ex Claudii Abbævilani commentariis hic annotabimus.

Manatos de quibus alibi diximus, vocant hie barbari *OVARAVÀ*.

Pyraon. *Pyraon* ipfis dicitur piscis edulis, sex septemve palmos longus, doliari amplitudine, squamis autem nigris & grandioribus tectus.

Pirapem sive *Camanrouporvi* alius piscis ejusdem quidem formæ atque molis, sed squamis longe minoribus.

Ouyrii. *Ouyrii* piscis tres quatuorve pedes longus, lato capite; binas habet in dorso pinnas circiter semipedem longas longeque acutissimas, quarum punctura admodum noxia esse dicitur, cætera præstantioribus piscibus merito accensendus; horum nonnulli in fluminibus reperiuntur qui muscum dicuntur redolere.

Oury-Jouwe præcedenti perisimilis præterquam quod colore sit luteo.

Ouaracara Alofæ nostrati perquam similis, sed spinis multo rarioribus, ideoque & melior & palatogrator.

Ouatoucoupon barbaris crustaceus est piscis, duos circiter palmos longus, capite flavo, & cibus idoneus.

Paraty & *Pira-cuvave* similes sunt nullis: *Lerio Paraty* & *Kurema*.

Camboury Ouassou, quatuor circiter palmos longus, capite porcino, cauda flava, squamis undique tectus.

Yave-bouyre. Planorum, ut vocant piscium multæ hic reperiuntur species: *Yavebonyre Rayx* quidem forma sed longè major, duos cubitos longus latusque, & palmum crassius, cauda sesquicubitum longa & aculeo circa medium armata, acutissimo & valde venenato.

Narinnari ejusdem speciei, cauda quidem breviori, sed aculeo longiori, & totum corpus nigris albisque lineis distinctus.

Ovara. *Ovara* ejusdem speciei, duos ut plurimum palmos longus, unum latus, argenteo colore nitens, pinnis vero flavis sive croceis.

Acara. *Acara-Ouassou* ejusdem quoque speciei, tres palmos longus & pene totidem latus, nigris squamis undique tectus: *Acara-peve* præcedente paulo minor: & *Acara-poytan* præcedenti similis, sed nigris albisque lineis pictus: *Acara-pouvorou* lineis flavis eleganter variegatus, cætera nigricans: *Acara-jou* denique unum tantum palmum longus, squamis opplerus, capite viridi, superiori quidem parte corporis flavus, inferiori vero pene candidus.

Aramassa. *Aramassa* ejusdem quoque speciei, solex nostrati non absimilis, duos palmos longus,

longus, & tres digitos transversos crassius, ventre candido, dorso nigro; ferunt cibis perquam idoneum esse, unde magni sit à barbaris.

Araovaova octo interdum palmos longus, cute dura atque aspera, gladium habet duos tresve pedes longum, rostri loco, quo alios pisces trucidat: & *Panapan* præcedenti similis, nisi quod gladius huic sit brevior.

Pacamo glaber piscis, colore griseo, duos quidem pedes longus, sed vasto admodum capite pro mole corporis, sub scopolis plerumque reperitur; uti & *Caramourou* anguilla similis, cujus jam ante mentionem fecimus.

Tinmoco *Ovassou* anguilla itidem forma, sed euge albicante duos vel plures cubitos longus, rostro Lucio nostrati non absimilis, quod palmum unum longum obtinet. Tinmo. cbu.

Panyanajou præcedenti similis, nisi quod superior rostri pars ipsi aliquantò longior sit quam inferior. Inter fluviatiles pisces maxime admirandus videtur *Pourake*, quatuor interdum palmos longus, diversis coloribus, cæruleo, rubro, viridi atque albo elegantissimè variegatus, nullos ictus meruit ne quidem gladii, sed si se inter vapulandum commoveat, ferientis brachium tam acri dolore afficitur, ut interdum concidat; ita ut *Torpedinis* speciem esse oporteat.

Caurimata carpis admodum similis, sed longior latiorque, & inter præstantissimos harum regionum pisces facile princeps. Caurimata.

Tacoda piscis tres palmos longus, crustis undique testus, & flavis, rubris, albisque lineis eleganter descriptus. Yacoda.

Pyrain palmum longus, semipalmum latus, sine crustis, sed flava atque rubra cute spectabilis, dentibus acutissimis instar novaculae; quibus & *Opean* alterum piscem ad eundem modum armatum scribunt.

Tarebure similis *Paraty*, nisi quod spinosior sit, dentes habet acutos; quemadmodum & *Ierou*, cui caput rotundius & cærulei coloris, cauda rubra. Tarebure.

Tamoata semipedem longus, plenus crustis, carne flava & boni saporis.

Sarabo non absimilis lampetræ, nisi quod latior sit & longiori rostro.

Hic quoque multæ & diversæ reperiuntur cancorum; asacorum & gammorum species; quorum alias *Ovegnomioin* vocant longis & cæruleis chelis; alios *Oussa* hirsutis pedibus & rubris, qui plerumque in terram erepunt & fere sub radicibus littoralium arborum, quas Galli vocant *Apparituriers*, inveniuntur. Tamoata. Sarabo.

Ouca *Ovassou* astaci majusculi, qui sub Petris una cum ostreis capiuntur. Ouca.

Aovara *Ovassou*, sunt cancri albi, pugno humano paulo majores, qui ambar griseum avidissime appetunt, ita ut magna illius frustra sæpe in cavernis illorum deprehendantur.

Ouararap asacorum itidem species, qui in fluminibus tantummodo reperiuntur: Crocodilos hi quoque barbari vocant *Tacare*, & reperiuntur hic prægrandes.

Plurima quoque hic sunt ostrea, nostris majora & præstantiora, barbari suo idiomate appellant *Rerii*, adhærent ut plurimum ramis littoralium arborum: mytilos vocant ipsi *Xerourou*, & sunt nostris longe majores, quibus barbari communiter victitant; & ut cibum facile parabilem, unice amant. Ouca.

Pluviis mensibus hic multa stagna fiunt, in quibus pisciculi quidam generantur circiter palmum longi, & palato pergrati, qui à barbaris capiuntur, antequam stagna rursus siccentur, quod sit pluviis cessantibus: pluviis redeuntibus & aqua illa rursus restagnante hi pisciculi denuo sponte renascuntur, ratio naturæ miraculo.

C A P. XV.

Quadrupes hujus insulae & vicinæ Continentis.

QUADRUPEDVM ingens hic reperitur numerus, nos tamen tantum aliquot species, & maxime peregrinas designabimus, siquidem plerarumque jam libro superiori meminimus è Ioanne Lerio & aliis.

Cervi hic sunt plurimi nostratibus omnino similes, barbari vocant *Sovassou* *Aperi*: infinitæ quoque capræ sylvestres: plures apri, vocant *Tajassou*, nostratibus tamen minores, & umbelico supra dorsum, habent tamen & nostratibus paulo majores, quos ipsi appellant *Tajassou* *etè*.

Herinaceos, quos vocant *Coendou*, habent longe maximos & aprorum pene mole, longissimis & acutissimis spiculis armatos.

Taman-
dova.

Lis. c. f.

Tamandua animal est equi nostratis mole, capite suillo, auribus caninis, proboscide palmum longa & acuta, lingua longiuscula & angusta; jubeis pene equinis, pedibus autem bovis; victitat formicis: caro illius palato ingrata, ideoque raro comeditur à barbaris. Supra descripsimus sub *Tamandua* nomine secundum Leriū, sed *Abba* villanus longe majorem molem hic illi tribuit.

Tapires est sunt instar agrestium vaccarum, auribus quidem longioribus; sed brevioribus cruribus & cauda, acutis insuper dentibus, sine cornubus. Bezoar lapidem tantopere laudant intra illius viscera reperiri tradunt, hujus autem animalis superior quoque libro jam meminimus.

Tatou.

Tatou, Hispanis *Armadillo*, jam ante descripsimus; hic tantum monebimus ex *Abba* villano, hujus animalis plures in hisce partibus reperiri species, quæ mole tantum differunt.

Taton-Ovassou nimirum quæ magnitudine accedunt ad oves nostrates: *Taton-este* quæ mole vulpeculas haud multum superant; denique *Taton-apor*, *Taton-Ovainchun*, & *Taton-miri* animalculum omnium horum longe minimum.

Covaty.

Covaty accedunt quam proximè ad vulpeculas nostras Europæas, sed cauda aliquantum differunt, quam *Covaty* quidem habent longe minorem, verum nequaquam ita hirsutam.

Pac.

Pac animal præcedenti paulo majus, totum teres, curto præterea & crasso admodum capite, exiguis vero auribus, cauda brevi, brevibus itidem villis & è nigro atque albo mixtis, grata varietate.

Agouty.

Agouty animalculum porcelli mole, capite quidem gliris, sed per brevi cauda, pilo porro denso & subrubro.

Tapity.

Tapity non multum differunt à nostratibus cuniculis; diversæ tamen reperiuntur illorum species: *Ponnare* qui sunt cauda semipedem longa; *Amoco* & *Savia* caudis omnino carentes.

Inter fera animalia eminet *Ianovare*, lyncis uti videtur, species, mole Anglici molossi, pulchra & elegantissime variegata pelle.

Sorassou-varan leonum pardorum genus & elegantibus notis insignis; & *Margia* feles sylvestres, pelle imprimis formosa.

Unau.

Unau monstruosum animal; capite nimirum rotundo pene instar humani, canis capillis: quatuor quidem pedibus, sed parum admodum illis prominere; & tribus ungulibus oblongis ad singulos digitos, quibus potissimum enititur & arbores scandit: à quibus non facile descendit, nisi frondibus & fructibus omnibus jam ambesit; adeo segne & pigrum in proreptando animal, ut pigritiæ nomen ab Hispanis ob id meruerit: leonem illius ex *Clariss.* Viri *Caroli Clusii* exoticis hic adjungemus.



Scitibit autem *Clusius* de hoc animali ad hunc modum: A collo ad extremam dorsum

dorsū partem, paulo plus quam duodecim uncias longum erat illius corpus, crassitudo vero sive ambitus pene totidem continebat: in vivo autem animali longē majorem fuisse, non est dubium: collum ipsum sex uncias longum erat & quatuor crassum, comprehensus etiam ipsis villis: anteriora crura ad pedum (quos planos habebat instar ut-
 10 sorum aut simiarum) usque flexuram, septem unciarum longitudinem superabant; posteriora autem sex cum semisse duntaxat longa, ut anterioribus ferē integrā uncia essent breviora: anteriores pedes à flexura ad ungues usque, trēs uncias erant longi, posteriores autem ejusdem pene longitudinis, utrique tamen valde angusti, licet plani, ut mirum videri non debeat, si cum difficultate subsistere & progredi queat: sin-
 20 guli vero tribus contiguis unguibus binas uncias cum semisse longis albis & valde mucronatis præditi, prona quidem parte arcus instar elatis, supina autem sive inferna carinatis: universum corpus à summo capite ad ungues usque, densissimis, iisque pro-
 ximis villis erat oblitum, coloris partim nigri, partim cineracei pene, ut meles, quem vulgus Tassum vel Taxum appellat, mollioribus tamen, atque à collo secundum dorsū longitudinem usque ad posteriora pene crura, nigrorum pilorum quadam serie erat insignitum: totum collum à cervice ad anteriora usque crura veluti juba quadam nig-
 30 rorum crinium in utrumque latus propendentium tectum habebat. Caput exiguum, brevibus pilis subruis oblitum, cum menti & gutturis parte: rostro simiam quodam-
 modo referebat: breve enim, glabrum & obtusum, simisque naribus erat præditum,
 40 exiguis etiam dentibus, satis tamen latis: quum vero rictum amplum non habear, hoc animal vix mordere posse mihi persuadeo. Hæc ille.

Infinitus pene reperitur hic numerus simiorum & cercopithecorum, varia mole & diversis coloribus, & quidem inter eos miro ingenio & astu: barbari vocant *Ouarive*: item *Cay-Ovasson*; *Cayon* nigro villo & candida longaque barba. *Cay-miri* & *Sapaïou*, minores sed elegantes: *Tamary* minimi sed pulcherrimi: *Marittina*, *Ioupara* & *Sagovy* argenteo colore, omniumque quidem minimi, sed formosissimi.

Canes suos venaticos vocant barbari ipsis, *Ianovare*, nostratibus quidem paulo minores, sed venationi vel maximè idoneos.

Inter Angues præcellit *Boy-ete*, interdum duas & plures orgyas longus, pelle ele-
 30 ganter picta; tantum quatuor ipsi sunt dentes, verum tamen acutissimi: linguam habet duobus veluti spiculis armatam, quibus horrendum in modum pungit, uti & cauda; vulnere plerumque lethali: verum quod & supra monuimus, ad extremitatem caudæ, vesiculam admodum tenuem ipsi asluit Naturæ auctor, quæ tam magnum strepitum edit, pene instar tintinabuli, quo monentur homines maturè de via decedere, ne ab angue hoc lædantur.

Reperiuntur hic & alii angues atque serpentes, lacertique, quos barbari vocant *Iouboy* & *Tara-gouyboy*, & *Tare-huboy*, quos tamen ipsi nonnumquam comedunt; quem-
 admodum & Bufones, (quos ipsi vocant *Conrourou*,) qui hic prægrandes reperiuntur.

Infestantur denique hic quoque ab illis pulcibus quas in Hispaniola vocant *Niguae*.
 40 hic autem à barbaris vocantur *Ton*: adversus hoc malum non uno remedio opus est; ipsi adhibent oleum palmarum, & *Roucou* atque *Oroucou*, notæ tincturæ speciem, de qua jam alibi diximus.

C A P. XVI.

Incolarum origines, mores & instituta, aliæque quæ huc pertinent.

B A R B A R I, qui jam hic incolunt, narrant, pene sub Capricorni tropico, amæ-
 nissimam provinciam jacere, *Cayeten* nomine (quasi dicas ingentem saltum).
 50 densis nemoribus procerissimarum arborum passim oblitam, quam majores
 eorum olim tenuerint, *Toupinamba* dicti, à virtute bellica qua vicinos suos facile ante-
 tebant: quare & hi eodem nomine hodieque vel maxime gloriantur. Portugalli ea
 parte Brasiliæ potiti, omnem dabant operam, ut hanc gentem subjugarent; sed illi ar-
 mis Europæis imparibus, primo in densa ne mora se receperunt: & quum ne hic quidem
 satis tuti essent, immensa terrarum spacia emensis, ad Oceanum usque; & in septentrio-
 nales has Brasiliæ provincias commigrarunt, ubi hodieque servato communi *Toupi-*
namborum nomine in plures cognationes sunt divisi & pro locorum quæ incolunt di-
 versitate,

veritate, vana fortuntur nomina; nam qui ad littus maris habitant *Paranan-Engovare* appellantur: qui super montem *Ibouyapap* ad eundem modum *Tbouyapap Engovare*; & ita quoque in cæteris prænomina accipiunt à locis quæ incolunt: ut à *Maragnan*; *Taboucouru*, *Miary*, & denique à *Para* provincia tam ea quæ ab hac Insulaverfus ortum jacet, quam illa quæ versùs occasum, de qua mox dicemus.

Narrant præterea qui inter barbaros sunt majores natu, ridiculum quiddam, nimium quum primum ipsi in has provincias commigrassent, & publicum symposium celebrarent, quod ipsorum idiomate dicitur *Caouen*, ingressam forte fœminam quandam, quæ pugno aliquem procerum cæcidet, unde primum rixa, deinde tam crudele certamen inter cognatos fuerit exortum, ut discordes inter se, alii huc, alii aliò concesserint: neque hæcenus potuerint reconciliari, sed yatiniano odio alii alios persequantur, ex insidiis opprimant, & inhumaniter commedant: Atque inde potissimum *Tabajarum* nomen apud ipsos originem accepisse, quo se invicem insultabundi compellare solent; sonat enim tantundem in ipsorum lingua, quàm hostis sum tuus, ut tu es meus.

Porro *Toupinamba* hi, ut plurimum mediocri sunt statura, (quanquam & proceri & obesi inter ipsos reperiantur:) limiis naribus, (quod obstericum opera aut vitio fieri autumant:) erecto corpore & robusto, ita ut gravissima onera facile ferant: rarissime tentantur morbis, quia ut plurimum parçè cibis utuntur, & cælo fruuntur amano & imprimis salubri, unde & longævi sunt sine canitie aut calvitio: fœminæ illorum servare dicuntur fœcunditatem ad annum octuagesimum & ultra: infantes nascuntur eodem quidem quo nostri colore, sed inficiuntur à parētibus oleo quodam cui *Roucou* color mixtus fuerit, atque inde sensim fusco aut olivastro colore evadunt. Capillum quidem capitis alunt, cæteros autem pilos universo corpore evellunt: mares attondunt cæfatiem supra frontem: fœminæ promittunt usque ad umbelicum, & in comis pectendis admodum sunt accuratæ; atque, ut elegantiorum colorem capillis concilient, tingunt denique illos *Roucou*, abluuntque deinde aqua, in qua radix *Ovupacari* cocta fuerit, quæ spumam edit instar saponis.

Mares consueverunt inferius labium perforare, & foramini indere viridem lapillum vel gemmam aut aliquid simile: quidam & nares perforant & indunt foraminibus officula aut etiam ligna quædam, atque id imprimis formosum judicant. Fœminæ autem auriculas quidem ad eundem modum perforant & appendunt rotulas vel orbiculos ligneos aut simile quid monilium loco, labia autem minime.

Utrique autem prorsus nudi incedunt, præter jam maritatos aut senes, qui pudenda sua panniculo aliquo catuleo aut rubro obvelant, supra femora alligantes funiculo gossypino, hoc velamen appellant ipsi *Carajove*. Cæterum totius corporis sui cutem pingunt variis coloribus & figuris; crura deniq; inficiunt colore nigro, succum lupinap illinendo: plurimi quoque mares acuto lapillo instar novaculæ, cutè sibi incidunt variis modis, & illinunt puncturis colorem aliquem pertinentem, ita ut nunquam evanescant, id singularis fortitudinis inter illos argumentum est, & maxime decorum existimatur. Supra modum quoque industrii sunt, in variis ornamentis industrie concinandis è diversicoloribus avium plumis, nam & diademata ex illis contextunt, quæ vocant *Acan-goop* sive *Acan-Assoyave*: & coronas, ipsis *Acan-getar*: itemque collaria, ipsis *Ajovacara*; atque adeo integra pallia, quæ nominant *Assoyave*: periscelides quoque, ipsis *Tabacora*: quas etiam è filis gossypinis componunt, & appendunt ipsis certas nuces, quibus lapillos aut quid simile indunt, ut strepitum edant, vocant *Aonay*: denique armillas, quas vocant *Mapovygh Cayay Chorave*, & ingentes cristas, ipsis *Iandou-ave*. Lectos habent pensiles è filis gossypinis connexos retium in modum, aut etiam contextos instar straguli, quos vocant *Tni*, & distendunt illos inter duos palos ita ut tantum unus aut ad summum duorum hominum capaces sint.

Loco panum aut farris utuntur farina è radicibus *Manioch*, *Mocachet* aut *Maniochete* confecta, quam vocant *Ovy*: è succo earundem coquant jusculum aut pulmentum, ipsis *Manipoy*; & è fecibus subsidentibus pinsunt placentas, quas dicunt *Cassave*: ex iisdem denique radicibus & pollentam quandam deducunt, ipsis *Cayman*.

Vescuntur præterea piscibus, avibus, & omnis generis animantibus, quæ super craticulam, *Boucan* ipsis, flammis torrent atque ustulant: potus ipsorum communis est pura lymphæ, aut quem supra notavimus.

Arma ipsorum sunt arcus, quos vocant *Ouyrapar*, & sagittæ ipsi *Oouwe* sive *Tao-vart*: crudelissimi sunt in hostes suos, nam & captos instar suum saginant, & saginatos crudeliter mactant atque immaniter devorant; vindictæ quippe supra modum sunt appetentes: & ut leves interdum ob causas bella vicinis suis indicunt, ita & pertinaci odio eadem gerunt; alioqui in cognatos & concives atque adeo advenas à quibus minime læli fuerunt, munifici & humanissimi.

Cæterum gentes hæ maxime amant littora Oceani & fluminum aut paludum ripas ob piscandæ opportunitatem, qua maxime capiuntur & quibus potissimum sibi vitulum comparant: neque tamen diu in iisdem sedibus commorantur, sed mutant sæpius loca, licet fere pagorum suorum nomina servant; Qui plura de horum barbarorum moribus & institutis desiderat cognoscere, adeat *Ioannem Lerium* aut *Andream Thevetum*, aut denique quem hæcenus hic sequuti sumus *Claudium Abbævillanum* *Capuchinum Gallum*; nos enim maxime animadvertenda hic adiunximus.

C A P. XVII.

Provinciarum Tapovytaperes & Commæ ad Continentem sitarum descriptio.

A Binsula *Maragnana* versus occasum jacet alia provincia, quæ pars est Continentis, quam barbari vocant *Tapovytaperen*, distat autem illa ab insula tribus aut quatuor leucis, freto interluente, quod in sinum *Marignanum* penetrat. Partem Continentis dicimus, nam licet quum Oceani fluctus valide impleverunt, tota ab undis ambiri videatur, tamen fluctibus recedentibus, cohæret cum Continente & tantum arenosa convalle ab ea dirimitur. Hæc provincia nequaquam tam munita est natura loci, quam insula, sed longe est fertilior atque amœnior.

Incolitur ab eadem *Toupinambarum* natione, qui hîc quindecim & plures pagos habitant, quorum præcipuos obiter commemorabimus. Præcipuus pagus & provinciæ veluti caput, vocatur provinciæ nomine *Tapovytapere*, quod ipsorum idiomate significat antiquam *Tapuyarum* sedem, qui aut sponte hinc emigrarunt, aut ab his pulsi alias sedes quæsierunt: secundus *Sery-jeu*: tertius *Ieneupa-eupe*: quartus *Meurenti-eupe*: quintus *Caogovire*: sextus *Pindotuve*: septimus *Arovvepe*: octavus *Tapavytiningue*: nonus *Eugarete-quitate*: decimus *Oraboutin Engovave*. Omnes autem hi pagi longè frequentiores sunt incolis, quam quas in Insula *Maragnana* recensuimus.

Ab hac provinciâ transitur ad aliam, quæ à fluvio, qui illam secat, *Commæ* appellatur: hujus iidem solum & fecunditate & amœnitate longè superat insulam *Maragnanam*; & provincia est longè populosissima, ab eadem natione *Topinambarum* culta, qui hîc sedecim & plures pagos incolunt; quorum nominatissimi sunt *Commæ* provinciæ veluti caput, à piscandi opportunitate sic dicta: II *Tanovaconare*: III *Tavapiap*: IV *Corvyjeup*: V *Arovypè*: VI *Tacovovaio*: VII *Pacouripanam*: VIII *Aovayewve*: IX *Maecan*: X *Couremaeta* qui pagus nomen accepit à *Couremam* fluminis *Commæ* ostio, quod ita à barbaris appellatur: XI denique *Tapievve*.

A *Commæ* ad *Cayeten* provinciam, quæ proxime ad *Param* accedit, & distat ab Insula *Maragnana* circiter octuaginta leucas, plures adhuc provinciæ habitantur ab eadem *Tanpinambarum* natione, præsertim juxta littora: atque adeo in ipsa *Cayeta* provincia viginti aut viginti quinque pagos dicuntur habitare: ita ut hæc natio magnum tertatam spaciū occupet. Maxime autem concordēs inter se agunt incolæ Insulæ *Maragnana*, *Tapovytapere* & *Commæ* provinciarum, federe & connubiis inter se juncti: continua autem bella gerunt cum vicinis *Tapuiis*; uti à nostratibus invenio observatum, qui anno c10 lxx *Maragnanam* adierant eodem tempore, quo *Raverderius* Gallus, primum lustrandi causa huc accessit, ut mox dicemus. Nam ut hoc obiter dicamus, non modo *Amstelodamenses* sed & *Rotterdamenses* mercatores, varias naves miserunt ad has partes annis ix & x & xi supra c10 lxx,

*Gesta Gallorum in insula Maragnana; & quae ab ipsis observata
de monte Ybovapak.*

RESTAT nunc, ut breviter explicemus quid Galli superiori saeculo in hisce partibus gesserint, prout à Claudio Abbavillano traditur.

Riffautius Gallus militum tribunus, à barbaro quodam Brasiliensi cui nomen erat *Ovyrapive*, quique in Brasilia inter populares suos plurimum poterat, invitatus anno c15 15 xciv tres naves instruxerat, ut fortunam in hac America parte periclitaretur; verum comitum suorum discordia, & praecipue navis suae iactura, re infecta in Galliam redire coactus fuit, aliquot suorum apud barbaros relictis & inter eos nobili juvene Domino *de Vaux*: qui barbaros urbanitate morum tantopere sibi devinxit, ut Gallorum coloniam in suam provinciam deduci anxie efflagitarent, uti & adversus hostes ipsos tuerentur, & institutis Europaeorum & praesertim religione Christiana imbuerent. *Vauxius* post illa in Galliam reversus, Regi Hentico magno, ordine exponit barbarorum desiderium, regionis qualitates & insignem opulentiam: Rex vero, ut certius cuncta edoceret, mittit Dominum *de la Ravardiere* & *Vauxium* hunc ad Insulam *Maragnanam*, futurum spondens, ut necessaria omnia ad hanc coloniam abunde subministraret, si res ita se haberent, ut ille retulerat.

Ravardierius, haud cunctanter Regis mandato obediens, adit *Maragnanam* & totos sex menses ibidem commoratus, & omnia diligenter contempletus, revertitur in Galliam; verum maximo hoc Rege, interim immani parricidio trucidato, cessatum porro usque ad annum c15 15 cxi, quo *Ravardierius*, inita societate, prius cum Domino *de Rasilly*, deinde & cum Barone *Sanffy*, ad iter se comparavit, impetratis à Regina matre quatuor Capuchinis; quorum unus fuit Claudius Abbavillanus, cui hanc narrationem debemus.

Solvit deinde è portu Britanniae, qui dicitur *Cancle*, decimo nono Martii anti à Christo nato c15 15 cxi cum tribus navibus; sed ab adversa tempestate rejectus in Angliae portum *Pleymoutham*, substitit ibidem ad vigesimum tertium Aprilis; dein secundam tempestatemactus, inter Fortaventuram & magnam Canariam transit septimo May; & undecimo ejusdem venit in conspectum *Rio del oro* ad Africae Continentem, quam deinde rasit pene ad ipsum Aequatorem; quo decimo septimo Junii jam quatuor gradibus superato, vela vertit, versus occasum & vigesimo tertio ejusdem mensis applicuit ad Insulam *Fernandi de Noronha*; ubi substitit ad octavum diem Julii: undecimo ejusdem viderunt Brasiliae Continentem, & sub meridiem sunt ingressi sinum *Moucourou*; unde secundum oram navigantes promoverunt ad Promontorium, ut ipsi vocant, *de la Tortue*, duobus gradibus & viginti scrupulis ab Aequatore versus Austrum.

Steterè hic in anchoris ad vigesimum quartum Julii, & vigesimo sexto demum attrigerunt insulam *S. Annae*, & denique applicuerunt ad ipsam Insulam *Maragnanam*: in qua arcem sunt moliti, loco maxime opportuno; nimirum super editum collem, juxta principalem hujus insulae portum, inter duos amnes, qui secus radices hujus collis dilapsi, egrediuntur in fretum: Machinae duae supra viginti in arce dispositae; eique nomen inditum *S. Ludovici*.

Dum militares homines hæc moliantur, operam dederunt Capuchini, ut barbaros principii religionis Christianae imbuerent, & aliquot baptizarunt: Claudius deinde in Galliam remeans aliquot barbaros secum duxit, qui publice Parisius magna solemnitate fuerunt abluci.

Gallos autem haud diu hanc insulam retinuisse, sed à Portugallis inde pulsos satis constat, sed quo pacto inde pulsi fuerint nondum inveni satis explicatum: videtur id accidisse anno c15 15 cxiv, quo Praefectus Pernambucensis *Hieronymum Albuquerque* cum valida classe misit ad has provincias subjugandas; is mense Octobri flumen *Perejam*, (quod supra diximus orientale ostium sinus *Marahhaon* aperire) ingressus, Portugallios, qui paulo ante oppidulum *Nostra Sennora del Rosario* ad ripam illius condiderant, ad se vocavit, & huc persuasit commigrare: quid porro actum sit inter

inter Gallos & Lusitanos mihi non constat; Satis liquet illos hinc exclusos & Lusitanos hic jam sedes suas collocasse & mirum in modum confirmasse, uti statim dicemus.

Conjunxerant se quoque Galli cum barbaris, qui in monte *Thouyapap* degunt, sed una cum barbaris hiæ ad eundem modum inde pulsi sunt à Portugallis.

Mons autem hic haud longe à Fluvio *Camoufi*, vaste attollitur, ita ut à radicibus ad verticem vix quatuor horis ascendi possit; sternitur autem illius jugum in latam & amœnissimam planiciem, quæ patet in longitudinem quidem viginti & quatuor milliaria, in latitudinem autem viginti: rigaturque, ut ferunt, à pluribus fontibus, atque adeo quibusdam amniculis, qui optimos pisces nutriunt; præterea in patentes campos & arva, atque umbrosa nemora grata varietate passim visitur distinctus: ita ut, quemadmodum Galli testantur, à frequentibus barbaris tunc habitaretur, & pagi supra ducentos hic numerarentur.

Idem narrant & alium, sed multo minorem montem huic vicinum, barbaris *Cotiora*, sex aut septem pagis cultum fuisse.

C A P. XIX.

Situs Maranhaon, & loca que à Portugallis hic tenentur.

SUPRA oram Brasiliæ hujus Septentrionalis descripsimus ex observationibus Lusitanorum, usque ad flumen *Peream*, seu primum aditum ad *Maranhaon* ab orientali plaga distat autem ab Æquatore duobus gradibus & quinque scrupulis, ut à diligenti nauclero inveni observatum, qui anno 1615 cum Tribu: no militum *Alexandro de Maira* has partes adnavigavit. Porro ab ostio hujus fluminis *Pereie* navigatur ad Insulam *S. Anna*, quæ tantum leucam grandem ambitu sua complectitur. Quibus autem propositum est petere Arcem *S. Ludovici*, ii primum recognoscunt promontorium *Tapuyataperes*, deinde flectunt ad insulam minorem, in qua sita est arx illa quam Portugalli Gallis eripuerunt: atque ita porro ad alteram arcem, quam Portugalli struxerunt, vocantque *S. Francisco*.

Portum autem *S. Ludovici* collocant ad altitudinem duorum graduum & viginti scrupulorum ab Æquatore versus Austrum.

Denique quemadmodum ex accurata Tabula Hydrographica observavi, Præfectura seu Capitania *Maranhaon* ita se habet: ostium fluminis *Pereie* ingressis & adverso flumine subeuntibus occurrit ad levam ipsius ripam Arx *S. Jacobi* quam Portugalli hic struxerunt ad exiguum recessum; è cujus regione quamplurimæ minores insulæ jacent, in amplissimo sinu seu æstuario, tam hujus fluminis, quam aliquot minorum amnium, qui hic è Continente egrediuntur.

Insulas hæcæ exterior, (satis longo versus altum intervallo, ue vada quæ ab insulis prominent devitentur) prætervæctis, occurrit aliud ostium sive canalis, ut vocant, egrediens è sinu *Maragnano* per duas minores insulas oblongas; Hunc canalem ingressus deprehendis ad levam arcem *S. Marie* itidem à Portugallis structam, & paulo superius, ad idem latus, ostium fluvii *Monin*; & deinceps ostium *Tapocoru* pene tribus gradibus ab Æquatore versus Austrum, à quo ora cubito flectitur versus Occidentem, (hactenus enim pene recta pergit ad meridiem) ad ostium ingentis fluminis *Meary*: à quo ora redit ad Arctum usque ad Promontorium *Tapuyotapera*, oblongo & semicirculari gyro circumacta.

In medio autem jacet, atque adeo pene implet hunc sinum, magna insula *Maragnan*, ab Austro ad Arctum in longitudinem expansa, alibi paucis, alibi pluribus milliaribus à Continente divisa; in mediam autem insulam irrumpit ab Occidente patens sinus cujus ori objacet exigua insula *S. Ludovici*; ad gremium autem sinus & pene in meditullio ipsius magnæ insulæ jacet Arx *S. Francisci*, itemque *S. Ludovici*; & plures pagi, inter quos nominatissimi sunt pagus *S. Andrea* pene ad Arctum Insulæ angulum, & *S. Jacobi* ad Australem jacentes.

Annotatum quoque illa Tabula à Lusitanis, Gallos uniligncis linitibus, flumen quondam *Tapourcouru* ascendisse usque ad quintum gradum ab Æquatore versus Austrum, ubi ille fluvius alterum amnem ab Euro descendentem videtur excipere: amplissimum vero *Mearii* amnem, qui ab Africo devolvitur, usque ad gradum octavum.

Reliqua ora Continentis à Maranhão usque ad Param.

A Promontorio *Tapuyotaperæ* oram legendo satis lato intervallo à littore, quod hic humilior est & vadosum, circiter decem leucis, occurrit primo Portus *Aippe*; à quo ad insulam *de Camara* numerant duas leucas; & ab hac ad insulam *Su-pat-uræ* totidem; inde ad *Insulam Blancam* sive *S. Ioannis* quatuor; distat hæc insula uno gradu & xii scrupulis ab *Æquatore* versus Austrum.

Sequitur deinceps sex leucarum intervallo, fluvius *de Ambli* & porro *Vacasapi*, *Camara-puce*: atque inclinatur se ora magis versus coruam, donec perveniatur ad cornu 10 Continentis, quod distat ab *Æquatore* medium tantum gradum versus Austrum: à quo deinceps ora se subducit versus Africum vel pene ad Meridiem, & aperit ingentem sinum, & canalem qui ducit intra Continentem, & tandem perducit ad insulam, quæ objacet ostio fluvii *do Sol*, & porro ad portum qui distat ab *Æquatore* gradu uno & xxx scrupulis versus Austrum.

Sol fl.

In accurata ista Tabula cujus supra memini, loca inter Promontorium *Tapuyotaperæ*, & terræ cornu quod se reflectit versus Austrum, longe aliis nominibus designantur, quæ postea obiter commemorabo. Cornu autem hoc appellatur *Punta separata*, quo superato, & oram legentibus quæ sinistra est, occurrit primo amnis ille *do Sol*, dein oblonga insula *das Bandeiras*, & porro terræ Angulus, qui dicitur *Punta do 20 mel*, à quo transitur ad obtusum terræ Angulum, cui arx *Para* superstructa visitur, quæ jam inter Capitanias Lusitanorum in Brasilia numeratur ab *Olyveira*.

Arx hæc *Para* quadrata forma structa est ad oram fluminis, (quod hic circiter duo milliaria latum est, & circiter xv orgyas altum in medio alveo, & sub ipsa arce x) super scopulum quatuor aut quinque orgyas editum supra reliquum solum: qua flumen respicit, tantum vimineis cratibus obsepta est, inter quas plures machinæ sunt dispositæ, reliqua latera muro saxeo sunt munita, duas orgyas alto & fossa sicca; circiter 300 Portugalli dicuntur hic incolere, qui Tabacco & sacchari cannis cplendis, & gossypio legendo dant operam.

Ab hac arce versus Austrum exiguo intervallo egreditur è Continente fluvius quem 30 *Capim fl.* Tabula illa vocat *Capim*: & circiter novem aut decem leucis magis ad Austrum, maximus fluvius *Mogu*, qui descendit è provincia *de los Topajes*; nisi forte sit ramus ingentis illius fluminis *de las Amazonas*, quod valde videtur verisimile: nam Portugalli qui *Param* habitant superioribus annis aliquoties nostros inopinantes in isto flumine aggressi, arces, quas moliri cœperant, disiecerunt, & aliquot eorum captivos abduxerunt; à quibus hanc qualemcunque cognitionem hujus præfecturæ *Para* accepimus.

Denique, barbari qui hic incolunt ex eadem natione *Tupinambarum* esse dicuntur, qui multum inviti Portugallis parent.

Sed antequam finiam, è Tabula illa breviter indicabo loca inter *Tapuyotaperæ* cornu & Promontorium *Para*. Post provinciam *Commam* pergendo versus occidentem 40 circiter leucas 25, (quo intervallo ora vadis & aliquot minoribus insulis obstructa est) occurrit sinus, qui ad paucas leucas in Continentem penerrat, & dicitur *Comma uassou*; ab hoc ad fluvium *Comajamu*, leucæ sunt v; & porro ad fluvium *Ioroquen* xv: quæ autem interjacet tellus, à Lusitanis appellatur *Costa Alagoada*, à crebris stagnis & paludibus. A fluvio *Ioroque*, qui procul è Continente descendit, ad amnem *Paraguacoten*, sunt fere xxv leucæ, & regio intermedia noratur nomine *Costa Baxa*. *Ioroque.*

Post *Paraguacoten* sequitur amnis *Surianame*, intervallum est octo aut novem leucarum; sequitur deinceps amnis *Surama*, æquali pene intervallo: à quo ad *Itatam*, sunt circiter xi leucæ, & ab *Itata* ad exiguum amnem *Namam* quatuor aut quinque leucæ. Denique ab amne *Namá*, ad Promontorium, quod diximus appellari *Pontam separata* 50 circiter novem; huic autem objacet versus corum, minuta quædam insula quam vocant *Isla de Area*.





siue
Provincia intra
RIO DE LAS AMAZONAS
atque
RIO DE YVIAPARI
siue
ORINOQUE





DESCRIPTIONIS INDIÆ OCCIDENTALIS,

LIBER DECIMUS SEPTIMUS.

G U A J A N A.

I N T R O D U C T I O.

Superiori libro absolvimus descriptionem Brasiliæ septentrionalis, & illustravimus oram omnem usque ad Param, quam Lusitani hodie numerant inter Capitania, quæ ab ipsis in hac parte America Meridionalis possidentur; licet Brasiliæ limites nunquam antè huc usque pertinuerint, sed secundum Bullam pontificis Romani & ea quæ postea inter Reges Castellæ & Portugalliæ convenerant, desierint ad Maranhaon. Porro Regionēs quæ deinceps sequuntur tantum leviter cognita sunt intra Continentem; ad oram autem maris & ripas fluminum, superioribus annis maximè illustrata fuerunt ab Anglis & Belgis nostris; & ut fere solet fieri tam diversis nominibus notata, ut non raro perdifficile sit dijudicare num de iisdem an de diversis fluviiis & regionibus loquantur, & nobis plurimum laborandum fuerit, in distinguendo & singula suis locis attribuendo: annitemur tamen quantum fieri potest difficultates omnes in sequenti libro extricare. De communi harum provinciarum nomine non multum laborabimus, nam licet Hettera hanc Americæ Meridionalis partem ab Insula Margarita versus ortum & usque ad Maranhaon videatur appellare Novam Andaluziam vel præfecturam Serpæ; eamque extendat ad trecentas leucas; eisque comprehendit scribat percelebres in illis partibus populos Omaguas & Omigas, & in interiori Continente opulentissimum regnum El Dorado; tamen quia nomina jam diu obsoleverunt, & hodieq; dubium sit, an Dorado extet in rerum natura nec ne, aut saltem anxie adhuc ab Hispanis & aliis queratur: Nos universum hunc terrarum tractum inde à Para quam superiori libro absolvimus usque ad Pariam de qua sequenti agemus, nomine hodie maxime recepto appellabimus Guajanam, vel ut nostris quoque appellari consuevit, Oram Barbaram: Hanc dividam in tres partes, in flumen Amazonum, ut jam vulgo audit; in Guajanam proprie dictam, quæ complectitur plurima flumina quæ hic exeunt è Continente in Oceanum septentrionalem, inter dictum Amazonum flumen & Oronoquen; & denique in ipsum Oronoquen; facilius enim hoc pacto & verus regionum situs, & illius distinctiones elucescent. Alii appellant hanc partem Vvianam, sed hæc nomina uti parum differunt, ita nullas tenebras huic descriptioni apud premonitos offundent.

PARS

PARS PRIMA

feu

FLVMEN AMAZONVM vel ORELLANÆ.

CAP. I.

*Expeditio Francisci de Orellana qui hoc flumen primus putatur
invenisse & lustrasse.*

d. 6. lib. 3.
cap. 6.



NTE QUAM descriptionem hujus fluminis aggre-
dior, operæpretium me facturum existimavi hic no-
bilissimam expeditionem commemorare, quæ oc-
casionem præbuit hoc flumen primum inveniendi,
quemadmodum illam memoriæ tradidit *Antonius
de Herrera.*

Postquam *Belalcázar* *Popajanan* subjugasset, &
animum adjiceret ad alias vicinas provincias lustran-
das, incidit in manus illius barbarus quidam pere-
grinus, qui se oriundum ferebat è provincia *Cundi-
rumarca*, quæ multo auro aliisque divitiis afflueret,
ita ut incolæ illius laminis aureis armati belligera-
rent: unde factum est ut Hispani illis provinciis, quas barbarus hic designabat, no-
men inderent *El Dorado*; id accidit, ut narrant anno *Clō 15 xxxv. Gonzalvus* autem
Pizarro anno *Clō 15 xl* Præfectura *Quitenis* provincie à *Francisco* donatus,
hanc *Dorado* provinciam lustrare & subjugare unice desiderans, idoneas copias aduna-
vit & legatum suum fecit *Franciscum de Orellana*. Dein è *Quitenis* provincia transi-
ens in provinciam de *los Quixos*, cum summa difficultate transcendit nivosa & aspe-
ra Andium juga, & descendit in convallem *Zumaquen*, triginta leucis à *Quiso*, in-
deque digressus in *Canelam* quum nihil tanto conatu dignum ibidem reperisset, rediit
denuo in *Zumaquen*, atque illi vicinam *Ampuam*: ex qua profecti, trajecto flumine,
pagum attigerunt, quem barbari appellabant *Varco*. Experant jam dudum annonæ
angustia premi, & inter hosce barbaros parum admodum fartis reperiebatur, itaque
incerti quid potissimum agerent, cymbam ædificarunt: missusque *Orellana* cum illa
atque aliquot lintribus uniligneis ad comæatum investigandum: itaque secundo
flumine delapsus, & quotidie viginti aut viginti quinque leucas emensus, (nam fluvius
satis perniciousiter devolvebatur, ob crebros amnes qui dextra levaque in ipsum con-
fluunt) aliquandiu nullos mortales offendit; octavo demum Januarii anni *Clō 15 xli*
incidit in pagum cujus incolæ & annona & aureis monilibus abundabant, illumque
nullo pene negotio occupavit.

Orellana deinceps, (sive noluerit, sive nequiverit ad Præfectum suum reverti,
quem omnium rerum & maxime annonæ inopem reliquerat) hic alteram cymbam
cœpit moliri, flumen porro descendere certus. Quà initio Februarii utcunque per-
fectâ, viginti leucas promovit: atque hic non leve discrimen adiit, cymbis à rapidis-
simo fluvio, qui ab Austro in hoc flumen consuebat pene eversis: à quo porro de-
scendens, ducentarum leucarum intervallo, nulla domicilia invenit aut ulla homi-
num vestigia; tandem ventum ad regionem ab hominibus cultam, & pagum cujus
regulus *Aparia* dicebatur, qui & perhumaniter illos accepit, pisitacos & perdicæ,
piscæque elargitus; & monuit, ut provide sibi caverent ab *Amazonibus*, quas in itinere
obvias erant habituri: barbari suo idiomate vocabant *Comapuyaras*. Annona autem
& aliis necessariis hic in cymbas impositis, xxiv Aprilis promoverunt, & circiter
octuaginta leucas dilapsi, denuo inciderunt in vastas & incultas regiones: & ripæ
fluminis hic ita altæ & præcipientes erant, ut nusquam daretur in terram descendere.
Duodecimo demum May attigerunt provinciam *Machiparo* incolis frequentem,
quæ fines jungebat cum altera cujus *Regulus* dicebatur *Aomagua*: hic à barbaris ho-
stilia passi, qui biduo eos lintribus suis sunt infecuti, tandem applicuerunt ad pagum,
omni

omni annonæ genere refertum, quem barbaris dilapsis nullo negotio sunt ingressi; plures ab hoc semitæ satis tritæ tendebant in varias partes, ita ut provinciam hanc frequentem & bene cultam esse satis appareret: Atque hic iterum rationibus subductis, circiter trecentas & quadraginta leucas jam ab Aparta descendisse competerunt.

Hinc solventes Dominica post festum Ascensionis, circiter duabus ab hoc pago leucis alium fluvium sunt prætervecti, cujus ori tres parvæ insulæ interjacebant, unde illi nomen indiderunt *Rio de la Trinidad*: regio hæc peramœna, & persecunda ipsis visa, atque adeo incolis frequens, nam tot lintres ad ipsos adnavigabant; ut procul à
10 ripa medium alveum tenere cogentur, à barbaris sibi metuentes. Postero die pagum qui ripæ assidebat sunt ingressi barbaris nequicquam tepugnantibus; in quo & plurimum annonæ invenerunt, & vasa fœcilia eleganter cocta & variis coloribus picta atque incrustata; qualia passim in hisce regionibus magna copia repetiri testabantur barbari, nec non plurimum auri atque argenti.

Dux semitæ ab hoc pago ducebat ad interiorem regionem, verum ob suorum paucitatem, & barbarorum multitudinem, illam lustrare inconsultum ipsis visum: itaque medium alveum sequentes, postquam circiter centum leucas promovissent, appulerunt ad provinciam cujus Regulus dicebatur *Paguana*: à quo humaniter excepti, magnum numerum earum ovium hic viderunt, quas supra Peruvix familiares
20 esse diximus; & alterum ejusdem provincix pagum prætervecti, venerunt ad aliam provinciam, à cujus incolis repulsi, annonam invitis barbaris abripuerunt.

Hinc digressi, fluvium offenderunt, qui ab leva descendens, in hunc tanto impetu undas suas nigras (unde ipsi nomen *Rio negro* datum) spargebat, ut ad viginti pene leucas cursum suum & colorem servaret: plures pagi licet exigui ad ripam visi, quidam & ab ipsis capri, ut annonam raperent; atque ita per varias provincias & plurimos pagos dilapsi, pervenerunt tandem ad *Amazonum* provinciam, uti barbarus quidam quem ceperant testabatur, nec tamen in terram sunt egressi ante septimum Junii: quo die pagum sunt ingressi, in quo tantum fœminas reppererunt, viris demum sub vesperam redeuntibus, quum jam ipsi annona onusti ad cymbas suas remeassent:
30 ventum deinceps ad alterum pagum, quem nominarunt *de las Picotas*, quia hic septem capita humana palis suffixa videbant: ab hoc variæ semitæ silicibus strata egrediebantur, utrimque arboribus amænæ tectæ: regioque hæc omnis & populis frequens & bene culta apparebat.

Ventum deinde ad insulam amnicam, sub qua aliquantulum substiterunt, monitque sunt à fœmina, quam ibi offenderant, intra Continentem mortales agere Hispanis similes, atque duas fœminas colore candido agere apud regulum quendam, qui illas adverso flumine subduxerat: unde suspicati sunt aut *Didcum de Ordas* aut *Alfonsum de Herrera* illac iter agere, (de horum expeditionibus postea dicetur.) Ab
Insula digressi potro navigarunt, & licet plures ubique pagos ad ripam cernerent, nusquam exscenderunt, ne quidem ad pagum, quem fœmina illa ad peregrinos illos
40 ducere affirmabat: donec ventum fuit ad municipium, in quo non tantum plurimum Mayzii sed & hordeum, Europæo non absimile reppererunt, è quo barbari potum suum dicebantur coquere: multi quoque hic panni gossypini visi, & templum in quo barbari arma sua suspendebant; & dux mittæ Episcopales è variis plumis eleganter contextæ.

Vigesimo secundo Junii plurimi pagi ad sinistram ripam ab ipsis visi, ad quos appellere prohibebantur à pernici aquarum lapsu. Mox cotnu quodam terræ superato, longe adhuc plures pagos conspexerunt & incolas in armis, ut advenas hosce arcerent, inter quos fœminæ aliquot, vasto corpore, cæsarie proluxa, & candida cute visæ
50 quæ magna animositate mares ad pugnam educebant: *Amazonas* crediderunt Hispani de quibus jam ante incertum rumorem acceperant; non satis idoneo, uti *Herrera* recte monet, argumento, neque enim novum aut mirum fuisse in illis Americæ partibus fœminas atque adeo adolescentulas una cum viris in prælia ruere & fortissimè cum hostibus pugnare, cujus rei exempla apud scriptores Hispanos obvia sunt. Hæsit tamen hac de causâ flumini nomen. licet hætenus nihil de *Amazonibus* constitit, etiam eis qui flumen aliquot centenis milliariis ascenderunt.

Plurimos

pluvix ipsis succurrissent, & una navi qua septuaginta viri & undecim equi vehebantur, Oceano hausta aut alicubi fracta (nam quid illa factum sit ignoratur,) cum duabus reliquis continentem adnavigavit haud longe à vadis *S. Rochi*. Atque hinc secus oram Americæ Meridionalis navigans, & flumen *Maranhão* circiter centum leucas prætervectus; medio gradu ab Æquatore versus Austrum & circiter duodecim leucis à terra dulces latices offenderunt in alto mari, ita ut *Orellana* constanter affirmaret, flumen illud ingens quod quærebat hic evolvi.

Flumen ingressi, applicuerunt ad duas insulas frequentibus barbaris cultas à quibus annonæ copiam permutatione mercium acceperunt: Hinc alveum fluminis ad
10 centum pene leucas subvecti cum utraque navi, anchoras jecerunt juxta barbarorum pagum, quibus admodum parca annona erat: Atque hic quum septem supra quinquaginta suorum amississet, neque superstitis utrique navi regendæ pares esse animadverteret, lyburnicam moliri cepit, (& alteram navium demoliri, ut ferramentis uteretur;) perfecitque tertio mense.

Ascendit deinceps flumen circiter viginti leucas, fregitque hic alteram navem, & è tabulis alteram lyburnicam est molitus, quam triginta viri vix duobus mensibus & dimidio perfecerunt. *Orellana* interea cum priori lyburnica adverso flumine subvectus anxie & diligenter requirebat principalem fluminis alveum, sed nullo operæ
20 precio facto ad suos reversus, denuo idem aggreditur, suis mandans, ut lyburnica perfecta ipsum sequerentur ad *Cornu S. Joannis*.

Hispani hi Præfecto suo parentes, lyburnica absoluta, & comiteatu comparato, flumen ascendunt usque ad Insulam *Marribuque*, & porro ad Insulam *Caritan* supra quam circiter triginta leucis flumen dividebatur in tres ramos, qui deinde rursus in unum alveum conveniebant, ita ut hic latum esset circiter duodecim leucas.

Verum quum senumero multum diminutos & omnium rerum inopes agnoscerent, ulterius ascendere inconsultum visum; itaque secundo flumine dilabentes; circiter quadraginta leucis ab ostio fluminis, applicuerunt ad continentem, uti opinabantur, solo satis edito: *Comao* appellari referebant barbari; ubi annonam, vili pretio
30 sunt nacti. Atque hic centum Hispanos, soli bonitate & amicitia allectos, sedes fixisse, prodit *Herrera* (quod tamen minime verisimile est, quis enim credat aut post tot viros variis morbis extinctos, tot adhuc superesse potuisse, aut tantum hominum numerum una Lyburnica vehi.) reliquos ostium fluminis egressos secundum continentis oram navigasse & tandem applicuisse ad Insulam *Margaritam*; ibidemque invenisse *Orellana* viduam, quæ maritum intra flumen ex mœnore obiisse testabatur, quod principalem fluminis alveum frustra jam bis indagasset, & opes suas tam irritò conatu profudisset.

Atque hæc quidem de utraque *Orellana* expeditione dicta sunt: è quibus sane Geographiæ parum lucis poterit accendi, siquidem nullas aut altitudinum observationes, aut plagarum designationes, prout res postulabat, subministrat.

Id tantum satis manifestis indiciis opinor patere, *Orellanam* hunc, flumen hoc de
40 quo nobis jam sermo est descendisse, & secundo petivisse, ita ut jure adhuc de nomine ipsius debeat appellari.

Orellanam sed multorum annorum intervallo secutus est Petrus de Orsua, anno nimirum 1510, ut scribit *Joannes de Castellanos*, cujus expeditionis ita meminit *Josephus de Acosta*: militum (inquit) Tribunus *Petrus de Orsua* aliam expeditionem suscepit secundum hoc flumen (loquitur autem de flumine Amazonum licet familiari errore etiam appellet *Marannon*) & ipso defuncto, & militibus tumultuantibus alii tribuni, donec perventum fuit ad mare septentrionale. Narravit (inquit) mihi religiosus nostræ societatis, se adhuc secularem illi expeditioni interfuisse; & deprehendisse æstus
50 marinos ad centum leucas adverso flumine ascendere, & quando flumen Oceano misceri incipit, sub ipso Æquatore aut circiter, æstuarium illius septuaginta leucas latum esse, quod pene fidem superat, & excedit latitudinem maris mediterranei: licet alii in suis descriptionibus, tantum viginti quinque aut triginta leucas attribuant: hæc ille. Meminit hujus expeditionis *Waltherus Ralegus* in *Guianæ* descriptione: & scribit *Orsuam* è Quito digressum per fluvium *Ojam* in *Amazonum* flumen ingressum:

Yy

&

& ab Agrio Cantabro trucidatum fuisse. Meminit ejusdem & Lupus Vazius.

Non reperio quencquam Hispanorum postilla hoc flumen lustrasse, aut coloniam ad provincias has deducere conatum, ita ut apud *Herreram* & alios Hispanos scriptores, quos quidem viderim, alium de hoc flumine sit silentium; Solus *Lupus Vazius*, cujus commentarius Anglicè fuit excusùs, scribit Portugallum quendam id tentasse, sed irritò successu, & flumen nisi paucis leucis subvectum, neque quicquam notabile designasse. Post annum autem 1510 cxxv Portugalli ad Parã ripam, qui sine dubio hujus magni fluminis ramus est, ceperunt incolere, ut ante diximus, & animum ad cætera forte adiciunt, nisi ab Anglis & Belgis nostris impediatur. Sed jam ad fluminis descriptionem nos conferemus.

10

CAP. III.

Magni fluminis Amazonum descriptio secundum Anglorum & Belgarum observationes.

MAXIMUM hoc flumen, quod à barbaris putant appellari *Tobo*, vel etiam *Parã* (ut solent fere omnia magna flumina, lacusque & ipsum mare *Parã* nomine designare; communiter nominatur ab Hispanis *Rio de S. Juan de las Amazonas*; & interdum à primo inventore *Orellana*; licet hoc nomen etiam attribuant *Oronoque*, uti videre est variis locis apud *Iosephum de Acosta* & *Antonium de Herrera*, eodem errore, quem supra manifestavimus in *Marannon* descriptione.

Scriptores omnes qui hujus fluminis meminerunt, maximam latitudinem ascribunt illius aestuario, intervallum inter duo promontoria, alii quinquaginta, alii sexaginta, alii adhuc pluribus leucis definientes: quanquam autem à nostratibus, qui à Promontorio illius Orientali, secundum quod *Parã* elabitur, ad dextram fluminis ripam navigarunt longe pauciores leucæ deprehensæ fuerint, ita ut os angustius esse necesse videatur; tamen quum constet latitudinem utriusque Promontorii plurimum differre, & Orientale quidem circiter dimidium gradum ab Æquatore divergere versus Austrum, Occidentale vero duos gradus ab eodem Æquatore versus Arctum; utraq; opinio satis commode poterit reconciliari; nam qui maximam latitudinem illi assignant, ab uno Promontorio ad alterum videntur putare, qui minimam rectam lineam à Promontorio Orientali ad oppositam oram sequi.

Mira quoque narratur, præsertim ab Hispanis de pernici hujus fluminis lapsu, & copiosis undis quas devehit in Oceanum, quo fiat ut ad plurimas leucas cursum suum inter maris fluctus ferret & potabiles undæ longe extra ostium hauriantur: quæ sane verissima esse experientia comprobavit: sed oportet distinguere inter anni tempestates, nam pluvii mensibus, quum maxima undarum copia à montibus defluente flumen hoc intumescit, id maxime fieri consentaneum est. Narrat *Harcourtius* Anglus qui has partes egregie illustravit in *Guiana* descriptione, se nono May circiter triginta milliaribus à terra fluminis cursum in alto deprehendisse, undasque hausisse tam pulchras potari, quam si è fonte aliquo emanassent: & altitudine æquoris bolide tentata orgyas invenisse triginta fundo arenoso: postero autem die undæ color mutari cepit & crassior atque lutosior evadere, mari ibidem tredecim & rursus septendecim orgyas alto: undecimo demum terram ad Occidentem conspexerunt: Idem & ab aliis observatum.

Nostrates qui jam pluribus annis hoc flumen adierunt commerciorum gratia & quam diligentissime, ut solent, observarunt, testantur illud haud commodius & cum minori discrimine adnavigari posse, quam si oram Brasiliæ septentrionalis & *Maranhon* prætervectus, requiras altitudinem unius gradus & triginta scrupulorum ab Æquatore versus Arctum, & deinceps cursum instituas versus Occidentem, ut facilius vites rapidum fluvii decursum; ad hanc autem altitudinem, deprehendes bolide quadraginta aut triginta orgyas & fundum arenosum, & sensim ascendens ad viginri & tandem ad duodecim aut pauciores, aquam salisam reperies qualis est in alto, dein ceptæ equali pene quinque aut quatuor orgyarum altitudine navigabis integrum diem: verum ubi mare magis altum evadit, & descendit ad octo aut novem orgyas, jam terra videri eminus incipit, & sensim aqua potabilis accidit & qualis fluviorum

est.

esse solet. Ad hanc autem altitudinem continens nullo speciali indicio discernitur, nam solum fere æquale est, & arboribus oblitum; littore strato inter Eurum atque Corum; si quis autem pluvis mensibus hic accedat, cautio est locis vadisioribus anchoras jacere, donec aut noctu aut interdiu altitudinem poli datur dimetiri. Quo pacto autem fluvius subeundus sit, nulla ratione præscribi potest, quia vada tam crebro mutantur, ut bolide altitudinem aquarum periclitari unica sit cautio.

Continens, flumen hoc ab occidente contingens, prominet in altum vasto Promontorio duobus gradibus ab Æquatore versus Arctum; quod ab aliis *Cabo Race*, ab aliis *Cabo de Noord*, à nostratibus de *Noord Caep* appellatur; ab eo descendit ingens vadum aliquot milliaria in altum; ad quod uti & ad ipsum Promontorium Oceanus ingentes fluctus voluit, ut validis funibus atque anchoris opus habeant, qui juxta illud forte in anchoris coguntur consistere.

Porro à Promontorio hoc oram continentis legentibus, circiter novem leucis, primo occurrit *Arrewary* non tam fluvius, quam fluvii ramus, sive fretum, Promontorium cum magna parte continentis veluti abscindens; ita ut ii qui forte imprudenter Promontorium fuerint prætervecti, haud difficulter velificando per hoc fretum in flumen possint regredi: os autem illius septentrionale distat ab Æquatore uno gradu & triginta scrupulis versus Arctum & intrat primo recta versus Austrum, deinceps versus eum, unde cubito reflectitur & tandem egreditur versus boream. Infra autem os hujus freti circiter duabus leucis prominet cornu continentis, quod vocant *Arrepoco*.

Ab *Arrewary* ad primam sive septentrionaliorē insulam, (earum unam quæ vasto æstuario hujus fluminis magno numero inajacent, ab una ripa ad alteram) numerant duas leucas; hæc à quibusdam appellatur *Kaluarie*, ab aliis *Arrepoco*, atque etiam aliter.

Ab hac ad *Sapno* sive *Sapenou* ad dexteram fluminis ripam numerant quatuordecim milliaria, quinquaginta scrupulis ab Æquatore versus Arctum, ut à nostratibus accurate invenio annotatum: antequam autem perveniatur ad *Sapno*, egreditur è continente exilis amnis quem vocant *Weywey*: *Sapno* exigua est insula, inajacens semicirculati sinui, quem continens hic admittit, in quem exeunt duo amniculi, infra quidem insulam *Arrowas*, supra vero *Paricores*, ad cujus ripas barbari incolunt. E regione denique ad sinistram fluminis latus jacet insula *Arroven*.

Ad latus autem fluminis dexterum sequitur exiguo intervallo pagus *Matdrem*, & magis intra continentem *Roakery* & *Anarcaprock*. Ad sinistram vero, quod totum insulis obtegitur Insula *Sapanapock*; & *Matiana* sub ipso Æquatore: itemque pene dimidio gradu ab Æquatore versus Austrum insula *Corropakery* sive, ut alii nominant *Corpecari*.

Ad continentem autem è regione *Corropokery*, designant elicem sive amniculum quem vocant *Tockes Kille*. Ab hoc loco flumen ascenditibus pene ad unum gradum ab Æquatore versus Austrum, occurrit fluminis ramus, qui versus Aquilonem descendit inter plurimas insulas, ubi ad Orientalem fluminis oram visuntur *Aropoya*, *Corpopy* & *Capitan*; sive, ut ab aliis appellantur *VVayecorpap*, *Manneisibi* & *Corpappi*. Et deinceps ad idem latus paulum supra *Aropoyan* sequitur *Matorian*, & pene ad altitudinem unius gradus & quinquaginta scrupulorum versus Austrum barbarorum pagus *Huaman*; & duobus gradibus & viginti scrupulis ab Æquatore pagus barbarorum, quos vulgo vocant *VVomians*.

Alii annotant ad latus fluminis dexterum *Cogemymne* sive *Coyminne*, à quo fluvium ascenditibus occurrunt multe exigue insule & vada atque rupes, denique Cataractes, qui prohibet hunc fluminis alveum altius ascendere, ita ut certo certius sit hunc non esse principalem hujus fluminis ramum.

Qui accuratius oram continentis lustrant, testantur insulam *Sapno* circiter leucam unam patere in latitudine, sitamque esse inter duos amnes *VVeyo* & *Matianam*; ab hac autem ora se producere versus Ortum usque ad cornu terre quod vocant *VVetaly*, cui unius leucæ intervallo ad ortum objacet insula *Quiriana*: ab illo autem versus Austrum circiter duas leucas & semissem

incipit Insula *Arowan*, cujus angulo Meridionali, ad continentem è regione obiacet locus qui à nostris vocatur *Water-huys*; flumen inter utrumque latum est pene duo milliaria. Ab angulo *Water-huys*, ad rubrum Angulum numerant quatuor leucas; è regione ad sinistrum latus jacent quatuor insulae humiles & undis pene aequales, & in medio alvei oblonga insula, quam nostri vocant *Coci Insulam*.

A rubro Angulo inclinat se ripa versus occasum spacio sesquileuca, ubi Continenti obiacet Insula longam longa, freto valde profundo sed tantum centum passus lato à Continente divisa, id fretum vocant nostrates *Appelrack*: hæc insula uti & Continens seu prima tetra, est edita, quæ hoc flumen ascendentibus sit obvia. E regione hujus freti intervallo unius leucæ, incipit ad orientale fluminis latus Insula *Sapenopoko*. Ad oram porro Continentis sive ripam fluminis dexteram sequitur *Callepoke* & mox Insula quæ ab amne ambitur qui ab occidentem illabitur in magnum flumen, & appellatur *Brest*; & paulo ultra *Taurege* elix sive torrens, cui intra Continentem assidet pagus *Taurege*; sequitur deinceps ad eandem ripam *Okiarii* amnis, supra quem intra Continentem siti sunt tres barbarorum pagi.

Angli & Nostrates multum laborarunt ut principalem hujus fluminis ramum scrutarentur; & tandem, ut à fide dignis accepi, invenerunt: descendit autem ab Africo, profundo & nullis vadis impedito alveo; sed ubi potissimum egrediatur & quibus notis dignosci possit studiosè celant. Memini autem me superioribus annis audire ex Anglo quodam fide haud indigno, quod principalem fluminis alveum versus Occidentem ascendisset ad trecenta milliaria, & penetrasset in grandem lacum, cujus undæ exquisitè virebant, neque potabiles erant, vidissetque in itinere oppidum barbarorum, in quo ducentæ aut trecentæ ædes & circiter mille animæ numerabantur.

C A P. IV.

Continents hujus & Insularum cæli solique qualitates & fructus atque incole.

REGIONES quæ magno huic flumini adjacent, cælo gaudent satis salubri: Solum autem non est uniusmodi, nam arenosum atque effectum hic reperitur; & alibi fecundum atque omnis generis fructuum feracissimum. Frequentes sunt sylvæ, in quibus pene reperiuntur omnis generis arbores, quas huic Continenti familiares esse jam ante diximus, licet aliter à barbaris appellentur. Inter fructiferas arbores celebratur una, cujus alibi non video mentionem fieri, quam barbari vocant *Ademonie Totocke* & fructum *Totocke* (notandum autem *Ademonie* ipsis sonare arborem.) Est autem arbor valde procera & ramosa: foliis grandibus (& quæ forma non multum abludunt ab ulmi frondibus,) obscure virentibus, nisi quod postica parte nonnihil videntur candicare; nullos fert flores, sed cætas gemmas quæ colore nihil differunt à foliis, quæ sensim crassescunt & protrudunt fructum grandem & mole interdum capitis humani, pene rotundum, antica parte nonnihil compressum, cortice ligneo, duro & admodum crasso, exterius striato & tuberoso, coloris fusci & pene nigri: Dividitur interior certis sepris in sex veluti regiones, in quarum singulis concluduntur, octo, decem & interdum duodecim nuces arte inter se conjunctæ; quæ singulæ iterum ligneo, duro & satis crasso cortice textæ sunt & variz formæ, pleræque tamen triangulares una parte convexiore, cum tribus veluti suturis, valde rugosæ & asperæ, minus tamen usum quam exterior cortex, tres uncias longæ & sesqui unciam latæ, coloris rossii & interdum cinetici aut fusci: his continetur oblongus nucleus, totas implens instar amygdali, rubicunda membrana testus, carne candidissima, & solida, & nonnihil oleosa: sapore magis videtur accedere ad avellanas quam amygdala, horum tamen usum in omnibus egregie potest supplere, etiam ad tragemata facienda, uti à nostris fuit observatum. Barbari attribunt ipsi facultatem venerem excitandi, & proverbio dicuntur usurpare *Pigue Secke in saccum pingeam Totocke*, id est, si venerem ambis aut appetis, comede *Totocke* fructum. Clariss. Vir. Carolus Clusius meminit interioris

Totoc-
ke.

rioris nucis in Exoticis, ejusque dat qualemcumque Iconem, nos eandem ad vivum accurate exprimēdam curavimus, ea mole & forma qua erat, quæ tamen multis modis ludit, prout compressæ fuerint nucs in suis regionibus. Quoniam arbores quæ hunc fructum ferunt adeo sunt altæ, & fructus adeo

10 gravis & durus; illis maturis, non audent barbari sylvas ingredi nisi valida parma aut alio regimine caput tecti atque muniti, nam fructus hi decedentes instar silicis caput illis comminuerent.

Nascitur quoque in sylvis arbor quæ fert nucs myristicis plane similes, & virtu-

20 te quadam aromatica præditas, sed invalida & quæ statim evanescat.

Accepi & à quodam nostrorum fructum elegantissimum, quem hic nasci referebat in arboribus sylvestribus, quarum tamen frondes haud satis poterat explicare, itaque fructum tantum ad vivum expressum hic adjunximus ea mole qua erat.

Fructus hic erat cortice lignoso, exterius tuberculis multis asperus, eleganter conformato & è duobus veluti orbibus conjuncto, coloris fuscisive cinerei qui interius sepimento

30 ligneo dividuntur in duas orbiculares cellas, quibus singulis continentur singuli nucleis, rotundi quidem sed ea parte qua sepimentum contingunt nonnihil compressi; suis itidem corticibus tecti, lignosis itidem sed tenuibus, coloris interiori parte purpurei sive violacei; nucleis autem ipse

40 intus vacuus erat, materie penè instar gallarum, sed magis fungosa.

Præterea reperiuntur hic varix arbores, materie admodum dura, & elegantibus coloribus: varix itidem quæ resinas & gummi fundunt. Nascuntur variis locis Sacchari cannx. Copiosissime denique pira herba, cujus alibi meminimus.

50 Nec desunt hic varix gemmæ & meralla, aliaque commercis apta, de quibus in secunda hujus libri parte plenius dicemus.

Barbari qui Continentem habitant potissimum sunt è gente quam vocant *Taoi*, ingenio minime malo: intra Continentem & alix incolunt, præsertim *Armacca*, itemque *Cockettunay* & *Pattenei*, *Tockianes* atque *Arytians*, denique *Comois* & *Wackehanes*. Quibus ab aliis adduntur *Maraons* qui *Sapno*, *Weywey*, *Anewyan*, *Quarian* & *Wetaly* incolebant: Et *Aronians* qui in reliquis insulis debebant, de quibus obser-

vavit quidam nostrorum, hosce longo capillitio uti instar fœminarum; atque hinc potissimum putat opinionem de Amazonibus natam, quod sane vero non est absurdum.

Frustra sit qui hodie easdem plane nationes iisdem sedibus hic se reperire posse speret, nam præterquam quod levem ob causam sæpe mutant, postquam Lusitani è Parahassas partes adierunt, tanta mutatio facta est, ut quum nostri anno 1610 cxxxix hic appellerent, alibi nullos, alibi plane alios barbaros repererint. De moribus & institutis atque idiomate ubi dicitur, nam fere uniusmodi sunt ad universam hanc oram barbarorum mores, idioma tamen diversum est, uti è collatione, quam mox institutam manifestè patebit.

C A P. V.

Brevis narratio eorum quæ à Belgis in his partibus fuerunt gesta.

ANTEQUAM hanc partem concludam, operæ precium fuerit meminisse eorum quæ à Belgis nostris in hisce partibus fuerunt gesta.

Belgæ enim nostri qui confederatas provincias habitant, decreto satis rigido ab Rege Hispaniarum, dominiis ipsius omnibus exclusi, longinquiores navigationes tentare cœperunt, & imprimis has Americæ Meridionalis partes, ab Hispanis & Lusitanis adhuc intactas tentare. Quare anno 1610 xcviij & etiam ante, Amstelodamenses atque alii mercatores, naves suas ad has oras destinaverunt, ut commercium cum barbaris qui has oras accolebant constituerent & stabilirent; earum una quum anno jam dicto oram omnem inde à Brasilia Septentrionali rasisset & Maranhon esset prætervecta, atque adeo promontorium magni fluminis Amazonum, quod lustrare intenderant, attigisset, repente & præter opinionem se satis longe à litore inter vada & arenarum pulvillos veluti conclusam animadvertit; Itaque anxii & quid agerent incerti, antequam exitum ex illo discrimine invenissent, vicinam Continentem, & præsertim flumen quod vasto ore in Oceanum hic egreditur lustrare in animum induxerunt; itaque liburnica propius ad terram provedi, oram omnem Continentis ponè Promontorium humilem & æquati æqualem, & non paucis locis ab eodem superfusam deprehenderunt; præterea arboribus illis manguis ad fluctus usque maris ita obstitam, ut nullus aut perdifficilis ad terram aditus pateret: Dein ad interiora promoventes, amnem offenderunt, qui ab ortu in majorem alveum elabebatur; hunc ingressi penitus perlustrarunt, deprehenderuntque intra Continentem illum in plures recessus vel forte totidem ramos spargi, paucis tantum milliariibus navigabiles; verum quum nihil magni pretii hic invenissent, aut saltem nullum lignum Brasilianum, quod potissimum tum requirebant, irritò successu ad navem suam sunt reversi; amni huic ab ardeis, quas magno numero hic viderant, nomine imposto: quem credo eundem esse, ad quem Portugalli aliquot annis post illa arcem Param condiderunt; didicerunt autem à barbaris partem hanc Continentis ab ipsis dici *Marapam*; nec quicquam operæ pretii præterea tum ab ipsis factum, nisi quod etiam insulam unam atque alteram, earum quæ à dicto Ardearum flumine jacent versus occasum, & amplissimum magni fluminis Amazonum ætvarium in plures ramos dissepunt, viderunt eminens, neque tamen propter vada potuerunt penitus perlustrare.

Alii deinceps succedentibus annis etiam magnum Amazonum flumen adire & lustrare sunt aggressi; in quo potissimum Zelandorum opera atque industria enituit, adeo ut etiam colonias ad fluminis hujus ripas deducere & duas arcas hic moliri non dubitaverint; unam quidem, quam Nassavicam dixerunt in *Coyminne*, quæ instar insulæ angusto fluminis ramo à reliqua Continente disjungitur ad milliaria pene viginti; distabat autem hæc arx circiter octuaginta milliariibus ab ostio fluminis Amazonum. Alteram, quam Auracam nominarunt circiter septem milliariibus infra priorem. Juxta utramque denique & agris colendis & commerciis cum barbaris exercendis gnaviter incubuerunt.

Post illa quum jam amplissimo diplomate, illustrissimi & potentissimi Confœderati Belgii ordines generales, navigationem ad Americam utramque certæ Societati

tati addixissent, cæteris omnibus suis subditis, præterquam iis qui nomina ad hanc Societatem dederant, exclusis: Alii deinceps hujus Societatis auspiciis, atque permissu huc colonias destinaverunt, & arces variis locis sunt moliti. Tentarunt idem eodem pene tempore Angli atque Hybetri. Verumtamen tam hi quam nostri à Portugallis è Para venientibus inopinatò oppressi & fugati, non leve damnum fuerunt perpeffi: ad quod refarciendum, & acceptas injurias vindicandas, majori conatu & viribus institutum repetere & urgere satagunt.

C A P. VI.

80

Ora hujus Continentis, & flumina quæ ex illa egrediuntur, à magno flumine Amazonum ad flumen VViapoco.

MA GNI fluminis *Amazonum* æstuarium egressis & occidentali illius promontorio superato, occurrit versus occasum litus legentibus, primum insula; duobus gradibus & quinq; supra quadraginta scrupulis ab Æquatore versus Arctum, quam nostri vulgo vocant *Conijnen-Eyland*, id est, cuniculorum insulam.

Ab hac insula ad *Crabbebooren*, sive ut alii vocant *Caaripapooren* numerant triginta milliaria versus occidentem: quo nomine designant sive plures insulas angustis fretis
20 divisas, sive continentem variis partibus ab æquore superflam, & lacubus stagnisque distinctam: duobus gradibus & quinque supra viginti scrupulis ab Æquatore versus Arctum. Accepi à quodam Belga, qui navi ad hanc oram fracta, enataverat, & pene octo annis inter barbaros vixerat, hanc partem continentis, maximam partem à fluctibus maris, ubi æstus implevit, tegi & barbaros qui hic incolunt, piscibus potissimum victitare, alterius annonæ & farris fere inopes: abundant tamen fructibus quibusdam palmarum, satis grati saporis, quos pro farre usurpant.

Ab hoc loco, ad fluvium *VViapoco*, egrediuntur è Continenti modici aliquot amnes, qui non nisi quum æstus valide implevit mediocribus navibus adiri possunt, æstu relabente pene oblimati. In nominibus autem illorum designandis nonnihil
30 variant Authores: *Harcourtius* Anglus post *Arrawary* de quo supra; nominat *Micary*, *Conavini* & *Cassipurough*; *Laurentius Keymis* itidem Anglus, *Iwaripoco*, *Maipari*, *Coanavini*, *Cassipurough*; alii adhuc alia assignant nomina, sed à præcedentibus parum diversa. Operæprecium erit ipsum *Harcourtium* audire, qui in descriptione *Guianæ* ita insit: Occidentale fluminis *Amazonum* brachium sive ramus appellatur *Arrapoco*, juxta quem plura barbarorum dominia sita sunt. Ab *Arrapoco* versus Arctum, exit *Arrawary* pulcherrimus amnis, quique amœnissimam regionem perlabitur. Ab *Arrawary* ad amnem *Cassipurough* extendit se provincia *Arricary*, comprehendens dominia *Arrawary*, *Maicary* & *Cooshebery*, quibus imperat *Anakary* gente *Tajus*, qui è provinciis ad *Oronoquen* sitis ab Hispanis pulsus, iisdem supra modum insensus, in hanc
40 provinciam cum suis commigravit, & sedes fixit *Mooruga* in provincia *Maicary*. Ab hac provincia versus Corum egreditur in Oceanum amnis *Conavini*, cum quo Dominium *Cooshebery* fines jungit, cujus regulus nominatur *Leonardus Ragapo*, vassallus *Anakary*: à *Ralegho* in Angliam deductus, & ibidem baptizatus, unde Anglis obnoxius, & ipsorum idioma utunq; callet. Cæterum in *VViapogo* aliquandiu hærens, quum è barbarorum relatione accepissem, in hujus reguli provincia reperiri gemmas quasdam, quas vulgo adamantes esse opinantur; Cognatum meum *Fisherum* misi, ut hanc rem penitus indagaret & ejuscemodi gemmas mihi afferret: Is ab hoc *Leonardo* perhumaniter acceptus, facile impetravit barbaros, qui illum ad locum ducerent, ubi hæc gemmæ dicebantur reperiri, circiter quinquaginta milliariibus intra continentem. Visus ab ipso in
50 itinere edicus mons, quem vocant *Cowob*, in cujus vertice narrant barbari lacum jacere qui optimos pisces nutriat: cætera quoque regio fecunda & peramœna apparuit. Verumtamen gemmas hæc nequaquam adamantes, verù è *Topasorum* genere paruit, qui eleganter politi interdum nitore cum adamantibus certant: ipse tamen hæud vana superat, forte & adamantes hic repertum iri, siquidem *Topacij* in India in iisdem cū adamantibus venis reperiri volunt. Hæc ille. Hæc gemmæ etiam alibi ad hanc oram reperiuntur, quarum plurimas vidimus, sed neque duritie neq; nitore ullo

modo cum Orientalibus *Topasii* comparandas; sunt enim nitore lacteo & nebuloso, & haudquaquam tam transparenti quam illi.

Nostrates collocant ad hanc oram fluvium *Arikaryn* duobus gradibus & septem supra viginti scrupulis ab Æquatore versus Arctum. Et quatuor milliaribus & semisse ab hoc versus eorum *Carseninnen* sive *Cassevinin*, duobus gradibus & quatuor supra triginta scrupulis ab Æquatore.

Quidam & nostrorum qui hanc oram accurate lustraverat; à Promontorio de *Nord* numerat primò ad fluvium *Makaryn* circiter undecim millaria; dein tredecim ad ostium fluvii *Clapepouri* (ut ipse vocat) tribus gradibus ab Æquatore versus Arctum, tertio ab hoc ad fluvium *Cassipouren* undecim, tribus gradibus & quinque supra quinquaginta scrupulis versus Arctum; quartò à *Cassipoure* usque ad *Wiapoco* flumen duodecim.

Porro *Cassipoure* amnis licet pene dimidium milliare in ostio sit latus, tamen vix quinque palmos est altus, quum æstus paulum cœpit recedere: clabitur autem è paludibus ripam sinistram accolunt *Arracosy*; & supra hos versus *Clapepouren* degunt *May*, qui hostes sunt omnium littoralium barbarorum, & supra modum ab iis metuuntur; neque injuria, sunt enim bellatores strenui, & periculorum atque adeo mortis summi contentores: Nam (uti accepi à quodam nostrorum qui expeditioni interfuerat *Arracosorum* rogatu cum sex septemve aliis Christianis) nostrorum bombardas tam parum metuebant, ut pluribus jam cæsis sex illorum intra lanceæ tactum audent accedere, & quinque statim prostratis, sextus cui tantum crus globo alato ablatum fuerat, ad extremam sanguinis guttam sese defenderet.

A flumine *Cassipouren* (ut *Harcourtius* prodidit) versus fluvium *Arraconin*, & porro intra continentem usque ad fluvium *Army*, (qui supra *Caractasin* *Wiapoco* descendit) jacent provinciæ *Arracorum* & *Morounia*; quæ haud minus amænæ & fertiles sunt quam *Coosheberya*. Provincia *Arracoria* adhuc admodum est populosa, parebat tum regulo, cujus nomen erat *Ipero*. Licet autem *Arracori* & *Wiapocenses* amici esse videantur, neque se invicem armis infestent, tamen animis non nihil dissident.

Morounia quoque à plurimis barbaris incolitur, qui ab humanitate erga advenas imprimis commendantur; in ejus pene medio exsurgit editus mons & admodum pyramidis à natura formatus, à cujus vertice amænissimus in subjectam undiquaque regionem prospectus est.

Morouniam excipit versus Austrum & ripas fluvii *Army*, alia provincia quam vocant *Norrack*, cujus incolæ sunt *Caribes*, & hostes *Morouniorum* atque *Wiapocensium*; quum utrique hi, uti & plures littorales barbari, *Anakyari* pareant longe maximo *Taorum* principi, qui omnem oram usque ad flumen *Essequeben* (de quo postea) occupant. Atque hæcenus quidem pertinent regiones & provinciæ quas magno *Amazonom* flumini assignamus.

PARS ALTERA

W I A P O C O.

C A P. VII.

Descriptio fluminis Wiapoco & aliorum vicinorum, provinciarumque quæ illis adjacent.

PROMONTORIUM quod sinum ab ortu claudit, in quem flumen *Wiapoco* & alii minores amnes egrediuntur, distat ab Æquatore IV gradibus & xxx scrupulis versus Austrum; appellaturque ab Anglis quidem nunc *Cabo de Conde*, nunc *Cabe Cécil*; à nostratibus autem *Cape d'Orange*, & non raro *Cabo de Nord*.

Hoc promontorio superato, fleat se continens versus Austrum; atque hic egreditur amnis *Arraconin* in ipso ostio pene dimidium milliare latus, procul è continente & ex provincia *Arracosorum* barbarorum descendens, qui *Tais* confederati, juges inimicitias exercent cum *Mayis*. Excipit autem *Arracca* alios ab dextra levæque amnes; & imprimis *Archile* quem nostrates lustrarunt anno cło lcc, & circiter duo

duo milliaria subvecti offenderunt alterum amnem quem vocant *Tcoripen*; & post tria milliaria tertium, *Tamyren* barbaris, altum quidem, sed undis adeo placidis, ut pene stare videatur; hinc quatuor milliaria ascendentes offenderunt barbarorum pagum *Sapyten*, & per nemus & profundam uliginem penetrarunt ad alium pagum *Anarapatan*.

Harcourtius autem scribit intra continenſem in *Aracoam* confluere fluvium *Wats*, de quo nihil præterea accepimus.

Circiter dimidiam leucam magis versus Austrum egreditur flumen *VViapoco*, quatuor gradibus & triginta scrupulis ab *Æquatore* versus *Arctum*; exonerat autem se in finem circiter tria milliaria larum (una cum amne *VVainari*) in ipſo quidem ostio circiter milliare unum larum & pene duas orgyas altum, interius autem haud supra septem aut octo palmos, & superius adhuc lōge pauciores; ripæ illius juxta ostium sunt paludose, ad tria pene milliaria; & deinceps ita accedunt & à duobus terræ Angulis coarctantur, ut latitudo illius centum passus rari excedat; superius autem præcipitat se de Cataractæ in subjectas rupes, ita ut altius cymbis ascendi nequeat nisi forte mense Augusto; distant autem Cataractæ ab ostio circiter sedecim milliaria.

Paulum supra Cataractem, confluit in *VViapoco* amnis *Arwy*, cujus jam ante minimus. Solum autem quod ripas hujus fluminis attingit, persecundum judicatur & Tabacci imprimis ferax, ita ut interdum ad novem & plures palmos assurgat: sacchari cannæ hic sponte nascuntur: uti & frutices quæ gossypium & tincturam illam ferunt, quam vulgo vocant *Orellanam*. Cervorum maxima hic reperitur copia, uti & suum: supra Cataractas quoque plurimæ vaccæ sylvestres, uti nostri vocant, à barbaris autem hoc animal appellatur *Moire*, vaccis nostratibus haud dissimile nisi quod cornubus careat: flumina denique valde sunt piscosa, imprimis nutriunt prægrandes *Manasos*.

Quidam tradunt hanc regionem juxta littora, cælo esse insalubri & valetudine incolarum infami; sed *Harcourtius* negat, haud vano argumento; nam quum anno cło 1657, hic triginta suorum una cum Germano suo destituiſſet, qui hic triennium habitarunt in pago, (qui à barbaris vocatur *Caripo*) ad ipsum finem super editum & petrosum collem sito, difficilem admodum accessu, ob densa nemora & præruptas petras quibus pene undique cingitur: toto illo tempore tantum sex eorum defuncti fuerunt, idque variis infortuniis potius quam morbis. *Harcourtio* ad stipulantur etiam nostri qui ante Anglos hic incoluerunt, & cælum potius salubre judicant, quia ægri aliunde advenientes hic quantocius convalescere sunt visi.

Barbari qui ripas hujus fluminis & vicinam continenſem incolunt, ut plurimum sunt *Yayi* aut *Maroans*; utrique satis urbani & hospitales: *Yayi* quidem juxta fluminis ostium & secus littora usque ad *Commaribo*; *Maroans* autem intra continenſem usque ad Cataractem, atque etiam supra: pauci quoque hic degunt *Arwaeca* præsertim inter *VVaynarin* & *Commaribo* super editum montem quem barbari vocant *Massoure*.

Omnes autem nudi agunt, licet à vestibus non abhorreant, quando suppetunt: piscatione imprimis delectantur, & in hunc finem adhibent ligni quoddam genus, quod ipsis dicitur *Ayaum*, gravis admodum odoris, ita ut aquis injectum pisces ita soporet, ut manibus se contingi & capiantur. Farris loco utuntur *Cassavi*; è quo & porum suum masticando conficiunt ad Brasiliensium modum, quem & large & ad ebrietatem usque solent haurire, familiari hisce nationibus vitio: potum hunc vocant *Pernou*, fit autem è cassavi prius toſto & fere adusto, dein masticato, & tum ebullito, denique per vimineum corbem percolato; ita ut clarum & limpidum, eodem pene cum cerevisia Lubecensi colore: verum paucis diebus servari potest. Mirum in modum hic infestantur à Niguis, nec minus à culicibus.

Narrat *Harcourtius* circiter tridui itinere supra Cataractas hujus fluminis, alios barbaros degere è natione *Caribum* (quos vocant *Maransbewaccas*), quibus grandissimæ & pene monstroſæ sint aures, si barbarorum relationibus tuto licet credere: qui & hoc addunt, barbaros illos idolum inter se habere, quod summo pere venerantur, effigie viri calcibus suis innixi, genubus divaricatis, quibus brachia cubitis incumbunt, manibus elevatis, & palmis obversis, cæterum oculis ad cælum erectis, & ore parulo atque hiantes.

Noſtrates

Nostrates meminerunt & alterius nationis barbarorum, quos vocant *Nourakes*, qui circiter sexaginta millia supra fluminis *Wiapoco* ostium incolunt, qui plurimum gossypii colunt, & ex illo industrie texunt *Amackus* sive lectos pensiles, quos alii barbaris indigentioribus vendunt; plurimam quoque colligunt *Orellanam*: hi barbari caelo fruuntur longe salubriori, quam ii qui juxta littora degunt. Inveniuntur in ipsorum provinciâ certæ gemmæ, quæ colore accedunt ad rubinos, quos vocamus balaifios.

C A P. VIII.

Plura de hoc flumine à nostratibus observata, & de vicinis aliquot minoribus amnibus, præsertim Apurwaka.

10

A Nostratibus, qui diligentissime flumen *Wiapoco* lustrarunt, accepi, in ostio illius deprehendi quatuordecim aut quindecim palmorum altitudinem; subeuntibus autem sinistram ripam aliquandiu radendam esse, donec flumen recta ascendat versus Austrum: tunc cursum rectè tenendum versus editum solum: statimque venire ad amnem qui ab occidente haud longe à continente in hunc descendit, neutiquam nisi uniligneis linitribus navigabilis: ad ripas autem illius accollere *Arwaccas* qui colendis agris dant operam, in tribus pagis. Porro ad utramque ripam plures præterea jaceant pagi, & aliquot minores rivi inde exeunt.

20

Ab *Wiapoco* porro versus Corum labitur amnis *Winipoco* cymbarum tantum patiens: alii tantum ramulum majoris fluminis faciunt, quod magis videtur verisimile. Cujus ripæ accolluntur ab *Arwaccis*; plurimæ reperiuntur hic tigres; & tanta culicum copia, ut neque noctu neque interdiu fere detur quiescere.

Ab ostio fluminis *Wiapoco* supra tres leucas versus Corum, imminet sinui mons, quem vulgo vocant *Gomeribo* vel *Commaribo*, cujus solum ab insigni fecunditate imprimis commendatur à nostratibus, qui illum aliquando coluerunt: lidem testantur olim insulam fuisse, angusto fretò à Continente divisam, nunc autem oblimato & ab arenis impleto alveo illo coaluisse cum Continente.

Inter extremum autem fluminis cornu & montem quem jam diximus, egreditur tenuis amnis *Wainary*; quem tamen alii negant esse amnem; quum nullos fontes habere videatur, & paucis tantum milliaribus in Continentem penetret recta versus occidentem, ita ut unius diei itinere ad finem illius perveniatur.

A *Waynari* ordiuntur montium editorum juga, quæ sese extendunt versus Arctum & maximè versus Corum, procurrantque usque ad *Apurwakam*, de quo statim dicemus: horum autem montium clivi & convalles solo dicuntur esse fecundo & feraci, ita ut Tabacum longe optimum ferant, & arboribus quæ gossypium ferunt conferendis imprimis convenient.

A sinu *Wiapocensi* versus Corum, atque à *Commaribo* circiter quinque milliaribus, egreditur à Continenti in Oceanum fluvius *Apurwaka*, qui ab aliis etiam *Caperwaca* appellatur; quem *Harcourtius* à frequentibus barbaris tradit accoli: verum *Laurentius Keymis* qui *Raleghum* in expeditionibus fuit comitatus, contra testatur, se hunc fluvium ingressum & circiter quadraginta milliaribus subvectum, nullos barbaros hic invenisse, (quod minime mirum aut inusitatum in hisce partibus, nam barbari ita fueri sunt crebro sedes mutare, ut interdum plures, interdum rari, nonnunquam & nulli in eisdem locis reperiantur) verum ad radices cujusdam montis, tantum ligni Brasiliiani cæcidisse, quantum cymba sua poterat deducere. Hic quoque reperiri copiam earum arborum, quarum cortices Canellam æmulentur, quales ad oras Freti Magallanici magno numero nasci supra indicavimus.

Secundum delineationem hujus fluvii, quam vidi satis accuratam, illum latum esse oportet, intra ostium quoque aliquot minores insulas complectitur; excipit præterea à dextera lævæque aliquot minores amnes atque torrentes; extimus illius angulus fertur distare ab Æquatore quatuor gradibus & quatuor supra viginti scrupulis, alveus autem primo ascendit versus Eurum, atque inde cubito se flectit versus Africum. Nostrates qui fluvium hunc adierunt anno · c l o l o x c v i i i , testantur ostio illius injacere parvam insulam oblongam, quæ desinat in acutum angulum;

50

angulum; ad ripas denique illius in nemioribus reperiri ingentem numerum piscatorum & aliarum elegantissimarum avicularum: nec non maximam copiam pulcherrimarum simiarum.

Ab ostio hujus fluvii circiter sex milliaribus versus Arctum objacet Continenti insula quæ *Oncariæ* vel etiam *Aocyari* appellatur: crebris tempestatibus & frequentibus nimbis supra modum obnoxia, præterquam solstitio hyberno, uti à pluribus invenio observatum.

CAP. IX.

Amnium Cauvo & Vvia descriptio, cum adjacentibus provinciis.

AB *Apurwaka* sequitur ad eandem oram, intervallo duorum milliarium, uti à nostratibus invenio observatum, fluvius *Cauvo* vel *Conva*; in ipso ostio inter duas & tres orgyas altus: interius tres quatuorve.

Laurentius Keymis Anglus scribit se hic anno c1515 xcvi invenisse barbaros è natione *Tajorum*, qui paulo ante huc confugerant, pulsì ab Hispanis è *Morgua* & provinciis ad flumen *Oronoquen* litis, quas *Arivacca* jam occupabant, vāganatio & Hispanis obnoxia. Nam *Tajoi* hi, ut ille narrat, pleraque oras ad oceanum possederant; sueti, ut ab aliis nationibus distinguerentur, faciem & reliquum corpus notis quibusdam

persignare; adhibentes ad id acutissimos dentes cujusdam animalculi, quod forma haud multum abludit à glire, quibus cuticulam dividebant, haud secus quam acu aut acicula: ita ut cicatrices nunquam evanescerent.

Nostrates qui has oras lustrant anno c1515 xcvi; eosdem barbaros hic invenerunt. Verum *Harcoursius* qui aliquot annis postillos hic fuit, testatur se nullos hic barbaros reperisse.

Keymis accepit à barbaris ligni quoddam genus, quod Brasilianum opinabatur, *Vrapo*. barbari vocabant *Vrapo*, & referebant magna copia traduci ad Insulam Trinitatis, indeque peti à Gallis; verum nostrates negant hoc lignum recte Brasilianum appellari; sed reperiri hic aliam speciem rubri ligni, idque à barbaris appellari *Moura*, quod

Distat denique hic fluvius ab Æquatore quatuor gradibus & viginti scrupulis, & ascendit cubito flexus, versus Africum.

Duarum deinceps leucarum intervallo sequitur ad eandem oram fluvius *Vvia*, quatuor gradibus & quadraginta scrupulis ab Æquatore versus Arctum; pulcherrimus amnis, & longe penetrans intra continentem, amœnis ripis atque fecundis, & lato ore sive æstuario instar sinus.

Laurentius Keymis testatur ab hoc sinu versus Favonium, optimam stationem esse navibus, sub certis insulis, quæ hic continenti objacent; quarum maximam vocat *Gonateri*, & à barbaris *Shebais* habitatam, atque apris aliisque fetis, volucris, & omni genere commeatus abundare scribit, deniq; mare in ambitu egregie esse piscosum. Aperit præterea egregium portum, quatuor aut quinq; orgyas altum, & plurium navium capacem longeque securissimum. Extimæ quoque tres versus occasum, trianguli formæ sitæ, à quo & nomen meruerunt, eisdem quoque animantibus, & commeatu abundant, præbentque satis commodam navibus stationem, verum eum præcedenti portu neutiquam comparandam. Observat denique in Cogtinenti passim reperiri herbam quandam, quam barbari appellant *Wiapassam*, cujus radix sic acris instar zinziberis, & singulari virtute pollens, imprimis contra lyenteriam, & dolores capitis.

Insula quæ inter *Wiam* & *Caianam* media est, appellatur ab *Harcourtio Mattoory* editissimo solo & circiter sedecim millia ambiens: alii vocant hanc insulam *Mayeri*, & juga montium quæ sinui, qui vergit versus *Wiam*, imminet *Moriori*; quæ vero pene in medio insulæ consurgunt *Matormi*, quod à priori insulæ nomine non multum differt. Invenio à nostratibus observatum insulam hanc incoli à natione *Caribum*, haud mala: passimque, potissimum tamen in campetribus sponte nasci arbusculas quasdam duos palmos altas, quæ fructus ferunt instar prunorum, colore purpureo, & sapore pene instar myrobalanorum.

Insulas

Insulas autem minores, quæ huic majori, versus ortum objacent, quarum paulo ante meminimus, alii vocant, orientaliorem quidem *Sannawom*; occidentaliorem autem *Spesfari*; binas autem quæ hisce objacent versus altum *Eponeregemera*; quæ barbara sunt nomina; nam Europæi, ut fere solent, in nominibus multum variant.

C A J A N E.

C A P. X.

Fluminis Cajanæ descriptio, & Continentis illi vicinæ, populorumque mores qui hic habitant.

10

POST *VViam* sequitur *Cajane*, circiter trium milliarium intervallo, celebris fluvius; distans ab *Æquatore* quatuor gradibus & quinquaginta scrupulis versus Arctum, prout à nostris invenio observatum. Notandum autem duos amnes hic per unum ostium in altum egredi, *VVackam* atque *Cajanam*; quorum ille oritur è vicinis montibus, & tantum septem aut circiter milliaria descendit; hic vero longe altius penetrat in Continentem. Ostium autem *Cajanæ* satis latum est, & fere tres quatuorve orgyas altum; sed in adeundo summa cautione opus est, ob scopulos qui procul in alto objacent, præsertim unum, quem barbari vocant *Hocaiari*, nostros *Constapel*, qui distat ab ostio tria quatuorve milliaria versus Ortum: & marinorum 20 flutuum cursum, qui hic valide fertur versus occasum.

Harcourtius observat, flumen hoc subeuntibus ad dexteram jacere insulam, quam barbari vocant *Muccumbro*; ea concluditur ab ortu quidem à *Cajana*, ab occasu ab amne *Meccoria*, patetque in ambitu circiter sedecim milliaria, maxima sui parte plana & campestris; in medio autem illius consurgunt duo montes, quorum unus vocatur *Muccumbro*, alter autem *Cillicedemo*, à quorum fastigiis, amæna hæc regio, undique oculis lustratur: pauci hic videntur luci, plures campi, in quibus magnus ferarum numerus vagatur.

Idem testatur, *Cayana* accolat, & qui hanc partem continentis habitant, natione *Caribes* esse, quorum præcipuus regulus dicebatur *Arrawicary*, & juxta *Cillicedemum* montem incolebat, advenis & præsertim Anglis (ut inquit *Harcourtius*) valde adductus & fidus: *Caribes* enim antiquissimè harum regionum incolæ creduntur, nam *Tajoi*, *Sappajoi*, *Arwacca*, atque *Paragoti*, aut ab *Insula Trinitatis* aut ex *Oronoque* provinciis huc confugerunt, ab Hispanis puls, aut saltem eorum sævitiam mercentes; ira ut inter hosce & *Caribes* qui littora accolunt, haud satis bene, nisi forte in speciem convenient & non raro inter se discordes, ad rixas & mutuas cædes prorumpant: nam inter *Caribes* qui interiorem continentem, & montana incolunt, & hosce barbaros perpetuum est bellum; sæpius enim descendunt è montanis ad littora, & miseros hosce opprimunt inopinantes, mactantque alios, & non paucos abripiunt in miseram servitutem: verumtamen postquam Europæi has oras adire & cum littoralibus 40 mercibus commercia habere cœperunt, nonnihil armorum ab his acceperunt, quorum usum leviter edocti, minus minusque jam montenses *Caribes* metuant, atque adeo nonnumquam ultro ipsos aggrediuntur.

Porro intra continentem, in montana regione versus Africum plures aliz degunt barbarorum nationes, quorum nomina (& mores) non satis hætenus sunt cognita: quanquam pro regionum amplitudine admodum infrequentes sint incolæ; suetum enim plerisque barbaris, qui hanc continentem incolunt, sedes suas crebro mutare, nec fere, nisi peritro, eandem figere præterquam ad ripas fluminum, aut ad oram maris, quia piscatione imprimis delectantur, piscesque facillime parabilem victum, & maxime idoneum opinantur, natura enim desides & laborum intolerantes abhorrent à cultura agrorum, obviis contenti. Nulla pene ipsis Reipublicæ forma, nisi quod plerumque in singulis provinciis, atque adeo pagis, regulos sive, ut barbari vocant, *Casiques* habeant quibus parent quandiu libet: duo tantum crimina punire dicuntur homicidium, & adulterium per carnifices ad id destinatos. Plures sumunt sibi uxores, & de earum castitate summopere sunt solliciti: nam in adulterio deprehensis statim cōtinuunt carcere sine ulla judicii forma. Vxorū multitudo hic inter decora æstimatur,

50

æstimatur, & singulare est opulentia argumentum: Nam, præsertim seniores, ministrant maritis, instar mancipiorum, omniaque domestica ministeria explent, viris interim otiosis aut genio indulgentibus. Verum quum jam pene ad cœntrum mediæ hujus partis pervenerimus, antequam ad reliquos fluvios describendos procedamus; de cœli solique qualitatibus, incolis, & plantis atque animalibus nonnulla dicemus.

C A P. XI.

De Cœli Solique qualitatibus, in hisce partibus Continentis, & de Incolarum ingeniis, moribus atque institutis.

10

TEMPESTATES anni in hoc clymate plurimum variant: nam in orientali Guianæ parte quæ vergit versus Flumen Amazonum, æstas inchoatur à mense Augusto; hyems à Februario: in occidentali autem parte & versus Orenoquen sumit æstas exordium ab Octobri, hyems ab Aprili: Quæ tempestates, quod & alibi monuimus, tantum pluviis (unde barbari pluvias & hyemem uno nomine denotant) & siccitatibus; itemque gravissimis ventorum flatibus & malacis distinguuntur: nam quum hæ regiones tam exiguo intervallo absint ab Æquatore, exiguum admodum caloris & frigoris patiuntur vicissitudinem: Neque tamen omnibus annis, æqualiter aut æque diu pluit; sed discrepant interdum uno atque altero mense, & pluviarum

20 copia aut mediocritate.

Solum quoque plurimum differt: semper primò ad oram maris fere est humile, & nisi auræ pene perpetim interdiu ab oriente valide perflantes, estum egregie temperarent, à mortalibus habitari neutiquam possent, nunc vero vel maxime à barbaris habitatur, ob fluminum quæ passim hic effluunt; opportunitatem, & telluris fecunditatem, atque adeo cœli (paucis quibusdam locis exceptis quæ incolarum valetudine male audiunt) bonitatem atque salubritatem. Intra continentem plurimi videntur montes, quorum quidam sæcundo solo culturam facile admittunt; alii penitus sunt asperi, sed variis metallorum venis scatere creduntur: in hisce montibus nonnihil algerit, nihilo

30

tamen secius aer hic saluberrimus judicatur, quo fit ut plures barbari ibidem habitent. Inter hæc extrema, veluti medium est, solum modicè editum, præcedentibus longè feracius, atque amœnius, nemoribus atque lucis, campis atque pratis grata varietate distinctum, adhæc pluribus annis & torrentibus rigum; cœloque imprimis salubri; neque metallorum in variis provinciis penitus inops. Cæterum duas pestes hic patiuntur indigenæ, culices ipsi *Mapiery*, & niguas, ipsi *Sico*: adversus priores tamen in promptu remedium est noctu luculentum focum in ædibus alere.

Barbari qui has oras accolunt, (quemadmodum à quodam nostrorum accepi, qui aliquandiu hic vixerat,) sunt septem nationum, quæ nonnihil à se invicem motibus, multum autem linguis differunt, *Mayi* ninnium, *Aricoury*, *Maraons*, *Caribes*, *Armaccæ*, *Iajoi* & *Sapajoi*.

40

Omnes autem maximam partem, statura sunt mediocri, cætinibus nigris, quos interdum ornatus gratia rubro colore inficiunt; oculis quoque nigris; auriculis, & naribus, atque inferioribus labiis perforatis; universum denique corpus inficiunt tinctura quadam, quam *Iajoi* atque *Shebajoi* vocant *Annoto*, *Caribes* autem *Consauwe*: hanc tincturam à primis annis usurpant adversus æstum solis. Fæminæ insuper nonnullæ & præsertim adolescentulæ, pingunt cutem certis figuris, gummi quoddam nigrum ad id usurpantes, quod color illi castanco superinducunt.

50

Utrique tam mares quam fæminæ, ut plurimum nudi incedunt, nisi quod quidam utriusque sexus nonnumquam pudendas partes panniculo leviter velant, magis ornatus, quam honestatis causa aut pudoris. Fæminæ capillos vitris quibusdam subligant supra verticem: pariunt facillime; & infantes suos circumgestant, lumbis suis insidentes, aut fascia subnixos: suntque ut plurimum breviori statura quam mares, præsertim in provinciis, quæ magnum flumen *Amazonum* contingunt.

Religio ipsi nulla est: Solem quidem & Lunam, quos animatos arbitrantur, venerantur, non tamen aut adorant, aut quicquam illis immolant, offeruntve; quantum hætenus à nostris potuit observari: carent omnibus ceremoniis, nisi forte in exequiis defunctorum ulla adhibeant: nam in Regulis suis funerandis, symposia celebrant, &

ad extremam ebrietatem hauriunt, liquorem quem vocant *Parnow*, tribus aut quatuor diebus; certis quibusdam feminis interim mortuum plangentibus maximo ejulatu, non sine quibusdam superstitionibus, uti videtur.

Quemadmodum nullis Sacris operantur hi barbari, ita nullos quoque habent sacerdotes: sed tantum hariolos quosdā & fatidicos, quos ipsi vocant *Peciaioi*, qui miseros miris fastigiis ludunt; persuadent enim se crebro cum dæmone sermones serere, quem *Wattipam* nominant, & res gestas in longinquis regionibus ab ipso edoceri, nec non futuras præmoneri: agnoscunt autem hunc spiritum malum esse; neque injuria, nam haud raro miserum in modum ab ipso flagellantur.

Observatum quoque à nostratibus, aliquos barbaros, præsertim *Jaioi*, pro numine venerari *Tamoucum*, ut vocant, quem in superiore aëris regione degere, & inferiora hæc pro nutu gubernare profitentur, unde mane atque vespere ipsum solent adorare: Sed hoc hisce barbaris peculiare videtur.

Credunt ut plurimum animarum immortalitatem, & vita functos, si bene vixerint ad cælum ferri, quod ipsi vocant *Caupo*: si vero improbe, ad inferos sive terræ viscera detrudi, quæ nominant *Soy*. Itaque Regulis suis aut magnatibus decedentibus, mancipiorum ipsius unum, aut si nulla habeant, famulorum aliquem solent mactare, ne ministerio in altera vita destituantur.

Natura sunt timidi & valde suspicaces, neque minus vindictæ cupidi, unde facile uti à nostris accepi, sibi ab hisce *Peciaioi* patiuntur persuaderi, aliquo amicorum immature uti ipsis videtur defuncto, ipsi exitum ab hoc aut illo maturatum, unde gravia odia & non raro cædes & alia mala inter ipsos oriuntur.

C A P. XII.

De barbarorum horum idiomate, præsertim Yaiorum.

Y *Aiorum* gens uti latissime pater, ita & idioma ipsorum maxime commune est in illis partibus: itaque hujus potissimum specimen dabimus; & aliorum puta *Arwaccarum* & *Shebaiorum* aliquot vocabula adjungemus ut differentia aliquo modo percipiantur.

Pater	Yais dicitur	<i>Pape</i>	<i>Arwaccis</i>	<i>Pilplii</i>	<i>Shebayis</i>	<i>Heja</i>
Mater		<i>Immer</i>		<i>Saeckee</i>		<i>Hamma</i>
Caput		<i>Boppe</i>		<i>Wassijeh</i>		<i>Wackewjrrij</i>
Auris		<i>Pannaie</i>		<i>Wadycke</i>		<i>WVackenoely</i>
Oculus		<i>Poece</i>		<i>Wackosije</i>		<i>Noeyerii</i>
Nasus		<i>Hoernaly</i>		<i>Wassjerii</i>		<i>WVassibaly</i>
Os		<i>Hopataly</i>		<i>Dalerocke</i>		<i>Darrymaity</i>
Dentes		<i>Hoieclii</i>		<i>Darii</i>		<i>WVadacoely</i>
Crura		<i>Pollelii</i>		<i>Dadane</i>		<i>WVatabaye</i>
Pedes		<i>Poepe</i>		<i>Dackosye</i>		<i>WVackehyrry</i>
Arbor		<i>Wewe</i>		<i>Hada</i>		<i>Ataly</i>
Arcus		<i>Hoerappe</i>		<i>Semarape</i>		<i>Hoerapallii</i>
Sagittæ		<i>Mapperoe</i>		<i>Symare</i>		<i>Heberry</i>

Omnes hi barbari tempora distinguunt Lunis: Jaioi autem vocant Lunam *Nonna* vel *Noene*: *Arwaccæ* autem *Cattohee*; *Shebaioi* *Kyrtjrrre*. Solem itidem vocant *Jaioi* *WVeyo*; *Ar*: *Adaly*: *She*: *WVecoelye*, cujus nomine *Jayoi* etiam diem denotant.

Licet autem numeros fere digitis indicent, & quum decem volunt dicere utriusque manus digitos erigant, & quum viginti eosdem cum pedum digitis conjungant; tamen & vocabula propria numerorum habent Jaioi (nam de cæteris mihi non constat): ut 1 *Tenyn*: 2 *Tage*: 3 *Terrewaw*: 4 *Tagyne*: 5 *Nepatoen*: 6 *Tedwyne* *Ieclyckene*: 7 *Tage* *Ieclyckene*: 8 *Terrewan* *Ieclyckene*: 9 *Tagyne* *Ieclyckene*: 10 *Iemrale* *mepatoen*: Deinceps prioribus quatuor numeris subjiciunt *abopene*; ut 11 *Tenynne* *abopene*: & ita porro: 15 autem *Haboboppene*. 20 *Pemoene*.

Quæ

Quæ sequuntur vocabula è *Iaiorum* lingua à nostratibus sunt observata.

Guttur	<i>Ieene</i>	Cælum	<i>Capou</i>	Aper	<i>Pingo</i>
Collum	<i>Boppomery</i>	Stella	<i>Chirika</i>	Tigris	<i>Aroua</i>
Humertus	<i>Hoomosaly</i>	Aër & ventus	<i>Pepette</i>	Canis	<i>Pero</i>
Cor	<i>Hoppelabolle</i>	Pluvia	<i>Kenape</i>	Cuniculus	<i>Aconri</i>
Venter	<i>Holopotaly</i>	Tonitru	<i>Tonimerou</i>	Anser	<i>Rapone</i>
Pectus	<i>Pyelapo</i>	Terra	<i>Soye</i>	Ardea	<i>Onakare</i>
Ubera	<i>Mannatii</i>	Mare	<i>Parona</i>	Pittacus	<i>Courga</i>
Brachium	<i>Iapelly</i>	Ignis	<i>Onapoto</i>	Cancer	<i>Coia</i>
10 Genua	<i>Goenaly</i>	Lapis	<i>Tapou</i>	Securis	<i>Oioe</i>
Frater	<i>Huoreye</i>	Aurum	<i>Carecoury</i>	Culter	<i>Rapou</i>
Soror	<i>Waryce</i>	Arbor	<i>Yeué</i>	Ligo	<i>Masseta</i>
Filia	<i>Comi</i>	Cervus	<i>Oussari</i>	Remus	<i>Aquebuté</i>

Verborum quædam à nostratibus ex eorundem lingua observata.

Edere	<i>Ouaouinne</i>	Bibere	<i>Euenike</i>	Dormire	<i>Vniguené</i>
Venire	<i>Tafe</i>	Plorare	<i>Onamonu</i>	Cadere	<i>Pogue</i>

Plurima autem verbo componunt è nominibus adjecto sub finem nominis *Eri*, ut *Amaka-Eri* facere *Amakam* aut lectum pensilem, & similia.

20 Ita	<i>Iá & Iafay</i>	Bonus	<i>Coure</i>	Grandis	<i>Nomone</i>
Non	<i>Onati</i>	Malus	<i>Icone</i>	Parvus	<i>Enchique</i>
Candidus	<i>Topouronme</i>	Niger	<i>Topouronme</i>		

Atque hæc tam nomina quam verba à nostratibus inveni observata ex *Iayorum* idiomate.

C A P. XIII.

De annona barbarorum, animalibus, piscibus & Plantis.

30 **A**BUNDANT hæc regiones variis rebus ad victum necessariis: Pro farre ut plurimum usurpant *Cassaven*, quæ sit è certis radicibus, quas jam ante descripsimus; quas supra lapidem ad id comparatum comminuunt, & exprimunt liquorem, qui crudus noxius est & venenosus, verum coctus cum pipere Brasiliiano, sive Axi perutilis & palato gratus: farinam autem cogunt in panes sive liba, & torrent super lapidem: panes hi pergrato sunt sapore, & pene instar eorum qui sunt ex hordeo, sed meliores. Componunt itidem è Cassavi varias potiones; quarum aliam vocant *Passauu*, quæ quinque diebus servari potest; aliam *Parranoun*, quæ decem: quæ & generosa est & variis modis ab ipsis miscetur; optimè autem à *Iayis* & *Arwaccis*, quæ duæ nationes mundiciam maxime amant. Habent & Mayzium, de quo supra satis multa jam diximus.

40 Abundant præterea melle, quod licet sylvestre sit & è concavis arborum truncis & cavernis subterraneis eruatur, tamen longe optimum est, ita ut optima aqua mulla ex illo fiat. Vites quidem hic minimè reperiuntur, licet haud frustra iudicent, earum haud impatiens esse solum, & si hic plantarentur, cælum procul dubio uvas maturaturum, ita ut præstans vinum exprimi posset, quo hæc elymata imprimis opus habent.

Plurimæ reperiuntur hic feræ, venationi peropportunæ: nimirum cervi, apri duorum generum, qui tamen fere mole distinguuntur; majores vocant *Pingo* vel *Panigo*, Europæis haudquaquam inferiores: minores *Pockiero*, qui umbelicum in dorso obtinent. Infinitus numerus leporum & cuniculorum, qui à nostratibus diversi esse dicuntur. Et vacæ sylvestres quas vocant *Maypouri* vel *Maipuries*, (de quibus supra diximus) carne instar bovillæ, & quæ ad eundem modum muria condiri se patiuntur. Aliud animal quod vocant *Baremo*, carne instar ovillæ: varix damarum species & ab Europæis nonnihil diversæ; etiam aprorum quædam species, quæ lardo caret, & ipsis dicitur *Ahibera*: & animantia illa quæ à pigritia nomen meruerunt, quia tardissime progrediuntur aut ad fastigia arborum subrepunt, ipsis *Waricarii*: infiniti Simii & Cercopithecii: & plures majorum atque minorum quadrupedum species, quæ passim in

hac America Meridionali reperiuntur; etiam feroces & hominibus infestæ animantes, tigres, leones, pardi, lynces.

Avium quoque magna hic copia atque varietas, nam præter anseres atque anates quas hi barbari vocant *Raponne*; ardeasque quas vocant *Ovakare*; gruces, ciconias, phasianas aves, perdices, columbas, merulas, ficedulas sive scolopaces, psittacos variorum generum & cornices elegantibus plumis; aliasque: reperiuntur hic quoque fere omnes illæ volucres, quas in Brasilia utraque descripsimus: aviculam autem illam Covaka. monstroso & grandi rostro vocant *Covakan*: psittacos *Courga*. Nec desunt hic plures aves quæ raptu vivunt, præsertim falcones variorum generum.

Piscium quoque maxima hic est varietas, tam marinorum quam fluviatilium; & quidem præter eos qui nostro quoque mari familiares sunt; piscem habent Salmoni nostrati non ab similem, præterquam quod carnes illius sunt crocei coloris, uti nostratum rubri. Itemque quem superiori libro descripsimus sub nomine *Araovaova*, quem hi barbari vocant *Chipari*. Adhæc speciem *Kaya* sive pastinacæ, cuius cauda osse semipedem longo armata est acutis denticulis utrimque aspera, quorum punctura imprimis noxia est; barbari hi vocant *Pakamen*; nos eundem supra descripsimus sub nomine *Xaveboayre*. Quibus nostrates addunt *Cavimo* piscem Afello majori mole pene parem, sine squamis, verum armatum sex acutissimis spinis, valde venenatis; in cerebro illius lapidem reperiri tradunt, admirabile remedium contra arenas & lapillos renum. Et Accare. *Accaren* crocodilis haud ab similem, sed magis gracilem, longioremque & rostro breviori atque obtusiori, victitat piscibus, egreditur tamen nonnunquam in terram: cibis idoneus, sed captu perdifficilis, licet grato odore, quem fundit, se prodatur: minor ejusdem species appellatur à barbaris *Owanna*. *Aymaren* item instar grandis alosæ, qui in fluviis tantum capitur. Quos autem alibi vocant *Manatos*, hi barbari vocant *Cojumero*.

Harcourtius addit hæc *Cassoorwan* tarum pisciculum, paulo majorem *Apua* cobite vel spiring, sed multo meliorem: hic in singulis oculis duas habet acies, ita ut inter natandum alteram infra aquam, alteram supra teneat: dorsum habet planum cum spina, & costis rotundis, pene ad humanum modum. Denique fluviatiles pisces tam multi, & tam præstantes hic reperiuntur, (licet à nostratibus multum diversi) ut vix ulla regio in terris magis illis abundare possit. Testaceorum piscium hic quoque infinitus est numerus, maxime ostreorum.

Arbores fructiferae, variaeque plantæ & herbæ hic nascuntur passim, quas jam supra descripsimus; Pinnae, Platani, Mespyli, quarum fructus nostrates mole superant: pruni diversorum generum, sed fructus minus commendantur, quia crebrius commestis lyenteriam provocant, quæ in hisce partibus admodum periculosa est: Nuces variorum generum, & peregrinæ quoque formæ.

Licet autem tot fructibus abundet regio, tamen, (quemadmodum à nostris accepi) communiter vescuntur barbari, certis radicibus, quæ oblongis rapis valde sunt similes, ipsi vocant *Napi* & cancris sive astacis, quorum magna copia in riguis campis atque ad oram maris reperitur, quos barbari suo idiomate vocant *Coa*.

C A P. XIV.

De aliis quibusdam plantis, resinis, & lignis, quæ commercii apta sunt, & singularem habent usum in Medicina.

INTER præstantissimas plantas, quæ sponte hic nascuntur, merito primum locum sibi flagitant cannæ sacchari, & quarum flagitura ingens quaestus posset fieri, si hic machinæ ad cannas molendas comparatæ excitarentur, quemadmodum à Portugallis in Brasilia videmus factum, ad quas quidem initio magnis expensis opus est, quæ deinceps maximo quaestu refunduntur.

Proximum locum merentur arbusculæ quæ gossypium ferunt, quæ & frequentissimæ hic sunt, & facile admodum coluntur & propagantur, & intra annum ex quo satae sunt uberes fructus reddunt. Barbari autem noverunt illud in fila ducere & ex illis lectulos suos pensiles contexere, magni in hisce partibus usus.

Nascitur hic quoque infinita pene copia cannabis sive lini quædam species, admodum

dum elegans & tenuis, ita ut byssum æmuletur; è cuius filis varii panni texti possunt, uti experientia est comprobaturum.

Præterea varii hic nascuntur fructus, qui tincturas edunt supra modum elegantes, quarum usum & barbari noverunt; qualis est *Annoto*, quam alii vocant *Orellanam*, quâ lanæ & præsertim byssus, colore inficiuntur aurantio. Habent & alium acinum, qui cyaneum colorem edit. Necnon gummi quoddam, quod à certa arbore funditur, quod pannos eleganti & pertinaci colore flavo tingit. Atque frondes cuiusdam arboris, quæ bene præparatæ, colorem obscure rubeantem fundunt.

- 10 Præterea lignum quod elegantem colorem purpureum edit; ut & alterum quod croceum; tertium denique cuius liquor excoctus, fervens quidem purpureo tingit colore, frigidus autem coccineo. Nec dubium est diligenti inquisitione & alia ejusmodi ligna hic posse reperiri, quæ magno usui sint futura.

Gummi & resinæ bene olentes & magni in medicina usus hic reperiuntur plures, inter quas celebrantur ab *Harcourtio Colliman* sive *Carriman*, & *Baratta*.

- Colliman*, ut inquit ille, resina est nigricans & resplendens, instar picis duræ, quæ Colliman.
prunis imposita gratissimum fundit odorem: *Waltherus Caryus Buckinghamius*, vir exacti de simplicibus quæ in medicina usurpantur judicii, testatur fumum hujus ter quaterve quotidie naribus haustum egregie mederi gravedinæ capitis, & cerebro humido frigidoque plurimum prodesse, & rheumata silitere: adhuc efficacissimum esse remedium adversus paralytin, cuius capitis gravedo & somnolentia prognosticon solet judicari. Medetur quoque doloribus, quos foeminæ quæ crebro pepererunt, patiuntur juxta lumbos, & inferiore dorsi parte, si liquefactum illinatur pelliculæ, & calidum applicetur parti affectæ, instar cerati. Creditur & nèruos corroborare; & levamen adferre illis qui arthridis doloribus torquentur; denique & recentia vulnera egregie consolidare.

Baratta itidem prunis imposita egregium fundit odorem; estque balsamum præstantissimum, & adversus recentia vulnera imprimis efficax, uti experientia à multis est comprobaturum. Reperiuntur & plures hic resinæ, quæ gratum odorem fundunt; & præsertim una quæ odorem spargit instar *Majoranæ* nobilis.

- 30 Nascentur hic passim præsertim juxta litora, arbuscula sive fereux, cuius jam ante aliquoties meminimus, ferens fructum (ut inquit *Harcourrius*) instar viridis pomi, & quidem minuti, pollens somnifera qualitate, ita vehementi, ut vel particula quævis exigua imprudenter usurpata lethalem somnum inducat; & vel una gutta illius liquoris hausta tam valide deiciat alvum, ut observatum sit sexaginta sedes non sine extremo discrimine operatam: Putatur tamen, si maligna illius qualitas à medicis corrigatur, caute in medicina posse usurpari.

- Acinus qui barbaris dicitur *Kellese* utiliter adhibetur contra dysenteriam. Succus autem herbæ quam vocant *Pppee*, adversus vulnera à venenatis sagittis inflicta. Denique succus foliorum quæ *Scari* nominantur adversus dolores capitis. Pluraque simplicia, quæ peropportune ad medicinæ & Chirurgiæ usum possent traduci.

- 40 Nascentur præterea hic arbor, quam barbari maximi faciunt, & plerumque juxta domicilia sua colunt, ob insignem in piscatione usum: solent enim in recessibus & elycibus, postquam æstus maris implevit, & copiam piscium adduxit, è cymbis suis, ramulos hujus arboris, prius nonnihil fractos, manibus terere inter undas, ita ut succus corticis se diffundat; pisces autem illo succo ita soperantur, ut statim supernantent, & manibus capiantur.

- Huic accedit arbor quæ materiem fert quantivis pretii, barbari vocant *Pira Timinere*, nostrates vulgo *Letter-hout*; est enim valde solidum, durum & grave, colore rosso elegantibus notis subnigris grata varietate distinctum & insignis ad fabrilia operæ usus: Arbor est procera & recta, glabro cortice, frondes tantummodo ferens in fastigio trunci, quæ ad pyri folia quam proxime accedunt.

Gemmarum quoque copiam plurimis locis reperiri volunt, ut Iaspidis, Porphyrii, & illius quam summopere commendant adversus Nephritidem. Nec præmetallorum etiam præstantiorum effata creditur tellus, licet hæcenus nullæ auri aut argenti venæ hic apertæ fuerint; quamvis studiose à multis quæsitæ.

Aliorum fluviorum qui ex eadem ora in Oceanum exeunt & imprimis Marwinis, descriptio.

REVERTIMUR jam ad Continentis descriptionem. Post *Cajanam* de qua jam diximus, sequitur ad eandem oram, tenuis amnis *Meccooria*, vel ut alii vocant *Macuria*, de quo nihil singulare accepimus, est enim parvi momenti. Et post hanc *Couriva*, ut *Harcourtius* vocat, aut *Cawroora* ut nostrates, octo milliariibus à *Cajana* versus occidentem, ut à quibusdam nostrorum invenio observatum: angusto quidem ostio sed satis alto, ita ut portum haud inidoneum aperiat: objacent autem illius ostio tres insulae: Solum ad ripas fluminis limosum est, producens maximam copiam cannarum, quae Sacchari quidem cannis videntur similes, verumtamen ita sunt venenosae, ut linguam supra modum inflent, & loquendi facultatem impediunt, quare monendi sunt hic forte appellentes, ut sibi ab illis caveant.

Sequitur deinceps fluvius *Manmanurii* novem milliariibus à *Cajana* versus Corum; ab hujus ostio versus Arctum tres illas insulas Continenti objacere tradunt nostrates: qui & ab hoc ad tenuem amnem *Scarowary* duo numerant milliaria; & porro ad *Synnamaryn* quinque; aut sex: à quo ad *Amonam* vel *Amanam* designant quindecim milliaria.

Harcourtius nominat post *Cawroora*, *Manmanuryn*, *Sinnamaram*, *Oorasséwinin*, *Coonannoniam*, *Vracco* & *Amannam*: *Laurentius* autem *Keymís*; *Cumanammam*, *Vracco*, *Mawarin*, & *Mawarparo*: alii adhuc alia nomina prodiderunt, quae hic praetermittimus.

Ab *Amana* ad *Marmynen* numerant nostrates duo milliaria: qui fluvius distat ab Aequatore quinque gradibus & quinque supra quadraginta scrupulis versus Arctum: Insignis fluvius, & supra milliare germanicum in ostio latus, & satis altus; verum observantur quaedam vada, quibus superatis intra ostium & praesertim ad latus subeuntibus sinistram septem & octo orgyrum altitudo deprehenditur; quae pertendit usque ad tres parvas insulas, supra enim has jam minus atque minus altus deprehenditur; Haec insulae appellantur à barbaris *Curewapory*, non coluntur tamen, quia quum pluvii mensibus fluvius intumescit, inundari solent: Descendunt in hunc ab utraque plaga minores aliquot amnes & imprimis duobus milliariibus supra ostium tenuis amnis *Cussewini*.

Narrat *Harcourtius* se hunc fluvium ascendisse anno 1650, & superatis illis insulis adiisse pagum *Moyemon* ad sinistram ripam situm, & à Paragotis habitatum, quorum regulus vocabatur *Maperisaka* vir bonus & advenis fidus, postero die ascendisse pagum *Cremynay* ad dextram ripam situm, & à *Caribibus* habitatum, quorum regulus dicebatur *Minapa*, & duabus cymbis uniligneis ab ipso acceptis provectum secus plures utrimque pagos usque ad viginti leucas ab ostio, offendisse plures rupes, de quibus undae cum magna violentia ruebant, ita ut cum summa difficultate porro ascenderent, & quo altius provherentur, eo plures Cataractas invenisse; superato autem primo monte quem barbari vocant *Sapporonn*, è longinquo prospexisse longe editiores montes quos barbari appellabant *Matawere Moupanana*, & quum jam sex dierum itinere & circiter quadraginta leucas ab ostio ascendissent, torpentes & tantos Cataractas offendisse, ut altius subire neuiquam valerent. Testatur autem se hic vidisse plantam illam, cujus alibi meminimus, quae rosarum plantis haud dissimilis, sentiendi facultate videtur praedita: nam si folium vel leviter digito contingas statim se contrahit, & si forcipe amputes, tota planta veluti marcescere videtur, & vix post dimidiam horam rursus folia sua explicat.

Idem narrat cognatum suum *Fisherum* cum aliquot comitibus & barbaro *Maperisaka*, aquis fluvii auctis, novem dierum itinere eundem ascendisse, & circiter centum leucis ab ostio adiisse pagum *Taupurammen* à *Caribibus* habitatum: à quo ad *Moreshego* alterum pagum ab eadem gente habitatum quatruidui iter est: atque ibidem accepit à barbaris sex dierum itinere supra *Moreshego*, plures barbaros incolere, longe majore statura & robore quam ceteri barbari, qui auriculas, nares & inferius labium

perfo-

perforant, & validis atque ingentibus utuntur arcubus: hic autem ab dextera lœvaque plures amnes in *Marwynen* confluere, *Arrennen*, *Toppawin*, *Errewin*, *Convommam*, *Pooraketen*, *Arrovam*, *Arctowenen*, *Waounen*, *Anapen*, *Aunimen* & *Carapion*. Denique à *Tanpuramune* ad fontes fluminis *Marwyni* viginti dierum iter superesse.

Accepi autem à nostratibus qui superioribus annis fluvium hunc lustrarunt, quinque nationes barbarorum ripas illius accolare: nimirum paulum supra ostium *Percottas*, *Arwaccas* & *Shebajos*: & supra hos *Caribes*, populosam nationem, ferocem & cui parum est fidendum; mares sunt procero & obeso corpore, capillis in orbem detortis, instar coronæ sacerdotalis, & cutem rubro colore tincti, velant pudenda panniculo quodam unum palmum lato & duos longo, cætera nudi: femine autem pusillo sunt corpore, subligant capillos fasciis quibusdam, prorsus nudæ: communis illorum victus est castavi, & piper Brasilianum & caneri: potus è cassavi masticato valde spissus, quem vocant *Wocke*; parent regulis, quos è fortissimis eligunt, vocantque *Puwe*, id est Patres: denique supra hos degunt *Tayoi*, quorum mores à *Caribibus* haud multum diversi sunt, nisi quod humaniores sunt & tuto ipsi fidi possit; his conjuncti sunt *Sappayoi*, eisdem moribus sed lingua diversa. *Arwacca* quoque & *Parcotta*, ut plurimum conjunctim habitant: quorum illi ebrietati supra modum sunt dediti, cætera natio haud mala; tam mares quam femine agunt prorsus nudi: Femine autem facillime enituntur fetus suos: si autem interdum accidat difficiliter parturire, infantem ut plurimum necant patres; quemadmodum & si claudus aut aliquo membro mutilus ipsi nascatur; aut si uxor famellam pariat quum vir marem unice cupivit: denique si faxina geminos pariat, quod tamen rarissime hic fit, etiam ipsa periclitatur ne à conjuge cadatur, ea est barbaries harum nationum.

Amana fluvii accolæ omnes sunt *Caribes*, uti à nostratibus accepi.

Solum juxta ostium *Marninis* est humile, & tellus rubicunda, haud admodum fœcunda: sex aut septem milliariibus intra ostium attollit se solum in modicos colles itidem rubra tellure & haud satis feraci: plures hic reperiuntur Sacchari canne, sed incultæ: plurimæ arbores quæ gossypium ferunt, sed ea est gentis segnities, ut illud negligant colligere. Nascitur denique optimum lignum, quod à nostratibus *Letterhout* diximus appellati. Pluvii menses hic initium sumunt à Calendis Decembribus, mensibus autem Januario, Februario & Martio pene continuo hic pluit, atque hac potissimum tempestate lignum hoc deducendum est, quod vilissimo pretio à barbaris comparatur, puta nonaginta & interdum supra centum libræ pro una securi; pro cultello autem viginti & interdum triginta.

C A P. XVI.

Aliorum aliquot fluviorum qui ex Continente egrediuntur descriptio, videlicet Sarnames, Sorames, Corretines, Berbices, Demararis.

40 **P**OST *Marwinen* sequitur ad eandem oram, octodecim milliarium (uti à nostris invenio observatum) intervallo, fluvius *Sarname*, vel ut alii vocant *Seivrano*: distat ab Æquatore sex gradibus versus Arctum, insignis fluvius, ostio satis angusto ad modum alto; circiter tribus milliariibus intra ostium, descendit in illum ab Euro alius amnis qui à barbaris appellatur *Ikonteca*, à cujus confluentē, fluvius principalis tortuoso alveo porro ascendit usque ad pagum *Noyeben*, cujus incolæ sunt *Caribes* & *Sapaioi*, distat autem ab ostio fluvii circiter duodecim leucas. Studiose autem cavendum est ab hisce populis, sunt enim infidi & crudēles, multorum Christianorum cædibus infames. Hic quoque magna copia illius ligni reperitur, de quo supra, sed minus laudati.

50 *Ikonteca* autem subeuntibus viginti aut viginti quinque leucas, ad tenuem rivum quem barbari vocant *Corevinnen*, ejusmodi lignum multo laudatius reperitur; verum provide cavendum à barbaris, qui & *Caribes* sunt & nostratibus supra modum infesti: odium hoc meruisse nostros memorant superioribus annis, impudicitia sua & libidine, qua factum fuerit, ut plures barbarorum conjuges adulterio polluerent, quod barbari ægerime patiuntur.

A *Sarname* ad *Soramem* numerant nostri duodecim milliaria; hic fluvius circiter

dimidiam leucam in ostio est latus, sed quia vadum objacet, à navibus adiri nequit; accolæ sunt *Caribes*, qui ligno illo abundant, atque gossypio.

Coreti-
nc.

A *Sorame* ad *Coretinen* sunt duodecim aut tredecim milliaria: hic fluvius tantum est modicus, lato quidem ore, sed minus profundus, cui parva insula injacet: distat ab *Æquatore* sex gradibus versus *Arctum*: ejus accolæ sunt *Caribes*. *Thomas Mashamus* Anglus, qui studiose illum lustravit, comparat cum *MarWine*; scribit ab ostio illius ad primum cataractem circiter quinquaginta esse milliaria, confluereque in illum *Manonem*, *Tapueron* & *Tabuebain* amnes: ripisque illius adjacere sex barbarorum pagos, *Warravallen*, *MaWranamen*, *Maapueren*, *Maccharibin*, *Tohoron* & *Vaperon*.

Berbice.

Sequitur deinceps decem leucarum intervallo *Berbice*, aliis *Berbin*, mediocris amnis, distans ab *Æquatore* sex gradibus & triginta scrupulis versus *Arctum*: ostium illius circiter quartam leucæ partem est latum, & circiter duas orgyas & nonnulum tredecim palmos altum, interius aliquanto altius, sed majoribus navigiis minime opportunum. Hic amnis quinquaginta aut sexaginta milliariis ab ostio intra Continentem descendit à Cataracte, præcipitatque se magno murmure in subiectas rupes: dilabitur autem tortuoso alveo: intra ostium ad utramque ripam, humile habet solum & denso neni ore oblitum, ubi viginti aut viginti quinque milliaria ascenderis, aliquanto altius est, sed arenosum & effretum, sternens se in patentes campos, quos vulgo vocant *Sabanas*, arboribus nutriendis ineptos, & nec satis idoneos, quare barbari plurimum laborant ut solum inveniant *Cassaves* radicibus conferendis aptum: Barbari autem qui hic degunt sunt *Arwacca*, haud inhumana natio & advenis fida: plures quidem hic reperiuntur fera, cervi, apri utriusque generis, verum difficulter capiuntur, quia se in sylvis & paludosis locis occultant; & barbari quibus continuum bellum est cum Caribibus qui *Coretinen* accolunt, vix audet sylvas illas ingredi, ne ab hostibus ex insidiis capiantur aut trucidentur. Solum hic tantum producit arbusculas quæ gossypium ferunt, atque etiam quæ tincturam illam quam vocant *Orellanam*: reliquæ arbores fere sunt sylvestres & nullius pretii. Nostrates jam ab aliquot annis hic egerunt inter barbaros, & coloniam huc deduxerunt: Præter Niguas, quibus infestantur, aliud hic incommodum patiuntur vulgo, pruriginem ad talos & pedes ita ut ferri vix possit, & si vel tantillum scabas, magnum discrimen incurritur & non raro aliquor mensibus claudicant.

Demara-
ri.

A *Berbice* ad *Demararin* numerant nostrates undecim milliaria versus *Corum*: distat hic fluvius ab *Æquatore* septem gradibus: ostio satis est alto, ita ut majoribus navigiis adiri possit; sed barbari procul ab ostio degunt intra continentem, & perdifficile est commercia cum illis exercere.

ESSEQUEBE.

C A P. XVII.

Essequebes fluvii & aliquot vicinorum descriptio.

POST *Demararin* sequitur ad eandem oram, quatuor milliarium intervallo, *Essequibe* vel *Dessekebe*, nobilissimus fluvius, & latissimo quidem ostio, sed or vadis impedito, ut hic provido & perito gubernatore opus sit; in adjacenti vasta illius æstuario tres oblongæ & satis grandes insulæ, quæ fluvium hic in totidem canales dividunt: Solent autem ut plurimum orientalem alveum subire; superius jacent adhuc plures insulæ, sed minores.

Laurentius Keymis narrat à barbaris se accepisse, viginti dierum itinere ab ostio, fluvium hunc oriri: & tantum unius diei itinere inde abesse magnum & famosum lacum, quem *Tayoi* quidem *Repononinin*, *Caribes* *Parimen* appellant; vastum instar maris; ad cujus ripas *Manoam* urbem conditam volunt; quam multi Hispani atque Angli jam diu frustra investigarunt. Quemadmodum à quodam nostrorum accepi, supra primum hujus fluvii cataractem, (habere enim plures, ita ut ad fontes usque neutiquam ascendi possit) inveniunt barbari crystallum valde durum & pellucidum.

Ad ripas fluvii habitant primo *Arwacca*, (humanioribus moribus, & Hispanis infensi), in variis pagis, & in singulis domiciliis, quatuor quinqueve familiæ, sedulam dant operam arboribus illis colendis, è quarum fructibus tinctura illa fit, cujus jam sæpius memini,

memini, quam hinc imprimis laudatam nostrates solent petere. Viri supra modum ebrietati sunt addicti; utrique autem tam mares quam feminae prorsus nudi agunt; præterquam quod mares pudenda exiguo panniculo obvelant, magis ornatus quam honestatis causa, mares quidem capillos in orbem decondunt, feminae autem promittunt: quæ & hoc peculiare habent à juventute, crura infra genua & supra talos tam arcte fasciis, quas indultrie norunt circumtexere, ita constingere, ut suræ illarum in summam crassitiem excrecant, quod valde formosum & decorum putant: dæmonem tantummodo venerantur, non quod malum esse ignorent, sed ne illis malum duat.

10 Supra hos incolunt alii barbari, quos vocant *Vaccenayos*; qui ab *Arvaccis* tantum idiomate differunt; jube bellum gerunt cum *Caribibus*; abhorrent quoque à Christianis; in ipsorum provinciis reperitur eadem illa tinctura; ad hæc maxima linguæ illius ut ita dicam literati copia.

Caribes denique degunt supra *Cataractas* & pene ad fluvii fontes, ita ut difficulter ad ipsos penetrari possit, nisi aliorum barbarorum ope degunt in pagis, singulæ familiarum in singulis ædibus, in medio autem pagi habent domicilium paulo majus, sed undique apertum, in quo hospites suos accipiunt, peregrino quodam modo: nam advenientem introducunt reguli, nec tamen alloquuntur, porrigunt dein ipsi sedile & tabacum, atque ita aliquandiu relinquunt solum donec quieverit & absolverit tabacum haurire; tum demum accedit regulus; & quærit an venerit, & illo annuente, confidet juxta & serit varios cum ipso sermones: accedunt deinceps alii è promiscua turba, ad eundem modum quærentes, & inter se garrientes ad aliquot interdum horas. Hi barbari valde sunt sobrii, licet seris abundet regio: victus eorum communis est *Cassave*, jusculum piperatum, terrestres cancri, & interdum pisces: incedunt prorsus nudi: erga advenas valde inurbani & arrogantes: feminae in peccendis capillis admodum sunt diligentes, sed imprimis decorum arbitrantur, ducuntur autem ab uno plures, & non raro postquam displicuerunt, ab iis mancipio traduntur. Parturitur quidvis à *Pyais* suis sibi persuaderi; & ubi quis defungitur, solent agnati illius quætere quare decesserit, si autem hatriolus alicui insensus respondeat, hujus aut

30 illius causa, nunquam quiescent agnati illi antequam designatum è medio sustulerint. In sepeliendis mortuis maximos edunt planctus; operiunt cadaver terrâ & ubi jam à putredine caro universa consumpta fuerit, ossa exhumant, & festo atque choreis celebratis recondunt ossa denuo; & totum pagum abolerent flammis, aliud commigrantes, ne & ipsi, ut ajunt, defungantur.

Solum ad ripas hujus fluvii paulum supra ostium humile est & in plures insulas divisum: sed ubi septem aut octo leucas ascenderit; altius esse incipit & maxima parte fœcundum. Superius autem dispescit se fluvius in tres veluti ramos, qui à diversis plagis descendunt, & fœcundissimum solum permeant. Plurimum hic & optimum reperitur lignum litteratum; sed non sine magno labore & impensa devehî potest

40 ad naves.

Sequuntur deinde ad eandem oram adhuc aliquot amnes *Caopici*, *Pavrooma* & *Moruga* (quem nostrates vocant *Ammegoren*) cujus accolas, Hispani è *Margarita* & *Caraccis* advecti, anno 1610 ope *Arvaccarum* ex avitis sedibus pepulerunt. Sed mox de his plura dicentur.

P A R S T E R T I A.

O R E N O Q U E.

C A P. XIX.

50

Descriptio fluminis Orenoques in communi secundum ea quæ ab Hispanis sunt prodita.

PERVENIMUS jam ad nobilissimum flumen, quod pene omnes Europæi jam vulgo vocant *Orenoquen*: de quo Hispani juxta atque Angli, mirabilia prodiderunt; constanti jam diu fama, per istud iter patere ad auriferam *Guisanem*, sive

five *Dorado*; atque tantopere decantatam & anxie quaesitam civitatem *Manoam*: quæ ex vero nomen sortita videtur; plures enim vana auri spe allecti, difficillima itinera susceperunt, ut hanc civitatem & auream provinciam invenirent: potissimum autem per hoc flumen, quia credebant & Peruviam propinquius esse, & ab *Orellana* enavigatum, unde & nomen illius non raro illi attribuunt. Ut autem commodius fluminis & regionum adjacentium situm explicemus, ab expeditionibus Hispanorum (uti & alibi fecimus) ordiemur, quas variis temporibus & diversis occasionibus instituerunt. Videtur quidem Christophorus Columbus tertia sua expeditione Anno 1498 ccccxcviii haud procul ab ostiis hujus fluminis abfuisse, nam quum Insulam quam hodieque vocant *la Trinidad* invenisset & superato Orientali illius promontorio, ingressus esset in fretum, quod illam à continenti dirimit, visa eminens Paria, per angustias, quas vocant *la Boca del Drago*, ad *Margaritam* penetrasset, flumen hoc præterit: neque dubium est Americum Vesputium, qui Anno 1498 ccccxcix has oras usque ad promontorium *de la Vela* lustravit, idem fuisse prætervectum: & post illum Anno 1500 *Pinzonum*; nullus tamen Hispanorum hoc flumen adiit aut lustravit ante *Didacum de Ordaz*, qui demum Anno 1500 xxxi ab Imperatore & Hispaniarum Rege Carolo, amplissimum impetravit diploma, quo ipsi soli permittebatur continentem Americæ Meridionalis, à Promontorio *de la Vela*, ducentis leucis versus ortum, lustrare, colonias deducere, & provincias illas Præfectura complecti. Is itaque rebus omnibus necessariis mature paratis, & quadringentis militibus cum idoneo belli apparatu & annona in naves impositis, continentem adnavigavit haud longe à *Marannon*, ibidemque haud opinantes in cymba unilignea intercepti quatuor barbaros, penes quos invenit duas gemmas instar Smaragdorū, quarum una pugni molem superabat: quas magna copiam fluvium profitebantur reperiti; ad hæc circiter xl leucis intra continentem ad fluminis ripas jacere editum montem, infinitis arboribus consitum quæ thus ferrent: Quibus permotus ille unice desiderabat dictum flumen lustrare: verum, à vadis propius accedere prohibitus & una navium cum exitio multorum ad scopulos fracta, atque à valido undarum lapsu versus occasum, præter ostium illius raptus, oras illius continentis porro strinxit usque ad *Pariam*. Hic appellens deprehendit, præfectum Insulæ Trinitatis Antonium Sedennum hic jam arcem struxisse in provincia 30
Reguli *Turipari*, & idoneo præsidio custodiendam dedidisse Legato suo *Joanni González*: nihilo tamen secius hic exscendens & arcem cepit & suis militibus attribuit; illique præfecit *Martinum Ioannes Tafur*; caufatus Sedennum & limites præfecturæ egressum, & contra edictum Hispaniarum Regis indigenas illius regionis mancipio cepisse & alio abduxisse in miseram servitutem. Post illa flumen lustrare aggressus, maximam annonæ inopiam est passus, donec ventum fuit ad municipium Reguli *Piari*, de cuius nomine, ut plurimum hoc flumen, superiori seculo, agnominabatur. Hic per amice à Regulo acceptus, locum hibernis cepit, multum refragantibus illius militibus, qui ulterius procedere maluissent, & magis intra continentem oppidum moliri. Hibernis autem exactis, flumen ascendere cepit, verum principali ipsius navi ad rupem quandam fracta, ducentos pedites & quadraginta equites exposuit in terram; & deinceps 40
terrestri itinere processit secus ripam fluminis; plurimis diebus nulli mortales ipsis visi præter paucos barbaros qui piscibus victitabant, cæterum rudes & omnium rerum inopes, è natione *Caribum*: non enim audebat longe à ripa discedere propter suorum paucitatem. Ad hunc modum quinquaginta dies progressus cum summo labore & comæatuum inopia offendit alterum flumen, quod in hoc confluebat: licet autem barbarus è natione *Arwacca*, qui hæctenus illi iter monstraverat, suaderet relicto majori alveo, alterum hoc flumen ascendere, futurum spondens, ut post aliquot dierum iter opulentas gentes & vestibus utentes reperiret; nequaquam assensit, sed majorem alveum est secutus, donec ad Cataractas ventum fuit, de quibus undæ magno 50
impetu se præcipitabant in subjectas rupes, ita ut naves ulterius ascendere neutiquam possent: Quare voti irritus iter flexit, & paucis diebus ad suos remeavit. Proposuit deinde ad fretum quod vocant *Cariaco* navigare, & ibidem oppido condendo locum capere: verum ab adversa tempestate ad Cubagum rejectus, hic à militibus suis fuit disertus; quare animo æger Hispaniolam petiit, atque inde Hispanias, & paulo post decessit, in Hispania, an vero in ipso itinere, incertum est. Atque ad hunc modum

Her. d.
l. 10. c. 10.

d. j. l. i.
c. ii.

dum habuit se prima Hispanorum expeditio in hoc flumine *Tusapari*, ut tum audiebat: de qua plurimas fabulas sibi persuaderi passus est Ralegus ab Hispanis, quæ nullo idoneo auctore confirmantur. Superiora autem ab *Herrera* Historiographo Regio accepimus.

C A P. XX.

Narratio eorum quæ porro ab Hispanis in hoc flumine lustrando fuerunt gesta, & imprimis ab Ortalisio.

10 **P**OST *Didaci de Ordas* obitum, *Parie* præfectura ab Imperatore attributa fuit Hicronymo de *Ortal* anno c1o 1o xxxiii: qui ad arcem illam appellens, Legatum suum instituit *Alfonsum de Herrera*; illumque cum ducentis militibus & quinque celocibus ablegavit ad flumen *Tusapari* penitus lustrandum. Hic flumen subiens pervenit primò ad *Caroam*, locum jam ante notum, ubi aliquandiu subsistit; missis interim aliquot suorum, ut interiorē continentem lustrarēt; qui quum nullos mortales invenissent & annona destituerentur, ad naves redierunt; promovit deinde ad fluvium *Carinacam*.

Ortalisio interea ad *Cubaguam* profectus, ut suos, qui ab adversa tempestate eo rejecti fuerant, requireret, & variis modis retardatus, consilium mutavit animumque
20 adjecit ad aliam expeditionem, ut suo loco explicabimus.

Herrera autem quum videret ad dexteram *Carinacæ* fluvii ripam multos barbaros habitare, exponit copias suas, & post anceps certamen profligat barbaros, plurimosque illorum capit: nonnihil annonæ hic inventum, quo famem profligarunt. Ascendit deinde alveum fluvii *Caxavane*, qui per solitudines labitur, ita ut milites præ annonæ inopia deficerent; nec ullos mortales hic obvios habuit, præter paucos *Caribas*, qui cum pyraguis suis descendebant; quos cum aliqua suorum clade cecidit aut cepit: atque hic captivis hisce didicit *Gujanam* jam post tergum ab ipso relictam, ante autem ipsum jacere amplissimam regionem *Metam*, cujus incolæ & vestibus uterentur, & maximis opibus abundarent. Monstrarunt deinceps hi barbari ipsi iter ad *Caburatum*.

30 Operæpretium fuit *Antonii Herrera* judicium hic audire: multi (inquit) hominesque credunt, fluvium qui *Metam* perlabitur, eundem esse cum illo qui in Novo regno Granatensi oritur atque illic à barbaris appellatur *Turmeque*, idque eo argumento, quod fluviorum, qui fontes suos habent in dicto Novo Regno, alii disabantur versus occasum, alii versus ortum: verum hæc opinio non probatur: siquidem ii qui has regiones perambulant, testantur hunc fluvium dici *Orinoco*, inter quem & *Marannonem* vastæ provinciæ interjacent, quæ vulgo nominantur *El Dorado*. Sed ut meum quoque judicium interponam, hæc posterior sententia nequaquam evertit priorem, nam neque novum est neque mirum, unum idemque flumen diversis locis & à diversis nationibus, alio atque alio nomine appellari: ita ut *Orinoco* & *Turmeque*
40 unum idemque flumen esse possint: maxime autem verisimile est *Orinoquen* maxima sui parte è Novo Regno descendere, ut postea dicemus. Sed ad expeditionem regrediamur.

Hispani à *Cabaruto* moventes, regionem omnem à *Caribibus* invenerunt pervastatam, & pervenerunt tandem ad Cataractas, à quibus *Ordas* retro cesserat: verum *Herrera* nequaquam deteritus, cymbas exonerari, & summo cum labore & discrimine traduci fecit; Cataractis autem superatis, regionem planam & campestrem, sed nullis mortalibus cultam ingrediuntur; ventumque tandem post plurium dierum iter ad ostium fluvii qui *Metam* perlabitur: Hic subductis cymbis, & exsensione facta, permolesto itinere per paludosa & impeditissima loca, penetrarunt ad pagos barbarorum, quos vocant *Xagæ*: (qui & ferocissimi & antropophagi esse dicebantur)
50 illumque post acre certamen fugatis barbaris ingressi, satis magnam annonæ copiam acceperunt. Trajecto deinde amne, in altero pago locum hybernis coperunt, ubi inter alia animalia, canes muhi ab ipsis inventi, quos barbari *Mayos* atque *Aurics* vocabant, carne palato haud minus grata quam capratum sylvestrium. Verum barbari paulo post tam inopinato in illos irruerunt, ut multi caderent, plures vulnerarentur, & inter eos *Herrera* qui rabidus paulo post expiravit: successit illi

Alvarus

Alvarus de Ordas, qui superstites reduxit ad naves, & denique ad *Pariam*; verum quum arcem jam desertam reperisset, (quia *Ortalius*, ut supra diximus, consilium mutaverat) copias aliò traduxit. Atque hæc quidem ab Hispanis in flumine *Viapari* gesta usque ad annum *1510* xxxvi.

Plures postilla expeditiones ab illis susceperat, dum anxie quærunt *El Dorado*; quarum varii auctores meminerunt, sed uti incertos hic consulto præterimus, properantes ad ea quæ nostris temporibus acciderunt.

C A P. XXI.

Quæ porro ab Hispanis hic gesta fuerunt & præsertim à Gundisalvo Ximene de Quclada, & Antonio de Berreo. 10

QUÆMADMODUM *Petrus de Orsua*, auro opulentam regionem *El Dorado*, quæ viverat è præfectura *Quirensi*, *Pixarrum* imitatus, ita *Gundisalvus Ximenes de Quclada* idem tentavit è Novo Regno Granatensi, per fluvium *Papamenem*, ut narrat *Walterius Ralegus* in *Gujana* descriptione; verum non minus irritò conatu. Is filiam suam elocavit *Antonio de Berreos*, qui soceri vestigiis insistens, tandem incidit in manus *Ralegi*, in Insula Trinitatis ab eodem interceptus, qui expeditionis suæ ordinem & eventum exposuit, uti à *Ralego* in commentarios fuit relatum, è quibus hic compendio quædam referemus. *Antonius de Berreo* (inquit) aditum ad *20*
Cassanar investigavit è Novo Regno Granatensi, & descendit fluvium *Cassanar*, qui in maiorem amnem confluit, qui *Pato* appellatur, & hic porro in *Metam*, qui denique se condit in *Barraquan*, quem alii vocant *Orenoquen*.

Oritur autem *Cassanar* in Novo Regno Granatensi è Montanis *Tuniz*; è quibus & *Pato* descendit: uterque autem confluit in *Metam*, qui oritur haud longe à *Pampelona* ejusdem Regni Granatensis oppido. Nos supra in descriptione Novi Regni mentionem fecimus fluvii *Pasi*, verum eundem, secundum *Herreram* in magnum fluminis *Magdalena* alveum se condere diximus. *Meta* porro, una cum *Guajare*, (qui oritur è montibus, qui *Timane* imminet) confluit in *Barraquen*; omnes hi fluvii veluti totidem sunt rami magni hujus fluminis, in quod ingressi, nomina sua amittunt, non minus quam ipse *Barraquen*, qui inferius appellatur *Orenoquen*. *Berreos* itaque cum copiis suis per *Cassanarem* descendit ad *Metam*, atque ita porro ad *Barraquen*, partim secundum ripas fluviorum incedens, partim cymbis vectus; verum postquam magni fluminis alveum fuerat ingressus, magnam jacturam passus est hominum atque jumentorum, pluribus cymbis aut ad cæcas rupes fractis, aut à rapido undarum lapsu & crebris vorticibus, eversis: plures quoque suorum desideravit in præliis cum barbaris qui montana incolunt; neque integro anno ullum operæ precium fecit, incertior multo de *Gujana* situ, quam antea: donec ventum fuit ad limites *Amapaje*, ostidui itinere à fluvio quem vocant *Caroli*.

Caroli. *Amapaja* provincia sua est ad ripas *Orenoques*, auri imprimis opulenta, si *Antonio de Berreo* & barbaris qui hic incolunt tuto creditur. Substitit hic mensibus sex, & fortissimo quoque suorum militum, & plerisque equis in variis certaminibus cum ferocibus barbaris, desideratis, tandem pacem à barbaris impetravit, & octo simulachra ex auro absoluto conflata & tam industrie, ut ipse testatur, facta, ut cum Europæis certarent; quæ ad Regem Hispaniarum fuerunt missa: barbari à quibus hæc accepta gentili nomine dicebantur *Anebas*, fluvius autem *Orenoque* juxta illorum provinciam jam duodecim milliaria latus esse traditur, licet hæc provincia septingentis aut octingentis milliariis credatur ab ostio fluminis abesse. Porro *Amapaje* provinciam solum ad ripam fluminis humilis est & paludosum, & rivi atque torrentes qui illud permeant, rubicundum colorem trahunt à limo; generantque quam plurima insecta supra modum venenata, ita ut valde periculosum imo lethale easdem haurire, quemadmodum *Berreus* narrabat se multorum exitio fuisse expertum.

Hinc digressus, & secundum Australem fluminis ripam incedens, anxie & diligenter cepit investigare, si quem aditum in *Gujanam* posset reperire, sed frustra, passum enim immincebant altissimi & præcipites montes: ad hæc plures offendit amnes, qui à dextra lævaque in *Orenoquen* descendebant, quorum tamen nomina se aut non

non didicisse aut oblitum profitebatur, præterquam fluvii *Caroli*: (stimulabat enim se cosmographiæ adeo imperitum esse, ut ne plagas quidem discernere nosset.) Ita ut de successu expeditionis jam pessime speraret, donec ventum fuit ad *Emeriam* provinciam, in qua annonam satis largam invenit, & incolas longe urbaniores. Regulus hujus provincie dicebatur *Caripana* pene tantum annorum senex, qui in adolescentia sua Insulas *Trinitatem* atque *Margaritam* inviserat, atque etiam in aliis partibus cum Christianis commercia exercuerat: ita ut instituta illorum edoctus, & suos pacifice gubernaret, & cum vicinis *Caribibus* ipsi haud male conveniret. *Berreus* hic aliquandiu commoratus, postquam se jam satis multa de *Gujana* compertisset, exstima-
 10 mine descendit ad Insulam *Trinitatis*, atque inde navigavit ad *Margaritam*: à qua cum quinquaginta militibus ad insulam *Trinitatis* remeavit, & ibidem domicilium fixit: sed paulo post aliquot suorum cum idoneo duce dimittit ad *Carapanam*: qui eisdem destinavit ad vicinum regulum *Morequitum*, itinerum ad *Guianam* haud dubio magis gnarum, siquidem illius provinciam tantum quinque dierum itinere dicebatur abesse à *Macureguara*, primo *Gujanae* oppido.

Morequitus hic superioribus annis plurimum auri deportaverat ad *Cumanam* atque *Margaritam*: & ingentem *Gujanae* opulentiam tam magnifice extulerat apud *Videm* qui tum præfectum in Insula *Margarita* agebat; ut ille ab Hispaniarum Rege diploma postulare, quo ipsi soli liceret illam lustrare & subjugare: cujus rei conscius *Morequitus* & *Berreus* haud dubio iniquior, milites illius haud lubenter accepit; non tamen
 20 palam detrectari ausus, aliquot suorum delegit, qui *Berreus* militibus, inter quos & monachus fuit, viam ad *Gujanam* commonstrarent: ita ut undecim dierum itinere penetrarent ad urbem *Manoam*, & magnam auri vim nanciscerentur, (uti *Berreus* referebat, sed negant barbari illos umquam eousque processisse) verum inde redeuntes, quum jam ad fines provincie *Aromaje* pervenissent, omnes à *Morequito* subditis sunt trucidati, uno tantum excepto, qui cladis nuntium & rem prout gesta erat ad *Berreum* pertulit: qui statim plures suorum dimisit, commilitonum suorum cædes vindicatum: verum *Morequitus* id metuens trajecto flumine *Orenoque* per provinciam *Saimam* & fines *Wiquitum* profugerat ad *Cumanam*, apud præfectum *Videm* se latibulum & delictorum veniam reperturum frustra credens: verum ille, licet *Morequitus*
 30 ingens auri pondus pro vitæ suæ incolumitate promitteret, quia tamen tot Hispani & inter illos religiosus illius opera perierant, *Berreus* nomine Regis illum postulanti, negare nequaquam ausus, miserum victum ad Insulam *Trinitatis* destinavit, ubi & supplicio à *Berreus* fuit affectus. Milites autem ab ipso missi provinciam pervastarunt, capiunt *Topiavarin* patrum *Morequiti*; qui postea se redemit centum laminis aureis & pluribus gemmis, quas Hispani vocant *Piedras Hiadas*, & *Aromaje* præfuit.

Berreus interea quum se hisce factis, plerisque accolis fluminis *Orenoque* invisum cerneret, qui *Morequitum* dilexerant, haud amplius suos eo audebat mittere, præterquam ad *Carapanam*, cujus auxilio sperabat se aliquando ad *Guianam* viam reperturum. Et
 40 ut *Morequitenses* cursus demereretur, cognatum defuncti baptizari & *Don Iuan* fecit appellari, atque eisdem præfecit. Magnam quoque auri vim misit in Hispaniam, & varias Americæ Meridionalis partes, ad milites cogendos, quibus aliquando *Guianam* perdomaret: Quum inopinato inter hæc molimina à *Walthero Ralego* caperetur.

Post illa ad ripam *Orenoques* colonia deducta fuit ab Hispaniis, & oppidum *S. Thoma* conditum, de quo mox dicemus, ubi primum ea quæ à *Walthero Ralego* in his partibus gesta fuerunt, prout ab ipso narrantur, retulerimus.

C A P. XXII.

*Prima expeditio Equitis VValtheri Ralegi ad flumen Orenoquen
 que incidit in annum dlo 1591.*

50

R *Aleghus* jam satis multa de *Guiana* opulentia & de itineribus quæ ad illam ducunt à *Berreus*, uti putabat, edoctus: omnibus modis, illam sibi tentandam existimavit: sed vix objiciebant se difficultates, & præsertim una longà maxima, quod ignorarent, per quod potissimum ostium in magnum fluminis alveum penetrandum esset: missus itaque primum Vice-Admiralis ipsius *Georgius Giffordus*

Aaa

cum

dente: deinde alteram insulam recta pene duplo majorem, quam *Iuanam* appellabant; alveum vero qui illam à *Guiana* continente dirimit, *Arrowapenam*; ita ut continens utrimq; distet circiter xxx milliaria. Ad dexteram porro & versus occasum ab *Assapana* insula, egreditur in *Orenoquen Europa* amnis, ab *Arctoa* plaga descendens: hujus confluente prætervecti anchoras jecerunt sub insula *Ocaywita*, sex quidem milliaria longam, duo autem latam: & postero die sub insula *Purayme*, è cuius regione altus mons è continente surgit, quem barbati nominant *Occopen*: à quo proventhes versus occasum, ad dexteram amænissimam planiciem & fecunda arua sunt conspiciat: quæ barbarus naclerus campellria *Sayma* appellari narrabat, planiciemque per magna terrarum spacia ad *Cumanam* pertingere, atque adeo ad *Caracas* pene centum & viginti leucis versus septentriones, intermedio vero spacio quatuor diversas nationes incolere: primum *Saymanos*; deinde *Assawagos*; tertio *Vikiros* populosissimam gentem, quæ superioribus annis *Petrum Hernandez de Serpa* cæciderit; denique *Arotas*, cuncte quidem nigra pene instar Nigritarum, sed glabro & depexo capillitio, cæterum bellicosissimam nationem, & quæ venenatas sagittas usurpat. Sayma. Wikiri. Arotas.

Tertio die jecerunt anchoras sub sinistra fluminis ripa inter duos montes *Aroamin* & *Ajum*: quarto die præternavigarunt *Manoriparam* insulam, in medio fluminis sitam; quinto demum adnavigarunt provinciam *Aromajam*, & anchoras jecerunt ad occidentalem Angulum *Murrecolime* Insulæ, quæ in longitudinem quidem decem, in latitudinem quinque milliaria patebat; & postero denique die in ipso *Moriquiti* portu; ubi ad ipsos venit patruus *Morequiti*, à pago qui quatuordecim milliaria à ripa aberat, licet jam decimum supra centesimum ætatis annum attigisset.

Senex hic *Guiana* situm ita explicabat: omnem hanc regionem usque ad *Emeriam* vocari *Guianam*, indigenas autem communi nomine *Orenoqueponos*, usque ad montana *Vvacarime*, quæ procul intra continentem erat cernere: trans montes porro aliam planiciem sterni, quæ *Amaripacana* vallis dicitur, cujus incolæ iidem sunt *Guianiæ*; in provinciis vero quæ supra istos jacent superioribus annis advenisse peregrinas gentes, quæ se *Orejones* & *Epuremejos* vocant: ab his veteres illarum regionum incolas partim cæcos, partim pulsos ex avicis sedibus; (exceptis tantum *Awarawaqueris* & *Cassipagotis*) & insignem urbem cum magnificis ædibus structam, quam vocant *Macureguazan*: Guiana.

A portu *Morequiti* profecti, & flumen porro ascendentes, prima nocte substiterunt sub Insula *Caiama* quæ quinque aut sex milliaria patet in longitudinem: postero die venerunt ad *Caroli* fluvii ostium, sed propter perneciam illius lapsum illum nequam potuerunt ascendere: missi itaque aliquot barbati *Canuriam*, rogatum, ut ad ipsos descenderent; postero mane venit ad ipsos *PVanuretona* regulus cum plurimis suorum, qui omnis generis comæcatum & varios fructus adferebant: Erant enim non tantum *Epinemjorum* sed & Hispanorum insensibilissimi hostes. Referebat *Regulus* intra continentem ad oram magni lacus *Cassipa*, è quo fluvius *Caroli* effluit, tres potentissimos populos habitare *Cassipagotos*, *Eparagotos* & *Arawagotos*, Hispanis supra modum insensos. Missi aliquot à *Ralego* ad vicinam regionem lustrandam; de cuius opulencia mira narrat in suis commentariis. Ad sinistram fluvii *Caroli* ripam degunt *Awarawaqueri*, quorum paulo ante meminimus. Ex eodem lacu prodit & alter amnis qui vocatur *Aroy*: post quem labuntur bini alii amnes *Aloica* & *Caora*; ad posterioris ripas barbaros illos incolere tradunt capitibus intra humeros ita depressis, ut multi crediderint illos oculos in humeris & os in pectore habere, vocant *Enaypanomas*. Quartus ordine à *Carolo* versus occasum fluvius dicitur *Casnero*, secus *Amapajam* in *Orenoquen* se condens, amplitudine cum quovis Europæ nostræ fluvio comparandus. Cajama. Caroli. Canuria. Cassipa. Casnero.

C A P. XXIII.

50 *Annium qui in Orenoquen influunt Catalogus; & Expeditionis Ralegianiæ reliqua.*

ANTE QUAM expeditionem *Raleghi* persequamur, operæpretium erit hic præmittere annium Catalogum, qui in *Orenoquen* influunt. Primus amnis (inquit *Ralegus*) qui ab *Arcto* in *Orenoquen* descendit appellatur *Cari*: & huic proximus versus Favonium, *Limo*: inter utrumque autem degunt ad ripam & intra Cari. Limu.

continentem canibales sive antropophagi; quorum præcipuus pagus vocatur *Acamacari* ubi quotidie mercatores foeminarum celebratur, quarum singulas emunt *Arwacca* pro tribus quatuorve securibus, & venales deportant ad alias Americæ Meridionalis provincias. Sequitur deinceps versus occiduum amnis *Pao*, & mox *Caturri Voari* atque *Capuri*, qui derivatur è magno flumine *Meta*, quod *Berreum* è novo Regno Granatæ venientem descendisse diximus. A *Capuri* versus occidentem jacet provincia *Amapaja* in qua ille hibernavit, & plures suorum desideravit à venenatis aquis enecatos. Supra *Amapajam* versus Novum Regnum Granatæ, descendunt in *Metam*, *Pato* atque *Cassanar* amnes. Ab hoc fluvio versus occidentem & provinciam barbarorum qui dicuntur *Ashague* atque *Catecy* succedunt amnes *Beta*, *Dawney* atque *Vbarro*; & in finibus Peruvix jacent provinciæ *Tomebamba* atque *Caxamalca*. Haud procul denique à Quito, ad septentrionale Peruvix latus, labuntur fluvii *Gniacar* & *Goavay*: denique ad alterum montium latus *Papamene* fluvijs, (qui per provinciam *Mutylonum* delapsus in *Maranonem* vel *Amazonum* flumen descendit) ad cuius ripas *Petrus de Orfua* cymbas suas struxerat, quum aditum ad *Dorado* quæreret, per fluvium *Amazonum*. Confusissima esse hæc facile quisvis videbit qui veram Peruvix descriptionem vel à limine salutaverit.

Inter *Dawney* autem & *Betam*, complectitur Flumen *Barraquan* (ita enim *Orenoque* ibidem appellatur) famosam insulam *Athulen*, supra quam navigia paulo majora ascendere nequeunt, ob Cataractas & pernitem undarum lapsum.

Cæterum quum jam crebris *Orenoques* alveus supra modum inciperet intumescere, consultius *Ralego* visum, cursum retro flectere; itaque *Caroli* amnis ostio relicto, eodem die revertitur ad *Morequitum*; ubi denuo cum *Topiavari* sermones de *Epuremeorum* rebus serens, cognovit primum ipsorum oppidum *Macureguaram* tantum quadridui itinere ab hujus pago abesse; & quum *Ralego* promitteret se proximo anno cum majoribus copiis rediturum; à Regulo quidem filium accepit, & duos item suorum veluti obsides ibidem reliquit.

Descendit cum *Ralego*, *Putima Warapana* regulus, deducturus illum ad montem in sua provincia situm, qui opulentas auri venas abscondere credebatur: descenderunt autem primum secundo flumine *Maná*; relicto ad dexteram pago *Tuteritona*, qui ad provinciam *Tarracoam* pertinet: præterquam jacet pulcherrima vallis *Amanocapana* quæ circiter sexaginta milliaria in longitudinem patere creditur inter ortum & occasum; deinde *Oianam* amnem per transversum secantes, paulum substiterunt juxta lacum, qui hic medium alveum occupat; & studiose requisiverunt alterum lacum, ut ita attingerent montem *Iconurin* qui aurum continere dicebatur: Verum quum *Ralego* molestias itineris amplius ferre non posset, *Keymisum* alegebat, ut studiose locum lustraret, & per vallem transiret ad fluvium *Cumacam*, ubi ipsum erat præstolaturus.

Descenderunt ergo porro flumen secus provinciam *Parino* ad *Ariacoam* usque, ubi *Orenoque* se dividit in tria pulcherrima brachia, quorum unum, quod *Cararoopana* dicitur, ducit ad provinciam *Emeriam*, cui *Carapana* tum imperabat: atque hoc quidam *Ralego* ipse descendit, ut *Keymisus* occurreret. In hoc brachio plures & insignes insulae sparguntur, quarum quædam sex, aliæ decem, quædam & viginti milliaria patent. Sub solis occasum inciderunt in aliud fluvii brachium, quod *Winicapora* dicitur: intra hoc mons *Crystalli* esse ferebatur, verum longitudine itineris, & anni tempestate minus propitia deterriit illum tantum è longinquo viderunt, instar candicantis turris, & admodum altæ. Præcipitat se de hoc monte fluvijs ingenti murmure in grandem abyssum, ita ut non facile alibi ejusmodi Cataracten sic reperire, barbari vocant *Wacarimam*. Hic autem didicerunt *Carapanem* relicta *Emeria* se subduxisse cum quibusdam Hispanis versus *Cairamum* sub montibus qui *Guianam* ab *Orenoque* *Ponis* dividunt: quare à *Winicapora*, (relictis ad ortum quatuor annibus *Waracayari*, *Coirama*, *Anakiri* atque *Iparoma*, qui omnes è montibus *Emeria* descendentes se condunt in *Orenoquen*.) cum maxima difficultate redierunt ad caput fluvii *Cararupana*, atque inde ad ostium fluvii *Cumanae*, & accepto *Keymisus* cum focis promoverunt ad locum, ubi *Orenoquen* in tria brachia se dispescere diximus; deinceps salutata ex itinere Insula *Affapana*, portum *Toparimaca* subjerunt: atque inde solventes, quia impossibile erat, ea via quam venerant, per *Amanam* regredi, alium brachium *Orenoques*,

ques, quod *Capuri* dicitur sunt ingressi, atque ita non sine ingenti discrimine (distabat enim *Capuri* ostium à navigiis ipsorum, pene tanto intervallo, quanto *Dovera* à *Grevelinga*) tandem ad classem suam remearunt; & postea in Angliam.

Non est nobis propositum hic inferere quæ à *Ralego* magnifice prædicantur de opulentia harum regionum, & incredibili auri copia, siquidem nondum fidem apud Europæos invenerunt; si quis ista penitus cognoscere desiderat, legat ipsius *Raleghi Guianam*: nos reliqua Anglorum gesta in hac America Meridionalis parte breviter persequemur.

C A P. XXIV.

10

*Secunda Anglorum expeditio in Guianam duce Laurentio Keymis anno c. 1515
xcvi. & Tertia duce Thoma Mashamo eodem anno & sequenti.*

- R** *Aleghus* domum reversus, secundam expeditionem cum duabus navibus (quarum una tantum liburnica erat) committit *Laurentio Keymis* impigro viro & navigationum illarum admodum perito. Is solvit ex Anglia xxvi Januarii anno c. 1515 xcvi. xiii Feb. attingit *Canarias* insulas; & paulo post *Hesperides*. A quibus xxviii Feb. profectus, xiv Martii Continentem Americæ Meridionalis adnavigavit, fixitque primum anchoras in ostio fluvii *Arrowari* (de quo supra). Atque inde
- 20 littus legens versus corum, & amnes qui inter Magnum flumen *Amazonum* & *Orenoquen* intersunt obiter lustrans, demum vi Aprilis pervenit ad ostium *Orenoques*, sive *Raleane*, ut ipse vocat. Observat autem hunc alveum, qui dudum cursum in mari servat, non nisi sex septemve orgyas altum esse, novem aut decem milliariis ab ipso ostio, in limine autem, ut ita dicam, æstuarii vix duas; nec æstu maris accedente supra quinque palmos augeri, nisi forte nova aut plena Luna. Hic barbaros conductores nacti, & ostiiduum adverso flumine subvecti, portum *Topiawari* attingerunt: nusquam
- 30 barbaris amicis visis, qui de Anglorum adventu, quia promissum tempus jam expiraverat, desperantes, Hispanorum metu in diversa se receperant. Hispani enim viginti aut triginta tuguria in municipii modum hic construxerant, ex adverso petreæ insulæ, quæ fluvii *Caroli* faucibus objacet, ut barbaris majore numero ex improvviso
- incumbentibus in hanc tantquam arcem se possent recipere; dum majores copiæ è variis partibus advenirent. *Keymis* itaque quum se Hispanis imparem, barbaros incertæ fidei, & intuta omnia cerneret: quantocius sibi redeundum existimavit. In ascendendo autem, *Toparimaco* portum prætervectus, ubi alveus vadusior est, quum altissimus continentem *Gujanam* propius radar, descendens australe latus legit, ob insignem alvei latitudinem & profunditatem, nam multis locis viginti orgyas, paucissimis duas & semissem deprehenderunt. Atque ira quinto mense, postquam ex Anglia solverat, columis in patriam in rediit, nullo operæ precio facto, nisi quod commodissimum
- 40 aditum ad *Orenoquen*, & genuinum fluminis alveum primus Anglorum detexit.
- Misit & eodem anno *Ralegus* aliam minorem navem, ad eandem expeditionem, eique præfecit *Thomam Mashamum*: Is sub exitum Decembris solvit è *Waymoutha*; & xxv Jan. anni c. 1515 xcvi majorem *Canariam* prætervectus, vii Feb. attingit insulam *Salis*, *Hesperidum* unam: à qua xii ejusdem solvens, vigesimo septimo ejusdem mensis continentem Americæ Meridionalis adnavigavit, ad altitudinem duorum graduum & triginta scrupulorum ab Æquatore versus Austrum. Adiit deinde amnem *Wiapoco* & cæteros qui ordine jacent ad illam oram usque ad *Corretinen*, ubi à xviii Aprilis substitit usque ad sextum May; nullo operæ precio facto, licet à barbaris deceptus, (ut verisimile est) flumen ad Cataractas usque ascendisset, ut auri venas & opulentas nationes requireret. A *Corretine* recta navigavit ad *Caribum* insulas, & vigesimo octavo Junii rediit in Angliam, *Orenoque* flumine ne quidem viso. Non invenio post illud tempus quicquam magni ab Anglis in illis partibus tentatum, nam post Serenissimæ Reginæ *Elizabethæ* decessum, & *Iacobi* Regis inaugurationem, *Walthernus Ralegus* conspirationis in Regem publico judicio convictus, & capitis damnatus, Regis clementia in perpetuum carcerem fuit submotus & in turrim *Londonensem* conclusus.

Postrema VValtheri Ralegi in Guianam expeditio annis cło Io cxxvi & xvii. & illius supplicium.

POSTQUAM *Ralegus* in Turri Londinensi pene quatuordecim annis captivitatem tolerasset, Regi persuasit se nullo negotio opulentissimam auri fodinam in *Guiana* posse detegere & Regnum Angliæ multo auro beare; itaque licentiam impetravit cum classe plurium navium quam suis & amicorum impensis paraverat, eò navigare. Quis expeditionis hujus exitus fuerit, ex ipsius *Ralegi* Epistola quam ab *Insula S. Christophori ad Radulphum Winwoodum* Magnæ Britanniae Regis Secretarium perseripsit, planum fiet, quæ ita se habuit. Nullam tibi hæcenus, Domine, expeditionem in India reddidi rationem: neque sane argumentum literarum sese obtulit nisi triste & infortunatum; nam quum ut plurimum inter *Insulas Hesperidæ & Americæ* continentem tantum quindecim aut ad summum viginti dierum iter sit, ventos adeo adversos tamque graves tempestates & nimbos sum expertus, ut vix sex septimanis absoluerem: quibus accessere maximus æstus & aquarum potabilium inopia, funium atque anchorarum jactura sub *insula Brava & Promontorio viridi*, ubi summum vitæ discrimen addivimus: denique ægritudines & mortes tam letissimorum militum quam peritissimorum nautarum. Decimo septimo demum Novembris venimus in conspectum *Guianæ*, & jecimus anchoras ad ostium fluminis *Caliana* (quam supra vocavimus *Cajanam*) quinque gradibus ab *Æquatore* versus *Arctum*, ubi substitimus ad quartum Decembris. Hic ægros omnes exposuimus, lembos & celoces, quas ex Anglia adduxeramus, instruximus, aquavimusque, *Regulo* hujus tractus *Henrico Calliano*, amico veteri, nos & opere & comœatu peramicè adjuvante. Eram tum ipse æger & in summo vitæ discrimine, ita ut sex septimanis me vix possem commovere. Itaque *Keymisso* imperavi, ut cum quinque navibus *Orenoquen* subiret & duceret ad fodinam. Hisce navibus vehebantur quinque, quinquaginta militū singula; quibus præerant *Parkerus, Northius* (frater dominum Montis aquilæ & *Northy*) nobilissimi viri, & laborum, inedia & æstus patientissimi: Filius meus, *Tornapius Cantianus*, & *Chudleyus* per legatum: *Pigotius* jam decesserat, & Legatus meus *VVarhamus S. Leger* periculossissime sine spe vitæ ægrotabat: cognato autem meo *Georgio Ralego*, qui multis annis in Belgio cum laude militaverat, & nunc vicem meam supplebat, nondum adulta auctoritate, miles haud ita obediens erat, quam expeditionis gravitas postulabat. Quum nostri flumen ascenderent, Hispani statim hostilia in illos cœperunt moliri, tormentis majoribus & minoribus illos perentes; ita ut vim vi repellere cogerentur, & Hispanos paulò post ex oppido propellerent: Filius meus hic in primo congressu cæsus, magis gloriæ quam securitati suæ consulens: in quo, ut verum fatear, non modo charissimi pignoris jacturam feci, sed & omne quod mihi in hac vita charum erat amisi. Reliquæ meæ naves sub *Insulam* se subduxerant, nullum commodiorem portum in vicinia *Guianæ* reperientes. Harum secundæ præerat Vice-Ammiralius meus *Ioannes Penningtonus*, de quo jure testari possum, illum inter rei nauticæ peritissimos, quos Anglia nutrit, numerandum esse: tertiæ *VVarhamus S. Leger* fortissimus & generosissimus eques; quartæ *Ioannes Fearnus* eques; quintæ *Tribunus Chudlaus Devonienfis*. Hisce quinque navibus expectabam quotidie Hispaniensem Classē; quæ si in nos irruisset, dum classis nostra ita divisâ erat, procul dubio non modo nos, sed & qui flumen ascenderant, nullo negotio oppressisset: verum nos potius unâ cum Hispanis perire & conflagrare optassemus, quam vel tantillum illis concedere. Videntur tamen Hispani consultius æstimasse sub *insula Margarita* nos operiri, quæ nobis prætereunda erat Americam petituris. Nam quum Regi placuisset mihi jurato imperare, ut terras & flumina quæ adire proposueram, nominatim designarem, adhæc navium magnitudinem, militum atque machinarum numerum, & reliquum belli apparatus scripro explicarem: Ea omnia statim Hispaniarum Legato fuerunt propalata; qui quantocius omnia *Madrivitum* destinavit, antequam à *Thamisi* soluissem: nam primæ Regis literæ, quæ celocæ ad præfectos suos in Americam misit, scriptæ erant xiv Martii anni cło Io cxxvii, has

has tibi mitto, alteras mihi servo, metuens ne forte hæc meæ intercipientur. Alteræ Regis literæ scriptæ erant xv it May missæ ad *Didacum de Palameque, Guiana, El Dorado, & Trinitatis* Gubernatorem: Tertiæ scriptæ erant ab Episcopo *Portus Ricci*, & à *Palameque* acceptæ xv. Julii, in Insula *Trinitatis*: quartæ scriptæ erant à Secretario Telonei Indici, & una cum regis litteris missæ. Missi etiam fuerant, qui quam ocysissime trecentos milites cogerent & decem machinas è *Portu Ricò* ad *Guianam* deducerent; præter centum quinquaginta milites qui ex Novo Regno Granatenfibus sub tribuno *Antonio Mexia*, & totidem qui è *Portu Rico* sub tribuno *Francisco Sanchio* accerterebantur.

Quum autem omnibus qui Americam adierunt, hoc Rege nostro rerum potiente notissimum sit, Hispanos promiscue in omnes peregrinos, quos intercipere potuerunt, immaniter sævisse, licet tantum commerciorum gratia advenissent, quid de nobis futurum fuisset censes, si in illorum manus incidissemus, quorum vires, consilia & adventum tanto tempore præcognoverant? Sed objicitur mihi, quare fodinam non fecerim aggressus; quanquam autem nemini (Majestatem regiam excepta) rationem reddere teneat, præterquam mihi & ipsi, qui & charissimi pignoris & facultatum mearum omnium infelicis hæc expectatione jacturam feci; tamen satis constat Hispanos magis anxios fuisse de fodina, quam de ipso oppido; & facile ipsis fuisse nos ab illa arcere, præsertim quum, ut Regis literæ loquuntur, via ad illam ducens aspera sit & fragosa. Verum præterea est, *Keymisum* fluvii alveum tenuiorem invenisse, ita ut circiter mil-

20 liare à ripa cogerentur abstinere; & quum locum excensionis idoneum reperisset, tantum globulorum nimbus è vicino nemore in nostros incubuit, ut duo remiges exanimarentur, sex graviter vulnerarentur, & imprimis tribunus *Tornapius* in capite, è quo vulnere adhuc languet. *Keymisus* quoque propositi sui tenax, negabat consultum esse; nostros enim qui in urbe *S. Thome* reliquerant, quotidianis hostium insultibus impares tandem futuros: viamque quæ ad fodinam ducit, per densum nemus agendam esse; neque operas ad manum esse ad metallum egerendum aut eliquandum. Cæterum satis mihi constat, Hispanos duas auri fodinas haud longe ab hoc oppido habere: quarum una possidetur à *Petro Rodriguez de Parama*, altera ab *Herviano Fronsino*: Tertiâ denique, quæ est argenti, à *Francisco Fasciardo*: sed desunt ipsis Nigritæ, indigenas enim ad laborem invitos non licet compellere propter interdictum Car. V.

30 & Hispani neque volunt neque possunt eum laborem tolerare. Dicit Hispanicus Legatus *Praggadocia*, quicquid lubet, per literas possessoris, Telonei rationale, & Quintos Regios, demonstrabo rem ita se habere. Deinde quam facillime, non modo harum, sed & sex septemve aliarum, quas neque hostes hæcenus attigerunt, neque aut Angli aut Galli aut Belgæ unquam adieciunt, nos compotes fieri posse, nullo negotio demonstrabo. Verum *Keymisus* ab *Orenoque* reversus, quum consilia & facta illius improbasset & quereretur fortunas meas ab ipso penitus everfas, & famam apud Regem ita læsam, ut in integrum restitui nequiret, ingressus in conclave seipsum intermit, &c. Scriptæ erant hæc literæ xx i May, anno clò lo cxv i i ita ut in litteris

40 datis, quarum *Ralegus* meminit aliquid erratum sit oportet. Atque hic fuit exitus postremæ *Ralegi* expeditionis in *Guianam*; qui post illa in Angliam reversus, capitis damnatus & supplicio fuit affectus xxix Octob. anno clò lo cxv i i i i.

C A P. XXVI.

Fluminis Orenoques descriptio secundum Belgarum nostrorum observationes.

SUPERIORIBUS capitibus compendio descripsimus, quæ ab Anglis auspiciis *Waltheri Ralegi* in *Guiana* & super flumen *Orenoquen* ab anno clò lo xcv ad annum clò lo cxv i i fuerunt gesta: interea tamen & etiam antè plures expeditiones suscepæ fuerunt tam ab Anglis quam à nostratibus ad flumen *Orenoquen* & oppidum *S. Thome*, commerciorum gratia, atque imprimis Tabacci, quod hic ab Hispanis diligenter colebatur: ita ut satis constet, nostros interdum octo & novem navibus uno anno flumen ascendisse & cum præfecto *S. Thome* contraxisse, antequam Rex Hispaniarum gravissimo interdicto Hispanos cum peregrinis omnibus commercia vetasset excrecere. Pervenit ad manus meas itinerarium cujusdam Belgæ satis accurate,

tum, è quo hæc de fluminis situ & condicione hausi. Prætermisiss autem quæ navigationem usque ad continem Americæ hujus Meridionalis tangunt, quæ jam satis vulgo nota est. A fluvio *Esseequebe* pertinet ora circiter decem milliariibus, versus Arctum, ubi eminus cernere est arborum lucum qui eminus tuguriorum rusticorum formam ostentat; à quo navigantibus secus oram ubi mare tres orgyæ & aliquot palmos est altum, occurrit ostium alterius fluvii, & rursus lucus, & post hunc vasta sylvæ, hæc ora tendit versus corum; ad altitudinem autem octo graduum & quindecim scrupulorum ab Æquatore versus Arctum, objacent tres exiguæ insulæ, haud longe à Continente. Quibus superatis subducit se nonnihil ora sinum molienti, ad quem videntur tres colles instar struam fæni, & paulo ultra alii tres, & fluvii itidem ostium cui insula objacet, omnis hæc ora humilis est, pertinet ad corum, & mare procul à terra nonnisi duas orgyæ & interdum tantum undecim palmos altum, ita ut hic ingentes fluctus ad litus volvat, usque ad promontorium super fluminis *Orenoques* ostium. Imprimis editum: hoc prætervectis & insulas eminus conspicientibus, ora è propinquo radenda est, hic enim alveus altissimus est, ita ut primum duæ inde tres, & post illa sex septem atque etiam octo orgyæ deprehendantur, cursus hic instituendus est versus Africum & interdum magis versus Austrum. *Orenoques* fluminis ostium distat ab Æquatore octo gradibus & quinquaginta scrupulis versus Arctum. Sinistra porro ripa radenda est usque ad orbicularem insulam, quæ ad sinistram relinquenda est, & secus insulas navigandum quæ ad dexteram jacent, ubi alveus altior est; ad sinistram autem continens terra pluribus alveis videtur dissecta & pumilis arboribus vestita; de hinc aperiuntur se varia ostia ad dextram lavamque, sed medius alveus sequendus est versus Favonium usque ad Insulam, à qua utrimque alvei descendunt, sed dexter ingrediendus est versus corum, donec ad aliam insulam veniatur, à qua descendendum est versus Africum: sunt & plures insulæ obviæ, quarum alix ad dexteram alix ad sinistram relinquendæ sunt usque ad ingens ostium, à quo rursus descendendum versus corum, nec tamen alvei ingredeundi qui ad dexteram descendunt, sed sinistra ora sequenda & medio alveo navigandum, neque declinandum in ostia quæ à dextera sese aperiunt, aut in alveos quæ insulas permeant. Atque ita tandem pervenitur ad patenter alveum qui deducit ad Insulam Trinitatis & vulgo *Mapure* appellatur, quo ad dexteram relicto, uti & altero qui ab leva descendit è continente, recta pergitur, donec ad sinistram se aperiant quatuor aut quinque editi montes, à quibus ad oppidum *S. Thomæ* numerantur sex septemve milliaria. Atque hæc quidem ille.

Mapure.

Flumen autem hoc accuratissime fuit lustratum & descriptum à nostris anno c10 Io cxxix, qui auspiciis societatis Indiæ Occidentalis, ductuque Ammiralii *Adriani Iansony* Patriis flumen subjerunt; è quorum Itinerariis observavi.

A fluvio *Ammegore* (quem à *Keymisio Amacur* suspicor appellari) qui ab ortu descendens è continenti exit ostio circiter duas tertias partes milliariis lato, & haud supra octo palmos alto, ubi æstus refluxit; ab hoc inquam, ad Arctoum terræ cornu secus quod *Orenoques* alveus effluit, sunt quatuor milliaria versus occasum, intermedio autem spacio exir alter amnis ab ortu descendens versus occasum. Porro *Orenoques* ostium pluribus insulis dividitur, à quibus vada descendunt ad tria quatuorve milliaria in altum, à quibus mature cavendum. Ab *Ammegore* autem navigatur ad exiguam & orbicularem insulam, quæ alteri majori adjacet, ante fluminis ostium, à qua declinandum est versus Africum & cornu terræ petendum, quod ad sinistram jacet, pene milliare unum ab Insula, atque hæc est latitudo alvei fluminis isto loco. Ab hoc cornu navigatur versus occasum unum milliare versus aliam insulam quæ à dextera è propinquo stringenda est, & dimidio milliari ad Africum tendendum, ad aliam exiguam insulam, quæ ad sinistram relinquitur, uti & altera ad dexteram; ab hisce insulis, haud integrò milliari, versus Africum, valde coarctatur alveus ita ut certis locis vix quaram partem milliariis sit latum; atque ita porro variis meandris, sed maxime versus Africum, ascendit usque ad oppidum *S. Thomæ*, uno atque altero loco tantum duodecim, tredecim aut quatuordecim palmos altus: hic æstus maris sentiri desinit.

S. Thomæ.

Fluminis ostium distat ab Æquatore versus Arctum octo gradibus & quinque supra quadraginta vel etiam quinquaginta scrupulis; oppidum autem *S. Thomæ* octo gradibus & sedecim aut viginti scrupulis. Iuxta ostium fluminis & in insulis habitant

Tivitiiva

Tivivus indigentissima natio, quæ maximè piscibus victitat, & certis nucibus palmitorum, magnitudine ovi, quæ racematim 1. aut 1X generantur, aspero & acuto putamine, carne instar cocorum. Hic quoque infinita pene copia volitant quædam insecta, mole & forma formicarum, quæ quatuor alas habent, quas excutunt simulac confederint, barbari usurpant illa loco sevi. Habitant hic quoque *Caribes*, sed procul intra continentem, ita ut ripæ flumina à rarissimis barbaris jam accolantur. Ab ostio ad viginti aut viginti quinque milliaria ripæ admodum sunt humiles & undis pene æquales, ita ut pluvii mensibus inundentur. Ab hoc loco sensim se erigit solum, ita ut duas aut plures orgyas supra undarum superficiem extet; & ubi supra triginta milliaria ascenderit, cum desinunt Insulæ & verus *Orenoques* alveus intratur, ripis porro utrimque editis; ab eo loco ad oppidum numerant duodecim aut quatuordecim milliaria.

Oppidum *S. Thoma* conditum est ad ripam fluminis sinistram ascendentibus, patetque in longitudinem pene quartam milliariis partem. Nostres appulerunt hic XI Decembris anni 1610 cxxxix, verum oppidani, nostros nequaquam operiri ausi, incensis ædibus jam profugerant: quæ triginta aut quadraginta supra centum fuerant, leviter admodum structæ, in medio erat exiguum templum, & ad extremum versus oceanum monasterium Franciscanorum.

In hisce provinciis, ut Hispani testabantur, gravissimè pluit mensibus Aprilis & Mayo, ita ut ævus fluminis interdum tres orgyas intumescat: juxta ostium fere continuo pluit, ita ut æribidem sit insalubris. Ad hoc flumen, (secus quam in aliis solet ad hanc quidem oram,) juxta ostium nulli aut perpauci reperiuntur mosquiti, interius autem plurimi. Flumen hoc valde piscosum est, nutritque varii generis pisces & inter illos unos congris haud dissimiles, tres quatuorve palmos longos, ventre flavo & cæruleis notulis distincto, patulo rectu instar *Torpedinis*, cum qua & hoc commune habet, quod manu aut cûlro tactus, torporem sed ad breve tempus inducat, cæterum innoxius & edulis. Voluctum quoque maxima hic est copia, inter quas nomen merentur plateæ, plumis rubris & ita elegantibus, ut nihil formosius fingi possit. Continens autem alit omnia illa animalia, quorum in superioribus jam memini; Hominum tantum hic summa est infrequentia, qui Hispanorum sævitiam metuentes, alii aliò commigrarunt.

C A P. XXVII.

Descriptio Insulæ quam vocant la Trinidad.

IN SULA quam Hispani hodie vocant *la Trinidad*, longe maxima est earum quæ hic continenti Americæ Meridionalis objacent, quasque illi vocant *de Sosovento*, quia à classibus illorum quæ continentem petunt, per medias *Caribum* insulas, ad sinistram relinquuntur: distat ab Æquatore versus Arctum octo gradibus aut circiter pro partium illius dispositione: ad occidentem dirimitur à continente Parix angusto freto, cui Columbus primis illis temporibus nomen indidit *Boca del Drago*, à discrimine quo enavigatur; & concludit amplissimum sinum inter se & *Guianæ* continentem, in quem flumen *Orenoque* pluribus ostiis erumpit, uti ante diximus. Oviæ altitudinem polarem hujus insulæ accuratius distinguens scribit Australe illius latus distare ab Æquatore novem gradibus, Septentrionale decem; quod melius cum veris observationibus convenit, licet *Raleghus* cornu illius quod vulgo vocatur *Punta del Gallo* sive *Curia* ad octavum gradum versus Arctum colloceat. Belgæ nostri secundum suas observationes, designant Orientalem illius Angulum latusque septentrionale ad altitudinem decem graduum & triginta scrupulorum; & meridionalem Angulum ad altitudinem novem graduum & triginta scrupulorum, aut paulo plurium. Ab *Amagore* fluvio navigantes versus Arctum paulum declinantes versus Favonium appellant ad quoddam illius cornu, quod vulgo dicitur *Punta Blanca*; à quo ora illius quinque aut sex milliarium intervallo versus Africum aut *W. S. W.* jacet usque ad dictum cornu *del Gallo*, humile & æquori pene æquale, à quo petrosus vadum in altum descendit, ubi mare haud supra undecim aut duodecim palmos est altum. Ab hoc cornu ad angustias illas numerant quatuordecim aut quindecim milliaria. Porro fretum hoc inter

inter Continentem & occidentale Insulæ hujus cornu, quidem circiter tria millia latum est, sed inajacent illi quatuor aut quinque insulæ quæ illud angustant, & tantum angustos aliquot meatus relinquunt, inter quos fluctus magno impetu eluctantur: E quatuor autem meatibus tantum duo ut plurimum navigantur; quorum unus quem minus os vocant, ita altus est ut bolide fundum tentare nequeas.

Distat hæc Insula, ut ab Hispanis observatum invenio ab Hispaniola ducentas leucas: à Dominica sexaginta, inter Austrum & Arctum: à Margarita & Cubagua quadraginta. Patet in longitudinem, secundum *Herreram* quinquaginta leucas (aut ut alibi scribit quinq; supra triginta aut plures) in latitudinem triginta: Secundum *Oviedum* vero in longitudinem quidem viginti quinq; leucas, in latitudinem autem octo-
10 decim aut viginti; quod vero magis consentaneum est. Forma autem estriquetra quæ scriptoribus ansam dedit tam variè de latitudine illius & amplitudine scribendi.

Cæli vitio laborare creditur, & insalubrior esse, quia ut plurimum, densis nebulis tegitur, & à vaporibus obumbratur.

De Soli qualitatibus non minus diversa traduntur à scriptoribus: *Herrera* negat illud fecundum esse aut sementi faciendæ aptum; *Raleghus* qui anno 1585 sub illa aliquandiu in anchoris stetit, eamque lustravit; scribit septentrionale quidem latus montibus asperum esse; cætera solo esse satis fecundo, frugumque feraci, præsertim earum quæ huic orbis parti familiares sunt; cannis autem Sacchari ferendis maxime esse idoneum: abundare Mayzio & cassavi, & aliis radicibus quæ
20 in cibis usurpantur, variisque haud inutilibus fructibus. In silvis magnum numerum ferarum vagari præsertim aprorum; etiam quorundam animalium quæ alibi aut non aut raro inveniuntur: ita ut incolis quantumvis numerosis, alendis abundè sufficiant.

Metallorum nequaquam inopem esse, atque adeo auri, *Ralegho* persuasum fuit ab Hispanis, ejusque venatur haud levia indicia ab iis deprehensa: non tamen anxie perquisitas fuisse aut tentatas ab ipsis, quia ad *Guianam* auro, ut creditur, opulentissimam anhelabant; grana tamen nonnulla ab aliquibus collecta, & ex amniculis qui Insulam secant hausta; fides sit penes authores.

Indigenæ uno & communi nomine vocantur *Cairi* vel ut alii *Carai*; unde olim
30 in duas partes sive provincias volunt fuisse divisam, quorum una dicebatur *Camucarrarum*, quibus præerat regulus *Baucumar*; altera *Chacomarium*, qui *Marvani* patebant.

Immigrarunt in illam è Continente & aliæ nationes, *Taii* nimirum juxta *Parico* sedes fortiti; & *Arvaca* juxta cornu de *Carao*, ut vocant; *Sebay* vel *Salvaj* juxta *Curipani*; *Nepoy* haud longe à promontoriolo de *Galera*: denique *Carinepagotes* haud longe ab Hispanorum colonia tendentes. Barbari autem hi à reliquorum habitu nihil differunt, nudi fere agunt, pinguntque corpora sua rubrica, ut alibi de cæteris diximus.

Porro Hispanorum oppidulum, *S. Iosephi* nomini sacrum jacet ad australe insulæ latus ad ripam amniculi, qui appellatur *Carone*; constabat circiter quadraginta ædibus quum à *Walthero Ralego* diriperetur, & præfectus illius *Antonius de Berreo* caperetur.
40 Non existimo post illa magnopere auctum, nam præter Tabacci culturam nihil hic ab Hispanis geritur. Qui bonam partem ineolarum aut alio coegerunt concedere, aut in servitutem redegerunt.

Nobilissimus Eques *Robertus Dudleyus* Anglus, qui ante *Raleghum* Insulam adiit, narrat sibi haud longe à *Curipani* ab incolis barbaris, venas quasdam offensas, quas ipsi *Caluori*; id est, aurum occultare opinabantur; verum marcasiten tantum fuisse deprehensam, quæ splendore suo ignaros ludebat.

Inter præclara hujus Insulæ celebrant terræ quendam angulum, quem barbari quidem vocant *Pichen*, Hispani *Terra de Brea*, juxta quem pix quædam fossilis reperitur tanta copia, ut innumeræ naves illa onerari posse credantur, quam inde de-
50 vehere vix operæ precium puto, maxime quia impicandis navibus haud satis idoneam arbitrantur, ut posse quæ à solis calore facillime mollescat,

CAP. XXVIII.

De Insula Tabago vulgo dicta, quam nostri jam vocant novam Walachriam:

INSULÆ Trinitatis quam supra descripsimus, vicina est versus ortum, & septem aut octo milliaria intervallo, Insula *Tabago*, quam nostri jam ab aliquot annis *Novam Walachriam* nominare cœperunt. Ea distat, secundum nostrorum observationes, ab Æquatore versus Arctum x r grad & xvi scrupul. Orientale illius latus sic satis editum est, eique objacent insulæ duæ minores & aliquot scopuli. Plures habet sinus, stationibus navium haud inidoneos. Verum quia in longitudinem inter
10 Aquilonem & Africū protenditur, ab ortu allabentes, quam difficillime ad eam possunt appellere, & tantum in duobus aut tribus sinibus anchoras jacere; fluctus enim validè feruntur versus favonium, ut caute velificandum sit iis, qui insulam cupiunt attingere, ne à fluctibus præter ipsam abripiantur, ut sæpius accidisse meminimus.

De cœli solique qualitatibus vix quicquam certi possum affirmare, laudantur enim utraque ab his, culpantur ab illis.

Diximus aliquot sinus habere stationi navium opportunos; horum unus jacet ad occidentale Insulæ cornu, iis qui australe insulæ latus radunt peropportunos; pone humile illius cornu & sub littore arenoso, ubi marè à duodecim ad quinque & viginti
20 orgyas altum deprehenditur, & anchoris figendis idoneum est.

Alter sinus jacet ad septentrionale insulæ latus, distans à priori grande milliare; cui littus itidem est arenosum, atque hic descendunt in mare quatuor portabiles amniculi, clauditur ab ortu edito cornu, quod circiter septem aut octo orgyas fluctus superat; pone quod læta planicies sternitur, sementi faciendæ haud inidonea.

Tertius sinus distat à secundo versus Arctum circiter dimidium milliare, areno-
30 so itidem littore, in quem quoque pulcherrimus amniculus evolvitur.


Ex hac insula descendunt in altum, ad varias mundi plagas octodecim aut novemdecim amniculi potari pulcherrimi.

Præter innumeras arbores Sylvestres varii generis; reperitur hic
30 maximus numerus palmitorū; quorum cacumem manditur, & non differt multum sapore à *Crambū*; folia autem aptissima sunt ad tuguria contegenda. Item *Bannanes*. Præterea arbores quædam vastæ & proceræ, quæ fructus ferunt instar prunorum, crocei coloris quos aqua coctos exprimunt: eliciuntque liquorem palato admodum gratum ne-
40 que insalubrem. Ad hæc *Papajs* arbor, quæ uno anno adolescit & fert fructum: excresecit autem, ut plurimum ad altitudinem quindecim & non raro viginti palmorum; & crassitudine humana: caudex autem illius est mollior & spongiosus, sine ramis; sed tantum foliis in summitate coronatus, quæ forma accedunt ad ficulnea; fructus adnascuntur
50 caudici, rotundi & mole globi qui pendet xv libras, sapore admodum similes Meloni; & refertus intus granulis nigris sapore sinapi; denique alvum leniter creduntur laxare: fructus maturantur omnibus anni mensibus.

Reperitur hic quoque arbor illa, quæ fructus fert admodum grandes, instar cucurbitarum; ita ut à nostris acceperim visi nonnumquam qui duas stopas & dimidiam, ut nostri loquuntur, caperent: folia hujus arboris sunt longissima sed angustiora
& obtu-



& obtusa: fructus annascuntur trunco & majoribus ramis, cortice durissimo & pene ligneo, sed non adeo crasso; pleni pulpa quadam spongiosa, optimi saporis; succus dicitur alvum, & sanguinis profluvium sistere: nascitur locis modice humidis datque fructus pene omnibus anni mensibus. Iconem à quodam nostrorum acceptam hic adjungo.



Nascitur hic quoque Arbor mirabilis quæ copiosam admodum resinam fundit vel leviter vulnerata, crocei coloris; à ramis hujus arboris descendunt certa filamenta, quæ postquam terram attigerint, radices agunt, & ramos veluti sustentant: folia habet lata, ante obtusa & crassa lanugine tecta; fructum fert pene instar capitei papaveris, qui licet & ipse refina sive gummi scatet, à psittacis tamen avide manducatur. Nos folia & fructum. hic adjungimus.




Idem Arbor, cujus materies rubra est instar ligni Brasiliæ, folia pene orbicularia, fert racematim fructus uvis haud dissimiles, saporis admodum grati; nasci-

nascitur potissimum juxta littora. Foliorum & fructuum Iconem adjicimus.



Denique Arbor quæ cassiæ quendam speciem producit, verum silvestrem; pro-
 30 cera arbor foliis instar *Tamarisci*: fructus similis est veræ Cassiæ, sed grossior, cellulis
 ad eundem modum divisus; sed pulpa illius est amarior & altringendi facultate præ-
 dita supra quidem descripsimus similem arborem sub nomine *Mizquit*, sed sapor
 15. c. 3. siliquarum non convenit. Foliorum & fructus Iconem hic damus, prout ac-
 cepimus.



Inter plantas celebrant illam quam supra descripsimus, & à nostratibus diximus
 40 appellari *Slijptongen*. 116. c. 12.

Itemque altera instar *Alocs*, quæ semestris spatio caulem emittit interdum
 triginta palmos altum, in cujus summitate nascuntur fructus; forma pyris haud
 50 Bbb diffi-

diffimiles, ajunt folia illius saponis vicem quamoptime explere. Iconem hanc adjungimus.



Animalia hic reperiuntur varia; nimirum porci Americani raris villis, & umbelico in dorso, ad Continentem, vocantur à barbaris *Pacquires*, crasso lardo; tum *Cassecamans* sive *Armadilli*: itemque *Iguanae*: & animalcula quæ fetus suos in Sacculo circumge-

10

stant. Aves quoque hic quamplurimæ, præsertim *Psittaci* variorum colorum, *turtures*; aliæ: plurimæ quoque littorales & marinæ volucres, quæ facile in nidis suis intercipiuntur utpote hominum insuetæ.

Mare quod ambit, valde est piscosum, præsertim juxta littora, & in sinibus. Marinæ denique testudines immenso numero solent ad littora adnatare à mense Aprili ad Septembrem; quibus mensibus ova sua excludunt; capiuntur noctu, nullo pene negotio, modo animum diligenter advertas.


Paulo prolixiores fuimus in hac insula describenda, quia indubia fide hæc accepimus à nostris qui Insulam jam ab aliquot annis cæperunt colere,

DESCRIPTIO





VENEZUELA
atq
OCCIDENTALIS
NOVÆ AN





DESCRIPTIONIS
INDIÆ OCCIDENTALIS,
LIBER DECIMUS OCTAVUS.
NOVA ANDALUZIA.

10

INTRODUCTIO.



20

DEduximus jam descriptionem Americæ Meridionalis ad illam partem Continentis quæ Orientali sua parte fines jungit cum maximo flumine Orenoque quod superiori libro descripsimus, & cum freto illo cui Insula Trinitatis objacet, atque frequentibus illis insulis, quæ quamplurimis ostiis magni illius fluminis dissecantur; quæque longo latoque terrarum tractu prominet versus Occidentale insule Trinitatis cornu, à quo angusto illo freto dirimitur, quod supra Boca del Drago, id est, os Draconis

30

appellari diximus. Porro Continentis hæc portio olim ab Hispanis dicebatur Nova Andalusia; quod nomen commune est plurium provinciarum, quæ ab hisce limitibus ad Occidentem pertendunt usque ad præfecturam Rio de la Hacha; quarum quidam præcipua & maxime Orientalis appellatur Cumanæ, cui famose aliquot insule præceduntur; præsertim Cubagua & Margarita; quæ olim celeberrimæ fuerunt ob opulentam capturam concharum Margaritifera: E quarum regione prominet terræ cornu quod vulgo dicitur Punta de Araya nobilissimis salinis notissimum: Occidentior autem illius pars est præfectura Venezuela: licet autem hæc

INSULA MARGARITA.

40

CAP. I.

Descriptio nobilissimæ Insule Margaritæ.



50

ANT EQUAM descriptionem Continentis hujus Americæ Meridionalis prosequamur, necessarium erit Insulas aliquot perlustrare, quæ hic illi objacent, ob varias circumstantias, quæ in Continentis delineatione ad has referuntur. Inter Insulas autem hæcæ principem locum meretur nobilissima Insularum MARGARITA. Quam Christophorus Co-
lumbus primus invenit anno dñi m cccc xlviii ni. Her. d. 1. l. 3. c. 10.
mirum tertia sua ad partes hæcæ Americæ navigatione: nam paulo magis versus Austrum, ab insulis primum ab illo inventis, proventus incidit in Insulam, cui nomen indidit la Trinidad, quod hodieque obtinet, ut supra diximus, & penetravit in fretum illud quod inter hanc insulam & continentem veluti concluditur, quod ille tum appellavit Golfo de la Vallena; vidit quoque

quoque eminus continentem *Paria*, uti hodie dicitur, sed insulam esse credens nominavit Insulam *Sanctam*, & postea de *Gracia*: Inde cum summo discrimine per os *Draconis* eluctatus, adiit varios portus Continentis, insulam opinatus, quam vocavit *Pariam*. Adnavigavit deinceps varias insulas, quarum uni imposuit nomen *Assumicion*, alteri *la Concepcion*; & tribus minoribus *los Testigos*; post illas alii insulæ *el Romero*; aliis itidem *las Guardas*; atque ita tandem pervenit ad *Margaritam*. Pauca autem nomina quæ ille cum imposuit hodie durant, uti in progressu apparebit; nunc Insulam hanc describemus.

Insula *Margarita* (inquit *Herrera*) patet in longitudinem quidem circiter quindecim leucas, in latitudinem autem sex; grata viriditate petamæna aspectu, & quondam indigenis frequentissima. Distat sex septemvis leucis ab Americæ Meridionalis continente, angusto freti interluente, in quo duæ insulæ jacent *Cubagua* & *Coche*, brevi intervallo à se invicem disjunctæ, de quibus mox dicetur. Abest autem ab Insula Trinitatis (secundum *Herrera* in descriptione Indiarum) viginti leucis versus occasum; secundum nostrorum vero observationes; octo aut novem milliariibus supra triginta: ab Hispaniola denique, secundum eundem *Herrera* leucis centum & septuaginta.

Distat autem ab Æquatore secundum accuratissimas observationes, versus septentriones gradibus undecim; quod de parte Insulæ pene media intelligendum.

In longitudine autem illius discrepant nonnihil scriptores; sunt qui sedecim illi leucas tribuant: Oviedus universum illius ambitum definit quinque & triginta leucis.

Potabilium quidem aquarum pene est inops, quas è continenti & præsertim è provincia *Cumana* petere consueverunt; fertilis tamen & arborum lucis petamæna, pascuis quoque dives, & *Mayji* uberrimo proventu, aliorumque fructuum copia commendatur.

Duo omnino Hispanorum municipia ab *Herrera* produntur, unum sub Arce, quam Oceanus aluit, Gubernatoris hujus insulæ Domicilium: Alterum duabus leucis à mari sejunctum quod Hispani vocant *El valle de Santa Luçia*,

Testi-
gos.

Ad ortum ipsi objacent insulæ aliquot vel potius scopuli, quos vulgo vocant *los Testigos*. Invenio à nostratibus observatum, numero esse octo, edito solo; & distare ab Æquatore versus Arcum undecim gradibus & triginta quinque scrupulis, & ab Insula *Granada* versus Africum cititer septemdecim milliariibus.

Porro Nostrates qui hanc Insulam lustrarunt longe aliter de illa judicant: nam utrumque illius angulum, tam ad ortum, quam ad occasum, in juga erigi testantur, medium autem Insulæ veluti subsidere in aentia & siticulosa arva, solo nitrofiore atque adeo infuscando; atque maligne admodum annonam & alia necessaria incolis suis subministrare: Piscatio tamen in ambitu satis commoda quæ magnam victus partem suggerit: Mayzio communiter utuntur, è quo placentas quasdam coquunt.

Locupletissima unionum piscatura hic multis annis floruit, itaque ad Orientalem Insulæ angulum quondam Arx fuit exstructa, quam vulgo vocant *Monpater*, non magni hodie momenti, ut nostri testantur, sub qua Hispani naves suas in anchoris sistunt. Præcipuum municipium in mediterraneis situm est, vergens ab Arce versus Occidentem: à quo haud longo intervallo abest pagus *Makanao*.

Peculiarem habet Gubernatorem, præcipuæ quum floreret Insula Dignationis; pertinebant enim tunc ad illam plurimæ celoces, quas in unionum captura usurpabant; ad quam Nigritarum opera utebantur; quos ex Africæ continenti juxta Promontorium viride, è *Guinea* atque Angola advectos magno precio à mangonibus redimebant, & urinandi artem edocebant; detrectantes autem aut tardiores immanibus suppliciis compellebant: opus quippe permolestum & magni discriminis, ostrea, quibus uniones continentur, à latentibus sub æquore saxis, & in quinque, sex, nonnumquam & septem octove orgyarum altitudinem demersis, avellere magno conatu & dudum sub fluctibus hærere, ubi miseri nonnumquam à Tuberionibus graviter lædebantur & non raro membris mutilari exspirabant: emergentibus autem & præ angustia respirationis pene deficientibus aut Tabacæ aut vini haustum præbebant. Unionum captarum quinta pars Hispaniarum Regi cedebat. Ab aliquot jam annis hæc unionum captura multum est imminuta, si non penitus defecit: causa incerta est, sive ostrea aliò commigrarunt, sive quod magis verisimile est, Hispanorum insatiabilis avaritia

avaritia seminium ostrearum immaturè prævortit, atque propagationem impedivit; atque ira jam obscurior hujus Insulæ fama est.

Indigenæ quia sponte Hispanos admiserant, & tantum unionum, quas ipsi nihi li faciebant, thesaurum exposuerant, libertatem ab Hispaniarum Rege adepti, multi hodieque supersunt, & Hispanis supramodum obnoxii, & dicto audientes habentur.

Baldunus Henricedes Edamensis Exconsul, cum Classe Societatis Indiæ Occidentalis hic appellens anno 1516 ex xvi Arcem quam diximus, cepit, & muros illius disiecit, deductis quatuor æneis & septem ferreis machinis.

10

C A P. II.

Insulæ Cubagua & Coche descriptæ.

DIXIMUS supra, inter Insulam *Margaritam* & Americæ Meridionalis Continentem duas minores Insulas jacere *Cubaguanam* & *Cochen*; quarum superiori seculo magna fuit dignitas, quum unionum captura floreret, nunc illa deficiente, obscura admodum fama; ita ut sane illas præterire potuerim, nisi & præcedentium operæpretium esset meminisse.

Cubagua, secundum *Oviedum*, cujus tempore imprimis florebat, distat ab Insula Hispaniola circiter centum & sexaginta leucis; ab angustis illis quas vocant *Boca del Drago* sive promontorio Salinarum illis adjacentem pene quinquaginta leucis versus occasum, à *Margarita* circiter leucam unam, complectitur in ambitu tres leucas. Solo est admodum effæto, & fere nitroso aut salso; fontium & aquarum potabilium plane inops; rarisque arboribus vestita præferim *Guayacan*: denso tamen vepreto, quod pene inviam facit: Nam ut obiter hic moneam, tam in insulis hisce quam in Continente, locis incultis & alibi passim nascuntur vepres, sive cardui, longissimis & acutissimis spinis armati; quarum *Clar. Car. Clusius* meminit & Iconem exhibet in exoticis. Adjuncta (inquit) erat spina, cui certe similem videre non memini: etenim tamen non integra quinque unciarum longitudinem superabat, lævis, politissima, & præ nigrore splendens, adeo ut mihi primo ad spectum imponeret, & dentificalpium ex testudinis marinx testa confectum esse existimarem: paulo tamen angustior erat. Eam autem ex Cardui alicujus capite detractam fuisse verisimile est: nam altera brevior & contracta (valde enim fragiles sunt) addita erat, quæ infima parte vestigium adhuc retinebat, quo cardui capiti, aut alteri plantæ, cui annata fuerat, videbatur adhæsisse. Hæc ille. Vidimus plures ejusmodi spinas, & variæ longitudinis, non tamen majoris, quam quæ hic à *Clusio* proditur; plantæ descriptionem accuratam nondum potui adipisci, sed roto illius corpori annasci mihi satis constat: parte autem qua plantæ adhæret vestita est lanugine quadam fusca, cætera splendens & nigerrima.

Cæterum præterea nihil pene herbidi sortita tellus, unde neque animalia hic reperiuntur præter paucos cuniculos: raræ quoque aves præter marinas aut littorales. Barbari qui hanc incolabant, quum Hispani hic primum appellerent, victitabant potissimum piscibus & imprimis ostreis *Margaritifera* illis, & aquam petebant à *Cumana*, quæ septem leucis hinc abest: pingebant autem cutem variis coloribus, ad aliorum barbarorum normam. Latus illius Australe distat ab *Araya* quatuor aut quinque leucis secundum *Oviedum*: portum autem vel potius stationem satis commodam habet ad septentrionale sui latus. Testatur *Oviedus* ad cornu illius Orientale scaturire liquorem quandam aromaticum, resinofum & alicujus in Medicina usus, qui undis superfluit.

Fuit superiori seculo juxta hanc insulam unionum captura imprimis opulenta; adeo, ut memoriæ traditum invenerim, non paucis annis, quintam partem, quæ Regi Hispaniarum debetur, valuisse quindecim millia ducatorum; erant autem tum uniones, præ nimia copia, fere triplo viliores quam sunt hodie: ita ut monstro simile videatur tam parvo ambitu tantum thesaurum singulis annis ex alto erui potuisse: & non mirum esse ostrearum propaginem penitus exhaustam.

Hæc æquoris opulentiæ & insulæ opportunitate allekti Hispani deduxerant superiori seculo huc coloniam, condiderantque oppidulum *Novum Gadiz*. Anno autem 1551 quum barbari Continentis monasterium fratrum minorum in *Cumana* fun-

ditus evertissent, Hispani licet numero haud in fra trecentos, sibi nimium metuentes, insula derelicta profugerunt in Hispaniolam: Verum Conventus Juridicus *S. Domini*, quantocius misit *Jacobum Castellonem* cum quinque onerariis, qui oppidum restau-
ravit & lapideis ædibus plurimum auxit atque ornavit: floruit deinceps pluribus annis & quandiu unionum captura vigeat, verum illa deficiente, non modo & ipsum defecit, sed plane fuit derelictum, ita ut nullum hodie illius vestigium videatur: aut ulla insulæ ratio habeatur.

Coche altera insula, sed minor; distat à *Cubagua*, circiter quatuor milliariibus; versus ortum & Continentem; ambiens pene tria: humili solo & æquiori pene & quali: juxta hanc quoque imprimis nobilis & dives unionum captura pluribus annis vixit, inde ab anno 1510, quo primum fuit inventa. Sunt qui memoriz tradiderunt, mille quingentas marcas unionum hic uno mense fuisse captas, variz molis & formæ: Hodie autem nulla hujus insulæ ratio habetur, neque dudum ullæ uniones hic reperiuntur, non magis, quam circa *Cubaguan* aut *Margaritam*.

Observandum autem superiori seculo non tantum juxta hæc insulas, sed etiam secundum universam hanc oram, inde à Freto *Pariz* usque ad Promontorium quod vocant *de la Vela* & ultra, unionum copiam fuisse inventam, è qua Hispani ingentes divitias hausserint, unde oram hanc, quæ fere ad quadringenta milliaria se extendit, solent appellare *Costa de las Perlas*.

20

A R A Y A.

CAP. III.

Descriptio Promontorii quod vocant Araya, & famosarum salinarum quæ illi adjacent.

REVERTOR nunc ad Continentem & quidem illam partem, quæ exordium suum sumit à Promontorio quod vocant *de Salinas*, vel etiam *Pariz*, è regione extremi Anguli Insulæ *de Trinidad* versus occasum, & ab insula angusto freto, vel faucibus *Draconis* dividitur; pertinetque ad alterum promontorium quod vulgo dicitur *Punta de Araya*, quod pene celebres illæ *Salinae* sitæ sunt: Intervallum ferunt esse circiter septuaginta leucarum: verum adeo nihil plane singulare sortitur, ut vix ulla alia Americæ Meridionalis pars hodieque obscurior sit: nam præter pauca nomina promontiorum aut sinuum, quæ obiter in Tabulis Hydrographicis designantur: uti promontorii *de tres Puntas*, ut vocant, quod pene medio hujus intervalli spatio in altum egreditur; & similium; vix quicquam animadversione dignum à quoquam gentium observatum inveni.

Promontorium autem *de Araya*, quod famosissimum est in hac parte, prominet acuto pene angulo in altum, ex adverso occidentalis cornu Insulæ *Margarite*; atque concludit ab oriente fretum, quod hic ad plurimas leucas penetrat intra Continentem & appellatur vulgo ab Hispanis *Golfo de Cariaco*: quod ibi quidem latissimum est, sed ubi paululum processeris angustatur, pene è regione vix quæ ducit ad oppidulum *Cumanam*. Solum hujus promontorii uti & Continentis ad aliquot leucas humile est & fruticeto atque vepribus illis oblitum de quibus ante diximus. Pone ipsum Promontorium jacet Salina haud ita magna neque copiosa; & quod importunum navigantibus, longius à litore remota, unde Sal haud facile ex illa peti possit.

Verum paulo interius, flectit se continens cubito quodam aperitque patentissimum sinum ad quem jacet longe maxima & copiosissima Salina, qualis hæctenus nusquam fuit reperta: neque supra trecentos passus distans ab ora maris; in qua nullis non anni mensibus Sal optimus & durissimus reperitur; interdum sub muria latens, interdum & extans; pro variis anni tempestatibus: nam pluviis mensibus, neque tantum salis hic reperitur, neque tam facile potest deduci, quam æstivis.

Variant judicia de origine hujus Salis: sunt enim qui opinentur, fluxus marinos à validis tempestatibus in litrus propulsos in stagnum recipi & cum exitus non pateat à Sole in Salm coagulari, ut fieri solet in Salinis quas indultria hominum in Hispania atque Gallia invenit: alii negant fluxus ingredi posse ob orarum convexitatem, sed

undas

undas illas falsas & scaruriginibus promanare aut per occultos terræ meatus ex æquore exundare. Eorum autem iudicium maxime probaverim qui è fontibus promanare arbitrantur; nisi forte & pluvias aquas à falsugine telluris, quam hic passim nitrosam esse satis constat, in muriam & ab æstu Solis qui hic admodum vehemens est, in salem ex coqui credamus. Atque id satis patet exemplis multarum salinarum, quæ in Mediterraneo & quam longissime ab omni mari, tam in Asia quam Africa observantur, ad quas aquas maritimas per meatus ullos penetrare nullo modo verisimile est. Solent autem ii qui salem ex hac Salina petunt, lembis & cymbulis, quibus alvei plani sunt, eam ingredi, & salem ferreis instrumentis excidere, atque in cymbas acceptum adoram
 10 perducere, magno labore & apparatu; dein trifastilibus vehiculis ad ipsum mare promovere, & denique majoribus cymbis ad onerarias vestare.

Salina hæc in plano solo sita est, clauditur tamen à variis partibus, præsertim ab Austro, editis montibus: totaque regio effæta est, siticulosa, neque ullis amnibus aut fontibus rigua, ita ut incolis aqua, quam potent, aliunde petenda sit, non minus quam annona: utrumque autem solent petere ex adversa parte Continentis; & aquam quidem è fluviolo satis limpido, qui circiter tribus milliariis inde distat intra frerum illud Mediterraneum, & vulgo ab Hispanis vocatur *Bordones*: commeatum autem à *Cumana* municipio. Alit nihilominus vicina regio plurimas feras, cervos, capreas, lepores, cuniculosque præter plurima animalia nostro orbi ignota; quædam etiam
 20 noxia animantia & hominibus infesta, tigres atque serpentes: mare quoque pluribus piscibus fæctum ita ut perfacile etiam retibus in lictis attrahi possint. Cæterum tellus quæ Salinas ambit ad ipsum pene æquor, scatet veptibus ita aculeatis, ut iter perdifficile sit; nisi ante magno labore trames excindatur.

Nostrates consueverant jam à multis annis, nemine vetante aut impediente, hic appellere & sale naues suas onerare: verum anno 1610 c. v. mense Novembri super-
 venit inopinantibus ex Hispania Classis octodecim navium, multo milite & belli apparatu instructarum; quæ nostros imparatos facile oppressit & naues eorum cepit atque abduxit: alii enim in ipsa Salina cymbulis salem conquirebant, alii vehiculis protrudebant; aut majoribus cymbis ductabant ad naues: nihil in navibus paratum ad
 30 resistendum, quia nihil hostile adhuc metuere consueverant: Sæviturum dein in miseros ab Hispanis, pro illius gentis consuetudine & affectu in Belgas: quidam suspensi: plures servituti addicti & ad remigium in triremibus in oppido *Cartagena* damnati: quorum pauci admodum post inducias cum Hispaniarum Rege sancitas, post longas miserias domum incolumes redierunt.

Repetita deinceps induciarum tempore à pluribus navigatio, sed cautius, ut aliorum calamitate jam edoctis; præsertim à West-Frisiis nostris. Donec Rex Hispaniarum aditum ad Salinam, Arce valida ibidem constructa, impediret.

Anno enim 1610 c. xxi. i, quum jam Societas Indiæ Occidentalis ab Illustriss. D. D. Ordinibus Generalibus confederati Belgii stabiliretur, & non levis contro-
 40 versia orta esset inter provinciales utriusque Hollandiæ de Salinis hisce, quas Boreales limitibus Societatis includi volebant, Directores vero Societatis omnino includendos pertendebant: Hispaniarum Rex, qui harum molitionum minime ignarus esse poterat, usum harum nostris præripere in animum induxit: quod quum facere aliter non posset, Arcem hic validam molitus est & multis machinis instruxit atque idoneo militum præsidio.

Arx autem hæc quemadmodum à multis qui viderunt accepimus, ad hunc modum se habet: Extructa est super petram modicè editam supra reliquum solum, circiter centum, neque multo pluribus passibus à mari: forma quadrata, quatuor propugnaculis distincta: latus illius Orientale sive quod Continentem respicit, valido muro
 50 è vivo saxo educum est, & pene quadraginta palmos altum; reliqua dimidiam habent altitudinem: latus denique quod stationem aspicit, omnium invalidissimum est & humillimum: In Machinarum numero variant, qui minimum, tribuunt triginta & tres, quarum pene media pars ex ære constata dicitur. Præsidiariorum quoque numerus incertus, numquam tamen uti volunt minor ducentis.

Imminet huic arci mons, tantum convalle ab ipsa divisus: omnisque annona bis singulis septimanis à *Cumana* petitur; præter ea quæ Hispania mittit, oleum, vinum,

vestes & similia. Habent & speculam in vicino monte, qui præfidiarios mature monet, quando naves ex alto allabuntur.

Nomen Arci dederunt *S. Iago*: quæ sane tam opportuno loco collocata est ad Salinas custodiendum, & naves inimicas arcendum, ut opportunius non possit; nam minori bombardâ ferire possunt quosvis qui Salinam ingredi tentaverint, atque etiam naves in anchoris stantes valide quaterre & perforare.

CUMANA vel COMENA.

C A P. IV.

Cumanæ provinciæ descriptio, cæli solique qualitates, animalia, Indigenarum denique mores.

A Rayam excipit *Cumana* vel *Comena*, è regione promontorii *de Araya*, atque Insulæ *Margaritæ*: divisa à famosis illis Salinis & vicinis provinciis per fretum illud quod *Golfo de Carriaco* vel etiam *Comena* diximus appellari; penetrat autem intra Continentem, ut Hispanis placet, circiter quadraginta leucas; superioribus seculis in ambitu à frequentibus barbaris accolebatur: qui ut fere ceteri nudi agebant, præterquam mares qui pudenda sua cucurbitarum collo, aut conchis quibusdam, cannis, aut denique aureis thecis concludebant; vel vulgò tenia aut fascia 20 gossypina inter scæmora reducta abscondere moliebantur.

Ad bellum autem progredientes, palliola humeris circumdabant, seque plurimis plumis decoris gratia ornabant: festis quoque diebus cutem illinebant tenaci quodam glutine, & plumas quasdam parvas variarum avicularum affabant, volucres æmulantes: pilos quidem barbæ penitus evellebant; capitis vero supra aures in orbem attondebant: dentes quam nigerrimos habere imprimis formosum putabant, itaque folia cujusdam herbæ continuo pene in ore gestare & masticare soliti; cujus beneficio & hoc consequiebantur, quod ut plurimum à dentium doloribus vacarent, & benevolentem halitum sibi conciliarent.

Juvenulæ prorsus nudæ incedunt, & inter formæ decoꝝ existimant crassas & 30 obesas furas: quas arte quadam sibi conciliant; à teneris annis crura valide sub genubus constringendo: pudoris aut pudicitix perexigua illis cura: verum postquam uni viro conjunctæ sunt, tum & velare obscena & paulo castius agere incipiunt, meruentes maritos adulterii vindices.

Reguli plures atque adeo sumunt quot lubet, & id imprimis hospitale autumant, advenis suas concubinas ad tempus elargiri. Fœminæ non abhorrent ab ullis exercitiis virilibus: facile enicuntur: & fœtus suos educant diligenter; & quia formosum putant, longa facie & genis gracilibus esse, capita infantium leniter comprimunt inter duo pulvinariola. In cibos adhibent omnis generis animantia, ita ut ne ab immundissimis quoque dicantur abstinere; licet neque farre, neque laudatis carnibus atque piscibus destituantur; & non inspidum potum noverint conficere. 40 Horum barbarorum adhuc in hac parte Continentis magnâ est copia; qui hætenus libertatem suam fortiter adversus Hispanos defenderunt, & non raro ipsi damnum inferunt.

Laborant hi barbari atque caligant plerumq; oculis; quod quidam opinantur illis accidere ab aquæ potu, quæ è maximo hujus provinciæ flumine hauritur, quod & *Cumana* vulgo appellatur; sed magis assentior iis qui illud improbo nutrimento quo utuntur attribunt. Fœminarum fere munus est tellurem colere, fodere, Mayzii & Axi sementem facere, cucurbitas & alios fructus ferere & annonam procurare. Olim & hostium suorum carnibus, quos in bello aut astu ceperant, avidè vesciebantur: 50 neque à mancipiorum suorum, quos redemerant, carnibus abstinebant; hos etiam si graciliores essent, faginabant instar porcorum.

Inter arbores quæ sponte hic passim nascuntur memorantur à scriptoribus Hispanis; quædam quæ lacteum quendam liquorem fundunt, qui durus admodum evadit instar gummi & suavem odorem de se fundit; aliæ quæ liquorem quendam edunt instar lactis coagulati, qui in cibis ab ipsis usurpatur sine noxa.

Aliæ

Alia itidem quæ fructus ferunt instar mororum, è quorum succu syrupum efficiunt imprimis utilem adversus raucedinem: harum materies adeo solida est atque dura, ut instar silicis ignem ejiciat collisa.

Arbor præterea materie beneolente ad modum cedri, cujus species videtur, quæ utiliter ad varia fabrilia opera adhibetur, sed si panem aut similem annonam eis concludas, contrahunt ingratum amarorem: utilissima denique censetur ad naves fabricandas, minus enim sentit cariem.

Est & quæ tenacissimum viscum fundit, quo in aucupiiis utuntur, & cutem suam inungunt, quum plumulas afflare desiderant.

- 10 Cassia denique solutiva hic passim sponte nascitur, sed dubito silvestrem illam esse speciem cujus supra meminimus, licet & genuinam habeat.

Tellus quoque luxuriat variis & beneolentibus floribus, præsertim rosis, licet quidam flores tam fragrantii sint odore ut cerebrum tentent, atque offendant.

Præter leones, tigres, apros aliaque ferocia animalia; etiam quædam animantia hic reperiuntur, aliis provinciis insueta, aut saltem non ita familiaria; inter quæ scriptores memorant unam speciem, quam barbari suo idiomate vocant *Capam*; quod *Capa*, animal mole pene superat asinum, villosum & atrum, atque admodum ferox; licet hominum conspectum metuat, atque fugiat; adversus canes etiam plures fortissimum, quos & intrepide manet & non raro enecat atque devorat.

- 20 Itemque alterum animal, quod ipsis appellatur *Aranata*; mole quidem venatici canis, prolixa autem barba instar hirci; & horrendum quoddam murmur ciens: minime tamen carnivorum, sed fructibus arborum victitans, quas facile ascendit: hæc animalia fere gregatim dicuntur incedere.

Capiuntur hic quoque quidam feles silvestres, simiis haud absimiles, qui catulos suos supra modum diligunt, eosque in ulnis circumgestant, & cum iis quandiu teneriores sunt, arbores scandunt: catuli autem longe pulcherrimi sunt, & admodum ingeniosi, ita ut ab Hispanis magni fiant.

- 30 Reperitur hic & aliud animal valde ferox & hominibus infestum, molossi pene mole, quod barbari supra modum metuunt, ideoque noctu nunquam prodeunt (est enim animal noctu ambulum & quod interdum rarissime videtur) sine ardenti tecta: narrant autem insignem hujus feræ astum, quo consiliis juxta ruguria ejularum edere instat infantis, ut homines eliciat è tuguriis, atque inopinantes opprimat.

Volucrum omnis generis hic magna quoque est copia atque varietas, imprimis elegantissimorum *Platycotum* & similium. *Vespertilionum* ingentium maxima copia, qui inter lues hujus provincie merito numerantur: licet non desint & aliæ atque imprimis culices, *Mosquitos* vocant, corpore quidem exili sed tam acriter pungentes, ut noctu vix somnum capere liceat, nisi remedium aliquod opponas.

Apum quæ mellificant tres hic reperiuntur species.

- 40 Aranci atque phalangii longe grandiores quam in Europa & diversorum colorum, qui telas nent ita pertinaces ut vix distrumpi possint.

Mare quod alluit egregie piscosum est: amnes quoque pluribus piscibus feræ, ita ut hæc provincia commearu omnis generis abundet.

In fluminibus denique reperitur magnus nunicus crocodilorum, quos hic vulgo vocant *Caymanes*, & Hispani *Lagartos*; qui neque forma neque natura differunt ab iis quos Nilus alit; licet mole nonnihil differant.

C A P. V.

Eorum quæ superiori seculo ab Hispanis crudeliter in hac Continentis parte gesta fuerunt: & municipii Cumanæ descriptio.

- 50 **L**ICET Hispani in omnibus pene Americæ provinciis in miseros barbaros fuerint, nusquam tamen tam astute atque crudeliter sunt grassati quam in hac.

Narrat enim *Herrera*; monachos ordinis S. Dominici, anno 1511 obnixè ab Hispaniarum tege postulasse ut ipsis solis liceret indigenas hujus continentis ad Christiana Sacra pellicere & religionis principiis imbucere; quod quum facile à religioso imperatore impetrasent; duo tantum in hanc provinciam haud longe

longe à *Cumana* fuerunt expositi; & à barbaris perhumaniter accepti, ita ut magna spes esset illos non modo cicurari, sed ad fidem nostram pellici posse: verum haud dudum post supervenit Hispanorum navis, qui uti ferebant, uniones ab incolis precio compararent: hi apud monachos hosce doli ignaros tantum persequerunt, ut Regulo loci persuaderent navem ingredi ad symposium: verum illi miserum cum uxore & septemdecim suorum, nequicquam monachorum & hospitum fidem obtestantem, anchoris sublatis avehunt in duram servitutem: ceteri barbari, qui monachis conscis hæc facta suspicabantur, in illos irruere, & mortem intentare illi vero fidem suam obligare, regulum cum suis quamprimum reductum iri; cessatum ergo aliquandiu ab ipsorum cæde: donec fero se illulos sentientes, monachos hosce trucidarunt.

da. l. 3.

c. 7.

S. Fd.

Nihilo tamen secius, rursus anno 1615 xviii, hic plures monachi applicuerunt, ex ordine partim Dominici, partim Francisci; qui diversis locis cœnobis bina condiderunt, uti tanto facilius barbarorum institutioni vacarent. Ceperant autem Dominicani monasterio suolocom in provincia *Chiribichorum* populorum, septem leucis ab *Insula Cubagua* versus Occidentem, & imposuerunt illi nomen *S. Fidei*. (Servat hodie nomen sinus qui distat circiter duabus leucis à municipio *Cumana* versus Occidentem; opportunus admodum navigantibus, qui hic interdum aquam & ligna solent petere, & tutissimo in anchoris consistere, atque adeo vicinos barbaros haud impropios experiri.

Anno autem 1615 xx rursus appulerunt hic Hispani duce *Alonso de Ojeda*, quorum adventus barbaros haud modice perturbavit: verum illi, ut facilius fallerent, sublatis anchoris quatuor leucis inde promoverunt versus *Maracapanam*, Mayzii à barbaris *Montana* incolentibus, (qui vulgo vocantur *Tangares*), comparandi gratia se advenisse simulant. Quum tamen isti barbari, tantum Mayzii, quantum quinquaginta viri humeris ferre poterant, ad litus deportassent, & promissum pretium expectarent, in inopinantes irruerunt Hispani & triginta sex illorum corripuerunt, & non paucos graviter vulnerarunt. Regulus hujus provincie, qui jam Christianis Sacris initiatus, *Gil Gonzalez* dicebatur, ægerrime hæc ferens, & ut supra modum suspicacia & vindictæ avida sunt horum barbarorum ingenia, conscis aut saltem non ignaris monachis hæc perpetrata fuisse; consilium capit cum Regulo *Maraguey* in cujus ditio-
ne cœnobis erant condita, ut hic quidem monachos trucidaret, ipse vero in *Oiedam* irrueret: nec mora quum *Oieda* inconsultus cum paucis in terram descendisset, ipse cum sex suorum oppressus & cæsus fuit; & monachi paulo post trucidati & monasteria excisa & flammis concremata.

Quum autem hujus excidii fama ad aures *Conventus Juridici*, qui in oppido *S. Dominici* agebatur, pervenisset, crimen hoc exquisitis suppliciis, atque adeo universorum barbarorum *Cumanorum* excidio vindicandum esse constituunt: missi itaque quantocius trecenti milites in tribus navibus, quæ fortè paratæ erant, præfecto *Gundisaluvo de Ocampo*.

Dum hæc in Continente geruntur, commodum applicuit ad Insulam Hispaniolam *Licentiatu Bartholomæus de las Casas*; qui ex formula contractus cum Hispaniarum Rege initi aliquot familias rusticorum & aliorum operarum mercede conductas, adduxerat ut coloniam in Continentem juxta monasteria religiosorum illorum deduceret. Audito autem hoc infortunio graviter indoluit, & modis omnibus fuit conatus expeditionem illam impedire, verum frustra.

Gundisaluvo ergo de *Ocampo* cum duabus navibus applicans ad portum *Maracapanæ* & astu sibi grassandum ducens, ut barbaros facilius in insidias pertraheret, simulavit se ex ipsa Hispania, non autem ex insulis advenire, neque eorum quæ gesta erant gnatum esse: adhæc ne barbari suorum multitudine detererentur, maximam militum suorum partem occultavit: Barbari itaque nihil mali suspicantes, incautius in naves illius sunt ingressi, præter Regulum qui se in canoa sua continuit; milites autè Hispani sub hæc ex insidiis erumpentes, Regulum in canoa obrutunt; & cæteros captos de antennis laqueis suspendunt: denique exscensione in terram facta pagum eorum diripiunt atque excindunt: municipiumque Hispanorum moliantur ad ripam fluvii circiter dimidia leuca à mari, nomine *Toleri* ipsi imposito.

Licentiatu interea de *las Casas* nihil non moliebatur, ut incepta sua ad finem perduceret,

ceret, & Societate inita cum Admirantio Columbo & aliis Regiis ministris in Insula Hispaniola, applicuit ad Continentem, reperitque Oceanum in novo Municipio Toletō; displicuere novis colonis condiciones quas Licentiatius ferebat, itaque & ipsum reliquerunt, & municipium deseruerunt vix inchoatum. Ille tamen propositi tenax, cum paucis familiaribus, & operis aliquot mercede conductis, contulit se ad locum ubi monasterium Franciscanorum fuerat, haud longe ab ora maris, & secundum ripam fluvii *Cumana*, ibidemque castellum cepit moliri: verum Hispani qui *Cubaguanam* insulam incolebant, ægre ferentes hoc factō excursiones suas in miseros barbaros, quibus assueverant, impediri: architectum, qui unus tantum Licentiatio supererat, magnis promissis ad se traduxerunt; atque ita opus imperfectum remansit.

10 Licentiatius *de las Casas*, ut hisce impedimentis obviam iret, & *de Cubaguanorum* injuriis apud Conventum Juridicum querelam institueret; transfretavit ad Hispaniolam, præfecto antè colonis suis *Francisco de Soto*: Hic summa imprudentia, & contra quam Licentiatius iusserat, binas naves (quæ ipsi relictæ erant, ut si quid periculi à barbaris ingruerēt, suos in tutum posset subducere;) secus oram dimisit ad mercimonia cum indigenis exercenda: Quare barbari, animo ob tantas clades quas jam ante & adhuc nuper ab advenis passi erant, adhuc nimium exasperato occasione utendum rati, coorientur in colonos. *Soto* quidem vulnere accepto è quo postea discessit, cum novemdecim aliis in cymba profugit ad promotorium *de Araya*, reliqui occubuerunt,

20 & municipium à fundamentis fuit dirutum. Quæ quum Licentiatius in Hispaniola accepisset, animo æger, (quod omnia quæ hætenus tentaverat ad barbaros conservandos, & à maleficio coercendos, traducendosque ad religionem Christianam, quod unice optaverat,) seculo renuntiavit & ingressus est Cænobium Dominicanorum, & postea factus est Episcopus *Chiapa*. Hic est *Bartholomæus* ille *de las Casas*, qui prolixè descripsit, & Imperatori Carolo atque Hispaniarum Regi indicavit, quæcunque ab Hispanis impie & crudeliter in omnibus pene Americæ utriusque provinciis, in indigenas fuerunt perpetrata; è cujus commentario Christianus orbis didicit, quæ excidia gentium integrarum, quam horrenda supplicia magnatum, Novus ille orbis viderit & ingemuerit, postquam Hispani in illum pedem fixerunt.

30 Porro quum hæc clades ad aures Admirantii *Didaci Columbi* & Conventus Juridici Insulæ Hispaniolæ accidisset, statim de vindicta cogitarunt, & anno c1510 xxxi miserunt *Iacobum de Castellon*, qui primum adiit insulam *Cubaguanam*, atque ibidem reliquit colonos qui urbem *Cadix* restaurarent & denuo inhabitarent, paulo ante ab Hispanis barbarorum metu relictam: deinde applicuit ad *Cumanam*, ibidemque sedes fixit: dimisitque suos ad barbaros illius tractus capiendos, quorum quam plurimos, præsertim eos quos cædis monachorum & aliorum Hispanorum auctores suspicabantur, variis & crudelibus suppliciis sustulit. Denique arcem struxit ad ostium fluvii *Cumana*, ut ita aquationem *Cubaguanis* securiorem redderet: à quo tempore Hispani hic domicilium retinuerunt. Municipium autem *Cumana* vel *Comema* situm est

40 intra Continentem, circiter duobus milliariibus à mari, intra densos arborum lucos, ita ut ab allabentibus ex alto, difficulter possit videri, præter præfecti ædes, quæ in edito colle sitæ sunt. Stationem habet ad mare peropportunam in sinu quodam, semilunaris formæ, ubi tuto anchoræ figi possunt haud longe à littore, in mari duodecim aut tredecim orgyis alto, & fundo nullis rupibus impedito.

C A P. VI.

Narratio eorum quæ ab Hieronymo de Ortal & Antonio Sedenno in hisce provinciis fuerunt gesta.

50 **S**UPERIORI libro compendio edisseruimus, quæ ab Hieronymo de Ortal fuerunt gesta in magno flumine *Viapari*, donec se alio converteret, nimirum ad hanc partem Continentis, de qua nunc agimus, itaque expeditionis illius reliqua hic eodem compendio prosequemur.

Hieronymus itaque de Ortal, assumit sibi Legatum Augustinum Delgadum, cumque misit ad fluvium *Neverin*, qui in mare egreditur duobus milliariibus à *Maracapana*, imperans, ut ibidem arcem moliretur, quod & gnaviter perfecit. Ortalium interea se illi adjunxit

Emerica.

Neviti

adjunxit cum centum militibus, ut expeditionem suam promoveret: verum duæ se ibidem ipsi objecerunt difficultates; prima quidem à *Cubaguanis* qui querebantur ipsum falcem misisse in alienam atque adeo suam messem; altera & quidem maxima à militibus, qui à superiori expeditione omnium rerum inopes & fere nudi redierant, quorum inopix ipse nequaquam poterat succurrere, quia Imperator Hispaniarum Rex gravissimo edicto caverat, ne indigenæ barbari in servitutem alio abducerentur aut venundarentur: ipseque omnibus mediis destitueretur: Verum ut suorum militum inopix aliquantum subveniret, permisit ipsis mangonium exercere de ejusmodi barbaris, quos ipsi Indigenæ pro mancipiis haberent: improbo consilio: nam milites hoc prætextu miserum in modum in barbaros sævierunt, & multa quoque li- 10
bera captia manciparunt & mangonibus vendiderunt.

Delgadus autem quum è speculatoribus suis quos præmiserat, didicisset plurimos barbaros in interiori continenti degere, sine mora iter est ingressus cum quinquaginta militibus: offenditque primo densissimas silvas & impeditissimos tramites, & raros admodum indigenarum pagos: transiitque *Guacharacum* & *Paripomotum* duas provincias à pluribus bellicosis & ferocibus barbaris habitatas: qui tamen cum vicinis suis discordes & continuo belligerantes, advenas hosce peramicè exceperunt, iisque dederunt itinerum duces, qui illos introduxerunt in provinciam populo frequentè & annona omnis generis abundante: hic primo acriter à barbaris fuerunt oppugnati, quos tamen 20
nullo pene negotio in fugam conjecerunt; & iter suum promoverunt ad fluvium *Vnaren*, illumque non sine certamine cum barbaris qui adversam ripam tenebant transierunt: inciseruntque in pagum annona abundantem, & pace cum vicinis barbaris facta, vires suas recollegerunt. Opinatur autem Hispani *Ortalius* rectè fuisse facturum, si hic municipium aliquot condidisset, sed properabat ad fluvium *Metam*; quare *Delgadus* postquam aliquot munuscula à Regulis illius provincix acceperat, ad ducem suum revertitur.

Diximus quoque superiori libro *Antonium Sedennum* controversiam movisse *Ortalius* de hisce provinciis: & primo quidem inter eos convenisse ut conjunctis viribus hanc expeditionem urgerent, sed *Ortalius* postea à conventis resiliisse: *Sedennus* itaque opulentarum harum provinciarum, uti credebantur, ab *Ortaliis* inventa- 30
rum fama allectus, *S. Joannis de portu Rico* incolas permovit ut ipsi auxiliarentur; & applicuit ad hanc partem Continentis, duabus leucis à *Maracapan*, & intra limites præfecturæ *Venezuelæ*, licet gravissime à Conventu Juridico Hispaniolæ vetitus in fines alienæ præfecturæ ingredi.

Hac *Sedenni* atque *Ortaliis* discordia factum fuit, ut alter alteri omnibus modis incommodaret, & studeret prævortere, & milites nunc hos nunc illos armis & com-
meatu exuerent & pene nudos destituerent; neuterque quicquam operæ precii generet. *Ortalius* nihilominus expeditionem suam promovens, penetravit in provinciam cujusdam Reguli, qui superioribus annis à monachis illis baptizatus *Didaci* nomen fuerat sortitus; & anxie requirebat provinciam *Metam*, iter agens per regio- 40
nem bene cultam & populo frequentem, eamque misere devastans ne *Sedennus* ipsum consequi posset: refecit autem milites suos in pago *Guaniba* cujus incolæ quidem profugerant, sed reliquerant magnam Mayzii copiam & annonæ cæteræ. *Delgadus* hic à barbaris vulnus in oculo accepit, è quo paulo post expiravit: & *Ortalius* à tumultuantibus militibus derelictus, qui maximam partem se *Nicolaus Federmann* adjunxerunt, qui à Coro venerat ut provincias hasce perlustraret: ita ut cum decem solummodo militibus ad arcem suam repedaret, cui jam ante nomen *S. Michaelis de Xeveri* imposuerat: verum monitus rivalem suum *Sedennum* cum magnis copiis juxta oras hasce incedere, illum minime manere fuit ausus, sed profugit ad Insulam *Cubaguam*, atque inde ad metropolin *S. Dominici* in 50
Insula Hispaniola.

Expeditionis Antonii Sedenni in hanc partem Continentis reliqua.

Antonius Sedennus, quum hoc pacto æmulum suum Ortalium depulisset, & Li- Her. d. 5
centiarum Frias, quem Conventus Juridicus Hispaniolæ miserat ut ipsum à l. 10. c. 16.
finibus alienæ præfecturæ juberet abstinere; jam liber expeditionem institu-
ram prosequitur cum quingentis militibus, partim equitibus, partim peditibus: inces-
sitque primo secundum oram maris usque ad *Patiguarum*, atque inde ad mediterranea,
nullo ordine aut disciplina militari; ita ut indigenæ barbari, insolentiam militum
non ultra tolerantes, variis locis nonnullos ex insidiis opprimerent atque cæderent;
& vicissim longe majore numero ab ipsis trucidarentur, & caperentur, atque *Cubaguanam*
mitterentur in duram servitutem, sucto tum Hispanis mangonio.

Laniena autem ista barbarorum factum est, ut multa cadavera passim insepulta in
agris jacerent, quæ tigres depascentes, ita efferebantur, ut ne à viventibus quidem
abstinerent, nullo præsentiori tum adversus illas feras remedio, quam in tenebris cum
ardentibus redis aut titionibus è tuguriis progredi.

Anno 1510 xxxvii promovit Sedennus versus provinciam *Anapujam* atque inde Anapuja.
in alteram quæ *Orocomay* dicebatur, ubi peramicè à barbaris fugi acceptus. Transivit Oroco-
inde in provinciam *Gotoquaneyan*, cujus indigenas in armis invenit, qui exiguum ca- may.
stellum è lignis constructum objecerant, in quo plurimi erant barbari, ut Hispanos Goto-
aditu provincie suæ arcerent: Hispani impetum facientes in hoc castellum, bis à bar- guamey.
baris fuerunt depulsi & plures vulnerati venenatis sagittis, ita ut candenti ferro, cum
summo discrimine venenum exhaurire cogerentur: barbari tamen pluribus suorum
amissis, quum metuerent ne tandem ab Hispanis opprimerentur, locum deserue-
runt, & noctu cum uxoribus atque infantibus se receperunt à vicinis montes, qui
circiter leucam ab illo aberant, & densissimo nemore erant obstiti.

Postquam Hispani aliquandiu in hoc loco quievissent & corpora refecissent; pro-
moverunt inde usque ad provinciam, quæ duobus gradibus distabat ab Æquatore
versus Arctum, per incultos campos & plures amnes, in quibus nihil ad victum sup-
petebat præter ferinam, ita ut milites incommodorum pertæsi tumultuari inciperent:
veram Sedennus tumultum ea vice compescuit, supplicio de præcipuis tumultus
authoribus sumto.

Venerunt tandem ad provinciam *Catapararo*, inter montes sitam; in qua magnum Catapa-
Mayzii copiam invenerunt, & nonnulla indicia metallorum, imprimis auræ; ita ut hic raro.
hiberna figerent: Sedennio, interea vice functo, surrogatus fuit in illius locum *Ioannes*
Fernandez; itinerum autem ratione inita, jam centum & quinquaginta leucas ab ora
in Mediterranea se profectos compererunt.

Hybernæ absolutis paulum processerunt, per paludosa loca & aliquot amnes &
offenderunt alium pagum annoha abundantem: hic quoque obiit *Ioannes Fernandez*:
nihil tamen fecius processerunt per patentes & incultos campos, naucleris illos du-
centibus ad pixidis maritimæ ductum; ventum denique in regionem valde humilem
& rigum, quæ à paucis barbaris incolebatur, qui hybernæ & pluvis mensibus se ad
editiora loca recipiebant, quia tota regio illarum ab annibus inundatur. Hispani
itaque tot difficultatum pertæsi, nam ex paludosis locis ægre eluctati, incidebant in
vastos & arenosos effretosque campos, & magnam annonæ patiebantur penuriam; ad
hæc post ducum obitum inter se discordes, expeditione penitus omissa, inque varia
turmas separati, diversis itineribus repedare institerunt; atque ita post longos er-
rores alii ad *Venezuelam*, alii ad *Maracapanam* atque inde *Cubaguanam* redierunt. Hunc
exitum sortita est expeditio *Antonii Sedenni*.

Ex hisce expeditionibus, in quibus nihil memorabile annotatum inveni-
mus, quivis suspicari possit, in hisce provinciis nihil illustre, aut quod tantis
molationibus dignum sit, reperiiri posse: verum qui animum Hispanorum in ejusmo-
di expeditionibus recte adverterit, nequaquam mirabitur hæc ipsis accidisse:
nam sucti erant aurum atque argentum aut similia alicujus pretii, barbaris jam

parata eripere; neque anxie terræ abdita scrutari, sed loca ubi nihil divitiarum statim in oculos incurtebat, leviter præterire: quare non mirum est tot laboribus non plura ab ipsis fuisse inventa, quæ mortales ad penitiorum regionum scrutationem solent allicere.

VENEZUELA.

CAP. VIII.

*Descriptio Generalis hujus provincie Venezuelae & partitio
in varias partes.*

10

DUÆ omnino redduntur rationes ab Hispanis scriptoribus, cur hæc præfectura & provincia dicta fuerit *Venezuela*, id est, parvæ Venetiæ: prima quidem, quia *Alonso de Oreda* qui inter primos ad illam appulit anno 1500 ccc x cix hic invenit municipium indigenarum barbarorum, cujus ædes omnes, in ipsis undis arboribus & tignis erant inædificatæ, quemadmodum Venetiæ ex ipsis fluctibus educæ cernuntur, sublevis autem pontibus è Continente comeabant ad ædes, pluresque similes pontes ab unis ædibus ad alteras erant perducti.

cap. 8.

Alteræ autem (ut tradit *Herrera* in descriptione compendiosa Indiarum) quod Germani quum primum hanc præfecturam ab Imperatore Carolo V. accepissent anno à Christo nato 1515 xxviii destinaverant, secundum ostium magni lacus *Maracaybo*, super collem imminente ostio, oppidum moliri nomine *Venetiola* fausto omine, licet nunquam res effectum fuerit sortita.

20

d. 8. l. 2.
c. 19.

Acceperant autem hanc provinciam nobilissimi *Vesperi*, cives Augustani, uti bene dè Imperatore Germaniæ meriti, hisce limitibus, uti ex *Herrera* discimus, conclusam, ab ortu quidem *Maracapanæ*, de qua jam diximus, ab occasu autem promontorio quod vocant *de la Vela*; patentem in longitudinem secundum orarum ductum circiter leucas ducentas.

Repererunt autem Germani hi provinciam hanc plurimis barbaris frequentissimam, sed quia ipsis, uti paruit, propositum erat, potius rem familiarem augere & optimam prædam hinc deducere, quam colonias huc deducere, & rempublicam hic stabilire; ab ipsis Legatis in miseros barbaros sævitum fuit, & maxima ipsorum pars sensum excisa: Hispanis quoque qui vicinam Continentem & insulas *Margaritam* & *Cubaguam* insederant, pro more suo in idem excidium acriter conspirantibus, unde factum est, ut populosissima provinciæ ad summam paucitatem redigerentur, & incolis indigenis fere destituerentur.

30

Hodie præfecturæ hujus limites ita describuntur; ab extremis finibus Novæ *Andalusiæ* sive *Serpæ* vel etiam *Guianæ*; ad primos fines præfecturæ quam vulgo vocant *Rio de la Hacha*; ita ut inter utramque illam præfecturam in longitudinem occupet centum & triginta leucas: in latitudinem vero ubi latissima est, octuaginta leucas ad Regnum novum Granatense.

40

Solum hujus præfecturæ admodum est fertile & frugum feracissimum, ita ut quotannis duas hic messes colligant. Ad hæc abundat pascuis, ita ut hic ingens numerus armentorum, nec non pecudum pascatur. Vnde meruit nomen granarii apud cæteras provincias, ingens enim copia farinæ triticeæ, plurimum panis biscocti, multi casei; suilla quoque; & ingens numerus pannorum gossypinorum hinc deducitur, ad vicinas & remotiores provincias. Ad hæc immensus numerus tergorum bovillorum, & magna vis *Saxaparillæ*, à portu *Guayra* & *Caracis*, infertur Europæ.

Abundat regio omnis generis feris, ita ut venatio hic imprimis sit opportuna: Amnis adhæc Unare valde piscosus est: ita ut barbari indigenti, superiori seculo crebro inter se bella gesserint ob piscandi limites & opportunitatem.

50

Nec metallorum inops, creditur solum in variis provinciis, præsertim auri, & quidem satis absoluti, & viginti duorum & semis caratorum, ut loquuntur.

Complectitur hæc amplissima præfectura, plures provincias particulares & propriis

propriis nominibus notas, tam ad oram Oceani, quam in Mediterraneis; uti *Chirianam*, *Caiças*, *Caracas*, *Bariquemetq*, *Tucuyo*, & similes, quarum tamen limites minime distinctos invenimus apud Authores Hispanos: itaque contenti illas hic nominasse; earum mentionem facturi sumus, in descriptione urbium quæ in illis hodie ab Hispanis habitantur.

Cæterum scribunt Hispani, in hisce provinciis hodieque numerari supra centum millia barbarorum, Hispanis vectigalium; quo numero non comprehenduntur qui aut non attingerunt decimum octavum ætatis annum, aut jam quinquagesimum excedunt: omnes enim hi, sententia Senatus Indici Hispaniarum, ab omni vectigali
10 liberi fuerunt declarati: verum quia numerus eorum quotidie aut augetur aut minuitur, certa ratio iniri minime potest.

Habitantur in hac provincia ab Hispanis octo quæ oppida quæ municipia, quæ ordine describam, si ante nonnihil dixerò de variis expeditionibus, quæ tam à Germanicis præfectis, quam ab aliis, per has provincias olim fuerunt susceptæ, quæ haud parvâ lucem hujus præfecturæ descriptioni poterunt adferre.

C A P. IX.

Venezuela: prima lustratio per Germanos, & quæ aliquot annis
20 ab iisdem ibidem fuerunt gesta.

LICET *Ioannes de Ampues*, auspiciis & mandato Conventus Juridici Insulæ Hispaniolæ, jam ab anno c1510 xxxvi, provinciam hanc esset ingressus, exsensatione in *Corianam* facta, eamque capisset lustrare, amicitia prius cum *Manauere* potentissimo harum regionum principe confirmata: Nihilo tamen secius, ut jam supra dixi, Imperator Carolus V, præfecturam & cæteras immunitates in ejusmodi concessionibus tribui solitas, amplissimo diplomate indulgit *Vesleris* Augustanis, vel si proprie loqui volumus, provincias hasce illis oppignoravit. Agebant tum res
30 *Veslerorum* in aula Hispaniæ *Ambrosius Alsingerus*, *Hieronymus Saylerus*, & *Georgius Ewigerus*. Quorum quidem *Alsingerus*, assumpto sibi Legato *Bartholomæo Saylero*, rebusque omnibus rite præparatis, atque quadringentis militibus & octuaginta equis in naves impositis, soluit ex Hispania anno c1510 xxxix. Et quum hic feliciter appulisset, *Ioannem de Ampues* statim submovit, tribus tantummodo insulis *Curacao*, *Bonaire* & *Aruba*, quæ haud longe hinc Continenti objacent, illi relictis. Deinde barbaris qui Lacum *Maracaybo* accolunt, quem Hispani tunc vocabant de
40 *Nuestra Sennora*, ad obsequium cogendis nonnulla opera impensa, omnes conatus suos convertit ad auri aut argenti venas indagandas: & quum illud ex voto minus succederet, tum demum aliquot expeditiones in Mediterraneas provincias suscepit, in quibus ita fuit versatus, ut summam, quæquæ transibat, agris
inferret vastitatem, & barbaris indigenis magnas clades incuteret & vicissim ab illis pateretur.

Instituerat iter suum per *Cupiaren*, & per longa terrarum spatia penetravit usque ad vallem *Eupari*, de qua supra diximus; licet illa extra limites diplomate *Vesleris* præscriptos sita esset, & haud dubio ad præfecturam *Santæ Marthæ* pertineret.

Idem *Alsingerus* alteram expeditionem suscepit anno c1510 xxx, & iter suum instituit ad barbaros, qui *Pocabuyes* appellabantur, & plurimum auri credebantur possidere quod cum vicinis suis permutabant; ab his transitit ad aliam barbarorum nationem qui *Alcoholadi* vocabantur, & auro ad eundem modum abundabant: Horum
50 ager solo erat haud infæcundo, ipsique pro capto barbarorum, ingenio haud inurbano: ita ut in ipsorum provincia pedem figere, & municipium aliquod moliri, si rebus suis rite consuluisse, omnino tempestivum fuisset; potuisset enim tum quam facillime inde in Novum Regnum quod postea Granatense fuit dictum penetrare, & Dominorum suorum res egregie stabilire: verum id susque deque habens processit inde ad flumen Grande, atque ita deinceps ad *Tamalemequen*, omnes regiones miserum in modum pervastans usque ad *Lebrixam*: à qua divertens subiit montanam & frigidam regionem, quam ab infinitis
Ccc 2 barbaris

barbaris invenit cultam, à quibus cum insigni clade fuit repulsus, & vulnere hic accepto remeavit ad *Corianam*, & ibidem decessit è vulnere anno à Christo nato c. l. xxxii.

Huic deinceps successor à Velfetis fuit missus *Joannes Allemannus*, qui nullas expeditiones in provincias suscepit, sed brevi è vita excessit.

In illius locum itidem fuit successus *Georgius de Espira* cum legato suo *Nicolas Federmann* vel *Fredemanno* anno à Christo nato c. l. xxxv. Hic cum trecentis peditibus & centum equitibus, movit è *Coriana*, mense Maio, versus Austrum iter agens, & vestigiis *Alfingeri* insistent, Legato suo, ubi ante coloniam collocasset juxta promontorium de *la Vela*, cum reliquis copiis sequi jussit. Legatum interim sibi sumserat *Franciscum de Vela* Hispanum, qui quum jam pene ducentas leucas processissent, milites, quod Hispanis familiare est quum peregrinis parent, ad seditionem tentavit permovere, verum dux molitiones illius mature animadvertens, illum munere suo movit, & ibidem destituit, nullo alio supplicio irrogato.

Federmannus autem illum secutus, & vasta terrarum spacia emensus, penetravit in vallem *Tucuyo*, angustam & undiquaque montibus cinctam in qua hybernavit; & interea quoque adiit provinciam *Bariquixemeto*, ita dictam ab amne qui illam permeat.

Hybernis in *Tucuyo* absolutis, & pro Praefecto hic constituto *Francisco Vanega*, hinc promovit *Federmannus*, mense Decembri, & magnis itineribus, per asperos montes & densas sylvas, atque impeditissima loca tandem penetravit in *Novum Regnum Granatense*.

Dum hæc in America in diversis partibus à Germanis hæc geruntur, *Espira* praefectura sua movetur, & *Federmannus* in illius locum substituitur: verum quum plurimæ quoque querelæ contra hunc fuissent institutæ, denuo fuit amotus, & *Espira* in pristinum locum & gratiam restitutus. Is anno c. l. xxxvi. in *Corum* revertens, expeditionis suæ penitentiæ hanc reddidit rationem, quam ad Regem Hispaniarum destinavit: se ad quingentas pene leucas cum copiis penetrasse in Mediterranea, & pervenisse ad fines barbarorum, qui *Choques* nominantur; licet autem tantum viginti quinque leucis abesset, ut opinabatur, à loco quem hæcenus investigaverat, reverti tamen fuisse coactum, ut necessaria militibus compararet. Obiit autem paulo post, nulla alia re memorabili gesta.

Dum *Velferi* cunctantur alium praefectum mittere, manum admovit huic negotio *Conventus Juridicus Insulae Hispaniolæ*, qui in oppido *S. Dominici* residebat, varioque huc destinavit Subpraefectos, quorum quidam oberunt, quidam ob provinciam male administratam fuga se subriperunt: Anno denique c. l. xlv. missus ab eodem Conventu *Joannes de Carvajal* J. U. Licentiat, homo nefarius, qui improbiissime & scelestissime hic se gessit: & quum oppidanis magnum numerum armorum per vim ademisset, movit cum exercitu suo ex oppido *Coro*, & montana regione ad dexteram relinquit, incescit per planiciem, pervenitque ad provinciam *Tucuyo*: quam tum frequentes barbari incolebant, quos appellabant *Cuihas*, linguis inter se discrepantes & maximam partem humanis carnibus vesci assueti.

Quum autem *Carvajal* enotmibus sceleribus nullum poneret modum, & graves querelæ quotidie ad aures *Conventus Juridici* acciderent, missus iudex, qui in vitam illius & acta inquireret, & causæ cognita pro merito illum puniret. Verum hic hominem ita jam potentem invenit & militibus, quibus nihil non indulserat, adeo gratum & charum, ut contra hunc minime auderet: Ille vero scelera sceleribus accumulans, *Philippum de Ven* propraefectum, & legatum illius *Bartholomæum Velferum*, cathenis oneratis *Corum* pertraxit, & ibidem extremo affecit supplicio.

Missus deinde *Joannes Peresius de Tolosa* J. U. itidem Licentiat, qui applicuit ad *Corum* anno c. l. xlv. & aggregatis septuaginta militibus, quos commodum in oppido offenderat, movit adversus *Carvajalem*, ut illum pro meritis castigaret. Instituit autem iter suum per montana, ut *Carvajali* aditum ad Regnum novum Granatense ad quod fugere dicebatur, hoc pacto intercluderet. Et planiciem, quam vocant de *Carora* emensus, milites aliquot illius obvios habuit, quos nullo negotio sibi adjunxit: & quum ex hisce didicisset, illum relicto *Tucuyo*, jam *Quibore* agere, quinque à *Tucuyo* leucis; magnis itineribus illo contendit, & hominem inopinantem

tem atque imparatum oppressit, & catenis oneratum ad *Tucayo* provinciam retraxit, & ibidem supplicio afficiendum curavit.

Anno denique c1515, Nigritæ quorum jam ante magnus numerus ex Africa hic fuerat traductus, tumultuari cœperunt, sed Hispanis molitionum illorum gnaris, facile fuerunt oppressi, & mares omnes ad interuersionem cæsi.

Quæ porro in hac præfectura anno c1515 fuere gesta, commodius in descriptione oppidi *Segovia* dicentur.

C A P. X.

De Metropoli hujus Præfecturæ Coro, ut vocant.

PRINCIPALIS hujus præfecturæ urbs vulgo appellatur *Coro*, à barbaris quoque *Corana*: & ab Hispanis non raro communi totius provinciæ nomine *Venezuela*.

Sita autem est, uti communis est opinio, ad altitudinem undecim graduum ab Æquatore versus Arctum, In regione quidem probe temperata, sed potabilium aquarum & maxime fontium indigentiori, hec ullis omnibus rigua. Condita est in planicie, licet ager illius maximam partem sit montosus. Cælo fruitur admodum salubri, ita ut medicis hic vix sit opus, nec aliis Medicamentis, quam herbis, plantis, aliisque simplicibus, quæ tellus hic liberalissimè sponte profundit. Animalia tam terrestria quam volatilia hic eadem reperiuntur quæ in reliqua America Meridionali; Leones autem ita imbelles & timidi, ut fustibus à barbaris facillime conficiantur: Tigres contra hic tanta pollent ferocia & truculentia, ut facile aliarum partium feras longissime superent.

Ager hujus urbis perfructuosus audit; Sacchari enim cannæ luxuriant hic supràmmodum: Gingeris radices læte proveniunt: mellis & picis hic habetur copia: neque maligne triticum rolerat tellus; incolæ tamen magis delectantur Mayzio, cujus polinum cum succo cannarum sacchari miscent, & coquunt placentas, optimi saporis, & quæ haud secus quam panes biscocti durant in longum tempus. Conficiunt & potum ex eodem Mayzio, & potatis radicibus, adeo generosum, ut barbaros facillime inebriet. Oppidum hoc duos habet portus, unum quidem versus Occidentem, una circiter leuca ab ipso oppido, ad sinum quendam pone Promontorium *S. Romani*, ut vocant: ubi & mare minus fluctuosum est & haud supra tres orgyas altum: alterum autem ad arctoam plagam & duabus leucis cum semisse ab oppido, ubi æquor longe altius est & valde æstuosum. Hæc quoque insulæ *Curacao*, *Bonayre* & *Aruba*, quatuordecim leucarum intervalla (ut *Herrera* testatur) Continenti Americæ Meridionalis prætenduntur: infida hic navibus statio est & adversus incerta ventorum minime munita; arque adeo Aquilonibus, qui hic jugiter & interdum valide perflant, exposita; distant ab hoc portu circiter una leucâ optimæ Salinæ.

Ab oppido autem *Coro*, Continens sese in altum producit, duodecim leucarum spacio, facitque quodammodo peninsulam, quæ à barbaris appellatur *Paragoana*, ex-Paragoanum vero illius cornu vocatur à navigantibus Promontorium *S. Romani*: completur hæc peninsula ambitu suo circiter viginti quinque leucas, maximam partem in planiciem strata, & ferarum maxima copia scatens; sed laborat fere aquarum penuria, neque ab ullo rigatur amne. Indigenæ barbari placido sunt atque miri admodum ingenio.

Præfectus universæ provinciæ, ut plurimum habitat in hoc oppido, quemadmodum & Episcopus, qui suffraganeus est Archiepiscopi *S. Dominici* in Insula Hispaniola: Denique hæc urbs ab Anglis anno c1515, inopinato intercepta, fere tota in cineres fuit redacta.

Haud procul ab hoc oppido secus viam quæ ad Montana hujus provinciæ ducit, jacet planities illa, quam vulgo vocant Hispani *los Llanos de Carora*, patens in longitudinem quidem sedecim milliaria, in latitudinem autem sex: fecunda, atque anno-ua, omnibusque rebus ad vitam humanam necessariis egregie abundans; imprimis autem Mayzio atque ferina.

Ab oppido *Coro*, ad provinciam *Bariquezimeto*, iter est per montana, quæ barbaro nomine vocant *Kizabtras*, quæ haud longe ab oppido initium sumunt; suntque non tam montes quam editi & convexi campi, sylvestres & inculti, atque hic aut illic in modicos colles erecti; habitantur autem à barbaris populis, qui vocantur *Axagus*; ferox est natio & humanis carnibus vesci sueta; quæque hætenus ab Hispanis nequivit penitus perdomari.

C A P. XI.

Alia oppida hujus præfecturæ, Nostra Sennora de Carvalleda, S. Iago de Leon, Nova Valentia & Xeres. 10

SECONDUM oppidum hujus Præfecturæ, appellatur ab Hispanis, *Nostra Sennora de Caravaleda*, situm in provincia populorum quos appellant *Caracas*; conditum haud longe à littore Maris septentrionalis. Distat à Metropoli *Coro* circiter octuaginta leucis, ut Hispani produnt, versus ortum solis: portum quidem habet, sed incommodum & navigantibus infidum.

In regione autem illius, ad oram ipsam Maris, arcem exstruxerunt Hispani, quam vulgo vocant *Caracas*. Continens hic ad ipsam oram attollitur in altissima montium iuga, ita ut à fastigiato Insulæ Teneriffæ, unius *Canariarum*, vertice quem vulgo vocant *Picum*, parum differant altitudine; sub ora vero, æquor admodum est æstuosum & valde fluctuans, ita ut difficillimum sit lembis aut scaphis ad illam appellere & exscensionem facere, præterquam juxta ipsam Arcem, in perexiguo sinu live æstuario. 20

Tertium hujus præfecturæ oppidum vocatur *S. Iago de Leon*, id est, oppidum *S. Jacobi* Legionensis, in eadem *Caracarum* provincia situm, quinque aut septem leucis ab ora maris, & septem supra septuaginta leucis à Metropoli *Coro* versus ortum: tribus autem quatuorve à *Nostra Sennora de Carvalleda*, versus meridiem, secundum *Herreram*: Præfectus universæ provincie hic interdum Domicilium sortitur. Hoc oppidum anno. c. 1510 xcv inopinato captum fuit ab Anglis, atque direptum, quum paulo antè Arcem *Caracas* interceptissent. Dux autem viæ dicuntur ab ora maris ad hoc oppidum ducere: una quidem facilis & satis expedita, sed quæ nullo negotio ab incolis obstrui & defendi potest; quia medio pene itinere ab arduis montibus & saltibus invisi, utrimque illi imminuentibus ita arctetur, ut vix viginti quinque pedes in latitudinem pateat. Altera vero perdifficilis est asperaque, per montes & præcipitia, hac tamen barbari usplurimum utuntur. Montibus enim illis superatis, descenditur in regionem campestre, in qua ipsum oppidum constructum cernitur. 30

Quartum hujus Præfecturæ oppidum vocatur *Nova Valentia*, distans quidem ab oppido *S. Jacobi* Legionensis quinque & viginti leucis, à portu autem *Burburata*, ut vocant, septem: à Metropoli denique *Coro*, secundum *Herreram* sexaginta. In quo tamen suspicor illum falli, & iterum rationem evidenter indicare, supra quadraginta & quinque leucas vix esse posse. 40

Quintum hujus Præfecturæ oppidum vocatur *Nova Xerez*; distans à *Nova Valentia* quidem quindecim leucis, pene versus Meridiem: à *Nova Segovia* vero una, & viginti leucis, à Metropoli denique *Coro* sexaginta fere versus Euxum. Nuper admodum ab Hispanis videtur conditum, neque enim valde antiqua illius est memoria apud Historicos Hispanos.

C A P. XII.

Urbs Nova Segovia, & regionum vicinarum situs & cæli solique qualitates.

ANTEQUAM ad oppidum hoc describendum accedam, operæ pretium fuerit hic commemorare, quod ante promiseram, quæ in hisce partibus à Germanis fuerunt gesta.

Ioannes de Villegas, Velferorum nomine, hujus provincie præfectus anno cIo lO lII è provincia *Tucuyo* cum exercitu movens, primum detexit certas auri venas, ad radices editissimorum montium, qui uno & pene continuo jugo hanc provinciam pervagantur, (appellant hodie montes *S. Petri*,) juxta ripas fluminis, quod à barbaris quidem vocatur *Burja*, ab Hispanis autem ad eundem modum *S. Petri*, quia festo illius primum ab ipsis fuit aditum. Et hac tam optata opportunitate illectus deduxit huc coloniam; quæ quum ob cæli inclementiam & loci insalubritatem paulo post fuisset deserta, traducti fuerunt coloni ad ripas fluminis *Bariquicemeti*, & urbs dicta fuit *Nova Segovia*. S. Pedro.

10 Fluvius porro hic nomen meruit ab aquarum suarum colore, commotæ enim lurido & cinereo colore dilabuntur.

Aëris temperies hujusce provincie pene eadem est, quæ vicinarum: ætatem quippe patitur iisdem mensibus, quibus Hispania hyemem: in planicie quidem gravis toleratur æstus; à montium vero jugis, quibus hæc regio instar vallorum utrimque concluditur, perflant subfrigidæ auræ, quæ æstum egregie temperant, & magnum mortalibus adferunt solatium.

Plures hic incolunt barbarorum nationes, linguis ut plurimum discrepantes.

Frugum atque annonæ hic summa est parcitas: Indigenæque fere à caule cujusdam plantæ, quam ipsi vocant *Cocuy*, quæque carduis Hispanienfibus admodum videtur similis, educunt quandam liquorem, Syrupum non abfimilem, quo vulgo utuntur: Mayzii enim habent perparum; sed speciem quandam cucurbitarum, quas Hispani vocant *Calebasses*. Cervorum tamen & cuniculorum Americanorum maxima hic est copia. Trans montes autem illos versus Austrum, maxima Mayzii reperitur copia, uti & Yucæ & similium radicum, quæ in hisce regionibus pro farre usurpantur, quia solum ibidem humidius est. Fluvii quoque *Hacrigua*, *Boraute* & plures amniculi atque torrentes qui passim hanc regionem secant, pluribus piscibus facti sunt, & longe optimis: quos indigenæ, radice quadam, (quam vocant *Barbasco*) prius contusa & in undas projecta ita inebriant vel potius infatuant, ut manibus se capi patiantur; astu etiam alibi barbaris familiari. Cocuy.

30 Ferarum quoque ingens hic numerus, cervorum puta, aprorum, damarum, & cuniculorum, quos æstivis potissimum mensibus, incenso gramine, quod tum in campis passim exarefcit, è latibulis suis eductos, sagittis suis conficiunt. Nec desunt hic ferocia & noxia animalia, Tigres, varii angues & imprimis majores Serpentes, quos barbari vocant *Bobas*.

Denique ad ripas fluminum, in concavitatibus arborum & juxta radices, deprehendunt multæ apes, quæ ibidem mellificant.

Porro omnes in fluvii, & plures alii, qui ex Australi horum montium latere profluunt, dicuntur per longa terrarum spatia & pene centum leucarum decursu, propere ad maximum flumen *Viapari* aut *Huriapari*, id est, *Orenoquen*, & in illius patenti-
40 tissimum alveum se condere.

Montana autem regio, quæ ab oppido *Segovia* ad sinistram jacet, & à populis incolitur, qui *Chica* appellantur, auri metallis abundare creditur, è quibus opulenta gaza educi posset si servitiis abundarent.

Hæc provincia olim frequentissima fuit, sed nunc maxima indigenarum pars morbis, aliisque incommodis, maxime autem propriis vitiiis, ut Hispani credi volunt, pene interdidit: Ingenio enim sunt bardo & admodum vili, atque pusillanimes, multis vitiiis dediti, præsertim ebrietati, & rixis atque mutuis cædibus, quum nimium potu in caluerunt; desides & sine ulla in crastinum cura, tanquam in diem vivunt, & uno interdum die helluant, quod in longum tempus poterat sufficere: quare annona
50 ipsis deficient, agrestibus radicibus & herbis misere vitam tolerant, donec Mayzium in novam messem succrescat; quod hic in quibusdam locis quadraginta diebus, in aliis tribus mensibus perfici tradunt.

Haud longe ab oppido *Segovia*, labitur torrens quidam sive amniculus, quem Hispani appellant *Rio Claro*, ab aquarum puritate, qui haud procul ab origine sua rursus à tellure absorbetur: hybernis mensibus admodum tenuis, æstivis autem quum minus consentaneum videtur exuberans, ita ut incolæ sicca illa tempestate campos suos &
R. Claro.

sata aquis illius rigent, & largam Mayzii messem hujus potissimum beneficio nanciscantur.

Armenta, pecudes, sues, nec non jumenta, hic magnum capiunt incrementum, plerique enim incolæ hic exercent pecuariam, atque ex eo potissimum faciunt quæstum; dum omnis generis animalia ad Novum Regnum Granatense venalia exportant. Barbari autem jam gossypinos pannos texere didicerunt.

Denique oppidum *Nova Segovia*, in hac, quam jam descripsimus, provincia situm, distat quidem à *Nova Xere* versus Meridiem leucis viginti; à *Tucuyo* decem: à Metropoli *Coro* versus Eurum octuaginta. Iter autem à *Tucuyo* ad hanc urbem agitur per vallem duodecim leucæ longam.

C A P. XIII

Cetera hujus Præfecturæ oppida, Tucuyo, Truxillo: Laguna, & provinciarum quæ hisce adjacent qualitates.

SEPTIMUM hujus præfecturæ oppidum, vulgo dicitur *Tucuyo*, à vallis nomine in qua conditum cernitur. Vallis autem hæc inter Austrum atque Arctum protenditur; paretque tam in longitudinem quam latitudinem circiter dimidiam leucam; undiquaque montibus conclusa: secat pene mediam amnis ejusdem nominis. Commendatur autem ab insigni cæli clementia, & aëris salubritate; nec minus ab omni generis annonæ abundantia, & variorum fructuum copia, ita ut nihil hic neque Hispanis neque barbaris desit ad necessarium victum aut voluptatem.

Oppidum autem distat ab Oceano Septentrionali leucis quinquaginta ab oppido *S. Jacobi Legionensi*, septuaginta: à *Nova Segovia* undecim: à *Portillo* ut vocat de *Carrora*, quatuordecim: è *Truxillo* viginti quinque: à Metropoli *Coro* denique quinque supra octuaginta; ut *Herrera* annotavit.

Sacchari cannæ in hoc agro felicissime succrescunt, ita ut jam aliquot machinæ iis comminendis structæ hic conspiciantur. Præterea plurimum gossypii hic colligitur, è quo indigenæ barbari jam telas texere, iisque se amicare cœperunt; instrumentum quoque aliaque fruges exoticas, plantas, olera que admodum benigne tolerat tellus, & feliciter absolvit.

In campis & sylvis vagatur immensa ferarum copia, maxime cervorum, ita ut oppidani, qui venationi gnaviter incumbunt, sæpe bimestri spacio quingentos & supra cepisse memorentur: in nonnullis autem Bezoar repertum volunt. Nec desiderantur hic noxia & infesta hominibus animalia, tigros, leones & similes fera.

Licet autem hic auri venas tellure occultari indubium putent, tamen operarum inopia hætenus eas minime scrutantur: sed oppidani armentis & pecoribus pascendis, itemque equis alendis potissimum impendunt operam.

Indigenæ hujus regionis, sunt è genere *Cuibarum*, ut vocant, qui tamen linguis haud parum inter se discrepant: bellicosa natio & pugnandi avidissima; pugnant arcubus & sagittis, clavis itidem & faxis: & maximam partem humanis carnibus vesci consuevere. Quidam illorum ab Hispanis jam domiti, mansuetius & urbanius agunt: & ipsis tributum pendunt, Mayzium (non enim alias divitiis hætenus noverrunt) ad oppidum comportantes.

Ab oppido hoc ad Novum Regnum Granatense, numerantur leucæ centum & quinquaginta; quarum quidem centenæ ducunt per planiciem amœnam & omnium fructuum perfecundam; ad hæc variis annibus & rivulis intersectam, qui & potari pulchri, & piscibus pluribus facti esse dicuntur: denique ferarum venationibus peropportunam: reliquæ autem quinquaginta leucæ paulo difficiliore itinere absolvuntur, per editos & asperos montes atque saltus valde impeditos.

Truxillo,
lo,
Cuicæ.

Octavum hujus Præfecturæ oppidum vocant *Truxillo* vel etiam *Nostram Senno-ram de la Paz*, conditum in provincia barbarorum quos dicunt *Cuicæ*; distans à Metro-

Metropoli *Coro* fere leucis octuaginta recta versus meridiem : ab oppido autem *Tucayo* viginti & quinque versus occidentem : denique à magno Lacu *Maracaybo* octodecim : ad cuius ripam affidet pagus huic oppido subiectus, ad quem oppidani merces suas, farinam, panes biscoctos, carnes suillas, aliaque solent deducere : quæ ibidepi imponuntur in naves, & opulento atque peropportuno commercio vectantur ad varias provincias hujus Continentis America Meridionalis, semel quidem mense Maio, iterum vero Novembri.

Cæterum aliud præterea municipium in hac Præfectura incolitur ab Hispanis, quod appellant *Lagunam*, quia adsidet oræ occidentali Lacus *Maracaybo*, circiter quadraginta leucis à Metropoli *Coro*, ad interiorē ejusdem Lacus sinum sive recessum, & crebris vadorum brevibus navigantibus infidiosum ; unde non nisi minoribus navigiis ad hoc aditus pateat : Ager huic municipio vicinus, licet campestris sit, tamen fere vastus & incultus jacet. Cæterum magna hic est cervorum, cuniculorum aliarumque ferarum copia ; avium quoque, maxime palumbum atque perdicum : mellis quoque summa abundantia. Verumtamen tantus est hic tigrum numerus & hominibus adeo infestatur, ut non reformident noctu municipium ingredi, & barbaros juxta atque Hispanos dilacerare.

CAP. XIV.

Magni Lacus Maracaybo descriptio, itemque Maracapanæ ad extremos hujus Præfecturæ limites versus ortum.

MAGNUS Lacus *Maracaybo*, cujus jam supra aliquoties meminimus, vocatur etiam ab Hispanis *Lago de Nuestra Señora*; perrumpit autem inde ab Oceano in Continentem quadraginta leucis, vel ut *Herrera* alibi testatur viginti quinque, variant enim auctores ; patet in latitudinem ut plurimum decem leucas ; circumgyratque circiter octuaginta ; licet quidam ambitum illius longe minorem faciunt : Æstuarium illius patet circiter dimidiam leucam : quo veluti ostio, fluctus maris admittit atque remittit, æstu ordinato rursus illius fluctus, licet plurimos amniculos & torrentes accipiat à variis plagis, subamari deprehenduntur : nihilo secius alit varios pisces & imprimis grandes *Manatós*.

In intum hujus Lacus gremium, intrat fluvius, è *Novo Regno Granatensi* descendens, cujus beneficio commercia inter hanc Præfecturam & dictum regnum percommode exercentur. Indigenarum nonnulli qui ripas illius Lacus accolunt tuguria sua hodieque struunt, in cacuminibus arborum, inter ipsas undas, aut ad ipsam ripam ; Vnde quidam præfecturam hanc nomen *Venezuelæ* accepisse opinantur, uti jam supra diximus.

In ambitu hujus lacus, aut haud longe ab illius ripis, incolunt varia nationes barbarorum : inter quos primo loco nominantur *Pocahuyes*, qui plurimum auri possidere dicuntur : deinde *Alcoholadi*, auri non minus divites : urbana & mitis natio, quæ fecundos agros possidet & abundat omnis generis annona.

Inter montanam autem regionem & hunc Lacum, jacet provincia *Xurrua* plana atque campestris : montanam vero regionem, incolunt *Coromochi* ferox natio & valde bellicosa. Ad intum Lacus recessum, quem Hispani vulgo vocant *Culatam*, alii degunt barbari, quos appellant *Bobures*, quorum provincia ob telluris uditatem & crebras uligines, insalubrior habetur, & supra modum infestatur à Mosquitis.

Denique à *Xurrua* ad Metropolin *Coro*, pene octuaginta leucarum spatio plures degunt barbari, rudi ingenio, & rerum omnium pene inopes, quos Hispani nondum debellarunt. Atque hæcenus de hoc Lacu.

Maracapanæ claudit pene limites hujus præfecturæ versus orientem : portus, qui inter optimos hujus oræ, facile primus censetur. Inter montes autem qui ab hoc portu, alibi duabus, alibi sex, nonnullibi & decem leucis divergunt, habitant barbari, quos vocant *Chinigotos*, unius quidem lingux, sed haud satis

fatis inter se concordēs, bellicosa natio, & humanis carnibus vesci ſueſa, & Hispanis neque obſequens neque propitia.

Incolæ *Cubagæ* hic olim modicum habuerunt municipium, alueruntque in eo præſidiarios quamplures, in ſpeciem quidem, ut hanc provinciam adverſus hoſtes defenderent, revera autem, ut miſeros barbaros abriperent in ſervitutem, & alio traderent: quo factum eſt, ut provinciæ hæc hodie per paucos indigenas, & raros pro amplitudine incolas numerent.

A *Maracapanæ* ad provinciam *Barigicemeti*, vaſta planicies ſternitur, venationi quidem & piſcationi admodum opportuna, pene centum leucarum longitudine, verum tota regio, qua à Hispanis, qua à Germanis, ſuperiori ſeculo ita eſt depopu- 10
lata, ut jam plures Tigres quam homines nutriet, & vix iter hæc agi poſſit.

C A P. XV.

Deſcriptio Inſularum quæ huic præſecturæ objacent, Inſulæ Blanca, Tortuga, Orchilla, Rocca, Avium.

INTER Inſulas quæ huic Continenti Americæ Meridionalis hic objacent, primo ſeſe offert quæ ab Hispanis & aliis nationibus appellatur *Iſla Blanca*: ea diſtat ab Æquatore verſus Arctum duodecim gradibus; aut ſecundum alios, undecim 20
gradibus & quadraginta octo ſcrupulis; ab Inſula Granada verſus favonium paulum declinando verſus Auſtrum, leucis circiter quadraginta: à *Margaritæ* idem verſus favonium, ſed declinando paulum verſus Arctum leucis ſedecim. Continet in ambitu circiter ſex milliaria: præcipua illius ſtatio ſita eſt ad Occidentale illius latus, in ſinu arenoſo. Pauciſſimi in hac Inſula viſuntur montes. Ad latus illius Occidentale, paucæ admodum naſcuntur arbores, præter raros lucos qui ſere conſtant ex arboribus *Gua- jacan*: verum latus Orientale univerſum ſilvoſum eſt, ſub arboribus autem viſuntur multi frutices, è ſalviæ ſylveſtris claſſe, qui fragrantem odorem de ſe fundunt. Solum omne partim eſt ſcopuloſum, partim aridum, ex ſucco, atque adeo effæctum, culturæ 30
omnis impatiens; nam nullæ hic repertiuntur ſcaturigines, aut dulces latices, præter aquas pluvias, quæ in certis ſtagnis colliguntur. In ſylvis quoque ſuccreſcunt plantæ, acutiſſimis aculeis aſperæ, qui carnem ita penetrant ut ægerime poſſint evelli: campi autem atque planicies gramine quodam veſtiuntur, quod ad genus uſque accendit. Pauciſſima repertiuntur hic animalia, præter hircos & capras, quæ maximum ceperunt incrementum, ita ut aliquot millia hic vagentur. Inculta eſt Inſula, neque ab ullis barbaris, Hispaniſve habitata: qui illam tantummodo adire ſolent, ut hircos & capræ venentur: neque à noſtris aut aliis gentibus, niſi ob eandem cauſam aditur, vel etiam interdum propter Salinas; licet illæ ſatis incommodo loco ſitæ ſint.

Tortuga. Sequitur deinceps *Tortuga* Inſula, quæ diſtat ab Æquatore verſus Arctum, undecim gradibus & duodecim ſcrupulis, ab Occidentali Angulo *Margaritæ* verſus favonium duodecim aut quatuordecim milliariis; ab Inſula *Blanca* quindecim aut ſedecim milliariis verſus Africum: Ita ut ii, qui ſub hac Inſula in anchoris conſiſtunt, non modo Inſulam *Margaritam* ſed & Continentem Americæ ſudo cælo poſſint conſpicere. Pater in longitudinem quidem inter ortum & occaſum tria quatuorve milliaria, in latitudinem autem ſeſquimilliare. Latus illius Orientale, ut & maxima pars, ſolo eſt petroſo, effæto & nudo; petræ illæ ſunt aſperæ, poroſæ atque hiantes, ita ut diſſicillime veſtigia hic ſigantur, ſecus litus nonnulli luci viſuntur; ora autem ipſa ulgiñoſa eſt & crebris ſtagnis impedita, quæ ſcærent innumeris cancriſ nullius frugis atque inutilibus. Occidentale vero latus, pene uſque ad Inſulæ umbelicum, denſo 50
nemore veſtitur, in quo excellunt arbores *Guaſacan*; ad oram vero maris frequenti fruticeto pene eſt inivum. Hæc Inſula niſi memorabile ſortita eſt, præter modicam ſalinam, quæ jacet pone cornu illius, quod Enrum adſpicit; in qua menſibus Septembris, Octobris & Novembris tantum ſalis reperitur, quantum tribus quatuorve navibus onerandis ſufficit: verum ſtatio haud admodum navibus eſt opportuna. Aliæ quoque hæc Inſula plurimas capras præfertim ad plagam Occidentalem; quæ tamen 60
difficil.

difficillimè capiuntur: & infinitas *Tegnanas*, ad Orientale latus, quæ ob telluris sterilitatem valde sunt rancidæ: præter illas quæ in sylvis deprehenduntur, quæ sunt obefiores: univertum autem latus illius Australe ita vadis & rupibus est contaminatum, ut sub illo naves sine discrimine anchoras figere non possint. Unicam habet stationem satis opportunam pone Aquilonare cornu, quod angusto tramite veluti collo in altum prominet: ubi & naves, quum opus est, subduci & purgari possunt.

Tortugam excipit *Orchilla*, ut vocant Hispani, distans ab illa versus *Corum* circiter quindecim milliariibus: ab Insula autem *Blanca* pene novemdecim; aut paulo paucioribus, ut aliis placuisse video. In latitudine hujus tradenda variantur inter se *Naucleri*: alii enim testantur illam distare ab *Æquatore* versus *Arctum* undecim gradibus & quindecim scrupulis; alii triginta scrupulis; nonnulli & quinquaginta: sed triginta magis ad veram altitudinem puto accedere. Constat hæc insula pluribus partibus; una quidem majore, pene semihunari forma, & aliquot minoribus quæ tantum vadoso freto à majori dirimuntur. Major maximam partem humili est solo; ad Orientalem & Occidentalem tantummodo Angulum visuntur rari montes, in quibus capræ potissimum vagantur. Latus ejus Meridionale & quod Africum prospectat, alto mari alluitur, & oræ illius sunt præruptæ, ita ut quam proxime etiam majoribus navibus liceat accedere: qua Africum aspicit raræ visuntur arbores, & paucæ herbæ præter petroselinon marinum: verum ad Orientale & Septentrionale latus frequentiores nascuntur arbores: ceterum universa tellus falsa est & plantis nutriendis inidonea: nulli in universa insula reperiuntur fontes, aut latices potabiles; ipsæque arbores quæ hic nascuntur sunt aridæ & informes: quare & raræ hic reperiuntur volucres: & ex animalium classe tantum laceratorum quædam species. Ad *Arctum* habet minores illas insulas, & terras æquorizæuales, & non raro dilutas.

Succedit deinceps *Rocca*, distans ab *Orchilla* circiter sex milliariibus, versus Occidentem paulum declinando versus Africum; ab *Æquatore* versus *Arctum* duodecim gradibus & quatuor scrupulis, uti à nostratibus fuit observatum. Non tam insula, quam plures scopuli & minores insulæ longa serie projectæ, multis arboribus passim vestitæ: patent in longitudinem quidem inter ortum & occasum quinque milliariibus, in latitudinem vero pene tribus: Continens Americæ Meridionalis facillime ab hisce insulis videri potest. Ad *Arctum* jacet exigua insula, in qua altus mons sese attollit, qui ob candorem procul ex alto videri potest. Meridionale latus præruptum est, & mare ita altum, ut fundum illius bolide frustra tentent navigantes: Occidentale vero vadosiori mari alluitur, hic æstivis mensibus nonnihil salis reperitur. Nulla alit animantia; atque adeo rarissimas volucres; præter quam unarum speciem, quas alibi ab Hispanis diximus appellari *Flamencos*, longis tibiis instar cicconiarum, plumis rubicundis & elegantibus, longo & recurvo rostro. Solum universum petrosolum est, & æquori pene æquale.

Insula *Avium*, ut vocant, itidem è pluribus minutis insulis composita est; quarum Orientalior maxima est, forma triquetra, æquori pene æqualis, & multis arboribus vestita, licet tellus sit petrosa, distat ab Insula *Rocca* versus favonium paulum declinando versus *Arctum* circiter decem milliariibus: ab *Æquatore* versus *Arctum* duodecim gradibus, uti à nonnullis inveniri observatum. Huic adjacent octo aut novem insulæ minores, spacio unius milliariis, vadoso æquore interluente, quæ nihil habent memorabile, utinec major.

C A P. XVI.

50 *Descriptio Insularum Bonaire, Curacao, atque Arubæ.*

Bonaire insula distat ab Insula *Avium* versus *Corum* sex aut octo mill. ab *Æquatore* versus *Arctum* duodecim grad. atque aliquot scrupulis; satis ampla est & creditur circiter sedecim aut septendecim mill. in ambitu capere: oræ illius, ut plurimum præruptæ sunt, licet solum modice sit editum secus litus, ita ut ad latus quod *Corum* adspicit, ubi opportunissima statio haberetur, naves funibus ad arbores alligare,

alligare, aut anchoras in littore figere necesse sit: objacet ab hac parte minor insula: plurima hic reperiuntur armenta, etiam pecudes atque caprae; nec non lues & equi quae universa hic ab Hispanis fuerunt collocata, & in immensum aucta. Incolae maximam partem sunt barbari, ex Insula Hispaniola ab Hispanis huc traducti, & à multis annis Christianis Sactis initiati; pauci admodum Hispani cum suo praefecto; qui in valle quadam inter montana hujus insulae incolunt: Ceterum hujus insulae solum haud admodum fertile est frugum; sed nutrit innumeras arbores, quarum materies rubra est, & pro tinctura usurpatur; quae trunco sunt scabro & contorto, pene admodum vitium, sed admodum solidae & gravis materiae, cortice cinereo, qui ad nihil utile censetur: Nostrates à forma vocant *Stock-vish-hout*: maxima copia jam ab aliquot annis Europae exepit inferri à variis nationibus, praesertim nostratibus, ita ut prae nimia copia jam viscerere coepit, & hic non tanta copia reperiatur, aut tam facile deuchi possit.

Minor insula distat à priori exiguo admodum intervallo, & ipsa ripis valde praeruptis, & aequore in ambitu valde alto, ita ut sub ipsa insula, ad sexaginta orgyas altum deprehendatur, ambit circiter tria milliaria, patens in longitudinem pene duo. Solum parte sui maxima petrosus est, cetera nitrosum vel salsum, unde difficillime admodum potabiles aquae in ea reperiuntur. Nihil memorabile sortita est nisi similes arbores; & Guayacan & paucas arbusculas quae gossypium ferunt.

Curacao. *Curacao* insula distat à *Bonaire* versus Favonium paulum declinando versus Corum circiter novem milliatis, ita ut sudo coelo à *Bonaire* eminus conspici interdum possit; ab *Aequatore* versus *Arctum* duodecim gradibus & quadraginta scrupulis, uti à nonnullis invenio observatum. Ambit novem aut decem milliaria, inter Corum atque Eurum in longitudinem projecta. Solum illius multo fecundius dicitur quam *Bonaire*, unde plures incolas habet, qui pecuariam exercent, & quotannis multos caecos premunt, quos ad Continentem venum traducunt. Nascuntur hic quoque arbores illae, quas in *Bonaire* notavimus, verum non tanta copia. Sinum habet patentem ad latus quod Aquilonem despicit, sed statio majoribus navibus valde importuna est ob praeruptas insulae ripas. Nondum inveni à nostratibus fuisse adiutam, aut ab aliis nationibus praeter Hispanos.

Aruba. *Aruba* insula distat ab insula *Curacao* versus Corum pene, circiter novem milliatis, ut à nostratibus inveni accurate satis observatum: expansa est inter Corum atque Eurum tria milliaria: stationem habet ad latus quod Corum adspicit, pone insulae Angulum; juxta minorem insulam quae hic illi objacet, in fundo arenoso quinque orgyas alto & anchoris figendis peridoneo: reliqua insulae latera praeruptas habent ripas & aequore admodum alto alluuntur. Ipsa insula humili magnam partem est solo, quod alicubi in montes erigitur; quorum unus sacchari conum aemulatur: ambitus est circiter quinque milliarium; Incolitur à paucis Americanis & paucissimis Hispanis: abest denique à Promontorio *Sancti Romani* circiter octo milliariis versus boream.

C A P. XVI.

Orae universae descriptio utriusque praefecturae Cumanae
atque Venezuelae.

Cumana sive *Comena* distat à Promontorio *Araya* sive famosis illis Salinis versus Austrum quatuor milliariis; cetera superius explicavimus.

A *Cumana* tendit ora primo versus boream; atque hic primum egrediuntur in Oceanum fluvius quem Hispani appellant *Rio de Canoas*, & mox fluvius de *Bordones*; & deinceps portus securissimus & undique adversus tempestates ventorum munitus, qui vulgo dicitur *Moxima*; & ulterius sinus ille quem supra diximus *S. Fidei* nomen fervare: Hinc occurrit navigantibus scopulus quidem angusto, sed tamen alto & navigabili freto à Continente divisus, qui nostratibus dicitur *Borats*, quo superato aditus patet ad alterum sinum, qui vulgo appellatur *Commenga-*

cap. v.
Moxima.
Commenga-

got;

got: pulcherrimus hic est sinus, & navigantibus peropportunos, à *Maracapan* versus Occidentem, arenoso littore & fundo anchoris tenendis peridoneo; in Occidentalem sinus partem egreditur amniculus, è quo aqua commodissime peti potest: in ambitu hujus sinus & intra Continentem nascuntur plurimæ arbores, quarum materies tincturæ rubri & crocei coloris utilissima censetur.

A Statione *Commenagot* ad exiguas insulas quas vulgo vocant *Pirito* numerant quatuor milliaria, ita ut Occidentalis sinus illius Angulus, respondeat Orientali cornui harum Insularum.

Insulæ *Pirito* duæ sunt, circiter milliariis unius intervallo discretæ. distantes à Continente unum milliare; humiles solo & æquorî pene æquales, nullisque mortalibus habitatæ: è regione harum egreditur è Continenti amniculus cujus tamen aquæ falsæ deprehenduntur etiam tribus milliariis intra ostium: vocant *Rio de Ermacito*; accollitur à natione *Caribum*.

Porro è regione Anguli Occidentalis Insulæ *Pirito*, jacet ad Continentem sinus quem vocant *Oychier*, fundo anchoris figendis inidoneo.

Sequitur deinceps ad Continentem notabilis mons, quem Hispani appellant *El Morro de Correbecho*, è regione insulæ *Tortuga*, quam supra descripsi.

Et mox Promontorium de la *Cordeleira* vel *Caldera*, distans ab eadem *Tortuga* versus Africum circiter quindecim milliariis: id Promontorium solo est humili, ab eo tamen incipit sese ora sensim attollere, nam simul hanc superaveris versus occasum, prospicis eminus editissima illa montium juga, quæ vocantur vulgo *Carakas*: Continens hic alit plures arbores *Guajacat*. Distat autem Promontorium hoc, secundum *Figueredum*, ab Æquatore versus Arctum, decem gradibus, quibus alii adjiciunt aliquot scrupula.

Circiter quindecim milliariis ab hoc Promontorio versus Occidentem, jacet *Arx Carakas*, cujus supra meminimus; & circiter duobus milliariis ulterius Promontorium quod Hispani dicitur *Blanco*, pone quod statio navibus haud incommoda est, & anchoræ tuto figi possunt in mari novemdecim orgyis alto.

Tredecim milliariis ab hoc Promontorio, occurrit *Turiam*, ubi amniculus 30 potari pulcherrimus è Continenti egreditur, & ora omnis arboribus vernat.

Duobus à *Turiam* milliariis, jacent insulæ *Burburata*: hic portus admodum 40 securus est, & Salinæ è quibus salem Continentis incolæ solent petere. Burburata.

Sequitur deinceps sinus quem Hispani, nescio ob quam causam, vocant *Golfo Triste*; è regione habens Insulam *Bonayren*, de qua jam diximus: & mox Angulus terræ qui dicitur *Punta Seca*, aliaque ignobiliora loca, neque dum satis in itinerariis explicata, usque ad Promontorium *S. Romani*; distans secundum nostrorum observationes ab Æquatore versus Arctum gradibus duodecim & sex scrupulis; extremum est cornu peninsulæ illius quam supra diximus à barbaris appellari *Paragoanam*, quæ tota humilis est, & unicum tantum montem eminus ostentat, quem 40 vocant *S. Anna*. S. Romani.

Ab hoc Promontorio flectit sese ora versus Africum circiter septem aut octo milliariis, deinde subducit se recta versus Austrum, promovens se versus Corum, oppidum *Venezuela* primacium; ubi in intimo sinu undas suas eructat Lacus *Maracaibo*: A cujus ostio ora revertitur versus Arctum.

Commodissimum tempus hic navigandi est à mense Maio ad Octobrem: nam à Novembri ad Aprilem valide perstant hic venti Aquilonares, & cient infestas navigantibus tempestates.

Claudit hoc frerum ad Occidentem Promontorium *Coquibocoa*, distans ab Æquatore versus Arctum secundum observationes Hispanorum gradibus duodecim; quod humile est & vado proreptans in altum; intra Continentem visuntur editi & fragrosi montes, quos Hispani vocant *Sieras de Aicyte*. Coquibocoa.

Huic Promontorio versus Orientem objacent Insulæ *Monges*, ad quas ii qui *Cartaginem* ad Continentem Americæ Meridionalis perunt, cursus suos solent dirigere: sunt autem tres quatuorve insulæ parvæ, quarum Australior edita est & multo volucrum simo candicat; à qua versus boream altera jacet, edito monte & divaricato vertice instar sellæ equestris, conspicua; reliquæ potius petræ sunt quam insulæ. Monges.

Porro à *Cognibocœ* ad nobilissimum Promontorium *de la Vela*, numerat *Figue-reda* leucas viginti & quinque; quo intervallo Continens admittit sinus aliquot alijus nominis; & quidem primo illum quem vulgo vocant *Bahiam Hondam* qui patentissimus quidem est sed vadusior, quemadmodum & tellus quæ ambit pluribus recessibus divisa cernitur: accolitur à barbaris insignimacie & squalore, qui prorsus nudi incedunt, pudenda tamen sua cucurbitulis quibusdam tegunt, cæterum non multum differunt à belluis: deinde recipit Continens alterum sinum, quem vocant *El Portete*, quatuor leucis à dicto Promontorio *de la Vela* versus ortum; hic quoque vadusior censetur, licet quidam arbitrentur interius altiore esse, & ostium illius tantum angustius esse.

Promontorium denique *de la Vela*, valde editum est ad mare, subsidetque sensim versus Continentem, ita ut ex alto allabentibus insula esse videatur: solum quod illi adjacet infœcundum est, & vix quicquam herbidi sortitur.

Atque ita cum bono Deo jam ambitum Americæ hujus Meridionalis absolvimus & redjimus ad Præfecturam *Rio de la Hacha*, à qua superioribus libris digressi sumus intra Continentem & ad Provincias quæ Mari Australi adjacent; itaque finem imponemus huic descriptioni, donec plura & certiora è nostrorum aut aliorum observationibus nacti fuerimus.

INDEX



I N D E X

RERVM MAXIME MEMORABILIVM

quæ hisce Libris continentur.

Benevole & Humanissime Lector, copiosissimum Indicem in tuum usum adornavimus, de quo hoc tantum monendus es, nomina quæ Sancti aut Sanctæ aut Noxæ prænomen adjunctum habent, tibi in Littera ipsius nominis esse querenda; & Operarum oscitantia post paginam centesimam statim numeros paginarum integro centenario auctiores factos; nosque eos in hoc Indice sequutos esse nequicquam in querendo hesitates.

A.			
A Bacoa insula Lucaya.	21	Aguales populi.	392
S. Abad portus Californiæ.	296	Aguapa arbor Venenosa.	382
Abancay fluvius Peruviz.	446	Ahacun oppidum.	298
Abaque Insula.	12	Ahuquahuid arbor.	226
Abibe montes.	363	Ajabutipita arbor.	561
Abipi mons Smaragdorum.	383	Aiuratribira arbutum.	561
Abisca provincia Peruv.	451	Alacranes insule.	257
Abreojo Jamaicæ.	21	Albion nova.	307
Abrolhos vada Brasiliæ.	585	Alchichucan lacus.	256
Aburena regio.	345	Alcoholadi barbari.	679.685
Aburra vallis Popajan.	388	S. Alexii insula.	598
Acaja arbor Brasil.	613	Alfarfates Peruviz.	430
Acacios fructus.	558.611	Algoumequini populi.	45
Acala provincia.	318.327	Alkermes acini.	65
Acales cymbæ Mexicanor.	235	Almouchiquosy populi.	56
Acapadi arbor.	231	Almaguer urbs Popajam.	395
Acapistla Nov. Hisp.	233	Alrovelo insula.	12
Acapulco portus & oppid.	238	Alvaradi fluvius.	616
Acara piscis.	616	Ama-curub piscis.	672
Acarabouten piscis.	573	Amaguaya insul. Lucaya.	21
Acatarep piscis.	573	Amana insula Lucaya.	21
Acatlan provincia.	270	fluvius Guaianæ.	646.648
Acaxutla portus.	336	Amanocupana vallis.	656
Accadia provinc. N. Franc.	50	Amapaja provinc.	652.656
Accate piscis.	644	S. Amari oppidum Brasil.	586
Achalaqui provinc. Florid.	101	Amariocapana provincia.	655
Achecambey insula Lucaya.	21	Amatigue Hondur.	339
Achiotl arbor N. Hispan.	224	Ama-uve arbor.	612
Achusi portus Floridæ.	101.103	Amautæ Peruviz.	399
Acla portus.	348.351.358	Amayacu piscis.	572
Acoma.	312.314.316.	Amazcotic arbor.	225
Acos in Peruvia.	444	Amazonum flumen.	630
Acoste provinc. Floridæ.	103	Ambainginga arbor Brasil.	560
Acuera prov. Floridæ.	100	Ambaiyba arbor.	560
Acuitzhuarica.	265	Amegnaes populi la Plata.	526
Acuri animal.	551	Ameyes populi.	312
Adholthues pisces.	42	Aminoia provinc.	206
Adives canes feri.	267	Amiela fluvius.	327
Africanus flos.	230	Amiritan lacus.	331
Agama cornu Peruviz.	466	Ammeçore fluv. Guaian.	649.660
Agazes populi.	527	Amnisci populi N. Hispan.	235
Agoutitrea arbor.	611	Amoreati piscis.	572
Agoury animal vide Acuti.	618	Amygdala Chachapoyas.	441
Agreda oppidum Popajan.	395	Anapuja provincia.	677
Aguacates fructus.	226.384	Anapura avis.	556
Aguacolla herba.	418	Anida arbor.	560
		Andabayla provinc. Peru.	446
		Ddd 2	Anda

Ddd 2

Anda-



I N D E X

Andalien vallis Chile.	487	Arnedo municip. Peru.	428
Andaluzia nova.	667.652.615	Aroi fluv. Guajanx.	655
Andes montes Peru.	398	Aromaja fluv. Guajanx.	655
Andheura vespertilio.	615	Atoræ populi Guianæ.	655
S. Andree insula.	390	Arougitan animal Virgin.	81
portus Californiæ.	295	Arracoæ amais.	636
Anebas populi Guaianæ.	652	Atrepoco Amazon.	631
Anegada Insula.	23	Arrowari fluv.	631
Aneti inan N. Hispan.	214	Arrowen insula.	631
Angas majo fluv. Peru.	339	Aruba insula.	688
Anglia: Novæ limites.	65	Arwy fluvius.	636.677
cæli folique qualitates.	68	Arwaccæ populi.	641.647.648
Angojaco Peru.	444	Ashagux populi.	656
Angoango Peru.	460	Aslapana insula.	648
Angra dos Reyes Brasil.	583	Aslapanic animal.	81
Anguilla insula.	23	Astuncon urbs la Plata.	529
Anil planta & tinctura.	339.331	insula N. Franc.	49
Anilco provinc. Florid.	205.207	Atacama desertum.	483
Anna animal.	497	Atacape amphib. animal.	576
S. Anne oppidum.	530	Ataco in Yzalcos.	331
insula.	613	Aralpaha prov. Florid.	101
Annedda arbor.	57	Atextli potus.	320
Annona fructus.	216	Athule insula.	656
Annoto tinctura.	641.645	A titlan lacus.	335
Annus fructus.	400	Atlacubaya N. Hisp.	234
Anrequera urbs Guaxacæ.	261	Atisca vallis N. Hisp.	254
Antigua Insula.	23	Atole quid sir.	321
Antiochia urbs Popajan.	386	Attivogautani populi N. Franc.	49
Antonii de Espejo expeditio.	309	Auche provincia.	106
Anzerma urbs Popajan.	388	S. Augutini oppidum.	219.220
Aovay arbor & fructus.	562	promontor. Brasil.	598
Apaches populi N. Mexico.	315.316	Insula.	369
Apalache provinc. Floridæ.	97.98.101	Avila oppid. Quixos.	422
Apalaçti montes.	211.212.215	Avinno fodinz.	288
Apoyomatli herba.	217	Avium insula.	24.687
Apula piscis.	574	Aulagæ Lacus Pariz.	459.465
Apurima fluv. Peruv.	446	Auræ aves.	232.267
Apurwaca fluvius.	618	Aure in Florida.	98.101
Aquiqui simii Brasil.	553	Autepeque N. Hispan.	233
Araca arbor Brasil.	559	Autmoins divinatores.	53
Aramassa piscis.	616	Auzuba arbor.	6
Aranata animal.	673	Awah-Kattoe piscis.	574
Araneus martinus.	56	Aw'arawaqueri populi.	655
Aranivez urbs.	344	Axagux populi.	682
Aræova piscis.	617	Axi piperis species.	7
Aræzæ aves Brasil.	556	Axin pinguedo.	223.232
Ararapira fluvius.	540	Axolotl piscis.	235
Araruna avis.	556	Ayamare piscis.	644
Araticu arbor Brasil.	559.612	Ayavire Peruv.	416
Aratu cancer. spec.	574	Ayax lignum.	637
Aravers papiliones.	555	Aymaraes populi Peruv.	438.450
Arauco provincia Chil.	488	Aymures populi Brasil.	586
Arawa Wapebbe piscis.	572	Ayotuxtlan provinc. N. Hisp.	249
Araya provincia.	664.670	Ayri radix Brasil.	564
Arbi provincia.	389	Ayri arbor Brasil.	561
Arbol de las Soldaduras.	342	Azva oppid. Hispaniolæ.	10
Archidona urbs Peruv.	422	Azumbre mensura Hispan.	281
Arequipa oppid. Peru.	439		
Arezibo oppidum.	4		
Arica portus Peruv.	466		
Atikary fluvius.	635		
Arimto fluv. Gubæ.	15		
Arma provinc. & urbs Popajan.	389		
Armadillo animal. icon.	552		

B.

Bacalao insula.
 Bachoves fructus Brasil. icon.
 Bæza oppid. Quixos.
 Bahama insula Lucaya.
 Bahia de todos los Santos.

Baja-

Bajamon fluv. Porto Rico.	2	Brasilie generalis descriptio 541. divisio 578. in-	
Baixos S. Rochi.	603	digenz populi 555. religio & mores 543. lingua	
S. Antonii.	597	communis.	599
Balsamum N. Hispan.	224	Brion insula N. Franc.	39
de Tolu.	364	Brudioga insula Brasil.	579
Bamba provinc. Popajan.	385	Britonum insula N. Franc.	37
oppidum Peruv.	418	Buenos Ayres oppidum.	527.535
Bambayæ aves.	13	Buhia fluvius.	374
Bancus magnus Terræ Novæ,	36	Burburata portus.	681.683
Bannana arbor.	631	Buritaca provincia.	371
Baoruco provinc. Hispaniolæ.	8	Buritica provincia.	387
Baracoa oppidum Cubæ.	16	Buyobuyo piper.	331
Baranca in Peruvia.	423.433		
fluv. N. Galæciæ.	180		
Baratta refina Guaianæ.	645	C	
Barbada insula Caribum.	24	Aaroba arbor.	566
S. Barbatæ fodinæ.	289.290.309	Caaobetinga herba.	567
Barbasco radix.	681	Caburuto provincia.	651
Barbudos insula.	24	Cabucriba arbor Brasil.	559
Bariquicemeto fluv. & provinc.	685	Cabuja herba.	348
S. Bartholomæi insula.	24	Cacao fructus & arbor.	318
vallis Zacatec.	314	Cachoz fructus Peruv.	403
Barraquan fluv. Orenoq.	652.656	Cacoves populi.	527
Baru insulæ.	369	Cadiæ prov. limites.	50
Bayamon fluvius Porto Rico.	2	Cahaya prov. Hispaniolæ.	8
Bayamo provinc. Cubæ.	15	Cajama insula.	655
Bayla provincia.	284	Cajane fluvius.	640
Beata insula.	72	Caimanes insulæ.	19
Behiques sacerdotes.	15	Caiouz fructus icon.	358
Bekia insula.	24	Cairabon fluvius.	2
Belen fluv. Veraguæ.	343	Cajri populi Trinidad.	663
Belez oppidum N. Regni.	383	Calcamar avis.	575
Belgium novum.	70.71	Cali oppid. Popajan.	390
Beori animal.	328	California provincia.	291
Berbice fluvius.	648	Callao portus Limæ.	435
Bermudes insulæ.	27.609	Calos provinc. Florid.	211.220
S. Bernardi oppidum.	534	Caltere lacertus.	231
insulæ.	369	Camaguey prov. Cubæ.	75
Beta fluvius.	656	Camamu montes Brasil.	605
Beyupira piscis Brasil.	570	Camana vallis Peru.	439
Biarataca animal Brasil.	553	Camaracatimba herba.	567
Bilcabamba vide Vilcabamba.		Camaron promontorium.	540
Bilcas fluv. & Palarium Peru.	446	Camata provincia Peru.	452
Bilcacongæ montes Peru.	447	Camboury Ovassou piscis.	616
Bimini insul. Lucaya.	21.96	Camocipe fluvius.	607
Biobio fluv. Chiles.	487	Camouli fluvius.	607
Blanca Insula.	686	Campeche in Yucatan.	274
Bobures barbari.	685	Campseu portus N. Franciæ.	37.50
Boca del Drago.	661	Camurupi pisces.	571
Bogota provincia.	377	Canada fluv. N. Franc.	42
Boin anguis Brasil.	554	accolarum mores.	46
Bombon provinc. Peru.	443	eorum lingua.	48
Bonaventura portus.	391	Cananea provinc. & oppid.	579
Bonaire insula.	687	Canæ populi Peruv.	456
Bonda provincia.	371.374	Canches populi Peru.	456
Boopes pisces.	570	Cannares populi Peruv.	414
Bordones fluv. Cumanæ.	665	Cannaribamba.	413
Borriquen insula.	1	Canela provincia & arbor.	422
Boyccininga anguis Brasil.	555	Cannaveral promont. Florid.	211
Boyucpecanga anguis Brasil.	554	Cannete oppidum Peruv.	435
Boyete anguis Brasil.	619	Caninga arbor.	13
Boytiapua anguis Brasil.	554	Caninana anguis Brasil.	554
Boyuna anguis Brasil.	554	Cano insula.	344
Bracomotos provinc. Peru.	422	Canigua vide Carigue.	
		Canuria provincia.	655

Caoup arbor Brasil.	672	Cavino piscis.	643
Capa animal.	673	Cavinæ populi Peru.	456
Capaha provincia Florid.	104	Cautimata piscis.	617
Caparra municipium.	3	Cauten fluv. Chiles.	492
Capolin arbor N. Hispan.	256	Cauto fluvius Cubæ.	15
Capuri fluv. Guajanæ.	643	Cawo fluvius Guajanæ.	639
Capygoara piscis Brasil.	577	Cawrota fluvius Guajanæ.	646
Caracas arx.	683	Caxamalea vallis Peru.	440
Caracua avis Brasil.	575	Cayapia herba.	567
Caracol fluvius.	352	Caycos insula.	21
Caraguata carduor. species.	567	Cayete provincia.	619.621
Caratiba præstigiatores Brasil.	543	Caymito insula.	11
Caravanta oppid. Popajan.	387	fructus Popajan.	390
Caramaru piscis Brasil.	572	Cazcanes populi.	281
Caranna resina.	214	Cazma portus Peru.	455
Carana-uve arbor.	612	Cedrorum insula.	296.309
Carangue in Peruvia.	410	Cempoalxochitl N. Hispan.	230
Caravaya vallis.	451	Cesar fluvius.	374
Caravaro in Veragua.	345	Cevadilla Nov. Hispan.	230
Cargaranna fluvius.	523	Chabin fluv. Chiles.	498
Careta provincia.	343	Chacalla portus.	290
Carex insula.	364.366	Chacama vallis Peru.	427
Cariari in Veragua.	345	Chachapoyarum provincia.	441
Cari fluv. Guajanæ.	655	Chagre fluvius.	355
Caribes populi.	647.649	Chalaque provinc. Florid.	102
Cargue animal leg. Canigua.	551	Chalchaqui vallis.	532
Caripira avis Brasil.	575	Chalco provinc. N. Hispan.	235
Carioes populi.	526	Chamalucon fluvius.	317
Cariuri arbores.	381	Chame provincia.	349
Carosurbs Veraguæ.	346	Chamico fructus.	400
Caroli fluv. Guajanæ.	652.655	Campoton Yucatan.	274
Carolina arx Florid.	213	Chanci populi.	391
Caroræ planicies.	680	Chançay vallis.	429
Cartapa arbor.	374	Changuarica.	224
provincia Popajan.	389	Chaoufarou piscis.	45
Cartipapoori insule.	635	Chappacor radix.	92
Cartageua provincia.	362	Chaquana provincia.	484
metropolis.	364.365	Chaqui oppidum.	462
Cartago urbs Popayan.	390	Chaquira quid sit.	415
urbs Costæ Ricæ.	344	Charapeti frutex.	264
Cartama provinc. Peru.	387.423	Charcharum provincia.	455
Carvaleda oppidum.	681	Chayanta provincia.	462
Caruma provincia.	418	Chechineamins fructus.	81
Casnero fluv. Guajanæ.	655	Chemi animal.	5
Casquin provinc. Florid.	104	Chepo fluvius.	356.360
Caslanar fluv. Guajanæ.	652	Cherandes populi.	524
Casswine fluvius.	656	Cheriguanes populi.	467
Cassine potus Floridæ.	217	Cherinos provinc. Peru.	419
Cassipagotes populi.	655	Chefepeac sinus Virginie.	78.86
Cassipa Lacus.	655	Chefedeck fluv. N. Franc.	40
Cassipurough fluvius.	635.636	Cheternal provinc.	274
Cassoorwa piscis.	643	Chian semen.	322
Castanvela ruber.	280	Chiametla provincia.	285
Castro oppidum Peruv.	417	Chiapa provincia.	323
Virreyna oppid. Peruv.	443	incolæ barbari.	325
oppidum Chiles.	424	Chiauda provincia.	233
d Austria Costæ Ricæ.	344	Chica potus Peruviz.	400
Castilla del Oro provinc.	347	Chicacolla Floridæ.	104
Catapararo provincia.	677	Chicæ populi Peruv. 462. 531. 537. Venezuela	243.269.282
Catetij populi.	656		Chico-
Cativa Insula.	360		
Cavannas portus Cubæ.	18		
Cauca fluvius.	369.385		
Cavi cibus.	409		

R E R V M.

Chicora provinc. Floridæ.	96	Cod promontorium.	67
Chila provincia.	249	Codega insula.	364
Chilamcambel vates Yucatan.	273	Cofachi provincia Florid.	101
Chilca vallis Peru.	434	Cofachiqui provinc. Florid.	101, 102
Chiles descriptio generalis. vallis.	481 485	Colima provinc. & urbs. provinc. Floridæ.	270 205
Chimila provincia.	371	Collao provinc. Peru.	437
Chimo vallis Peruv.	472	Collæ populi.	456
Chinæ radicum species.	270	Coliman resina.	643
Chinca vallis Peru.	436	Collique vallis Peru.	427
Chincilla animalculum.	482	Colymæ populi N. Regni.	381
Chioza provincia Florid.	104	Comayagua Hondur.	337
Chiquiti populi.	467	Comagre insulæ.	360
Chiquito provinc. Peru.	452	provincia.	348
Chira insula.	344	Comma provincia.	611
Chiritibichi provincia.	674	Commenagott.	688
Chiru provincia.	349	Compostella urbs Xalisco.	283
Chisca provinc. Floridæ.	104	Conchi populi.	310
Chocolate species.	318, 320	Conchuci populi Peru.	442
Chocolocqcha urbs Peru.	437	Confines oppidum Chil.	492
Chomes barbari.	344	Concepcion de la Vega Hispaniolæ.	10
Chontales populi.	277, 334, 337, 342	de Salaya Mechuanan.	269
Choques barbari Venezuelæ.	680	de Veragua.	346
Chovacoët fluv. N. Franc.	56	urbs Chilensis.	486
Choyne arbor Brasil.	563	Conciva insula Lucaja.	22
S. Christophori insula.	24	Conconuci populi.	393
municipium N. Regni.	383	Conibas Lacus.	314
Chucuito provincia.	495	Cooshebery fluvius & provinc.	636
Chugotri barbari Venezuelæ.	685	Copal resinæ variz species.	222, 223
Chuli vallis Peruviz.	432	Xocotl arbor.	225, 264
Chulula N. Hispaniæ.	233, 237	Copanavastla N. Hisp.	325
Chuluteca provincia.	334	Copau arbor Brasil.	562
oppidum.	336	Copey Peruviz.	424
Chumbo provincia Peru.	415	Copia provincia.	388
Chunno quid sit.	400	Copiao vallis Chilensis.	484
Chupa planities Peru.	445	Coporich arbor.	612
Chupiri arbor.	264	Coquibocoa promontorium.	689
Chuquiabo provincia.	460	Coquimbo vallis Chiles.	485, 496
Chuquimajo fluv. & provinc.	419	Corduba urbs Tucuman.	533, 535
Chauisaca oppidum.	461	Cori animal Hispaniolæ.	5
Chuinga Peruv.	457	Coritine fluvius.	648
Chute balsamum.	224	Coro oppidum Venezuelæ.	68r
Ciboa provincia Hispaniolæ.	8	Coromochi barbari.	685
Cibola provincia.	298, 301, 303, 312, 313	Coropuna Peruviz.	457
Cicuic municipium.	304	Coscusha radix.	90
Cicuique fluvius.	301	Costa Rica provincia.	344
Cigateo insula.	22	Cotabamba Peruv.	446
Ciguatlan fluv. N. Galactiæ.	392	Cotoche promontorium.	273
Cinaloa provincia.	285	Cotuy urbs Hispaniolæ.	10
Cinto vallis Peru.	426	Covaka avis.	644
Cipo amnis.	93	Coyminne Amazon.	631, 634
Citula fluvius.	238	Coza provinc. Floridæ.	103
Cuidad Real Chiapæ.	325	Cozcaquautliavis N. Hispan.	232
de los Reyes S. Marthæ.	373	Cozumel insula.	276
Clanchinoltepec oppidum.	250	Crabbeboore.	635
Coatl arbor.	227	Crocodili.	231
Cobaura herba.	567	S. Crux insula.	26
Coca herba Peru.	400	de la Sierra provincia.	467
Coccinilla tinctura.	229	de mopox oppidum.	388
Coche insula.	664, 670	Sinus Floridæ.	98
Cochabamba Peruviz.	451, 462.	portus Californ.	292, 295, 306
Cochizzapost arbor N. Hisp.	277	Cuatl animal Brasil.	533, 618
Coconuci populi.	385	Cuba insula.	13
Cocuy in Venezuela herba.	683	Cubagua insula.	663, 669

I N D E X

Cubiæ radices.	379	Esquitlan fluvius.	390
Cucuo scarabei species.	5	Essequebe fluvius.	626
Cudruagni numen Canadens.	47	Esteca urbs Tucuman.	533
Cuenca urbs Peru.	418	Estero urbs Tucuman.	532
Cuernavaca N. Hisp.	238	fluvius Tucuman.	ibid.
Cuertlavaca N. Hisp.	261	Esurgny N. Franciæ.	44
Cuexco provincia.	234	Erechemins populi N. Franc.	54
Cuhuraqua herba.	265	Eupari vallis.	473
Cuibæ populi Venez.	680.684	Europa fluvius.	655
Culvacan provincia.	284	S. Eustasii insula.	25
Cumana provincia.	671. municipium 775	Euvanirap arbor Brasil.	612
Cumbi Peruvianorum.	405	Ewaipānomæ populi.	655
Cumbibilæ populi Peruv.	450	Ezquahuitl arbor.	224
Cunames populi.	312	Eztetl gemma N. Hispan.	232
Cuntur avis.	407		
Cupaiba arbor Brasil.	559		F.
Curacao insula.	688	FAbæ purgatrices.	215
Curamatou fluvius.	603	Falonia auri species.	178
Curateo insula.	21	S. Fe de Bogota oppid.	379
Curiaçan promontorium.	661	de Antiochia oppid.	386
Curucaca anguis Brasil.	555	oppidum de la Plata.	530
Curupicaiba arbor.	560	oppidum Veraguæ.	546
Cururiyuba anguis.	576	Sinus Cumanæ.	674.688
Curuzeli herba.	265	oppidum N. Mexico.	315
Cusco oppidum Peru.	448	Ferdinandi Norohnæ insula.	601
Cuyo provincia.	425	Ferrol portus Peruvix.	453
Cuyocan provincia.	237	Flamencos aves Cubæ.	14.687
Cuzcatan provinc.	334	Floridæ situs & limites.	213
		cæli solique qualitates.	215
		populorum mores.	218
		promontorium.	220
		Floripondio arbor.	229
		Flumen del Norte.	311. 312. 316
		Fonscæ sinus.	336
		Fontes mirabiles.	324
		Francia nova.	31
		Francisca fluvius.	352
		S. Franciscus del Quito oppid.	411
		de la Vittoria.	451
		de Campeche.	274
		flumen.	519
		Francisci de Ulloa expeditio.	293. 295
		Frenillo metalla.	288
		Frici cuniculi N. Regni.	379
			G.
		GAbueriba arbor Brasil.	559
		Gachepé portus N. Franc.	41.50
		Gagney arbor.	215
		Galæciæ novæ limites.	279
		indigenarum mores.	280
		Gallinaza avis.	407
		Garafu oppidum Brasil.	594
		Gaspar Cortereal.	31
		Gaura portus Peru.	439
		Gayra fluvius.	374
		S. Germanus Porto Rico.	4
		Giboya anguis.	554
		Golfo Dolce.	329
		Gomeribo mons.	618
		Gorgona insula.	596
		Gortones populi.	390
		Gotoguamey provincia.	677
		Goyane fluvius.	596

R E R V M.

Gowateri infula.	639	Guatulo portus.	263
Goyave arbor Brasil.	612	Guaxaca provincia N.Hisp.	238
Gracias à Dios oppid.	339	Guaxatecæ populi.	234-239
*Granada infula.	25	Guaxinango provinciâ.	234
oppidum Nicaraguæ.	343	Guaxocingo N.Hispan.	234
Granadilla fructus.	401	Guaxutla N.Hispan.	239
Gryalvæ fluvius.	278	Guayabo fructus.	227
Guayba fructus.	409	Guayaman infula.	341
Guaca avis.	575	Guayava infula.	341
Guacane provinc. Florid.	205	Guaylas Peruv.	440
Guacepe regio.	332	Guymures populi Brasil.	547-586
amnis.	333	Guayra portus Venezuelæ.	678
Guacariga avis.	556	oppidum la Plata.	529
Guachachiles populi.	281	Guayangareo Mecchuacan.	268
Guachacoya provinc. Florid.	205-207	Guaytecopia anguis.	554
Guadacheri Peruv.	444	Guazacoaleto N. Hispan.	261-262
Guadalayata provinc. & oppidum.	282	Guevellan oppidum Socónusco.	327
Guadalajara de Buga, Popayan.	324	Guairuba avis Brasil.	556
Guadalupe infula.	25	Guirapanga avis Brasil.	557
Guadiana vallis.	288	Guiratinga avis.	575
Guadaquinaya animal.	390	Guirauplagara anguis.	554
Guajaquil oppidum.	416	Guaranhe enyera avis.	557
Guajabo arbor vide Guajavo.	1	Gyromon planta Brasil.	614
Guajana provincia.	625		
Guainimique avis.	556	H.	
Guainumi cancri.	574	HAbascon radix.	90
Guayava arbor.	357	Hacari vallis Peru.	439
Guallabamba Peruvizæ.	431	Haguaro fluvius.	337
Guallaripa Peruv.	436	Hatac provincia.	301
Gualli fluv. Popajan.	391	Hazez radices Floridæ.	215
Guambacho vallis Peru.	429	Hatibonico fluvius.	8
Guambia provinciâ.	392	Hatorasko Virginie.	94
Guanchuco provinc. Peru.	441	Hatuncolla Peruvizæ.	48
Guaman fluv. Peru.	429	Havana portus Cubæ.	17
Guamanga urbs Peru.	445	Hay vel Hauthi animal.	554
Guamaræ populi.	281	Hayna fluv. Hispaniolæ.	8
Guamaræ Salinzæ.	605	S. Helenæ promontor. Florid.	96-120
Guamoche fructus.	280	Sphærule.	217
Guanobo infula.	11	Heanes populi.	315
arbor.	356	Henequeni vel Nequen herba.	348
Guanaci oves Peru.	405	Hernandi de Alarcón navigatio.	305
Guanajæ infule.	341	Herigh radix Brasil.	569-614
Guanape vallis.	428	Hibucera provinciâ.	337
portus.	453	Higillo pintado fructus.	2
Guanaxuali fodinzæ.	269	Higuero arbor.	227
Guancavelicæ fodinzæ.	447	Hirara animal.	553
Guance populi.	441	Hispaniola infula.	58cc.
Guanihani infula Lucaya.	22-32	Hispaniæ Novæ limites.	221
Guanima infula.	22	cæli foliquæ qualitates.	ibid.
Guanooco oppidum Peru.	442	Hitauchin oppidum.	579
Guao arbor.	2	Hivourae cortex.	562
Guara avis Brasil.	575	Hobo arbor.	356-382
Guaraniæ populi.	526	Hochelaga oppidum.	44
Guaraqumya herba.	567	Holli refina N. Hispan.	223
Guataz provincia Peru.	442	Hondura provinciâ.	337
Guarco vallis Peru.	435	Horaba vallis.	285
Guarmey vallis Peru.	429-433	Horikani populi.	71
Guafacapan provinciâ.	527	Horios arbor Darien.	355
Guasco vallis.	485-496	Hormige infula.	21
Guastepeque N.Hispan.	233	Honuro Peru.	456-465
Guatao infula.	22	Hubates populi.	113
Guatapori fluvius.	374	Huex fluvius.	301
Guatemala provinciâ.	317-330	Hum fluvius.	524
Guatilan N. Hispan.	234-237	Humfredus Gilberti Anglus.	34

INDEX

de Gua

R E R V M.

Leon de Guanaco Peru.	443	Manegua infula.	22
Lesquemin portus N. Franc.	40	Manhattz barbari.	72
Letter-hout.	643	Mani radix.	400
Lignum nephriticum.	227	Maniar Blanco fructus.	403
Sanctum.	2	Manima anguis.	376
litteratum.	643	Maniot radix.	615
Lile vallis Popajan.	391	Manitones divinatores.	50
Lima Conventus Juridicus.	426	Manmanuri fluvius.	646
metropolis Peruviz.	430	Manoa urbs Guajanæ.	653
Limatambo Peruviz.	447	Manobituberes Brasil.	368.615
Limo fluv. Guajanæ.	655	Manotipano infula.	655
Limpi minium.	447	Manta pagus Peruviz.	415
Liquidambar N. Hispan.	222	Mantane fluv. N. Franciæ.	43
Llanos de Carora Venezuelæ.	680	Mapure Guajanæ.	660
Lobus ex Wingandecouw.	89	Maquowac animal.	91
Loiola oppidum Peru.	423	Maracapana.	685. seq.
Lopi populi Brasil.	550	Maracaybo lacus.	685
Loquillo montes.	1	Maracocks fructus Virginiz.	81.82
Loxa oppidum Peru.	418	Maracou fluvius.	609
S. Luzæ infula.	306	Maragnanæ provinc. descriptio.	607
Lucanes populi Peru.	438	Infula.	608
Lucayæ infulæ.	21	Maranshewaccæ populi.	637
Lucayoneque infula.	22	Maraquites populi Brasil.	548
S. Ludovicus Tampice.	249	Marata regnum.	198.302
S. Ludovici Cataractes.	45	Marci de Niza iter.	297
Luifa fluvius.	2	Marequita oppidum.	383
Lunaguana vallis Peru.	435	Mares fluvius Cubæ.	16
S. Luzia infula.	25	S. Margaritæ fluvius.	40
		Margarita infula.	667
		Margayates populi.	584
		Marigalante infula.	26
		S. Maria del Puerto Hispaniol.	10
		el antiqua de Darien.	358
		de los Lagos.	282
		infula Chiles.	487
		Maripenda frutex.	264
		Mariquina vallis Chil.	493
		Marraw in fluvius.	646
		S. Martha præfectura.	370
		oppidum.	371
		infula Lucaya.	22
		S. Martini infula.	26
		fodinæ Zacatecas.	188
		montes.	263
		Martyres infulæ.	22
		Mafaya provincia.	343
		Mafachulety populi.	65
		Massawomecky populi.	79.86
		Matança portus Cubæ.	19
		S. Mathæus Florida.	219.220
		Matalzingo N. Hispan.	234
		Marecellu herba.	402
		Matinino infula.	26
		Matlalitzic radix.	266
		Matouwackes populi.	72
		Mattahunty barbari.	65
		Mattoori infula.	639
		Mattoume fructus Virgin.	81
		Mavila provinc. Florida.	103
		Maule fluv. Chiles.	497
		Maurity terra Austral.	514
		Mayaguana Infula.	22
		Mayeri infula.	639
		Mayi barbari.	641.
			May-

M.

Maca avis Peru.
Maçanilla frutex venenatus.

Macao avis Brasil.
Macarey infula.
Mackwafy populi N. Belg.
Macocquer fructus Virgin.
Macouna faba Brasil.
Macucagua avis Brasil.
Macuraguay civitas.
Macuria fluvius.
Madiopera fructus.
Madrigal oppidum.
Magdalenæ fluvius.
Magallanica provincia.
Fretum.

Maga arbor.
Maguana provincia.
Maguey arbor.
Mahikani populi N. Belgii.
Maus fluv. Florida.
Mala vallis Peru.
Malabrigo portus.
Malcbarre portus.
Mallabauquen lacus.
Maltepeque N. Hispan.
Mama provinc. Peru.
Mamazæ cervus N. Hisp.
Mamey arbor.
Mamoera arbor Brasil.
Mana fluvius Guian.
Manati piscis Leon.
Mandioca radix.
Mangaba arbor.
Mangua arbor.

415
2
556
22
73
88
568
557
655
648
550
395
369.385
501
504
2
8
218
73
208.210
434
453
57
493
234
443
232
276.386
563
656
6
564
558
575.611

May-

Maypouri animal.	643	Molopaques populi.	550
Mayz provinc. Cubæ.	15	Mona insula.	5
Mayziun far Americanum.	88	Monahigan insula.	68
accurate descriptum.	320. 329	Monges insula.	689
Mazulan insula.	291	Montagneti populi N. Franc.	48
Mecaddacut N. Angliæ.	64	Monte Chitilo Hispaniolæ.	11
Mecaxuchitl herba.	231	Mons S. Pauli Brasîl.	538
Mecetia fluvius Guajanæ.	640. 646	Guariparim Brasîl.	597
Mechuacan provincia.	263	Seredo la Plata.	526
radices.	266	Monferrate insula.	26
Mchilla oppid. Jamaicæ.	20	Montineante herba.	271
Menane insula N. Franciæ.	54	Mopox provinc. & oppid.	368
Mendocinum promontor. Californ.	309	Moqui populi.	316
Menego Insula.	38	Morahicanî populi.	71
Mendoza oppidum.	495	Moranta promontorium.	21
Mehquit insula.	39	Morembaya Insula.	597
Menutto barbarorum dæmon.	75	Morequitus Guajanæ.	653
Mepenes populi.	530. 535	Moreshego provincia.	646
Mequarætæ populi.	525	Morocotes populi.	527
Merida oppidum Yucatan.	274	Morouma provincia.	536
oppidum N. Regni.	383	Morro hermofo.	369
Messamines fructus Virgin.	81	Morreno.	466
Mestitan N. Hispan.	234. 250	de S. Pablo Brasîl.	598
Meta fluvius.	651. 652. 656	Mortuinos fructus Perû.	410
Metl five Maguey.	228	Moruga Guianæ.	639. 649
Meuruti-ve arbor.	612	Mosse animal.	68
Mexicanæ provinc. limites.	233	Motayæ populi Brasîl.	550
lacus.	235	Morilones Peruvizæ.	441. 656
Metropolis.	245	Motin ora maris Pacifici.	293
Mexicana nova.	309. 311	Motupe vallis Peru.	426
Mexicanorum mores & regimen.	239	Mouçouru sinus.	606
idioma.	241	Mounin fluvius.	609
Reges.	243. 244. seq.	Moxæ populi N. Regni.	379
Mexicalzingo N. Hispan.	237	Moxina portus Cumanæ.	688
Miary fluvius.	609	Moxi populi Peruvizæ.	451
Migan cibus barbarorum.	49	Moyobamba provincia Peru.	441
De Neveri oppidum.	676	Moyron avis.	615
Miges populi.	262	Muccumbro insula.	640
Michatoya fluvius.	331	Muccerou Brasîl.	606
S. Michael oppidum Mechuacan.	269	Mucofo provinc. Florid.	100
prov. & oppid. Guatemalæ.	316	Mucuruge arbor Brasîl.	558
oppid. N. Regni.	330	Munbacho vulcanus.	343.
de Piura oppid. Peru.	410	Murtilla fructus Chil.	482
de Ribera oppid. Peru.	439	Murucucy herba.	566
oppidum Tucuman.	532	Musi populi N. Regni.	381
Culvacanæ oppid.	285	Muspa Floridæ.	220
Fretum.	360	Musquapenne radix Virgin.	81
S. Milan insula.	340	Musfascus animal. Virgin.	82
Mimbres vada.	22	Mutaquesunnauk fructus Virgin.	91
Mio venenata herba Peru.	445	Mutu avis Brasîl.	557
Miramumini populi Brasîl.	579		
Miraflores oppidum Peru.	457	N.	
Mirapovos insula.	21	Naco provinc. Hondur.	339
Misque oppidum Peru.	462	Nacolor fructus.	343
Miteca provinc. N. Hispan.	260	Naguatlati Mexicanî.	220
Mitla fluvius.	233	Naguatex provinc. Florid.	205
Mixes populi.	261	Nahicani populi.	71
Mizquid arbor N. Hisp.	218. 264. 280	Naimkek provincia.	66
Mocha insula.	490	Nana vel Ananas.	505
Mogu fluvius.	624	Nandamund. fluv. Virgin.	78
Mohina juxta Cusco.	456	Napi fructus Guianæ.	644
Motui animal.	5	Napuluca N. Hispan.	254
Moire animal.	637	Nasca vallis Peru.	438
Molle arbor Peru.	403	Nasturtium Peruvianum.	401

Nara oppidum.	351	Ongol planities Chil.	494
Naticotēc insula vide Assumption.	40	Ontiveros oppid. la Plata.	529
Navaza insula.	12	Opascon animal Virgin.	82
Nawazii populi.	71	Openauk fructus Virgin.	90
Nebicerini populi.	45	Opon montes N. Regni.	177
Nequecheri provinc.	143	Opotari montes Peru.	451
Nequen herba.	343	Oqui Dæmon Canadensium.	50
Nesticpaca regio.	331	Orchilla insula.	687
Neveri fluvius.	675	Orellanæ expeditio.	626
Nexapa vallis.	262	Orenoque fluv. descriptio.	649
Neyba fluv. Hispaniolæ.	3	Orenoqueponi barbati.	655
provinc. N. Regni.	378	Organos cautes.	18
Nieves insula.	25	Oritan oppid. Jamaicæ.	20
Nicaragua provincia.	341	Orocomay provincia.	677
Nigua insectum.	5	Oropesa urbs Peru.	947.462
fluvius Hispaniolæ.	8	Oruro vide Horturo.	
Nicoya provincia.	344	Ortigizæ fletum.	342
Ninganis portus.	38	Osachile provinc. Florid.	100
Nipiliterinorum lacus.	46	Ostorno oppid. Chil.	424
Nixapa provincia.	334	Otabalo Peruvizæ.	411
Nizao fluv. Hispaniolæ.	8	Otomies populi N. Hispan.	234.243.252
Nochli Tuna.	229	Otzumba N. Hispan.	234.254
Nombre de Dios oppid.	352	Ouacoury arbor Brasíl.	612
municipium Zacatecas.	288	Ouara piscis.	616
Nombre de Jesús Magallanic.	513	Ouaycho avis.	615
Norumbega N. Franc.	55	Ourou avis.	615
Nostta Sennora de la Paz Peru.	460	Ouygoudy flu. N. Franc.	54
de Catvaleda.	682	Ouyra-Ouassou avis.	615
de la Vittoria Tabasco.	276	Ouyty piscis.	616
del Assumption.	529	Ozama fluv. Hispaniolæ.	8
de Talavera.	532		
de Concepcion.	540		

P.

O.

O Bahaya insula.	19	Paca animal Brasíl.	551.618
Oca cibus Collao.	400	Pacamo piscis.	617
Ocali provinc. Florid.	100	Pachacama vallis Peru.	434
Ocanna S. Marthæ.	374	Pachami populi N. Belgii.	72
Ocaywita insula.	655	Pacheta insula.	361
Occam fluv. Virgin.	93	Paci oves Peru.	495
Ochariquini populi.	45	Pacoawe arbor.	563
Ochile provinc. Floridæ.	100	Pacoba arbor.	565
Ocoa portus Hispaniolæ.	11	Pacoury arbor.	613
Oconna vallis Peru.	439	Paezes populi.	324
Ocodan pagus.	233	Pag seu Pagne animal.	551
Ocougtanamines fructus Virgin.	81	Pagatouwr mayzium.	88
Ocpatri radix.	228	Paicani populi Peru.	468
Ojana amnis Guianæ.	656	Paita portus Peru.	421.425
Okindgier phaseoli.	88	Palma oppid. N. Regni.	383
Oke Virgin. Dæmon.	84	Palmarum fluvius.	220.251
Olanchò Hondur.	340	Insula.	325
Oleum ficus infernalis.	283	arborum species.	612
Olinda oppidum Brasíl.	592	Palta fructus Peru.	402
captum à Belgis.	594	Pamaque arbor.	224
Olmos municipium Peru.	420	Pamaunke fluv. Virgin.	79
Omaguez populi.	623	Pamplona oppidum N. Regni.	383
Omaguezæ populi.	356	Panama præfectura.	348
Omopalcarum fluv.	451	oppidum.	349.350
Omatsujo in Collao.	458	Panapana piscis.	576
Ombu arbor Brasíl.	559.613	Panches populi.	379
Ometepec fluvius.	263	Panuco provincia.	249
Ometopal provincia.	233	Panyanajou piscis.	617
Oncajare insula.	639	Pao fluv. Guianæ.	656
Onda portus mediterraneus.	395	Pao Amarello Brasíl.	395
		Papæ radices.	400.412
		Papajæ arboris icon.	663

Ecc

Papæ

I N D E X

Papamene fluv.	656	Peruvianorum scientiæ	478	S. mores domestici	479
Papaula provincia.	534	Petaitan fluvius.	285	297	299
Paqual vallis.	431	Petiguare popul. Brasíl.	546	548	601
Para fluvius & arx.	624	Petockenock N. Angliæ insula.	71		
Paraca ventus Petu.	437	S. Petri oppidum Hondur.	339		
Paragoana península.	681	fluv. Floridæ.	210		
Paraguay fluvius.	523	& Pauli fluv. N. Hispan.	259		
Paraiba fluvius.	584	Insulæ N. Franc.	36		
præfectura & oppidum.	600	& Pauli fluv. Californ.	292	293	
Paranafluvius.	522	Phalangium monstruosum Brasíl.	569		
Paranamiri fluv.	606	Phatilitiranda herba.	217		
Para-weque fluvius.	79	S. Philippi oppidum.	269		
Parcos fluvius Peru.	443	& Iacobi oppidum.	287		
Parcottæ populi.	647	oppidum porto Belo.	334		
Parcoulli Reguli barbarorum.	210	Piaflta fluvius.	284	291	
Paria provinc. Peru.	461	Piatzala provincia.	184		
alia provincia ad Continentem.		Picara provincia Popajan.	389		
Pariaacæ montes Peru.	435	Pichen pix fossilis.	662		
Parilla oppidum Peru.	428	Picoy in Petuvia.	444		
Parime Lacus Guajanæ.	648	Picuries populi.	315		
Parinacocha Peru.	436	Pilcomayo fluv. Charcarum.	462		
Paripamotu provincia.	676	Pillotoi harioli N. Franc.	47		
Parmonga vallis.	429	Pinahuizixhuid N. Hispan.	231		
Parnagua Lacus.	539	Pincos provinc. Peru.	442		
Pascamayo vallis.	427	Pinna fructus.	6		
Pascuarum Mechuacan.	269	Pinnones de Brasíl.	226		
Passagnates populi.	310	Pinorum insula.	360		
Pasto provincia Peru.	393	Pipeles populi.	333	334	
oppidum ibidem.	394	Pipet Tabascensc.	277		
Patarabuyes populi.	310	Piqueri fluvius la Plata.	525		
Patawomeke fluv. Virgin.	79	Pitapem piscis Brasíl.	616		
Pati fluvius N. Regni.	380	Piti populi.	315		
Patia vallis.	393	Pisca fluvius & oppid.	437		
Patiguatato Cumanæ.	677	Pisces leporino capite.	42		
Pato fluvius Guajanæ.	652	Piscobamba provinc. Peru.	442		
Patonala N. Hispan.	656	Pita herba.	394		
Pavane cassafra.	233	Piura vallis Peru.	420		
Paucuta provincia.	215	Pixaj populi.	394		
Pauhatan fluv. Virginiz.	389	Pizagua fluv. Peru.	466		
Regulus provinciz.	78	la Plata oppidum Peru.	461		
S. Pauli municipium.	85	Plaianus Americæ arbor.	403		
Pawtuxunt fluv. Virgin.	380	Plymoutha nova N. Angl.	69		
Payco herba Virginiz.	673	Pocabuyes barbari.	679	685	
la Paz oppidum Peruviz.	491	Pocana Peruv.	462		
Pehuame planta.	460	Pochutece populi.	327		
Pejai divinatores barbarorum.	265	Pockiero animal.	643		
Pekey arbor.	631	Pocones radices.	81		
Pemmenauw Virginiz.	84	Poechos vallis Peruv.	420		
Pomtougouet fluv. N. Franc.	55	Pola insula.	23		
Penguins aves, Icon.	51	Pomatambo Peru.	450		
Pennobscot fluv. N. Franc.	55	Pompoqua arbor N. Hisp.	225		
Pepini fructus Peruv.	55	Popajan provincia.	384		
Bequatoes populi.	400	oppidum.	385		
Pequea arbor.	71	Popocatepec Vulcanus.	233	254	
Percefluvius.	559	Popogulfo Virginiz.	25		
Perico portus Panamæ.	623	Porco argentifodinæ.	463		
Pernambuc Capitania.	349	Pories populi Brasíl.	549		
Pernacapiabz montes.	352	Potro Seguro Brasíl.	185		
Peruvia generalis descriptio.	397	Porto Rico utbs à Belgis capta.	3		
divisio in provincias.	408	Potius regalis N. Franc.	52		
Peruvianorum regum series.	469	Belus.	313		
regimen politicum.	471	de Cavallos.	339		
populorum religio.	474	Poteingi fluv. Brasíl.	603		
testa 476. Idioma.	477	Potosi oppidum.	463		

R E R V M.

Poyucat in Brasilia.	591	Quinibequi fluvius.	55
Pozo provincia.	589	Quiquixana Peru.	456
Promontorium S. Antonii.	18	Quirandies populi.	526
S. Crucis.	17	Quires populi.	312.313.315
de Raz.	32.34	Quitepejes populi.	
S. Augustini.	598	Quidavaca N. Hisp.	237.246
S. Francisci Peru.	424	Quito provincia.	408
de Passaos Peru.	424	oppidum principale.	411
S. Helenæ Peru.	424	Quivira provincia.	301.302.304.316
Guarco Peru.	453	Quiximies fluv.	424
S. Nicolai.	453	Quixos provincia.	421
S. Laurentii.	454		
Virginum Magallan.	595	R.	
Hornanum.	517	R Amada municipium.	374
S. Mariæ la Plata.	523	Rameæ insulæ.	39
Frigidum Brasil.	597	Raonoack Virginiz.	93
S. Thomæ Brasil.	597	Ráwocomenes fructus Virgin.	81
de la Vela.	690	Redonda insula.	26
S. Romani.	688	Regni novi Granatenfis prima inventio.	377
Pucura Peruviz.	457	limites & qualitates.	378
Puchuca.	235	Rejaleia portus Nicaragua.	343
Puebla de los Angeles.	253	Reverfius piscis.	6
Puerto de Plata oppidum.	10	Rhiobamba Peru.	413
del principe oppid. Cubæ.	16	Richardus Haw kinus Anglus.	508
Vejo oppidum.	416	Rio de la Hacha præfectura.	375
Pulches populi.	493	Rio de la Plata præfectura.	521
Puna insula Peru.	425	flumen.	522.523. &c.
Puntzumeti herba.	265	Rio de las Amazonas.	616
Puraque piscis.	572	descriptio secundum Ang.& Belg.	630
Puren provincia Chiles.	488	Rio de Ianera præfectura Brasil.	581
Purchamines fructus.	80	Rio Grande de præfectura Brasil.	603
Pyra Brasilianis piscis.	573	Rio Bermejo fluv. Tucuman.	514
Pyra-ypouchi piscis.	573	S. Francisco la Plata.	539
Pyrain piscis Brasil.	617	Tinhare Brasil.	598
Pyraon piscis Brasil.	616	das Contas Brasil.	598
Pyrahaja fructus Popajan.	389	S. Francisco Brasil.	598
		de Patos la Plata.	539
		Rocca insula.	687
		S. Rochi vada Brasil.	603
		Roncador vadum.	340
		Roucou tinctura.	610
		Roxo promontorium.	4
		Rucma fructus Peru.	402
		S.	
		S Aba insula.	26
		Sacatlan oppidum Chiapæ.	326
		Sacquemummener radix.	
		Sagadahoc fluv.	55.65.66
		Sagamos reguli barbarorum.	53
		Sagovin animal.	533
		Saguenay fluv. N. Franc.	41.43
		Salma provincia.	655.655
		Salado fluvius.	532
		Salamanca oppidum Yucitan.	275
		Salta Tucumanæ oppidum.	533
		Salvaleon oppid. Hispaniolæ.	10
		S. Salvatoris oppidum.	16
		provincia Guatemalz.	333
		oppidum ibidem.	335
		oppidum la Plata.	530
		oppidum Brasiliz.	589
		Samana insula.	23
		fretum Hispaniolæ.	12
		Sandia Peruviz.	451

I N D E X

Sangalla Peruvia.	433	Suchimilco N. Hispan.	257 243
Sanhikanos populi N. Belg.	72	Suchitepec provincia.	317
Sankikanorum idioma.	75	Synnamari fluv. Guianæ.	646
Santa alias Parilla vallis.	418		
Santos oppidum Brasíl.	579		
insulæ Canibal.	27	T.	
Saometo insula.	33	T Abago insula.	663
Saona insula.	12	Tabagos festa barbarorum.	50
Sapanapooc Amazon.	631	Tabasco provincia.	276
Sapeno Amazon.	631	Tabocuru arbor.	2
Saquenukot animal.	91	Taboga insula.	360
Sarabo piscis.	617	Taboucouru fluv.	609
Sarname fluvius.	647	Tacambaro provincia.	271
Sarrope insula Florid.	211	Tacana provincia Peru.	451
Sasquesahanoky populi.	79	Tacatacouri fluv.	213
Sassafras arbor.	216	Tacunga Peruv.	415
Skicoack oppid. Virgin.	93	Tadoulfac portus N. Franc.	41
Scorzonera herba.	373	Taguamaj populi.	527
Scotia Nova.	61	Tajahugh fluv. Brasíl.	539
S. Sebastiani oppidum Chiametlæ.	284	Tajaoba herba.	566
del Oro N. Regni.	383	Tairona montes & vallis.	370.371
de la Plata Popajan.	395	Taiza fluvius.	271
Insula Brasíliæ.	581	Talavera oppidum Tucuman.	532
Sebaldi de Weert navigatio.	509	Talamameque oppidum.	373
insulæ.	511	Talina amnis in Charcis.	536
Seeckanauck piscis.	56	Taliffa provincia.	103
Segovia oppidum Nicaragur.	343	Talpuiguna fodina N. Hispan.	269
oppidum Venezuelæ.	683	Tamacox populi.	527
Segura oppidum N. Hisp.	255	Tamales placente.	322
Seloy fluvius Floridæ.	212	Tamandua animal.	551.618
Sequana fluv. Florid.	208	Tamaraca præfectura Brasíl.	596
Sequines populi N. Belgii.	71	Tambos Peruviz.	410
Setena oppidum Chiles.	485	Tamoata piscis Brasíl.	677
Sergippe del Rey Brasíl.	590	Tamochala fluvius.	285
Serrana insula.	213.41	Tamorim provincia.	314
Sesambre Insula N. Franc.	51	Tamovata piscis.	576
Sevilla oppidum Jamaicæ.	20	Tampa Floridæ.	220
del Oro los Quixos.	412	Tampice oppidum.	249
Sewrano fluvius.	647	Tangara avis Brasíl.	557
Shebaj populi.	641	Tangares populi Cumanz.	674
Siara præfectura Brasíliæ.	606	Tani populi.	315
Siccanamos fluv. N. Belgii.	71	Tanne fluvius Cubæ.	35
Siete Corrientes oppid. la Plata.	525	Tansitaro provincia.	271
Simarones qui sint.	550.361	Táperica insula.	587
Sinnamari fluv. Guianæ.	646	Tapity animal.	618
Sisal Yucatan.	276	Tapuyotepete provincia.	621
Siquifica Peruv.	460	Tappaans populi.	72
Siwanois populi.	71	Tapuca fluvius.	539
Skallapa oppid. N. Hispan.	250	Tapujæ populi Brasíl.	547
Socabones metallicorum.	447	Tapyrete animal.	551.618
Soconusco provincia.	326	Taquari fluvius.	526
Solana vallis Peru.	410	Tarapaça vallis Peru.	439.466
Sombrero insula.	27	Tararequi insula.	360
Sombrereto metalla.	283	Tarama provincia.	443
Somona fluv. Floridæ.	208	Tarasçi populi.	267
Sonfonate oppidum.	335	Tarehute piscis.	617
Sorame fluvius.	647	Taria vallis.	534
Sora potus.	342	Tarixa municipium.	462.534
Soræ populi Peru.	446	Tarracoa provinc. Guajanæ.	656
Soriquosii populi N. Franc.	52	Taruga animal Peru.	406
Soroborum fluvius Brasíl.	581	Tascaluza Floridæ regulus.	103
Spiritus Sancti oppid.	583	Tasco provinc. N. Hispan.	238
sinus Floridæ.	99.101.210	Tata avis Brasíl.	615
Suchiles N. Hispaniæ.	229	Tatabe provincia.	363
		Tatou animal Armadillo.	552.618
		Taxi.	

R E R V M.

Taximaroa N. Hisp.	234.263	Tomahavi ventus	463
Tayacutigica fues.	551	Tomina municipium.	463
Tebæ populi.	315	Tominçi aviculæ.	516
Teca far Chilense.	482	Tomomyni populi Brasil.	549
Tecomahaca resina.	223	Tompitès populi.	315
Tecoantepec provincia.	263	Ton infectum.	555.
Temachalco N. Hisp.	255	Tono montes Peruv.	451
Tembuyes populi.	425	Tonteac regnum.	298.302
Teneriffe oppidum.	373	Toppahanock fluv.	79
Tenyaucà N. Hispan.	234	Topia provincia.	289
Teoæ populi.	315	Topinambazex populi.	548
Tepeaca provincia.	255	Topinakes populi Brasil.	549
Tepeaquilla mons.	234.236	Tora N. Regni.	377
Tepeamatl arbor.	225	Tortuga insula Hispaniol.	12
Tepeco provincia.	233	juxta Margaritam.	686
Tepique provincia.	282	juxta Floridam.	
Tequipatl animal.	324	Torocke fructus icon.	632
Terra Nova insula.	32	Totoquestal ayis.	324
incolæ illius.	34	Totorà in Lacu Titicaca.	458
Tescuco N. Hispan.	234.237	Toucan avis.	615
Testigos insulæ.	668	Toucon-uve arbor.	612
Teuchtla cozaquin anguis.	252	Tououpinambauley populi.	583
Texcalamatl arbor.	225	Toyma vallis Peruv.	450
Tezhuatl arbor.	229	Tragabigzanda promontor.	66
Thecomates fructus.	227.281	Trapalanda regio.	531
Thomebamba provincia Peru.	414	Triangulo insula.	23
S. Thomas de Castilla oppidum.	339	Trinidad insula.	661
Orenoques oppidum.	660.661	oppidum Cubæ.	16
Insula in mari Austr.	292	municipium Guatemalz.	336
Tiaguanaco Peru.	459	oppidum Veraguæ.	346
Tiguares populi Brasil.	601	oppidum N. Regni.	382
Tiguez provinc. N. Galac.	304.309.312	promontorium Californ.	296
Timana oppid.	394	Truxillo oppidum Hondur.	339
Timbæ populi.	391	oppidum Popajan.	395
Timbo herba Brasil.	567	oppidum Peru.	427
Timbues populi.	526	oppidum Venezuelæ.	684
Tinmocou piscis.	617	Tucan avis Brasil.	557
Tintoques cornu terræ.	290	Tucapel provinc. Chil.	488
Titicaca Lacus Collao.	458	Tucumana provincia.	531
Tivitivæ populi.	648.661	Tucuara Cannarum species.	568
Tizatallì N. Hispan.	235	Tucuyan provincia.	300
Tlalamatl N. Hispan.	265	Tucuyo provincia & oppidum.	684
Tlamiz potus.	322	Tuculula N. Hispan.	233
Tlapa provincia N. Hisp.	233	Tula N. Hispaniæ.	239
Tlapalezpatl arbor N. Hisp.	227	Tumbez vallis Peru.	420
Tlaquatzin animal.	232	Tunatum species.	229
Tlascala provincia.	251.252	Tunia provincia.	378
oppidum.	253	oppidum.	383
Tlatlanquaye N. Hispan.	231	Tupax provinc. N. Hisp.	234
Tlaxco provinc. N. Hispan.	234	Tupiguzæ populi.	546
Tililayoric gemma N. Hispan.	232	Tupinambæ populi.	546.619
Tilxochitl N. Hispan.	230	Tupinaquini populi Brasil.	546
Toa fluvius.	2	Tupinikinsk populi.	579
Tobo fluvius Amazonum.	630	Tuqueme vallis.	426
Tobosi populi.	310.315	Tuspæ montes.	259
Tocayma urbs.	380	Tutepeque provincia N. Hispan.	233.261
Tockawouge radix Virginizæ.	81	Tyroqui herba.	567
Tockwogh fluvius.	86	Tzinacan Cuitlaquahuitl.	214
Tocobaga Floridæ.	220	Tzopilotl avis N. Hispan.	232
Toiigua fluvius Brasil.	597		
Tolten fluv. Chiles.	493		
Tolu oppidum.	367		
Toluca N. Hispan.	234		
Tonala ora.	333		

V.
VAcapa provincia. 297
Valdivia oppid. Chiles. 493.499
Valencia nova oppid. Venezuelæ. 682
Vallø.

I N D E X

Vallodolid oppid. Mechuacan.	268	Vua-ete fructus Brasil.	614
oppid. Yucatan.	274	Vxitipa provincia.	287
oppid. Honduræ.	338	Vyapari fluv. Orenoque.	651
oppid. Peruviz.	423	Vza piscis.	574
Valparayso portus.	486		
Valuerdo municipium Peru.	436	W.	
Vbirre piscis Brasil.	573	WAcatina montes Guianæ.	655
Vega Real Hispaniolæ.	8	Waccewayi populi.	649
Veja Insula Lucaya.	23	Wainari fluvius.	637.638
Venezuela provincia.	678	Walrus animal.	38
Vera Cruz oppidum N. Hisp.	256	Waltheri Ralegi prima expeditio.	653
Veragua provincia.	345	postrema expeditio.	658
Verapaz provincia.	327	Wamenbec arbor.	613
Vetchunquoy animal Virgin.	83	Woranceky populi.	72
Viachain Charchis.	459	Waperg terra sigillata.	91
Viatan populi Brasil.	546	Wapenoky populi.	71
Vicunna animalia Peruv.	406	Waracayari fluvius.	656
Vilcabamba Peru.	447.450	Waraka pemme Dorada piscis.	571
Villa de las Palmas.	373	VVarana wancougy populi.	72
del Espritu Santo N. Hisp.	282	VVasebur tinctura.	92
de los Llagos N. Hisp.	269	VVaytaquasæ populi.	549
de Maria.	368	VVayanassæ populi.	549
Villacuri vallis.	437	VVayana wafones populi.	550
Villarica oppidum Chilæ.	493	VVerawocomoco Virgin.	79
Vinaque fluv. Peru.	445	VVeroans reguli barbarorum.	92
S. Vincentii Insula.	27	VVia fluvius.	639
præfectura Brasiliæ.	578	VViapoco fluvius.	636
oppidum Brasil.	579	VVichfacan radix.	81
Virafon Hispanis quid notet.	5	VVickonzour pisa.	88
Virgines insulæ.	27	VVigcomoco fluvius.	86.79
Virgo Corda insula.	27	VVikiri populi.	655
Virginia in qua Angli habitant.	77	VVinauk tassafras Virgin.	92
populorum illius mores.	83	VVingandocoa provinc.	93
varii fructus.	80	VVinicapora fluvius.	656
Virtibatacuxi provinc. Floridæ.	100	VVinipoco fluvius.	638
Vitacuchi provincia.	100	VVokokon insula.	93
Vitangue provincia Florid.		VViquiri populi.	653
Vites silvestres Americæ.	323		
Vitici populi Peruv.	442	X.	
Vittoria de Guamanga.	445	XAguz populi.	651
de los Remedios N. Regni.	383	arbores Cubæ.	13
Vivora insulæ seu Cautes.	41	arbores N. Regni.	381
Vizcacha animal.	407	Xahuali arbor.	226
Vizcaya nova.	289	Xaianca vallis Peru.	426
Vlc resina N. Hisp.	223	Xalapa N. Hispan.	257
Vlua fluvius.	337.340	radix Mechuacan.	266
Vnare fluv. Cumanæ.	676.678	Xalatacum N. Hispan.	234
Vnau animal monstrosum.	618	Xalisco provincia.	283
Vnionum insulæ.	360	Xalxocod arbor.	227
Vnni fructus Chil.	482	Xamundi fluvius.	392
Vpaba Brasil.	538	Xaquixaguana vallis.	447
Vpec avis Brasil.	616	Xaragua provinc. Hispaniol.	8
Vppee frondes.	645	Xarayes populi.	525.527
Vrabæ fretum.	357	Xarapisca N. Hispan.	223
provincia.	368	Xauxa vallis Peruv.	443
Vrapo lignum.	639	Xeræ de la Frontera Guatemal.	336
Vramarca provincia.	446	nova Venezuela.	682
Vri populi Peruviz.	458	de la Frontera Zacatecas.	289
Vixæ metalla.	346	Xicalan provinc. N. Hispan.	271
Vray fluvius la Plata.	524	Xicalango.	277.278
Vruvapa provincia.	271	Xicalapa fluvius.	327.336
Visan fructus Peru.	403	Xilotepecc N. Hispan.	234.238
Vila insula.	341	Xiloti quid sit.	322
Vtochwah piscis.	574	Xochicopalli.	223.264
		Xochi-	

R E R V M.

Xochi-ocozot liquidambar.	222	Yolloxochitl N. Hispan.	229
Xocoxochitl arbor.	277	Ypiti fluvius.	524
Xocoatl potio.	322	Ypupiapta Tritones.	572
Xuala provinc. Florid.	102	Yfcance Popajan.	396
Xuchimacaztli N. Hisp.	229	Ytapua Lacus.	529
Xunuara provincia Venezuel.	685	Ytaten fluv. Chil.	487.497
Xuta avis Peru.	415	Ytoco N. Regni.	383
Xuticalpa vallis.	340	Yucay vallis Peru.	450
Xuxuy vallis.	536	Yucatan provincia.	271
		Yuiapari fluvius.	651
Y.		Yuivy vallis vide & Xuxuy.	531
Y Abaque infula.	23	Yuma infula.	23
Yacunda piscis.	617	radix N. Regni.	379
Yacaranda arbor.	613	Yumeto infula.	23
Yachica arbor.	613	Yxlavaca N. Hispan.	234
Yaguana oppidum Hisp.	10	Yztacpalapa N. Hispan.	237
Yaguna infula Lucaya.	23		
Yalcones populi Popajan.	394	Z.	
Yandou avis.	616	Z Acanochtli arbor.	342
Yapu avis Brasil.	556	Zacatecas provincia.	288
Yaqui fluv. Hispaniolæ.	8	Zactheo infula.	5
Yaquimo provincia Hispaniolæ.	8	Zacarula provincia.	293.270
fluvius Cinalox.	286	Zacualco provincia.	280
Yarammacaron planta.	614	Zalango portus Peru.	424
Yarepa fluvius.	343	Zama provincia Peru.	451
Yare fluvius.	341.343	Zamba vallis.	363.369
Yayoi populi.	642	Zamora oppid. Mechucan.	269
eorum idioma.	ibid.	oppidum Peru.	418
Yanebouyre piscis.	616.644	Zana vallis Peru.	417
Ybonyapap mons.	623	Zapote arbor.	332
Ybague oppidum N. Regni.	383	Zapotecas provinc. N. Hisp.	261
Yca vallis Peru.	436	Zapuatan provinc.	284
Ycatlan provincia.	280	Zarbi fluvius.	382
Ychiaha provinc. Florida.	103	Zarza vide Loxa.	
Ycuinpatli herba.	230	Zarcaranna fl. vide Carcaranna.	
Yerin culex.	555	Zebaco infula.	344
Yecotl arbor.	228	Zeltales populi.	325
Yguarifongo provincia.	422	Zenu fluv. & provinc.	363.369
Yguazu fluvius.	526	Zeybo oppidum.	10
Ynagua infula.	23	arbor.	280
Ynaya arbor.	612	Zoques populi.	325
Ynchie fructus.	400	Zumi populi.	316
Yolatole potus.	322	Zuny provincia.	312

F I N I S.



Ad Lectores.

Licet studioſe operam dederim ut hi libri quam accuratiſſimè ederentur, tamen
operarum incuria pauca quædam errata irrepperunt, quæ corrigenda erunt.

PAg. 13. Lin. 2. lege Cap. ix. P. 71. l. 36. leg. *Nabicanos*. P. 72. l. 7. leg. *Sivpander*. P. 257. lin. 1.
leg. aut inſtitores. P. 267. l. 26. leg. Cap. xvi. Pag. 274. l. 10. leg. Cap. xxi. P. 309. l. 53. leg. *Eſpejo*.
P. 437. l. 31. leg. Cap. xxvi. & ita porro xxvii. xxviii. xxix. xxx. xxxi. xxxii. xxxiii. P. 471. l. 15.
leg. Cap. xiv. P. 472. l. 46. leg. Cap. xv. P. 478. l. 20. leg. Cap. xix. P. 479. l. 37. leg. Cap. xx. P. 525.
l. 40. Hiſpanorum coloniam, adde, quam vocant *Los Siete Corrientes*. P. 528. l. 40. leg. *Carcaranna*.
P. 542. l. 29. leg. *Cabralu*. P. 549. l. 47. leg. *Caburiba*. P. 551. l. 48. leg. *Canig*. 4. P. 558. l. 1. leg. Cap. viii.
P. 591. l. 2. leg. Septima Capitania. P. 596. l. 21. leg. Cap. xxvii. P. 600. l. 52. leg. *Mongianguen*.
P. 612. l. 10. leg. ſive P. 649. l. 50. leg. Cap. xviii. & ita deinceps xix. xx. xxi. xxii. xxiii. xxiv.
xxv. xxvi. xxvii. P. 655. l. 17. leg. *Manorpanam*. P. 675. l. 3. in margine dele Emerica. P. 683. l. 42.
leg. Cap. xviii. Monendum denique paginarum numeros poſt 104. integro centenario ad finem
uſque auctiores factos.

